


14, VII

27



HORTORVM LIBRI TRIGINTA.



Autore Benedicto Curtio Sympho-
riano, equite in Ecclesia
Lugdunensi.



*In quibus continetur arborum historia, partim ex
probatissimis quibusq, autoribus, partim ex
ipsius autoris obseruatione collecta.*



LVGDVNI

Excudebat Joannes Tornasius Typographus Regius.

M. D. LX.

In 2322

HORTONVM LIBRARIAT



Antonie Benedicto Comite Sympliciano
Episcopo in Ecclesia
Augustino

Episcopus Romanus
Episcopus Augustinus
Episcopus Augustinus



Episcopus Augustinus
Episcopus Augustinus
Episcopus Augustinus



BENEDICTO BVATIER
CANONICO ET CAMERARIO

ECCLESIAE COLLEGIATAE SANCTI

Pauli, ac Officiali Vicario Illust. & Reuerend.

Cardinalis à Turnone Archiepiscopi

& Comitis Lugdunensis,



Benedictus Curtius Eques in Ecclesia
Lugdunensi S.



*VM Hortos meos, quos iampridem scis
me parturire, sub pralum essem missu-
rus, eos nominis tui autoritate protectos,
in aspectum hominum lucemq. proferre
volui, tum quod hoc munimine fulti, li-
beri essent à calumnia quorundam, qui
ex eo putant, aucupari nomen literato-
rum, si alijs oblatrent ac eorum scripta
carpant ac dilacerent: tum etiam quod*

*ab officio recedere viderer si ingrato animo aduersus eum essem,
quem non vice mecænatis, sed pro ipso mecænate habeo: non quod
mibi arrogare velim, me, dum hoc opus tibi dico, gratiam tibi redde-
re, satis est mihi si quali animo erga te sim eo tester. Id tamen qua-
lecunque sit, hilari fronte accipies, ac in eo sinceritatem animi mei
potius quàm virium imbecillitatem considerabis. De laudibus agri-
culturae nihil dicam: satis enim constat ex veterum libris quanto in
pretio fuerit, hoc testantur M. Curius, M. Quintius Cincinnatus, M.
Valerius Corvinus qui passim à varijs autoribus ob hoc commen-
dantur, quod ijs dum ararent aut arbores sererent, aut aliud aliquid
in agro agerent, insignia magistratum à Pop. Rom. deferrebantur: Et
ipsemet Cyrus minor Persarum Rex, qui ut ait Cicero, maxi-
mam capiebat voluptatem in serendis arboribus ac eas in varios
ordines disponendo: alijsq. innumeri, de quibus antiquorum volumina
referta sunt. Atque utinam tam parui nunc non fieret agricultura*

ut villicis tantummodo ac agros incolentibus eius cura relinqueretur: ac eam amplecterentur etiam nobiles, ac urbium incolæ, quàm tranquillio rem iucundio remq; vitam viverent! quod ut illis aliqua ex parte persuadeam, hos hortos iam iam emitto, in quibus multa quæ ipsemet expertus sum scribo: reliqua autem ex quibuslibet probatissimis autoribus compilaui. Hoc igitur in bonam partem accipies, meq; semper in albo tuorum habebis.

Vale.



INDEX PRAECIPVARVM

RERVM QVAE IN HIS

TRIGINTA HORTORVM

LIBRIS CONTINENTVR.

A

- Abies.* 607 *Anima arborum.* 162
Abortus arborum. 317 *Anni in quatuor tempora diuisio, &*
Acer. 632 *adagia, ex τὸ ἐν αὐτῷ τὸ ἐὰν ἐξ-*
Adagia, Laureolam in mustaceis quæ-
rere, & δαφύλιν φέρω βακτη-
plav. 497 *Antiqui in hortis sepeliebantur, & de*
Adornatus hortorum, & quòd in his
statue repositæ fuerint. 127 *Cyri sepulcro.* 19
Adrachne. 645 *Aqua rosarum, & de rhodomelle & pa-*
Aesculus. 593 *stillis.* 669
Aetas transferendarum plantarũ. 274 *Aquisolium, & viscus, ligandis auium*
Aeternitas materierum arborum qua-
rundam, in quibusdam publicis ædi-
ficijs. 394 *pennis apta.* 638
Agallochi vires. 682 *Arbor loton, & est fabula, nympham in*
Agallochus. 682 *arbores lotum commutatam.* 464
Agaricum. 622 *Arbor quid, & qualiter à frutice, &*
Agricultura regibus grata fuit, maximè
verò hortorum, quos non segniter co-
luerunt. 142 *frutex à subfrutice differat.* 157
Alaternum, Laburnum, Celastrus, &
Aria. 645 *Arbor thurifera, in Carmania, & Ae-*
Alimentum arborum, & cibus. 342 *gypto nascitur: & de thuris faculta-*
Alnus. 628 *tibus, & fabula Lencothoes.* 423
Amicitia & inimicitia arborum, &
quarundam cognatio. 167 *Arbor vnaquaq; sub quo aëre sælicius*
Amænitates hortorum, & quàm miri-
ficè varijs nos rebus afficiant. 134 *proueniat, & vinat.* 251
Anomum. 655 *Arbores ablaqueanda, & quo tempore.*
Ammoniacum, & de Iouis Ammonis
oraculo. 461 303
Amor & societas arborum. 165 *Arbores ad vsu humanum, perquam*
Amurca olei, & eius vtilitates. 516 *necessaria, & de antiquitate illarũ.* 3
Amygdala amara. 570 *Arbores alienas furtim excidentiu pæ-*
Amygdalus. 568 *na.* 415
Anagros, de prouerbio Anagrym ne
rangiio. 661 *Arbores alie nonnullæ, ex quibus naues*
Anacardium. 459 *fabricata.* 399
Arbores aliquid præter genuinos fructus
gignere, ac de illarum humore. 200
Arbores anonymæ. 646
Arbores atlantica, & nonnullæ alie
Africa nuper reperta. 465
Arbores biferae, triferae, quadriferae, &
nonnullæ quibus semper inest fru-
ctus. 182
Arbores sælices atq; infælices, & de Ti-
mone Atheniensi. 179
Arbores sætura pressa, sublenanda. 340

INDEX.

<i>Arbores fructiferae & steriles.</i>	178	<i>in quibus plantarum quaedam genera prosperius & generosius viuunt.</i>	256
<i>Arbores in Tylo insula prouenientes, & in insulis Araxis fluuij.</i>	426	<i>Arbores urbanae & sylvestres.</i>	184
<i>Arbores nonnullae ad sacrificia prophanae.</i>	74	<i>Arbores urbibus, & alijs locis imposuisse nomina.</i>	27
<i>Arbores nonnullae aliae Indiae.</i>	457	<i>Arbutus.</i>	556
<i>Arbores nonnullae aliae Indiae priscis incognitae.</i>	458	<i>Arundinum genera.</i>	679
<i>Arbores nonnullas esse, ut balsamum, quae nullibi peregrinentur.</i>	189	<i>Arundinis natura & vis medica.</i>	680
<i>Arbores nonnullas esse, quae culturam aspernentur.</i>	302	<i>Arundo.</i>	678
<i>Arbores peregrinae.</i>	186	<i>Aronia sylvestris.</i>	559
<i>Arbores Persidis, & Ombrij insulae.</i>	427	<i>Ars & ingenium, naturam adiuvat & immutat, & de huius seculi negligentia.</i>	296
<i>Arbores quae cito, quae uero serius crescunt.</i>	343	<i>Aspalathum.</i>	659
<i>Arbores quae cito tardè uero ferant, quae uero per raro.</i>	349	B	
<i>Arbores quae florescant, fructum tamen non ferant: & e contrario, quae fructum sine flore emittant.</i>	182	<i>Balsamum, opobalsamum, & xylobalsamum.</i>	428
<i>Arbores quae parcius, quae uero fusius irrigari volunt: & de his, quae hoc respuunt & de alijs praeter aquam liquoribus quibus plantae oblectantur.</i>	309	<i>Barba louis.</i>	645
<i>Arbores quae stercoreari nolunt, & de calce & cinere, atque his, quae fimi loco iniiciuntur.</i>	306	<i>Bdellium.</i>	448
<i>Arbores quibusdam familijs, & hominibus nomina & cognomina dederunt.</i>	26	<i>Bellaria, & adagia, à Βυδνητων, ἐπιφύπνια, & Attica bellaria.</i>	11
<i>Arbores quo tempore amputanda, & de putationis norma.</i>	312	<i>Betulla.</i>	636
<i>Arbores quo tempore serenda sunt.</i>	246	<i>Breslum.</i>	455
<i>Arbores regionibus & fluuijs nomina indidisse.</i>	26	<i>Bruta.</i>	436
<i>Arbores serenda alibi, quam in hortis, & de topiario.</i>	270	<i>Buxus.</i>	638
<i>Arbores serenda iuxta locorum situm.</i>	262	C	
<i>Arbores serenda secundum locorum disferentias.</i>	260	<i>Cedende materiae, & qua anni parte, & decorticanda materiae tempus.</i>	377
<i>Arbores stercoreanda, & quando, & de forma.</i>	305	<i>Caesores arborum, et de preparatione materiae ad templum Hierosolymitanum, & de hoc vocabulo ligneus.</i>	376
<i>Arbores translatione vel letari, vel de generare, & de nonnullis regionibus</i>		<i>Calamus seligendus, & eius varia appellatio, & quemadmodum è longinquo transportentur.</i>	282
		<i>Cancanum.</i>	426
		<i>Caphura.</i>	454
		<i>Caprificatio, & remedia eius, contra aliquot arborum morbos.</i>	331
		<i>Caprificus.</i>	555
		<i>Carbones, & eorum ad artifices usus. Et quid carbonum appellatione continetur, & de dendrophoris.</i>	413
		<i>Caries arborum.</i>	648
		<i>Carpinus.</i>	632
		<i>Caryophyllon.</i>	447
		<i>Cassia.</i>	

INDEX.

<i>Casia.</i>	653	<i>Corona arborea conuiuorum, nuptiarum,</i>	
<i>Casia hrix.</i>	654	<i>necnon ciuium aedorum.</i>	43
<i>Castanea, & eius genera.</i>	573	<i>Corona frondea nonnullae aliae, & de illarum</i>	
<i>Casus praematurus fructuum.</i>	327	<i>praemiatoribus, & adagio, Malis</i>	
<i>Cato Censorius uaser, & ingeniosum documentum,</i>		<i>ferire.</i>	44
<i>quo patribus delendum fore</i>		<i>Corona poetarum.</i>	41
<i>Carthaginem suasis, & Xerxis iuramentum,</i>		<i>Crategum.</i>	644
<i>& de Saudanis erga Cræsum consilio, & Philemone.</i>	554	<i>Cultura arborum, & eius tempus, & de</i>	
<i>Causæ morborum quorundam.</i>	317	<i>fossione.</i>	299
<i>Cedrus.</i>	48	<i>Cultura & irrigatio seminariorum.</i>	243
<i>Cerasus.</i>	540	<i>Cultura utilitas, & quàm sit arboribus</i>	
<i>Cerrus, & splachnus.</i>	593	<i>neccessaria: & de C. Furio (resino, &</i>	
<i>Chamaemyrsine.</i>	660	<i>quare leones duo currum Cybeles per</i>	
<i>Cinnamomum.</i>	650	<i>aërem trahere fingantur.</i>	294
<i>Citrina mensæ, & de pretio illarum.</i>	402	<i>Cupressus Diti sacra, & fabula Boreae</i>	
<i>Coggryia, & aphaea.</i>	645	<i>& Cyparissi.</i>	121
<i>Collectio fructuum.</i>	357	<i>Cupressus, & de cyparissijs.</i>	602
<i>Collectio oliuarum, & quales leguli esse</i>		<i>Cupressi iuxta Alcmaeonis sepulcrum:</i>	
<i>debeant.</i>	361	<i>& de Cyparissi fabula, & adagio, Cupressum</i>	
<i>Collectiones fructuum denotantia, sunt vindemia,</i>		<i>pressum simulas.</i>	603
<i>& quadam alia vocabula.</i>	357	<i>Cynorhodos.</i>	670
<i>Colores fructuum, & florum.</i>	353	<i>Cynobatos.</i>	669
<i>Colores rosarum, poetarum fabula, & de</i>			
<i>mutatione super illas.</i>	665		
<i>Colutea.</i>	645		
<i>Colymbades qualiter fiant, & de Epityro.</i>			
	373		
<i>Commendatio arborum.</i>	1		
<i>Conceptus arborum & germinatio, & quoto tempore fiant, & de Zephyro</i>			
<i>& Chlora.</i>	343		
<i>Concoctio fructuum, & maturitas.</i>	354		
<i>Conditura albarum oliuarum.</i>	372		
<i>Conditura oliuarum nigrarum.</i>	373		
<i>Conseruatio malorum punicorum.</i>	364		
<i>Consideratio myrti.</i>	488		
<i>Cor arborum.</i>	161		
<i>Cornus, & Gordianus nodus.</i>	560		
<i>Corona ciuica, & de nonnullis, qui hac donati sunt.</i>	40		
<i>Coronas regum, antiquitus ex arborum</i>			
<i>fronde fuisse, & quod principum Romanorum</i>			
<i>insigne fuit laurus, & de</i>			
<i>adagio μὴ σέσωκεν.</i>	35		

D

<i>Daphnoides.</i>	662
<i>Deglutinatio materiei.</i>	392
<i>Dei, uiri etiam clari, & magnates hortos</i>	
<i>coluerunt, & agriculturam exercuerunt.</i>	144
<i>Dij ex arboribus cognomina sortiti, et de</i>	
<i>inaculo, & albogalero: & quod sub</i>	
<i>quibusdam arboribus sacrificati.</i>	68
<i>Deorum corona, & statuarum illorum ac</i>	
<i>sacerdotum, & sacrificantium.</i>	66
<i>Deorum laurea ac sacrificantium, & de</i>	
<i>lauri in sacrificijs usu.</i>	70
<i>Descriptio Fici arboris, & eius inuentio.</i>	
<i>& adagium, Folio ficulno anguillam</i>	
<i>tenes.</i>	544
<i>Descriptio mali Punici.</i>	481
<i>Differentia resinarum.</i>	612
<i>Discrimen aliud materierum, per singula</i>	
<i>opera.</i>	386
<i>Differentia materierum omnium, quae</i>	
<i>scilicet ad opera faciliores, quæ uerterectabiliores.</i>	383

Diutur

INDEX.

<i>Diuturnitas materierum nonnullarum,</i> & quæ terræ, quæve aquis magis, quæq; etiam utrobique perdurent. 392		<i>alijs servandi modi.</i> 363
<i>Dulcis radix.</i> 661		<i>Fructus maturi quando intelligantur.</i> 355
E		<i>Fructus minutuli conservandi, ut nuces.</i> 366
<i>Ebenum.</i> 442		<i>Fructus præcoces, & serotini, ac regij, &</i> <i>duracini, & drupi.</i> 197
<i>Eruca, culices, et alia huiusmodi anima-</i> <i>lia arborum florem, folia, fructumq;</i> <i>depaſcentes, & de arborum venenis.</i> 322		<i>Fructus vel præcoces, vel serotinos, arte</i> <i>feri.</i> 297
<i>Eryx.</i> 681		<i>Fructus siccandi, & rosa conservatio.</i> 367
<i>Euonymos arbor.</i> 441		<i>Frutices etiam quosdam esse, qui ad alias</i> <i>regiones proficisci noluerunt.</i> 193
<i>Euphorbum.</i> 462		<i>Fuligo thuris.</i> 425
F		G
<i>Fabula corui in sydus translata, & de</i> <i>nonnullis alijs.</i> 553		<i>Gaiacum.</i> 456
<i>Fabula Promethei.</i> 658		<i>Galla, & eius genera.</i> 596
<i>Fabula Proserpine à Plutone rapta, &</i> <i>Agdestis.</i> 479		<i>Callarum virtus.</i> 597
<i>Fabula poetarum super succini ortu.</i> 617		<i>Genera alia malorum, nostræ tempesta-</i> <i>tis.</i> 521
<i>Fagus.</i> 596		<i>Genera cætera ficorum, ut plurimum se-</i> <i>cundum regiones distincta.</i> 547
<i>Feracitas quarundam regionum erga ar-</i> <i>borea.</i> 250		<i>Genera ficorum, & horum prima à præ-</i> <i>cocibus, & serotinis, & à colore diffe-</i> <i>rentia.</i> 545
<i>Fera nonnulla, minorave animalia, aves,</i> <i>& pisces, arborum fructibus vescuntur.</i> 21		<i>Genera mespilii, epimelides et azarolæ.</i> 558
<i>Feria, & festa, ob arborum fructus insti-</i> <i>tuta.</i> 77		<i>Genera nonnulla ficorum, à figura, &</i> <i>autoribus.</i> 546
<i>Fertilitas oleæ, fici, & punice.</i> 336		<i>Genera olearum.</i> 500
<i>Ferula.</i> 656		<i>Genera oleorum.</i> 509
<i>Ficus Aegyptia, quam Sycomorum ap-</i> <i>pellant.</i> 438		<i>Genera pyrorum, quæ nunc habentur.</i> 532
<i>Ficus Cypria.</i> 440		<i>Genera quot saporum, & de illorum na-</i> <i>tura, & potestate, & de succis.</i> 203
<i>Ficus, & eius commendatio.</i> 543		<i>Genera rosarum.</i> 666
<i>Ficus Indica.</i> 443		<i>Genera seminariorum & seminum.</i> 232
<i>Ficus ruminalis, & de nonnullis alijs ar-</i> <i>boribus Romæ, & alibi sacris.</i> 61		<i>Genera teredinum, & de his quæ non</i> <i>sentiunt teredinem, & cariam.</i> 394
<i>Ficus siccanda.</i> 367		<i>Genera terrarum, & quod horum hortis</i> <i>magis condecens.</i> 257
<i>Folia quibus arboribus sint decidua, &</i> <i>quibus non.</i> 194		<i>Generalis arboris appellatio.</i> 158
<i>Fraxinus.</i> 630		<i>Generalis medicina arborum.</i> 329
<i>Fructus aliquarum arborum ut sine</i> <i>osse, & putamine fiant, & de nonnul-</i> <i>lis alijs.</i> 298		<i>Generalis natura ficorum.</i> 549
<i>Fructus arborum primi hominum victus.</i> 5		<i>Generalis quedam fructuum appellatio,</i> <i>& de virgulto, & viburno, & non-</i> <i>nullis alijs.</i> 650
<i>Fructus in melle condiendi.</i> 369		<i>Generatio arborum, & cæterarum rerum,</i> <i>& de varia super hac re philosopho-</i> <i>rum opinione.</i> 168
<i>Fructus in oporothecis constituendi, &</i>		<i>Cenista.</i>

INDEX.

<i>Genista.</i>	673
<i>Genista vires.</i>	674
<i>Gentes nonnullae, arborum fructus ve-</i> <i>scientes: & quod exercitus, arborum</i> <i>fructibus aliti.</i>	6
<i>Genus aliquot arborum insitionem non</i> <i>recipere, etiam Romanorum religione:</i> <i>& quod nonnullae trunco inserantur,</i> <i>non etiam inoculentur.</i>	283
<i>Genus unumquodq; arborum, quor, qui-</i> <i>búsve modis melius proveniat.</i>	235
<i>Glans unguentaria.</i>	449
<i>Cummi iuniperi, quod vernix vocatur,</i> <i>& vinum eius.</i>	640

H

<i>Hedera.</i>	674
<i>Hedera genera.</i>	678. 675
<i>Hederarum natura.</i>	676
<i>Hedera, serula, & picea Baccho dicata,</i> <i>& de adagio πολλοι δὲ παρθικο-</i> <i>φόροι παύροι δὲ βακχοι.</i>	119
<i>Haliphleas.</i>	593
<i>Herba sabina.</i>	644
<i>Hercynia sylva, et cetera Germaniae syl-</i> <i>uae.</i>	587
<i>Honores lauri quamplurimi.</i>	39
<i>Horti Alcinoi, Tantalii, Adonidis, Meli-</i> <i>dia regum, & adagia, ἀκαρπὸς ἔ</i> <i>ἄδωνιδος κήπων. & Ex Tantalii hor-</i> <i>tis fructus colligis.</i>	152
<i>Horti apud Babylonem pensiles, & alij</i> <i>Ioacimi Susannae viri.</i>	149
<i>Horti ceteri urbis Romae & Italiae.</i>	154
<i>Horti, & ambulacra publica.</i>	145
<i>Horti & sylvae poetis, & viris literatis</i> <i>conducibiliores.</i>	139
<i>Horti Hesperidum, & alij Africae, & hi</i> <i>qui in Colcho insula, fuisse perhiben-</i> <i>tur: adagium, à malis Hesperidū.</i>	146
<i>Horti in cuius tutela assignati: & de</i> <i>Priapo hortorum deo.</i>	129
<i>Horti quid, & de illorum varia appella-</i> <i>tione, & quis primus Athenis insti-</i> <i>tuerit.</i>	126
<i>Horti Sallustiani, & Seneciani.</i>	153

I

<i>Ignaria, faces, & calones.</i>	411
<i>Ilex & coccus, & quid hyphear.</i>	594
<i>Inoculatio & emplastratio.</i>	291
<i>Irrigatio arborum, & quod aqua illis ne-</i> <i>cessaria: & fabula certaminis Hercu-</i> <i>lis & Acheloi.</i>	307
<i>Insitio arboris, in alia, quam sui generis</i> <i>fit.</i>	284
<i>Insitio in trunco fisso.</i>	288
<i>Insitionis cetera genera.</i>	289
<i>Insitionis commendatio & utilitas, & de</i> <i>eius inuentione.</i>	279
<i>Insitionis tempus.</i>	281
<i>Insitionem in suo quoq; genere facilius</i> <i>provenire.</i>	284
<i>Insomnia ex arboribus, & illorum inter-</i> <i>pretatio.</i>	54
<i>Intervalia arborum.</i>	268
<i>Iuniperus, & eius vires.</i>	639

L

<i>Larix.</i>	608
<i>Larix arbor, & Lariganum oppidum à</i> <i>Iulio Casare obsessum: & de carpino,</i> <i>& buxo, & fumosis lignis.</i>	412
<i>Laurus.</i>	493
<i>Laurus & lotus Apollini dicati.</i>	110
<i>fabula Daphnes, in Laurū cōmutata.</i>	112
<i>Laurus victoriae nuntia fuit.</i>	38
<i>Laurea triumphantium fuit.</i>	36
<i>Leges arborum, erga Iudeos, ad sacrificia.</i> <i>74</i>	
<i>Leges & Senatusconsulta, propter arbo-</i> <i>rum sationem latae.</i>	277
<i>Leges ob fructuum collectionē latae.</i>	359
<i>Lentiscus, & de arbore, sub qua Susanna</i> <i>reperisse Danieli Iudeus respondit, &</i> <i>adagium Graecum σχινοῖσιν γες.</i>	574
<i>Lentiscinum vinum, & oleum.</i>	576
<i>Libri Numa Romanorum Regis, &</i> <i>quid cedria.</i>	486
<i>Ligna thina quid in sacris Biblijs, & de</i> <i>adagijs super ficulno ligno deductis.</i>	384
<i>Lignum quod ad ignem idoneum.</i>	410
<i>Ligustrum, & cyprus.</i>	643

B

Locus

I N D E X.

<i>Locus ad cellam oleariam feligendus.</i>	503	<i>dicta, & nonnullis alijs, à luco tractus</i>	
<i>Locus ad oliuitatem præparandus, & de</i>		<i>vocabulis.</i>	86
<i>torculari & instrumentis.</i>	504	<i>Lycium.</i>	658
<i>Locus seminarijs præparandus, et quan-</i>		M	
<i>do.</i>	234	<i>Macer, & macis.</i>	453
<i>Lotophagi, & alij, qui ex arborum fru-</i>		<i>Mala Syriae, & Gomorrhæ, & prouer-</i>	
<i>ctuum victu nomen sortiti sunt.</i>	7	<i>bium, Ab ovo vsq; ad mala.</i>	525
<i>Lucus Aricinus, & adagium, Multi</i>		<i>Mala syluestria.</i>	516
<i>Manij Aricie.</i>	99	<i>Malicorium, eius radix, & alia arboris</i>	
<i>Lucus Camænarum, siue Musarum.</i>	102	<i>partes, & de vino,</i>	484
<i>Lucus Daphnes.</i>	95	<i>Malobathrum.</i>	436
<i>Lucus, & eius religio, & quid in lucis, de</i>		<i>Malum cotoneum, siue Cydonium.</i>	526
<i>rebus publicis tractabatur, & in illis</i>		<i>Malum, & quot eius apud antiquos ge-</i>	
<i>diebus sacris epulabantur.</i>	81	<i>nera.</i>	520
<i>Lucus unde, & de vocabulis ab eo dedu-</i>		<i>Malum persicum.</i>	529
<i>ctis.</i>	85	<i>Malum Punicum, & eius in sacris vsus</i>	
<i>Luci aliquot, absq; numinū appellatiōe.</i>	88	<i>& nonnullis eius historijs.</i>	479
<i>Luci aliquot, pluribus dijs dicati.</i>	107	<i>Malus Assyria, siue Medica, vel ci-</i>	
<i>Luci Apollini dicati.</i>	94	<i>trum.</i>	475
<i>Luci Cereri, Proserpine, Plutoni, Vestæ,</i>		<i>Malua arbor.</i>	462
<i>Castori & Polluci dicati.</i>	105	<i>Manna thuris.</i>	425
<i>Luci Dianæ sacri.</i>	98	<i>Materies ad cetera militaria instru-</i>	
<i>Luci Feroniæ, Albunæ, Maricæ, Lanæ</i>		<i>menta.</i>	408
<i>ne, Hilerne, Furing, Hebes, Snadele.</i>	109	<i>Materies arborum ad deorum statuas,</i>	
<i>Luci Ioui sacri.</i>	92	<i>& quid delubrum, & de adagio, ne è</i>	
<i>Luci Iunoni sacri.</i>	93	<i>quouis ligno Mercurius fiat.</i>	75
<i>Luci Minervæ, Isidi, Latonæ, Cybelæ,</i>		<i>Materie eiusdem generis, ex loci natura</i>	
<i>Osiridi, & Aesculapio dicati.</i>	97	<i>differunt.</i>	382
<i>Luci Neptuno dicati.</i>	104	<i>Materies mensarum, & de iuglandis</i>	
<i>Luci veneratio.</i>	84	<i>materie, & trapezophoro.</i>	400
<i>Luci Vulcano, Veneri, Cupidini, Marti,</i>		<i>Materies portarum, subselliorum, & po-</i>	
<i>Bellonæ, Libero patri, Pani, & Sylva-</i>		<i>culorum.</i>	43
<i>no dicati.</i>	103	<i>Materies, quæ instrumentis rusticis apta</i>	
<i>Lusus nucum, antiquorum: & nonnulla</i>		<i>est.</i>	406
<i>alia ad amygdalarum historiam per-</i>		<i>Materies reliquorum instrumentorum</i>	
<i>tinentia.</i>	569	<i>domesticorum, & tornatilis.</i>	404
<i>Ludi nonnulli alij, & de illorum donis,</i>		<i>Materies tractanda, & dolanda, vel me-</i>	
<i>& adagij, & Φυλίας ὁ ἀγών : &</i>		<i>dicanda. Et quid arborum adeps, &</i>	
<i>κίαιτος μετ' ἀνδρισήρια.</i>	34	<i>quid alburnum.</i>	390
<i>Ludi Pythij, Apollinares, et Isthmij, quo-</i>		<i>Maturnitas oliuarum, & tempus colle-</i>	
<i>rū premiū laurus & pinus fuerūt.</i>	33	<i>tionis.</i>	360
<i>Lunaris circa cadendam materiam, ra-</i>		<i>Medicina, & vnguenta, ex arboribus.</i>	15
<i>tio.</i>	378	<i>Medicina ad erucarum & culicum mo-</i>	
<i>Lunaris ratio.</i>	217	<i>lestias, & arborum plagas.</i>	333
<i>Lupercal quid, & quare luno, Lucina</i>		<i>Medica materia ulmi, & de tumulo</i>	

INDEX.

<i>Protesilai.</i>	634	<i>Myxa.</i>	433
<i>Medica vis amurcae.</i>	517	N	
<i>Medica vis mali Punici.</i>	482	<i>Narcapthum.</i>	426
<i>Medica vis Lauri.</i>	495	<i>Natura arborum in agendis radicibus,</i> <i>& qualiter prostratae arbores resti-</i> <i>tuantur.</i>	272
<i>Membra arborum, & illorum cum ho-</i> <i>minis membris conformitas.</i>	159	<i>Natura & vis mali citrij.</i>	477
<i>Membra arborum intrinseca.</i>	161	<i>Natura & vis malorum.</i>	524
<i>Mesphilus.</i>	557	<i>Natura, & vis succini.</i>	621
<i>Metopium, & galbanum.</i>	460	<i>Natura iuglandis, & de Mithridatis</i> <i>Regis Ponti antidoto.</i>	566
<i>Militaria instrumenta quae, & de De-</i> <i>metrio Rege Macedoniae, & Achil-</i> <i>lis hasta.</i>	407	<i>Natura Lauri.</i>	494
<i>Minerva et Saturnus super Athenarum</i> <i>nominis impositione decertarunt.</i>	115	<i>Natura malorum.</i>	523
<i>Miracula arborum, & de arboribus ful-</i> <i>guritis.</i>	53	<i>Natura materiei in vniuersum, ex qua-</i> <i>tuor elementis, & quae in opere pan-</i> <i>dat, quaeve non.</i>	380
<i>Modi alij condiendi, praeterquam ex</i> <i>melle.</i>	370	<i>Natura, & vis medica ferulae.</i>	657
<i>Modus condiendi ficus.</i>	371	<i>Natura Myrri, & vis medica.</i>	489
<i>Modus inferendi, & de insitionum gene-</i> <i>ribus.</i>	286	<i>Natura olei, à qua adagia plura desum-</i> <i>pta.</i>	513
<i>Modus ferendi.</i>	274	<i>Natura olei Omphacini & Sicyonij.</i>	515
<i>Montuosa regiones, ac montes ipsi, con-</i> <i>nallibus & capis syluestriores fore.</i>	581	<i>Natura picis, & de eius fuligine, & de</i> <i>fosili apud Apolloniatas pice.</i>	615
<i>Morbi arborum ex iniuria animalium</i> <i>prouenientes, & quare caper Baccho</i> <i>sacer.</i>	324	<i>Naues è pinu & abiete, salice, alno, fago</i> <i>ut plurimum exaedificari.</i>	397
<i>Morbi & vitia arborum.</i>	316	<i>Nauis argo.</i>	398
<i>Morbi ex caeli intemperie, & temporum</i> <i>ratione prouenientes, & de sideratio-</i> <i>ne, sine vredine.</i>	318	<i>Naues ex virgulis & alijs. Et quòd in ge-</i> <i>nere nauigiorum sit materiei delectus. Et</i> <i>quòd vna eademq; nauis, ex pluribus</i> <i>lignis fiat, et de nauium membris.</i>	399
<i>Morbi iniuria hominum contingentes.</i>	323	<i>Nemora & hortos, plurimum ad animi</i> <i>curas, tum corporis ac laborum rela-</i> <i>xationem et solutionem conducere.</i>	138
<i>Morbi quidam alij arborum, & de non-</i> <i>nullis quibusdam peculiaribus.</i>	320	<i>Nemora sacra.</i>	79
<i>Morus arbor, & fabula Pyrami &</i> <i>Thisbes.</i>	535	<i>Nonnullae aliae sexus utriusq; arborum</i> <i>demonstrationes, & de viduis arbori-</i> <i>bis.</i>	177
<i>Muscus arborum.</i>	648	<i>Numen & religio arborum.</i>	58
<i>Myrrha.</i>	417	<i>Nux auellana, & arbor eius corylus.</i>	572
<i>Myrrhae fabula, & de myrrha Bæotica.</i>	420	<i>Nux Indica.</i>	449
<i>Myrobalanum.</i>	451	<i>Nux iuglans.</i>	564
<i>Myrtus, & Myrsines fabula, & quae-</i> <i>dam memorabiles arbores, adagium,</i> <i>Canere ad myrtum.</i>	488	<i>Nux myristica.</i>	452
<i>Myrtus Veneri dicatus.</i>	117	O	
		<i>Occasus foliorum, & communis differen-</i> <i>tia.</i>	195
		B 2	Odores

INDEX.

<i>Odores fructuum.</i>	206	<i>Palimpissa, pissaspaltos, maltha : & de oleo picino.</i>	616
<i>Officium capulatoris, & custodis.</i>	506	<i>Palma.</i>	467
<i>Olea apud Athenas in arce Minervae.</i>	116	<i>Palmam arborem vincentium in certaminibus & ludis fuisse premium, & de adagio, Palma dare, & ceteris.</i>	29
<i>Olea arbor, & sub qua arbore Latona peperit Apollinem, & adagium, Extra oleas.</i>	499	<i>Palmam multarum regionum esse accollam, sed non ubiq; fructiferam.</i>	254
<i>Olea Minerva dicata est, quod olea venia & pacis index sit.</i>	113	<i>Palmarum differentiae.</i>	469
<i>Olea venia & pacis index est, & adagium ἔλαιον ἐκ ἐνεστὶ τῷ ληκύνθῳ.</i>	113	<i>Palmarum genera.</i>	468
<i>Oleaster, & quemadmodum Appulus pastor in oleastrum commutatus.</i>	518	<i>Palmae natura & vis.</i>	470
<i>Olea Aethiopica lacryma.</i>	517	<i>Palmeum vinum, & eleatinum, ac oleum eleatinum.</i>	473
<i>Olea vis.</i>	501	<i>Palmarum vis medica.</i>	471
<i>Oleum à vitis purgandum.</i>	510	<i>Panos & Syringis fabula.</i>	681
<i>Oleum & vinum ex malis cotoneis, & alijs.</i>	528	<i>Partes rosae.</i>	665
<i>Oleum ex amygdalis amaris, & de Aty fabula.</i>	571	<i>Persea.</i>	437
<i>Oleum iuglandis nucis.</i>	568	<i>Philosophi in hortis conuersati sunt, & de Atheniensium Academia.</i>	140
<i>Oleum laurinum.</i>	496	<i>Picea, & Pitys fabula.</i>	606
<i>Oleum myrteum.</i>	490	<i>Pictaria.</i>	435
<i>Oleum rosaceum.</i>	668	<i>Pinus Cybele dicata, de Ida monte Troada, & pinu in eo pulcherrima, & Aty fabula.</i>	123
<i>Oleum ubi melius asseruetur, et nonnulla eius vitia purganda.</i>	511	<i>Piper.</i>	444
<i>Oliuae quemadmodum condienda, & primum de caducis.</i>	372	<i>Pix.</i>	614
<i>Oliuetum, & rosarium sodiendum, & quod inter arbores nihil ferendum.</i>	301	<i>Plantae translatio è seminario in seminario, & de Ulmarijs, & arundinetis.</i>	239
<i>Oporotheca, & aliae voces idem significantes, & de templo Cereris Aetiale-sae.</i>	362	<i>Platanus.</i>	473
<i>Oppulus.</i>	630	<i>Platanus commendatur, & de aliquot eius arboris memorabilibus.</i>	474
<i>Ordines arborum.</i>	267	<i>Pæna & vindicta horum, qui lucos violarunt.</i>	89
<i>Ornoglossos.</i>	634	<i>Populus alba & alpina.</i>	625
<i>Ornus.</i>	631	<i>Populus Herculi, mali punici fructus Alercurio, persea Harpocrati dicati.</i>	124
<i>Ostria arbor.</i>	440	<i>Populus nigra.</i>	616
<i>Oxyphœnicum.</i>	472	<i>Positio hortorum, & ad illos loci preparatio.</i>	265
<i>Oxyacantha.</i>	672	<i>Potestas ac vis lunæ circa inferiora corpora, & quod eius cursus observatio agricolis maxime conueniat.</i>	216
<i>Oxyacanthæ vires.</i>	673	<i>Premium ludi Olympici, quorum ex oleastro corona fuit.</i>	30

P

Pala arbor Indæ : & alia huic persimilis. 444

Primus

INDEX.

<i>Primus hominum victus è glandibus, de adagijs, ἀλὶς δρυὸς, & ἀλλήν δρῦν βαλάντι.</i>	8	<i>arboribus ferendis, constituendisq; horis, conspiciendum fore.</i>	252
<i>Preparatio seminum.</i>	236	<i>Regiones quadam, in quibus incolae lanam ex arboribus ad vestium usum depectunt.</i>	13
<i>Prodigia arborum.</i>	49	<i>Remedia ad flores & fructus deciduos.</i>	336
<i>Prognostica vbertatis futura, vel inopia, ex syderum statu.</i>	350	<i>Remedia ad quarundam arborum morbos peculiares.</i>	334
<i>Propagatio.</i>	244	<i>Remedia arborum, contra cæli iniurias.</i>	330
<i>Prouentus fructuum arborum futurus, ex aëris temperie & intemperie, prognosticatur.</i>	352	<i>Remedia contra arborum sterilitatem.</i>	335
<i>Prudentia, & affectiones arborum.</i>	164	<i>Remedia contra vermiculationem.</i>	332
<i>Prunus Aegyptia, spina Aegyptia similima.</i>	440	<i>Remedia contra formicas.</i>	ead.
<i>Prunus, & eius genera.</i>	562	<i>Remedia in genere arborum quarundā, contra fructus deciduos.</i>	337
<i>Prunus sylvestris.</i>	564	<i>Remedia lauri erga animalium noxas & quibus item illius remedijs, animalium morbis subuenimus, & ab illorum molestijs defendimur.</i>	496
<i>Purgatio arborum.</i>	310	<i>Remedia, si fructus rugosi, & hiantes sint, & ante maturitatem in arbore putrescant.</i>	338
<i>Pyraister, & Thrasibulus.</i>	535	<i>Resina lentisci, quæ mastix dicitur.</i>	575
<i>Pyrus, & eius apud antiquos genera.</i>	531	<i>Resinæ.</i>	610
Q		<i>Responsa, antiquos ex arboribus accipisse, & de oraculo Dodonæo, & adagio, Dodonæum æhenum.</i>	63
<i>Quadrupedes depasci in syluis & sub arboribus, & illa esse harū domicilia, & de fronde & folijs animalium cibo.</i>	19	<i>Rhamnus.</i>	671
<i>Quercus & inglans loui sacra, & nonnulla de ciuica corona, & adagio πολλῶν πανηγύρεον Διὸς βαλάντων ἐφαρξεν.</i>	110	<i>Rhododaphnes.</i>	670
<i>Quercus, & de funebri Prieniensi queru.</i>	589	<i>Robur, & eius multiplex fructus.</i>	591
<i>Quercus natura & vis, & de Bryino beftiola, & Lynceo.</i>	590	<i>Robur, pons Romæ Sublicius, & scandula.</i>	388
R		<i>Rosa, & de adagijs ab ea.</i>	664
<i>Ratio fistularum apud antiquos.</i>	405	<i>Rosa & philyra Veneri dicata, & de naucratite corona.</i>	119
<i>Ratio fructuum conseruandorum in scrobibus, & vasis, & alijs modis.</i>	365	<i>Rosmarinus, & eius vires.</i>	683
<i>Ratio olei faciendi.</i>	507	<i>Rubus, & adagium, Rubo arefacto præfractior.</i>	538
<i>Ratio summa hortorum ferendorū.</i>	264	<i>Rubus Idæus.</i>	540
<i>Ratio talearum & surculorum.</i>	240	S	
<i>Reditus arborum, vestigal, & pretium: et de nonnullorū erga aliquas amore.</i>	23	<i>Salix.</i>	626
<i>Reges ac Magnates olim arborum fructibus donabantur.</i>	11	<i>Saltus quid, quidve sylua pascua, ac nemus: & de Nemestrino deo, de napeis</i>	
<i>Reges Persarum hortorum studiosi fuerunt.</i>	151	B 3 &	
<i>Regio vnaquæq; quid ferre consueuerit, in</i>			

INDEX.

<i>Tempus fructuum condiendorum.</i>	369	<i>Vires caprifici.</i>	555
<i>Tempus oluitatis, & quibus machinis oleum melius conficiatur.</i>	507	<i>Vires lycij.</i>	659
<i>Terebinthus et de prouerbio, Terebintho stultior.</i>	601	<i>Vires casia.</i>	654
<i>Thus et myrrha, et alia arbores non pe- regrinantur.</i>	191	<i>Vires mali Cydonij.</i>	527
<i>Thus, et de iuvene eiusdem numinis.</i>	421	<i>Vires malorum, secundum aliquot gene- ra, & ex his vino & aceto.</i>	524
<i>Thya arbor, siue trogetes.</i>	463	<i>Vires mori.</i>	536
<i>Tilia, et de Oceani filia.</i>	635	<i>Vires rhamni.</i>	272
<i>Triumphus vnde, et de onantium corona, et nonnullis alijs frondeis coronis, et quod arbores in triumphu ducte sunt.</i>	37	<i>Vires rhododaphnae.</i>	671
<i>Trophaeum.</i>	46	<i>Vires sambuci.</i>	629
<i>Trophaeum Iesu Christi, et virginis Ma- rie, eius matris.</i>	48	<i>Vires tiliae, & de Cinesia poeta.</i>	635
<i>Tubera arboribus insunt, brusco, molu- sco, agide, et leuso.</i>	389	<i>Viscus.</i>	598
<i>Tuber.</i>	436	<i>Viscus qualiter fiat & glutinum, capiun- dis auiibus aptum, quod etiam viscum dicitur & de eius vi & natura.</i>	599
V		<i>Vis, ac natura cinnamomi.</i>	652
<i>Varia fructuum appellatio, et differentia, ac diuersa in producendo natura.</i>	198	<i>Vis et natura adectorum, et de prodromis, ete- sij, et alijs quibusdam locis peculiaribus.</i>	228
<i>Varia ventorum appellatio.</i>	227	<i>Vis castanearum, & natura.</i>	574
<i>Vasa olearia, et nonnulla alia ante oli- uitatem facienda.</i>	505	<i>Vis cerasorum & natura.</i>	541
<i>Veni.</i>	226	<i>Vis & natura rosarum.</i>	667
<i>Vermiculatio arborum interius.</i>	321	<i>Vis & natura viticis.</i>	663
<i>Vestes, vina, et oleum, ex arboribus, et alia quaedam hominibus necessaria.</i>	13	<i>Vis medica fraxini, & natura.</i>	631
<i>Veteres heroibus et praeclaris viris dicaf- se lucos.</i>	87	<i>Vis medica oleorum.</i>	514
<i>Victoria Atheniensium, et panathenaei ludi, et alia solennitates, in quibus co- rona oleagina donabatur.</i>	32	<i>Vis medica salicis.</i>	627
<i>Victus circa animalia, sunt glandes, et alijs fructus arborum.</i>	20	<i>Vis medica tamaricis.</i>	642
<i>Vinum, acetum è pyris, et de alijs eius confectionibus.</i>	534	<i>Vis persicorum, & consideratio.</i>	530
<i>Vinum, et oleum cedrinum.</i>	487	<i>Vis pinorum.</i>	605
<i>Vinum et acetum è rosis.</i>	668	<i>Vis prunorum, & natura.</i>	563
<i>Vinum myrteum.</i>	491	<i>Vis pyrorum & natura, & adagium, Tam facile vinces, quam pyrum vul- pes comest.</i>	534
<i>Vinum scythes, et acetum è ficis.</i>	552	<i>Vis resinarum.</i>	612
<i>Vires agarici.</i>	623	<i>Vis rubi ac natura.</i>	539
<i>Vires amomi.</i>	656	<i>Vis solis in corpora inferiora, & de eius prognosticis.</i>	219
<i>Vires aspalathi.</i>	660	<i>Vis specialis ficorum erga morbos.</i>	550
		<i>Vis specialis ficorum erga venena.</i>	552
		<i>Vitia materiei.</i>	389
		<i>Vita arborum.</i>	207
		<i>Vita arborum aliquarum longissima.</i>	209
		<i>Vitex.</i>	662
		<i>Vlmus.</i>	633
		<i>Usus arborum ad sacrificia.</i>	72
		<i>Usus arborum circa chartas, et quod deo- rum</i>	

INDEX.

<i>rum</i> oracula, in arborū folijs exciperentur: & de adagijs, Folium Sibyllæ: & Non in foro ligneo iudice: et quando primum chartæ inuenta. 16	<i>Utilitas</i> putationis, & qua arbores decumminari nolunt, & qui primus nemora totunderit. 311
<i>Usus</i> arborum in sepeliendis, vrendis, atq; condendis hominum cadaueribus. 17	<i>Utrunque</i> arborum sexum, in fertilitate vel sterilitate, secundum arborum genera dignosci. 175
<i>Usus</i> olei in lotionē, & adagium, Ut in velabro olearij. 512	
<i>Usus</i> tincluræ ex arboribus & corticibus. 409	Z
	<i>Zizypha.</i> 433
	<i>Zopissa.</i> 613

*Succincta argumenta singulorum
librorum.*

Primo, continetur arborum commendatio, quamq; earum vsus humanæ vitæ sit necessarius.	1
Secundo, quanto in honore olim fuerint.	25
Tertio, de earum religione, ac in sacris vsu.	57
Quarto, quæ syluæ, quæ nemora, qui luci dijs gentilibus dicati fuerint.	81
Quinto, quæ genera arborum quibuscq; dijs dicata fuerint ac eius dicationis causa.	110
Sexto, hortorum significatio, tutela, ornatus ac amœnitates.	126
Septimo, arborum partes, ac earum varij affectus ac differentia.	157
Octauo, syderum vis, ac ventorum flatus ac natura.	213
Nono, seminarium, ac feminum varia genera.	232
Decimo, plantarum transmigratio.	246
Vndecimo, insitiones, ac earum varia tempora ac diuersi modi.	279
Duodecimo, arborum cultura.	294
Decimotertio, arborum morbi & vitia.	316
Decimoquarto, morborum arborum medela.	329
Decimoquinto, arborum alimentum, cibus, conceptus & germi- natio.	342
Decimosexto, fructuum collectio, condimentũ & conseruatio.	387
Decimoseptimo, arborum materies quando & quæ cadenda.	376
Decimoóctauo, naues è quibus lignis construuntur: variorum item arborum vsus.	397
Decimonono, Arabia quas arbores ferat.	407
Vigesimo, Indiæ, Africæ, ac nonnullarum aliarum regionum ar- bores.	442
Vigesimoprimo, arbores quædam nostrates vbi proueniant ac earum vires.	467
Vigesimosecundo, olea.	499
Vigesimotertio, mala & pyra.	520
Vigesimoquarto, Ficus.	543
Vigesimoquinto, nuces.	562
Vigesimosexto, arbores syluestres & glandifera.	578
Vigesimoseptimo, pinifera.	601
Vigesimoóctauo, arbores in conuallibus & aquosis locis proue- nientes.	625
Vigesimonono, arbores sua sponte prouenientes, quæ tamen in- ter domesticas annumerari debeant.	638
Trigesimo, frutices.	650



P R A E F A T I O.



SENTIO quosdam mihi non defuturos si quando has nostras de re arboraria disputationes lecturi sint, qui vitiligent & passim damnent, acriter reprehendant, & amarulentius subsannent: ut pote qui post Theophrastum virum in eloquentia tantum, ut inde diuinum nomen sortitus sit: M. Catonem & Varronem, Vergilium Maronem, L. Columellam, C. Plinium & medicos Dioscoridem, Galenum, ceterosq; tam Graecos quam Latinos omnes, quorum quidem non minimus numerus qui de agricultura, maxime verò arborum cultu & simplicium facultatibus diligentissime atque doctissime scripsere: ut propterea has meas quantulasunque nugas publice edere non veritus, tanquam superuacaneas, parumq; necessarias, uti urbanus, idq; etiam cum maiori modestia, illis priscis tot tantisq; autoribus morem meo silentio gessisse debuerim. Verum mihi acerbius satyricum illud impingent: Tenet insanabile multos scribendi cacoethes. Quamobrem anceps incertusq; consilij mei ipse ego multum diuq; mecum reluctatus, utrum id auderem quod multum iam antea animo conceperam, tandem vixit propositi audacia. Primum verò omnium occurrebat: quod qui omnes de re arboraria meminerint, nemo adhuc inuentus sit (quod sciuerim) qui omnem arborum historiam absolute descripserit: omnesq; alio atque alio argumento. Alij ipsarum plantarum tantum culturam, praesertim verò ij qui in vniuersum agricolationis precepta tradiderunt, inter quos M. Cato & Varro & is octogenarius, ut iam sibi sarcinulas suas colligendas arbitraretur, & Vergilius: qui cum generalem colendi rationem docuerunt, his contigit ut multa praeterirent: puta alijs arborum descriptionem ac figuram, alijs vires solum, ac omnes non aequè de omnibus. Quod autem ad hunc praecllentissimum vatem attinet, tribus olea generibus nominatis, totidem pyrorum, malo verò tantum Assyria, multa neglexit. M. autem Cato dum opes agrorum excolit: paucis contentus, adeoq; breuibus: tanquam si ex adytis & sacra tripode cuiusdam agriculturae dei promulgata, ac si oracula forent, quorum duorum & ipse formulas in suis preceptis retinuit, quae & interprete indigeant. Ceteri verò tantum medicam materiam,

P R Æ F A T I O.

riam, quod fuit medicorum officium, ut Galeni Pergameni, & illius
 simiarum, Pauli Ægineta, Oribasij, Ætij. Sed vnus Padacius
 Dioscorides disciplina miles, professione verò medicus, & vires &
 effigies ostendit: in quorum primo exceptis paucis approbarunt, in
 altero verò tanti fecerunt ut huius prouinciam intactam reliquerint:
 scripsit tamen post Xenocratem Aphrodisensem, Pamphilum Ta-
 nitrum, Heraclidem Tarentinum, Crateum, Manteiam Apollo-
 nium, quorum testimonijs & ipse utitur. Hesiodus primus atq; inter
 literarum principia ad Persen fratrem agricolationis praecepta me-
 moria reliquit, in quibus tamen nulla de arboribus ab eo mentio facta
 est. Sed quemadmodum priores rem arborariam cum vniuersa agri-
 cultura miscuerunt, sic & isti arbores cum herbis, ut nullus adhuc
 fuerit, qui omnem arborum materiam per se tractauerit, & inter hos
 omnes Theophrastus vnus sit, qui latius & industrius arborum hi-
 storiam consecutus, verum ut cornicum oculos non configerit: etenim
 & in eo plantarum vires desiderantur, & hoc etiam inter herbas.
 At illo C. Plinius Secundus apud Latinos diffusius ab his duobus
 omnia mutuatus, quorum sententias ad verbum interpretatus, mul-
 ta etiam ex alijs addidit. Hæc tamen omnia in generali natura hi-
 storia. Fuere post hos & ante permulti & Graci & Latini, quorum
 tantum nomen neq; omnium, ut suspicor, remansit. Interijt enim turba
 illa à M. Varrone recensita. Interijt Mago Carthaginiensis Han-
 nibalis frater, ac suus Gracus interpretas Dionysius, & huius ex Dio-
 phane epitome, interierunt. & Gargilius Martialis & Cornelius
 Celsus: quorum si vigilia extarent, in causa forsan essent, quo hoc
 nostro labore leuaremur, aut saltem undecunque elucidiora atque
 ornatiora forent. Ingens postea subsecuta cohors, verum incondita,
 sine eloquentia, sine industria, sine ingenio: cuius primipilus fuit Al-
 bertus cognomento Magnus, multa suo ingenio commentus, pluri-
 ma quæ nec ipse ab alio didicerit, neque ipse expertus sit, neque
 alius: ut præterea in re arboraria potius paruus quàm magnus meri-
 to appellandus sit, & ij vltimi in hoc albo non erant. Sed qui hos non
 tam doctrina & eloquentia quàm tempore præcesserunt, habuerunt,
 quos imitarentur, eoq; modo quo nos illos. Quod non tam in agri-
 cultura scientia fuit, quàm in omni disciplina ac doctrina & artifi-
 cio, uti illorum ingens autoritas & vetustum ac egregium nomen
 subsequenitium calamum non tenuerit, & ut de paucis ostendam,
 Theophrastus Aristotelem non tam auricularem quàm scriptorem
 etiam in plantarum scientia magistrum habuit. Et hunc neque am-

P R Æ F A T I O.

plitudo, neque dignitas sermonis praeceptoris Platonis in tradendis eiusdem doctrina praeceptis compeſcunt. Cuius item admirabilis quaedam copia & ingenium caterorum studia reſtinxit, nec Theophrastus Zenonem, Academicos, Peripateticos, Stoicos. Et ut Ciceronis testimonio utar in poetis (ut de Graecis loquar) ſoli Homero locus eſt, aut Archilocho, aut Sophocli, aut Pindaro. Sed horum ſecundi, vel intra ſecundos fuere. Nec deſuerunt, qui poſt Homerum Iliada & Ulyſſis errores deſcripſerint, ut tamen ab illorum lectione non abſtineretur, ut probarentur etiam. Nihil enim tam adſabre ſcriptum fuit, quod non expoliendo vel ornando aut illuſtraretur perfectius & limatiùs redderetur: ut locus non fuerit ſequentibus. Nec ulla cuiusque & doctrina & artis pars fuit, quae plures oſtentatores ſui non habuerit. Neque illi omnes tam maleuolò animo atque arroganti fuerunt, ut nolent à ſeſe tractatam rem, ab alijs intactam relinqui: atque ita ut illorum plures viam ſolùm aperuerint, quam, vellent ab alijs lapillis & obice expurgari, & ex obſcura & ſalebrosa faciliorem & latiore fieri. Ut mihi praterea vitio minime dandum ſit, ſi poſt tot agriculturæ claſſicos ſcriptores & expertos medicos, de arboribus diſſeram. Non ut cum eis decertem, quod nobiſcum fortasſe facient qui poſt venerint, ſed ut ex omnium tabulis (tantum abſit ut naufragium dicam) huiusce rei nauem adificem, quorum dictis hac noſtra conſarcinemus, perq̃ illorum ſeminaria, fortunata nemora, ex quibus roſas, paradifiaca mala & mellimella, baſamum, cinnamomum, & quicquid pretioſum & lectu dulciſſimum ſit, colligam, ut ex his hortos meos ſeram, & adornem. Eo certè iudicio & cura qua potui, ut quicquid quod ad arborum hiftoriam commodiſſimè, excellentiſſimè coactis illorum ſententijs faceret, in vnum contuli exemplo diligentis apicula, quae omne quod ex ſibi gratis floribus ſelegit, in ſuis oculis recondit ac diſponit: & Zeuſis Heracleotici pictoris eximij, qui cum Helenen apud Crotoniatas depicturus eſſet, exhiberi ſibi voluit gentis illius virgines cateris forma praſtantiores quinque. Ex quarum iudicio pulchritudinis typum effigiaret. Neque enim ille pictura optimus & ingeniouſus artifex vno in corpore totius venuſtatis liniamenta deſumere, probè arbitratus. Non ut priſcorum laudi gloriouſcula inuiderem, meliora nedum, aequè bona edere ſperans: imò verò ut ex illorum ſcriptis gloriam ſi quam, aſſecuturus ſim; reportem, non ex hoc meo opere. Non etiam alia ratione quàm ut rem arborariam (ut pleraque fuere artes) ſopitam & neglectui habitam ac pene deperditam reſtaurarem. At id pro
communi

P R A E F A T I O.

communi utilitate, & materia dignitate, atque utilitate. Motus insuper illorum consilio, qui paulo ante aetatem nostram, & etiam nostra tempestate omnes artes fere extinctas vel languescientes, ac evanescentes, suis vigilijs effecerunt, ut iterum reuiuiscerent atque florent. Inter quæ verò res herbaria, materia nostræ perquam vicina iacebat, quæ tandem plurimorum cura iam planè suos natiuos & flores & fructus, pristinumq; nitorem recuperauit. Egrè enim ferebam rem hanc, vniuersæ agricoltationis nobilissimam post hæc omnia non modò restaurata verum illustrata, incuria hominum tam diu iacere: ut ab omnibus pro derelicto non sine iniuria haberetur. Res inquam vitæ humanæ tum ad victum, tum ad sanitatem mortalium quàm quæ alia maximè necessaria. A qua verò reges manus suas non abstinerunt, non detrectarunt doctissimi; non viri illustres operas suas ac studium detraxerunt, quæ lectu amœna, sed cognitione atque exercitio multo incundior. Quam denique prudentissimi nostri maiores plurimi magniq; semper fecerunt. Quæ se se ultro cuique offerebat, non negligendam: ut officij esset boni viri, atque naturæ studiosi, ut huius partes prope ab interitu iam vendicaret. Cuius munere si non omnino & ex quaque sui parte fungi non possem, saltem id prestarem, quod possem: plurimorum lectionem, sed maiorem diligentiam, & experientiam, tantam forsân quantam in multis illius præceptoribus inuenias, ut sat mihi satis non fuerint illorum instituta, ni hac re illorum interpretes fuerimus, quam tot annis in inferendis, & inferendis atque excolendis arboribus nobis magistràm fecimus. Ut multa quæ illi tradiderunt, primum lectione, postea verò crebro & fidei usu didicerimus, ut suorum præceptorum non tam testes oculati, quàm experientes essemus. In qua verò tam ardens studium, & incredibilis diligentia fuit, ut multa paruo tempore didicerim & expertus fuerim: quem tamen laborem rei voluptate & cupiditate leuauerim. Non ut Nicander Colophonius, qui ab agro remotissimus, rustica aggredi non veritus. Neque ut Hesiodus qui semel mare ingressus, nauigandi artē ausus est tradere, & Pamphilus quem Galenus reprehendit quod cum non conspexerit, nedum per somnium viderit, de his tamen scripserit. Ex quibus omnibus non desperarem arborum studiosis in multis, si non omnibus, perplacuisse. Ut hac ratione mihi amplissimè & magnificè satisfactum iri arbitrarer. Quod ultimum prestare nunquam sperauimus. Sciebam enim hoc impossibile fore, ut vnquam id ex animorum infirmitate alicui contingerit, ut siue pristina eloquentia, siue ingenio illis non satisfecero, saltem cura

P R Æ F A T I O.

nostra testimonium ostendisse sufficiat : ut si tantopere ab alijs eligantur, quanto studio perfecimus, neque nos, neque alios nostra industriae pœnitebit. Dedimus autem si non omnia: quæ potuimus tamen propter quod reprehensionis locus erit nequaquam. Instar egregij & exquisitissimi venatoris, qui si in magna sylva feras nonnullas etsi non omnes ceperit, culpæ eius minime dari debet: cum propter rei difficultatem; tum quod sibi ex venatione sua alteri sibiq; sat placuisse existimet. De me autem nil predicare possum nisi quod confidam hanc meam quantulancunq; operam non passim neque ab omnibus reprobaturum iri: ut si non probi lectoris desiderium explevero, saltem sibi in perpaucis placuero, quando in nihilo à bene malève dictis, aut excogitatis affligitur. Sed aduersus malos qui satyrici sententia me aggressi sunt, eiusdem alia ut clypeo me tuebor. Est quoddam prodire tenuis, si non datur ultra, ut etiam Plinius ait, Etiam non assecutis, voluisse, abunde pulchrum atque magnificum est, ut saltem are audaciæ meæ repercute valeam. Præsertim verò quum haudquaquam ex eorum sim numero, qui æmulis carere vel possim, vel velim. Sed ut saltem veniam consecuturus, ab his quibus quandoq; talia opera moliri, ut labor iste meus non dicam ambitiosus, arcis vice aduersus inuidos sit. Quæ desunt alij suppleant, alius cognitionem, alter eloquentiam, item & artificium, atque alia huiusmodi plura: quod si faciant sumus illis gratiam habituri: quum non parum cognouisse, sed in parum cognitu, stultè atque diu perseruasse turpe sit, atque ignominiosum. Propterea quod alterum communi hominū infirmitati, alterum autem singulari vniuscuiusque vitio attributum. Nobis solis negotium scioli facessent quidam, nihil rectè factum calumniantes. Qui & si nihil vnquam ediderint, vel edituri sunt, fastidiunt tamen omnia. & quum ad hanc immortalitatis & gloriæ spem, ex ingenij sui exiguitate ac labore aspirare non possint: veluti apum fuci, & improbißimi sycophantæ, vaniq; rerum ostentatores, solitaq; insolentia & proni atque ingeniosi ad carpendum, ut his maledicendi studium naturaliter insitum sit, inaniq; persuasionem tumescentes, & umbratici, obscuri atque alienarum vigiliarum arrofores, ex alieni nominis detractioe scientiæ famam et laudem, inter ignaros & sui similes aucupantur. Quorum inuidia ex cæterorum præconio cruciatur, & miserè torquetur. Quos tamen non moramur, facileq; patimur, ut hoc occultarum reprehensionum pabulo malevolentiam suam alant. Neque etiam hos, qui tamen si milius tolerandi sunt, qui nulla alia mercede, præterquam reprehendendi oblectatione, diligentiam omnem, studiumq; suum impendunt. Quæ
verò

P R Æ F A T I O.

verò proposita adeò accuratè atq; totis viribus in aliena incumbunt,
 eo usque etiam adamusim scrutantur, ut nonnunquam equè bona,
 sapius meliora reddant. Ut quod ipsi aliter præstare non poterant, ob-
 trectationis tamen amore assequantur. A quibus verò hoc solum im-
 petratum velim, ut si in his nostris hortis, vel quædam pauca, vel for-
 tasse plurima neque omnia calumniari possunt, quum ex C. Plinij
 Secundi gravi sententia, nullus tam malus liber, ut ex aliqua parte
 non profit, quæ perperam sata insitaq; sint, ut illis malè suboleant, his
 abstineant. Futurum enim hac ratione, ut ipsi sese legendi molestia
 leuent, & nos accusatione quotidiana liberabunt, illis legenda relin-
 quentes quorum neq; aures, neq; iudicium tam sit superbum,
 aut auersum. Mibi satis erit si paucis, maximè
 vero tibi D. Camerarie ut scribam, cui
 hac quantulacunque fue-
 rint, dedica-
 mus.

• • • • •



HORTORVM

LIBRI XXX.

Autore Benedicto Curtio Symphoriano, ecclesiæ
Lugdunensis equite.

LIBER I.

Arborum commendatio.

CAPVT I.



DE ARBORIBVS scripturus, non fore absurdum existimauerim, si ab illarum laudibus, idq; etiam statim in ipso operis limine inchoarem: Non ex rei magnitudine, quod non facile foret, neq; in vno capite, neq; libro in vno, sed multis sequentibus: quod tamen & conabor. Quam rem etiam sequentes adiuuabunt. Ratus equidem indignum esse, vt sine aliqua præfatione ad tam nobilem, tamq; vtilem, ac necessariam progrededer materiam, illotisq; etiam manibus, iuxta Caij Iuriconsulti sententiam, quò lectorem ipsum ad has colendas cupidiorer facerem, & ad obseruanda, quæ ad id pertinent, præcepta studiofiorer redderem, vt tandem illarum illectus amicitia, maiore diligentia, scientia, atq; industria, promptiori & alacriori animo, arbores fereret, fatas infereret, insitas excoleret, vt deniq; harum delectatione, fructibus, & omnibus illarum munijs, frueretur, vteretur. Quippe Aphthonius, declamator non incelebris, in suis progymnasmatibus vbi de laudatione agit, hortos, & arbores fore laudandas, memoriæ reliquit. Quòd si naturæ pars aliqua non fuerit, quæ contemplantium animos ad sui quandam admirationem adducere non potuerit, vt etiam philosophorum studiũ, industriam, ad illius vis & naturæ notitiã, occupauerit, vt ij non solum ad maiorum animalium, sed insectorum, reptilium quoq; perquirendas naturas descenderint, vt abstrusa quæq; & abdita suis vigilis nobis dilucidius patefacerent. Verum hoc maximè in arborum materia, quæ multos scriptores, longè plures demiratores habuit, vt potè cæteris vtilior, & ad vsum humanũ magis necessaria. Est præterea aliquid, quod

a in his,

in his, præter summam vtilitatem, amplectamur, & prædicemus. In his etenim umbra, præter fructum & alias innumeras plantarum commoditates, mirum in modum delectamur, atq; afficimur. Ad quam rem verò non tam fructuosam quàm sylvestrem, non magis laurum, cupressum, platanum, aut aliam raram atq; pretiosam arborem, quàm quercum, vlmum, populumve, aut aliam, quæ vtrò sese, secundum aut regionis vel loci naturam obtulerit, desideramus. Quis enim ille erit, qui in illarum fatu potètiā nō demiretur? Quid enim aliud naturæ maius miraculū est? vti ex minutissimis seminibus, qualia sunt cupressi, aut fici, vt vix prospici queant? & aliis multis, hordei granum minimè excedentibus, ne quis fabam reputet, non admiretur, tam grandes arbores tam latos, longosq; ramos, per aëra longè lateq; spatiantes, ac diffusos oriri? Tam proceras arbores in tam longum tempus permanuras, vt illarum ætatem nemo est qui non stupefeat, à minima quidem radice, paruisq; fibris, & capillamentis, & ali & teneri. Quis enim in vnus arboris specie, puta mali alicuius, aut ficorum, vel prunorum, tot genera, & varias formas, per tot anni spatia se vertentes, non suspiciat? tot & diuersos odores, atque sapes, quibus ac floribus mirum in modum delectamur, vt eæ efficiant, vt quemuis non sine, vt Cicero ait, admiratione delectent? Homerus enim cum vult formosos significare, eos arboribus comparat, velut in Odyssæa,

Νῦν αὖ παῖδός ἄλαστον ὀδύρομαι ὃν τέκε' Ὀδυσσεύς

Τηλεμάχῳ, ὃν ἐπεὶ πρέσβαν θεοὶ ἔρπει ἴσον.

In his verò prodigia, & ex illis insomniorum significationes, tanquam rem diuinam miramur. Fronde illarum, Deorum aras antiqui exornarunt, & ipsos coronarunt, & ad illorum sacrificia vsi, quibus fructus offerrent, & libarent. Ductæ autem in triumphum, vt essent triumphantiū præmium. Propter illarum fructus, feriæ institutæ. De his latæ sunt leges etiam ab initio, vt, quæ in duodecim Tabulis promulgatæ. Inter ipsas enim lata, promulgata interdicta, edicta, & Senatusconsulta. Q. enim Hortensius Dictator, cum plebs in Ianiculū secessisset, legem in Esculeto tulit, vt ea, quæ iussisset, omnes Quirites tenerent. Eæ autem auium latibula, cunæ sunt requiesq; : in quibus nidificent, cibum capiant, delitescant, quibus se aduersus ferarum iniurias tueantur. Igitur arboribus dulcius nihil, nihil iucundius, aut lætius: vt alia præconia hîc præteream. Illud postremum addam, vt paruo impendio (præter quæ spontè nascuntur) quàm minima opera, illas feramus, inferamusq; : ex quibus tamen vberissimam frugem, in longam ætatem, commoditatis plurimum recipiamus: vt à L. Columella bene dictum sit, Serere ne dubites. quod antè à Vergilio scriptum fuerat, addita figura,

Et dubitamus serere, atq; impendere curam?

*Arboribus, ad vsum humanum, nil magis necessarium,
Et de antiquitate illarum.*

C A P. II.

OMNIUM



OMNIVM autem rerum, quæ Natura producit, nihil magis vsui humano necessarium, nihil superq; conducibilius, quàm arbores. Quod experientia ipsa cuiq; satis etiã compertum. Mille etenim harum vsus, sine quibus vix conditio humana parum prosperè consistere possit. Arborum enim fructibus vescimur, quæ ad id, vno tempore, alios maturant, alios producunt, atq; si ad mortalium necessitatem properare videantur, vt hominis solius gratia procreata intelligantur. His etiam vescuntur animalia, quibus item postea victitamus. Arborum autem (inquit Cicero) confectione, omniq; materia, & culta & syluestri, partim ad calefaciendum corpus, igni adhibito, & ad mitigandum cibum vtimur, partim ad ædificandum, vt tecti, septiq; frigora, caloresq; pellamus. Magnos verò vsus affert ad nauigia facienda, quorum curlibus suppeditatur omnes vndiq; copix, quas res violentissimas natura genuit, earum moderationem nos soli habemus, maris atq; ventorum, propter nauticarum rerum scientiam, plurimisq; maritimis rebus fruimur, atq; vtimur. Hæc ille. Vestes igitur ex arborum foliis, atq; corticibus contextuntur. Fit è lignis præterea sal (maximum hominis circa ea, quæ comedimus, condimentum) cuius rationem apud Plinium videre est. Refert insuper M. Varro, quod cum in Gallia transalpina intus ad Rhenum exercitum duceret, aliquot regiones accessisse, vbi salem nec fossium, nec marinum haberet, ex quibusdam tamen ligni combusti carbonibus falsis, pro eo vsu. Arbores item ante animalia natas Porphyrio, & post eum Eusebius, ac Theophrastus autores sunt: sed verissimus omnium Moses, qui Deum tertia die lignum pomiferum protulisse scribit: sexta verò animalia. Etenim prius alimentum oportuit esse, quo postea nata animalia vescerentur. At Sardi, vt Apollonius Tyaneus ait, asserebant terra fuisse antiquiores arbores, vana & falsa opinione.

Lib. 2. de nat.
Deorum.

Sylva, & arbores primum hominum domicilium, et semper animalium fuisse: et quod poëta homines ex arboribus natos finxerunt: & de adagio, Ex quercubus nati. CAP. III.



SYLVA autem, & arbores prima generis humani habitacula fuisse, plures suis monumentis asseruerunt. Primis siquidem hominibus (inquit Q. Fabius Pictor) non domus extructæ, ornataq; , nec luxuria insignes erant, & splendida: sed viminum, & caua arborum ligna, in quibus rectorum vice victitarent homines. Et Eutropius: Ex frondibus, virgultisq; contextis casulas habitabant. & Vitruuius: Nascebantur antiquo more, veluti feræ, in syluis. Et Ouidius in Fastis:

*Vita feris similis, nullos agitata per vsus,
Artis adhuc expertæ, & rude vulgus erat.*

Pro domibus frondes norant. - Et Nemefianus: - *Sylva domus, cubilia frondes.* quod Iuuenalis, more satyrico, sui temporis in ædificando detestatus luxuriam, expressit:

De nemore & proavis habitatas relinquere sylvas,

Ædificare domos.— Siquidem illi primi homines, adhuc rudes, ac nudi, nil aliud commodius nati sunt, quàm sylvas, quàm arbores, quarum umbra, ramis, ac truncis sese aduersus solis molestias, pluuias, imbresq;, ac niues tuerentur, & defenderent: tum etiam contra frigora, ex quarum lignis ignes accenderent. Fronde etiam mollior specus. Sed ab illa prima habitatione quædam nationes non recesserunt, nemora adhuc colentes. Scytharum Argippeï, vt Herodotus autor est, eam partem, quæ ad auroram vergit, incolunt, sub excelsorum montium radicibus. Horum verò quidam sub arboribus cubant. De Scythis enim Pomponius Mela generaliter scribit. Refert etiam Dionysius, suæ Africæ Massylos, quibus nulla prorsus agri colendi ratio, nec ullus arandi vsus, per sylvas & saltus errare, & glandibus ferarumq; venatione vesci. Arimphæi Asiæ populi nemora pro domicilijs habent. Indorum insuper multi sub Indica ficu inhabitant, & in æstate atq; ipsis magnis caloribus, propter serpentes, & aliavenenosa animalia, in arboribus lectos sternunt, vt ibi securius dormiant. Et Brachmanes, qui illorum sunt sacerdotes, in syluis agunt, & corpus frondibus vestiunt. Gallorum etiam magi Druidæ, roborum lucos eligebant. Arabum nonnulli in tuguriis super arboribus factis, propter ferarum multitudinem, dormitant. Hyperboreis domus nemora, scribente & Plinio, & Solino: quos imitati Phœnices (inquiēt Diodoro Siculo) Et huius priscæ habitationis quædā apud posteros, in ludis ipsis & deliciis, vestigia remanserunt: sicuti in comædiarum scenis. Vmbra etiam F. Pœpicio autore, in ludis Neptunalibus vocabantur casæ frondæ: vt hæ tabernaculorum loco essent. Nunc & in festis diebus, atq; in æstate publicæ ac priuatæ, ad saltandum, & conuiuandum, extruuntur. Fingunt & poëtæ, apud inferos, ac in ipsis campis elysiis, ne mora esse, quæ semper vireant, in quibus animæ beatulæ inhabitent & spicientur. Seneca:

Nunc Elysij nemoris tutus Errat in umbris. de Priamo loquitur. Verum quod sylvæ Deorum habitatio fuerint, Vergilius testimonio est,

Habitarunt Dî quoq; sylvas. Lectus præterea, Varrone autore, dicitur à foliis collectis, quibus sterneretur. Arundinum verò lanugine, quæ Græcè σάμαξ dicitur, vt inquit Pollux, famulis ad cubandum sternebatur lectus. Ab hac enim prima sylvarum habitatione Poëtæ homines ex arboribus natos finxerunt planè, vt ait Seruius, cum homines ducta secum sua sobole è syluis egrederentur, ex arboribus procreati crediti sunt. Vergilius,

Gensq; virum truncis, & duro robore nata.

Quod ad Arcadas primum quidam retulere, qui se ante lunam, & astra natos, iactarent. Statius Papinius:

Lib. Theb. 4.

*Arcades hinc veteres astris, lunæq; priores
Agmina fida datis nemorum vos stirpe rigenti.
Fama satos, cum prima pedum vestigia tellus
Admirata tulit: nondum arua, domusq;, nec vrbes,
Connubisq; modus: quercus, laurique ferebant
Cruda puerperia, ac populos umbrosa creant*

Fraxin

Fraxinus, & fœta viridis puer excidit orno.

Finxit enim antiquitas, hominum primum genus è fraxino procreatum: quod Palephátus ad rem gestam reducens, Fraxinum hominem fuisse scribit, cuius liberi Fraxini dicti sunt, vt Meliæ fœminæ, à Melio viro, ab Helleno verò Hollones, & Græci Iones, ab Iono. Ab hac autem hominum prima origine tractum adagium, Ex quercubus nati. In eos, qui ingenio fero, & agresti sunt. Sic enim apud Homerum Hæctor Achillem alloquitur: & κριὸν τὰ ἐκ δρυὸς καὶ πᾶσι.

Arborum fructus, primi hominum victus. CAP. IIII.



PLUTARCHVS Cheroneus, non minus eloquens orator, quàm philosophus eximius, ac fidelis historicus, inter ea, quæ tot, tantaq; monimenta nobis reliquit, dialogum conscripsit, in quo interlocutores Vlysses, Circen, & ab ea in bestiam conuersum Gryllū facit: qui Circes munere in pristinam formam reuersus, Vlyssi longè beatiorē fore brutorum quàm hominum vitam, (vttranq; enim expertus fuerat) plurimis ostendere, ac persuadere satagit: præcipuè verò, quòd brutis naturâ cibus vnus amicabile sit. Nonnullis autem herba, aliis radix, fructusq; arboris cuiusdam. At solus homo omnia degustat, cuncta experitur & deuorat: vt quod sibi proprium, conueniensq; sit, nondum sibiipsi præscripserit: vt vnus solus ex omnibus animantibus, vorator sit. quippe qui ex folis plâ- tis, atq; seminibus, sine labore, sine arte vesci nesciat: suo etiam quoq; tempore, alia atq; alia sumere, decerpere, vindemiareq;. Verùm huiusce rei Hippocrates, artis medicæ verissimus dispensator, cùm de priscorum medicina agit, homines pomis, seminibusq; nutriri debere arbitrat: vt sine labore nullo alio cibo indigeant: quibus idem homines per exordia vsos asserit. Arborum autem fructibus quod est illarum primaria dos, sine frugibus victitamus: totq; diuersis cibus, vt præ varietate mitiores seligamus, non per tauros subactos, curuisq; aratris subuersam terram, terendamq; aream. Quibus verò alias præter natura ingenitas delicias immiscuimus, siue ab homine, adoptione, & connubio, culturaq; blandos sapes didicerunt, vt sic inductos homines, cælum ipsum, fructusq; ipsos spectarent, quos etiam si attingere pigeat, caducos tamen legimus. Dogma autem Pythagoreum apud Ouidium est:

*Parcite mortales dapibus temerare nefandis
Corpora: sunt fruges, sunt deducunt ramos;
Pondere poma suo, tumideq; in viribus vna.*

Et idem, de victu hominum post illorum creationem loquens:

*Ipsa quoq; immunis, rostroq; intacta, nec vllis
Saucia vomeribus, per se dabat omnia tellus:
Contentiq; cibus nullo cogente creatis,
Arbuteos sætus, montanaq; fraga legebant,
Cornaq; & in duris herentia mora rubetis,
Et, quæ deciderant patula Iouis arbore, glandes.*

Lib. Metam. 15.

Lib. 1. Metam.

Satyræ 11. Iuuenalis verò suæ tempestatis ciborum detestatus luxuriam, sic inquit:

*Signinum, Syriumq; pyrum de corbis iisdem
Æmula Pirenis, & odoris mala recentis,
Nec metuenda tibi, siccatur frigore postquam
Autumnus, & crudi posuere pericula succi.
Hæc olim nostri iam luxuriosa senatus,
Cæna fuit. — Idem alibi:
Illas domi natas, nostraq; ex arbore meas
Tempora viderunt: hoc lignum stabat in usus,
Annosam si forte nucem deiecerat Eurus.*

Athenienses autem primum ficibus, Argiui & Tirythij pyris sylvestribus, Medi amygdalis, Indi arundinibus, Carmani palmis, Persæ terebintho, ut autor est Ælianus, victitarunt. Iulius Pollux veterum cibum fuisse drupas, & ipsas oliuas scribit. In Rhodo plurima ficus, & in Caria nascitur, ut in annonæ caritate, illis non minimum adiuuamentum sit. Hyperborei, qui ultra Riphæos montes inhabitant, arborum fructus solum comedunt, ut prodidit Clemens ex Hellanico in stromatum libris, & ante illum Plinius & Solinus.

De nonnullis alijs gentibus, arborum fructibus vescentibus:

Et quòd exercitus, arborum fructibus aliti.

C A P. V.



ICVLVM Venti filium, ex arboribus victum prius inuenisse, Eusebius in præparatione euangelica, autor est. Non defuerunt tamen, qui post inuentam terræ culturam, ac ipsas fruges, arborum fructibus vesci non desierint, siue id agricolationis inscitia, siue desidia, aut soli vbertate, & solo suæ regionis beneficio contenti, ut in primo esu remanere maluerint. Plato diuinus philosophus, cum de victus hominum ratione disserit, primo de Cyclopius agit, qui cibum ex fructibus spontè prouenientibus defumerent. Indi, qui secundum Indum fluuium inhabitant, fructibus sylvestrium arborum victitant, autore Philostrato. Aracis fluuii insularum accolæ, ut memoriæ mandauit Herodotus, plantarum maturos fructus colligunt, & ad cibum hyemalem reponunt. Massagetæ, qui & insulas ac montes incolunt, fructibus sylvestribus viuunt, & illorum expressos succos bibunt, ut Strabo scribit. Idem Medos septentrionales iisdem fructibus vesci ait, & ex malis siccis ac tritis, massas conficere, & ex amygdalis panes. Cadusii, ut in Artaxerxe autor est Plutarchus, pyris, ac malis, alijsq; arborum fructibus vescuntur, solo fruges denegante. Astomorum Indiæ gentem ad Gangis fontem Plinius posuit: sine ore, halitu tantum, & odore viuunt, quem naribus trahunt. Nullus verò illis cibus: tantum radicum, florumq; varios odores olfaciunt, præsertim sylvestrium malorum: quæ secum in longiore itinere deferunt, ne desit ex olfactu cibus. Ægyptij, mense Septembri, qui apud eos Thot dicitur, melle & ficibus vescuntur. In Ruspina Africæ ciuitate, desiccata fici panis atq; obsonii vicem præbent: quibus cados implent. Sed omnium arborum nulla est, quæ plures

plures populos alat, affatimq; cibū prębeat, atq; palma. ex ea enim (inquit Plinius) gentium panis. Nasamones, vt Herodotus scribit, sub aſtatem relictis ad mare pecoribus, ad locum Ēgilem dictum palmulas decerp-
turi conſcendunt, quę ibidem plurimę, ac pręgrandes ſunt. Nam illic fructiferę omnes. Quas cūm pręmaturas legerint, ad ſolem deſiccant, vt poſt aliquot dies maceratas ſorbillent. Nunc & Indi pane palmeo vi-
ctitant. Hęc etenim fruſtatim diſſectę, atq; in ſartagine ex oleo frixę, pa-
nis uſum prębent. Arimphęi de quibus iam meminimus, vt refert Hero-
dotus, ex arbore, cui nomen Pontico, viuunt. Magnitudo eadem quę
fico: fructus verò fabę ſimilis, nucleumq; inſtar habens. Is enim ubi mi-
tis fuerit, exprimitur. Quod verò nigrum craſſumq; deſluit, nomine af-
chi, legunt ac lacte commiſtum potant. Ex eius quoq; craſſitudinis ſęcę,
maſſas ad eſum reponunt. In neceſſitate pręterea arbores non homines
priuatim, ſed exercitus ingentes aluerunt. Sępe enim illis euenit, vt defi-
ciente annona, & commeatus facultate, arborum radicibus alerentur.
Philippus enim Perſei pater, vt ex Polybio ſcribit Athenęus, cūm Aſiam
percurreret, annonaq; eius militibus defeciſſet, à Magnetibus victum po-
poſcit, à quibus ficus accepit: & cūm Myuntem poſtea cepiſſet, & regio-
nem Magnetibus, ficuum cauſa donauit. Alexandri autem exercitum ubi
ad Indię maritima perueniſſet, conſumptis, & deficientibus alijs ſalimētis,
& ad vltimum, famem ſentire cępiſſet, palmarum radicibus, quas rima-
rentur, & quę illis vbertim erant, alitum fuiſſe Q. Curtius refert. Iuliani
etiā principis exercitus in Perſas proficiſcentis, ſępius palmarum fru-
ctu ſatur, plures inſulas prętergreſſus. Prętorē autem in Sicilia C. Verre,
clafſis Romanorum ibi fame laborauit, vt palmarum ſylueſtrium
radicibus victitare coacta ſit, ſcribente in Verrem Cicerone. Iones à Ro-
manis deficientes, & à Gn. Pompeio in fugam verſi, ad propria remean-
tes, glande ſagina enutriti (referente Appiano. Idem cibus, vt Plinius, ex
Cornelii Alexandri teſtimonio ſcribit obſeſſos in Chio oppido, durare
fecit. Caſelii oppidanis ab Hannibale obſeſſis, Romani, ſiue Pręneſtini,
nuces per Vulturnum fluuium miſerunt, quibus ſuſtentarentur, vt inde
hoſtis longam obſidionem ſuſtinuerint. Et vt ab Hiſtoricis ad poëtās re-
cedam, Achæmenidę inter Sicilię ſyluas, ob Cyclopas occultantis, cibus
fuit bacca & corna, Ouidio verò glans.

*De Lotophagis, & alijs, qui ex arborum fructuum victu
nomen ſortiti ſunt.*

C A P. V I.



ONNVLLI quod ex cuiusdam arboris fructu veſcerētur,
nomen adepti ſunt. Quorum primi, plurium ac memora-
bilium virorum monimentis, fuerunt Lotophagi, Loti ar-
boris fructu victitantes, qui Libyę populi fuerunt. Verūm
de illorum ſitu, varię autorum ſententię, pręſertim verò,
vtrum in magna, minori ve Syrtis fuerint. Siquidē Homerus, à quo prę-
cipua illorum, & antiquior fama progreſſa, horum regionem citra Bo-
rion, in intimo Syrtis minoris ſinu poſuit: Et poſt eum Herodotus ad
Gindan

Gindanorum oram in mare porrectam. Huius enim opinionis fuit Strabo, ut huius Syrtis minoris, insignis insulae, meminerit, cui nomen Meninx. de qua Silius: Nerintia Meninge natus. Hanc Eratosthenes, ut ille refert, Lotophagiten dictam scribit. Hæc modò Gerbis dicitur. Polybius verò eam non longè à minore Syrte posuit. Ptolemæus autem inter duas Syrtis, Orientem versus ad Cyniphen flumen locauit. Alii circa Phile-norum aras, Quiq; alii fuerunt geographi, huic opinioni adhæserunt, ut siti sint ad eam Africæ partem quæ in Italiam vergit. Hæc autem regio, hocq; etiam fructu, exercitus vltro citroq; per Africam commeantes pa-uit, ut Plinius ait. Et de Ompheli exercitu, Carthaginem petentis, alii me-moriæ mandarunt. Horum vicini, secundum mare sunt, Machlyes, Ioto & ipsi victitantes, verum parcius superiores: Homeri enim carminibus nobilitati, ut ab Vlysse ad eos missos tres exploratores scribat. Qui degu-stato loti arboris fructu, atque illius dulcedine illecti, apud Lotophagos manere, quàm ad Vlysses reuerti, maluerunt.

odyssea lib. 9.

Τῶν δ' ὅστις καὶ τοῖο φάγοι μελιηδέα καρπὸν,
Οὐκ ἔτ' ἀπαργεῖλαι πάλιν ἠθέλειν, ἔδὲ νέεσθαι,
Ἀλλ' αὐτὸ βέλονται μετ' ἀνδράσι Λωτοφάγοισι
Λῶτον ἐρεπτόμενοι μενέμεν, νόστι τε λαθέσθαι.

Æthiopum verò Rizophagi, & Topophagi sunt. Hi enim placentis arbo-
rum radicibus in farinam tritis, confectisq; viuunt, vnde nominati. Illi
verò ex arborum tenerioribus ramis dente exesis viuunt, ut Diodorus
Siculus tradit. Cæteri verò huius gentis homines arborum fructus edunt,
& illorum quidam ex palmæ genere, quæ cyce dicitur, panem conficiunt,
quo vescuntur, ut scribit Theophrastus. Sperrophagi, non procul à Me-
roë Nili insula, è pomis panem ad victum conficiunt.

Hominum primus è glandibus victus, & de adagijs ἀλυσ
δρυός, & ἀλλην δρυν βαλάνιζε.

C A P. V I I.



BX omnibus autem plantis, primum hominum victum è
glandibus fuisse, non defuerunt, qui assererent. Verum, ut
autor est in Arcadicis Pausanias, Pelægus vir magnus ac sa-
piens, primus Arcadas glandium cibū docuit: à quo & ipsa
regio postea Pelægis dicta est. Illi enim ac cæteri herbis, &
stirpium frondibus, & fructibus indifferenter sæpius non sine periculo,
vescebantur, sed vitæ cultioris illis autor fuit, & glandium esu admodum
delectati ut potè qui antea dulciore cibum degustassent minime. Ideoq;
à Pithyæ oraculo βαλανοφάγοι, (scribente in Coriolano Plutarcho)
dicti sunt. Sic etiam ab Homero nominati. Et hic cibus, vsq; ad Cererem
quæ terram colere docuit, durauit. Quod testatur Ouidius Naso, & Va-
lerius Flaccus. ille sic,

Lib. 1. Fastorū.

Officium commune Ceres, & Terra tuentur:

Hæc præbet causam frugibus, illa locum:

Consortes operum, per quas correctæ vetustas,

Quernāq; glans victa est vtiliore cibo.

Hic,

- Ant

- Aut curru sanos frangasse dracones.

Credulus ignaras Cereris quo vomere terras
Imbuit, & glauca quercum damnavit arista. Tibullus etiam.

Clans alat, & prisco more bibantur aqua:

Vergilius, & Claudianus. Quod ille de Chaonia, hic de Dodonæa sylva,
quæ Epeiri sunt, glandium feraces, expresserunt. Ille,

Liber, & alma Ceres, vestro si munere tellus

Chaoniam pingui glandem mutavit arista. Hic,

Unde data populis fruges, & glande relicta,

Cesserit inuentis Dodonia quercus aristas.

Et Iuuenalis, sui temporis luxum detestatus:

Contingunt homines veteris fastidia quercus.

Præterea Vergilius in sacris Cereris, quernam coronam messoribus tri-
buit, quod frugum inuentione, glandium victum aboleuerit:

Et Cererem clamore vocent in tecta, neq. ante

Falcem maturis quisquam supponat aristas,

Quam Cereri, torta redimitus tempora quercu,

Det motus incompósitos, & carmina dicat.

Victus autem iste in glandium genere fuit è fago, vt voluit Seruius Mau-
rus. Est & esculus è genere glandiferarum arborū, ab esu vocitata, quod
antiqui eius fructum in escam defumerent. Ab hoc enim priscorum vi-
ctu, tractum Græcum adagiū, cuius meminit Cicero ad Atticum, *ἀλῆς*
δρυός, id est, satis quercus. Quod de discedentibus ex viliori vita ad melio-
rem dicitur. Et aliud *ἀλλήν δρὺν βαλάνιζε*. De his, qui mutuò petunt, &
identidem ab eisdem mutuò accipiunt. Athenis insuper mos fuit, vt in
nuptiis puer quispiam vndiq. spineis frondibus, & quernis glandibus
opertus, coronatusq.; cunas panibus plenas ingrediens hæc proferret,
ἐφύσον κακόν, εὖρον ἀμεινον, id est, euasi mala, meliora nactus. Quæ vox
ominabatur sponso sponsæq.; tanquam essent ad meliorem fortunā pro-
fecturi. Malum enim vocabant & glandes & spinas, panes verò bonum:
quod steriles sint spinæ, & glandibus victitarint antiqui. Nec etiam post
inuentas segetes, idem glandium vsus, apud multos cessauit. Scribit enim
Plinius, sua tempestate glandes multarum gentium fuisse opes, pace gau-
dentium: qui frugum inopia, & arefactis ipsis in farinam, ad panis vsum
spissarent. Lusitani, veluti memoriæ mandauit Strabo, qui in montibus
degunt, duabus anni partibus querna victitant glande: quam cum desic-
cauerint, molunt, & in panis vsum recondunt. Allobii, ex Sarmatis po-
puli (inquiente in stromatis Clemente) glandibus, & arborum baccis
vescuntur.

Sapientes aliquot, & athletas, nonnullosq. alios,

foliis arborum fructibus victitasse.

CAP. VIII.



Vviam primū apud omnes reperto frugum vsu, & alijs
edulijs, omnes rudem glandium pristinam vitam exuissent: qui
tamen arborum fructibus vescerentur, inuenti: vt philosophi,

b &

& athletæ, & aliquot nationum sectæ. Illi enim quod eo cibo promptiores, & animo, spirituq; aptiores ad studiū, & ad philosophādum facilius, & conducibilius fore arbitrarentur: & multo impedimento esse, plurimarum rerum, maximè carniū esum, ad imbuendam, adipiscendamq; sapientiam. Hi enim, quò ad laborem fortiores, ad cursum leuiiores, ad sudorem vegetiores, quò denique vim & corporis robur augeant. Et horū primus fuit cibus, siccæ fici. Chiron præterea, Seruio autore, Achillem virum fortem, ac plusquàm athletam, sic educauit, vt nullum cibum coctum degustaret, verum vt herbis, baccisq; syluestribus tantum vesceretur. Vnde Euphorion poëta *Εἰς ἰστίην χιλὸν κατ'ἡμετέρας πάβαν γεύσας τοῦ νεκάρου δόνησεν αὐτὸν ἅχιλλεα φημὶ ξαντο*. Persæ, inquit Strabo, liberos fructibus syluestribus, puta glandibus, & pyris syluestribus vesci docebāt. Hūc autem athletarum victum, Pythagoras exercitator primus, ad carnes commutauit, viamq; his aperuit, quò auidius atq; liberiùs, epularentur. Propterea Euripides, in primo Autolico, eiiciendos eos censuit: nullum ex infinitis, quæ in Græcia existerent, malis, athletarum genere deterius, ducens. Nunc de philosophis. Indorum verò sapientiores, qui nudi incederent, talæ siue palæ arboris fructu alebantur: & arboris alterius fructu, quæ magnitudine, & ramorum amplitudine, mirum in modum præcellēs esset, ac fructuum suauitate insignis. Et apud eosdem Germanos, cuiusdam selectioris sectæ philosophi erant, ij syluicolæ, fronde, & arborum syluestrium fructibus, victum desumebant: vestes quoq; ex arborum corticibus contexebant, & illi omnium honoratissimi habebantur. Esseni interea partem Iudææ, quæ Occidentem tueretur, obtinebant: memorabili disciplina, non solum à Iudæis recesserunt, verum etiam ab vniuersarum gentium ritu, vt scribit post multos Solinus. Venere abstinebant, & apud eos nullum cum sæminis commercium. Pecuniam nesciebant: palmis tantum viuebant. Persarū insuper reges, veluti in Artaxerxe prodit Plutarchus, cum apud Parasgadas, sacris regio more initiarentur, caricas in cibū sumebāt. Phraotes quidam Indorū Rex Apollonio Tyaneo, apud Philostratum, se palmis, atq; his arborum fructibus quos hortus irriguus suppeditaret: quæ proprijs manibus coleret, victitare asserunt. Sed nunc ad aliquos philosophos, apud quos priuatim, vt apud Phraotem hæc vita transit. Zeno Citieus vt Laërtius in eius vita scripsit, caricis tantum ad vitam utebatur, quem aliquando Philemon, cum post panem caricas loco obsonii comedentem conspexisset, acerbè taxauit. Menedemus etiam philosophus ad cœnā semel vocatus, mensam lautissimis cibus, atq; diligentiori apparatu diuitem tacitus coarguens, solum oleas sumpsit. Anchimolus & Moscus in Helide philosophantes, vt inquit Athenæus, solis ficibus vescabantur, nihilominus tamen corporibus validis fuerunt, sed ex hoc victu & aquæ potu, id mali illis euenit, vt illorum sudor grauis fuerit: ita vt eorum odorem in balneis omnes vitarent. Matris Atheniensis, donec vixit, vel nil, vel certè parum, præter myrti baccas comedit.

Quod

*Quòd Reges ac Magnates olim arborum fructibus
donarentur.*

CAP. IX.



N arborum prætereà fructibus, non defuit muneris honos. Siquidem verò his & Principes, & Magnates donabantur: quibus amicitiam iramq; , aut inirent: aut placarent. Israël autem Iosepho, qui toti Ægypto sub regis voluntate imperabat, resinam, stactem, aromata, nûces, & pineas, & amygdalinas filijs deferendas præcipit. Nónne & Abigailis, Dauidi vuas passas, & caricarum massas ducentas obtulit? quo verò dono, non tam huius iram, quam contra maritum conceperat, extinxit: quàm amorem in eam conciliauerit: vt defuncto marito, eam in vxorem acceperit. Verùm quid magnificentius, quid diuinius, quid deniq; admirabilius. Ecce reges Magi, infanti itidem regi, è Saba Arabiæ, quæ ministerium significat, prælonga regione, stella prælucente, ac iter præmonstrante thus, & myrrham offerunt: quibus certè Deum, ac hominem (proferente diuo Ioanne Chrysostomo) confessi sunt. Quippe in thure, Dei honorem, in myrrha, corporis sepulturam: in auro autem, quod etiam dederunt (vt mihi liceat extra rem parum progredi, maxime vt nil tam diuini mysterij prætereundum sit) regni potentiam denotarunt. Artaxerxes Darij nepos, & Xerxis Persarum potentissimi Regis filius, insignis magnitudinis malum punicum à paupere, qui Mises vocabatur (authore Æliano) oblatum excipere non veritus est: interrogauitq; eum, è quónam horto lectum: qui respondit è domo sua allatum, & in horto suo depromptum. Cui tandem Rex: Per solem (inquit) hic homo tali cura, & diligentia, è parua ciuitate, magnam, si fidei eius crederetur, quàm celerrimè efficere posset. Quibus profectò verbis, cura, & indefesso labore, contra etiam naturam, meliores atq; præstantiores res, omnes effici posse, significabat.

*De bellarijs, & adagijs, ἀβυθίων ἐπιφόρημα, & Attica
bellaria.*

CAP. X.



OLIS arborum fructibus olim homines contentos superius docuimus: verùm postea augeſcente illorùm ingluuie, non abundè satis mansuetiores cortis & bestię ac aues ad esum fuerunt. Alias autem expetimus: viscum, tendiculasq; & inescationes atq; retia illis tendimus, paramus. Alias etiam ad illarum prædam enutrimus, & studio peruigili docemus. Feras autem non sine nonnunquam vitę periculo etiam venamur: vt sæpe, dum illis vesci cupimus, ab his occumbamus, & deuoremur: vt nobiscum pro vitę tuitiõne iure nature digladientur, nos autem pro ciborum luxuria. Neque enim his terrestribus & volatilibus animalibus solùm contenti: maria longè nauigamus, altè scrutamur, cum beluis, & immanibus cetis, bellum gerimus: cum ipsius maris æstuantis fluctibus congregimur: vt sæpenumero, dum piscibus epulari desideramus,

mus, illorum escā efficiamur. Iam enim soli arborum fructus, ad secundas mensas referuntur, ut alijs escis ingurgitati, sint tamē secundæ mensæ honores. Quod Secundus his perelegantissimis verbis testatur, præconium aliud non minimum arborum. Ex his recreans membra olei liquor, viresq; potus vini, tot deniq; sapes annui spontē venientes, & mensæ. Depugnetur licet earum causa, cum feris, & pasti naufragorum corporibus pisces exspectantur: etiamnum tamen secundæ. Bellaria autem, Macrobius Aurelius, & ante eum A. Gellius, omne secundæ mensæ genus, significat. Aristophanes, inquit Pollux, mensas secundas bellaria vocat, ut etiam bellarijs vesci dici possit. Græcè *παραήματα* dicuntur, & *πέσματα*, & *ἐπιφορήματα*: ut ex verbis Herodoti in primo colligitur: *στίοις μὲν ὀλίγοις χρέονται ἐπιφορήμασι δὲ πολλοῖς.* & etiam *ἐπαίχλια*. His enim secundis dulcia apponebantur: unde bellaria etiam dulciaria appellabantur, & quia cum lauri folijs comedebantur, quod dicunt *κάπτεον*, inde cammatidas vocabant folia ipsa. A bello enim, quod bonum significat, Priscianus bellaria deducit: Et hæ secundæ mensæ, ex arborum fructibus constabant, ut malis cæna finiretur, unde Horatius,

*Serm. lib. 1. Sa-
ty. 3.*

- Si collibuissest ab ovo

Usg, ad mala citaret, io Bacche, modo summa

Voce, modo hac resonans, quæ chordis quattuor ima.

Erant autem bellaria, inquit Polluce, myrtides, caricæ, & mespili. Græcorum etiam in conuiujs pyra aqua mersa erant: quod nunc apud nos in æstate rosacea fit. Plinius etiam sua tempestate, per Hispaniam obferuari dicit, uti in secundis mensis, glandibus vescerentur. Menedemo verò fuisse bellaria pyra, & mala punica, tum matura, tum præcocia, sæpe caricæ & huiusmodi, memoriæ prodidit Laertius. Plutarchus in Artaxerxe, reges Persarum de more regio initiandos, pro bellarijs terebinthum degustare scribit. De bellarijs autem sic Horatius:

*Serm. lib. 2. Sa-
ty. 2.*

- Tum pensilis vna secundas

Et nux ornabat mensas, cum duplici ficu.

Vina quoque dulcia A. Gellius, & Macrobius, in antiquis comædijs hoc vocabulo dicta annotarunt: ut propterea Liberi bellaria vocarentur. *ἐυθυπτα*, bellaria deliciosè parata dicuntur, quæ in sacris inferebantur: unde Apollo *ἐυθυπτος* dictus. Hypatus mons in Bœotia (teste Pausania) suprâ Glissantem urbem: In eo autem Iouis templum, ex quo Hypatus cognominatus. Ara in delubri vestibulo, quod Erechthion appellabant. Ad eam verò nihil, quod animatum esset, immolabatur, verum omnis generis tantum bellaria, & libamentum. Lacedæmonij bellaria non comedebant: quam ob rem, cum Thasij Agesilao regi esculentum obtulissent, aliquot bobus & pecudibus acceptis, reliqua renuit, inquit, Date Ilotibus. Hi Spartanorum serui erant. Ceterum, Cornelius Celsus, secundam mensam bono stomacho nihil nocere, imbecillo verò coacescere. Græcum adagium est, *ἀβυδηνῶν ἐπιφορήματα*, id est, Abydenorum bellaria. In Abydeno autem Asiæ ad Hellepontum sita ciuitate, quæ & Milesiorum colonia fuit, mos inoleuerat, ut post cænam nutrices ad conuiuas

conuiuas infantes deferrent, quorū eiulatus, quod sæpe illis, propter non antea viſos, & incognitos homines, contingebat: moleſtiæ potiùs, quàm voluptati erat. In eos verò dici uſurpatum, quorum aduentus, animi perturbationem quandam adferret: & eos abeſſe deſiderarent. Eſt aliud adagium, Attica bellaria, quod de lautitijs, & cupedijs dicitur.

Veſtes, vina, & oleum, ex arboribus, & alia quedam hominibus neceſſaria.

CAP. XI.

DOMICILIA, victum hominum arbores fuiſſe ſuprà demonſtrauimus: ſuper eſt vt ex his etiam veſtes contexamus, quibus illi ad ſolis æſtus, & frigoris algores, ſeſe protegant. Libro, inquit Plinius, veſtis quo verò ſimilimunere, veluti arbores ipſas ab his tuetur. Cortices enim arborum ac folia, gentium, quibus corpus velarent, prima tegumenta fuerunt. Cognata quidem res, vt à quibus & victum, & domicilia accepiſſent, ita, & veſtes. Maſſagetæ inſularum quarundam Scythiæ homines, ſuas arbores veſtire Strabo ſcribit. Aſtomi Indiæ populi, de quorum cibo ſuprà, ex Plinio diximus: ex frondium lanugine veſtiuntur. Arabes, ex arbore cyna vocata, cui folium palmæ ſimile eſt, veſtes componunt. Ex Sarmatis (inquit Clemens in ſtromatis) ij, qui appellantur Allobij, arborum induuntur corticibus. Germani, vt ait Mela, arborum corticibus corpora contegunt. Calcei prætereà nunc, & antiquitus, ex ligno conſecti, qui Feſto Pompeio calones vocitarentur. Marcello autem Nonio calones dicti ſunt, qui ligna militibus ſubminiſtrarent. καλα enim Græcè ligna dicuntur. Fœminas inſuper ſuberis cortice, in calceatu hyberno viſas fuiſſe, Plinius teſtatus eſt. Quamobrem Græci non inſacetè eas arborum cortices, appellabant. Vinum autem, & oleum, præcipui ad hominum uſum liquores, ex arborum fructibus: vt etiam vites præteream, quas arbores eſſe, nemo inſicias eat. Quorum rationem, cùm de ſingulis arboribus ſcribemus, docebimus.

De quibuſdam regionibus, in quibus incolæ lanam ex arboribus ad veſtium uſum depectunt.

CAP. XII.

PLVRES autem gentes memorantur, apud quas arbores lanigeræ, & integræ, ingentesq; ſyluæ huiuſmodi ſint: verum omnium principatum habuerunt Seres populi, vt omnibus pretioſis indumentis illis iam nomen Seres populi dederint: vt iam bombycinas à ſericeis non diſtinguamus. Qui ſi plurimorum teſtimonio, hoc lanicio memorabiles, apud omnes fuerunt, de eorum tamen ſitu, apud multos variatum. Plinius Scythiæ extra Imaum montem populos eſſe voluit, Indis conterminos, qua parte, Seria, Abaſa, Sacæa, inſulæ iacent. Pauſanias verò Græcus ſcriptor, in Æthiopia eſſe, & ſinum rubri maris colere: cui opinioni Vergilij autoritas accedit:

b 3 Quid

Georg. 2.

*Quid nemora Aethiopum molli canentia lana.**Velleraq; vt folijs depectant rennua Seres?*

Martianus autem Capella, Perfidis gentes esse scribit. Seruius, Vergilij interpres, hos apud Indos posuit. horum nominatiuus singularis Ser, Aufonius:

Iam pelago volitat mercator vestifluus Ser.

Et Sidonius:

Assyrius gemmas, Ser vellera, thura Sabæus.

Nam vermiculus ipse, vt autor est Pausanias, Ser dicitur. Lanicio sylvarum nobiles, persusam aqua depectentes frondium canitiem: vnde gettinus scæminis labor, redordiendi fila, rursusq; texendi. De his hoc modo Ammianus: Seres, apud quos abunde syluæ subluce, a quibus arborum fœtus, aquarum crebris asperginibus, veluti quædam vellera, mollientes: Ex lanugine, & liquorum mistam subtilitatem tenerrimam pectunt, nentesq; subtegmina conficiunt sericum. Aliter Pollux, & Seruius, vt apud eosdem, in arboribus vœsci vermes, qui bœbyces vocitentur, vt in araneorum morem fila tenuissima deducant, vnde sericum fiat, vt illæ lanam arboream non posse intelligi, quæ alibi procreetur. De his sic Silius:

Seres lanigeris repêbant vellera succis.

Nunc de cæteris apud cæteros arboribus. Indos vestire suas arbores, Plinius in scripta mandauit. Quod variè ab alijs proditum est. Nonnulli verò ibi syluas ferte lanas testati sunt, nasciq; linum candidissimum. Arrianus subdidit, ex quo illi linteas vestes contexerent, & eis Macedonas pro tomento vt, & sagula conficere. Alij autem, sericum ex corticibus arborum a nonnullis excarminari, quod byssus diceretur. Theophrastus enim plantam esse, ex qua illi vestes confuerent, cuius folium mori simile haberet, toto autem corpore cynorhodo proximè cerni, quæ ordinatim serantur. Vt si à longè prospiciantur, vites appateant. Astomi Indiæ etiam populi, de quorum victu suprâ ex Plinio dictû, ex frondium lanugine teguntur, & ex alia quadam arbore, quæ mori folio similis est, ex qua lineas vestes facerent. Fert & Ægyptus, vt Pollux autor est, arborem ex qua lanificium contexant, cuius vestes crassitudine tantum à lineis differunt. Densior arbori fructus, nuci persimilis, triplici cortice munitus: duobus verò exterioribus detractis, interius hic, vbi nucis instar efflo-ruerit, lanam refert, eximitur, atq; in lanam netur. Æthiopia, hoc illo etiam autore, Ægypto contermina, laniferas arbores habet: huic propior, verum maior, folijs, in quibus lana adnascitur, mali punici similibus. In India etiam (prodente Herodoto) arbores sunt agrestes, pulchritudine tamen, tum etiam bonitate, nulli alteri cedentes. Pro fructu lanam ferunt, qua ad vestimenta Indi vtuntur. Arbores in Tylo insula, atq; in excelsiore suggestu, laniferas nasci, Theophrastus autor, quarum folia, si maiora essent, vitium videri poterant: cucurbitas, mali cotonei amplitudine, producant, ex quibus telam, dein vestes, alias viles, alias pretiosas, consuunt. Cuiusdam verò insulæ in Oceano aduersus Meridiem posite, Diodorus Siculus meminit, eius tamen nomen non ponit: ex cuius

cuius molli ac splendida lanugine, incolæ sibiipsis vestes præparant. In Atlante autem plantas cupresso assimiles nasci Plinius tradit quæ infra, tenui lanugine obducuntur, ex quibus, addita arte, vestes, quales bombycinæ, conficiant. Et ut propius ad nostros accedamus, atque ex ipso Plinio, in Co insula, cupressi, terebinthi, fraxini, quercus quoque nascuntur: ex quarum flore imbris decusso, (terræ halitu animante) vermiculus generetur, qui bombyx vocitetur: qui insuper stamen, ad vestes bombycinas faciat.

Medicina, & unguenta, ex arboribus. C A P. XIII.



ST & aliud, quò natura, in arborum fructibus & illorum tot succis atque odoribus, ad usum hominum productis, sui miraculum, non satis compleuisse, videri poterat: ni parens illa, nulla non sui parte, ipsdem ad sanitatem videlicet, simul atque voluptatem prodesset. Ut hæc, quæ à terra longius absunt, non solum ferrent auxilium. Quorum primo, nec sylvæ, lucorumve horridior facies caruerunt, ut denique medicina fuerit solitudo ipsa, ut hinc tantum de illa ex sylvarum habitatione, & consuetudine generalius dicam. De singularum autem, quotquot sunt arborum, & illarum partium facultatibus, quæ satis amplæ sunt, nec inter ea, quæ natura genuerit, ad medendos morbos, minimo impendio, ac leuiori artificio posteriores plantæ fuerunt. De quibus, dum de illarum, suis locis, generibus agemus, dicetur. Itaque exercitatione ipsa, ut omnis medicorum testatur schola, vel ad corporis augendas, & confirmandas vires, vel tuendam valetudinem, nil sanè utilius, nil salubrius. Ea tamen Galeno medicorum facile principi magis commendatur, quæ sub umbra mista sit, quam Græci *σκιόφυτον* vocant, & Celso eiusdem professionis autore eam meliorem, quam quæ inter parietes, atque in ipsis viridarijs, & sub tecto sit. Ut plurimum enim vento leui, ut auram potius dicamus, sylvæ mouentur: quam arborum folia, sua leuitate excitant, & aduenientem sentiunt: aërisque densitatem ibi sistere non permittunt. contra etiam valentes flatus sylvæ, sua firmitate, nos protegunt. Viridis præterea arborum color, visum fouet. Quæ res non minimum sanitati confert. Nam confusis oculis (ut inquit Seneca) profunt virentia, & quibusdam coloribus infirma acies acquiescit. Nocuis enim & pestilenti aëri, sylvas præsertim pomiferas, & odoriferas, singulasque solum arbores obijcimus: ut suauis, & molli vento, nos ab infirmo aëre defendant, & tueantur. Profunt insuper non parum ad euitandam aëris contagionem, sylvarum umbræ, & amœnitas: potissimum verò fragrantium. Quum enim Romæ, pestis atrociter sæuaret, Commodus princeps medicorum consilio Laurentum secessit, quòd hæc Regio, lauri crebris syluis, vnde nomen accepit, opaca foret. Cuius odores plurimum contra cœli maleficia prodesse, cuique notum. Hæc Herodianus. Contra pestilentiam etiam hæc arbor, authore Aristophane, foribus affigebatur. Aegæippus etiam author est, Herodem ob vxoris Mariamnæ mortem,

mortem, quam interfici mandauerat, tanta tristitia affectum, vt in grauem corporis ægritudinem inciderit: quam tantum aër pestilens auxit, vt dein suorum medicorum suasu, sese sylvarum secretis abdiderit, & re-fuso paulatim vigore, & venationibus recreatus, simul & corporis, & mentis salubritatem receperit. Syluæ præterea, quæ picis, resinæq; gratia raduntur, vtilissimas phthificis esse Plinius scripsit, atq; illis, qui longa infirmitate, non recolligunt vires, & illum adiuuare plus cœli aëra, plus ita, quàm Ægyptiam nauigationem, plusquàm lactis, per montium æstiuæ potus herbidos. Vt postremum vegetiori corpusculo sint, qui purissimo fruuntur aëre. Sed erant per se fructus, syluæq; mira, verum rursus iuuat luxuria, ea verò simul omnia miscere, & è cunctis odorem facere: vt ita primum ex his excogitata atq; reperta vnguenta fuerint. Vt arbores non solum, ad hæc, quæ suprà commemorauimus, satis essent, ni ad luxuriam quoq; ac delicias nascerentur: Græci ea *μύρα*, à myrrha arbore, generaliter vocarunt, & in arborum genere nux myrepisce, id est, vnguentaria diceretur. Specialem autem appellationem ab his arboribus, ex quibus constarent & conficerentur, veluti rosaceum, siue rhodinum, elatinum, melinum, malabathrinum, & sic de cæteris receperunt. Quorum rationem suis locis, patefaciemus.

*Arborum vsus circa chartas, & quòd deorum omacula,
in arborum folijs exciperentur: & de adagijs, Folium
Sibyllæ: & Non in foro ligneo iudice: & quando
primum chartæ inuenta.*

C A P. XIII.



LIVS arborum non minimus vsus, vt chartarum, & membranarum vicem præberent: & priusquam ex papyro, & animalium corijs fieri cœpissent. Quibus maximè vitæ humanitas, & mortalium memoria posteris constaret. Itaq; primum hoc munus, palmarum folia præbuerunt, atq; in his scriptitatum: vt inde *φοινία γράμματα*, è palma dicerentur, quæ Græcè *φοινίξ* vocitatur. Verum nonnulli, ad literarum inuentionem, quarum inuentores primi Phœnices perhibentur, retulerunt. Sed & Indos quoq; in his stilo ferreo, ex aliquo colore scribere, qui apud eos nauigarunt, aiunt. In eisdem verò folijs Cumæam Sibyllam sua oracula scripsisse, Seruius è Varrone, memoriæ mandauit, quod etiam è suo Vergilio est, etsi palmæ nomen non exprefferit:

*Insanam vatem aspicias, quæ rupe sub ima est,
Fata canit, folijsq; notas, & nomina mandat,
Quæcumq; in folijs descripsit carmina virgo,
Digerit in numerum, atq; antro seclusa relinquit.*

Ex qua re ortum adagium, Folium Sibyllæ, de re verissima. Ad quod alludit Iuuenalis:

Credite me vobis folium recitare Sibyllæ.

Et vt in folijs quarundam arborum oracula Deorum conscriberentur, religiosius

religiosius obseruatum: veluti in lauri folijs, in quibus Apollinis Delphici responsa exscriberentur: Vt de illis intellexerit Vergilius, dum ait:

- *Folys ne carmina manda.*

Et Seneca in Oedipo, Hoc me Delphicæ laurus monent. Et ante chartarum inuentionem, leges in asseribus ligneis scribebantur, quas in medio foro suspendebant: vnde paræmia, Non in foro ligneo, indice auctore Ioanne Chæco. De his enim dictum, qui sine autoritate aliqua quid assererent: vt in monumentis suis aliqui reliquerunt. Sed post arborum folia libri chartarum vsum dederunt: vt inde codices ipsi nomen sumperint, vt solius Iuuenalis, in re tam nota, testimonio contentus sum:

- *Aut summi iam margine libri,*

Scriptus, & in tergo, necdum finitus Orestes.

Ad quam verò rem, philyræ cortex, quæ tilia dicitur, vt plurimum selectus. Quod ostendit Martianus Capella: Rarò verò (inquit) libri philyrea cortice subnotati. E philyra autem fieri libros tenuissimos, atq; in vtramq; partem replicabiles, in Commodo, Herodianus auctor. Insuper Vlpianus Iurisconsultus, Librorum appellatione contineri ait, siue in philyra, siue in tilia, conscribantur: vt propterea philyræ vocatæ sint, omnium arborum tuniculæ, ad scribendum aptæ. Nomina itemq; coniuuratorum, in tabulis tiliaceis, eisdemq; duplicibus exscribi solitum Ioannes Xiphilinus auctor. Arundines etiam (authore Plinio) chartis feruiunt, vt illa ad id idoneior sit, quæ syringias (authore Dioscoride) vocitatur & calami Ægyptij, affinitate quadam papyri, Verùm probatiores Gnidij, & qui in Asia, circa Aneticum amnem proueniunt. At nunc arundinum calamus tenuissimus, maximè Italis, ad scribendum accommodatus. Ad hoc enim antea quàm è pennis auium calamus repertus, & vt de arborum libris testimonium aliquod præbeant: documenta cum priuata, tum publica, in arborum libris exarata mihi pluries legere licuit. Repertæ autem sunt primùm chartæ, Varrone auctore, Alexandri Magni victoria, atq; in Ægypto condita vrbe Alexandrina, nec antea chartarum vñs fuit.

De Arborum in sepeliendis, vrendis, atq; condendis hominum cadaueribus vsu.

C A P. XV.



VPEREST alia arborum, post tot enumeratas iam illarum dotes commoditas: vt non viuus solùm plurifariam opitulentur, verùm etiam mortuis, in illorum sepultura. Cæterùm Plinius Secundus Arabiam ingratham, ac falsam scælicis cognominis subarguit, propter thuris & myrrhæ arbores, quas sola produxit, vt hoc acceptum superis tantùm ferre debuerit, quorum causa genitas fuisse, intelligere debuerit, cum eo plus inferis, impendat, vt illam potius hominum etiam in morte luxuria, beatam fecerit, defunctis vrendis. plus adhibens, vnum præterea sui dicti exemplum subiiciens, Neronem scilicet principem tantum in nouissimo Poppeæ suæ die concremassè: quantum annuo fœtu ferret: veluti

c rerum

rerum periti asseuerauerunt. Æstimetur postea, toto orbe (vt verba illius accomodem) singulis annis, tot funera aceruatim congeſta, honori cadauerum, quæ dijs per ſingulas micæ dantur. Primum enim hominum cadauera in arcis recondabantur, maximè Græcis, quas è cedro vel cupreſſo, ob materiei diuturnitatem, fabricarunt. Electra enim apud Euripidem ſibi Oreſtiq; fratri, ex cedro exoptat ſepulcrum, & quotiens ille ſepulcri mentionem facit, totiens è cedro conſectum ſcribit. Thucydides autem nobilium ac locupletum qui in bello occubiſſent, capſis cupreſſinis recondi ſolère. Quod Lucanus faſſus,

Et non plebeios luſtus teſtata cupreſſus.

Q. Curtius, apud Niſam Indiæ urbem, oppidanorum ſepulcra è cedro facta eſſe. Pythagorici, atteſtante M. Varrone, in myrti, oleæ, & nigræ populi folijs: condi maluere. Lacedæmonij etiam cadauera inhumantes, oliuæ fronde circundabant, vt Plutarchus in Lyncurgo prodit. Et apud Vergilium:

Aen. II.
- Pallantis molle pheretrum
Arbutis texunt virgīs, & vimine querno:
Extructosq; toros obtentu frondis inumbrant.

Mos autem Aegyptiorum, condendi ad plures annos cadauerum, alius fuit. Siquidem omnem aluum exenterabant, quam exinde cū diligenter expurgaffent, ruſſum myrrha, caſia, & cæteris odoriferis, excepto ſolummodo thure, contuſis, reſerciunt, & illud ſic compoſitum, in ligneam hominis effigiem, tanquā in tumultum includebant. Communior poſtea, & cuiq; hominum conditioni magis aptior, & vſitator ſepulturæ modus, priſcis fuit, vt cadauera lignis cremarentur, vt tantū hoc ſepulturæ genus, in Germania clariſ, reſeruaretur. Vt cæterorum funerum nulla ambitio foret: ſicuti de moribus illorum ſcribit Tacitus, ſed ad id certa ligna requirebantur. Hoc autem non abſq; mathematica ratione fuit. Quippe Heraclitus omnia ex igne conſtare affirmabat, idcirco in igne debere reſolui. Lignorum enim ad hoc congeries, pyra Seruio dicebatur: quæ cū ardere cœpiſſet, roguſ: cū iam exuſta, buſtum: quem etiam ordinem Vergilius Æneidos vndecimo ſeruauit:

Conſtituere pyras. Et poſt:
Conditur in tenebras altum caligine cælum,
Ter circum accenſos cincti fulgentibus armis,
Decurrere rogos. Deinde:
Semiſtaq; ſeruant
Buſta. "

Poſtremum illud adde, ex Nicolai Colleſtaneis, De moribus gentium, quod Colchij defunctos, non ſepelirent, verū ex arboribus ſuſpendebant.

Quod in hortis, antiqui ſepelirentur & de Cyri ſepulcro.



IN hortis autem, ex priscorum monumentis, antiquos sepultos fuisse, legimus. Vt quemadmodum illis in vita delectationis plurimum acceperant, sic etiam his post mortem ad corporis quietem fruerentur: ac si animulas suas in eis spatium, tanquam apud campos Elysios existimarent. Alexandrini autem tempore Strabonis, hortos & septa condendis cadaueribus dicata habebant. Cyrus autem magnus Persarum rex in hortis sepultus, omnium prunorum generibus confitis: cuius sepulturam Alexander Magnus, e Iudæa ad Pasagardas rediens, inspicere desiderauit, ut Strabo literis mandauit. Erat enim turris non admodum ampla, arborum densitate latens, & inuisa, perangustum aditum habens: Parte verò inferiori, solida, superiore autem tecto, ac sacello exornata. Hanc verò Aristobulus, iubente rege, ingressus: cui deinde auream se vidisse lecticam retulit mensamq; cum poculis, ac vestem plurimam, & aureolum alueolum lapillis ornatum, & incrustatum. Beli sepultura in hortis Babylonicis fuit. Meletis verò sepulcrum, ut Philostratus perhibuit, in Smyrnæ luco fuit. Et, ut ad Romanos principes tandem diuertamus, Sergius Galba, in suis hortis, authoribus Suetonio & Eutropio, sepultus. Antoninus Pius, Adriani apud Baias mortui reliquias, Romam peruexisse Capitolinus scribit, & sanctè, ac reuerenter, in hortis Domitiæ collocasse.

In syluis, & sub arboribus depasci quadrupedes, & illa esse harum domicilia, & de fronde & folijs animalium cibo.

C A P. XVII.



QVÆ generi humano ex arboribus necessaria forent: suprà edisseruimus: Nunc superest vti de illarum circa animalia vfu, dicamus. Erga quæ, ut hominibus, tot ferè sunt munera. Nam & illorum cibus & cubacula, ut præter homines folijs ac fronde illarum pascantur. Non solum, quæ terram inhabitant, verum etiam quæ mare, quæ item per aëra volitant, reptilia quoq;. Hoc autem omne, ad hominum vtilitatem, ut nobis inseruiant, quibus etiam post vescimur. Primum etenim proderit (autore Vergilio) gregem per æstatem meridie deducere:

*Sicubi magna Iouis antiquo robore quercus
Ingentes tendit ramos, aut sicubi nigrum
Illicibus crebris, sacra nemus accubat vmbra.*

Insuper animalia in syluis, saltibus, æstate maximè, ubi simul & cibum sumant, & aduersus solis æstus vmbra sese defendant,

Pascitur (inquit Maro) in magna sylua, formosa iuuenca.

Folij enim arborum viridibus, animalia pascuntur, ut salicis, cytisi, arbuti: teste Vergilio:

- Non me pascente capelle

Florentem cythiisum, & salices carpetis amaras. Et alibi:

Lenta salix fæto pecori. Et alibi:

C 2 Dulce

Dulce satis humor, depulsis arbutus hœdis.

Nam capræ arbutum quærunt, vt inquit Horatius:

*Impune tutum per nemus arbutos,
Quærunt latenteis, & thyma deuia
Olentis vxores mariti.*

De falice verò expressit Iuuenalis in Romanorum gulam:

*Hædulus, & toto grege mollior inscius herba,
Necdum ausus virgas humilis mordere salicti.*

Columella verò laurum viridem, vel iligneam frondem, bobus porrigendam scribit, & capris præbenda ad lactis copiam hederæ vel lentisci cacumina, & vlmī samaram. Folia etiam sicca animalium escæ sunt. E fronde enim, cū imbribus vel assiduīs roribus maturuerit (nam antea inutilis est) fasciculos componunt agricolæ, quos sub tecto ad boum, & pecudum genus in hyemem referuant, & is, qui cædit, frondator vocatur. De quo Vergilius,

- Canit frondator ad auras.

Verū, specialius quædam ex his, quæ bobus magis conueniant, æquum erit, vt digeramus. Inter quadrupedes enim hoc animal homini plus utilitatis ac commodi affert. Etenim eo terram ad segetes vertimus, onera vehimus, & vbi præ senio, ad hæc minùs utilis: ad cibum impingamus: vt eò magis vtiliores, quò plus senuerint, vt plus deniq; nobis inferuiant: Vt denique nobis in vita simulac morte profint. Si verò fœnum non erit, Aprili, Iunio, Iulio, Augusto, Septembri mensibus, frondem arboream affatim dandam, agriculturæ authores præcipiunt. Octobri verò, & Nouembri ad Idus, vno boum iugo quæ sit corbis vnus. Probabitur maximè vlmea: post fraxinea, si sit: sin minùs ornea. Ab hac enim populnea: vltimæ autem sunt iligneæ, & querneæ. Rectè etiam præbetur laurea, hederacea, arundinea, & folia ficulnea. Cato populneæ admisceri vlmeam, vt satis sit, vult. Attinia autem vlmus, iucundior frondem bubus præbet, quòd verò vernacula, longè procerior ac latior sit. Hoc autem admonendum ex his memoratis authoribus duximus, vt si pecus vno frondium genere alueris, ne postea alterum substituas: Nam bobus fastidium affert. Oues autem hieme repositis vlmeis, vel ex fraxino frondibus commodissimè, aluntur. Pecus oleaster, vt Aristoteles ait, opimat. Capris fraxinus gratissimam præbet frondem. Illud tandem admonemus, ne cuiquam animalium generi, arboris cuiusque frondem, quæ spinas fert, qualis est iuniperus aronia, porrigamus. Nam hæc propter aculeos respuitur.

De glandium & aliorum fructuum arborum circa animalia victu.

C A P. XVIII.



LANDIVM sicut hominum, ita & animalium multifariam victus fuit, & harum multis communis. Columella enim, & Plinius vbi bruma erit, aspergendam glandem esse scripserunt. Cuius rei rationem, sedulò habendam vt præcipiat ille, vt singulis iugis, singuli

guli modij dentur: nec minus nec amplius, diebus triginta, quoquo tempore. Largiri autem, valetudinem infestat. Quòd si parcius per ver præbeatur, scabiosi, vt Higinus ait, fiunt. Vti in ingrato cibo, per tempus, aut parcitas, aut satietas, pœnitentia sit. Plautus in Truculento:

Rus mane dudum hinc ire me iussit pater, vt bubus

Glandem prandio depromerem.

Paleis autem immisceri, Columella voluit. Nónne & glandes, suum pabulum sunt? Quo verò impinguescant, carnem tamen humidam facere, Aristoteles author. Homerus præterea aquam nigram, ac copiosam glandem, suibus pinguedinem suggerere scribit. Italiam verò glandibus abundare memoriæ Polybius prodidit, quæ in nemoribus eius regionis atq; in diuersis locis producat. idq; in primis testimonium esse, quòd generis Italici homines, penè infinitam porcorum multitudinem alant: quæ non solum ad priuatos vsus sufficiens sit, verum ad necessarium exercitus apparatus, & ad sacrificia etiam abundè suppeditet. Nemora quippe suibus conuenientissima esse, agriculturæ authores asseruerunt. vt pote, quæ quercu, subere, fago, ceris, ilicibus, oleastris, tamaricibus, corylis, pomiferisq; omnibus, ac syluestribus arboribus, refertæ sint. vt spinæ albæ, græcæ, filiquæ, loti. In quibus etiam pinus, cornus, arbutus, prunus, nukum, & ficorum multiplicia genera. Hæ autem arbores affatim deciduos fructus suibus, & alijs quadrupedibus suppeditant: quibus fruuntur, & impinguescant. In Galliarum etiam multis prouincijs, amplæ glandiferæ syluæ. In quibus sues saginentur. Ex quibus etiam domini reditum non minimum faciant, penso in singula suum capita, certo pretio. Glande etiam oues pinguescunt. Nunc & alios ex alijs, quadrupedum prosequamur cibos. Palma autem apud plures gentes animalium esca. Nam in Ægypto, Cypri, Syria, & Assyriæ Seleucia sues, reliquaq; animalia, palmulis vescuntur. Babylonij bobus ouibusq; nucleos aqua prius maceratos, in escam offerunt. Et vt palmarum cibum prosequar, illum in feris, finiam: Elephantum in cibatu gratissimas palmulas habent. Boues ficibus pinguescunt: quibus Carie pastores suas pecudes alunt, vt in vita Apollonij scribit Philostratus. Sues etiam fraxini fructu ad pinguedinem perducuntur, vt Ælianus scribit: sed qui coxarum vertebrae dolorem contrahat.

De feris nonnullis, minoribusue animalibus, auibus, & piscibus, arborum fructibus vescantibus.

CAP. XIX.



Nunc reliquos arborum fructus prosequamur: quibus feræ, minoraq; animalcula, aues quoque, ac pisces vescuntur. Omnes autem feras bestias, quæ pluribus aut quibusdam particulatim arborum fructibus vescuntur, longum enumerare. Quod si facile, tamen onerosum, & minus idoneum. Vrsus, & aliæ permultæ feræ, fructus omnes arborum omnium edit: quibus vt fruatur, arbores lubrico corpore, conscendit, in horreaq; sua, in multam hyemem recondit. Tauri, bisontes, vt Pausanias in Pho-

censibus memoriæ reliquit, non alium pabulum habent. Pinus tamen satiuæ nucleos, putaminibus euolutos, vix attingunt. Glires, sciuri omnis generis glandes in arborum cauernulis ac suis horreis, per hyemem, repositas rodunt: talpæ radices etiam. Et vt ad minora animalia secta; deueniamus, Vermiculos, ex quibus sericum fiat, apud Seras populos (de quibus supra) nasci Pausanias mandauit memoriæ, & arundine prædulci pastu ali. Nunc & in Gallia, Italia, Hispania, multisq; alijs prouincijs, vermes bombyces mori albæ folijs alicubi propter hoc satæ quadraginta, à Vergiliarum exortu, vsq; ad sequens solstitium, diebus, enutriunt, qui vellus conficiunt. Olim principum, magnatum, & magistratuum vestis, nunc verò plebeiorum, sordidarumq; & infamium personarum. Vt quod olim insigne ac decorum fuerat nunc vile, & multis repræhensibile, & si auctius pretium. Tanta est huius seculi in vestitu, sicut in cæteris, rebus luxuria. Nunc de auibus, quarum etiam arborum fructus esca fuit. Turdi, picæ, glandes cum deficiunt, recolligunt, atque in sua repositoria abditas, ad victum referuant. Ficus exsiccatas, & in tenues partes comminutas, & aqua per viginti dies dilutas, anserculis, vbi adoleuerint, in cibum præbent. Valent ad iam grandiores impinguandos. Turdi in domestica domo enutriti, myrti baccis, hederæ, lentisci; fructu pascuntur. Hi etiam ac merulæ iuniperi baccis pascuntur, sibi ipsis gratissimo cibo, nec alio esu gratiorem carnem nanciscuntur: quæ è loci opportunitate, iuniperæ vocentur. Vescuntur etiam olearum folijs, vt testis Epicharmus apud Athenæum. Superest vt de piscibus agamus: vt marinos à fluuiatilibus, in cibo etiam separemus: vt primum de marinis, atq; de thynnis dicamus, quorum victus fuit glans, tam multiplex fuit eius erga tot animantium genera esus. Quercum autem admodum humilem, sed fructu maximo impendio vberem, apud Cartaiam Hispaniæ regionem prope maris litus nasci, Strabo scribit. Fructus autem in mare delapsus, vel vento deiectus, & aquarum æstu longè iactatus, thynnos alit, eximieq; pinguefacit, vt longè macriores sint, deficiente alimento. Qui autem longius absunt, & esu insipidiore, vt quum etiam glandium fuerit abundantia, thynnorum item sit copia. Quare non aberrarunt, qui eos porcos marinos vocitarunt. Hæc eadē prodit Polybius Megalopolitanus. Sepia in maritimis arborum fructus suffuratur, & sæpe depræhensa, furti pœnas luit. Nunc de his, qui in lacubus, stagnis'ue, ac piscina includuntur. Quibus dandū esse, si facultas fuerit, Columella scribit poma viridia aperta, nuces digitis infractas, ficos molles, & cōminutas, aut elixū molle sorbum. Quod si propter hyemis sæuitiam eius generis esca dari non potuerit, si qua temporis sint poma concisa, ficus arida, semper obijciantur, eximia si sint, vt Beticæ, Numidicæq; regionum. Et vt hanc rem satis amplam minimo animali finiam, cicadæ, sicuti memoriæ reliquit Aristoteles, nasci minimè possunt, vbi defuerint arbores. Vt hac ratione circa Cyrenam nullæ sunt, in oppido verò permultæ, quia ibi plurimæ arbores. Hic de animalium ex arboribus victu, simul atque vno in loco, quod etiam ad harum laudes spectet, dixisse sat est: ne etiam, cum de ipsis speciatim scripturus, hæc referre necesse sit.

De arborum redditu, vectigalibus, & pretio: & de nonnullorum erga aliquas amore.

CAP. XX.



ARBORVM redditus, commoditas, & necessitas ipsa facit, & harum maximè, quarum plus indigemus. ut quum illarum plurimus, ac frequentior vsus est, puta ipso esu, materie, pastu, venatione, & alijs non paucis illarum etiam genera, raritas pretia augent. Plurimum verò regiones, vt vnaquæque plus altero indigeat, alia verò materie, propter maris vicinitatem, ad ædificandum naues. Sterilitas etiam vicinarum, etiam redditum adauget. Vti absolutam redditus rationem præscribere, sicuti nec de vnaquaq; re, impossibile sit. Habet enim, quæque regio harum pretium, quod augetur vel minuitur. Tantum verò, quarundam apud antiquos redditum referam. Sylua præterea cupressorum apud antiquos quæstuosissima fuit: Quod harum, tam marium quàm scæminarum, asserum & perticarum amputationem admitterent: quæ Plinij tempestate, tertio decimo anno singulis denarijs venirent: vt plantaria, filiarum dotem, appellare, in more esset. Arborum vectigalia publica, etiamnum priuata, pluribus fuere solum de his, ex quibus vectigal publicè, pensum est, dicemus. Arabas autem singula millia talentorum thuris annua Persarum regibus pensitasse, author Herodotus: Pro quo etiam pendunt Gebanitarum Regi: cui eidem Sabæi, quartam partem exsoluisse scribit Plinius. E balsamo autem Romanis Iudæi tributa pendebant, vt in illorum auaritiam exclamauerit Iuuenalis:

Omnis enim populo mercedem pendere iussa est.

Arbor, & eiectis mendicat sylua camænis.

SALTYRA 9.

Postea verò eam seuit fiscus, vt propterea in eam, sicut in vitam suam, scuirent Iudæi. Contrà defendere Romani: vt pro ea tandem dimicatum sit. Sarmenta quoque eius in merce fuerunt. Nam amputatio ipsa, & surculus intra quintum annum DCCCC. venit. Ex cocco alteram tributi pensionem Hispaniæ pauperes soluebant. Morini ob platanos, & vmbra ipsam vectigalia luebant. Nec minus miraculum (vt Secundi verba subiiciam) in pomo est multarum circa suburbana fructu annuo addicto binis millibus nummum maiore singularum redditu, quàm erat apud antiquos prædiorum. Si qua autem tellus, ingruentibus bellis, vel iam finitis, coli desisset, aut iam inculta remansisset, in hunc modum proclamare iuebant Romani (Appiano scribente) vt volentibus illam colere, quintam partem vectigalis fructuum arborum antea perceptorum exoluerent. Rhodiorum quippe tributa fuerunt ficus, vinum, oleum: Quorum subsidijs illorum rempublicam administrarent, & sustentarent. Et nostra tempestate Lusitanorum Regum præcipui redditus, ex vectigalibus fructuum arborum Indicarum, sicut & olim Romanorum, plurimarum arborum fructus, De quibus Martianus Iurisconsultus, in Digestorum libris. De pretijs autem arborum idem atq; de illarum redditu censendum, vt certum assignari possit minimè: etiam si venales fuerint.

fuerint. In qua verò re, genus, raritas, ingens crassities, coma ampla, denique umbra, existimanda forent: verum maximè circa aliquas, quorundam affectio. Aut quod eas seuerint ætatis quandoq; testimonium, aut parentes maiorésve: sed inter hæc maximè locus. Pluris enim facimus, in compluuiò, cortège, quàm in suburbijis satam. Pluris quæ publicè, quàm quæ priuatorum umbræ creuit: Omnia tamen, ex temporum ratione, & diuitiarum modo ac luxuria. Quòd vno L. Crassi, & Cn. Domitij Enobarbi, ex Plinij & Valerij Maximi testimonijs, exemplo comprobabimus. Ambo enim nobilissimarum gentium, ambo simul, censuram, post consulatum gessere. Anno autem condita urbis sexcentesimo sexagesimo secundo, frequentem iurgijs, propter morum dissimilitudinem. Crasso verò domus erat, quæ olim fuerat Q. Catuli, qui Cimbro cum C. Mario fudit. Domitij autem illa, quæ fuit C. Aquilij equitis Romani & clarissimi Iurisconsulti, multum verò pulcherri-
ma, consensu omnium, ea ætate, in colle Viminali. Cn. Domitius, ut erat vehemens natura, accensus præterea odio, quod auersissimum ex æmulatione esse solet, Collegæ (altercatione orta) obiecit, quòd columnas Hymettij marmoris in porticu domus haberet, increpuitq; tanti Censoris habitare, pro domo eius millia nummorum identidem promittens. Quem Crassus continuo, ut præfens ingenio semper, & faceto lepore solers erat, Quanti ipse domum suam æstimaret, interrogauit: Qui respondit, sexagies sestertia. Quo ergo illam, inquit, minoris fore æstimas, si sex arbusculas inde succidero? Ipse tricies sestertia (inquit Domitius) ac ne vno quidem denario, si hæc adimerentur. Tunc Crassus, Vtrumne igitur ego sum, inquit, quæso, Domiti exemplo grauius, & ab ipsa mea censura notandus: qui in domo, quæ mihi hæreditate obuenit, comiter inhabitem? an tu, qui sex arbuscularum vimbram tricies sestertium summa compensas? Eæ autem fuere loti, patula ramorum opacitate lasciua: tanta igitur tunc fuit Romanorum opulentia, tantoq; plus honoris, arbores domibus afferebant, ut sine illis ne inimicitiarum quidem pretium seruauerit Domitius. Communem verò arborum æstimationem, priuata nonnullorum affectio, & amor superauit. Fuit autem mori eximia arbor in luco collis, qui Corne appellatur, agri Tusculani. Hanc autem

Pasienus Crispus, bis consul, & orator percelebris, Agrippinæ etiam matrimonio, & Nerone priuigno postea clarior, Plinij temporibus in tantum adamauit, ut eam amplecti, osculariq; sit solitus, non modò sub ea cubare, atque vinum illi fundere.



Præfatio libri secundi.



QUAM utiles, quamq̃ necessaria, ad vitam humanam
 sint arbores, supra demonstratum. Ut non solum homi-
 nes, verum animalia quadam enutriant, quibus postmo-
 dum vescamur: atque ferè omnibus, quibus arborum,
 frondium, herbarumq̃, cibus est, veluti ceruis, capreis, apris, leporibus,
 cuniculis, & multis alijs, quæ enumerare longum. Sic enim natura
 comparatū, ut ab illo inter homines & animantia communi esu, qua-
 dam sympathia generi humano, comparata sit, ut his, post mortem ad
 escam utamur fruamur. Ab his autem, quibus caro cibus est, omnino
 abstinemus: veluti leonibus, lupis, vulpibus, & ceteris, quorum etiam
 ferocior natura: quorum item à consuetudine & contubernio sapius
 ofores sumus, ut à nobis prorsus aliena iudicemus. Sed post arborum
 erga genus humanum infinitas dotes, sequitur, ut de illarum honore,
 hoc secundo libro dicamus, quo multis modis cum priuatim, tum
 etiam publicè, honestatæ fuerunt. Nam prisca illa ætas, agnitis tot
 harum commoditatibus, & necessario usu, animi munificentia qua-
 dam, quàm plurimis honoribus eas condonare voluit. Antiquorum
 etenim regum, ac magnatum coronæ, & diademata fuerunt, quibus se
 magis, quàm auro, quàm gemmis, vel alia quacunq̃ re pretiosiori, vel
 aliquo subtili artificio, honoratos existimarunt. Triumphantium au-
 tem decus, victoriarum gestamen, & in sacris ac publicis certamini-
 bus præmium, uti his victores insignirentur. Poëtarum insuper coro-
 næ, conuiuarum letitia. Apud Cesarum enim & flaminum ianuas
 excubatrices: licitorum itidem fasces, atq̃ militum iacula: nauium
 quoque rostra exornarunt præfixæ. Itaque in foro, ad tribu-
 nalia, quibus non contenti homines, ni quoque ipsas
 regiones, etiam sinus, vrbes, ad perpe-
 tuam rei memoriam, illarum
 appellatione hono-
 rarent.



H O R T O R V M L I B E R S E C V N D V S.

*De quibusdam familijs, & hominibus, quibus arbores
nomina & cognomina dederunt.*

CAPVT I.



ARBORVM honores nunc prosequi consentaneum: atque primùm circa homines: vt ab his, tanquam à digniori materia, incipiamus. Quibus verò tantum ipsa antiquitas tribuit, vt ab illis quaedam familias denominauerit, vt illarum cognomina homines non respuerint. Vt generalius ab ipso syluarum nomine, inchoemus: Syluani plures denominati, & Syluij, vt Posthumius, qui & Syluius, cognominatus. Is enim fuit Æneæ è Lauinia filius posthumus, Ascanij frater. sic dictus, quòd in syluis natus esset. Ouidius:

Lib. 4. Fast.

*Posthumus hinc: qui, quòd syluis est natus in altis,
Syluius in Latia gente vocatus erat.*

Ab eo autem Albanorum Reges postea Syluij vocati, vt inquit Eusebius in chronicis, C. Lucinto, M. Varrone, & Plinio attestantibus: Stolonis cognomen fuit inditum, vt eius genti postmodum hoc cognomen culturæ diligentia conseruauerit. Ab hortis etiam Hortensij vocati, vt Romæ Q. Hortensius Dictator, & M. Cassius Hortensius. Militi etiam, Frondij nomen impositum, quòd fronde capiti imposita, Vulturum transnauerit: & præclara aduersus Hannibalem facinora ediderit. Vna arbor laurus est, cuius nomen Latina lingua (inquit Plinius) viris imponatur, vt Ciceronis liberto, cui Laurea nomen fuit. Fœminæ verò plures, quæ hanc appellatione fortitæ sunt, tam apud Græcos, & Latinos etiam, Græca appellatione. Nam in pluribus antiquis marmoribus, Daphnis pro viro ac fœmina legere est. Arbuscula, nomen fuit insignis meretricis Romæ, quo tempore Cytheris. De qua Horatius, *Explosa Arbuscula.*

Arbores regionibus & fluuijs nomina indidisse.

CAP. II.



RE G I O N I B V S etiam nomina, siue ab vno arborum genere, siue simul à pluribus imposita sunt. Nam Hyrcania Asiæ prouincia, ab Hyrcana sylua dicta. Et Pieria Macedonia regio, à Pierio nemore, vt Plinius ait. Melussa, vna ex tribus Sirenis, ante Lacinium promontorium, non tam à pecoris, quàm pomorum abundantia dicta: quemadmodum Melussa,

luffa, quæ Hispaniæ adſcribitur, quæ nonnunquam Peloponneſus nuncupata. Madera, Atlantici Oceani inſula, non parum ante tempeſtatem noſtram à Luſitanis inuenta, deinde cohabitata, à lignorum copia ſic vocitata. Nam ligna ſic vicina gentes vocant. Quam verò, vt inhabitaretur, ac coleretur, lignis antè expurgare, præſertim igne, propter difficultatem, neceſſum fuit: quandoquidem tota ſyluis opaca, atque inuia eſſet. Ex qua poſt cedrinæ menſæ, & alia materies, ad ſupelleſtilem lignariam ad exteros exportata. Nape, Metynei campicollis, ſic vocatur, quòd arboribus circumdata ſit. A quercu verò vallis Syriæ, quam alij à terebintho denominant, in qua Dauid gigantem Paleſthinum interfecit. Nunc de his, quæ à ſingulis arborum generibus, nomen acceperunt. Myſi populi, ab arbore, quæ Græcis ὄξυς, Lydis autem μύση, fagus Latine, quòd horum mons Olympus, hac veſtiatur. A pyrorum enim prouentu, Peloponneſum Apiam dictam, Athenæus author. In qua ſententia, Stephanus. Theocriti tamen interpres, pyra à Peloponneſo nomen accepiſſe putat, quòd in ea primum hic fructus apparuerit. Gadera inſula, Cotiuſæ nomen habuit, ab oleaſtro illic naſcente, qui cotinus etiam vocaretur. Cedros, inſula in litoribus Germaniæ, ſic appellata, quòd cedri arbore ſyluoſa ſit. A pinu etiam Græca voce Pityodes & Pityuſa inſula, in mari Balearico: & alia etiam eiufdem appellationis in ſinu Argolico. Lampſacus, Hellesponti vrbs Troianis temporibus, prius Laomedontea, Pityuſa, & Homero Pityus. In Peloponneſo, ſinus Saronicus, à nemore querno redimitus, ita Græcia quercum ſic antiquitus vocitante. Pauſanias tamen à Sarone, qui poſt Aſthipum regnavit, dictam vult. In eadem regione etiam Cypariſſius ſinus, cuius circuitus quandoque ad ſeptuaginta miliaria. A picea, quæ Pades Gallicè vocatur, Septius Metrodorus, apud Plinium, & Marcus Cato in libris originum Padum vocatum ſcribunt: quòd hæc arbor plurima circa eius fontem adnaſcatur. Alon etiam fluuius Hispaniæ citerioris, ab arbore, quæ Græcè ὠλεῖα, vlmus Latine dicitur, vt quibuſdam placet, vocatur. Cedrus nomen fluuij in Sardinia, Ptolemæo authore.

Arbores vrbibus, & alijs locis impoſuiſſe nomina.

C A P. I I I.



SUPEREST vt de vrbibus & locis, quibus arbores appellationes impoſuere, quæ plures vt regiones fuere. Daulis Phocenſium ciuitas, ab arborum denſitate, vt multis placet, nomen habuit, quòd ibi, priuſquàm conderetur, δαυλός, denſos veteres appellabant: Ficana, oppidum olim clarum Latij Plinio à ficis dictum: de quo F. Pompeius his verbis: Pulia ſaxa eſſe, ad portum, qui ſecundum Tyberim eſſe ait Fabius Pictor. Quem locum putat Labeo dici, vbi fuerit Ficana, via Hoſtienſi, ad lapidem vndecimum. In Ægypto etiam Hiera ſycaminos, ſic cognominata. Nam Hegeliſtratus exul, quærens ſedem, Delphos peruenit, deumq; de ſede conſuluit: cui Phœbus ibi eam collocauit, vbi colonos oleaginis

coronis ornatos cerneret. Itaque in Asiam profectus, huiusmodi colonos circumspectis, urbemq; ibi exædificauit. Plutarchus in parallelis. Myletus vrbs Cariæ, antea Lelegeis, & Pityusa vetustiore vocabulo. Cuius etiam incolæ *φθίρες*, vel quasi *φθειρῶν ὄρος*. Pinorum enim syluis abundauit, quarum fructus vel flores, vt alijs placet, *φθίρες* dicuntur. Præneste oppidum Italiæ, non longè ab vrbe *ἀπὸ τῶν πειλών*, id est, ab ilicibus (inquirente Seruio) dictum. Telegonus autem Vlyssis & Circes filius ad inuestigandum patrem dimissus, deorum responsis commonefactus, vt urbem in eo loco conderet, vbi certantes cum coronis colonos videret. Italiam itaq; ingressus, huiusmodi colonos saltare cernit, ibiq; oppidum condidit: quod à coronis arboreis Prinistum vocauit, Romanis Præneste. Buxetum etiam in Italia oppidum, à buxo, Græcis tamen propriam significationem seruat. Nam illis Pyxus vocatur. In ea etiam Corneta, à loco, vbi abscissa cornus, vt voluit Varro de lingua Latina. Cyparissia Græciæ ciuitas, à multa ibi cyparisso, vt ostendit Homerus in secundo Iliados. A palmis autem, due insignes ciuitates memorantur: vna, quæ fuit Romanorum, Maior insularum Balearium. Alia Syriæ, Palmyra dicta. Illorum verò lingua, Thadamus nuncupata: quandoque Adrianopolis, à Salomone Rege condita, Odonati principis nomine, & bellis aduersus Traianum, & Adrianum Principes gestis, clara. Cerasus, Ponti ciuitas, à cerasis dicta. Verum sicut à lauro homines, ita & vrbes nomen desumpserunt. Laurentum, Italiæ oppidum, antea Lauinium & Lauinia dictum, auctore Seruio: sic dictum, quod cum Latinus Telegoni frater & Circes filius, & Ænææ fover, post Lauinij fratris mortem, quum Lauinium amplificaret, in arce laurum reperit: sic canente Vergilio:

Aen. 7.

*Laurus erat tecti medio in penetralibus altis
Sacra comam, multosq; metu seruata per annos:
Quam pater inuentam primas cum conderet arces,
Ipse ferebatur Phæbo sacrasse Latinus,
Laurentisq; ab ea nomen posuisse colonis.*

Seruius autem à prisco lauri nomine, Lauinium vocat. Regio etiam Italiæ, hoc nomine, quod hac arbore opaca: de qua supra Herodiano auctore. Et vt de à lauro nominibus, vno in loco finiam, Laurentum locus fuit Romæ, in Auentino monte, à sylua ibi laurea Ioui sacra, vbi sepultus Tatius. Daphne etiam Asiæ vrbs, in qua Antiochus cognomine Epiphanes, per celebres fecit ludos. Et Daphnus, Daphnusa, & Daphnitis, insula, & palatium Daphne. Gaddir Hispaniæ ciuitas, aliquando Tartessus, & Cotinusa ab oleastri vbertate, si Eustathio credimus. Oleastrum oppidi in Bætica Hispaniæ (Ptolemæo) nomen. Myrrhinus Atticæ vrbs Pausaniæ Peloponnesi à myrtorū copia, quas myrrhinas vocant. Rhamnus, Atticæ ciuitas, Stephano Rhanunta, in tribu Eantide. Sic dicta, Pausania, & Aristophanis interprete, authoribus: quod hic abundè rhamnus frutex germinet Cyprus insula Carpathij maris, etiam à cypro frutice, quod ibi frequens, vt voluit Eustathius. Elea ciuitas, ab oliua, Græca voce,

ca voce. Nunc de alijs nonnullis locis, ab arboribus & plantis, sic vocatis. In ipsa vrbe Roma prius memorabimus. Vt primum de portis, vt de Capena, Neuia, & Viminali: illa autem à Capenis lucis, iuxta Camœnas, de quibus Vergilius,

- Lucosq; Capenos.

Nunc sancti Sebaliani dicitur. Altera à Neujs nemoribus: vt Varroni placitum, quæ nunc porta maior existimatur. Hæc autem à viminum sylua, authore Festo: vbi Acio consecratæ ædes: Quæ & Numentana etiam dicitur, & modò diuæ Agnetis. Cæteri verò à Iouis Viminei fano dicunt: inter quos M. Varro. Est & quæ Querculana, siue Quercularia, quòd quercetum iuxta se, intra muros haberet. Romæ locus in regione quinta, qui Malum punicum diceretur, vt voluit Suetonius. Qui etiam alta semita diceretur, vt est apud Martialem. Vbi thermæ Diocletiani fuerunt, & domus, in qua natus Domitianus, quam in templum gentis Flauix conuertit. Æsculetum etiam, ab æsculo dictum. Constantino- poli verò domus permagna atq; magnifica, à nuce, quòd huius generis arborem, ante vestibulum haberet, cognominata. In qua diuus Acatius martyrium sumpsit. In cuius rei testimonium, post erectum oratorium, in quo Arcadius princeps orauit, vt scribit in historia ecclesiastica So- crates. Contra hanc suburbium positum, nomine Oliua.

*Palmam arborem vincentium in certaminibus & ludis
fuisse premium, & de adagio, Palmam dare, &
ceteris.*

C A P. IIII.



R B O R V M non minimus in coronis decertantium ac vincentium honos: vt quas auro, argenteo, lapillis, alijsq; rei pretiosiori antiquitas prætulit. Vt illæ naturæ vis, & corporis exercitij, & velocitatis atque dexteritatis apud omnes testes fuerint: & premium, & specimen quoddam virtutis, quod non Græciæ & cuiusq; alterius regionis illustres ac reges ipsi non detrectarunt. Vt qui maiorem apud suos, externosq; gloriam spectarent, pluris arboream, quàm auream facerent. Qua non semel pluriusve contenti, ni iterum ac sæpius, illa insignirentur, vt tanto plus se accepisse decoris, quòd multoties in ludis sacris, & certaminibus vicissent. In qua verò re, non pluris mitiorem, quàm syluestrem facerent. Et inter cæteras præcipuam victoriam, obtinuit palma. Siquidem hæc certaminum symbolum fuit, attestante in Symposijs Plutarcho, cuius etiam rei hæc perhibetur ratio: Theſcum enim deuictò Minotauro, è Creta redeuntem, Delum appulisse ferunt, & in ea, ob adeptam victoriam, Apollini sacros ludos instituisse, in quibus victores Deliaa palma donarentur. Alij ibi è sacra palma ramum decerpisse, & secum detulisse, vt inde postea inoleuerit mos, vt cuiusque certaminis victor, palmæ ramis condonaretur. Pausanias enim huic rei aliam causam attribuit. Nam Ialium vbi in Olympicis vixisset, dextra palmæ termitè gestasse scribit, & equo insidentem abiisse: vt inde dextris, palma portata, victoriæ indi-

cium sit. Alij aliter & à palmæ natura, quòd scilicet longæ vitæ, sicut & victorum gloria sit: aut quòd huiusmodi ingenij sit, vt vrgentibus, ac opprimentibus ponderibus, minimè cedat, authore & Plinio & A. Gellio: à qua verò vi ac natura, Græci victoriam *νίκη* vocant, quasi *παρὰ τὸ μὴ ἔχειν*. L. autem Papyrio, & Sp. Caruilio Consulibus, Deuictis Samnitibus, captisq; illorum oppidis, Aquilonia videlicet & Coruino, palma victoribus data. More tunc primum è Græcia, apud Romanos translato. Postea autem inoleuit vt qui certaturi forent, spadice haberent. Claudianus, *Nutant ad mutua palmæ Fœdera*. Cæsar autem in Hispania, contra Pompeij liberos decertauit, atque eos deuicit. In eo autem campo, vbi bellatum, palmæ ramus statim post victoriam agnatus: quod non ad Cæsarem, sed ad Octauium, è sorore filium portendit. Nam ibi prælians multa præclara armis facinora peregit, quibus clarus futurus erat. Hæc Xiphilinus in epitome Dionis. Musæ præterea (Phurnuto autem) palma coronatæ, propter homonymiam, quòd Phœnices primi inuenisse literas credantur. nam palma Græcè *φοινίξ*. Hanc tamen rationem non probat ille: verum ob arboris teneritudinem, propter quam non facilè scanditur, sicut nec ad Musas & poësim propter etiam eius virorem & beneficentiam. Nam dulcissimos fert fructus. Ab huiusce modi corona palmea postea vsurpatum, vt hoc vocabulum palma, victoriam designaret. Cuius verò significationis, vno Ciceronis, altero Vergilij, tertio Ouidij, testimonijs, contentus. Ille, de Senectute: quam palmam vtinam Dij immortales tibi, Scipio, referuent. Alter,

-Eliadum palmas Epeiros equarum. Hic,

Et sentæ victoris præmia palmæ.

Vnde prouerbiū natum: Palmam dare: & palmam ferre, deferre, palmam tribuere, palmam præripere, accipere in aliqua re. Habere palmam ex aliquo, Referuare alicui. Quæ omnia ad victoriam referuntur. Et palmarium, authore Plinio, quicquid in victoria sit. Dicitur etiam Vlpiano Iuriscōsulto, victoriæ salarium. Et si nomine palmarij cautum sit. Terentius in Eunūcho: tum hoc alterum, id verò est, quo mihi puto palmarium. Victoriā, deam Palmarem Apuleius vocitat: & palmaris vestis, siue palmata: propriè triumphantium fuit, quam merebantur, qui de hostibus palmam reportassent. Etiam in pace Consulū fuit. Aufonius in Panegyrico, Palmata vestis, vt in pace consulis est, sic in victoria triumphalis. Et palmaris sententia quæ vincit. Cicero, Sententia philosophorum palmaris. Et palmaris statua, quæ alicui propter victoriā erigebatur. Cicero, Sed illa statua palmaris.

De ludis Olympicis, quorum præmium ex oleastro corona fuit.

C A P. V.



P V D Olympiam Græciæ urbem, quæ & Pisa etiam, authore Stephano, ludi in quinque annos celebrabantur. Vnde Græci suis Olympiadibus nomen indiderunt: Romani lustrum vocant. Spatium autem erat, quinque annorum. Pisa autem Arcadiæ ciuitas,

tas, stadijs sex ab Eli distans. Didymus autem per Elim, Pisam intelligit. Quare Seneca in Troade, Coronis Elida claram dicit. Elim, fluuius Alpheus iuxta Pisam præterlabitur. Horum autem institutores primi fuerunt, Oenomaus, & Pelops, in Iouis honorem: Herculem verò primum inuentorem Pindarus vult. in Pelopis enim honorem Papinius constitutos esse scribit:

- *Pisæ per arua,*

Hunc pius Alcides Pelopi certauit honorem.

Pulueremq, fera crinem detorsit oliua.

Hi autem Curulia fuerunt, prope Alpheum. Paucis hæc omnia complexus Vergilius,

Aut Alpheæ rotis prælabi flumina Pisæ,

Et Iouis in luco currus agitare volantes.

De quibus etiam Horatius in epistolis:

Quis circum pagos, & circum compita pugna,

Magna coronari contemnat Olympia, cui spes,

Cui sit conditio dulcis sine puluere palma. Et alibi:

Sunt, quos curriculo puluerem Olympicum Collegisse iuuat.

Horum enim victor, Olympices dicebatur: cuius præmium, ex oleastro corona. Quòd primus Hercules, in cuius honorem inuenti, hanc arbo-rem, ex Hyperboreis attulerit. Iuuenalis:

Quid enim velocis gloria plantæ,

Et esuriens Pisæ ramus oliuæ.

Id est, oleastri, sicut & illud suprà Papinij, accipi debet, vt Placidus eius interpretis voluit. Ante Olympiam templum fuit: & ante illud lucus oleastris confitus, ex quibus victores contextis ramis coronabantur. Iupiter in eo summa reuerentia colebatur: qui Olympius dicebatur. A Pelago autem Triopæ filio conditum, vt Hyginus scripsit. Alij autem iuxta Alpheum: cæteri circa Trozenios Herculis clauam in oleastrum spontè effloruisse dicunt. Hoc autem oleæ genus, ex quo corona donaretur, ἐλαία καλλιτέφανος vocabatur vt quæ ab alijs differret. Eiusmodi folia contrario modo sese habent. Siquidem ramos, vt myrtus fert, & intus folia non albescunt. Hunc autem certaminis morem, post acceptam, apud Thermopylas cladem, quum à captiuis didicisset Tigranes Artabani filius, coram omnibus ad Mardonium exclamauit, Papæ Mardonij, in quos viros nos induxisti, qui non pecuniarum, sed virtutis certamina agitent. Quinque enim diebus durabant, & ab vndecimo incipiebant (inquit Pindarus.) Thelephorij autem ij dicebantur, qui in his oleæ ramos gestarent. Hoc autem munus senum proprium fuit, & horum etiam, qui nulli alij rei vriles forent, quàm salibus comicis, & talibus ferendis. Hoc item postea vetulæ obierunt. Apud Athenæum autem in Olympicis Alcibiadem primo secundòve ac tertio vicisse legimus. In cuius victorias Euripides epinicion scripsit: cuius plura carmina Plutarchus in illius vita transcripsit. Pyndarus etiam plures, diuite vena, memorauit, Lyricorum poetarum omnium ἐνδοξότατος. Et Pausanias non

non paucos in Eliacis. Olympicorum ludorum postea apud Romanos usus translatus. Nam Cato in M. Fauonij ædilitate, spectaculum in theatro edidit. In quo victoribus, ex oleastro coronas, veluti in Olympicis proposuit: scribente in eius vita Plutarcho. Ad instar autem horum ludorum Æneas ludos curules fecit, ut scribit Vergilius, in quibus victores corona oleagina donauit,

Æn. lib. 5.

- Tres præmia primi

Accipient: flammæq; caput nectentur oliua.

Antiquum verò Græciæ consulatum Olympicum Cicero victoriam appellat.

De victorijs Atheniensium, & panathenæis ludis, & alijs solennitatibus, in quibus corona oleagina donabatur.

C A P. V I.



IN victorijs autem Atheniensium, & alijs solennitatibus corona oleagina donum & gestamen fuit. Tanti enim Athenienses, propter victoriam Palladis, super nominis Athenarum urbis impositione oleam fecere, ut postea victoriæ signum apud eos esse cœperit, ut scribit Dionysius Halicarnaseus, in præceptis orationis panegyricæ. Dictys enim Cretenfis, Græcos Achilli & Aiaci, ob hostium victoriam ac prædas, coronam ex olea condonasse, memoriæ mandauit. In bello autem, quod Græci cum Xerxe gesserunt, Themistocli & Euribadi eandem condonarunt. Qui etiam pro republica aliquod egregium facinus peregrissent, illa utiq; donabantur. Thrasybulus autem occupato loco, cui Phila nomen, & cum triginta Atheniensium tyrannos sustulisset, atq; ciuitatem in pristinam libertatem vindicasset, prædicta corona insignitus, nec quicquam amplius requisit, nec quemquam alium hoc honore eum anteuertisse existimauit, hoc solum ciuili munere contentus. Hac enim donare bonos ciues consueuissent Athenienses, Valerius Maximus autor. Hac enim duobus connexis ramis fiebat, qua Periclis cinctum caput est. Seneca in Hercule furente, gentilem frondem Atheniensium vocat,

Te ramus oleæ fronde gentili tegat Theseu & Athenienses, patriam coronam.

Panathenæa, quæ & magna sacra, dicebatur, Athenis singulis annis celebrari consueuerant. Theseus autem in Mineræ honorē primus instituit. Pueri tantum decertabant: quorum victoris præmium corona oleagina fuit, & vas æneum oleo plenum, quod ex olea sacra pressum erat. Verum de Romanorum erga oleam honore nunc dicendum. Oleæ quippe honorem, inquit Plinius, Romana maiestas magnum præbuit, turmas equitum, Idibus Iulij coronando. Cuius solennitatis Dionysius Halicarnaseus meminit. Ait enim, Romanos Idibus Quintilibus, quæ dies cladis Latinorum fuit, Polluci & Castori sacra facere, & milites, quibus nonnulli equi è publico donati sunt, tributim, curiatimq; ac cateruatim, olea coronatos incedere, ac si è pugna ac victoria redirent, ab æde Martis, usque ad illorum ædem, quæ extra urbem erat, progrediendo.

De

*De ludis Pythijs, Apollinaribus, & Isthmijis: quorum
præmium laurus & pinus, fuerunt.*

CAP. VII.



Pythia certamina, à Pythone serpente, quem Apollo interfecerat, dicta. Ovidius in primo Metamorph.

Hunc deus arcitenens, & nunquam talibus armis

Antè, nisi in damis, capreisque fugacibus, usus,

Nulle grauem telis, exhausta penè pharetra

Perdedit, effuso per vulnera nigra veneno:

Nève operis famam posset delere vetustas,

Instituit sacros celebri certamine ludos,

Pythia perdomita serpentis nomine dictos.

Alij à verbo *πυθομαι*, quod putrescere est, quod ibi serpens computruerit, vel à *πυθαγορᾶ*, quod est scrutari, quod illuc profecti Apollinis oraculum sciscitarentur. Alij à Pythone, quæ vrbs est apud Delphos, quæ primùm Nepe, deinde Petreessa: postea verò Crissa, tandem Pytho. Quidam primùm ab Eurylocho Thessalo atque Amphictyonum duce, debellatis Cyrrheis, in Apollinis gratiam institutos volunt. Pyndarus ad Clisthenem refert. Ab initio verò, in nouem annos peragebantur, postea autem ad quinque annos redacti. Præmium, pecunia primo fuit, postea verò è lauro Thessalonica, corona, non delphica, vt Lucano placuit:

- Hinc maxima serpens

Descendit Python Cyrrhæaq; flexit in antra:

Unde & Thessalia veniunt ad Pythia laurus.

Ovidius tamen coronam prius ex æsculo fuisse scribit:

Hinc iuuenum quicumq; manus, pedibusve, rotæve

Vinxerit: æsculea cingebat frondis honorem. Sed addidit,

Nondum laurus erat.-

Pindarus tamen & Callimachus, Græci poëtæ atque Ouidio longè antiquiores, Apollinem post deuictum draconem lauream induisse testantur, hac verò ratione è lauro fuit, quod Apollo Daphnen Ladonis filiam adamauit, quæ mutata in laurū fuit, vt inquit Pausanias, in Phocensibus. Lucianus etiam cum lauro poma addit, quæ præponeret Phœbi sacerdos. Sunt etiam qui pro lauro, poma intelligant. Romæ etiam ludi in honorem Apollinis fiebant, vnde Apollinares dicti, Festo memoriæ mandante, quos Romanus populus laureatus spectabat, stipe, pro cuiusque copia data. Isthmia certamina, sic dicta, quod in Isthmo Corynthiaco, apud Cenchreæ oppidum, & Neptuni fanum, celebrarentur, auctore Mela. Melicertæ autem sacra fuerunt. Plutarchus tamen in Thefeo, Neptuno attribuit. Fuit autem Melicerta, siue mauius Palæmonem dicere (vtroque enim nomine vocabatur.) Iunonis & Athamantis Thebanorum Regis filius, qui cum se in pelagus demersisset, deorum miseratione in Fortunum conuersus. Hæc autem instituta fuere, quod quinque maria Peloponnesium oram adlatrent. Quinquennialia enim fuere. In quibus victores, qui pythionices dicerentur, corona pinea præ-

e miaban

miabantur. Pindarus tamen antè apio coronatos dicit. In his enim Philonus, Diophorus, & Simonides.

Ἰαθμια καὶ Διοφῶνα Φίλανος ἐνῖκα ἄλμα,
Ποδοκείην, δίσκον, ἄκοντα πάλην.

De quatuor ludis Græcorum, & illorum præmijs circumfertur tale Archiæ epigramma,

Τέσσαρες εἰσιν ἀγῶνες ἀν' ἐλλάδα, τέσσαρες ἱροί.
Οἱ δύο μὲν θνητῶν, οἱ δύο δ' ἀθανάτων,
Σηνὸς, λητοῖδαι, παλαιμόνος ἀρχεμόροιο.
ἄθλα δὲ τῶν, κότινος, μήλα σέλινά, τίτυς.

De nonnullis alijs ludis, & illorum donis, & adagijs
ὁ φυλίας ὁ ἀγῶν : ὅς κισσὸς μετ' ἀνθιστήρια.

C A P. V I I I.



EMORANTVR, & Herea certamina : quæ & hecatombea etiam dicerentur, in honorem Iunonis, cui boues centum mactarentur. Argis fiebant : in quibus quidem victores, corona myrtea, atque æneo clypeo donari consueverant. Apud Eleos etiam, authore Theophrasto, pulchritudinis certamen fieri solitum : quorum victor arma, quæ Palladi offerēbat, & coronam myrteam accipiebat, qua verò redimitus concomitantibus amicis, ad Palladis ædem ducebatur. Vnde adagium, ὁ φυλίας ὁ ἀγῶν, quod interpretatur, Hoc certamen non est de oleastro. Quod dicitur, quoties de gloria, & pecunia, non de nugis agitur. Anthisteria certamina, ab Aprilī mense dicta, qui anthisterion appellatur : in his victores hædera condonabantur. Vnde Græcum adagium ὁ κισσὸς μετ' ἀνθιστήρια. Id est, hedera post anthisteria. Cùm quid ferò adhibetur. Nonnulli Floralia ea esse apud Romanos existimauerunt. In his sacerdotes libertianæ, vt scribit M. Varro hedera coronate, per totum oppidum cum libis sedebant, & foculo, pro emptore sacrificantes. De ludis aliquot facris, per statua tempora, atque certis locis, fieri solitis, deq; eorum ex arboribus publicis muneribus suprā dictum. Ad quorum verò imitationem, postea idem honor, & eadem solennitas, ad ludos siue votiuos, siue voluntarios meauit, vt propterea donaticæ coronæ dictæ. Quod his victores in ludis donabantur, authore Pompeio. Quæ postea magnificentiæ causa institutæ sunt, secundum capitis amplitudinem, vt cùm lares ornantur. Votiuæ erat quæ in votiuis ludis donabatur : qualis fuit populnea corona, quæ in sacris certaminibus annuatim dabatur, quæ Euander in honorem Herculis deuouerat : ea quippe die, qua hic Cacus deuicerat. De qua Vergilius:

- *Herculeæ bicolor, cùm populus vmbra*

Velauitq; comas, folijsq; innexa pependit.

Postea enim cœptum est, vt ludorum spectatores coronis etiam insignirentur. Quem morem expressit Vergilius. Sic enim apud eundem fatur Æneas, spectatores alloquens:

- *Cingite*

Cingite tempora ramis.

Et in certamine nauali:

Cetera populea velatur fronde iuuentus.

Papyrius Masso myrto coronatus ludos Circenses spectare solitus erat.
De huiusmodi nonnullis præmijs, hoc modo Statius Papinius:

- Quid Achæa mereri

Lib. Sylvar. 5.

Premia, nunc ramis Phœbi, nunc germine Lerna,

Nunc Achamantea protectum tempora pinus? Et paulò post.

Nam quod me mista quercus non pressit oliua,

Et fugie speratus honos, cum dulce parentis

Inuida Tarpeij, caneret te nostra magistro.

*Regum coronas, antiquitus ex arborum fronde fuisse. Et
quòd principum Romanorum insigne fuit laurus, &
de adagio μυρσίνων.*

C A P. IX.



Victoribus ad Reges, postea arborum coronæ translatæ. Perse enim Reges omnium, qui memorantur, diuitijs, agrorum amplitudine, ac hominū numero maiores semper, & ubiq; habiti, siue opum abundantia, siue regni amplitudine, & subditorum potentia, vestis ac aule etiam magnificentia, deniq; sceptri dignitate: Vt quotiens Græci authores, de his mentionem faciunt, totiens magnos Reges nominent. Horum tamen diadema ex arbore myrrha, & labizo contextum fuit: vt Dion scribit. Alexander, à rebus gestis cognomento Magnus, qui etiam Darium, Persarum Regem potentissimum, bis iusto bello superauit, Persea arbore coronari solitus, atq; id in Persei atavi sui honorem, quòd is plantam hanc è Perside Memphim transtulerit. Principes etiam, si Suidæ credimus, coronas myrteas tulerunt: vnde ortum prouerbium μυρσίνων, id est, myrteam ambis. Quod in eos dicitur, qui aut magistratum aut tyrannidem ambirent. Romanorum autem principum corona è lauro fuit. Nam vt memoriæ Appianus reliquit, Iulium Cæsarem post ciuilia bella in urbem reuersum, multi Regem appellarunt, & vt aliqui ex sermone rem ipsam exprimerent, eius imaginem lauro coronarunt, tænijs albis insertis. Metiam Antonius consul sicuti ex Plutarcho in illius vita est, illi in foro lauream porrexit. Quam quum huic semel atq; iterum repudiata denuò obtulisset, iussit in capitolium deferri, offerentem pauci faciens. Ipsi verò renuenti, plures congratulati, vt causas libertatis Reipublicæ assertori. Scribit tamen Dion, ciuib; inuitis post victorias obtinuisse, vti in conuentibus, veste regia, & corona laurea, ornari perpetuo sibi liceret: cuius rei causam afferebat, quòd caluus esset. Decretum insuper est, vt Augusti palatium lauros propositas haberet, ex quibus corona cornea penderet: quasi ipse hostes perpetuò vinceret, & ciues conseruaret. Iulianum autem nondum principem, Socrates in historia ecclesiastica refert, quandam ciuitatem ingressum, & lauream coronam inter columnas pendente, rupto fune, super eum decidisse: & illum am-

plissimè coronasse. Quòd qui viderent, hoc signum futuri imperij fore acclamarunt.

Lauream triumphantium fuisse. C A P . X.



Ludis, & illorum victorijs, inde obseruatum, vt qui de hostibus victoriam adepti essent, simili honore afficerentur, vt propterea triumphantes ex lauro corona caput suum cingerent. Nam, vt ait Plinius, hæc propriè triumphis data fuit: vt in Aristide, Plutarchus dicat, vt quicquid ob victoriam publicitus fieret: id cum lauro erat: vt ea præterea victoriæ signum. Quemadmodum enim in victorijs Delphicis lauro coronabantur, sic Romæ triumphantes. quare de ea sic Ouidius Naso:

- Tu ducibus latis, cum leta triumphis

Vox canet.

Iuuenalis in octaua satyra,

Nobilis ornetur lauro collega secunda.

De Mario loquitur, qui secundò de Cimbris triumphauit. Lucanus:

Acta q̃ laurifera damnat Syllana iuuenta.

Hoc autem dixit, propter Syllam qui Pompeij adhuc iuuenis, detrectaret triumphum. Nonnulli tamen leguntur, qui in hac pompa, non lauream corollam gestarint, verum tantum lauri ramum dextra. quod solum Plutarchi, & Appiani testimonijs clarum patefaciam: Hic in Libyco. Scipionem de Carthaginiensibus triumphantem altera manu sceptrum, altera laurum tenuisse scribit: Ille Paulum Æmilium in triumpho dextra lauri ramum detulisse meminit. Gordianus etiam Carthaginem ingrediens, ramum lauri tantum tulit, attestante Herodiano. Ex alia arbore præterquam ex lauro coronas gestasse triumphantes, legere est: Siquidem Papyrius Naso (is autem auus maternus sequentis Africani fuit.) de Sardis triumphans, myrtea vsus corona, quòd illos in campis myrteis debellasset. Hunc autem à senatu impetrasse triumphum, Valerius Maximus negat: sed in Albano monte triumphandi fecisse initium. Cæsar etiam in triumpho Gallico, è citro induisse coronam, autor Paterculus, si cuique is probatus autor erit. Post autem Augustum natum, hæc corona defumi è lauro quòd primum in palatio consuevit, atque ea die qua Augustus natus, germinasse dicitur, vt Seruius Maurus memoriæ mandauit. Verum, vt paulò altiùs historiam repetamus, Suetonius autor est, aquilam præteruolantem, & gallinam albam, lauri ramulum rostro ferentem, apprehensam: in Liuiæ gremium, post Augusti nuptias, quum Veientanum suum reuiferet, demisisse. Quem cum pangi placuisset, postea adnatum lauretum, ex quo deinde triumphaturi Cæsares, laureas decerperent, vt alias eadem loco sererent, quas sub cuiusque satorum obitu, vt elanguerent obseruatum. Neronis verò ante interitum omnis sylua exaruit, & genus albarum gallinarum interijt. Fuit autem vltimus è Cæsaribus, qui ab Ænea processerint. hæc Dion. Ramus autem lauri baccas habuit, vt aliquid magnum significaret, eodem authore. Hæ autem

tem

tem coronæ triumphales & Festo & Gellio inquentibus dictæ. Quæ in ipso triumpho, ad Iouis Capitolini pedes deponebantur. Quod Lucanus exprimere videtur,

- Haud sacras poscunt Capitolia laurus.

Nazarius, siue alius sit, qui panegyrim Constantino dixerit, Vidisti enim Apollinem tuum, comitante victoria, coronas tibi laureas offerentem. Corona autem oleagina vñ sunt, authoribus Pompeio & Gellio, qui in prælio non interfuerunt, sed triumphum procurarunt. Illo verò, ministri triumphi, dicti. Hac videlicet ratione, quòd Pallas, cui hæc planta dicitur, belli dea sit. Postea verò augescente huiusmodi solennitate, milites etiam laureati, triumphantis currum secuti sunt: vt sic purgati à forde humana, vt existimabant illi, urbem ingrederentur. Lucanus,

Lauriferos nullo comitentur vulnere currus.

Primum autem, hac corona triumphasse reperiuntur Liber pater, de Indis, & Romulus deuicto Acrone, Ceninensium Rege, scribente Dionysio Halicarnaseo.

Triumphus unde, & de ouantium corona, & nonnullis alijs frondeis coronis, & quòd arbores in triumphum ductæ sunt.

C A P. XI.



VATIO triumphum sequitur, paulò (propter rei difficultatem) imminuto honore. Nam sine curru, & pedites à plebeis, non equitibus, in Capitolium ducebantur: sunt tamen qui vno equo vsos existiment. Tunc enim fiebat, cum sine sanguine parta esset victoria, vt incruenta esset, fugatis hostibus, & non interfectis, & cum bellum non esset indictum. Ouantes, redimiti corona erant, quæ oualis diceretur: contextaq; ex myrto fuit. Hac autem ratione quòd hæc arbor Veneri dicata fuerit, quæ vim ac bellum perosa sit. Primus Posthumius libertus, in consulatu myrto coronatus incessit: vt eam ipsam arborem hostibus optabilem fecerit, vt postea ouantium corona fuerit. Sic enim F. Pompeius ait: Ouallis corona, est myrtea, quam habebant, qui ouantes introibant cum bella non erant indicta, aut sine sanguine confecta. Postea verò ouantium corona è lauro fuit. Nam M. Crassus, qui fugitiuos & Spartacum vicit, cum ea ouauit, Massurio authore: sicut triumphantium è myrto, vt L. Piso tradidit, M. autem Valerius, duabus vsus, laurea videlicet, ac myrtea, qui hoc vouerat. Nero etiam, vt Xiphilinus autor, è Græcia Romam reuersus ouauit oliua coronatus, laurum pythicam præ se ferens, tanti enim in victorijs Romani laurum fecere, vt sapiùs pro victoria acciperetur. Horatius in Odis,

Cui laurus æternos honores

Dalmatico peperit triumpho.

Lib. Carm. 1.

Scribit enim, teste Acrone, ad Asinium Pollionem, qui Solonas apud Dalmatiam ciuitatem ceperat, & lauream tanquam Poëtæ, & triumphanti dedicauit. Idem ad Pompeium Varum:

*Longaq; fessum militia latus
Depone sub lauru mea.*

Nempe victores, præterquàm in triumphis, laurea donabantur, sicut supra docuimus. Cleanthus enim, ab Ænea Vergiliano laurea corona largitus, viridiq; aduolat tempora lauro. Quòd is primus Fidenam irrupisset. Hic autem Tulli Hostilij Regis auus fuit: & in Samnitium bello P. Dencium, tribunum militum seruauit, imperatore exercitus Cornelio consule. Primùm enim obseruatum, vt nullo cuiusque arboris habito discrimine, coronæ darentur. Frondea enim Romulus Hostum Hostilium coronauit. Triumphus præterea à ficorum folijs dictus, quæ θρία, vocantur, quibus Bacchi, ipsius triumphii inuentoris milites post Indicam victoriam, vultus cooperuisse ferunt: vbi & arbores ducerentur. Clarum quoq; dictum fuit Pompeij Magni, in triumpho arbores quoq; duximus. Is enim, authore Solino, ex India Mithridatico triumpho, hebenum primò exhibuit. Vrbi autem balsami arborem principes Vespasianus, & Titus, ostenderunt.

Laureum victoria nuntiam esse.

C A P. XII.



LA V R V S aliter præterquàm in triumphis etiam victoriæ nuntia fuit: quod vt id exprimerent homines, tabernacula, fasces, literas, naues: atq; militum iacula hac, vt dictum est, adornarunt. Pompeiani itaq; milites, de futura contra Cæsarem victoria confidentes, sua tabernacula lauro condecorarunt. Plutarchus tamen in Pompeio, post eius fugam contubernia in suis castris myrto coronata, fuisse inuenta scribit. Idem Paulum Æmilium, Persam Macedonum Regem expugnasse, & post victoriam ad tabernacula reuersos milites, illa lauro, atq; hædera ornasse: Luculus, vt Appianus in Mithridatico autor est capto apud Lemnum insulam Varo, Alexandro, ac Dionysio eunuchò: nauem lauro ornatam, vt in victoria (vt ille subdit) mos est, cum literis Romam misit. Literæ etiam, quæ victoriam nuntiarent, lauri folijs insigniebantur. Sic enim libro quinto Liuius ait, Literæ à Posthumio laureatæ sequuntur, victoriam populi Romani esse, Æquorum exercitum deletum. Idem, Post deictum Perseum nuntius laureatas literas consuli C. Licinio, victoriæ nuntias. Iulianus ad prouinciarum signa, literas laureatas misit, vt testatur Ammianus: quibus se in expeditionibus inter primores versatum significaret. Sic enim Acron in Odis Horatianis inquit, Laureatæ literæ de victoria mittebantur. De fascibus, hoc vnum tantum è Plutarcho in vita Luculli exemplum erit. Lucullum autem, ac Pompeium, in quodam Galatiæ vico conuenisse scribit. Laureatos vterque propter victoriam fasces ferebat: verùm longo Pompeij per loca squallida, & arida, atq; arboribus sterilia itinere, lauri circa fasces palluerant, ac fermè aruerant. quod vbi Luculliani lictores aduerterunt, ex proprijs, quas recentes, & virides in manu habebant, liberaliter contulere: currumq; Pompeij frondibus impleuerunt: quod in bonum Pompeij omen cessit. Etenim Luculli

Res

Res gestæ Pompeij imperium perornarunt. Idem in Pompeio, Tabellarios vt Mithridatis mortem, Pompeio gratam visu nuntiarent, iaculorum cuspides lauro adornasse: memoriæ mandauit. Dion in Nerone: Nuntius ad Neronem veniens, laurum ferebat, vt illi significaret victoriam, quam Corbulus, de Vologeso Parthorum Rege, & Teriolate, Armeniæ principe habuisset. Mos etiam priscorum fuit, vt vates lauro coronatus, ac si de futura victoria speraret, & facem gestans, aciem præcederet. A quo verò omnes abstinerent, quòd ferrum in sacrum virum stringere nefas esset. Vnde adagium: Ne ignifer quidem superfuit. Cùm significare velimus, omnes ad vnum interiisse. Quòd autem laurus symbolum fuerit victoriæ, Horatius in Odis testis est, cùm de Augusti in Hispanos victoria meminit.

*Herculis ritu modò dictus, ô plebs,
Morte venalem petijsti laurum
Cæsar, Hispana repetit penateis
Victor ab ora.*

De cæteris ex lauro honoribus.

C A P. XIII.



A VRI verò præter id, quòd victoriæ signum fuerit, aliæ celebritates, quibus antiquis decora atque honorabilis extiterit, Gratissima (inquit Plinius) domibus, ianitrix, Cæsarum, pontificum, sola & domos exornat, ad limina excubat: Mense quippe Martio ingrediente, vt scribit Macrobius, tum in regia, curijsq;, atque flaminum domibus laureæ veteres, nouis laureis mutabantur. Apollo enim apud Ouidium laurum sic: alloquitur,

Postibus augustis eadem fidiſſima cūſtos, ante fores ſtabis.

Festis poſteà diebus lauro ornare poſtes cœperunt: vt his Tertullianus atteſtatur, Cur die læto non laureis poſtes obumbrent: quod oſtendit Iuuenalis,

*Pone domi lauros, duc in Capitolia magnum
Cretatumq; bonem.*

Magiſtratibus etiam prima menſis Ianuarij, folia lauri à populo porrigebantur. Laurum prætereà omnibus ſuffitionibus adhiberi ſolitum erat, quòd omni tempore vireat, vt ſimiliter Reſpublica viſceſcat. Peraçtis enim funerum ſolennitatibus, vt aqua lauri ramo aſpergerentur aſtantes, mos apud antiquos fuit. Quod Vergilius in ſexto Æneidos, in oliuæ ramum commutauit, atq; id in Auguſti gratiam. Ad rem enim lugubrem laurum adaptare noluit:

*Idem ter ſocios pura circumtulit vnda,
Spargens rore leui, & ramo ſælicis oliuæ.*

Romæ autem extra Capenam portam ſons Mercurio ſacer, à quo nomen acceperit, ſub eius enim tutela mercatores ſunt: ad quem cùm mercatores irent, vnusquiſque alterius caput eius aqua cum lauri ramo inuocato Mercurio, alpergebat prolatis in futuri periurij exprobrationem quibuſdam

quibusdam verbis. Huius verò rei amplissimus testis Ovidius, cuius largum testimonium hic inferere, quòd rem maximè exprimat, non fui veritus,

Est aqua Mercurij portæ vicina Capenæ:

Si iuuat expertis credere, numen habet.

Huc venit incinctus tunica mercator, & vrna

Purus suffusa, quam feret, haurit aquam.

Vda fit hinc laurus : lauro sparguntur ab vda

Omnia, quæ dominos sunt habitura novos,

Spargit & ipse suos lauro rorante capillos,

Et peragit solita fallere voce preces.

Abluc præteriti periuria temporis, inquit:

Abluc præterita perfida verba fide.

Sive ego te feci testem, falso ve citavi,

Non audieturi numina vana Iouis:

Sive deum prudens alium, diuamve fefelli,

Abstulerint celeres improba verba Noti.

Et pereant, veniente die, periuria nobis:

Nec curent superi, si qua locutus ero.

Da modo lucra mihi, da factæ gaudia lucro:

Et face, vt emptori verba dedisse iuuat.

De ciuica corona, & de nonnullis, qui hac donati sunt.

C A P. XIII.



VNC de ciuica corona dicendum, cuius quidem plurimus honos. Militum virtutis insigne clarissimum: Imperatorum (inquit Plinius) clementia, postquam ciuiliū bellorum, profano meritum cœpit videri, ciuem non occidere. Cedunt autem ijs murales, vallaresq; , & aureæ tametsi pretio antecederent. Cedunt & rostratæ, cui tantus præterea attributus honos: vt nil prosint testes, modò seruatus ciuis fateatur, vt alias non crescat, magis in Rege, aut imperatore liberatis, quàm in ciue decus: quoniam vrbium conditores, in quocunque ciue summum esse voluerunt. Qua semel accepta vt perpetuò licuit: vt inceptis ludis semper illi assurgerent etiam à Senatu in more fuit: sedendi ius, in proximo senatui. Ipsi autem vacatio omnium munerum, patriq; , & auo paterno. Cuius præconium, sic is verbis his finiuit: O mores æternos, qui tanta opera, honore solo, donauerunt clara professione, seruari quidem hominem, nefas esse, lucris causa. Hæc autem primum fuit iligna. Nam huiusmodi coronam Pompeius dedit: postea verò magis ex æsculo placuit, quòd Ioui sacra esset. Variatumq; , in quercu, est propter glandium differentiam. Plutarchus ex quercu donari solitum: quòd in expeditionibus glandiferi generis, hanc adinuenire, facile sit, vel quòd Ioui, & Iunoni sacra, qui vrbibus præfidere dicuntur. Nunc autem nonnullos, qui ea donati, referre placet. P. Decius Mus, tribunus militum in bello Samnitico,

nitico, ea donatus, inquitente Cornelio Nepote, vel, vt alijs libet, Plinio Secundo de viris illustribus. Sext. Capitolinus. Is quidem de duce Seruilio Africanus autem de patre apud Trebiam accipere noluit. M. Antonino Philosopho, & L. Aurelio Vero fratribus oblata. Aurelianus princeps bis ea donatus. Probus in bello Sarmatico semel, & Valerianus. Manlius autem octo, quarum aliam, propter seruatum Seruiliū magistrum equitum fuit L. Sicinius Dentatus, qui Romæ Achilles existimatus, vt mandauit F. Pompeius, quatuordecim donatus Cæsar (Suetonius autor) à T. Thermo, in expugnatione Mitylenarum illa donatus. Coriolanus, vt Plutarchus refert, à Dictatore ciuica donatus, propter ciuem in prælio, quod Latini post exactum Tarquinium, cum Romanis fecere, seruatum. Scipio Africanus (de superiore loquitur V. Maximus) consulem patrem, apud Ticinum amnem, aduersis auspicijs cum Hannibale præliantem saucium, intercessu suo, seruauit. Quamobrem duabus coronis donatus, scilicet vt duplici gloria conspicuus foret, quod & patrem, & consulem seruasset. Rufus Heluius, miles gregarius, obseruatum ciuem in bello, quod Tarfarnias in Africa, contra Romanos gessit, à Cæsare ciuica corona donatus. Ciceroni, propter seruatum contra L. Catilinæ, & cæterorum coniurationem vrbem, L. Gellius, vir præclarissimus à Republica dandam ciuicam coronam arbitratus: vt ille, de seipso testatur. Illud enim, non omnino extra rem adijcere placuit, inter ciuicam, & obsidionalem coronas, hoc interesse quod hæc singularis salutis sit, altera autem diuerforum ciuium seruatorum.

De coronis poetarum.

CAP. XV.



LIVMPHANTIVM verò, ouantum, & cæteras coronas, sequitur poetarum corona, ac præmium, quibus ex illorum continuo labore atque vigilijs, non minor honor debetur, vt illorum gratia atq; vt doctrinæ periculum, & ingenij tyrocinium fieret. Et ludi literarij, pluribus locis instituti essent, vt idem honos vincentibus, atque in ludis Olympicis, Isthmijs, & cæteris concederetur. Fuitq; illorum duplex, ex lauro videlicet atq; hedera. Verum vt quidam in his discrimen aliquod adhibuerint, vt maiores lauro, minores hedera coronarentur: Maurus tamen Seruius, hederam, futurum poetam indicare, ex hoc Vergiliano asserit,

Pastores hedera nascentem ornate poetam

Arcades.

Quod autem lauro coronati fuerint, poetæ, in re satis apud literatos viros nota, paucorum testimonio contentus ero. Horatius:

Coronandis consueta poetis

Laurea. Idem in Odis:

- Et mihi Delphica

Lauro cinge volens Melpomene comam.

Et alibi de Pindaro:

- Immensus ruit profundo

Lib. 4. Carm.

f Pindarus

Pindarus ore,

Laurea donandus Apollinari. Statius:

- Sed nec solitæ mihi vertice laurus,

Nec fronti vittatus honos.-

Hac enim ratione coronandos lauro poëtas antiquitas censuit, quòd hæc Apollini, qui Musis præficiatur, sacra sit. Scribit enim Hesiodus statim in limine suæ Theogoniæ, ad illum iuxta Heliconem montem, mulieres nouem venisse (hæ Musæ erant) & rimum heliconicæ laurus illi manducandum porrexisse. Qui cùm degustasset, repentè vniuersa doctrina, & poëtica repletus. Cuius rei meminit Ouidius:

Non mihi sunt visæ Clio, Clisq; sorores

Aspera tuis.-

Fortassis etiam Iuuenalis:

Eloquium vocale modis, laurumq; momordit.

Hedera autem poëtas coronari, testes ipsi, inter Latinos, poëtæ, Horatius, Iuuenalis, ac Propertius. Ille in Odis:

Nec doctarum hedera præmia frontium

Dij miscent superis. Hic,

Tunc capiti sacros patiar pendere corymbos:

Nam sine te nostrum non valet ingenium.

Alius:

Qui facis in parua sublimia carmina cella,

Ut dignus venias hederis, et imagine macra.

Hedera præterea coronati, propter montem Parnassum Musis, & Libero Patri sacrum cui hedera dedicata. Alij aliter: quòd facilè obuia sit, propter etiam folia virentia, & quòd frontem obumbret: aut etiam quòd intensiorem in nectendo patiat. Et illud vltimum, quòd citra odorem refrigeret. Vti huiusmodi corona huic conueniens sit, qui autocabulos musicos refert, ab authore, qui sic eos docuerat, appellatos. Qui postea Iambeorum poëtæ vocati sunt, qui hac vsi sunt, autore Athenæo. Vnius insuper generis hederae Dioscorides meminit, quæ propter poëtarum coronas, poëtica dicitur. Alterum autem genus habere semen crocatum Plinius scribit, Cuius coronis poëtæ vterentur. Poëtis autem certamina literaria, sicut athleticis exercitationes, instituta, quibus vinctibus laurus, ac hedera, præmium fuerunt. Huiusmodi autem ludos Ptolemæus Alexandriæ (inquirente Vitruuio) dedicauit. Eiusmodi etiam, apud Nicopolim Epiri urbem, in eius suburbij, quinquennales. Fuerunt etiam Romæ, in quibus Valerius Pudens superior euasit: sicuti in epigrammate marmori insculpto, apud Hysconium Ferentanorum oppidum, Guastum modò dicitur, nunc legitur. Huiusmodi enim est (vt hoc solo contentus sim). L. VALERIO PUDENTI. L. FILIO HIC CVM ESSET ANNORVM XIII. ROMÆ CERTAMINE IOVIS CAPITOLINI LVSTRO SEXTO CLARITATE INGENII CORONATVS EST. INTER POETAS LATINOS OMNIBVS SENTENTIIS IUDICVM HVIC PLEBS VNIVERSA HISCONIENSIVM STATVAM ÆRE COLLATO DECREVIT.

Horum

Horum enim ludorum quædam vestigia apud Tholosam, & Rothomagum, Galliæ præclarissimas vrbes remanserunt.

*De conuiuarum, nuptiarum, necnon citharædorum, arbo-
reis coronis.*

CAP. XVI.



ONUIVARVM, nuptiarum, atq; citharædorum frondeæ coronæ nunc veniunt. Non satis enim antiquis publicè, atq; in magna lætitia honorasse arbores visum fuit, ni priuatim quoque in conuiuijs frondeas coronas adhiberent. Vt non magnificè, atq; hilariter, & festiuè se cœnasse arbitrarentur, ni coronati epularentur. Festis etiam diebus conuiuæ coronati epulabantur, vt Seruius ait in hoc Vergiliano carmine,

- Frondenti tempora ramo.

Tantum enim arborum in coronis honos fuit. Et hæ enim non solius arboris, sed plurium. Dionysium autem primum instituisse, vt hedera conuiuæ cingerentur inuenio: vt cum vino plus satis indulgissent, & audaciusculè plusculum se inuicem ad mutuos hauustus inuitassent, hedera frigiditate vini potentiam retunderent. Vti hac ratione, hedera facultatibus, restincta ebrietatis vi, liberius biberent: & hac molestia minus afficerentur. Fuit quippe Libero Patri vinum potentissimum, atque iucundissimum medicamentum. Fuerunt item huiusmodi ex lauro & rosis. Martialis:

Pinguescat minio madidus mihi canus,

Lasseurq; rosas tempora subtilibus.

Conuiuarum etiam fuit corona philyrea: sicuti ex Ouidio in quinto Fastorum patet:

Ebrius incinctis philyra conuina capillis

Salta, & imprudens vertitur arte meri.

Contextuerunt enim antiqui è philyræ prætenuissimis, quæ inter lignum & corticem sunt, tunicis coronas. Quibus lemnisci quasi lanitij: id est fasciola pendulæ assuerentur. Quibus verò non nisi aurei appendi debuerunt: propter Hetruscos. De his Horatius:

Displicent nexæ philyra coronæ.

Qui enim deferebant, Græcè philyrini synthomatici dicti. Nec idem coronarum honor, in nuptijs defuit: vt in suo asino aureo libro quarto, ostendit Apuleius. Quo autore, domus, in qua futuræ nuptiæ celebrandæ erant, lauro adornabatur; & longè ante eum Iuuenalis:

- Necte coronam

Postibus, & densos per limina necte corymbos.

Vti ex hedera fuisse ostendat, hac ratione, vt de conuiuarum supradictum. Nam & in nuptijs conuiuia, & lautissima atq; opipara solent fieri. in quibus liberius & hilarius etiam potare liceat. Et vt aliquid præter coronas ex arboribus ad nuptias addamus, quinq; tædis antiqui in nuptijs utebantur, videlicet in honorem quinque deorum, Iouis scilicet adulti, Iunonis adultæ, Veneris Suadelæ, & Lucinæ. Plutarchus in problematis

f 2 Romanis.

Romanis. Vergilius, in Cyri:

Pronuba nec castos accendit pinus odores.

De teda pinea Plinius libro vigesimoprimo. De qua si Catullus in Epithalamio: *Pineam quate tedam.* In nuptijs, prisca ætas, nuces religiosas fecit, vt fescenninorum comites essent, vt honor ijs maturæ peculiaris esset, propter geminum operimentum, puluinati calicis, mox lignei putaminis, tot modis fœtu munito: quod verisimilius Plinius putat. Spargendarum autem nucum Varroni (referente Seruio) hæc fuit ratio, vt Iouis omine, matrimonium celebretur, vt nupta matura sit, sicuti Iuno. Vel, Festo autore, vt nuptæ nouæ domum noui mariti intranti, fiat auspiciū secundum. Nam illud vulgare est, spargi nuces: vt à rapientibus pueris fiat strepitus. Aut quia cadendo tripudium, sonumve emittant, ne puellæ, virginitatem deponentis vox exaudiatur. Nuptiarum etiam causa, pinus alba, religiosa fuit, & spina quædam. Solebant enim antiqui noctu nubere: vt ignis in face, quæ ex spina alba esset, A noua nupta offerretur. Et id apud Nonium Marcellum, ex M. Varrone, libro secundo, de vita patrum confirmatur: cū inquit, à noua nupta ignis in face afferetur. Idem in Geruntio didascale: Confluit mulierum tota Roma, quæ noctu nubere solita, nunc pinea fax indicat. Omnia hæc Vergilius in Bucolicis expressit:

Sparge marite nuces, nouas incende faces.

Tibi ducitur vxor. Spinæ autem nominis Plinius non meminit: vt ea ex fruticibus an herbis sit ignoretur: Facibus autem hæc auspicatissima, quoniam idem fecerint pastores, qui rapuerunt Sabinas. Nuptiarum autem coronis, citharædorum coronas iungere, par est. Rarò etenim nuptiæ absque instrumentis musicis olim, sicut & nunc quoque, celebrabantur. Fuit enim Romæ antiquitus citharædorum apud Capitolium certamen, in quo vincentes, quærnea corona donabantur, sicuti ex Iuuenale videre est:

An Capitolinam deberet Pollio quercum

Sperare, & fidibus promittere.

Et etiam ex Martiale:

O cui Tarpeios licuit contingere quercus.

Et alibi:

Quid pro Tarpeie frondis honore potest.

De nonnullis alijs frondeis coronis & illarum premiatio-
ribus, & adagio, Malis ferire.

C A P. XVII.



RÆTER coronas supradictas superest, vt illas, quæ varijs ludis, diuersisq; solennitatibus & alijs in rebus constitutæ ac deuotæ fuerunt enarremus, vt sequentia capita patefacient. E myrto plures, præter iam memoratas, leguntur. Porrò Atheniensium thesmothetæ, myrto coronati Acropolim profecti, iurabant, se leges obseruaturos, munera non accepturos, nec stateram auream persoluturos. Autor Iulius Pollux Elotis, è myrto corona dicta fuit, quæ cubitorum viginti ambitu erat. Hanc autem

tem

tem Corinthij in festis Elotijs Europes ossa continentem ferebant. Hac verò ratione ex myrto nexa, quòd illius ossa in hac arbore condita fuissent: vt ipsam etiam Europen Elotida appellauerint Lesbij insuper myrti ramulos, hypothimidas vocabant. Quibus implexis floribus, se cingebant. Alij coronas pectorales, quibus & ceruices etiam coronabant suas, sic vocabant. Ex vitice autem corona vsos antiquos constat, si Anacreonti credimus. Cuius originem Samij, Caresq; dederunt. Ex varijs causis, cuius aliam ex Menodoro Samio tradunt. Admete igitur Eurysthei filia, ex Argis in Samum insulam aufugit: Ibiq; templi Iunonis, quod à Lelegibus, & nymphis conditum fuerat, curam suscepit. Propter quam rem indignati Argiui, Tyrrenis piratis, promissa pecunia, persuaserunt vt Iunonis simulacrum è fano auferrent. Hoc modo, aliquid mali, Admeten à Samijs perpeffuram sperantes. Quod facile fuit. Nam ædem, sine foribus esse, illis contigit, vt inde libera signi auferendi facultas esset. Quo sublato, velis, remisq; è portu soluere frustra nixi sunt. Idq; diuino numine fieri existimantes idolum è naui tollentes, in litore collocarunt: vt libis placata dea, timoreq; pleni, inde abierint. At vbi Admete, manè simulacrum abesse conspexisset, dimissis inquisitoribus, in litore, viticis ramis inuolutum illa inuenit, & solutum in priori basi collocauit. Datumq; postea Caribus oraculum, vt vitice simulacri caput coronarent, qui deæ vinxerant idolum. Lacedæmonij autem corollas texuerunt, quas in monumentum victoriæ Thyriæ Messeniorum vrbs, thyriacas vocabant: cuius rei meminit Papinius,

- Et Lacedæmonum Thyriæ lectura cruorem.

Has postea φίλους, vocauere. Reliquum erit, vt vincentium decus, vna celebritate finiam: hancq; ex Plutarchi Charonæi in Symposiaci testimonio: vt mala punica rosas nonnulli in eos, qui semper vincere consueuerant iacerent. Vnde ortum deuerbium, Malis ferire. Quod in eos quadrat, qui muneribus assequi student, quod optant.

De Atheniensium solennitate, quam ἐπεσιώνην vocabant.

C A P. XVIII.



AT H E N I S enim; huiusmodi celebritatem antiquitus fieri solitam, multorum monumentis clarum. Nam mensis Octobris, qui apud illos, autore Lactantio Pyanepsion est: atq; die octaua erezionem Apollini offerebant. Cuius institutionis origo talis fuit. Cùm enim Theseus è Creta incolumis cum adolescentibus Athenas reuersus, vel, vt alijs placet, antequàm proficisci vellet, supplicationem Apollini Delphico pro felici reditu peregit. ἐπεσιώνην offerens. Erat enim ramus è sacra olea, alba lana implexus. ἔριον siue ἔριον, apud Græcos, lana. In quo verò plurimarum arborum fructus, quem acrodrya vocabant circumpendebant. Hunc etiam ramum à supplicationis vsu, hiceteriam vocitabant. Aristophanes in Pluto ἰκετηρίαν ἔχοντα μετὰ τῶν παίδων. A Theseo enim post, Athenienses annuatim votum Apollini perfoluerunt. Hunc enim ra-

f 3 mum

mum puer in Apollinis foribus affigebat. Singuli vero pōst ante ædium ianuas. Eadem etiam die, ὄσχοφóρια celebrabantur : vt meminit Plutarchus in Theseo. A ferendis enim ramis hoc modo nuncupata, ac si ramalia dicas. ὄσχος enim ramus est. Strabo autem in primo Geographiæ scribit, poetam non decere sibi vendicare omnes virtutes, non magis quàm erectionem, quæ ramis, & fructibus abundabat, non tamen omnibus.

De trophæo.

C A P. XIX.



ETRUNCATIS, & cæsis ad coronas victrices, arborum frondibus, non tamen illarum truncis honor defuit, vt in illis sua trophæa, & Græci, & Romani constituerint, victores. Non ab vno solo, neq; in vnus vincentis solum laudem erecta verùm in totius exercitus gloriam, & victoriæ monumentum, longè antea quàm triumphus erigi consueta. Et, vt à Romanis exordiar : vrbis igitur primus fundator Romulus, deuicto Rege Acrone, exercituq; eius in fugam verso, lauro coronatus, vt suprà retulimus exercituq; eius omni in armis sequente, in urbem contendit. Excipientibusq; magna lætitia ac plausu ciuib; ad quercum sacram pastoribus, quæ prope Capitolium, ad Iouis templum, qui ab hoste feriendo, Feretrius dictus Regis occisi spolia deposuit, vt inde postea ex eius ramis fertula fierent, quæ manibus in triumphantium pompis deferrentur. Dictum quippe trophæum à τροφή Græca dictione illa fugam, siue hostium versionem significante, vt Varro voluit. Alij à τροπή, quæ idem significat. Aqua itidem trophæum maluerunt scribere. Seruius tamen ἀπὸ τοῦ τροπέω : quod idem est. Vt propterea trophæum mererentur, qui hostes fugassent. Sic enim antiquitus fieri solitum. Vbi enim hostes victi, fugatiq; fuerant, conspicua arbor, suis ramis detruncabatur : & ibi postea hostium spolia in ornamentum, & victoriæ monumentum affigebantur, non minori gloria, quàm si in Capitolio asseruarentur, aut in foro locarentur. Quod exprimit ad Herennium Cicero : hic in Macedonia, trophæa posuit : Ea, quæ bellicæ laudis, victoriæq; omnes gentes insignia, & monimenta esse voluerunt. Nec alicuius arboris, sicuti in coronis discrimen aliquod habitum. Dionysius tamen Halicarnaseus, in præceptis orationis panegyricæ, antiquos in olea erexisse scribit, quòd prior nata, & quòd victoriæ signum sit quod minimè obseruatum, vt ex sequentibus apparebit : maximè verò quòd olea non vbique nascatur. Plurimum enim eminentioribus locis collocari consuetum. Nam, vt retulit Seruius in Æneid. Sallustius de Pompeio in historijs loquens, Deuictis Hispanis trophæa in Pyrenæis iugis constituit. Græci frequentius quàm Romani, trophæa erexerunt. sicuti ex vtrorumq; historijs videre est. Apud illos tamen triumphandi modus vsitator. Syracusani, vt auctor est in Nicia Plutarchus interfectis aliquot, & aufugientibus Atheniensibus trophæa apud Assinaram flumen, posuerunt obruncatis ingentibus arboribus, quæ creberrimæ in amnis ripa erant, quas captiuorum spolijs

spolijs exornarunt. Caligulam autem in expeditione Germanica Suetonius scribit, deficiente iam belli materia, ex custodia Germanos trans Rhenum trajici, oculiq; iussisse, & sibi post prandium, hostem quàm tumultuosissimè adesse nuntiari. Quo factò, cum amicis, & parte equitum prætorianorum in proximam syluam proripuisse, pertruncatisq; arboribus plurimis, & in modum trophæorum adornatis, ad suos reuertisse & illorum timiditatem, atq; ignauiam, qui secuti illum non fuerant, corripuisse. Iulianus Decebalum Dacorum Regem, sub Domitiano deuicit. Veritus enim ne victores Romani in eius regiam irruerent ac de prædarentur, arbores prope eam succidi, & arma truncis dependi iussit, vt ibi adesse milites suspicarentur, ac reuerterentur. Megaris, vt scribit Theophrastus, in foro per multos annos stetit oleaster, in qua viri fortes arma defixerunt, & illic tanto tempore inuiolata, ex trophæi religione permansit, vt inde longa ætate, ambiente cortice, ea occuluerit. Fuitq; arbor illa fatalis, excidio vrbis præmonito, oraculo, cum arbor arma peperisset. Quòd succisæ accidit, ocreis, galeisq; intus repertis. Disceptatum multum, atque etiam non sine periculo, inter Athenienses, & Lacedæmonios, occiso Mardonio, cæsisq; ducentis, & sexaginta hostium millibus, & Artabazo cum quadraginta millibus fugato, deponendo trophæo. Cum illi Lacedæmonijs, qui fortiter rem peregissent, trophæum denegarent. Verùm res hæc tandem Græcorum arbitrio sedata, vt seorsum hi, seorsum illi trophæa erigerent. Græcorum etiam decreto, quibusdam, ne triumpharent, prohibitum, vt Macedonibus. Hac ratione: cum enim Caranus, Macedonum Rex, Cisseum barbarorum propinquum regem bello superasset, atq; ex Argiuorum institutis trophæum constituisset, Leo ex Olympo ferocior adueniens illud euertit, ac deiecit, quod inde ominosum planè sancitum. Quamobrem statutum, ne dein Macedonia Reges trophæa erigerent, vt ea res inimicitias indicaret ἀδίαλλάξῃς, velut dicas inconciliabiles. Vt etiam Alexander ex illorum lege, superato pluries Dario, fugatisq; Indiæ, & plurimarum aliarum prouinciarum tot regibus nullum tamen trophæum erexerit. Trophæi autem modum, & formam, Vergilius, & Statius appositè descripserunt. Ille enim Æneam de spolijs Mezentij Marti trophæum erexisse, cecinit:

*Ingentem quercum, decisis vndiq; ramis,
Constituit tumulo: fulgentiaq; induit arma,
Mezenti ducis exuuias, tibi magne trophæum
Bellipotens: aptat rorantes sanguine cristas,
Telaq; trunca viri, & bis sex thoraca petium,
Perfossamq; locis: clypeumq; ex ære sinistra
Subligat: atq; ensē collo suspendit eburnum.*

Hic verò longius Thebaidos libro secundo: Tydæus verò Palladis in honorem erigit:

*Et merita pulchrum tibi Pallas honorem,
Sanguinea de strage parat, prædamq; iacentem
Comportat gaudens, ingentiaq; acta recenset.*

Quercus

Aen. 12.

*Quercus erat tenera iam dudum oblita iuuenta
 Aggere camporum medio, quam plurimus ambit
 Frondibus incuruis, & crudo robore cortex.
 Huic leues galeas, perfossaq; vulnere crebrò
 Inferit arma ferens, huic truncos ictibus enses
 Subligat, & fractas membris spirantibus hastas.
 Corpora tunc, atq; arma simul cumalata superstans
 Incipit. Cui post multam orationem,
 Nunc tibi fracta virum spolia, informesq; dicamus
 Exuvias, atsi patrijs Parthaonis aruis
 Inferar, & reduce pateat mihi martia Pleuron,
 Aurea tunc medys vrbis tibi templa dicabo
 Collibus, &c.*

Crescente postea ex opulentia luxuria, cœperunt, non in campis, neque in arbore ipsa, trophæa erigi, verum in media vrbe, atque in marmore, & arcubus ipsis, in quibus prælium gestum, & quicquid spoliolum ex hostibus esset, miro artificio effigiaretur. In cuius verò sumptus, sic profligatos. Iuuenalis, more satyrico exclamat:

Iuuen. saty. 10.

*Bellorum exuviae, truncis affixa trophæis
 Lorica, & fracta, de casside buccula pendens:
 Et curtum temone iugum, victaq; triremis
 Aplustre, & summo tristis captivus in arcu.*

Humanis maiora bonis creduntur. Trophæis autem præesse dicitur Iupiter: vnde Græcè τροφαῖς χος dicitur, & Pausanias in Laconicis meminit Iouis tropæi templi. Et simili ratione Iuno trophæa, quam Græci τροφαῖαν ἡραν vocitant. Ex superioribus trophæum à triumpho differre, satis superq; notum. Cuius rei solum testimonium Mamertini in Diocletiani, & Maximiani genethliaco adducam, Mitto etiam dies festos victorijs, triumphis celebratos. Taceo trophæa Germanica, in media defixa barbaria.

*De trophæo IESV CHRISTI, & virginis Mariae, eius
 matris.*

C A P. XX.



EXTRA institutum nostrum, non omnino aberrasse videbor: si de IESV CHRISTI, & eius matris, virginis Mariæ trophæo, in hortis meis meminero. Vt præter communes hortorum fructus ac delicias, vltro nonnihil lectores recipiant: quò plus magis mentem atq; animum, ad CHRISTVM ipsum erigamus: & uti ex religionis nostræ Christianæ, aliquo insito, aliquid contemplemur ac meditemur. Vt item intelligant ipsi quanto illud, ceteris quotquot vnquam erecti fuerint, celebrius ac dignius fuerit. Vt longè plus etiam utilitatis ac honoris, suis attulerit, quàm quot omnes vel Græci, vel Latini, ac quotquot ceteri pro patriæ tuitione, redemptione, gloriæ erexerunt: utque etiam quantò dedecoriosius, onerosius, ac crudelius, ignominiosiusq; fuerit, eò tamen, pro

pro quibus sustulerit, gloriosius ac laudabilius. A quo quidem cælestis gratia, largitioq; inæstimabilis progressa est. Ille ipse enim totius orbis princeps, ac dominus atq; institutor, qui etiam victorias omnes, cui, & ubi vult condonat, ut propterea dominus exercituum ex re ipsa semper vocitatus. Non enim veritus est corpus proprium pro suis exhibere. Cuius verò morte ablatum principium ac imperium præfuls tartarei, & copiarum eius, uti Adæ scilicet protoplastæ, & Eue primorum parentum noxam dilueret. Per hoc autem (ut inquit Ioannes Damascenus) ad antiquam beatitudinem regressio præparata, portæ paradisi patefactæ, filij Dei, & hæredes facti. Hæredes quidem regni sui cælestis, regni videlicet æterni, in quo mortales amplius, sed semper iuuenes, absque vlla molestia, in æternum cum ingenti gloria victuri sumus. Suum autem IESVS CHRISTVS, in monte Caluario loco edito, insigni, & conspicuo velut ex ara quadam conspicua, & è loco superiore: non in arbore fronde sua truncata, verum in cruce. Quod supplicium apud priscos feruile erat, detestandum & ignominiosum, sed & omnium deterrimum, reisq; ad mortem iudicatis destinatum. Verum postea à CHRISTI morte, mirum dictu, mediatuq; stupendum, venerandum, sacrosanctum esse cæpit. In qua verò pater omnipotens maximus Isaacum, suum filium dilectissimum, primogenitum, eundemq; vnigenitum sacrificatum voluit. In ea autem, non arma, non cruentas loricas, galeas, aliaq; hostium spolia, sed corpus proprium affigi voluit, iam omnino lacerum, nudum, vndique sanguine fluens. In qua verò dominus noster ipse CHRISTVS, omnes iniuriarum, contumeliarum, pœnarum, oculis, auribus, ore, capite, manibus, pedibusq; indignitates hausit. Illuc spontè, tanquam ovis ad occisionem, ductus, insons inter fontes, Rex inter reos, pius inter impios, mitis, veluti agnus, inter crudeles. Vbi expansis vlnis in sinum suum, ac præsidium suum nos assidue euocat. Vbi verò non ex oleastri, non è pinus, lauri, myrtive, aut ex illustrioris alterius cuiuscunque frondis corona insignitus, verum è spinis horridioribus, quæ caput suum, & tempora vndiquaque cingerent, & illa perforarent, ac sanguine fœdarent. In qua etiam in corpus demortuum sæuitum. Hæc enim ara, & pignus misericordiæ, ad quod supplicibus, & rerum capitalium reis certissimum perfugium patet. Christus in crucem pro nobis ipsis reis actus, ut nos in gradum salutis beatissimæ immortalitatis reponeret, & ab orci mancipio, & à nexu diræ noxæ vindicaret. Victoriæ autem virginis Mariæ CHRISTI matris, è palmæ ramo trophæum fuit, scribente Nicephoro.

De arborum prodigijs.

CAP. XXI.



EST & arboribus, sicut in multis alijs prodigijs locus, ut portentant quædā, ut de his hoc loco dicamus. Quorū apud Græcos Aristandi volumen fuit, apud Latinos verò C. Epidij commentarij, in quibus multæ locutæ reperiuntur (referente Secundo.)

Quorum si lucubrationes superessent in causā forsitan essent, ut modestius

stius de his tacendum nobis fore existimaremus. Verum ubi vtriusque monumentis caremus non superuacaneum omnino duxerim, ut quæ de his ex aliorum autorum, plurimum verò Iulij Obsequentis, libris, quos mihi legere contigit, in vnum locum conferamus: ut si non illorum omnem operam, & eloquentiam præstare valeamus, saltem uti illorum iacturam in paucis refarcire possimus. Sed iam ad rem. Donatus autem insignis grammaticus prodigia ea esse dicit, quæ aduersa nuntiarent, & quæ præter naturæ regulam eueniunt ut nonnunquam aliquid portentant. Solita enim nullo modo demiramur, ut sanè in plantis, veluti ac ceteris rebus, intelligi debeant. Tantum enim abest, ut plura etiam, quæ præter naturam eueniunt, inter ostenta computemus: sed neque aruspices ita interpretantur. Præsertim verò illa, quæ regionis ratione euenire contingunt: uti cum mutantur quædam, quemadmodum punicum commutari in Ægypto Theophrastus ait: aut cum vniuersi fructus, omnesve arbores: aut cum semina in aliud genus, ut ex alba populo nigra fiat: aut cum vna tantum duæve, aut econtrario fiant: vel cum hoc statis cuiusque anni temporibus fit. Nam quandoque fructibus etiam temeritas quædam contingit: ut cum ficus ramulis auersa poma edit, & punica. Nonnunquam etiam nonnullæ temporis intemperie, amissis folijs, fructificant: quod oleæ Thessalo Pisistrati filio, ut prodit ille, accidit. Vel cum statua arborea exodat in qua aliquid pinguidinis inest, veluti in cedrina, cupressina, oleagina. Cælo namque austro, & humecto, ita plerunque afficiuntur. Multa enim accidunt, quæ naturali normæ incongrua iudicantur: quæ nec ad manifestas, & apparentes rationes, reduci possunt. Quæ pro absurdis itaque animaduerti debent. Primum autem fortuitam mutationem, tum fructuum, tum arborum ipsarum, prodigium esse, attendere oportet. Ut cum punicum acidum profert dulce: contra dulce, acidum. Rursus, cum arbores ipsæ sicuti cum è dulci acida, vel ex acida dulcis. Verum id grauius deteriusque, cum in acidis è dulcibus etiam à saporis ipsius maiori, propter elegantiam, alteratione. Item magis cum è ficu, oleaque in caprificum, & oleastrum fit conuersio, quam si econtrario eueniret. Iterum cum è candida ficu, nigra fit magis quam si econuerso. Laodiceæ enim Xerxis aduentu, platanus in oleam mutata est. Ostenta etiam fuerunt arbores, sine vlla tempestatis vi repente collapsæ: aut cum spontè surrexerunt. Ut illud cuiusdam Reipublicæ, aut priuatim alicuius elationis: alterum verò casus prognosticum fuerit: attamen non ut ex his, neque ex alijs, certum quid, affirmandum sit. Factum itaque hoc per Cimbrica bella, in Nucerio Iunonis luco consulibus C. Mario, C. Flacco. Vlmi enim cacumine amputato, quoniam in aram ipsam procumberet, spontè restituta, ut protinus floruerit. A quo deinde tempore, maiestas populi Romani resurrexit, quæ antea cladibus obtrita, atque inuastata longius fuerat. Memoratur hoc idem factum Philippis, salice procidua, atque detruncata, non tamen circundolata, ut ait Theophrastus: Aruspex tunc quidam, ut sacrificarent suasit, & arborem custodirent: id fausto ostento factum arbitratus. In Stagiris etiam in mu-

sæo populo alba, fausto etiam omine hoc euenit. Apud insulas Capreas
 veterrimæ ilicis demissos, iamq; in terram, ac languentes ramos, Augu-
 sti principis aduentu conualuisse, Suetonius scribit. Quare adeo lætatus
 ille ut eas cum Republica Neapolitanorum, data etiam Ænaria, permu-
 tauerit. Ante Vespasiani imperium arbor quoque cupressus in agro aui-
 to ad sextum miliarium è Nursia Spoletum euntibus, ubi magnam vitæ
 partem degisset, sine ulla tempestatis vi radicitus euulsa, atque prostrata,
 postero die viridior ac firrior, quàm antea, resurrexit hæc Tacitus, &
 Dion. Paulò ante eius mortem, ut Tranquillus memorat, eodem loco
 arbor euulsa resurrexit, tunc demum rursus repente corruit. Olea (pro-
 dente Pausania) quæ sacra in Athenarum arce erat, cum vrbe (Medorum
 incendio) conflagrauit: verum eodem die, in duorum cubitorum pro-
 ceritatem germinauit. S. P. Posthumio, L. Pisone consulibus, vasto vrbis
 incendio, ut sacrarium cum regia quoque vreretur, altera laurus ex in-
 cendijs inuiolata permanfit. Per ea enim tempora quando cum Perseo
 Macedonum Rege præliarentur, palmam in area publicè natam, priua-
 tim verò in impluuio suo, T. Martius Figulus nuntiauit, referente T. Li-
 uio. Verum maximè mirum quod Theophrastus ait: ut admiratione su-
 periora antecedant, uti platanus Antandri, longitudine decem cubito-
 rum, crassitudine verò vlnarum quatuor duobus lateribus circundola-
 tis, flatu prostrata, noctu surrexit, quam iterum cortex circumtexit. Nunc
 casus exempla afferamus. Dissidentibus enim in Mileto Ionie vrbe, inter
 se diuitibus, ac popularibus, sacra olea sponte exarsit. Paulò item ante
 Pompeij Magni ciuilia bella, in Cumano agro, arbor paucis ramulis
 eminentibus, graui portento succidit. Consulibus verò Q. Fabio Maxi-
 mo, & M. Marcello, in Apulia palma viridis exarsit. Tunc temporis Han-
 nibal in Italiam peruaderat. Alexandri Seueri mortis hæc signa fuerunt:
 laurus in palatio cuiusdam ciuitatis, ad quam ad bellum proficiscebatur
 ingens & antiqua tota subito decidit. Fici tres, quæ ante illius tentorium
 essent, quibus & tentoria imperatoria adnexa erant, subito deciderunt.
 Iulius Cæsar (ut in Octauio meminit Suetonius) quum apud Mundam
 Hispaniæ urbem locum castris caperet, & syluam ad id excideret, palmæ
 arborem reperit: quam in omen victoriæ conseruari iussit. Ex hac enim
 continuo enata soboles, usq; paucis diebus adoleuit ut non modò ma-
 tricem æquipararet, verum etiam obtegeret. Frequentata item colum-
 barum nidis: quamuis hoc auum genus durum, & asperam frondem
 euitet. Quo ostento præcipue motum Cæsarem ferunt, ne quem alium
 sibi succedere, quàm sororis nepotem, vellet, quod in Octauio fuit. Paulò
 enim ante mortem Aurelij Ambrosij, Britannorū Regis, Londini (quod
 regni princeps oppidum) arbores virentes subito arsisse, & vetera ligna
 iam pridem excisa, fronduisse & floruisse illorum annales prodiderunt.
 Est & in harum natiuitate omen etiam: si quando genus aliquod in alio
 agnascatur aut aliud quicquàm in eis, vel cum alibi, præter illarum na-
 turam natæ fuerint puta ædibus sacris, publico, priuatoque edificio. Sæpe
 cum sub tecto, inopinatè ortæ sint. Cyzici enim ante obsidionem, ficus

in lauro nata, vt scribit Plinius. M. Marcello, P. Sulpitio consulibus, Veienti lana ex arboribus nata. Seruio autem Flacco, Q. Calpurnio consulibus, Bononiæ in arboribus fruges natæ. Eutropius autem idem refert, cum Viriatus in Lusitania cum Romanis bellum gereret. An idem & vnum tempus sit, videant lectores. P. Plautio, M. Fulvio consulibus, oleum in Veiente pluit. Antonini verò Pij tempestate hordeum in Mœsia in arborum culminibus adnatum. In Arcadia; in quodam fano ilex, & olea ex vna radice spectatæ: sicut meminit Pausanias. Trallibus, vt de seipso in suis commentarijs memoriæ mandauit Cæsar, & Plutarchus in eius vita: per eos dies quum ipse cum Pompeio in campis Pharsalicis præliaretur, in Victoriæ templo, in quo Cæsari statuum consecrauerant, palma circa basim eius in pauimento solidis ac durissimis lapidibus coagmentato nata. Quintilianus hæc. Augustus Taraconensibus nuntiantibus, palmam in ara eius enatam: Apparet (inquit) quàm sepe attendatis. Ante cuius domum inter lapidum iuncturas alia orta, quam ipse in compluuium Deorum penatium, vt coalesceret transtulit. Romæ quoque in Capitolio, bis bello Persei nata, victoriam ac triumphos portendens. Quæ post tempestatibus euerfa. Eodem item loco, ficus enata, M. Messalæ, C. Cassij censorum lustro. A quo verò tempore pudicitiam subuersam Piso (referente Plinio) prodidit. In Macedonia consulibus L. Cornelio Lentulo, A. Iulio Apulo, in puppi naui laurus orta. Tunc enim Philippus cum Atheniensibus bellum gerebat. In Flauiorum suburbano, quercus antiqua Marti sacra fuit quæ per tres Vespasiani familiæ partus, singulos repente ramos edidit, haud dubia signa cuiusque fati. Primum quidem exilem, & citò arefactum, ideoq; puella nata quæ non perennauerit: Alterum præualidum, ac prolixum, vt qui magnam felicitatem portenderet. Tertium autem arboris instar, quò ipse natus Vespasianus princeps. Quare ferunt Sabinum patrem, aruspicio insuper confirmatum, tunc matri renuntiasse nepotem ei Cæsarem genitum. Nata autem in domo Alexandri Seueri laurus, iuxta perfici arborem, quæ intra annum vnum hanc vicit: vnde coniectores, Persas ab eo vincendos dixerunt. Per ea enim tempora, quibus Hannibal Apenninum transcendit, Arpis in cælo visa palma. Anno, qui supra octingentesimum tertius ac trigessimus humanæ salutis fuit, vt Sabellicus in Raptodij scribit, & alij plures, in Thuringis arbor altitudine pedum quinquagenum, crassitudine autem bis septenum, sua sponte in diuersum locum à priori vigintiquinque pedibus distantem se transtulit. Sed super hæc omnia, quæ vnquam audita sunt hoc prodigium erit, quòd in æuo Plinij fuit, vt ipse bis testatur. Quod in Neronis principis ruinam factum est. In agro enim Mamertino, atq; in Vectij Marcelli, primis equestris ordinis oliueto vniuerso viam publicam transgresso, aruisq; econtrario in locum oliueti profectis.

De arborum miraculis, & arboribus fulguritis.

C A P. XXII.

QVÆD



VÆDAM etiam ex arboribus leguntur, quæ admirationi sunt. Veluti de arbore perseæ, quæ in Hermopoli, Thebaidis ciuitate fuit, cuius folium, fructusve, cortex quoque languentium collo appensus, morbos omnes abigeret, quod in huius generis cæteris minimè est. Ferunt etenim hanc arborem CHRISTVM IESVM Herodem fugientem, ac in Ægyptum proficiscentem, adorasse, & ad terram vsque sese inclinasse. Regis verò Bebrycis tumulus, à supremo die, lauro tectus quam insanam vocauerunt: quoniam siquid ex ea manibus decerptum, importatùmve fuerit iurgia, donec abijciatur, fiant vnde tractum adagium, Insana laurus adest. Quod de homine rixarum autore dicitur. In Trœzenijs (vrbs Peloponnesi est) myrtum fuisse, quæ lancinata folia habuit (autor Pausanias.) Ab eo enim tempore euenit, quo primùm Phædra ex amoris in Hippolytum mœrore, acum, quam in crinibus habuit illi addidit, quod minimè huic erat, quum primùm germinauit. Apud sepulcrum Geryonis Erythræ Gaditani maris insulæ Regis, quæ nunc Gadiræ, & antè Cotinusa, & Cerberi fratris ab Hercule interfecti, duæ arbores plantatæ, quæ sanguinem distillarunt. In Aulide, ante Dianæ templum, palmæ enatæ sunt, quorum fructus vsui minimè sit. Thebarum porta vna fuit, quæ Nete diceretur: prope Menœcæ Creontis filij monumentum. Quo enim tempore, Polynices vnà cum exercitu Argis discessit, ex Delphici Apollinis oraculo spontè se interfecit. Ad monumentum enim malus punica excreuit, cuius fructus, cùm maturuerit si corticem abrumpas, nil intus, nisi quid sanguinem referens inuenies Arbor semper viridis. Reliquum vt de fulguritis arboribus agamus. Quod & Romani in prodigium acceperè vt Iulius Obsequens attestatur, & augurium captabatur ideo fanaticæ dictæ & inter sacras etiam habuit antiquitas. Nam & Cicero omnem diuinandi peritiā in duas diuidit partes: aut in furorem, aut in artem: vt in aruspiciibus, fulguratoribus, siue fulguritis auguribus: quibus farto, quodam libi genere sacrificabant. (Festo autore) vt inde sacrificantes struefertarij dicti sint. Neque omnia insita misceri fas est (inquit Plinius) sicut nec spinas inferi quando fulgura hoc modo expiari non faciliè queant. Quot enim genera insita fuerunt, tot fulgura vno ictu pronuntiantur. Q. Fabio Maximo, & M. Marcello consulibus, nux de cælo tacta fuit, vt prodigium fuerit. Abietem autem fulminatam interitum dominæ significare Seruius scribit: vt non sine causa Vergilius de equo Troiano dixerit,

- *Sectaq; intexunt abiete costas.*

Quòd Troia per fœminam interierit. Et alibi,

Sape malum hoc nobis, si mens non laua fuisset,

De cælo tactas memini pradicere quercus.

De insomnijs ex arboribus, & illorum interpretatione.

C A P. XXIII.

g 3 S O M N



OMNIA ex arboribus, veluti ex cæteris ob rerum causas esse satis cuique clarum. Omnes enim somniamus, atque ab ipsis multoties ac plurifariam afficimur ac perturbamur. Infinitæ etenim somniorum atque insomniorum causæ quæ nonnunquam futura præfagiunt: sicuti plerunque ex rerum euentu postea manifestè compertum. Quam ob rem de his post illarum prodigia disseruisse, non absque ratione oportuit. Non tamen vt de his, ac de illis, quid certum coniectari necessario sit: vtpotè quæ nec omnia Dei summi oracula sint: sicut nec etiam fidei Christianæ conueniat: vt qui hæc interpretentur, vt plurimum mentiantur, & fallantur: vt diuinatores omnes, nec veri, certiq; insomniorum interpretes sint, veluti Iosephus Pharaonis Ægyptiorum Regis somniorum diuinus fuit. Sed huiusce Rei meminisse debui, ne quid huic nostro operi, ad rem arborariam desit. Potissimum verò, quod lectorem, inter tantam lectionem, aliquantum oblectari festiui duxerim, neque vt sequentibus prorsus fidem vllam adhibeat: dignoscatq; quantà in his antiquorum vana, ac superstitiosa curiositas fuerit. Et hæc omnia ferè ex Hippocrate, & eò magis plura ex Artemidoro Dardiano philosopho, ex alijs quædam etiam, vt præmonitum antea lectorem, vt etiam ex sequentibus apparebit, insomniorum significationes ex rerum natura vti plurimum antiquos accepisse. Verùm rem ipsam aggrediamur: vt primum tamen ab ipsa arborum vniuersitate incipiamus. Syluas enim, & saltus in somnis, qui viderint tristitias omnes, timores, animiq; perturbationes, & otia præsignant: Malefactoribus autem, ac seruis, plagas, atque tormenta: diuitibus verò, propterea quòd cædantur, & semper quid amittant, damna. Præstat autem eas penetrare, atque in ipsis vias reperire, & ab his in campos exire atque in his somno non obrui. Syluam enim, pro quadam rerum confusione & inconditam rerum molem, atq; seriè semper arioli acceperunt. Qui enim sese plantare arbores visi sint, præfagium quidem bonum, præsertim verò his, qui vxorem quærent, & liberos non habent. Ager quippe nil aliud est, quam mulier, ex qua sicut ex agro plantæ, liberi producantur. Verùm si quis egrotet in domo eius, qui hæc somniauerit, morietur. Nam & quem admodum semina terræ mandantur, sic hominum quoque cadauera. Cuius Hippocrates, causarum naturalium euentus, diligens, ac prudens scrutator, arbores germinantes, & multis fructibus onustas, sanitatem homini huic portendere, corpusq; sese bene habere, scribit: & idem de languentium somnijs disseruit. Contrà, si sine fructu, infæcundæ, nec fructifera cernantur seminis humani corruptionem. Sin autem folia decidere, humidis ac frigidis humoribus lædi. Quòd si germinet, nec fructus ferant, calidis, & siccis idem. Huic verò Artemidori illud propinquiùs accedit, vt qui arbores florentes ac fructum ferentes bonum, at contrà arefactas, aut funditus euerfas, ietasq; fulmine, vel aliàs igne combustas contrariæ sint significationis. Infructuose verò frugiferis semper peiores exceptis his, qui ex ipsis, & per has quæstum faciunt.

Frug

Frugifera syluestribus, utique meliores : item ex frugiferis, quæ foliorum lapsu non caluescunt dempta olea, quæ agrotantibus, mortis præsignatio est propterea quod cum mortuis efferatur. Quæ verò tardè eueniūt, & annosas videre prosperum quidem hoc illud erit. Nam & hæ, dilationis signa habent, utq; tardiùs mala eueniant : atque in morbis salutare. Contrariæ autem significationis erunt citò prouenientes. In oleo enim si quis se excrementa eijcere somniauerit prosperum erit : quòd huiusmodi excrementis, olea summoperè delectetur. Qui verò quancunque plantam ex corpore suo productam somniauerit, iuxta quorundam opinionem, citò emoriturus. Hac videlicet coniectura, ut velut è terra oriuntur plantæ, ita & in ea resoluuntur corpora. Verùm has indicationes, non ab his plantis, quæ in aliquo membro enascuntur, sumere est. Non enim semper interitum portendunt, sed horum tantum membrorum sectiones, & chirurgicas operationes. Quidam somniauit, se in prægrandem arborem transformari, cuius pars vna esset populus alba, altera verò pinus : in populo verò, omnis generis aues insidere, in pino autem lari, & mergi, & quodcunque marinarum generis auium est. Nati illi filij duo, quorum alter athleticam ac laboriosam vitam duxit, & multas regiones peragrans, omnis generis homines, præter agnatos & affines pertulit. Alter nauclerus factus, atque non ignobilis nauta, tamen agricultor filius. Hunc pinus, illum populus præsignarunt. Qui enim hæc somniauit, ad longam ætatem peruenit, propter illarum diuturnitatem, & foeliciter vitam peregit quod designauit arboris proceritas. Persica, & huius generis præcocia, & similes fructus fugaces, præter mora, voluptates, & deceptiones denotant, extra verò tempus congruum, varios labores. Qui mori arborem viderit, progeniem significat. Quòd si florida fuerit, prosperum quid futurum prædicat. Sin verò radicitus euertatur, progeniem eius pessundat. Qui verò, se mala dulcia, aut verna, atq; matura, & videre, & comedere insomniat, bonum præfagit. Quandoquidem & multam venerem, atque iucunditatem designant, maximè verò his, qui de amica, aut vxore curiosi sunt : quòd eiusmodi mala, in Veneris tutela, propter dulcedinem, esse credantur : contra verò acida, seditiones & contentiones. Liti enim dedicata sunt. Cydonia ob adstringendi facultatem, tristitiam inducunt. Mora mala punica, vulnere sunt significatiua, propter colorem rubrum, qui cum vulneribus commune est : & tormenta etiam ob pœnas : item & seruitutem atque subiectionem, propter fabulam, quæ de Eleusina fertur. Ficus enim circa proprium tempus bonæ erunt : & ex his albæ nigris iucundiores. verum præter illarum tempus opportunum apparentes calumnias, & detractiones prædicunt. Quibus sub dio opera sunt, illæ serenitatem hæ autem tempestatem & imbres. Quandoq; verò per has nil aliud denuntiatur, quàm qualis aëris futura sit constitutio. Pyra satiua prosperum, quòd horum fructus solerter adseruatus, atque conditus, nec putrescens, diu permaneat. Olea mulierem, & certamen significat atque principatum, ac libertatem : quare floridam & radicibus innixam, & maturum fructum, & tempest

tempestiuum habentem prosperum erit. At olea vindemia, omnibus præterquam seruis bonum: quod his plagas præfagiat, cum & illarum fructus, plagis decutiatur. Eas autem legere aut terere labores, & molestias significat. Nuces amygdalæ, iuglandes, auellanae, & quæcunque infringuntur, propter illarum strepitum, turbationes, & tristitias quod ex amara natura existant. Laurus mulierem, propter viriditatem denotat: opulentam enim, atque formosam ob eius speciositatem. Eorum autem quæ speramus, irritum successum, propter fructus amarulentiam: & quia minimè edendo sint. In vatibus enim & medicis, ad artē propter Apollinem, cui quoque referenda erit. Quercus, viros designat opulentos ob antiquorum alimoniam: senium etiam, propter illius annositatem. Pinus, strobili, naucleris, & omnibus nauigantibus ad naues referenda: quod ex his hæ compaginentur, & picem & resinam, quam ferunt nauibus idoneas. Reliquis verò pigritiam, & timores propter solitudinis amorem. Platani, vlni, fraxini, nigrae populi, & omnia similia solis his tantum conducunt qui ad bellum, & militiam serunt, & fabris etiam lignarijs propter quæstum, quem ex his faciunt. Illis verò quod hastis, ex huiusmodi materia confectis vtantur: cæteris autem paupertatem & inopiam propter illarum infructuositatem. Ex populi enim genere, sola alba athleticæ confert, quoniam Herculi sacra sit qui optimus athleta fuit. Myrtus verò, & buxus, scorta, & impudicas mulieres: prosperum quidem his, qui ad aliquid agendum prodeunt: Ægris autem refectionem ac sanitatem. Reliquis verò, vani laboris signa erunt. Hanc autem tornare, & statuas facere, mœchis bonum, ac rhetoribus, & falsarijs, atque omnibus fraudulosis hominibus. Nam & hæ artes vera esse ostendunt quæ non sunt: cæteris verò nominis celebritatem, & turbarum concursus. Cum hæc opera multis ostendantur, infomniorum ex illarum coronis designationes hæ sunt. Vt de his tamen generalius quædam antea prosequamur: vt qui arboream coronam se, alibi quam supra caput gestare somniauerit, quid sæpe illi sinistri accadat. Nam & coronarum propria sedes caput est. Zoilus enim ad Olympica certamina ducens filios duos, illorum talos olea & oleastro coronatos in somnis vidit: quo infomnio hilarius factus quod post victoriam illos coronis donaturos speraret: verum aliter, & præter eius sententiam contigit illis priusquam ad certamen deuenissent vita functis. Nam coronæ circa talos locatæ, non procul à terra absunt. Xerxes in Græciam profecturus, & multis id auertentibus, maximè verò Artabano patruo, se habere caput oleagina corona procinctum, cuius ramis vniuersa Græcia occuparetur, somniauit quo somnio in Græciæ accensus profectionem fuit, eo omine, quod Athenæ (prima vrbs Græciæ) oleæ inuentrix fuisset. E palma & olea coronæ: liberarum mulierum, nuptias conciliant propter nexum. Liberos etiam diuturnos, ac longæuos ob illarum longam vitam. Sed palma filium, olea verò filiam. Pauperibus & athleticis conferunt: his enim confidentiam, ac robur, illis verò opulentiam pollicentur, & seruis libertatem, cum liberorum sint propriæ coronæ, tum maximè cum è certamine, eas accepisse viderint.

derint. Occulta enim reuelant, propter illarum celebritatem. Similis præfagij, sunt laureæ & quernæ. Myrtea, eademq; oleagina mulieribus promittit, quod hæc planta & Cereri, & Veneri communis sit. In fruticibus, sicuti in arboribus, insomnia. De quibus post arbores dicere conuenit. Rhododaphne, scorta, & impudicas mulieres significat: verum huic prosperum, qui ad agendum aliquid prodit. Ægris verò sanitatem & confirmationem, reliquis verò vanos labores. Eius flos, solis agricolis, & hortulanis, bonus, cæteris verò peregrinationes atque dolores. Spinæ autem, rubiq; ad securitatem, & omnia commoda existunt, propterea quòd inde sepes fiant. Quidam verò visus est se culum thure extergere: impietatis enim postea damnatus. Nam & thure deos colimus. Sed vt fruticeis coronis hoc caput finiamus, Hederaceæ Dionysiacis artificibus solis conferunt. Alijs autem vincula, propter pampinos retortos, & fruticis complexus aut morbum eadem ratione: Facinorosis decollationem, quòd hæc ferro refecetur. Ex rosis secundum tempus opportunum: quum rosa facilè marcescat. Hoc enim manifestant propter odorem. Quod si hyeme etiam visæ sint, quod propter illarum ætatem fit, prosperum dijudicandum.

Præfatio libri tertij.



QVANTO in honore, quantæve veneratione, apud antiquos arbores ipsæ fuerint, superiori libro satis (vt arbitror) exaratum. Reliquum est, vt hoc de illarum religione nunc dicamus, quarum dignitas prius erga Deos ipsos fuit, quàm illarum in ludis atq; certaminibus ac hominum honoribus: in templis namq; atque deorum sacris, supplicationibus, & ceremonijs his vsi sunt mortales: in quibus verò omnibus Deos suos antistites exornarunt, & coronarunt, victimas quoque ipsas, atq; in sacrificijs, & ipsi coronati interfuerunt. Vt hoc modo, sibi propitios magis deos habere, & maleficia omnia auertere, & noxia cauere crederent: nihilq; prosperum aliàs futurum sperantes vt non omnibus tamē ad id discriminatim vterentur, sed & quasdam omnino ab his ablegarent, & ad id profanas prorsus existimarent, essentq; illorum religione damnata, vt pollutas immolationes existimarent, si casu in his inuenta fuissent. Verum aliud illarum maior honos, ac reuerentia: Si quidem integræ, atque in syluis & locis publicis venerabatur. A quibus etiam responsa cum privatè, tum publicè peterentur, auscultantur.

rentur. Et ad rei perpetua memoriam, ex arborum ipsarum materie illorum simulacra fabricata, ac in adibus sacris locata, illorum etiam et altaria erecta. Verum hoc etiam, non ex qualibet arbore, sed ex ea, qua diuturnitate, ac duritia ceteras nonnullas sua virtute antecelleret, quò opus longius permaneret, & elegantius appareret, ut infra amplius edocebitur.



HORTORVM LIBER TERTIVS.

De arborum numinibus, & religione. CAPVT I.



R I S C I certè arbores veluti numina quædam venerati sunt. Primùm enim arborum omnium Deum Pana dixerunt: quin & Syluanos, & Faunos, à quibus & fana dicta, & fanalia festa, in honorem Fauni. Nonis enim Decembribus, in syluis & pratis fieri solita (teste Acrone) ex Odis Horatianis,

*Ludat herboſo pecus omne campo,
Cum tibi Nonæ redeunt Decembres.*

Cui Romæ erectum templum, quod G. Domitius prætor vrbæ dedit, P. Cornelio, Scipione Africano, & Valerio Sempronio Longo, consulibus. Hoc ædiles biennio antè ex mulctatio argento faciendum locauerant. Ioui etiam Romæ fuit sacellum, quòd fagutal vocitatum, & ipse Iupiter fagutalis, à fago, ut voluit Festus, quæ fuit, ipsi Deo sacra, vel, ut alij volunt à fageo luco. Lacus fagutalis (Varrone autore) fuit in Exquilina secundo vrbis regione, vbi eodem scriptore sacellum querquetulanum. Alia Deorum genera, sylvarum numina tanquàm è cælo attributa, credidit religiosa vetustas. Nónne & Pomona, à pomis dicta, quasi, ut ait Varro, pomorum pater sit. A qua flamen pomonalis, cui tantum vetus religio tribuit, ut & si cæteri flamines, & quidem dialis, maiestatis suæ discrimen subeant, minimè tamen ille, & Pomonal. Festo Pompeio, in agro Solonio, via Hostiensi, ad duodecimum lapidem. Num & Dryades, & Hamadryades sylvarum nymphe, quas Seruius ἀπὸ τοῦ δρυὸς, id est, quercus specie, dictas vult, vel ἀπὸ τοῦ δρυμῆος, id est, à syluâ, ut in primo aliquod genus pro vniuerso posuerit. Hamadryades autem sic appellatas quòd simul cum arboribus & pereant ac nascantur

nascantur, iuxta Homeri & Pindari sententiam, *âma* enim simul. Vnde Statius:

- *Nec amplexæ dimittunt robora nympha.*

Plerunque ita euenit, vt cæsa arbore, sanguis emanet. Quod euenit, cum Erisichthon arborem inciderit (vt scribit Probus) vt primo vox eruperit, deinde sanguis effluerit. Quod testatur Ouidius in sua Metamorphosi cuius versus, & si oblongi, hic tamen inserere libuit, cum rem appositè describeret:

Contremuit, gemitumq; dedit Dodonia quercus:

Et pariter frondes, pariter pallescere glandes

Cæpere, ac longi pallorem ducere rami.

Cuius vt in trunco fecit manus impia vulnus,

Haud aliter fluxit, discusso cortice, sanguis

Quàm solet, ante aras ingens vbi victima taurus

Concidit, abrupta cruor è cervice profundi.

Et post:

Editus è medio sonus est, cum robore talis:

Nympha sub hoc ego sum Cereri gratissima ligno,

Quæ tibi factorum pœnas instare tuorum

Vaticinor moriens nostri solatia lechi.

Querculanæ etiam F. Pompeio dictæ, quod querceto præsent: Mediæ quidem inter homines & Deos. Musæ etiam Cythereides, à Cythere saltu appellatæ: & illarum vna Thalia, à sylvarum virore. Fuit autem, autore Diodoro Siculo, in Erijs Sicilia montibus sylua, in qua laurus frequens, in quam etiam & Nymphæ diuenterent: ibiq; natum ex Mercurio & Nympha filium, qui Daphnis vocatus. Is primum carmen bucolicum inuenit. Prisco etiam ritu, Deorum templa arbores fuerunt, vti nec magis auro atq; ebore fulgentia & nitentia simulacra, quàm lucos fecerunt. In quibus verò numina adorarunt, & venerati sunt vt à quibusdam etiam, tanquam ab oraculis, responsa desiderarunt & auscultaunt. Et post illarum cuiusque generis arboris lucos feligentes suis Dijs dedicarunt: aut ex omnibus vnâ præcellentem rura urbésve, priuatim etiam vnusquisque: postremum, vt illarum fronde, fructiue ad Deorum sacrificia vti sunt.

*Quod antiqui sylvas, arbores, aut illarum genus vnum
coluerint & de Galliarum Druidibus.*

C A P. I I



V A R V N D A M verò gentium, quæ sylvas, arborumve aliquot genus colerent, & adorarent, meminere antiqui scriptores. Indi (vt autor Q. Curtius) arbores colunt, quas violare capitale est: vt etiam cortice delibratas Deos putarent. Diuus Iustinus martyr, alicubi arbores veneratas, in apologia secunda, ad Antoninum Pium testis est: & diuus Paulinus ad Iouium, cum impijssima (vt inquit hic) diuinæ maiestatis iniuria. Lituanos, qui ad Polonos contermini sunt, nostra etiam tempestate integras sylvas coluisse nonnulli prodiderunt. Cinnamomum, vbi nascitur, non

h 2 prius,

prius,quàm Deus permiserit, metitur quisquam (vt scribit Plinius) hunc verò Iouem Assabinum alij vocant. Quadraginta enim quatuor boum, caprarumq; , & arietum extis, venia cædendi impetratur. Quod tamen antè Solis ortum, vel post occasum non licet. Sarmenta verò hasta diuidit sacerdos. Deo primùm partem ponit. Est & alia fama,cum sole diuidi, ternasq; partes fieri, deinde , forte præuia discerni. Quodq; Soli cesserit cremari, ac sponte flagrare. Solinus verò addit : hoc vltimum fieri, si iustè diuisum sit. Thus inter solos Sabæos diuiditur,& eorum tantùm trecentas familias, quæ per successiones sibi hoc ius vendicant : & ob id sacri Arabicè vocantur. Diuisaq; certis portionibus sylua , quæ mutua innocentia tuta est. Nemo enim faucias arbores custodit : neque vllus furatur. Cùm lucos autem istos,vel metunt, vel incidunt,non funeribus intersunt, neq; sceminarum congressibus polluantur. Religioni quippe hoc tributum. Collecti verò thuris Dei, quem vocant Sabim, id est, solem, cuius delubrum,apud eos,inter omnia regionis illius sanctissimum est sacerdotibus apud Sabotam, mensura, non pondere nec decima persoluitur. Nec antèa mercari licet. Inde impensæ publicæ tolerantur. Nam & benignè certo itinerum numero , Deus hospites poscit. Quercus frugiferas (inquit Plutarchus in symposijs) ritè coluerunt. Ficum quandam Athenienses sacram appellarunt. Idem morum excindi vetuerunt, non vt pronos homines ad superstitionem redderent, verùm vt nos instruerent, rerum insensibilium atque inanimatarum exemplo, quomodo mutuis inter nos beneficijs certare,atque commercio habere deceat. Druydes verò Gallorum magi nil visco, & arbore, in qua nasceretur (modò robur sit) sacratius habuerunt. Cuius etiam arboris eligunt lucos , nec vlla sacra sine ea arbore conficiunt. Vt his inde Græca interpretatione inditum nomen videri potest. Quicquid autem illis agnascitur , è cælo missum putant, signumq; selectæ à Deo ipso arboris esse. Enimuero, luna sexta,sacrificio, epulisq; sub arbore præparatis duos tauros candidi coloris admouent, quorum cornua tunc primùm vinciantur. Sacerdos verò candida veste indultus:arborem scandit, falceq; aurea, viscum demetit. Candido id excipitur fago. Eius corticem, in quodam sacrorum vsu, religiosum esse Plinius scribit. Demum victimas immolant, precantes vt suum donum prosperum faciat ijs, quibus dederint. Arbores etiam in locis publicis sacræ fuerunt, non alia ratione quàm muri, aut deorum fana. Æquorum autem imperator (scribente Liui) quæ mandata habeant à senatu Romano legatos ad quercum iubet dicere se alia interim acturum. Quercus enim ingens arbor erat : prætorioq; imminebat : cuius vmbra enata sedes erat. Tunc legatus vnus abiens & hæc, inquit, sacrata quercus,& quicquid deorum audiant, fœdus à vobis ruptum, nostrisq; & nunc querelis adsunt. Quæ vt essent in locis publicis,magna existimatione viri,curarunt. Quorum alter Cimon Atheniensis,platanis in foro satis.Etiam nunc tanquam sacras habemus, quæ ante diuorum templa regias, & loca cætera publica satæ, vt longa ætate,tanquàm ab iniuria hominum custodiantur,nulliq; alij vsui,quàm vmbra

vmbræ seruientes : quarum nedum ramos alicui decerpere permiffum, vt pluribus locis qui id faciunt, etiam ex foliorum numero, quid certum luant. Priuati etiam aliquot arborum genus fibi confecrarunt. Quorum omnium testimonium, vno videlicet Horatij confirmabo, qui pinum in fua villa confecrauit, vt fuis carminibus teftatus eft : inuidens villæ tua pinus efto Dianæ officia celebrant. Ad has enim facras arbores antiqui fepe dona appendebant. Vergilius:

*Fortè facer Fauno folijs oleaster amaris,
Hic ftererat olim nautis venerabile lignum,
Seruati ex vndis, vbi figere dona solebant
Laurenti diuo & notas fufpendere veftes.
Hic arguta fagra pendebat fiftila pinu.
Quali frugifero quercus fublimis in agro,
Exnuus veteres populi, fagrataq; geftant
Dona ducum.*

Idem alibi:

Lucanus:

*De ficu ruminali, & nonnullis alijs arboribus Romæ, &
alibi facris.*

C A P. III.



VBI arbores antiquitus facras fuiſſe oſtenderimus, operæpretium forè exiſtimauimus, vt harum nonnullas alicubi memorabiles referamus : vt primùm de ficu ruminali, atque de eius Romæ ſitu diſſeramus. Hanc autem, in loco, qui Gerualium appellatus ſit, primùm fuiſſe M. Varro ſcribit. Seruius verò, vbi Lupercal, & in circo. Hac autem lababatur Tyberis antequàm Vertumnus factis ſacrificijs auerteretur. Plinius autem, in foro ipſo, ac comitio natam : quod nunc è regione diuorum Coſmi & Damiani eſt, tanquàm illuc ſpontè tranſiſſet. Quod mirificè crediderunt Romani. Tam enim diuinam illorum vrbs originem credere ſiue potius finxere, propter quod, ex re iuxta eam miraculum poſuere. P. Victor in regione octaua locauit. Antea verò Q. Fabio, P. Decio conſulibus, infantium ſimulacra ſub lupæ vberibus poſita ſunt : ex bonis fœneratorum mulctatis. Adactò autem nauigio, hæc illa illico areſcebat : rurfusq; cura ſacerdotum ſerebatur. Fuit & ante Saturni ædem, vrbs ducentefimo ſexageſimo anno, ſublata ſacro Veſtalibus factò, cùm Syluani ſimulacrum ſubuerteret. Eadem verò ſatu fortuito, in medio foro poſtea vixit. Qua fidentia imperij fundamenta, fatali oſtento, M. Curtius, maximis bonis, virtute ſcilicet ac pietate, morteq; præclara expleuerat. Æque fortuita eodem loco, vitis, atque olea, vmbræ gratia plebeia ſedulitate fata. Ara deinde ſublata, gladiatorio munere, diui Iulij. Quòd nouiſſimè pugnauit in foro. Huius autem arboris veſtigia, vſque ad Auguſti tempora durarunt, ſi Ouidio fides adhibenda:

*Arbor erat, remanent veſtigia : quæq; vocatur
Romula nunc ficus, rumina ficus erat.*

Romularem prius dictam Liuius ſcribit : poſt verò ruminalis, ob memoriam eius, quæ nutrix Romuli & Remi fuit vrbs conditorum, quo-

niam sub ea, lupa præbuit rumem (priscis ita mammam vocantibus) testibus & Varrone & Pompeio. Gutturis verò partem rumam Seruius vocat. Alij enim propter armentorum ruminaciones, quæ sub ea ob frigora captanda, peragebantur: Festus imparentem, id est, non parentem, siue non obedientem vocat. Quòd ea fuerit plurimorum remediorum. Plinius sacram potius propter infantes illic lactatos: quàm quòd ibi fulgura conderentur. Huic autem gallinæ immolabantur. Iuxta Monetæ templum, cornum sacram fuisse Plutarchus in Romulo memoriæ mandauit, quo loco experiundi gratia, hic Leontino corneam lanceam iaculatus, quæ altiùs in terra defixa, multis annitentibus, nusquam euelli potuit. Quæ postea germinauit, ramis in maximam altitudinem, atque latitudinem emissis. Verùm hæc fabulis proximiora esse, idem ingenuè fatetur. Locus autem is, post Romulum cum sanctissimo templo, circumductis parietibus, occlusus, magnaq; religione deinde habitus. Si cuiquam verò propius accedenti, minùs frondescere at virescere, & veluti subductis alimentis, languescere, atque deficere visa fuisset. Passim verò sibi occurrentibus statim illud acclamitabat. Caio enim Cæsare ibi exædificanti, ac fabris propinquiùs fodientibus, violatisq; imprudenter radicibus, omninò elanguit, & demum interijt. De hac sic Ouidius in Metamorphosi:

*lib. 15. Urq; palatinis hærentem collibus olim,
Cum subito vidit frondescere Romulus hastam,
Quæ radice noua, non ferro stabat adacto,
Et iam non telum, sed lentæ viminis arbor,
Non expectatas dabat admirantibus umbras.*

An verò hæc Romæ in locis publicis omnium prima fata sit, se ignorare dicit Plinius. Inter antiquissima enim delubra, fatidico quidem & memorabili augurio Quirini, hoc est, ipsius Romuli, habetur. Ante ædem ipsam, myrti sacræ duæ per longum tempus fuerunt. Altera patricia vocitata, altera verò plebeia. Patricia autem multis præualuit annis, flauesciente plebeia, lata, & exuberans, quàm diu Senatus floruit, illa ingens, plebeia, torrida, ac squalida. Quæ postquam eualuit, flauesciente patricia, Marsico bello languida patrū authoritas facta est, vt paulatim in sterilitatem emarcuerit maiestas. Lotos in Vulcanali fuit, via quarta (autore P. Victore) quòd Romulus ex victoria de decumis constituit. Altera, quæ capillata, siue capillaris arbor dicta, quòd ad eam Vestalium tonsus capillus deferretur. At sub filiquam arborem, vt ex A. Gellio est, vnguium & capilli flaminis dialis segmina, terra operiebantur. Surculumq; ex hac mascula arbore, sacerdotissa dialis habebat. Fuit etiam ilex in Vaticano, in qua titulus æreis Hetruscis literis, religione iam tunc dignam fuisse designauit. Fuerunt etiam alibi arbores sacræ. Olympiæ verò oleaster, quo primus coronatus Hercules, longo tempore religiosè obseruata. Cupressus prope Cereris templum, ante Troiæ urbem fuit, vt Vergilius meminit:

Aen. 2. Est vrbe egressis tumulus, templumq; vetustum

Deserta

*Deserta Cereris, iuxtaq; antiqua cupressus,
Religione patrum multos seruata per annos.*

Responsa, antiquos ex arboribus accepisse, & de oraculo

Dodonæo, & adagio, Dodonæum ahenum. CAP. IIII.



PRIMA in syluis ipsis, atque lucis ipsis, oracula sua reddidisse suos deos, antiquorum religio docuit, & antiquam illis templa struerentur. Etenim cum in syluis hominum primæua habitatio fuerit, ut supra demonstrauimus, ita & in illis, primum deos inuocasse credendum: ut post tamen factis illis ædibus structis, nihilominus tamen postea in his coli desitum sit. Scribit enim Probus, in illo carmine Vergiliano:

- Et vos agrestum numina Fauni.

Faunum ipsum in Albunea Latinorum sylua oraculum habuisse. Apud Apollonium autem Rhodium in Colchide iuxta fanum Martis, alius fuit, ex qua cornix Argonautis vaticinium dederit. Hercules apud Sophoclem, Sellowum se lucum ingressum, & à patre, & quercu vocali oraculum accepisse. Verum omnium oraculorum, quotquot ex arboribus apud antiquos referuntur, celebratissimum fuit Dodonæum, & omnium quidem quæ apud Græcos omnes fuerunt, ut testatur Herodotus, vetustissimum. Ætolis verò & Acarnanibus omnibusq; insuper, qui Epeirum incolebant, percelebre. Ut etiam Eusebius Christianæ religionis deuotissimus, de præparatione euangelica scribat, hoc illud tempore Orphei, Lini, Musei, poetarum fuisse. Qui fuerunt omnes circa Troiana tempora. Cui tanta fides à priscis gentibus adhibita, ut quicquid præcinnisset, indubitata fidei esse, constanterq; euenturum, ab omnibus facile crederetur: ut etiã Plato diuinus philosophus, cum rem minimè credendam fore suadere vult, etiam si quercus eloqueretur, suis scriptis pluries enuntiauerit. Quod vulgò nunc dicimus, etiam si Angelus præfaretur. quo primum uti Græcia ausa inquitente in chronicis Eusebio. Et uti rem paulò altius ad huius oraculi historiam attingamus: est quidem Dodona Epeiorum, nobiliorum populorum, ut inquit Strabo & Placidus Statij interpres, vrbs, quod innuit Vergilius in Bucolicis:

*Nostra valent, Lycida, tela inter Martia, quantum
Chaonias dicunt aquila veniente columbas.*

Et Statius in sexto Thebaidos:

*- Cadit ardua fagus,
Chaoniumq; nemus.-*

Alij eam specialius apud Thesprotios Epeiri. Solinus verò apud Molossos fuisse templum Iouis Dodonæi. Martianus autem Capella hæc: Molossi, Dodonæi Iouis fano inclyti, celebratiq; & Statius:

Molossi quercus anhela Iouis. Et in tertio Thebaidos:

*- Non Cyrrha deam promiserit antro
Certius, aut frondes lucis quas fama Molossis,
Chaonias sonuisse tibi.-*

Vnde

Vnde Iupiter Molossus dictus. A Dodone verò Oceani filia, Deucalion nominavit, quum post diluvium, Epeirum venisset, ibiq; ex oraculo, cum his, qui superfuerant habitasset. Sidonius Apollinaris Epiroticos Dodonigenas appellat. Iuxta autem Dodonam nemus fuit querneum. Luciano verò in Gallo, fagëum, Glandibus semper abundans. Quare Statius ait:

Et nemorum Dodona parens.— Vergilius:

— *Et victum Dodona negaret.* Et Lucanus:

— *Sylvaq; Dodones,*

Nec quæsisse libet primis quod frugibus altrix,

Ore Iovis Dodona sinet.—

Solinus verò iuxta templum, fontem fuisse frigidissimum, miræ naturæ: ut incensas faces extinguat, sine igne autem inflammet. De quo sic Rhemnius:

Hæc regio fontem mirandæ concipit vnde,

Quem meritò veteres dixerunt nomine sacrum.

Nam gelidus superat cunctarum frigus aquarum,

Accensasq; faces prope si quis duxerit vndam,

Extingui flammæ: recipit sed rursus eosdem,

Admoueat dextra, cum extincta lampada fonti.

Ioui enim templum sacrum fuit. Ovidius (si is autor est) in obscæno carmine:

Dodone tibi Iuppiter sacrata est.

Huius verò oraculi, autorum varia sententia. Alij enim quercus vocales fuisse autumant. Probus verò quercum ibi fatidicam Ioui sacram. Quare Claudianus contra Alaricum:

— *Nec Dodona subegit*

Agmina fatidicam frustra iactantia quercum.

Et illic etiam aliud oraculum Iovis Dodonæi. Alij non quercus vocales, sed columbas ipsis insidentes, & responsa dantes, ut Placidus, Statij interpretis autor est: quæ exprimerent in mutis animalibus, quid homo adorare vellet. Quarum vna postea in Delphos ciuitatem Bœotiæ regionis iuxta Parnassum montem transuolauit, ubi Delphici Apollinis oraculo orationem parauit. Altera verò Hammonis Iovis templum in Africa tenuit. Nonnulli huius oraculi antistites narrasse, plures scribunt. Ex Ægypto duas columbas euolasse: vnam in Africam, quæ Afris, ut Hammonis oraculum conderent iussit. Alteram apud Epeirotas, quæ fago insidens, voce humana, eo loci Iovis oraculum condi debere, & se interpretem fore, & hoc, quod ipsis anuntiaretur, diuinitus fieri. Iovis verò Thebani sacerdotes parum ab hac opinione non discesserunt, ut alij produnt, asserentes, fœminas duas sacerdotes è Thebis à Phœnicibus fuisse exactas, & vnam in Africa venundatam, alteram verò in Græcia. Quare Vergilius:

— *Atq; habitæ Graium oracula quercus.*

Et has primas fuisse, quæ apud prædictas gentes oracula condidissent.

Herod

Herodotus autem mulieres diuinatrices, lingua Thessalica *πελιδές*, id est, columbas vocari scribit: & is rem ipsam longius attingens, tres fuisse fœminas scribit: vt antiquissimæ nomen fuerit Promoneæ, proximæ Timacreæ, minimæ verò natu Nicandreæ. Quas autem fœminas Phœnices sacerdotes ablegarunt: quæ verò in Græciam ipsam: quæ Pelasgia vocatur, apud Thesprotos, in Iouis fano, quod sub fago conditum est, ancillata est. A Dodonæis igitur columba dicta, quòd barbara esset, atq; barbaro sermone vteretur: quod simile quoddam cum auibus existimabant. Quæ vbi Græcè loqui didicisset, humana voce interlocutam interpretati, & nigram columbam, Ægyptiam fœminam. Quod nonnulli ad Semiramidem referunt, quam in columbam versam Syri crediderunt. Quare Tibullus:

Quid referam vt volitet, crebras intacta per vrbes

Alba Palestino sancta columba Syros?

Ibi enim columbas areas fuisse dicunt. Vt alijs verò placet, ibi columnæ duæ fuerunt, in cuius alterius editiori parte alienum locatum erat. In altera verò, quæ propè erat, puer situs, areum gestans flagellum, vt sæpius aura vehementiori in lebetem incidebat, vt inde non minimus sonitus obsonaret. Suidas verò oraculum lebetibus vndique cinctum fuisse scribit, ita vt vndique sese inuicem contingerent: ita fieri necessum, vt vno quopiam pulsato, vicissim omnes resonarent, sonitu per contractum ab alijs ad alios succedente, Durabatq; in longum tempus tinnitus ille, in orbem redeunte sono. Vergilius:

Ingens argentum, Dodonæosq; lebetas. Et Ausonius:

Nec Dodonæi cessat tinnitus aheni,

Ad numerum quoties radijs ferientibus icta

Respondent dociles moderato verberè pelues. Et Iuuenalis mulierum gar-

rulitatem taxans:

Tot pariter pelues, tot tintinnabula credas

Pulsari.

Ab illa enim garrulitate tractum adagium *δωδωναίων χαλκείον*. Id est, Dodonæum ahenum. Quòd in loquaces, & de re pusilla garrulos dicitur. Et apud Pollucem garrulus dicitur, æs Dodonæum. De Dodonæo oraculo sic Silius:

Nam cui dona Iouis non diuulgata per orbem,

In gremio Thebas geminas sedisse columbas?

Quarum Chaonias pennis quæ contigit oras,

Implet fatidico Dodonida murmure quercum:

At quæ Carpathium super æquor vincta, per auras

In Libyen nubes tranavit concolor alis,

Hanc sedem primo Cythereia condidit ales.

Hic vbi nunc aras, lucosq; videtis opacos,

Ductore electo gregis (admirabile dictu).

Lanigeri capitis media inter cornua perstans

Marmaricis ales populis responsa canebat.

Lib. 3.

Dodonæi verò oraculi multa apud autores responsa, maximè apud Demosthenem, vt nullius alterius minimè plura : vt propterea Statius, vt suprà ostensum, propter frequentem interrogantium turbam, anhelam quercum dixerit. Duo tantum adferre libet, vt ex his appareat, quàm vana, quàmq; fallax fuerit antiquorum religio : præsertim verò in hoc, in quo prisca ætas antiquius semper habuit nihil. Cuius tamen responsa, tam incerta, quàm eius historia fuerunt. Athenienses etenim ex hoc oraculo acceperunt vt Siciliam conderent. Est autem illo nomine collis non procul ab vrbe Athenarum. Verùm illi Siciliam sibi ex oraculo promissam arbitantes, Syracusanis bellum improspere intulerunt. Pelasgi autem sedibus proprijs pulsi, cùm diuersas terras petissent : ad Dodonam pleriq; confluxerunt : & incerti quibus locis adhererent, tale audiuerunt responsum, quod ex Varrone Macrobius transcripsit,

Στείχετε μαιόμενοι σκελῶν Ἀττερνίαν ἄϊαν
ἢ δ' ἀβοριγενέων κοτύλην ἢ νᾶσος ὀχρεῖται
Αἶς ἀναμιχθὲντες δεκάτην ἐκπέμψατε φοῖβω,
καὶ κεφαλὰς ἄδῃ, καὶ τῷ πατρὶ πέμπετε φῶτα.

Aliud ridiculum, præter promissum addam. Liber Pater, vt Higinus autor, mente captus, furore à Iunone immisso, per Thesprotiam aufugiens, vt ad Iouis Dodonæi templum perueniret, accepturus quidem ab eo responsum, quo ad pristinum mentis statum, perduceretur. In itinere verò, ei obiecta palus est, quam cùm pertransire nequiret, obuiarunt illi, aselli duo, quorum vnum cepit, in quo insidens aquam pertransijt : vt minimè aquam pedibus pertingeret. Ad oraculum autem vbi peruenit, continuò, furore liberatus, gratiamq; asellis retulit, quos & inter astra collocavit. Illud postremum præterire non censui, atq; ex veritate poetica, quercum illam, cuius formicæ in Myrmidones populos transmutatae sunt, ex semine quercus fatidicæ natam (cecidente Nasone.)

Metam. lib. 7.

Fortè fuit iuxta patulis rarissima ramis
Sacra Ioui quercus de semine Dodonæo.

De deorum coronis, & statuarum illorum ac sacerdotum,
& sacrificantium.

C A P. V.



OMINES arborum frondibus olim coronatos, suprà ostensum, verùm ante eos dij quoque ipsi, & illorum sacerdotes, & sacrificantes, victimæ quoque ac illorum statuae. Scribit enim Secundus, antiquitus, nullam coronam, nisi deo oblatam fuisse. Ob id Homerus Cælo tantum, & vniuerso bello tribuit : viritim verò ne in certamine quidem, vlli. Saturnum verò ante omnes coronatum Pherecydes refert, & post deuictos Titanas Iouem Diodorus. Verùm Plinius primùm omnium Liberum Patrem capiti suo ex hedera coronam imposuisse, scribit. Aristophanes autem grammaticus Spartanos ex arbore medicæ deos coronare solitos, memoriæ mandauit. Verùm non ex sola arbore, omnium numinum coronæ fuerunt, quin ex omnibus certam singuli delegerunt : atque ex aliqua,

aliqua, dedicarunt mortales. Lacedæmonij dijs suis mala hesperida dicarunt. Iouem verò corona oleagina redimiri solitum Phurnutus ait. Quod hæc arbor, semper in virore sit, suamq; pinguedinem teneat, & quòd olei vsus vbique plurimus sit. Libero autem Patri placuisse coronam, testis in Fastis Ouidius:

- Baccho placuisse coronam

Ex Ariadne sydere nosse potest.

Panes itaq; & satyri, è pinu factitatas gestarunt. Lucretius:

Et genus agricolùm late sentiscere cùm Pan

Pinea semisèri capitis velamina quassans. Ouidius:

Pars tibi qui pino tempora nexa geris.

De Pane enim loquitur Propertius: Et Arcadio pinus amata deo.

Hac enim ratione illos pinu coronari scribit Phurnutus, quòd montanũ quid ac syluestre, hæc habeat. Omnibus enim plantarum floribus, coronari Vertumnum, memoriæ relinquit antiquitas, vnde nomen sumpsisse, nonnulli existimant. Quòd primis vertentis anni muneribus doneatur. Sic enim apud Propertium de se fatur:

Prima mihi variat liuentibus vna racemis,

Et coma lactenti spicea fruge tumet.

Hic dulces cerasos, hic autumnalia pruna

Cernis, & æstiuo mora rubere die.

Insitor hic soluit pomosa vota corona,

Cùm pyrus inuito stipite mala tulit.

Athenienses ex arundine contexere coronas, quas Dioscoris, id est, Poluci & Castori dicarent, authore supradicto Aristophane. Postea verò deorum templis coronas dicarunt homines. Ex cinnamomo enim interrasili auro incluso, primus omnium in templis Capitolij atque Pacis dicauit, imperator Vespasianus Augustus (scribente Plinio.) Vidimus, inquit, etiam is Cinnamomi radicem ingenti ponderis in palatij templo, quod fecerat diuo Augusto, coniunx Augusta, aureæ pateræ impositam, ex qua guttæ editæ, annis omnibus, in grana durabantur, donec id delubrum incendio consumptum. Deorum etiam antiquæ statuæ cum arboribus, vel illarum ramis, vel fructibus effigiatæ. Rhamnusia autem, quæ & Nemesis, in Rhamnunte Atticæ vrbe, simulacrum, è solido lapide, magnitudine decem cubitorum habuit Phidiæ opus: fingebatur enim Veneris specie. Quamobrem malum arborem dextra tenebat, vt autor Eudemus: Pausanias tamen tenere dextra phialam, altera verò ramũ fraxineum scribit. Apud Sicyoniam Græciæ urbem Æsculapij ædes, cuius simulacrum in vestibulo ædis fuit ex auro & ebore. Calamidis opus. Imberbis fuit altera manu sceptrum, altera nucem pineam hortensem Pausanias in Corinthiacis. Victimæ postea litandæ, coronatæ sunt. In templo Iouis Olympici, huius ænea statua fuit, quæ sinistra mali punici pomum tenebat, dextræ verò digiti recti, & rigentibus similes fuerunt. Apud Sicyonios Veneris templum fuit, in quo deæ simulacrum Canachi Sicyonij opus, manu altera malum gestabat. Post verò sacerdotes co-

ronati, sacrificarunt. Scribit enim in Oedipo tyranno Sophocles, sacerdotes & ciuitatis electos, in sacris faciundis, supplicibus ramis ad commiserationem fuisse coronatos. Quod de oliua intelligendum cenſeo, vti ex inferius de ea arbore dicendis, patebit. Idem in Oedipo Coloneo: Oedipum ad expiandas Eumenidas, vt illum ſupplicem acciperent, am-
 babus manibus ter nouæ oleæ ramos illis obtuliſſe docet Chorus. Apud Statium verò in Thebaide, ſacerdos Ioui ſacra faciens, oliua coronatus.

Huc gemini vates ſanctam canentis oliua

Fronde comam niueis ornati tempora vittis. Apud Orpheū eadem coronati ſacrificia peragunt. Verū in tantū poſteā is honos, in ſacrificijs auctus, vt non victimæ ſolū, & ſacerdotes, ſed & magiſtratus, & cæteri quoq; aſtantes, coronarentur. In qua verò re peragenda, non ſolā arbore, verū diuerſis illarū generibus ſecundum gentium ritum uſi ſunt. Finxit enim Ariſtophanes, mulierem ſibi quinque puerulis, in texendis ex myrto, ad ſacra cerealia coronis victum parare. Perſæ, vt autor eſt Herodotus, dijs ſacrificantes cinctam myrto Tyaram gerunt. Cyrenenſes (autore Orpheo) Saturno ſacrificantes, ficis recentibus coronabantur, quod eius fructus reptorem credant. In ſacro ambaruſuali victimam ſequabantur multi clamantes, è quorum vnus corona quernea ornatus, cum ſolenni ſaltatione Cereris (carmine compoſito) laudes decantabant.

*Quòd dij ex arboribus cognomina ſortiti, & de inarculo,
 & albogalero : & quòd ſub quibuſdam arboribus ſa-
 crificatum.*

C A P. VI.



ARBORES, hominibus, & locis, nomina impoſuiſſe, ſupra viſum eſt : nunc qualiter dijs cognomina indidere, videndum. In Leſbo ſiquidem Apollo myricæ ramos tenet, vnde Myriceus cognominatus, vt Archeus meminit. Antiquiſſimam verò plantam tamaricem, quæ & myrice dicitur eſſe, Metrodorus ait. At Nicander tamaricem ſpecioſum fruticem, ideò *μάντιν*, id eſt, vatem vocari, ſcribit, à quo vaticinia exquirantur. Quamobrem magi apud Medos, & Scythæ ad ſua vaticinia tamaricis virgis utebantur. Quod genus diuinationis ab alijs quoque gentibus obſeruatum. Nam Herodotus ſæpe in diuerſis nationibus, ramulis tamaricis, vaticinia fieri, teſtatur. Ægyptij verò ſacerdotes, in Iouis pompa myrica coronati. Autore etiam Plinio, Cappadociæ magi, quos Pyrethos vocant, comprecationes non ſine myricæ virgis faciunt. Viſus enim in myricæ ramo in ſomnis Apollo decorus. Cytinus idem à cytino vocatus. Primus enim mali punici flos eſt, qui decidit, cuius templum in Rheſcyntho monte Thraciæ. Athenis Iupiter *μηλίσκος*, ſic vocitatus, quòd huic tantum poma ſacrificarentur, non vllum animalium genus. *μήλα* Græci mala vocant. Alij tamen *μειλίχιον*, per ei in prima ſyllaba ſcribunt : deriuantq; à *μειλίσκος*, quæ mitem & placibilem ſignificat. Sub quibuſdam autem arboribus olim ex illorum religione ſacrificarunt

runt prisci homines. Nonis enim Iulij, Romanæ scēminæ, liberæ simul atq; ancillæ Iunoni Caprotinæ, sub caprifico: à qua & ipsa Iuno & feriæ ipsæ nuncupatæ. In memoriam scilicet virtutis ancillarum, quæ pro rei publicæ conseruatione, præclarum facinus gesserunt. Nam post urbem captam, & sedato iam motu Gallico, Republica mirum in modum attrita fuit. Finitimi enim urbem inuadendi opportunitatem se nactos putantes, Posthumium Liuium Fidenatium Dictatorem sibi præficiunt. Qui missus ad senatum postulauit, vt si vellent, reliquias suæ ciuitatis tutas remanere, virgines, & matresfamilias sibi dederent. Quæ res diu, ac multum patres anxios ac suspensos tenuit: donec ancilla vna, nomine Tutela, seu, vt alij volunt, Philosis, pollicita sit, se cum cæteris ancillis sub nomine & habitu virginum ac dominarum, ad hostes iterum. Ad quos, in fidem doloris lacrymantes, cum ingestæ essent, à Liuiio in castris distributæ sunt, quæ viros plurimo mero prouocarunt, diem festum apud se mentientes. Quibus soporatis, è caprifico castris proxima, Romanis signum, flamma eleuata, dederunt. Qui repentina incursione erumpentes, hostes faciliè superarunt. In cuius rei memoriam hæc sacrificia fiunt: quibus lac, quod ex caprifico manat, adhibetur (vt Varro ait) & ex eadem arbore virga. Plutarchus tamen in Parallelis, id de Gallis, & eorum Rege Atepomaro, scribit, dicitq; ancillam vocatam fuisse Aretanam. Quod sentire videtur Ouidius in Arte amandi:

Porrige & ancillæ, qua pœnas luce pependit

Lusa maritali Gallica veste manus.

Cum priori tamen historia, alibi cum Macrobio idem Plutarchus est. Inarculum Festo, virgula, ex malo punico incuruata, quam regina sacrificans in capite gestabat. De inarculo sic Plutarchus: Iunio Bruto & M. Valerio consulibus. Post exactos reges, Rex sacrificulus institutus fuit, vt per eum solum, quædam sacra fierent. Huius autem vxor regina sacrorum appellabatur, quæ quoties sacra faceret, ex malo punico virgam, quam inarculum vocabant, loco infulæ deferebat. & eidem Festo Albogalerus, à galea denuntiatus. Pileus erat ex hostia alba Ioui cæsa factus, cuius apex virga oleagina erat. Eo utebantur flamines diales. Februm antiqui Sabinorum lingua, purgamentum dixerunt: hinc februa purgamenta in quibuscunque sacrificijs. Plinius hæc. Vulgata priscis temporibus opinio obtinuit, februa esse omnia, quibus malefactorum conscientia purgarentur, deleterenturq; peccata, aut manes animabus defunctorum placidi redderentur. Ramus etiam dicitur, cuius sacerdotes in sacrificijs coronabantur, cuius verò rei locupletissimus testis Ouidius in Fastis:

Februa Romani dixere piamina patres:

Nunc quoque dant verbo plurima signa fidem.

Nomen idem ramo, qui casus ab arbore pura,

Castâ sacerdotum tempora fronde tegit.

Ipse ego Flaminiam poscentem februa vidi:

Februa poscenti, pinea virga data est. Et alibi:

Sæpe tuli plena februa tosta manu.

De laurea deorum ac sacrificantium, & lauri in sacrifici-
cijꝝ vsu.

C A P. VII.



LAURIPHANTIVM coronæ, quæ vt plurimum è lauro fuere, superius dictæ, etenim huiusce arboris in victorijs, & cæteris hominum festiuitatibus frequens vsus fuit, verum antea, idem in deorum coronis ex eadem arbore hominibus verum maior in sacrificijs, vt nulla ad hæc communior sanctior habita, apud gentiles fuerit. Lauro (inquit Nicander) Thesifalica Apollinis coma primum redimita. Æsculapium lauri corona vinciri solitum, scribit Plutarchus. Quod hæc planta, plurimas erga morbos habeat vires, Orestes, vt Probus in Bucolica Vergilij scripsit, Apollinis templum, iuxta Reginos edificauit. Quo loco, re diuina peracta, Regini lauream decerpere soliti, quam secum ferrent, cum Delphos proficiscerentur. Et Romæ in Tyberis insula Æsculapio ædem erectam F. Pompeius memorie mandauit: cuius idolum laurea coronatum fuit. Quod is Apollinis, cui laurus sacrata filius fuerit. In Delo Apollinis templum, ad quod cum Æneas profugus aduenisset, Regem Annium & sacerdotem lauro redimitos inuenit (scribente Vergilio.)

Vitisq; sacra redimitus tempora lauro.

Ad aram verò maximam (scribente Macrobio) sola lauro, non alia fronde sacerdotes coronabantur. Quod ex Varrone, in libro secundo humanarum, longè post conditam urbem fuit. Posteaquam enim, in Auentino, lauretum cæpit virescere, ex monte proximo decerpta fronde, vicinitate offerente opportunitatem coronati. Antea verò coronis populneis vincebantur. Quod tempore Euandri factum Vergilius innuit:

Tu salis ad cantus, incensa altaria circum

Populeis adsunt euncta tempora ramis.

Q. Fabius (vt Liuius ait) legatus Romanus, ad oraculum Delphos missus. Laureatus enim oraculum adiit: & re diuina peracta, sic nauem conscendit. Nec prius coronam deposuit, quam Romam peruenisset, atque eam in ara Apollinis deposuisset. Marius post Cimbricam victoriam laureatus sacrificauit, collectisq; vilioribus in pyram spolijs, coronato exercitu, facie pyram incendit (scribente in Mario Plutarcho.) Cum autem post victoriam de Mardonio & Persis, Græcis de faciundo sacrificio, Pythius respondit: ne prius sacra tractarent, quam totius Græciæ ignem, quasi à Barbaris violatum extinguerent, & postea à Delphis, velut à communibus laribus acciperent. Quod factum, è vestigio restinctis omnibus ignibus. Nanq; Euchidas Plateensis pollicitus est, se ignem delaturum: Delphosq; perrexit, vbi laurea redimitus, ex ara ignem sumpsit: & ad Plateas citato gradu detulit. Lacedæmonij in cæris sacrificijs coronabantur, vt autor Sosibius: in qua re peragenda, maximè lauro vsi sunt. Illi autem hyacinthia celebrantes, hedera, bacchico ritu, coronabantur (teste Macrobio.) Prætor etiam vrbanus rem diuinam Herculi faciens,

faciens, è lauru coronam gerebat, teste eodem, & omnes, qui ad στεφανο-
λον polluerent. Liuius, decade quarta libro decimo: Maiores duode-
cim annis coronati, & lauream in manu tenentes supplicauerunt. Exer-
citus, cum lustraretur vt ait Acro, cum tauro id fiebat, milites autem ipsi,
lauro coronati, sub dio rem diuinam faciebant. Cæsar post bella ciuilia,
lauro redimitus, sacrificauit. Inquiente Appiano, Mithridates Rex, &
cæteri incolæ, circa Bosphorum Cimmericum, in Pontica pæo vrbe, omni
modo laborarunt, vt laurum & myrtum haberent sacrorum causa. Lau-
rus in sacrificijs maximè expetita, vsque adeo vt Pollux eam ac oleam in
profanis vsibus prohibitam scribat. Æneas Vergilianus sic Helenum al-
loquitur:

*Qui tripodas Clarij lauros, qui sidera sentis,
Et volucrum linguas, & præpetis omina penna. Lucretius:
Et multò certa ratione magis quàm
Pythia, quæ tripode Phæbi, lauroq; profatus.*

Laurus enim, vt Phurnutus ait, oraculis dicata, dicta quippe est παρα-
τὸ διαβάειν, id est, à transeundo. Purificationibus etiam adhibebatur, &
cedis hostium suffimentum (inquit Plinius.) Vnde Iuuenalis sat. secunda:

*Quid Cremeræ legio, & (annis consumpta iuuentus:
Tot bellorum animæ, quoties hinc talis ad illos
Umbra venit, cuperet lustrari si qua darentur
Sulphura cum tedis, & si foret humida laurus.*

Huius autem in sacrificijs vsus fuit, propter diuinandi vim, quam habe-
re dicitur. Quod demonstrat Græca illius appellatio. Siquidem δάφνη à
particula δα dicitur, quæ intentionis vim habet, & φωνήν, quod loqui, &
canere est, vt Aristophanis interpret attestatur. Lycophron poëta δαφ-
νηφάγον vocat, & Aphthonius rhetor laurum vaticinij symbolum esse
prodidit. Ideò veteres laurum μαντικὸν φυτόν, id est, vaticinam plantam
vocauerunt. Ferunt enim Hesiodum, dum paterna armenta puer custo-
diret, à Musis adamatum, quæ illi degustandam dedere. Eius autem na-
turæ esse eius interpretes, & Proclus, & Isacius, ac Zeres scripserunt, vt
qui eam manducant, vates fiant. Quare Statius:

*- Venturi præscia laurus,
Præceptaq; templis.-*

Scribit etiam Euripides, in Andromache, Cassandram apud diuinam
laurum vaticinantem, Paridem fore occidendum. Hinc veteres crepi-
tantis lauri ratione rerum euentus aucupabantur. Si enim abunde, &
sonantiùs crepuisset, foelix auspiciu existimabatur. Quod intellexit Ti-
bullus illo versiculo,

Laurus ubi signa dedit, gaudete coloni.

E diuerso autem, si tacita deflagrasset inauspiciatissimum rebatur. Quod
etiam Propertius expressit,

Et iacet extincto laurus adusta foco.

Quare vaticinatores, lauro vescabantur: ideò δαφνηφάγοι dicti, & δαφ-
νοφόροι sacerdotes Apollinis Ismenij.

De

De arborum ad sacrificia usu.

C A P . VIII.



VI primi, inquit Porphyrius, deo sacrificarunt, non animalibus, verum herbis primum & eorum floribus, deinde verò & arboribus, aromatibusq; subfumigarunt, & primos arborum fructus dijs suis obtulerunt. Secundus enim thure, Iliacis temporibus supplicatum: Cedri autem tantum & citri, suorumq; fruticum in sacris fumo conuolutum nidorem veriùs, quàm odorem nouerant. Hoc modo etiam canit Ouidius:

Faslor. 1.

*Thura nec Euphrates, nec miserat India costum,
Nec fuerant rubri cognita fila croci.
Ara dabat fumos herbis contenta Sabinis,
Et non exiguo laurus adusta sono.*

Thure enim primò supplicatum. Sunt etenim quidam, qui statim post idolum factum eo sacrificatum asserant. Cuius primum Syrophanem Ægyptium autorem ferunt. Ad quod serui eius fugitiui veniam mereri sperantes, thuris munuscula ferebant, quod domino placere sciebant. Quòd autem thus sacrificijs dicatum sit, vocis etymon exprimit. Nam ἀπὸ τοῦ θύω, quod est, sacrifico, dicitur. Alexandro autem Magno in pueritia, citra parsimoniam thura aræ iniicienti pædagogus Leonides dixit, Sumptuose fili sacrificato, cum thuriferam regionem subiugaueris. Qui post Arabia potitus, illi thure & Cinnamomo onustam nauem misit, cum epistola, qua hortatus est, ne posthac in deos auarus esset. Socrates enim, vt autor Stobæus, thus dijs conuenire dicebat: ita & laudem viris tribui. Thyos enim sacrificium intelligitur, & thymiamata, aromata vocantur, quæ deo offerebantur. Thucydides ἀγὰ θύματα vocat, id est, sacrificia pura, vt thuris, & myrrhæ, vt impura censerentur, quæ sanguinis haberent effusionem. Bdellij autem vsus in sacrificijs fuit (inquiente Plinio.) Fuit & tedæ resina flammis, & lumini sacrorum grata, vt idem literis mandauit. Platani etiam in sacrificijs vsus fuit, vt est apud Homerum. Persarum item magi, qui in sacrificijs præficiuntur, carnes super lauri myrtiq; virgis positas adurunt, & lacte ac melle permistis, fasciculis myrteis appræhensis aspergunt. Scythiæ diuinatores humi singuli strati, virgas salignas prætenues comprimentes vaticinantur. Naaëres, quos Herodotus androgynos putat, tiliam trifariam scindentes, digitisq; implicando ac resoluendo, futura præcinunt. Hæc generalius, quo ad deorum sacrificia. Nunc verò aliquot arborum genera, in solius alicuius dei sacris pertractemus. In Iouis enim Olympij sacris, alba populo sacerdotes semper vsi sunt. Ex quo Hercules eam attulit, & ex eadem sacrificauit. Elienses etiam Ioui mulcario sacrificantes, eadem arbore vsi sunt: vt scribit Pausanias in Eliacis. Pini autem teda, in Cereris sacrificijs apta fuit, quòd hæc ad inuestigandam Proserpinam filiam, geminas pinus pro lampade incenderit, vt indicat Ouidius:

Faslor. 4.

*Alta iacet vasti super ora Typhoeos Aetna:
Cuius anhelatis ignibus ardet humus.*

Illic

Illic accendit geminas pro lampade pinus:

Hinc Cereis sacris nunc quoque teda datur.

Cydones verò sacra Dianæ facientes, sertum è pinu, aut lentisco præparant. Athenienses enim Icari manes, & Erigones eius filie, quæ se, ob patrem ab his interfectum, suspenderat: placare cupientes, ora è cauatis arborum corticibus assumebant, & oscilla ex alta pinu suspendebant. Sicyonij, Veneri hostiarum coxas, suis exceptis, sacrificarunt: reliquias autem in sacris altaribus, iuniperi lignis, & folijs herbæ pæderotis, comburebant. Bacchi statue faciem Siculi in vindemijs multo & ficis, oblinebant: quòd vtriusque arboris inuentorem perhibeant: vnde Morychi cognomen illi inditum, tractumq; inde adagium, Morycho stultior: in eos, qui ridiculè, stulteq; quid faciunt. In huius verò sacris, viti semper hederam præulerunt (autore Siculo) quòd hæc nunquam folia dimittat. Phliasij Hebæ quotannis festum celebrant, quod à secunda hedera, cissotomos appellatur. Pausanias hæc. Ægyptij, die decimanona primi mensis sacra faciebant, in quibus tantum melle ac ficibus vescerentur. Numam autem Pompilium dum Pani sacrificaret, fagineum ramum gestasse, intonsis crinibus obuolutum, apud antiquos legitur. Suidas autem, & Pollux, tale Herculis apud Bæotios fuisse sacrificium memorant. Etenim Herculi rem diuinam malis facere consueuerant. Cuius ratio talis: porro hostia aries, vel, ut ille ait, bos. Itaque cum dei festum adesset, & immolandæ victimæ vrgeret tempus, & rustici vi bouem adducerent, ille rupto fune aufugit, aut, ut hic voluit, quum seriùs aries deduceretur, & Asopus fluuius repentinis inundationibus ita subito creuisset, ut minimè transire posset, Iuuenes, qui iuxta aram ludebant, ritum sacrificij adimplerunt. Maturum enim malum ac perpulchrum desumentes, stipulas quatuor subdidere: duas autem pedum vice, reliquas verò cornuum loco. Putantes ad eum modum, se arietem sacrificare. Creditumq; est, Herculem, nihilominus, & si per lusum actum, hac tamen victima magnopere delectatum, ut cognomen postea huic additum sit. ὑπακλῆς μῆλων. Tibiæ verò, quibus in sacrificijs utebantur, non nisi ex buxo fuerunt. Hoc autem exemplum non omnino extra rem, è Pausania postremum addemus. Fons verò in Lycio Arcadiæ monte fuit. Quod si fortè squalens anni siccitas ab incolis timeretur, exhinc & stirpium & seminum interitus, Iouis Lycæi sacerdos, primum latices sacros veneratus, immolatisq; hostijs, & re diuina de more peracta, quercus ramum, quem manu gestabat, in fontem dimittebat, ita ut non penitus immergeretur, sed super aquas nataret. Ex fontis enim motione, quam fecerat ramus, halitus quidam nubeculæ persimilis, sursum efferebatur, ex quo mox conflagratur nubes, multisq; ad eam concurrentibus alijs, cælum omne caligine obducebant, ut non longè postea regionem illam irrigarent imbres.

De arborum, erga Iudeos, ad sacrificia, legibus.

C A P. I X.

k

S V M M V S



VMMVS profectò Deus IESVS CHRISTVS, cui soli sacrificia, cuius tantum munera accipimus, Mosi in mandatis dedit, vt filijs Israël præciperet, quatinus oleum purum afferrent, quod iugiter in lucerna ante tabernaculum testimonij, à vespera vsque manè luceret: atq; vt talis cultus per eorum successiones filijs Israël fieret, Mosi iterum iussit, vt myrrha quàm purissimæ ac selectæ siclos quingentos, Cinnamomi ducentos quinquaginta, & calami aromatici tantundem: cassiæ verò quingentos, olei autem mensuram. Ex quibus omnibus vnguentum arte seplariaria componerent: quod sanctum in sua generatione esset: quo hominem inungi, nefas esset, nec in alium vsum sumi: alioquin extorris erit. Quo insuper tabernaculum illud testimonij, arcam mensam, ac candelabrum, cum vasis illorum, altare etiam, labrumq; , & basim, cum omnibus vasis inungi. Denuò illi ait: Balsamum, stacten, galbanum, & thus, æquis portionibus sumes. Hæcq; omnia pharmacopolarum arte contundes, incensumq; facies. Quod ante tabernaculum pones. Quod sanctum vtique vobis erit, atque in alium vsum prohibitum. Quod si temerè vestrum alicui contrà euenerit, à gente sua extorris sit. Dominus item eidem præcipit, vti decimaquinta die mensis septimi festum celebrarent, quo citri fructus fumerent, & palmarum spatulas, & ramos cuiusdam densæ arboris, & salices, lætarenturq; coram domino. Hæc autem à me dicta sunt, non quòd Iudæorum legem gentiles imitatum esse, innuere velim. Tantum enim absuit, vt horum vestigia in nonnullo imitata sint, tanquam à Deo summo aliena, & omnino profana, veluti quæ deorum spurcorum, & nullius vis & potentia essent: vt pote qui nil absq; summi Dei iussionibus peregerint, quibus nil magis acerbius, etiam indicta pœna, prohibitum.

De nonnullis ad sacrificia profanis arboribus.

C A P. X.



I C V T porro priscorum religione, quædam ad sacrificia Deorum receptæ ac reueritæ fuerunt arbores, de quibus suprâ: par est etiam de his differere quæ ad hæc receptæ non fuerunt, imò prorsus damnatæ. Nam & Cicero in suis legibus, quas ad instar duodecim promulgauit, non omnes, verum certas baccas, quas nec ipse demonstrauit, sacerdotibus fore libandas dicit. Flamini enim diali, hederam tangere piaculum erat, imò etiam, quod maius, nominare nefas, F. Pompeio prodente. Plutarchus autem addidit, nec illac transire, quòd illa promineret, aut etiam umbram protenderet. Hac verò ratione, vt ille ait, quòd vinciat quodcunque applicet: hic autem quòd illa sterilis sit, atq; hominibus propter frigiditatem inutilis, quodq; etiam alterius adminiculo semper egeat. Umbra solum iucunda, & viriditate oculos pascit. A deorum enim templis penitus arceatur. Apud Athenas in Iouis æde, neq; Thebis, in æde Veneris, vnquam visâ. Est etiam quoddam hederæ fruticis genus, quòd similax dic

lax dicitur, infaustum quidem omnibus sacris, & coronis, quòd hæc lugubris sit, virginis eius nominis, propter Croci iuuenis amorem, in hunc fruticem, cum illo commutationem. De quibus Ovidius:

Et (roco in paruos versum cum Smilace flores.

Id autem vulgus ignorans, plerunque festa sua polluit, hederam existimando, sicut in poëtis, aut Libero patre, aut Sileno. Quis enim (vt ait Plinius) nescit quibus coronetur? Fuit tamen hederæ quibusdam sacrificijs comprobata, quam item Ægyptij viti præficiiebant (autore Diodoro Siculo) quòd illa semper vireat, nec folia dimittat. In Iouis autem Didymæi dedicatione, hederaceis folijs libare mos fuit. In Arcadia ab Acacæ quatuor stadijs, templum Despœnæ. In eo autem ignem ex olea, lauròve, vel crassioris corticis quercu, aliâve arbore, cuius caudex cauus, fungosusq; foret, accendere, vel adolere nefas Arcades existimant, quòd hæc ligna ominosa, & detestata existimarentur. Satiuarum autem arborum, præter mali punici fructus, illuc importare licet. Cauebant antiqui, ne buxum Veneri offerrent, ne palæstram veneream expiarent. Opem Bœotij Semelam appellabant, in cuius templo (vt Macrobio placuit) virgam myrteam habere nefas erat: quòd hæc cum patris amori obstitisset, ab eo virga myrtea transfuerberata fuerit. In Dianæ item sacrificijs hæc profana fuit: quòd deæ fugientis tunicæ huius arboris ramus adhæserit. Flora, quæ & bona dea, & fatua dea Arnobio: alijs etiam gynæcea, sacrificantes mulieres, in eius ædem myrtum non important: quum omnium germinum floribus, eius sacrificijs vti liceat. Fuit enim Flora Flauij diuinatoris vxor, quæ cum vino clanculum vberius vteretur, à viro depræhensa, myrteis virgis, ac flagris cæsa fuit. Alij aliam rationem, quòd hæc arbor Veneri sacra sit, vt quòd omne quod masculinum credatur, ab eius sacrificijs excludatur. Mitiores arbores omnes, præter punicam Arcades in Proserpinæ fanum inferunt. Id scilicet innuentes, quòd matri restituta non fuisset, quòd mali punici granum degustasset. Quod indicauit Ascalaphus, ideò in bubonem deformatus. Et vt generalius in omnium deorum sacrificijs hanc rem finiam, Genus quercus quoddam est, quod haliphleon vocant, quod quia fulmine icitur, & si altitudine non excellat, ideò ligno eius ad sacrificia vti, fas habetur. Id Theophrastus ad Æoles refert.

*Arborum materies ad deorum statuas & quid delubrum,
& de adagio, Ne è quouis ligno Mercurius fiat.*

C A P. XI.



X arbore & numinum simulacra (inquit Plinius) fuere. Nondum enim pretio excogitato, beluarum cadaueri, antequam vt à dijs nato iure luxuriæ, eodem ebore numinum ora spectarentur, & mensarum pedes. Quod Tibullus ad alterius rei expressionem ostendit:

Tunc melius tenuere fidem, cum paupere cultu

Stabat in exigua ligneus ade deus. Alibi idem:

k 2 Neu

Neu pudeat prisco vos esse è stipite factos:

Sic veteris sedes incoluntis aui. Et Ovidius:

Religione sacer prisca, quò multa sacerdos

Lignea contulerat veterum simulacra deorum.

Plato autem deorum statuas, tantum è ligno fieri præcipiebat. Aurum enim & argentum tum priuatim, tum publicè, rem inuidiosam esse, & infœlicis terræ atque infœcundæ genituram esse, & morborum colores repræsentans. Ebur verò rem sanctam minime fore, quo propter varietatem abutantur homines. Ferrum enim, atque æs, bellorum esse materiam. Lapidem verò rem duram ac inanem. Eusebius etiam ex ligno primum efficta scribit, quod primum in Delo insula Erisichthon Apollini, & indigenæ Palladi dedicauit: quod sua tempestate (ut ipse ait) Athenis extaret. Et apud Samios Iunonis simulacrum, ut Callimachus apud eundem asserbat. Seruius autem delubrum, ligneum simulacrum vocat: à libro, hoc est, raso ligno, factum: quod Græcè ξόανον dicitur. Sunt tamen qui ea distinguant, εἰδωλα deorum, regum ἀνδριάντας, sapientum ἐκκελα. Quæ insuper viris benemerentibus fierent, βέρετα. Statuas ligneas prisca Dædala vocarunt, & horum effictorem Dædalum: & ab his etiam dædala festa, quæ Plataenses Ioui Citherenio celebrabant: quod Iupiter ad reconciliandam Iunonem, simulacrum vestibis coopertum curru impoſuerit, ut Plataeam aufugeret, simulans se Afopi filiam secum vehere. Ad quod Iuno cucurrit: & scissa simulacri veste, dædalum tantum depræhendit, propter quod summopere gauisa. Ad deorum enim idola, antiqui materiem ipsam, quæ natura diuturnior, quæve solidior esset, selegerunt, ut elegantius opus effigiaretur: ut propterea & vetustas, & dignitas, in his maior esset, sicut & in lignis, quæ eius sunt naturæ, fieri solet. Theophrastus autem è subere primum factitata simulacra dicit. Quo postea spreto, è palma fabrefacta. Vetera ξόανα, ex hebeno, cupressò, cedro, loto, thya, & quercu, quantum Pausanias percipere potuit, ut asserat, se crebrò animaduertisse, lectiores deorum statuas ex his confectas. Quorum historiam speciatim, ex plurimorum monumentis prosequi placet. Indi verò quascunque deorum imagines non nisi ex hebeno habent. Salaminæ autem Aiæcis simulacrum, ex hebeno fuit. E cupressò hæc leguntur. Orphei statua, quæ in Libethris fuit, quæ paulò antè, quàm Alexander cum Dario conflisset, sudasse Plutarchus scribit. Veiovis etiam Romæ in arce, quod dictum ab vrbe condita sexcentesimo sexagesimo primo anno, durauitq; vsq; ad Plinij tempora. M. autem Antonio, A. Posthumio consulibus, ibidem Iunoni reginæ, signa duo posita, etiam cedrina. De quibus etiam legitur quòd in ædem eiusdem illata fuerint. C. Claudio Marcello, & M. Valerio Licinio consulibus, nouo sacrificio à decem viris edicto. De quibus Liuius ista: Ab æde Apollinis boues fœminæ duæ, albæ, porta Carmentali in urbem ductæ. Postea duo signa cupressæ Iunonis reginæ portabantur, & quæ sequuntur. Pythagorici autem, ut autor Laërtius in Pythagoræ vita, cupressino ligno abstinebant: quòd ex hac arbore Iouis sceptrum fabricatum esset, & etiam

& etiam acerno. Cedrina autem apud authores hæc leguntur, quorum quedam nonnunquam sudasse perhibentur. Ephesi enim in æde ipsius Dianæ: Apollinis autem in templo; quod prope Thebas in colle Ilimenio fuit. Aliud Romæ etiam Apollo Sosianus Seleucia auctus. Apud Vergilium in arce Latini regis, è cedro,

*Quinetiam veterum effigies ex ordine auro
Antiqua ex cedro, Italijsq; paterq; Sabinus,
Vitisator curuam seruans sub imagine falcem,
Saturnusq; senex, Ianiq; bifrontis imago,
Vestibulo astabant.*

Lib. 7. Aen.

Ex thya arbore Mercurius Cyllenius in Arcadia fuit, qui octopedum altitudine fuisse legitur. E quercu enim Lucinæ fabrefactum, autore Eusebio. Plateenses hoc modo deorum idola factitabant: prope Alalcomenas ingēs sylua fuit, cuius quercus magnitudine Bœotiæ arbores omnes facile superabant. In hanc enim syluam secum decoctas carnes deferabant, & in frustra defectas liberè exponebant. Inter cæteras verò auēs, solos tantum coruos obseruabant: ut quem primum rapta esca euolantem vidissent, oculis quam maximè poterant, illum prosequerantur: arboremq; in quam primò sedisset, quò diligentius poterant, animaduertebant. Ex cuius stipite, dijs quàm exquisitissime simulacra fabricabant. Hæc Pausanias in Bœoticis. Præter hæc & ex alijs materijs idola effigata etiam reperiuntur. Ægyptij è persea, statuas conficiebant, non alia gratia, quàm ex fideli materia: ut ex arbore quam balanum appellant. Ex oleaginis radicibus idola confecta, propter materiei firmitatem & varios colores. E pyastro autem Peras Iunoni statuam fecit: quæ ab Argiuis è Tyriulhe ad templum Hæreum, insulæ Eubœæ allata. In Polliadis verò templo (scribente Pausania) quod intra arcem Athenarum erat, Mercurius fuit, qui lignis myrteis aspectu perhibebatur. A Cecrope enim dicatus ferebatur. Apud Naxios Bacchi facies ficulnea fuit. Ex vitice etiam fabricata, inueniuntur. Nonnullis autem dijs, præscripta quedam arborum materies, ut non è quouis eorum idola figurarentur. Quod in Mercurio obseruauit antiquitas. Vnde tractum adagium, ne è quouis ligno Mercurius fiat. Ex quo autem ligno effigiaretur, non memini me legisse. Pythagoras tamen aliter sentiebat, ut is deus ex omni materie exculperetur. In arboribus etiam deorum statuarum antiquitus locatæ. Apud Orchemenios autem in ingenti cedro, Dianæ simulacrum positum (auctor Pausanias) à quo Diana cedrealis dicta.

De ferijs, & festis, ob arborum fructus institutis.

C A P. XII.



VNC de ferijs, propter plantarum fructus, à Romanis institutis. Tanti enim illi rem rusticam fecerunt, ut non minùs quàm pro bello, & antequàm pugnam inituri essent, nonnulla sacrificia de more facerent, Dijs litarent, auguria sciscitarentur, urbem lustrarent, & quod operæpretium facturum esset, consule-

k 3 rent.

rent. Sic enim pro arborum fructuum prospero successe deos placarunt, ferias pro his certis temporibus constituerunt. Tria nanque tempora illi fructibus maxime (inquit Plinius) metuebant, propter quæ tot ferias, atque dies festos instituerunt. Præterea Cicero in suis Legibus, sacerdotibus præcipit, vineta ut augurarentur. Hæ autem fuere, Robigalia, Floralia, Vinalia, de duobus tantum prioribus dicturus. Illa enim à Robigo deo, & Flora dea dicta. Robigum enim Romani robiginem auertere putabant. Ovidius,

Flamen in antiquis lucum Robiginis ibat.

Menim Varro statim in limine sui de re rustica libri, Robigum & Floram adueneratur. Quibus propitijs, rubigo neque frumenta; neque arbores corrumpant: ut ne etiam tempestiue florent. Rubigalia autem, vel, si mauis cum Varrone, robigalia dicere, Numa anno regni sui vndecimo primus instituit, quæ ad septimum Maij Calendas celebrarentur. Quoniam tum ferè segetes, & arbores rubigo occupat. Hoc enim tempus Varro determinat, Sole Tauri decimam partem obtinente, sicut tunc ferebat ratio. Sed veram Plinius causam fore asserit: quod post dies vndeuginti ab æquinoctio verno, per id quadriduum, varia gentium obseruatione, in quartum Calendas Maij, Canis occidit. Sydus quidem & per se vehemens, & cui præoccidere Caniculam necesse sit. Quamobrem Canis in sacris Robigi victima fuit. Ovidius in quarto Fastorum:

Est Canis (Icarium dicunt) quo sydere moto

Tota sitit tellus, præripiturq; seges:

Pro cane sydereo, canis hic imponitur ara,

Et quare fiat, nil nisi nomen habet.

Floralia verò in honorem deæ Floræ celebrabantur, ut arbores affatim efflorescerent, atque prosperè deflorescerent: utq; etiam ad iustam magnitudinem fructus accederent. Instituta autem fuere vrbis anno sexto-decimo, ex Sibyllæ oraculis: & quarto Calendas Maij fiebant. Quod testatur Ovidius, loco iam memorato:

Exit & in Maias festum florale Calendas.

Hanc verò diem idem Varro determinat, Sole Tauri partem quartam-decimam possidente. Ergo si in hoc quadriduum plenilunium incidere omnia, quæ florescunt, lædi necesse erit. Floram enim ex arte meretricia magnas opes quæsiuisse Lactantius Firmianus refert, & populum Romanum hæredem scripsisse, certamq; pecuniam reliquisse ex cuius annuo fœnore natalis suus celebraretur, Ludorum editione, quos Floralia appellauit. Quod senatui, non satis decorum, imò flagitiosum potius visum fuit. Sed ab ipso nomine argumentum sumi placuit, veluti pudende quidem rei, dignitas quædam adderetur. Etenim deam esse finxerunt. Quæ floribus præsit, eamq; oportere placari ut fruges cum arboribus, bene prospereq; florerent. Hunc autem colorem nobiliori fictione secutus est in Fastis Ovidius: Nam non ignobilem nympnam prædicauit, quæ sit Chloris vocitata, à Zephyro autem vim passa, quam tamen postea duxit. Quæ & à viro dotis loco id muneris accepit, uti omn

omnium florum potestatem haberet. De hac autem quædam suprà.

De nemoribus sacris.

C A P. XIII.



ARBORVM item alius honos, non in deorum statuis neq; in vno aut altero, pluribúsve harum generibus, sed in integra, atque amplissima sylua, plurimorum etiam generum promiscua, qualis in nemoribus sacris, & deorum lucis fuit: in quibus atque inter tot arbores, vnam violare nefas fuit. De nemoribus autem sacris prius, quàm de lucis, dicendum. Etenim quædam publicè, priuatim verò cuidam numini multorum autorum monumentis sacra reperiuntur. Et antequam vltèrius rem attingamus, quomodo sacrum nemus à luco ipso differat, ostendendum: propterea quòd nonnulli idem arbitrati. Quod ex varia exscribentium lectione euenit, qui sæpenumero alterum pro alio vsurparunt. In poëtis verò vberior licentia, vt nonnunquam lectori scrupulum euenerit, an de nemore vtrúmne de luco illi intellexerint. Nemus autem minùs religiosum minúsque venerabile: vt omnes tamen à cædendis & violandis arboribus abstinerent. Ingressus verò communis, vt plurimum absque certi numinis veneratione. Quorum item inuicem discrimen largius in luci descriptione apparebit. Nemorosa autem & vmbrosa loca numinibus sacra: Græci plictera, vt Nicander ait, vocarunt. Hyrnethium, locus iuxta Epidaurum urbem, oleastris ab Hyrnetha Temeni filia consitus, à qua nomen etiam desumpsit. Daiphontis vxor fuit: quam cum à marito, Cerines & Phalces fratres propter illorum similitudines abducere nixi fuissent. Quam cum arctiori complexu illi marito illam vendicante, stringerent, prægnans interfecta est. Cui vir postea eo in loco sepulcrum condidit: diuinusque honores sanxit. Lata etiam lege, vt si quæ eò loci natæ sua sponte si quæ arbores essent, & casu frangerentur aut occiderent, ne quis colonus aliúsve quispiam, eas in domum suam deportaret, néve ad vsus priuatos accommodaret, verùm ibi, tanquam Hyrnethæ sacras, relinqueret. Priuatim verò cuidam numini sacra, hæc legi: maximè verò è Pausania, autore Græco, plura tamen Cereri. Apud Anthedonem Bæotiæ ciuitatem, sub montem Mesabium, Cabirorum templum, & huic vicinum Cereris nemus. Alterum eiusdem cognominis Cabiriæ & Proserpinæ filia, quod ingredi nemini, præterquam initiatis & sacerdotibus licebat. Aliud etiam earundem apud Potniam eiusdem regionis urbem. Apud Sicyonios ad Phliuntem, recta via, ad summum stadia decem, ad sinistram, nemus pycea dictum. In quo Ceres cognomine Prostatia & Proserpina colebantur, vbi harum ac Bacchi statuæ. Ibi seorsum viri veluti *ανυμφωνια*, seorsum verò mulieres festum celebrabant. Apud Cyrtynam Apollinis templum & nemus. Corsia Bæotiæ oppidum, sub quo nemus arboribus syluestribus, & vt plurimum fruticibus constat. In eo enim Mercurij simulacrum non magnum, sub dio positum. Apud Cyrtthonam fons, iuxta quem Nympharum templum, & nemus exiguum, salicibus consitum, non longè ab Asopo fluuio ilicetum, & templum

dearum,

dearum, quas Athenienses Semnas, id est, venerabiles. Sicyonij verò Eumenidas, id est, placabiles appellant. Ibi enim singulis annis festum vnum faciunt, & grauidas oues sacrificant. In Lerna Arcadiæ prouincia, sacrum nemus fuit, à Pontine monte incipiens. In Argolico agro nemus, Argo Niobes filio sacrum, in quod Argiuorum millia quinque à Cleomene deuicti aufugerunt: igne autem inclusi perire, flamma omnia corripiente. Apud Tamesam Brutiorum urbem sacellum fuit, Polytx Vlyssis socio dicatum, oleastris circunseptum, scribente Strabone. Chardamylle oppidum Laconicæ regionis, à mari octo stadijs distans: apud eum nemus Nerei filiabus sacrum. Apud Olympum nemus Pelopi sacrum: vnde Pelopium dictum Pausanias in Eliacis. Morus pastorum religione sacra. Siquidem illi nunquam, nisi prius sanguineo mori succo corporibus tinctis, Pana, suum numen, votis, precibus, ad gregis sui, suamq; opem, inuocabant.

Præfatio libri quarti.

IN omnibus agendis, vel maximè scribendis, nil utilius atq; præstantius: quàm si decens ordo ac series obseruetur. Hac namq; ratione omnia & breuius ac dilucidius peraguntur: lectori etiam tum delectationem tum gratiam non minimam afferunt. Quæ verò confusè inconditèq; & multa ambage exarantur: obscuriora semper atq; inconcinniora magis apparent ut sæpè lectori nauseam inter legendum pariant, & si nonnunquam ardua sint: ut tanquàm iaspis in sterquilinio iaceant. Quæ si conueniens & apta coagmentatio obseruetur, hunc auctori honorem deferent, ut à quo acceperit, minus deprehendatur, ut nobili & subtili furta sua esse existimentur, quæ tamen ab alijs accepta sint: ut de his gloriari valeat: ac si Herculi clauam eripuerit. Quod ut facerem, ut potui elaboravi, quò minus materia diuagare dignosceretur, & aliena ab instituto videretur, ut sequens à priore omnino aberrare non cerneretur, sed & prior sequentè genuisse ac peperisse existimaretur. Superiore etenim libro de arborum religione diximus: sed de ea tantum, quæ circa nonnullas fuit. Qui verò nunc sequitur, hoc idem continebit: verum diuerso calle & tramite. Hoc autem generalius, ut quæ in syluis integris, in nemoribus, lucis dicatis, & dijs gentilibus sacris. Quæ verò religione maxima semper apud suos habitæ, quæ violare, summum piaculum, ut sæpius numinum vindicta (ut illi crediderunt) sequeretur.



H O R T O R V M L I B E R

Q V A R T V S.

De lūco, & eius religione, & quod in lucis, de rebus publicis tractabatur, & in illis diebus sacris epulabatur.

CAPVT I.



ST autem lucus, sylua, dijs, heroibus, vel alicuius cineribus sacra. Germanos autē veteres nulla deorum templa habuisse præter lucos, nemoraq; deorum suorum nominibus appellata, Cornelius Tacitus scribit. Quippe Quintilianus hæc: sicut sacros ex vetustate lucos adoramus, in quibus grandia & antiqua robora, iam non tantam habent culturam, quantam religionem. Horatius præterea in epistola ad Numitium, diuitias deiectandas, atque virtutem amplectendam suadere volens, eos increpat, qui virtutem, tantum verba existimant, & sacros lucos nihil aliud, quam ligna esse. Persius eiusdem farinae poeta, satyra prima, in eos exclamat, qui ubi lucum scripturi forent, cum appingere nesciant, his verbis,

Nec ponere lucum;

Artifices.

In lucis verò deorum simulacra posita, quibus sacrificatum: ibi sonitus, & deorum voces exaudita veluti de lūco Sybeles, Claudianus attestatur. Lucos autem manes, qui vitales lares dicebantur, & heroum animæ, autore Seruio, incolebant. Hinc Vergilius:

Nulli certa domus, lucis habitamus opacis.

Lucos primum consecrassē Faunus fertur, & numinibus ædes, quæ ab eo sana dicta sunt (vt autor Probus.) Vnde apud Plautum, in tuo lūco, fanoq; esse. Quod Donatus in Adelphis adagionis loco, esse ait: hoc est, in tua potestate, arbitrioq; esse. Separati etenim, atque semoti erant, manuq; consiti, vt Cicero in suis Legibus scribit, in agris habendos lucos, propterq; ferere eos oportere. Nunquam cædui erant. Ideo arborum vetustate venerandi. Asyla autem dicta sunt. Sic enim Liuius libro trigesimoquinto: templum est Apollinis Delium, imminens mari, quinque millia passuum ab Tanagra abest, minus quatuor millium inde in proxima. Eubœæ est maris traiectus, ubi & in fano lūcoq; ea religione, & eo iure sancto, quo sunt templa, quæ asyla Græci appellant. Sic etiam Vergilius:

l Et

*Et Carmentalem Romano nomine portam,
 Quam memorant Nympha priscum Carmentis honorem,
 Vatis fatidica, cecinit quæ prima futuros
 Aeneadas magnos & nomine Pallantum.
 Hunc lucum ingentem quem Romulus acer asylum
 Rettulit. De quo etiam Ouidius in Fastis:
 Romulus ut saxo lucum circumdedit alto,
 Quilibet, huc, dixit, confuge: tutus eris.*

Græcè etiam autore Suida τέμενος dicitur. Ut plurimum enim rarò antiquis sine templo. lucus fuit (autore Strabone) ut etiam antiqui poëtæ nuda templa, lucos amœnos vocarint. Vbicunque enim lucum posuit Vergilius, secuta consecratio est, ut annotauit Seruius Maurus:

*Lucus in vrbe fuit media, latissimus umbra,
 Quo primum iactati vndis, & turbine Pæni
 Effodere loco signum, quod regia Iuno
 Monstrarat, caput acris equi: sic nam fore bello
 Egregiam, & facilem victu per secula gentem.
 Hic templum Iunoni ingens Sidonia Dido
 Condebat, donis opulentum, & numine diua, &c.*

Quòd autem in lucis sepulti sint homines, paucorum ero testimonio contentus. In Creta enim Amathusius lucus, in quo Ariadnæ Veneris sepulcrum ostēdebatur, inquit Plutarcho. Seruius autem in illo carmine,

Necnon & sacri monstrat nemus Argileti.

Hac autem Euander quondam Argum suscepit: qui cùm de eius cogitaret interitu, ut ipse regnaret, Euandro hæc non sentiente, socij intellexerunt, & Argum necarunt. Cui Euander & sepulcrum fecit, & lucum sacravit: nō quod ille merebatur, sed hospitalitatis causa. Vergilius etiam:

*Tunc vicina astris Erycino in vertice sedes
 Fundatur Veneri Idaliæ tumuloq; sacerdos,
 Et lucus late sacer additur Anchiseo. Alibi idem:
 - Ante urbem falsi Simoëntis ad vndam*

Libabant cineri Andromachæ, manesq; vocabant.

Scribit etiam Seruius, Æneam & socios lucum & cœnotaphium Paluro dedicasse non procul ab Hellia ciuitate Italiæ. In lucis etiam de rebus publicis consultum. Apud Cerauniam autem lucus Ioui sacer; quo loco Achæi de rebus publicis consulturi coibant. Hunc autem vel alterum eiusdem concilij Strabo apud Helicem urbem posuit, qui Ænarius vocatus sit. Archidamus enim cùm duo Luxidani de re aliqua disceptantes in eum conuenissent, illos in Chalcidicæ Mineræ lucum ducit, illosq; iurare coegit, ut quæ arbitratus fuisset rata, grataq; haberent. Quod cùm fecissent, statuit, ne prius illi de luco abirent, quàm de controuersijs inuicem constituissent. Lucus Petilius Romæ extra portam Frumentariam situs. M. Varro in septimo monte qui quinti ceplos erat, in regione quinta locauit. Vnde in Capitolium conspectus non esset in quo concilium populi Romani super crimine Manlij indictum,

indictum, vt Plutarchus in Camillo scribit. In quo etiam Dictator, auctoribus patribus, tulit ad populum, ne cui militum fraudi successio esset. Apud Ferentinæ lucū L. Tarquinius Latinis certā diem, vt conuenirent, indicit. Ad quem etiam post deuictos à M. Popilio Gallos concilia populorum Latinorum habita sunt. Quæ verò ibi decreta sunt, sanctiora magis semper, ob loci religionem habita, vt maius piaculum esset, si hæc rata, firmaq; non fuissent. In lucis etiam sacris diebus epulabatur in deorum honorem. Vergilius:

- Aut lucos vocat hostia pinguis in altos.

Lucanus autem, & Papinius inter Latinos poëtas ij inuenti, qui appositè magis lucum descripserint. Quorum verba, & si parum oblongiora sint, hîc tamen transferre in horum, quæ suprâ dicta sunt, testimonium decreui: quod sperem etiam lectione horum, lectorem minimè grauari. Hic breuius:

*Sylua capax æui, validaq; incurua senecta
Aeternum intonsæ frondis stat peruia nullis
Solibus: haud illam brumæ minuere, Notusve
Ius habet, aut Cratica Boreas impactus ab vrsa.
Subter opaca quies, vacuusq; silentia seruat
Horror, & exclusæ pallet mala lucis imago.
Nec caret vmbra deo, nemori Latonia cultrix
Additur: hanc picea, cedriq; & robore in omni
Effictam, sanctis occultat sylua tenebris.*

Ille enim verius, ideoq; longiori vsus sermone:

*Lucus erat longo nunquam violatus ab æuo,
Obscurum cingens connexis æra ramis,
Et gelidas altæ summotis solibus vmbas. Et post:
Illis & volucres metuunt insistere ramis,
Et lustris recubare feræ: nec ventus in illas
Incubuit syluas, excussaq; nubibus atris
Fulgura: non vllis frondem præbentibus auris,
Arboribus suis horror inest: cum plurima nigris
Fontibus vnda cadit, simulacraq; mæsta deorum
Arte carent, cæsisq; extant informia truncis.
Ipse situs, putriq; facit iam robore pallor
Attonitos. - Et post:*

- iam fama ferebat

*Sæpe cauas motus terræ mugire cauernas,
Et procumbentes iterum consurgere taxos,
Et non ardentis fulgere incendia sylvæ,
Roboraq; amplexos circumfulsisse dracones.
Non illum cultu populi propiore frequentant,
Sed cessere Deis medio cum Phœbus in axe est,
Aut cælum nox atra tenet, pauet ipse sacerdos
Accessus, dominumq; timet, deprandere luci.*

De luci veneratione.

C A P. II.



N religione enim venerationem semper inesse oportet. Suprà enim de lucorum religione, in qua describenda non potui, quin simul & venerationem immiscerem, sicut in hac illam simul commiscere, necesse fuit. Inuij enim luci fuerunt, per quos etiam, neque in necessitate ipsa meare fas fuit. Prope enim Minturnenses lucus fuit, quem ad ea, quæ ad mare ferenda essent, ingredi compendio indigenæ non auderent. Fuitq; Minturnensibus impedimento, vt scribit in Mario Plutarchus, quum ad mare, cum Mario contenderent. Itaque circuire lucum, & longiorem ire viam expediebat. Vt moris esset peregrinantibus, cum inuia opponeretur, illic paulisper assidere, votumq; postulare, & portum apponere, autore Madurenfi Apuleio. Xerxes per Achaiam transiens luco Iouis Aphlystij, vbi adfuiisset, abstinuit & hoc idem suis copijs imperauit. In Plataensi agro apud Meloëtem amnem, atque in loco, qui Argiopius dictus est, Cereris Eleusinae templum & lucus insignis admodum Græcorum equidem, duce Pausania, de Persis victoria, & nece Mardonij Persarum etiam duce. In tanto enim excidio, nullus Persarum ad vitam tuendam, neque templum intrauit, neque in luco occuluit. Quod diuina vi Deæ factum existimatum est, in sui templi vindictam, quod illi antea concremauerant. Herculi autem heroi, post Caci necem, & egregium illud facinus, in totius regionis grande bonum atque libertatem, propter ingentes labores anhelanti, ac sitiienti, aquas fontis luci Ægeriæ degustare non licuit. Sic enim apud Propertium deprecatur:

Propert. lib. 4.

- Vos precor, ò luci sacro quæ luditis antro,

Pandite decessis hospita vestra viris:

Fontis egens erro, circaq; sonantia lymphis,

Et caua suscepto flumine palma sat est.

Et paulò post:

- At talibus alma sacerdos,

Puniceo canas flamine vineta comas,

Parce oculis hospes, lucoq; abscede verendo:

Cede agedum, & tuta limina linque fuga,

Interdicta viris metuenda lege piatur.

Et post:

Di tibi dent alios fontes.-

Fuerunt etiam quidam altero sexui prohibiti, vt ex infrà sequentibus apparebit. His itaque nisi ad publicos & sacros vsus frui licebat, vt suprà demonstratum: nec illis ad venationem vti, & illorum animalia occidere, nisi sacrificij causa atque numinum eorundem. Arrianus autor Græcus, insulam Arabici maris contra Euphratis ostium positam esse memoriæ mandauit, quam Alexander Magnus Icarum, ab alia maris Ægæi, similis nominis vocauit. In ea verò Lucus & templum Dianæ, in quo passim cerui & capreæ errarent: quas non nisi ad sacrificium interficere licuit. Strabo etiam Græcus autor in Venetis duos lucos monstrari scribit. Quorum alter Iunoni Argiæ, alter Dianæ Ætolie: in quibus feræ

feræ ita mansuescunt, vt cerui lupis aggregentur, vt etiam aduentantium hominum manus demulceant: quas si canes insectentur, & illæ aufugerint, ab insectatione tamen canes desistant. Liuius Latinus autor: nobile templum, ipsa vrbe nobilius (de Crotone loquitur) Liciniæ Iunonis sanctum omnibus circa populis. Lucus ibi frequenti sylua, è proceris abietis arboribus septus. Læta in medio pascua habuit, vbi omnis generis animalia sine pastore pascebantur. Cuiusque verò generis separatim egressi nocte ad stabula remeabat, non ferarum insidijs, non hominum fraude vnquam violati. Vnde ex pecore magni fructus essent. Quidam verò in Lacinio promontorio sex millia à Crotone distante posuerunt. Verum non ab his solum homines, sed animalia quoque, certi etiam generis abstinerunt. Rarò enim cornices, inquit Plinius, in lucis Minervæ visæ sunt. In luco autem Aricino, nullus additur equus, qua de re infra dicitur.

Lucus vnde, & de vocabulis ab eo deductis.

C A P. III.



E luci autem etymo nunc dicendum, quòd illius religionem etiam explicat. Dicitur autem lucus, & Quintiliano, ac Chirio Fortunatiano rhetoribus, & Diomede, ac Donato, atque Prisciano & Flauio Sospatro grammaticis: quòd umbra opacus, parum luceat: voce à contrario tracta. Vnde Apuleius lucum sublucidum, id est, parum lucentem, vocat: & Vergilio, ac Horatio, sublustris umbra, quæ parum luminis habeat. Sunt tamen è recentioribus quidam, qui lucum non per ἀντίφρασην hoc est, verbi ironiam, minimè dictum putent. Quod qui volent pertinacius asserere, illorum opinionem adstruent, quòd lucus, masculino genere, antiquitus, pro luce vsurparetur. Terentius in Adelphis: cùm primo luco ibo hinc. Ibi enim ignes sacrificij & religionis causa sæpe apparebant: & Lucani Italiæ populi Pompeio dicti, quod loca herbosa, & multæ lucis apud eos sint, aut quòd in luco primitus confederint. Festus autem, sicut & lugere à Græco λύνει τὸν βίον, vel ἀπὸ τοῦ λύπην deducit. Gellius verò ex eo quod Græcè ἀλύνει dicitur, id est, languere &, litera in c, conuersa, & etiam hallucinari, propter tarditatem quandam & animi stuporem, qui hallucinantibus plerunque euenit. Oblucinasse etiam Pompeio, præsci mente errasse dicebant, quasi in luco quidam deus eis occurrisset. Postremum, alij à luco Aramorum, apud quos senem significat, ab arborum senio appellatum volunt. Lucullus & lucellus, luci diminutiua sunt. A luco autem deducta sunt lucar, vt Festo placuit. Id autem omne erat, quod ex lucis captabatur alij erogationem, quæ in lucis fiebat. Hoc autem diffusius Plutarchus in Problematis interpretatur, vt id omne esset, quod in spectaculis impenderetur, ac si ex lucorū prouentu omne illud esset. Quod autem ex locis sacris proueniret, antiqui profanum in priuatos vsus expendi putabant. Lucaris etiam pecunia (autore illo) quod in luco data erat. Quid sit collucare & compescere

lucum, infra libro duodecimo, vbi de remouendis stolonibus agetur, dicitur.

Lupercal quid, & quare Iuno, Lucina dicta, & nonnullis alijs, à luco tractis vocabulis.

CAP. IIII.



Luco etiam Iuno Lucina dicta: qui, Romæ sub monte Exquilino, teste Plinio fuit. Cuius etiam sententiæ subscribit Ouidius, his verbis:

*Monte sub Exquilio multis incadunt annis
Iunonis Magnæ nomine lucus erat.*

& infra:

Gratæ Lucinæ: dedit hæc tibi nomina lucus.

Propterea M. Varro Exquilinam regionem, à lucis vocatam arbitratus, vbi lucus, Lupercal dictus, sylua densa constans, Pani Deo Arcadiæ facer: vbi eiusdem ara. Ibi item petra caua, fontes emittens. In hunc igitur locum, lupa, postquam Remum & Romulum pueros allactasset, sese recipere consueuerat. Deuotus quidem ab Euandro, admonente matre Carmenta. Huius meminit Vergilius:

- Et gelida monstrat sub rupe Lupercal,

Parrhasio dictum Panos de more Lycæi.

Pan enim Lycæus dictus, à Lycæo Arcadiæ monte, cui sacrat: vel quòd ipse pastorum deus λύκος, id est, lupos non finat in oues sæuire. Huius etiam meminit Propertius:

Tarpeium nemus, & Tarpeie turpe sepulcrum

Fabor, & antiqui limina capta Iouis.

Lucus erat felix bederoso conditus antro,

Multaq; natiuis obstrepit arbor aquis:

Syluani ramosa domus, quò dulcis ab æstu

Fistula poturas ire iubebat oues.

Hunc Tatiis fontem vallo præcingit acerno,

Fidaq; suggesta castra coronat humo.

Nam Sylvanus idem & Pan erant. Lucus ille fuit, qui & asylum, de quo supra dictum habuit, autore Varrone, & Luceres tertiæ tribus homines, ab asyli luco dicti, sicuti in Romulo Plutarchus scribit. A luco etiamnum aliquot vrbes nomina ceperunt: vt Lucus Augusti, vrbs in Hispania, Oceano propinquior, nunc Lucensis vrbs. Otræ, siue Orta, oppidum Hetruriæ ad Tyberis fluentia (vt autor est Cato) Hetruscorum lucus. Tamen sæpenumero lucum pro sylua non sacra vsurpant plures receptæ autoritatis. Inter quos Ouidius,

Nille feræ Phæbe syluis venata redibat,

Aut plus, aut medium sole tenente diem.

Ut tetigit lucum, densa niger ilice lucus,

In medio gelida fons erat altus aquæ.

Et Lucretius:

Qua formosa sua Clitumnus flumina luco

Integit, & niueos abluit vnda boues.

Horum verò duorum testimonio contentus sit lector. Festa Lucaria, Festo

Festo dicebantur quæ in luco magno, qui intra mare, inter viam Salariam & Tyberim situs erat, à Romanis, Calendis Februarij celebrabantur, quod in eo victi à Gallis Romani, à bello fugientes sese occultarunt.

Heroibus, & præclaris viris, veteres dicasse lucos.

CAP. V.

HEROS, virosq; claros, in lucorum dedicatione, atque deos ipsos, venerata est prisca illa ætas, vti illos simul ac deos suos hacce religione participes voluerit, vtpotè qui deis ipsis propinquiores ipsos existimauerint. Quod præcipuè à Græcis factitatum. Tanti enim suos magnates, siue virtutis amore, aut suarum rerum gloriæ cupiditate fecerunt, vt illos non solum monumentis, atque scriptis, verum religione quoque posteris incognitos minimè relinquere, summoperè laborarint. Quos certè si in deos referre non potuerunt, saltem lucis, vt hos, honorarunt. Alyzia vrbs Acarnaniæ, quindecim à mari longè stadijs. Portus eius Herculi dicatus: & ibi lucus cum fano, quod Herculis certamina continet. Ad Cynosarges propè Athenas Herculis templum, & lucus circumtectus, à Philippo incensus, vt Liuius scribit. In Germania vltra Visurgim flumen sylua Herculi sacra (scribente in annalibus Tacitò.) Træzenij Peloponnesi populi, lucum Hippolyto dicarunt. In quo templum filio Thefei sacrum, à Diomedea erectum, qui primus dedicauit. Lucus palmarum, iuxta Chemmim Thebaicæ regionis oppidum, Perseo Danaë filio sacer. In medio autem templum (Herodoto autore.) Refert in heroicis Philostratus, in Pontico mari esse insulam, quam Ponti ostium intrantes sinistram habent, & ad partem magis hospitalem, vergentem. Hæc autem albarum populorum, vlmorumq; & aliarum quoque arborum apprimè ferax, vt serie quadam, iuxta fanum, sua sponte proueniant. Lucus Achilli sacer, quem ardeolæ (aues sunt aquatiles) alarum strepitu & aspergine exornant. Humi enim paululum supra terram suspensæ volant. Hoc autem fecisse memorantur à tempore, quo illic Achilles cum Helena habitauit. Alter Achilleum dictus, ante Tanagram Bæotiæ urbem, à Pæmandro illi sacratus (autore in Problematis Plutarcho.) Ante Corinthum urbem cupressorum nemus viret, quod Cranion vocant. Ibi enim Bellephontis lucus, & Veneris Melanidis templum, & Laidis monumentum, in quo sculpta leæna, quæ prioribus pedibus arietem complecteretur. Athenis verò supra Castoris & Pollucis ædem, Aglauræ lucus (inquiente Pausania) & alter, qui Olympiæ dicitur. In via autem, qua ab Athenis Eleusinem proficiscitur, quæ ab Atheniensibus sacra vocitatur, iuxta campum Scyrum vocatum. Laciæ herois lucus, à quo Lacidas populos dixerunt. Non procul à Dardano, Ophrunium, in quo loco conspicuo Hectoris lucus, vt Strabo attestatur. In Chalcide Cherronesi isthmo, Lucus Alexandro Philippi filio dicatus, in quo Iones ludos Andria vocatos, quotannis celebrabant. Apud Lacedæmonem iuxta Bacchi templum Herois Lucus. Is enim dux Baccho Spartam eunti fuit, in-

quiente

quiente in Laonicis Pausania. Eumenis lucus prope Saben ciuitatem fuit. Apud Tanagran Eunosto templum & lucus sacer. Et, vt paulò altius de eo, fuit is Cephisa & Sciadis filius, cui nomen ab Eunoste nymphea, quæ eum educauerat, inditum fuit. Ab Ochna Coloni filia, & propinqua dilectus, verùm ille libidinem eius conuicijs retudit: quod agere illa ferens, vim sibi ab eo illatam, fratribus detulit. Qui quum sorori fidem adhiberent, Eunostum per insidias sustulerunt. Quamobrem à patre incarcerati. Quorum miseratione illa commota, ductaq; pœnitentia, utq; etiam dolore, quem ex amore conceperat, liberaretur, historiam omnem, veluti gesta fuit, patri indicauit: quam omnem è vestigio ad Colonom renuntiavit: cuius iudicio fratres liberati, Ochna autem seipsam precipitem dedit. Mulieribus autem is lucus inaccessus fuit, propter Ochnam ipsam, quæ suæ necis causam præbuerat. Quod si quandoque contigisset, Tanagraei terræmotum, siccitates, imbresq; aut alias tempestates postea oriri putabant. Quod ubi euenisset, diligenter perquirebant, num mulier clanculum, aut per imprudentiam, templo appropinquasset. Idq; primùm à Tanagræensibus decretum est, posteaquam. Cledamus vir insignis sibi Eunostum cum lauandi causa mulierem templum ingressam narrasset. Lucus Despœnæ supra Megaram, in Arcadia consecratus, ambitu lapideo compescitus: intra quem ilex, olea, pluresq; alie arbores, vna tantùm radice simul connatæ. Non tamen absque diuini religionis, cum id opus sine initoris artificio sit. Supra verò lucum, plurimorum deorum aræ: vnde per scalas ad Panos sacellum, ascensus patebat. In itinere quod è Sparta in Arcadiam est, Craniij cognomento Stehmatij lucus. Pausanias in Laonicis.

Luci aliquot, absque numinum appellatione. CAP. VI.



L E G V N T V R & luci aliquot, sine aliquorum deorum nomine, siue id generalius ad deorum omnium cultum & religionem fuerit, siue etiam, vt nomen scriptorum negligentia numen proprium prætermisum sit: aut quòd adeò omnibus notum ac celebre fuerit, vt nomen addi minimè deberi existimauerint: vt etiam ignorare possimus vtrum hæc appellatio potius ad syluas & nemora referri debeat, quæ tantum essent incolarum oblectationi, nulli vsui publico seruata. Quæ citra deorum religionem, omni reuerentiâ habita, ac luci ipsi vnde nomen desumpserunt, suprâ iam dictum. Sed de nonnullis dicendum. In Lebadia Bœotie oppido Lucus fuit: & in eo Agamedis fossa: & ad eam columna, per quam ad Trophonium antrum descensus foret. Iuxta Caphym Arcadiæ urbem, lucus, vt scribit Plinius. In Paro alius, ascensus autem, cum Miltiades urbem obsideret, vt Probus in eius vita scriptis mandauit. Ælianus luci, qui fuit Alexandria, meminit. Perpulehra & antena ymbra, ubi perfixæ arbores consistæ visuntur. Apud Chrysam, Lucus cum templo. Iuxta Arsinoen lucus etiam cum templo. Iuxta Paphum (autore Strabone) lucus, qui, vt ait Martianus Capella, à Læto trecentis sexaginta quinque

quinque millibus abest. Posidio, in Arabia continuum palmetum, aquis abundans, qui & in magno honore habetur, propterea quod tota circum regio, æstuosa & arida sit: umbrarum quippe omnino expertis. Eò autem loci palmarum maxima copia est. Luco enim vir & vxor, per genus constituti, præfunt, pelliti ambo, è palmulis victitantes. Apud Senorias, inquit Ammiano Marcellino, lucus sacer, quem nemo, nisi victus ingredi poterat. Quod si fortè prolapsus corruisset, extolli minime ei licebat, verum per humum raptare conueniebat. A Phigalea ad stadia ferme triginta, aut non multo plura, lucus sine nomine. Pausanias in Arcadicis. A poetis tam Græcis quàm Latinis memoratur plures, plurimorum etiam deorum: qui si fuerint, aut ab ipsis effecti, non est nostrum perquirere, minus scire, tanquam res vana, maxime verò cum & lucorum religio, cum dijs suis iam dudum euauerit.

De pœna & vindicta horum, qui lucos violarunt.

C A P. VII.



X religione enim deorum, vindicta circa eos, qui lucos violarunt, secuta. Ex veneratione autem, hominum pœna. Lucos enim violare probrum erat. Vt propterea homines, deorum vindicta, quam tamen semper non futuram sperabant, minime contenti sint, quin etiam circa lucorum violatores pœnas constituerint. Ne si talia facinora, remissiore deorum ira, impunita forent, saltem mortalium legibus vindicarentur. Hæc autem capitalis fuit, autore Pompeio. Nam violatoris caput expiandum erat: idè grauissima. Communem verò causam fuisse (vt in Pericle scribit Plutarchus) quare Athenienses, Megareses criminarentur quod sacrum lucum subsecuissent. Cicero verò in oratione, quam habuit de prouincijs consularibus, C. Gabinium obiurgat, quod nullus in Græcia, tam sanctus fuerit lucus, in quo vllum simulacrum, vllumve ornamentum, ab illo relictum sit. Omni autem diligentia, postposita totius etiam rei domesticæ ac priuatæ, vt in rebus sacris, tum etiam publicis esse solet, cura, studebant gentiles, vt hos ab iniuria defenderent. Quod quum id nimis religiosius quidam obseruarent, sæpe sui excidij causam præbuerunt. Etenim in Caria Dianæ templum & lucus prope quoddam oppidum positum fuit, quod cum Cimon Atheniensium copiarum ductor capere optaret, strategemate vsus, noctu lucum incendit. Quo viso oppidani opem aduersus ignes laturos, confusè exierunt. Quare ille facta irruptione, vacuam defensoribus urbem facilè cepit. Nunc ad vindictas deorum, vt primum de Græcis referamus: in Aulide lucus fuit quem Græcanici exercitus dux Agamemnon violauit, caprea in eo pascente interfecta. Quam ob rem indignata Diana, aërem infecit. Quæ lue homines, & penè cætera animalia cuiusque generis non paruo numero periere: nec antea sedata fuit, quam huic Iphigenia Agamemnōnis filia immolanda offerretur. Huius verò rei, præcipui Græcorum auctores poetæ etiam, testimonium suis monumentis nobis reliquerunt.

m Græco

Græcorum quidam Cleomenem in furorem actum scribunt, ut inde seipsum laniauere, demum interfecerit propterea quod lucum apud Argos incendisset, & Argiuos quoque, qui in eum aufugerant. De Achillis luco supra ex Philostrato scripsimus, eodem etiam autore ad hunc nonnunquam appulerunt Amazones imperarunt utique ut arbores, quibus templum in orbem exornabatur, exciderentur. Verum id non impunè quidem. Nempe secures inuiolatores partim in caput, partim verò in ceruices percussu rediere: omnesq; iuxta arbores ceciderunt. Amazones autem ipsæ omnes, terra mariq; afflictæ, varijs cruciatibus dehinc periere. In Apollinis autem luco, quod in Ida Troadis erat, cornus nata: hanc Græci ad equum ligneum fabricandum exciderunt: qua re iratum Apollinem sentientes, eum, quàm citius potuerunt, sacrificijs placarunt, indito à nomine honore. Nam ab illa arbore craneum appellarunt, R. litera transposita. Hæc enim Græcè *κρῆνα* dicitur. Turullius autem M. Antonij præfectus (Valerio Maximo & Lactantio autoribus) classem in Cho insula, Apollinis euerso luco, præparauit. In eodem verò, postea à Cæsaris militibus Augusti iussu interfectus. Eadem autem vindicta non caruerunt, qui lucos heroum prophanarunt. Quod vno Strabonis dicto scilicet comprobabitur. Temessa Brutiorum vrbs fuit, iuxta quam etiam sacellum, luco ex oleastris circumseptum, Polytæ vni ex Vlyssis comitibus sacrum. Violata verò à Barbaris omnia, sed grauis postea pœna subsecuta quæ in adagium cederet: Temessæus genius aderit. Quod in eos dicitur, qui pœnam grauem formidarent. Nunc ad poetarum iudicium, qui idem sicuti ex re ipsa gesta cognouerant, id impunè posse fieri existimabant. Quod Lucanus clarum ostendit. De Cæsare enim loquitur, lucum prope Massiliam proscindere iubente. De quo etiam ipse Cæsar in suis commentarijs:

Lucan. lib. 3.

*Hanc iubet immisso syluam procumbere ferro:
Nam vicina operi, belloq; intacta priore
Inter nudatos stabat densissima montes.
Sed fortes tremuere manus, motiq; verenda
Maiestate loci: si robora sacra ferirent,
In sua credebant redituras membra secures.
Implicitas magno Cæsar torpore cohortes
Ut vidit, primus raptam vibrare bipennem
Ausus, & æriam ferro proscindere quercum,
Effatur merso violata in robora ferro:
Iam ne quis vestrum dubitet subuertere syluam,
(Credite me fecisse nefas. Tunc paruit omnis
Imperijs, non sublato securæ pauore
Turba, sed expensa superiorum, & Cæsaris ira.
- Gemuere videntes,
Gallorum populi: muris sed clausa inuentus
Exultat. quis enim laesos impune putaret,
Esse Deos? -*

Et post,

Hippom

Hippomanes deuicta Atalanta, amoris impatiens, cum ea in matris deum luco concubuit: vnde irata dea, eos in leones conuertit, atque in suo curru subiugauit: præcepitq; , ne vnquam leones secum coirent. Erisichthon autem Thessalus de quo suprà, libro tertio, capite primo, quòd Cereris lucum in Thessalia succidisset, & quercum ibi prægrandem excidisset,

*Quam vitæ mediam (vt verbis Ouidijs vtar) memoresq; tabella,
Sertaq; cingebant, voti argumenta potentis.
Sæpe sub hac Dryades festas duxere choreas:
Sæpe etiam manibus nexis ex ordine trunci,
Circuere modum: mensuraq; roboris vltus
Quinq; ter implebat: necnon & cætera tantum
Sylua sub hac omnis, quantum fuit herba sub illa.* Et cætera:

Lib. Metam. 8.

Hanc autem meruit pœnam, videlicet vt semper fameret: tandem vt comestis omnibus suis facultatibus filiam etiam ad esum venundarit: cuius item consumpto pretio, semetipsum, ob famem dilacerauerit. Verùm quidam deorum beneficio, ne violatorum pœnas luerent, vt à lucis abstinerent, moniti, inter quos verò Mithridates. Iuxta enim Pataram Lyciæ oppidum, lucus Latonæ sacer fuit, quem ille conficiendis machinis bellicis aggressus, sed somno perterritus, luco pepercit, hæc Appianus.

*Quòd summus deus IESVS CHRISTVS religionem
lucorum deorum gentilium execratus sit, ac de
pœna illorum, qui eos coluerint, & venerati sint.*

C A P. VIII.



LUCORVM autem, gentilium deorum, religionem, quantum summus ille deus noster IESVS CHRISTVS arborum omnium, & cæterarum rerum, quæ à terra ministrantur, seminator, sator, parens, ac educator, & altor, exosus, atque detestatus sit, tanquam vanam, & à lege sua, præceptisq; suis prorsus alienam, tum illius iussis, tum eorum vindicta, qui contrà ierint, è sacris Bibliorum libris patet. Primùm enim lucum iuxta altare suum seri prohibuit. Ait enim in Deuteronomio: non plantabis tibi lucum ex vllis arboribus iuxta altare Domini. Suprà autem demonstratum, & inferius latius, lucos vt plurimum iuxta templa positos fuisse. Sic etiam per Isaiam Prophetam prælocutus ait: Dissipabo, & absorbebo simul. Desertos faciam montes, & colles & omne gramen eorum exiccabo: & ponam flumina in insulas, & stagna arefaciam. Quibus verbis (vt voluit Theodorus) idolorum lucos & templa significauit, quæ in eiusmodi locis erant. Iratus enim Dominus Hieroboamo & Iudæ Hierosolymitanis regibus, quòd sibi lucos fecerint. Manasses autem & Achabus, Baali lucum fecerunt, & huic simulacrum dedicarunt, quod in æde Domini ille reposuit: sed non inultus. Nam ab Assyrijs captus & Babylonem victus perductus. Oseas autem similem pœnam, ob

m 2 tale,

tale facinus, apud eiusdem prouinciæ regem Salmanasarem luit: Ioa verò interfecto, populus eius in manus Syrorum deuenit, quòd lucorum religionem amplexati fuerint, Ioachaz autem & Israëlita in Azaelis Syriæ regis potestatem venerunt, quod in Samaria lucum non extirpassent. Verùm, non solum populo suo Dominus præcepit, vt lucos plantarent minimè, sed etiam vt alienis dijs iam confitos euerterent. Quod primum Gedeoni iussu est, videlicet vt lucum iuxta Baalis altare excideret. Quem secutus Iosias præclaram rem, atque Deo suo gratissimam nauauit, prædictum lucum subuertens, & idolum de templo Domini eliminans, quod iuxta torrentem Cedron exussit: sed & cæteros lucos succidit, atque ossibus humanis in ingentem ignominiam impleuit. Hoc & Ezechias peregit, & Asa. Iosaphatus proinde Hierusalem reuersus, quòd Iudææ lucos omnes excidisset, tamen viro impio & Deum odio habenti auxilium tulisset. Tanti enim fecit Deus lucorum excisionem, vt suæ veniæ locus apud eum esset. Tantum etiam lucorum religio à Summi Dei veneratione aliena fuit, vt etiam Hecataei Abderitæ tempestate, qui Iudæorum historiam conscripsit (autore de præparatione euangelica Eusebio) apud Iudæos nullus fuit lucus. Nabuchodonosor insuper Holofernæ præcipit, vt & lucos omnes præcideret, atq; deos omnes deturbaret: non Dei summi religione, neq; in eum pietate, sed vt ipse solus in Deum coleretur.

De lucis Ioui sacris.

C A P. IX.



DO S T descriptam lucorum in vniuersum religionem, reliquum est, vt specialius nunc de his, qui certo nùmini sacri, apud autores reperiuntur, dicamus: atque primum de his, qui Ioui dicati sunt, vt tanquam à summo Gentilium deo exordiamur. Is enim primas in Gentilium religione semper obtinuit. In Lycæo Arcadiæ monte, lucus Ioui sacer, vnde Lycæus dictus, cuius templum si quis ingressus fuisset, annum superuiuere non credebatur. Plinius autor. Aiunt autem quendam Deuichium nomine, quòd carnes pueri Ioui Lycæo immolati degustasset, in lupum repente transformatum. Pausanias autem hoc Lycaoni contigisse scribit, quòd puerum sacrificasset. De hoc etiam memoriæ mandarunt Græci autores, vt qui hunc aliquando siue homines, siue feræ etiam, ingressi fuissent, nullam postea fecisse vmbra: vt feræ etiam intra eum foris visæ, semper sine vmbra conspectæ sint. Omni enim tempore umbrosus est. Alterius Pausanias in Arcadicis meminit. Iouis etiam Lycei cognomento Parrhasij, apud Creteam ad sinistram. Laphystius collis à Coronea Bœotiæ ciuitate viginti stadijs distat: in eo Lucus Iouis eius cognominis Laphystij fuit: in quo cum Athamas Thebarum Rex, Phryxum & Hellen immolaturus esset, aurei velleris aries à Ioue missus, in quem postea incidentes fugisse scribunt. Inter Argon & Cleonen vna via in montibus Nemæum oppidum, ibi lucus cupressorum Ioui sacer, à quo Nemeus. In quo templum Iouis Nemæi, siue Nemætæ. In cuius herba Opheltem

Opheltem à nutrice locatum draco interemit. Hunc autem Hesiodus, ex oraculo apud Delphos accepto euitare cupiens, quod vitæ finem ex illo intellexerat. Locris in Oene, ab Amphiphane, & Ganetore, Phygisei liberis interficitur: secutaq; est oraculi fides. Nam Oene Iouis Nemæi templum appellatur. Apud Olympiam Lucus, Altin mutato nomine vocarunt, vnde Altius Iupiter, vt Pyndari interpres scribit, Templum ex Pisæorum manubijs votum, ac erectum, à Libone ædificatum. Simulacrum verò, Phidiæ opus, Pausanias in Eliacis. Apud Labrandem (vt Herodotus memoriæ mandauit) lucus è platanis constans, in quo Iouis militaris templum. Ad illum autem Cares populi post acceptam à Persis stragem aufugerunt. Megaris lucus Iouis cognomento Olymptici, Vbi templum insigne & simulacrum: cuius vultus ex ebore & auro, reliqua fictilia sunt, ex gypso composita. Theocosmus ex ea regione oriundus, adiuuante Phidia, elaborauit. Absolutum quidem, interueniente Peloponnesiorum contra Athenienses bello. Dicton Cretæ promontorium, Idæ monti proximum, vbi lucus Iouis Alysi. Nonnulli autem dictum à δία, καὶ τίτω, quod ibi natus sit Iupiter. Seruio autem Cretæ mons sic dictus à nympha, quæ ibi colebatur, in quo monte dicitur alius Iupiter, vnde Dictæus vocitatus. Apud Ægienes lucus Iouis cognomento feruatoris, vbi eius ænea duo signa, quorum alter barba caret. Pausanias in Achaicis. In terra Laconica inter Phelliam fluuium, & Taygetum montem, Lucus Iouis Messapei, sic vocatus à regiuncula Laconicè sic appellata. Iouis nemus, in cacumine montis Ithomæ, terræ Messanicæ. Cum autem à Dorienfibus non coleretur, Glaucus perfecit vt honores ei haberentur. Pausanias in Messanicis.

De lucis Iunoni sacris.

C A P. X.



VNONI pauci luci dicati reperiuntur. Sub Exquilio monte Iunoni cognomento Magnæ dicatus fuit: inquit in Fastis Ouidio,

*Monte sub Exquilio multis incædus annis,
Iunoni Magnæ nomine lucus erat.*

De Iunone autem Magna sic Vergilius:

Iunoni Magnæ primum prece adora.

Sospita autē Iuno Lauinij colebatur, vbi illi & lucus & ædes sacra erant. Quod testatur Titus Liuius libro octauo ab vrbe condita, Lauinijs ciuitas data, sacraq; sua reddita, cum eo, vt ædes lucusq; Sospitæ Iunoni communis Lauinijs municipibus cum populo Romano esset. Iunoni Feroniæ lucus apud Tarracinam tertio milliario, Vergilius,

- Et viridi gaudens Feronia luco.

Vbi Seruius ait, Iunonem virginem Feroniam vocitatam. Alij autem Anxuris vxorem fuisse. De qua Horatius satyr. quinta: Ora manusq; tua lauimus Feronia lymphæ. Silius libro tredecimo:

*Dives vbi ante omnes colitur Feronia luco,
Et sacer humectat fluminalia rura Capenas.*

*Fama est, intactas longæni ab origine Fauni
(reuisse in medium, congestis undiq; donis
Immensum per tempus opes.-*

Iunonis Profymæ luci meminit Plutarchus de fluminibus, in quo lapides reperiuntur, beryllo per similes. Quorum si vnum aliquis secum deferat, & peierauerit, ilico niger fiet. Alius fuit Nuceriæ, vt attestatur Plinius. Apud Ægienses alius, & simulacrum eius: hunc autem solis mulieribus licet ingredi. Ferunt tamen in eius templo Achillem à Paride interfectum.

De lucis Apollini dicatis.

CAP. XI.



POLLINI autem longè plures dicati leguntur. Athenis in Grynico, Apollinis lucus, qui, vt scribit in Atticis Pausanias, partim satiuis, partim syluestribus fuit: quæ etsi in fructiferæ aut natura, aut numinis nixu essent, aspectu tamen & odoris fragrantia mirum in modum delectabant. Grynium oppidum Myrineorum fuit (autoribus & Stephano & Strabone) vbi templum candido lapide sumptuosum, & artificio spectabile, in quo Apollo veneraretur. Ibi etiam locus vaticinandi peruetustus fuit: & ibi Mopsus Apollinis filium diuinandi peritissimum præfuisse dicunt. Alij in Ionia fuisse scribunt. Seruius autem in quarto Æneidos Clazomenæ ciuitatis meminit, iuxta quam nemus Grynæum fuisse, in quo Apollo coleretur, à quo Grynæi cognomen accepit. Sæpe à Poëtis sic vocitatur. Alij in Ionia fuisse commemorant: vt plures Apollines Grynæos fuisse oportuerit, aut vt autorum historia incerta circa rem vanam fuerit. De illo autem eiusq; deo, atque in eo gestis, necnon de Mopsi ac Calchantis diuinationibus, Euphorion Chalcidensis, poëma egregium conscripsit, quod Gallus Latinum fecit: non vt verbum verbo, aut sensa sensis redderet: sed argutum magis, vt tam suum fecerit, quàm Vergilius Maro, Æneida, Georgica, & Bucolica, in quibus tamen Homerum, Hesiodum, Theocritum æmulatus sit. De quo ille in Æglogis:

Hic tibi Grynæi nemoris dicatur origo:

Ne quis sit lucus, quo plus se iactet Apollo.

Apud Colophoniam Ioniæ vrbs agrum, lucus Apollinis Clarij, iuxta Hælesum flumen omnium quotquot sunt in illa regione frigidissimum. Apud Miletum eidem alius, in medio cuius templum, quod Xerxes incendit. Sed post Milesij extruxerunt, omnium verò maximum, vt propter eius amplitudinem sine tecto remanserit. Apud Lycios, iuxta mare alius: ex cuius certo loco, qui Dina appellaretur, vaticinia petebantur. De quibus apud Atheneum videre est. In Ælmaro vnus, quem incoluisse Maronem Euanthus filium, Homerus scribit. Chemnis, aut, vt Herodotus vocat, Echemnis, Insula laci Ægyrti continuò supernatans. In ea lucus cum templo sacer. Apud Delphos lucus Apollinis (Pausanias in Phocensibus.) Tithronium vrbs Phocidis, ibi & templum sine simulacro & lucus Apollini sacer idem autor. Cirrha vrbs, apud eam alius. Prope Action

pe Aëtion (inquit Strabo) & vt alij volunt, in suburbij Nicopolis Epei-
ri ciuitatis, alius. Luco autem supernè imminet tumulus, Apollini etiam
sacer cum gymnasio. Ibi aguntur ludi quinquennales, ad instar Olym-
piorum: vnde Aëtius Apollo dictus. Apud Ladonem fluuium, lucus, &
templum Apollinis Onæatæ. In Co insula eiusdem numinis lucus, vnde
Apollo Cous. Prope Troiam ager, thymbra herba fertilis, lucus, & tem-
plum Apollini consecrata, vnde Apollo Thymbraeus dicitur. In templo
autem Achilles à Paride occisus. Phare Messeniorum oppidum, ab eo
non longè Apollinis Carnij nemus. Pausanias in Messenij. Achantus,
vrbs in Libya lucus eidem. Apud Alexandriam Troadis percelebre op-
pidum, lucus ibi Smintæo Apollini dicatus. In quo Herophile Sibylla,
quam alij Erythream vocant, antistes fuit: in quo tandem sepulta. In
insula iuxta Oceanum, quæ Celtis opposita, lucus, cum templo pulcher-
rimo, structione rotunda, Apollini dicatum. Diódorus ex Hecateo af-
firmavit, Lucum Solis indigetis in Latio, prope Laurentum Plinius
posuit.

De luco Daphnes.

CAP. XII.



SUPEREST, vt de luco Daphnes dicamus, qui omnium
quotquot Apollini dicati, longè pulcherrimus atque me-
morabilis fuit. Quamobrem de eo seorsum & paulò altius
enarrandum: vt ostendamus etiam antiquorum tam ce-
lebrem erga suos deos religionem, & cultum, à CHRIS-
TIANIS vt potè deorum gentilium vindice, fulmine delusam. Est
autem Antiochia Syriæ vrbs, ad differentiam cæterarum, huius nominis
vrbum, Epidaphnè vocata: in sacris etiam literis, Reblata vocata (vt
inquit Ammianus) à Seleuco verò condita (autore Suida) & ab Antio-
cho eius filio post nominata, tandem à Iustiniano principe, post terræ
motum, Theopolis appellata, vt voluit Stephanus. Habuit portam, scri-
bente in vita Ignatii Hieronymo, Daphniticam dictam, forsitan quòd
per eam ad suburbanum iretur. Fuit autem Daphne prædictæ vrbs sub-
urbanum, stadij quadraginta ab ea distans. Locus autem hic simul &
terræ ingenio, & cœli atque aëris temperie peramœnus. Fontes istic
vberissimi, vt locum totum tacitè irrigent, & etiam fluuius Orontes.
Claudianus:

Lambit Apollinei nemoris nutritor Orontes.

Inde non minimum oblectamentum ac curarum & animi leuamentum
captare potuerint, vt in his rebus, vt pulchrè ait Chrysostomus, sum-
mum & optimum opificem, non Apollinem, laudare possimus. In his
igitur fontibus ac fluuiio lauari Apollinem fuetum superstitione credidit
antiquitas. Mediocris habitatio fuit, vt ait Strabo. Procopius verò miris
operibus conspicuum: quod credendum est ob loci amœnitatem.
Lucus ibi ingens, octuaginta stadiorum ambitu: Seleuciam vsque per-
ueniens. Hic è lauris, quæ ibi præstantissime (autore Aufonio) visaban-
tur, constabat, à quibus etiam dictus: & cupressis item immensæ pro-
ceritatis

ceritatis (autore Philostrato) confitus, in memoriam scilicet Cyparissi adolescentis Assyrij in eam arborem conuersi, & ab Apolline adamati. Quarum verò magnitudo ac pulchritudo, transmutationis fidem indigenis facere videbatur: Apollini autem propterea sacrum Chrysostomus diuus scribit, quòd ibi Daphne ab Apolline adamata, & in sui nominis arborem commutata sit, vt hic postea locum istum frequentaret, & præ cæteris omnibus diligeret, & amaret: vt postmodum qui tunc rex erat, Apollini & templum & aram erexerit, suadente dæmone, quò suam infaniam per eum locum consolari posset. At Eusebius Cn. Pompeium Apollini primùm consecrassè mandat, & Sex. Rufus, qui & illum hoc plurimum, propter amœnitatem delectatum dicit. Fuit autem Apollinis fanum in medio luci, & asylum, cui Antiochenes ac finitimi immolare consueuerant, & etiam in Dianæ delubro, quod ibi erat. Cosroem autem Persarū Regem Nymphis ibi sacrificassè Procopius. memoriæ mandauit. Iulianus princeps etiam illic (autore Eusebio) iuxta fontem Castalium, super victoria belli Parthici, Apollini Pythio litauit. Qui quum nullum responsum acciperet, percunctatus dæmon, respondit, id non pati vicini martyris numen, ab eo quicquam prædici. Sepultus enim ibi fuerat Babyla & episcopus Antiochenus & martyr, qui sub Gordiano episcopatum adeptus fuerat Zebeni successor. Fabiani sedem reliquit, inquit Nicephoro, sub Decio passus. Iussiq; sunt Christiani Babylæ cadauer hinc efferre. Quod magno gaudio atque exultatione fecerunt. Quum non secundum Christianæ religionis ritum ibi sepultus fuisset. Quod exaudiens princeps procul etiam sex millium passibus, iracundia atq; indignatione exæstuans, Christianos passim in carcerem trudi, atq; pœnis & varijs cruciatibus affligi in crastinum iussit. Verùm in ultionem simulacrum ligneum foris deauratum, fulmine ictum, deustumq; est, ac in cineres redactum. Quod Iulianus eius auunculus, Orientis præfectus noctu cognoscens, illuc festinanter venit, & deo suo opitulari volens, credensq; hoc etiam à Christianis, ædituorum negligentia perpetratum, hoc verberibus affecit. Qui tamen nullo modo adduci potuerunt, vt hoc facinus confiterentur, sed illud è superis euenisse: testatumq; est à vicinis rusticis, fulmen cælitus emissum fuisse. Scribit etiam diuus Chrysostomus, Maximinum Imperatorem oraculum Apollinis consuluisse. Quod ille minimè posse respondit, propter Babylam ibi sepultam. In eo enim Constantinus templum renouauit, autore Eusebio de ædificijs Iustiniani principis. In eo verò iuuenes comessationibus (autore diuo Chrysostomo) indulgebant: & ibi Antiochenum conuentus agitabantur, vt Strabo scribit. Illuc autem Hannibal ad Antiochum venit, cum eius filius ludos ingentes ibi celebraret, memorante Tito Liui, libro tertio quartæ decadis. Et, vt aliquid è nostris Iuriconsultis addam, Titulus est, libro decimo Iustinianæ Codicis, De cupressis ex luco Daphnes non excidendis, vel venundandis. Cuius decretis, princeps Arcadius, illius arbores vendi prohibuit, indicta etiam librarum quinque, tam aduersus emptores, quam venditores, multa. Quod omnibus etiam cuiusq; dignitatis

gnitatis ius dicentibus vetitum fuit, vt ne etiam prolapsam transferre, ne quidem Litucho liceret, tamen ibi multas inferuerit. Pro quibus tamen singulis, auri libram vnā ab Imperatore acciperet. Tantum enim curauerunt principes, ne lucus ille amœnissimus, arboribus vacuus esset, ne inde deformitas sequeretur. Eius autem meminerunt, præter hos, quos suprà memorauimus, Pausanias, Arrianus, Cæsar Iulianus, in oratione illa, quæ inscribitur, Misopogon, & Capitolinus.

De lucis Mineruæ, Isidi, Latonæ, Cybelæ, Osiridi, &

Æsculapio dicatis.

CAP. XIII.



INERUÆ luci dicati hi reperiuntur: Chalciocæ verò cognominatæ, lucus in Græcia prope Lacedæmonem, in cuius templo Lycurgus ædiculam erexit, quam Optilim nominauit: propter oculum sibi ab Alcandro exectum, quum illuc confugeret. Nempe quidem Dorienſes, qui in illa regione inhabitant, oculos optilos vocant. Huius verò meminit Statius in quinto Thebaidos:

Tunc viridis latè lucus iuga celsa Minervæ

Propter opacat humum niger ipse: sed insuper ingens

Æcons premit, & gemina pereunt caligine soles.

Alius eidem in Corcyra insula (attestante in Odyſſea Homero inter Coroneam & Alalcomenes, lucus & templum Mineruæ Ithoniæ, sic ab Ithono Amphictyonis filio nominatæ, antea verò Neonis nominatæ vbi lucus, templum cum simulacro Mineruæ dicata. Pausanias in Bœoticis ac Phocensibus. Æsculapio aliquot etiam sacri. Apud Epidaurium huius templum magnificentissimum, summa religione tam ab incolis, quam exteris frequentatum. Iuxta quod lucus vndique circumseptus: in quo Tithorea, in cacuminibus Pernaſſi montis vrbs mulierem nec mori, nec parturire posse, apud antiquos constantissima fama fuit. Quod etiam in Delo creditum est. Eiusdem etiam numinis alius in Phœnicia, inter Berytum (quæ nunc Barutum) & Sidonem. Alius in Arcadia, non longè à Lusio flumine. Apud Argiuos etiam alius, inquitente Pausania. Apud Melissam Epidaurij ciuitatem alius, & eius simulacrum, & Epionæ vxoris, è marmore pario. Sub dio enim consistunt. Apud Ægienses huic alius dicatus, in quo huius, & Sanitatis simulacra: Pausanias in Arcadicis. Isidi pauci sacri leguntur. In Acrocorintho (Vertex enim montis est qui Corintho propinquior est) duo Isidis luci sunt, quorum alter Isidi Pelagiæ, alter Isidi Ægyptiæ Pausanias in Corinthiacis. In Caria Latonæ Dianæ matri lucus fuit. Alium apud Catymnam ciuitatem ab Artemisio promontorio ad sexaginta stadia distantem, Strabo posuit. Cybele in Phrygia plurimum inter deos omnes venerata. In Ida autem eiusdem regionis monte, illius lucus apprimè sacer & reueritus: cuius Seneca Tragicus meminit:

Mouere syluæ capita

Et excelsum nemus:

Fragore vasto tonuit

Et lucus sacer. Claudianus etiam:

Hic ades augusta deæ, templiq; colendi

Religiosa silex, densis quam pinus obumbrat

Frondebis, & nulla lucos agitare procella

Stridula coniferis modulantur carmina ramis.

Et apud Vergilium sic loquitur:

Picea sylua mihi, multos dilecta per annos

Lucus in arce fuit: summa quo sacra ferebant

Nigranti picea, trabibusq; obscurus acernis.

Latinium mons Ionix: in ea vrbs, à qua stadijs septem Ifidis lucus. Ofiridi enim lucum vnum dicatum legi iuxta Memphim, quem fossa è Nilo producta est.

De lucis Diana sacris.

C A P. XIII.



IANÆ verò lucos plures, non ab re, gentilium vana religio consecrauit, ea ratione, quòd nemorum & sylvarum dea foret, quæ virgo inhabitaret, & venando, paucarum virginum comitatu contenta coleret. Inter Pheam & Pitanden ad eius ostium Dianæ lucus alius Dianæ Alpheonix, alius Elaphiæ, ab Olympia stadijs octuaginta remotus, in quo præter aquarum fontes, perpulchra floridaq; vireta. Astyram autem vicum ad Mysiam Strabo putauit, alij verò apud Troiæ regionem: in quo Dianæ Astyrenæ lucus, & templum, cuius religioni Antandrij præerant. Quibus vicinus hic apprimè erat. In Cythero monte alius, in quo Oedipus morti expositus fuit, sicuti in Phœnice, scribit Euripides. Bubastis, in media vrbe, Dianæ templum, iuxta quod lucus procerissimis arboribus atque manu confitis ambit. Anagninæ alius fuit. In suburbano autem agri Tusculani collis fuit, qui Corne appellaretur. Ibi enim lucus fuit Dianæ deuotus, faginei nemoris, coma arte tonsili, Latij cuiusdam opera. Apud Cumas alius, de quo Vergilius in sexto:

Iam subeunt Triuix lucos.

De quibus forsitan his extremis intelligit, Stadius, dum canit,

Hos Præneste sacrum, Nemus hos glaciale Diana,

Algidus aut horrens, aut Tuscula protegit vmbra,

Tiburis hi lucos, Anienaq; frigora captant.

Alium huic deæ sacrum in Sarmatia ponit Ammianus, plurimis populis religiosum. Condylea, locus à Caphyis, vno tantum stadio abest, vbi lucus, & templum Dianæ condyleatis. Megalopoli alius, vt scribit in Arcadicis Pausanias. Scilluns Græciæ vrbs, sub Eleorum imperio: apud eam autem Xenophon templum, & lucum Dianæ Ephesiæ exadificauit. Pausanias in Eliacis. In Ætolia lucus Dianæ deuotus, animalium asylum. Nam dum extrà persequerentur, & illum ingrederentur, amplius consecrari venatores numinis vi desistebant. In Græcia palus Phœbea, iuxta eam autem lucus Dianæ. In eam verò Saronis cadauer deiectum, vt nomen

men illi demurauerit, postmodum palus Saronis vocitata. Pausanias in Corinthiacis. Apud Pellinenses in Græcia lucus Dianæ cognomento Sospitæ dicatus, muro circumdatus. Hunc non nisi sacerdotibus ingredi licet: qui ex indigenis atque ex amplitudine generis eliguntur. Apud Melissam Epidauri urbem, lucus Dianæ sacer intra urbem Oeanthæ Phocidis ad mare urbs, ibi Dianæ lucus cupressis & piceis promiscuè confitus. Ibi templum & simulacrum.

De luco Aricino, & adagio, Multi Manij Aricia.

C A P. XV.



LVVS Aricinus, omnium, qui Dianæ deuoti, non tantum apud Græcos, verum etiam apud Romanos fuerunt, longè memorabilis: de eo igitur amplissimè pertractandum: cuius tamen historia & origo tam ad Græcos, quam Romanos pertinet, à quo etiam horum religio initium accepit. Fuit autem Aricia Italiæ oppidum apud Velletras, viginti passuum millibus ab urbe distans. Lucanus in sexto:

Parua Mycenæ quantum sacrata Dianæ

Distat ab excelsa nemoralis Aricia Roma.

Artemisium, autore Strabone, dictum, quasi dianæum, Speculum etiam Dianæ, autore Seruio, vocitatus. Templum in medio fuit, cui circumquaque lacus, instar pelagi fluctuans, adiacebat. Supercilium montanum imminebat. Caua autem regio, & aquam & templum excipiebat. Fontes ibi erant, ex quibus lacus explebatur. Quis enim primus dedicauerit, inter autores controuersia. Manius autem Ariciæ vir clarus fuit, à quo, tanquam ex equo Troiano, multi percelebres, plurimosq; per annos descenderunt, vt inde promulgatum adagium, Multi Manij Ariciæ. Ad quod alludit Persius satyra finali,

- Accedo Bouillas,

Cliumq; ad Virbi, præstò mihi Manius heres.

Hunc autem lucum Ariciæ consecrassè ferunt. Alij autem Egerium Libium, Tusculanum dictatorem. An autem Ægeriæ nymphæ, de qua infra, pater fuerit, me legisse non memini. Pausanias verò in Corinthiacis, quem secuti sunt plures Latini autores, Hippolytum patris Thesei increpationibus discerptum, postea Æsculapij ope iterum reuixisse, & in Italiam apud Aricinos (quum noluisset parenti parcere) profectum. Et ibi regnasse, atque nemus Dianæ consecrassè scripsit. Cuius opinionis in Fastis Ouidius est:

Hic iacet Hippolytus furijs distractus equorum,

Unde nemus nullis illud aditur equis. Martialis:

Qua Trinie nemorosa petit, dum regna viator.

Aliter à Seruio & Acrone nobilibus grammaticis narratum: atque in Oreste concordatum. Scribit enim hic, Orestem furem de sanitate oraculum consuluisse, cui ab eo responsum est, id posse, si Dianæ Scythicæ simulacrum auferret. Quare illuc profectus, sororem Iphigeniam fa-

cerdotem huic præfidentem inuenit, deæ aduenas immolare solitam: sed ab ea agnitus, fratri pepercit. peregrinationis autem causam percunctata, & ab eo cognita, ambo simulacrum abstulerunt. Italiamq; delati, simulacrum in nemore Aricino collocarunt, nemus consecrarunt. Quod postea Italici immite & asperum visum est: propter quod, illud ad orientem miserunt: à Lacedæmonijsq; susceptum, & ut ne sacrilegium aut crudelitatem facere viderentur, statuerunt illi, ut iuuenis aras conscenderet, & manus superimponeret, ut ab alio iuvene tandiu loris pro viribus caderetur, quoad supra aram remaneret. Hac enim ratione, se numini satisfacturum iri crediderunt. Quare ab Horatio, in Odis dictum:

Nec me tam patiens Lacedæmon.

Seruius autem in sexto Æncidos Orestem posteaquam Thoantem Regem, in Tauricia prouincia regione occidisset, cum Iphigenia sorore & Dianæ simulacro aufugisse & in Aricia collocasse scribit. De vtraq; enim historia censuit Ouidius in Metamorphosi:

Vallis Aricinæ densis later abdita syluis,

Sacroq; Orestea gemitu, questuq; Dianæ

Impedit. Cui Hippolytus ait,

Siste modum, dixit: nec enim fortuna querenda

Sola tua est: similes aliorum respice casus,

Mitius ista feres.- Idem in Arte:

Ecce suburbanæ templum nemorale Dianæ,

Partaq; per gladios regna nocente manu.

Valerius Flaccus:

- Soliq; immitis Aricia regi.

Cum autem Dianæ nemoralis sacrum instaret, ab vrbe in nemus Aricinum, accensis facibus discurrebatur. Propertius in secundo:

Cum videt accensis deuotam currere tædis

In nemus, & Triniæ lumina ferre dea.

Ouidius in Fastis:

Sæpe potens voti frontem redimita coronis

Fœmina, lucentes portat ab vrbe faces.

Hoc autem sacrificium simul atque dedicationem expressit Statius in Syluis:

- Iamq; dies aderat, cum regibus altum

Firmat Aricinum Triniæ nemus, & face multa

Conscius Hippolytus splendet lacus.-

Strabo tamen, sacra sub cuiusdam dæmonis appellatione ibi haberi, cui iuxta Scytharum morem victimæ immolarentur. Prope autem templum fuit arbor, ex qua ramum defringi nefas erat. Fugitiuo tamen, qui ramum effregisset, impunitas dabatur, si cum templi sacerdote monomachia contendere posset, ad prisca sacrificij reparationem. Erant quippe semper è fugitiuis sacerdotes, ad pristini sacrificij fugæ imaginem. Hunc autem lucum Ægeria nympha Numæ Pompilij secundi Romanorum Regis vxor inhabitauit. De quibus sic Ouidius:

Nympha mone nemori, stagnoq; operata Dianæ,

Nympha Numæ coniux ad tua festa veni.

Vallis

Vallis Aricina sylua præcinctus opaca

Est locus, antiqua religione sacer.

Noctu autem rex, teste Liuiο, cum quibusdam comitibus, illuc ad fontem, qui in medio, è specu opaco, perenni aqua, exilibat, se conferre fueuerat, verum summotis arbitris, velut ad deæ congressum. Rediens verò comitibus suis se cum dea permanfisse prædicabat, cuius monitu sacra dijs acceptissima ordinare profitebatur. Hoc autem commento, quam voluit, Romanorum animis religionem insinuauit, Minois astutiam imitatus, qui Iouis in antrum sese recondebat, atq; ibi diu moratus, leges, tanquam à Ioue traditas, ferebat. Qui autem nouam aliquam religionem, legesve, aut quid arduum, tanquam quid diuinum, rudi populo suadere & ingerere voluerunt, vt deorum, regumve loco habiti forent, semper alicuius numinis commento vsi sunt. Sic enim Minos Græcis, Numa Romanis, Sertorius Hispanis, sub Iouis, Ageriæ nymphæ, Dianæ specie, quæ voluerunt, persuaserunt. Verum omnium postremus Mahometes Arabs, omnium impostorum, qui eum præcesserunt, impurissimus, & religionis Christianæ apostata, & conuulsor acerrimus, sub columbarum specie, quas spiritum sanctum esse prædicabat. Sed ad propositum redeamus. De luco Aricino Ouidius loco supra citato:

- Nunc idem Virbius esto:

Hoc nemus inde colo, de dijsq; minoribus vnus,

Numine sub domina lateo, atque assentior illi.

Non tamen Ageriæ luctus aliena leuare

Damna valent, montisq; iacens radicibus imis

Liquitur in lacrymas: donec pietate dolentis

Mota soror Phœbi gelidum de corpore fontem

Fecit, & æternas artus tenuauit in vndas.

Propertius:

Lucus ab vmbroso fecerat orbe nemus.

Fæminæ loca clausa deæ, fontesq; piandos

Impunè, & multis sacra relecta viris.

Iuuenalis etiam satyra tertia:

In vallem Ageriæ descendimus & speluncas

Disimiles veris. quantò præstantius esset

Numen aquæ, viridi si margine clauderet vndas

Herba, nec ingenuum violarent marmora tophum!

De luco enim Ageriæ Vergilius in septimo Æneidos, quæ præterire ex industria nolui. Quia ferè omnia vno loco ingerat, quæ multi pluribus locis: ne etiam tantum autorem, post tot in vnius rei testimonium adductos taceam: & vt maior illis fides ex eius monumentis adhibeatur:

Ibat & Hippolyti proles pulcherrima bello

Virbius, insignem quem mater Aricia misit

Eductum Ageriæ lucis, Hymettia circum

Litora, pinguis vbi, & placabilis ara Diana.

Nanque ferunt fama Hippolytum, postquam arte nouerca

Occiderit, patriasq̃ explevit sanguine pœnas,
 Turbatus distractus equis : ad sydera rursus
 Aetheria, & superas cœli venisse sub auras,
 Pœonijs reuocatum herbis, & amore Diana.
 Tum pater omnipotens, aliquem indignatus ab vmbrijs
 Mortalem infernis ad lumina surgere vite,
 Ipse repertorem medicinae talis, & artis,
 Fulmine Phœbigenam Stygias detrusit ad vndas.
 At Trivia Hippolytum secretis alma recondit
 Sedibus, & Nymphae Aegeria, nemoriq̃ relegat:
 Solus vbi in syluis Italis, ignobilis æuum
 Exigeret, versoq̃ vbi nomine Urbius esset.
 Unde etiam Trivia templo, lucisq̃ sacratis,
 Cornipedes arcantur equi : quod litore currum,
 Et vt iuuenem monstrosi pauidi effudere marinis.

Hanc autem Nympham in fontem sui nominis versam scribunt.

De luco Camœnarum, siue Musarum.

CAP. XVI.



V P R A de luco Aricino & Numa Pompilio, qui ibidem
 Camœnis siue Musis lucum consecrauit: de quo Liuius
 libro vndecimo, illum enim Musis dedicasse lucum ait,
 quem medius ex specu opaco, fons perenni rigabat aqua.
 Scribit enim Sosipater Charisius, aquam religiosam è luco
 Camœnarum afferri solitam, purificandi causa. Fuit autem is lucus (au-
 tore Asconio Pediano) extra portam Capenam, antea portam Camœ-
 nam, siue Fontinalem ab aqua fontinali dictam. Hodie verò porta illa
 putatur, quæ sancti Sebastiani dicitur. Solenne enim soli fidei Numa in-
 stituit. Ad id enim sacrarium flamines bigis, curru armato vehi iussit,
 manuq̃ ad digitos vsque inuoluta, rem diuinam facere, significantes,
 fidem tutandam. Habebantq̃ ædem à dextris sacram. Qui autem in sa-
 crificijs præerat, rex Nemorensis vocabatur, cuius meminit Suetonius
 in Caligula, vt multi ab eo lucum Nemorensē vocitarunt. Ibi postea
 fuit habitatio Iudeorum mutata, propter ædificia, religione. Quare
 Iuuenalis:

Satyra 3. Substitit ad veteres arcus, madidamq̃ Capenam,
 Hic vbi nocturnæ Numa constituebat amica:
 Nunc sacri fontis nemus, & delubra locantur.

Iudæis quorum cophinus, fœnumq̃ supellex. De luco Camœnarum, sic
 Ovidius:

Aegeria est, quæ præbet aquas dea grata Camœnis.

Idem in Metamorphosi:

Metam. lib. 15. Coniuge qui felix nymp̃ha, ducibusq̃ Camœnis
 Sacrificos docuit ritus, gentemq̃ feroci
 Assuetam bello, pacis traduxit ad artes.

De luco Camœnarum Victruius in octauo: In Helicone Musis lucus
 facer

facer fuit, vbi Ephemes, quæ fuit Musarum nutrix, statua. In Camœnarum verò æde poëtæ post illorum mortem statua, hedera coronato, donabantur, quæ propter illorum studium facie macra effigiabatur. Actius tamen viuus sibi statuam posuit: Erosas fuisse scribunt Musarū corollas.

*De lucis Vulcano, Veneri, Cupidini, Marti, Bellonæ,
Libero Patri, Pani, & Sylvano dicatis.*

CAP. XVII.



VULCANO lucus & templum in Ætna Siciliæ monte fuit: Templum autem circumsepiebat lucus. In eo enim ignis inextinguibilis fuit. Mirumq; est, quod de eo retulit credula gentilitas. Nam & luci & templi custodia canum fuit. Malis autem hominibus lucum intrare volentibus adlatrabant, & mordicus dilacerabant, ac si illorum suo ingressu sacra profanaturi essent. At bonis, caudæ ac totius corporis motu ac gestu, blandiebantur, veluti si de eorum aduentu gratularentur. Veneri luci plures in Ægypto fuerunt, quos sub Aureæ nomine dicarunt. Propterea Homerus Auream Venerem (autore Iustino martyre, & Eusebio Cæsariensi de præparatione euangelica) nuncupauit. Iliados. *ἔ. πρὸς ἑφ. χρυσὴν ἀφροδίτην.* Lucus Romæ Veneri Libentina. Libentina verò dicta (scribente Festo) quòd sepulcris præesset, & quòd ingredientium & egredientium vitam det, vel ab eo quòd lubeat, vnde prolubies & prolubedo, Nonio Marcello inquiente. In Gnido insula lucus Veneri sacer, in quo templum & Veneris statua. Praxitelis opus, toto orbe memoratissimum, de quibus plura in Luciani amoribus. Leuctris (vrbs Bœoticiæ) Cupidinis & templum ac lucus est. Lacus hunc præterfluit, qui etsi maximè veris tempore crescat, cadentia tamen in eum folia cum aquis minimè commiscuntur. Illud præterea de Venere ad sacrificia addendum, quòd apud Sicyonios coleretur, cuius sacrum in iunipero adolebatur. Martis autem hi memorantur Athenis in Areopago: Alius in Ponti finibus apud Colchidem regionem, vbi repositum vellus aureum, suspensum quidem in summa quercu, teste Apollonio Rhodio. Gerunthre, oppidum Laconicæ regionis: ibi Martis & lucus & templum, Pausanias in Laonicis. Romæ iuxta Exquilias Martis lucus, & templum (scribente M. Varrone) qui Fagutalis dictus, in quo Amulius, regni incubator, Rheam Numitoris fratris ætate maioris filiam, in perpetuam virginitatem reclusit, ne quis sexus virilis, ex fratris genere, regni vindex emergeret, vt illa sacerdos electa videretur: verum in templo vim passa, in luco Remum & Romulum peperit. de quo Iuuenalis à limine primæ suæ satyræ:

Nota magis nulli domus est sua, quàm mihi lucus

Martis, & Aeolijs vicinum rupibus antrum.

Quibus verbis historiam originis vrbis intelligere voluit. De luco Martis prope Argum supradictum est. Bellonæ autem vnum tantum legi, idq; Romæ sicut in marmore, quod est in suburbano Marij à Mellinis legitur.

tur. Pani in Lycæo Arcadiæ monte & templum & lucus sacer, inquit Pausania, de quo supra: ibi enim natus perhibetur, autore Placido Cælio. Lucum autem Syluano prope Agylinam ciuitatem Vergilius attribuit his verbis in octauo Æneidos:

*Est ingens gelidum lucus prope Caritis amnem,
Religione patrum latè sacer: vndique colles
Inclufere cavi, & nigra nemus abiete cingunt.
Syluano fama est veteres sacrasse Pelasgos
Aruorum, pecorisq; Deo lucumq; diemq;
Qui primi fines aliquando habuere Latinos.*

Libero patri item plures, Athenis vnus: alius in Thracia, in quo quum Octauius pater Octauij Cæsaris Augusti, vt scribit in eius vita Suetonius, exercitum per secreta duceret, de filio, barbaris ceremonijs consuluit. Itaque à templi sacerdotibus affirmatum est, quòd infuso super altaria mero, tantum flammæ emicuisset, vt supergressa templi fastigium, ad cælum vsque efferretur. Simile item Alexandro Magno, apud easdem aras sacrificanti euenisse. Athenis in Ceraunio, lucus Bacchi. Alius apud Melissam urbem Epidaurij, intra urbem. Alius apud Argiuos, cognomento Cresij, vt ait Pausanias. Staius autem in primo Achilleidos de Agenoris luco meminit hisce verbis:

*Lucus Agenores sublimis ad orgia Bacchi
Stabat, & admissum cælo nemus, huius in vmbra
Alternum renocare pia trieterica matres
Consuerant, scissumq; pecus, terraq; reuulsas
Ferre trabes, gratosq; Deo præstare furores.
Lex procul ire mares: iterat præcepta verendus
Ductor, inaccessumq; viris edicitur antrum.
Nec satis est: stat sine dato metuenda sacerdos,
Exploratq; aditus: ne quis temerator oberret
Agmine sæmineo.*

De lucis Neptuno dicatis.

CAP. XVIII.



NEPTVNO autem multi in Græcia luci dicati, quorum vnus fuit iuxta mare, prope Helicen Achaïæ urbem, vti ab eo Heliceus diceretur, vbi templum. Quum enim Achæi, supplices quosdam viros, qui ad Neptuni ædem, tanquam ad asylum confugissent, extraxissent, & interfecissent: iratus incolis Neptunus, regionem totam inundauit, vt lucum ita occuparit, vt tantum arborum cacumina apparerent. Apud Oncheston alius, Homero Iliados secundo percelebris: Pyrrhasius dictus. Strabo autem ibi solum templum fuisse asserit, & Homerum templum luco exornasse. Fuit enim Onchestus (vt vbi ille fuerit intelligas) in Haliartorum Bœotiæ regione vrbs, ab Onchesto Bœotij filio, vt ait Hesiodus condita. Alij tamen ab Onchesto Neptuni, qui ibi inhabitauit: quare ab Ouidio Onchestius cognominatus. Alius in Tænaro (promontorium est Laconice iuxta

iuxta Spartam) ædem continens sacram, vt inquit Strabo. Pausanias verò apud Lacedæmonios posuit, cognomento etiam Tænarij. Apud Tricolonos eidem alius, vt in Arcadicis autor est Pausanias : & alius apud Helicen, eodem autore. Apud Athenas locus, qui collis equester dicebatur, non longè ab Academia, vbi Neptuni & fanum & lucus, quem Antigonus incendit, facta in agrum Atheniensium irruptione. Supra Myoniam Locrorum ciuitatem Neptuni lucus, qui Neptunius vocitabatur : ibi templum, in quo Pausaniæ tempestate nullum signum erat, vt ipse testatur. Posidonium siue Neptunium lucus dictus, ad mare positus, cui præexcellsum cacumen antè Samium mare incumbit : sic enim vocatur locus, nunc autem locus, vbi Samos fuit. In Isthmo autem Corinthiaco, huic Deo alius deuotus, qui à loco Isthmius vocatus. Templum autem picearum arboribus circunclusum est. Ibi ludi Isthmij olim celebrati. In Teno vrbe, extra eius muros lucus cum fano Neptuni sacratum, vt memoriæ mandare voluit Strabo. In eo enim capacissima ad discumbendum & epulandum, ædificata triclinia, vt finitimorum abundantem multitudinem cum oppidanis, post sacrificia capere posset.

De lucis Cereri, Proserpine, Plutoni, Vestæ, Castori & Polluci dicatis.

CAP. XIX.



CERERI autem dicatos lucos apud nonnullos scriptores, hos selegi. Apud Pyrasum urbem, à Thebis viginti stadijs distantem, & ab illa duobus stadijs lucus abest. In templo sacra statua. Cereri autem *ἐρέλει* appellatæ alius à Megalopoli. Arcadiæ vrbe quinque stadijs distans propè Menalum in palude. Illum autem ingredi, nisi mulieribus, fas non est. Supra campum Pyliacum, lucus etiam in Græcia alius, egregia fertilitate conspicuus. Alius non longè à Mantinea, in monte Alefio, Pausanias in Arcadicis. Apud Lernam, quæ ad mare iacet, alius, vt ait Pausanias. Proserpinæ verò Cereris filiæ aliquot leguntur. Apud Dircen Bæotiæ fontem, quem ingredi nemo poterat, nisi qui eius mysterijs antea initiatus esset. Megalopoli autem alius, non adeò magnis arboribus confitus, & vallo circunseptus, magnarum dearum, vt ipsi vocabant, id est Cæris & Proserpinæ : iuxta quem templum ingens. Plutoni autem Proserpinæ amanti dicatos etiam legi, quorum alter in Græcia : in quo Pericles bellum initurus, hominem ingenti statura, comaq; venerabilem, & altissimis cothurnis, vesteq; purpurea indutum, atque in curru equorum candidorum sublimem constituit. Qui dato signo extra lucum prouectus, voce magna, Periclemciens, illi dicit, deos Athenienses adesse, vt hoc commento suos ad prælium alacriores redderet. Quòd fecit, vt primo penè teli coniectu, hostes in fugam verterit. Alius supra Megaram, secto lapide inclusus : vbi arbores pulcherrimæ, verum tantum ex olea & ilicibus, Pausanias in Corinthiacis. Minthe, mons Peloponnèsi in eo nemus Plutoni sacer, vt scribit Iulius Pollux, vbi *ἡδυσμάλα* tractat, id est, còdimenta. Fuit autem Minthe Plutonis pellex : à Proserpina in mentham hortula-

o nam

nam conuersa. Vestæ autem alius Romæ, qui à palatij radicibus in viam nouam deuexus erat. Ex quo ante captam urbem exaudita vox, quæ muros ac portas reficiendas monebat. Futurum autem esse, nisi prouisum foret, ut Roma caperetur (autor Cicero de Diuinatione.) Castori & Polluci lucus, à Patrensi oppido circiter quindecim stadia absens. Lauri in eo potissimum nascuntur. Simulacrum autem huius Romam translatum, iniquiente in Achaicis Pausania.

De lucis Feronia, Albunea, Marica, Lauerna, Hilarina, Furina, Hebes, Suadela.

C A P. XX.



VNC & alij luci supersunt, quibusdam dijs, & nonnullis particulatim populis tantum sacri, atque sapenumero in sola vrbe & incolis eius reueriti, & pro dijs habiti: quorum nulla religio & reuerentia atque memoria apud externos extaret. Fuit autem Feronia dea, quæ à ferendis arboribus appellationem accepit. Huius autem lucus sub Soracte monte, in agro Capenate fuit. Accolis verò & finitimis hæc dea summa religione colebatur. Tradunt enim, quum fortuito aliquando incendio lucus arsisset, & vellent eius incolæ illius simulacrum inde transferre, subito euiruisse. Quare Vergilius:

*Qui saltus Tyberine tuos, sacrumq; Numici
Littus arant, Rutulosq; exercent vomere colles,
Circaumq; iugum, queis Iuppiter Anxurus aruis
Præsider, & viridi gaudens Feronia luco.*

Ante Pallanteum oppidum Vergilius fuisse fingit. Qui autem eius numine affabantur, super accensos carbones, ac calidissimum cinerem, nudis pedibus, absque vlla læsione, & offensione gradiebantur. Templum opulentissimum fuit, quod Hannibal, contempta religione diruit, postquam ad Anienem cum Romanis congregi non valuit. Tunc temporis, ibi signa quatuor, per diem noctemque continuo desudarunt: quare Pontificum decreto, tota die supplicatum est. Albunea dea, in regione Tyburtina, fontis præses. Eius autem lucus trans Tyberim fuit, ubi bos alba mactari solita erat. Vergilius in septimo:

- Lucosq; sub alta

*Consulit Albunea: nemorum quæ maxima sacro
Fonte sonat, seuamq; exhalat opaca Æneþitum.
Quam domus Albuneæ resonantis,
Et præcepit Anio, & Tyburii lucus, & vda
Mobilibus Pomona riuus.*

Horatius in Odis:

Maricam deam Minturnenses in Campania maximè coluerunt. Lactantius Firmianus hanc Circen fuisse dicit, quæ facta dea sic nominaretur. Seruius autem Fauni uxorem fuisse scribit. Lucus eius apud Hordoniam fuit. In eo autem Marius latuit. De cælo enim tactus, C. Claudio Marcello, M. Valerio Leuino consulibus. De hac autem Horatius in Odis:

Qui Formiarum mænia dicitur

Princeps,

Princeps, & innantem Marica

Littoribus tenuisse Lyrin

Late tyrannus.

Quòd Lyris Minturnensium urbem, per medium perfluat. De ea diuus Aurelius Augustinus in secundo Dei ciuitatis : Lauernæ deæ lucus Romæ prope portam huius ciuitatis : à quo porta Lauernalis. In eius verò deæ tutela, fuerunt fures, vt hi antiquitus lauerniones appellarentur, auctore Festo. In huius enim luco, abdito loco atque obscuro, soliti erant illi prædam, furtaq; inter se diuidere, ac partiri. Hilernæ etiam lucus in vrbe fuit : de quo sic Ouidius:

Adiacet antiquis Tyberina lucus Hilerna,

Pontifices illuc nunc quoque sacra ferunt.

Furina dea, à Romanis, teste de natura Deorum libro tertio Cicerone, Quæ (inquit) si deæ sunt, quarum & Athenis fanum est, & apud nos, vt ego interpretor, lucus Furinæ, Furiæ deæ sunt, speculatrices, credo, & vindices & facinorum, & sceleris. Idem huius meminit ad Atticum. Hæ autem deæ nullibi, quàm in Italia, & Romæ, celebratæ : sicut & aliæ in Græcia, & apud Athenas ipsas, quòd Ciceronis testimonio proximè citato patet. Apud Græcos hæ referuntur. Phlasiæ vrbs Achaia, in cuius arce templum, & cupressorum lucus, Ganymedæ deæ dicatus. Sic enim Phlasiarum antiquissimi vocabant, recentiores Heben. Eius festa *κισσότημεις* vocitabant : Magna veneratione apud eos colebatur, vt ancillæ apud deam supplices veniam mererentur, vt post, compedes & pedicas in luco ad arbores suspenderent. Suadelæ templum iuxta Sytham amnem apud Ægialenses. Lucus ibi Cæsaribus dicatus, vt in Corinthiacis Pausanias memoriæ dedit.

Luci aliquot, pluribus dijs dicati.

CAP. XXI.



VCI autem plures reperiuntur multorum numinum, vt plurimorum verò, duorum religione participes. Apud Myoneam urbem, non procul à Naupacto, lucus fuit, & ara, in excelsi montis vertice, placidorum deorum. Græci *θεῶν μεγίχων* vocant, quibus nocturna sacrificia fiebant, vt omnes sacrificij carnes antè, quàm sol exoriretur, deuorare oportebat. Hermione Græciæ ciuitas lucum habet Soli & Charitibus dicatum, inquit Pausanias in Atticis. Nereidibus luci apud Pæmenenses sacri, vt scribit idem in Corinthiacis. Marius oppidum Laconicæ regionis : ibi autem templum omnibus Dijs commune, circa quod lucus, in quo fontes limpidissimi. Mons Parnassus Nymphis dicatus (teste Horatio in Odis.)

- Ne gelidum nemus,

Nympharumq; leues cum Satyris chori

Secernunt populo.

Ode 1. lib. 1.

Apud Academiam prope Athenas lucus dijs sacer fuit, quem Sylla in Athenarum obsidione, ad aggerem extruendum excidit. In Pyrao Atti-

o 2

cæ portu,

cæ portu, lucus Ioui & Palladi eius filiæ, religione communis, qui vtriusq; numinis simulacra habuit: patris verò sceptrum & victoriam ferebat, filiæ autem hastam. Inter Tralles & Nyssam vicus Acharaca dictus, iuxta quem Lucus Iunoni & Plutoni sacer. Lucis autem finem impositurus, de quibusdam sub varia appellatione dicamus. Honoris autem lucus Romæ fuisse perhibetur: verum quo loco, autorum varia lectione incertum. Quidam enim intra urbem, ad portam Appiam posuerunt: alij autem extra, atque ad eandem portam. Lucus etiam Larum, & Mephytis. Pilumni autem in Italia iuxta Troiam, De quo Vergilius, in nono:

- *Luco tum fortè parentis*

Pilumni Turnus sacrata sedebat.

Fuit & lucus Capenatis, cuius è Catone, in primo originum, meminit Priscianus.

Præfatio libri quinti.



SUPEREST, ut hoc quinto libro, arborum apud antiquos deuotionem finiamus. In qua verò dum vltimum modum nimis diligens fui, ne quorundam, etiam plurimorum cauillum optimo iure merear, pertimesco ut pote qui in re tam vana futiliq; ac superstitiosa, & ridenda antiquitate, & quòd maius est, ab homine christiano prorsus explodenda, ut in hac curiosior, quàm deceat, fuerim. Verum mihi, optimo iure, venia condonanda, ut hæc à me intelligant lectores, ad antiquorum deorum religionis exprobrationem magis hæc fuisse conscripta quàm illorum venerationem. Sed & alia ratione venia condonandus. Me autem arborum historiam, post tot tam Græcos quàm Latinos tractantem & describentem, hoc vnum curare & cauere oportuit, ut nihil huic meo operi superforet, quod in alijs deforet, ne in alijs requireretur, quod meo operi deficeret, ut hæc superiora me præfari oportuerit. Arborum autem isto libro speciatim genera, quadam prosequemur, ut non contentam superstitiosam antiquitatem, suis dijs sylvas integras, etiam promiscui & indifferentis arborum generis, ni quoque aliquod arborum genus consecrasset, non tamen sine mathematica ratione, ut nonnulli arbitrati. Et hæc fuit illorum ratio. Alij autem suis dijs dedicarunt, quod à se repertas, existimauerint, vel illarum, usum aliquem mortalibus primum ostenderint, aut quod etiam se-
cures

cures fecerint. Diodorus Siculus illas dijs dicatas, quod continuam, & perpetuam viriditatem haberent: veluti in lauro, myrto, hadera fuit, sed hoc minimè verum, quum & aliqua reperiantur: quæ si hac viriditatis dote caruerint nonnullis tamen illorum dijs dedicentur, ut robur, populus, & sic de reliquis. Harum verò causas, quum de his disputabimus, aperiemus. Verum prisca illa ætas, dijs suis dicare arbores, non solum contenta, ni affectionibus quoque ac passionibus etiam deuoueret. Nam acer in stuporis tutela esse, perhibetur. Quamobrem ex acernis trabibus exædificatū equum Troianum, asserunt. Uti eo viso obstupuerint Troiani (inquiens Vergilio) Pars stupet, innupta exitiale Minerva. Sed præter has quæ in vniuersum apud omnes vno ac certo numini dicatæ fuerint, nonnullas alterius generis, deo quodam sacratas inuenimus. Sæpenumero enim incolæ, pastores, cuiusdam loci vnā altissimam & pulcherrimam arborem selegerunt, puta quercum, fraxinum, vel populum aut aliam quam suo Pani dedicarent, & sub ea festa celebrarent: choreas ducerent conuiuarentur. A Garete autem fluuio, stadijs decem, templum

& quercum Pani dicata Pausanias in Arcadicis scribit. Priuatim verò nonnulli ut Horatius, qui apud villam suam pinum Diana deuouit. Quod in suis odis testatur. Imminens villa tua pinus esto. Dianam alloquitur.

*



HORTORVM LIBER QVINTVS.



*De quercu, & iuglande; Ioui sacris, & nonnulla de ci-
uica corona, & adagio; πολλῶν πανηγύρεων Διὸς
βαλάνων ἔφαγεν.*

CAPVT I.



ESCVLVVS, vel, vt Plutarcho placet, quercus Ioui dicata. Galli enim Iouem colebant. Iouis autem signum, altissima quercus erat: Hinc quercum sacram ferunt, quod vitæ causa, in hac primùm arbore, mortalibus fuerit, qui primùm glandibus vescerentur. Ouidius:

Et quæ deciderant patulæ Iouis arbore glandes.

Per hanc enim suos populos primùm aluisse dicitur: qua re Iouis arbor dicta. Vnde adagium πολλῶν πανηγύρεων Διὸς βαλάνων ἔφαγεν. Id est, multorum festorum Iouis glandes comedit. De sene, & plurimarum rerum & longo vsu docto dicitur. De ciuica corona aliqua suprà, quum de coronis tractabamus, disseruimus: verùm hîc nonnulla item dicere, propter appositam materiam conuenit. Nonnulli, inter quos Plutarchus in Coriolano, propterea quercum Ioui sacram dicunt, quod ex ea ciuica corona, quæ ei dabatur, qui ciuem seruasset, contexeretur. Vnde Lucanus:

Lælius emeriti gerens insignia doni,

Seruati ciuis referentem præmia quercum.

Valerius Maximus libro tertio: Caterum ad quercum pronæ manus porrigantur, vbi ob ciues seruatos corona danda est. Idcirco Vergilius quercum ciuilem vocat:

Æn. 7. At qui vmbata gerunt ciuili tempora quercu.

Erant præterea ciuitates in Iouis tutela, quæ & à militibus defenduntur. Quibus verò tum ocyus, tum passim quercus fructum exhibet. Iuglandes etiam in Iouis tutela perhibentur, quippe quæ quasi Iouis glandes dicantur.

De lauro, & loto Apollini dicatis.

CAP. II.



POLLINI dicatam laurum, omnes consentiunt: quare Vergilius:

- Phæbo sua semper apud me

Munera sunt lauri.-

Hanc

Hanc enim ob rem, Eurotam fluuium, qui Spartam præterfluit, quòd lauris ab vtraque ripæ parte obfitus sit, Apollini sacrum poëta dixerunt. Inter quos hic, in Sileno:

Omnia quæ Phæbo, quondam meditante beatus

Audijt Eurotas iussuq; ediscere lauros.

Insuper Parnassus mons ceterum huic sacer, quòd laurus in eo spectatissima semper proueniat. Lucanus:

Cardine Parnassus gemino petit æthera colle,

Mons Phæbo, Bromioq; sacer.

Hæc autem laurus Vergilio Phocaica, quòd Parnassus mons in Phocaica regione situs sit:

Candida Phocaica complectitur insula lauro.

Ferunt præterea templum, quòd toto orbe terrarum Apollini primùm erectum, apud Delphos ædificatum fuisse: atque tantum è lauri ramis, è Tempe ac Penneo Thessaliæ petitis, ac in terram in specus morem defixis, scribente Pausania in Phocensibus. Exin postea, in Apollinis sacro festo ac pomparum solemnitate puer solitus sacram gestare laurum. Ismenus collis, à quo Apollo Ismenius, licet quidam non à colle, sed à fluuiò dictum velint: extra dextram Thebarum portam. In eo autem templum Apollini sacrum, cuius sacerdos Daphnophorus, id est, laurifer cognominatus. Daphnites etiam à Syracusanis Apollo dictus, autore Hesychio. Sed nunc ad rationem dedicationis deueniamus: cuius variae sunt autorum, sicuti in re vana, opiniones. Diodorus autem Siculus, hanc causam affirmat, quòd ille prius hanc plantam inuenerit: ceterum alij quòd hæc fulmine non iciatur. Phurnutus, quòd facile incendatur, & ad purgationes in primis idonea, propterea deo mundissimo ac flagrantissimo dedicatur. Et huic opinioni assentit Eusebius, propter vim igneam. Lactantius verò grammaticus propter vim diuinandi triplicem, præteritorum scilicet, præsentium, & futurorum. Ideoq; maxime illi laurum Delphicam deuouit, quòd hanc radices tres habere existimet: vt propterea Apollo vatum præses habeatur. Vt ij atque sacerdotes ad artis insigne, lauro coronentur, vt sentit Aristophanis interpres: vt perpetuò daphnophagi dicti sint. Aphthonius insuper laurum diuinationis symbolum esse testatur: & Dionysius Halicarnaseus, in panegyricorum ratione laurum *μαντικὸν φυτὸν* appellat. At Theogoniæ Hesiodi interpres laurum *ἐνεργεῖν πρὸς τὰς ἐνθουσιασμούς*. & in Cassandra Sophocles ait, *δάφνην φαρῶν ὀδυνὴ πρὶς το γόμα*. & Lycophron, *δάφνην φοίβαζεν ἐκλαιμῶν ὅπα*. Hinc Tibulli de Sibylla locus:

Vera cano, sit vsque sacras innoxia laurus

Uescar, & eternum sit mihi virginitas.

& Latinus Poëta:

- Laurumq; momordi.

Lotum arborem etiam Apollini dicatam credidit antiquitas. Nullam apud autores rationem inueni.

De Daphnes fabula, in laurum commutata.

CAP. II.

LAVRVM



LA V R V M Apollini dicatam, quòd Daphne in laurum commutata, & ab eo adamata, plures affirmarunt. Sed vt rem paulò longius pertractemus: fuit Daphne, quæ priori nomine Pasiphaë dicta est, Plutarcho in Agide autore, Penei Thessaliæ amnis filia: quare Ouidius Penæiam vocat. Alij verò Ladonis Arcadiæ fluuij, & terræ: Philostratus tamen Assyrios asserere scribit, Ladonem fluuium apud eos esse, & templum Apollinis Daphnæi: quod & intrauit Apollonius Tyaneus. Diodorus verò Tiresiæ, Parthenius autem Amydesi, Plutarchus prædicto loco, Amyclæ. Huius autem amore percitus Apollo, eam sectatus est: quæ quum fugæ labore se deuictam cerneret, Peneium ac Tellurem parentes deprecata est. Quorum miseratione in laurum arborem conuersa, quam & viuam & arborem ille amauit. Fraudatus enim suis amoribus arborem circumplexus est atque ex eius ramis suo capiti coronam aptauit. Sic enim Naso ait:

Metam. lib. 1.

Hanc quoque Phæbus amat.

Et ille post ad eundem:

At quoniam coniux mea non potes esse,

Arbor eris certè, dixit, mea: semper habebunt

Te coma, te cithara, te nostræ laure pharetra.

Chrysofostomus autem apud Lucum Daphnensem, de quo supra satis abundè, in arborem mutatam ait. Scribunt insuper Leucippum Oenomai Pisæ Regis filium, illam mirum in modum exarsisse: Qui quum eius nuptias assequi nequisset (exosa enim illa masculinum sexum erat) habitu muliebri, comaq; in modum virginum contexta, ad eam accessit, mentitusq; est se Oenomai filiam. Qui quum generis nobilitate, ac venandi peritia, cæteras virgines antecelleret, Daphnes beneuolentiam facile sibi conciliauit. Hæc autè quum aliquando cum cæteris Nymphis in Ladone lauaretur, Leucippum per lasciuiam vi expoliât, cogitq; vt vnà secum lauaret, & nataret. Deprehensus itaque mas, hastis & pugionibus est confossus. Qui verò Apollinis erga Daphnen amores celebrant, illum Leucippo, antequam exueretur, inuidisse aiunt. Quæ verò fuerit huius fabulæ ratio mathematica, hæc perhibetur: Dilectam equidem ab Apolline Fulgentius scribit, quòd qui de somniorum interpretatione scripsere, aiunt laurum sub dormientium appositam capite, vera somnia se vi-furos. Peneis amnis filiam dixerunt, quòd in eius ripis plurima adnasca-tur laurus. Hanc verò Apollinem adamasse fingunt. Enimuero Sol, qui & Apollo, ignis, & in ipsa arbore vis ignea plurimum inest, & ille Deus certa oracula reddere dicebatur. Hæc autem diuinationis esse signum dicitur. Nam & vaticinijs accensa auxiliari dicitur. Cæterùm & puellam Sophronem, id est, temperantiam, vel sobrietatem appellarunt, quòd diuinationo ex sobrietate proueniat. Vocata etiam Sibylla, quæ pluries Spar-tanis respondit.

*De olea Minervæ dicata, & quòd olea venia & pacis
index sit.*

CAP. IIII.



INERVÆ oleam hac ratione dicatam aiunt, quòd illius
inuentrix fuerit. Vnde Vergilius:

- Olea Minervæ

Inuentrix.

Georg. I.

Volunt enim oliuam manu virginea satam, & excultam,
vberiores fructus præbere. Puritatis siquidem amantissima, labisq; ne-
scia: idèd Minervæ virgini dedicata. Diodorus tamen oleæ inuento-
rem Mercurium fuisse scribit, non Mineruam, quemadmodum Græci.
Alibi tamen hic huic oleæ, oleiq; educendi exprimendiq; inuentionem
tribuit. Nam ante Mineruam, hæc cum cæteris syluestribus, immista,
ignotaq; erat, vilisq; habebatur. Cicero verò de natura Deorum, Ari-
steum Apollinis filium oleæ inuentorem scribit: Martianus autem Ca-
pella, Minervæ sacram dicit, quòd artes & disciplinæ, quarum illa Dea
est, oleo, ac lucernarum lucubrationibus perdiscantur. Sic enim ait:

Hic nam vernicome frondent tibi munera oliuæ,

Ars & cura vigil per te quòd discat oliuæ.

Præterea olei munus, Minervæ esse, Phurnutus scribit, quod etiam mor-
talibus dedit: Semper enim in virore est, & glaucum colorem præ se fert.
Oleum insuper adulterari alio humore nequit, verum semper in sua sin-
ceritate permanet.

Quod olea venia & pacis index sit, & adagio ἔλαιον ἐκ

ἐνεστὶν τῷ ληκύθῳ.

CAP. V.



RÆCI oleam ἔλαιον vocant, & oleum ἔλαιον ab ἔλεος,
id est, misericordia. Etenim pacis supplicantium ac contri-
stantium symbolum olea est. Vt qui veniam poscerent,
oleam manibus gestarent. Athenienses enim contrà Ti-
mocratem sordidati, & oliuam gestantes supplicare soliti
fuerant, autore Demosthene. Artaxerxe Ocho, vt in vita Philippi autor
Siculus, Sidonem obsidente, quingenti ciuitatis primores, oleæ ramos
ferentes Artaxerxi obuiarunt, pacem postulantes: Xerxe autem in Athe-
nienſes expeditionem ducente, Timon & Androbolus, quum primùm
oraculum consulissent, & infaustum responsum ab eo accepissent, se-
cundum illud ramos oleaginos ferentes consulūt. Deuictis item Cartha-
ginienſibus, consulente Annibale, ad Scipionem ad deprecandam pa-
cem & misericordiam, decem è ciuitatis principibus illi feligunt, quos
enim nauis, oliuæ ramis velata, deferebat. Cùm autem Romani cum
Persa Macedonia Rege, bellum gererent. Alexandrini legati, sordidati,
barba & capillo promissis, & oleæ ramos ferentes, in curiam Romanam
progressi ad miserationem procubuerunt: vt scribit Liuius: quo item
autore, eodem etiam rege deuicto, Rhodiorum oratores, habita prius
oratione, veniam deprecantes, & ramos oleæ gestantes vniuersi proci-
p derunt.

derunt. Apud Apuleium mulieres propter homicidium viduæ, sibijpsis à iudicibus commisereri cupientes, ramos oleaginos ferunt. Sed iam ad poëtas diuertamus, vt his maior fides, propter illorum fictiones ex his, quæ suprà ex historiarum schola retulimus, adhibeatur. Vt à principe Latinorum, videlicet ipso Vergilio incipiamus; vt potè etiam, qui longioribus hanc rem patefecerit:

- *Placitam paci nutritor oliuam.*

Æneas apud eundem, nauium funes, ob tēpestatem soluendas iubet, & olea ad commiserationem implorandam coronatus. Sic enim de eo ille:

*Aen. lib. 5. Ipse caput tonsæ folijs euinctus oliuæ
Stans procul in prora pateram tenet: extaꝫ salſos
Porricit in fluctus, ac vina liquentia fundit.
Prosequitur surgens à puppi ventus euntes.*

Et idem Æneas apud eundem:

*Aen. lib. 7. Centum oratores angusta ad mœnia regis
Ire iubet ramis velatos Palladis omnes:
Donaꝫ ferre viro, pacemꝫ exposcere Teucris.*

Et idem Pallanti occurrenti Æneas:

*Aen. lib. 8. Paciferaꝫ manu ramum prætendit oliuæ.
Iamꝫ oratores aderant ex vrbe Latina
Velati ramis olea, veniamꝫ rogantes.*

Et in vndecimo:

Vbi Seruius, non coronatos incessisse ait, quod lugentes non decebat, sed in manibus tantum ramos detulisse, quod miserantium erat. Statius in duodecimo Thebaidos:

*Mite nemus circa, cultaꝫ insigne verendo
Vittata laurus, & supplicis arbor oliuæ.*

Reliquum, vt hanc rem insigni Daudis Regis testimonio finiam. Ait enim Psaltes ille regius: Ego autem sum sicut oliua fructifera in domo Dei. Speraui in misericordia Dei, in æternum & in seculum seculi. Aliud nobile elogium superest. Columba enim, post commune omnium animantium naufragium, à Noa ex arcæ ergastulo, tertio emissâ rostro oliuæ ramum pertulit: Generi videlicet humano à Deo summo pacem redditam significare volens. Græcum etiam adagium est, ἐλαιον ἐκ ἐνεργου τῷ ληκύθῳ. Id est, Non est oleum in lecytho. Vbi precibus iam non est locus. Ab Aristophane in Auibus refertur. Quare autem pacis & misericordiæ signum olea sit, apud neminem legi, quod meminerim. Quapropter hanc ex meipso promere libet sententiam. Quod hæc arbor, Mineruæ, Deæ, mulieri, & virgini dicata sit, à quibus facilius venia impetratur.

De Mineruæ & Saturni super Athenarum nominis impositione, certamine. CAP. VI.

LONGA



ONGA & varia, diuerſorum auctorum, tum poetarum, tum aliorum quoq; ſuper Athenarum totius Græciæ vr- bis nobiliſſimæ atque ampliſſimæ, & omnium bonarum doctrinarum & artium cultricis ſtudioſiſſimæ, & feracis agri opulentiſſimæ, nominis impoſitione hiſtoria, vt non ab re poetæ ſuos Deos, itemq; apud eos celebratiſſimos, Neptunum videlicet, & Mineruam, ſuper hac re diſceptaſſe, etiam ad ſuccumbentis vſque vindictam, finxerint. Sic enim Cicero pro L.Flacco, de ea ſcribit: De quorum vrbiſ poſitione, propter pulchritudinem, inter Deos certamen proditum eſt. Cum enim à primordio diſſoluta elementorum com- miſtione tellus primùm Athenis emicuiſſe dicitur, hac ratione plurimum & loci pulchritudine capti Neptunus, & Minerva, deq; ſibi ciuitatis di- cando nomine, contendere cœperunt. Verùm Iupiter illorum contro- uerſiam dimouere exoptans edixit, eum oppidi principatu potiturum, qui hoc meliori poſſeſſione donaret. Neptunus tunc portu, atque naua- libus exornat, Minerva autem in Acropoli, cum lætam & virentem, tum fructiferam oliuam edit, cuius ramum in coronam contorquens, capiti ſuo impoſuit, omniumq; calculo vicit, & ciuitatem de ſuo nomine nun- cupauit: quippe Minerva ἀθήνη dicitur. Multi Areopagorum iudicio id ſancitum arbitrantur. Aliter ab Hygino: aliter autem à Seruio. Scri- bit enim ille, decertatum inter eoſdem Deos fuiſſe, qui primus eorum in terra Attica oppidum conderet, ſecundumq; Mineruam à Ioue, quòd in ea terra oleam ſeu iſſet, iudicatum. Hic autem hoc modo: Poſt enim illorum longam contentionem, dijs placuit, vt eius nomine ciuitas ap- pellaretur, qui munus hoc mortalibus melius protuliſſet. Tunc Neptu- nus percuſſo litore, tellus equum animal, bellis aptum produxit: Miner- ua autem iacta haſta, oliuam procreauit, quæ res melior comprobata, quòd pacis inſigne foret. At nonnulli Neptunum tridente arcem percuſ- ſiſſe, & inde aquarum ſaltiſi hauſtus proſiluiſſe: vt poſt fons in arce fuit, qui Neptuni diceretur: Mineruam verò in eadem cuiſpidis haſtæ ictu oleam euocaſſe, quæ quia vtilior omnibus viſa eſt, vt ei Athenæ cede- rent, arbitratum. Alij aliter, vt poſt longam altercationem, in id à litem dirimentibus, conuentum fuiſſe, vt ambo ſimul Athenis præſiderent. De hac enim contentione ſic Statius in Thebaide:

Ipſe quoque in pugnos vacuatur collis, vbi ingens

Lis ſuperum, dubijs donec noua ſurgeret arbor

Rupibus, & longa refugum mare frangeret vmbra.

Et Vergilius:

- Tuq; o cui prima frementem

Endit equum magno tellus percuſſa tridenti,

Neptune.-

Locus autem, vbi Neptunus & Pallas iudicium acceperunt, Iouis ſuffra- gium appellatum fuiſſe Probus ſcribit. Ab hoc enim certamine ſeptimus apud Athenienſes menſis *Πρωτεσιων* dicitur: & eſt duodecimſus. Ma- u- tem Varro, hanc fabellam ad rem veram hoc modo traducit: Ædifica- tis enim Athenis, & ibi imperante indigena Cecrope, in arce ſpontè

enata olea, & ibidem alio loco, aquarum scaturigo. His verò prodigijs perterritus Rex, atque timens, ne hæc portenta, futurarum calamitatum forent prænuntia, certos Apollinem Delphicum sciscitatum misit. Quibus tandem respondit, vti bono essent animo, neque ostentum illud, mortalium malo aliquo euenisse, verum Deorum contentione binorum de nominis super vrbe impositione decertantium. Per oleam enim Mineruam, per vnam verò Neptunum significari, liberumq; nunc esse Atheniensibus, ex vtrius Dei appellatione ciuitatem suam denominare. His autem à legatis Cecropis renuntiatis, mares & fœminas, ad conferenda suffragia conuocat. Per id enim tempus, mulieres ad publicas consultationes aduocabantur. Mares autem pro Neptuno, mulieres pro Minerua sententiam tulere: & quia hæ numero plures, vt ferè vbique est in sexu fœmineo, pro Minerua vicerunt. Quare Neptunus indignatus, marinis fluctibus Atheniensium omnem terram inundauit, vt visa sit mari persimilis quædam facies. Quem vt triplici mulierum supplicio placarent, censuerunt Atheniensēs. Primum, ne quis mulieres *ἀθηναίας* vocaret, neque nascentiū ullus materno censeretur nomine. Tertiò ne posthac mulieres suffragia ferrent. Horum verò nonnulla, diuus Aurelius Augustinus, dum Dei magnam plurimis doctrinarum variarum camentis truit ciuitatem. Fabulæ autem locum, ex re ipsa, Themistoclem dedisse, Plutarchus in eius vita autor. Etenim summo labore effecit is, vti ciues, omiſsa nauigatione, ac maris studio, arbores conferrent, atq; vt regionem illis adimplerent, fertilioremq; redderent, maximè verò oleis, quarum ager Atticus apprimè ferax esset, & ex illarum fructu non minimum quæstum facerent: vnde lex postea apud eos lata, cuius Demosthenes contra Macartatum meminit: ne quis Athenis oleam effoderet, nisi ad templorum Atheniensium, vel ad municipalia munera, aut cum ad finus vtendum est, ad suos verò vsus, quotannis binas oleas tollat. Quod si contra quisquam effecerit, pro singulis oleis, drachmas centum arario publico pendunt: cuius verò multa decima pars Mineruæ sunt.

De olea apud Athenas in arce Mineruæ. CAP. VII.



A hac autem, de nomine Athenis imponendo controuersia, siue etiam propter oleæ arboris in illa patria feracitatem & vtilitatem, postea semper Athenis maximo in honore fuit: vt post hanc victoriam inoleuerit, vt eum meliorem significare velimus, cui oliuæ ramum porrexerimus. Quod expressit Vergilianus Æneas, cum ait,

Optime Graiugenum, cui me fortuna precari,

Et victa comptos voluit prætere ramos.

De oliuæ enim intellexit, vt interpretatur Seruius. Prætereà Dionysius Halicarnasensis, in præceptis orationis panegyricæ, signum victoriæ oliuam esse dicit. Ab eo item certamine, ferunt postea oleam illam à Mineruæ excitatam, per longissima tempora in arce perdurasse. Quæ summa religione, ac veneratione, si qua apud gentes omnes vnquam alia, ab

Atheni

Atheniensibus & cæteris Græcis habita. Hæc Morias dicta, à cæde Halirrhothij Neptuni filij. Sophocles in Oedipo Coloneo sacras oleas Athenis fuisse scribit: Quarum autem Iupiter cognomento Morios custos erat, cuius sacellum prope Academiam erat, quod ibi primum sicut & ficus inuenta sit. Alij secundam ibi fuisse asserunt. Verum ut ad historiam Halirrhothij reuertamur: hunc Mars de medio sustulit, quum vim Alcipæ, quam ex Agraulo Cecropis filia genuerat, intulisset. Verum in hac historia dissentiunt etiam autores. Etenim plures oleas ponunt, quas quum Halirrhothius Neptuni filius excidere in odium Palladis victoriæ tentasset, sibimet securim, cum aberrasset, impegit ut inde occumberet, ut à casu hoc, oleæ nomen desumpserit, vel quia quisquis oleas possideret, portionem, quam *μῆρος* vocant, Panathenæis persolueret. Herodotus autem in arce Athenarum templum Erechtheios terrigenæ fuisse scribit, & in eo oleam Mineruæ, & mare in Neptuni, & illius testimonium. dissensionis. Hæc autem arsit, cum Athenæ Medorum incendio conflagrasset: sed eodem die ad duorum cubitorum altitudinem repullulauit (autor Pausanias.) Persæ iterum cum Xerxes Græciam inuasisset, illam exusserunt. Ad quam quum Athenienses, altera ab incensione die, ad rem diuinam missi templum ascendissent, fructificasse inuenerunt, edito à stipite, virgulti instar. Epimenides autem Phestius, ab Atheniensibus accersitus, Solonis, ad legum condendarum rationem adiutor fuit, in quibus nonnulla, prout illi ac summo viro atq; sapientissimo, minimè visa idonea, commutauit, multaq; ad Deorum cultum, & religionem, statumq; Reipublicæ instituit. Discedens verò ab Atheniensibus honores & opes largientibus nihil aliud, quàm ex sacra olea ramum poposcit. M. Antonius, accepro de Ventidij in Parthos victoria nuntio, & Labieni ab eo interfecti, Athenis, Græcis epulum dedit, & ludos in vrbe fecit, quibus & ipse, depositis insignibus, cum iuuenibus præfuit, atq; saltauit. Ab his verò contra Antiochum Commagenem proficiscens, tertium ex olea sacra excerptis. In foro oleæ ara fuit, ut in Atticis Pausanias meminit, quæ præ cæteris alijs Græcis, Athenienses magis colunt, & præferunt: quoniam humanæ vitæ & rerum difficultati potissimum conducatur. Fuerunt & aliæ apud Græcos oleæ sacre, ut apud Milesios, quæ post diuitum ac popularium intestina & perniciofa bella, spontè exaruit. Tanti omnis Græcia hanc arborem fecit, propter primariæ vrbis. nominis impositionem. Apud Sicyonios, ante Mineruæ templum ab Epepeo extractum, effluxisse oleum; non pauci obseruarunt.

De myrto Veneri dicato.

CAP. VIII.



MYRTVS Veneris tutelæ subiecta, & coniunctioni dicatur, quare Vergilius,

Formosa myrtus Veneri.

Et apud eundem, Aneas Veneris filius spectaturus ludos,

Velat materna tempora myrto.

Georg. 1.

Et alibi de Augusto Iulij adoptiuo:

- Et te maximus orbis

Autorem frugum, tempestatumq̃ potentem,

Accipiat, cingens materna tempora myrto.

Habuit enim Iulius originem ab Ænea, de quo idem:

- *Solido Paphia de robore myrtus.*

Hic etiam syluam myrteam apud inferos cingere campo fingit, in quibus essent, qui amore roderentur: quòd Venus amoris dea esset:

Æneid. lib. 6.

Nec procul hinc partem fusi monstrantur in omnem

Lugentes campi, sic illos nomine dicunt:

Hic quos durus amor crudeli tæbe peredit,

Secreti celant calles, & myrtea circum

Sylua tegit.

Stattius etiam myrtum Paphiam vocat, propter insulam Paphum Veneri dicatam. Mulieres insuper, vt Plutarchus in Numa prodit, mense Aprili, Veneri sacrificabant, quòd is mensis huic Deæ sacratus esset, ad cuius Calendas myrtò coronatæ lauarentur. Veneri myrtæ Romæ ad vicum intimum sub monte Auentino ara vetus fuit. Ma. autem Varro Murtatam vocabat. Postea verò Plutarcho, Murtia dicta est. Quod probat Linius, dum ait, Ad Murtiæ datæ sedes Latinis, scilicet à rege Anco, ad habitandum. Et Apuleius in sexto sui asini aurei: Conueniant (inquit) retro ad metas Murtias Mercurium prædicatorem. Sic enim antiqui vocarunt, quod præter modum, non moueat, ac hominem murcidum faceret, & minùs desidiosum. Veneri simulacrum ex myrto pullulante ad flumen Hermù fecit Pelops. Quare Hippodamiæ consecutus est nuptias. Nunc prosequendum, quare hæc planta Veneri dicata sit: & variæ à pluribus opiniones assignantur. Phurnutus hanc ratione esse ait, quòd hæc planta ad amores conciliandos faciat. Alij quòd Venus in mari, videlicet Cyprio, nata sit, vnde ἀφροδίτη & Cyprigena. Amat enim myrtus maris littora, quare Veneri sacra: vel, vt etiam Seruius ait, quòd huius arboris in mulierum necessitatibus, vsus multus ac plurimus sit, sicuti medicorum libri indicant. Cæteri verò ob arboris odorem: nempe Venus & odoribus & vnguentis delectatur. Cauebant etiam ne Veneri buxum offerrent, expiantes suam salacitatem. Propter Venerem insuper, non temerè coniunctioni consecratur myrtus: vnde genus vnum myrti, coniugale à Plinio dicitur, quod electum fuit, quum Romani & Sabini propter raptas virgines dimicare voluissent, vt subinde locus, vbi pacificati essent, Veneri Cloacinæ dicatus sit: à verbo cloare, quod antiquitus purgare erat. Græcorum etiam antiqui musici, vt Plutarchus in Symposiorum libro primo ex Aristoxeno & Philo. autoritate scribit, dispositis circa vnam mensam lectis, accumbentes myrteis per vices coronis redimiti, sententias & amatorias cantilenas per obliqua carmina succinere confueuerant.

De rosa & philyra Veneri dicatis, & de naucratite
corona.

CAP. IX.

ROSA



OSA etiam Veneri sacra est. Vergilius in rosa:

Sideris, & floris est domina vna Venus. Gratias numero tres, ex Libero patre progenitas fingunt poëta. Quarū in Elide atque in foro templum fuit, & illarum simulacrum, cuius vultus, manus, & pedes, ex candido marmore fuerunt. Vestimenta aurea. Harum enim vna rosam tenebat, media talum, tertia verò myrti ramum non admodum magnum: hoc modo effigiata, quòd myrtus & rosa Veneri dicata sint. Hac autem ratione Veneri rosam dicarunt antiqui, vt quemadmodum breui hæc tempore duret, & ocysimè marcescat, sic forma & voluptas venerea citò pereunt. Quod Hieronymus Angerianus festiuo disticho notauit:

Pulchra breui duras rosa tempore forma breuiq̃

Tempore, sic formæ par rosa tempus habes.

Rubet præterea, pungitq̃. Nam & libido ipsa verecundiæ opprobrio erubescit, pererratiq̃ aculeo stimulat. Græcorum tamen nonnulli, Palladi rosam, vt oleam, attribuunt, propter Myrsinen Atheniensem puellam, huic multum dilectam: à iuvene autem, quòd eum palæstra, cursuq̃ superasset, interfectam, & in myrtum conuersam dicunt. Rosæ verò fructum, Philostratus Cupidini, non eius matri, deuouit, quem tota facie æmulari videtur. Primum enim paruo tempore permanet, & recens semper sit, temporis non sentiens senium: ita Cupido recens, atq̃ semper iuuenis, mollisq̃ est. Coma item aurea est. Nam & rosa, aureum quid in flosculo habet. Pro spinis rosæ, iaculum fert, pro folijs alas, pro facibus fulgorem. Philyram etiam Veneri Phurnutus dedicat, quia apposta Venerem ciat, & quòd ad nectendas coronas ea maximè vtantur. Ad vltimū de naucratite corona dicendum. Ea enim è myrto contexta fuit: huius verò hanc originem perhibent. Vigesima siquidem tertia Olympiade, Horostratus, ciuis Naucratiotes, & negotiator præpotens, Veneris imagunculam dodrantalem (opus antiquissimæ artis) Paphi mercatus est. Quam cum Naucraticum, in patriam veheret, adeò ingens circa Ægyptum exorta tempestas, vt vbi locorum nautæ essent, omninò ignotarèt. Omnesq̃ ad Veneris signum conuersi, salutem exorarunt. (Fuit enim dea Venus, Naucratiotibus semper propitia) quæ precibus permota, & sedata tempestate, omnia sibi adiacentia, in myrtos virides, repentè conuertit, totamq̃ nauim suauissimo odore repleuit. In patriam verò reuersus Horostratus, simulacrum simul cum myrtis in Veneris templo reposuit, & ad conuiuia conuocatos amicos, omnes myrto coronauit, eamq̃ coronam Naucraticam appellauit. Prætereo hîc super hac corona Græcorum controuersias.

De hedera, ferula, & picea Baccho dicatis, & de adagio,

πολλοὶ δὲ ναρθοφόροι παῦροι δὲ βράχοι.

CAP. X.



EDERAM Græci Dionysio dedicarunt. Ouidius in Fastis:

- Hedera gratissima Baccho est.

Nonnulli insuper Dionysium ab hedera vocitatum dicunt, quam

quam τὸ διονύσιον vocant, Acarne populus Atticus, Dionysium & hederam vno & eodem nomine κιστὸν vocabat, illicq; primum visam contendebant: autor Pausanias. Veruntamen Antipater in notissimo epigrammate ἀκάρητην per epitheton, hederam vocat. Coronabatur etiam Bacchus hederæ pampinis, & ficulneis frondibus: vnde corymbifer. Ouidius:

Festa corymbiferi colebat Græcia Bacchi.

Nysam autem urbem in India, sub radicibus montis Meri, inter Cephenum & Indum amnes Bacchum condidisse, plures suis monumentis prodidere, & ibi hederam in sui memoriam plantasse, quæ solùm eo loci alatur. Nam in tota India hederam, nisi in Mero monte prouenire negant. Is autem mons Liberi Patris femur vocatur: quòd is in Iouis femore subcreuerit. Hunc autem Alexander Magnus, cum amicorum comitatu, & peditum agmine, conscendit, atq; hedera vestitum comperit. Quod vbi Macedones conspexere, ea coronati, Libero Patri laudes lætabundi cecinere. Nam iam antea longo tempore, longo etiam itinere, in omni India, hunc fruticem non conspexerant. Alexandrum insuper, coronato ex hedera exercitu, victorem ex India, exemplo Liberi Patris rediisse ferunt. Euan enim Bacchi nomen est. Quare Indi hederam, euan vocant, veluti memoriæ mandauit Hesychius. Apud Lacedæmonios autem, Liberi Patris simulacrum, hasta insigne, colebatur (inquiens Macrobio) cuius mucro hedera lambente protegebatur. Cissus præterea Liberi Patris pusio fuit, & illius saltator. Qui quum ante Deum tripudiaret, ad terram prolapsum interijt. Terra autem in honorem Bacchi, fruticem sui nominis produxit, qui vitem (Liberi Patris inuentum) inter germinandum circumplecti solet, eo modo, quo adolescens Bacchum in saltationibus amplecti consueuerat. Ægyptij verò Osirim hederam inuenisse asserabant, quare illi dedicarunt, autore Diodoro Siculo, vocabantq; illi che-nosirin, vt Plutarcho in Onosiride est. Hæc enim vox Osiridis plantam denotat. Osirim autem idem cum Baccho esse, multi prodiderunt: sicuti etiam ex gestorū & historiæ conformitate deprehenditur. Lucius Apuleius in somnis, se vidisse Osiridis sacerdotes, thyrsos & hederam ferentes quemadmodum Bacchi sacerdotes faciunt. Quare autem hedera Libero Patri dicata sit, alij ad hederæ naturam referunt, cæteri verò ad historiā. Nam Ouidius in Fastis Nyssades Nymphas Bacchum puerum (quaerente nouerca) in cunis hedera cooperuisse scribit. Phurnutus autem ad hederæ naturam retulit. Frequentioribus enim articulis nodosa, quibus significet, ebrios vacillare, & titubare, & portatu faciles. Vel quòd ebriorum vox, quasi articulata sit, ac titubans, nec vno contextu intelligibilis. Quare thyrsus, cuius mucro, lambente hedera protegebatur, Baccho dicatus, quo (inquiens Macrobio) denotabatur impetus furoris, patientiæ vinculo obligandos esse. Nam hedera vincendi ac obligandi naturam habet. Etenim ebriorum pedes, parum suum officium efficiunt. Festo, etiam hac ratione dicata, quòd ille semper iuuenis, ita quoq; hæc semper virens: vel quòd sicut illa hominum mentes illiget, ita & ille. Alij contra-

riæ opinionis sunt: non quòd ebrietatem repræsentet, aut quòd vino aduerfetur, vt Plutarcho placuit, verùm quòd ille anni tempeftates imitatus fit. Nam cùm vitiligineam coronam defideraret, & ex anni ætate, vitis frondibus vidua efferet, hedera faciem cœpit adornare, qua demum vitis vice vſus. Similitudine etiam horum, qui cùm vini amantes ſint eo carentes, hederaceo potu vtuntur. Ea etiam (vt inquit Phurnutus) Bacchi caput cingitur, quòd ea non admodum viti diſſimilis fit, & quòd hedera bacca vinearum botris reſpondeant. Eam prætereà Bacchanalibus, & nocturnis ſacris adeſſe Plutarchus in Problematis ait, quòd cùm mulieres bacchicis furoribus corrumpi & affari velint, & cupiant, ad hedera ex tempore ferebantur, quam manibus diuellebant, & lacerabant. Nam & ſpiritum habere credebant, quo mentes in furorem concitarentur, & loco mouerentur, vt ebrietatem etiam atq; vinum induceret, ac hilarem faceret, vt in furorem procliuſ eſſent. Hac inſuper thyrfos, galeas, & ſcuta adornabant. Nunc de ferula, quæ etiam Baccho, & Sileno, alijsq; comitibus dicata eſt. Vergilius in Gallo:

Venit & agreſti capitis Syluanus honore,

Florentes ferulas.

His autem propterea dicata, quòd ad baculum aptiſſima ſit, & infirmos in ebrietate pedes, leui hoc pedamento regat. Euſebius enim de præparatione euangelica, ideò Bacchum *ναρθικοφόρον* appellatum dicit, quia cùm homines merum biberent, & in furorem verterentur, ſe bacculis inuicem feriebant: vt ſæpe inde mori contingeret, & vt malum iſtud euitarent, ferulis vt iuaſit, quarum leuis, & non ad mortem iactus eſſet. Alij autem quòd aſinorum pabulo gratiſſima ſit: quare hoc animal Baccho dedicatum. Aliam verò Plutarchus, in Sympoſiacis affert cauſam, quòd ſi inter pocula, qua in parte quandoque peccatum ſit, leuis puerilisq; reſprehenſio ſufficiat. Nam & pueri ferula caſtigantur. Libero autem Patri initiati ferulam geſtabant, Græcè *ναρθικοφορεῖτες*, dicti, & *ναρθικοφόροι*, Platoni in Phædone, Bacchi miniſtri, quaſi feruligeri: vnde manauit adagium, πολλοὶ δὲ ναρθικοφόροι, παῖδοι δὲ βάκχοι. Piceam etiam veteres Libero Patri dicarunt, quòd vina gratiora ac ſuauiora reddat, ſi eo loci nata ſit vinea, vbi antea piceæ ſubcreuerint. Nam & locis calidiſſimis felicitàſſimè proueniunt, cuiuſmodi loca vitis deſyderat.

De cupreſſo Diti ſacra, & fabula Boreæ & Cypariſſi.

C A P. X I.



CUPRESSVS Diti conſecrata eſt. Quare autem id, varias ac multiplices cauſas, partim ex arboris natura, partim ex poëtarum fabellis, multi attulerunt. Nam eius generis arbos exciſa, nunquam amplius ex ea quicquam renaſcitur, vt nihil propterea ex ea, atque de mortuo ſperandum ſit. Mortuorum autem animas omnes ad inferos deſcendere, quorū Deum Ditem, arbitrabatur antiquitas. Propterea Hor. ait, nullam, quam viuī ſeuimus, arborem nos ſequi mortuos, quàm cupreſſum: ſic enim in Odis ait:

q Neque

*Neque harum, quas colis, arborum,
Te, præter inuisas cupressos
Vlla breuem dominum sequetur.*

Ad ædes enim posita, signo funebri est. Per eam enim funesta ostenditur domus: sicut frondes festæ lætam indicant. Alia etiam ratione affigebatur, ne quisquam pontifex, per ignorantiam domum ingrediens, pollueretur. Quare feralis dicta. Vergilius:

*Ingentem struxere pyram, cui frondibus atris
Intexunt latera, & ferales ante cupressos*

Constituunt. - Petronius Arbiter:

Gaudet ferali circum tumulata cupressu.

Et Silius:

At feralis decus mæstas ad busta cupressos

Funereas. -

Quippe etiam vrendis funeribus apta. Vergilius:

Ergo instauramus Polydoro funus, & ingens

Aggeritur tumulo tellus, atraq; cupressu. ... Lucanus:

Et non plebeios luctus testata cupressus.

Statius in sexto Thebaidos:

Tristibus interea ramis, teneraq; cupressu

Damnatus flamma torus, & puerile pheretrum

Texitur. - Claudianus:

- Tumulos testata cupressus.

M. præterea Varro, pyras cupressu circumdari scribit, propter grauem vstrinæ odorem, ne ea offendatur populi circumdantis corona, quæ tandem stabat, respondens fletibus præficæ, id est, planctuû principi, quando consumpto cadauere, collectisq; cineribus, dicebat nouissimum verbum, licet, quod ire licet, significabat. Hinc Vergilius:

- Dixitq; nouissima verba.

Bene præterea, quod etiam Seruius testatur, Vergilius ante Cereris deæ lugentis ædes, cupressum, funebrem arborem posuit,

- Templumq; vetustum

Aen. 2.

Desertæ Cereris, iuxtaq; antiqua cupressus

Religione patrum multos seruata per annos.

Thucydides etiam illorum ossa, qui in bello occubissent, in arcis cupressinis condi solita esse scribit: quod hæc arbor feralis esset, aut etiam propter eius materiei diuturnitatem. Alia ratione cupressum luctuosam Asclepiades edisserit. Fuit enim Boreas Celtarum Rex, qui filiam Cyparissam genuerit, quæ cum mortua fuisset, ad eius tumulum cupressum plantauit, ut posteris ob eam causam funebriis fuerit. Aliter Lactantius Placidus: Cyparissus Telephi filius ob ceruum in Chio insula interfecit, tantum condoluit, ut cibo omnino abstineret, & inde contabuerit. Vel etiam quod infructuosa sit. Addidit etiam Romanos intestatas familias hac denotare. Omen vnum, futuræ mortis Seueri principis fuit, referente Ælio Spartiano. Æthros quidam, è numero militari fuit, claræ quidem inter scurras famæ, & iocorum non illepidus artifex. Is cum corona è

rona è cupressu factitata principi occurrit. Quem protinus princeps ira percitus ab oculis abigi præcipit, motusq; omine illo, astantibus ioci causa dixisse fertur. Totum fuisti, totum vicisti, iam deus victor. Martianus tamen ex hebeno coronatum scribit, hisce verbis: Pluto lucifuga, inumbratione pallefcens, in capite coronam ex hebeno, tartareæ noctis obscuritate feruescens. Indi tamen cupressum venerantur, atque inter aromata connumerant.

*De pinu Cybela dicata, de Ida monte Troadis, & pinu
in eo pulcherrima, & Aty fabula.* CAP. XII.



INVS. Cybelæ, Deorum matri dicata: Quare pini nuces, poma Cybeles Martiali festiuo pœtæ dicuntur:

Poma sumus Cybeles, procul hinc discede viator,

Ne cadat in miserum nostra ruina caput.

Cybelæ idcirco sacra, propter Atym ab ea adamatum, atq; in hanc arborem transformatum. Vnde Ouidius in sua Metamorphosi:

Et succincta comas, hirsutaq; vertice pinus

Grata Deum matri, siquidem Cybeleius Atys

Exiit hac hominem, truncoq; induruit illo.

Fabulam autem hanc, vt nihil ad eius cognitionem desit, ex plurium monimentis longius describere animo est. Atys autem speciosus puer fuit, qui sacris matris magnæ præfuit. A suæ autem ciuitatis Rege flagranter dilectus. Qui cùm ab eo sibi vim inferri intelligeret, in syluas ad Cybelem profugit. A rege autem inuentus, cùm illi vim adferre conaretur, Dea stupratoris verenda abscidit. Qui moriens, & facinus vlscisci cupiens, puero eadem perfcindit. Quem quum sub pinu semianimem iacentem Cybeles antistites inuenissent, in templum deportarunt, nixiq; sunt, verùm frustra, reficere. Mortuum verò sepelierunt: sed vt eius in perpetuum memoria permaneret, edixit Deorum mater, vt quotannis plangeretur, cuius etiam cultores castrarentur. Iuuenalis:

Semiuir obsceno facies reuerenda minori,

Mollia qui rupta secuit genitalia testæ. Ouidius:

- Mollesq; ministri,

Cadunt iactatis vilia membra comis.

Pinum autem arborem, sub qua ille iacuerat, tutelæ suæ Dea adscripsit. Sunt qui Atym, cùm per mare Phrygium nauigaret, ad flumen Gallum vsq; peruenisse memorent, cuius potu ad insaniam versus, silice testes sibi amputasse. Hanc autem fabulam Arnobius contra gentes, aliter, atq; latius describit. Fuit autem Atys Nanæ Sangarij amnis natæ filius. Hæc autem illum hircino lacte enutriuit. Phryges verò hircum, atagum vocant, vt inde Atys nomen sortiretur. Hunc Deorum mater enixissimè admauit, sed perditissimè Acdestis. Quod Midas Rex Pessinuntius sentiens, atq; vt illum ab infami, nefandaq; eius coniunctione tutum faceret, filiam suam ei matrimonio destinat: & vt nequis eius munia nuptialia violaret, eos intra oppidum recludit, illudq; muris, turribusq; circummunit. Cy-

q 2 be

Satyræ 6.

bele autem Atys resciscens fatum, ciuitatem ingreditur, turribus spoliatur: unde postea turrata visa, & cognominata. Quod ad eius libertatem fecit. Sciebat enim non aliâs inter mortales saluum & liberum quemquam esse, quâdiu matrimonij scedere victus esset. Accestis verò amore, iraque exestuans, propter puerum à se alienatum, conuiuantibus furorem ingerit, fitque non minima rixa. Ad vltimum verò Atys sub pini arbore se proiecit, genitalia sibi defecat, quæ in Accestim iaculatur, prolatis his verbis: Habes hæc, propter quæ tantos furialium discriminum nobis concitasti motus. Tandem cum sanguine vitam efflat. Abscissa autem Deum mater legit, veste inuoluit, & in terra recondit. Flos & viola è sanguine nascitur, ex qua arbor redimitur, cœptumque postea est, sacras pinos hoc flore velarier, ac coronarier. Accestis enim Iouem deprecatur, vt Atys reuiuisceret: quod finit minimè, donat tamen, vt corpus nequaquam putrescat, verum in comas semper virides crescat, & minutissimis folijs viuatur, quod testaretur illorum continuus motus. Ida mons Phrygiæ pinis refertissimus, quam ob rem matri magnæ attribuunt. In eo enim fuit pinus ingens, quæ à magnitudine & speciositate, Pulchra nominata est. Ambitus eius fuit pedum vigintiquatuor, altitudo à radice sexaginta & septem. Tota eius altitudo, duorum iugerum, & quindecim cubitorum spatium amplectebatur. De hac Attalus apud Strabonem. Distabat ab Adramyntho stadijs centum octoginta ad Septentrionem. Fraudi etiam pinum consecratam Seruius ait, quod eius poma per fraudem interimant.

*De populo Herculi, mali punici fructu Mercurio, Persea
Harpocrati, dicatis.*

CAP. XIII.



ERCULI populus consecrata fuit. Vergilius: Populus Alcide gratissima. De qua etiam intelligit, dum dixit:

- Herculeæque arbor, umbrosa corona.

Idem in quinto in ludis iuuentutem fronde populea velatam fingit: quod Ἥβη, id est, Hebe, siue iuuentus, Herculis vxor sit, cui populus dicata est. Hoc autem phyfici, vt Probus ait, ad naturalem causam allegoricis referentes, Herculem tempus significant, ac ei populum deuouent, propter colorem album, quo dies accipitur, & nigrum, quo nox. Vnde Salij Herculi ad aram maximam in foro Boario sacra facientes, populi fronde coronabantur. Vnde Vergilius:

- Herculeæ bicolor cum populus umbra

Velauitque comas, folijsque innexa pependit. Et non longè post:

Tum Salij ad canus, incensa altaria circum

Populeis adsunt euincti tempora ramis.

Docent tamen alij coronam lauream his præfici. Cæteri verò ad fabulas referunt, & ad albam tantum populum. Vnde Pausanias, albam populum acheroidin vocat, contra Aristoteles nigram. Quod primus is, iuxta Achrontem Thesprotidos amnem genitam ad Græcos transfulerit. Ideò Homerus Acheroidam appellauit: vt fabulæ dein originem dederit, propter Acherontem inferorum fluuium. Quum autem apud inferos Hercules

Æneid. lib. 8.

cules descenderet, & labore defatigaretur, corona ex hac arbore complexa, caput, propter sudorem, velasse dicitur. Vnde foliorum pars altera, quæ temporibus adhærebat, exaluit: pars verò exterior, propter inferorū calorem nigra permansit. Qui colores in ea permanserunt, vt bicolor postea fuerit. Alij autem eum ab inferis redeuntem, primū arborē istam contemplant, atque se inde coronasse, conueniente plantæ, colore albo huic euentui, quum è tenebris in lucem commearet. Persecam arborem Ægyptios Harpocrati dicasse, Plutarchus in eo libro, quem de Iside & Osiride conscripsit, autor. Hac enim ratione, quòd eius folium linguæ, fructus verò cordi persimilis sit, atq; si duobus his silentium intelligere velit. Loquitur enim lingua, quod cor cogitauerit. Quippe Harpocrates silentij deus. Quod intelligitur ex digito labra comprimente, vt nos tacere debere moneat. Apud Græcos, qui eruditissimi fuere, vt Clemens Alexandrinus in Stromatis prodit, Mercurio mali punicæ fructum dicarūt. Nam veluti in eo quamplurimæ latebræ sunt, sic & in oratione, quam Mercurio attribuerunt. Malum tamen punicam, in honorē Iunonis plantari, Apollonius Tyaneus dicebat. Hæc fuit antiquorum erga suos deos religio, vt illis arbores deuouerent, & illas adorarent. Sub his etiam sacrificia facerent, & ab his responsa peterent. Ad quas Christianæ fidei athlete sæpe trahebantur, vt illorum ritu adorarent, & venerarentur. Quod quum facere renuerent, sæpe illorum imprecatione, & Christi miraculo, radicibus euulsæ, aut efflagratæ corruerunt. Vltimo tandem supplicio afflictī sua morte, Christi fidei testimonium præbuerunt.

Præfatio libri sexti.



ACTENVS arborum laudes ac religio: iam enim locus sese offert, vt institutum nostrum aggrediamur: vt ante tamen nonnihil de hortorum significatione, illorum ornatu, tutela, amœnitatibus, & nonnullis multis alijs illos pertinentibus, disseramus. Quod omninò silere & præterire, ingratum fore existimaui: præsertim verò, cum has nostras commentationes & vigilias sub illorum appellatione, cuique legendas, in publicum emissem. In quibus verò, non tam exoticarum, quàm cicurum, & nonnullorum fruticum, historiam, aggressus, vt in vniuersum illarum materiam, sub illorum denominatione amplecti voluerim: Non enim plus domesticam, quàm syluestrem faciunt homines quidam, tanta est illorum erga arbores amicitia, vt omnes hor-

torum nomine & illorum incolatu, digna apud eos visa sint, ut indifferenter has in hortis, in corte, ante ades tum publicas, tum priuatas sæpius habeamus, quarum aspectu, quarum umbra, mirum absque ullo delectu, afficimur, delectamur. Sed iam hortos ipsos ingrediamur.



HORTORVM LIBER S E X T V S.

Horti quid, & de illorum varia appellatione, & quis primus Athenis instituerit.

CAPVT I.



VNT autem horti, ut ab illorum institutione incipiamus, si plurali numero proferantur, non oleum, aliarumve herbarum, verum arborum: ut horti Alcinoi, Sallustiani, Luculliani, Pompeiani, Curtiani. Et horum significatio, siue etiam singulari numero enuntietur, apud antiquos (Festo Pompeio autore) latissima fuit, ut etiam omnis villa comprehenderetur: Dicti quippe sunt, quod ibi oriuntur, qui arma capere possint. In duodecim præterea legum Romanarum tabulis, ut Plinius ait, nusquam nominatur villa, semper in ea significatione hortus, in horti verò hæredium: ut hacce appellatione non huiusmodi priuatus cuiusque locus contineatur, verum amplæ latæque regiones, quæ fertilitate perspicuæ, & arboribus domesticis frugiferæ, riguæque, & amcenæ comprehenduntur. Omnis enim Panhormitis Sicilia regio, à Græcis κήπος, id est, hortus, appellata est: quod (inquit Callias) tota fructiferis arboribus referta sit. Et vniuersam Italiam, pomarium, suis temporibus vnum fuisse M. Varro, ab arborum consitarum copia, scribit. Quod sentit etiam Horatius, dum hortorum suæ tempestatis damnat luxuriam. Cuius versus hinc inferere, lectori minimè onerosum fore arbitror:

Libro 2. Carm.

*Iam pauca aratro iugera regie
Moles relinquent: vndique latius
Extentæ visentur Lucrino
Stagna lacu, platanusq; cœlebs
Eumcet vltimos: tum violaria &
Myrtus, & omnis copia narium
Spargent oliuetis odorem*

Fertilibus

Fertilibus domino priori.

Tum spissa ramis laurea fernidos

Excludet ictus.

Omnis quoq; Iordanis & Pentapoleos regio, antequam deleteretur, hortorum designatione, propter arborum copiam & regionis fertilitatem, hortorum appellatione (inquirente diuo Aurelio Augustino) demonstrata est. Hortorum autem significationis sunt & alia plura vocabula veluti pomarium, à pomi ampla denotatione. Ovidius:

Id metuens, solidis pomaria clauferat Atlas

Mœnibus.-

Palladius Rutilius pometum etiam dicit. Alij verò pomarium maluerunt dicere. Arbuſtum etiam, etsi improprie vocabulo. Arboretum enim Q. Claudius, in primo annalium, referente Aulo Gellio, his verbis, Conualles (inquit) & arboreta magna. Quod tamen ignobilius verbum, hic existimat, Arbuſtum verò celebratius. Græcè *παράδεισος* (autore etiam apud Latinos Aulo Gellio.) Hanc tamen vocem, quidam Persicam, vt Xenophon, arbitrantur: quod Iulius Pollux etiam innuere videtur, cum ait vocabulum barbarum esse, verum consuetudine, in vsum Græcum peruenisse constat, vt alia multa Persica. Oppidi etiam nomen in Cœlesyria, Strabone autore. Sylua etiam pro hortis accipitur. Cicero in Verrem, actione sexta, quæ signa nunc Verres, vbi sunt? Illa quæro, quæ apud te nuper, ad omnes columnas, omnibus etiam intercolumnijs, in sylua deniq; disposita, sub dio vidimus. Vbi Asconius exponit, in sylua, id est, in viridario. Græci autem campos, planities, viridaria, hortos quoq; vna voce, *κῆδον* vocant. Vlpianus Iurisconsultorum consultissimus, De fundo instructo, in Digestis seu Pandectis, de præfectis curandis viridarijs meminit. Hoc enim postremum addendum, Epicurum hortorum magistrum Athenis constituisse, atq; vt in ipsa vrbe hortos, agros, villasq; possiderent, quibus delicijs indulgerent. Vsq; enim ad eum, in oppidis nullus arua coluerat. Hortos verò ille octoginta minis comparauerat. De quibus sic Statius:

- Luxuq; carentes

Delicia, quas ipse suis digressus Athenis

Mallet deserto senior Gargettius orto.

Epicurum enim intelligit, qui è pago Gargettio natus fuerat. Iuuenalis etiã,

- Non Epicurum

Suspicit exigui latum plantaribus horti. Et alibi:

Quantum Epicure tibi paruis sufficit in hortis.

Satyræ 13.

Satyræ 14.

Macelatum Iones, M. Varrone scribente, hortorum ostium vocabant.

De hortorum adornatu, & quòd in his statuae repositæ fuerint.

C A P. II.



N adornandis verò hortis, antiquorum non minima, neque segnis cura fuit, vt ne labori quidem & diuitijs iidem pepercerint, quo sumptuosius ædificijs pretiosiores, atque amœniores semper

semper forent: quod testatur Iuuenalis:

Contentus fama iaceat Lucanus in hortis

Marmoreis.—

Siquidem in his porticus, & longè, lateq; deambulacra erecta. In his structa sphæristeria, hypocausta, vt Celsus, referente Vlpiano libro octauo Digestorum testis est. Longè perquisiti fontes non tam irrigationis causa, quàm delectationis. In his etiam Deorum ædes, cauata viuaria, varijs etiam picturis ditati. Ibidem enim signa, dispositi obelisci, vt ibi nihil ad decorem, nihil ad oblectationem faciundum, præterierint, quæ ad animorum voluptatem, ad bonam corporis valetudinem, & incolumitatem facerent, ac desiderarentur, prout per loci opportunitatem licuit, & dominorum facultates, vt non magis ad vtilitatem quàm ad delicias positi sint. Scribit præterea Ammianus obeliscum alterum in hortos Sallustianos esse translatum. Statuas autem hortis repositas, clarè in Verrem Cicero edocuit. Hæc & alia (de signis loquitur) Scipio non negligenter obiecerat, sed & Thermitanis restituerat. Non quò ipse hortos, aut suburbanum, aut locum omnino, vbi ea poneret, vllum haberet, sed si abstulisset, non diu Scipionis appellarentur, sed eorum, ad quoscunq; ipsius morte venissent. Idem alibi: iuxta Romam, quæ asportata sunt à M. Marcello è Syracusis, ad ædem Honoris atq; Virtutis. Itemq; alijs locis videmus, nihil in ædibus, nihil in hortis posuit, nihil in suburbano. Idem pro domo sua ad pontifices dicit, P. Clodium in ædilitate sua è Græcia de insulis signa deportasse, quæ partim in arca, partim in hortis suis locauit. Scribit itaque Plinius, Domitium Tullum hortos amplissimos habuisse, & eodem, quo emerat, die, plurimis atq; antiquissimis statuis instruxisse: sed iam ad signa, quæ in illis sigillatim reposita inueniuntur, transgrediamur: Quorum transferendorum Græcorum consuetudo fuit, quos & imitatos Romanos, & alios par est dicere. Alcámenes Venerè à se effictam, in suis hortis Athenis posuit, inquit in Imaginibus Luciano. Opus quidem inter ea, quæ in ciuitate illa viserentur, & in pretio haberentur, præcipui spectaculi. Plinius enim illic in Adrianis hortis fuisse commemorat. In Seruilianis hortis Romæ Ceres, Flora, Triptolemus, Praxitelis opera fuerunt: & in illis etiam Vesta sedens circa eam cum duabus chameratis, Scopæ opus, & Calamidis calatoris Apollo. Pythias Daçtylidis. Amphistrati verò Callisthenes historiarum scriptor. Quos laudatos fuisse, hic scribit. Nero autem princeps, vt hic etiam asserit, se depingi in linteo iussit. Longitudine verò centum viginti pedum. Illud incognitum ad illa tempora. Hæc autem pictura, cum peracta fuisset, atq; in hortis Marianis locata, fulmine accensa, cum optima hortorum parte conflagrauit. Hoc enim modo in hortis posita signa, postea vendere contra religionem prohibitum fuit. Fallanio autem prætentum crimen scribit Tacitus, quòd diuenditis hortis, Augusti simul statuam mancipauisset. Nam in prisca illa ætate, in hortorum venditione numinum simulacra & statuæ minimè venibant: quod contra esse postea Tiberius declarauit. Nunc & hodie quoq; hunc pristinum morem Romæ obseruari videmus, vt quicquid ex antiquis statuis reliquum est, in
hortis

hortis seorsum ponatur. Quod autem ad templa pertinet, constat Romanos, Fortunæ templum, in hortis à Cæsare populo legatis exædificasse. Cæsarem autem Fortunæ beneficio, ad summum euectum fastigium, illi existimarunt. Cæterum quicquid visu memoratuq; dignum antiquis visum fuit, in hortis designabant, veluti Pusionis & Secundillæ corpora fuere. Quæ autem in Sallustianorum hortorum conditorio ob proceritatem reposita sunt, quæ fuit, autore Plinio nonnū pedum & totidem vnciarum, addito semipede. Vixere enim illi sub diuo Augusto. In hortis etiam conuiuia, præcipuè verò festiuiora, atq; celebriora peragebantur. Sic enim in Philippicis Cicero: dat natalitia in hortis. De M. Antonio loquitur. Nuptias ibi etiam fieri, testis Scæuola Iurisconsultus, in his eius fragmentis, quæ impiè Iustinianus nobis tantum reliquit, videlicet in titulo, de donationibus inter virum & vxorem. In hortis etiam natus M. Antoninus Philosophus, in monte Cælio, vt prodit Capitolinus. Et vt aliquid extra Ethnicorum historias conferam, Nonne Adamū & Euam, nostros primos parentes, I E S V S . C H R I S T V S totius orbis conditor, in hortis, quos in Eden Orientis regionem seuit, plasmauit, & ad suam similitudinem effigauit? In quibus sedes nostras constituerat, sed ab his illi ob illorum reatum expulsi, atq; exules & extorres facti.

In cuius tutela, horti assignati: § de Priapo hortorum deo.

C A P. III.



HORTOS etiam religio quædam comitatā est, tantum contra inuidentium effascinationes dicata, atq; in remedio satyrica signa posita sunt. Veneris tutelæ assignauit Plautus, Festus Pompeius, illi duo templa consecrata, duodecimo Calendas Septembris fuisse scribit: alterū ad Circum maximum, alterum in luco Libitinenfi. M. etiam Varro, ad rem rusticam Venerem adueneratur, cuius procuratio hortorum sit. Quo nomine vinalia rustica sunt. Priapum autem hortorum deum cæteri voluerunt. Dictus autem Græcè ἰθιφάλλος, quæ vox etiam columnam recti membri denotat. φάλλος enim priapus est, ἰθυσ rectus, quare in obscæno carmine legitur,

Astans inguinibus columna nostris.

Vnde phalagogia sacrificia, quæ Priapo fierent. Ægyptijs verò Typhon M. Varro inter deos Semnones, qui neq; cælestes, neq; terreni essent, recensuit. Inter deos verò à Græcis receptus, propter eam corporis partem, in qua omnium animantium ortus sit. Vt ista appellatione animalium progenerationes demonstrarentur: vt propterea in honore esset: & ab generationis causâ hortorum curam assignauerunt, quòd hortis nihil fœcundius. Phurnutus enim ait Priapum idem & Pan esse: Ambo enim è dæmonum numero, & Priapum fœcundum asseruerunt. Magnitudo autem membri virilis seminalem materiam significat. Diuus Aurelius Augustinus Mutinum deum esse, eum quem Græci Priapum vocant, scribit: Sunt autores, qui Beelphegora Priapum existiment. Bacchi autem

r & Ven

& Veneris filius fuit, vti Apollonius, Diodorus Siculus, & Theodorus de affectionibus Græcorum, suis monumentis mandarunt. Hac scilicet ratione: Voluptatem enim Veneri, ebrietatē verò Baccho. Voluptas enim ebrietati iuncta, obscœnas corporis partes intendit, vt Hierophantes, id est, sacrorum magister interpretatur. Idcirco hunc ac Silenos Liberi Patris comites Eustathius scribit. Porro ex Græcis epigrammatibus animaduertere est, Priapo vt plurimum, in maris litoribus dicata fuisse templa. Quod hominum genitura, vt mare, falsa sit: & à Priapo Lampſacum, nobile Helleſponti oppidum, portu inſigne, ad mare conditum est: atque etiam propter vinorum copiam Demosthenes scripsit. Suidas verò ex Ioue ac Venere progenitum affirmat. Quam quum grauidam Iuno senſiſſet, Zelotypia commota, fascino quodam, Veneris vterum attigit, efficitq; vt turpis, præter omnes, ac deformis, ingenti pene dehonestatus, nasceretur, & exiguæ ſtaturæ, vt ait Theodorus, quod ostendit Auſonius, Quod pube pudenda Helleſpontiaci ridetur forma Priapi. Cuius verò deformitatem, quum puderet matrem, in monte quodam expoſuiſſe ferunt: & à pastore educatum, qui lingua Itala Priapus vocitaretur. Alij verò, quorum alter Apollonius, in Lampſaco derelictum, quare vrbi nomen primo ἀπαρῖς, deinde literæ mutatione ἀβαρῖς, quod ibi filiū denegauerit: τὸ γὰρ ἀπαρνεῖσθαι, negare ſignificat. Quum poſtea Lampſacenſis mulieribus pernimum gratus fuiſſet, à viris exactus eſt. Verum quum poſtea aliquo malo afflicti fuiſſent, eidem templum erexerunt, ac ſacrificia conſtituerunt. Ægyptij Oſiridem à Titanibus interemptum dicunt, & eius corpus in fruſta diuiſum, atq; æquis portionibus illorum cuiq; largitum, demptis pudendis, quod ea ſinguli reſpuerent. Ideoq; in flumen deiecta. Sed Iſis, occiſis Titanibus, mariti necem vlta, omnes cadaveris partes in hominis priſtinam effigiem compoſuit, quam ſepeliendam ſacerdotibus tradidit. Verum cum ſola deficerent virilia, nec reperi poſſent, illorum figuram, in templo, quod iuxta Nilam eſt, ſuſpendi, ac coli iuſſit. Lucianus autem Priapum vnum è Titanibus aut Ideis dactylis fuiſſe arbitratur, quem Iuno Marti obtulit: durum porro rudemq; verum ſupramodum virilem. Quem prius quàm armorum peritum redderet, ſaltatorem peritiſſimum effecit. Priſci nanq; inſequente Diodoro, cum vellent hominum pudenda occultius, ac honeſtiore vocabulo nominare, Priapum dicebant. Quod noſtra quoq; etiam tempeſtate verecundius fit: vt hæc etiam dictio nihil honeſtatis nedum deitatis habeat, ab omnibus in re etiam obſcœna exoſa. Demosthenes etiam in oratione contra Cononem probrum eſſe ait, quod nonnullis Priapi aut heluonis cognomina imponantur. Hortis dicitur præeſſe, propter eorum fertilitatem & ſœcunditatem, vt iam ſupradictum eſt. Nam cæteri agelli, ſemel quid annuatim procreent, horti verò fructu aliquo ſemper perennes ſunt. Columella:

*Non tibi Dedaleæ quarantur munera dextra,
Nec Polycletea, vel Phragmonis aut Agelada,
Arte laboratus, ſed truncum fortè dolatum*

Arbori:

*Arboris antiquæ numen venerare Ithyphalli,
Terribilis membri, medio qui semper in horto,
Inguinibus puero, prædoni falce minetur.* Tibullus:

*Pomosisq; ruber custos ponatur in hortis,
Arceat ut sæna falce Priapus aues.* Vergilius:

Et custos furum, atq; animum, cum falce saligna

Hellepontiaci seruet tutela Priapi.

Georg. 4.

Verum non solum hortorum, sed & vinearum atque agrorum tutelam illi commiserunt priapei. Quod de vineis vno epigrammate expressit Valerius Martialis. Priapus loquitur:

Non rudis indocta fecit me falce colonus:

Dispensatoris nobile cernis opus.

Lib. 6.

Nam Cæretani cultor notissimus agri,

Hos Hilarius colles, & iuga læta tenet.

Aspice quàm cæto videar non ligneus ore,

Nec deuota focis, inguinis arma geram:

Sed mihi perpetua nunquam moritura cupresso,

Phidiaca rigeat mentula digna manu.

Vicini (moneo) sanctum celebrare Priapum,

Et bis septenis parcite iugeribus.

De pluribus alio expressit epigrammate:

Non horti, neq; palmitis beati,

Sed cari nemoris Priapei custos,

Ex quo natus es, & potes renasci,

Furaces, moneo, manus repellas,

Si defecerit hoc, & ipse lignum es.

Vergilius in Bucolicis:

Sinum lactis, & hæc te liba Priape, quotannis

Expectare sat est: custos es pauperis horti.

Ecl. 7.

Nunc te marmoreum pro tempore fecimus: at tu,

Si sætura gregem suppleuerit, aureus esto.

Phurnutus autem sic depingebat: omnis enim generis fructus in suo sinu gerit: quod fructuum indicat copiam, qui intra terræ sinum, statis temporibus & nascuntur, & ostenduntur. Propterea hortorum deus traditur, quod eius sit, ea & seruare, & tueri, quæ genuerit. Falcem verò manu gerit cuius usus in putandis vineis & arboribus est, ut eius putatione multa fertiliora reddat, quæ postea denuò excidat, depopuletur, & perdat, ut ad laborandum iterum conuertat homines, ut otiosi non sint, & bona consequantur. Egyptij, qui nil in suis tum publicis ac religiosis ceremonijs, sine quadam rerum naturali ratione figurant, aliter eum depingunt, quem humana facie statuunt. Dextra manu sceptrum gestantem, perinde ac si ab eodem terra mareq; in lucem edita fuissent: sinistra verò, suisq; erectum membrum tenet, quo semina humo aspersa in apertum mittat, cuius motu celeritatem significat, & disco, orbis circumferentiam, illi solem existimant. Sacerdotes autem illius non nouitios, sed sacris iam initiatos esse oportebat. Hanc autem effigiem, & eius designa-

tionem, poetæ suprà citati ostenderunt, & explanatius Horatius, cuius carmina sequuntur:

serm. lib. 1.
sat. 8.

*Olim truncus eram ficulnus, inutile lignum,
Cum faber incertus scammum, faceretne Priapum:
Maluit esse Deum: Deus inde ego furum, animumq;
Maxima formido: nam fures dextra coercet,
Obscenoq; ruber porrectus ab inguine palus:
Est importunus volucres in vertice arundo,
Terret fixa, vetatq; noxis considerare in hortis.
Quicumq; deus fures, vel salce, vel inguine terret.*

At Ovidius:

Latini autores, ut ex iam relatis manifestum est, ex ligno ficulno fabrefactum dixere, ita & Græci: inter quos Theocritus *Θειοκρίτος* *Εὐφροῦς ἀπὸ τῆς Ἐφύης* *Ζάωνος*. Corinthij magna veneratione Priapi sacellum cultum, ut scribit Strabo, habuerunt. Non in templo solum, colebatur, sed in agrestibus locis, ubi caprarum, ouiumq; pascua essent, & apum examina, Pausanias in Bœoticis. Ægyptij hircum vocabant, propter eam corporis partem, à qua sit omnium ortus. Quare Orpheus eum protogonon vocavit. Apud Blammias & Nubatas Æthiopiarum populos (ut inquit Procopius) ubiq; huic cum risu & ludo sacrificabant, veluti etiam autore Synesio illi & Cotydi, turpitudinis deæ, sacrificia peragebant, ut quiq; comam constringerent, & vnguento perungerent: quod turpe semper existimant. Alibi verò quibusdam festis florea corona velare solebant, scribente diuo Augustino: quod ex Valerio Flacco etiam cognosci potest, cum canit:

Lib. Argon. 2.

- Transmissaq; pupi

*Lampfacus: Ogygi, quam nec trieterica Bacchi
Sacra, nec arcanis Phrygius furor inuehit antris.
Sed suus in Venerem raptat Deus, illius aras,
Urbe super, celsiq; vident velamina templi.*

Per ea verò velamina intelligit, ut plures interpretantur, simulacri velamenta. Apud Lampfacum autem Priapo lætabilis victima asellus erat: cuius sacrificij ratio in Fastorum primo & septimo libris ab Ouidio reddita. Cuius verba, quia nimis oblonga, hic inferere placuit. Quum autem Dij Deæq; omnes ad festum Matris Magnæ conuenissent, & vino bene poti omnes, epulisq; distenti, lusibus noctem, humi quiescentes, transigerent. Vesta verò, vel ut ille in primo ait, Lotis nymphea obdormiuit, cuius somno ac pudicitia, animaduertens hoc Priapus, insidiari cœpit. Verum illa asini clamore, quo Silenus ad festum vectus fuerat, excitata, libido amatoris detecta est. Quare in ultionem illi mactatur asellus. Aliter enim qui Phænomena scripserunt, inter quos Higinus. Liber Pater asino, quod eum furijs à Iunone immixtis agitatam, paludem transuexisset, ut Dodonam expiandi causa peteret, præmij loco dedit, ut voce humana loqueretur. Inter hunc autem & Priapum super membri virilis magnitudine ortum certamen, in quo superior fuit asellus. Quamobrem iratus Deus, victorem interemit. Verum aliter Lactantius, idq; magis verius. Nam cum

cum in hoc animali, membri genitalis magnitudo enormis sit, nulla huic monstro victima aptior potuit reperiri, quam quæ ipsum, cui mactatur, posset imitari. Coruus auis etiam illi dicatur, quod illius simulacrum (ut ferunt) adueneretur. Quod ipse Deus apud Horatium testatur:

Attention at siquid, merdis capui inquirer albis

Cornorum.

Hæc etiam auis satyrica dicitur. L. Florus: Iterum Pontino agro, cum in simili pugna Lucius Valerius, insidente galeæ satyrica alite adiutus, retulit spolia. Et inde Coruini nomen sortitus. Eruca etiam herba iuxta Priapi statuum ferebatur, quod Venerem incitet, ut ostendit Columella:

Et quæ frugifero seruitur vicina Priapo,

Excitet ut Veneri tardos eruca maritos.

Priapi elogium in prophanis poetis in Catullo poeta festiuissimo & doctissimo finire decreui:

Hunc lucum tibi consecro Priape

Qua domus tua Lampsaci est, quæque Priape.

Nam te præcipue in suis urbibus colit ora,

Hellepontia: ceteris ostriosior oris.

Alibi idem atque profusius:

Hunc ego iuuenes locum, villulamque palustrem

Tectam vimine iunceo, caricisq; manipulis,

Quercus arida, rustica conformata securi,

Nutriui magis, & magis ut beata quotannis.

Huius nam domini colunt me, deumque salutant

Pauperis tugurij pater, filiusque

Alter assidua colens diligentia, ut herba

Dumosa, asperaque à meo sit remota sacello,

Alter parua ferens manu semper munera longa.

Florido mihi ponitur, picta vere corolla

Primitiæ, & teneræ virens spica mollis aristæ.

Lutea violæ mihi, lacteumque papauer,

Pallentesque cucurbitæ, & suauolentia mala,

Vua pampinea rubens educata sub umbra,

Sanguinea etiam mihi (sed tacebitis) arma

Barbatus linit hirculus, cornipesque capella:

Pro quæis omnia honoribus hoc necesse Priapo

Præstare, & domini hortulum vineamque tueri,

Quare hinc o pueri malas abstinete rapinas:

Vicinus prope diues est, negligensque Priapus

Inde sumite, semita hac deinde vos feret ipsa.

Superest uti ex Bibliorum historijs nonnihil ad hunc obscænum Deum afferamus. Asa Rex Iudæ Maacham matrem, à principatu amouit, quod lucos consecrasset, & ibi Priapi signum erexisset. Quod ille iuxta torrentem Cedron subuertit, confregitque & combussit. Huius verò nominis ciuitas in Asia, prope Dardaniam fuit. Huic autem nomen inditum, quod

ibi Priapus magno cum honore coleretur. Quidam enim à Mileijs, alij à Cyzenis conditam scribunt. Ad hanc autem Alexander Magnus transcendisse fertur. Vereor ne in describenda huius tam obscœni Dei historia, à plerisq; ob nimiam diligentiam, optimo iure coarguar, utq; etiam hominem castum ac Christianum, hæc parum deceant. Verum enimvero hæc magis in Gentilium spurcam, & deridendam, infandamq; religionem scripta vnumquemq; scire velim, quàm in eius Dei notitiam. Et non alia à me ratione descripta, quàm à Prudentio viro docto ac Christianissimo, memorata fuere. Itaq; dum hortos meos omni cura, atq; omnibus monumentis, quanta possum opéra atq; industria sero, illorum nomen me præterire non oportuit: ut tamen eius cognomina & multa alia ex industria obtinuerim. Sed quid de illo Deo senserit Prudentius, videamus:

*Ecce Deum in numero formatus, & æneus æstat,
Gravis homo, angusta quæ Numæ præfulget in arce:
Strenuus exculti dominus quondam fuit agri.
Hortorumq; opibus memorabilis, hic tamen idem
Scortator nimius, multaq; libidine suetus,
Rusticolas vexare lupas, interq; salicta,
Et densas sepes, obscœna cubilia mire:
Indomitum intendens animum, semperq; paratum
Ad facinus: nunquam calidis dabat otia venis,
Hic Deus è patrio prænobilis Helleponto,
Venit ad vsq; Italas, sacris cum turpibus hortos
Sinum lactis, & hæc votorum liba quotannis
Accipit, ac ruris seruat vineta Sabini:
Turpiter adfixi pudeat quem visere ramo.*

Sed iam ad alia transeamus.

*Hortorum amœnitates, & quàm mirificè varijs nos rebus
afficiant.*

CAP. IIIL.



N T E R eas verò res, quæ delectatione quadam nos afficere solent, & possunt, pluris faciundæ, atq; magis æstimandæ sunt quæ cum voluptate ipsa, vtilitatem simul & honestatem nobis afferunt. In quarum verò numero, primas sibi vendicant horti ipsi: ut in his ambigi possit, plûsne vtilitatis, quàm amœnitatis habeant: ut tamen possimus existimare, quanta sit in his iucunditas & volupras. In quibus etiam nihil est, quò minus homines, sobrij, eruditi, quiq; modicè ad virtutem, quantum satis est, sapienter vtantur fruuntur. Nemo enim ab his sapiens vnquam abstinuit. Non desit (inquit Vergilius) hortis & voluptas maxima. Quibus etiam & necessitas, multisq; commissa modis iucunditas, ut non tam prouentus, quàm oblectamenti causa comparati, aut consiti esse videantur. In quibus etiam per nos metipsos delectari possumus. Quod C. Caninij testimonio est. Erat enim (ut Cicero ait) Romanus homo, nec infacetus, nec satis literatus. Cùm se Syracusas otandi causa, non negotiandi (ut ipse

ipse dicere solebat) contulisset, dicitabat se hortulos aliquos velle emere, quò inuitare amicos, & vbi se oblectare, sine interpellatoribus posset. Nam si in aliqua totius agriculturæ ratione voluptas quædam inest, tum maxima in hortis, atq; in illorum operis lata exercitatio. Et refert (vt Vergilius ait) plenior gratiam, tribuitq; colenti multiforme gaudium. Hortorum quippe innumera ac varia delectationes. Quorum oporothecas, vt M. Varro autor est, magis auemus, quàm Luculli pinacothecas. Primum verò, iucundiore prospectu, oculos nostros, vberima voluptate, decussatis arborum ordinibus, capiunt ac pascunt, terram ipsam vestientes, vt in quam te partem verteris, & inciderit visus, ipsa late circumspiciendi libertate sese extendente, alliciatur, & reficiatur: longis etiam amœnisq; deambulacris sese offerentibus, in quibus ambules, & passu leuiore, ac perreptante te exercere valeas, ramis densarum arborum patulis, conspicuisq;, & fronde festiua, te cooperiente, & legente: vt illarum vmbra, quam nobis nectunt, & spargunt, aduersus Solis radios & syderum flagrantium molestias, nos tueri, ac defendere possimus, comis ipsarum arborum leuib; Solis potentiores radios excludentibus, ac si solem ipsum feruidum, harum fronde, eludere videaris. O quàm suaue est æstate in media, atq; sub vtriusq; Canis ardentissimo æstu, arborum opacitate refrigerari: quod Tibullus nobis ostendit:

Sub canis æstiuos æstus vitare sub vmbra.

Quàm gratus autem, atq; iucundus est herbarum subtus arbores viror, qui florum multitudine, & colorum diuersitate solum depingit. Nam (vt ait Maro) Flores nitescent discolorum gramine, pingunt terras gemmeis honoribus. Et Claudianus:

Quum post labores sub platani cubes

Virentis vmbra, vel gelido specu

Torrentiorem fallere Syrium,

Et membra somno fessa resolveris.

Dulcissimum quippe erit, ponè fontem limpidissimum & lucidissimum sub viridi amœnissimaq; herba & iucundis floribus, membra reponere, vt cum Vergiliano pastore Melibœo dicere possis.

Tityre tu patulæ recubans sub tegmine fagi. Et post:

- Tu Tityre lentus in vmbra,

Formosam resonare doces Amaryllida syluas. Et post idem:

Fortunate senex, hîc inter flumina nota,

Et fontes sacros frigus captabis opacum.

Eadem amœnitate delectabit te vitreus à fonte discedens riuus, sulco ductus, atq; arbores irrigans, & sensim placideq; præterfluens:

Sæpe leui somnum suadebit inire susurro.

Et vt pulchrè ait Horatius:

Fontes lymphis obstrepunt manantibus,

Somnos quod inuitet leuiss. Et alibi idem:

Quò pinus ingens, albaq; populus,

Umbra hospitalem consociare amant

In Epithalamio Honorij.

Ramis:

Ramis: quò obliquo laborat

Lympha fugax trepidare riuo. Et idem alibi:

Cæna breuis iuuat, & prope riuum sonus in herba. Et alius:

- Nolles sub arbore somni.

Sequitur arborum sonus, qui tenuiter increpitans, dulcem ac multam auscultantibus incutit voluptatem. Quum Zephyrus susurrantibus atq; murmurantibus plantis, illarumq; folijs tremantibus ac lasciuientibus ramusculis, auram illam mitem & paulum refrigerantem, leniter nobis inspirat, vt auium cantus, maximè verò cygnorum imitari, audiatur. Est nempe arboribus (vt inquit Ausonius) musica,

Somniferumq; canit sepes depasta susurrum

Est & arundineis modulatio musica ripis,

Incubuit folijs quoties leuis Eurus acutis.

Nec minùs suaues arborum flores tibi erunt. Quorum aspectus, ex generis diuersitate, & colorum varietate ac multitudine, oculos tuos iucunda voluptate alliciet. Neq; item vno solùm tempore, verùm diuerso, altero videlicet deficiente, & altero nascente, vt te ex industria longius afficere fatagent: vt etiam vno in loco, & flores, & iam grandæscentes fructus videre sit. Hos insuper integerrimus & fragrantissimus odor comitatur: qui ex differentibus plantis, varijsq; odoribus, dulcem & suauiem odorum compositionem efficient, vt illius olfactu magis delinieris. In stirpium verò numero atq; differentia, dein quædam oblectatio, vt in illarum discrimine, tum in caudicibus, & ramorum agendorum varia natura, atque folijs, ac floribus, tum demum in fructibus nonnihil est, quod cum animi voluptate contemplari possis, insuper & tueri, quoto anni tempore quæq; planta germinet, & quæq; ferat. Cæterum primo vere, omnes gemmas trudent, quæ mox in flores erumpunt,

- Nunc omnis parturit arbor,

Nunc frondent syluæ.

Deinde verò poma, & varios fructus producunt, qui in colorum mutatione ematurefcunt. Nam vt Tibullus ait,

- Et Autumno candida mala rubent.

Vti maxima anni parte, te plurimis animi affectibus delectent,

Dulces (vt ait Propertius) cerasos, hic autumnalia pruna

Cernis, & æstiuo mora rubere die. Et alius poëta ait:

Strata iacent passim sua quæq; sub arbore poma.

O quàm dulcissimum erit cuiquam eius arboris fructum, quam seruit, in seruitq; conspiciere, & proprijs manibus colligere, & eam filijs, nepotibusq; aut alteri iactabundus ostendere. Nempe (vt ait Naso)

- Oblata dulcis in vnda

Cratius ex ipso fonte bibuntur aquæ:

Et magis adducto pomum decerpere ramo,

Quàm de celata sumere lance iuuat.

Sæpius etenim arbor suis onusta diuitijs, ramos suos præ pondere in terram curuans, quas tibi, solo decumbenti vltro offerat. At in arborum generibus,

neribus, quoddam, idq; non rarum, reperire est, in quo nulla hyemis ac frigoris sæuitia, impedimento est, quò minus foliorum viriditate, & fructibus utamur, ut his æstatis beneficio fruamur. Est & alia, præterquam in ipsis arboribus, hortorum delectatio, auium videlicet modulatio. Frequentius enim arborum ramis insidentium, & passim per arbores volitantium, & vagantium, argutos edentium cantus, ut illarum sæpe grex concentum concorditer efficiat: & semper (ut ait Maro) aures cantibus mulcent suis. Animo mæsto demunt languores graues. Ibi verò philomela dies noctesq; mille per discrimina vocum recinit, certatq; ne ab alia cantu vincatur. Hirundo, huius soror, arborum in summis ramis sedens, garrulos fundit melos, summo mane itym deflens, ac sæpius inter plantarum ordines volitans, escam venatur, muscarum omnium generum inimicissimum animal, quarum molestia nos leuare videatur. Acanthilis versicoloribus insignis maculis querulo modulamine aures nostras lenit. Passer inter frondes lasciuit:

Nec tamen interea rauca, tua cura, palumbes,

Nec genere aëria cessabit turtur ab ulmo.

Egloga 1.

Merula autem sola volitans inter primas, aduentans ver gutture croceo præcinit. Cuculi verò, & galbulæ, exactam iam hyemem, nec amplius pertimescendam, voce satis indecora adclamitant. Vpupa semper cum vxore humi cibum quæritans, vno, persimiliq; semper sono, quo nomen suum exprimit, pluries repetito, contenta. Hæ autem delectationes Horatium non latuerunt. Sic enim in Epodo ait:

Libet iacere modo sub antiqua ilice,

Modo in tenaci gramine.

Labuntur altis interim ripis aque,

Queruntur in siluis aues:

Fontesq; lymphis obstrepunt manantibus,

Somnos quod inuitet leueis.

*De laudibus
Vite Rusticæ.*

At quid in auib; tantoperè immoramur? nōne & cicadæ, cantu querulæ, feruentiori etiam æstu, concutientibus alis, fortius resonant?

Apes item susurro murmurant grata leni,

Cum summa florum, vel nouos rores legunt.

Erit & in hortorum viuarijs nonnulla voluptas: In quibus natantes pisciculos visere, non ingratum fuerit, atq; eos hamo fallere ac capere. Lydi prætereà omnium mortalium mollissimi feruntur. Ij autem in hortis quo delicatius viuant, morantur. Infinitæ sunt Hortorum oblectationes, quas omnes enumerare, non quidem facile est. Verùm dum ego ipse hortorum tot atq; ingentes voluptates, omnibus notas facere conor, timeo ne ex nimia diligentia, cum hortis ipsis lasciuiente calamo lectori è voluptate fastidium pariam. Hoc vnum mihi condonabit, ut hortorum delicias postremum hoc solo finiam: ut locum illum, quem cum IESV CHRISTO, eiusq; matre & omnibus sanctis ac beatulis animalibus post mortē & huius seculi ærumnas, cum tanto gaudio, tantisq; delicijs uti à nemine possint describi, nedum excogitari, in æternum inhabitatu-

s ri sumus,

ri sumus, alio aptiore vocabulo, & magis voluptates exprimente & contingente, quàm paradisi voce appellare potuerint.

Hortos & nemora, plurimum ad animi curas, tum corporis ac laborum relaxationem & solutionem conducere.

C A P. V.



HORTOS & nemora omnibus multum, plurimumq; cùm ad corporis, tum etiam animi incolumitatem conducibilia, expetitaq; esse, cuiq; satis constat. Quoties enim ex laboribus ad requiem, & quum laxare animos cupimus, ad hortos, tanquam ad aliquod delectabile refugium, properamus, puriore vtentes aëre: quibus nec nitidiora sunt regiarum marmora, nec lacunarium vmbracula gratiora, nec museum herbis virefcentibus amœnius, nec picturæ incrustationesve, arborum floribus aut fructibus iucundiores, nec musica vlla auium mirmitiones superat. Vt omne quale quantumq; in agro lucidissimum ædificium sit, vel iuxta vrbes prætorium, sine his minùs spectabile, minusq; delectabile, vt quasi vilescat. In his autem hominum discordiæ, ciuium inuidiæ, vicinorum rixæ & alterationes silescunt. Ad hos etenim animi remittendi causa, tanquam ad pacem & silentium, & omnium amœnitatum asylum secedimus, procul ab urbium strepitu, procul à foro, à curia, longè à rostris: sapienter nonnunquam. Quod fecerunt viri sæpe graues, à Republica longissimè, deniq; à rerum omnium perturbatione. Vbi vndiq; liber animus, & à curis omnibus totus solutus. Etenim hi quietis atq; tranquillitatis animi seminaria, ac domicilia: tranquillarum verò & sedatarum cogitationum, nec non bonarum & diuinarum contemplationum, optimorumq; iudiciorum lustra, & pacifica sedes. Vt qui horum ciues sint, simul & honestatis & tranquillitatis cultores existant. Vt non ad priuatam modò vitam, verùm ad aliud viuendi diuinum genus transisse videamur. Prætereo illic iucundas amicorum confabulationes, quibus etiam animum ægrum reficere poteris. In quibus demum immoderatum & grauem luxum, ad votum commutare valeas: vt ex vrbe & innumeris molestijs, tanquam è vinculis ad has minimè repræhensibiles voluptates, & libertatem euolasse videaris. Quod de se Tacitus in dialogo profitetur. Nemora verò (inquit) & luci, & secretū ipsum, tantam mihi afferunt voluptatem, vt inter præcipuos carminum fructus, maiorem, quòd nec in strepitu, nec sedente ante hostium litigatore, nec inter sordes & lacrymas reorum comprimantur. Sed secedit animus in loca pura, atque innocentia, fruiturq; sedibus sacris. Quorum certè munia Vergilius paucis contentus, nobis aperuit,

- *Pallas quas condidit arces,*

Ipsa colar, nobis placeant ante omnia syluæ.

Et Horatius ad Meccenatem:

O quando ego te aspiciam, vel quando licebit

Nunc veterum libris, nunc somno, & inertibus horis

Ducere

Ducere sollicita incunda obliuia vite.

Superest, ut ea, quæ superius dicta sunt, principum & virorum grauium non plurium exemplis, comprobemus. Lucullus post imperatoris prosperas administrationes, nauataq; Reipublicæ negotia, atq; neglectis muneribus, ad quietam vitam se contulit. Quam ut commodius duceret, in hortos se transtulit, & quod vitæ superfluit, ibi transegit. Tiberius etiam princeps post multas res faustè, laudabiliterq; gestas, Romam reuersus, ad Exquilias & hortos Mecœnatianos transmigravit, totumq; sese ad quietem transtulit, priuata solum officia ambiens, atque etiam publicorum munerum omninò expers. Gordianus senior in hortis & nemoribus suauissimis vixit. De Aristeo sic Vergilius:

- Et cultor nemorum, cui pinguis cœ

Ter centum niuei tondent dumeta iuuenti.

Et Mecœnas, siue alius sit, illo autore,

Maluit umbratam quercum, nymphasq; canentes,

Paucaq; pomosi iugera certa soli.

Quod horti & syluæ poëtis, & viris literatis conducant.

CAP. VI.



VIRVM si horti, & syluæ, cuiq; hominum generi, ut suprà docuimus, cōducibiliores sunt, præsertim tamen viris literatis, & poëtis. Quam quidem rem illorū testimonio quod probatissimum esse, tanquam de negotio suo, & affectione propria, nemo inficias eat, ut plurimum confirmare placeat. Hæc enim solitaria, atq; abdita loca studiosis omnibus apprimè conuenientia sunt. Scriptorum quippe omnis chorus, ut ait Horatius, amat nemus, & fugit vrbes: & secessum, ac otia amare poëtæ Ouidius autor:

Carmina proueniunt animo deducta sereno:

Nubila sunt subitis tempora nostra malis.

Carmina secessum scribentis & otia quarunt.

Liberior enim poëtarum intentio & cogitatio esse debet, quæ animum excitant. Quare de bono poëta ait Iuuenalis:

- Cupidus sylvarum, aptusq; bibendis

Fontibus Aonidum.

Horatius ad Albium Tibullum sic:

Albi nostrorum sermonum candide iudex:

Quid nunc te dicam facere in regione Pedana?

Scribere quod Cassi Parmensis opuscula vincat,

An tacitum syluas interreptare salubres,

Curantem quicquid dignum sapiente, bonoq; est.

- Ne gelidum nemus,

Nympharumq; leues cum Satyris chori

Secernunt populo.

Sic ego secretis possum bene viuere syluis.

P. Terentius in via Appia, ad villam Martis viginti iugerum habuisse hor-

Epist. lib. 1.

Carm. lib. 1.

tos ferunt, in quibus secedebat, ac comœdias contexebat. In Ianiculo Romæ hortos amœnissimos Tullus Martialis Valerij Martialis poëtæ amœnissimi amicissimus habuit, vt hic pluribus versibus, pluribusq; locis celebrat. Sylvas etiam & hortos alij scriptores amarunt. Siquidem Thucydides, illorum omnium, qui apud Græcos historias descripserunt, facile princeps, bellum quod inter Athenienses & Peloponnesios decem annis gestum est, in Thracia, atq; in sylua Scapte nomine conscripsit, vt Plutarchus memoriæ mandauit. Quod autem poëtæ nemora amarint nil mirum est, cùm & Musæ, quas illi venerantur, & percolunt, sylvas quoq; desiderarint, & habitauerint. Nempe, vt Vergilius scribit,

Ecloga 6. Nostra nec erubuit sylvas habitare Thalia.

Dictæ quippe Pierides, à Pierio monte, quò se propter amœnitatem, & solitudinem transferebant.

Quod philosophi in hortis conuersati sint, & de Atheniensi Academia.

C A P. VII.



LAM ad aliud scientiæ genus, quod est philosophantium quibus horti magis quàm cæteris conueniunt, quod illorum vita iuxta ipsorum præceptiones syncerior esse debeat, & à curis mens solutior, ingenium perspicacius, studij assiduitas, labor improbius, propter illorum circa res tum naturales, tum ciuiles, profundiores quæstiones: cùm nihil sua diligentia, industria, & artificio, inausum, & ignotum nobis relinquere laborarint. Et primùm de illorū apud Athenas Academia: apud quas locus in suburbio, ab Academo, qui primus eam consecrauit, sic dictus, antea uerò Hecademea dictus. Aristophanes in Auibus *ἀκαδημίαν κατιὼν* & neutro genere etiam Academeum. Olim autem priuatum prædium, postea gymnasium, autore Suida, à principio aridum, & incultum: uerùm Cimon Atheniensis, vt in eius vita mandauit memoriæ Plutarchus, irriguū fecit, & umbrosis deambulacris adornauit. Huius uerò postea arbores L. Sylla, vt Appianus scribit, ad machinas bellicas, ad expugnandum Piræum succidit. In ea enim philosophiæ nauatum, ut ab ipso loco, Academici philosophi appellati sint. In hac enim Plato Aristonis filius uersatus, & in ea philosophari primùm cœpit. Postmodum hos quos eidem propè Anicerides comparauit: quos suis manibus coleis, & inhabitans, oleis uictitauit. Is autem Socratem magistrum de pulchro cum Phædro differentem, sub platano, ramis patulis diffusa, quam riuulus aquæ murmurantis, irrigabat, introducit. Sed præter Academiam, hortorum usus, multis alijs, ad philosophandum fuit: ut domicilium & schola illis fuerint, ut Laydis Cyrenæi in hortis, quos Attalus Rex ædificauerat. Laydiumq; ab ipso uocitati. Theophrasti Aristotelis discipuli, hortorum cura præcipua fuit, & iuxta hos ædes & deambulacra, quæ omnia moriens amicis philosophantibus testamento reliquit: hac tamen lege, ut non solum horum alienatio prohibita foret, sed ut neq; in his quisquam priuatè habitaret, uerùm ueluti quoddam sacrum communiter possideretur, haberetur.

tur. At Democritus Abderites, prope hortos, ad studium cellulam habuit, & ut Hippocrates ad Damagetum, sedilia in tumulo quodam, proceris ac frondosis populis, opaco, qui fuit nympharum habitatio, posuisse scribit: & illum sub platano philosophantem ac scribentem inuenit. Philo Iudæus, philosophus Pythagoricus, referente Eusebio, circa Mariam stagnū, hortos habuit, ubi habitauit, ibiq; philosophatus est. Palæmo Atheniensis, inter ambulandum docere consueuerat, deinde in hortis suis quiescebat. Iuxta quos discipuli tuguria construxerunt, in quibus permanerent. Timon Niceus hortorum apprimè studiosus fuit, atq; solitudinis amans. Apollonius Thyaneus (scribente Philostrato) Euxeno Heraclienfi philosopho, atq; præceptori suo, hortos donat. Et, ut generalius de philosophis Indiæ loquar, illi, ut autor est Megasthenes, in luco, ante urbem, cuius nomen ille præterit: se exercere solebant, & intra compositum quoddam circuitum frugaliter viuebant; super toris pelliceis cubantes. Et, ut paulò extra rem diuertamus, nōne & Debora (ut quid de nostris sacris literis adferamus) mulier prophetes, & ius populo Israëlítico reddens, sub palma inter Rama & Bethel in monte Ephraïmo habitauit? Hoc autem loco erit, ut de Ciceronis Academia dicamus. Is enim non minùs philosophus, quàm orator, & poëta, egregius, ut in secundo maiorem, nedum parem, apud Latinos habuerit neminè, in reliquis verò simul duobus, apud Græcos similem: quod testantur eius monimenta. Huius autem villa fuit, ab Auerno lacu Buteolos tendentibus, litori imposita, porticu, & nemore celebrata. Quam & ipse Academiam vocauit exemplo illius Atheniensis, ibi eiusdem nominis compositis voluminibus, in qua verò & monumentum sibi instaurauerat. ceu verò (ut verbis Plinij utar) non & in toto terrarum orbe fecisset. Huius in parte prima exiguo post ipsius obitum (Antistio Vetere possidente) eruperunt calidi fontes, perquàm oculis salubres, Laureæ Tullij, qui fuit è libertis eius, carmine celebrati, ut noscatur etiam ministerium eius, ex illa maiestate. Carmen ipsum dignum est ut non ibi solùm, sed ubiq; legatur:

Quo tua Romana, vindex clarissime lingua,

Sylua loco melius surgere iussa vires:

Atq; Academia celebratam nomine villam,

Nunc reparat cultu sub potiore Vetus.

Hic etiam apparent lymphæ, non antè repertæ,

Languida quæ infuso lumina vore leuant.

Nil mirum, locus ipse sui Ciceronis honori

Hoc dedit, hac fontes cum patefecit ope.

Ut quoniam totum legitur sine fine per orbem,

Sint plures oculis, quæ medeantur aquæ.

Nam, ut ipsemet Cicero scribebat, Marianam quercum, & Tusculanū secessum, loca adeò disputationibus apta existimabat. Vnde quæstiones Tusculanæ in eo loco à se disputatæ. Hinc ille etiam ad Atticū, se nullum possessionis magis genus malle, quàm hortos: ad quos emendos, pluribus literis hortatur. Prætereo enim, quòd in villis suis antiqui sua loca-

bant, quod etiam ille in M. Antonium de villa M. Varronis his verbis exclamauit. Studiorum suorum M. Varro voluit esse illud, non libidinum diuersorium, quæ in illa villa antè dicebantur, quæ cogitabantur, quæ literis mandabantur iura populi Romani, monimenta maiorum, omnis sapientiæ ratio, omnisq; doctrina, & reliqua.

Agriculturam regibus gratam fuisse, maximè verò hortorum, quos non segniter coluerunt.

CAP. VIII.



AGRORVM autem culturam, maximo semper in honore, apud antiquos fuisse, M. Catonis elogio præclarum est: vt qui eum amplissimè laudatum existimarent veteres, quum eum bonum colonum propalassent: vt ab agris ipsis, ab aratro ipso senatus Romanus Imperatores accersierit. Verùm id non solum Romanis ipsis contigit, quin etiam vbiq; terrarum antè & post, principibus, magnatibusq; semper magni existimaretur, præsertim verò nobilissima illa totius agricolationis pars, quæ est de ferendis, inferendisq; arboribus. A qua quidem, neq; reges, neq; alij viri, aut diuitijs, aut sapientia præclari, manus abstinerint, quin eam diligenter doctissimèq; tractarint. Musonius (referente Ioanne Stobæo) in opusculo, quem insigniuit, Quisnam quæstus philosopho conueniat, neminem ita effœminatum esse ait, qui dicere ausus sit, vllum agriculturæ opus, turpe aut indecens viro bono esse. Hierocles etiam in œconomico ita ait: Quod autem viro decorum non sit rei rusticæ operam nauare, pauci erunt, qui nobis in hac re non credant. Nemo præterea tanta mollitie, & dementia, & corporis raritate præditus, qui nolit serēdi inferendiq; opus subire: quin & eo autore, mulieribus non inhonestum ferentibus instrumenta porrigere, nec in colligendis oliuis se socias viris præbere. Tanti enim, siue delectatione, siue necessitate agriculturam fecerunt antiqui, eamq; honorarunt, vt illis non satis visum esset eam per semetipsos colere, ni etiam eius præcepta subditis suis atq; cæteris omnibus legenda mandarent, quò Reipublicæ ab ipsis hacce re magis consultum foret. Quæ verò non satis exactè & diligentissimè tradere valuerunt, nisi longo antea vsu exercitatione atq; experientia, prius nouissent, vt propterea rei agrestis eos apprimè peritos esse necessarium fuerit. Regum autem eiusce rei monimenta Græca fuerunt, Hieronis, Philometri, Archelaj, Attali Regis Asiæ: qui omissa regni, & cura, & administratione hortos fodijt & seuit, & postmodum huius rei præceptiones tradidit. Exterarum verò Pœni Magonis, Hannibalis, & Hasdrubalis fratris, cui senatus Romanus tantum detulit, vt Carthagine capta, cum regulis Africæ, bibliothecas partiretur. Eius autem duodetriginta volumina, in Latinam linguam transferenda studuit. Hocq; negotij, linguæ Punicæ peritis mandatum. In quo autem cæteros omnes præcelluit D. Syllanus, clarissimæ vir familiæ, & sapientiæ compositissimæ. Inter Latinos verò, Claudius Albinus Princeps, tantum excelluit, vt agri colendi experientia, qua erat peritissimus, Georgica conscripserit. Sed vt solius hortorum exercitij reges postea connumeremus,

meremus, ut primum Cyri minoris Persarum Regis meminimus, ratio pluribus persuadet. Quod ille omnium, quotquot leguntur, ditissimus fuerit, & purpuræ nitore, ac gemmarum fulgore spectatissimus, ut nihilominus, illis ingentibus diuitijs delinitus fuerit, quod minus hortos, præter cæteros reges diligentius & curiosius tractarit. Is enim ubicunq; aut ageret vel diuerteret, hortos constituebat, rebus omnibus, quæ terra ferebat, ornatos, ac resectos. In quibus verò ex rerum opportunitate, & dum per anni tempus liceret, plurimum morabatur, arboresq; ibi ferebat atq; inferebat. His autem præfectos donis ac muneribus magnificentissimè decorabat. Quorum autem opera, & industria cum regiones sibi delegatas, arboribus cultas, per exploratores comperisset, eis quoque alias curandas tradebat. Etenim arborum & hortorum tanta illi cura fuit, ut hortos in Lydia apud Sardes sua manu conseuerit, gloria magna, cum apud Græcos omnes, tum apud Lyfandrum Lacedæmonium. Is enim cum apud eum illuc venisset, ab illoq; in hos conductus, attentius ordinem, elegantiamq; arborum in quincuncem ordinem positarum, ultro citroq; conspexisset, angulorum insuper, deambulationumq; symmetriam, subsequenterq; odorem sensisset, demiratus dixit: Hæc me suspicientem detinent Cyre, sed magistri multò magis admiratio me capit, quicunq; hic ille fuerit, qui tibi talia disposuerit. Tunc Cyrus animo lætatus, atq; de suo opere gestiens, Hæc egomet, Lyfander, ordine quo cernis constitui, ut facile cernere est, quæ mea serui dextra. Tunc enim Lyfander, ut erat ornatus, respiciens, & vestium fragrantiam ac sumptus, & armillarum decorem contemplatus, dixisse fertur. Quid est, quod ais, Cyre? Tuæ hæc omnia manus plantarunt? Ad hæc Cyrus: Admiraris Lyfander. Iuro per solem, me nunquam (cum per valetudinem licuit) prius prandere solitum, quàm bellicum quid, aut rusticum opus absoluerim. Fuerunt & alij Asiæ Reges, hortorum cupidissimi. Nam illis ferendi arbores semper cura fuit, veluti multorum scriptis apparet: ut ab exteris regionibus transferre apud se arbores curauerint. Iuglandes enim è Perside, à regibus translatae, argumento sunt, Græca nomina. Clarissimæ omnium palmarum fuere regiae, sic ab honoribus appellatae, quoniam regibus tantum Persidis seruarentur, Babyloniarum natae, vno in horto Bagou. Ita enim (ut inquit Plinius) vocabant spadones, qui apud eos regnabant. Horti enim illi nunquam nisi in dominantis aula fuere. Agamemnonis manu, Delphicam platanum satam etiam ille tradit: & eius generis apud Rhegyum, in hortis Dionysius maior tyrannus habuit. Inter Latinos enim principes Antoninus Pius agriculturæ diligens fuit, auctore Capitolino. Ælius Spartianus verò ad Germanos proficiscens, hortos spatiosos comparauit. In his enim parca mensa atq; humi iacens, cum filijs epulatus est. Cum verò poma apposita essent, ac è filijs maior, qui tunc quinquennis erat, collutoribus suis, itemq; puerulis, largitiore manu poma diuississet, & pater vidisset, Parcius (inquit) diuide: neq; enim opes regias possides. Cui puer: Sed possidebo. Diocletianus maior princeps, prægrauante iam senectæ, vel propter rerum molem, spontè imperiales fasces

fascēs relinquens, & se in ordinem redigens, apud Nicomediam in proprijs agris consenuit. Nam per decem annos, quibus priuatus Salonis superfuit, hortorum amœnitatibus vacauit. Iterum ab Herculeio & Galerio ad capeſſendum rursus Imperium sollicitatus, à priuata tamen vita abduci minimè potuit. Quibus in hunc modum respondit: Vtinam Salone possētis viſere, oleta nostris manibus instituta: profectò nunquam istud tentandum iudicaretis. Testatus etiam soles latiores affulſiſſe: tandem ibi in villæ suæ palatio moritur, vt Eusebius in Chronicis testatur. Thelephanes (prodente Heraclide) apud Cymefios regnauit: quorum terram excoluit, & arboribus conſeuit. Et vt ad Hebræos tranſeamus, Nōne & Salomon omnium, quotquot Hierosolymis regnarunt, ditissimus, & omnium non Apollinis oraculo, veluti Socrates, sed Dei summi iudicio sapientissimus comprobatus, de omnibus lignorum generibus, à cedro, vsq; ad hyſopū diſſeruit: Nōne & Alexander, cui à rebus præclarè gestis, Magni cognomen inditum, Arachosios populos attestante Plutarcho, agriculturam docuit? Verùm hanc regum professionem Abdomini exemplo, qui fuit Alexandri prædicti tempore, finiendam censi. Hoc modo Q. Curtius de eo refert. Fuit autem Abdominus è stirpe regum Sidonis. Suburbanum hortum exigua colebat ſtipe. Intentus omni operi diurno, armorum ſtrepitum, qui totam Aſiam concuſſerat, non exaudiebat. Qui cū ei regiæ veſtis inſignia portarentur, inuentus eſt in horto, ſteriles repurgans herbas. Quem quum admitti Alexander Magnus iuſſiſſet, percunctatusq; eum, qua patientia inopiam tuliſſet. Tum Abdominus, vtinam (inquit) eodem animo regnum pati poſſim, vt etiam eidem reſponderit, Manus ſuas ſuo deſiderio ſuffeciſſe, vt nihil habenti nihil deſuerit.

*Quòd dei, viri etiam clari, & magnates hortos coluerint,
& agriculturam exercuerint.*

C A P. IX.



PRÆTER hos autem, qui ſue regia dignitate, aut imperatoria maiestate, memorabiles fuerunt, alij multi, diuitijs potentes, muneribus clari, magiſtratibus inſignes, dignitatibusq; ſpectabiles, multò longè plures fuerunt, qui non minori diligentia, & cura, nec minori etiam ſtudio hortos amauerint, & coluerint: quorum paucis exemplis, propter amplum numerum, contentus ero. Hercules in Ponto iuxta Heracleam, quercus duas plantauit, vt ſcribit Plinius. Harpalus Cyri præfectus, hederam in hortis Babylonijs conſerere laborauit, eam curioſè colendo: ſed nihil proficere potuit. Oliuas in Veliterno manu prioris Africani ſatas, Plinius commemorat. At Vlyſſes Itacham patriam reuerſus (ſi Homero fides adhibenda eſt) Laërtem patrem plantas purgantem, & circumfodientem inuenit, ſordidam indutus tunicam, ac indecenter laceram, & chirothecas in manibus, ruborum cauſa, habentem, qui ipſi ſingula pyrorum genera indicauit. Abrahamus Hebræus ac patriarcha, nemus apud Barſabam plantauit. Verùm quid tantoperè in hominum circa hortos cura & agricultura inſiſto?

insisto? Nónne & dij ipsi hæc peregerūt? Liber Pater in Nisa Indiæ monte platanos & lauros, iuxta templum: vt tantum soli in gyrum ad hanc rem cepit, quantum mediocri templo fatis esset, vt Philostratus scribit. Huic autem malorum inuentionem Athenæus tribuit. A Venere Dea primùm satam in Cypro punicam, fabulæ testatur. Aristeus, vt Diodorus Siculus memoriæ mandauit, Apollinis & Cyrenes nymphæ filius ac Deus post eius mortem à Græcis cæterisq; habitus, Sardiniam, consitis arboribus ex agresti cultiorem reddidit. Et vt caput istud in Nasone poëta finiam, is ferendarū arborum non perosus, sic de seipso loquitur:

Non meus amissos animus desiderat agros,

Rurâq; Peligno conspicienda solo:

Nec quos pomiferis positos in collibus hortos

Spectat Flaminia (Claudia iuncta via:

Quos ego nescio cui colui: quibus ipse solebam

Ad sata fontanas (nec pudet) addere aquas.

Sunt ibi, si viuunt, nostra quoq; consita quedam,

Sed non & nostra poma legenda manu.

De Ponto lib. 1.

De hortis, & ambulacris publicis.

CAP. X.



LEBEM, cui comparandorum, aut ædificandorum sigillatim hortorum facultas denegata est, horum tamen delicijs vsuq; priuatam iri, non tulit antiquitas. Quibus etiam post diurnas nocturnasq; operas, ac labores, sapius tamen festis diebus, ad reficiendum animum, atq; corporis robur yterentur, ac fruerentur: vt non alia ratione, theatra, amphitheatra, circi, thermæ publicæ erecta, horti publico ære sapius extra urbem empti, aut alicuius priuati munificentia dilargiti, quàm vt vsui publico inferuient: quemadmodum ciuitatum muri, fora, portus, litora. Ad quorum similem vsu, deambulacra, arborum umbra opaca etiam posita. Eiusmodi autem horti Romæ, trans Tyberim fuerunt. In quibus templum Fortis Fortunæ. Cautem Cæsar, hos vltimo suo elogio publicè possidendos populo reliquit. Prius enim M. Bruti fuerant. Cimon Atheniensis, vt multi suis scriptis testantur, plures pluribusq; locis habuit. Qui etsi illius tantum priuatè fuerint, tanta tamen fuit in populum liberalitate, vt communis cuiq; in eos accessus, nulla vnquam adhibita custodia, patuerint. Athenis etiam ille ipse forum spatiosis ambulacris, platanis ordine consitis, & quoquouersum dilatis, variè exornauit. At minùs publicè, cuiquam collegio, aut religiosi quibusdam personis solum communes positi nonnulli fuerunt. Horti etiam infra Athenas, non procul à Pandrosi ædibus (vt inquit Pausanias) Veneri dicati. Vbi virgines, quæ canophori (autore in Verrè actione quinta Cicerone) nuncupabantur: quæ sublatiis manibus, sacra quædam in capitibus supposita sustinebant. Horti verò publici pauci memorantur. Vsque adeo enim illorū apud priscos non frequens vsus fuit, singulis priuatim possidentibus. Quamobrem ciuitates rarò illis donatæ, vt nec etiam publicè habendos curauerint.

t De

De hortis Hesperidum, & alijs Africa, & his, qui in Colcho insula, fuisse perhibentur, & adagijs, à malis Hesperidum.

CAP. XI.



ESPERIDVM horti, non ciuitati, Reipublicæq; cuiquam communes fuerunt, ad quos ingressus quibuscunq; prohiberetur, & perdifficilis esset, serpente peruigili illos custodiente. Fama tamen, & poëtarum fabulis, non soli vrbis, non vni genti, tantum communes, sed toti ferè orbi. Veruntamen scriptorum monumentis, non vsque adeo publici, notiq; , quin ex eorum dissentientibus opinionibus, apud omnes de eorum veritate & historia addubitetur. Quid tamen de his illi tradiderint, adaperiam, vt primum de illorum situ disseramus. Plinius autem, Solinus, ac Capella, eos in Mauritania, & in Lixi oppidi æstuario, in quod Claudius Cæsar coloniam deduxit, locauerunt, ducentis ab Oceano passibus. Ille autem bis alibi horum meminit, in luco, ex quo stagnum cadat, quod ante Berenicen urbem est, vnam quidem ex quinque Cyrenaicæ regionis ciuitatibus. Quæ in Syrtis extimo cornu est. Seruius verò Maurus, Massylam Mediterraneam urbem Berenicæ Libyæ esse ait, vnde haud longè Hesperidum horti sint. Sic enim Dido apud Vergilium fatur:

Aen. lib. 4.

Hinc mihi Massyla gentis monstrata sacerdos,

Hesperidum templi custos, epulasq; Draconi

Quæ dabat, & sacros seruabat in arbore ramos.

Et Martialis:

Non mea Massylus seruat pomaria serpens.

Placidus autem eos in Æthiopia fuisse tradit. Verum ad ea, quæ magis veritati propinquiora esse videntur, deueniendum, vt minùs famæ licentia, vulneretur, vtq; etiam fides ratioq; perhibeatur. E mari autem Oceano iuxta Lyxum æstuarium effunditur, adeò sinuosis lateribus tortuosum, ac flexuosum, vt procul aspicientibus, lapsus serpenteos, facta vertigine, mentiatur. Quæ res poëtis draconem peruigilem, pomorum custodem interpretantibus, iter ad fabulæ mendacium struxit. Draconem autem hunc è terra quidem natum dicunt. Alij è Typhone & Echidna; & centum capita, totidemq; voces habuisse. Cæteri autem volunt pastorem fuisse, Draconis nomine curæ eximix, vt propterea insomnis fingeretur. Cuius vi, fortitudineq; , ac vigilijs latrones & abigei, longè ab hortis, ac gregibus, arcerentur. De hoc enim custode sic Lucretius:

lib. 5.

Aureaq; Hesperidum seruans fulgentia mala

Asper acerba tuens, immani corpore serpens,

Arboris amplexus stirpem.

Ab Hercule autem interfectum Iuno inter sydera, atq; duas Arctos collocauit. Æstuarium verò istud insulam intra se amplectitur, vbi horti fuisse memorantur. Hæc autem insula fluentis & refluents sinibus aluici sinuata, ac in quibudâ æquoris spiritus sita, sola ex vicino tractu aliquantro excelsior est, vt hæc maris æstus eam inundare minimè possit. Quare finxerunt poætæ, Atlantem hortos montibus ciuissse; quum huic Dea

Themis

Themis prædixisset, futurum Iouis filium qui ab eo poma diriperet. Sic enim illum apud Ovidium alloquitur:

*Tempus, Atla, veniet, tua quo spoliabitur auro
Arbor, & hunc præda titulum Ioue natus habebit.
Id metuens solidis pomaria clauferat Atlas
Montibus & vasto dederat seruanda draconi,
Arcebatq; suis externos finibus omnes.*

Metam. lib. 4.

Hyginus in poetico astronomico, è Pherecide refert, Iunoñem cùm à Ioue duceretur, Terram aurea mala, cum ramis ferentem inuenisse: inde admiratam à Terra petiisse, vt in suis hortis, qui in Africa vsq; ad montem Atlantem extenderentur, eiusdem generis poma sereret, cuius filia post matris plantationem mala decerperent. Quod hilarè fecit, & ibi postea custodem serpentem statuerit: vt propterea horti Hesperidum Iunonis fuerint. Nonnulli tamen aurea mala Veneri consecrata affirmant. Cuius Hesperides, à quibus horti Hesperidum, filia fuerint. Diuersæ etenim autorum sententiæ. Diodorus verò Siculus fratres duos fuisse scribit, Hesperum videlicet, atque Atlantem. Ex Hespero autem natam filiam, quæ Hesperis vocata sit: quæ ex Atlante septem suscepit filias, quæ Nymphæ Seruio fuerunt, Maiam scilicet, Electram, Taygeten, Asteropen, Meroopen, Abyonen, atq; Celeno. Quæ quidem à matris nomine Hesperides, à patre autem Atlantides dictæ. Lactantius autem Papinianæ Thebaidos interpres, illarum nomina Egæ, Aretusa, Hesperetusa, fuisse scribit, vt tantum tres posuerit. Sunt etiam qui non Atlantis, verum Hesperii filias fuisse memorent. Palephatus enim in eo libro, quem *περί ἀπείρων ἰσότητων* inscripsit, aliter: vt Hesperum Milesium tradat, qui Cariam incoluerit: cui filia duæ, vt ab eo Hesperides dicerentur. Hercules item ab Euristeo Argiuorum Rege ad dicta mala auferenda missus. Eum autem monitum dicunt, non posse Hesperidum mala colligere, ni Atlantis ope iuuaretur: ipsumq; ideò ad Atlantem peruenisse, Cælumq; pro eo tulisse: atque ita mala, interfecto dracone, in Græciam detulisse. Quidam autem veram historiam referunt, vt Hesperidas puellas ab Hercule liberatas tradant, cùm fortè in litore ludentes à piratis raperentur. Cæteri verò alio modo, inter quos M. Varro, vt aurea mala, secundum antiquam consuetudinem, capras, & oues intellexerint. Græci enim vna & eadem voce, & oues, & pomum significant, hoc est τὸ μῆλον. & Seruius Menalum Arcadiæ montem dictum vult ἀπὸ τῶν μῆλων, id est, ab ouibus, quibus refertur est: & μῆλονομὲν, ouium pastor. νέμω enim pascō est. Tunc enim oues ob raritatem, nondum ubiq; pascentes, raras ac pretiosas fuisse consentaneum est dicere. Pelles autem aureas id est, rufas habuisse referuntur. Sicut Argis Atreus vnam habuisse dicitur, quam sibi Thyestes surripuit: Cuius etiam coloris fuit vellus arietis in Colchide insula, ad quod è regio genere profecti sunt Argonautæ. Diodorus enim fratres illos duos decora & exquisita pulchritudine pascuisse oues scribit, quæ ferè aureo & rubicundo colore essent: propter quod & aureæ existimata sunt. Hanc quidem opinionem sentire videtur Ouid. dum cecinit,

Metam. 4. Mille greges illi, totidemq; armenta per herbas
Errabant, & humum vicinia nulla premebat.

De Atlante loquitur. Hesperides autem fuerunt filia, vt supradictum est, quarum greges abegit Hercules, occiso eorum custode. Schænos ciuitas est, vnde fuit Atalanta cursu præpotens adeò, vt sponso prouocaret, & victos postea occideret. Hippomanes autem Venerem vt sibi adesset, rogauit. A qua cum accepisset ex hortis Hesperidum tria aurea mala, puellam ad cursum incitauit, & singula cœpit iacere. Tunc Atalanta maiorum colligendorum mora, ac cupiditate retardata, superata est. Prædictos verò hortos Lucanus sic describit:

Lib. 9. Atq; insopiti quondam tutela draconis.
Hesperidum pauper spoliatis frondibus hortus.
Inuidus, annofo qui famam derogat auro,
Qui Vates ad vera vocat fuit aurea sylua,
Diuitysq; grauis, & fuluo germine rami,
Virginisq; chorus nitidi custodia luci,
Et nunquam somno damnatus lumina serpens,
Robora complexus rutilo curuata metallo:
Abstulit arboribus pretium, memoriq; laborem
Alcides: passusq; inopes, sine pondere ramos.
Rettulit Argolico fulgentia poma tyranno.

Seneca etiam, verum aliq carminis genere:

Arborq; pomis ferulis aureis
Extimuit manus insueta carpi:
Fugitq; auras leniore ramo:
Audit sonitum trepidante flamma
Frigidus custos nescius somni:
Liquerat cum iam nemus omne fuluo
Plenus Alcides vacuus metallo. Iuuenalis:
Credereq; possis surrepta sororibus Afris. Silius:
Quid domus Hesperidum aut luce iuere dearum
Fuluos aurifera seruantes arbore ramos. Ouidius:
Arborea frondes auro radiante nitentes,
Ex auro ramos, ex auro poma ferebant.

Hanc autem fabulam, qui ad rationem mathematicam reducere volunt, per Hesperidas, horas vespertinas: per mala aurea, stellas atq; astra interpretantur. Hercules quippe sol appellatur: quo oriente astra rapi videntur, cum non appareant. Idcirco ipsum *πρυθήσω*, id est, mala aurea detulisse, dicimus. In insula autem hortorum Hesperidum, nil aliud (autore secundo) præter Herculis delubrum, antiquius verò (vt ferunt) Gaditano, nihilq; aliud ex narrato aurifero nemore profert: & quòd tantam vetustatis memoriam propaget: præter oleastro, vel, vt ait Solinus, oleastro similes arbores. Apud Valerium Martialem adagialiter dicitur, Hortis Hesperidum beatiora. Cum rem aliquam cæteris fertiliorē volumus denotare. Simul Græcum prouerbum est, *μῆλον ἡρακλῆς*. In eos, qui nil in se,

in se, præter nomen præclarum habent. & aliud, μήλα ἑσπερίδων δωρῆσαι. Id est, mala Hesperidum largiri. De eo profertur, qui magna, splendidaq; largitur. Romæ in Capitolio, intra limen, à dextris signum æreum, deauratum nudi Herculis, adhuc visitur, dextra clauam, sinistra verò Hesperidum aurea mala tenentis: ibi locatum, antea verò in foro Boario reperi-
tum. Bœotij mala Herculi sacrificabant. Alij enim Herculis simulacrum effigiabant, tria mala sinistra gestantis. Significantes triplicem illius virtutem, non iracundum, non voluptuosum, non avarum. De alijs hortis Africæ meminit Procopius, ubi Vandalorū regia esset, qui essent omnium quos vnquam ipse conspexerat, & pulcherrimi, & amœnissimi. Enimvero fontibus toti irrigui, nemora vndecunque virentia. Pomifera arbores fructu suo vsque adeo onusta, vt defixis sub eisdem tabernaculis, milites, pro sua cuiq; auiditate satiantur. Alij horti, magis poëtarum figmentis, quàm ipsa historię veritate celebrati. Quales horti ab Orpheo in Colcho insula positi, & descripti extiterunt: in quorum medio patula fagus, in qua vellus aureum appensum, à lasone postea direptum.

De hortis apud Babylonem pensilibus, & alijs Ioacimi

Susanna viri.

C A P. XII.



EQVNTVR horti apud Babylonem pensiles, non tam ingenio, quàm magnifico sumptu positi, non vtiq; poëtarum fabulis, sed plurimorum monumentis famatissimi, tanta admiratione descripti, vt omnes quoscunque alios sumptu superasse videantur: vt propterea, in his extruendis, mirum ingenium, mirum artificium defuerit minimè: vt Q. Curtius inter vulgata Græcorum mirabilia posuerit: & etiam Antipater, κήπων τ' αἰώρημα καὶ ἡελίοιο κολλοσόν καὶ μέγαν ἀντιβῆναι πυραμίδων κάμα-
τον. Quare Valerius Martialis:

Affyrius iactet nec Babylona labor.

Æquum verò erit vt primùm de illorum conditore dicamus. Is autem fuit Cyrus, probabiliore opinione, atque in gratiam pellicis, quæ genere Persa fuit. Ea, more suæ gentis, plurimùm hortis delectabatur, & prata in montibus videre cupiebat. Curtius tamen Regem Assyriorum fuisse Babylonix regnantem dicit, idq; opus in gratiam coniugis molitum, quæ sylvarum & nemorum desyderio detinebatur. Quæ ita maritum compulit, vt in campestribus locis, naturæ amœnitatem, huius generis opere imitationem videret. Abydemus (referente Eusebio) de præparatione euangelica, scribit Nabuchodonosorem Babylonem triplici muro munijisse, atq; in regia hortos pensiles plantasse. Hunc autem, & Cyrum, vnū fuisse arbitror. Lectori tamen suum iudicium relinquo. Diodorus Siculus Semiramidem horum autricem extitisse, memoriæ mandauit. Receptior tamen opinio est, vt Cyrus hos eleuandos curauerit. Alios tamen illa, de quibus infra dicetur. De horum enim structura neq; ad vnum inter auctores conuenit. Quid tamen de his memoriæ reliquerint, non omittendum. Quadratæ autem figuræ fuerunt, atq; iuxta arcem locati, quorum

quodlibet latus ad quaterna iugera extendebatur. Fornicibus ferebantur, vndecim pedum interuallo distantibus. Inde aliæ super alias excrecente altitudine erectæ, vt superiores, quæ murorum superficiem hortos ambientem continerent, quinquaginta cubitorum altitudine eminerēt. Ex lapide enim coctili, & bitumine, tam pilæ quàm fornices ac fornicum intercessionibus exædificatæ. Pilarum autem crassitudo pedum viginti fuit, latitudo verò duodecim. Solum autem, quod arbores alebat, hoc modo constabat. Trabes lapideæ longitudine sedecim, latitudine sex pedum erant. Super his autem pro pauimento arundines, asphalto compactæ. Desuper cocti lateres duplici ordine, gypso structi. Tertio regulæ plumbeæ, ne quæ humiditas ad testudines intermearet, & officeret. Aquarum etiam receptacula inerant, quibus superabundans humor efflueret. Q. Curtius tantum lapidum meminit. Hoc autem pauimentum terræ patiens, quam tam altam iniecerant, adeousq; vt validas arbores, hæc moles sustinuerit, vt illarum stipites octo cubitorum spatium crassitudine æquarent, atq; in quinquagenum pedum altitudinem adoleuerint. Adeoq; omnis generis frugifera ac si in sua terra alitæ fuissent. Decussatio ipsa, iucundum ac peramcenum conspectum præbuit. Procul enim aspicientibus syluæ in montibus suis apparuerunt, vt ab his etiam longè lateq; pateret despectus. Aditus illorum veluti in monte erat. Strabo verò pilas concauas, & terra plenas fuisse dicit. Quo profundius arbores radices agerent: & ibi ascensus scalares fuisse, per quos continua aqua ex Euphrate in hortos efferebatur, ab hominibus ad hoc opus constitutis. Diodorus tamen aquæ ductus ibi occultè ædificatos fuisse scribit: qui hortos irrigarent. Lumen quoq; inuicem fornices præbebant, vt in eis subtus diuersoria regia haberentur. Nostra tempestate capta à Solymano Rege Turca, Babylone; ibi hyemauit propter hortos illic frequentes, multarum arborum odoriferarum generibus confitos, & hortos ipsos Semiramidis, vt Paulus Iouius in Chronicis attestatur. Et cum vetustas ipsa, non opera solum facta, verum etiam ipsam naturam paulatim exedendo perimat. Hæc tamen moles, quæ tot arborum radicibus premeretur, tantiq; nemoris pondere oneraretur, per multa tamen tempora inuiolata permansit, vt qui etiam nostra tempestate apud Babylonem profecti, ibi adhuc hortorum pensilium monumenta asseuerent. Babylone autem prope domum suam Ioacimus hortos habuit, ad quos, quod cæteris præstantiores essent, Iudæi confluere solebant. In quibus Susannam eius coniugem & Helciæ filium ludentem & lauantem, senes duo eiusdem legis stuprare nixi sunt. Quæ, quia votis illorum annuere recusasset, adulterij rea, ab his delata. Verum Danielis iudicis prudentia liberata, vno sub scilicet illam adulteratam, altero sub prino attestantibus: quamobrem deprehensa & intellecta illorum falsa accusatione, talionis pœna damnati, atq; lapidibus obruti.

Quod Persarum Reges hortorum studiosi fuerint.

C A P. XIII.

ASIA T



SIATICI præ cæteris vniuersi orbis, delicijs ac voluptatibus dediti semper fuisse memorantur. At inter eos magis Persæ: quorum reges reliquis Asiæ principibus, diuitijs potentissimi semper fuerunt: quæ vt plurimum voluptatum comites ac pedisequæ sunt: vt his quoque sapius naturæ quadam licentia, ad delicias stimulemur. Quas quidem ad hortos extruendos, & cæteros deliciarum omnium apparatus, profusissimè effuderunt. Inter hos enim (de Cyro supradictum) vt Plutarchus suis scriptis mandauit, Tissaphernes superbissimus fuit, atque Græcanici generis inimicissimus. Plures hic, more Persarum Regum hortos pulcherrimos atq; amœnissimos habuit, in quibus perennes fontes, prata salubria, ambula-cra, faberrimè instructa essent, omnibusq; alijs, quæ regios hortos decerent, ornati. Adeo enim ille Alcibiadem ingenti amicitia profecutus, vt magnificentiores hortos suos huius nomine vocari iusserit. Huius etiam gentis Rex Artaxerxes, siue suorum successione, siue etiam ipsius voluntate & institutione, plures hortos habuit, vt de his, hoc præclarum & memorabile gestū idem autor suis monumentis adscripserit. Cum enim ille, cum suis militibus, è Cadusiorum profectioe, ad hos deuenisset, suis longo itinere, longa etiam regione, incultaq; ac sterili languentibus cædendos, ad fouenda defessa & languida corpora permisit. Hærentibus itaq; militibus, propter hortorum splendorem ac ornatum, arborum verò magnitudinem & elegantiam, primus arrepta securi, quæ inter cæteras proceritate & raritate excellebat, arborem euerit: quò ad reliquas deturbandas, audaciores suos redderet. Nunc de Semiramide, quæ etiam Persarum regina fuit. Quæ etsi sexu mulier fuerit, gestis tamen, ac præclaris facinoribus, plusquam vir: regia certè administratione digna, vtq; etiam ab hortorum cura, & magnificentia, vt Reges Persæ, non vacauerit, vt pensilium tamen ædificatrix minimè fuerit. Alios enim si non his pares, sumptu tamen, ac spectabilitate non inferiores ponendos procurauit in loco etiam altissimo, vt longè, sicut & pensiles, spectarentur. In Mediam etenim regionem profecta, ibidem prope Chaonam urbem, prodente Diodoro Siculo, supra petram immensæ ac stupendæ altitudinis peramœnos seruit: in quorum medio splendida & superba ædificia, ad omnes delicias, ad omnem deniq; voluptatem erexit: è quibus tum hortorum latitudinem, tum exercitū omnem in campis existentem longissimè lustraret. In his autem diutius commorata, loci amœnitate illecta, quieti ac voluptatibus indulgebat. Ad hos enim, longo itinere, per conualles multas, abruptaq; ac præcipitia loca, aditus perdifficilis erat, vt arcis loco etiam ij haberentur, vt etiam è labore, post ingressum amœniores circumspecterentur. In eadem item regione alios posuit, iuxta Bastiganuræ montem, qui Ioui sacer fuit, in patentibus campis. Horum autem ambitus, stadiorum duodecim erat. Fons ibi abundè effluens, vt horti, quod satis esset, illius aqua irrigarentur. Habuerunt etiam Reges Persæ alios apud Susam, regio sumptu cultos, sicut sacri Bibliorum libri testantur.

De hortis Alcinoi, Tantalii, Adonidis, Mide regum, & adagijs, ἀκαρπος ἔῃ ἀδόνιδος κήπων. et, Ex Tantalii hortis fructus colligis.

CAP. XIII.



VPEREST, vt de alijs regum memorabilibus hortis disseramus, & primum de his, qui Alcinoi Phæacum Regis fuisse scribuntur, Homero præcone, apud externos omnes magis quàm arborum ipsarum biferarum pretiositate, aut fructuum vbertate, ceteraq; elegantia celebres: tanti enim est à viro doctissimo, & percelebri scriptore, ad posteritatem laudari, vt quæ falsâ ab his produntur, sæpe pro veris credantur: vt etiam Iustinus & philosophus & martyr, in oratione parænetica, Homerum ipsum in illorum descriptione dicat, paradisi simulacrum & historiam retinere voluisse, quam ille ex patrum monumentis, sicut pleraq; alia, nouisse poterat. Nempe nunquam exstitisse multi arbitrantur, sed tantum ab Homero effictos. Sicut etiam nonnulli è neotericis existimarunt (inter quos Petrus Bembus) qui Corcyram insulam nauigarunt. Id autem ex æris intemperie: in ea enim neq; vites, neq; arbores biferæ visuntur, neq; aliud id simile, quod insulæ feracitatē coarguat, & demonstrat. Tantum abest, vt illius incolæ, his natiuis terræ & æris dotibus fruuntur. Hæc autem nunc Colphuna dicitur, & sub Venetorum imperio est. Fuit autem Corcyra (vt nonnihil de hac afferamus) vna ex Asopi filiabus, à Neptuno rapta, & in eam insulam delata, à qua nomen accepit: vt illa stupri ratione hanc mercedem meruerit. Ex ea itaq; natus est Pheacus, qui & Alcinoi pater fuit. Hic verò naufragum Vlysses hospitio liberaliter atq; regiè suscepit, & in Ithacam patriam deducendum curauit. A Phæaco postea insula nomen commutauit. Sed iam Homerum, hortos perscribentem audiamus,

odys. lib. vi.

ὦ γέρον, ἐκ ἀδαμονίης ἔχει ἀμφιπολένδν
 ὄρχαλον, ἀλλ' εὖ τοι κομιδὴ ἔχει, ὅδε τι πάμπαν
 ἔφυττον, ἔσκη, ἐκ ἀμπελος, ἔ μιν ἐλάιν,
 ἐκ ὄχνη, ἔ πρᾶσθι τοὶ ἀνευ κομιδῆς κ' κῆπον,
 ἄλλο δὲ τοὶ ἐρέω, σὺ δὲ μὴ χόλον ἐνθεο θυμῷ
 αὐτὸν σ' ἐκ ἀγαθῆ κομιδῆ ἔχει, ἀλλ' ἅμα γῆρας
 λυγρὸν ἔχεις, ἀνυχμῆς τε κακῶς, καὶ ἀεικέα ἔσται.
 ἔ μιν ἀεργίης γὰρ ἀναξ' ἐνέκ' ἔ σε κομίζει,
 ἔ δὲ τί τοι δόλπον ἐπιπρέπει εἰσοράσθαι
 εἶδος καὶ μέγεθος, βασιλῆϊ γὰρ ἀνδρὶ ἔοικας.
 τοὶ ὅττω δὲ ἔοικας ἐπεὶ λούσαιτο φάγοιτε,
 εὐδέμεναι μαλακῶς, ἢ γὰρ δίκη ἐστὶ γερόντων.

De his etiam Latini poëta meminere. Homerus Mantuanus in secundo Georgicorum:

Pomaq; & Alcinoi sylvæ.

Quidius in Metamorphosi:

Proxima Phæacum felicius obsita pomis,

Rura petunt.

Iuuenalis:

- Et

- Et reliquis Virronibus illa iubebit

Poma dari, quorum solo pascaris odore,

Qualia perpetuus Phœacum autumnus habebat.

Statius:

Quid bisera Alcinoi laudent pomaria, vosq;

Qui nunquam vacui prodistis in æthera rami.

Propertius:

Nec mea Phœacas æquauit pomaria syluas.

De hortis verò Adonidis, sic Plinius: Admirata est antiquitas, non propter fructum, aut abundantiam, aut raritatem, verum propter inanem voluptatem, & artem, qua faberrimè exculti erant. Plato enim in Phædro, eos in vasis fictilibus fuisse scribit: propterea ab eis tractum adagium ἀκαπτος ἐὶ ἀδωνίδος κήπων. Quòd de his dicitur, qui nil generosum peragunt. Midæ autem horti in Macedonia fuerunt: quorum meminit Herodotus. In his enim rosæ sexagenum foliorum nascebantur, quæ & cæteris fragrantiores essent. Ibi exceptus Silenus fuit. Midas autem Gordij filius fuit. De hortis Tantali Philostratus in vita Apollonij. Super flumine enim illi finguntur fuisse: vt ij in prouerbium cesserint, ex Tantali hortis fructus colligis. Id est, ea consecraris, quibus frui non licet, vel quæ nusquam fuerunt.

De hortis Sallustianis, et Senecianis.

CAP. XV.



Q M N I V M autem hortorum, qui intra urbem Romam vnquam positi sunt, pretiosissimi fuere Sallustiani atque præstantissimi, non tam ob illorum amœnitatem, quam ædificiorum sumptuositatem: vt in dominum M. Tullius Cicero, tanquã nimium splendidos obiecerit eos. Quippe Sallustius, C. Iulij fauore ac patrocínio, interioris Africæ præturam consecutus est: qua verò diues effectus, Romamq; reuersus, hos comparauit, & omnibus, quæ ad hortos pertinent, diuitijs muniuit. Siti quippe fuerunt, vt P. Victor ait, in regione sexta. Alij designantius, à Mamurri vi-co, & ad campum sceleratum, prope portam Collinam diffundebantur. Extant quoq; hodie hortorum vestigia, in profunda valle, parum infra portam Salariam, inter montem Quirinalem & Hortulorum collem. Locusq; ille ab incolis nunc corruptè Sallustrium dicitur. In his aquæ subterraneæ, quæ hominum opera commodissimum hortos irrigabant. Postea autem Augusti fuere, vt Africanus Iurisconsultus libro trigésimo Digestorum scribit. Vespasianus vt plurimum in his habitauit, rarò in palatio, vt Xiphilinus autor est. Aurelianus etiam princeps, in his degere, quàm in regia maluit. In quibus porticum milliarium à mille passibus dictam, exædificauit in qua quotidie equos, & se quoq; fatigabat, quamuis non satis prosperæ valetudinis esset. Sæpe enim amœniora loca, hominum societates, & aëris temperies, ad id nos incitant, quòd præter ætatem & vires sint, vt ea facilius feramus. In his mortuus Nerua princeps ætatis suæ anno septuagesimo. In eo enim loco, marmor, cum hac inscriptione non longè ante nostram tempestatem, repertum: M. AVERELIVS PACORVS, M. COCCEIVS STRATOCLES EDI-

V TVI

TVI VENERIS HORTORVM SALVSTIANORVM BASEM
CVM PAVIMENTO DIANÆ D.D. Post hos autem Seneciani, ma-
gna æstimatione fuerunt. Nam, vt inquit Tacitus, horum amœnitate,
quasi principem superabat. De quibus Iuuenalis:

- *Et magnos Senecæ prædiuitis hortos Clausit.*

Ædificijs verò magnifici fuerunt, & tanto splendore, vt Neronem ad
domini necem incitarint.

De cæteris vrbis Romæ, et Italia hortis.

CAP. XVI.



V P R A de Atheniensium nonnullis hortis à nobis di-
ctum: quibus illi, vt fuit horum potens opulentia, tum so-
lers & ingeniosum artificium, non caruerunt. A quibus
item quicquid dignum fuit, cum in ædificijs priuatis, pub-
licisq;, & omnibus artibus mechanicis, tum in scientijs
omnibus, & in administranda Republica, atq; disciplina militari, & omni
ornatu cum publico, tum priuato Romani accommodarunt: vt tamen
isti, illis longe, præterquam in doctrinis, superiores euaserint. Horti verò
Romæ, sicuti Athenis, celebres fuerunt. De Sallustianis ac Senecianis exa-
ratum. Alij verò plures, immenso sumptu, & profusa largitione ædificati,
vt Iuuenalis, sub hortorum denominatione, dum dicit, Criminibus de-
bent hortos, diuitijs fieri malos: ac si velit innuere, bonorum largitate,
hortos plantatos. Mecænetiani, amplissimi ac ditissimi fuerunt in regio-
ne quinta, vt voluit P. Victor, in Exquilij locati. De his verò sic Horatius:

*Lib. Serm. 1.
sat. 8.*

*Huc prius angustis ciecta cadauera cellis
Conseruus vili portanda locabat in arca.
Hoc misera plebi stabat commune sepulcrum,
Pantalabo scurra, Nomentanoq; nepoti.
Mille pedes in fronte, trecentos cippus in agrum
Hic dabat, heredes monumentum ne sequerentur.
Nunc licet Exquilij habitare salubribus, atq;
Aggere in aprico spatium: quo modo tristes
Albus informem spectabant ossibus agrum.*

In his etiam Mecænas turrin exædificauit, ex qua urbem conspiceret, co-
dem ad eum autore:

Carm. lib. 3.

*Fastidiosam desere copiam, &
Molem propinquam nubibus arduis.
Omīte mirari beatæ
Fumum, & opes, strepitumq; Roma.*

Ex ea Nero spectasse vrbis incendium proditur. Mefa tempore Tran-
quilli dicebatur. In his etiam Priapus ille erat, de quo idem in eodem lo-
co. In his etiam fuit domus Vergilij, vt scribit eius interpretes Donatus. In
monte etiã Exquilino, horti Pompeiani positi. De quibus Plutarchus in
eius & Catonis Vticensis vitis. Ibi autem numerata pecunia, quæ illius
largitione in tribus diuisa est. Hos enim C. Cæsar M. Antonio donauit,
dicente Appiano. In quibus itidem, cum in Senatu occisus est, moraba-
tur.

tur. Demetrius Pompeij libertus hortos, nō minimi pretij, vt idem autor scribit, possedit. Mariani pulcherrimi fuerunt. Qui si Marij extiterint, vsq; tamen ad Neronis tempestatem durarunt. In Ianiculo horti Cæsariani, prope naumachiam. Horti Plantiani, vel vt alij volunt, Plautiani, in regione quinta vt ait P. Victor. In Ianiculo etiam Liuiani. Argiani verò in regione septima, P. Victori Afiniani, in regione duodecima. Laniatorum Suetonius in Caligula meminit, in quos eius cadauer asportatum, & tumultuario rogo semibustum. Cn. Tremelij Scrofa, horti fuere, vt M. Varro ait, in sacra via, contra auream imaginem. Horti Prinitij, in regione decima. Luculliani autem in regione nona, vt meminit P. Victor. Plutarchus autem inter Regum hortos atq; ornatus amplissimos posuit. De his enim amplè M. Varro vt in his diutius immorandum non arbitror, vt qui plura desyderet, hunc adeat. Principum autem fuerunt Galbæ, in via Aurelia; Getæ Domitiæ, in regione decimaquarta, vt inquit P. Victor. Galieni, ad quos cum iret, vt reliquit Capitolinus, omnia palatina officia sequebantur: & Variiani, de quibus etiam Vopiscus. Extra urbem autem, atque in Italia, pauci memorantur. Etsi ibi innumera- biles, propter Romanorum & Italorum opulentiam ac delicias, terræ vbertatem, & aëris clementiam fuisse par est dicere. Apud Fondos horti Varroniani, vt illorum hodie adhuc extant vestigia. Iulius verò Fronto ad caput arcus virginis Seruilianos ponit. Torquatianorum verò idem me- minit, Palantianorum, Epaphraditianorum.

Præfatio libri septimi.



LAMQUE verò locus urget atque vltro impellit vt materiam ipsam, quam describere instituimus, propius aggrediamur & attingamus. Multum enim etsi non extra rem spatia, vt iam bonus quisque lector vltro me amplius diuagatum minimè conqueratur. Quæ autem sequuntur, lectorem scire velim, non tam ex Græcorum Latinorum & nonnullorum vulgariū autorum scriptis, in monumenta mea rede gisse, quàm ipsa experientia, per plurimos annos, improbo labore, peruiigili studio didicisse. Pluribus locis, satis insitisq; arboribus, vt mea diligentia, suorum dictorum magis experiens & verius enucleator, quàm suorum tantum lector atque transcriptor, extiterim, quòd in his aut saltem multis contigisse arbitror, quòd ex illorum exaratis, & ex his quæ ex illis experiri volui, compertum,

satis superq̃, satis habui, ut multa sæpe vana & falsa ab ipsis tra-
dita cognouerim, quæ illi ab alijs accepisse, & absq̃, ulla cognitione
cæteris reliquisse, par est dicere. Ut hæc mea postea in publicum atque
in communem utilitatem audacius & alacrius emisserimus. Meæ
autem & scientiæ atque experientiæ testes erunt, horti mei Curtia-
ni, in fundo liberali Pluuiano paterno auitoq̃, mea manu sati in-
siti, & ibi primum nostræ tempestate & apud nos in ordinem decus-
sati, ut nostris postea huiusce rei normam dederim & reliquerim,
& exemplum fuerint, & à me per plurimos annos exculti. In his
enim ad duo millia & longè amplius arbores cicurata & insitæ. Ex
omni quidem arborum fructiferarum genere, quod aër, quod regio
ferre solet. Testes insuper illi erunt, etiam extranei & longinqui ad-
uenæ, qui in dies ad illos visendos se conferunt. Arborum verò syl-
uestrium illic etiam syluæ quattuor duæ caduæ, aliæ ex arboribus
altis & patulis & ad umbram in perpetuum reseruatis, quarum
una tonsilis, ut harum pristinum morem, apud nos restituerim. His
etenim, quæ posteris trado, specimen aliquod antea facere decreui,
imitatus verò, cuiuslibet artis doctissimos operarios, qui priusquam
aliquod egregium & arduum opus molliantur, huius aliquam
faciem charta, cera, lutóve aut ligno effigiant. Archite-
cti verò ichnographia, pictores sciographia, sta-
tuarij orthographia, quibus futurum
opus elegantius ac perfectius
struatur, eri-
gatur.



HORTORVM LIBER SEPTIMVS.



Arbor quid, & qualiter à frutice, & frutex à subfrutice differat. CAPVT. I.



PROPOSITA nobis arborum consideratione atq; materia, quid sit arbor, & qualiter à frutice, & ab hoc subfrutex differat, necessarium explanare duximus. Absurdum etenim esse semper existimaui, eum qui eius rei, quam tractaturus est, ignorare definitionem. Vt antequàm ad arboris significationem accedamus, priùs declarem quonam modo antiqui arbores pro arboribus autore Festo, dixerunt, & arbores etiam pro arboribus vsurparunt. Sic enim scribit Fabius Quintilianus. Nam vt Valesij & Fusij in Valerios Furiusq; venerunt, ita arbores, vapores, & clamores ætatis fuisse antiquæ, exclusa r. Sed arbores remansit, quæ nunc quoq; vtimur, & ea pluries Secundus. Verùm Agrætijs inter has diffidium aliquod posuit, vt arbor omne lignum sit, arbores non nisi fructifera dicatur. Arborem autem esse Theophrastus dixit, quæ à radice, vno caudice, ramosa nodo saq; , ac surculosa, ad iustam magnitudinem, & ad plures annos assurgit. Quod autem statim à radice multiplici, ramosum sese attollit, frutex dicetur, cuiusmodi generis sunt myrtus, punica, corylus, pyrus, malus, sambucus, vlmus, cythifus, alaternus, cerasus. Sunt enim eius naturæ, vt pluribus à radice virgultis, spontè, atq; etiam recisæ nascantur. Eiusmodi verò sunt omnes in syluis cædus arbores: vt hac ratione Secundus, inter frutices cedrum, & genus aliquod palmarum, cupressum, laurum, iuniperum, pinum, terebinthum, lentiscum posuerit. Quæ autem, si cultura ab inferiori, caudice vno relicto, virgis purgentur, in arbores transeunt. Vt quæ natura fruticeæ generis sunt, arbores cultura fiant: vt Theophrastus hoc modo amerinam, hederam, paliurum, arbores fieri posse tradat. Contrà verò quedam plantæ, quæ sui naturæ arbores sunt, & vno caudice eriguntur, ab infimo tamen caudice recisione plurium virgultorum fiunt, vt dein in frutices hac ratione transeant: cuius naturæ sunt pyrus, malus, vlmus, populus, etiam salix, cupressus. Sic enim natura quæ arbores fuerant, in frutices migrant: & contrà, quæ frutices, cultura & arte arbores. Frutices autem Vergilius sic exprimit:

Pullulat ab radice alijs densissima sylua:

Vt cerasis, vlmisq; etiam Parnasia laurus

Parua sub ingenti matris se subijcit umbra.

Multum itaq; in his aëris beneficium, soli q; vbertas & natura operantur, vti vno in loco planta eadem arbor sit, alibi tamen frutex: vt de palma est quæ pluribus stolonibus, per totam Syriam, humidis locis est. Inter ea autem, quæ frigidis & aquaticis gaudent, aquaticos frutices, secundum Plinium conuenit dicere. Inter quos sanè principatum obtinebunt harundines. In India tamen in tantam crassitudinem crescunt, vti ex singulis internodijs, nauigia, ad plures homines vectitandos fabricentur vt ibi eas nominare frutices inconueniens sit. Staurobatem Indorum Regem aduersus Semiramidem in Indos bella molientem, in apparatus bellicum naues ex harundinibus millia quatuor fecisse Diodorus scribit. In Arabia item & Babylonia (multis attestantibus) malua senis solum mensibus arborefcit: apud nos autem neque fruticis locum vendicabit. Vnedo autem, apud nos fruticei generis est: in Arabia vero autore Iuba in quinquagenum cubitorum altitudinem assurgit. Ferula etiam in fruticum genere, ab omnibus annumeratur: at in Nerio vna ex insulis fortunatis (scribente Theophrasto) altitudine tanta, vt arbor existimetur. Erunt etiam frutices in quodam arborum genere, vt in ilice, quercu & in ceraso acetoso, inter quæ arborum genera, frutices reperiuntur fructu, folio, flore q; illis similes, sed magnitudine, & caudicum differentia, ab his dispares. Sed hæc differentia facilius deprehendi, quam fruticis, & herbæ. Nam herbarum maiorem partem rei herbariæ interpretes inter frutices assignarunt. Inter q; hyssopum, saluiam, marrubium, rutam, vti sub hac appellatione plures quam triginta apud eosdem annumerauerim, quæ superioris fruticis voce, comprehendendi non possunt neq; merentur. Quare Græci saniori vtentes consilio, prædictum discrimen lucidius fecerunt. Itaq; inter fruticem & herbam aliud subdiderunt, *φρύγανον* scilicet: sub fruticem nonnulli vertunt: qua appellatione dici possunt, quæ in genere herbario frutices vocantur. Fruticem autem illi *θάμνον* vocant. Inter frutices autem connumerabitur soboles illa arboribus prope radices adnascens, à qua frutificari verbum, quasi frutex ex arbore nascatur. Cicero Attico: Animis enim vsi sumus virilibus, consilij (crede mihi) puerilibus: excisa enim arbor, non euulsæ itaq; quam fruticetur, vides. Et frutificare, quasi frutices emittere: quo vsi Plinius, & alij autoritatis receptæ auctores. Arbor præter eius communem significationem, beluam marinam denotat, vastis dispanfam ramis, cuiusmodi forma in Gaditano mari visitur. Iuba ad Caium Cæsarem auctor. In arboribus genus bifariam considerari, vt commune sit omnium arborum: speciatim verò, cum pyri, aut oleæ, vel pruni genus quoddam dicimus. Galenus autem genus generaliter in arbore posuit, speciem autem platanum, vlmum, & cæteras.

De generali arboris appellatione.

C A P. II.



Is o, quid sit arbor, videndum quid illius appellatione contineatur, vti etiam quædam comprehendat, quæ speciali frutices dicuntur, vt arundines, hædera, auctore Vlpiano Iuriconsulto.

Stirps

Stirps quoque oleæ, & salicis arbor erit, quæ propriè frutices suprà diximus. Præsertim verò, quæ è fruticibus, cultura, aër, locus, arbores fecit. Amplissima autem est, ex lege duodecim, vel legis Aquiliæ formulis: aut cum quis furtim arborem ceciderit, ut ex his obnoxius sit, si ex seminario stirpitus transtulerit, tametsi terram nondum compræhenderit: etiam eam, cuius radices viuere desierint, quamuis terra contineatur. Nec quoque illam, quæ subuerfa, transferri tamen adhuc, atq; reponi possit. An autem vitis, arboris nomine veniat hoc loco, disputare non refert: quandoquidem toto hoc isto opere, nulla ratio illius habita sit.

*De arborum membris, & illorum cum hominis membris
conformitate.*

CAP. III.



ARBORIBVS autem cum animalibus, præsertim verò cum hominibus, similitudo permaxima. Cuius quidem ratio non vno in loco dicitur, sed passim, & cum materia sese offeret. Hic enim tantum de ipsarum membrorum, cum hominis membris comparatione & similitudine. Nam & illis natura (optimus artifex) membra formauit. Quod elegantissimè L. Columella his verbis edocuit. Hac lege virgulta progeniuit, hac vitium genera figurauit. Quibus quidem ipsa mater & parens, radices, velut quædam fundamenta iecit, ut his quasi pedibus insisterent. Truncum deinde superposuit, velut quandam stationem corporis, & habitus. Mox ramis diffudit, quasi brachijs: tum caules, pampinosq; elicuit, velut palma. Carmine autem expressit Ouidius, sub Daphnes in laurum & Phæthontis fororum in populos conuersione:

Collia cinguntur tenui præcordia libro:

Metam. lib. 1.

In frondem crines, in ramos brachia crescunt:

Pes modo tam velox pigris radicibus heret:

Ora cacumen habent. — Alibi:

Luna quater iunctis implerat cornibus orbem,

Metam. lib. 2.

Ille more suo (nam morem fecerat usus)

Plangorem dederant: e queis Phæctusa sororum

Maxima, cum vellet terræ procumbere, quæta est

Diriguisse pedes: ad quam conata venire

Candida Lampetie subita radice retenta est.

Tertia cum crinem manibus laniare pararet,

Atuellit frondes. hæc stipite crura teneri,

Ille dolet fieri longos sua brachia ramos.

Dumq; ea mirantur, complectitur inguina cortex,

Perq; gradus uterum, pectusq; humerosq; manusq;

Ambit, & extabant tantum ora vocantia matrem.

Nam sicut (ut ait Aristoteles) in animalibus, ossa, neruus, cutis, viscera, pili, fibræ, venæ, similes partes sunt: ita in stirpibus lignum, radix, cortex, frondes, eadem similes partes, quæ eidem *ὁμοιομερῆ* dicuntur. Sed hæc specialius, ut facilius dignoscantur, tractanda erunt. Radices autem in arboribus

boribus ora erunt. His enim insunt, pro summa parte, quibus alimenta hauriunt: ut quæ extrinsecus attraxerint, deinde in cætera arboris membra, per medullas, robur, corticem, diffundant, & dispenſent: ut proinde radices nutrimentum suggerant: quemadmodum animalia, oris hiatu: Et hoc præstare radices, autore Plinio, quod venter in homine, videntur. Et, ut pulchrè aiebat Musonius, Quemadmodum plantæ ad perdurati-
nem, non ad voluptatem, aluntur: sic hominibus vitæ perducendæ cau-
sa, non voluptatis, victus esse debet. Sed super hac re Lucretium audia-
mus, rerum naturalium optimum interpretem:

(rescunt arbusta, & sætus in tempore fundunt,

Quod cibus in totas vsq; à radicibus imis,

Per truncos ac per ramos diffunditur omnes.

At sicuti fibræ in homine sunt, utq; etiam ac in arboribus, in quibus mi-
nutulæ radices, fibræ dicuntur. Hoc enim modo Plinius eas vocat, dum
ait, Solum eligi oportere, quàm minimè rimosum, ne sol exurat fibras.
Alij tamen eandem in arboribus dixere; per totum porrectas, ut anima-
lium venas. Caudex verò, qui & truncus & stipes dicitur statim à radice
sursum assurgens, quasi plantæ corpus est. Qui verò à caudice rami pro-
grediuntur, brachia erunt. A ramis autem furculus ille simplex progre-
diens, digitus erit, tanquam à manibus pedibusve oriens. Humeros enim
in arboribus, Plinius non illam arborum summam partem, sed huic pro-
ximam, veluti in homine summæ parti, scilicet capiti proximi sunt. Cere-
brum sicuti in homine, altiori sedet loco, sic arborum ipsarum cacumen
est. Id in palmis encephalon Galenò, Dioscoridi verò encardion, quòd
in eo (autore Plinio) dulcis insit medulla, esculentum est: quo, inquit
Xenophonte, delectati milites quidam, ob suavitatem: sed illis huiusmodi
esus, maximum capiti dolorem intulit. Nodos dixerunt, vnde se noui
proferunt furculi & ramusculi: qui certo spatio inter se distantes, non-
nunquam bini triniq; , aliquando quaterni plurésve, ut in abiete, pro-
deunt. Græci ὄζος appellant. In herbis enim geniculus, vnde folium fili-
quaq; profertur. Nodos tamen in plantis Aristoteles nervis persimiles
putabat. Oculi in furculis vocabuntur, vnde nouus alius adnascitur. Ger-
men id est, à qua oritur furculus, vnde germani, quasi ex eadem stirpe ge-
niti. Gemma idem quod oculus Festo Pompeio. Alæ autem veluti in ho-
minibus, partes illius sub brachijs concauæ & pilosæ dicuntur: ita etiam
in ramorum ramis, partes illæ, etiam sub eisdem, ab illorum initio conca-
uæ. Verùm non id omnibus, neq; teneriusculis euenit. Sed id maximè
quercui accidit, autore Plinio. Græci μασχάλας vocant. Arborum au-
tem frons coma est, sicut in homine crinis, ut propterea arborum fron-
des, crines sint. Sunt autem panniculæ, nucamenta, quæ ex arboribus re-
sinam præter laticem fundentibus, scamatim callo compactili, depen-
dēt. Spadices ramusculi, cum suo fructu sunt. Græci βαιν vocant. Gellius
autem terminem è palma auulsum spadicem vocauit: vnde terminare
verbum, quod antiqui agrorū diuifores, antequam metæ inuentæ essent,
terminibus designabant. Festo autem Pompeio, termes ramus ab arbore
decerptus

decerptu nunc folijs repletus, nunc minus glaber. Horatius,

Nunquam fallentis termes oliuæ.

Turiones, teneritates summitatum arborum sunt, à folijs, sua mollitie parum diuersi. Quisquilias, Festus esse ait quicquid ex arboribus minutum cadit. Pollicem Columella sic effigiauit: Atq; frondatione cauendum, ne aut prolixiores pollices fiant, qui ex amputatis virgis redduntur. Plagam enim illam vocat, quæ fit in incisione. Quæ si in transuersum fiat, pollicis hominis figuram imitatur. In infitione autem cum rotunda sit, calicem Plinius vocat: Acromone siue Sciale, Græcis, rami prægrandes, & robustiores sunt, in quos arbor statim à caudice sese extendit. Idem summos fici ramorum cauliculos teneriores cradas, sicut olearum thaliam, vocant.

De membris arborum intrinsecis.

CAP. III.



DE his, quæ extrinsecus membratim apparent, dictum: reliquum est, vt de his, quæ intus sunt, quibus atq; in homine eadem appellatio. Estq; in alterutro intra, sicut exterius, similitudo quædam. Nam veluti in animalium corporibus, sanguis, caro, ossa, medullæ, nerui, venæ, adeps, cutis sunt: ita & in arboribus: De quibus particulariùs tractandum. Sanguis autem in arboribus, humor illarum erit, cutis cortex: subest huic caro. Inter neruum & venas alij colloquant: Nec omnibus carnes, adipésve largæ sunt: sicut nec animalium acerrimis. In quarundam verò arborum carnibus, venæ, pulpæq; sunt: quas cæteri neruos appellant, maximeq; in ficulnis arescentibus depræhenduntur: in quibus tantummodo hæ relinquuntur. Sed earum facile discrimen. Quippe venæ latiores, candidioresq; ramulos habent, veluti in homine. Venæ etiam in arborum folijs dicuntur per ipsa folia ramatim disperse, humorem habentes: quibusdam nerui dicuntur. Pulpa in arboribus, idem quod animalium musculum. Ad germinandum infœcunda, fîsilisq; est: ideo fit, vt aure ad caput trabis quamlibet prælongæ admota, ictus ab altero capite, vel grauis sentiatur, rectis meatibus penetrante sono. Vnde an sit torta depræhenditur. Pectines, Plinius in arboribus vocat, earum materiei lineas, per longitudinem rectas, pectinum modo compositas. Græci κτηδόνες.

De arborum corde.

CAP. IIII.



UNC de corde, tanquam de principaliori, sicut hominis, in arboribus membro: quod in homine natura prudens & sui ipsius conferuatric, in medio thoracis veluti in sede nobiliori collocauit, tanquam Rex in medio populi conuentu ac corona. Atq; id vt tutius federet, & à circumstantibus tueretur: tunica enim contegitur, & conuoluitur, quam Græci πικράδιον χιτῶνα vocant: ac si cordis inuolucrum dixeris: cuius officium est, vt ab iniurijs cor tanquam rex, exterius defendatur. Ideo illa dura, tanquam aliquod propugnaculum sit, quod cor ipsum circumsēpiat. Sic etiam cor in medio arboris situm, vt arboris maximè materiei præcipuū:

quod & cortice & carne, quandoq; pluribus: vt in arborum multis generibus vestitum & custoditum. At in ipso, propter tot arborum in natura differentias variatum: maximè verò in nomine. Nam plures medullam, cor, matricem, & viscera in arbore vnum & idem existimauerunt. Theophrastus *μητρειαν*, & ex aliorum sententia *καρδϊαν* atq; *μυελον*, hoc est, matricem, cor & medullam vocat. Medullam Gaza apud Theophrastum matricem interpretatur, si Hermolao credimus. Materiei autem vniuersæ, pars durissima atq; rarissima est. A cætero autem ligno, colore nigrescente, vel flauescente distinguitur. Quod facilius in nonnullis arborum generibus videre est, vt in genere quercuum. In iuglande verò Aëtio isca dicitur. Vulgus etiam rusticorum cor vocitat. In nonnullis autem arboribus tertium à cortice erit. Os enim in homine proximum medulla est. In plantis vulgus vocat id, quod stagmineum & lanuginosum in medio ligni est. At in arborum generibus, non eadem cordis ratio. Quibusdam spissius ac durius, vt corno, robori, cytiso, pruno, cuius cor ad rubedinẽ tendit, moro, ebena, cedro, loto, vlmò, taxo: quæ omnia ossea ob duritiem existimauerunt. Neq; omnibus simile: alijs enim carnosum, alijs lignosum, cæteris membranis persimile. Carnosum verò fico, punica, ferula. Lignosum larici, abieti, pino. Quidam autem cor habere materies omnes existimarunt, sed quod facile possit conspici minimè. In nonnullis enim non in medio ligni, sed per totum lignum dispersum, vt in buxo, olea, abiete, ilice, loto. Alij nonnullas carere arbitrantur: vt palmam, & cornum masculam. Quædam enim post corticem lignum habent, cordis verò loco, intus fungosam medullam, vt sambuci. Quædam autem inanitatem, vt arundines. Quibusdam verò est pulpa, sine venis. Moro enim stamine & tenui constant. Quibus pulpa non sit, eò celerius franguntur, quàm findantur, vt olea, Fagi pectines in pulpa transversi.

De arborum anima.

C A P. V.



ARBORES animam habere, sicut & membra, par est dicere: qua sicut in membris, cum homine, quoddam commune habere, clarum, vt eas ab inanimis discernere necessarium sit. Nam & gigni, nutrirī, augeri, iuuenescere, deniq; & senectute dissolui, vt est omnium animantium, constat. Similis eisdem, vt cæteris animantibus, in cibo & alimentis ratio: vt quæ sibi vel idonea, vel aliena sint, pernoscant. Quibus verò alantur, gaudeant, ægrotent, vel langueat, vt iniuria, aut beneficio quarundam rerum afficiantur, utq; etiam cognitionem eorum, quæ iuuant, aut officiunt, habeant: vti etiam Anaxagoras, & Democritus, eas & voluptate, atq; dolore affici, censuerint: nec sentiendi solam, sed & cogitandi, ac intelligendi vim habeat. Prætereo etiam eorum opinionem, qui eas dormire arbitrantur: super qua re multi vltro citroq; sese inflexerint. Quod tunc euenire dicunt, cum agere & perferre desinunt. Quod sit hyemis tempore. Vibrant propterea & porrectos ramos habent. Quos arboratores, non sine violentia cadunt. Qui & deflexi iterum in habitum pristinum se reuocant. Nituntur etiam

etiam aduersus pondera. Nempe etiam, vt magnus Hippocrates ait, cum ligna, præsertim viridia, aut subuiridia ardent, spiritum efflant, vt sui interitus conquerantur: vt quid animæ adhuc inesse appareat. Quod sonorius faciunt, cum stantes excinduntur, etiam cum sibilo, quod ab omnibus exaudiri possit. Mihi ipsi nonnunquam istud audire licuit. Quod enim, vt Plato in Timæo scribit, vitæ particeps est, iure animal nominari debet: (de arboribus antea locutus fuerat.) Itaq; ipsas arbores & viuere & mori dicimus. His igitur rationibus & argumentis, Empedocles, quem multi secuti sunt, arbores, animalia esse asseruit, & has animalium primas fuisse, & ante etiam Solis circumfluū expansum, & antequam dies noxq; inuicem discreta forent, vt saltem consideratione horum quæ non viuunt, vt animalia sint, necesse est. Hæc fuit illorum super arborum anima opinio: contrariæ tamen & alij fuerunt, vt animæ rationalis minimè participes fuerint. Super qua etiam re, variæ sententiæ. Plato animantium genera, in tres species, tertiam in terrenis posuit, qualis arborum, cæterarumq; frugum, quæ concupiscibilis nuncupetur. Aristoteles eius discipulus tres etiam animæ virtutes communes etiam cum plantis esse ait, germinalem scilicet, sentiendi munere præditam, cuius munia sint, augeri, gignere, & nutriri. At qui Stoicæ sectæ, vt hic fuit autor, vim germinalem minimè dignam existimarunt, vt quæ anima diceretur: vt ille arborum animas tacitam quandam appositionem habere, quam naturæ nixum vocitant. Hæc enim sola parte arbores viuere creduntur. Hæc enim vegetalis atq; nutritiua virtus est. *φυτόν* quippe planta est: & ab eo *φυτικόν* vegetatiuum. A vegetatione enim, quæ sola ipsius corporis alimonia atq; enutritio, vegetabile dictum. Nullusq; huius animæ effectus, præterquam educatio ipsa: foli etiam corpori inhærens, vt extra se, aliqua parte maneat minimè, nisi quantum succos ipsos, è quibus vegetatur, ad sese attrahit, & attrahendo corpori insinuat, in proceritatem conuertens. Quare Galenus, in arboribus animam, quandam facultatem appellat, appetitricem quidem naturalem, & altricem. Et Seruius ipsas arbores motu carere dicit: vitam tamen habere, cum & nascuntur & crescunt. Quod autem plantæ attrahant, & nutrimento delectentur, atq; rebus male conuenientibus offendantur, hoc fit sine sensu, sua natura, sine delectatione, sine dolore. Idcirco Aristoteles animatas dicit, non animantes: quod appetitricem sensibilesq; sint. Differuntq; ab animalibus ratione carentibus, sensu, ab homine verò ratione. Hanc autem animam, quidam physicam vocant. At Stoici, vt iam dictum est, deteriori fuerunt opinione, animata prorsus negantes, verum temeritate quadam nasci, non animæ vi. Plinius autem arbores viuere, eo modo scribit, quo septa, quæ spirare multi negant. Arboribus etiam quædam sæpe eueniunt, præter ea, quæ natura illis ingenta sunt, vt his quoq; (veluti animalia) afficiantur. Itaq; furculi, qui nihil gignunt, vt eos steriles esse oporteat, ad hominum instar spadones vocantur. Quamobrem Plinius palmas in Syria, Cipro, ac Ægypto, quamdiu nouellæ sint, nihil ferre dicit, nullo adhuc intus ligni pomo. Ob id spadones, siue eunuchi & enorchi dictæ. Theophrastus etiam harun-

dines, quæ contra cæterarum naturam, nihil lanuginis habent, spadones vocat. Nonnullis etiam animalium modo glandes & tubera insunt. Hoc pretiosum in cedro & acere. Sunt quoq; in his, sicuti in animalibus, excrementa, verum id tantum extrinsecus. Qualia sunt gummi, lacrymæ, vel corpuscula quædam terrea & cinerea, quæ circa stirpium radices conspiciuntur. Foliorum quinetiam, ac corticum, quædam in terream naturam conuersiones, desinente propria natura. Digestiones etiam, & concoctiones fructuum extrinsecus in illis fieri perspicimus, & in malis lanugines quasdam, aliaq; eius notæ plura. Loci enim natura hæc sunt. Quæ verò algentibus locis permanere possunt, plus caloris quam alia fortiuntur, etiam eiusdem generis: quod etiam inter homines est.

De prudentia, & affectionibus arborum.

CAP. VI.



N I M A M ex philosophorum opinionibus arbores habere supra differuimus: ex qua, illarum prudentia sequitur, qua potissimum se animantes docent ac demonstrant. Plotinus philosophus Platonicus, cum de beatitudine scribit, ipsam arboribus felicitatem quoq; tribuit: nam, ut cætera animalia, viuunt. Viuere partim quibusdam bene contingit, ut cum se bene prospereq; habent, ac letius fructificant. Animæ enim suæ participes, in pluribus sapienter vtuntur, aduersusq; multa prudenter sese tuentur. Ramis enim iam natos fructus, ut homines liberos, brachijs baiulant: quos item folijs tegunt, contraq; Solis ardores, imbriumq; & procellarum violentiam occultant, & defendunt ne immaturiùs periclitentur. Ut in his etiam harum prudentiam, altius contemplandum sit: ut quæ molliori sint fructu, robustiori eos folio contegant, ut immutabile tegmen & munimentum illorum sit: ut in ficu, cerafo, & similibus. At quæ fructus validiores producunt, leuioribus folijs eos operiunt: cuiusmodi sunt omnium pyrorum, & malorum fructus: qui corio, carneq; validiores, non ita fortiori auxilio indigent. Nam foliorum robur, ac densitas, à quibus causatur umbra crassior, ipsis fructibus nocumento sunt, ut parcius Solis calorem recipiant, quò ipsi alantur, colorentur, & maturescant. Aduersus etiam animalium rapinas, contraq; eorundem iniurias, fructus erumpentes, folliculis protegunt. Qui sæpe, cum adhuc tenerrimi sub iisdem iacent, crebris ac nimijs roribus ac pruinis pereunt. Quamobrem naturali innitentes prudentiæ ramos inflectunt, quò minus iniectum & infestum humorem excipiant, atq; diutius retineant: qua quidem intemperie maximè palma, ficus, amygdala, malus, pyrus, punica, leduntur. Et, ut doctissimus Hippocrates eleganter ait, Vere, contra ætatis Solisq; molestias, foliorum umbra, & alia sobole, tanquam alijs subsidijs sese muniunt. Altioribus verò locis positæ, creberrimis, & validioribus ventis obnoxia sunt, crassiori & spissiori, præter alias eiusdem generis alijs locis, trunco, frequentioribusq; ramis se defendunt, ac si in validiorem hostem, maiori vi, & numerosiore militum copia, depugnandum sit. Maiori etiam radicum cohorte, ne occumbant, terram amplexantur. Quæ si humiliores quandoq;

quandoq; inter maiores adnatæ fuerint, altitudine tamen eas æquare, atque etiam superare contendunt, vt solem conspiciere valeant, ac si pro alimentis pro vita decertent, vt hæ tantum caudice assurgant, non emissis per latera ramis. Quæ verò ætate adhuc infirmæ, ac imbecilles sunt, ventorum vi obediunt, flectuntq; sese, ac si veniam deprecentur, ne ab eis opprimantur, euellantur, rumpantur. Nonnullæ etiam spinis, vt est illarum asperior natura, tanquam spiculis, contra animalium morsus se stipant. Omnes enim totum corpus cortice vestiunt, qui tanquam defensor opponitur, tanquam mali patientes: tum vt aduersus cæli intemperiem, tum ab animalium iniuria securæ sint: quæ verò in frigidioribus, vt cerasi, betula, plurimis tunicis contra frigoris æstusq; algores se tuentur, aut sæpe vno, verum crassiori, vt robur, populus, quercus, vt illis plures necessaria: sicut hominibus frigida loca incolentibus. Musco etiam in frigidis, pennarum, pilorumve vice, aduersus Boream sese obducunt, maxime verò in his partibus, quæ Boreæ & frigidis ventis opponuntur, vt quæ norint, se vel nimio frigore æstive immodico posse offendi, interireq; posse: nisi ita opertæ conspectæq; manerent. Hæc est arborum in prædictis prudentia, quam etiam in alijs innumeris, diligens ac studiosus naturæ perscrutator inuenire poterit.

De arborum amore, & societate.

CAP. VII.



MORE & societate, vt homines, cætera quoque animalia gaudere, etiam arbores, cuiq; satis notum: quod etiam ex lequentibus apparebit, & attestatur Nemesianus: habet arbos amores. Verum prima maiorq;, veluti omnium animalium, in vnoquoq; genere, maris videlicet & fœminæ, postea verò inuicem alterius generis. Nam sicuti præcipua hominum societas ea esse solet, quæ eiusdem agnationis, cognationis, affinitatisve est, vt magis pater cum filio, frater cum fratre, sed magis magisq; vir cum vxore, vt in brutis etiam tempore coitus & partus est: reliquo etiam tempore inuicem consociant, vt simul pascant, versentur, cubent, gradiantur, volitent: vnde elephantum, bouum, ceruorum greges: graculorum, turdorum, columbarum, gruum, passerum gregatim volatus. Neque alicubi, siue terra, siue mari, tam fera bestia, aut belua reperiri potest, quæ suo generi aduersetur, sed pro eo cum alijs præliatur, & vitam suam in periculum adducit. Idem verò amor, eadem consuetudo plantarum omnium est. Adeo enim blanda, conciliatrixq; sui natura est, quasi suiipsius lena sit. In arboribus autem demonstrat Claudianus:

Viuant in Venerem frondes, omnisq; vicissim

Felix arbor amat, nutant ad mucua palmæ

Fœdera, populeo suspirat populus ictu,

Et platani platani, alnoq; assibular alnus.

*De nuptijs
Honorij.*

Societatis autem arborum testes erunt ingentes solius arborum generis syluæ, argumentoq; erunt illa vocabula, quæ ex his, quæ continent, appellationem acceperint: quæ Græci *περικλητὰ* vocant. Qualia in arbo-

ribus erunt platanetum. Platanon etiam dicitur, quò vsus Plinius Cécilius ad Caninium Rufum, his verbis, Platanon opacissimus. Platanona in quarto casu, Apollinaris, in quarto epistolarum. A plataneto, regiuncula apud Spartam Platanistas vocata, iuxta Neptuni templum, quem Domatitam nominabant autore Pausania, proceris platanis condensa. Campum enim aquarum circumfluentium instar maris insulæ cingebat Euripus, in quo Ephœbi suas committebant pugnas. Ad locum per pontes aditus patebat. In pontium verò altero Herculis simulacrum, in altero Lycurgi, quòd ibi hic leges tulerit. Ibi Cyniscæ Archidemi Regis filia monumentum heroicum. Ea fœminarum prima equos alere instituit, & prima ludis Olympicis, de quadrigis palmam meruit. Ficetum Græci in plurali *συκιδας* nuncupant, palmetum, coryletum, lauretum: Aulus Gellius Græcos laureta *δαφνῶνες* vocare scribit. Myrtetum: quod Plautus fœminino genere, in Aulularia protulit. Nescio quis seruus è myrteta profiluit. Alia significatione est, Acroni in epistolis Horatianis. Porphyrio etiam huius interpres, pro sola myrto posuit. Oliuetum M. Cato *ελαιών* Græcè, populetum, cupressetum, quercetum. Horatius in Odis,

Querceta Gargani laborant.

Alij querquetum, Græcè *δρυμόν*. Æsculetum, Horatius in Odis:

Quale portentum neq. militaris

Daunia in latīs alit æsculetis.

Pinetum Acroni in Odis Horatianis Salictum, quod debuit esse ea forma, quia lauretum, & aliorum, salicetum: per syncopam tamen salictum vsurpatum. Vergilius:

Hyblæis apibus florem depasta salicti.

Et Vlpianus arborum (inquit) appellatione vitem contineri, pleriq; existimarunt: idcirco quoq; arundines, deniq; de salicto dicendum est. Seruius pro virgulti quodam genere accipit: dictum quod saliat ex Vergilij supra citato testimonio. Vlnetum, prunetum, buxetum, Græcè *πυξόν*, cornetum, ilicetum Martialis:

Surgente focus excipit superba

Vicini strues cultus iliceti.

Generalius autem pro loco ubi poma nascuntur, pometum est (autore Charisio Sospatro.) Eiusdem significationis vocabula, in fruticibus fuerunt. Itaq; & arundinetum dicimus, Græcè *δονακῆον*. Densum verò & factum illi comythes vocitant. Rubetum, cannetum, rosetum, & pro eodem rosarium. Ovidius de Tristibus:

- Quos amœna rosaria flores.

Græcè *ῥοδοιὰ*. Dumetum, senticetū, quæ Græcis *φραγμόν καὶ ἀκανθών* dicuntur, spinetum, virgetum Ciceroni est. Huiusmodi vocabula, apud classicos autores inuenire est. Alia autem effinxisse, non placuit. Quæ certè ea loca significant, quæ harum arborū singulis generibus confita sunt.

*De arborum amicitia, & inimicitia, & de quarundam
cognitione.*

CAP. VII.

AMOR



MOREM arborum in suo quoq; genere, suprà intelligere volui, nunc amicitiam in aliud, sicut & animalium, præter suum genus. Quam verò primùm, hæ diuersi generis simul sua sponte in agris, & inter sylvas nascentes, docent. Sed alta vlmus, & vitis, vinciuntur, simulq; maritantur, & inuicem brachijs sese amplexantur, ac deosculantur, vt commodissimè vlmus, illius amicitiam patiat. Mutua etiam amicitia se complectuntur myrtus & olea, vsque adeò firmissima, vt illarum radices mutuo amplexu apprimè delectentur, ac myrti virgæ per oleæ brachia prorepant, atque diffundantur, vt fructum huius obtegat, ac protegat tum à Solis, tum à ventorum vi, vt dein dulcior ac tenerior, verùm minor euadat: vt iuxta oleam nil aliud, ne illarum amicitia alio consortio violetur, Androcion feri prohibuerit. Olea etiam, & ficus, amicitia plurimum gaudent. Democritus etiam inter myrtum & punicam, mutuam quandam sympathiam esse ait: vt si ex propinquo simul plantatæ fuerint, foecundiores non solùm erunt, sed radices quoque ambarum, licet longiusculè sint, tempore tamen sensim inuicem connectentur. Prope verò rosam satæ, ambæ florentes fient, generosumq; fructum ferent. Hæc est myrti erga plurimas, sua humanitate, & Veneris patrocínio, cui dicata est, dilectio. Amica morus & vitis sunt (autore Palladio.) Hic corylis mistas inter confedimus vlmus ait Menalcas Vergilianus. Olea foelicissimè feritur, vbi arbutus, aut ilex fuerint, præcipiente Columella. Pinus omnibus benigna, vt sub eam feratur & myrtus ac laurus, & pleræq; alia. Nec quicquam prohibet radix, quò minus liberè hæc augescere possint. Nam simplici radice est, & alta. Nempe, vt ait Claudianus,

Et comitem quercum pinus amica trahit. Horatius:

*Quò pinus ingens, albaq; populus
Umbram hospitalem consociare amant*

Carm. lib. 2.

Ramis.-

Apud Tacapen Africæ ciuitatem (Plinio referente) palmæ prægrandi subditur olea, huic ficus, fisco punica, illi vitis: cuius cinis citri arbori utilis. Est & herbarum quarundam cum nonnullis arboribus amicitia: vt inter citreum & cucurbitam: sua enim vicinitate congaudent. Amant se mutuo arundo, corruda, & asparagus: vt hæc arundinetis vtilissimè serantur. Rutam Plutarchus sub ficu nascentem, aut non procul, mitiori & suauiori succo esse asseruit: ac si dulcedinem fici quandam delibet, ac desumat. At sicut inter aliquot animalium genera perpetuò, atq; ab ipsa natura dissensiones ac odia sunt, sic quoq; inter stirpium quædam genera. Et illud perniciosi visci, vt nil eo crudelius, & ingratum magis, cum in matrem cuiusq; plantarum generis sæuiat, verùm tardior eius iniuria. Eiusdem naturæ est hedera: cuius exitiale odium cum omni arborum genere, vtpote omnes suo amplexu enecans, ac strangulans, carnificis more. Quercus item & olea, tam pertinaci inuicem inimicitia sunt, vt altera in alterius scrobe depacta, moriatur: vt etiam M. Varro secundum quercetum feri oleam yetet. Porro non solùm minùs ferūt, sed etiam fugiunt,

vt int

vt introrsum in fundum sese reclinant. Quercus cum vite, nuce iuglande infociabilis est: quarum & odium atq; post mortem perduret: vt illarum materies glutino inter se cohæreant minime. Cornum maximè odit sorbus. Est & nonnullarum arborum in herbas aliquot, sicut amicitia, odium. Porro mira arundinis & filicis discordia: nam vtriusq; radix contrita, & imposita, stirpem alterius infusum corpori eicit. Arundinem exarari, filice vomeri imposita asserunt, & ad id præcipiunt: & viceversa, filicem non renasci, arundine vomeri imposita, nec insuper arundine sectam. Superest plantarum quarundam similitudo, quæ in nonnullis tanta est, vt non nisi à rei arborariæ peritissimis, neq; fronde, neque materie, cæterisq; discerni inuicè facile possint: tanta est natalium mistura. Quod est in pino, pinastro, picea, abiete, larice, teda: vt in Macedonia & Arcadia circa Elim (autore Theophrasto) permulent nomina: nec constat scribentibus quod cuiq; generi attribuatur. Cuiusmodi figuræ erunt glandiferæ quædam, vt quercus, robur, æsculus, cerrus. Quare congeneres eas dicere placet, vt ilicem, suberem, fagum, haliphleon. Iuniperi ac cedri arcta consanguinitas. Ambarum enim pares notæ, magnitudine tantum dispares. Vtræq; vna appellatione à plerisq; nominatæ. Phœnices (autore Theophrasto) iuniperum, cedrum minorem vocant. Quidam verò hanc discretionem scrutati, folium iunipero simplicius, tamen mollius: Cedro acutum, spinosum, durum, baccae maiores, durioresq; atq; in maturitate viridiores, vti his notis, propriam cedrum additione demonstrent, oxycedrum vocantes. Hæc etiam procerius adolescere conspicitur. Folio autem ilex & aquifolium affines: latius tamen, viridiusq; huic.

*De arborum, & cæterarum rerum generatione, & de
varia philosophorum super hac re opinione.*

C A P. IX.



V A R I E autem de arborum, rerumq; cæterarum procreatione, antiqui philosophi disseruerunt: vt quot fermè illorum sectæ fuerint, tot inter se dissidentes sententiæ, vti inanità & anilia multi illorum effutierint. Inter eos verò Linus Mercurio Vraniaq; musa natus (Laërtio autore) primus Solis Lunæq; cursus, atq; animalium, fructuum quoq; generationes notauit. Leucippus enim, elementorum alia primordia esse voluit, tam minuta, vt nec videri quidem, tangiue, ac vlla corporis parte sentiri possint: vt nulla præterea ferri acies adeò subtilis sit, vt ea diuidere valeat: vel quòd adeò firma corpora sint, vt quicquam pati possit, nec immutari: vnde illis atomorum nomen impositum sit. Theodoritus de Græcorum affectionibus interpretatur, illa parua tenuissimaq; corpuscula, quæ Solis iubar, per fenestras; ac spiracula introgrediens sursum ac deorsum inerrantia ostendit. Dicebat insuper læuia esse, ac rotunda, angulataq;, & hamata, & per inane inrequietis motibus volitare, huc illucq; ferri. Ex his autem arbores, herbas, fruges deniq; omnes: animalia etiam, ignem, & aquam, cunctaq; postremum vniuersa gigni, atq; oriri, rursusq; in eadem resolui.

In qua

In qua etiam opinione fuit & Democritus, quem postea à tēgo ipso secutus est Epicurus. Arbitrabantur enim hi omnes terram atomis plenam quibus cibus & alimentum satis arboribus etiam infunderetur: quod per traduces, & plantarum interuentia mearet, quas & foueret, & aleret. Quam item opinionem Vergilius Maro, certè nullius sectæ ignarus, intellexit, dum canit:

*Namq; canebat, uti magnum per inane coacta
Seminâ terrarumq; animâq; mariâq; fuissent,
Et liquidi simul ignis: ut his exordia primis
Omnia, & ipse tener, mundi concreuerit orbis.
Tum durare solum, & discludere Nerea ponto
Cœperit, & rerum paulatim sumere formas.* Ecloga 6.

Verum hæc usque adeo vana, falsaq; sunt, ut ne reprehensore quidem indigeant: tametsi plures pluribus etiam commentarijs id fecerint. Præter etiam philosophos Lactantius Firmianus. Straton autem, qui physicus appellatus est, naturam in se vim & gignendi & viuendi habere arbitrabatur, verum nullum sensum, nec figuram. Ut intelligi voluerit omnia, quasi sua sponte, nullo artificio, nullo autore, procreata fore. Quæ & si, quàm superiora, verisimiliora esse videantur, vana tamen sunt, atque impossibilia. At Pythagoras Mnesarchi filius, Samius, cæteris sapientior, principium rerum omnium monadem dicebat. Anaxagoras Clazomenius τῶς ὁμοιομερείας. Socrates & Plato eius discipulus, tria rerum exordia posuerunt τὸν θεόν, τὴν ὕλην, τὴν ἰδέαν. Thales Milesius, vnus è septē Græciæ sapientibus, iuuenis in Ægyptum profectus, ut scribit Eusebius, senior verò factus Miletum reuersus, primus de philosophia, quæ de naturæ ratione procedit, cœpit disputare. Hic, & Heraclitus ex aqua omnia oriri inquebant: hac autem coniectura, quod animalium, & cæterarum rerum semina, humidam habeant naturam, & nutrimentum omnium sint, quod originem ab aqua ducit, & deinde stirpes humectatione alantur, & ad frugem euadant. Humoris autem expertia actutum arescunt, ut ea mori necesse sit. Quapropter terram super aquam esse positam, & ignem stellarum atq; Solis, & ipsum mundum aqueis vaporibus ali. Propterea Homerum Oceanum, rerum patrem appellasse αἰετρώοντα τὸ πρῶτον ἄλσος. Idem in quarto Iliados. ὠκεανὸν τὸ θεῶν γένεσιν καὶ μητέρα τῆθιν. Perse etiam hac ratione aquam colebant. Ex humido enim manare generationem, perinde ac in Oceanum flumina, aërem influere, rebantur: qua parte humidus esset, atq; irriguus. Ad hæc conuenire, generationis gratia cum Oceano terram, quod venarum, fontium, fluminum origines, veluti omnium mater, intra aluum clauderet, & post relaxaret. Neq; enim terra, sine rore, sine pluuijs, sine nocturna præsertim temporis euaporatione, rerum generationi abunde sufficiens esse posset. Neq; per se aër, aut emittendo, aut etiam accipiendo, suas vires exercere idoneè valeret. Syri præterea Rheam colunt, à columbarum & piscium esu abstinentes. Per hunc enim colendi ritum, causas generationum aërem & aquam esse volebant. Artagam vocant. Pindarus etiam inter elementa,

& rerum primordia, optimā esse aquam asseribat. Cui astipulatur Hesiod.

ἦτοι μὲν πρότις χάος γένητο.

Hinc plurima sumuntur argumenta: vt cū amnis exundauerit, aut riuo digressus, totā vnda effusus, vt ibi agnascantur arbores, vti de Nesso in agro Abderensi Theophrastus memoriæ mandauit. Qui sæpenumero alueum mutat, vt simul vbi commutauerit, tantum syluæ congeneret, vt intrā triennium vndique opaca regio reddatur. Hæmus autem mons aquarum quondam inops fuit, vt scribit Seneca: verū cū Gallorum gens à Cassandro obsessa fuisset, & in montem se contulisset, & syluas cæcidisset, postea ingens aquarum copia effusa, quæ in plantarum alimentum consumebatur. Verū his excisis humor superfusus. Id autem circa Magnesium accidisse Theophrastus autor. Ab imbris autem crebriores fieri arborum generationes videmus. Sæpius etiam aquarum inundatione nouos riuulos ac fontes enatos, post arborū euulsionem, compertum est. Illud idem sacerdotes Ægyptij, suis ceremonijs ex illorum moribus, comprobarunt: itaq; hydriam aqua replebant: post tegebant, ac in templum deferebant, vbi casta religione adseruabatur. Tunc enim in terram procumbentes, manibus in cælum sublati, gratias diuinæ benignitati agebant. At Heraclitus Metapontinus, ex igne omnia procreari & generari dicebat, & in ignem recidere: impudenti tamen errore. Nam etsi alterutrum solum fuisset, alterum ex eo oriri non potuisset. Neq; ex aqua ignis, nec ex igne aqua. Porro ex igne nihil posse nasci manifestum est: quippe omnia, quæ arripuerit, consumit cū inuiolabile elementum sit. Quod poëtæ vtiq; fabula expresse runt, Vestam Saturni & Opis filiam fingentes, & virginem. Hæc enim flamma est, ex qua nil gigni potest. Sic enim de illa Ouidius in Fastis:

Lib. Fasto. 5.

Nec tu aliud Vestam, quàm viuam intellige flammam:

Nataq; de flamma corpora nulla vides.

Iure igitur virgo est, quæ semina nulla remittit,

Nec capis, & comites virginitatis amat.

Heracliti verò opinionem secuti sunt Hippasus & Anaximander. In quorum dogma Stoici, Saturni fabulam connexuerunt, qua poëtæ illum cæli filium dixerunt: cui filius genitalia succiderit, ad rationem physicam accommodantes. Quorum sententiam Cicero de natura Deorum disputans, posuit. Cælestem enim (inquit) altissimam æthereamq; naturam, id est, igneam, quæ per se omnia gigneret, vocare voluerunt, ea parte corporis, quæ coniunctione alterius egeret ad procreandum. Empedocles autem Metonis filius, Agrigentinus, alijq; non pauci philosophi, è quatuor elementis rerum constare principia opinabantur: cuius sententiæ & ipse Lucretius fuit. Ex imbre, terraq; atq; anima nascuntur & igni. Ex his enim omnibus omnia constare animaduertimus. Nec absq; illorum potestate, neq; ali, neq; crescere, neq; tueri posse. Diogenes verò ex aqua putrescente, misturaq; cū terra quadam, plantas nasci existimabat. Imbrem verò, sceminam secum ferre putabat, & putredinem aquæ terræ committi: vt ex Nili inundatione in Ægypto apparet. Euripides Anaxagoræ auditor,

ditor, quem scenicum philosophum, vt ait Vitruuius, Athenienses vocarunt, aëra, & terram cœlestibus infeminata imbribus omnia generare affirmabat. Cleodemus autem ex eisdem plantas atq; animalia constare putauit. Satis superq; de futilibus super rerum generatione quorundam philosophorum sententijs, vt pote, quæ necessariae minimè forent: sed eas tamen in medium afferre oportuit, quò cæterorum veriores longeq; lucidiores vnicuiq; deprehenderentur: vt iam locus sit: vt ad eorum opinioniones deueniamus, qui ipsi veritati magis propinquiora differuerunt, atq; inuenerunt. Archelaus Atheniensis Magorum sacerdos, ex igne & aqua cuncta progenerari autumauit. Non quòd ignis cum aqua permisceri possit, quum sint vtraq; inimica. Quæ si cominus venerint, quod superauerit, alterum conficiat necesse est. Sed horum substantiæ, aquæ videlicet humor, atq; ignis calor, commisceri possunt. Quamobrem philosophi, necnon etiam poëtæ, discordi concordia mundum constare dixerunt. Ignem præterea M. Varro à nascendo dictum existimat, quòd hic nascatur, & omne id, quod nascitur is scindat, caleatq;: contrà quòd denascitur, ignem amittit, atq; vt frigescat oportet. Zenon Citieus animalium semen etiam ignem dicebat, qui idem animus & mens esset, atq; calorem illum igneum è cœlo esse. Porro illa duo principia humor & calor quæ diuersam ac contrariam vim ac naturam habent, Deus omnifator, atq; rerum vniuersarum creator, ad gignenda & sustentanda omnia, mirabiliter excogitauit, quorum virtus in calore ac igne maximè esset: vt frigori calorem immisceret, & humori ariditatem. Quorum si alterum vicerit, progenitū interibit: aut si maneat, sterilefcet. Nam æquè inuicem coire debent. Huius verò testes erunt æstas atq; hyems: vt quod in altero deficit, alterum suppleat. In altero enim feruescit aër, in altero verò natura cum frigore ad nascendum luctare non vult, sed alterutrum ver expectat. Rectè siquidem Naso sic:

*Quippe vbi temperiem sumpserè humorq; calorq;
Concipiunt, & ab his oriuntur cuncta duobus:
Cumq; sit ignis aquæ pugna, vapor humidus omnes
Res curat & discors concordia foetibus apta est.*

Lib. Metam. 1.

Sed hoc illi ipsi poëtæ fabulis denotarunt. Fingūt etenim semen igneum de cœlo in mare cecidisse, atq; è spuma, id est, aquæ & ignis coniunctione, natam Venerem. Daphnem insuper è Ladone fluuio progenitam: quòd è terra, atq; aqua omnia gignantur. Principes etiam deos Cœlum, qui à saty Saturnus: Ægyptijs verò Serapis, dictus: & Terrā, quæ est Ops, & istis Isis, posuerunt. Geniales etiam Deos F. Pompeius terram, aquam, ignem & aërem posuit. Hæc rerum semina sunt, quæ Græcorum alij *τοῖς χεῖρα*, alij *γενεθλῆς* vocarunt. Ops quippe, ex eo, quòd ad viuendum opus ea sit, denominata: sine cuius humore arbores neq; viuere, neq; in summos ramos frondescere queunt. Quod etiam cecinit Lucretius:

*Nec prorsum arboribus summos frondescere ramos
Posse, nisi à terris paulatim cuiq; cibatum.*

Lucr. lib. 1.

Per ignem siue aërem, & humorem, Iouem & lunonem intellexerunt. Ille

enim à Græcis aër dicitur, qui ventus, nubes, postea imber, ex quo frigus etiam. Qui arbores, fataq; omnia iuuat, vnde Iupiter dictus. Obq; id, diuûm atq; hominum pater ac rex. Propterea Cleanthes & Milesius Anaximenes, summum deum athera voluerunt. Hac ratione pater, quod semen patefaciat, & sole, imbreq; conceptum foueat, & conferuet. Dijouis & Diespiter quoque dictus, hoc est diei pater. Infimus etiam, quia terræ cõiunctus sit, vbi omnia oriantur. Iuno insuper cum Ioue marito, omnia iuuat: regina proinde dicta, quod terrestria omnia, suæ possessionis sint. Quare Vergilius Anaximenes secutus opinionem, Iouis & coniugis Iunonis, in procreandis rebus, communes vices, mira eloquentia expressit:

Georg. lib. 2.

*Tum pater omnipotens fecundis imbribus aether
Coniugis in gremium lata descendit, & omneis
Magnus alit magno commistus corpore fetus.*

Omnium etiam, quæ è terra oriuntur, aërem patrem arbitrati: quod aquarum lapsus, feminis vim præbeat. Terram verò matrem, quod hæc imbres excipiat, aut iam conceptos horum humiditate, vt matres pueros suos lacte, plantas enutriat. Calorem verò illum idem Maro, Dei spiritum ac mentem, quibus omnia agantur, vocat, hoc modo:

Georg. lib. 4.

- Deum namq; ire per omnes

*Terrasq; tractusq; maris, cælumq; profundum.
Hinc pecudes, armenta, viros, genus omne ferarum,
Quenq; sibi tenuis nascentem arcessere vitas. Et alibi:
Principiò cælum, ac terras, camposq; liquentes,
Lucentemq; globum Lunæ, Titaniaq; astra
Spiritus intus alit: totamq; infusa per artus
Mens agitat molem, & magno se corpore miscet.*

Act. 6.

Anaxagoras autem hunc spiritum *νῆν* dicit. Thales insuper Deum esse mentem volebat, qui ex aqua cuncta formaret. Itaque omnium rerum materiam posuit (vt iam diximus) in humore. Principium verò causamq; nascendi deo attribuit. Epicharmus enim, cum de mente humana loqueretur, hæc (autore Varrone) protulit: Istic est de cælo sumptus ignis. Et Anaxagoras Deum esse infinitam mentem dicebat, quæ per seipsam moueretur. Pythagoras autem animum, qui per vniuersas mundi partes, omnemq; naturam commearat, atque effunderetur: ex quo quidem omnia, quæ nascerentur, animarentur. Hæc illa mens, & ignis Dei summi, cuius solo nutu, non arbores tantum, verum omnia generantur, vt absq; eo, nil genitum, ortumq; sit. E semine quidem, in quo primùm quid lacteum inest: quod etiam naturali desiderio, sicuti in cæteris omnibus animalibus est, simile quoddam sibi progenerat, cum terræ dimissum est: quæ scilicet plurimas, atq; innumeras facultates habet, & veluti omnium generum receptrix, & quoruncunq; quæ acceperit, fidelis restitutrix sit. Cuius equidem circa semina partes non aliæ, quam erga infantes in vtero vuluæ, vt quibuscunq; in ea adnascentibus cognatum cum semine humorem præbeat, quo primùm enutritur, perflatur, tumescit postea atq; dehiscit. Sol autem suo calore, ac exhalatione, illud digerit,

digerit, maturat, quo & agitur. Est enim calor præcipua gignentium causa: sine quo quicquam neq; nasci, neque augeri potest. Quod innuit Lucretius:

Et Solis flammam per cæli cæcula pasci.

Spiritus enim intentione & coadiutione, quo nil validius, in ramos & in altitudinem distenduntur: cuius verò virtus in lapidum commissuris, locum sæpe inuenit, ut nonnunquam in multos annos in ingentem crassitudinem conualescant, ingentia plerumq; saxa amplexantur: quandoque etiam monumenta dissoluât, scopulos & rupes findant. Folia prius emittunt, radices priusquam ramos. Quod quum iam radicibus ramis confirmatum erit, fructum ferunt. Talea verò ex sua arbore rescissa atque in terram defixa, quum aliquantisper in terra steterit, humorem spiritumq; concipit, turgescitq; ac radices gignit, & per eas humorem ad superiora emittit, humida, calidâq; vi folia emittit. Supernè dein, atq; infernè crescit. Horum autem elementorum, alterum mas, alterum fœmina. Alterum item actiuum, alterum patibile. Ignis enim mas, aqua fœmella. Plantarum enim munus & actio, seminis generatio: quod sicut in animalibus cum maris & fœminæ coitu effici necesse est, propter etiam temperamenti commoditatem. Verùm hunc masculini & fœminini sexû, in plantis, natura indiscretum esse voluit, ut propterea ex sese progenerent, nec genituram tamen emittant: sed conceptum, quod semen vocatur. Id enim Empedocles bene suo carmine retulit: *ἔγω δὲ ὠτοκεῖ μικρὰ δένδρα πρῶτον ἐλάϊας*. Expressius verò apud Latinos eius sectator Lucretius:

Nil esse in promptu, quorum natura videtur,

Quo genere ex vno consistat principiorum.

Horum autem coitum Ouidius Venerem vocat:

Ille deos omnes (longum est numerare) creauit:

Ille satis causas, arboribusq; dedit.

De Venere loquitur. Titan Solis prætereà frater habitus, existimatusq;, quod ea anni tempora diligenter ac studiosè obseruauerit, in queis arbores augeantur, fructusve ad maturitatem perducantur.

*Summa arborum diuisio, & de illarum ex stipite, ramis,
cortice ac radicibus differentijs.*

CAP. X.



ARBORVM sanè plures differentiæ, præcipua tamen (sicut animalium) qua mas à fœmina distinguitur. Quæ ferè in omnibus, præterquam paucis, reperire est, in quibus neuter sexus facilè deprehèdi potest, quas viduas appellare licet. Quædam autem sempiterna virent coma, cæteris verò decidunt per suum tempus folia. Aliæ folijs in totum carent: sed huiusmodi raræ inueniuntur. Nonnullæ sua natura, omnino steriles, alijs fructiferis, inter quas rursus quædam præcoces, reliquis serotinis. Et huic discrimini, propinquius scèlicium & infœlicium. Et fructiferarum item nonnullæ, in quibus semper inest fructus. Quæ item vel biferæ, vel trifæræ sunt. Quædam verò florent inaniter quidem, cum fructum non partu-

riant. Sunt & in eodem genere quædam urbana, quædam verò syluestres. Aliæ autem peregrinæ quædam sunt, quæ nullibi proueniant. Sunt & fruticei generis, de quibus iam suprà disputatum. Et licet arboribus omnibus, caudex, rami, radicesq; sint, his tamen inter se dissimiles sunt, vt pote quæ non eadem ratione his nascentur. Nam harum nonnullæ, vno tantum caudice atq; statim à terra, vt plurimùm assurgunt: vt palma. In Ægypto tamen, Syria, Creta bifida visuntur, pluribúsve truncis. In Æthiopia enim vnum genus reperiñ Theophrastus dicit, quod cyce vocatur, cuius crassiori stipiti plures adiungantur, quædam bifurcæ. Plures in alios stipites à terra diuisæ. Nonnullæ longo caudice, ac recto, in altum extenduntur, veluti abies, pinus, cupressus, larix, palma. Aliæ breui, vt salix, ficus, ynedo, malus, pyrus. Crassitudine item, ac caudicem tenuitate differunt. Quædam verò crassiori statim à terra caudice nascuntur, aliæ exili, altius tamen eriguntur. Quædam recto caudicem meatu, aliæ contortiori nascuntur. Verùm his contingit, non tam arborum, quàm loci natura. Nodosiores minùs alijs sunt laurus, ficus, salix, populus. Inter magis nodosas erunt olea, vlmus, pinastr. Omnium terræ proximiora, crassiora. Ramorum etiam alia differentia. Nam frequentioribus sunt olea, ficus, vlmus, picea, pinus, & omnes, quæ resinam fundunt, malus, pyrus, robur, crebriores etiam sylvestribus. In proferendis etiam ramis, plurimum inter se differunt arbores. Quibusdam enim in ordinem, pari numero progrediuntur, sicuti picea, abieti, sapino. Vtrinq; enim miro ordine inuicem respondet, quod etiam in prægrandioribus ramis est. Græci ἀξιοφόρος, hoc arboris genus vocat. Alijs inconditi, vt robori, malo, pyro, & cæteris. Cortice autem multum ac plurimùm etiam discrepantes. Quibusdam tenuis, vt lauro, tilia, & omnibus iunioribus magis, quàm antiquioribus. Crassior cæteris, veluti robori, populo, vlmio. Lenis malo, fico. Scaber robori, palma, suberi: cui, ac populo carnosior, quibus cadit, alio subnascente. Multis neruosus. Membranaceus arundini. Libris similis, cerafo. Nonnullis multiplex, vt tilia, cerafo, abieti, betula. Alijs simplex, vt fico, arundini. Magna insuper radicum differentia. Copiosæ atq; longæ robori, platano: breues & angustæ malo. Singulares pino, abieti, larici: singulis enim nituntur, quàm minimis in latera dispersis. Fico minutulæ. Abieti capillamentis hirsuta. Alnus tenuem agit. Sorbo raræ, attamen crassæ, & incorruptibiles. Inæquales, ac crassiores lauro, oleaq; cui & ramosæ. At robori carnosæ, abieti neruosæ. Aliquibus nodosæ, villosæq; ceu olea.

De duplici, masculino videlicet, & feminino arborum sexu.

C A P. XI.



ARBORVM (veluti animalium) quodlibet genus, herbarum etiam, vtroq; sexu distingui, naturæ diligentissimi prodiderunt, vt in his Veneris intellectus percipiatur. Quod in olea ostendit Ouidius, cum ait:

Ure mares oleas.

Vt harum

Vt harum sexus ratio etiam in sacrificijs habeatur. Idem Metamorphosi:

- *Nec innuba laurus.*

Verùm illud præsertim in palma depræhenditur, vt in nulla alia arbore sexus vterq; manifestior sit: nec amicitia inter coniuges arbores maior. Vehementi enim inuicem sese prosequuntur amore, deperitq; vna aliam, nec prius stimulante desyderio, cupiditatibus mas leuabitur, quàm fœminam consoletur. Quandoquidem illum videre licet, suis blandioribus quasi manibus, comis, in istam incumbentem, & nutantem, & amoris impatientem, suum grauari stabilimentum. Nec ab huiusmodi amplexibus, turgidis floribus auertuntur. Hoc enim ambarum gestu, suum amorem confitentur, quibus itaq; indicijs, velut coeundi quædam proditur fides. Quarum autem connubium pictor, quisquis ille fuerit, qui in porticu illa Neapolitana icones, de quibus apud Philostratum adpinxit, adfabrè expresit, quum ex vtroq; sexu, singulas ripis singulis effigiau: vt vtrinq; suprà flumen, licet procul fuerint, transiliant, hilaribus ramis sese coniunctim deosculantes. Illud etiam mirum de ea scribitur. Quod si maris flores, amasæ capiti circumposueris, illam tanquam amici ornameto collustratam, fructum dare, vt isto amoris pignore fœcundetur. Cuius etiam fructum in ea perdurare posse minimè affirmant, ni illius puluerem super concusseris. Fœlicius etiam parturient, si marium seminibus illitæ sint, & fœminas omnino sterilefcere, excisis maritis. Tanta enim est vtriusq; sexus in hoc arboris genere potentia, vt parem effectum, atq; in animalibus, sortiatur, amicitiam quoque. Sexus verò distinctio est in mollietie, leuore, rigiditate. At in discernendo sexu, illud primùm præmonere licet, quod itaq; in animalibus nonnullis est, vt in omni arborum genere fœcundiores sint ad crescendū, quàm mares, fœminæ: vt M. Varro scribit. Propterea fœcum, malum, propter fœmineam mollietiem ad crescendum pronas esse.

Utrunque arborum sexum, in fertilitate vel sterilitate, secundum arborum genera dignosci.

CAP. XII.



MVLTI in rebus, arborum vterq; sexus cognosci valet: maximè verò in fructu, sterilitate. Sunt etenim quædam genera, quorum solùm masculæ fructum ferant, fœminis sterilibus: & e contrario. Verùm plantarum vbertas in fœminis frequentior, animalium vices & officium imitata, id in arborum sexu præstantes, quod inter animalia fœmellæ. Parturiunt nanq; hæ, maribus sterilibus, aut saltem, sicut in illis fructum adiuuantibus. Arborum quippe omnium communis vox, non indecenti, atq; incongrua ratione, contraq; etiam grammaticorum præceptiones, regulamq; desinentium in or, fœminini generis est, veluti vxor: quod proprii fœtus mater dicatur (autore etiam Vergilio) qui in secundo Georgicorum, hoc esse demonstrat:

Parua sub ingenti matris se subicit umbra.

Vnde & specialia quæq; vniuscuiusq; arboris nomina, fœminina sunt, excepto

excepto oleastro. Verum Ægyptij (autore Diodoro Siculo) contra Græcorum morem, arbores fructiferas mares appellabant, fœminas verò, quæ maturitatem adiuuarent. Theophrastus similiter quosdam id facere scribit. An de Ægyptijs loquatur, nescio. Et hoc in perfici genere Plinius scribit. Id enim generalius existimarunt, ut ea, cui maior fructus producendi vis, masculi nomen adepta sit: cui verò minor, fœmella. Thus Syriæ mascula fert, sterili fœmina, quod in visco itidem est. Arbuti mas & fœmina reperiuntur, sed quorum sexus sterilis sit, inter autores nondum conuenit. In thure autem masculum putant, quod ex eo rotunditate quadam guttæ pendeant: quare à specie testium dictum volunt. Sed ad fœminas ferentes reuertamur. Mares non produunt Sorbus, buxus. Laurus mascula nil fert, præter vuam, & id copiosius cupressus, ut Didymus dicit. Contrariæ tamen sententiæ fuit Theophrastus. Fœmina tamen diu sterilis. Tilia mas neq; florem, neq; semen fert. Teda mascula, refinam diutaxat fert, & eam, quam Græci *σικυ* vocant, odoris gratissimam. Terebinthi duo fœminarum genera, cuius alterius fructus rubet, alterius verò pallidus est. Ilex fœmina fert. Quidam tamen, ut Plinius testatum reliquit, suberis fœminam, ilicem putauerunt: atq; vbi ilex non nascitur, pro ea subere vtuntur. Illicem tamen fœminam quidam Græcè *φελλόςφυ* vocant. Quadam verò naturæ benignitate nonnullæ adeo præditæ sunt, ut in utroq; sexu ferant. Verum vberius iuxta communem animantium naturam, fœminæ. Auidior itaq; in ferendo sexus fœminei palmaribusq; enim flore germinat, protinusq; fructum promittit: quem Polux ex Herodoti & Xenophontis sententijs, balanò propriè vocari dicit. Mas tantum in palmitibus supra spatam floret, qua alterum sexum adiuuat. Aceris mares prius florent. Qui verò Idam Troadis incolunt, cornum masculam sterilem dicunt, ut scribit Theophrastus: Macedones tamen ambas fructiferas affirmant, fœminam thelycraniam, quasi fœminicorum appellantes: cuius partus cunctis animantibus ingustabilis. At discrimen aliud etiam in fructu ex tempore ponunt. Nam marem longè præcocius, circa solutium, fructum reddere dicunt, fœmina post autumnum præbente. Taxus mas fructu noxius est. In insitis enim sexus differentiam non est ponere: insitione siquidem sexus naturam demutant omnes, in quibus sterilitatis, & fertilitatis discrimen vllum est. Sunt & alia in quibus sexus uterq; inuicem facilius dignoscitur, manifestius tamen in maribus. Signum virilis sexus in nonnullis quidam ostendunt. Palladijs in pistacijs marem & fœminam posuit. Marem verò intelligit, cui sub corio, velut ossei, longi videntur latere testiculi. Abieti fœminæ, priori parti, insunt nuclei, non item piceæ fœminæ. Nucamenta maribus compressiora. Resina minus rosida. In fructibus etiam sexus seiunguntur. Marium enim rotundiores, non vsque adeo vermibus obnoxij. Ad maturitatem serius perducuntur: illorum siccitate, non ita faciliè recipiente concoctionem. Glans quercus fœminæ mollior, maris verò spissior: cui statim corpus candidum, tunicaq; citius operitur.

Nonnullæ

Nonnullæ aliæ sexus utriusque arborum demonstrationes, & de viduis arboribus. CAP. XIII.



PRÆTER has sexus utriusq; arborum differentias, alias inuenire est, quibus facile sit mares arbores à fœmellis discernere. Ipsius videlicet (veluti in animalibus) corporis habitus, ac natura ipsa: puta in caudice, flore, folijs, cortice, totius deniq; corporis figura, ac materiei natura. In masculis enim plus caloris inesse, sicut in animalibus eiusdem sexus, par est dicere. Idcirco ramosiores semper consurgunt. Calidum enim ac siccum faciliè in plura discinduntur. Quare his folia angustiora, frequentiora quoq; . Hæ ut plurimum notæ, in arborum altero sexu apparent. Sunt tamen quædam aliæ specialiùs in nonnullis arborum generibus. Abieti mari folia acutiora, & magis pungentia, magisq; flexa, tota arbor intuitu crispior, & in plenum hilarior. Pinum verò nullo sexu distingui, quidam existimauerunt. At Theophrastus Macedones sexu utroq; separare scribit, marem à fœmella durioris folio diuidentes, ac corpore breuiore: contrà fœminâ folijs pinguioribus, caudiceq; simpliciori, & proceriore, molliq;, iuxta sexus naturam, verum sterilem. Quam etiam folij, corporisq; differentiam iidem in pinastro, picea, teda, larice esse dicunt: illa mellei coloris, quam ægidem vocant. Hoc autem maximè his euenit generum cognatione. Hederae mas folio item durioris ac pinguioris, flore ad purpuram accedente, corporeq; maiore. Ferulae masculæ caules ab imo diuiduntur, fœminæ, quæ cacumine. Cornus mascula folio amygdalæ est, verum pinguius, crassiusq; habet, corticem verò neruosum ac prætenuem, caudice modicè crasso: fœmina virgas prætenues, ceu salix amerina, fruticosiorq; est, suo latere ferens, acerbis baccis, cunctis animalibus gustu intactis. Harundini mari, spissius corpus, fœminæ capacius, sed inanius. Tiliæ masculæ cortex crassior: qui detractus, inflexibilis, propter duritiam. Fœminæ candidior, flexibiliorq;, ex quo cunas faciunt. Cupressus fœmina, quam nonnulli metam dici volunt, quòd metas imitetur. Quare Ouidius:

Adfuit huic turbae metas imitata cupressus.

Aspectu iucunda, distinctis ramorum ordinibus. Verum si in his supradictis omnibus notis, utrunq; genus, vel maris, vel fœminæ cognosci potest, præsertim verò id in illarum materie erit, quod fabri lignarij apprimè norunt. Omnium enim marium durior, contortior, nodosior materies, odoriferior, coloratiorq;, propter calorem, qui, ut supradictum est, in maribus arboribus, sicut in animalibus, abundantior sit, ipso calore humidum concoquente. Operi etiam difficilior, intractabiliorq;. In cupresso verò, abiete, larice, corno, tilia, color nigrior. Fœminis autem quadam mollitie, lignum mollius, candidius, fabrilis opere præcellentius, minusq; securi, ferræq; inobediens. Eæ enim marem respuunt, fragosius fidunt, ægriùs reuelluntur. Corpore itaq; proceriores sunt, materieq; candidiores. Hæc generalius dicta: sed specialia quædam tractemus. Cornus fœmina ligno fungoso atq; inutili. Mas omnino excors, ac firmissima, cornibus

bus animalium compactione ac firmitate per similes. Tanta est in eodem genere maris & fœminæ differentia. Masculæ abietis materies latior, durior, versicoloris. Agaricum etiam sexu utroque discernitur, autore Dioscoride. Fœmina enim rectis venarum discursibus constat, Mas verò rotundis, compactior, amariorque. Reliquum est, ut de viduis quibusdam arboribus edisseramus: quæ paucæ certè reperiuntur. Hæ enim nullo sexu, naturæ infirmitate, discerni possunt: ut in earum genere omnes vel fœminæ, vel mares nascantur. Neque enim de harum altero sexu constat. Sic equidem ut in hominibus, qui vel mare vel fœmina carent, appellare antiquis placuit. In hac verò platanus connumerabitur, pro dentibus rei arborariæ autoribus. Quorum testimonium tulit Martialis, dum ait,

- *Viduaque platanus.*

Alia ratione Horatius, viduas arbores dicit, cum alijs scilicet maritantur. Sic enim ad Augustum ait:

Carm. lib. 7

*Condit quisque diem collibus in suis,
Et vitam viduas ducit ad arbores.*

Vidua etiam dicuntur arbores, cum amiserint folia.

Idem:

Et folijs viduantur orni.

De arboribus fructiferis, & sterilibus.

C A P. XIII.



ARBORES quasdam feraces, quasdam verò steriles, ex sexuum maris & fœminæ ratione, secundum arborum aliquot genera, supra patefecimus. Superest ut de sterilibus deinde in vniuersum disseramus: quibus cognitis, de fructiferis clarum etiam erit. Et primò eas enumeremus, quas omnino non ferunt. Damnatæ quidem ab ipsa natura, quas locus quispian, nec cœli fœlicitas, nec cultura, quòdve aliquod aliud studiũ, vberes fecit, ut nullibi ne semen quidem tantũ, licet floreant, parturiant: quales sunt tamarix, populus, alnus, vlmus attinea, betula. Populum verò nigram in Creta ferre plures crediderunt, attestante Theophrasto. Cate-rarum verò nulla ne florem quidem fert. De vlmò nonnulli aliter sentiunt, ut semen ferre arbitrentur, illud indicium afferentes, ut cum flatibus delatum semen in loca proxima fuerit, nasci arbores aiunt. Ocyssimè autem salix semen amittit, & omnino antequam maturitatem sentiat. Ob id Homero, haud improbè ὠλεσικαρπος, id est, frugiperda dicta. Sic enim Odyssæe x. ait: μακρὰ τ' αἰετοὶ καὶ ἰτέαι ὠλεσικαρποὶ. Sequens verò ætas, scelere eius, sententiam interpretata est. Quandoque illius semen mulieri sterilitatis medicamentum: sed hoc quoque natura providens, depasto furculo incuriosius dedit. Vna tantũ in Creta insula, ut Plinius scribit, semen ad maturitatem perferre narratur, toruum, ligneum, aceris magnitudine. Verũ id ibique Iouis beneficio, propter in speluncam descensum. Nil enim mirum Græcia ipsa, suis fabulis intactum reliquit, quò suorum Deorum autoritatem, ac dignitatem adaugeret: verũ magis magisque mendaces Cretenses in sui Iouis honorem & reuerentiam. Simile idem Theophrastus de populo scribit, apud aditum speluncæ Ideæ, ubi adseruantur Deo dedicata munera. Hæ enim ex loci designatione salix Plinij vel

vel populus Theophrasti. Altera parua populus, ab ea proxima, duodecim stadijs extat ad fontem Saurim. Pleraq; huiusmodi in monte Cedrio ab Ida proximo. De alno autem quidam dubitauere. Vtranq; enim florere Theophrastus autor est, idemq; Autumno fœcundam, semen reddere contendit. Aristoteles inter Naturæ miracula esse adscribit, alnos in sola Creta non esse steriles. Harum socia erit sabina herba. Cotylea etiã sterilis, atq; flore vidua. Surculos tamen, gemmasq; circa folia amentacea pingues, leuesq; fundit. Quæ verò apud nos eadem existimatur, & florem, & semen fert. Iulius Pollux steriles plantas existimat, quæ etsi fructus producant, non cedant tamen hi in hominum alimentum. Inter quas verò platanum, cornum, fraxinum, laurum, abietem, cupressum, cedrum, thyam, myrtum, & omnes, quarum fructus edendo non sunt. Dubitatq; utrũne in his adnumeranda sit quercus, propter glandiferos Arcadas, & alios homines, qui primo æuo, ante frumenti vsum ea victitarunt. Illud addendum, quòd in arboribus, nodorum alij cæci, alij fœcundi. Theophrastus autem cæcos eos appellat, quibus nullum germen nascitur. Quod non solùm natura, sed læsione quoq; euenit. Nodi enim germen, partus dicitur. De cæteris autem, quæ tempore ferunt, aut quæ vitio steriles sunt, suo loco disputabitur.

De arboribus fœlicibus, atq; infœlicibus, & de Timone

Atheniensis.

CAP. XV.



VNC verò arborum fœlicium & infœlicium discrimen sequitur. Infœlices autem Cato (Festo Pompeio autore) dicit, quæ fructum nullum proferrent. Prætereà hæc vox Fœlix, Nonio Marcello, idem quod fructuosus, feraxq; est Vergilio etiam in Georgicis:

- Et ingens

Exijt ad cælum ramis fœlicibus arbor.

Ouidius de Ponto:

Rara, nec hæc fœlix, in apertis eminet aruis

Georg. 2.

Arbor.-

Et ad similitudinem arborum infœlicium, dicitur etiam ingenium infœlix, hoc est, nihil producens. Quod vsurpauit Plinius, & cæteri. Hac enim interpretatione ille infœliciorẽ in Græcia, quàm Ægypto, aut Syria, tamaricem dicit, quòd in his duabus quicquam ferat. Dij etiam (autore Seruio) aut fœlices vel infœlices dicuntur ex rebus, quas ipsi præstant: vt prætereà arbores fœlices dicemus, ex rebus, hoc est, ex suis fructibus, quos exhibent, sicut infœlices steriles. Inter quas Plinius connumerauit quas suprà steriles meminimus, tamaricem, populum, vlmum, attineam, alaternum. Ficum verò nigram Aurelius Macrobius inter infœlices locauit, & in suam sententiam adducit Veranium testem, inter fœlices ficum nigram non annumerantem, deq; verbis pontificali-bus sic inquentem: fœlices arbores putantur esse, quercus, æsculus, ilex, fapinus, fagus, corylus, sorbus, ficus alba, pyrus, malus, vitis, prunus, lotos. Religione enim damnatæ erant, vt solùm dijs inferis dicarentur: vt ne quidem fererentur. Sic enim Tarquinius Priscus apud eundem Macro-

Lib. 3.

bium in ostentario arborario ait : Arbores, quæ inferum deorum, auertentiumq; in tutela sunt, eas infœlices, nefastasq; nominant. Alaternum sanguinem fœlicem, ficum atram, quæq; baccam nigram, nigrosq; fructus ferunt : itemq; aquifolium, pyrum saluaticum, bruscum, rubum, sentesq;, quibus portenta, prodigiaq; mala comburi iubere oportebat. Arbor etiam, autore IESV CHRISTO, quæ non fert bonum fructum, excidetur, atq; in ignem conijcietur. Et fico, hic ille, siue nigra, siue alba hæc fuerit, quod nil ferret, malè ominatus est, uti protinus exaruerit. Etenim arbores infœlices, infœlicissimo semper omine habitæ sunt, ut ad ultimum supplicium etiam, & ipsum suspendium, legibus ipsis seligerentur, ut non alia arbore damnati agerentur. Lex quippe Romæ huiusmodi horrendi carminis, lib. I. teste Liuius, DVVMVIRI PERDVELLIONEM IVDICENT. SI A DVVMVIRIS PROVOCARIT, PROVOCATIONE CERTATO. SI VINCENT, CAPVT OBNUBITO, INFOELICI ARBORI RESTE SVSPENDITO, VERBERATO VEL INTRA POMOERIVM, VEL EXTRA POMOERIVM. Huius autem legis Cic. in Orat. pro C. Rabirio perduellionis reo meminit, hisce verbis: I licitor, colliga manus, quæ non modò huius libertatis, mansuetudinisq; nō sunt, sed ne Romuli quidem, aut Numæ Pompilij, sed Tarquinij superbissimi, atq; crudelissimi Regis ista sunt cruciatus carmina, quæ tu homo lenis ac popularis libentissimè commemoras. Caput obnubito, arbori infœlici suspendito. Neq; enim tales etiam voluntario suspendio deligendæ erant, iuxta Aristophanis sententiam ἐξ ἀξίου ξύλου ἀπαράδω. Commune est ex hoc dicto adagium, cuius originem Plinius fuisse ex Leontia muliere, quæ adversus Theophrastum scripsit. Illius enim verba hæc sunt statim in præfatione, suæ naturalis historiæ. Ceu verò nesciam aduersus Theophrastum hominem in eloquentia tantum, ut nomen diuinum inde inuenerit, scripsisse etiam fœminam, & prouerbum inde natum, Suspendio arborem eligendi. Quo verò prouerbio monemur, uti in re etiam turpi id, quod honestius est, amplexemur: ut quando & bona æquè, atq; mala, reprehensuri sumus, saltem ardua, & magis irreprehensibilia. Nempe antiqui arbores, etiam fœlices, à quibus homines pependerant, quodam iniquo fato existere arbitrabantur, ut ne antea quidem è tali arbore fructus decerperent, quàm prius certis ceremonijs purgaretur. Quod parum Diogenes Cynicus sua contra bonos mores audacia & licentia, faciebat. Quum enim è ficu quadam legeret, custode acclamante, in illa paucos ante dies hominem actum fuisse. Ego, inquit, illam purgabo. Hic ille etiam hac re plusquam canis. Quum enim mulieres ex olea pendentes conspiceret, utinam (inquit) ceteræ arbores huiusmodi fructum tulissent. In ferè similem sententiam Cicero scribit, sed illud ad schema oratorium diuertit. Sic enim secundo de Oratore scribit: Salsa sunt etiam, quæ habent suspicionem ridiculi absconditam, quo in genere est illud Siculi, cui cum familiaris quidam quereretur, quod diceret uxorem suam suspendisse se de ficu: Amabo te, inquit, da mihi ex ista arbore quos feram furculos. Huius verò Ciceronis dicti meminit & Quintilianus. Insolentior Siculo, aut

lo, aut Ario, qui Pacuvium amicum ex huiusmodi trium vxorū suspendio hoc modo consolatus est: Timon Atheniensis fuit, à Græcis *μισάνθρωπος* cognominatus. Multos enim is ad suspendium perduxit. Habebat autem domi ficum, ex qua multi pependerant. Quum enim videret, iam diū nullum se ex ea egisse, ad concionem venit. Factoq; ex magna expectatione silentio, vt potè ad rem insolitam (conciones enim & hominum conuentus semper cauerat) exclamavit: Est mihi, ô viri Athenienses, post domum horti parum, & in eo ficus coaluit, à qua plures suspendio vitam finierant. In eo enim loco ædificaturus sum. Quamobrem constitui publicè referre, vti si qui ex vobis sint, qui sese velint suspendere, id agāt citiùs, & antè, quàm arbor succidatur. Non enim vxorum tantum, quarum mores viris sæpe molesti sunt, tristem suspendij exitum exoptabat, verum etiam communis hominum generis. Arborem autem, ex qua Phyllis sese deiecerat, nunquam postea viruisse Cremuntius prodit. In antiquorum enim erga arbores infelices execrationem, adhuc vulgi opinio remansit. Cùm enim rem infelicitissimam exprimere volunt, non alia grauiori sententia id exprimere existimant, quam cùm dicunt infeliciorem eo ligno, ex quo furcæ vel suspendia eriguntur. Cicero pro T. Annio Milone infelicitissima ligna dicit, ex quibus cadauera vstularentur. Vitem autem minimè violandam præcipiebat Pythagoras. Et illud moribus fuisse apud Indos scribit Diodorus Siculus, vt quemadmodum arbores infelices communi existimatione damnatæ sunt, sic etiam felices probatæ. Etenim IESU CHRISTI, Mosè promulgatore, lex lata, sicuti memoriæ mandauit contra Appionem libro secundo Iosephus, qua quidem prohibitum fuit, ne hostium quidem felices arbores succiderentur. Quod nonnullis exterorum exemplis comprobatur. M. etenim Scauro Imperatore, sicut scriptis à pluribus mandatum est, qui sub eo meruerant, arborem pomiferam, quam in pede castrorum, amplexa fuerat metatio, postero die, abeunte exercitu, intactis fructibus reliquerunt. Timotheus Atheniensium urbem obsidens, veluti Policænus in stratagematibus scribit, militibus suis prohibuit, ne insitam arborem excinderent: fructus tantum legerent. Titus Liuius, ingentem cladem describens, sic ait: Sed ager est depopulatus, prædæq; rerum agrestium actæ, nulla felix arbor, nihil frugiferum in agro relictum. Ea clades Capenam populum subegit. At contrà, sicut apud Ethnicos, arbores infelices, in quibus homines ex facinorum, aut conscientia, aut impietate quadam atq; crudelitate erga progenitricem naturam spontè sese egerint, aut lata sententia existimatæ sunt: sic certè illæ felices habendæ meritò erunt, in quibus viri sancti, pro CHRISTI fide testes, iudicum decreto, pependerint: vt olea illa apud Græciam fructifera, ob ligni aridi inopiam, quæ diuum Lucam sustulit, scribente Nicephoro. Est Arbor felix, oppidulum in ripa lacus Acronij in Germania situm, quod veteres Brigatorium dixere, media ferè via inter Brigantium & Constantiam. His temporibus Arbona dicitur.

Quæ

Quæ arbores florescant, fructum tamen non ferant, & econtrariò, quæ fructum sine flore emittant.

C A P. XVI.



PROXIME hoc loco dicendæ erunt arbores, quæ flo-
reant, fructu tamen careant: cuiusmodi naturæ sunt ubiq;
populus, vlmus, salix, alnus. Verùm hoc cuidam arborum
generi, certis quibusdam locis, aut cœli, aut terræ infœli-
citate contingit: vt Rhodi insulæ, vbi persici non florent.
Contrà verò nonnullæ fructum ferunt, etsi annorum alterna florum
gaudia minimè sentiant. Tristes enim nullo flore exhilarantur. Eiusmodi
sunt, larix, picea. Quidam tamen hanc florere autumant. Alij contrà, sed
floris vice, nucamentum ferre, quod Græci *κνυτάριον* vocant. Ficus, in-
quiente in Symposijs Plutarcho, inter eas arbores, quæ fructum ferant, &
non florent, annumeratur: verùm grossi in hac decidui floribus respon-
dent, & etiam caprificus *ἀναθῆδος*, vel *ἐπίθεδος*. Pinus sine flore est, licet na-
tales pomorum annuos recursus, versicolori nuntio promittat. Robur
autem alijs floret, cæteris nequaquam: verùm floris loco muscus est. Ca-
stanea quibusdam floret, alijs minimè, sed in ea nucamentum loco floris
est. Iuglans & auellana villum pro flore habent. Acerem Macedones flo-
rere existimant, multis contrà asserentibus. Iuniperus flore caret. Duo
eius genera Theophrastus posuit. Quorum alterum flore delectari tan-
tùm scribit, alterum fructu duntaxat, vt ambæ his muneribus fungantur,
quæ sola per se præstare debebat. Huic protinus bacca subnascuntur, quæ
biennio inhæreant. Verùm hoc falsum Plinius existimat. Palmarum au-
tem marem solo flore, fœminam fructu tantùm præditas volunt. Cedri
autem duo genera. Quæ floret, fructu caret: contrà, flore sterilis, quæ fru-
ctum producit. Est apud me & in hortis meis, mali genus aliquod, quod
absque flore, non minimos fructus ad maturitatem vsq; ferat: & hoc
ipse satis compertum habeo.

*De biferis, triferis, quadriferisve, & nonnullis, quibus
semper inest fructus.*

C A P. XVII.



NE QVE silentio prætereundæ sunt, quæ inter fructiferas bi-
feræ, triferæ, quadriferæq; existunt. Quæ verò Naturæ bene-
ficio, quin potius miraculo quodam, perpetua fœtus fru-
ctificatione, semper aliquo onustæ sunt, vt non semel in
anno, aut germinent, vel florent, fructusve exhibeant, in-
star quarundam fœcundissimarum mulierum, quæ simul graui vtero,
nunc editum infantem brachijs baiulant, mammis lactent, vel etiam su-
perfœctent, vt superfœtationis vis quædam in illis, sicut in his, sit. Sed ha-
rum maior admiratio, in quædam fructus semper legi potest. Hoc autem in
vniuersum quibusdam arborum generibus ubiq; est. Certis verò locis,
cœli, soli; beniuolentia, atq; vbertate, cæteris omnibus aut cuidam soli
generi. Enimvero Plinius in Frauennenſi Africæ agro, hoc perpetuò eue-
nire

nire scribit. M. itidem Varro, in agro Consentino, malos biferas esse attestatur. Biferæ autem, quoquo terrarum loco, sunt vnedo: anno enim fructus maturefcit, subnafcente in flore altero, altero vero concoquente. Aphace æquè ac adrachne bifera. Priorem enim fructum pubescere incipientem vna peragit: alterum cum floret, ineunte ætate. Illicis fructum veterem nouus occupat, vt Theophrastus ait. Nam serò atq; anno fructum maturefcit: quare antecedentem nouus anteuertit, vt biferæ igitur fit. Siliqua ceraunia, pomo præcedentis anni, circa canis ortum detracto, alterum parit, postea florem per Arcturum hyeme fœtus enutrient. Consularem virum se biferas iuglandes nuces habere profitentem Plinius se audiuisse scribit: & idem in pyris & malo syluestri, simili fœcunditate biferas posuit. Ficorum quædam biferæ sunt. Quod suo carmine probat Columella:

Tunc præcox biferæ descendit ab arbore ficus.

Fructus enim cum messe, vindemiaq; , siue alba, siue nigra concoquit. Triferæ etiam reperiuntur, in quibus Chalcidicæ, & aliæ quoq; humoris vbertate. Nam primis decerptis, aliæ facillè prodeunt. Quibus rursus detractis, tertiæ subnascuntur. In Cea insula, caprifici triferæ sunt. Post primam enim fœturam sequens euocatur, quam tertia sequitur. Virides autem appetiuisse Octauium Cæsarem, Suetonius in eius vita autor est. Iuniperi fructum antiquum recens subnascens occupat. Sola enim arborum baccas ad bimatam, aut etiam vsq; ad trimatam, vt nonnullis placeat, prorogat. Quare fit, vt sæpe temporis longæui impatientia præmaturius legantur. Arcades autem (referente Theophrasto) trium annorum baccas in vna eadem arbore reperiri affirmant, anni videlicet tertij maturas, proximi, iamq; exacti, nondum maturas, præsentis verò recentes, atq; ingustabiles. Ferè eadem illi, illo etiam autore, de cedro arbitrantur. Cupressus verò triferæ est. Nam eius baccæ & Ianuario, & Maio, & Septembri mensibus, colliguntur, ternasq; gerunt magnitudines. Pinus etiam eius naturæ est. Habet enim fructum maturefcentem, habet proximo anno ad maturitatem venturum, ac deinde tertio. Quo verò mense ex ea nux decerpitur, eodem maturefcit alia. Et sic dispensatur, vt nullo non mense maturefcat. Quæ verò in arbore ipsa diuisere, zamia vocantur, læduntq; cæteras, nisi detrahantur. Lentiscus in anno ter producit. Cuius rei testimonio Ciceronis sententia suffragatur. Id attestantur eius carmina:

Iam verò semper viridis, semperq; grauata

Lentiscus, triplici solita est grandescere fœtu,

Ter fruges fundens, tria tempora monstrat arandi.

Palmarum genus fruticosum cyce dictum, de quo iam supra. Semper frutici inest pomum, subnascente alio. Maximæ autem admirationis erunt hæ, quæ suo perpetuo fœtu premuntur. Pluries enim annuatim ferunt. Et non tam eas fructuum frequentia, quàm raritate dignas admirabilesq; magis censentur. Non nisi calidissimis regionibus proueniunt, calore fructus & veteres, ac recentes concoquente, & flores cogente. Malus Assyria,

Affyria, & eius generis reliquæ, ea fecunditate proditur, vt pomorum tanta illius vbertas sit, vt onere prouentus semper grauetur. Nam protinus atq; eius poma ceciderint, ad maturitatem alia protuberat. Ea enim opimitati tantum mora est, vt fetus ante decidant, qui & ante nati fuerant. Difficulus tamen vti tertij anni pomum iam rubeum, & secundum adhuc virens in eadem arbore, simul cum presentis anni flore videre sit. Hæc enim arbor continuè iuuentutis insignijs pollet. Nec ingruente frigoris asperitate frondibus spoliatur, verum folijs ac fructibus assidue onusta, veris & æstatis suum honorem ac decorem seruat. Ficus Ægyptia quater æstate profert: priorem expellit immaturus. Solinus septies factitari, ceteri sæpius arbitrantur. Persea semper poma habet, subnascentibus alijs. In citro (inquit Palladius) per gradus quosdam sibi semper poma succedunt. Matura enim acerba properè subsequuntur, & horum ætatem sequentium flores, Natura orbẽ quendam fecunditatis ministrante.

De vrbani, & syluestribus arboribus.

CAP. XVIII.



Natura enim plantis, sicut & animalibus, exhibitum, vt alia vrbana, alia syluestria sint. Et hoc itidem in genere humano euenit, in quo & vrbani, & rustici, siue agrestium hominum discrimen ponere est: ac si hos syluestres ex moribus dicere velis. Principio tamen rerum omnes arbores syluestres fuisse satis constat, vlla arte ac cultura nondum mansuefactæ. Sicut & homines ipsos fuisse par est dicere, & inter syluas habitasse, sicut iam dictum est. A quibus postquam migrarunt, casas primum, exinde domos, postea vicos, postremum vrbes exædificare cœperunt, syluestremq; animum exuere, & vrbani, & ciuiles fieri, & vocari: vt postmodum aliquas, quæ sibi folio, fructu, frondeq; placere magis, & præstantiores visæ sunt, è syluis, & agrestibus locis ad domestica, & vrbana deduxerint, & in hortis, prætorijsve, iuxta sæpe ædes, locisve publicis, plantarunt: vt deinde cum ipsis hominibus, vrbana primùm appellari cœperint: vt deniq; cultura, aut insitione, fructu mitiores factæ, & fronde pulchriores, exuta pristina syluestri feritate. Hac enim ratione vrbani & syluestrium differentia facta: cum omnia primum fera & agrestia, prauaq; potius, quàm proba, Natura fecerat. Quod Lucretius ostendit:

Lib. 5.

Et noua defodere in terram virgulta per agros

Inde aliam, atq; aliam culturam dulcis agelli

Tentabant, fructusq; feros mansuescere terra

Cernebant indulgendo, blandeq; colendo.

- Fructusq; feros mollitè colendo.

Et post eum Vergilius:

Alibi latius:

Georg. 2.

Sponte sua quæ se tollunt in luminis auras,

Insecunda quidem, sed lata, & sortia surgunt.

Quippe solo natura subest: tamen hæc quoq; si quis

Inserat, aut scrobibus mandet mutata subactis,

Exuerint syluestrem animum, cultuq; frequenti

In quascunq; voces artes, haud tarda sequuntur.

Hoc fuit

Hoc fuit hominum solers ingenium, ut eas redigere ad id, quod omnium urbanissimum est, hoc est, ipsum hominem: qui solus, aut maxime omnium urbana species est, atque Naturæ degeneris instaurator, qui vel semina ne degenerent, delectu, vel opera efficit, utque arborum generositas insitione, & cultu procurat ut conservetur. In quarundam vero generibus, ipso etiam nomine distinguuntur, veluti in olea, pyro, ficu, pino, picea urbanis: quibus oleaster, pyrafter, caprificus, piceaster respondent. In myrrha vero, sativa & sylvestris datur: sed illa, ut in cæteris, præstantior. In Achaia tamarix sylvestris plane sterilis, altera vero (autore Plinio) mitior. Sed & urbanarum, & sylvestrium, alia plures differentiae. Inter se enim ut plurimum, fructu, folijs, fronde, toto denique arborum corpore ac figura inter se dissident. In urbanis enim folia semper maiora, & latiora fructus aut vero mitiores. Sylvestres autem serius & germinant & florent, fructusque suos maturant. Sed hoc non usque adeo in omnibus verum erit. Quippe in forbis, cornisque, sylvestria urbanis mitiora, suavioraque esse traduntur. In fago itaque sylvestri fructus dulcissimus est. E struteis sylvestria in sepibus nascentia odoratissima sunt: quæ vero inferuntur, omnes mites erunt: ut hac ratione cuiusque generis sylvestrium sint, mansuescant, ut pyrafter, & cætera. Alioquin in sua naturali feritate semper manebunt. In quo vero ordine quædam erunt, quæ inferi adhuc non consueverunt, veluti abies, larix, iuniperus, terebinthus, buxus, ilex, aquifolium, suber, taxus: quas etiam nec locus, nec cultura, cicures facit. Ideo Theophrastus recte Hipponem reprehendit, quod omne sylvestre cultu urbanum, & urbanum quodque, culturæ negligentia sylvestre fieri diceret. De altero iam ostensum: Puniceam vero in sylvis satam, sylvestrem tamen nemo existimabit. Nec olea pyrus sativa, pinus, ficus, vlla negligentia in oleastrum, pyrastrum, caprificum, pinastrum transire possunt. Oliuam sativam Græci καλλιέλαιον vocant: quæ vero sine fructu sylvescit, his ἐλαϊαμανές, quasi insana dicitur. Inter sylvestres vero optima ratione connumeranda veniunt, quæ nulla agricultura, nullove ingenio, cicurari possunt, & nullo modo, nisi sponte, atque in locis incultis, asperis, atque immitibus, nasci volunt: quod si in his conatum sit, moriuntur. Illarum enim usque adeo fera natura est, sicuti animalium plura genera, quæ mitescere & mansuescere, vlllo artificio, vlllo ingenio nesciunt. Contrarii vero genij sunt plures, ut non nisi inter homines manere, & gestire, & gaudere valeant. Cuiusmodi autem naturæ quædam arbores reperiuntur: quæ si hominum commercio ac labore careant, si non omnino sylvescant, deteriori tamen fiant conditione, sæpe steriles, sæpe vita breviores. Alia ratione quædam arbores sylvestres erunt. Pini præter pinastrum alia urbana, alia sylvestris, roboris item. Cedrus autem, picea, cupressus, myrtus, sativa urbanae fient. Frutices ut plurimum sylvestres erunt, quos sola cultura mites facit. Illud ultimum minime silendum erit, quædam reperi, in quibus nullum sylvestrium genus dari, veluti in balsamo est, in quo nullum sylvestre genus comper-

De peregrinis arboribus.

CAP. XIX.



ARBORES primùm spontè nulla adhibita cultura, natas, iustum est dicere. Non tamen ubiq; locorum omnes: verùm alia atq; alia certis quibusdam tantùm regionibus, vt non vna, aut altera, pluresve prouinciæ vniuersas ferrent: vt multæ separatim nonnullis locis illarum naturæ magis conuenientibus priùs nascerentur. Postea verò hominum opera, ac industria cœpere, vt ipsi homines, apud externos proficisci, & nouas prouincias inuestigare, ac colere, & aliarum arborum consortio frui vt hominũ opera & translatione alibi mearunt, idcirco peregrinæ dictæ. Sic etiam Fabius verba peregrina vocat ab omnibus gentibus accepta, & inter Latinos recepta, vt leges ac statuta exterarum gentium. Inter peregrinas autem arbores Plinius illas omnes posuit, quibus nomen Græcum alienumve inditum esset: vt cerasum, persicum. Argumentum ex nomine desumens, à prima illarum cognitione & inuentione, ac si primùm apud illos natas ideo ab his illis nomina imposita. Metiam Varro, inter hæc, quæ in hortis feruntur, nonnulla esse, quibus nomen peregrinum insit, veluti quæ Græcum habent, vt ocymum, mentha, ruta. Non enim solùm in arboribus, ac herbis, verùm in cæteris quoq; rebus, simili quadam traductione vsi sunt antiqui. Sed iam commemorandæ sunt, quæ ex prima sede ad aliena domicilia demearunt. Inter quas omnes prima veniat perseæ: quæ quamuis quarundam terrarum exotica fuerit, non tamen plurimarum, vt paucarum accola fuerit. Primùm in Æthiopia orta, ea scilicet tempestate, qua illam Cambyfes subegit, à Persis in suam patriam translata. Postea verò solam Ægyptum incoluit, nec extra orientem nasci voluit. Galenus nullibi sub imperio Romano, præterquàm in Alexandria, visam negat. Eiusdem naturæ fuit siliqua, plures habitationes exosa. Primò in Syria nata, postmodum in Ionia circa Gnidum, & in Rhodo cohabitauit. Persicus alia à Perseæ est, è Perside antè auecta, cum difficultate enim ad alias regiones transijt. Primùm apud Ægyptum diuertit, pòst in Asia, Græciâq; Nunc consuetudine ferè apud omnes, modò aërem sibi propitium nanciscatur. Plinius intra triginta annos repertam scribit, & primò denarijs singulis venundatam. Columella in suo elegantissimo hortō, de ea sic meminit:

Colum. lib. 2.

- *Et pomis quæ barbara Persis**Miserat, vt fama est, patrijs armata venenis.**At nunc expositi paruo discrimine lati**Ambrosios præbent succos, obliua nocendi.**Quin etiam eiusdem gentis de nomine dicta**Exiguo properant mitescere Persica malo,**Tempestiua mandent, quæ maxima Gallia donat,**Frigoribus pigro veniunt Asiatica sætu.*

Populares primùm Syriæ myxa, & zizipha fuere. Hæc Romæ, inquit Plinio, diui Augusti temporibus nasci cœperunt. Sex. verò Papinius, quem Plinius

Plinius consulem vidit, primus illa attulit, & tuberes ex Africa, vt postea in castrorum aggeribus sererentur. Citrus primum ex Africa atq; è Maurusijs populis aduecta inquit Lucano:

Sed penitus terra est, tantum Maurusia genti

Robora diuitia, quarum non nouerat vsum

Sed citri contenta comis viuibat, & umbra.

In nemus ignotum nostræ venere secures:

Extremoq; epulas, mensasq; petiuimus orbe.

Lucan. lib. 9.

Cedrus & morus, in Iudæa peregrinæ arbores, Salomonis regis potentissimi cura illuc (teste Iosepho) translata. Olea etiam peregrina, Athenis primum visa, vt etiam eo tempore, quo Epidaurij ex oraculo Delphico, simulacra de materie oleagina Damia & Auxesia deabus fecerunt, tunc ipsis postea bene futurum: nusquam gentium, nisi ibi, tunc oleæ erant, scribente Herodoto. Theophrastus è Græcorum celeberrimis autoribus, Romæ post annum circiter quadrigentesimum quadragesimum, nisi intra quadraginta millia passuum à mari nasci negauit. Fenestella verò omnino in Italia, Hispania, atq; Africa, regnante Tarquinio Prisco, ab annis populi Romani CLXXXIII. non fuisse oleastrum autem ex Hyperboreis regionibus, in Græciam detulisse Herculem aiunt. Atq; hic albam populum ex Thesprotide regione, illic iuxta Acheruntem fluuium genitam. Ferulam inter externa dixisse conueniet. Malum punicam in Cypro peregrinam testantur Græcorum fabulæ, ibi primum à Venere satam fingentes. Nullum lauri genus in Corsica antiquis notatum. Delphicam verò è Thessalia, & ab ipsis Tempe in Delphos translata, Ælianus ait, & tunc cum Pythius Apollo draconem sagittis confodisset. Myrtus in Europa, tetriore etiam cælo, quod è Ceraunijs montibus primum incæpit apparere. Postea verò Græcis in Elpenoris tumulo visa, autore Plinio, Græcumq; nomen ei remanet, quod peregrinam se esse fatetur. Fuit etiam vbi nunc Roma est, cum iam conderetur. Chalcidenses, qui sunt in Eubœa, locum apud eos ostendunt, Harpagion vocantes, vnde myrti præcipuè ortæ. Cupressus Plinio peregrina quoq; arbor, prius in Creta adnata. Vbi mira facilitate prouenit, spontè, non appellato solo: maximè verò in Idæis montibus. In Gnofo eius insulæ oppido, eius arboris nemus celebratum, quod inhabitauerunt Titanes, & in eo educata quoq; Rhea. Has autem illius arbores Hermippus commendauit. Post Tarentum deuenit. Quare M. Cato Tarentinam appellat. Vix alius adueni credet, propter ingentes illius alibi sylvas: vt illa ingens in Gallijs prope Burdigalam, tot proceris arboribus conspicuam, & admirabilem. Prædium regium ibi impensis regijs non indiligenter custoditum, & excultum. Hæ sunt arbores, quæ quum primæ in regionibus calidis prouenerint, non nisi ad loca similis temperiei proficisci voluerunt. Nunc de his, quæ loca etiam frigida habitare non recusarunt. Platanus, vmbra tantum causa, ex alieno orbe petita. Hæc autem per mare Ionium in Diomedis insulam eiusdem etiam tumuli gratia iam pridem inuecta. In Siciliam inde transgressa, atq; inter primas Italiæ donata. Dionysius prior, Sicilia tyrannus, vt ait Theo-

phraſtus, Rhegyum urbem eas tranſtulit, domus ſuæ miraculum, vbi poſt factum gymnaſium. Hoc peractum Plinius ſcribit circa captæ urbis ætatem. Pharas Græciæ urbem Pierus fluuius alluit: iuxta hunc platanorum nemus, quæ magna ex parte ob vetuſtatem canæ erant, & concauæ, vt in his conuiuarentur, & qui volebant, dormitarent. Pauſanias in Achaicis. Poſteà verò vſq; ad Morinos, autore Plinio, perueſta. Hac nunc & Gallia, & Hiſpania penitus carent. In hac enim plurima olim germinauit, argumentoq; erit illa Cordubeniſis tantoperè Valerij Martialis epigrammate percelebris. In tota Italia, & Romæ, ſolùm vna viſitur: quæ in ima ripa ſpeculi Dianæ Aricinæ poſita, magna etiam omnium demiratione, & ſi humilis ſit. Nec propius, quàm in Sicilia, ſunt. Adeò nunc hæc rara arbor eſt, quæ priſcorum diligentia per tot regiones paſſim deuagata fuerat: omnemq; ærem paſſa, vt quantum antiquorum in ſerendis arboribus cura fuerit, tantum verò præceſſorum noſtrorum in hoc improbanda negligentia ſit. Noſtræ tamen tempeſtatis homines, maximè viri clari, hoc ſtudium enixius amplexati, vt rem arborariam ſuum priſtinum decus recuperaturam ſperem. Iuglandes è Perſide à regibus tranſlatas, indicio eſſe nomina Græca Plinius ſcribit. Auellanam è Ponto, vnde quidam nucem Ponticam appellant, primò in Aſiam, Græciamq; profectam eſſe perhibent: demum in Italiam, apud Abellam Campaniæ oppidum: vnde vna tantùm litera immutata, auellana dici, quæ prius abellina: L. Lucullus urbis anno ſexcenteſimo octuageſimo Mithridatem Ponti regem oppugnauit, atq; eius prouinciæ Ceraſon ciuitatem deleuit, genusq; pomi, inde in Italiam aduexit, Athenæo etiam libro ſecundo autore, quod ab oppido Ceraſium appellauit, & centum triginta annis poſt trans Oceanum, in Britanniam vſque transmigravit. Quod vix à multis recipietur, quum & plures Lucullo vetuſtiores, velut Diphilus Signius, qui Lyſimachi regis tempore floruit, qui vnus ex Alexandri ſucceſſoribus fuit, ceraſiorum meminit, nullaq; alia magis arbores, vbiq; calidis frigidiffimisq; regionibus liberiùs, atq; ſuapte ſponte, in ſyluis quoq; ac incultis proueniat vt in Gallia, Hiſpaniaq; eiufdem generis pomi, acidorum etiam, quorum præcipua dos, ſyluæ ſint. Sed & ante Lucillum in Italia, durum eiufdem generis fuiſſe Seruius ſcribit. Quòd poſtea miſto nomine cornoceraſum dictum ſit. Verùm, ne tot eius hiftoriæ aſſertorum vana ſit, autoritas, facile aliquod genus eius pomi in Italiam allatum credere eſt. Amygdala, an in Italia Catonis tempeſtate fuerint, dubitarunt antiqui, argumentum deſumentes, quòd ea inter nuces non annumerauerit. De melpilo ac ſorbo idem Plinius ſentit. Huius tamen M. Cato meminit. Pruna quoque omnia poſt Catonem cœpiſſe, manifeſtum eſſe Plinius ſcribit. Vbiq; tamen naſcuntur, magisq; ſylueſtria: mirumq; eſt, quòd huius Cato non meminerit, præſertim verò cùm condienda quædam demonſtraret, & ſylueſtria. Inter pruna tamen externa Damafcenæ erunt, à Damafco magna, atq; illuſtri Syriæ ciuitate tranſportata: & Armeniaca ex Armenia adportata: vulgus Armeſina vocat. Cydonia mala, quæ coſtonea, è Cydone Cretæ inſulæ oppido primùm aduecta. Quod Serenus teſtatur:

Aut quæ poma Cydon (retæis misit ab oris.

In suo autem genere peregrina nonnulla inueniuntur, vt iam de aliquot prunis diximus. In ficuum autem genere, è Chalcide, Chio, Lydia, Africæ prouincijs, in Italiam mearunt, nomen à natiuo solo retinentes, & coctana, & carica, quas primus L. Vitellius è Syria in Albenſe rus intulit, cùm Legatus in illa regione eſſet. Nouiſſimis Tiberij Cæſaris temporibus, is poſteà Cenſor fuit. In pyris orbiculata, ex Epeiro primùm deuecta, argumento Græci autores ſunt, illa Epirotica vocitantes. Sed quæ hac ratione peregrina ſunt, omnia referre, difficile, imò veriùs impoſſibile foret: cùm noſtra quoq; tempeſtate, non pauci fructus, multarum etiam arborum, plurimarum itidem regionum, in dies apud quoſcunq; transferuntur. Inter frutices hedera in Aſia peregrina erit, quam Theophraſtus in India non niſi in monte Mero naſci voluerit.

Nonnullas eſſe arbores, vt baſamum, quæ nullibi peregrinentur.

CAP. XX.



INTER externas arbores, illas, quæ nullo labore, nulla induſtria, ingeniõve & arte, alibi, quàm vbi primùm natæ fuerint, ponere neceſſarium erit. Quas verò reliquarum prouinciarum vlla feracitas, vlla amœnitas, nullo modo allicere, & capere potuit, vt ſuum natiuum ſolum, quod ſibi in vna, alterâve regione primum conſtituerat, relinquere, & immutare voluerint. Tantus enim ſuæ originis eas genialis amor deliniuit. Et ſi hæ à pluribus ſæpiùs ad id inuitatæ fuerint, quorum blanditijs, ac precibus, nullis præterea culturæ officijs, nullo ſtudio moueri potuerunt, quin tranſductæ, ſtatim, vel non longè poſt, interciderentur, vſque adeo erga cæteras regiones ingrata, & immiti ingenio, & inhospitali natura & patriæ ſuæ contumaces, inuentæ: Alpinos homines imitatæ, qui ſuas natiuas ſolitudines, & deſerta loca, pluris faciunt, quàm agrorum cæterorum diuitias & delicias, aut vrbium maiestatem. Exemplo etiam quorundam animalium, quæ ſolius prouinciæ incolæ ſemper manere voluerint. Hoc autem Plinius, aliàs ſaſtidio, aliàs contumacia, aliàs cœlo inuidente, aliàs ſolo, euenire ſcribit. Cuiusmodi naturæ baſamum. Saſtidio enim alibi naſci, quàm in Syria, noluit, vt vni terrarum Iudææ conceſſum ſit, vt ſcribit Plinius, & alij multi. Statius, Hebræiq; liquores, de baſamo enim intelligit. Illic enim quondam in duobus hortis (vt Theophraſtus ait) vtroque regio, altero iugerum non amplius viginti, altero pauciorum. Solinus tantùm ſylum vocat eius latitudinis. Sed hoc autore, poſt Romanorum victoriam, atq; potita Iudæa, ira luci propagati ſunt, vt iam latiffimi colles baſama ſudarint. Cui autem dicto Iosephus adſtipulatur, qui & Idumæam baſamum nutrire aſſerit. Nam antea alibi dixerat, palmetum, quod in Hierichunte erat, illud gignere. Vrbs enim eius nominis eſt ab eius nobili odore ſic dicta. Iuſtinus Trogi Pompeij abbreviator, in Iudæa vallem fuiſſe ſcribit, quæ continuis montibus, velut muro quodam, arcis inſtar, cingeretur: ſpatium verò loci, iugerum mille ducentorum. In

eo enim loco Hierichuns vrbs, & sylua, vbertate, atq; amœnitate insignis, palmarum & balsami arboribus distincta. Admirationeq; dignum est, quod ille prodit, vt cùm tota regio sole ardentissimo exæstuet, ibi tamen clemens aër sit, minimè feruens, locusq; opacus, atque aëris frigiditate simul ac caliditate suauiter temperatus. Egesippus etiam prope urbem Hierichonta hunc locum ponit. Diodorus Siculus cum Arabia locum confundit. Ægypti reginam Salomoni Hierosolymorum Regi, cùm eius sapientiam scrutata fuisset, balsami radicem dedisse Iosephus scribit: quæ transplantata conualuit, vt Iudæa abundè balsamum postea effuderit. Maximum quidem donum, & verè tam ab offerente, quàm recipiente regium. Ex cuius propagatione sola ipsa Iudæa apud omnes gentes, maximè hoc illo frutice, memorabilis. Solus post Diodorum Siculum, inter tot autores, qui de balsamo meminere, Pausanias in Arabia nasci scribit, arbore à viperis obsessa, sub qua illæ apricentur, & eximiè vmbra eius delectentur, succoq; suauissimè alantur. Cùm autem tempus excipiendæ lacrymæ aduenerit, scuticas ligneas binas secum deferunt, quibus excitato strepitu angues abigunt. Nam & illos enecare piaculum est, balsamoq; sacras existimant. Quòd si horum quispiam demorsus fuerit, non magis ex ictu illius periculum, quàm si mucrone, leuissimo ictu percussus, vt ex illo vulnere nemo extingatur. Ex succo enim pasti serpentes, virus habere desinunt, ac si pharmacum aduersus illorum lethale venenum sit. Apud Sabæos enim atq; maritimis locis prouenire, hic scribit. At nunc in Iudæa, nec apud Hierichunta urbem amplius nasci balsamum, ab his, qui Christianæ religionis, ac sepulcri dominici gratia illuc profiscuntur, & multis alijs, qui has partes, & Ægyptum peragrarunt, vero verius compertum. A quo enim tempore, à nemine quod legerim, proditum. Egesippum tamen me legisse memini, M. Antonium possessiones omnes regibus Syriæ abstulisse scribentem: maximè illam, quæ balsamum gigneret, & Cleopatæ adiudicasse, vt eius avaritiæ, cuius libidine ebrius erat, inferuiet, & suæ crudelitati inhærens, hæc simul duo crudelissima vitia coniunxit. An ab eo tempore atq; apud Ægyptum, & in loco vbi nunc colligitur, ab Cleopatra plantatum fuerit, lectori suum iudicium relinquimus. Sunt qui Ægyptiorum aliquos Iudaicam industriam propter prouentum ad eos transtulisse scribant: inter quos: Strabo quam in balsamo adinuenerunt, & vt ex raritate & penuria pretium esset, multis locis transplantari vetuerunt: vt hac ratione communem vsum atq; vtilitatem læserint. Nam ibi nasci, & Dioscorides, & Strabo, & Ætius, testati sunt. Hic verò in regione quæ Solis oculus, siue fons appelletur. Marathea pagus ad sextum lapidem à Memphi. Hortus regius, ibi est, qui paruo fonte irrigatur, vberimè tamen fluente. Alium tamen defodiunt, cùm id ad irrigationem non sufficiat. Prætereo hîc nonnulla, quæ suis scriptis plures recitarunt, de virgine Maria, in eo fonte filium abludente, dum illum in Ægypto occultaret.

De thure, & myrrha, & alijs arboribus non peregrinantibus.

CAP. XXI.



OST Iudææ antiquas diuitias, Arabiæ opes, causasq; , ob quas fœlicis beatæ cognomen ab antiquis acceperit, conuenit dicere. Quod non tam à communi rerum prouentu soli; fœlicitate, & aëris clementia fuit, quàm myrrhæ & thuris vindemia, quum & plures regiones longè illa in illis rebus sint fœliciores. Solam autem Arabiam thura producere satis constat, vnde thurifera dicta. Sed nec quidem vniuersæ datum, sed solum huic parti, quæ Saba vocatur: quæ denominationem à thure accepisse videtur, quod ibi nascitur, quo dijs sacrificatur. Nam à *σέβαν*, quod est colere, dicitur: vel, vt Seruius voluit, *ἀπό τῆ σεβάσεως*, id est, venerari. Sabæorum meminit Vergilius:

- Molles sua thura Sabæi. Et alibi:

- Solis est thurea virga Sabæis.

Georg. 1.

Georg. 2.

Hæc enim Solis ortum æstiuum spectat, vndiq; rupibus inuia, & à dextra, maris scopulis inaccesæ. Caput regni Sabota, in monte excelso. In medio eius Atamitæ sunt. Sabæorum pagus est, à quo octo mansionibus regio thurifera determinatur. Vna Panchaia vocitatur, arenosa.

Vergilius:

Totaq; thuriferis Panchaia pinguis arenis.

Georg. 2.

Eam enim pinguem arenis, propter myrrhæ distillationem. De his etiam Lucretius:

Araq; Panchæos exhalat propter odores.

Lucret. lib. 2.

Minei, pagus alius, per quos auehitur, vno tramite angusto. Primi; thuris commercium fecerunt, maximeq; exercent, à quibus & Mineum dictum est. Quidam promiscuum ius ijs populis esse tradunt in syluis: alij per vices annorum diuidi. Sylvarum longitudo schœnorum viginti, latitudo dimidium eius. Schœnus patet, Eratosthenis ratione, stadia quadraginta, hoc est, passuum quin; millia. Aliqui viginti duo stadia schœnis dedere. Dioscorides secundum locum habere thus Arabicum dicit, quod in Smylo nascitur. Mansio vna è supradictis forsitan erit. Memoratur etiam Catabania Arabiæ regio, quæ thus ferat, forsitan & alia mansio. Arbores enim altæ, in montibus attolluntur, decurruntq; in plana, sponte natæ. Quidam in insulis nasci thus dicunt. Quod tamen negat Rex Iuba. Diodorus tamen Siculus insulas esse iuxta Arabiam scribit, quarum vna sacra sit, in qua & thus nascatur: in qua defunctos sepelire vetitum, Nam vbi thus nascitur, non inhumant: ne homines cum Dijs commercium habeant, propter thus, quod Dijs sacrificatur. Theophrastus thuris arborem supra Sardes apud quoddam delubrum natam asserit. Arbores thuriferas colubros subalatos, discolores, atq; exiguo corpore, obseruare, Herodotus scribit, circa singulas numero permagno. Quum thus Arabes colligere volunt, storate suffiunt. Nullo nanque alio fumo submoueri posse, compertum est. Oppleturi quidem vniuersam terram, in hoc remedio, illis

dio, illis subueniatur. Ab Arabibus primùm Phœnices thus accipiunt: qui pòst in Græciam exportabāt. Regibus Persarum quotannis millena thuris talenta, Arabes præter tributum donare, idem Herodotus testatur. Myrrham, Arabiæ regiones, Saba, Adramyta, Cibanita, Mammali, ferunt, sicuti Theophrastus ait, atq; in monte præalto, in quo ningi soleat, ex quo amnes in plana defluant. Diodorus thus & myrrham mistim in syluis nasci scribit. Ille verò separatim aliàs in monte, aliàs in montis radicibus, atq; culturis, alia atq; alia coli. Hæc Troglodytis communis: à quibus Sabæi maris transitu petunt. Hæc satiuæ in India autem nasci Arrianus, Aristotelis autoritate tradit, in quadam solitudine, qua iter facientes Phœnices negotiatores, qui exercitum Alexandri Magni in Cedrosos proficiscentem sequerentur. E materie verò multa iumenta onerantur. Ipsam autem Gedrosiam & Chalcamoticam ferre thus, Strabo autor est. Quod mercatoribus, qui ex Helanis ad eos Meneam quadraginta diebus veniunt, proponitur. Quapropter Plinius myrrhæ portionem Deo non elargiri Sabæos dicit, quòd scilicet alibi nasceretur. Solam autem Indiam ferre nigrum hebenum, Vergilius grauis autor asserit,

Georg. 2. *Diuisæ (inquit) arboribus patriæ: sola India nigrum
Fert hebenum.*

Sed ne quidem tota, vt Solinus suis scriptis mandauit, verùm exigua sui pars. Alij in Æthiopia nasci etiam voluerunt, vt Dioscorides, quam maximè laudauit & eo antiquior Herodotus. Qui regibus Persidis, illos è materie eius centum phalangas, tertio quoq; anno pendere scribit. Ibi verò syluas eius arboris maximas viuere, Plinius testatus est, & post omnes Maurus Seruius, Melaq;. In Meroë etiam produci Lucanus testis est. Sic enim ait: *Hebenus Meroëtica vastos,*

Non operit postes, sed stat pro robore Nili

Auxilium, non forma domus. — Et alibi:

Ambitur nigris Meroë sæcunda colonis

Lætæ comis hebeni.

Diodorus etiam in eadem insula autor, vsq; enim illam à Syene imperij fine per nongenta xcv. M. passuum, nullamq; aliam nisi palmarum generis esse voluerunt. Ficum enim Indicam alibi quàm in ipsa India, à qua nomen sumpsit, prouenire non memini me legisse. Sunt & quædam non paruo numero arbores in India paulò ante nostram tempestatē, & etiam nostra, inuenta, quæ solùm monumentis eorum, qui illuc profecti, nobis notæ: antiquis enim incognitæ. Quæ si hucusq; alibi nouas sedes aut acquisierint, vel eas renuerint, nondum audiui. Habet & Ægyptus sibi peculiâres arbores ficum & prunum, cognomina à solo natiuo mutuata. Malus Assyria, quam alij medicam vocant. Hanc autem aliæ gentes, propter veneni præsentaneum remedium, per industriam translati germinis, aut insiti, transferre tentarunt. Verùm soli Mediæ & Persidi maluit inferuire, nec terram aliam ingredi, scribentibus & Plinio & Solino. Quòd si eadem sit cum citro, illam plures alias regiones accommodasse, manifestum est. Aliæ plures arbores sunt, quæ paucorum locorum hospites esse voluer

voluerunt. De quibus dicitur, cū eorum historia narrabitur.

Frutices etiam quosdam esse, qui ad alias regiones proficisci noluerint.

CAP. XXII.



SIMILIS feritas etiam in nonnullis fruticum generibus reperire est. De quibus ut dicamus atque de arboribus, par est. Siquidem cinnamomum & casiam in Æthiopia solum nasci, apud autores quosdam conuenit. Verum ut circa horum natiuitatem fabulosa quædam antiquitas narrauerit, & horum princeps Herodotus, ut Plinius ait. In auium enim nidis, priuatim verò phœnicis, in quo situ Liber Pater educatus est, reperiri scribit, ex inuijs rupibus, arboribusque asportatis, & nidis, plumbatis sagittis, ac carnis, quam ipsæ aues inferrent, pondere deturbatis. Nam qui legere cupiunt, carnes minutatim concisas illuc deportant, postea procul abscedunt. Quas post aues ad nidos deferunt, intantumque onerant, ut istarum pondere in terram discutiantur. Tunc illi ad colligendum cinnamum accedunt, è quibus auium nidi structi erant. Aristoteles verò in Arabia colligi scribit ex cinnamomi auis nidis, eo modo quò supra. Fertur & alia, Theophrasto autore, fabula, in conuallibus exire asserentium, in quibus serpentes plures conuersentur, qui ictum hominibus lethalem iaculentur: aduersum quos incolæ septis manibus, pedibusque descendat, atque ita cinnamomum legant. Sed prior fabula commutata est, ad meridiani Solis repercussus inenarrabilem quendam vniuersitatis halitum è tota peninsula existere, tot generum auris spirante concentu, magnique Alexandri classibus Arabiam odore primum nuntiatam in altum. Omnia falsa, inquit Plinio. Compertum enim est, in Æthiopia gigni, & ab his, qui speluncas terreas inhabitant, legi. Troglodytæ verò illis connubio permisti, & à conterminis id mercantur, ratibusque per vasta maria vehunt, quas neque remi trahunt vel impellunt, non vela, non nauigandi vlla ars, non denique ratio vlla adiuuat, cum omnium instar sit ibi, tantum hominis audacia: præterea mare hybernium circa brumam, Euris tum maximè flantibus exigunt. Hi recto cursu per sinus impellunt, atque à promontorii ambitu argeatæ, in Gebanitarum portum, qui Ocyla vocatur, deferunt. Quamobrem illi maximè illud petunt, vixque quinto anno produnt reuerti negotiatores, & multos interire. Contrà reuehant vitrea & ænea, vestes quoque, monilia, cum armillis & fibulis. Ergo negotiatio illa, scæminarum maximè fide constat. Ius enim à Gebanitarum solo rege proficiscitur. Is edicto mercatu vendit. Ex his Plinianis verbis satis apparet, quàm sit difficilis cinnamomi negotiatio. Macrobius à Syene usque ad terram cinnami octingenta stadia esse dicit. Casiam autem in palude non alta nasci prodiderunt. In qua, & circa quam, feræ alatae, vespertilionibus simillimæ nascuntur, stridore quidem ac viribus formidabiles. Quare Arabes ad casiam legendam, toto, præter oculos, corpore, corijs, pellibusque alijs, obligato, & munito, procedunt. Veriorem Plinij sententiam casiam iuxta cinnami campos, sed in montibus nasci scribentis, pu-

b b to. Solam

Plin. lib. 12.
cap. 19.

to. Solam Indiam piper producere, quidam scripsere. Sed & Solinus Caucasum montem ea fronte, qua soli obuersus etiam gignere ait. Regionem autem, in qua apud Indos nascatur, Cottonam vocari Plinius ait, & monoxylis lintribus Becaren inuehi. Idem autor in lucis Indiae garyophyllon produci meminit. At in Molucis Indiae insulis nasci, ab his, qui nouas terras antea nobis ignotas, inuenerunt, compertum est.

Quibus arboribus folia sint decidua, & quibus non.

C A P. XXIII.



MAXIMUM aliud arborum discrimen à folijs est. Siquidem plurimis decidunt folia, alijs sempiterna virentibus coma, ut perpetuum foliorum honorem conferuent. Nam, ut ait diuus Ambrosius, Virentem comam hybernis quoque temporibus seruaturæ: hoc enim Naturæ priuilegium ut nulli venti eas crinis sui honore dispolient. Quæ verò annuatim frondem amittunt, id commune cum feris animalibus habent, quæ pilos, pennas, quædam etiam cornua, perdant, denuò alijs subnascantibus. Sed ad eas, quæ ubiq; semper virent, deueniamus: quibus intellectis, quæ decaluescunt manifestè patebunt. Verùm illud tamen annotatum prius velim, quasdam esse regiones, in quibus soli, celiq; clementia, his in vniuersum hoc Naturæ munus datum sit, priuatim verò nonnullis certo loco. Nam in Tilo, sinus Arabici insula, nulli arborum folia defluunt, uti hoc miraculo, ut ait Solinus, omnes terras vincat: & hoc in Æthiopia, sub cardine meridiano esse, idem scribit: ubi & in hyeme syluæ virescunt. Circa etiam Ægypti Memphim, & in Elephantine Thebaidis agro (Theophrasto ac Plinio prodentibus) nullæ arbores, ne quidem vites, folia dimittunt: & illo iniquiente, circa Delta parum temporis intercipit, quin semper foliascant arbores. In Africa nemus est circa Hammonis templum, perpetuò virens, ut ille inquebat,

Lucan. lib. 9.

*Quamuis Æthiopum populus, Arabumq; beatis
Gentibus, atq; Indis vnus sit luppiter Hammon,
Pauper adhuc dens est, nullis violata per auum
Diuitijs delubra tenens: morumq; priorum,
Numen Romano templum defendit ab auro.
Esse locis superos testatur sylua per omnem
Sola virens Libyen.*

Paucæ enim inuentæ sunt, quæ contra sui generis genium, atq; etiam in vno atq; eodem loco, contra sui generis communem faciem assidue virent. Platanus autem Theophrasto, Varrone, ac Plinio assertoribus, Gortynæ, Cretæ, insulæ ad fontem Lenæi amnis, immortalis virore fuit. Insignis etiam vtriusq; linguæ monumentis, sed cui statim Græcorum fabulositatis applauderet, Europam scilicet per flumen illud tauri dorso, vsq; ad caput illius deportatam, & ab Ioue sub illa arbore compressam. Fœlix quidem arbor stupro Dei, & quæ raptæ virginitatis virorem in se perpetuò retinuerit. At huic persimilem in Cypro fuisse, Theophrastus memoria

morix mandauit. Quo & cæteris duobus scribentibus, in Thurino, sinus Tarentini agri Sybaris ciuitas fuit, quam nonnulli eam existimant, quæ nunc Thurina dicitur. Ex qua quercus prospiciebatur, quæ semper viret. Et aliud eius dignum fuit, ut cum sui generis arboribus minimè germinaret: verum post canis ortum, quod mirum fuit Græcis autoribus. Legi ego in Suetiæ, quam quidam Alsatiam vocant, Annalibus, apud Vpsolam (princeps ciuitas regni est) templum extitisse, iuxta quod arbor ingens esset, cui nunquam deciderent folia: verum cuius generis esset, nemo vnquam potuit dignoscere. Nunc de his quæ assidue vbiq; virent. Perpetuò enim ex vrbani folia seruant palma, cui decussis folijs alia subcrescunt: myrtus, pinus, cupressus, laurus, verum Apollinis beneficio, propter Daphnen in eam commutatam. Sic enim ipse Apollo, apud Ouidium illam alloquitur:

*Utq; meum intonsis caput est iuuenile capillis,
Tu quoq; perpetuos semper gere frondis honores.*

Metam. lib. 1.

Olea suum semper seruat indumentum, nec vlla substitutionis successione, foliorum germinatione vicem commutat. Quod etiam hic testatur:

Baccaq; cum ramis semper frondentis oliua.

Persea etiam, prunus Egyptia, balsamum, cedrus, ceraunia siliqua. Ex syluestrium verò genere, abies, larix, pinastrer, iuniperus, taxus, teda, terebinthus, aquifolium, ilex, suber, picea, thia, apharca, celastus, & ea, quam Arcades phelodryn vocitant. In fruticum autem genere, virent hedera, rhododendros, sabina, chamæmyrsine, tamarix, rubus, acuta spina. Rationem autem quare in his arboribus non defluant folia, quidam, ut Plutarchus in Problematis sympotiacis, esse voluerunt, quòd hæ percalidæ sint naturæ, sicuti in lauro, & oleosis omnibus, quas calidæ vis esse oportet. Hæ ut plurimum folio angustiori sunt, & callo crasso, redduntq; quandam suauem olentiam. Sed falsa est definitio arbitrantium non defluere folia his, quibus succus pinguior insit. Quod contrà in iuglande, & multis alijs, est. Myrtus etiam quamuis inter frigidas connumeretur, perpetuò tamen viret. Illud etiam sciendum, ut quæ semper frondeant, ut continuò tamen virent, necesse non sit. Illud enim illis suo tempore, sicut & cæteris, euenit, ut subnascentibus nouis, vetera durefcent.

De foliorum occasu, & communi differentia.

CAP. XXIII.



VNC de foliorum casu, qui ut plurimum in Autumno est: quod ipsa experientia cuique notum, expressitq; etiam Vergilius:

*Quàm multa in folijs Autumni frigore primo
Lapsa cadunt folia.* Horatius in Arte:

Aen. lib. 6.

Ut syluæ folijs pronos mutantur in annos,

Prima cadunt. Et Homerus:

*οἷη παρ φύλλων γενεή, τοίη δὲ καὶ ἀνδρῶν φύλλα, τὰ μὲν
τ' ἀνεμος χαμάδις χέει, ἄλλο δὲ ὡς ὕλη*

bb 2 τηλεθ

τηλεθώω φέει, ἔρος δὲ ἐπιγίγνεται ὥφει.

Hoc enim tunc fit : quia hoc tempore æstatis humor calore omnis exhaustus est. Sicut in homine caluitium, calidi humoris inopia facit. Mutatio enim hæc potius, quàm ætas earum est. Mensis autem is, in quo foliorum defluuium est, Hesiodo φυλλοχόος dicitur. Timæus mathematicus folia decidere, sole Scorpionem transeunte, vi syderis, & quodam veris veneno, putabat: cæterum errore manifesto. Nam eodem atque vno tempore casus versum omnes esset. Quod contrarium esse, cunctis plusquam clarum est. Quædam enim ocyus, aliæ verò tardius, amittunt : atque in hyemes moram prorogant, vt pertinacius etiam eas aridas retineant, vt sæpe cum nouo hospite, de suo casu & sede reluctentur, vt multotiens in eadem arbore & virides, ac aridas simul videre sit : vt in quercu, robore, & fago, carpino. Quæ verò locis aquosis, & circa fluminum decursus, & ripas degunt, diutius folia perferunt, vt in genere salicum circumspicere est. Nam non nisi in solo humido satis fœliciter veniunt: quæ alimenti ex huberantia serius caluitium patiuntur. Siquidem magna vis soli in hoc est, vt festinantius in siccis & macerrimis decidant. Quidam arbores pertinacius retinere folia arbitrantur, quæ in hyeme satæ sint. Prius enim decidere ad austrum & meridiem animaduersum est, & vetustis quàm nouellis. Multis etiam ante fœtus maturitatem cadunt, veluti in ferotina ficu, pyro syluestri, malo punica, vt pomum tantum in matre aspici sit. Quod in omnibus sæpius ex anni intemperie, & Solis vi euenit. Nec interest præmaturius, seriùsve germinasse: utpote quæ primæ germinarunt, nouissimæ tamen denudentur, vt amygdala. Moris omnium nouissimè germinat, prima tamen exfoliatur. Parum ab eius natura erunt iuglans, sambucus, fraxinus. Quibusdæm verò paruo tempore, vniuersa decidunt, vt sorbo, fraxino, iuglandi, cæteris paulatim. Nonnullis etiam omnia, neque passim defluunt, vt in andrachne, & arbuto: quibus, præterquam in cacuminibus, decidua sunt. Ante etiam occasum colorem mutant, vt futurum testentur. Rubescunt aliæ, vt ceraso, pyro, mespilo: aliæ crocescunt, vt pruno, fraxino, & ceraso ex genere acidorū. Pastinacam in Spartensi Achaïæ agro laudatissimam nasci, Theophrastus scribit. Ex eius enim fructu defoliare arbores solent. Foliorum autem omnium publica in ipsis est differentia. De speciali verò, in suo quoque arborum genere disseretur. Pars namque inferior à terra herbido viret colore. Ab eadem læuiores, nervos, callumque, & articulos in superiore habent parte : incisuras verò subter, vt manus humana. Oleæ supernè candidiores, & minus læuiores. Item hederæ. Sed omnium folia quotidie ad solem oscitant, interiores partes tepesceri volentia. Superior pars omnium quantulamcunque lanuginem habet, quæ in alijs gentium lana est. Pediculo breui olea & ilex, populus tremulo: quibus solis folia inter se crepitant. Iam & in pomo ipso, mali quodam in genere, parua medijs emicant folia, interim & gemina. Præterea alijs circa ramos sunt, alijs in cacumine ramorum, robori & in ipso caudice. Plura eodem pediculo exeunt malis, pyrisque. Lata enim rariora, contra minora densa. Aliquibus disposita, alijs inordinata.

De præcocihus, et ferotinis, ac regijs: Et de fructibus duracimis, Et drupis.

CAP. XXV.



Vllum arborum genus, præsertim vrbana-
rum erit, in quo præcoces fructus, & antè maturescentes inuenire non
sit: à quibus qui postea sequuntur, ferotini vocabuntur.
Qui tunc proprie erunt, quum eiusdem Naturæ sunt: vt
in hyemem aut longè post, sæpius in annum longiusve
durare possunt. Præcoces etiam regio locusq; faciet, si ad cæteras frigi-
diores prouincias respiciamus. Sed in fructibus cuiuslibet loci, & eius-
dem generis modestius hoc accipiendum erit. In genere enim mali cy-
donij, mustea præcoccia erunt. In ficis, nigræ, rhodiæ, tyburtinæ, mariscæq;
quas Græci *βερύκκας* appellant. Ficus præcoces Athenienses prodro-
mos vocabant, quæ in Laconico genere maximè erant. Serotinæ autem
à corio, Plinio duræ dicuntur. In persicorum autem genere, vnum est
cæteris minimum, quod Dioscorides præcocium appellat: statim post
cerasia editur. Galli non longè à Dioscoridis nomenclatione recedentes,
apricum vocant ac si velint dicere, loci apricitate atq; calore præcoccem
fieri. Hæc olim Armeniaca, vt infra dicetur. Fructus autem natura humi-
di, solidi, acerbique, vt glans, pyrum syluestre, cum frigore maturantur. Hi
enim humorem suum, saporemq; serò recipiunt, ac postquam ex arbore
excerpta sunt, maturefcere possunt, & dulcedinem recipere. In quorum
quidem nonnullis, veluti in mespilis, sorbis, ac drupis, putredinem, matu-
ritatem vocare possumus. Tunc enim vsui aptissima, nō etiam antè sunt.
In fugacibus autem & præcoces erunt. Quorum si ratio in vniuersum ad
eos, qui postea sequuntur, referatur, præcoces etiam dicentur. Fugaces
Plinius vocat, quæ minimo durant tempore. Vergilius leues vocat: Græ-
ci *ὀπώρα*. Propterea sic dicti, quod cito marcescant, nec diu possint ad-
feruari, cogantq; se quàm citius venundari. Hac enim ratione Galenus
ὀπώρας κάρπας vocari rectè scribit. Rosam Carthagine & in Hispania
hyeme quoq; tota præcoccem scribit. Campana etiam præcox, fera Mile-
sia, nouissimè tamen definit Prænestina, & quæ nunc Damascena, quæ
toto fermè anno in flore est. Inter hos omnes fructus, è certis arborum
generibus, quidam ab egregia forma singulariq; magnitudine, basilides
vocantur: vt in oliua, lauru, pruno, & alijs, de quibus in suo quoq; genere
dicetur. Duracini etiam, vt in cerasis apud quasdam gentes, quibus Plin-
ius principatum tribuit, vocariq; in Campania Pliniana. Persico dura-
cino caro ligno adhæret: nec ab eo auelli potest, quum in cæteris faciliè
separetur. Plurimum inest succi. Pompeius nuces moraceas, duracinas, è
Titineo vocabat, quæ duræ essent: vnde diminutiuum esset moracillus,
id est, duriusculus. A duritie sic vocantur, qua vel nomine dignoscuntur,
vt in hoc diutius immorari non censeam. Drupæ in olea & lauro dicun-
tur baccæ, quæ optima ætate inter succi copiam bonitatemq; nigrescere
& colorari incipiunt. Possunt & in alijs fructibus eadem ratione sic vo-
cari. Græci *δρυπτεῖς* dicunt.

De fructuum varia appellatione, & differentia, ac diuersa in producendo natura.

CAP. XXVI.



ARBORVM omnium fructus, vnico glandis nomine contineri Vlpiano & Prisco Iaboleno Iuriconsultis placuit. Hoc modo enim Græci, vt hic ait, omnes arboris species ἀρόδρνα ἀπὸ τῆς δρυὸς vocant. & γερὰδρνον, pro veteri & ambuga quacunq; arbore accipitur. Apud quos etiam eadē significatione δρύκαρτα omnes arborei fætus nuncupantur. Glans tamen præter generalem illam significationem, propriè roboris, quercus, esculi, fagi, cerri, ilicis, suberis, castaneæ quoq; erit: quamuis hanc Vergilius inter nuces posuerit forsitan Nicandri exemplo: qui κατινον κάρνον dicit. Nonnulli etiam fructus omnes κάρνα vocarunt. Caterum Epicharmus per excellentiam nuces amygdalas appellauit. Ex quibus ergo arborum vniuersarum fructum in glandis & nucis nominibus esse patet. Attici, vt scribit Athenæus, fructus omnes lignoso cortice contextos nuces appellabant. Sed qui diligentius perscrutati sunt, ἀρόδρνα continere fructus dixerunt, qui forinsecus lignum habent, intus verò carnem, quales sunt castaneæ, pistacia, malum punicum ὀπώραι, qui extrinsecus carnem habent. Quiq; herbacei & corticis mollioris sunt, vt mora, cerasia, pruna, ficus, & eiusmodi, pyra atq; mala omnia. Vtrunq; verò genus salgami nomine Latini complectuntur: vnde salgamarius defluxit. His etenim Græci duabus dictionibus omnes arborum fructus designarunt. Verum Latini latius: aut enim nuces, malaq;, vel acini, baccæq;, ac filiquæ erunt. De glandibus iam dictum. Nuces verò sunt, quibus pomum duro foris tegitur, intus autem quod esui sit. Sicuti in nuce iuglandæ, amygdala, auellana, pinea. Mala enim quidam ea esse voluerunt, quæ extrinsecus habent quod edatur, intus quid durum includat. Sed hoc omnino verum minimè erit: cum malum punicum quid durum extrà habeat, intrinsecus verò quod comedatur. Ficus etiam foris, quod esculento sit, malum tamen nequaquam erit. Vt solum duntaxat ea sint, quæ eiusmodi nominationem usurparunt: vt sunt mala persica, cydonia, punica, citria, & ea omnia, quæ vulgus Gallicum pomum vocat. Malum tamen Persicum Sueuius apud Macrobiū inter nuces posuit: apud eundem enim Cloatius inter mala annumerauit. Pomum autem omnium fructuum generale nomen erit. De nuce pinea sic Martialis:

Poma sumus Cybeles, procul hinc discede viator,

Ne cadat in miserum nostra ruina caput.

Ficum verò à pomis secerni, Macrobius autoribus demonstrat. Afranius in Selia, Pomum, olus ficus vuam. Cicero æconomicōn tertio: neque ferit vitem, neq;, quæ sata est, diligenter colit, oleam, ficus, poma non habet. Plinius tamen pomum esse, multis locis ostendit, præsertim verò libro duodecimo his verbis: Fert eadem insula (de Tylo loquitur) & palmas, oleasq;, & vites, & cum reliquo genere pomorum ficus. Si non specialius glandes sunt, aut nuces, neq; mala, saltem vt pomi generali appellatione

latione comprehendantur, conueniens erit. Libro etiam decimoquinto, cedri baccas, mala hic appellat: ut inter ceteros autores pomi & malorum appellatione licentius hic usus fuerit. Casellij Iurisperiti, apud Macrobiū iocosum extat responsum. Vatinius autem cum gladiatorium munus ederet, à populo lapidatus, ut Ædiles edicerent obtinuit, ne quis in arenam nisi pomum mitteret. Quo tempore Casellius à quodam consultus, an nux pinea pomum esset, respondit pomum fore, si in Vatinium missurus esset. Baccas inter & acinos hoc interest, quod baccæ dispersius nascantur, ut lauri fructus, oliuæ etiam & corni, & myrti, ac lentisci, forbi: Acini autem inter fructus minutiores, densius, ac racematim nascuntur, inter quos hederæ, sambuci, mali punici, mori; grana. Græci *γλυκιστρά* vocant. Baccis item magna differentia: aliæ enim oliuis, lauris; sunt, alio; modo loto, cornis: diuersa myrto, lentisco, aquifolio. Quibusdam intus lignum, caro extra: ut oliuis, cerasijs; Græci *στυπνάς* dixerunt huiusmodi nucleos. Econuerso id in quodam in Ægypto genere. Neque illud prætereundum censeo, Seruiū Maurum baccas arborum agrestium generale esse existimasse. Sed acinorum aliud quoque discrimen est: ut hederæ & sambuci. Figura etiam differunt, malo punico quippe angulosi. Nonnunquam tamen baccæ & acini indifferenter ponuntur.

Vergilius:

Sanguineis ebullis baccis, minioq; rubentem.

Hæc quoque etiam colorem variant: quod in arborum descriptione docebitur. Alia in vniuersum fructuum differentia. Putamine clauduntur nuces, corio castanæ, quibus illud detrahitur. At in mespilis manditur. Crusta teguntur glandes, corio & membrana mala punica. Cute verò, ac carne cerasia constant: Mora carne & succo, ut homines: callo pyra, ac mala, corpore melimela, Mora cartilagine. Iam verò diuersa gratia & commendatio palmæ Thebaicæ crusta succo caricæ. Iuglandium verò summa & viridia putamina, guliolæ veteribus notæ. Quædam statim à ligno recedunt, ut nuces, & palmæ. Quædam adhærent, ut lauro, atque oliuæ. Alio etiam generi utraq; est natura, ut persicis. Quibusdam verò nec intus, nec extra lignum, ut in palmarum certo genere. Nonnullæ extra gemino operimento teguntur, ut castanæ, amygdalæ, iuglandes. Dependent alij pediculo, ut pyra, mala. Quibus alijs longiores, ceteris breuiore. Alia racemis, ut palmæ. Olea in Syria congestum, quasi vix modo fructum fert, soli vbertate. Quod ceteris regionibus minimè datum. Alia & pediculis & racemis, ut hederæ, sambuci. Quædam in ramo adhærent, ut in lauro. Nonnulla utroque modo, ut oliuæ. Nam & breues in his pediculi, & longi: in cortice quædam, sed perpaucæ, fructum ferunt, ut pala arbor Indiæ. Aliæ & in quoque genere differentia, quas diligentissimus quisque perspicere poterit. Neque enim omnia ac minima quæque comprehendere, & scire possumus. Quisquilæ Festo, quicquid ex arboribus minutum cadit.

De seminibus, & illorum differentiis.

CAP. XXVII.

VT



T autem semina, post fructus, in quibus continentur, differamus, ratio suadet. Fructus autē à semine, quod Græcis καρπός & σπέρμα dicitur, differt, quo contentum à continente, seu veluti pars à toto. Nam fructus ex alio est, semen ex hoc ipso fructu. Pomum quidem ex arbore est, semen pomi est: vt secundum prius & posterius differant. In quo quoniam stirpium vis generatiua collocatur (nihil enim spontē terra producit, nisi antea aliquid acceperit) spes propagandæ suæ speciei, & vt fieri licet, perpetuandæ. Vt propter istud ipsum, maxima cura, prouidens rerum parens Natura: illud in pomorum penitiorē, tanquam tutiorē gremio abdidit, vt non solum fructuum carne aduersus cœli intemperiem, ac molestias, sed etiam animalium iniurias defensum velit: quin sæpe osse, nonnunquam ligno, frequentius corio, quandoq; callo muniuit, vt pluribus propugnaculis, multis obnoxium custoditum esse velit. Arborum in vniuersum nullæ nudo sunt semine: effecitq; vt plurimum ne esui essent, néve gulæ voracitatē, ac cupiditate deperiret: ac si hoc solum ad prolem referuatum sit. Illud autem ingenitum in se habere calorem, atq; humiditatem, necessarium. Quod si vtrunq; horum, aut alterum defuerit, infœcundum sit oportet. Quibusdam in carne ipsa est quod pellicula separat, vt in pyris, malis punicis, περιάρπιον Græci appellant. Alij statim in carne ipsa, vt moris, vnedonibus, ficis, in quibus granula illa, semina sunt. Græcis κεράμειδες, quemadmodum γήαρτα in acino fructu, sicuti vitis. Nonnullis illico post tegmen est, vt palma, iuglandi, amygdalæ, auellanæ. Quorundam trigemina natura, carne, deinde ligno: rursus in ligno semen: veluti in persicis, prunis, cerasis, oliuis, lauro, mespilis. Alia siliquis includuntur. Sed quæ eiusmodi reperiuntur, pauca sunt, & inter arbores ficus Ægyptia, colytea. Inter frutices spartus, genista, spina Ægyptia, anonyms. Est & alia differentia. Quibusdam semen congestum, atq; promiscuum, vt pyris, malis, punicæ. Alijs separatim, vt ficis, moris. Quædam aluo continentur, vt punicæ. Nullum autem vasculum, nisi vas corium appellare mauelis.

Arbores aliquid præter genuinos fructus gignere, ac de illarum humore.

CAP. XXVIII.



R B O R E S autem aliquid, præter fructus, naturâ illis communes, ac peculiare inſitos ferunt. Non tamen omnes, vt quæ vnum tantum producant, ingenuæ habeantur. Et inter illas quæ multiplici ac vario fructu sunt. Quædam reperiuntur, quæ vno aut altero contentæ minimè ſint, ni plura quoq; Naturæ beneficio & admiratione, non tam ad communē eſum, quàm medendi vim, nobis producerent. Inter quas quidem quercus, & robur excelluit. Primum enim viſcum, quia in terra pullulare minimè ſcit, in arboribus ſedem atq; in alieno locat, viuittq;. Gallarum etiam duo genera, candidam & nigram fert: cachryn quoq;. Pilula eſt, in medicina vrendi vim habens, Fungos etiam, ſplachnon, & mel teſte Heſiodo. Rores enim

res enim melleos è cœlo cadentes, non magis insidere alterius frondibus constat: sæpe tamen in salicibus. Tam multiferæ hæ duæ arbores sunt. Resinam autem picea, pinus & in eodem genere sylvestres piceaster, pinaster, abies, sapinus, teda, larix, populus nigra, terebinthus. Pix autem cupresso, cedro, terebintho elicitur. Gummi, lacryma est congelata, & concreta in arborum truncis eam fundentium, Galeno sic diffiniente: Hæc autem in lentisco, vlmò, amygdalo, pruno, ceraso, perfico, & in fruticibus spina Ægyptia fluit. Viscum præter supradictas malorum quædam genera, prunus, pyrus, & aliæ multæ arbores, vt pinus, abies, terebinthus. Sphachnon etiam cerrus fert. Pillulas verò abies, larix, picea, tilia, platanus, & rubus. Boletos enim atq; fuillos (nouissima gulæ irritamenta) etiam cupressus, & pinus: verum noxios, cum in robore probatissimi sint. Circa radices gignuntur. Plinius in syluis maris rubri oleas emittere scribit cum pluit, qui sole tacti in pumicem mutantur. Nicander apud Athenæum, in oleis, quercubus, punicis ilicibus, lethiferos agnasci scribit. Sunt enim graues atq; humidi. Qui verò super vlmis, tenuissimi, friabiles, ac teneri. E glandiferis sola quæ vocatur ægylos, panos arentes, viscoso villo canos. Non in cortice modò, verum & è ramis pendentes fert cubitali altitudine, odoratos. Ilcis frutex granum pumiceum producit. Humorem arboribus, loco sanguinis esse supra diximus. Quem nonnulli liquorem, alij verò lacrymam vocant. Plurimus enim in cortice est, sed abundantius cum germinare cœperint: sed validissimus & suam vim magis ostendens, quum iam & germinare desierit, & à frutificatione requieuerit. Aliquibus verò abundantior. Aliæ autem minùs consequuntur. Multis omnino nullus. Alijs albus, vt lactosis, veluti ficis, cerasis gummosus, vlmis salinosus. Lentus ac pinguis malis, pyris aquosus. In lacrymæ modum iunipero, & omnibus resinam ferentibus: lacryma enim est & gummi. Quibus adde quæ myrrham, thus, & balsamum ferunt.

Fructuum arborum sapes.

CAP. XXIX.



SAPORES autem, ac odores plantis conuenire, satis cuiq; constat. Vti etiam Aristoteles, philosophorum facile princeps (Platonem tantum exceperim) postquam in vniuersum de saporibus disseruisse profiteatur, saporum peculiarem plantarum disputationem, in commentationem illarum referuauerit, ac si ingenuè profiteri voluerit, plantarum erga sapes differentem à cæteris materiam esse. Quod contrà ex his, quæ generalius edisserit, manifestè ostendit. Omnes enim fructuum arborum sapes, qui inueniuntur, in tellure esse videntur. Talis enim humoris sapor, qualis telluris, per quam humor ipse colatur. Quæ si vera essent, vnius totius territorij, vel angustij agelli, hortorum etiam minoris capacitatis, vnius nature arbores omnes, eiusdemq; saporis essent, etiam si ibi insitarum arborum diuersa essent genera: quorum sapor secundum sua genera, sua deniq; peculiari virtute differens reperitur. Sunt etenim plantarum secundum suum genus distincti sapes, nonnunquam ascriptitij, puluere

c c aut

aut liquore, dum inferuntur, iniectis. Qui sapor ex telluris siccitate concoquente humiditatem, conseruantur. Et vt ad saporis diffinitionem ex illius sententia veniamus, Sapor est affectio quædam ex commistione humoris & terræ siccitatis, quæ gustus potentia ad operationem, & actum perducit. Itaq; Galenus saporum nomina linguæ instrumento, & gustandi sensu dignosci asserit. Græcè enim dicitur *χυμός*. Humor autem in plantis incrassatus *χυλός*. Omnium primum saporum materia, est humor. Absque enim humore nihil efficit saporis sensum. Humore enim aluntur, qui omnium crassitudinum, quas habent, tenuissimus est. Ex humido enim saporem fieri notum est, permisto tamen calore, qui vi sua quod terreum est concoquit, & digerit, vt iam dictum est. Quo præpedito, vt in gelatis fructibus videre est, in quibus præter modum humectato, ipsum calorem, qui cum humiditate ipsa commistus erat, absumit, & dissipat. Nam ipsa humiditas exundans & excellenter inualescens, sopita nimirum corpora congelat, & constringit, vt resoluta postmodum gelu, humescant, & deinde putrescant necesse est. Hæc autem, quæ exigui, & tenuioris sunt succi, exsiccantur. Verum horum alterum conualescit, vt ambo tamen temperatè adsint: alioquin saporem reddunt deteriore vel amariorem, vt in primum natis fructibus est, qui nondum decocti ad maturitatem non peruenerunt, eiusmodi sunt saporis. Qui si maturi fuerint (quod fit à caliditate temperata) suaues erunt. Per concoctionem autem, saporem transmutant: vt amarus, aut acerbus, in dulcem vel pinguem permutetur. Alij ex amaro in acerbum, ceu oliua. Quædam ex acerbo in dulcem aut aërem, vt pyra, & cætera, quæ primum amara, post dulcia aut acuta fiunt: vt propterea non ex aqua solum, vt aiebat Empedocles, trahere saporis manifestè appareat. Omnes enim propemodum arborum fructus, ortus sui principio lignosi, siccique sunt, simulque acervi, dein verò temporis progressu, humidiores fiunt: succeditque aciditas quædam, discedente acerbitate. Haud tamen quod accedit, vel quod amittitur, par est in fructibus omnibus, neque si speciem, neque si genus respicias. Exin quibus sensim exutis, maturescunt, ac perficiuntur, dulcesque finaliter euadunt. Quædam tamen statim ab acerbitate, palam ad dulcedinem transeunt: veluti oliuæ, quæ calido coquantur & maturescunt. Porro si cum initio acervi, maturescunt dulcescunt, sequitur ex calore ipsis dulcedinem prouenire. Acerbitatem autem atque aciditatem ex frigore esse, notum est. Fructuum aliud proprium est, & ingenitum, alterum verò externum, quod à solo videlicet est: verum hoc vniuscuiusque naturæ conueniens, ac familiare. Non tamen ex acerbis omnes dulces fiunt. Quidam enim acescunt, nonnulli pingues, alij austeri, cæteri ad vltimum acervi permanent: quales sunt ilicis, arbuti, fagi, corni. Tantummodo molles maturescunt, nulla præterea accedente alteratione. Decerpti item ab arbore fructus saporibus mutant, siue Soli, ablatis inuolucris & tegumentis, vt in castanea, & auellana depræhendere est siue etiam igni exponantur, vt decocti ad omnia saporum genera transmutentur, & tempore exhalati, vt ex dulcibus amari vel austeri, & econtrà, fiant. Nam plerique cum leguntur, insuaues:

insuaues:vti ferè omnes qui serotini sunt : tempore verò nitescunt,atque gustui postea pergrati. Fructus plantæ saporem ostendunt. Itaq; ab hac tanquam à matre & altrice, & vim, & naturam accipiunt. Quod crudi potissimum efficient : vt quò plus recentius defumantur, eò manifestius genitricis naturam patefaciant. Maturi verò minùs, vt potè quum humoris effusio plus temporis processerit, eò purior factitetur.

Saporum genera quot, & de illorum natura, & potestate,

& de succis.

CAP. XXX.



VNC de saporum generibus, atq; horum virtute. Quorum differentia, inquit Aristoteles, ex diuersa facta impressione sunt, & sensuum affectionibus distinguuntur: vt odor olfactu. Quæ difficulter tamen (inquit Galenus) discernuntur, vt impossibile quidem sit, exactè exponere. De numero autem autores etiam graues ac classici dissenferunt. Plato siquidem septem, Aristoteles, Theophrastusq; eius discipulus, & Alcinous eius interpres, & post hos Galenus medicus octo posuerunt. In quo numero frequentius concordatum: alij enim pauciores. Nam pinguem ad dulcem, & salum ad amarum retulerunt. Plinius verò tredecim. Sed iam de his speciatim differendum, vt primùm de his duobus, videlicet acerbo atque austero, propter illorum inuicem familiaritatem, & cognatam vim dicamus. Nam Plato in Timæo, hos duos sapes eiusdem speciei esse dicit, qui inter se maioris & minoris duntaxat ratione, & sola intentione dissideant. Quare ab Theophrasto austerus non temerè obmissus, quòd communis cum acerbo sit. Acerbus Græcè *στυφνός* dicitur: neotericis nostris, à pungendo ponticus. Cùm eius natura, linguam, id est, vim illam degustandi, ad motionem pungat, aut potius submordicet, contrahat, & in multam profunditatem illam exasperet. Ideoq; constipandi, densandiq;, & adstringendi, ac desiccandi vim habet. Quare planè constat saporem acerbum frigidum esse, quòd ab huiusmodi qualitate corpora hisce afficiantur, & terreus ac crassioris sit substantiæ, Saturniq; proprior sapor. Prædicti verò saporis sentiuntur pyra syluestria immatura, & corna, & roboris fructus, galla omphacina. Is autem à cæteris discernitur, quòd linguam non acuit, neq; eo lingua acet, quo acidus rectè dici possit, vt propterea reformidetur: neq; acer, quum acia calidiuscula sint, nonnunquam sternutamenta cientia. Austerus Græcè *ἀστυφνός* & *εὐπίκτος*, quam vltimam vocem plures inter Latinos vsurparunt, minoris potentiæ, mitiorq; est quàm acerbus, hoc solo præterea ab eo segregatus. Nam paulò imbecillius linguæ venulas exasperas, subitq; in profundum, verum minus quàm acerbus. In superficie enim magis pollet, nec pellit intrò, sensibilibioraq; membra tardè penetrat. Quamobrem tenuiter desiccatur, contrahit, non condensans, eoq; frigidior acerbus. Astringit, quare Galeno *στυφνός* etià dicitur, quòd eo magis humidæ quàm siccæ naturæ sit. Talis in vis & malis immaturis depræhenditur. Amarus Græcis *πικρός*, cum dulci contrariæ naturæ. Molestè exasperat, humorem corrumpit, aut coagit,

vel mordet. Galenus enim eum ex nitrosi provenire intentione ait. Siccus, calidusq; est. Cæteri verò absq; insigni qualitate frigidum, aqueumq; dixerunt: cuius finis ac terminus est, vehementer abstergere. Odoratiore amara, omniumq; minimùm putrescunt. Acri propius est, præsertim si ex tenuium terrestrium partium adustione fiat: ratione duplici. Prima, cùm exactè amarus, qui nulla alia qualitate, nulloq; alio notabili sensu, sed in sua natura absolutus. Minus verò amarus, alienis permistus qualitatibus, qui & minus calidus, nec sui omnino ineptus. Acer Græcè *δριμύς*, Pontico contrarius, cum valida quadam caliditate mordicat, erodit, & eo feruefacto ore, mutuò & linguam feruefacit. Salso & amaro calidior, & omnium saporum, quod ad impressionis modum attinet, calidissimus. Piper verò eius naturæ est. Acutum inter saporum appellationes Plinius annumeravit. A multis tamen prætermisus, vulgoq; vsurpari video pro eo, quem nos acrem diximus. Hunc quidam & acrem ad solem referunt, quòd Solis radijs acutius, calore eius nihil acrius. Sensum adurere alij aiunt: quod & ad acrem etiam pertinet. Qui verò potius humidum quàm siccum existimarunt, potius ad acidum retulerunt: ut melius fecerint, qui hunc præterierint, ut qui nec ad acidum spectet, nec alius sit ab acri. Acidus Græcis *ὀξύς*, vulgò acetosus. Tenuium terrestrium partium est, & subtilis. Constringendo mordicat, exasperat, roditq; citra excoactionem. In quo verò ab acri differt, attenuat, diuidit, & vellicat. In alto magis apparet, sensibiliaq; membra velociter penetrat, magis humidum. Cum acri communes quasdam vires habet, sicut & cum amaro, verùm non cum ita vehementi acrimonia. Duplici discrimine separantur: aut enim simpliciter acida censentur: id est, ab alijs qualitatibus syncera. Alterum genus est, quod alijs qualitatibus permiscetur, puta dulcibus, vel amaris, sæpe etiam acribus, ut in malis punicis, prunis, malis, moris, ficubus, cerasijs. In quibusdam verò his fructibus, vel dulcedines, vel acerbitates, aut amaritudines coniunctæ sunt. Quacunq; autem qualitate acida sint, refrigerant, nervos lædunt, & humores exsiccant. Salsus Græcè *ἀλυκός* & *ἀλμυρός*, propinquus est quadantenus, similisq; amaro. Ab acerbo autem & austero calore differt. Hi apprimè calidi: illum terrestrem calidum dicunt, qui nondum igneus sit. Linguam non contrahit, nec constipat, velut adstringentia: imò agere apparet. Nonnihil tamen constrictionis habet: plus siccitatis, minus frigiditatis committit. Abstergit etiam, abluitq;: verùm hoc lenius, moderatiusq;, quàm amarus, idq; etiam exsiccando, ac segregando. Terræ autem propior. Lunæ enim peculiaris existimatur, quòd hæc vi humecta irradians hunc efficiat. Plantis nunquam euenit: quamobrem hæc superflua quis existimabit, si non hic gratissimus: ut ferè omnia, quæ eduntur absq; eo, insipida sint, ut in generali saporum historia avidissimè desiderentur. Dulcis Græcis *γλυκύς*, & *μελιώδης*. Familiarissimus, pergratusq; omnibus, etiam feris bestiis, & cum voluptate manifesta suavis, ut qui maximè in arborum fructibus exoptetur: quo si careant, minimè nobis iucunda apparebunt, quin potius rejicientur. Ad alendum aptior. Nam opplet, & vngit, propinquiusq; ad naturam

naturam nostram accedit. Natura reliquorum omnium contrariæ Linguae humorem imbibitum per fibras dilatat, & vehementius aperit, propter humidum, calidumq; abundè simul mistum : quæ autem asperitate ac scabritie perhorrescunt, leniter mulcet, mitigatq;. Quicquid enim linguae inhæret, abluat, eluitq;. Temperatum calorem habet, & humiditatem nobis cognatam, vt immodicè calorem nostrum exuperet nequaquam, nondum vrens. Theophrasto autem eius sunt species, melleus, lacteus, vinosus. Verùm vinosi alij non meminerunt, sed tantum in plantarum succis locauerunt, vt Plato, & Plinius, vt à melleo discretus sit. Vnum aliud saporum genus ille adducit, quod ἐπὶν appellat. Nihil refert, dulce an melleum dicas : velut pingue an oleosum. Pinguis, siue vinctuosus, aut oleosus, Græcè λιπαρὸς à Theophrasto additus, cùm Plato ad succos plantarum tantum verius retulerit. Nihil enim ad gustum pertinet. Ex humore autem ac calore oriri censendum est aqueum. Exasperatas verò & veluti erofas linguae particulas, sine manifesta voluptate inungit, atq; opplet, ac in statum suum restituit. Saporis exactè pinguis, sunt oleæ, nuges, amygdalæ, tum omnia, ex quibus oleum conficitur, pingua dicere necesse est, vt potè ea omnia, in quibus aquea excrementitia humiditas digeritur, quod à calore natiuo elaboratur atq; exactè concoquitur. Suauem Plinius posuit : nec tamen quis hic sit, nec quomodo dignoscatur, aperuit. Ex speciebus tamen acerbi, austeri, amari, acris non esse, constat. Quæ omnia Nonius Marcellus aspera interpretatus est, quæ contraria suauibus sunt. Vt Vergilius ostendit his:

Asper in ore sapor.

Quare Plinium intellexisse oportet, gustui optatissimum, & gratissimum, sicut suauia generaliter iucunda & dulcia diximus. Præter has differentias inuenitur inspidus, veluti priuatio quædam omnium saporum. Nullam enim qualitatum prædictarum præ se fert naturam sapiens, verùm qualitate (quod ad sensum pertinet) medius. Impressionem facit in lingua, vitioso similem. Galenus autem hunc ἀποσιον vocat, ac si velit dicere, qualitatis inexpertem. Quamobrem & Latini quoq; fatuum appellant. Cæteri aqueum, quod huiusmodi sapor in aqua reperiatur. Plinius autem in saporibus cæteris omnibus numerosior. Post enim enumerata saporum decem genera, tria adhuc subdidit. vnum, in quo plures pariter sentiantur, vt in vinis, austerus, acerbus, & dulcis, & suauis. Alterum, in quo & si alienus insit, suus tamen & peculiaris est, vt in lacte. Siquidem inest ei (quod tamen iure dici non potest) dulce, suaue, atq; pingue, lenitate quæ in saporis vicem succedit. Horum autem saporum meminerunt & alij. Non quòd generibus discreuerint. sed de illorum tantum commistione, vt suprà de amaro & acido diximus. Nam & in arborum fructibus, tum maximè ijs, quos Græci ὀπώρας vocant, saporis sæpe insunt plures : quandoq; dulcedines quædam simul atq; acerbitates : alijs etiam cum quibusdam alijs amaritates quædam obscuræ & lenes, vt sic de cæteris mistim iudicandum sit. Acerbus enim, & dulcis myrti fructibus : Austerus vnaq; dulcis in palmæ fructibus, qui diuersi in cæteris fructibus

animaduerti possunt. Sed in succis differentia. Siquis hos à saporibus separare velit, quod vsquequaq; fieri non potest. Quicquid tamen de his senserit Plinius, dicendum. Pyro enim, moro, myrto, vinosus. Pinguis oliuæ, lauro, iuglandi, amygdalis, pino, larici, abieti. Prunis aquosus. Dulcis palmis, ficis. Magna etiam in colore differentia. Moris verò, ac cerasis, & cornis sanguineus. Lacteus in capite ficis, in corpore non item. Malis spumeus, Persicis dilutus.

De fructuum odoribus.

CAP. XXXI.



P O S T saporis, vt de odoribus dicamus, istorum consensus persuadet, propter magnam illorum cognationem. Nam pro saporum ratione odores vt plurimum consistunt, veluti etiam ex succis proueniant. Parum enim fructuum dos in vno quàm altero abest. Nam & hoc non minùs quàm altero delectamur, & afficimur: vt sensibilibus insuper animantium gratia, odores Natura procreauerit. Magnum enim omnibus in odore momentum vt pulchrè Plinius ait, Sua in odore miracula. Bonus quippe atq; suauis odor (vt alia eius infinita munia fileam) animam dilatat, spiritus & vires reparat, ac virtutum fontes roborat. Non tamen vt odores perinde atq; saporis proprijs appellationibus (vt ait Plato in Timæo) distincti sint. Non enim quippiam amarum, austerum, acerbum, dulcem, salsum, odorem statuerint, vt hæc omnia, in duas hæc odorabilium appellationes, beneuolentiam scilicet, & graueolentiam redigantur. Fuerunt tamen qui etiam odoribus nomina indiderint. Quædam cum saporibus propter illorum contubernium communia, vt acris, acuti, asperi, suauis. Alia etiam, vt diluti, grauis, vel graueolentis, virosi, tetri, putidi. Hæc autem nomenclatura apud autores crebrò inuenitur. Odorum verò ratio, saporum genera minimè sequitur: quia non sunt idem odor & sapor. Nam odorum (vt ita dixerim) omnium potestas, pro subiectæ naturæ ratione proculdubio est, quam experitur olfactus. Odoris etiam sensus in ipsis cerebri ventriculis est. Nam odorabiliū euaporata substantia, per narium inspirationem in cerebrum delata, sensum mouet. Ex omnibus autem, quæ saporem habent, quædam illico odorata sunt: nonnulla etiam vel confricata duntaxat. In arborum autem fructibus non nisi maturis odor consistere potest. Siccitas enim est, quæ odores, vel omniū, vel certè aliquorum facere potest. Dum igitur virides sunt, hument. Immodici verò humoris abundantia odor contunditur. Porro hic moderata desiccatione corrigitur. Propterea vt plurimum, arborum fructus, temporis spatio validiorem vibrant odorem. Nam per vetustatem vis aquosa terreno commista, exhalatur, & arescit, vt odor coctura contrahatur, vt in malis cotoneis videre est: vt quæ maximè cocta fuerint, non tamen si in plenum, melius oleant. Quare plura decerpta odoratoria, quàm in suis radicibus, quòd sublato alimento maiorem humoris iacturam faciant, quæ à parente minimè resarciri potest, vt nullo amplius sulcata cibo, siccescant. Hac eadem itidem ratione odoratoria, quæ locis aridis,

dis, atq; siccaneis, & apricis nascuntur. Alimenti parsimonia contenta quàm placido perflantur spiritu. Quæ autem locis opacis, & dilutis, inodoratiora. Humor enim sese largius infundens, odorem hebetat: vt quibus tenuior odor sit, faciliè humore euanescat. Simili itaq; causa, odoratiora omnia, quæ regionibus calidissimis, quàm quæ frigidis: & odoratiores plantæ, in quibus minores flores. Plus enim humoris terrei maioribus inest. Odoratiora etiam vbi nonnihil pinguedinis subest, vt lauro, cedride, terebintho. Nam & huic calor accedit. Odoratiora etiam, quæ solido innituntur fundamento, cum insitum calorem compactius obseruent. Odores etiam præstant loca quædam, peculiari quadam dote, vt Ægyptus, in qua myrtus odora est, cum alibi nihil redoleat. Syluestres autem & feri fructus, vrbis odoratiora: & ex his, qui exiles, quiq; gustu amari, acuti, acres, & suauis: vt mala, pyra, mespila. Dulces enim minùs odorem reddunt, vt fici, quod talium succus crassior, atq; terrestrior. Et, vt generalius dicam, licet vniuersæ plantarum partes, puta radix, ramus, folium, fructus, cortex, cognationem quandam habeant, odore tamen, ac sapore discrepant, vt pars aliqua plantæ eiusdem odora, sapidaq; sit, alia insipida, inodoraq; sit. Alijs autem in flore, nonnullis in folijs, cæteris in fructu odor, multis istis omnibus. In flore verò ferè semper. In eo primò leuissima coctio cogitur. Maior enim semper pars, odorem quandam cum sapore copulatum ostendit. Frigore autem & gelu odores, sicut & sapes, reddi infirmiores, propter condensationem, certum est. Ex odore autem, sicuti nec de colore, facultates conijci, nec præscribi possunt. Quod si in nonnullis, tum maximè in odoratis, quæ tenuium quadantenus partium sunt, & calidarum: non vsque adeo tamen, vt eiusdem tenuitatis, vel calliditatis, deniq; & calliditatis iudicari ad definitum ordinem possit. Istud finaliter ex grammaticorum regulis, vt demissius aliquando agere videamur, addendum erit. Odorum esse, Seruio autore, quod ex se odorem emittit, non quòd odorem sequitur. Statius:

Et odoro vulnere pinus.

Odoratum, quod odorem alium accipit, vt odoratum templum. Tria ergo sunt: Odorum, quod per se olet: Odoratum, quod aliunde odorem accipit: Odorator, qui odorem sequitur.

Arborum vita.

CAP. XXXII.



R B O R V M vitas & ætates enarrare opportunum erit. Quando verò illis & animam & ortum antea tribuerimus, igitur & illas mori nimirum decet. Quarum autem mortis, veluti animantium omnium, manifesta diuersitas est. Nam quædam longæuæ, quædam breuis æui sunt, cæteræ verò medium possident tempus. Aristoteles autem hominum senium, arbori simile scribit. Nempe sicut nouellæ stirpes, molles, humidæq; sunt, sic senescentes magis arescunt: vt postremum aridæ omnino factæ, intereant necesse est. Quod sæpe illis fortuitò, flammæ vicinitate, vel ob fortem atque immoderatum calorem contingit, aut casu alio, vt illis,

illis, sicut & animalibus, & satis omnibus, appropereetur mors. Hæc est enim naturæ innata infirmitas, vt omnia procreata, præter destinatum cuiq; finem, casu, euentuq; antea sæpius intercidant. Inualidis enim arboribus, flatuum vehementia, & ictus, initium interitus est. Quod enim debile ac infirmum est, ex multis commoueri potest. Talis verò hominum & iuuentus & senium, & eiusdem causæ mors. Sed non simul cunctis suis semper partibus, arbores deficiunt, verum particulatim tam senectus, quam corruptio enecat. Propemodum enim pars, quæ maximè crassescit, putrescit, ac perit. Exurgunt tamen plures nepotes, ex senescentibus ramis, & semimortuis, vel vno sano atq; superstite: ex quibus alij repullulant & generantur. Vt sic perpetua vicissitudine, altero demoriens, alter procreetur: vt hac ratione hæ, quibus hoc contingit, diuturniores sint. Quædam enim preciso caudice, iterum regerminant, vt in syluis cædus est. Rectè enim colendo ea inuitant, aut etiam si radicem vsq; deufferis. Nam hoc facere solent, vel etiam sæpe casu hoc accidit. Nam sic ambustis radicibus, iterum hæ germinant, vt lauro, malo punicæ. Similesq; sunt insectis, quæ si membris careant nonnullis, viuunt tamen. Arboribus autem aquatilibus & aquis propinquè adnascantibus, vt salicibus, populis, sambucis, breuior, quàm terrestribus, vita. Quod humori acceptum referendum est. Nam & putredini, propter nimiam humiditatem obnoxia sunt. Quòd in animalibus quoque est, vt terrestria aqueis vitæ longioris semper sint. Præterea, quæ locis degunt humidis, vt celeriores sunt ad incrementum, ita & ad mortem velociore. Quod & in alijs contrariæ naturæ est: vt quæ ad crescendo morosæ sunt, sic & vitæ contumacioris. Magnæ quippe arbores secundum suum genus, longiori vita funguntur. Quod in animalibus prægrandioribus similiter est, quòd plus humoris habeant. Nempe & rationi consentaneum est. Vrbani etiam, quàm syluestribus breuior ætas, atq; omnino his, quæ in suo genere discerni possunt, vt oleastro perennior quàm oleæ, pyrastro quàm pyro, caprifico quàm fico, pinastro quàm pino, vt secundum Æsopi sententiam, terra syluestrium mater, vrbaniarum verò nouerca sit. Illas autem Naturæ solertia creat, non humanum ingenium. Carent etiam nimia humoris copia, qua vrbana, hominum labore, ac industria laxantur, atq; effæminantur. Quod in hominibus etiam est, quorum agrestes vt plurimum magis, quàm vrbani, perdurant. Horum etenim vita mollis & delicosa effæminat, & emollit: vt infirmius aduersus dura reluctentur. Illæ etiam indomita duritiæ rigida, aduentitiis impressiõibus acrius resistere possunt, & sese firmitus tueri. Eadem ratione incultæ seriùs senescunt, ac intereunt. Pronius enim cultæ in morbos incidunt: & sua teneritudine ad resistendum minùs valida, quòd sint ad obsequium disciplina domita. Enimuero cultura fructuum partus augetur, qui arbores enecat. Vitæ autem longitudo, in virium ratione cõsistit: vt quæ fecundissimæ, & feracissimæ erunt, ocyus senescant, atque citius moriantur necesse est. Fertilitas autem senectam addit. Fructificatio enim magnā atque potissimam naturæ partem detrahit, & aufert. Porro intermissio tum ad valetudinem,

tudinem, ac longiorem vitam aliquid confert, aut omnibus, aut certè aliquibus. Nam vberimo sæpe partu arbores arescunt, non ita vt vitiū depræhendi possit. Quæ verò parcius perducunt, validioris sunt vitæ: maximè quæ penitus nihil, & omnino steriles. Hoc autem & in animalibus quoque est, vt quæ plurimum pariant, celerioris sint vitæ. Non longè ab hac causa vernæ & præcoces, serotinis vitæ sunt fugacioris, vt illis fructuum vbertas, atque præcocietas, festinantiùs exitium sit. In plantis enim firmitas, densitas, soliditas, siccitas, & pinguedo pertinacis vitæ causa est. Pingues autem haud faciliè frigorebus læduntur, minùsve gelascunt: vt pinus, larix, taxus, abies, teda: vt hæ omnes altiora, & frigidiora, vt plurimùm fortiantur loca. Siccæ autem, & terrestres, & si quid humidum habeant, siccitati tamen minimè noxium est. Solidæ verò materiæ, crispæ, robustiores, sæpe infertiles: vt acer, vlmus. In vrbaniis enim acidæ omnes dulcibus viuacioris. Quæ verò prolixas habent radices, ita & prolixioris quoque vitæ erunt. Nam arborum vitæ, firmissimum stabilitum radices sunt: quæ si malè sese habeant, oportet & eas infirmari, cum ab his tota arbor dependeat. Et, vt generaliter de omnibus dicam, loca quædam, ac regiones quædam, veluti in omni animantium genere, aut breuiorem, aut longiorem illis vitam propagant. Syluestres enim nullam ætatis differentiam habere rustici putarunt, verùm omnes longævas, nullamq; breuem arbitrantur. Sed hoc quidem minimè verum est. Quandoquidem reliquarum vitam nonnullæ superant, atque inter se longiori, vel breuiori æuo inter se distant, vt in vrbaniis est. Postquàm autem generaliter aliquas vel citioris, vel tardioris vitæ plantarum causas declarauimus, nunc ad eas speciatim deueniendum, quæ vel curtioris, vel auctioris vitæ sunt. Firmissimæ verò vitæ sunt oleæ, quas durare ducentis annis Theophrastus autor est, & Vergilius ait: Et prolem tardæ crescentis oliuæ: Palma quoque longissimæ ætatis est, quercus, ilex, lotos, platanus, fagus, cupressus, buxus, & morus tardissimè senescunt. Hæc verò fructu minimè laborat. Auellana diutius viuít. Prunus contumaciter moritur. Punicæ autem, fici, & mali exigui sanè æui sunt: & inter punicas, quæ nucleo interiori caret, senescit quidem, ac putrescit velocius. Rosas enim Theophrastus vsque in quinquennium tantum, non adustas neque recisas, vitam protendere ait: sed & senescentis flores deteriores reddi. Sunt & qui in plantis ætatem duplicem assignent. Primam autem annuam, quæ anni spatio perficiatur, quod vere puerascant, æstate adulescant: Autumno ætatem virilem perficiant: Vltimum in hyeme senescant. Alteram verò, quæ totam plantæ vitam complectatur. Finaliter illud adiciendum erit, Stirpes omnes animalibus diuturniores esse: ita vt vniuersum genus vniuerso comparetur generi.

De aliquarum arborum longissima vita. CAP. XXXIII.

RELIQUVM iam est, vt nonnullarum longissimam arborum vitam, & ferè præter fidem, prosequamur: etsi immensa credi possit: siquis enim orbis profunda, inaccessos saltus percogitauerit,

dd & syl

& sylvarum inauditam originem, vt hæc, quæ multorum de his custodit memoria, vera nobis persuaderi possint. In quibus prodendis, quarundam arborum genus aliquot æui longioris ostēdetur. Antiquissimæ autem omnium habita sunt, platani duæ, Agamemnonis manu satæ. Quarum vna fuit platanus Delphica: Altera in Caphysis Arcadiæ luco, autore Theophrasto. Sunt tamen qui hanc à Menelao plantatam ad fontem asseuerent, quum delectum in Troianos haberet. Quæ ab eo, & fons etiam, Menelais dicta. Pausaniæ tempore adhuc extabat; vt ipse ait. Regio Aulocrene est, per quam ab Apamia iter in Phrygiam est. Ibi platanus visitur, ex qua Marfias ab Apolline victus pependerit, vt prodiderunt autores. In Ponto circa Heracleam aræ Iouis Stratij fuerunt, (Secundo inquirente) vbi quercus duæ ab Hercule plantatæ. Longissimæ memorantur aliæ. Quarum alia in Dodone vetustissima, Pausanias in Arcadicis. Aliam penes Caphelum fuisse, etiam sua tēpestare Plutarchus in Alexandro scribit, & Alexandri quercus vocitabatur, quod ibi castra sua posuerit. Aliæ iuxta Ilium urbem satæ, in Ilij tumulo, tūm cœpit ab eo Ilium vocari, scribente Plinio. Theophrastus tamen fagos fuisse memorat. Portus apud Heracleam, Amyro Bebrycum rege interfecto clarus. Eius tumulus à supremo die lauru tegitur, quam vocant insanam: quoniam si quid ex ea decerptum sit, & nauibus inferatur, iurgia, donec abiciatur, faciat. Prope Hippocrenem fontem, apud Træzenios ædes quædam fuere, quas accolæ Orestis diuersorium appellabant. Antè fuit laurus antiquissima, ibi è libaminum excrementis, eò loci humi defossis enata: quæ durauit ad Pausaniæ tempora (scribente eo.) Aliam apud Assyrios longissima conspiciebatur. Aliam apud Delios vetustissima. Apud Træzenen oleaster, quæ ibi ex claua Herculis in terram defixa excreuerit. Olympiæ etiam alia admodum vetus, ex qua primū Hercules coronatus: Plinij tempestate adhuc religiosissimè custodiebatur. Memorantur duæ oleæ, longo æuo dignissimæ & penè admirabiles. Quæ quia fabulis proximiora sunt, quæ de his scribuntur, veritati non minimū detrudere videntur. Aliam Argis durare, suo tempore Plinius scribit, ad quam Io in vaccam transmutatam Argus adalligauit. Aliam Athenis quoque permanisse oleam in certamine à Minerua editam, & Theophrasti & Plinij temporibus, inter eosdem conuenit. In Linterno Africani prioris manu satæ oliuæ, ad Plinij ætatem durauerūt. Apud Syrios alia vetustissima. Apud Samios vitex enata, vetustioris æui fuit, quam ad suam ætatem venisse Pausanias asseuerat: idq; non sine miraculo, quum Samij primū sub ea in lucem editam deam affirmant. Apud Tiburtes suo tempore extare ilices tres Plinius testatur, Tiburto conditore vetustiores. Eum enim Amphiarai filium fuisse aiunt, qui ætate vna ante Iliacum bellum apud Thebas obierit. Eas verò originem multò ante urbem habuisse constat. Vetustior autem in vrbe in Vaticano ilex, in qua titulus æreis literis Hetruscis, religione tunc iam arbore dignam significat. Loti arbores sex, de quarum pretio suprà, vel vt M. Valerius Maximus voluit, decem, in domo olim G. N. Domitij. Post eum annis CLXXX.

vsque

vsque ad Neronem principem, & vsque quò ipse cremauit urbem vt ad incendia durarunt, & cultu quidem iuuenes ac virides, ni princeps ille scelestissimus accelerasset etiam arborum mortem. Has enim è proceribus Largus Cecinna, Plinij iuuenta (vt ille de se ait) in domo sua, magna admiratione, vt par erat, ostendere crebrò consueuerat. Alia in area ædis Lucinæ, quæ vrbis anno CCC LXIX. qui fuit sine magistratibus, cõditæ. Incertū enim est, vtra illarū antiquior fuerit. Verū arborē vetustioremfuisse, non est dubium, cū ab eo luco Lucina nominetur. Antiquior superiori fuit, quæ capillata dicta est, sed incerta fuit eius ætas. Alia in Vulcanali, quod Romulus è victoria de Decumis constituit. Vrbi æquæua intelligitur, vt autor apud Plinium Massurius est. Radices eius in forum vsque Cæsaris, per stationes municipum penetrarunt. Ruminalem verò arborem, in comitio, quæ Remi ac Romuli infantia texerat, super octingentos & quadraginta annos Neronis principis tempore, demortuis ramulis, & arescente trunco deminutam Tacitus scribit. Quod prodigij loco habitum, donec in nouos fœtus reuiuisceret. Cornus Romæ iuxta monetæ templum (scribente in Romulo Plutarcho) vsque ad Cæsaris tempora vixit: vltra forsitan victura, ni radices eius à fabris violatæ fuissent. De ea supra. In area Lunæ cupressus æqualis loto, circa Neronis summa, prolapsa atque neglecta est. Apud Lintornum myrtus conspicuæ magnitudinis, per longissima tempora perdurauit. Palmam autem, sub qua Apollinem Latona peperit, suis temporibus fuisse, De legibus scribit Cicero, & etiam suis temporibus durasse, scribit Plinius. Ex aduerso vrbis Iliensium iuxta Hellepontum, in Protefilaj sepulcro arbores fuere, quæ omnibus ephēbiis eius in tantum accreuere, vti Ilium aspicerent. Inarescunt rursus, atque iterum adolescunt. Apud Chebrum Idumææ oppidū, ab exordio mundi natam terebinthum ferunt. Eam vsque ad Vespasiani contra Iudæos bella mouentem durasse, autor Iosephus grauis tantæ fœnectutis testis. Sycomorus, quam Zacchæus IESVM CHRISTVM, secundum Hierichunta transeuntem conspecturus conscenderat, tempore diui Hieronymi visebatur, vt ipse diuinissimus scriptor, in Paulæ epitaphio attestatur. Ex cuius certè autoritate multam fidem attribuendā his, quæ suprā ex fide dignis autoribus scriptimus, existimarim. Hodie quoque Romæ in Auentino monte, malus Medica visitur, quam diuum Dominicum fuisse constans fama est. Arbores aliquas sæpe emori, cum his, qui eas seuerint, aut coluerint, experientia comprobatum.

★

dd 2 Præfatio

Præfatio libri octauī.



ANTEQUAM ad arborum sationem residuamqꝫ omnem arborum instituendarum curam deueniamus, quadam præfari agricolis ipsis quæ necessaria ad rem ipsam sunt, oportet, ut pote syderum vim, ventorum flatum ac naturam. Nemo autem tam ignarus agriculator est, quin in totius agrolationis actione, quadam & alia, certis & discretis temporibus peragenda fore non existimet ut omnia prosperè ac feliciter succedant. Sunt etenim rerū terrestrium varij & diuersi euentus. Qui ut bene eueniant, studiosè præcauere ipsi debent. De ventis sic Vergilius, ut ventos & varium prædicere morem Cura sit. Et Columella huius eloquentissimus interpres & totius rei agrestis scientissimus præceptor, sic: Nam qui se in hac scientia perfectum vult profiteri, sit oportet rerum naturæ sagacissimus, declinationum mundi non ignarus: ut exploratum syderum ortus & occasus memoria repetat, ne imbris ventisqꝫ imminentibus opera inchoet laboreqꝫ frustretur. Cæli & anni præsentis mores intuetur: neqꝫ enim semper eodem velut præscripto habitum gerunt, nec omnibus annis, eodem vultu venit æstas, aut hyems, nec pluuium semper est Ver. Quæ prænoscere, sine lumine animi & sine exquisitis disciplinis, non quenquā crediderunt. Nempe etenim & temporis discrimen erga arbores ipsas vim præcipuam habere videmus. Quæ qui negant, ij & audiendi & videndi sensum negant. Nam et vere florescunt, Aestate eadem crescunt, Autumno fructus maturescunt. At postremum hyeme ita quiescunt, ut sese ad vernam creationem instituant. Has autem astrorum leges suo studio agricola scire debet: maximè verò hæc quæ ad suam negotiationē necessaria sunt, uti ex impensa ac labore fructum & utilitatem recipere possit, ne minima cura neglecta (quod summopere in omni artificio reprehensibile est) operam & oleum perdat et penuriā copia anteuertat. Hoc autem præcipuum illorum studium esse debet, uti ex labore lucrū percipiant, cum in hac re omnis illorum actio est. Quare nec erit omnino absolum nec extra materiam nostram, si aliqua de his disseuerimus, atqꝫ solummodò de his quæ huic rei pernecessaria nouerim: ne lectorem superfluis remoremus atqꝫ oneremus, quod semper summopere præcauendum putauī.



HORTORVM LIBER OCTAVVS.



*De anni in quattuor tempora diuisione, & adagijs ex τὸ
ἐνιαυτὸ τὸ ἔαρ ἐξείλεται. & Ver hyemem sequitur.*

CAPVT I.



ICITVR annus à circuitu, quòd in se redeat. Nam per cæli apfides sol voluitur. Exactisq; duodecim mensibus, qui in se currunt, perficitur. vt propterea de solstitiali solum intelligendum sit. A quo annulus, quasi annuus. Hinc à Vergilio sic canitur: Atque in se sua per vestigia voluitur annus, & Columella in suo carmine: - Nulloq; sono connectitur annus.

Georg. lib. 2.

Hac eadem etiam ratione Græcis ἐνιαυτός, quòd in se recurat. Quod etiã voluit Papinius, - *Velox in terga reuertitur annus.* Vel, vt voluit Seruius, ἀπὸ τῆ ἀνανεώσεως, id est, à renouando. Apud Ægyptios autẽ, ante inuentas literas indicabatur picto dracone caudam suam mordente, quia in se recurat. ἱερογλυφικά γράμματα vocantur. Diuiditur autem annus in quattuor tempora. In Ver videlicet, Æstatem, Autumnum, & Hyemem. M. autem Varro Veris primum diem in Aquario esse dicit, Æstatis in Tauro, Autumni in Leone, Hyemis in Scorpione. Et cum vnusquisq; horum quattuor signorum dies tertius ac vigesimus, quattuor temporum sit primus, vt Ver habeat dies nonaginta vnũ, Æstas nonaginta quattuor, Autumnus nonaginta duos, Hyems octoginta octo. Quæ igitur diuisio, ad dies nostros, qui nũc sunt ciuiles, redacta, primi temporis verni erunt ad septimum Februarij Idus: Æstiu, ad septimum Idus Maij: Autumnales, ad tertium Idus Iulij: Hyberni, ad tertium Nouembris. Hæc ex Varrone temporum digestio. Quam diuisionem secutus Columella, Hyemis tamen initium, ad quartum Idus Nouembris protraxit. Aliter tamen alij, vt variè temporum initia tradantur. Veris autem initium octauo Calendas Martij existimant: Æstatis, nono Calendas Iunij: Autumni, decimo Calendas Septembris: Alij, octauo Augusti Idus: Hyemis, nono Calendas Decembris: Alij octauo Idus Nouembris. Ioannes Damascenus aliter. Ver enim extendi à vigesimo primo Martij die, ad usque vigesimum tertium Iunij: Æstatem verò à vigesimo quarto prædicti mensis, ad Septembris vigesimum quintum: Autumnu, ab hac die vsque ad vigesimum quintum Decembris: & tunc hyemem incipere, & vigesimam primam Martij finiri. Aliter Astrologi, aliter medici.

dd 3 Hi au

Hi autem à sole rationem defumunt, quando scilicet is signa hæc ingreditur, vt puta Veris initium, cùm Arietem ingreditur: Æstatis Cancrum: Libram Autumni: Hyemis verò, cùm Capricornum. Quam diuisionem complexus Manilius,

- *Cancer ad æstiuæ fastigia zonæ.* Et post:

Parte ex aduersa brumam (apricornus inertem

Per minimas agit noctes ad maxima lucis

Tempora, produciq; diem, tenebrasq; resoluit:

Nam Libra, atq; Aries Autumnum, Verq; figurant.

Alia est illorum huiusmodi dimensio, vt ab æquinoctio verno æstatis initium sit, Dies quadraginta octo: Autumni verò inter solstitiū & æquinoctium autumnale, Fidicula manè occidere incipiente. Quod Cæsar esse tertia Augusti annotauit, Plinio referente. Verum vt vera ratio fiat, id sexto Augusti est, Dies quadraginta quinque. Hyemis ab æquinoctio autumnali ad brumam. Vergiliarū matutino occasu, Dies quadraginta tres. Inter brumam verò & æquinoctium dies quadraginta quinque, verum tempus. Medici autem vt illi, secundum syderum rationem annum diuiserunt: quorum solius Hippocratis Coi, & Galeni Pergameni eius interpretis opiniones referam. Ille enim Ver ab æquinoctio ad Vergiliarum exortum determinat: Æstatem à Vergiliarum ad Arcturi exortum: Autumnum ab Arcturi exortu ad Vergiliarum occasum: Hyemem quidem à Vergiliarum occasu vsque ad verum æquinoctiū. Galenus enim Æstatis principiū esse dicit Pleiadum ortus, post canis ortum oporam, id est, fructuum generationem inchoat: quam & ipsam pro secunda Æstatis parte posuit. Post Arcturum orientem, Autumni initium facit. Deinde casus Pleiadum Hyemis principium, & quod sequitur hyemale æquinoctium, Veris initium habet. Hæc fuit prædictorum temporis annui discretio. Quæ etsi variè describatur, in quibusdam tamen conuenit, in quibusdam etiam dissidet. Nunc ad alias diuisiones, ne quid prætermisum videatur. M. enim Varro aliā præter superiorem diuisionem ponit, quam in octo partes dispartit. Primum autem à Fauonio, ad æquinoctiū verum, dies quadragintaduo. Hinc ad Vergiliarum exortum, dies quadragintaquatuor. Ab hoc ad solstitium, dies quadragintanouem. Inde ad Caniculæ signum, dies vigintinouem. Deinde ad æquinoctium autumnale, dies sexagintaseptem. Exinde ad Vergiliarum occasum, dies trigintaduo. Ab hoc ad brumam, dies quinquagintaseptem. Inde ad Fauoniū, dies quadragintaquinque. Vlpianus autem Iurisconsultus anni diuisionē breuius perstrinxit: quam in duas duntaxat partes dissecavit, vt Æstas ab æquinoctio vernali inciperet, & autumnali æquinoctio finiretur, vt sic Æstas & Hyems senis mensibus diuideretur. Quam etiam diuisionem secuti sunt Germani, prodente Cornelio Tacito. Autumni enim neque nomen, neque facultates, ob nimium aëris rigorem, ignorant. Sed quælibet quarta anni pars, rursus quadrifariam diuiditur. Vt cùm in principio Ver nouum diximus vt Vergilius in Georgicis. Dein, adultum, medio. Postea præceps. Vltimum extremum, & sic de reliquis Sallustius: Ita

noua ætas adulta, præceps vel extrema. Etiam ineunte Vere dicimus, & Cicero summam hyemem, pro lege Manilia dicit: & alibi senescentem hyemem & extremam vocauit, & extremo Vere. Ammianus Autumnum senescentem dicit. Dicitur autem ver, autore Varrone, quòd tunc viuere incipiant virgulta: quasi viuer nominatum velint. Aut à Græco ἔαρ, sic Græcè dicitur. Ver enim præcipua anni pars: vnde Græcum adagium, ἐκ τοῦ ἐνιαυτοῦ τὸ ἔαρ ἐξαιρεῖν. Id est, ver ex anno tollere. Quod in eos dicitur, qui quod præcipuum est in negotio, auferunt. Aliud est: Ver hyemem sequitur. Id est, ex tristibus succedunt lætiora. Æstas verò à Græco ἀθεαδῆ. Seruius calorem interpretatur, ab æstu. Quare Vergilius:

Propriusq; æstus incendia voluunt vnde æstas.

Autumnus à Solis motu, sicut mensis à Lunæ. Vel ab augendo, vt Festus voluit. Nam tunc maximè coactis fructibus augefcunt mortalium opes. Vnde Claudianus:

Hæc tibi sacra datur, fortunatumq; tenebis

Autumnum, & fuluis semper ditabere pomis.

Hyems ἀπὸ τοῦ ὕω, quod est pluo.

De solstitijs, & æquinoctijs, ac bruma.

CAP. II.



ALIA rursus anni in quatuor item partes diuisio, in duo solstitia scilicet, ac totidem æquinoctia. Græci ἡσημερίας vocant. Magnus quippe in solstitijs anni cardo, mundi q; res magna: quæ sex mensibus dies noctesq; vel augeat, vel diminuât. Dicitur autem Solstitium, teste Varrone, quòd sol eo die sistere dicitur, ac si Solis stationem dicere velis. Et duo sunt, sicut eadem ratione æquinoctia duo. Æstium octauo Calendas Iulij conficitur, in octaua parte Cancrî. Quod exprimit Manilius:

Una dies toto cancrî longissima signo.

Tunc longissimus dies totius anni, & breuior nox est. Nam sol ipse ab ea die ad Aquilonem scandens, per ardua nifus, sex mensibus ablaturus diei mensuram, & aucturus noctes est. Alterum brumale, quod Columellæ vernum est. Hipparchus nono Calendas Ianuarij (sicut Chaldæi obseruant) peragi dicit. Alij octauo: quo die natus IESVS CHRISTVS teste diuo Aurelio Augustino. Cæteri decimosexto Calendas, quod semper de prædicto mense intelligendum. Ab illa enim die sol flecti incipit, & ad austrum digredi, noctes abbreviaturus, & dies sex mensibus elongaturus. Sequuntur æquinoctia, eadem ratione à nocte sicut solstitia à sole, dicta. Vocatum est autem æquinoctium, quòd dies æquus nocti sit. Vernum autem, vigesimatertia mensis Martij ætius fieri voluit. Alij ad octauum vel nonum Calendas Aprilis, cùm sol venit in medium spatium inter brumam & solstitium. Quod esse in Capricorni sydere Manilius hoc carmine testatur:

Cùm nox æqualis Capricorni sydere fertur.

Vergilius autem fieri, cùm sol in Libra est:

Libra die, somniq; pares ubi fecerit horas,

Et Georg. lib. 1.

Et medium luci, atq; umbris iam diuidet orbem.

Ouidius septimo Calendas Martij statuit. Sic enim in Fastis ait:

lib. 3. Tres ubi luciferos veniens premiserit Eos,

Tempora nocturnis æqua diurna feret.

Post enim festum Quinquatrium Mineruæ, vel Palladis, quod finiebat vndecimo Calendas Aprilis, secutis tribus diebus, sequebatur æquinoctium vernum. Columella in octaua Arietis parte confici ait. Quod vult Manilius:

Libra, Arièsq; parem reddunt noctemq; diemq;

Et de æquatore circulo sic:

Tertius in media mundi regione locatus,

Ingenti sphaera totum præcingit Olympum,

Parte ab utraq; videns axem, quo lumine Phæbus

Componit paribus numeris noctemq; diemq;

Veris & Autumni currens per tempora mista.

Autumnale æquinoctium Columellæ octauo, septimo, & sexto Calendas Octobris fit, cæteris verò decimo octauo, ad Vergiliarum occasum. Sed sicut autores in æquinoctio Verno variarunt, ita & in æquinoctio Autumnali. Mirum est quod Ælianus scribit, Arietis cubitum, utrumq; æquinoctium significare. Nam sex hybernos menses in læuum latus iacens dormit: contrà ab æquinoctio verno in dextrum incumbens, somnum capit. Columellam autem non fefellit Hipparchi ratio, quæ docet solstitia & æquinoctia non octauis, sed primis signorum partibus confici. Sed in ruris disciplina nunc Eudoxum, nunc Methonem secutus est. Ab solstitio autem æstiuo vsq; ad æquinoctium autumnale, numerantur dies tres & nonaginta. Ab æquinoctio verò verno vsq; ad alterum, dies nonaginta. Brumam Seruius hyemem interpretatur. Circa octauum ferè Calendas Ianuarij, in octaua Capricorni parte conficitur. Breuissimus in hac dies, quasi *βραχὺς ἡμέρα*, id est, brevis dies.

Luna circa inferiora corpora vis ac potestas, & quòd eius cursus observatio agricolis maximè conueniat.

C A P. III.



NE QVE prætereunda syderum, præsertim lunæ, ratio erit: quod ad agriculturam plurimū conferre, omnes consentiunt: imò omninò necessarium est. Etenim Plato inter artes, tertio loco Astronomiam posuit, ediscendamq; fore præcipit. Quum & temporum mutationes, atque etiam opportunitates præsentire, non minùs rei militari, quàm aut nauigationi vel agricolationi conueniat. M. Antoninus Imperator cognomento philosophus, siderum cursus considerandos fore aiebat, quasi eos comitemur. Nam quod ad lunam, nunc solum pertinet:

Ipsa dies (vt cecinit Vergilius) alios, alio dedit ordine luna.

Et statim in Georgicorum exordio, solem & Lunam inuocat:

- Vos ò clarissima mundi

Lumina,

Lumina, labentem cælo quæ ducitis annum.

Vt his quædam in numeros Lunæ dirigenda putauerit, secutus Democriti ostentationem. Nam quòd illa terræ propinquior, ac familiarior vis eius circa animata & vegetabilia maior, vt maris tantam aquæ molem, in eius ortu & occasu ad se attrahat, & velocissimè rapiat. Et quicquid in aquis omnibus eius vi afficiuntur:

Luna alit ostrea, & implet echinos, muribus fibras,

Et pecu addit. inquit Lucillius apud Gellium. Et in eandem sententiam Plinius in secundo suæ historiæ: iam quidem lunari potestate, ostrearum, conchyliorumq; & concharum omnium corpora augeri, & rursus minui. Quin & foricum fibras respondere numero lunæ, exquisiuere diligentiores: Minimumq; animal formicam sentire vires syderis, interlunio semper cessantem. Iumentorum quorundam in oculis morbi cum luna increscunt, ac minuuntur. Hæc ille. Ælurorum quoq; oculi ad eandem lunæ vices, aut ampliores fiunt, aut minores. Rerum enim excessus, & decrements, in eius vel diminutione vel augmento eueniunt. Decedente verò luna cæpe reuirescit: contrà autem adolescente eius globo inarescit. Eam ob causam Pelosiotæ non edunt cæpe, vt dicunt sacerdotes Ægyptij: quia solum omnium holerum, contra lunæ aucta & damna, vires minuendi & augendi habeat contrarias. Quin & Mathematici non ei defuturam animi tristitiam, qui vel crines, vel vngues, luna adfecta inciderit. Quæ enim crescente luna gliscunt, contrà decresciente deficiunt. Ventis enim & fati imperat. Solis enim caliditatem & siccitatem frigido & humido temperat, propterea ea mouet. Ideò Athenæus lunam phyllida appellari ab arborum folijs ait, quòd propter eius humorem foliorum habeat potestatem. Corpora deniq; omnia inferiora agit, vt præesse cæteris signis videatur, vt omnium admirationem vincat, & in tenebris à natura perpetuum remedium. Haud scio omnium, quæ in cælo pernosci potuerunt, magistra. Hanc autem illi potestatem inesse aiunt Astrologi, quòd cæteris planetis terræ proximior sit & quòd breuiori spatio, mensis videlicet, cursum suum perficiat, cum sol anno integro. Bene igitur propter illius potestatem maximam, antiqui, autore Pompeio Festo, illam inter deos geniales computarunt: quos postea gerulos appellarunt, quòd plurimum possent.

Gell. lib. 20.

cap. 7.

Cap. 41.

De lunari ratione.

CAP. IIII.



AM ad lunarem rationem properandum, vt antea agricultoribus testatum, sicut supra est, velim, nullius alterius syderis obseruationem diligentiores fieri debere. A Græcis *μήνη*, à suisius mutatione, quòd nunquam in vna figura permaneat, hoc est, vt illi dicunt, *μή ἐν ἐνὶ σχήματι μένειν*. Alij quòd mutetur *παρὰ τὸ μέθοδον*. Eusebius Cæsariensis de præparatione euangelica Hecaten vocari, propter varias eius figuras, ait. Diana etiam dicitur, quoniam partus dolore acuti sunt. Ad cuius verò virtutes Parcæ etiam referuntur. Clotho ad generandum, Lachesis ad nu-

ee triendum,

triendum, Atropos quòd immutabilis dea sit *σελήνη* etiam dicitur, à splendore: *σελά* enim splendor est. Crescens enim aut senescens lumen suum dispensat, vt sit tamen instabile. Ouidius:

Nec per eadem nocturnæ forma Diana

Ecce potest vsquam semper hodierna sequente:

Si crescit minor, maior si contrahit orbem.

Primum de eius interlunio dicendum, quod alij nouilunium, Varro intermensurum, Hebræi neomeniam. A nouilunio enim nouum mensem inchoabant. Distinguebant enim illi menses per Lunæ cursum. Tunc dicitur cum luna in coitu cum sole est. Nam tunc supra terras est, quam diu & sol. Græcè *σύνωδος*, quam etiam vocem Maternus accommodauit, synodicam appellans. Alij à coitu genituram ponunt, cum luna partes quindecim à sole abest. Ortus cum primum noua apparet: quod nonnulli designant, cum abest à sole partes triginta. Sed ad silentem lunam reuertamur. Silens dicitur, cum minimè lucet: tunc nec cernitur, pulchra ab auribus ad oculos translatione. Nam veluti in silentio nihil auditur, ita in tenebris nihil cernitur. Silens etiam cælum dicitur, cum serenum est. Plinius paucis omnia complexus, Diem coitus lunæ ab alijs silentis, ab alijs interlunium appellari. Nouilunium Ægyptij candidis & aureis vestibus, ac face ardente significabant. Attici autem senescentis extremum diem, in qua & extrema ac noua luna tueri possit, *ἐμὴν καὶ νέαν* appellant. Sunt qui emergentem primitus lunam artitocon nuncupent. Prima à coitu, cum exoritur & recedit à sole, tota die supra terras erit. Secunda etiam, dextante horæ noctis vnius sicilico. Quintadecima, tota die sub terris erit. Decima autem sexta, ad primæ horæ nocturnæ sicilicum, sub terra aget, eademq; horarum portiones vsq; ad interlunium per singulos dies adiciet. Et quantum primis partibus noctis detraxerit, quòd sub terris agat, tantundem nouissimè ex die adiciet super terram. Quotiens autem ab occidente sole cernetur, prioribus horis noctis lucebit, crescens erit, & dimidiata oculis iudicabitur. Cista Ægyptij significabant, quòd crescente lumine fruges maturet. Cum verò occidente sole ex aduerso orietur, ita vt pariter aspiciatur: tunc erit plenilunium. Græcè *πανσελήνη*, id est, in orbem sinuata cornibus tunc caret. Quare Valerius Flaccus plenilunium scribens in Octauo ait:

- Velatis cornibus & iam Luna venit.

Cum in diametro cum sole abest CLXXX. partes, Ægyptij ferrugineo colore denotabant, & ramum lauri ei attribuebant, propter vim à sole igneam: & papauer, propter fertilitatem, & animarum multitudinem, quæ in ea, tanquam in ciuitate, inhabitant. Nam papauer symbolum ciuitatis est. A tertio autem die à coitu *μηνωδης*, id est, cornicularis, siue falcata, siue cūrua in cornua: cum enim abest partes sexaginta, sextangulam facit mundi ad solem figuram, *διέτομον* siue *διχότομον* dicitur, id est, dimidiata, siue æqua portione diuisa, cum ab sole aberit partes XC, & quadrangulam mundi ad solem figuram facit. Cum autem plusquam dimidia *ἀμφικυρτός* dicitur, cum dimidio orbe maior, vtrinque gibbosa, cum

CCX. partes ab sole abfuerit, & triangulam facit mundi ad ipsum figuram. Hæc de luna crescente. Quotiens autem ab ortu Solis orietur, prioribusq; noctis horis detrahet lumen, & in diurnas extendens, decrefcens erit: & à plenilunio deficiens, iuxta dierum numerum. Eafdem item appellationes cum ab interlunio crefcit, accipiet. Alternis enim menfibus triginta impleuit numeros, alternis detrahet fingulos. Lunæ mutationes phafes Græcè dicuntur. Quas Seleucus mathematicus feptem pofuit, Plutarchus duntaxat tres. Primam cum penitus occultatur, foli congreffa. Dein alteram, cum Solis radios ac lumen elapfa, ab occafu incipit apparere. Tertiam poftremo, cum folaribus radijs illustrata, plenilunium efficit. Plures tamen funt illius mutationes, cum crefcendo vel fenefcendo femper immutetur. Tres illæ fupradictæ magis apparentes. Vergilius autem lunam errantem dicit, quia ἐλκεωδής, quod obliquo, non recto incedat curfu, ficuti fol: ne fcilicet in terræ centro eclypfim frequentius patiatur. Et vti nonnulla de eius ex Aphrodifeo vi ac natura differamus, quadruplici notatur habitu. Tunc enim humida & aliquantulum calida, cum æqua portione diuifa eft. Altero enim calida eft, cum pleniore orbe eft, & quodammodo ficcior. Tertio ficca & frigida, cum fenefcit. Quarto verò, cum omni luce exhausta filet, frigida humidaq;. Tunc enim omnino radorum Solis expers, quos calidos efle, nemini ambiguum eft, vt frigefcat neceffe eft. Sitiens, fiue ficca intelligitur, quum imbres non funt, vel cum luna minimè in fignis pluuiailibus eft. Zodiaci aduerfatur. Nam ex his alia humecta, alia ficciora exiftimari, & Manilius & mathematici docent. Cauam lunam Plinius imperfectam interpretatur, quum κενός eft. Menfes etiam cauos antiqui dixerunt, pari dierum numero conftantes, ceu quibus imparis numeri vel perfectio vel fuperdiftinctio deeffet. Hæc pauca de lunæ ratione. Quicquid verò fub vnaquaq; luna peragendum fit, fuis locis demonftrabitur. Lunæ autem prognoftica, ex Vergilio hæc funt:

*Luna reuertentes cum primùm colligit ignes,
Si nigrum obscuro comprehenderit ætra cornu:
Maximus agricolis, pelagoq; parabitur imber.
At fi virginæum suffuderit oræ ruborem,
Ventus erit: vento femper rubet aurea Phæbe.
Sin ortu in quarto (nanq; is certiffimus auctor)
Pura nec obtufis per cælum cornibus ibit:
Totus & ille dies, & qui nascentur ab illo,
Exactum ad mensem pluuiæ, ventiq; carebunt. Aratus:
Si verò cornu fublimius annuat illi,
Vim Boreæ expectes: austrum, fi recta fupinat.*

Georg. lib. 1.

Solis vis, in corpora inferiora, & de eius prognofticis.

CAP. V.



VNÆ vim, ac potentiam prius, quàm Solis, vt pote efficaciora antea dixiffe oportuit. Ab his etenim duobus, tanquàm totius orbis

ee 2 præcip

præcipuis principibus, & gubernatoribus, inferiorum corporum status & administratio dependet. Nunc de Solis dominio nonnihil dicendum, ut qui in rerum administratione potissimum valeat. De eo enim in hanc sententiam Aristoteles scribit: prius verò ad nos accedente sole, omnia oriri, germinare, ac pubescere videmus: quo abscedente, omnia arescere, omnia marcescere. Nemo præterea tam hebetis ingenij est, quin eo discedente, omnem naturam flere non cernere possit. Plantas pristinum decus amittere, frondes defluere, tabescere, putrescere, aues conticescere, ut simul cum terra sileant. At rursus cum reuertitur, totum mundum lætari, ac de redeunte longè rege, gestire videmus, terram exultare, plantas reuiuiscere, folia, flores, fructus novos renouare ac producere, omnia denique restaurari, exoriri, atque repullulare & rerum nouas generationes fieri. oculus enim est cœli. Planetarum, inquit Plinius, fertur amplissima magnitudine ac potestate, naturæ regimen, ac numen est syderum ipsorum cœlique rector, & reliqua. Denique eo annus integer procedit, eiusque tempora distinguuntur. Decimoquarto Calendas Nouembris in Scorpionem transitum facit, & decimoquinto Maïas in Taurum, & quinto Idus Maïi in Geminos, ac decimosextimo Calendas in Aquarium. Eius autem innumerabilia prognostica. Sed nunc tantum his à Vergilio enumeratis contentus ero, cuius autoris testimonium satis superque idoneum puto. Quod & si oblongum sit, tantus tamen scriptor, & eius carminis eloquentia, rei que concinnitas lectorem non remorabitur:

Georg. 1.

*Sol quoque exorietur, & cum se condit in undas,
Signa dabit: Solem certissima signa sequentur:
Et quæ manè refert, & quæ surgentibus astris.
Ille ubi nascentem maculis variauerit ortum
Conditus in nubem, medioque refugerit orbe:
Suspecti tibi sint imbres. Namque vrget ab alto
Arboribusque, satisque Notus, pecoribus sinister.
Aut ubi sub lucem densa inter nubila sese
Diversi rumpent radij: aut ubi pallida surget
Tuhoni croceum linquens Aurora cubile:
Heu male tum mites defendet pampinus vvas:
Tam multa in testis crepitans salit horrida grando.
Hoc etiam, emenso cum iam decedet Olympo,
Profuerit meminisse magis. Nam sæpe videmus
Ipsius in vultu varios errare colores.
Ceruleus pluuiam denuntiat, igneus Euros.
Sin macule incipient rutilo immiscerier igni,
Omnia tunc pariter vento, nymphisque videbis
Feruere non illa quisquam me nocte per altum
Ire, neque à terra monte conuellere funem.
At si, cum referetque diem, condetque relatum,
Lucidus orbis erit: frustra terreberet nymbis:
Et claro sylvas cernes Aquilone moueri.*

Denique

*Deniq; quid vesper serus vehat : vnde serenas
Ventus agat nubes : quid cogitet humidus Auster,
Sol tibi signa dabit.*

*De syderali digestionē, & qualiter ortus & occasus syde-
rum intelligantur.*

CAP. VI.



VNC de syderibus, quorum errantium quoq; Vergilius
ediscendam, non segniter rationem vult : nec frustra (in-
quit) signorum obitus speculamur, & ortus. Et idem Sa-
turni frigidum stellæ transitū obseruari admonet. Et idem:

Præterea tam sunt Arcturi sydera nobis,

Georg. I.

*Hædorumq; dies seruandi, & lucidus Anguis,
Quam quibus in patriam ventosa per æquora vectis
Pontus & ostriferi fauces tentantur Abydi.*

Stellæ enim cælo affixæ, orientes, occidentesq; aërem immutant, vt inde
ventos etiam alios spirare contingat : grandines ac imbres etiam oriri, vt
hæc non leui affectu, syderum motu interueniant, turbentq; conceptæ
spei ordinem. Verum id non nobis tantū accidere putemus, quin etiam
& reliqua sagaciora fallat animalia. In quo item illarum vita constet. Æsti-
uas autem alites, præposteri aut properi rigores necant : hybernas verò,
æstus. Verum non id tantum ruris experimētis certum. Afflantur etenim
alij sydere quodam, statis temporibus. Commouentur alij mente, capite,
neruis, aluo. Mundi verò quidam circuitus, vt scribit Proclus in Platonis
Alcibiadem, plantarum aut sterilitatis, aut fœcunditatis causæ sunt. Re-
rum tamen confessa obscuritas, quam affert mundi conuexitas, & terra-
rum globi differentia, vno atq; eodem sydere, alio tempore, alijs gentibus
aperiente & ostendente facit, vt causæ eius non vbiq; iisdem diebus va-
leant : nunc procurrente, quod prochomafim Græci dixere, nunc post ve-
niente, quod epichomafim : vt plerunq; citius, aliàs tardius, cæli effectus
& tempestatum significatio, ad terras decidat. Vt cum post tempestates,
reddita serenitas est, sydus confectum intelligitur. Adijciunt etiamnum
diei noctisq; intercalarios quadrantes, vt certum syderum tempus tradi
minimè possit. Addidere insuper & difficultatem autores, diuersis in lo-
cis ea obseruando, atq; mox etiam in iisdem diuersa prodendo. Tres au-
tem fuere sectæ, Chaldæa, Ægyptia, Græca : vt secundum hos profitea-
mur, idem sydus oriri & occidere aliter Ægyptiacè, aliter apud Assyrios.
In Græcia verò aliter Atticè, aliter Bœotice. His addidit apud Romanos
quartam Cæsar Dictator, annos ad Solis cursum dirigens. Exortus enim
& occasus, binis modis intelligitur. Aut enim Solis aduentu occultantur
stellæ, & conspici desinunt, aut eius abscessu sese proferunt. Exortum hoc
melius, quàm occasum consuetudo dixisset : & illud, occultationem po-
tius, quàm occasum. Alio modo, quo die incipiunt apparere, vel desinunt
oriens vel occidente sole, matutini, vespertiniue cognominantur, prout
eorum alterutris manè vel crepusculò contingit. Dodrantes horarum
cum minimū interualla ea desyderant, ante Solis ortum vel post occa-
sum,

sum, vt aspicì possint. Præterea quædam bis & oriuntur & occidunt. Alij trifariam distinxerunt, vt primum ortus habitudo sit, cum stella sub Solis radijs existit, & statim post Solis exortum peroriatur. Alius, vbi sol & stella simul oriuntur. Tertius, quum stella è radijs egrediens prior sole oriatur. Occasus itidem modi tres. Primus, vbi post Solis ortum stella occidit. Alter, quando sol ac stella pariter in horizonte constituuntur. Hæc autem in occidente, ille verò in oriente. Tertius, vbi post occidentem stellam sol exoritur. Quatuor enim alias ortus & occasus habitudines posuerunt, quas ipse breuitatis causa prætereo. Sat enim erit ea exprimere, quæ rei arborariæ necessaria sint: vt neque syderum ortus, occasusve per singulos dies, verum tantum primos ortus ac occasus ultimos: quorundam non etiam plurium, ac eorum tantum, quorum cognitionem satorem, infitoremve arborum dignoscere conueniet.

De quorundam syderum ortu, & occasu, & de Orionis fabula.

CAP. VII.



E syderibus nonnullis disputaturus, vt à Cane incipiamus, conueniens, vt potè cuius effectus ac vis, efficacius in terris sentiat. Oritur autem sexto Calendas Augusti, & occidit Calendis Decembribus, vt voluit Columella, in Solis ortu. Antè enim præcedere procyonem oportet πέρδ enim ante est, & πέρδρεπος prior & κυών canis. Quare Cicero in his Arati fragmentis, antecanem vocat:

Antecanem Graio Procyon qui nomine fertur.

Apud Latinos non habet nomen, inquit Plinius, nisi Caniculam velis nominare, alij minorem canem vocant. De ortu eius Manilius:

At procyon oriens cum iam vicesima cancro est,

Septimaq; ex vndis pars sese emergit in astra

Canis maior.

De eo etiam Aratus, *Pedibus sub posteris canis antecedentis.* Plinius tamen exoriri sole primam partem Leonis ingrediente, qui dies xv. ante Augusti Calendas est. Habet autem Canis maior in ore fulgentissimam stellam, quæ aliquando nomine totius syderis, Canis vocatur. Nonnulli Syrium vocant, à Græco σείριος, id est, sicco vel arefacio, vel ἀπὸ τοῦ σείριος, quod eisdem ξηραίνω, hoc est, exsicco. Hyginus tamen à flammæ candore dici putat, quòd præter cæteras stellas luceat. Alij à Græco σείρων, id est, hio, dici putant, quòd tunc animalia, maximè canes, præ æstu hient. Circa octauum Iulij Calendas oriri Seruius perhibuit, Galenus decimonono Iulij. Alijs sexto Calendas Augusti, nobis verò Calendis Iulij oritur. Hyginus Canem dici, quæ in lingua est, Syrium in capite. Bassus contrà: nam quæ in capite est, Isis dicitur: quæ in lingua, Syrius. Galenus post Aratum, Syrium in mandibula collocat. Sydus autem per se vehemens, cui non minor veneratio, quàm adscriptis in deos stellis. Accendit solem, & magnam æstus obtinet causam. Sentiant hoc maria, & terræ, feræ quoq; & canes, quæ toto hoc spatio maximè in rabiem aguntur. In apothecis, Canis ortu vina mutantur, quædam

quædam postea restituantur. Arcturus sydus in Bootæ signo, post vrsæ maioris caudam locatum, unde ἀρκτὺς ὄψα, id est, vrsæ cauda. Arctos enim vrsæ est. Oritur decimoquinto Calendas Octobris post quinquagesimū ferè à Canicula diem. Quarto Calendas Nouembris vespere occidit. Sub ortu eius iam hyems imminet, vt prodit Sophocles in Oedipo Tyranno. Eius ortus atq; occasus tempestates faciunt. Scorpio, vel, si mauis, scorpius, nepa quoq; vt F. Pompeius voluit. Plautus: Dabo me ad parietem, imitabor nepam. Et alibi: Retrorsum cedam, imitabor nepam. Cicero de finibus bonorum & malorum: Serpere agniculos, natæ anaticulas, volare merulas, cornibus vt videamus boues, nepas aculeis, suadent cuique naturam esse ad viuendum ducem. Septimo Calendas Nouembris, nepæ frons exoritur: Idibus autem Martij incipit occidere. Nono Calendas Aprilis manè occidit, & pridie Nonas Maias medius occidit. Vergiliæ erga fructus terræ primatum obtinent, sic dictæ F. Pompeio, quod illarum exortu ver finitur, ætas verò incipit, cuius vis maxima ad fructus maturandos. Notabilis earum in cælo caterua, unde Græci πλειόνες, id est, plures dicere. Septem sunt numero, in Tauri cauda. Probus dictas ἀπὸ τῆς πλειόνου, idcirco, quod eorum ortu prima sit nauigatio. Alij à πλειστός, id est, pluralitate. vel ἀπὸ πληθύνους μητρὸς αὐτῶν, vt ait Phauoribus. Filiæ fuere septem Atlantis, quæ Atlantides quoq; vocatæ, & Pleones. De his Ouidius:

Pleiades ante genus septem radiata feruntur:

Sed tantum apparent sub opaca septima nube.

Et alibi:

Pleiades incipient humeros releuare paternos:

Quæ septem dici, sex tamen esse solent.

Seu quod in amplexus sex hinc venere deorum:

Nam Steropen Marti concubuisse ferunt,

Neptuno Halcyonen, & formosa Celeno,

Maïam, & Electram, Taigetamq; Ioui.

Septima mortali Sterope tibi Sisyphæ nupsit.

Pænitet: & facti sola pudere latet.

Sine quod Electra Troiæ spectare ruinas

Non cecit, ante oculos opposuitq; manum.

Lib. 4. Faß.

Oriuntur circa quintum Idus Maias. Columella decimo Calendas Maias cum sole oriri scribit. Octauo Calendas Octobris occidunt. Tunc enim hyems incipit. Hic tamen & duodecimo & tertidecimo Calendas Nouembris, Solis exortu occidi. Hædi tertio Calendas Maij oriuntur, Calendis autem Ianuarij occidunt. Fingunt enim poetæ Adrastiam capellam, cum suis hædis beneficio in cælo consecratam, quod Iouem educauerit. Hædos sequuntur pluuiæ. Sagitta octauo Calendas Martij crepusculo incipit oriri. Tota verò matutino septimo Calendas Decembris, Idibus verò Februarij manè occidit: vehementer, inquit Columella, hyemat. Aquila autem quarto Nonas Iunij oritur, & pridie Nonas Augusti matutino se abscondit. Et rursus sexto Calendas eiusdem mensis exoritur, & tertio Calendas illius occidit. Septimo Idus Decembris iterum exoritur

exoritur mane. Orion autem sic dici putant, quod eius tempore hyems oriatur, quæ maria & terras tempestatibus commouet. ὀρίων enim turbo est. Seruius illi ἔριον nomen impositum ab vrina esse mandauit, vt Græca Dorica lingua ou diphthongus in o commutetur. Plauto verò ac F. Pompeio etiam Iugula dicitur, quod cæteris stellis amplior sit, quemadmodum iuglans alijs nucibus grandior. Sydus autem gladij fulgore terribilis. Hinc Lucanus:

Lib. 1.

Ensis feri nimium fulget latus Orionis.

Caput eius quatuor stellis constat, quarum duæ claræ, quas & humeros appellant. Tertio autem Calendas Iunij nascitur. Decimosexto Iulij eius gladius exoritur. Quarto Idus Nouembris totus gladius occidit. Mihi autem quæ poëtæ super Orione finxerunt, nunc afferre liceat: & si minime necessaria, verum vt lectorem fabulis delectemus. Quæ sæpius in hortis, atq; sub arborum vmbra, otiosè cum quadam iucunditate narrantur. Fingunt etenim illi Oenopionem regem, Palephatus Hyreum Neptuni & Halcyones vnus Atlantis filiarum filium, & in Tanagra Bæotiae habitantem, Iouem, Neptunum, & Mercurium hospitio magnificè ac dignissimè suscepisse, vt propterea eum hortarentur, vt quicquid vellet, postularet. Quod fecit, vt liberos scilicet, quibus carebat, illi annuerent. Itaque vrina intra corium immolati bouis facta præceperunt, vt terra obrutum & completis maternis mensibus solueret. Quo facto inuentus est puer, qui ab vrina primùm Vrion, sed postea propter nominis sonum Orion vocatus. Venator hic fuit immensi corporis, voluitq; quandoque cum Diana cõcumbere: verum eius sagittis, vt voluit Horatius, vel, vt Luciano placuit, immisso scorpione periit. Verum deorum miseratione, in astra relatus. Verisimilius est, eum (si liceat fabulis veritatem immiscere) à scorpione interemptum. Quo verò oriente, occidit. De eo etiam ista referuntur, vt Oenopionis filiam vitare tentauerit. Quare ille iratus, oculos ei sustulit, cæcus itaq; factus. Quum enim consuleret quonam modo oculos posset recipere, responsum est, lumina illi posse restitui, si per pelagus contra Orientem pergeret. Quod potuit: nam cum Cycloperum strepitum Ioui fulmina fabricantium audisset, sono ad eos ductus, vnum de his humeris suis superposuit. Quo duce, oraculi præcepta compleuit. Non autem incongruè ire per medium pelagus potuisse fingitur, quasi pro parte Neptuni filius fuerit. Sydus autem hoc sua magnitudine, multis oritur diebus, vt ideò eius etiam apud peritos incerta sit tempestas.

Temporis, ex rerum terrestrium euentu, designatio.

CAP. VIII.



OST cœli stellarumq; eius præfagia, rerum terrestrium ac infimarum lex quædam temporis sequitur, quam agricolæ vt plurimum Astrologiæ ignari & literarum indociles amplecti debent. Huius verò experientiæ capaces huiusmodi agri naturalibus argumentis sibipsis providere debent. Vt CHRISTVS IESVS rerum omnium admirabilis artifex & fator, illorum

illorum rationem habere voluerit: vt quandam in herbis ipsis, quas sæpe atque frequentius præter alias inspiciunt, temporis veram astrologiam reliquerit, & quosdam horarum indices dederit, ne quidem operi intenti, oculos è terra ad solem auocarent, ac si stellas alias in terra illis crearet. Cur ergo cœlum intueris & scrutaris, agricola? Cur etiam nunc sydera illius quæris, rustice? Ecce heliotropium & lupinum cum sole circunaguntur, ortumque eius manè spectant, & illum abeuntem ita sequuntur, vt omnibus horis cum eo ad occasum vertantur, atque vt in his præcipuas diei partes deprehendere possis. Narcissus verò ter floret, vt eo tempore totidem arationes indicet. De lentisco supra diximus. Ipso brumali die herba arentis pulegij in tectis & carnariis floret, rumpuntur intentæ spiritu membranulæ. Datur & aliud finiti frigoris indicium, si paulò altius oculos eleuare placeat. vt cum videris germinare morum, frigoris postea iniuriam non pertimescas. At, Iesus Christus qui nec falli, nec minùs fallere potuit, Æstatem esse dicit, quum fici ramus tener tunc fuerit, & iam gemmas produxerit. Vulgò enim iam scriptum est, atque constanter creditum, olearum, populorum, ac salicum, & tiliarum folia brumali ac solstitiali die conuerti: vt quæ earum pars inferior fuerat, atque occultior, superior fiat. Cuius verò rationem, omnium arborum communem esse, Theophrastus existimauit: verum id subtilius, quàm ex re ipsa verius sit. Illo etenim tempore folia potissimum decidua fore, aut aliquantulum affici, scribit: vt quæ infirma sint, aut debiliora, vel decident, vel exarescât. Quæ verò validiora sunt, tâtum circum agi. Verum id in memoratis cõspectu, vt omnium caloris discrimine, pars prona à supina discrepet. Quod enim validum est, ita faciliè affici minimè potest. Quod in semper virentibus non idem euenit, vt eo tempore valentius vigeant: tanquam sint cum hyemis rigoribus negotium habituræ. Abundè enim florentibus ilicibus & quercubus, longiorem hyemem quidam promittunt. Et si vltra sublimius neque stellas, neque arbores tibi cõspectare voluntarium non sit. Certissimum Veris indicium papilionis animalis infirmitatis prouentus existimabit. In simili ratione erunt, non paris infirmitatis cicindulæ vespere per arua lucentes, quas Græci Lampyridas vocant. Quarum ignis fulgor, alarum compressu tegitur, vt secum habeant & lucem & noctem. Iam Vergilias in cœlo notabiles, turba fecerat. Sed tibi alias, his non contenta Natura, terrestres fecit, vt rustici stellantes volatus vocent. Aduentus enim hirundinis, philomelæ, vpupæ, coturnicis, maximè verò cuculi, galbulæ volucrum, spem Veris non minimam afferunt: vt harum vna, quod in hirundine expressit Aristoteles, Veris certam ac firmam nõ faciat stationem. Transisse iamque solstitium, quum incubantè palumbè cernes, existimabis. Multa enim ob oculos, quæ certum temporis limitem certò præfagient, quæ te operi iam finè imponere suadebunt, & ad aliud incitabunt. Adeo enim nihil occultum esse Natura voluit.

De ventis.

CAP. IX.

ff MAGNA



MAGNA & agricolis ventorum obseruatio esse debet. Quippe arborum non parum interest, veluti sub quo vento eas seras, inferasve, fructus quoque eorū colligas. Nam, vt elegantissimè nobis memoriæ reliquit Seneca, Ventos dedit summus ille rerū artifex, ad custodiendam cœli, terrarumq; temperiem, ad alendos satorum, atque arborum fructus, quos ad maturitatem, cum aliis causis adducit ista iactatio. In summa cibum attrahens & torpeant permonens. Ventis etiam Græci apud Titanam locum sacrificabant. In colle templum & ventorum ara, ad quam singulis annis sacerdos una nocte sacrificia persoluit. Alia item quatuor in foueis, ad vim & impetum illorum compescenda peragit. Medæ, vt aiunt, incantamenta occinit. Autor Pausanias in Corinthiacis. Cùm autem Xerxes Græciam inualisset, Pythium oraculū Delphis respondit, vti ventos placarent. Posito itaq; altari ventis sacrificarunt: eosq; adiutores habuere. Nempe cùm circa Sepiadem promontorium validè spirassent, totius Persicæ classis apparatus contriuere. Clemens hæc, in Stromatum libro sexto. Ventorum rationem primus Æolus Hellenis, vel Hippotæ, vt voluit Apollonius Rhodius, filius demonstrauit. Quod ideo proditum auctoribus & Strabone & Plinio est, quòd incolæ insularum, quæ prope Siciliam sunt, in quibus & ipse regnauit, quānam flaturi essent venti, ex fumo, triduo antè prædicebant: vnde etiam ventos Æolo parere existimatum est. Ad quorum verò cognitionem, cœli limites ac regiones antea præfixisse, necesse est, vt triplicem orientem ac occidentem designemus. Quatuor præterea cœli regiones sunt, Oriens, Occasus, Meridies, ac Septentrio. Sed ij duo perpetuo semper statu permanent. Exortus autem & occasus varij, mobilesq; sunt. Porro sol non indidem semper oritur, aut occidit. Aut enim æquinoctialis dicitur, cùm in circulo currit, qui ἱσημερινός dicitur, vel ἰσημερινός appellatur. Aut solstitialis, & brumalis, quæ sunt θερινὰ τροπὰ καὶ χειμερινά. Occasus similiter, aut æquinoctialis, aut solstitialis, vel brumalis. Nunc ad ipsos ventos, quos Homerus quatuor, per totidem cœli partes obseruauit, Eurum scilicet, Austrum, Aquilonem, & Fauonium:

Σὺν δ' εὖρος τ' ἔπεισε Ζεφυρός τε νότος τε ἐν ἑσπέρῃ
καὶ βορέης ἀθηρησένης μέγα κῆμα κυλινδρῶν.

Homerum secutus est Ouidius, sed longioribus:

Metam. lib. 1.

*Eurus ad auroram, Nabathæaq; regna recepit,
Persidaq; & radijs iuga subdita matutinis.
Vesper, & occiduo, quæ littora sole tepefunt,
Proxima sunt Zephyro, Scythiam septemq; triones
Horriser inuasit Boreas: contraria tellus
Nubibus assiduus, pluuioq; madescit ab Austro.*

Cardinales quidam hos dixerunt, quòd à dictis quatuor cœli cardinibus perflect. Hebeti mos (vt Plinius ait) iudicatum ratione, vt secuta ætas octo adderet: de quibus Manilius. Verùm quatuor tantum nominauit:

Quattuor in partes cœli describitur orbis,

Nascent

*Nascentemq̃ ipsum diem, mediosq̃ calores,
Teq̃ Helice totidem venti de partibus ipsdem
Erumpunt, secumq̃ gerunt per inania bellum.
Asper ab axe ruit Boreas, furit Euris ab ortu,
Auster amat medium solem, Zephyrusq̃ profundum:
Has inter binæ medijs è partibus aura
Expirant similes mutato nomine flatus.*

Sunt autem ij venti à quatuor mundi partibus flantes. Ab oriente autem verno, siue æquinoctiali Subsolanus, à meridie Auster, à Septentrionibus septentrio, ab occasu æquinoctiali, Fauonius. Orientales venti (auctore Gellio) tres erunt. Ab oriente verno Subsolanus, ab æstiuâ & solstitiali orientis meta Aquilo, ab oriente hyberno Vulturnus. Occidui totidem prædictis oppositi & contrarij, Caurus, Fauonius, Africus. Æquinoctialis oriens & æquinoctialis occidens. Item æstiuus oriens, ac hybernus occidens: necnon hybernus oriens, & æstiuus occidens. Idem meridies & septentrio, inter se diametro distant. Caurus aduersus Aquilonem flat, Fauonius aduersus Eurum: Africus contra Vulturnum, Libanoton oppugnat Boreas. Thraciæ Phœnix. Cæcias verò contra Libym, qui inter Libanotum & Corum est. Fauonius Subsolano oppositus. Septentrio contra Notum. Vitruuius contra Fauonio ἀργέτην opposuit. Nonnulli aduersus hunc, Eurum. Cæcias media inter Aquilonem & exortū æquinoctialem & occasum solstitialem inter meridiem & brumalem ortum. Phœnix inter Austrum videlicet & Vulturnum. Thracias media regione inter Septentrionem & occasum solstitialem. Libanotus autem inter meridiem & occidentem hybernum. Austro adijciunt Leuconotum, id est, album notum, & altanum, quod ab alto, id est, mari flet. Hæc de ventorum situ & regione, in quibus describendis autorum diuersa & varia traditio fuit, alijs aliter historiam contextentibus: ego autem secutus supradictam doctrinam, quod certior mihi visa fuerit.

De ventorum varia appellatione.

CAP. X.



VENTORVM singulorum etiam non vna ac eadem apud autores appellatio, ut etiam quisq̃ plures sortitus sit: quas referre, & in vnum conferre, operapretium duxi, ne sub diuersis nominibus, vnus idem ventus alius apud alterum & alter apud alium existimaretur. Subsolanus nautis leuans dictus est, quod sub sole spiret, uti hac ratione à Græcis etiam ἀπὸ τῆς ἡλίου, quod est sol. Euris etiam dicitur, quod ab aura procreetur εὐρος ἀπὸ τῆς ἐρέω, ut Marcellus inquit, quod flatus eius ab oriente hyemali sit. Et propter matutinales auras εὐριος etiam dicitur, vel ἀπὸ τῆς ἐωρέω. Typhon, siue Typhonicus ventus siue Euroaquilo putatur de quo in actis apostolorum. Romani, inquit Gellius, nauticum vocant. Hunc Vulturnum vocari Plinius & Columella scribunt. Sed iam ciuilitate donatus, ut nostro sermoni, non tanquam alienus interueniat. Aliqui à vulturis volatu deducunt, quod ab alto resonet, vnde Lucretio

ff 2. altiton

altitonans. Græci verò alium ab Euro existimantes *ευρόντονον* nuncupant, quòd inter Eurum & Noton flet, misto nomine. Fauonius à nautis Ponens à fouendo dictus, quòd cuncta foueat. Nam, vt ait Plinius, Fauonij hybernum molliunt cælum. Græcè *ζεφυρος από τῆς ζωῆς φέρειν*, hoc est, à vita ferenda, & *ζωήφρος* & *χελιδονίας*, & ornithias, ab hirundinum & coturnicum primo volatu, ab *ὄρνις*. Vegetius Renatus alium zephyrum, alium Fauonium manifesto errore putauit. Hauster ab hauriendis aquis nomen desumpsit. Græcis *νότος από τῆς νοτίδος*, hoc est, ab humiditate, quæ in rebus omnibus eo flante solet contingere, & quòd à Libya flet, *λίψ* quoq; dicitur. Africus quoq; etiam *λίψ* dicitur, vt multis placet *ἀπό τῆς λιβύης*, id est, Africa, quòd ex ea regione flet, alijs *λίβα* verius, quàm *λίψ*. Septentrio verò dicitur, quòd à Septentrione spiret. Simili ratione à Græcis etiam *ἀπαρακτίας*, quòd ab arctis, id est, vr̄sis flet. Multi Septentrionem Boream dicunt. Aquilo enim à sublimi aquilæ volatu dicitur, quòd ab alto flet, aut, vt voluit Nonius, à vehemētissimo ad instar aquilæ volatu, Græcè Borea *ἀπό τῆς βοῆς*, quòd sonorus sit. Aristoteles mesera vocat. Plinius tamen hunc paululum à Borea diuertit. Propè Menalum ac Megalopolitas, Boreæ templum, cui ij quotannis rem sacram faciebant, & inter deos venerabantur, quòd eos ab Lacedæmonijs & Agide liberasset: Pausanias in Arcadicis. Fuit autem Boreas Thrax, Aſtrei filius, qui Orithyiam Erichthei filiam rapuit. Poëtæ ventum fingunt. Corus siue Caurus, quo vsus Vergilius:

Semper hyems semper spirantes frigore Cauri.

Nam Seruio o litera, sæpe in au diphthongum mutatur. Quibusdam Argestes, Horatio Iapyx, & Ptolemæo etiam quòd ab Iapygio Italiæ promontorio in Ægyptum euntibus flet. Plinius tamen hunc non paulum à Cæcia deflectit, neq; omnes terras sentire, sed solis Atheniensibus peculiarē. Cæcias sine nomine apud nos. Aristoteli etiam Scyro aut Olympias, vel phœnix: Græci etiam Hellespontium, quòd ex Hellesponto in Græciam deferatur qui Pontum incolunt Berecynthiam: Vitruuio Carbas, quòd à Carbanis Phœniciæ gente spiret: vel à verbo *καυρώω*, quòd est perturbo, & *βοή*, quòd est vox. Quidam à malis moribus dictum volunt. Libanotus autem dicitur, quòd inter Notum & Liba respiret. Hunc esse Circium dicunt, quem Hispani Gallicū vocant, autore Isidoro quòd hic à Galliæ partibus flet: à vertigine dictus. Thraſcias à *θρένω*, quòd est frango, & *σκιά*, quòd est vmbra. Latini Gallicum vocant.

De vi & natura ventorum, & de prodromis, etesijs, & alijs, quibusdam locis peculiaribus.

CAP. XI.



ENTORVM autem originem, & locum, illorum potestas sequetur. Quam si cognouerimus, quedam propter istorum flatus aut euitabimus, aut securius peragemus: vt ideò illorum naturæ cognitio, perneccessaria nobis sit: parumq; illorum in cælo regiones locasse fuisset, ni quoq; vim, qua vti possumus, sciamus, aut quam euitare debeamus. Subtolanus autem spirare

spirare incipit à Vergiliarum exortu sex diebus, in totidem Tauri partibus, ante Idus Maias, leniter quidem, & ipse pluuius est, Fauonio tamen ficior. cum sole exoritur, & spiritu antelucano impetu scandendo, auras trudens, aëris humorem exprimit. Quod si cum sole orto permanferit, craftinas tenebit partes. Fauonius verò flare incipit Sole vigesimam quintam Aquarij partem obtinente. Qui dies Plinij supputatione, sextus ante Februarij Idus est, non vbiq; tamen flat: natura tepidus. Hybernium molliunt cœlum. Vergilius:

Vere nouo, gelidus canis cùm montibus humor

Liquitur, & Zephyro putris se gleba resoluit. Horatius:

Soluitur hyems grata vice veris

Et Fauoni. — Lucretius enim Veneris prænuntium vocat:

— Veneris prænuntius ante

Pennatus graditur. —

Georg. 1.

Quibusdam enim locis, vi flatus armenta concipere plures prodiderunt, inter quos Vergilius:

Ore omnes versa in Zephyrum stat rupibus altis,

Exceptantq; leueis auras: & sæpe sine vllis

Coniugis vento grauida. —

Georg. 3.

Austrum gelidum suapte origine dicunt: verum quia per torridæ Zonæ flammam graditur, igniq; commistus calefcit, & ad nos calidus peruenit. Vt qui gelidus incœperit, calidus finiat. Neq; enim ratio aut Natura pateretur, vti è duobus æquo pressis rigore cardinibus, dissimiles flatus emitterentur. At Hippocrates humidum calidumq; dicit, nisi regionum & locorum situs hanc causam amoueat. Nebulosus Homero dicitur, *νέφος δὲ θεῶν*. Eius autem naturam Ouidius poetice hoc modo describit:

Terribilem picea tectus caligine vultum

Barba grauis nimbiis, canis fluit vnda capillis:

Fronte sedent nebulae, rorant pennæq; sinusq;. — Et alibi:

Nubibus aspidis, pluuiog; madescit ab Austro. — Et Lucretius:

— Auster flamine pollens. —

Metam. 1.

Metam. lib. 1.

Lucret. lib. 5.

Diuus autem Hieronymus pluuiarum pincernam vocat. Primum non vehementer flat, verum leniter aëra liquefacit. Illius autem potestas ex Hippocrate ac Galeno medicis est. Auditū grauem, capitis grauedinem, visum hebetem, corporis torporem, delassationem, resolutionemq; facere. De limpidis turbulenta, de frigidis calida, de siccis humida. Solem autem & Lunam cæteraq; sydera, quàm sua sint natura, hebetiora reddit. Eo autem adflante, minüs esurire creduntur animantes. Dolia tam domi, quàm in terra, tam vini, quàm alterius liquoris, huius flatum perferunt, & species alias, alias formas induunt. Omnia autem quæq; gignuntur, ac in quibus humidi quid inest, fluentem perferunt. Omnia deniq; austrino flatu computrescunt. Terra autem occulto rore pertumescens, Austrum prænuntiat. Aquilo huic natura contrarius. Viarum scopa à diuo Hieronymo dictus, quòd flando eas perpurget. Homero autem,

βορέης ἀιθηρηγένης μέγα κύμα κυλινδων.

Vergilio verò sudificus, siccus, frigidusq; est, & aëra ferenans : quo flante omnia imputria diutissimè durare facit, vt bonæ tunc atq; potabiles sint aquæ: contrà, austrinis tempestatibus amariore, turbulentioresq;. Deniq; vt omnium ventorū saluberrimus sit. Terra de repenti siccescens, hunc prænuntiat. Septentrio & frigidus est, siccusq;, vt cæteri omnes, qui à Septentrione perflant, niuosus. Cauendus est: nam eius frigiditate perstringit. Frigidus, siccusq; Corus, ferè mollis, & tam euntibus, quàm redeuntibus communis. Ij postremi duo grandines important. Humidus & Afri-
cus ruens, & furibundus. Vulturnus tepidus: qui si à serena cœli parte inflare cœperit, in noctem minimè durabit. Lucretius altitonantem dicit. Cæciam Aristoteles ita flare scribit, vt nubes non procul propellat, sed vt ad sese contra aliorum septentrionalium ventorum naturam euocet. Vnde versus ille prouerbialis κατὰ ἐφ' ἑαυτὸν ἔλκων ὡς ὁ κακίας νέφος. Rationem autem hic pluribus in locis conatur adferre. Hunc circa ortus æstiuos flare existimat. Sidera media æstate mollit, humidus, mutatq; nomen, & Etesias vocatur: additq; à nonnullis haberi cum illo, quem alij θρασυίαν nominant. Sereni Argestes & Thrascias: ille niuem & glaciem facit. Et vt aliquid generalius de vêtis edisseramus: Diuturniores, qui feruidi sentiuntur, & qui ab ortu occasûve spirant. Ventorum autem rationem, menstrua quarta luna, id est, quartus à nouilunio dies, maximè discernit, vt suprà Vergilius, in Solis prognosticis expressit. Nunc de Prodromis, Aquilonibus & Etesijs, nonnullis certis duntaxat aliquot regionibus spirantibus. Aquilones autem Prodromi, inter Subsolanū & Aquilonem sufflant diebus octo ante Caniculæ exortum. Quod Plinius ad decimum octauum Augusti Calendas definit, & Cæsar decimo Calendas sentire Italiam existimat. Idèd nomen hoc habuerunt, quasi præcursores. Somniculosos autem & delicatos eos vocare nautas Seneca scribit, quòd manè hi tunc surgere nequeant. Etesia iuxta Fauonium efflant. A Caniculæ post biduum ortum ad dierum quadraginta intercapedinem. Ægypto decimo Calendas Octobris desinunt, & Assyriæ. Cæsari verò tredecimo Calendas eiusdè mensis, vt statim post Aquilones prodromos inflent: quare Lucretius Aquilonum flagra vocet. Desinunt ferè noctu, & à tertia diei hora oriuntur. Variant & ex regionibus auras: nam in Africa & Hispania ab oriente, in Ponto ab Aquilone, reliquis in partibus à Meridie. Nomenq; illis à flatibus, quòd annuatim certo anni tempore sufflent. ἔτος enim annus, & ἐτήσιος annuus. Circius solius Narbonensis prouinciæ incolæ, vt Viennam illius prouinciæ urbem vsq; perueniat minime. Atabulus Apuliæ etiam peculiaris, ἀπὸ τῆ ἀτὴν βάλλειν, vt Porphyria ait, à nocumento & pestilentia. Quare Horatius:

Incipit ex illo montes Appulia notos

Ostentare mihi, quos torret Atabulus.

Feruētissimus etenim is est. Olympias etiam Eubœæ solū peculiaris.

Præfatio libri noni.



VNC ad seminarium, quòd prima & præcipua diligen-
tia & labor in re arboraria esse debet, tanquàm huius
rei firmum fundamentum ac stabilimentum, à quo ve-
rò non una aut altera harum utilitas dependeat. Et-

enim, ex optima eius compositione festinantius ac generosius prosi-
liunt planta. A quo item ingens arborum turba citius progredi potest.
Qua verò amplissimos hortos, parua opera instituere possis, ut pro-
pterea huius non indiligens cura esse debeat, sicuti nec apud antiquos
fuit, ut huius non una aut altera ratio habita sed multiplex fuerit.
Talarum autem constitutio, in quibus certè apud antiquos studium
maius, frequentius exercitium, nunc verò neglectum ac penè omnino
relictum, nedum verò, modo magna rei arboraria iactura inceptum,
et si accuratius præfati agricolationis auctores, multis item commentarijs
tradiderint. Qui nos autem præcesserunt, in serendis hortis, solum, stir-
pibus sylvestribus, atq; ex sylvis & alijs locis incultis, translatis nulla
arte cicuribus antea factis vsi sunt, ut inde non idem fructuum honos
ac bonitas sequeretur. Nam quemadmodum liberi ab ineunte æta-
te, bonis parentibus ac ingenuis orti, longè plura atq; festinantius pro-
mittere possunt, quàm qui ab rusticis processerunt. Oportet enim
quicquid natum & ortum fuerit, & loci & parentum & illorum,
morum, referre naturam. Uti ex terra bonitate, qua in seminarijs seligi
consuevit tum ex cultura generosum quid magis desiderari, ut quod
insuper ab initio induerit, perpetuo adseruet: ut deniq; fructus

& mitiores & suauiores sint consequens sit.

Qua si tanta illius utilitas est, de eo
præterea diligentius tra-
ctandum.



HORT



HORTORVM LIBER NONVS.



De seminario & seminum generibus.

CAPVT I.



DIVISO anno, & cognitis eius partibus, naturaq; illarum: Agnita insuper lunæ ratione, syderaliq; digestionem, & ventorum originibus ac potestate: quæ omnia ad rem arborariam necessaria fore suprâ ostensum: reliquum est vt ad plantarum propagationem transeamus. In qua re primum sibi adsciscet locum seminarij ratio, cuius cura non segniter habenda. Quando verò eas primùm seminarijs demandamus, in his seminatas, crescere, pueralescere, adolescere antea oportet, vt soli humiditate, culturaq; diligentia primùm coalitæ & auctæ, postea ad meliorem, ac securiorem, & longiorem fructificationem perpetuamq; sedem atque in hortos ipsos tanquam perpetuum domicilium migrent, atq; locentur, vt illic ceteram ætatem viuant. Quorum vtilitas permaxima, atq; ex sese manifesta: cùm non alia ratione, breuioriq; tempore, ingentem cuiusque generis arborum numerum tibi facilius comparare possis. Quare Vergilius arborum segetem vocat, his:

Georg. 2.

- Ubi prima paretur

Arboribus seges.-

Plantarium etiam dicitur, vt hæ duæ appellationes vnum quodq; arborum genus compræhendant. Cæterum si locus aliquis, cuiusdam arboris folius genus aliquot receperit, ab eo denominatio fiet: vt ab ylmis ylmariū, & sic de alijs. Verùm antea quàm ad seminarij dispositionem deueniamus, de seminum differentijs differendum. Ex semine enim primam arborum sationem fuisse, nemo est qui addubitet: & totius arboris potentiam Demetrius Phalereus in semine ponebat. Sine qua verò & interirent arbores, veluti atq; omnia animantia, propter quod meritò præcipuam virtutem dicit. Propterea Saturnum suos filios deuorasse fingunt poëtæ, ea ratione (inquit M. Varro) quòd semina iterum in terram recidere debeant, ex qua orta fuerant. Sed & hoc Natura ipsa absq; hominis artificio primùm docuit, cùm decidens semen, ac terra exceptum viuisceret: vt etiam Lucretius voluit:

Lucret. lib. 5.

At specimen sationis, & insitionis origo

Ipsa fuit rerum primùm Natura creatrix.

Arboribus quoniam bacca, glandesq; caduce

Tempestiua dabant pullorum examina subter.

Idq;

Idq; etiam auium & quadrupedum frugalitate ostensum, terra tanquam horreis ad annonam, arborum fructibus demandatis. Sæpe nonnunquam volucrum fame deuorato, solidoq; & alui tempore madido cum fœcundo fini moderamine in mollibus arborum lecticis adiecto, aut etiam in aliquas corticum rimas translatò. Vnde videmus nonnunquam aliud genus arboris in concauitate natum. In salice verò cerasum, in ceraso laurum, vt baccas discolors in eadem arbore conspiciere sit: in fraxino quercum, & in salice sambucum. Stirpes enim, sicut & animalia, quæ ex semine feruntur, originem suam referre, fauente Natura, necesse est: vt quæ & semen ferunt, ex semine creari possint. Quod si contrà esset, Natura citra eius potestatem manè illud produxisset, cuius causa solum procreauit: vt ad generationis officium, & arborum perpetuitatem natum sit: & huius communis plantarum finis. Verùm id non tam arboribus, quàm in animalibus faciliè videre est. Seminum quatuor genera M. Varro posuit eorum etiam, quæ è terra in terram transferuntur. Quorum item quædam per se à Natura fiunt, cætera verò ex industria. Itaque primum semen, quod est oriendi principium, duplex est. Vnum, quod latet nostrum sensum: alterum autem apertum est. Latet enim, si sunt semina in aëre, vt ait Anaxagoras physicus. Aut si sunt in aqua, vt ait Theophrastus: vt hæc fluens in agrum inferat. Nata est prope Cyrenem sylua, post imbrem piceum crassumq; circiter vrbs Romæ initium anno quadringentesimotricefimo, inquit Theophrasto. Frequentiores enim imbres, putredines, quasdamq; etiam mutationes humi committunt: quæ sole feruefacta, plantas producant, vt proprietas quædam procreandarum arborum in cœlo terræ consistat. Hæc enim semina primigenia nobis Natura dedit, prius nata, quàm sata. Secundum verò, quod agricolis patet, & hoc coloni experientia inuenit, antea fatum quàm natum, ex altero tamen collectum. Et huius quidem quoddam ad oriendum vsque adeò paruum, vt obscurum sit: quale est cupressi. Tertium autem genus, ex arbore per furculos in terram defertur. Quartum verò, quod ex arbore in aliam insitione transit. Sed generalius de his agamus. Arbores autem, quod Naturæ debemus, aut spontè, Naturæ benignitate, aut hominum industria nasci, satis superq; omnibus constat. Atq; omnes aut ex semine, vel illarum sobole: vt in hoc vltimo, vel taleis siue clauis, vel furculis siue ramis, aut perticis stolonibusq;, qui auelluntur, aut propagine, aut à radice siue trunco. Super hæc omnia erit aliquid, è lacryma proueniri, atq; ex radicum oculis. Ex folijs autem palmarum apud Babylonios arborem procreari, Trogum credidisse demiratus est Plinius. Ferè hæc omnia expressit Vergilius:

Principiò arboribus varia est natura creandis:

*Namq; aliæ, nullis hominum cogentibus, ipsæ
Sponte sua veniunt, camposq;, & flumina latè
Curua tenent: vt molle siler, lentæq; genistæ,
Populus, & glauca canentia fronde salicta.*

Pars autem posito surgunt de semine: vt alæ

Georg. 2.

Castanea, nemorumq; Ioui quæ maxima frondet

Esculus, atq; habitæ Craijs oracula quercus.

Pullulat ab radice alijs densissima sylua:

Ut cerasis, vlmisq; etiam Parnassia laurus

Parua sub ingenti matris se subijcit umbra.

De loco seminarijs seligendo, ac preparando, & quando.

C A P. II.



D seminaria autem facienda, locus maximè ad id idoneus, & aptus studiosè eligi, & præparari debet. Ab his enim prima arborum cura & diligentia esse debet, vt iam suprà diximus, vt citius coalescant, & grandescant, vt festinantius ad destinatam sedem, & bonam frugem perducantur. Solus enim per tot secula vnus tantùm inuentus Thracius Sophista, qui sine seminarij ratione solo cantu, arbores ipsas suis locis motas transplantaret. Seminaria Vere primo fieri, vbi Fauonius flare incœperit, M. Cato præcipit. Verùm id melius crassiss & humidis: cæteris verò Nouembri ad Vergiliarum occasum. Plinius enim ea fieri cùm luna suprà terram erit. Ante omnia autem seminarium aduenis hospitale esse oportet, & quam simillimum terræ huic, in quam transplantatio futura sit: non solum quidem qualitate, figuræ, verùm etiam aëris constitutione, vt nouitate ipsa planta non consternatur. Quamobrem optimè consultitur, ne nimis longè à seminario transferantur. Sæpe etenim loci interuallum, aëris diuersos mores procreat. Insuper solum optimum, pingue, apertissimum, modicè humidum, minimè rimosum, ne fibras exurat, studiosè seligi refert. Natura enim ipsa, plantaria demonstrat, matre verò multis radicibus pullulante, & densam sobolem parturiente, quam postmodum enecet. Quippe turba indigesta, eius umbra premitur. Quod in lauris, punicis, cerasis, prunis maximè est, in quibus matris rami, vix soboli parcunt, nisi soli benignitate, & aëris amicitia, in sua tellure spatium delectetur. Locum autem huiusmodi inuentum bipalio inuerti, ac subigi debet, ac lapidibus expurgari, occari, & resolui, dein stercoreari, vt verno postremum tempore in areas componamus, ita angustè compositas, vt qui runcaturi sint, medias earum partes manu facile contingere possint. Nam si latiores erunt, quæ proculcata semina erunt, noxam capient. Ad citrum Palladius sic præparat: Terram altam duos pedes, aut vnum, fodi vult, ac cinere immisceri. Areas breues fieri, vt vtrinque per canales aqua discurrat. In quibus areis palmarem scrobem manibus aperiri, & in eo tria grana cacumine deorsum iuncta constitui. Locus autem castanetis destinatus, pedis vnus aut duorum altitudine fodi debet, & totus sulcis in ordinem destinari, aut aratris hinc inde findentibus resolui. Qui fimo satius, ac in puluerem redactus, castanearum semen accipiat, non amplius pedis vnus demersum. Locus deductoria liquoris accipiat, ne humor insidens limo germen extinguat. Hac ratione syluam barbaram, id est, consimineam ex glande & cæteris seminibus conferere poteris. Hoc nomine

nomine Columella ex pluribus & varijs arborum generibus vocat, à moribus barbarorum. Locum autem seminarij hunc etiam munitum esse oportebit, atq; bene circumseptum, aduersus incursum etiam gallinaei generis, néve etiam inualida planta à pecore calcetur.

Quot, quibusve modis, unum quodq; arborum genus, melius proueniat.

CAP. III.



VOMODO, quâve ratione, vnaquæquæ arbor lætiùs properantiusq; producat, videndum. Nam quædam illarum facilitate, atq; humanitate, dociliq; ac miti illarum natura, vt cæteris dociliores, ac frugiliores & sint, & appareant, inueniuntur, quæ omnibus generibus propagantur. Aliæ non ita faciliùs, neq; omnibus modis proueniunt. Quædam prosperiùs semine, quàm taleis: contrà, aliæ meliùs taleis, quàm semine: quædam pluribus, cæteræ paucis, vel vno tantum contentæ. Quod vltimum raro contingit: vt in his non segnis experientis cultoris animaduersio esse debeat, vt ex studio suo, velocius ex planta, quam seruerit, fructus desumat. Ne etiam contra naturam ipsam diutiùs ac molestiùs tum impensa, tum labore frustratus, depugnet. Quare vnumquodq; cuiusq; arboris generis ingenium persequi, vtile erit. Citrus enim semine, ramo, talea, claua feritur, sicut & buxus, pistacia etiam sobole, ac nucibus. Siliqua & semine, & plantis, ac taleis, veluti & zizipha. Auellana & suis nucibus, & sobole. Et his modis prunus, sorbus, malus, pyrus, persicus, mespilus, cornus, morus, amygdala, iuglans. Morum tamen quidam talea tantum feri autumaue-
runt, & iuglandem: sed hanc surculo quoq; feliciter euenire expertus sum Castaneam Plinius solum semine, exceptis cæduis, scriptis mandauit. Verum hæc quoque semine commodiùs prouenire compertum est. Nam si planta seratur, ita aegrè procedit, vt biennio toto de eius vita nonnunquam addubitetur: vt huius syluæ melius nucibus quàm viuiradicibus instituantur. Palma è semine ac taleis, Græcis prodentibus. Babylonij viuiradices efficiunt, quas adultas postea transferunt. Lauri autem & myrti omnia genera ex baccis in Campania seminaria constitui, Plinius autor. Alij laurum augustam, siue triumphalem, & baccalem, ex his tantum feri cæteri prodidere. Ramo etiam plantari constat. Quod veteres non dubitarunt. Pinum abietem semine, & virgis produci quidam contenderunt. Trunco autem non nisi in Creta, præsertim in montibus Tirasensium, quod obiter dubitauit & Democritus & Theophrastus. Alij hoc testatum voluerunt, in fruticoso tantum genere, quale est apud Dryitas Cretenses. Nunc verò cum Theophrasto aut Democrito non ambigendum. Quod egomet expertus sum, vt illud primum in coniferis arboribus generaliter esse voluerunt nonnulli. Punica & plantis de matrum radice deuullis, Colutea semine nascitur. Fici & grano feruntur, vt hac ratione ficorum genera Chiæ, Chalcidicæ, ac Lydiæ, & Africanæ. Item cætera transmarina in Italiam perlata, M. Varrone asseuerante contra Theophrasti opinionem: de qua forsan infra. Olea omnibus modis feritur. De

gg 2 robore

robore verò diuersa sententia. Alij ex semine, quidam tantum ex trunco, sed velocius ex semine, & omnes, ex quibus syluas optamus habere. Rosa conciso caule feritur, quæ postea viuiradix facta transfertur. Ex semine etiam & talea, vt voluit Theophrastus. Et vt hîc in vniuersum eius ratio habeatur; Alij integras plantas radicibus transferunt. Sæpius enim eam transferre satius erit. Crebra etenim transmigratione, spectabiliore effundere florem arbitrantur. Si enim plantarum indigus fueris, & ex paucis virgultis copiam desideres, gemmatos furculos cum suis sarmentis, longitudine quaternum pluriusve pedum excidere debebis, quos & in propaginis modum sternes, vt rigationibus, ac stercoratione, quod sat erit tueantur. Vbi autem anniculam ætatem compleuerint, transferro in pedis spatium. Nonnulli maioris odoris fragrantiam adsciscere existimant, si intextas ijs coronas simul adobruerint. Maiorem denique odoris fragrantiam habent, quæ in siccaneis nascuntur. Hos etenim inferendi modos Vergilius grauis agriculturæ (quod pluries post Plinium professus) autor, cuius tantum abest, vt post Columellam me interpretem asseram, paucis expressit:

Georg. 2.

*Sed truncis oleæ melius, propagine vites
Respondent, solido Paphiæ de robore myrtus.
Plantis & duræ coryli nascuntur, & ingens
Fraxinus, Herculeæq; arbor vmbrosa coronæ,
Chaonijq; patris glandes: etiam ardua palma
Nascitur, & casus abies visura marinos.*

De seminum preparatione.

CAP. IIII.



PRIMUM plantarum sationem à seminibus fuisse, par est dicere, quam primum casus fortuitus, vt supradictum est, nobis ostendit. Semina enim ipsæ arbores, ceteræq; plantæ sibi ipsi ingenita natura, ad illarum perpetuam sobolem creantur. Verum vt ad id magis idonea sint, videndum. Inter quæ primum vtum vetustate exusta, ne hebetiora ad germinandum sint: aut ceteris admista, ne aut propter similitudinem fallamur, sic vt expectatione laboris præmio careamus. Hoc autem in omnibus nostris actionibus cauere magnoperè debemus, ne spe ac voluntate nostra decidamus. Oportet enim matura colligi, dein maxima eligi. Quæ prius quam ferantur, paucis diebus desiccanda, vt humoris virus exuant, atque præparanda erunt. Perfici ossa hoc modo siccata in quallis, atq; terra soluta, cum cineris mistione referuant. Lauri bacca, Aquilonis afflatu exsiccata, mense Ianuario leguntur, raræq; expanduntur, ne aceruo calefiant. Ceteri in quallo pedibus in profluente, quoad cutis auferatur, deculcant. Alioquin vligo infestat. Ex cupresso item scemina, pilulæ collectæ sole siccantur, ruptæq; emittunt semen. Ex castaneis autem eligendæ sunt recentes, maturæ. Quæ si Februario ferendæ sunt, expansæ desiccari debent. Tunc in angustum & siccum locum translata, cumulum faciunt: vt eas post omnes fluuiali arena operias: postea verò dies triginta, in aquam frigida-

gidam mittis. Quæ autem sanæ erunt, merguntur: supernatant verò quæ vexatæ sunt. Item quas probasti, post triginta dies æquè probas. Hoc cum tertio feceris, vsq; ad Veris initium, vtiliter quæ manserunt illibatæ, seris. Nonnulli autem, qui minùs seduli, minusq; operosi sunt, in vasculis tantum seruant, arena pariter omissa. Hæ pedamento feruntur. Baccas lauri, amygdala, prunorum ossa, antequam deponantur, fimo aut lixiuio diluta, pridie, aut per triduum aqua mulsa macerant: & ita ne quid nimis, ne germen ex multo melle mordacitas extinguat, vt dulcedinis tantum possis habere suspicionem. Hac ratione (autore Palladio) citrus, acres medullas, dulcibus mutat: vel si ouillo lacte, quod præstat, hoc fiat. Iuglandes, quas Ianuario saturi sumus, simplici aqua pridie macerabimus. His etiam modis, iucundioris saporis fructus, cum adoleuerint, erunt: atq; interim meliùs ac celerius germinabunt. Palmæ autem dactyli noui, minimè veteres, ac pingues esse debent. Democritus myrti genera alio modo, quàm integris baccis, feri docebat, grandissimis baccharum tufis, ne grana frangantur. Persicum & amygdalum pomum, sic inscriptum faciemus. Ossiculum ad dies duos siue tres macerato, & leniter aperito, & repertum intra os nucleum accipito: in cuius cortice stylo æreo quicquid libuerit inscribito, non tamen profundè: deinde papyro inuolutum plantato. Aliter Græci, vt ruber etiam sit persicus. Post septem dies, vbi ossa obruta fuerint, & putrefieri cœperint. Post hoc enim tempus, spontè aperiuntur: in nucleis cinnabari, quod placuerit inscribas, mox ligatos simul cum suis ossibus, vt bene adhæreant, diligentius obruas.

Seminarium ex semine, & qualiter in quallis serantur, vt transferantur.

CAP. V.



SEMINARII autem faciendi duplex ratio. Aut enim ex semine, aut ex taleis. Nam, vt iam dictum, alia magis semine pollent, quare ex his prosperiora seminaria: alia verò hac re hebetiora, vnde ex taleis conspectiora seminaria. De seminibus tantum hic agetur. Illud autem lectorem & agricolam antea præmonitum velim ea, quæ semine seruntur, prouentu tardissima fore, vt hominibus longa ab his expectatio super sit. Serò enim admodum veniunt: quum in feminis satum, omnia generari, & radices, & truncum, ac librum necesse sit, prius etiam quàm longa incrementa accipere possint: vt plus impetus ad germinandum antè inferant, quàm semina inniti valeant. Rursus arborum semen quarundam adeò minutum, vt plerunq; non maius quàm herbarum sit: quale cupressi, ficiq;. A generis quoq; nobilitate desciscunt ac decedunt, vt deteriora sæpius reddantur: quæ insito postea restaurare oportet, vt (sicuti voluit Theophrastus) à domesticis in sylvestres commutentur: veluti vt è ficu caprificus fiat, vt nullum præterea genus conseruet. E miti olea, sylvestris, è pyro pyrastrum, è struceis cotoneum. Amygdala etiam saporè immutat, vel è molli durior fit. E lauro ac myrto colorem demutant, vt è rubro niger fiat. Picea etiam hac ratione tineosa redditur. Quod & Verg. eleganter complexus:

gg 3 Nam

*Nam quæ seminibus iactis se sustulit arbos,
Tarda venit, seris factura nepotibus umbram:
Pomaq; degenerant succos obliua priores.*

Multa tamen ex huiusmodi feminis fatione incommoditatem nullam percipiunt: tum maximè ea, quæ solo semine feri valent: & quædam alia, quibus omnino ad degenerandum quoquo modo natura contraria est. Tantùm enim sui generis amantissimæ sunt. Cuius verò virtutis sunt feroces omnes, utpotè natura validiores, & ad conseruandam originis vim contumaciores. Sed iam ad rem. Semina acruatim plura simul perfigi volunt, veluti quinas castaneas, amygdalas trinas trianguli ratione. Id in trigonum Columella expressit. Palmarum bina semina iuxta composita, superq; totidem: quoniam cùm singulis feritur, infirma planta erit, quaternaria validius coalescunt. Ziziphi etiam terna grana, myrti baccæ vicinæ ferè acruatim feruntur. Nam interdum priusquam enascantur, aut ficitatibus sæpe nonnulli emarescunt, aut aquarum abundantia putrescunt. Interdum subterraneis animalibus, sicuti muribus & talpis, infestantur, propterq; nouella castaneta caluescunt. Obrui enim debent altè, non amplius quatuor digitis. Cacumen, id est, pars acutior, deorsum inuertatur, ut inferior sit: quia inde radices mittit. Iuglandes nuces porrectæ feri volunt, commissuris iacentibus, videlicet ut lateris mucro defigatur. Palladius interpretatur, ut transuersæ ferantur, ut latus ipse, id est, carina ipsa in terram defigatur. Spatium duorum inter se pedum esse debet. Nucem Græcam & Tarentinam Columella hoc modo fert: in quo scrobe nucem ferere destinaueris, terram minutam in modum semipedis ponito, ibiq; semen ferulæ repangito. Cùm autem ferula enata erit, eam findito, & in medullam eius sine putamine nucem Græcam vel auellanam abscondito, & ita adobruito. Aream autem ad cupressi semen recipiendum cylindris aut volgiolis conterito. Dein iacitur semen densè, postea terra cribris cernitur, pollicis crassitudine. Contra enim immanè pondus atollere sese non valet, retorqueturq; sub terra, quamobrem parcitur vestigijs. Duobus palmis prunus profundè seratur. Nuces castaneæ in altitudinem dupondij & semissis. Alij altitudinem dodrantis desyderant. Zizipha in scrobe palmari, sulcis depressis. Pedalia sint ut communiter interualla. Nux à nuce (de Græca loquor) palmo minus absit, & anceps ad Fauonium spectat. Persicus à se separari pedibus duobus debet. Omnis autem nux vnam tantùm radicem mittit, & simplici stilo prorepat. Quare Palladij autoritate, lapis vel testa subter ponenda ut radicem non simpliciter, sed reperlussâ respargat. Hoc est, quod Columella voluit, ut cùm ad solum scrobis peruenit, humi duritia coercita recuruatur, & extensa in modum ramorum alias radices emittit. Barbyllus vocatur arbor persici, ex osse nata. Myrti autem grana præparata eo, quo supra, modo docuimus, & intrita, Democritus recte circunligari, atq; ita feri miræ densitatis illorum partus, ex quo virgulta postmodum transferantur. Hoc enim modo M. Varro ficos, quas edimus, maturas è longinquis perferri, & cùm inaruerint complicari, ac quò libuerit mitti, ut sic in seminario obrutæ pariant.

pariant. De spinis, sepius causa, infra docebimus. Mago autem in hac operosius re fuit. Amygdalas in argilla molli meridiem spectante feri iubebat, in vasis fictilibus perforatis, ut per cauernas, radices spiramenta hauriant. Longius transferes. Hac etenim ratione arbores diuersi generis, nouas hospites & exoticas allicere, & mansuescere poteris. Hoc modo palmam, malum Assyriam, Theophrastus feri posse dicit, & pineas nuces. Palladius qualliculos stercore ac terra præparat, in quibus terna pistacia constituat, ut ex omnibus quodcumque gerimen procedat, & mixta etiam ex nucleis feri vult, in aliquo vase politis, donec plantæ firmitatem induerint. Pinorum plantas sic procurant: multa semina in qualliculis terra & fimo repletis obruunt. Quæ ubi processerint, relicta sola planta, quæ solidius prouenerit, alias auferunt, aliam ubi iustum incrementum acceperit, aut trimam, quadrimam cum qualliculo transferunt. Quo in scrobe fracto, radicibus indulgentes, & largitati consulentes, terram tamen æquè sterminus admiscunt, facta structura, ordine alterno subinde crescente. Quidam malis semen, ubi decussa fuerint, statim auferunt. Sole verò siccatum in dolio pinguique, & propè cribrata terra, tria plurave simul obruunt, quæ in virgultum vnum, per foramen angustum coire necesse habeat. Hac autem ratione fructum grandiolem & dulciorem effici.

*De vlmarijs, & arundinetis, & translatione plantarum è
seminario in seminarium.*

CAP. VI.



LN constituendis verò seminarijs, præcipua cura esse debet circa hæc, quorum maior prouentus, maiorque utilitas esse solet, qualis vlmarij, propter vites, & arundineti: ut ideo plus in his laborandum, plus incumbendum, maior locus occupandus, maior denique impensa eroganda. Samara autem (sic enim vlmorum semen vocant: ceteri vim feminis tantum habere) prius colligenda, quam folio vestiatur, circa Martias Calendas, cum flauescere incæperit: vel, ut aliqui volunt, cum iam rubicundi coloris fuerit. Deinde biduo in umbra siccari. Alij insolatam pluribus diebus volunt, ut aliquem tamen succum & lentorem retineat. Post ferenda in solo modicè humido, ac terra bipalio pastinata, & diligenter occata. Quæ sic resoluta, verno tempore in areas componi debet. In quas iniiciemus samaram, atque eas totas feminibus spissè congeremus, & ita cribro putrem terram duos altè digitos incernemus, & modicè rigabimus. Stramentis areas cooperiemus, ne prodeuntia feminum cacumina ab auibus prærodantur. Vbi deinde plantæ proreperint, stramenta colligemus. Columella, non ex samara, sed ex sua sobole vlmum feri vult. Arundinis alia præter cæteras arbores satio. Bulbo enim radicis, quem alij oculum vocant, feritur, scrobe dodrantali, tripedaneis interuallibus spatij. Alijs interuallo duum pedum & semipedis. Seritur & calami talea, sulco pedali, binis obrutis gemmis, ut tertius nodus terram attingat. Prono cacumine, ne rotes concipiat. Hac enim satione, anno celerius perticam maturam præbet. Nec minùs toto corpore transuerso prostern

profternuntur, non altè condita, non vt tota obruatur, nam tunc putrefcit. Erumpunt etenim fingulis oculis totidem plantæ. Talea autem & tota arundine feriùs proueniunt. In humidis verò agris bipalio subactis feri Cato vult. Apricis gaudent. Ventis nutriuntur. Præftantiffima earum factio per bulbos. Reficitur ex feſe vetere arundineti extirpato, quod vtilius repertum quàm caſtrare, ſicut antea. Nam inter ſe radices ſerpunt, mutuoq; diſcurſu necantur. Vltima igitur ſeminarij cura exit, vt cùm ex vno ſeminario in aliud plantæ transferuntur, & priuſquàm in ſuo loco ponantur. Quod quidam nimis operoſè præcipiunt. Licet translatione folia latiora certius ſpondeant. Sunt etiam nonnulla quædam, quæ ſedis mutatione vehementiſſimè gaudeant, vt neceſſaria ſit in illis pluries tranſlatio: cuius naturæ palma eſt, quæ annicula transfertur, & iterum cùm bima eſt. Vnum potiſſimum deſyderat. In Aſſyria verò circa ortum Canis. Vlmi deferendæ ex arearum venis, poſt annum pedali interuallo in vnamquanq; partem. Nux caſtanea, cùm iam ſemina ſtillauerit, poſt biennium in aliud ſeminarium transfertur, vt bini pedes arbuſculis vacui relinquantur, ne denſitas plantas enecet. Iuglans latior etiam fiet, ſi ſæpius transferatur.

De talearum & ſurculorum ratione.

CAP. VII.



TALEARVM vſus, & nonnullarum aliarum ſationum meminit Vergilius, cui nil quod ad agriculturam pertineret, ignotum fuit. Sic enim ait:

*Hos natura modos primùm dedit: his genus omne
Syluarum, fruticumq; viret, nemorumq; ſacrorum.*

Sunt alij, quos ipſe via ſibi repperit vſus.

Hic plantas tenero abſcindens de corpore matrum

Depoſuit ſulcis: hic ſtirpes obruit aruo,

Quadriſidasq; ſudes, & acuto robore vallos.

Syluarumq; alia preſſos propaginis arcus

Expectant, & viuæ ſua plantaria terra.

Nil radices egent alia: ſummumq; putator

Haud dubitat terræ referens mandare cacumen.

Quin & caudicibus ſectis (mirabile dictu)

Truditur è ſicco radix oleagina ligno.

Et ſæpe alterius ramos impunè videmus

Vertere in alterius: mutatamq; inſita mala

Ferre pyrum, & prunis lapidoſa rubere corna.

Hæc ille. Quæ etſi oblonga ſint, tranſcribere non erubui, & quicquid ille ad arbores deſcribet. Surculos abſciſſos & defractos ſerere, caſus ingenio ſuo excogitauit. Hoc primùm ſepis cauſa factum, cùm pali defixi radices cepiſſent, vt poſteà taleæ in ſeminarijs ſererentur. Sic enim de ſe Palladius, Ego ceraſi facilitatem ſic probaui, vt virgulta ex ceraſo pro anniculis per vineam poſita, in arborem proſiluiſſe confirmem. Taleas vt quæ ſint, intelligamus, M. Marcellus lignorum ſciſſiones, vel proſegmina vocat.

vocati Nam teste de re rustica M. Varrone, Intertaliare rusticorum voce, diuidere est, vel ex vtraq; parte æquabiliter præcidere, & excidere. Verum hic alibi hoc modo taleam describit: Demum in oleaginis semini- bus arbores videndum, vt sit de tenero ramo ex vtraq; parte æquabiliter præcisum, quas alij clauolas, alij taleas appellant, ac faciunt circiter peda- les. Palladius tamen clauam aliud esse vult, quàm taleam, vt clauam maio- rem talea esse velit. Talea nomen F. Pompeio inquit, dictum alij pu- tant ab ætatis flore. Alij quòd carmina semper floreat, vt talea: vel, vt ar- bitror, quòd illa pangantur, sicuti & talea in terram pangi dicuntur. Ta- les sæpe fuerunt Priscis à similitudine vocabulorum deriuationes. Talea- rum non parua vtilitas, ad id nos Natura cogente, propter arbores, quæ femine carent, vel cupiditas citius nascendarum arborum. Et harum qui- dem triplex differentia. Aut claua, aut cacumine, aut taleis: Quarum item rursus triplex in satione differentia. Aut enim seminatio, aut serobe, vel etiam sulco. designantur. Ante omnia autẽ, in eo satu seruanda hæc erunt, vt ex feracibus sumantur arboribus, in quibus frequens nodus extuberet: steriles enim creduntur, quæ nitidæ sunt, & oculos suos per longa inter- ualla distulerint. Melius conueniet, si ramus, gemmata iam matre, desu- matur. Ne curuæ sint, non scabræ, aut bifurcæ, neq; pedilibus minores. Talearum verò ferendarum hæc lex ex Catone est: Taleas sic ferito: in sesquipedem quoquoersum taleam demittito, opprimitoq; pede. Et si parũ descendit, malleolo, aut mateola adigito. Caueto, ne librum scindas, cum adiges: Palo prius locũ si feceris, quò taleam demittas, & si ita feueris, vtilis fiet talea, melius viuet. Digitum supra terram facito, semina emineat, fimoq; bibulo summam taleam oblinito, signũ apud taleam apponito. Ea enim pars descendere debet, quæ proxima arbori fuerit. Alij palmis duo- bus superesse volunt, & vt pars infima quæ ponitur, leniter diuidatur, & in fisso lapis mergatur. Non inhumare, aut ficcare taleas prius quàm feratur, vtilius compertũ. Populneas tamen ac virgas biduo nonnulli desiccant. Nam rosidas si recides, parum prosperè proueniẽt. Ideò pluuij dies, in ex- putanda salice vitantur. Quædam verò per se singulari furculo minimè proueniunt. Nam buxi tenuissimis, quinis, senisve colligatis furculis, & depactis proueniunt. Quondam in obseruatione (Plinio autore) vt de- fringerentur ex imputato buxo aliter viuere non crediti. Detraxe hæc, experimenta curaq; seminarij. Mespilus taleis feritur, ita vt vtrunq; talea caput, stercus obducatur. Populus alba, salix, viminum causa ad vites feri- tur loco humecto, bipedaneo, pastinato, talea sesquipedali, interuallò pal- mipede, terra superiniecta, crassitudine conuenienti.

*De seminarijs oleaginis, & nonnullis circa quasdam ar-
bores peculiaribus sationibus.* CAP. VII.

QUÆDAM specialius de oleaginis seminarijs dicuntur, propter ingentem oliuarum vtilitatem, & prouentum. Quædam etiam diligentius in his, quàm alijs inuenta obseruataq; sunt. Quarum rationem Columella studiosius scripsit, vt multa tamen eius præcepta

h h sub

sub generali seminarij descriptione contineantur: multa etiam sub Catonis præceptionibus. Pedales hic in seminario inferi vult. In scrobe vel sulcis, tripedaneas, & ternas ponendas, ac diuaricandas. Supra terram, ne plus quatuor digitis emineant, gemma vel oculo seruato. Si prouincia oliuetis indiget, & non est vnde planta sumatur, Seminarium faciendum id est, area effossa, rami ferra incisi, in modum sesquipedalem deponantur. Inde post quinquennium valida planta transferri debet. Plures olearum radices, quæ in syluis plerunque aut locis desertis sunt, in cubitalem mensuram recisas, aut in seminario, si placuerit, aut in oliueto disponere solent, & admistione stercoreis adiuuare, vt hoc modo efficias, vt ex vnus arboris radicibus, numerosæ plantæ nascantur. Palmarum verò satus, vt memoriæ prodidit Theophrastus, præter ceteros aliarum arborum peculiaris. Ligna verò, quæ in fructibus, bina simul iuncta, & subter composita ferunt. Alia etiam bina superimponūt, omnia colligantes, vt omnia prona sint. Germen enim non de supinis, causiue partibus emittit, veluti nonnulli arbitrati, verum è supernis. Hac enim ratione promiscui ortus, ita inuicem coalescunt, & radices amplexu mutuo connectuntur, vt dein vnus ex multis caudex efficiatur. Seritur etiam & ramo viridi, duorum cubitorum ab cerebro ipsius arboris longitudine, fissuris diuiso ac defosso. Prius nascitur pomi caro, lignum intus, hoc est, semen eius. Strata verò in Assyria, in solo humido, tota radicitur, verum in frutices, non in arborem. Balsamus malleolis, vt vitis, seritur, & colles vinearum modo implet. Sine adminiculis tamen sustinet sese, & nasci properat. Intra enim tertium annum & ipsa fructifera est: hæc Plinius. De malo punica hæc Palladius: Seritur plantis de matrum radice deuulsis. Melius ramo eius cubitali inciso, manubrij digitali crassitudine, capite vtroque, acuta falce læuigato. Scrobi velut obliquus immergitur, vtroq; capite porcino stercore oblinito. In crudo solo, malleo ad ima cogitur. Melius proueniet, si è gemmata iam matre defumatur. cum autem in scrobe deponitur, si tres lapilli simul in ipsa radice constituentur, providebit ne poma findantur. Curandum ne virgulta inuersa deponas.

De seminario in sulcis, & ex clauis faciendo, & quòd arbores auulsione nascantur.

CAP. IX.



SUpra sulcis defigi taleas docuimus, & quid sit sulcus, ne lectorem lateat, dicendum. Est autem (autore Pompeio) fossura rectis lateribus, vbi arbores seruntur. Quæ autem seruntur, ramo siue stolone plantantur, vt ficus, punica, myrtus, laurus, meatu prius palis laxato, & cortice diligenter obseruato. Claua commodius seritur, quæ sit manubrij crassitudine, longitudine verò cubitali, ex vtraq; parte læuigata, nodis & aculeis recisas, sed integra summitate gemmarum, per quas futurum germen intumescat. Diligentiores autem fimo bubulo, alij porcino, vtrunq; quod summum est, adlinunt: vel marina alga, vel argilla subacta, partis vtriusq; extrema cooperiunt. Claua omnis obruitur in spatio. Non desiderat ma-
iora

iora interualla quàm talea. Nec alijs arboribus debet annecti. Si autem cacumen in sulcum deponere velis, ramum bimum aut trimum ab australi parte decidas, & sic obrues, vt diuisa cacumina, interiacente terra velut tres surculos reddant. Ficulnea cacumina vtiliter obruunt, cum tumescunt, vt plantas faciant, si earum copia non abundet. Vt autem varios fructus vna ficus exhibeat, Ramos duos, vnum albæ, alterum nigræ inter se vinculo stringito, ac torqueto, vt germina miscere cogantur. Sic enim obruti, ac stercoreati, & humoribus imbuti, vbi prodire cœperint, germinantes oculos aliqua inter se annexione conglutina: tunc germen adnatum duos colores parturiet, quos vnitatem diuidet, diuisione coniunget. Si ramum velis ponere, non ampliùs sesquipede debebis immergere, ne putrescat. Aliud ferendi genus Natura præmonstrauit. Auulsi etenim arboribus stolones vixere. Quo in genere, & cum parui sunt, auelluntur, partemq; aliquam è matris quoq; corpore secum auferunt fimbriatò corpore. Hoc enim modo sorbus, punica, corylus, cornus, malus, ficus, mespilus, fraxinus plantantur. Cotoneum verò hac ratione satum, facilliter prouenit, verùm degenerare dicit Plinius. Sabina autem necessitate, auulsione feritur, cum semine careat. Hæc plantatio Græcè *φύττρυα*. Sic enim satæ arbores per totam arborem inesse animam ostendunt, vt surculi, rami, & stolones à matre auulsi, & in terræ gremio repositi viuant. Habent etenim tam rami, quàm grandes partes, in se principia quædam vitalia, quæ temporis indulgentia tepefacta, germina pariunt, etiam si nulla in-nitantur radice, quam possit sibi formant, ac generant.

De seminariorum cultura, & irrigatione.

CAP. X.



IRCA seminaria, cultura minimè negligenda, crebroq; adhibenda. Maximè enim teneræ ac leues adhuc plantulæ hac indigent, ne supercrescentium herbarum rapina, illis humorem & alimentum deprædetur, cogatq; illas fame ac siti laborare. Sæpe enim sarrire, ac runcare conuenit: simul atq; herbæ nasci cœperint, eximendæ, vt eas manibus carparamus, vt hac molestia planta liberetur. Idq; leniter ac curiosè faciundum. Nam si herbam duram exemeris, aut absurdius euelleris, teneras breuesq; adhuc plantarum radículas facilè euelles. Quòd si hanc curam præter modum neglexeris, præter alia vitia, verminosa fient. Hac etiam cultura semina citò crescent. Æstate verò priusquam sol oriatur, aut ad vespèrum declinet, seminaria conspergi, potiusquam rigari debent, si pluuiæ non adiuerint. Semen cupressi, ab occalu leniter in trinis diebus, vt æqualiter bibant, donec erumpant, rigetur. Mirum dictu, quod Plinius prodit, vt periculum sit, si eo die, quo terræ hæc semina mandantur, quantuluncunq; imbrem irrorarit. De reliquo tuta sint perpetua securitate. Omnia autem sata citiùs procedent, si quotidie rigabis, & tepentis aquæ beneficio utaris. M. Cato furcas circum areas affigi iubet, hominis altitudine, vt eo per-ticæ intendi valeant, & crates ficariæ superimponi, vti subtus homo ambulare ad runcationem possit, quæ solem & frigus arceant. Columella

h h 2 autem

autem cùm Autumnus incesſerit, & antequàm frigus ſeminum cacumina adurat, omnia folia decerpi voluit: & ita ea craſſis arundinibus, quæ ab ima parte nodos habeant, veluti pileis indui, atq; ſic à frigore, & gelicidijs teneras adhuc virgas tueri. Prætereà ſemina ipſa fruticantia ſupputare, & ſalcem pati conſueſcere: dandaq; opera, vt dum teneros ramulos habent, veluti pampinentur, vt ad vnum ſtilum primo anno ſemina redigantur. Columella verò arborum omnis generis ramos circa Martias Calendas, in hortis terra ſubacta & ſtercorata ſuprà arearum puluinos diſponendos voluit. Hoc etenim vicem quandam ſeminarij præbere.

De propagatione.

C A P. XI.



SEMINIS & talearum ſationes ſequitur propago, quæ proxima cacuminum ſationi eſt, vt hoc modo ſatæ arbores, vt illæ etiam, transferantur. Vtilis quidem, vbi abſq; parente viuiradices fieri Natura negat. Tantus enim eſt nonnullarum arborum erga ſobolem ſuam amor, vt hanc, etſi adhuc iuuenem, ab ipſis ſeparatam alant minime. Propago autem & progenies F. Pompeio à propagando dicta, vt faciunt ruſtici cùm vitem vetulam ſupprimunt, & ex ea vna plura faciunt. Natura enim propagines docuit. Nempe rubi nimia gracilitate curuati, ſimulq; proceritate nimia, ruſſus capita in terram diſigunt, iterumq; naſcuntur ex ſeſe, omnia repleturi, ni prorſus reſiſtat Natura: vt poſſint videri homines, veluti Plinius ſcribit, terræ cauſa geniti: vt ita res peſſima, propaginem tamen docuerit, & aliam ferendarum arborum rationem: vt propterea bonum ex malo ſecutum. Eadem natura hederis & herbis quamplurimis eſt. Propagationum duo genera Plinius poſuit. Primum cùm ramus ab arbore in ſcrobem pedum quatuor quoquo deprimitur, vt poſt biennium amputetur flexus. Quod ſi longius ferre libeat, in quallis ſtatim, aut vaſis fictilibus depangere ramos, vt in ijs transferantur, aptiſſimum erit. Alterum verò genus luxuriouſius radices in ipſa arbore ſolicitando, traiectis per vaſa fictilia, vel quallos ramis, terraq; compactis, atq; hoc blandimento inter poma ipſa, & cacumina impetratis radicibus. Nam in ſummis cacuminibus, audaci ingenio, hoc modo petuntur arbores, vt longè à tellure aliæ fiant arbores. Propaginem locis duobus M. Cato fieri docuit. Cuius verba tranſcribere non pigebit. Et ſi à Plinio hæc ſatis ſuprà patefacta ſit. Verum illius tanta apud me autoritas eſt, vt nullum eius verbum quod ad arbores & præſentem materiam pertineat, prætereire velim. Tanti verò illius præcepta in agricultura facio, ac ſi pro Roſtris exſcripta forent, vt etiam edictorū perpetuorum formulam habeant. Sequitur propagationis lex: Propagatio pomorum, aliarumq; arborum. Ab arbore abſ terra pulli, qui naſcentur, eos in terram deprimito, extollitoq; primorem partem: vt radicem capiat, inde biennio poſt fodito, ſeritoq;, Ficum, oleam, malum punicam, cotoneum, aliaq; mala omnia, laurum, myrtum, nuces Præneſtinas, platanum. Hæc omnia à capite propagari, eximiq;, ſeriq; eodem modo oportet. Quæ diligentius propagari voles, in ollas aut quallos pertuſos propagari

pagari oportet, & cum his in scrobem deferri oportet. In arboribus ubi radices capiant, calicem aut quallum pertundito, per fundum ramum, quem radicem capere voles, traicito: eum quallum, aut calicem terra impleto, calcatoq; bene. In arborem relinquito. Vbi ita fuerit, & radices egerit, ramum sub quallo præcidito. Quallum incidito, ex vna parte prope imum. Si verò calix erit, concassato. Cum eo quallo aut calice in scrobem ponito. Hoc modo, quodcunq; genus volueris propagabis. Hæc ille. Salices optimè panguntur eo vsque dum ad solidum demittantur. Castaneæ propagines nulli quidem faciliores. Nudata enim radice, tota in sulco prosternitur, tunc ex cacumine super terram relicto nascitur, & alia à radice, sed translata nescit hospitari, pauetq; nouitatem. Biennio ferè postea profilit. Rara etiam rosaria possunt, ducta virgarum propagine, reparari.

Præfatio libri decimi.



INSTITVTO *seminario enutritis & adultis iam plantis ac seminibus, ut ea ætate & corpore valenti sint ut ad alias sedes & alios lares, & ad frugem atq; sobolem & perpetuum domicilium transferri possint: de illarum transmigratione ut differamus iam locus sese offert. In qua verò re diligens ac prudens sator, non minùs cauere debet, quàm bonus paterfamilias, in maritanda & transferenda filia, ne illius impensi laboris, ac sumptuum pæniteat, huius verò diligentia, quam in educanda filia & impensarum ac dotis. In quibus verò quedam non omnino absterilia. primum enim ambobus circa ætatem prospiciendum: ut virgini & planta, et ætas, et robur conuenientia sint, ut secundum ea proli magis apta sint, morum item tam terræ quàm vxorum, par conditio aut saltem parum aberrans, ut propterea nimium longè utraq; transmigrent ut mitior indulgentiorq; sit viri erga uxorem quàm parentum, terræ etiam erga plantam, quàm matris benignitas & vbertas maior. Hac enim ratione illis longior vita, proles vberior & fœlicior, latior vita utriq; quod enim vir uxori donare debet, videlicet amicales & benignos affectus, sic plantæ aër mitis, terræ vbertas. Multa insuper considerata tam parentibus quàm agricolis, quæ tam ille in transferenda filia, quàm hic in traducenda planta, quæ omnia ex ingenio illorum atq; prudentia, ac experientia esse debet.*



H O R T O R V M L I B E R D E C I M V S.



Quo tempore ferenda sunt arbores.

CAPVT. I.



DIONYSIVM primùm plantasse arbores, Eusebius de præparatione Euangelica autor est. Serendarum autem arborum tempus aliquod definitum, vix quispiam præscribere poterit. Neque enim rerum vbiq; series eadem est. Differunt etenim regiones ex aëris qualitate, puta caloris, frigorisq; aut cœli mansuetudine, atq; feritate. Locorum etiam situs, inuicem ac natura. Quæ omnia in plantandis arboribus non cunctantiùs obseruanda erunt, propter ipsam germinationem: quæ ex his aut seriùs, aut maturiùs semper contingere solet: vt paulò ante ipsam germinationem, & cùm adhuc silent arbores, seramus: vt hæc lex vbiq; terrarum, cunctarum plantarum communis sit: vt hæc non tantùm in taleis, sed & in stolonibus, virgis & integris arboribus sit: vt Columella nucem Græcam circa Calendas Februarias plantari voluerit, quoniam prima gemmascit. Vt hac ratione festinantiùs omnes præcoces, tardiùs verò serotinas seramus. Ex plantarum item natura, quædam citiùs, cætera seriùs transplantanda erunt. Quidam etiam dum agriculturæ præcepta tradunt, suis tantùm, quas incolunt, regionibus tradidisse videntur: quæ à multis cœli statu dissident. Quæ tamen ad ea loca, quæ eiusdem aut propè conditionis sunt, transferenda sunt. Confessa igitur de tempore ferendi æquè ratio est, Vere scilicet & Autumno. Idq; ex magna parte fieri, decreuere omnes. Quod ex prouinciarum caliditate vel frigiditate constitutum est. Vt primùm Autumno, alterum Vere perficiamus. Hæc enim tempora Vergilius expressit:

Georg. 2.

- *Cùm Vere rubenti*

Candida venit auis longis inuisa colubris:

Prima vel Autumni sub frigora, cùm rapidus Sol

Nondum hyemem contingit equis, iam præterit Aestas.

Sunt etenim quædam regiones adeo hyemis asperitate rigentes, vt ante vernum tempus cuiusq; plantæ sationem non commodè recipiant. Cum frigoribus enim non ferere, optimè præcipitur. Quod maximè in ficis est. Quare bene à Palladio statutum, persicum, prunum, poma omnia, locis calidis Octobri ac Nouembri, Frigidis verò Ianuario, Februario, Martio feri debere. Qui verò Autumni prætulere, ab Arcturi exortu fieri volunt:

volunt: quoniam statim radicem quandam capiant, & ad Ver parata veniant. Atq; non protinus germinatio, non aufert vires. Alij verò circa Calendas & Idus Octobres. Maricas, vltimos, vbiq; Autumno ferere, vtilius conueniet: quia semine carent. Communis quidem Italiae ratio tempora ad hunc modum, vt Plinius scribit, distribuit. Mora ab Idibus Februarijs in æquinoctium: Pyra in Autumnum, ita vt Brumam quindecim diebus ne antecédant. Malis æstiuus & cotoneis, item sorbis, prunisq; post mediam hyemem in Idus Februarias. Siliquæ Græcæ, atq; castaneæ, à Calendis Martijs ad Idus eiusdem. Salices, genistas circa Calendas Martias. Quæ autem non nisi calidioribus regionibus proueniunt, & Autumno vtiliter feri manifestū, quoniam hyemis iniurias non pertimescant. Sed etiam alio tempore, vt de quibusdam infra docebitur. Quædam etiam hyeme feruntur, verū etiam id non eodem tempore. Iuglandem enim feremus extremo Ianuario, vel Februario. Quidam verò ab æquinoctiali occasu, ferendi arbores ius dant, verū diuersis temporibus. Aliud tempus atq; hora ferendi, circa Canis ortus, paucioribus nota. Verū quoniam non omnibus locis pariter intelligitur, idcirco à Plinio prætermissa. Vernam autem sationem multi prætulere, quòd cælum placidum atq; roscidum tunc sit, & solum humidum, & sol tepesciens plantas, germen elicit. Ita vt ex his omnibus germinatio & educatio prosperius sequatur, & radicatio vtilius fiat. Tempus hoc fecundissimum plantas ad naturalem impetum cōcitāt, & humi turgor ad parturiendum impellit. Contrà hyems post sationem solito locis etiam calidissimis frigidius secuta, plerunq; arboribus officit. Oleis corticem detrahit: ficis succum incrassat, atq; coagit, & cæteris magna ex parte causam offensæ nonnullam infert: vt ea tantum hyeme ferenda sunt, quæ frigora sustinere possunt. Habent & regiones quædam speciales sationes. In Cyrenaica enim regione sub Etesiarū flatu conferunt, necnon & in Græcia oleam, maximè in Laconica. Cæteri apud Græcos arborem non ferunt. In Ægypto verò omni mense plantant. In India autem, atque Æthiopia, quando imbres æstiuus non sunt. In Assyria circa Canis ortum palmas transferunt. Multum prætereà refert loci situs, atq; natura: vt maturius in Apricis, vbi cœli status neq; prægelidus, neque nimium pluuius est, quàm in arduis septentrionemve spectantibus feramus. Celerius enim illic quàm hîc coguntur, vt hîc Vere, illic Autumno ferendum sit. In locis verò macris, & argillofis, Autumno, aquosis autem Vere. Nam his locis, hyemis nimia humiditate, vel Veris siccitate planta aut omnino perit, aut elanguescit, vt cum loci contraria illi natura diutius luctetur. Prætereà Columella olearum plantas in oliueto optimè siccis, vlginosis agris minimè per Autumnum, lætis & humidis verno tempore, disponi præcipit, vt pro agri etiam differentia ficos diuersis temporibus ferendas voluerit. In ferenda tamen olea, nostræ ætatis agricolæ ferè vernum tempus circa Calendas Maias seruant. Et si M. Cato eas sicco, per sementem, lato per ver, ferendas bis scripsit. M. tamen Varro nulla loci habita ratione, inter vernum æquinoctium, & Vergiliarum exortum ferit. Castaneas Columellâ, à Nouembri mense, per totam hyemem terra

sicca

ficca ferit. In campestribus verò populos & fraxinos disponi celerius conuenit: hoc est, ab Idibus Februarij: quia festinantiùs germinant. Quædam & suas notas habent, sicuti ficus. Tunc enim maximè ferendæ erunt cùm folia pauca in cacumine acetabuli modo germinabunt. Harundines enim prius ferendæ, quàm oculi intumescant. Quod multis locis est, ante Calendas Martias. Quibusdam verò vbique statutum anni tempus nonnulli constituerunt. Vt post præceptiones generales; quædam annotare idoneum duxerim: Cerasos Mago (vt Plinius refert) ab occasu Arcturi ad Brumam ferit. Sed cum Africæ præcepisse intelligendum est: quum apud nos etiam Vere ferantur. Pyra oblonga & rotunda ab occasu Vergiliarum ad Brumam, ex Magone Plinius ferit. Reliqua media hyeme, ab occasu Sagittæ, Subsolanum & Septentrionem spectantia, quia non omnia simul floreat. Laurus ab occasu Aquilæ, ad occasum Sagittæ transplantari debet. Malus punica Vere, vsq; in Calendas Apriles feritur. Mororum enim ab Idibus Februarij vsq; ad æquinoctium vernum, satio est. Ante Calendas Martias vel etiam inter Nonas, & Idus Martias, iuglandem pinicam, ferere oportet. Palladius mense Septembri, circa Calendas Octobres, vel Februario tuberos, sobole vel nucleis ferit. Vltimos omnes præter maritas (de quibus supra) Varro quindecim diebus, ante & post Brumam feri rectè dicit, & inter Fauonium & æquinoctium vernum salicta. Colutea feritur cùm Arcturus occidit. Vltima ferendi ratio, lunaris erit. Quæ ubicunq; & quandocunq; seueris, vna eademq; erit. Quotiens enim ferimus, id luna crescente, aut paucis plenilunium peragendū. Nihil autem omnino illa decrecente, sed semper augescente, plantandum est. Increcentis enim lunæ spatia, esse plantationis velut decretoria quædam, existimant: quoniam humoris exuperantia, semen madescens, celerius incrementa vendicat. Nam luminis copia, magis corpora humectat. Consimiliter ad defectum tendente, humectatione detrimentū fit. Alij à quarto ipsius die vsque ad octauum decimum, ferere commodum esse arbitrantur. Cæteri soli tribus diebus à natiuitate ipsius plantare permittunt. Plures à decima vsq; ad vigesimam ferere summopere deuitant: ne illius lumen cum plantis defodiatur. Exacta igitur prædictarum obseruationum doctrina erit, vt luna super terram existente satio fiat. Quia, vt inquit Macrobius, ad incrementa stirpium, necessarium est humoris alimentum. Aër enim ipse proprietatem humoris & prodit, & patitur. Nam cùm luna plena est, vel nascitur, tunc à parte, qua sursum suspicit, plena est: tunc enim aër aut in pluuiam soluitur, aut, si sudus sit, multum de se roris emitit. Vnde Alman poëta lyricus, rorem lunæ & aëris filium dicit. Locis verò humidis interlunio ferendum; aut circa interlunium quattuor. Tunc enim tantum humoris luna non irrorat, quanto planta ex loci humiditate indiget, vt ex nimia intereat.

*In hortis ponendis, ac ferendis arboribus, considerandus
cæli terræq; status.*

CAP. II.

IN



N plantandis, siue in hortis, siue alibi arboribus, magnopere attendenda aëris qualitas, soliꝑ; natura erit, maximè verò, quæ vel sua sponte, nullo colente, vel quæ ex loci vicini simili ingenio, nostra industria, producere valeat, scrutari. Et vt bellè M. Manilius scribit,

- *Qui sit consensus in aruis.*

Incredibile enim dictu, quàm variæ sint in ipso solo naturæ. Alia autem proueniunt lætius alibi. Alia etiam diligenter & accuratè culta, citò consenescent. Neglecta item alibi profiliunt. Hæc autem studiosè perscrutari debemus. Et ad hæc præsertim nostra dirigenda solertia, vt ab his etiam prosperæ sationis argumenta sumamus: quò audaciùs plerunq; etiam externas vtiliter transferamus. Quod ingenuè fecerunt, qui primùm arbores transportarunt. Itaque tentandum est quid cælum, quidve terra, quicquid vna quæque regio possit, & velit. Nam quædam nouis sedibus gaudent, alienaꝑ; domicilia amant, quæ & sensim degustant, illorumq; nouos mores vestiunt. Verùm ne id nimis pertinaciter. Ne si in nostris agris, conserta manu, vincere nobis minimè datum fuerit, id saltem præstabimus, ne dum victores è pugna discedimus, victi tamen ignauiter abeamus. Præsertim verò cæli mores indagandi. Nempe hoc, nulla arte, nulla ope, nullaꝑ; hominum manu ingenioꝑ; corrigi asseuerant experientes. Nam sol hominum leges inuitè non accipit, vt inuito eo, sicuti inuita Minerua, aliquid faciendum sit. Nisi fortè etiam decidere, aut cum dijs pugnare, malimus, atq; operam & oleum perdere: deniq; simus ad agnatos & gentiles deducendi. Quod pulchrè M. Varro idem de eo arbitratur, qui agrum minimè saluberrimum colit. Nec enim agricultorum labor cum reditu contendere debet. & meritò quiuis ipsis cultoribus ignoscet, quos piget sine fructu laborare. Ager autem, qui nunquam respondet impendijs, ex necessitate deferitur, etiam inopia colentium, quibus in ære alieno vacillare licet. Nam, vt eleganter etiam Titus Liuius memoriæ reliquit, Sicut in frugibus, pecudibusq;, non tantùm semina ad ferendum in dotem valent, quantũ proprietates terræ, cæliq;, sub quo aluntur, inuitat. Generosius enim in sua sede quicquid gignitur. In situ autem alienæ terræ, natura vertente in id quod alitur, se degenerat. Fructus etenim, vt doctissimè scribit Hippocrates, pro cæli terræq; benignitate oriri videntur. Quod videre est in Ægypto, vbi omnia perfectæ & nascuntur & perficiuntur. Mite igitur solum mitia poma feret. Vt ille etiam præcipiat, ad medicæ materiæ vim valentiorẽ, singulorum locorum naturam cognoscendam. Quædam enim suamet sponte quibusdam locis nascuntur, quæ alibi nullo hominum ingenio, nullaꝑ; opera, prouenire volunt. Multa etiam videre est, quæ si terram apprehenderint, nullatenus tamen ex loci habitu ferunt, vel perraro. Oliuam terra India non gignit, iniquente Æliano, cum aliarum ingentium arborum feracissima sit. Asiam autem nec superiorem, nec septentrionalem abietem gignere quosdam autores Græcos scripsisse Strabo autor. Non enim, vt est in communi prouerbio, fert omnia tellus.

De feracitate quarundam regionum erga arbores.

CAP. III.



REGIONVM autem feracitatem ingentes arbores in ipsis spontè natæ ostendunt, vt ex his cum cæteris eiusdem generis in producendo differentia, euidentis sit. De nonnullis ipse, ex scriptorum aliquot monumentis referam. Sunt etenim quædam tanta cœli soliꝑ; clementia, & vbertate præditæ, vt arborum magnitudine, multis etiam generibus, cæteras prouincias, quodam naturæ miraculo, longè excellant. Inter quas principatum fortitur India: in qua (vt hîc de eius ficu fileam) tantæ proceritatis arbores nascuntur, vt sagittis eas superare nequeant. Quod testatur Verg.

Georg. 2.

*Aut quos Oceano propior gerit India lucos,
Extremi sinus orbis? vbi æra vincere summum
Arboris haud vllò iactu potuere sagittæ,
Et gens illa quidem sumptis non tarda pharetris.*

Apud Sabifas autem eius populos (referente in Alexandro Diodoro) varij generis arbores ad septuaginta cubitorū altitudinem assurgunt. Crassitudinis verò tantæ, vt vix eas amplecti quatuor homines valeant, vt vmbra etiam ad trecentos pedes effundant. Et in ea Strabo arbores nasci, sub qua homines quinquaginta meridioni possint: & trans Hyarotidem, arborem visam, quæ in meridiem quinq; stadiorum vmbra faceret. Eodem autore, in ea arundines sunt, quarum adultæ, longitudine tricenū passuum, humiles autem quinquagenū: tanta verò crassitudine, vt illarum latitudo communiter sit trium cubitorum. In quibusdam verò hæc duplicatur. In eadem etiam (autore Philostrato) nuces tam grandes proueniunt, vt apud nos miraculi causâ suspensas cernamus. Circa Memphim arbores, multorum testimonio, tam ingentes reperiuntur, vt tres hominum vlnæ, caudicem complecti nequeant. Apud Fortunatas insulas (autore Plinio) arborum amplitudo ad centum quadraginta pedes adolefcit. Cedri in Syriæ montibus admirabili præstantia tum latitudine, tum longitudine proueniunt. Adeo enim illic crassescunt, vt reperiuntur, quas hominum vlnæ quatuor amplecti nequeant. Addunt etiam in hortis & ampliores, & pulchriores reperiri. Exaltata etiam toties sacris literis est, quæ in Libano eius regionis monte nascitur. Magno etiã discrimine cæteras arbores, eodem etiam genere excedunt, quæ in insula Corsica (scribente Theophrasto) nascuntur. Quæ & tota ipsa arboribus confertissima aliquando fuit, vt propterea illarum turba atq; immanitate, quasi horrida & effera conspiceretur. Ærijs Siciliæ montibus Diodorus quercum crassiozem nasci scribit, quàm alibi. Nónne etiam, autore

Lucanum lib. 3.

Æthera tangentes sylvas liquere Coastræ.

Hæc autem vbertas foli, temperies cœli, aquarum abundantia faciunt, vt succi, carnis, fructuum bonitas, aëris lociꝑ; rationem sequatur necesse est. Vt ex his ostendisse liceat, quantum arbores, eodem etiam genere, magnitudine,

gnitudine, fructuum vbertate, inter se ex regionum diuersitate differant: vt inde manifestissimum sit, aërem ab aëre, locum à loco, interuallo longo discrepare. Vt si in omnibus, quæ terra parturit, ex locorum varietate, quoddam dissimile, inter vnum quodque genus inueniatur, & gignatur. maximè verò in arboribus est, vt sæpe etiam genera varient.

Sub quo aëre, vnaquaq; arbor feliciter proueniat, & uiuat.

CAP. IIIL.



NUNC videndum sub cuius aëris statu, aliud arborum genus latius proueniat. Nempe aliæ magis calidum desyderant. Nonnullæ frigidum. Multæ quadam ingenuitate & Naturæ beneficio, sub vtroq; proueniunt. Cæteræ tepidum. Et huius ordinis plures, vt paucae sint ex his, quæ vel frigidum, vel calidum adamant, quæ non tepidum propter cœli clementiam non recipiant. Est etiam in locis certis vis quædam latens, vt nonnulla contra suam naturam progenerent. Lauro frigus inimicum Natura fecit: in Olympo tamen copiosior, vt nusquam magis. Quæ verò frigidum aut calidum patiuntur, id neq; nimis, vt cœli quædam conuenientia cum arboris natura esse oporteat. Nam nimio vel æstu, vel frigore, non solum foetus arborum, sed matres quoq; intereunt. Nimiùs enim calor perurit, vt fieri coctio minimè possit. Vt hac causa in Ægypto quibusdam tractibus, ficus bonæ frugis non sit. Contrà, frigiditas vehemens, partim tollit humorem, partim ad conuenientem cocturam conducere nequit. Vt propterea sint regiones, quæ frigoris, caliditatisq; vredine, omnino absq; arborum umbra, argentes & frigescentes sunt. Quod Ouidius de Ponto, apud quam exulauit, ob frigiditatem testatus est:

Non ager hic pomum, non dulces educat vnas,

Non salices ripa, robora monte vident.

De ponto lib. 1.

Scribit etiam M. Varro cum in Gallia transalpina exercitum duceret, infra Rhenum aliquot regiones accessisse, vbi nec vitis, nec olea, nec poma nascerentur. Nam differentias Solis vel ascendentis vel occidentis, aut etiam medium cœlum tenentis, & quaqua ratione se habentis, scire nimium condecet, vt loca plantis aptè distribuuntur. Frigida autem loca amat iuglans, cydonia, ferunt tantum mediocris inter naturam frigoris & caloris situs: sorbum autem sterilescere perhibent, si ad loca feruida perueniat. Betula etiam frigidissimis delectatur, & omnes ferè classis syluestris. Hyemes autem quasq; auellana perpeti potest. Cupressus etiam frigora pati potest, etiam si præter rei experientiam Statij testimonio fides adhibenda sit: — *Brumaq; illa cupressus.*

Nam Idæ, Cretæ montis summitas, vbi peramplè proueniunt, niue nunquam caret. In feruidis etiam nascitur, vt in Lydia, & Rhodo. Abies gaudet frigidis, cerasus, pinus. Calidissimum autem desyderant siliqua, zizipha, pistacia, morus, palma, citrus, punica, ferula, amygdala. Laurus autem & myrtus in frigidis minimè durant, verum multo minùs hæc. Argumentumq; desumunt, quòd in Olympo laurus multa, myrtus verò nulla.

ii 2 Sed

Sed in lauro loci quadam vi occulta, vt suprà diximus, esse arbitrantur. Ficeta autem non posse fieri in locis frigidis, Varro scribit, quòd fici materia densa non sit. Oleam autem neq; in perferuidis neq; in frigidissimis prouenire Fabianus apud Plinium negat, neque aliud genus, ex decem, quæ Columella enumerat. Persicus locis quibuscunq; prouenit, verùm pomorum frondiumq; durabilitate præcipua, si cælum calidum nacta sit. Frigidis enim atq; maximè ventosis, nisi aliquo obiectu defendantur, interit. Mespilus locis calidis maximè gaudet: sed & frigidis quoq; prouenit. Castanea cœli statum perfrigidum amat: tepidum tamen non recusat, si humor accefferit. Cedrus in æstuosis partibus nascitur: in Lydijs tamen frigidis montibus nutriuntur. Pruna in tepido melius adolefcunt: possunt tamen & frigidum sustinere. Buxus in algentibus nasci potest, sed procerius atq; lætius in frigidissimis: vt huius naturæ est Cytherus Paphlagoniæ regionis Asiæ mons, de quo Vergilius:

Georg. 2.

Et iuuat vndantem buxo spectare Cytorum.

Catullo Buxifius. Berecynthus mons Phrygiæ buxo etiam abundat. vnde Vergilius Æneid. nono,

- Buxusq; vocat Berecynthia Matris Idæe.

Pulcherrima in Cyrena, proceritate, crassitudine longè præstantior. Apud Gallos mons Iura his scatet, atq; ibi præstantiores quam alibi mons frigidissimus, Græcis autem locus vbi fœliciter pullulant, proueniuntq; arbores, γένος dicitur, & εὐφορος ferax dicitur.

In ferendis arboribus, constituendisq; hortis, conspiciendum fore, quid vna quaq; regio ferre consueuerit.

C A P. V.



SEQUITUR illud, vt qualis regio sit, & qua parte, vel maximè bona, aut non bona. Plurimum etenim refert, quæ res in ea feri nasciq; possunt. Sunt autem regiones in ferendo multum inter se differentes. Quippe aliæ ad fruges idoneæ: quædam tantum ad vitem: ceteræ ad arbores. Et harum quædam præcocibus, reliquæ ferotinis, tantum feraces. Sed & pauca, quæ ad hæc omnia, summo telluris ærisq; beneficio celebres repariantur, sicut testatus est Vergilius:

Georg. 1.

- Patrios cultusq; habitusq; locorum:

Et quid quæq; ferat regio, & quid quæq; recuset.

Hic segetes, illic veniunt fœlicius vna:

Arborei fœtus alibi.

Nulla autem tam ferax regio inuenitur, quæ & fruges, ac vites, & vnum quodq; arborum genus producat. Arbores autem multæ sunt, quæ vnius prouinciæ, aut non multarum accolæ esse maluerint, quod suprà demonstratum est:

Georg. 2.

Aspice (inquit Vergilius) & extremis domitum cultoribus orbem,

Eoasq; domos Arabum, pictosq; Celonos:

Diuisa arboribus patria, sola India nigrum

Fert

Fere hebenum. - Cadusiorum in Media prouinciam asperam & difficilem esse Plutarchus in Artaxerxe scribit, & frugum infœcundam, pyrorum tamen & malorum; cæterorumq; fructuum arboreorum fœlicissimam. Assyria (autore Herodoto) in ferendis ficu & olea nequaquam de principatu contendit. Cereris vsque adeò ferax, vt ducenta reddat: trecenta etiam, vbi bonitate se vincit. Prouinciæ etiam plures sunt, quæ etsi arborum multorum generum fœcundissimæ sint, aliquas tamen reiiciunt, & aspernantur, vt nulla opera ibi, inuidente cœlo, prouenire velint. Asia autem multas arbores longè lateq; habet: vt potè quæ vna & maior ex tribus orbis partibus sit, hederam tamen nescit, nec illius pars India, tot præclarissimarum plantarum mater & altrix, præterquam in monte Mero. Hac autem caret Babylonis regio admodum omnium fermè rerum vberima, & vbi fereretur & haberetur, periculum primus fecit Harpalus. Mandarat enim Cyrus Rex, vt hortorum regias deambulationes Græcis arbusculis exornaret. Verùm inter has hederam non adoptauit, vt pluries atq; diligentius plantata continuò emarcuerit. Ægyptus verò arborum apprimè fœlix, vt præter communes, peculiare quasdam habeat: cerasus tamen in ea nulla cura eualuit, vt prouenire posset. Iuxta Nilum rara platanus est, atq; etiam populus rarior, & fraxinus: etsi hæ arborum fluminum amantissimæ sint. Lindus Rhodi pars vuarum & ficuum, vt scribit in Iconibus Philostratus, solùm fertilis, & autore apud Athenæum Hermippo, grata & pyrus Euboicis, & Ehippus Phœnicum nuces & mala punica laudat. Syria Ægypti contermina eiusdem feracitatis, imò fœcundioris est, abietem tamen in parte superiore, quinque dierum à mari, vt ait Theophrastus, itinere, agnoscere nequit. Apud Damascum eiusdem prouinciæ urbem, mons adeò terebinthorum amantissimus, & refertissimus, vt omnem aliam arborem alere penitus recuset. Non habet vires cinnami frutex proueniendi in Syriæ vicinis locis. In Ida Troadis raram vlmũ Theophrastus esse dicit, etsi alijs arborum generibus fertilissima sit. Seleucus Rex cinnamum, nardum, amomum, in Assyriam transferre tentauit. Imò ipsas, quòd maximè mirum est, plerunq; enixissimè exorauit, vt transmigrarent, & viuerent: quod à solo etiam impetrare voluit: sed id obtinere potuit minime. Apud Panticarpeum Ponti urbem circa Bosphorum Cimmerium, myrtus nulla, laurus nulla, tametsi Mithridates & incolæ omni modo sacrorum certè & religionis causa habere laborauerint. Quod non contigit. Fici tamen ibi multæ, punicæq; magnæ, adeò amplæ, vt propter fructuum opacitatem etiam gratæ sint. Quin & pyrorum & malorum omne genus, & ibi inter syluestres robur. In eo tamen genere, neq; pinastrum, neq; piceam, neq; abietem progenerat, atq; omnino quæ resinam fundunt. Cataonia planities iuxta Amanum montem omnia præter ea, quæ semper virent, gignit. Tractus quidam sub Caspijs portis, in humili & concauo solo opulentus, vt omnia, præter oleam, ferat. Quæ si ibi industria, & labore nasci contigerit, acida tamen, & sicca est. Sed quid tam longinquas regiones commemorari attinet? Iuxta Romanam ipsam cerasi, castaneæq; agrè proueniunt. In Tusculano persicus, &

amygdala, cum tædio inferuntur. Scatet tamen Terracina earum syluis. Suber tota Italia ac Hispania nascitur, Gallia omninò caret. Betula Theophrasti tempestate Pyrenicæ familiaris, Italiæ omni ignota. Platanū enim in Adria esse, præterquàm circa Diomedis delubrum. In Italia raram fuisse Theophrastus autor. In Sicilia plurima nec in hac Gallia quoq; , Plinio asserente, omnino nascitur ilex. Apud Allobroges nux castanea permulta atq; generosa. Ager Parisiensis, & alia vicina loca, non nisi paruas, ac degeneres alit. Ab his enim regionum moribus, quisq; quæ plantaturus est, perferutari debebit. Hoc enim Natura comparatum est, vt vna quæque regio non omnia ferat, neq; arbores omnes, sicut nec animalia quæque. Piscium enim genera, prouincijs & litoribus discreta. Auium quoq; genera quædam, certis locis, sicut arbores, sterilia, vt fructuum iacturam ante maturitatem faciant. Scribit enim M. Varro ciconias & hirundines, omnibus locis parere, præterquam in Italia. Nam in Rhodo persicus tantum floret. In Indiæ montibus olea sterilis est, eiusdem naturæ cum oleastro, genere tantum differt. Adfunt & propria, inquit Theophrastus, locorum vitia, vt apud Miletum atque Tarentum oleis euenit. Quippe apud Miletum cum florent, si aer austrinus serenusq; fit, erucæ varium genus creatur: quarum aliæ frondem erodunt, aliæ florem. Iuuat contra hoc, si æstus consecutus sit, tunc omnes disrumpuntur, atq; intereunt. Apud Tarentum, cum florent, aliàs desiderio flatus, æruginè instantur, aliàs habitu quodam ex mari caliginoso, crassoq; , floribus resistente, odorem florum amittunt, vt ibi arbores, cum maximæ pulcherri-
mæq; sint, fructum tamen perpaucum ferunt. Idem autor, oliuam non nisi vltra sexagenarium à mari milliarium posse viuere scribit: quod si cōtingat, minimè feracem. Hoc quidem propter flatum ab eo provenientem illi noxium. At in Arabia, in maritimis nascitur, æstuq; operitur, vt & baccis minimè noceat: vt & in folijs salem relinqui constet: quin imo & in ipso mari etiam fertilis. In Cilicia verò circa Solos, iuxta Pinarum amnem, vbi contra Dariū dimicatum est, punicæ sine nucleo sunt, in-
quiente Theophrasto, Vt illud vltimum censendum omnino sit loca, sua vitia habere, alia ex solo, alia ex aëre, plerunq; ex vtroq;.

*Palmam multarum regionum esse accolam, sed non vbiq;
fructiferam.*

CAP. VI.



S V P R A ostensum, qualiter regiones nonnullæ erga aliquot arborum genera, ex plurimorum monumentis, ex soli, cœliq; vi occulta, vt propterea ratio minimè reddi possit quare differentes ac dissidentes sint. Quod si circa genera plura, atq; in pluribus locis inuentum sit, præsertim hoc in sola palma reperire erit: quæ tamen plurimarum prouinciarum hospes sit, non tamen vbiq; , propter eius infœcunditatem grata, sæpe suos hospites, flore, fructificatione, fallens: neq; omnibus regionibus multum permanens, & paucis regionibus fertilis. Nam ferè alijs regionibus, præterquàm in Syria, & Babylone, sterilis, in qua Diodorus caryotas magnit

magnitudine ferè sex digitorum ferre scribit. Illa autem fœcunditate præcipua, ac copia, & nobilitate inclyta, non tamen tota, sed Hierichuns tantum (scribente Secundo) in Rechelaide, Phafalide, & Liuide eiusdem conuallibus prosperè enutrita. Hæc etiam vrbs, in sacris literis dicitur vrbs palmarum: quod annotauit vtiq; Theodoretus in suis quæstionibus. Theophrastus verò vallem esse dicit, quæ per Arabiam, ad mare rubrum progrediatur, atq; in parte concauiori has gigni, condiq; & referuari. Diodorus autem largius Iudæam omnibus locis palmetis fertilem describens, quæ fluminibus & aquis irrigentur. Solinus verò Eugadam oppidum Esseniorum in ea fuisse, quod nunc excisum est: iuxta quod duret palmarum decus, lucis eminentissimis. Idumæa Syriæ regio, ab Idume ciuitate dicta, palmis abundantissima. Vergilius:

Primus Idumæus referam tibi Mantua palmæ. . . . Lucanus:

- *Et arbuſto palmarum diues Idume.* . . . Statius:

Non sibi fœlices syluas ponentis Idumes. . . . Silius:

Palmiferamq; senex bello domitabit Idumen.

Georg. 3.

Lucanus lib. 3.

Lib. 3.

Persiam vsque ad Mefenem, & mare magnum, palmis abundare: autor Ammianus, vt ibi instar ingentium nemorum visantur, vt viator vnde-
qua; incesſerit, palmas videat, ex quibus vinum & mel conficiant. In Europa, in Græcia scilicet, ac Italia vulgò nascitur, sed fructum non maturat, & apud nonnullos ne quidem vllum ostentat. Ferunt & in maritimis Hispaniæ, verum immitem. Dulcem autem Africa, verum non durantem statimq; euanescentem & putrescentem. Diodorus squallidū ac paruum describit, cuiusmodi in Ægypto & Phœnice, quamuis Syriæ propinquæ, sint, Theophrasto autore. In illa verò, si ferat, minimè esculentum. In locis tamen Deltæ & Alexandria proximis, atque Thebaica optima est. Quo aiente, in Cypro genus quoddam peculiare, dulcedine suauitateq; apprimè commendabilis, & si non matureſcat. In Arabia verò languidæ dulcesq; traduntur, quanquam Iuba Rex, vt refert Plinius, apud Scenicas Arabas palmam, quam vocant dabulam, sapore ceteris omnibus præfert. Nulla præterea in Italia, quæ spontè genita sit, nec in alia terrarum parte, nisi calida,

- *Palmis quoq;* vt ait Silius, *Selinis.* . . . Vergilius etiam:

- *Palmosa Selinis.* . . . Vrbs iuxta Lilybæum. Nescio an hæc sterilis quoque sit. Canaria, prodentibus multis, alia ex fortunatis insulis, palmetis fertilis caryotas ferentibus. Mirum autem, quod Palladius refert, eum locum vbi palmæ spontè nascuntur, nullis propè fructibus vtilem. Magna quippe regionum in ferendis arboribus differentia, veluti in vna arbore demonstrauiſmus. Quod & in cæteris nonnullis esse poterit: quoniam solum, & aer non vbiq; eadem. Fragrantiora, quæ in Ægypto, Syria, Arabia sunt, multisq; dotibus alijs differentia.

Arbores translatione vel letari, vel degenerare, & de nonnullis regionibus, in quibus plantarum quadam genera prosperius & generosius viuunt.

CAP. VII.

PLVR



LVRIMIS iam rationibus ex autorum scriptis desumptis, demonstrare nixi sumus, quibus in locis quasve arbores aut transferre, aut ferere debeamus, vt votis nostris impensa simul & labor respondeant. Quædam autem locorum nouitate, & adoptione quadam, & vt vno absolutam, transmutatione mirum in modum afficiuntur, vt degeneres nobilitentur, & syluestribus vrbane fiant. Quod ex cæli terræq; natura euenire necesse est. In Ægyptum enim punica translata ex acidis dulcia fiunt. De persico in Ægyptum transportata iam dictum. Sæpe etenim fit, vt ex regionum habitu, suæ naturæ statum permulent, vt diuersos ab origine, tum sapore, tum colore, ac magnitudine fructus producant: contra in nonnullis fit, vt deteriora fiant. Sed & hoc in animalibus quoque videre est. Quod & Aristoteles, & post eum Galenus, memoriæ mandarunt. Nam & hominibus suarum originum & sedium transmigratio mores immutat: vt aut ex agrestibus, & non probatis moribus, ciuiliores & ingenui, aut econtrâ fiant. Quod in feris, & alijs animalibus est, vt alibi ferociora, alijs mitiora sint. In mansuetis verò vnum tantum exemplum, ex illorum autoritate accipiam: & illud ex pecoribus, quæ ad alias terras deducta, colore mutari conspiciuntur: tum in alijs quibusdam, quæ differentijs nostrum sensum minimè fugiunt. Quod alimenti ratione fit, vt aliud aliud vincat oporteat; vt minori quandoq; quàm duorum stadiorum interuallo fieri manifestissimum est. Suprà verò quasdam regiones enumerauimus, quæ non bene neque amicabiliter cum aliquot plantis conueniunt. Bene etiam erit, vt hoc loco quarundam prouinciarum, & nonnullarum arborum inuicem amicitias meminerimus, vt nullibi, quàm in his, auctius, copiosius, vberius, liberiùsve proueniant. Et ab ipsa olea incipiemus, tanquàm ab ea, cuius prouentus vsui humano magis necessarius sit. Multis enim locis, per tres orbis partes nascitur: verum prosperrius in Italia, atq; in agro Venafrano, eiusq; parte, quæ Licinianum fundit oleum. M. tamen Varro connumeratis aliquot Italiæ locis, vbi quædam ad victum humanum cæteris præstantiora nascuntur, ad oleum agrum Cassinatem prætulit. Venafrum Campaniæ vrbs, cuius agri oliua in pretio est, autoribus & Horatio, & Martiale. Ille in Odis:

Lib. 2. Carm.

- Viridiq; certat Bacca Venafræ. Hic:

Hæc tibi Campani sudauit bacca Venafræ.

Reliquum certamen inter Istriæ & Batiæ terram par est. Turditanum tamen oleum, bonitate præcipuum, quidam dixerunt. Etesiphon, olea nobilis, & *Niridaq; ferax.* Et, vt scribit Ouidius, Peparethos oliuæ. Samos etiam oliuetis sæcunda. Cupressus arbor rara, plurimis locis familiaris, verum nonnullis procerior, sæcundiorq; maxime in Ida Cretæ monte. In quocunq; enim loco ibi seueris, protinus emergit: alibi autem non nisi tempore erumpit, vt nutricem magnoperè fastidiat, ibiq; præter eius arboris naturam, cæsa repullulat, maximum eius loci erga hanc arborem amicitia argumentum. De qua Vergilius, - *Nec Idæus cyparissus.* Amat etiam Orontes fluuius cupressum, teste Iuuenalè. Cupressis Ida abundat,

Georg. 2.

abundat, & Orontes. Claudianus enim his & Simoim addidit:

*Tollebant gemina capita inuiolata cupressus
Cesspite vicino, quales non rupibus Idæ
Miratur Simois, quales non diuite ripa
Lambit Apollinei nemoris nutritor Orontes.*

*De raptu Prof.
lib. 3.*

Quare, vt arbitror, Theophrastus Creticam æternam vocat. Ammoniam, Chiam, & Cyrenaicam, in Symposiasticis laudat Plutarchus. Halcyone mons cupressis maximè confitus. Milesiæ etiam cupressus à multis commemorantur. Ida Troadis pino abundat. Virgilius:

*Idæasq; pices. - Et alibi:
Hic magnum Argoe naui decus edita pinus
Proceras decorat syluas hirsuta per artus
Appetit ærifs contingere montibus astra.*

*Georg. 3.
In Culice.*

Naxiæ amygdalæ olim in pretio habitæ in Naxo insula nascentes, vt inquit Athenæus, eas molles fuisse constat, vt ex Phrynici apud eundem testimonio est vt molaribus dentibus faciliè rumpantur. In Cypro insula nascuntur etiam eximiæ, reliquis longiores, extremitatem, vt ille ait, habentes reflexam. Ita Cretæ Lauri Alexandrinæ, ficorum quoq; amantissima. Latinus in Italia ager, abietes & pinos, vt in eo tum magnitudine, tum pulchritudine, alijs Italicis præstantiores sint. Horatius q; ærceta Gargani pluri facit: & sacra scriptura quercus Basan. Glandifera & Arcadia. Terebintho fertilis Arabia (autore Diodoro Siculo) & Oricos Epiri ciuitas, vt voluit Seruius. Quare Vergilius: *Oricia terebintho lucet ebur.*

Sunt & fluuiorum quorūdam erga quasdam arbores amicitia. Alphæus oleastrum, Padus populum, Acheruns verò Nigram, Eurotas laurū amat. Hæ sunt regionum autorum testimonio, circa prædictas plantas amores. Omnium autem locorum & plagarum circa omnes arbores famulitium patefacere, res quidem perdifficilis, idq; nimirum, extra etiam difficultatem, studiosè conari, magis curiosum quàm necessarium. Præsertim verò cum id in agris suis, paruo etiam impedimento dignoscere quisq; poterit, & eiusce rei periculum facere, rem ingenuam percunctando.

Terrarum genera, & quod horum hortis magis condecens.

CAP. VIII.



E terræ generibus ante, quàm ad sationes deueniamus, dicendum. Nam & plurimum terrarum genera cognoscere, conuenit, & aliud ab alio separare. Cum plurimum intersit, quam arborem in quo terrarum genere seueris. Neq; enim arbores omnes, omnem terram maximè amplectuntur: quam si propriam adipiscantur, multò longiùs radices agunt, atque feruentiùs impellent, altiusq; hærebunt, deniq; dominio fructum vberiore congratulabuntur. Etenim arbor semper eò sæcundior, quò terra propior. Inter enim tot terrarum varia genera, est aliud, quod quæq; arbor feligat, & magis amet: vt hæc alio potius, quàm altero, delectetur. Neq; enim eodē omnes gaudent. Est tamen aliquod, quo plures gestiant.

kk Differ

Differentias sanè multas, secundum propriam rationem terræ habent, vt argillosa, cretosa, arenacea, sabulosa, tophacea, cinericea. Differunt etiam colore, natura, sapore. Argillosam rastrì vomeres ostendunt: huius enim glebis onerantur. Pinguedinis, autore Galeno, experts, friabilis. Candidam argillam, Græci leucargillion. Cretæ autem genus alterum, argentaria est, Tertium glischromargos. Intermista est terræ minutæ, arenosæ. Argentaria vero, ex alto petitur, in centenos pedes, plerunq; actis puteis, ore intus angustatis, vt metallis, spatiente vena. Tophacea, alba inter fontes reperitur. A coloribus autem nomina sumpserunt, pulla, rubrica, columbina, alba, & rufa, quas oculi indicant. Nam, vt prodit Vergilius,

Georg. 2. - *Promptum est oculis prædiscere nigram, Et quisquis color.*

Pulla terra quasi puluilla, id est, resolubilis & putrida, qualis est terra Campana, vt ait Columella, quæ nequaquam nigra, vt quidam perperam arbitrantur, verum resolubilis, & putrida: quæ sæpius arata in puluerem resoluitur, & abit. Columbinam Gallia vocat, suo nomine glaucopellam: Glebis excitatur, lapidum modo. Sola gelatione ita soluitur, vt tenuissimas bracteas faciat. Terræ autem nigræ, vt scribit Vergilius:

Georg. 2. - *At sceleratum exquirere frigus
Difficile est, piceæ tantum, taxiq; nocentes
Interdum, aut hederæ pandunt vestigia nigræ.*

Berytij autem optimum solum terræ nigræ esse asseuerant, ab omnibus præ alijs laudatum: Nam & imbres & siccitatem optimè fert. Qualiter autem terrarum sapores dignoscamus, Columella sic nos docuit. Ex ea agri parte, quæ maximè displicebit, effossæ glebæ, & in vase fictili, dulci aqua madefactæ, ac sæculenti vini more diligenter colatæ, explorentur, Nam qualem traditum ab eis retulerit humor saporem, talem dicemus eius soli. Sed ante eum, sic carmine Vergilius:

Georg. 2. *Salsa autem tellus, & qua perhibetur amara,
Frugibus infelix (ea nec mansuescit arando,
Nec Baccho genus, aut pomis sua nomina seruat)
Tale dabit specimen, tu spisso vimine quallos,
Cola q; prælorum fumosis deripe testis.
Huc ager ille malus, dulces à fontibus vnda
Ad plenum calcantur: aqua eluctabitur omnis
Scilicet, & grandes ibunt per vimina gutta.
At sapor indicium faciet manifestus: & ora
Tristia tentantum sensu torquebit amaror.*

Si autem admonendi sumus, qualis odor sit terræ ille, qui quæritur, Plinius hoc modo demonstrat. Contingit sæpe quiescenti in ea sub occasu Solis, in quo loco arcus cælestis capita sua deiecerit, & cum à siccitate continua imbre inundauerit: tunc emittit illum suum halitum diuinum è sole conceptum, cui comparari suauitas nulla potest. Optima terra erit, quæ vnguenta sapiet, vt Cicero meliora vnguenta esse dixerit, quæ terram saperent, quàm quæ erocum. Amaram enim demonstrant atræ degeneresq; herbæ. Terrarum autem natura vna pinguis, alia macra, aspera, humida:

mida: alia tenera vel grauis: sicca, aut bibula, & vliginosa. Pinguis viscosa est, atroq; colore. Vergilius hoc modo eam denotat:

Pinguis item quæ sit tellus, hoc deniq; pacto

Georg. 2.

Discimus: haud vnquam manibus tactata fatiscit:

Sed picis in morem ad digitos lentescit habendo.

Inter pingues verò, vna altera præpinguior: cuius vnum genus mordacissimum est. Experimenta pinguis & asperæ, in manuum tractatu. Huic contraria macra est. Quæ si mistæ fuerint, solum latum efficient, tanto perè desyderatum. Quod & alij ramentaceum vocant. Tenera, quæ & leuis. Palladius eam exprimit, cùm dicit rarioris esse naturæ. Se pondere prodit, autore Vergilio. Mira significatione dicta est tenera, autore Plinio. Quicquid enim optari debet, in eo vocabulo inuenitur. Illa enim temperie vbertatis est, illa mollis, facilisq; culturæ, nec madida, nec sitiens. Illa post vomerem nitescit: qualem ingeniorum parens Homerus in armis ab eo cælatis dixit. Et quamuis fierent in auro, addidit miraculum nigrescentis. Illam verò recentem exquirunt improbæ alites: vt corui, vomerem comitantes, & aratoris vestigia rodentes.

Quæ grauis est, inquit Vergilio, ipsa tacitam se pondere prodis.

Georg. 2.

Contraria est teneræ, & densa etiam dicitur.

Humida (vt Vergilius ait) maiores herbas alit, ipsaq; iusto

Lacior ab nimium, ne sit mihi fertilis illa,

Neu se præualidam primis ostendat aristis.

Vliginosa, siue limosa, quæ flumine rigatur, scaturiginosa etiam dicta. Terram autem cœnosam ne aremus, Cato præcipit, nève plaustrum, nève pecus in eam impellamus. Quid autem hac appellatione tantoperè ab eo reformidatam, vt penè vestigijs quoq; interdicat, ille intellexerit, Plinius aperuit. Redeamus igitur (inquit) ad ligni cariem, & inueniemus illa, quæ tantum abominamur. Cato vitia, aridæ, fistulosæ, scabræ, canescētis, exesæ, pumicosæ. Plus dicit vna significatione, quàm possit vlla sermonis copia enarrari. Famelicosam antiqui, autore F. Pompeio, palustrem vocabant. Optima autem ad hortos ex his omnibus generibus feligenda erit, tenera, quæ & pulla vocatur. Nam sua tenuitate, faciliè imbres recipit, vt altè descendere, atque radices attingere possit, vt inferius alimentum haurire valeant. Nam in huiusmodi magnas atq; robustas agunt contrà, pinguis aditum imbribus ad radices non exhibet, arboresq; nimio alimento non coquit: vt satis sit illis terra, quæ optimo constet temperamento. Terra etiam noualis, cæsa, extirpataq; vetere sylua, optima erit, vt suæ bonitatis specimen iam præbuerint syluestres magnæ arbores, quæ illic natæ fuerint, vt absolutissima etiam possit pronuntiari, si ibi mediocres, media si vepreta, vt spinas aluerit. Terræ enim sapor, atq; natura, fructuum sapor immutat, vt de salsa suprà ex Vergilio ostensum est, vt quæ in vliginosa proueniunt, aquosa sint. Cuiq; arborum generi proprium terræ genus assignare difficile erit, vt tot genera ad totidem differentes arbores, vno in loco inueniantur. Sunt etenim longè lateq; tractus, ferè integræ regiones, vno tantum genere terræ scatentes: vt potè despe-

kk 2 ratum

ratum arborum percupidum reliquam, ni vnum quodq; alio emendari potuerit. Tenui enim pinguis superinijcitur: super pinguem cinericia: Super præpinguem, bibula. Humida verò sicca, arida pingui temperatur. Creta columbina, vt vnumquemq; locum iuxta terræ ad arbores proprietatem emendare valeas.

Arbores ferenda secundum locorum differentias.

C A P. IX.



VPRA de terrarum generibus, secundum quæ agri, locaq; discrimen accipiunt. Quorum etiam alterius naturam arbores magis adamant vt lætiùs & fructuosius in eo viuant & longius senescant: vt omnium naturam demonstremus.

Sed primùm de nonnulla agrorum differentia videndum. Aut enim natura læti sunt, aut asperi, aprici vel vmbrosi, humidi vel sicci. Alij palustres, aut lacustres. Refert etiam an in mediterraneis, vel secundum mare & flumina seramus. Nam arborum, sicut animalium quoq; maxima illa differentia est, quòd aliæ aquatiles, aliæ terrestres sunt. Ceterum eiusmodi naturæ quædam sunt, vt non nisi in terra & nasci & viuere possint, vsque adeò aquas perosæ. Atq; etiam ex locorum differentia, vt quædam in læto, nonnullæ in sicco & arido. Sed aqueas quoq; discriminatim intelligere oportet. Nempe aliæ palustres, aliæ lacustres, aliæ in fluuijs, aut etiam in mari gignuntur. Inter quas connumerandæ erunt, quæ secundum flumina, ac in loco humido aluntur. Sed, quod mirum est, vt nil etiam inter animalia, quod inter arbores reperire non liceat. Sunt & quæ omnibus locis communia sint, vt terra aquaq; degere valeant. Quæ amphibia optima ratione, sicut in animalium genere, dici possunt. Lacustres enim sunt, salix, vitex, arundo, filer, alnus, canna quoq; Vergilius:

Georg. 2.

Fluminibus salices, crassiq; paludibus alni

Nascuntur. - Ouidius:

Metam. 8.

Concana vallis erat, quò se demittere riui

Assuerant pluuiæ aquæ: tenet ima lacuna

Lenta salix, vluq; leues, iunciq; palustres

Viminaq; & longæ parua sub arundine canne.

Salicta verò M. Varro locis aquosis, vietis, vmbrosisq; prope amnes serit. Columella enim arundinem fluminum ripis, ac limitibus, ac vepretis commodiùs, quàm medijs agris, deponit. Palladius canneta, si prouinciæ siccæ sint, in vallibus humidis, vel irriguis, aut etiam villæ subditis, propter humorem, qui ab ea defluit, constituit: locis verò medijs si frigida regio sit. Alnus, & populus, arbores fluuiatiles sunt, vt propterea cum alijs, aquarum subterranearum Vitruuio indices, Iuuenalis:

- Nec sperat cænosus gurgitis alnum.

Platanus etiam aquas amat, & populus. Ouidius:

De reme. lib. 1.

Quàm platanus riuo gaudet, quàm populus vnda,

Et quàm limosa canna palustris humo. - Vergilius:

Populus in fluuijs. -

Lotos etiam aquas deyderat, autore Martiale:

Nec

Nec plus lotos aquas, littora myrtus amat.

Non nisi in aquosis vacinium & ligustrum nascuntur. Auellana, mespilus, cerasus, acer, carpinus, vlmus, riguis delectantur. Nam aquæ incrementum adaugent, & huius generis attinia pinguibus vel etiam medicibus ferenda, ut acer, carpinus. Sambucus quoque iuxta aquam potissimumque locis umbrosis emicat: locis tamen cæteris non eiusmodi, nasci non recusat. Arundo, licet lacustris sit, nullum tamen recusat solum: prosperius in resoluto quam denso, crasso, læto, sæcoso. Nam circa Oxeam Campem & Bædriam tale est, ubi est plurima. Nascitur & in Hippia campo, prope Cephisi ostium. Citrus humore continuo sitit. Pinus humidis & arenosis, sæpe maritimum, & inter montes, & saxa procera inuenitur. Argumentum ex picis generatione duci potest. Sorbus viuacior in humectis. Malus Assyria solum tenue, riguum desiderat. Pyrus locis tepidis conferendus, ut solo iuuetur riguo. Hac ratione florem plurimum proferit, & magnitudinem pomi turgentis acquirit, & vitium lapidosi generis exuere creditur. Generaliter inter fructiferas, quæ humidis etiam delectantur, citius incrementum fortiuntur, & cæteris crassiora. Superioribus contrariæ naturæ quædam reperiuntur, ut asperis, aridis, ac siccis lætius proueniant, ut faxis sæpe inhæreant, & arenis crescant, & alibi translata, vel in humido, aut læto viuere nesciant, aut steriles fiunt. Aquas autem odere cupressi, iuglandes, castaneæ. Hæ duæ lapidosa loca, assiduam tamen pluuiam excipientia. Castanea etiam arenosum maximè sabulum aut carbunculum, vel tosi etiam farinam. Recusat calcem rubricam, cretam, omnemque fecunditatem. Amygdalus agrum durum, siccum, calculosum, gracile diligit. Quoniam si pingue sit, nimia pabuli vbertate lasciuientes, sterilitate vel morte afficiuntur. Debetque meridiem spectare. Palma verò arenosum solum, & saluginosum concupiscit: argumentumque cepere ex locis ubi harum copia proueniat. Quippe apud Babylonem, qua palmæ feliciter nascuntur, huiusmodi solum esse aiunt, & in Africa, Ægypto, Phœnice & Syria Cœle, in tribus tantum locis, & quidè arenosis. Quæ autem oleis gignendis terra accommodatior fuerit, rei rusticæ autores, propter eius utilitatem, maximum prouentum, propter quæ etiam numerosior feri suevit, diligentiores fuerunt. Agrum enim argilla-ceum & candidum oleis fertile notarunt: quod is multum vaporis statusque contineat, quod olearum natura maximè desiderat. Alij aptissimum terræ genus oleis esse, cui glarea subest. Si superposita creta sabulo admista. Non minus probabile solum, ubi pingue sabulum est. Sed densior terra, si viuida, & læta, commodè recipit hanc arborem. Creta toto repudianda est, etiam scaturiginosa, & in qua vlgo consistit. Inimicus est etiam ager sabulo macer, & nuda glarea. Nam etsi non emoritur in eiusmodi solo, nunquam tamen conualescit. Vergilius autem sic:

Tenuis ubi argilla, & dumosis calculus aruis:

Palladia gaudent sylua vinacis olina,

Indicio est tractu surgens oleaster eodem

Plurimus, & strati baccis syluestribus agri.

Georg. 2.

M. Cato in agro crasso oleam conditiuam, radium maiorem, Salentinam, Orchitem, Pausiam, alij Posiam, Sergianam, Colminianam, alij Cominianam, Albicerem, alij Albiferam. Qui ager frigidior & macrior erit, ibi lacinianam feri oportet. Sin in loco crasso aut calido feueris, hostus erit, & ferendo arbor peribit, & muscus ruber molestus erit, ratione excusant, ne poma caduca fiant, & vermiculosa nascantur. Mala letum amant, & cui humorem non tam rigatio, quàm natura suppeditet: macrū enim & aridum poma vermiculosa & arida efficit. Quæ verò loca aprica desyderant, longè numero plures, præsertim verò, quæ calorem expetunt, vt palma, zizipha. Hæc enim terram solutam, vel sabulonem: ita tamen, vt quando planta deponitur, circa, vel sub ea pinguis terra subdatur. Ficus etiam aprica & calculosa interdum & saxosa. Eiusmodi enim agro citò coalescunt, si scrobes amplos & idoneos feceris. Cato tamen Herculanæ, Saguntinæ, hybernæ, telanæ, pediculo longo, in loco crasso vel stercoato. Cedrus & iuniperus saxosa sequuntur, & ornus. Vergilius:

- *Steriles saxosis montibus orni.*

Sed & reperiuntur quæ vmbrosis, & à vento silentibus exultent, vt nonnullæ etiam à sole nunquam illustratæ prodeant. Abies autem in vmbrosis multò pulchrior quàm in apricis assurgit: & taxus quoq; vt cæteræ omnes, quæ hæc loca amant. Contrà vento expositis breuiiores. Nam & ventus eas exasperat, & retortiores reddit. Generaliter autem vmbas amant, quibus fructus sicci sunt, nucleosiq; vt punicæ, myrti, & quæ natura breuia sunt, vt laurus. Sanè horum fructus Soli expositus acerbus efficitur. Quamobrem in hortis spissius ponendæ. Plura etiam quæ magis sicca, quàm humida deponunt, vt cornus, rosæ, vt in siccis odoratior sit. Persicus etiam, sed pomis, & frondibus, & perenniori vita, si cælum calidum, arenosum, humidumq; nacta fuerit. Sicciora enim amant, quæ solidæ, spissæq; sunt. Hæ minùs alimenti desyderant. Litora autem myrtus amat, vt iam suprà ex Martiale docuimus. Vergilius: *Littora myrtetis latissima.* Maritima verò diligunt filiqua, morus, citrus, pinus. Mespilus pingui sabulone, aut glareosa terra, cum arena permista gaudet, vel argilla cum saxis. Morus sabulosa amat, vix in argilla vel topho comprehendit. Auellana sabulone delectatur. Esculus nullum terræ delectum habet: omnium enim generibus feri potest. Naturæ enim illorum hominum est, qui nullam formam cæteris propositam habent. Rubra verò terra etsi ad plura utilis est, ad arbores autem producenda inepta habetur. Leucargyllio vtuntur Megarenses. Columбина ex æquo fertilis.

Georg. 2.

De ferendis arboribus, iuxta locorum situm.

CAP. X.



N plantandis arboribus, qualis sit loci positura permagni interest. Natales enim situs, illæ & frutices, tanquam sibi suæq; naturæ familiares, & accommodatiores primùm vendicarunt, in quibus consentiente loci genio, lætiores profiliunt, vt significandum sit, omnia, quæ terra gignit, vno magis tractu, quàm altero, delectari. Quippe dat Natura omni quod produxerit,

duxerit, tanquam parens, & sui partus amantissima, quod illi magis conueniat: vt nedum eius munia diu latere possint, &, vt absolute loquar, omnium maximum, solum commodum, & aptum cuiq; arborum generi, secundum suam naturam tribui debet. Tum maxime vigeant, nec cito exarescere, atq; interire poterunt. Nam agri commoditas bifariam intelligi debet, vt qui naturæ cuiusq; rei quod recipit conueniens sit, aut robori congruum. Trahit enim sua quancq;, tanquam voluptas quædam. Nam & animalibus differentes habitationes, ac lustra. Alia enim arduis locis, montibus, alia vallibus, cætera campestribus. Suprà agrorum nonnullam differentiam docuimus: superest alia. Igitur tria sunt agrorum à simplici specie genera, scilicet campestre, collinum, & montanum. Ex quibus tribus quartum est, cum fundo aliquo hæc tria, vel duo, vt locis permixtis licet videre, insunt. Vt hæc omnia nonnunquam in summis montibus reperiantur, vt in Parnasso, Cyllene, Olympo, Perico, & Mylio, attestante Theophrasto. In quibus, & eiusmodi similibus, plurima nasci valent; modò aer patiat, ratione scilicet varietatis locorum, & telluris omnium differentiarum. Amant etenim tam syluestres, quàm urbanæ quædam magis montes: aliæ valles ac decliuos locos: cætera campos, & harum omnium aliquæ locis omnibus, aut horum multis, promiscua illarum natura proueniunt, vt quencunq; situm minime aspiciantur. Sed iam singularum affectus demonstramus. Quæ autem montes amant, id ad portionem. Alia enim in imis, alia in summis, atq; in ipsis cacuminibus proueniunt: sed quæ tantum frigoribus obseruatrices sunt, vt ibi pulchriores ac fertiliores attollantur. Nonnulla decliua. Excelsa autem amplectuntur pinaster, larix, pinus, abies. Vergilius:

Abies in montibus altis: ceu maria deuitent & fugiant.

Ecloga 7.

Montosa aquifolium, buxus, cornus, carpinus, cedrus, iuniperus, quæ plurima circa Cyllenium promontorium exurgit. Teda, picea, terebinthus, & omnes, quæ resinam effundunt, fagus. Hæmus tamarice abundat. Collibus oleæ felicius veniunt. Quæ æstuosis septentrionali, frigidis meridiano colle gaudent: sed vt neq; depressa loca, neq; ardua magis quàm modicos cliuos aueant. Quales in Italia Sabinorum sunt: in Hispania totius Beticæ prouinciæ. In campis autem lætas frondes, verum vt plurimum absq; fructu villo. Citrus arbor sola austro iuuatur, aquilone læditur vt locari debeat loco ab eo tuto. Contrà taxi Aquilone gaudent, inquiete Verg. Castanea cliuis delectatur, maxime ad Septentrionem versis. Testes sunt Mylius, Tmolus, Olympus, inquiete Theophrasto. Plana verò populus, salix, filiqua. Morus autem montes ac sylvas odit: campestribus ac hortis delectatur, vt nobiscum familiarius viuat. Multo plures quæ & campis, montibus etiam & in infimis locis delectentur: verum non æquè tamen, vt prosperius hîc, quàm alibi, assurgant. Montosa & valles tilia amat. Non temere in montibus visuntur prunus, punica, iuglans, myrtus, laurus, cornus, pyrus, malus. Hæc tamen duo postrema in montium radicibus, & planis melius, vt in his præstantiores, non solum fructu, sed & toto corpore, quippe montibus breuiore. Cydonium in planis, & decliuis

cliuibus producitur. Inclinata tamen magis, quàm deuexa, optat. Ficus locis propè omnibus feri potest: sed quæ in montanis & frigidis locis enascuntur, quia minus lactis habent, aduersus siccitates durare non possunt. Quæ verò in campis, & locis calidis, ac pinguibus, fructuosiores sunt, & contra siccitatem contumaciores. Aquosis verò montibus acer, fraxinus, sorbus, cerasus, tilia delectantur: ex quibus in valles descendunt, robur, ilex cornus. Campos etiam diligit corylus, quercus, fagus, & item cornus, ornus, acer, fraxinus. Omnibus prouenit mespilus, pulcherrima tamen in vallibus. Arundo melius vallibus, quàm cliuis. Quæ autem communia omnibus locis sunt, si cælum calidum desyderant, in vallibus potius, quàm in montibus, & arduis, locanda erunt. Calidiora enim summis inferiora semper sunt: in montibus autem prolixiora, verùm copiosius, præsertim glandiferi generis ferunt. At quæ humore exhilarari cupiunt, vtilius imis, quàm superioribus, figuntur, quòd illa his tepidiora sunt. Deorsum magis laborant æstate, sursum hyeme. Hæc autem ratio ponendarum iuxta situm arborum, potissimum illis obseruanda erit, qui generatim hortos disponere voluerint. Quod vtile maximè erit, vt secundum desyderatum locum festinantiùs crescant, ne turbato loco imbecilla à valentiore opprimatur.

Hortorum ferendorum summa ratio.

CAP. XI.



HORTORVM autem ferendorum multiplex quidem ratio. Sanè quidā prouentus & quæstus tantum, & vtilitatis gratia ferunt. Alij domus suæ voluptatisve ac delectationis. Sed qui priori causa colunt, aut vt venales fructus exponant, ampliores habere conuenit: vt in ponendis eis circa plurima animaduertere debeant. Primum vt iuxta Catonis sententiam, prope validum oppidum locentur, quò deportentur fructus. Secundo loco, ex eodem autore refert, si mare aut amnes propè sint, & illi idonei, quibus facile inambulent, & fructus minima impensa deportari valeant. Scribit enim Diodorus Siculus in Alexandri vita, Vxios, apud quos omnis generis fructus nascuntur, sub frigido autumno per Tigrim ab Babylonem ferre. Gallorum etiam Allobroges per Rhodanum fructus suos, apud quos magna copia, Auenionem Cauarum vehunt. Solonis autem lex fuit, memoriæ in eius vita mandante Plutarcho, vt agricolis tantum fructus suos ad peregrinos transportandi ius esset. In eum verò, qui alienos exportaret, magistratum execrationes facere sanxit, aut ipsum ærario drachmas centum dissoluere iussit. Hac etiam ratione considerandum erit, via bona sit, necne celebris, qua exportari fructus facile possint, atq; inde quæ opus sit asportari. Tertium erit ex Varronis autoritate, vt inspiciamus, regio infestane sit, an non: pestilens, an salubris. Multos enim agros feraces, & egregios excolere, propter vicinorum latrocinia, non expedit. Vt in Sardinia ille sua tempestate, prope Celtem fuisse, scribit, & in Hispania proximè Lusitaniam. Ne, iuxta commune prouerbium, Salsuginosa sit vicinia. Quæ si huiusmodi est, tametsi horti fructuosi fuerint, nihil tamen

tamen aliud ex his percipies, quàm si in terra falsa feueris. Proximè visendum erit, quid in vicinis regionibus longè lateq; agnascatur, quidve in his desit. Etenim plura vltra domus suæ necessariam annonam, excolere sæpe non expedit, vel vbi locus non sit, quò venalia deportari possint, aut aliàs venundari minimè concessum. Qui autem prouentus gratia hortos plantabunt, cauere præsertim debebunt, vt ij quàm maximè feraces sint, atq; magnoperè attendere, quæ suprà de regionum, aërisq; natura, deq; situ, deq; terra dicta sunt, & quæ sequenter scribenda erunt: vt etiam quæ generatim ferenda, propter arborum, differentia interualla. Quando etiam vnius generis, plures arbores habere conueniat, vt olearum, amygdalarum, iuglandium, castanearum, & cæterarum quarum fructus diutius adseruari possunt, & quorum item serotini fructus sunt. Has enim maiores quæstus sequuntur. Verùm in his, quæ domus tantum causa, vel voluptatis, non etiam vectigalis feruntur, horum non ita diligens ratio habenda erit, vt & multa præteriti etiam absq; offensa possint.

De hortorum positione, & ad illos loci preparatione.

CAP. XII.



RELICVA hortorum ratio, in qua non minùs prudenter, atq; supradictis attendi oportet: vt loco videlicet maximè congruenti ponantur. Præsertim verò vbi regionis vnius, aut agri etiam eius, qui hortos ferere volet, varius aspectus, variusq; situs est. Primum etenim plurimum refert, ad quam cœli partem horti spectare debeant. Loca verò à locis minimò nonnunquam spatio, aspectuum diuersitate multum sæpe inter se differunt, vt varios aëris habitus induant: vt hac causa plus minùsve Solis aut nonnunquam flatuum, quàm sit opus, accipiant. Porro ventorum vi non solum tractus quidam, verumetiam totæ integræ regiones adeò infestantur, vt arbores commodè ferre minimè possint. Quas si fortè tulerint, foetus tamen suos in matre ad maturitatem vsq; stare non sinant, vt antea illos intempestiuis flatibus, sapius Autumnum anteuertentibus, è sede & loco deturbent, vt quædam solùm, atque perraros præcoces sustinere valeant. Qualis fere est ager Auenionensis, & circa. Nam vsqueadeò illic Boreas inualet, vt arbores defringat, aut inclinet. Liguriæ & Hetruriæ regio à Circio vento incommodatur: contra quem ferere, imperitiam existimant, sed eundem obliquum accipere, prouidentiam. Sæpe etiam cœli lociq; indulgentia, qualis in conuallibus opacis, & aquosis, cæterisq; locis à vento silentibus, præmaturius arbores florescunt, verùm secutis frigoribus exuruntur, vt ibi arbores solùm ymbre euanido munere fungantur, ac minùs sua dote valent. Igitur in hortis locandis apprimè consyderanda ventorum ratio erit. Oportet enim locum commodi flatus esse comitem. Qui enim nullum sentit, aut qui illorum iniuriæ expositus est, hic certè fructuū laudem consequi minimè poterit: vt optima ratione concludendum sit, arbores fructiferas, maximè verò serotinas, in editissimis locis, neq; omnes in conuallibus nequaquam ferendas fore. Quare plagæ

situs maximè attendendus. Nam si ad austrum depositæ fuerint, & illis blandiantur, in florem defatiscunt. Aquilone verò gaudere plantas, omnes in confesso habent: præsertim verò, quæ regiones feruentes, & solem calidiorem deposcunt. Nam afflatu eius lætiores fiunt, & germinationem secundum suum tempus faciunt, vtiliusq; finiunt. Tempestiua enim frigora, plurimum arborum firmitati conferunt, vt sic optimè germinant. Sunt autem loca ad Aquilonem versa, vt plurimum frigidiora. Hoc etiam situ, odoratiorem fructum fieri Democritus existimabat: vt hæc etiam atque macra, caprifirationem non deyderare Theophrastus memoriæ reliquerit. In Phalisco enim agri Megarensis parte, & quibusdam agri Corinthij tractibus, salubrior atq; fructuosior pars septentrionalis est, vt Theophrastus autor. M. autem Cato optimū locum indicat, qui ad radicem montium, planitie in meridiem excurrente positus sit, & multa peculiaria prouenire plagis ad ortum meridiemq; vergentibus. Itaq; hic mihi locus ad hortos applaudet, qui ad ortum Solis positus, & apricus sit, & ad radicem montis, planitie in meridiem sese extendente, aut si in colle positus sit. Porro hoc modo rores matutini statim auferentur. Qui locus Aquilone perflatur, parum Austro, & cæteris: vt ij finaliter bene positi censebuntur, qui sole probè & statim ab ortu lustrentur, & bonis ventis afflentur. Sol enim cum oritur, perlustrat, purgatq; ac contraria gigni prohibet, matutinumq; aërem quotidie purum, plurimumq; spargit. Qui deniq; locus natura positusq; a nimio æstu frigoreq; sese tuetur. Cato oliueta ad Fauonium loco solibus appposito spectari vult, nullumq; alium esse bonum. M. Varro dicit. Multum insuper proderit, in tota regione, non esse quod noceat, maximè ne excurrentis germinatio aliqua intemperie enecetur. Quædam verò ex illarum natura peculiarem situm requirunt, vt supra ostensum est. Quæ autem rores amant, vt malorum quædam, eæ ad occasum vel septentrionem statuendæ, quo diutius eo vtantur fruuntur. Cæterum multas regiones reperire est, quæ minùs hac animaduersione & diligentia indigent: cum prædicta ratione positæ sunt, vt totæ, aut saltem pro maiori parte, ad hortos feraces sint. Qualis est Italia, scribente Plinio, quæ ad radicem montium constituta, planitie multa in Meridiem expatiatur. Quæ item Varronis tempestate vnum pomarium visa est. Et Babylonis plaga (autore Theophrasto) Solis ortum & Meridiem spectat. illud postremum Antylli, referente I. Stobæo, non prætereundum, in locis lacunosis fructus deteriores nasci. Lacus enim non aërem tantum, sed & fructus inficiunt. Horti intra domesticam habitationem, si fieri possit, locandi sunt: quod si non datur, ex propinquo: vt non solum oculis spectantium intra ædes iucunditas hauriatur, verum etiam vt ambiens aër ex plantarum fragrantia infectus, salubrem habitationem, ac totam possessionem reddat: longè tamen ab area: Nam veluti virgultorum radicibus fimus & paleæ profunt, ita frondibus incidentes, eas perforant, atq; arefcere compellunt. In hortis autem assignandis, vereor ne quibusdam nimium diligens solersq; fuerim, vt qui de eiusmodi positione multi desperant. Sed me talem oportuit esse, ne videlicet hi, qui similem locum in

agris suis habent, alium minùs idoneum imprudenter feligant : vt hac re cæci sint. Quales Megarenſes in exædificanda Chalcedone, Apollinis oraculo exſtimati ſunt, Strabone ſcribente. Nam cùm Byzantiꝝ conditores de locandis ſedibus Apollinem conſulerent, illis reſponſiſſe fertur, vt contra Cæcos urbem ponerent. Cæcos enim Megarenſes vocabat, qui cùm ad ea loca nauigaſſent, omiſſa tam locupleti ripa, vbi Byzantium poſteà conditum, tenuiorem accepiſſent. Deſtinato ad hortos & cognito loco (quam cognitionem, ſicut & in cæteris ſerendis rebus, primam è quatuor agriculturæ partibus M. Varro dicit) Locus hic ante omnia curioſè repaſtinari debet, atque altiùs terra effodi. Et ſi antea rudis fuerit, euelli, extirpariꝑ; debent ſtirpium radices, lapidibusꝑ; omnino expurgari. Tunc enim generandis, alendisꝑ; plantis fœcundior efficitur. Nec contentos nos eſſe oportet prima ſpe ſummi ſoli, ſed exploranda eſt inferioris materiæ qualitas, terrena necne ſit. Arboribus autem altitudo pedum quatuor abundè eſt.

De arborum ordinibus.

CAP. XIII.



OCUM hortis ſuprà præſcripſimus, cuius pars ad ordines & arborũ interualla pertinebit. Cuius verò rei non ſegniscura, ac ſtudio eſſe debet, cùm propter ordinum iucundum aſpectum, & delectationem ipſam, tum etiam propter arborũ vtilitatem, quæ certè in hac re non minima eſſe ſolet, ſiue ad plantarum incrementum, & longam vitam, ſiue ad fructuum vbertatem aſpeximus. Voluptas autem in ordinibus erit ob iucundum & gratum conſpectum. Nam (vt ait Quintilianus) & in ordinem certo interuallo redigam eas arbores. Quid illo quincunce ſpectioſius? Qui in quancunꝑ; partem ſpectaueris, rectus eſt. In commenſuratione enim partium inuicem ad totum omnium pulchritudinem eſſe ſitam Plotinus, dum de pulchritudine diſſerit, ait oculis delectationẽ procreare. Diomedes itaq; apud Homerum, Tydeum habitaſſe in Argis dicit, & habuiſſe plantarũ ordines. Et vti vtilitatem ex decuſſatione proſequamur, quæ multiplex eſt. Primũ ſequitur à ſole lunaꝑ; munus. Nam hoc modo poſitas arbores, ſol, lunaꝑ; æqualiter percoquent. Quò fit vt celeriùs matureſcant. Nempe liberiore ſole fruuntur, nec cæterarum arborum vmbriſ prementur : vt deniq; vna quoꝑ; arbor tantum cœli, terræꝑ; accipiat, quantum totius gregis alia, & tam rami Solis caloris partem, quàm radices terræ ſucci hauriant. Luna autem, æquè ac ſol, arbores iuuare, fructusꝑ; illarum ad maturitatem cogere creditur, & ab illa potiſſimũ arbores ali, quarum frondes & folia viridia ſunt. Qui color Lunæ attribuitur. Præterea folia plurimum humido abundant. Et illa quoque humida eſt. Qui verò hæc duo ſydera pro Dijs venerantur, quales multi perhibentur, maximè verò incolæ Pornæ, inſulæ Indiæ, non aliam ob cauſam, quàm quòd arboribus multum prodeſſe experti ſint : à quibus arborum fructus exorant. M. Varro aliam vtilitatem aſſert, vt ſic diſpoſitæ minùs loci occupent. Et ita coniectura, ex rebus aliquot videre licet, &


hoc in nucibus ostendi, quas integras vno modio comprehendere possis, quod putamina scilicet suo loco quæq; habet, natura composita. Quæ si eadem frigeris, vix sesquimodio concipere possis. Ideoq; artifices etiam, cum plura in vnam tabellam opera contulerunt, spatijs distinguunt, ne umbræ in corpore cadant. Vergilius. Maro. vtilitatem simul ac pulchritudinem huiusce ordinis mirè expressit; vt nesciam an suorum. versuum lectio plus voluptatis viris doctis ingerat, quam cæteris ordinum prospectus:

Georg. lib. 2.

*Indulge ordinibus: nec secius omnis in vnguem
Arboribus positis secto via limite quadret.
Ut sepe ingenti bello cum longa cohorteis
Explicuit legio, & campo stetit agmen aperto,
Directæq; acies, ac late fluctuat omnis
Aere venienti tellus, nec dum horrida miscent
Prælia, sed dubius medijs Mars errat in armis.
Omnia sint paribus numeris dimensa viarum:
Non animum modo vti pascat prospectus inanem:
Sed quia non aliter vires dabit omnibus æquas
Terra, neq; in vacuum poterunt se extendere rami.*

Ordinum igitur ratio, omnium sententia quincuncialis esse debet. Decussis decem assis vnciæ, ea forma vt Varro ait, qua tressis, octussis, à tribus & octo assis vncijs. Decussis autem notatum apud Græcos quàm. Latinos eiusmodi est x, vt eius figuræ dimidia pars sit talis, v, vt tam quincuncis notæ, quàm eius numeri, SS. id est, quinq; vnciarum assis significationem exhibeat. In quam formam arborum ordines digeri debent. Vnde decussare, id est, in eum ordinem diuidere. Melius faciemus, si ordines in Fauonium dirigamus, vt æstiuo perflatu refrigerentur.

PRIMVS ORDO.



De arborum interuallis.

CAP. XIII.



SUPERIVS de ordinibus, nunc de interuallis, quorum rationem ad vnguem, vt Vergilius supra ait, si quid aliud magis in re arboraria obseruare debemus: cuius negligentia nescio an plus in hoc, quàm altero reformidabilis sit. Nam, vt ait Plinius, ipsis nihil scædus quàm gestæ rei prænitentia, multo iam vt præstet indulgentia interuallorum delinquere, quàm ignorantiam coarguere suam: vt solent ij, qui vbi posuere, totas excindere coguntur. Illamq; incitiam pudendam esse conueniat, cum adultæ iustò plus se ramis colluctantur, atq; in senectam præcipitantur.

Necantur

Necantur etiam sæpenumero & inuicem alimenti rapina. Quippe etiam densitas illarum obstat, quò harum nihil ad iustam magnitudinem adollescere possit, quòd loco, in quem crescant, careant: nec quicquam insuper feri potest, ut neque fructuosæ sint, nisi aliquas interuulleris, alteraq; umbris alterius premetur. Et ut ad rem deueniamus, interualla ex loci, regionisq; natura, ac situ, & arborum differentia variare oportebit. Porro aliæ crassiores, longioresq; nascuntur, altiusq; radices agunt: ut eas latiorum locum occupare necessum sit, veluti iuglandes, castaneæ, cerasi, & pyrorum, & malorum quædam genera, ut syluestria fileam. Quæ autem corpore breuiiores, & quæ terræ altius non inhaerent, minori contentæ spatio erunt, ut punica, laurus, myrtus, & reliquæ: quas sine iniuria cum prædictis immiscere valebis. Neque iuglandem iuxta cydonium iunges, neq; castaneam cum mespilo, cerasum cum persico sociabis. Ut peroptime præcipiatur (ut iam sæpius dictum est) vnumquenque ordinem suo generi deputandum fore, ne debilis à potentiore conteratur. Quædam etiam grandiusculæ nunquam assurgunt: fastidiunt enim cæteras, sed sui etiam generis umbra læduntur, ut maiora interualla præter sui corporis ambitum desiderant. Iuglans equidem suorum foliorum stillicidijs, proximis, etiam sui generis, nocumento est. Cydonia etiam largius ponenda, ne quatiens vento eius stillicidium alteram tangat. Causq; etiam arboris umbram obseruari decet. Sunt etenim nonnullæ breues, quamuis magnarum arborum, quòd in orbem ramos circinent, ut mali, pyriq; enormes cerasi, ac lauris. Aliæ autem umbras amant non locorum, sed sui generis, aut alterius. Aliæ contra, ut morus, quæ alterius umbra tegi minimè vult. Nonnullæ spissius disponi volunt, ut persici, ut se inuicem à Solis calore excusent. Ex regionum autem ac locorum natura, aut largius, aut breuius interualla metiri conueniet. Quod in vno arborum genere, olea scilicet, ex scriptorum monumentis manifestum faciam. Porro M. Cato oleam in viginti quinque pedes minimum conseri, plurimum in triginta: Palladius illi quindecim vel viginti attribuit. In frumentario verò & pingui solo, inter ordines quadragenos pedes, in alteram partem atq; in alteram quadragenos versuris relinquit: in macro & segetibus idè vicenos. Cæterum huius magnitudinis fides in Africa, penes autores erit, ut milliariæ multæ sint, sic à prouentu annuo vocitatæ. Ideoq; Mago septuaginta quinque pedes illarum intervallis vndiq; dedit: in macro autem, & duro, atq; ventoso, non minimum quadraginta. Non alia maior in Bætica arbor, nec cui maiora interualla largiri debeat. Salices in riguis locis, spatia latiora desiderant, eaq; quinque pedum, per quincuncem rectè faciunt: siccaneis spatiosa, sic ut facilis sit ea colentibus accessus. Quinque pedum intermedia esse, abundè est. Pro loci quoque ratione interualla relinquuntur. Iam per se colles minora, quam campestria quærunt interualla. Ventosis etiam locis crebrius feri expedit. Ergo in Gallia hoc faciendum erit, si Iustino Pompeij Trogi abbreviatori credimus. Nulla enim magis alia re infestantur. Quod & Vergilius in Bucolicis iucundè fassus est, dum ait:

Arboribus venti, nobis Amaryllidis ira.

Crebritate enim sese aduersus ventos fortiùs tuentur. Punicas, myrtos, & lauros densiores seri Theophrastus voluit: etiam vt se contactu operiant mutuo, atq; Solis nimios æstus effugere possint, tum etiam quòd radice numerosa non sint. Nullo insuper alimenti mutuo raptu infestantur. In pedes tamen nouenos: malos verò paulò ampliùs, vel magis etiam pyros, item magis amygdalas & ficus. Amygdalis autem Palladius viginti aut vigenum quinum pedum spatia donauit. Malis tricenos quidem concesserunt alij. Cerasus longiora interualla amat. Qui autem eodem agro, arborum fructus, segetemq; vel herbam colligere, vt faciunt Neustrij, volent, longiora interualla statuunt: ne videlicet, alimenti arborum rapina & vmbra segetes lædantur. Arbores autem plures simul ferere multum proderit. Interim verò quæ solæ sunt, aduersus ventos leues & infirmæ erunt. Turba enim, inquit Fabio, valebunt, vt si non magnitudine atq; robore, saltem multitudine, ac cohorte sese defendant. μετόρχιον Polluci spatium inter plantas medium dicitur, & ὄρχος ipsarum ordo. Pompeius antras arborum interualla dicit.

De ferendis arboribus alibi, quàm in hortis, & de topiario.

C A P. XV.



EST alia ferendarum arborum aliquò quàm in hortis ratio. Multa enim ex arboribus agricolis necessaria & vtiliora alijs, quàm quæ in hortis sunt, vt illas potiùs præstet, quàm hortos, habere. Neque enim simul omnes seri possunt, neq; mistim vrbanae ac syluestres, quarum maximus, imò pernecessarius agricolis vsus. Nec idoneè vlmos, aut populos, quercum, aut fraxinum oliuetis, aut multis alijs sociabis, nec salicem, aut arundinem, inter myrtos aut cerasos, dissidentibus inuicem magnitudine, loci, situsq; natura arboribus. Alia enim cura hortensium, alia syluestrium esse debet. Alij autem circa fundos pinos serūt: vt Fundania vxor M. Varonis, vt ipse testatur, in Sabinis habebat. Carteri cupressos, vt ille in Vesuuiio habebat. Nonnulli vlmos, vt multi sua tempestate in Crustumio habebant, quòd ibi foeliciter pullularent, & nulla necessarior arbor in campis feritur, quòd maximè fructuosa sit. Nam & sepem sustinet, ac colit vuarum aliquot corbular. Frondem insuper bobus, ouibus ac porcis iucundissimam subministrat. Virgas sepibus, focoq; & furno abundè præbet. M. Cato etiam circum coronas & circum vias, illas, & populos seri oportere scribit, vt etiam frondem animalibus præbeant: quòd etiam fraxinus, quercus, sambucus, vt ad id plantentur. Glandariam etiam syluam, hic nono loco agris proponit, qua cibis porcis suppeditetur. Pedamentorum verò, ac viminum gratia salix, arundo, castanea feritur. Præcipit etiam M. Cato in suburbano fundo, arbustum maximè habendum, vbi ligna, virgæ salicti possint venire, & domino fiat, qui vtatur. Et hic salicta agris tertio loco constituit. Populus etiam alba ad vinciendas vineas expetitur: vt hac causa eas maximè plantent apud Gallos Aurelij. Salices autem

tem ob id multi amerinas circum vineas. Fici inter vineas feri non ventantur ob umbram: est enim levis, & sparsa. Alni, sepes & aggeres muniunt, contraq; erumpentium amnium impetus muri sunt, excubantq; in ruris tutelis. In aqua satæ, cæfæq; densius in numero haredibus profunt. M. Cato sub vrbe myrtum, laurum Delphicam, & Cypricam ac syluaticam, nuces caluas auellanas, prænestinas, & Græcas feri vult, caluas vocat iuglandes. Folia ad vsus multos, vt ea veterinorum pabulo stringas. Ad mille enim vsus arbores feruntur, quos omnes recensere, ferè supra humanum ingenium foret, vt materierum fileam, referuato ad id integro libro. Verùm ad hæc quoque ratio habenda erit, vt ad septentrionalem plagam ponantur, quò minùs sua umbra satis officiant. Sed hæc quoque verùm pauca in hortis coronarijs, vsu topiario feruntur. Per longa & recta arearum deambulacra, sepium ratione, vel alio modo. Ad quam rem arbores, & frutices, præsertim quæ perpetuò virèt, seligimus, & quæ etiam flexibiles sunt, vt in hominum, alituum, & cæterarum rerum varias imagines artifice magisterio sequaces ipsæ perducantur, vt iucundo mirum nos aspectu delectent. Buxus iam, & laurus, ad hanc in hortis frequens. Rosmarinus etiam, vt hortorum areas eleganter conuestiat, ita vt nullum non animal olitoris mangonio suffragante cõfingat. Topia funiculi sunt, quibus opus illud dimetitur, & topiarius artifex, quo vsus ægypticus in tractatu legatorum, vt topiarius seruus is magis fundi ornandi, quàm colendi causa paratus esse videatur. Vlpianus etiam non semel, vbi de fundo instructo differit. Plinius etiam, vbi de adianto frutice agit, ἀπὸ τῶν τόπων, hoc est, à locis, quæ hoc modo ornantur, dictus. Operis autem topiarij, Cicero sic ad Q. Fratrem: Topiarium laudauit, ita omnia conuestiuit hedera.

De scrobibus fodiendis, & illarum altitudine, atque latitudine, & quanto tempore antea faciendæ.

C A P. XVI.



OCVM priùs hortis designasse oportuit, quàm vt scrobes effodiantur, vt circa has quoq; quædam & temporis atque formæ ratio haberi debuerit: vt antè de tempore agamus. Nam omnis agricolationis præceptio ante, quàm plantæ ponantur, fieri vult. Mago autem (Plinio referente) ante annum effodi iubet. Quòd si conditio id minimè largita sit, ignes ante menses duos in medio fieri, & stramenta incendi, vt eas putres faciant: quod sol & pruina facere debebant. Hic autem aliquod tempus non præscripsit, sed tanto (si fieri possit) donec pingui cæspite obducantur. Hoc etenim modo, solem, lunam, ac pluuias combibent. Quibus circum terra nitescit, mitescitq; atq; putrescit, vt quod posueris citò compræhendant. Altitudinem verò earum ac latitudinem, ex loci, atq; arborum natura, esse conueniet. In argilloso enim solo trium esse, in quancunque partem cubitorum. In nigro autem, vt duorum cum palmo vt sint sufficiet. Xenophon verò non altiores semipede, & quatuor pedibus esse debere scribit,

scribit, nusquam verò semipede minùs altos. In aquosis autem minori altitudine effici debebunt. Porro si profundius peregeris, aquam offendes, quæ radices putrefaciet, atq; etiam in his locis per æstatem, propter loci humiditatem, siccitas minùs reformidabitur. At in eiusmodi solo solertiùs agendum, diligentiori q; opus est ingenio propter arbuscularum periculum. M. autem Cato, sciens agricola hoc præcepto effici iussit: Sulcos, si locus aquosus erit, alueatos esse oportet, latos summos pedes tres, altos pedes quatuor, infimum latum pedem vnum & palmū. Eos lapide consternito. Si lapis non erit, perticis saligneis viridibus, quoquouersus collatis, consternito. Si pertica non erit, sarmentis colligatis itidem facito. Postea scrobes facito altos pedes tres semis, latos pedes quatuor. Et facito uti de scrobe aqua in sulcos defluat. In sicco autem profundiores quàm in cæteris facere necesse erit. Nempe si Solis ardor ad radices peruenerit, arefcet arbor. Græci enim nec latiores duobus pedibus & semipede volunt. In summa verò quò latiores patentioresq; feceris, eo letiores erunt, vberioresq; fructus percipies. Quæ enim minùs altè figuntur, facilè euellentur, & infirmius à ventis habentur. Quæ verò altius, sæpe deteriori terra læduntur, & parcius radices imbribus hilarantur. Oleæ autem scrobem (inquit Columella) quoquouersus pedes quatuor patere oportet. Scrobs enim clibano similis esse debet, cuius imum summo patentius sit, ut laxius radices euagentur: minùs etiam frigoris per hyemem penetrabit, minusq; vaporis per æstatem, & augustum effundetur. Tum etiam cliuosis locis terra, quæ in eam congesta sit, pluuijs non abluetur.

Arborum natura in agendis radicibus, & qualiter profrata arbores restituantur.

CAP. XVII.



D scrobes etiam faciendas, adijcienda erit arborū in agendis radicibus natura. Hac verò causa, aut latiores, aut profundiores, vel minùs altas compressioresq; efficere conueniet. Ut illæ altius dimittantur, quarum radices inferius magis sese agunt. Nam & ipsarum arborum in mittendis radicibus magna differentia. Nempe aliæ in latum effundunt, per summa cæspitum innitentes. Aliæ angustius: verum id altius, quod in his sapius quæ vna radice, aut duabus, pauciorib;ve subsistunt, Natura aduersus casum se præmuniat: cuiusmodi est ferula, amygdalus: Nam, ut ait Verg.

Georg. 2.

Forſitan & ſcrobibus quæ ſint ſaſtigia quæras.

Auſim vel tenui vitem committere ſulco.

Altiùs, ac penitus terræ deſigitur arboſ:

Eſculus in primis: quæ quantum vertice ad auras

Aetherias, tantum radice in Tartara tendit.

Ergo non hyemes illam, non ſtabra, neq; imbres

Conuellunt: immota manet, multoſq; per annos

Multa virum voluens durando ſecula vincit.

Tum fortes latè ramos, & brachia tendens

Huc, illuc, media ipſa ingentem ſuſtinet vmbra.

Abietem

Abietem profundius radicem singularem, neruosam, multis hirsutam capillamentis demittere Arcades (autore Theophrasto) arbitrantur, eoq; etiam magis quam robur, quæ simpliciori atq; meatu rectiori figit. Nescio an hoc in Arcadia verum sit. Alibi tamen mihi, pluribusq; comperit, hanc neq; pinastrum altè radicem iaculari, sed per summa inhærere, usque adeo vt præ nimio flatu, non turba tantum vna, sed integra sylua omnino ad internecionem usq; euertatur. Laurus etiam, & olea, ficusq; recto meatu descendunt. Prunus etiam altissimè, & mespilus numerosaq; radice. Ob id diurnæ, fereq; etiam inextirpabiles. Glandiferæ omnes altius inhærent. Syluestres autem alta radice quidam esse negarunt, quod semine proueniant. Quod falsum. Nam vbi diutius vixerint, quod in syluestribus semper contingit, profundius emittunt, nec satio ex semine, arboris naturam immutat. Omnium itaq; syluestrium, alto meatu ad ima progredi videtur ilex, & post eam terebinthus. Latius verò fundit cedrus: cuius radix maxima spatio atq; plenitudine est. Ab ea verò platanus, usq; eò vt Theophrastus scribat (referente Varrone) Athenis in Lycio, cum etiam hæc nouella esset, radices trium & triginta cubitorum egerit. Quæ si locum habeant expeditum, quantumvis facili possunt. Summa tellure gaudent cupressus, punica, malus, cerasus, taxus. Sambucus multas non habet radices, neque grandes: summa etiam terræ cute iuniperus. Quæ verò altius gradiuntur, quaternos pedes oportet dimitti. Cæteris autem sat erit, si altitudinis pedes ternos effecerint, vt in vniuersum dicam vnaquæq; arbor, pro sui magnitudine altioribus scrobibus delectatur. Quibusdam enim non profundius radices descendere, quam Solis ardor tepesciat. Idq; natura loci tenuiores siue crassiores dixere. Quod falsum, idq; verè Theophrastus arbitratur, atq; etiam opinionem eorum, qui dicerent, nullam alternis semipedibus altius radicem descendere, improba- rentq; illorum consilium, qui profundius sererent. Nam pini plantam inuentam esse scribit, cum transferretur, octo cubitorum in altitudine fuisse, nec totam refossam, sed abruptam. Quidam breuitate radicum celerius senescere arbores existimabant. Quod coarguunt fici, quarum radices longissimæ, senectus verò ocyssima. Falsum etiam Secundus arbitratur, quod nonnulli prodidere, videlicet arborum radices vetustate diminui. Nempe visa quercus annosa tempestatis vi eiecta, iugerum soli amplexa. Quarundam autem radix superficie viuacior, veluti lauri. Itaq; cum truncus inaruit, recisa lætiùs frutificat. Id idem pluribus contingit, vt trunci demortui iactura reuiuiscant: sicuti in animalibus, membro læso sublato, cæterum corpus meliùs sese habere. Prostratas arbores, plerunq; restitui, & quadam terræ cicatrice reuiuiscere Plinius arbitratur. Et familiarissimum platanis esse: quæ ventorum plurimum propter ramorum densitatem, & foliorum amplitudinē, propterea & pondus & vim concipiunt. Amputatis enim ramis, & onere leuata, in sua scrobe reponuntur, cui altera pars adhærebat. Factum itaq; hoc est iuglandibus, & oleis, & cæteris, quæ multa fronde onerata sunt. Hoc enim modo munereq; apud Allobrogas in agro Valentino, iuglandes per nouem decemve se-

cundum Rhodanum milliaria, vi tempestatis deiecta leuata sunt. Quod ipse conspexi.

De ætate transferendarum plantarum.

CAP. XVIII.



ADICE autem omnes facilius prouenire arbores, in confesso est, eiusq; properantiùs incrementum futurum erit, quàm quòd alio modo seueris, vt iam suprà dictum est: vt etiam Columella melius oliuetum constitui truncis, quàm plantis dixerit. Hæc fatio truncorum dicitur. Plantas autem Seruius vocat, quæ de arboribus raptæ sunt. Plantaria, quæ ex seminibus nata sunt, & cum radicibus, & propria terra transferuntur. Vergilius:

Georg. 2. - Et vna sua plantaria terra. Transferendarum autem arborum tempus alij ab ætate, cæteri à crassitudine demonstrauere, vt vnum idem tamen sit. Quidam cum pollicis soliditati persimilis fuerit plantam transferunt. Cato crassiorẽ quinq; digitis non omisit. Multi, non minùs crassam quàm vt manum implere possit. Quòd bidentis manubrium intelligunt. Nonnulli ad brachij crassitudinem. Ab ætate verò tempus sumentes, bimam volunt. Verùm id in quibusdam plantis, secundum locorum naturam distinguunt, vt iuglandem in frigidis bimam, in calidis trimam transmutent. Hanc autem obseruationem, plures parui faciunt, solum plantæ nitiditatem considerantes. Maritæ verò vltimos, in arbutum transferri quinquennes volunt: vel, vt quibusdam placet, cum vicinũ pedum esse cœperint. Populis eadem ratio ẽ seminarijs, eademq; ẽ syluis. Propagines enim post bimatum transferuntur. Quæ verò inter ramos fiunt, post triennium: abscindunt enim, & cum qualis effodiunt.

De modo ferendi.

CAP. XIX.



AM ad ferendi post multas ad id præparationes rationem deueniamus. In qua quidem re diligentiores, si in aliqua arborum ferendarum parte, esse nos oportet, ne tot antea impensarum, ac operarum, iacturam vereamur. Primùm vt radicum maximam curam habeamus. Arbores autem diligenter eximere oportebit, ne cæspes resoluatur, & vt radices exemptæ non auulsæ appareant. Plurimum insuper proderit, si cum sua terra, atq; quamplurima, radicibus cohærenti, transferri possit: atque vt hoc fieret operosiùs voluerunt, vt circumligari cum cæspite Cato præceperit, ac in corbibus transferri. Viminibus ita innectunt, vt constricta terra, velut inclusa teneatur, & supposita pila transferunt. Hoc enim modo, cum sua fronde feri possunt. Alioquin truncus fronde priuari debet, atq; leuatis plagis, fimoq; & cinere oblitis, in scrobem vel sulcum deponi. Recta enim planta, leuis, procera, & sine vlceribus, libroq; integro, legi debet. Tunc verò celeriter comprehendet. Quod autem de radicibus læsum erit, amputandum. Positum quoq; ex æquo obseruandum, quem arbores haberent prius, quàm transferrentur. Quem rubrica, vel alia qualibet re, in cortice notare conuenit, ne hospiti peregrina nouitas noceat: vt cum fererentur

rerentur easdem cœli partes spectarent, atq; eisdem ventis, & assuetis oris, quibus antea cùm in seminario starent, fruerentur. Capit enim vires antiqua, & futura ætas, à sua infantia. Alioquin frigore, vel calore laborabunt: & Aquiloniæ meridianis oppositæ findentur, & algebunt meridianæ Aquilonibus, quòd præter consuetudinem alio tractu expositæ fuerint. Quod diuerso quidem id affectant, etiam in fico permutantes in contrarium. Densiora enim folia ita fieri, magisq; fructum protegere, & minùs amittere, ficumq; etiam sic scansilem fieri. Pleriq; id demum cauent, vt plaga deputati cacuminis transferendæ arboris meridiem spectet. Sic enim fissurarum ignara, nimioq; vaporì opponitur. Alij in horum diei quintam vel octauam conspectare maluerunt. Innoxium autem abradi partes, itemq; si nudauerunt plagas, quas fimo oblinunt, folijsq; circumligant. Illud apprimè custodiendum erit, vt de cliuo ac exili, in planiorem, humidiorè, & pinguiorem transferas, atq; in meliorem semper, si conditio patiat. Etenim nutricem matre indulgentiorem conuenit. Vnde illud Vergilij:

Mutata ignorent subito ne semina matrem.

Georg. 2.

Ad arborum autem indolem, vel augendam, vel detractandam, aquarum atq; terrarum vis, atq; potestas operatur. Arborem autem lætam, in alium locum transpositam, deterioris terræ succo, aut omnino interire, aut elanguescere videmus. Quod non solum hominibus, sed cæteris quoq; animalibus contingit, quæ alieno, quàm matris, lacte enutriuntur. Nam hac ratione, naturam in deterius mutari constat. M. autem Cato in tota transflatione, ventos omnes, imbres quoq; damnat. Boreas enim arborum radices, quas positurus adferes, perstringit, atq; percellit. Auster verò laxat, effunditq; vires, cuius naturæ sunt ferè venti omnes. Equè latet non negligendum, ne radices mora inarescant nève à Septentrionibus, aut ab ea cœli parte vsq; ad exortū brumalem, flante vento arbores effodiantur aut certè non aduersæ ijs ventis radices præbeantur, propter quod emoriuntur, ignaris causæ agricolis. Antequàm enim planta deponatur, imum scrobis solum bidentibus fodere oportebit. Vtilissimè proculdubio erit, summam terram aratro subactam (si tamen hæc pinguior fuerit) subdi. Nam hæc, sole, imbribus, ac stercoreatione, alia semper latior esse solet. Alij fimum bubulum. Melius erit, si cinis aspergatur, ne stercoreis calore adurantur. Nam cinis vel corticis teneritudinem, vel fructuum densitatem adferre creditur. Et si constet in scrobibus aqua, ea omnis haurienda erit ante, quàm demittantur: & ita semina hordei substernere, deinde ingerendi lapides minutuli, vel glarea mista pingui solo. Arbusculam ita locari, vt media sit totius scrobis, necessarium est. Radices inflexas poni melius est. In his autem arboribus, quæ vna atq; recta tantum radice innituntur, seruandum erit, vt directæ vsq; ad summitatem suam illæsa, integraq; obruatur. Vbi autem radices bene operueris, bene pedibus calcato, ne quid noceat. Postea fistucis vectibusq; quam optimè M. Cato præcipit. Idq; rei primum esse: alioqui leuis aqua vsq; ad imum penetrando tabefaciet: & sol per æstus exsiccando radices aduret, & ventis reuelletur.

Post depositas plantas quidam lapides substituunt. Cæteri dextra sinistraq; vsq; ad imum scrobis sarmentorum fasciculos, brachij crassitudine demittunt, ita vt supra terram paululum extent, per quos æstate, paruo labore aquam radicibus subministrare possis. Ne tineæ feminibus ficulneis molesta sit, in imum scrobis lentiscai taleam inuerso cacumine demittito. Aliqui multum prodesse cõfirmant, si plantam diuiso squillæ bulbo interfitam, strictam vinculis collocemus. Si oleam posueris, eo loco, vnde quercus effossa fuerit, morietur: quòd vermes, qui rauca vocantur, in radice quercus nascuntur, transeunt. Ij enim maximè oleæ semina consumunt. Nonnulli cerrum & quercum excisas, noxias relinquere radices dicunt, quarum virus oleam enecet. Fabarum siliquæ, si ad arborum nuper plantatarum radices positæ sint, plantas exsiccant. Hæc Theophrastus de causis naturalibus. Superiorem autem transferendarum arborum rationem, formamq; serendi, Vergilius Georgico carmine complexus:

Georg. 2.

*Antè locum similem exquirunt, vbi prima paretur**Arboribus seges, & quòd mox digesta feratur:**Mutata ignorem subito ne semina matrem.**Quin etiam cæli regionem i cortice signant:**Ut quo quæq; modo steterit, qua parte calores**Austrinos tulerit, qua terga obuerterit axi,**Restituant. Adeo in teneris consuescere multum est.*

Et alibi:

Georg. 3.

*Quod superest, quacumq; premes virgula per agros**Sparge fimo pingui, & multa memor occule terra:**Aut lapidem bibulum, aut squallenteis infode conchas.**Inter enim labentur aquæ, tenuisq; subibit**Halius: atq; animos tollent sata iamq; reperti,**Qui saxo super, atq; ingentis pondere testa**Urgerent hoc effusos munimen ad imbres:**Hoc, vbi hiulca sui findit Canis æstifer arua,**Seminibus positis superest deducere terram**Sapius ad capita, & duros iactare bidentes.*

In eodem verò scrobe, si duas, aut tres arbusculas ponere voles, curato ne mutuo se contingant: quoniam mutuo contactu aut computrescant, aut vermibus interibunt. Semina trifurca quidam poni volunt, vt ea super terram tribus pedibus emineant. Alij vt exiguum admodum supra scrobem, si periculum à pecore non habeat: letius enim frondebit. Arbusculam autem à tempestatibus diligenter tueri oportet, adminiculando. In summa, mutatione, aut meliora fiunt, aut deteriora. Quod ex cæli soliq; & aquarum ratione fieri oportebit, vt in animalibus quoq; est, quæ secundum locorum habitum in plurimis à suo genere differunt. At in arboribus non æquè manifestè depræhendi potest. Solum enim ex regionum diuersitate, magnitudine sæpius, colore, sapore, ac odore inter se dissimile.

De legibus, & Senatusconsultis, propter arborum sationem latis.

CAP. XX.

LATÆ



LA TÆ etiam leges, & Senatusconsulta, propter arborum
 sationem facta. Nihil enim prisce illi, in agricultura, tanto-
 perè antiquius habuerūt, quàm vt arbores plantarent. Ve-
 rùm non sine auiditate quarundam, qui iuxta confinia vi-
 cinorum, non sine illorum damno arbores plantarent: vt
 propterea leges censere, propter vtilitatem publicam coacti sint. Et inter
 legillatores Solonem primum fuisse proditum. Nam scribente in eius vi-
 ta Plutarcho, hæc lex eius fuit, vt qui in agro quoduis plantare vellet, id à
 vicino quinq; pedibus abesse iubebat. Qui verò vel ficum, aut oleam,
 nouem. Has autem arbores longiùs radices protendere compertum est,
 vt vicinis nutrimentum auferre eas necesse esset. Quibusdam etiam no-
 cium humorem transmittunt, vt deniq; sine detrimento cæteris plantis
 propiùs admoueri non possint. Huius autem legis meminit Caius Iurif-
 consultus, vt alias arbores, præter has duas, à confinio alieni fundi pedes
 duos longè abesse velit. Et idem esse in actione finium regundorum scri-
 bit. M. autem Tullius in suis Legibus, quas ad instar duodecim scripsit,
 similem legem sanxit. Vt cæteris arboribus pedes quinque seruentur.
 Quædam verò huius sanctionis vestigia apud nonnullos illorum mori-
 bus remanserunt, in quarundam arborum genere, Theodosius etiam iu-
 nior (veluti in Codice Iustiniano relatum est) Titulo de aquæductu,
 etiam sanxit, ne quis sulcum aquarum publicarum, vllis intra decem pe-
 des arboribus coarctaret. Factum est Senatusconsultum propter aquæ-
 ductus, Prouidentibus Q. Ælio Tuberone, P. Fabio Maximo, propter v. f.
 aquarum, quæ in urbem venirent: cùm itinera monumentis & ædificijs
 occuparentur, & arboribus confererentur. Huius verò in hanc formam
 de aquæductibus Iulius Frontinus meminit, Q. F. P. D. E. R. I. C. Cùm ad re-
 ficiendos riuos specusq; per quæ & opera publica corrumpuntur, place-
 re circa fontes & fornices, & muros, vtraq; ex parte vacuos, centenos qui-
 nos denos pedes patere: & circa riuos, qui sub terra essent, & specus intra
 urbem, & extra urbem continentia ædificia, vtraq; parte quinos pedes re-
 linqui: ita vt neq; monumentum in ijs locis, neque ædificium, post hoc
 tempus, ponere, neq; ferere arbores liceret. Si quæ nunc essent arbores
 intra id spatium, extirparentur: præterquàm si villæ continentes, & inclu-
 sæ ædificijs essent. Si quis aduersus ea commiserit, in singulas res in dena
 millia damnas esset, quod aduersus hoc Senatusc. commisisset pars alte-
 ra dimidia, in ærarium redigeretur. Deq; ea re iudicarent, cognoscerentq;
 curatores aquarum. Arbores autem feri iuxta aquæductus, pro-
 hibitum antiquitus fuit, non solum ob iustam viarū
 latitudinem, verum etiam quod nocumen-
 to ijs sint. Nam radices inter lapi-
 des infigunt, vt concame-
 rationes & lateres
 soluantur.



Præfatio libri vndecimi.



HOMERI Mantuani, in hac verba sententia est. Inere Daphni pyros: carpent tua poma nepotes. Qua sanè ad arborum insitionem nos hortatur, non tam nostri causa & ut ipsi soli arborum quas inferimus fructus legamus, quàm & liberorum nostrorum atque nepotum, ut futura nostra posteritati prospicere debeamus & illis pendere quæ maiores sui sibi ipsis impenderunt, ut pro ipsis multas insomnes noctes peregerint. Neque illorum exemplo ingrati esse debemus ut eadem liberis nostris ac nepotibus impartiamur ut saltē arbores in locum demortuarum, quas parentes posuerant reponamus, ut eadem bonitate & feracitate liberis transferamus. Nec enim agricola dubitare debet (ut prudenter in Synephebis ait Statius) quamvis senex, quarenti cui serat, respondere: dijs immortalibus. Qui non accipere tantummodo à maioribus voluerunt, sed etiam posteris tradere. Ait etiam apud Ciceronem, M. Cato. Qui dictis rebusq, agendis, semper grauis fuit. Serunt (inquit) arbores, quæ alteri sæculo proficiunt, ut in hac re, non tam præsentia tempora, quàm atates futuras spectare debeamus. Ut ea partim iure nostro vindicare debeamus, quæ à maioribus relicta sunt. Nec enim frugi patremfamilias pigere minimè debebit, eas arbores serere, quarum fructus paucis etiam post annis desumere possit, & liberi atq, nepotes per multos annos. Verum etiam huic rei, in quibusdam, cauerunt Iurisconsulti nostri. Nam agri usufructu legato, in locum demortuarum arborum usufructuarius, alias substituere debet, ut voluit Paulus. Verum & Cassij sententia, Fructuarius arbores subserere cogitur. Ulpianus etiam inter Iurisconsultos magni & præcipui nominis inter impensas necessarias, arborum curam, oliuetorum, deiectionum instaurationem, & seminaria, annumerauit. Nonne & emphyteusis, de qua passim apud eos mentio, ab arboribus nomen desumpsit? Nempè enim dicta est ab ἐμφύτεω quod est infero, siue planto. Φυτόν enim planta est. Quod agri tantum illi antiquitus, in eam conuentionem concederentur, qui inculti & ferè steriles essent, uti cura industriaq, meliores fertilioresq, redderentur, unde ἐμποιήματα, id est, laboramenta dicerentur. Quod non alias facilius, mino-

riq; impensa fieri, prisca existimarunt, quàm si arbores ibi sererentur. Nam & ut Vergilius subdit. Omnia fert ætas, ut quadam harum breui tempore fruitione ad id nos incitet, & hortetur. Nam paruo tempore crescit arbor, ut nos suis fructibus alat, & suis ramis adumbret. Quod Horatius testatur,

Crescit occulto, velut arbor æuo

Sub qua nunc recubas arbore virga fuit.

Et in hanc sententiam Ovidius,

Quæ præbet latas arbor spatiantibus umbras,

Quò posita est, primùm tempore virga fuit.

Tunc poterat manibus summa tellure reuelli:

Nunc stat in immensum viribus aucta suis.

Sed iam ad ipsam insitionem deueniamus, de qua solum in hoc libro dicetur.



HORTORVM LIBER VNDECIMVS.



Insitionis commendatio, & utilitas, et de eius inuentione.

CAPVT I.



NSITIONIS non paruum præconium, magnaq; huius utilitas, admirabilis deniq; ferè eius inuentio. Enimuero primùm succis mitioribus pomiferarum arborum voluptatem cibis attulit: Blandos enim sapes siue ab homine coniugio illæ didicerit, ut in ea etiam arborum adulteria excogitata fuerint. Insitione autem arbores mitescunt, genuinam

feritatem exuentes, syluestrem illam naturam in vrbana commutantes, & vrbana in pretiosius genus: ut è sterilibus fructiferæ fiant: nutritis etiam officio fungentes, alienos fructus enutriendo, etiam inuitè Æquum enim est dicere arborum fructus primùm insitione feritatem pristina deponuisse, & huius rei vnum exemplum est apud Plinium Corelius eques Romanus, Atteste genitus castaneam suomet furculo in Neapolitano agro inseruit. Quæ ab ipso postea nomen accepit, & inter laudatas habita. Postea eiusdem hæres libertus corollam inseruit. Hæc autem inter eas fuit differentia, illa copiosior, hæc melior. Quod gloriatur Astacus pastor Calphurnianus:

Non

Non minùs arte mea mutabilis induit arbor, & non genitalia poma

Ars mea nunc malo pyra temperat, & modò cogit

Insita præcoquibus surrepere persica pomis. Propertius:

Insitor hic soluit pomosa vota corona

Cùm pyrus inuito stipite mala tulit.

Insitione enim arbores, sicut iure ciuili homines in alienam familiam adoptione transeunt: vt hoc adoptionis vocabulum sibi vendicarit Columella in carmine: - *Aut alieno stirpe granata*

Multis adoptatis curnetur frugibus arbor.

Sed hæc omnia quidem minima existimanda erunt, si vera sunt, quæ de ea scribit Ouidius, vt illius exercitium contra amores remedium sit, mirabilis & summa laude digna magnum eius oblectamentum, vt tam arduas affectiones extinguat. Sic enim de Amoris remedio ait:

*Lib. 1. de reme.
Amor.*

Venerit insitio: sac ramum ramus adoptet,

Stetq; peregrinis arbor operata comis.

Cultus & in primis furcos emendat acerbos

Fissaq; adoptiuas accipit arbor opes.

Neq; prætereundum quòd sicut in animalibus ex diuersi generis connubio monstra fiunt, sic eadem ratione in connubio est. Quod & Palladius Rutilius intellexit,

Si velocis equæ pigro miscetur asello

Ardor vt in sterilem res cadat acta gradum,

Fæcundumq; genus productus deleat hares,

Et si defectum copia prolis agat,

Cur non arbor inops pinguescat ab hospite gemma:

Et decus externi floris adepta miscet.

Peculiarem impudentiam, hanc transmutationem Plinius vocat: vt in ijs, quæ faciem parentis, succum verò adoptionis exhibent, vt aliud genus insitione factum sit: vt in nucibus, prunis insitis, quæ nucipruna ex utroq; genere appellata sunt, vt quæ illius tempestate, apud Bæticos pruna malis insita, melina vocitari cœperunt, & amygdalis amygdalina. His enim in ligno intus, amygdalæ nucleus est. Nec eo aliud pomum ingeniosius germinatum est. Struteis autem cotonea insita, suum genus fecere milnianum. Mespilus etiam in malo insita Græcè ἐπιμελής quasi ἐπὶ τῆς μηλέας diminutiua forma. A malo etiam hæ appellationes ortæ sunt, hypomelides, hanamelides, & omomelides. Vt aliud genus, præter illud, in quo insitio facta est, denotare videtur. Athenienses autem melimela vocabant mala, quæ in syluestrem pyrum, cydoniûmve insita erant, aut in platanum, in qua rubicunda euaderent. Diophanes pyra odorata in malis insita de meliore nota commendabat, eaq; myrapilia vocabat, tanquam aliud genus esset. Citrus etiam in malo inferebatur, vnde citromelus diceretur. Cydonium in persico insitum melocotoneum vocant, Hispani membrillum. Insitionem primùm ab auibus contemplatam Theophrastus scribit, vbi arboris fructum vorassent, & postea in arborum cauernis egressissent: qui dein pluuiâ irrigatus, in suum genus enatus esset:

Aliter

Aliter Plinius. Eam enim casus magister ad hunc modum reperit: Sedulus agricola, casam sepiis munimento cingens, quò minùs putrescerent fudes, limen ex hedera subdidit. At illæ viuaci morfu apprehensæ, suam ex alieno fecere vitam, apparuitq; truncum esse pro terra. Alij Saturnum à fatu dictum, quòd Italos furculorum insitiones primus docuerit. Illud præterea non prætereundum, inferere fœcundius, & firmum magis esse, quàm ferere.

De tempore insitionis.

CAP. III.



NSITIONIS autem tempus bifariam considerari debet, anni scilicet & syderum. Primum enim idem cum satione est, præterquam inoculationis, aut emplastrationis. Nam veluti in arboribus illarum, & loci natura attendi debet, ita atq; in inferendis. Calidis enim & apricis, mense Ianuario, & Febuario optimè fit. In quibus etiam nonnulli Nouembri & Decembri, & cætero à desita germinatione: Verno tamen frequentius. Quod qui probant, ab æquinoctio statim admittunt: vel cum Fauonius flare incœperit. Hoc autem tempus vrget, germinaq; parturit, sese incitantibus gemmis, ac mutua vtrinque coeundi cupiditas, faciliorq; tunc corticum complexus. Vna enim cum partu germinationeq; cortex quoque adnascitur, atq; obteggit. Tunc enim arbores omnes simul atq; gemmas agere cœperint, vtilissimè inferuntur. Sed & hoc ex loci qualitate, arborisq; natura, aut ferius, aut tempestiuius. In qua re etiam sedulo prospiciendum erit, succi vel abundantia, vel raritas: vt quæ sicciora sunt, tardius, & econtrâ maturius, præterquam in punica & ficu: quæ quanquam aliàs sicca sunt, recraftinare minimè vtile. Quare extremo Martio, vel etiam Ianuario aptequàm incipiat gummi collacrymari, prunus inferitur. At alij (vt Palladius) non antea inferunt, quàm fluere desierit: vt insitio germinationem anteuertat, necesse sit. Mala & pyra Plinius post solstitium quinquaginta diebus inferi, ex Catone præcipit. Oliuam circa æquinoctium vernum, vsq; ad Idus Apriles inferunt. In ea verò oculi diutissimè parturiunt, minimumq; succi sub cortice habent. Peculiaris à tempore quarundam arborum insitio est, vt solas cerasos Plinius post brumam inferat: vt statutum his & amygdalis anni illud tempus vbique sit. Græci tamen Vere etiam. M. Varro ficulnas insitiones ex verno tempore in æstiuum solstitium contulit. Ille pyrum florentem inferit, ac vsque in Maium protendit. Emplastratio autem, vel inoculatio, Maio, vel Iulio, atq; etiam vltra celebratur. Per omne enim germinationis tempus vsurpatur: & sub Etesiarum flatu (autore Plinio) minimè formidatur. Alij vernam magis probant, dum æquinoctium agitur, arboribus adhuc fœtu grauidis, & illo tempore melius in his arboribus, quæ magis gracili & fictienti solo gaudent. Quæ autem vliginosa, & pingui, potius Autumno. Multum insuper proderit, signiferi orbis cognitio, & quæ signa inferendi tempore luna peragret: vt optimè tunc insitio peragatur, cum illa Saturnum intuetur. Nam ex eo dicitur, quòd fatui, & seminibus præesse in-

n n telligatur,

telligatur, & vis eius terrena sit. Inoculationem etiam alij præferunt, quæ exoriente Arcturo solet fieri. Tunc enim inoculata protinus quasi radicari, maioremq; in modum posse coire affirmant. Aqua etiam inoculationi vehementissimè officit: putrefacit enim, & admissa facillimè destruit, ratione infirmitatis. Quamobrem, in Caniculæ ortu tutissima. Illud postremum custodiendum erit, ut luna plena, vel paulò antè vel post, insitio fiat. Hac etenim ratione arbor citius provenit.

De calamo seligendo, & eius varia appellatione, & quemadmodum è longinquo transportentur. CAP. III.



CALAMVM (vt ad rem præsentem attinet) ramusculum ex alia arbore, ad insitionem depressum, vocitamus. Vergilius flagellum appellat: quòd, ut ait Seruius, hæ arborum summitates, ex quibus calami defringantur, ventorum crebros flatus sustinent. Alij furculum vocant. Lucretius etiam stirpem, hoc carmine: *Unde etiam libitum, est stirpeis committere ramis.*

Neoterici quidam communi & vulgari vocabulo graphum vocant: hac, ut arbitror, ratione, longè tamen, & à scriptura sumpta denominatione. Nam quemadmodum calamis, præsertim alitum scribimus, ita graphum calamum insitorium vocamus. Illud primum atq; diligenter insitor obseruare debet, uti è bona ac frugifera arbore furculos effringat, ut ex his generosos & vberiores fructus decerpere desyderet, æquè etiam veluti de parète optimo frugi filios speramus. E feraci autem arbore, & quæ quotannis etiam ferat, aut quæ saltem illo anno parere sperauerit, eligi debet. Hoc maximum ad plantæ fertilitatem pertinere sperandum est, ut qui etiam hac ratione frugiferi sint. Omni item opera elaborandum erit, ut laudatissimi sint: quales erunt, si niteant, integriq; sint, & prægnantes, hoc est, germinatione, siue oculis turgentes: ante omnia gemmantes, recti, ut nil vlcerosum, vel retorridum in his sit. Eiusmodi verò meliùs coalescunt, expeditumq; alimenti meatum faciliè præstant, ut incrementa citius sequi possint: contrà, retorridi, atq; nodis cæci, quasi quadam calamitate, orbi sunt. Bifurcos, aut etiam trifurcos Columella desyderat. Quod parum hodie attenditur. Anniculi enim desumi volunt, aut qui duorum annorum sint, si arbori vetustæ inferendi sunt: robustiores enim tunc esse debent. Qui verò anniculi sunt, promptè excurrunt. Quod autem ex præcedenti anno est, rustici trunco demergunt. Crassitudine digiti minimi, legi Columella præcipit: verum id ex ratione trunci adoptantis fieri debet, ne ille parentem nimis potentiùs, vltra quàm deceat, laxet: aut hic robustior, debiliorem aduenam strangulet. Ex altiori autem arboris parte colligi Maro negat, his verbis: *- Nève flagella*

Summa pete, aut summa defringe ex arbore plantas

(Tantus amor terræ) nec ferro lade retuso

Semina.

Peti autem Columella, & Plinius ex arborum humeris volunt. Sed non arborum cuilibet id conuenit. Non enim omnibus plantis iisdem partibus subest succus. Ficis media sicciora, & è summa parte

parte conceptus: ideo illinc calami carpuntur. Oleis cacumina sitiunt, circa medium succus, unde furculi sumendi. Ex parte enim, quæ orientem æstiuum spectat, decidi debent. Alij ex partibus Boream intuentibus. Omnino reiiciendi, qui umbris ramorum & plantarum continentur. Luna crescente, Florentinus desumi vult. Plinius verò religione seruari prodiit, ut si luna crescente deprimantur: idque utraq; manu fiat. Alioquin in hoc opere, duæ simul minus nituntur, necessario temperamento. Lacrymantes autem calamos inferi non oportet. Quamobrem M. Cato inclinari paululum ut aqua defluat, non herculè magis quam aridos: quia illo modo labat humore nimio cortex, hoc vitali defectu non comprehendit. Cauendum etiam ne nimia viriditate virecant. Quare decem diebus, aut pluribus, ante insitionem in vase cooperto, & probe munito deponi debent, ne persulentur & transpirent. Alij sub terra, in tegula diligenter occultatos obseruant. Si verò longius efferantur: ramo infixi succum optimè custodiri existimant. Seruarique inter duos imbrices, iuxta riuos vel piscinas, utrinque terra obstructi.

Arborum aliquot genus insitionem non recipere, etiam Romanorum religione: Et quòd nonnulla trunco inserantur, non etiam inoculantur.

CAP. IIII.



DEO arbores quædam pertinaci odio inuicem dissident, ut nedum in societate, verum etiam in insitione, nulla ratione simul coire valeant. Non enim, inquit M. Varro, pyrum recipit quercus. Non enim, ut diuus Iacobus Apollonius scribit, ficus oleam, nec illa vitem gignit. Oleam insitionem non accipere quidam arbitrati, quòd oleum plantis inimicissimum sit: quod agriculturæ falsissimum. Pinus, cupressus, larix, alterius sobolem non educant. Et, ut generalius dicam, quæ pingues, quæve picem & resinam illacrymant. Nam hæc diffisso libro hiant, quasi de proprio lare saniem contrahunt, oleosumque exudant liquorem, nitetque circumquaque pinguedo. Quocirca cum alijs generibus misceri recusant, perinde quoque atque ipsum oleum. Insitionem autem maximè impedit corticis diuersa natura: ut cum tenuis & exuccus est, quòd nec stabilem sedem, nec vitalem alimoniam insitis præbeat. Nam arboris corticem aduenam accepturæ, sequacis esse ingenij oportet. Quæ enim duriori ligno sunt, ut buxus, & huiusmodi cæteræ, insitionem non recipiunt, aut quæ leui ligno sunt. Nam hæc, sua tenuitate non stringunt: illæ sua duritia strangulant. Multi pyrum in malo non inferebant. Qui aruspices audiunt, à quibus proditum, singulis arboribus quot genera insita sunt, vno ictu tot fulmina in illud, quod fulmen concipit, fieri. Religione etiam antiquitus, in quibusdam speciatim generibus, aliquod insitionis genus vetitum. Morum enim ramo inferi, fulgurum religio prohibuit, ut scribit Plinius. Omnia autem insita misceri fas est. Citrus sterilis erit, si inoculetur: fissio enim trunco tantum inferi debet. Cydonia melius in trunco quam cortice: olea melius sub cortice, Cerasus melius in trunco: iuglans in trunco:

nn 2 Ficus

Ficus oculis & furculis. Et vt generalius dicam, Arbores omnes prosperius trunco, quàm inoculatione, ac cæteris infitionum generibus, inferuntur.

Infitionem in suo quoq; genere feliciter provenire.

C A P. V.



IN S I T I O N E M, quæ in alio, quàm suo genere, fit, adulterium nonnulli vocarunt, verum autem coniugium, cum in suo genere: non inepta à coniugibus translatione, vt quæ vera societas, verum matrimonium arborum fit, cum infitio in suo quoq; genere fit. Nam nulla alia conuenientior infitio, quàm quæ in suo genere fit, vt pyrum in pyrastro, prunum, malum, in syluestri mitive inferas: etiam vt Plinius scribat, Africæ illud peculiare quidem esse, in oleastro oleam inferere, propter æternitatem. Adoptione enim, virga emissa, senescunt: atq; ita alia arbore ex eadem iuuenescente, iterum atq; opus quoties est infitione, vt ex eadem oliueta consistent. Hoc modo insitas oleas quidam cotinadas vocant. Hæc est enim illa plantarum, sicut animantium omnium, etiam in infitione cognatio. Nam germinationis florisq; idem aut parum ex loci differentia, distans tempus, atq; succorum societas plurimum operatur. Si tamen in pyrum syluaticam pyrum inferueris, tametsi non bonam, pyrum æquè non iucundum tamen erit, quàm si in eam, quæ non fuerit syluestris generis. Hoc quippe obseruandum apprimè erit, vt in quancunq; arborem eiusdem generis inferere volueris, adoptatus adoptante sit generosior. Alioquin verò inanis labor, superuacuaq; diligentia. Quare Vergilius nos monet, ne oleæ syluestris inferamus furculos. Altero loco erit, vt qui arbores pauciores habet, aut plures habere nec velit vel possit, vti ex optimo, quàm potest, genere inserat, vti ex paucarum pretiositate, numerum refarciat, & numerum augere videatur. Nam vt IESVS CHRISTVS etiam ait, Bona arbor, bonos, mala verò malos fructus feret. Facillimè enim coalescent, quibus eadem corticis natura, nec quæ dissimilis ei est, cui inferitur. Quippe lenta res erit, quotiens humidis repugnant sicca, molliibus dura. Inueniuntur tamen nonnullæ, quæ alienos fœtus infitione alant: de quibus sequenti capite. Sed neq; eundem, ac similem, sicuti in matre eiusdem generis ferunt; quin sæpe aut colorem, aut saporem, magnitudinemve immutant, vt hac causa frequentius deteriores.

De infitione in alia, quàm sui generis, arbore. C A P. VI.



S V P E R E S T, vt arbores, quæ alienos fœtus infitione alunt, dicamus. Inter quas capacissimæ omnium erunt, autore Plinio, platanus, postea robur. Verum vtraq; saporem corrumpunt. Apud autores, autem legi platanum recipere persicum, pyrum, citrum, sed in eo rubescere, cerasum, ficum & malum. Quod testatur Vergilius,

Georg. 1.

Et steriles platani malos gessere valentes.

¶ I. I.

Cotonea

Cotonea malus, & caprificus, quancunq; voles arborem suscipient. Illa verò pyrum, maximè malum, mespilum, tuberes. Claudius Appius in ea mala inferuit, quæ ab eo postea Appiana cognominata: forbum etiam. In ea enim omnia elegantiora, maioraq;, & minus lapidosa nasci arbitrantur. Mirum est, Palladium contrariæ fuisse opinionis suo carmine, & contra experientiam ipsam. Sic enim ait:

Cum præstet cunctis se fulva cydonia pomis,

Alterius nullo creditur hospitio.

Roboris externi librum aspernata superbit,

Scit tantum nullo crescere posse decus.

Ficus in moro & vlmò, ut ait Palladius, sed parturit magnæ infelicitatis augmenta. Africanus ex Florentino prodit, oleam in vite insitam non vuas modò, sed & oliuas quoq; pròducere: subditq; huiusmodi visam à Mario Maximo arborem: cuius cum fructu degustasset, negavit se quippiam vnquam comesse, quod magis oleam vuamq; repræsentaret, tam huic vtriusq; simul sapor inhærebat: nasciq; tales arbores in Libya, quæ gentili appellatione vbolima vocarentur. Plutarchus Charoneus, in hortis Soclari, quos Cephisus amnis ambiebat, dicit se ex lentisco oleas pululantes vidisse. Cerasus non nisi in suo genere. Plinius tamen sua tempestate minùs quinquenio, quo antè hæc passus est, Cerasia prodixisse scribit, quæ à lauro adoptante, laurea vocata sint, quæ essent non ingrata amaritudinis. Eiusmodi autem è syluestrium genere, in Gallia nascuntur: ut amaritudinem, magnitudinem, necnon colorem baccarum lauri referant, ut nihilo ab his, præterquam succi abundantia, differant. Apud Gallos ex acidorum genere, in vlmò prope Gergouiam, iuxta Ligeris pontem insitam vidi. In Lugdunensi verò agro, in alno è dulcium genere. De fago, orno, quercuq; sic Vergilius:

Castanea fagos: ornusq; incaluit albo

Florè pyri, glandemq; sues fregere sub vlmis.

Georg. 2.

Morum hospitem castanea, fagus, terebinthus, pyrus, vlmus, populus alba fouent: in hac verò insita fructum album ferre aiunt. Nux iuglans, in pruno & in arbuto. Vergilius:

Inseritur verò ex fetu nucis arbutus horrida.

Amygdala in Persico. In pruno verò insita, fructum degenerem atque paruum fert, sicut & persicus in eò insita: sed ut diuturniores sint, in eò inferuntur maximè amygdalæ amaræ. Nam in suo genere insita parum durant. Persicus in malis, ut ait Palladius, sed degeneres reddit fructus: & in amygdalo. Quercus pyros ferre Plutarchus est autor. Hæc autem in amygdalo, punica, terebintho, vlmò, fraxino, maloq;, & aronio pruno. Pyrus vicissim malum admittit: & prunus, sorbus, persicus, aronia. In moro verò insita, rubicundos fructus fert. Si verò citrum comprehenderit, toto anno pomiferam reddi pollicetur Didymus. Malus etiam laurum & myrtum & mespilum. Mespilus in pyro, malis omnibus, pruno, aronia. Mespilus item myrtum suscipit, & punica: illa verò hanc mutuo, qua ratione plura mala feret. In citrio etiam punica, & in salice, punica etiam vi-

cissim citrum fert, & morus. Verùm hæc fructus rubros feret, & salix. Citrus verò quoddam amygdali genus, quod florem rubicundum fert. Inter autores quidem nonnullos conuenit, laurum, sorbum, & fraxinum, se hospitio vicissim ac familiariter recipere, vt in hac ambæ inferantur, & hæ illam recipiant. Castanea verò in iuglande, terebintho & robore inferitur. Insalice etiam, vt Palladius ait, verùm tardiùs, atq; in sapore aspera. Pistacia in terebintho & amygdalo, in ceraso apud nos insita à viro graui audiui, pruna in persico. Mixæ, Plinij tempestate Romæ nasci cœpere, in sorbis insitæ: asseritq; ille in Calabria spinam esse, quæ optimè eas recipiat, & etiam tuberes. Meliùs inferi in pruno scribit. Hæc sunt, quæ de coitu diuersi generis arborum, erga insitionem ab autoribus prodita: quorum nonnulla experientia didici. Præter hæc pauca Rutilius Palladius in suo carmine de insitione ad Pasiphilum addidit. Quæ ipse ex industria præterij, non tam quòd lectorem multis in vnum coaceruatis offendere dubitarem, quàm quòd eum elegantis carminis contextu priuarem, cuius autoritas, & lepos, si intercisè hîc infererentur, diminuere- tur, pleraq; etiam ab vsu exoleta. Iam pridem verò ad culmen insitionis peruentum, vt nec quicquam ampliùs excogitari valeat, vt nullum certè pomi nomen nouum nunc perquiratur, nec iam diu inuentum est.

De modo inferendi, & insitionum generibus.

CAP. VII.



ANDVDVM insitionis tempus demonstrauius, iam pridem calamum selegimus, iamq; arborum hospitium notum. Reliquum est, vt de insitionis forma disseramus. Insitionis autem genera antiqui tria tradiderunt. Primum, quod inter librum & lignum fieret. Alterum, quod in trunco fisso. Tertium, quod emplastrationem, seu inoculationem vocant. Sic enim quosdam hæc duo postrema confundere reperio, quòd in vtroq; oculus insit. Primum Græci encetrismon, secundum emphyllismon, aliud enophthalmismon. De quibus sic Palladius:

Aut noua discreto finguntur germina libro:

Aut aliud summo robore fissa capit.

Aut virides oculos extremi gemma tumoris

Accipit, & lento stringitur vda sinu.

Antiquiores enim primùm truncum findere timuerunt. Quare prima insitio inter lignum & corticem fuit, vt etiam ex his, quæ de insitione commentatus est M. Cato, facillè apparet, non alio modo, quàm inter librum & lignum, illa ætate homines ferere solitos. Mox postea truncum findere ausi. De quibus speciatim videndum, & quidem diligenter, atq; studiosè. Quandoquidem præcipua plantarum dos ex insitione sit, vt potè quæ etiam totius agriculationis doctiorem manum desyderet. Primum omnium antea videndum erit de plantæ inferendæ ætate ac crassitudine. Hæc autem ex æuo esse solet. Neq; vna eademq; circa quodq; insitionis genus vti erga singula differre debeant. Quod autem inter lignum & materiem sit, in adultis & senioribus commodiùs, propter cor-

ticis

ticis firmitatem. Porro teneræ, largam, ob libri tenuitatem, atq; hiatiōe nimia, separationem ferre non possunt, arefcit etiam citius cortex, vt hæ similiter emplastrationem tolerant. Aegræ autem emplastrum minùs complecti possunt. Robustiores autem trunci, fissionem non æquè faciunt, vt sæpe teneram & debiliorem aduenam, hospitali duritie strangu- lent. Quod si cauere velimus, sæpius vltra, quàm opus sit, finditur, vt pa- rum hifcere compellatur, quæ cingulo difficulter stringuntur. Teneræ au- tem plantæ, ligni fissionem patiuntur, vt in his defigi possit furculus æquè crassus, verùm vnus tantùm. Inoculatio autem neq; nimis tenuem, neque crassiorem desyderat. Secundum erit, vt qua potissimùm trunci parte in- feramus. Alij verò altè, ferè hominis longitudine, vel suprà : ceteri, quod magis probant, statim qua terræ proximum, si trunci ratio patiat. Hac enim causa truncus ad insitum citiùs, fufiusq; alimentum transfert. Nam cortex, & lignum beneficio foli adhærentis humescit. Fructus insuper generosiores fore aiunt, quòd adoptantis succus, latius euagando, furcu- li naturam inficiat, & suo natiuo humore imbuat, & adulteretur, ac si va- lentior longo tractu efficiatur. Planta insuper similis crassitudinis erit. Nam si altiùs truncus inferatur, natiuam crassitudinem non mutabit : vt stipes à loco insitionis differens sit, inferiore parte, vel contrà superiore, ex natura trunci & insiti tenuiore existente. Quod è longiquo conspici potest. Parum alij alia commoditate curant, quòd insitum altitudine se ab animalium iniuria tueatur, nec palo per aliquod tempus indigeat, quodq; etiam breuiori tempore, puta triennio, aut quadriennio, vmbra, quan- doque fructu insitorem & dominum regat, ac delectet. Quod Neustrij, apud Gallos faciunt. Verùm istud non nisi in truncis satis amplis, vt insi- tum suo robore sustentare possit. Purganda sanè omni sobole planta in- ferenda erit, ferraq; vbi constitutum sit, recidenda, verùm ea parte, qua maximè nitida, & sine cicatrice erit. Dandaq; erit opera, ne liber lædatur. Plaga dein falce, aut cultello læuigatur. Postea cuneum fastigiatum, & te- nuem, buxum, vel osseum, Palladius leoninum desyderat. Quidam fer- reo vtuntur, sed minùs aptè, propter ferri rubiginem. Inter corticem & lignum non ampliùs tribus digitis demittito. (Hæc enim, vti iam dictum, prima insitio fuit) verùm consideratè, ne corticem vel rumpas, vel lædas. Deinde furculum exacuito ex vna tantùm parte, sicuti voluit Columella. Alij ex vtraq; ne tamen medulla denudetur. Quidam ex vno latere rasu- ram ita deducunt, vt medullam contingat, altero paulò vltra corticem. In speciem cunei figuratur, vt ab ima parte acutus sit. Vbi verò paratos ca- lamos habueris, cuneum vellito, statimq; hos in hæc, quæ cuneo adacto feceris, foramina, demergito, eo videlicet fine, quo calamos adraferis, inter librum autem & lignum vel senos aut plures postea adiecerunt, mortali- tati eorum ex numero persuasi. Nec ampliùs semipede suprà de arbore extare debent. Plaga luto, vt in alia insitione dicetur, tegenda. Postea me- dio trunco inforare ausi, ipsiq; medullæ calamum imprimebant, vnum tantùm inferentes. Neq; enim subtilior medulla, plures capere poterat. Locus priùs tenui fistula detegebatur. Terebra enim postea Gallica per medullam

medullam in arborem infigebatur, vt plaga interiùs leuiter aperiretur, eduçtoq; omni scobe calamus instar impressi foraminis arcè impriunt, succidum atq; humectum, vt foris gemmæ duæ, pluresve extent. Hoc tertium genus Columella dicebat.

De insitione in trunco fisso.

CAP. VIII.



NIL vnquam priùs inuentum fuit, quin postea ad inuentionis vtilitatem & augmentum, aliquid non sit additum, vt hac ratione artes omnes, disciplinæ omnes, magnū incrementum, magnum præconium, ingentem gloriam adeptæ sint, vt circa eas ediscendas, & amplectendas crebrum exercitium, & continuum studium, perspicax ingenium necesse sit. Nec tam præterea vile artificium, cui nonnihil ad eius auctionem & scientiam addi non potuerit, & in dies adiciatur: tam solers hominis ingenium est. Quod in insitione fuit. Nam, vt iam dictum est, antiqui truncum findere timuerunt, quod postea sequentes, audaci ingenio, fecerunt. Exsecatus enim, ac præparatus, vt supra, truncus per medium, falce aut scalpello acuto permodicè findi debet: idq; in loco nitidiori, & vt fissura minimè obliqua, nec translucens: dein cuneo fissura laxari, nec minùs digitos tres descendere. Præcauendum nanq; studiosè ne nimium hiscat. Quod pertimescentes quidam, truncum priùs vinculo strictius illigant, ne cum scalpro iter furculo factum sit, plus iusto hiet, & laxè calamus accipiat. Cauendum etiam, vt parum exprimat, vel minùs compressum eneçet. Hac etenim causa, vt plurimum insitum periclitatur. Ideoq; ex trunci crassitudine furculus seligi debet, aut vnicus, vt aptius diducatur, defigi: tunc alterius laxitate minimè læditur. Quod etiam in tenuioribus stirpibus obseruandum erit. Inter duos calamos cuneum ligneum demergunt, qui arcetorem strictionem cohibeat. Quosdam verò magis delectat, in arboris trunco, locum seminibus ferra facere, atque in sectas partes tenui scapello leuare, &, vt dicetur, furculos aptare. Quod tutissimum in crassioribus stirpibus erit, si malimus hoc modo, quàm inter corticem & lignum inserere. Pòst enim furculus ex vtraque parte leniter, ne liber conuellatur, cuspidatim præcidi debet, sed vt integra remaneat medulla, & demitti, sic, vt librum seminis libro arboris æqualem facias. Spei enim multum fauet calami & trunci corticum inuicem commissura. Tunc verò cum diligenter furculos composueris, cuneum eximito, vt depositus furculus, redeunte in plagam materie, possit stringi. Validius enim demissi tardiùs ferunt, fortiùs tamen durant. Vsq; ad suum corticem deprimi debent. Cauendum erit, ne dum merguntur, laxetur liber, nève in rugas replicetur. Inuersi autem, vt breuior altitudo arboris sit, inseruntur. Amplior tunc latitudo arboris erit, ramis in latum hac causa magis sese effundentibus. Multi insitum desuper quallo vel fictili vasculo, terra subacta, cum stercore repletis muniunt. In citro Palladius præcipit. Carasi præter librum lanuginem habent: quæ si compræhenderit, insitum putrefacit. Refert autem Palladius sibi diligentem agricolā asseruisse,

ruisse, omne insitum sine dubio comprehendendi, si demissis furculis, viscū non temperatum in ipsa plaga pariter immittatur, quasi glutino quodam succos vtriusq; materiæ misturum. Alij tritum saccharum, aut cinnamomum, aliāve bene redolentem speciem in fissuram refundunt, aut etiam immergendam furculi partem melle, aliōve dulci liquore madefaciunt, & imbuunt. Dein vndiq; insiti rimas, cera diligenter obturant. Hac causā existimantes arboris fructus odoriferos, dulcesq; succos sapere posse, vt fructibus nonnullis hoc modo insinuatus odor sit præstantissimus, vt pyris muscatellis, & alijs. Sic enim compactis furculis argillam circa arborem adaggerunt, & musco operiunt. M. Cato argillæ vel cretæ fimum bibulum, & arenæ paululum admisceri, vnaq; quā maximè densari, vt lutum fiat, præcipit, atq; illo stirpem digitos crassos tres circumlini. Deinde lingua bubula (herbæ genus est) insuper obtegi, eamq; stramentis coopertam, ne cadat, illigari. Hac autem ratione, ne aqua ad librum permeare possit neūve etiam gelu noceat. Multi solū argilla librum, plagamq; parum vltra fissuram. Superadditur muscus vel stramen. Dein arborum corticibus in fascias prætenues ductis, totum insitum complectuntur, quas salice Græca aliōve scissa inferiūs circumligant, ingeniosè quidem: ne furculos argillamq; sua sede deturbent. Quod superest, à fine cinguli amputant. Neutri verò acerato luto insitum tantum circumfarciant, quod abundè satis (autore Plinio) est: atq; id commodiūs, vt aranei molestias deuitent: nam sub cortice, quò aduersus imbres, & frigora sese tueatur, lustra, & latibula constituit. Lues quidem non minima insiti: Nempe germinantes gemmas & coliculos teneros perdit, vt crescere non permittat. sape etiam perimat, nisi plurimis gemmis pabulum superabundauerit. Plures virgulas prætenues in altum erectas insitum muniant aduersus aues, ne illis insideant, ac furculos infringant. Multi iunipero ad easdem molestias circumsepiunt, quæ spinarum congerie sedes volucris prohibet. Iunco ad ligaturam Columella vitur: Nam vimen, cū inaruit, penetrat, & infecat. Molliora vincula probat. Pusilla arbor hoc modo vtiliter inseritur: Eam imam abscindito, ita vt sesquipede è terra solū extet: deinde terram circa arborem adaggerato vsq; ad ipsum insitum. Ea verò res à vento, & calore maximè tuebitur. De hac autem insitione his Vergilius:

*Aut rursus enodes trunci rescantur, & altè
Finditur, in solidum cuneis via: deinde feraces
Plantæ immittuntur: nec longum tempus: & ingens
Exijt ad cælum ramis felicibus arbor:
Miraturq; nouas frondes, & non sua poma.*

Georg. 2.

De cæteris insitionis generibus.

CAP. IX.



V C I V S Moderatus Columella, vnus omnium, qui de re rustica apud Latinos scripsere, & doctissimus, atq; eloquentissimus: quod nemo, qui eius de ea re monumenta perlegerit, inficias ibit: ingeniosissimus item agricola, vt ex eius scriptis manifestò clarum

o o est.

est. Is autem insitionis nouum genus adinuenit, specimen quoddam exercitij suæ, quam doceret, doctrinæ, quo maximè infociabiles arborum naturæ simul copularentur, vt genus vnum furculi omni arborum generi inferi posset. Quod nemo ante eum inuenit. Quod Plinius multæ lectionis, si quis alius, tam apud Græcos, quàm apud nos autor fuit, apud alium se minimè legisse ingenuè fassus est: & vno exemplo, fici scilicet, & oleæ ille contentus. Nempe iuxta oleam ficum feri iubet, non ampliore interuallo, quàm ab olea contingi largè possit: & vt robusta, nitidaq; fiat, cura adhiberi debet. Eumq; interim ramum, quem inferere volunt, omni tempore, curuandi meditatione edomant. Posteaquàm enim ficus vires adepta est (quod ferè euenire solet, cùm trima fuerit) illam detruncant, finduntq; (sicut de insitione dictum est) & ramum oleæ, qui videtur nitidissimus, desectunt, & ad crus arboris ficulneæ ligant. Adrafo enim oleæ cacumine, sicuti matri adhæret, ad instar furculi in fici inserunt fissurâ. Ramulos colligant, ne qua vi reuellantur. Ita quodam propaginum atq; insitorum, communi inter duas matres temperamento, triennio coalescunt: quarto verò anno abscissum totum adoptantis est. Similis enim insitionis M. Varro meminit, in propinquis arboribus animaduersam, vt ex arbore, à qua quis furculum habere vult, in eam, quam inferere velit, ramulum traducat, & in eius ramo præciso ac dississo implicet, eo modo quo suprâ dictum est. Palladius item alterius insitionis meminit, quam ab Hispano ipse didicit. Hic in persico expertus fuerat. Salicis ramum brachij crassitudine solidum, longum verò cubitis haud ampliùs duobus, in medio terebrant: persicum omnibus ramis, dempto capite, spoliari, quod per foramen salicis induci, & ipsum ramum in arcus similitudinem curuatum vtroq; capite terræ defigi. Foramen autem, quod manubrij amplitudine esse oportet, luto, musco & vinculo stringi: vt post annum, quando persici caput sic salicis medullæ adhæserit, vt sunt duo corpora permixta, planta subter incidi debet, atq; transferri, & ita aggerari terra, vt arcuatum salicis ramum & persici cacumen operiat. Hac causa pomum sine ossibus nasci scribit. Verùm hoc non nisi in locis perhumidis, vel irriguis, ex salicis natura. Quòd si locus eius qualitatibus minime sit, aquationibus adiuuandus, vt lignum vigeat. Aliam insitionem recentiores memorant: Salignam perticam abscindunt, & subtili terebra perforant, ea crassitudine, qua furculum foramen implere volunt: pluribus foraminibus semipede inuicem distantibus. Nonnulli vsque ad cor, alij ultra, & sic furculos, ea tantùm parte, quam obruturi sunt, abradunt, & foraminibus infigunt, & luto muniunt. Perticam postea loco aquoso, supereminentibus furculis defodiunt, alij partem supereminere volunt. Post annum perticam cum singulis furculis succidunt, & singulis scrobibus locant. Hac periculosa, propter siccitates: quæ si aduenerint, debet continuò irrigari. De nonnullis insitionis generibus Pallad. in suo carmine:

Nam quæcumq; virens alienis frondibus arbor

Comitur, his discit credita ferre modis:

Aut noua discreto finguntur germina libro,

*Aut aliud summo robore fissa capit,
Aut virides oculos extremi gemma tumoris
Accipit: & lento stringitur vda sinu.*

Et cætera, quæ apud autorem videre poteris.

De inoculatione & emplastratione.

CAP. X.



NOCVLATIONEM à Vergilio incipiemus. De qua sic:

Nec modus inferere, atq; oculos imponere, simplex.

Georg. 2.

Nam quæ se medio trudent de cortice gemmæ,

Et tennes rumpunt tunicas, angustus in ipso

Fit nodo sinus: huc aliena ex arbore germèn

Includunt, vdoq; docent inolescere libro.

Arborem autem, quam inoculaturus es, primùm ab omni sobole & coma purgabis, relictis tantùm perfectioribus, & adultioribus ramis, quos inoculaturus es. Dein fistulam in arbore, ex qua semen desyderas, & in qua oculus insit, exciso cortice aperias, eamq; in ramo alterius arboris delibrato includes. Quem verò eiusdem crassitudinis cum ramo, ex quo sublata fistula fuerit, esse oportet, ne nimis laxè, sed conuenienter aduenam suscipiat, ne humor exhaletur, quærasq; sinum in nodo gemmæ expulsi corticis, in quo debeat includi. In ficis autem & malis hæc fuit antiqua inoculatio. Ex ipsa autem inoculatione nata emplastratio videri potest. Emplastraturæ autem arboris rami omnes amputandi, ne succum auocent. In parte verò nitidissima, quaq; etiam præcipua cernatur hilaritas, scutellam, seu mauis dicere emplastrum, à quo emplastratio, acutissimo scalpello, subtiliter, ne gemma lædatur ex alia arbore, ac ramis nouellis atq; item feracibus, eximimus, ita ne descendat vltrà ferrum, vbi gemma eminens, & bene apparens, atque in medio constituta sit. Lata enim esse debet, æqualiter duobus digitis. Cortex etiam adoptantis arboris in loco nitido ac vberi, quatuor digitorum longitudine, & trium latitudine excidi debet, atq; ita coagmentari, & intritus stringi. Scutella verò sic imprimitur, vt par cum sui germinis mamma, sic compage cicatrici densata, vt non supersit locus, ac vt statim vnitas fiat, neq; humorem, neq; afflatum vllum recipiens. Nihilominus tamen & luto atque vinculo munire melius, vt tamen libera gemma relinquatur. Palladius autem exactis vno & viginti diebus, vinculo exolui vult. Corticem autem gemmæ adoptatæ Plinius scutellam vocat, quæ vox scuti vocis diminutiuum est, ad cuius formam scinditur, vnde sic nominata. In cuius effigie Galli magnatum & nobilium insignia depingunt, ecussonum vulgò vocantes. Quare ij emplastrationem vulgò ecussonum vocant. Emplastrationem L. Columella mira eloquentia descripsit, vt eius verba hîc transferre post meam descriptionem non veritus sim, lectori quoque rem gratam me facturum existimans. Hæc enim sunt: Ex arbore, de qua inferere voles, nouellos ramos, & nitidos eligito: in iisdemq; obseruato gemmam, quæ bene apparebit, certamq; spem germinis habebit. Eam duobus digitis quadratis circumsignato, vt gemma media sit, & ita acuto scalpello circuncidito,

o o 2 delib

delibratoq; diligenter, ne gemmam lædas: Postea item alterius arboris, quam emplastraturus es, nitidissimum ramum eligito: & eiusdem spatij corticem circuncidito, & materiam delibrato: Deinde in eam partem, quam nudaueris, præparatum emplastrum aptato ita, vt alteri delibratæ parti conueniat. Vbi ita hæc feceris, circa gemmam bene alligato, cauetoq; ne lædas ipsum germen. Deinde commissuras & vincula luto oblinito, spatio relicto, vt gemma libera vinculo, ne vrgeatur. Arboris autem insitæ sobolem & ramos superiores præcidito, ne quid sit, quo possit succus euocari, aut ne cui magis, quam insito, seruiat. Post x x i. diem soluito emplastrum. Tot modis enim insitam arborem iuxta Tiburtes tiliam Plinius vidisse testatur, omni arborum genere onustam: Alio ramo nucibus, alio baccis. Aliunde vite, ficis, pyris, punicis, malorumq; generibus: verum huic brevis vita fuit. Nec enim naturam (vt ille inquit) omnem experimentis assequi possumus: sed nec vno modo pluribus ac diuersis solam arborem onerare vtilissimum. Quod periculo mihi pluries compertum. Fertilissima omnium inoculatio, deinde emplastratio. Vtraq; tamē infirmissima, vt quæ cortice tantum innitatur, vel etiam leui aura ocysimè deplantentur. Neque insitionis genus, cum sit vtilissimum, omni arborum generi idoneum est: sed ferè recipiunt talem insitionem, quæ humidum, succosum, pinguem & validum librum habent: sicut ficus, olea. Nam plurimum lactis ficus fundit, & crassum ambæ corticem habent. Emplastrationem non recipiunt, quibus caducus, rimosusq; cortex est. Optimè autem omne persicorum, prunorum, amygdalorum genus, emplastratur, & hæc arbores, quorum fructus os egregium includunt. Allobroges castaneam tantum inoculant, cæteras insitiones non posse comprehendere asseuerantes. Rosam verò mali cortici insitam, eodem, quo malus, tempore suos flores edere auctor est Florentinus. Quæ autem natura minus sunt mollia, vas aliquod superligant, vnde aqua guttatim in hos instillet, ne prius exarescat furculus, quam coalescat. Quod alioqui in huiusmodi arboribus, quæ naturâ siccæ sunt, per quatuor quinque mensium spatia, insitū rigari oportere existimare,

Præfatio libri duodecimi.



PARVM certè, imò nihil tantam diligentiam in ferendis atq; inferendis arboribus adhibuisse, ni postmodum cultura ad nativum & genuinum genium conservarentur, ne etiam sterilefcere, sitire, famefcere, frigefcere, languere, & , quod deterius & crudelius, à prole subfocari, deniq; ab animalium varijs iniurijs affligi, deniq; & ante tempus emori. Uti erga ipsas tantum laborem quantum prudens paterfamilias circa liberos suos impendere debeamus, ne etiam tam diligens & solers nostrum prateritum ingenium, ac impensa immensa, nimia negligentia & incuria evanesceret, ac prorsus interiret. Quæ qualisve esse debeat, infra hoc sequenti libro ostendetur. Quod Ovidius Naso in sua Metamorphosi atq; libro decimo quarto, sub Pomona nymphæ descriptione, paucis declaravit, & quidem appositè, & nonnulla quæ supra iam didiscita. Nam & hæc hortos diu, & non segniter coluerat, uti propterea à pomorū nomine, appellationem sumpserit. Sic enim de ea ille ait,

Rege sub hoc Pomona fuit, quæ nulla Latinas
Inter Hamadryadas coluit solertius hortos,
Nec fuit arborei studiosior altera fœtus,
Vndè tenet nomen. Non sylvas illa, nec amnes.
Rus amat, & ramos fœlicia poma ferentes,
Nec iaculo grauis est: sed adunca dextera falce:
Quæ modò luxuriem premit, & spatiantia pascim
Brachia compefcit fissa modò cortice, lignum
Inferit: & sulcos alieno præstat alumno.
Nec sentire sitim patitur, bibulæq; recurvas
Radicis fibras, labentibus irrigat undis,
Hic amor, hic studium. Veneris quoq; nulla cupido est,
Vim tamen aggregitum metuens, pomaria claudit:
Intus & accessus prohibet.-

Quæ verò inferius atq; hoc libro trademus, scire lectorem velim, ad eius nymphæ Ovidiani elogij interpretationem tantum pertinere, ut à me diffusius exarata sunt, ut arborum agriculturæ commendatio nunc esset, quæ penè supra ætatem nostram pro derelicto habita sit.



H O R T O R V M L I B E R

D V O D E C I M V S.



*Cultura utilitas, & quàm sit arboribus necessaria: & de
C. Furio Cresino, & quare leones duo currum Cybeles
per aërem trahere fingantur.*

CAPVT I.



CULTVRAM autem quasi naturæ partionem alteram, & pernecessariam nemo est inter rei agrestis experientes qui non apprimè laudauerit. Huius verò negligentia ager omnis, qui alioqui natura ipsa fœcundus, & amœnus, in sentes, inq; dumos degenerabit, sentibus, spinis, herbisq; inutilibus, tanquam ab inimicis vincetur, visu deniq; horridus, ac squalens, vt Deus optimus Maximus hominem fructus terræ, sine labore, sine sudore, colligere non sinat. Sic enim Flaccus:

Neglectis vrenda filix innascitur agris.

Solum omne incuria sterile & infœcundum fit: vim enim suam per sese tellus experiri non potest. Labore autem semper vberior, nitidiorq; fit, vt plus cultor, quàm ipsa soli feracitas per se, efficiat. Nempe industria & studium naturalibus facultatibus magno præsidio esse solent: quæ & auxiliantur, efficiuntq; quò perfectiùs suum officium exequatur. Quòd narratione quadam exprimitur. Agricola olim quidam fuit non suæ artis expers. Acerbè enim ægotans, & vitæ suæ finem propè adesse sentiens, filios ad se suos auocat. Quos vt ad culturam exhortaretur, sic allocutus est: iam cernitis, ô filij, quàm properè ex hoc seculo migrandum mihi sit, vnum tamen me molestè angit, quod tamen vos monere volo. Vereor ne id quod in vinea defodi, vsui vestro non sit. Quod non ita, ni per vos sit, erit. Quamobrem quærite & inuenietis. Illi autem se thesaurum inuenturos existimantes, assumptis ligonibus, marris, ac bidentibus, omnem vineam repastinarunt. Et quod in Græco adagio est, peregerunt: *πέντα λίθον κινῶ*. Nec quicquā inuenerunt. Sed circumfossæ & ablaqueatæ vites, fructus solito longè vberiores dederūt. Hic fuit in cultura thesaurus. Verùm è parabola ad historiam transeamus, & huius rei vnū antiquitatis exemplum è Plinio afferamus. C. Furio Cresinus, è seruitute liberatus, quum in paruo agello admodū largiores multò fructus quàm ex amplissimis vicinitas colligeret, in inuidia magna fuit, ceu fruges beneficijs & incārionibus alienas pelliceret. Quare ei à SP. Albino curuli dies dicta est:

cta est: & quum in suffragium ire oporteret, metuens damnationem, non in dicendi arte, neq; in verborum splendore, & orationis dignitate absolutionis & proprium iuris subsidium posuit, verum in suo omni instrumento rustico. Quod in forum attulit, duxitq; filiam bene curatam ac vestitam, ferramenta egregie fabrefacta, ponderosos vomeres, graues ligones, boues bene saturos. Postea dixit: Veneficia mea hæc sunt, Quirites. In forum autem lucubrationes, vigiliasq;, ac sudores non possum vobis ostendere, nec afferre. Itaq; omnium sententijs absolutus est, qui sua diligentia iudicibus patefecit, quantum ager ab agro, labore & ingenio differat: & quemadmodum, solum, qui natura fertile est, cultura & industria longè fecundior fiat. Nihil enim tam rude, atq; incultum est, quod non improbo, vt ait Vergilius, labore vincatur, & ad honestiorem, suauiorēq; vsu subigatur, ac dometur, vt in eo nonnihil felicitatis etiam inuitè exprimatur: & ille nos aruis posse imperare dixit:

Exercetq; frequens tellurem, atq; imperat aruis.

Georg. lib. 1.

Studium enim cum labore loci naturam immutat. Quod significare voluerunt Græci poëtæ, Cybeles terræ deæ currum per aëra duos leones ab ea mansuefactos trahere fingentes. De qua sic Lucretius:

Hanc veteres Graiū docti cecinere poëta

Lucret. lib. 2.

Sedibus in curru biyugos agitare leones, &c.

Nam, vt ait M. Varro, nulla terra adeò immitis est, quæ non possit cultura, ac industria domari, non aliter quàm leones inter animalia ipsa ferocissimi, mansuefiunt, Cybelæ subditi. Nam iuxta commune prouerbium, Cura potest omnia. Et Sophocles in Electra πῶν τὸ χῶρις ἐδὲν κέκλυται. Neq; enim possumus (vt est in communi prouerbio) citra arationem, citraq; sementem, tot, tantisq; agriculturæ munij frui. Illud præterea è nostris Iurisconsultis addere libet, atq; ex vno Callistrato. Vt enim ficuti diligenti cultura pretia prædiorum ampliantur, ita si negligentius habita sint, minui ea necesse est. Proinde optimus & solers agricola, arando, expurgandoq;, naturæ plurimum confert. Etenim vertendo terram, expurgatisq; noxijs herbis, & terræ ipsius perdomitis vitij, frugiferam reddit, vt non solum vberiores, sed & pleniores fœtus proueniant. Quippe etiam agitatum & subactum solum generosiores fructus producere solet. Nam & sapes immutat. Igitur Natura sibijpsi non satis est, verum per exercitium plurima acquirit, & assumit, ceu copiam alimenti, quod etiam melius præbet, pinguedinemq;, denique omnium rerum impendentium exterminationem, vt ex labore nostro cum terra habeamus rationem, quæ reddit quod accipit: sed alias vel minore, vel maiore fœnore, iuxta impensæ magnitudinem. Verum si erga hæc omnia, quæ terra producit, cultus necessarius sit, apprimè verò circa arbores: vt tamen simplicior, quàm vinearum: quod norunt, & sciunt ipsi hortorum cultores. Nanq; si arbores ipsæ neglectui dentur, tortæ pullulabunt, scabræ, ac deformes, nullo caudicis splendore, nullo ramorum ordine conspicientur. Absq; enim cultura sterilefcunt, atq; exuta miti natura, syluestrem nonnunquam induunt: quandoq; in alterius genus meabunt, & ante ætatis legitimum

legitimum tempus emorientur. Quare Plinius illam inter remedia ad arborum morbos posuit. Qua si carebunt, minimè valentes, ac fructiferas habere possumus. Et has sic derelictui habere censorium erat. Itaque occando, ac stolones remouendo, efficimus vt paruo tempore augeſcant, & fructum ferant. Vt beneficium aliquod illis impendere videamus, quum vel sitientes irrigamus, vel fameſcentes paſcimus, veluti hoc patrocinio gratiam par pari nobis referendo pretioſiores atq; maiores fructus largiantur, vt quæ antea ſteriles negligentia erant, è ſylueſtri in vrbanum habitum tranſeant. Sæpe etiam ſapores & odores in melius commutant. Quod eleganter nobis teſtatur Lucretius:

Lucret. lib. 1.

Postremo quoniam incultis præſtare videmus

Culta loca, & manibus meliores reddere factus.

Deniq; terra cultu quod maximum ad diuturnitatem erit, validiores radices erunt. Politiones antiqui, Nonio Marcello autore, agrorum cultus diligentes vocabant: & illi bene cultos campos politos dicebant. Ennius in quarto Satyrarum: Testes lati campi, quos gerit Africa terra politos. Idem in nono Annalium: Rastroſ dente carpsit cauſa agri poliendi. Sicuti enim in cæteris rebus polita dicimus omnia exactè culta, & ad nitorem deducta, ita campos diligenter elaboratos, politos. Plantarum autem culturam primus inuenit Eumolpus Athenienſis.

*Artem & ingenium, naturam adiuuare & immutare,
& de huius ſeculi negligentia.*

CAP. II.



SEQVITVR Naturam ars ipſa, & induſtria quæ ipſius Naturæ præitrix, & penè magiſtra eſt, veluti hæc ſæpe induſtriæ cedat,

*Hiſ ſauit (inquit Papinius) Natura locis, hic victa colenti
Ceſſit, & ignotos docilis manſuenit in vſus.*

Quod ſi in aliqua agriculturæ parte, maximè circa arbores ipſas euenit, quarum plures humanis ingenijs veriùs fiunt, quàm naſcantur. Hinc variæ inſitiones, hinc propagationes, hinc plantarum monſtra, & adulteria. Ille artificio citra mare, atq; è longinquo apud exteros nauigarunt, & in alieno ſolo domicilia conquiſitis nouis ſedibus partim induſtria, partim ſponte ac beneuolentia poſuere. Quid autem eſt, quod ab homine diligentia, aut cura, effici non poſſit? Sed quoniam non ex aëris flatûsve ratione, ſoli, alimentiq; , & aliarum rerum, non vbiq; omnibus arboribus opitulantur. Igitur hiſ ex ingenio atq; induſtria ſuccurrendum, atque multa excogitare & experiri, quæ antea ignota erant. Quod pluribus bene ſucceſſiſſe, quandoq; etiam extra ſpem, compertum eſt. Grauioris enim cœli multa remedia antiqui tradidere, quibus mitigetur: vt etiam cœlum terræ parere cogamus: vt in ſiccis Septentrionem ſpectent, in humidis verò orientem. Medica malus non niſi in calidis & algentibus prouenire ſolet. At nunc etiam in frigidiffimis cum ſua dote viſuntur in capſis & corbibus ſata. Quæ in hyeme in caueis ſæpe hac cauſa ædificatis, vt à frigoris iniuria defendantur: Vere autem in locis apricis, captato Solis ca

lis calore locantur: Hacq; ratione huius generis arbores apud Neustrios loco frigidissimo conspiciuntur. In frigido loco nos posse habere Palladius hoc modo docuit: Arborem in meridianā plagam disponere conueniet, aut in loco parietibus munito: quam itidem hybernīs mensibus agresti stramine vestire oportebit, & post ingruentibus caloribus tegmine denudare. Pestiferam verò soli luem atq; maciem in terra exili cultoris prudentia, plurima fossione, stercoratione, desiccatoq; subterraneis aquæductibus loco domare poterit, efficereq; vt in eo viuant vltro arbores. Sed & quod in eo deerit, cura & imperio emendare. Etenim palma, omnibus proidentibus, locum salsum desyderat. Quod si Natura talem locum non præbuerit, solent agricultores regionis illius, in qua nascitur, terram sale aspergere: verum non id circum radices, sed longius quantum sextarius abest. Terræ verò naturam humana diligentia mutat, saporum etiam ac odorum vim: & quod omnium difficillimum est, cælum compescit. Quæ omnia experimento didicere antiqui. Quorum quidem erga ipsas arbores studium, ac laborem, non possum solum non valde probare, verum etiam laudare, atq; demirari. Plurima enim occulta & ignota adinuenerunt, quæ postea promiscuo vsu esse communia cœperunt: effecereq; sua solertia, vt res arboraria longè fœlicior, longè elaboratior, multoq; suauior, ac nobilior redderetur, & haberetur: vt à viris illustribus, vt iam dictum est, proprijs manibus tractaretur. Sed nunc modò quod agrè ferendum, à solis rusticis colitur, etiam ignoratis, minusq; præterea obseruatis antiquorum super hac re præceptis, eiusq; penè artis, quam exercent, ignaris: quæ nunc internecione memoriæ ferè inducta sunt. Quo fit, vt res ipsa olim tam celebris, nunc vilis, & ferè derelictui sit. vt etiam in multis prouincijs, aliquot arborum genera, quandoq; illis peculiararia, perierint, aut saltem vt illorum cognitio nesciatur, veluti Platanus in Gallia, Hispania, Italia, in qua frequens piperis arbor fuit, vt in illius montibus (autore Plinio) erraret, atq; etiam fœlicius. At nunc omnino caret. Quædam verò solum nomine tenus nobis notæ. Nonnullarum etiam genera multa penitus ignota, quæ forsitan apud nos nascantur, eas tamen ignoramus. Quædam verò nobis nominibus cognite, nedum visu. Quarundam etiam ne vllum quidem vestigium remanserit, vt illas nobis interijisse existimandum sit. Arborum tamen culturam, sicut & artes omnes, restauratum iri spero, vt iam prosperum initium sortita sit studiumq; accendi erga arbores in dies video. Sed horum, quæ supra asseruimus, exempla aliqua, vt res probabilior, manifestiorq; sit, in medium afferenda.

Fructus vel præcoces, vel serotinos, arte fieri.

C A P. III.



ARBORES quædam artificio præter illarum naturam, ex antiquorum libris demutare ostendendum, vt à præcocitate incipiamus. In quibusdam enim prouincijs ficos hybernas esse Plinius scribit: verum id arte, non natura: veluti in Mœsia genus quoddam arborum est, quod post Autumnum fimo contegunt.

pp Itaq;

Itaq; grossuli, qui mitiore sole cum arbore refoffi, postea in lucem remissi nouos alios soles, quam cum quibus vixere, tanquam naturæ auidi, accipiunt, & cum venientium flore maturescunt, alio præcoces anno. In tractu etiam gelidissimo Arietis cornu iuxta ficum sepultum, ad maturitatem impellit. Admirabilis est huiusce pomi festinatio, vnius in cunctis ad maturitatem properantis, arte naturæ. Ficum serotinam antè tempus præcoccem Græci faciunt, prodentibus illorum autoribus: vt si piper, fimum columbinum, ac oleum radicibus indideris. Alij maturescere cogunt, si sæpe longioris fici succo, cum oleo & pipere misto, grossi, cum incipiunt rubescere, inungantur. Serotinam verò, & si natura minimè sit, faciunt, si grossi cum fuerint fabæ magnitudine, decutiantur: tunc enim alteri subnascuntur, qui seriùs maturescunt, atq; in hyemem differuntur. Eadem cum frondescere incipiunt, si cuiusq; rami cacumina detrahantur, fertiliores, firmioresq; fiunt. Cerasi autem fructus, calx radicibus admota præcoces facit, cogitq; citius maturescere, nonnunquam cum arboris detrimento, sæpenumero cum morte, vt arbos rusticorum auaritiæ inferuire cogatur. Mori arbos feracior, atq; præcocior fiet, si perforato hinc inde trunco, singuli cunei, vel terebinthi, aut lentisci adigantur. Rosam enim temporiùs habebis, si circa radicem, pedalem scrobem in gyrum defodieris, & aquam calidam calice incipiente germinare infuderis. Quod sine temporis intercapedine habere desyderes, singulis mensibus loco stercoreato, rosas pangito. Si autem media in æstate (scribente Democrito) bis in die rigetur, Ianuario mense fructum feret. Ex Hermete Ægyptio prodit Albertus, rosam sanguine commistam, atque in terra plantatam, item sanguine irrigatam, in hyeme florem ferre: præsertim si verno tempore rami leniter ligentur, ne conceptum humorem effundant. Rosas autem è vestigio albas habebis, si, cum incipiunt aperiri, sulphure suffumigaueris. Easdem odoratiores habebis (autore Didymo) si iuxta fruticem, alium odoriferum fruticem plantaueris.

*Vt fructus aliquarum arborũ sine osse, & putamine fiant,
& de nonnullis alijs.*

CAP. IIII.



LVG LANDES, amygdala, ac omnes huiusmodi arbores, quarum fructus forinsecus tecti sunt, eosdem absque putamine ferent, si contracta nuce, illesus nucleus permanferit, & lana, aut recentibus vitis, vel platani folijs, ne à formicis corrodat, & sic obuolutus, in seminario plantetur. Quod si iam ferentem in hoc genus velis commutare, per annum continuum ter in mense lixiuio irrigabis. Sine nucleis mala fore Africanus promittebat, si dempta medulla surculus obruetur: & dum comprehenderit, quod emergit, amputetur. Eodem item autore, persicus etiam sine osse fructus producet, si stipitem in fine perforaueris, & excussa medulla, salicis aut corni paxillũ adegeris. Cerasia sine osse nasci Martialis (referente Palladio) asseribat, si tenera arbuscula ad binos pedes per medium, vsq; ad radicem fissa sit, & abrafa ferro partis vtriusq; medulla, vt statim

vt statim seiunctas partes secum vinculo perstringas, & laterum commif-
 suras fimo oblimas, ductaq; post annum cicatrice prædictam arborem
 furculo, qui nondum tulerit, inferis. Eodem autore, atq; ex eodem Mar-
 tiale, plurima in grano punico mala erunt, si tithymali, & portulacæ suc-
 co æqualiter misto, si arboris truncus ante, quàm germinet, illinatur. Fici
 autem efus, deiectionem moliri Democritus affirmabat, si nigrum vera-
 rum tritum simul cum lactuca marina ad summas radices deijceretur.
 Armeni (vt autor est Mesues) pruni arboris stipitem duobus tribusve
 locis, palmi vnus interuallo tenuiter perforant, iniectoq; scammonio os
 obturant: inde poma magis, magisq; purgantia rigari. Diophanes in suis
 Georgicis, & post eum Didymus, punicæ mala rubicundiora agnasci
 asseueravit, si glandium cinere arboris radices aspergerentur. Alij verò, si
 plantam aqua cum balnearum lixiuio mista irrigaueris. Tradunt etiam
 candidos acinos fieri, si argillæ, & cretæ, & gypsi quartam partem, per
 triennium radicibus, terræ genus hoc, adiunxerit. Mala punica miræ ma-
 gnitudinis habebis, si circa arborem olla fictilis immergatur, & intrà ra-
 mus cùm flore inflectatur, atque obruatur, ligatus ad palum ne resiliat.
 Contra autem aquæ incurfus muniri debet. Per Autumnum autem pa-
 refacta suæ amplitudinis mala exhibebit. Rubescit persicus, rosas sub ru-
 bris confitus. Grandiæ hæc arbor feret, si florente, per triduum lactis ca-
 prini sextarius radicibus ingeratur. Teneras autem nuces creabunt (au-
 tore Palladio) si ablaqueatis ante florem radicibus, aqua calida per ali-
 quot dies ingeratur. Hederæ enim corymbum decorum habebis, si tria
 conchyliorum vstorum, & contusorum cinere asperferis, aut alumine ir-
 roraueris. E nigra alba fiet, si terram albam macerabis, & hederæ radici-
 bus, per dies octo infuderis. Malorum & pyrorum omnium fructus, in
 animalium figuras, vel aliarum rerum, hoc modo effigiabis: Rei simula-
 crum intrinsecus gypso lutove formabis, tenui, quoad fieri poterit, tegu-
 mento, quò minùs graue sit. Quod etiam æquè in duas partes diuidi de-
 bet, vt probè coaptari & committi possit. Quum autem ad dimidiam sui
 augmenti partem fructus deuenerit, includes, & vinculis, ne à fructu di-
 uelli possit, aptè munies. Ad tempus enim maturitatis talem figuram præ-
 stabit. Multa alia huius artis exempla in hoc opere describuntur, quæ
 Græci autores suis libris inseruerunt. Quæ quisquis diligens agricola, an
 sint vera, experiri poterit, & videre anne tales hi fuerint in his scriben-
 dis, quales multi in historia, quæ à Latinis tradita, veriora verò suspicanda,
 sed experimento omnia exploranda.

De arborum cultura, & eius tempore, & de fossione.

C A P. V.



ARBORVM autem cultura non eadem, communisq; esse solet
 omnibus. Specialem enim aliæ, cæteræ alteram, plurésve, ac
 differentes: quædam omnibus generatim conuenit: nonnullæ
 autem diligentius, aliæ non ita. Fossionem autem, ablaquea-
 tionem, stercorationem, rigationem, purgationem, putationem, pauca re-

pp 2 periuntur,

periuntur, quæ non desyderent. Omnibus certè fossionem vtilem fore, & quàm plurimum prodesse, cuncti existimarunt, veluti herbis sarritionem. Si quidem crebra fossione coalescere, citiusq; incrementū accipere arbores, manifestum est: nempe ea, quæ pabulum vel auferunt, vel impediunt, tollit. Solum etiam humectius reddit, præsertim si pluuiarum tempore id fiat. Ad hæc enim humo permixtus aër, humorem quendam euaporatum atq; alimentum præbet. Permisceatur enim terræ, cum hæc agitur, necesse est. Squallidum atq; siticulosum sapissimè fodere & agitare, idq; per Autumnu & Hyemem, & nouo Vere oportet. Palustribus enim locis fossio pernecessaria: nam immixtus sol desiccat. Fossionis autem tempus non ubiq; idem. Quidam quidem mense Martio fieri volunt, vt vbertim, & pulchrum fructum ferant: plures statim in Autumno: multi in hyemem spectant, quo tempore terram aperiunt, & sitientibus atq; famescientibus cibum quærunt. Æstate nunquam, ne Solis ardor radices adurat: præter quàm in solo pingui, ac luxurioso, quod sua firmitate contra Solis calores sese tueri possit. In quibus verò multum, & crebrius, atq; hoc etiam in palustribus fodiendum erit, vt assidua terræ versione desiccetur locus. Alij radices à gelu cumulis hyeme, æstate ab ardoribus vindicant. Illud in macris, & frigidissimis: hoc in feruentioribus, & hoc luna plena. Cato per sementem scrobes fici, vlmis, inuerti præcipit. Vbi-
cunq; enim circumfodiendi arbores ratio expetit, in orbem pedes ternos. Verùm neq; id pratis Plinius admittit. Quando verò plantæ soli viriditate oblectentur, & Solis humorisq; amicitia radices in summa tellure oberrent. Quod Palladius in solis malis expressit. Sed id adultis solis indulgendum. Nouellæ autem fossione ad incrementum adiuuandæ. Et hoc etiam prudenter peragendum, ne dum altius, radices lædamus. Ficus post vineas maiores operas desyderat. Prunus assidua fossione gaudet, & frequenti humore. Salicta, & genistæ fodienda primo triennio, hoc est, crebrius, veluti nouella vineta. Cum deinde verò conualuerint, fossuris tribus contenta esse oportet. Segniùs enim culta celeriter deficiunt. Nam tametsi cura assidua impendatur, intereunt plurimæ salices. Quare in loco propinquo mergis propagari debent, curuatis, ac defossis cacuminibus, quibus restituatur quicquid antea interierit. Anniculus deinde mergus, à stirpe decidatur, vt suis radicibus ali possit. Salix verò peritica, crebro foditur. Nam huiusce naturæ est, vt non nisi in humidis ac palustribus veniat, vt non minùs quàm vinea pampinetur, vt potiùs in ramorum longitudinem, quàm latitudinem euocetur. Salicta itaque & runcanda, deputandaq; sunt, circa ea propter ingentem illorum & vtilitatem & necessitatem inuigilandum. Nunc de arundinetis, quorum item vtilitas magna, igitur cura diligentior. Cum senuit, repastinandum erit. Senectutis verò indicium, cum vel exaruit situ, vel cum plurima annorum inertia, gracilis arundo prodit. Tunc de integro intercidit, confodiq;, & discarificari debet. Quod opus castrationem rustici vocitant. Hæc arundineti relectio cæca: quia non apparet. Interea verò, quid tollendum quidve relinquendum sit, sanè videndum. Quam-
obrem

obrem tolerabilis arundo antè castratur, quàm cædatur, quatenus calamī, velut indices demonstrant quid eruendum sit. Tempus autem repaſtinandi, & conſerendi eſt, prius quàm oculi arundinum germinent, autore L. Columella. Nouum caſtanetum, autore Palladio, aſſiduè circumfodi debet. Punica Autumno & Verno temporibus circumfoditur. Morus, palma, ceraſus, meſpilus, citrus, circumfodi volunt. Hac autem ratione maiora poma ſient. Cydonia, ſi non fodiatur, aut ſterileſcit, aut fructu degenerat.

*De oliueto fodiendo, & roſarijs, & quòd inter arbores
nihil ſerendum.*

CAP. VI.



ON eadem omnibus erga oliueta fodienda ratio. M. Cato per ſementem ſcrobe oleis inuerti præcipit, ſummope-
reque cauendum ille exiſtimat, ne altiùs id fiat. Nam, vt ille
ait, qui oletum ſæpiſſimè & altiſſimè miſcebit, is tenuiſſi-
mas radices exarabit. Si malè arabit, radices ſurſum abi-
bunt, craſſiores ſient, & in radices, vires oleæ abibunt. Plinius autem
vetus oliuetum, omnibus annis, à ſolſtitio, cum æſtibus terra hiat, cir-
cumfodi, pedali altitudine, ſcrobe duobus cubitis ampla. Columella au-
tem maturum oliuetum in duas partes diuidit. Itaque ſic diuiſum omni-
bus annis æqualem adfert. Sed minimè arari bis anno debet. Nam ſicut
non continuis annis, ſed ſerè altero quoque fructum fert: eximia quo-
que eius ratio eſt, quadam beneficij compensatione, vt leui cultura ſuſ-
ſtineatur, vt cùm ſe vix induit, impenſam vllam expoſcit. Quòd ſi quam
recipit, compensatione etiam beneficij accepti memor, fructus multi-
plicat. Neglecta verò annis compluribus, non deficit tamen, vt interim
etiam patrifamilias præſtet, vt ex minore vel auaritia domini, fructum
aut diminuât, aut largiatur. Omnis circa oleas herba vellatur, & quo-
ties herba ſe infuderit, & ſubinde ducta à trunco terra, & permixta in
aliquantò altiores cumulos congeratur. Oleam verò, quam ſeueris, vt
citò creſcat, ſemel in mēſe ſarrire Cato præcipit, ac circum capita
oleagina quot mēſibus, donec trimæ erunt, fodere oportet. Hoc enim
modo cæteras arbores procurare vult. Roſaria fodiuntur altiùs, quàm
fruges. A Fauonio foſſam oportet opponi, iterumque ſolſtitio. Ultra quin-
quennium non durare. Theophræſtus autor eſt, niſi aut adurantur, aut
recidantur. Illo enim modo iuuenescunt, & plurimum proficiunt. In-
ter arbores enim ea ſerenda minimè oportet, quæ graui ſunt odore, vt
raphanus, halimon, aut ea, quæ plurimum alimenti ſugunt, vt eadem ra-
pina fameſcant. Qualia ea eſſe ſolent, quæ craſſiore corpore exiſtunt.
Nam ab illis propinquum odorem, vt ſæpius fructus mutuuntur. Mul-
torum etiam ſatu, terra maceratur, vt ciceris & lini ſemina nocent. Al-
terum quòd ſit ſalſæ, alterum quòd ſit feruidæ naturæ. De vltimo Ver-
gilius:

Vrit enim lini campum ſeges, vrit auenæ:

Vrunt letheo perſuſa papauera ſomno.

Georg. 1.

PP 3 Neq;

Neq; enim dubium quin & lino infestetur ager, sicut & milio, & punico. Plantis etiam molestus Cytisus. Omnia enim fermè enecat: sed eo valentiùs eruunt. Hoc autem vel cytisum interimit. A fabis florentibus non attingi hederam aiunt. Id enim noxium, & exitiale tempus est.

Arbores nonnullas esse, quæ culturam aspernentur.

C A P. VII.



ARBORES omnes culturam desyderant. Sed & quædam huius naturæ inueniuntur, quæ omnino hominum ingenium, & operam omnè aspernentur, ut illæ deteriores redantur, sæpe etiam emoriantur. Solo enim naturæ genio contentæ, ut sunt ferè syluestres omnes, quales abies, pinaster, & resiniferæ omnes, præsertim verò cæ, quæ in syluis degunt. Quod & testatur Vergilius:

Georg. 2.

*Et dubitant homines serere, atq; impendere curam?
Quid maiora sequar? salices, humilesq; genistæ,
Aut illæ pecori frondem, aut pastoribus umbram
Sufficiunt, sepemq; satûs, & pabula melli.
Et iuuat vndantem buxo spectare Cytorum,
Naryciq; picis lucos, iuuat arua videre
Non rastris hominum, non ulli obnoxia cura,
Ipsæ (cauaseo steriles in vertice syluæ,
Quas animosi Euri assidue franguntq; feruntq;.*

Eiusmodi etiam ferè illæ sunt, quæ alienas regiones inuifere non curant, in sua natua origine, curam humanam, sicut reliquas regiones, exosæ. Myrrhæ radices rastris læduntur, ac illo instrumento balsamum nitescit. Thus verò (autore Theophrasto) omnem manum recusat. Cupressus etiam neq; omnium regionum accola, circumfossuram renuit. Syri erga palmas nullam curam adhibent, purgant tantum. Hedera, & arbutus, si Propertio credimus, laborem omnem verentur,

Propert. lib. 1.

*Aspice (inquit ille) quos summittat humus formosa colores,
Et veniant hederae sponte sua melius:*

Surgat & in solis formosius arbutus antris.

Celastrus horret culturam: quam si aliquando patitur, degenerat. Sorbum cultura dulcius reddit: verum minùs odoratum. Amygdalæ, si fossione colantur, florem amittunt: nec insitas circumfodere oportet priùs, quàm validè ferre cœperint. Sunt & arbores nonnullæ, quæ absque cultura valent, latius tamen ea adhibita: ut de arbuto nonnulli, arbitrantur. Quædam autem cum iuuenes sunt, coli nolunt: quæ si adoleuerint, operam ampliùs nullam deposcunt. De his sic Vergilius:

Georg. 2.

*Contrà non vlla est oleis cultura: neq; illæ
Procuruam expectant falcem, raistrosq; tenaces,
Cum semel hæserunt aruis, aurasq; tulerunt.
Ipsa satis tellus, cum dente recluditur vnco,
Sufficit humorem, & grauidas cum vomere fruges.*

Hoc

*Hoc pinguem, & placitam paci nutritor oliuam.
Poma quoq; vt primum cruncos sensere valentes,
Et vires habuere suas : ad sidera raptim
Vt propria nituntur, opis haud indiga nostra.*

De ablaqueandis arboribus, & quo tempore.

CAP. VIII.



PROXIMA fossioni ablaqueatio est: Nam easdem illa facultates habet, & parum ab illa differt. Est enim ablaquare, circa caudicem fodere, & dolabra terram diligenter aperire, & purgatis omnibus velut lacus efficere: Itaq; ab lacubus ablaquare verbum dictum est. Ad hoc enim prouocatur terra, vt soles, imbresq; imbibat. Ad augmentum enim, multum ac plurimum, sicut fossio prodest, vt quanto citius crescere arborem desyderes, eò frequentius si per loci regionisve naturam sit, ablaquees. Omnes quippe arbores, postquam satæ fuerint, vt festinantiùs accrementum recipiant, ablaqueantur. Eum etiam Plinius commune erga arborum morbos, remedium esse dicit: quæ non minùs ipsis, quàm vineis necessaria, nec minùs negligenda. Omnibus verò per Autumnum & se mentem, præsertim circa oleas fieri debet. Columella post æquinoctium autumnale. Vere etiam, sed ante germinationem: pyro tamen floris tempore conueniens. Aquosis verò frequentius: plures tempore pluuiarum, aut cum venturum imbrem præsentiant. Morus ac persicus, circa Calendas Octobres, & omnes ficcioribus. Illam tamen audius aliæ magis concupiscunt, veluti myrrha. Hæc enim ablaqueationibus (scribente Plinio) mirum oblectatur. In cliuo autem positæ, ita ablaqueandæ, vti incilia excitentur, quæ limosam aquam ad caudicem deducant. Quod in oleis apprimè obseruandum. Illud item maximum inter ablaqueandum custodire conueniet: vt omnem radicum sobolem, exceptis inferioribus ac robustioribus conuellamus. Etenim quæ per summa cæspitum inhærent radices, scindi par est. Nempe firmioribus alimentum auferunt, atq; ita eas interimunt, quæ maximè ad plantas referuantur, cum per has arboribus cibus subministretur. Frigore etiam ac æstu illæ laborant, quibus arescunt & intèreunt: vt præterea hac ratione cæteris non parum officiant. Quare diligentius perquirendæ, atq; excidendæ sunt. Nam paucas radices, verùm solidas, dimitti oportet, ex quibus vel in vetustate, multis loco delectæ, succedant.

De stercorationis commendatione & eius inuentione, & de fimorum differentia.

CAP. IX.



MAXIMA agris, satisq; omnibus, vtilitas stercorationis inuentio. Nam illa terram, etsi bonam, meliorem tamen reddit, viti osam verò ampliùs iuuabit. Agrum solutum & lepidum facit. Porro, iniquiente rerum Naturæ doctissimo Hippocrate, Terra fimo satiata calorem satis subministrat, & frigus, geluq; propellit, quod

quod alioquin arboribus nocens futurum erat: eò enim languentibus succurritur. Quippe etiam illa arbores vberius præbent fructus: suauiores etiam, propulsi amaritudinis succis. A qua verò nec Reges ipsi manus molles abstinuerunt. Nonne Augeas Solis, vel, ut alij volunt, Neptuni filius, Helensium Rex, fimo letificare agros in Græcia primus excogitasse traditur, rem profectò totius agricolationis vilissimam, atque immundissimam, & præter ipsam vilitatem, equidem dignam ut nedum vilioris agricolæ manus fœdaret. Quod Hercules ubi ab eo didicisset, postea in Italia Sterculo Fauni filio Regi suo diuulgauit. Alij Sterculinum scribunt. Cui propter hoc inuentum, immortalitatem postea tribuerunt. Alij Stercem Pici patrem vocarunt: quem alij Stercutium vocarunt, Deumq; agriculturæ vocarunt, inquitente Augustino in sua Dei ciuitate. Macrobius Romanos Saturnum Sterculium vocare ait, quod prius is stercoreare docuerit, & fecunditatem agris comparauerit. Seruius in nono Æneidos, Pylum fratrem Pylumi stercorationem inuenisse dicit. Apud Homerum, regius senex agrum suis manibus letificat. A stercoratione autem Sterquilinus deus, sicut à farritione. Sarritor, ab occatione Occator, à fatione Sator, ut hic in Georgicis scribit. Sed antè, istorum differentias, quàm de stercoratione tractare, congruum denotare erit. Ut ad hoc potissimum simus ille feligatur, qui & plantis vtilissimus. Tria igitur stercoreum genera præcipua Columella posuit, quod ex auibus, quod ex homine, quod ex pecudibus: omnia tamen ex vi, differentia. Etenim auium primum habetur: sed harum præcipuum quod ex columbarijs egeritur, maximè propter caliditatem. Nam & terram fermentare compertum est. Deinde verò quod gallinæ, ceteræq; volucres edunt, exceptis tamen palustribus, ac natantibus, ut anseris, & anatis: nam illarum, propter humiditatem, noxium est: alijs tamen mistum, vtile erit. M. autem Varro præstare arbitratur, quod ex turdorum auarijs deijcitur. Secundum omnium proinde habetur, quod homines faciunt, quod acerrimum dicit Theophrastus. Nam per se, naturæ feruentioris est. Idcirco terram perurit, priuatimq; omnes herbas corrumpit, & perdit. Quamobrem villæ purgamentis misceri debet. Multi omnium optimum existimauere. Tertium locum obtinet, pecudum: atq; in eo etiam discrimen est. Nam primum habetur, quod asinus egerit: quoniam id animal lentissimè mandit, ideoq; facilius concoquit. Leue, confectum, ac idoneum est. Protinus enim aruo stercus reddit, naturaq; fertilissimum, & plantis omnibus commodius. Post hoc ouillum, quod pinguius sit. Ab hoc enim caprinum: mox cæterorum iumentorum, armentorumq;: sed bubulum, equorum, ac mulorum postponitur. Nam istorum duorum vilissimum atq; deterrium est. Suum verò spurcitas damnat Columella. Alij, inter quos Theophrastus, laudant, ut hic secundum asserat. Compertum enim est malo Assyrio & amicissimum & vtilissimum. Horum autem in vniuersum omnium, primum locum habet columbinum: alterum humanum, tertium asininum. Quarto loco erit caprinum: à quo consequens est, ouillum: post hoc verò bubulum. Sed easdem facultates

erga arbores iuxta ordinis bonitatem hæc præstant, veluti sequenti capite demonstrabitur.

De stercore arboribus, & quando, & de forma.

CAP. X.

ROTAGORAS Platonius, quædam vtilia esse hominibus, quædam non: quædam bobus, quæ non equis, & e contrario. Sterquilinium verò arborum radicibus prodesse, ramis verò ac caulibus nocere: vt qua parte sit locandus fimus, nos docuerit. Litem Iunius Columella pomaria in ea parte ponit, qua omnis stercoreata cortis, atq; balnearum colluuiis, & ex oleis expressa amurca influere possit, quòd eiusmodi alimentis delectetur arbor. Stercoratio autem arborum, sicuti omnes agricolationis partes certum tempus habet: quod in Autumno esse volunt. Huius verò temporis ac hyemis sequentis humiditate, stercoreis calor humescit. Nam ex fimo madefacto, liquor pinguis ad radices transmissus, mirè arborem alit. Per æstatem autem, atq; in ipso Solis feruore, non admouere, optimè consulitur. Quod si contrà fiat, futurum, vt stercore calore adiutus, ac si ignem igni addideris, radices adurat. Solo duntaxat pluuio & humido, Vere stercoreare. Secunda verò temporis obseruatio erit, omniū autorum vna concordi sententia, vt luna silente, stercore iniiciatur, maxime verò, inquietante Plinio, cum menstrua dimidia est. Hac tali ratione, mirum in modum effectus & vbertas eius augetur. Agrum herbis liberat. Contrà verò disiectum, herbarum excretionem plurimum adauget. Præterea seruandum apprimè erit, vt modus adhibeatur. Aliæ enim magis fimum diligunt, aliæ minus. Neq; idem vniuersis, neq; idem pariter omnibus conuenit. Cauendum quoque ne immaturiùs, nèue validius quàm opus sit, admoueatur. Nonnullæ verò acerrimum, aliæ minùs acrem concupiscunt. Cæteræ penitus leuem, aut præter alias peculiarem. Crebra igitur, ac largior, humidis agris commodior. Siticulosos ac gracilibus, modica esse debet. Bona quippe terra, multo stercore opus non habet. Tenuis verò & imbecilla densius desyderat. Pro ætate etiam arborum inferendum. Nam adultis multum, iuuenibus verò minimum, idq; non nisi tertio anno: nam si antè hoc fiat, adhuc teneræ, & nimij caloris imbecilles, ne fimo adurantur, timendum. Nam si præter modum copiosius ac effusius stercorentur, sua vi radices inebriabit, & peruret, atque, vt iam dictum, si intempestiuè misceatur. Sed neq; id anniuersariè fiendum. Nam oliueta, non nisi intermisso triennio stercoreanda fore censent. Pyros interiecto anno, bubulo stercore lætificant: hoc arbitantes, crassiora poma generari. Obseruant etiam ne annuo stercore vtamur, verum tantum triennali vel quadriennali. Quòd per hoc tempus, quicquid fœtidum inerat, euaporauerit, & euorauerit, quicquid durum decoxerit, ac emollierit. Acerrimo enim delectatur olea, humanum tamen omnino respuit. Myrtus, punica suillo maxime delectantur, vt hæc fructiferæ redantur, dulcescunt etiam (autore Theophrasto) & illo etiam amygdalæ

q q maiores

maiores atq; delicatiores fiunt. Illud autem omnium consensu constat, stercore non acri, neq; vehementi, sed leui ac facili esse vtendum. Quamobrem ruminantium præcipuè stercus capiunt. Quod autem acerbum, atq; vehemens est, mirum calefacit, interdum etiam exsiccat. Quod si eo vtendum sit, vbi facultas aliud non porrigit, parciùs eo vtuntur, vel cum terra miscent, vt si satam protinus stercoreare velis, vt cùm columbinum addis. Alij verò certam mensuram præscribunt, secundum fimorum genera. Singulis arboribus stercoreis caprini libras sex Columella dispertit. At in stercoreandis arboribus, hoc non indiligenter custodiendum, vt ablaqueatio stercoreationem præcedat. Neq; statim illud ad radices iniiciunt, sed paulò à trunco longiùs: quod postea terra obruunt, ne Solis halitu vires amittat, & vt prædicto alimento permista terra pinguescat. Autore etiam Vergilio:

Georg. 2. *Quod superest, quæcumq; premes virgulta per agros
Sparge fimo pingui, & multa memor occulle terra.*

De calce, ac cinere, atq; his, quæ fimo loco iniiciuntur. Et de arboribus, quæ stercoreari nolunt.

C A P. XI.



VNT & alia multa, præter animalium excrementa, arbores impinguantia, & lætantia, quibus fimorum loco vtimur, vt calce. Sed frequentius quædam prouinciæ, vt Hædri, & Pictones, autore Plinio. Calx vtilissima reperitur, quæ ex pellicariorum officinis deijcitur. Nam hæc mirum in modum luxuriare facit fronde arbores, & etiam æstate refrigerat, vt vice & irrigationis & stercoreationis fungatur. Huiusmodi vtuntur Symphoriani. (Est autem Symphorianum, agri Lugdunensis primum oppidum, vnde mihi origo.) Nam illic ex loci opportunitate, & torrentis nomine Orsonis natura, huius artificij plures homines sunt, ad quod calce vtuntur, quam postmodum reijciunt. Cinere alij vtuntur, quem arborum radicibus aspergunt. Oleas autem cinere ex fornacibus calcarijs multum gaudere expertum est. Quidam ficus suffodiunt, vbi puluere opus est. Sed & modum adhibent, vt singulis arboribus modius cineris sufficiat. Alij cinerem terræ miscent. Nam eo leuior fit: credentes etiam hinc pomis argutos sapes contrahi. Salis etiam vim, in palma & lentisco cinis habet: verum leuiorem. Macies præterea arundineti, cinere aut stercore adiuuanda, propter quod plerique casum arundinetum incendunt. Myrtis vrinam, & pellicum spurcitas, cùm germina profolierunt, adhibent: quasi fructus sine nucleo interiori ita reddi possit. Suis folijs persicum Palladius lætificat. Latere è parietibus tuso, fabinam mirè ali tradunt. Arbores autem seminibus lædi. De quibus nonnullis supra in confesso est. At illæ contrà iuuari, vt stercoreatione etiam, certum est, veluti lupino, faba, vicia, præsertim pabulari, eruo, lente, cicercula, vt tamen post horum messem, aratrum statim subsequatur, & quod falx reliquerit, priusquam arescat, vomis rescindat, atq; obruat. Planè si radices eius, pabulo defecto, relictæ inaruerint, omnem solo succum deprædabuntur, vimq; terræ

terræ absument. Hoc enim pro stercore cedit. Horum tamen segetem plures siliuari non permittunt: sed & eius manipulos circa arborum radices occulunt. Fabarum enim putamina radicibus iniecta, eas enecare quidam arbitrantur. Inter arbores cerasum, fimum usque adeo abhorreere existimant, ut admoto eo etiam degeneret. Stercoranda sit necne palma, inter autores ambigitur, alijs illam fimo lædi asserentibus, alijs id concedentibus. Prius tamen fimus misceri debet: quod facere Rhodienfes inquirunt. Cupressus etiam fimum renuit. Ignis aliquibus prodest, ut arundini. Itaque ambusta, densior, mitiorque assurgit.

De irrigatione arborum, & quod aqua illis necessaria: &

fabula certaminis Herculis & Acheloi.

CAP. XII.



QVAM arboribus per quam necessariam, nemo est qui ignoret. Illud autem omnium constat, solem & aërem, omnia, quæ è terra nascuntur, nutrire. Ideo Plato in suis Legibus aquam nutriendis hortis per maximè omnium conferre asserit. De ea etiam sic diuus Ambrosius in Hexameron: Aqua nutritrix omnium virgultorum, & diuersos singulis usus ministrat, vel è terra scaturiens, vel nubibus effusa, descendat. Quippe radices alit, dat omnibus vires, radicem impinguat, caudicem prouehit, ramos diffundit, folia virefcere facit, fructum alit, semina, pomum augere facit. Hæc ille. Præterea M. Varro statim in limine sui de re rustica operis, Lympham precatur, ac bonum euentum: quoniam sine aqua omnis arida & misera agricultura. Sine successu & bono euentu, frustratio est, non cultura. Homerus etiam in hortis Alcinoi duos fontes posuit: quorum altero horti irrigarentur. Olim Romæ hortorum gratia, cum id etiam in utilitate publicam cederet, priuatis è publicis aquæductibus, aqua concessa: sicut lege, quam S. Iulius Frontinus, de aquæductibus ponit, notum est. Serui Romæ paulò ante Neronis principis ætatem, piscinas binis iugeribus maiores in viridarijs habuerunt, quæ agrorum mensura priscis illis Romanis satis erat, ut nulli præterea maiorem modum, illorum leges concederent. Siccitate etenim nimia plantas non solum laborare, verum arefcere, atque omnino interire manifestissimum. In Thera autem, omnes secundum vias arbores exaruisse: quod aquæ remedio leuata non fuissent, cum illic per septem annos non pluisset, ut Herodotus scribit. Lucretius:

Et nisi tempestas indulget tempore fausto

Imbribus, & tabes nimborum arbusta focillant.

Lucret. lib. 1.

Imò etiam, illo autore, vertunt se fluuij in frondes. Verum quod satis aqua sit necessaria, poëta suis figmentis ostendere, Herculem cum Acheloo sub tauri forma decertasse fingentes, & huius alterum cornu effregisse. Quod postea vuarum, & omnium malorum ac fructuum refertum Ætolis dedit. Cuius veritas ita se habet, sicuti scriptis Diodorus Siculus mandauit: Hercules in gratiam Calidoniorum, Acheloum amnem in alium cursum diuertit, ut longè plures agros ex fluuij irrigatione feraces reddiderit. Nam, autore Orpheo, referente in primo Georgicorum Ser-

uio, Veteres generaliter aquam Acheloum vocabant. Sed ad rem ipsam. Irrigandæ tunc maximè arbores sunt, cùm siccitates incesserint, & cœlestis humor cessauerit. Circa Canis exortum rigatio potissimum prodest. Ferè enim tunc contingit vt ardentiores calores esse soleant. Et, vt vno absolua, Rigua æstiuus temporibus vtilia, Hyeme inimica. Hoc enim tempus pluuium humidumq; esse consuevit, abundeq; absque hominis opera arbores humectat. Autumno verò varia esse solet, quam ex soli, cœliq; moribus ac natura prospicere conuenit. Citrum verò frigoris tempore, aqua multa irrigare prodest, quò frigus arceas. Siquidem hyemis frigore, calor, qui terræ inest, magis, magisq; in se cogitur, qui concretam gelu terræ superficiem euaporare nequit, vt inde succus exarescat. Verùm si irrigetur, tepescente terræ sinu, aquam ad radices appetentiùs trahit. Aqua autem in alimentum versa robustiorem aduersus frigus sese agit. Porro hæc arbos admodum siticulosa, & etiam ad summam ponè terram fibras plurimas & capillamenta agit, & quidem minutissima: quæ globulis inhærentes plurimum succi inde ebibunt. Quæ globulæ, sicciores factæ, penitusq; exustæ, capillamenta destituunt. Quod assidua rigatio prohibet. Quocirca, æstate & hyeme opportuna irrigatione iuuanda. In feruentissimis verò partibus, & locis cliuosis, si per aquarum copiam sit, sulcum è superiore parte dirigere oportet, & lapidibus & alijs purgare, quo fluentiore alueo, aqua in hortos & ad plantas decurrere possit: quin & illarum radices, fossam altiore faciant, vt aqua tum abundantius influat, tum diutiùs ibi moretur. Quidam vascula aqua plena ad arborum radices collocant, quibus illas refrigerent. Alij lapidum quædam genera ad radices sternunt, vt hyeme humore perfrui possint, æstate refrigerari, viam liberis flatibus præbentibus. Enimuero contra vtrunq; tempus ita præparasse oportet, vt lapides humorem contineant, & æstate à radicibus calorem propulsent. De quibus & conchis sic Vergilius:

Georg. 2.

*Aut lapidem bibulum, aut squallenteis infode conchas,
Inter enim labentur aquæ, tenuisq; subibit
Halitus: atq; animos tollent sata iamq; reperti,
Qui saxo super, atq; ingentis pondere testæ
Urgerent hoc effusos munimen ad imbres;
Hoc, vbi hinc sita findit Canis æstifer arua.*

Alij sarmenta ad eisdem vsus substituunt. Alij lignum infodiunt, satis crassum, quod postea extrahunt. Horæ autem rigandi, matutina, atq; vespertina, ne inferuescat sole aqua. Theophrastus tamen frigidioris plantis vtiliorem dicit. Multi tamen per totam diem in vasis requiescere permittunt, & ferò infundunt. Aquarum item delectus haberi debet. Quæ enim nitrosa, quæq; aluminosa, vel quæ huiusmodi sapiunt, plantas neq; gignunt, neq; alunt. Salsæ enim aquæ plantas nutrire possunt, sed deterius quàm dulces. Adurunt enim, augeriq; prohibent.

*Quæ arbores parcius, quæve fusiùs irrigari volunt: & de his,
quæ hoc respuunt: & de alijs præter aquam liquoribus,
quibus planta oblectantur.*



ED arborum nonnullæ largiores aquas defyderant, vt malus, pyrus: aliæ sobriæ magis, vt nouellæ ferè omnes: & quædam omnino nullam, vt cupressus (autore Theophrasto) vt nouella etiam frequentius adaquata omnino moriatur. Ego ipse ex semine fatas tales irrigaui, compertumq; experientia habui, illas irrigatione prosperè & augeri & viuere. Assidua enim aquatione, punica acida fit. Nam siccitas his & suauitatem, & copiam præstat. Si tamen nimia caliditas incesserit, quid humoris inspergi debet. Eiusdem verò naturæ mespilus est. Moro creber humor obest. Scribit tamen Palladius, ablaqueatis eius radicibus, vini veteris recentissimas fæces infundendas. Amygdalæ autem, dum fructum pariunt, neq; aquandæ, neq; aliâ cura tractandæ, ne plus æquo validiores reddat, fructum in flore amittant. Copiosè autem irrigari palma vult: continuò enim sitit, vt quidam homines, quorum deus Bacchus est: vt propterea amet toto anno bibere, verùm magis scaturientem, quàm pluuiam concupiscit. Aquis tamen aliquatenus salis delectatur, vt sale infici debeat, si tales loci natura non præbuerit. Dulciores verò atque præstantiores eius fructus facit aquatio: quorum durities & acerbitas tale auxilium requirit. Lentiscus etiam salis gaudet. Multò fructuosior myrrha, abundè refrigeratis radicibus. Lymphis gaudet & balsamus. Has autem auidè sitire par est, cùm non nisi in algentissimis locis nasci velit: vt hyeme loci etiam genio ardeant. Pistacia irrigatione oblectantur. Poma M. Varro dici posse scribit, quòd potu indigeant. Cydonia enim irriganda, quoties infusio negatur. Maiora enim, atq; citius matura imber efficiet. Frequens adaquatio calculosæ pyro, præsentì est remedio. Ficus riguis alitur, ac magis germine vrgetur, sed pomum eius marcescit, præterquàm Laconica, quæ riguis vehementissimè gaudet. Singularis cerasi ex Palladio irrigatio est. Quas ex canicularum æstu fatigatas trium fontium singulis aquæ sextarijs, post solis occasum, sic ne remedium luna depræhendat, irrigari vult, vel herbam Symphoniacam circum arboris truncum in coronam torqueri, vel ex ea cubile iuxta imum caudicem sterni Palladius vult. Infitas nuper arbores, ab ipsa insitione, vsq; in mensem Augustum irrigant. Multi ad vesperum, spongiæ aqua. Alij vas aliquod supra insitum locant, quod paulatim guttulas per palearum culmos infundat, Vrina hominis surculos valde delectari aiunt, præsertim si eam sex mensibus veterascere passus fueris. In seminarijs verò, plantulas ter in mense, si siccitas intercesserit, rigant. Defyderant enim quod maximè assueuerunt. Nam illis, sicuti cæteris rebus, altera natura, cõsuetudoq; est: Contrà, locis siccis genita humorem, nisi necessarium, non expetunt. Vbiq; enim loci habenda ratio est. Platanos verò mero infuso enutrirì, inquiente Plinio, compertum est, maximeq; illud radicibus illarum prodesse. Quod fecisse Q. Hortensium Macrobius meminit, vsque adeò, vt in quadâ actione quam habuit cum Cicerone, ab eo postulauerit, vt dicendi locum secum permutaret, abire enim se in villam velle, vt vinum platano, quam in Tusculano posuisset, ipse suffunderet. Tradunt etiam Sabinam vini fæce mirè ali. Myrtus ho-

minis vel ouis vrina apprimè delectatur, & aqua etiā calida, vt hac etiam ratione nucleus sine offe sit. Fortuitò hoc depràhensum, cum iuxta balinea, neglecta myrtus iaceret. Vrina etiam hominis veteri, malus mirum in modum afficitur, vt eius fructus saporis in melius commutetur, sed & ipsos auget. Multum etiam proderit amurca, quæ salem non habuerit, huic permista. Sed vsus vtriusq; maximè per hyemem est, & adhuc Vere ante æstiuos vapores, dum arbores ablaqueatæ sunt. Oleis verò laborantibus circum radices talem amurcam infundere conuenit, vel hominis vrinam veterem: maximis, sex congi: mediocribus vrinæ satisfaciunt: cæteris æstimanda portio erit. Veruntamen quæ nihil vitij habuerint, aliquando lætiores fient, si amurca rigentur insulsa. Quas verò arbores amurca irrigare vis, non altè id faciendum, Catone hoc præcipiente, vim amurcæ forsitan pertimescens.

De arborum purgatione.

CAP. XIII.



CALLICRATIDES autem malos, & nihil frugi homines è Republica amputandos existimabat, quemadmodum arborum superflua. Congruit etiam bono & graui præfidi, autore Vlpiano Iurisconsulto, curare vt malis hominibus prouincia careat. Sed ad arbores reuertamur: vt non minùs ad illarum vtilitatem amputatione superfluorum indigeant, quàm ad vtilitatem publicam ciuitas facinorosorum hominum purgatione. Quemadmodum enim in homine, vngues, capillos, barbamq; tondeamus, ac radimus, & tanquam superflua extrahimus, & alijs spurcitijs eum purgamus: & hæc omnia sanitatis & nitoris causa. Sic in arboribus arida, putria omnia, maleq; nata, aut quæ densius nimis arctata præferunt, tanquam superuacua, & aliena eximimus: quæ tum alimenta auferunt, tum incrementa impediunt. Quò etiam arbores tum validius se habent, tum conspectius inspiciuntur. Verùm id aliæ curiosius magis, aliæ minùs desyderant, vt in hominū genere, in quibus alij ex corporis habitu abundantius, in alijs minùs, vt id extra necessitatem, & vsq; ad corporis luxuriam peragant. Myrtus & olea, Androtione apud Theophrastum autore, id studiosius poscunt. Sunt etenim quædam arborum genera, quæ cæteris crebriores, tenuiores, & citò arecentes virgulas produnt, quas eximi citius conuenit: cuiusmodi sunt olea, myrtus, vitex. Nullum ad hoc, vt in prædictis, tempus præscriptum est. Minori damno omni tempore extrahi poterunt, cum ex huiusmodi curatione, & aliquo vulnere arbores laborent. Muscus etiam semper arboribus radi debet. Multi vili panno per pluuias abstergunt. Hoc enim tempore facilè muscus auellitur. Quòd si temporis conditio id elargita minimè sit, pannum aqua madefaciunt. Hoc statim in Martio fieri debet, Hyeme autem minimè. Nam hoc tegumento aduersus frigora sese tuentur. Est enim muscus, maximè ruber, arborum infestissima lues, reptilium domicilium, & impetigo illarum. Cortex etiam illo scaber, ac deformis fit.

*De utilitate putationis, & quæ arbores decacuminari no-
lunt, & qui primus nemora totunderit.*

CAP. XV.



ANTIQUI (vt rudem adhuc lectorem hoc doceam) teste
& M. Varrone & F. Pompeio, putum pro puro dicebant.
Vnde putare arbores Donato in Terentium, propriè est
falsa & infructifera à veris & fertilibus refecare. In his enim
vacantia aliena; , & non necessaria, vel obstantia, atq; fru-
ctum, sobolemq; impediunt, auferuntur, & excinduntur : & quod utile,
& absq; vitio est, relinquitur : quod & in omni etiam re dicitur. Hinc ar-
borum purgatores putatores dicuntur, & putamina purgamenta dicta
sunt. Plautus in Captiuis:

Nucleum amisit, retinet pignoris putamina.

Dijis præterea nihil gratum erat, quod non purum, purgatumq; foret:
vnde tractum adagium, de quo Plutarchus in vita Numæ: Ne liberis Dijis
ex vitibus non amputatis. Dicitur etiam, rationes putari. Et in multis
priscorum monimentis, Argentum purum putumq; , coniunctim legi-
tur, id est, valde purum, & vt interpretatur A. Gellius, exputatum, ac exco-
ctum, omniq; aliena materia carens, detractis ex eo omnibus vitijs, ema-
culatum ac candefactum. Imputatum etiam Pompeio, nondum purga-
tum. Computare etiam Varroni, pro putare. Sed iam satis de vocabuli
etymo. Putatione autem arbores multò latiores erunt, atq; vberiores red-
dentur, amputatis superuacuis, & nimis improbè profilientibus & luxu-
riantibus ramis, qui partim fructus prohibebant, partim alimenta absu-
mebant. Fit enim ceu deriuatio quædam plantarum alimenti, prout ali-
quis deduxerit. Quippe cum ad ea, quæ relicta sunt, pabulum confluat,
eaq; etiamnum auget, vt liberè natura ad fructificandum impetum suum
faciat. Etenim quò pauciora reliqueris, eò feraciùs germinabunt, vt pro-
pterea fructus copiosius præstent. Onere etiam pressæ ac languidæ, cir-
cuncis quæ proceritate, quæ pondere premebant, non iniucundo re-
medio leuantur. Quibus etiam aliena umbra laborantibus cælum ape-
rit. In summa, Antiqui tanti arborum putationem, propter vtilitatem, fe-
cerunt, vt deam, quæ putationi præesset, finxerint, quam Putam vocaue-
runt, Arnobio autore. Decacuminationes autè vocamus, cum arborum
summas extremitates præcidimus. Græci ἐπικοπήν vocant. Adeò enim
hanc quædam verentur, vt hac causâ moriantur: vt sunt ferè omnes, qui-
bus ordinatim rami ab lateribus exeunt, vt abieti, pino, pinastro, piceæ, la-
rici, & cæteris alijs: vt cupresso, cedro, iuniperum superaddunt. Quarum
nonnullæ, detruncata coma, & depresso cacumine, aut ignibus adusto, sur-
sum sese non ampliùs leuantur, ramis solùm in latus, deformi facie, ex-
crescentibus, ac germinantibus. Pinum autem & palmam, non emori, sed
sterilescere Plinius scribit. Huius autem effectus causam hanc quidam
reddiderunt, quòd videlicet siccæ sint naturæ, & meatu rectissimo, atque
vnica radice inhæreant: & toto impetu suo sursum contendant. Illud
quoq; abieti, & nonnullis alijs accidit, vt ramis omnibus ablatis, & deciso
cacumine,

cacumine, moriatur : præcis solum inferioribus, quod superest viuit. Si quidem à latere nunquam renascitur. Nouellas autem plantas ante, quàm radices egerint, & his bene sese firmauerint, amputare non licet, neque etiam eas sollicitare. Non nisi post biennium à transplantatione ferro tangi Columella præcipit. Palmam nouellam ferro minimè tangi debere, Theophrastus memoriæ mandauit. Comas tamen religant, ne torqueantur virgæ : & in altitudinem assurgant. Teneræ enim frondes ferrum reformidant, & cicatricem nondum pati possunt : magisq; insitæ, quàm syluestres. Sed quas ferre posse putaueris, primò leniter amputato, & eas à primis & teneris annis ferrum assuefacere blandè doceto, & rectè dirigit, additis perticis, & alijs adminiculis, quibus, cùm iuuenes sunt, regantur, & in bonos mores formentur. Nam veterem arborem frustra tractabis. Gn. Martium ex equestri ordine, Diui Augusti amicum primùm nemora consilia intra annos octoginta inuenisse Plinius ait. Tonsiles enim syluæ erunt, quæ recisæ, & in pumilionum breuitatem coactæ, vmbre tantùm ac delectationis causa : vt hac ratione densiorem vmbra præberent. Quarum item æqua altitudo esset, quæve ob breuitatem ventos & illorum strepitus, & fragores, non recolligerent.

Quo tempore amputandæ arbores, & de putationis norma.

C A P. XVI.



N putandis verò arboribus, optimi & experientis agricolæ artificium non indiligens esse debet, si quod aliud erga ipsas requiratur. Ab hoc enim arboris decora facies, fructuum vbertas, à quo etiam plerumq; vita dependet. Magnoperè itaq; præcauere debet ne, quæ solum rescindenda sunt, auferat : ne illi contingat, quod cuidam Thracio imperito agricultori euenit. Is enim fundum emit, olea, atq; vitibus consitum, quorum culturæ insciens erat. Videns fortè vicinum rubos latè atque altè obortos stringentem, fraxinos ad summum propè verticem deputantem, ac stolones in pomis & oleis percindentem, vicinum percunctatur, Cur tantam ligni & frondium cædem faceret. Vt ager, respondit, mundus purusq; sit, & arbores fecundiores. Discedit ille, & imprudenter oleas omnes, arborumq; latissimas comas, & malorum felices ramos excidit : malo quidem sui incommodo, qui non intellecta rei agrestis præceptione, audax putator extiterit. Sed ne ignoratis super hac re antiquorum præceptis cuiquam contingat, quod Thracio putatori, libet ea, quæ illi prodidere, patefacere. Igitur qui putat, circumspectè manum admouere debet, ne ea, quæ sana sunt, refecet, verùm superflua tantùm, & quæ ventus interfregerit, aut quæ in medio, & inter brachia constituta sunt. Extrinsecus enim factitari liberè oportet, & densa incuruæ, & quæ sibi incumbunt, auferre. Raritati enim prospicere oportet, vt respirationem habeant, vt perflari placidè, vt solem denique sentire commodè possint. Longi etiam rami, & in altitudinem valde excrecentes, rescindi debent. Sæpe frondibus arbores luxuriant, quæ earum proli nocumento sunt.

Quas

Quas falce compescere oportet: præsertim verò, cum non ex ipsis frondibus, sed fructibus generosam arborem dicimus. Ob id enim apud omnes agricolas receptum est, oleas decem cubitorum magnitudinem excedere non debere, ne augmentum supra prædictum modum detrimento sit: cum nimirum rami per ventorum vehementiam confringantur, & flos excutiat, ac fructus ante tempus delabatur. Nanq; ferro coercitæ, in orbem formosius se fundunt, unde tonsiles dictæ, & fructum ramis pluribus ferent. Nonnunquam etiam in olea ramus vnus aliquantò cæteris latior est: quem nisi recideris tota arbor inuidia contristabitur. Arborum autem plagæ Septentrionem in Italia & locis feruentibus spectare debent, in frigidis verò Austrum. Ficorum verò ad Fauonij flatum. Putari aliæ plus desyderant, aliæ rarius. Balsamus putatione gaudet: Auelana melior, atq; fructu copiosior, quò in plures ramos dispersa fuerit: ideò tonderi non debet. Contrariæ tamen sententiæ est Theophrastus, vt fecundiores asserat, virgis assidue præcis. Quod magis expertus sum. Minus prosperè ferrum patiuntur, quæ cortice tenui vestiuntur, & quæ plaga infirmantur, vt pyrus, & malus. Nunc videndum quo tempore commodius deputentur: quod in Autumno omnes penè faciendum contenderunt. Per id enim tempus, arbores solidiores ac fortiores esse videntur, à fructu liberæ, & quiescentes. Primum enim medius humor in germina & fructuum alimentum insumptus est, & quicquid reliqui humoris, per æstatis calores resiccatum: deinde hybernos imbres nondum susceperunt. Quorum omnium gratia præfatum Autumni tempus ad arborum putationem maximè maturum esse. Hoc post Vergiliarum exortum specialius designant quidam: alij post fructuum decerptionem: vt hac ratione comprehendantur, quæ seriùs fructificant. Nonnulli amygdala mense Nouembri. M. tamen Varro hyeme interpretari arbores his duntaxat temporibus, cum gelu, imbribus, ac glacie cortices caruerint. Cato oliuetum inter vernum & Vergiliarum exortum. Huius enim super hac re talis est sententia: Oliuetum diebus quindecim ante æquinoctium vernum incipito putare. Ex eo die quadragintaquinque diebus rectè putabis. Mense Martio & Septembri incrementum maius castanea accipit, si putationibus adiuetur. Fico peculiaris deputatio, scilicet ante, quàm germinet. Et hæc omnibus fieri debet decrecente luna, post horam diei tertiam, cælo sereno, aut siccis ventis. Hoc autem singulis annis minime factitandum: sed quædam seriùs, quædam præcociùs. Quinetiam oliuetum compluribus interpositis annis putandum. Nam veteris prouerbij meminisse eum conueniet, Qui aret oliuetum, rogare fructum: qui stercoret, exorare: qui cadat, cogere. Quod tamen satis erit, octauo anno fecisse, ne fructuarij rami subinde amputentur. Palmas robustas deputant crassitudinis gratia, ramos semipedales, vt Plinius voluit, verum Theophrastus quantum magnitudo palmi relinquentes. Iuglandes, præsertim vetustæ, amputatis à trunco ramis mirum fructificant. Quod item in olea, myrto, punica, veteribus faciendum Theophrastus arbitratur. Quarum decisis ramis, truncos tanquam denuò sotos coli oportet. Nam sub

terra infestari eas minimè perhibent. Quædam enim, maximè annosæ, totæ rescinduntur, ac rursus à stolone aliquo resurgunt, sed non omnes, nec quarum radices antea morbo læsæ fuerint. Arundo recisa, fecundiùs resurgit. Post brumam hæc cæditur, præcipiente Columella. Nam usq; ad id tempus incrementum capit: postea compescitur, cum frigore obriget.

De remouendis stolonibus, & C. Lucinio. De lucorum collucatione. Quid sit compescere lucum: quid sublucare, & interlucare: & de remedijs contra arborum frigora.

CAP. XVII.



INTER ciues Romanos C. Lucinius fuit. Is legem tulit, quæ ciuem Romanum plus quinquaginta iugera habere vetabat. Diligens enim & doctus agriculturæ fuit. Qui, quòd in eius fundo, circa arbores nullus stolo reperiretur, Stolonis cognomen adeptus est. Circuiens enim agrum suum, circum arbores qui nascerentur stolones assiduè effodiebat, vel euellebat. Enimvero in ipsis arboribus hæc inutilis fructificatio hoc nomine vocatur. Quæ non segniter falce quoties apparuerit, extirpanda, maximè verò in nuper insitis. Nam ad se alimentum auocat, efficitq; ut insitum fame scat, & emoriatur. Nempe ea ablata celerius adolefcunt arbores, redactis in vnam stirpem alimentis: nam cibum circa radices furantur. In nouellis enim plantis non ampliùs vno stirpe relinquendum. Resecandæq; illius propagines omnes, ut rectus, atq; nitens sit, & ut assurgat. In vertice autem, vbi iustam altitudinem constitueris, tres ad minùs quatuorve commodè inter se distantes relinques. Sic enim formanda planta usq; dum tenera est, & ab ipsa iuuentute, ut sui corporis gestum, decoremq; tenere discat. Suprà de lucis dictum est. Superest ut hîc de sublucatione, quòd propinqua putationi sit, dicamus. Sublucare, Festo Pompeio, est arborum ramos supputare, & in densitate superfluos per intervalla deputare, quasi sub lucem immittere. Eo verò significatu est interlucare, vnde nata interlucatio, de qua sic Plinius: Interlucatio arboribus prodest, sed omnium annorum, trucidatio inutilissima. Collucare autem dicitur, cum rami sylvæ sacræ lumini officientes vel arbores ipsæ succiduntur, ut lucus luce impleatur. Sublucare eo minus est. Lucum collucare Romano more sic oportere M. Cato docet: Porro piaculo sic facito, Sic verba concipito: Si deus, si dea es cuius illud sacrum est, uti tibi ius fiet porco piaculo facere, illiusce sacri coërcèdi ergò. Harumce rerum ergò, siue ego, siue quis iussu meo fecerit, uti id rectè factum fiet. Eius rei ergò te hoc porco piaculo immolando bonas preces precor, uti sies volens propitius mihi, domo, familiæq; meæ, liberisq; meis. Harumce rerum ergò mactè hoc porco piaculo immolando esto. Si fodere velis altero piaculo, eodem modo facito, hoc ampliùs dicito, operis faciundi causa: cum opus quotidie per partes facies. Sed si intermiseris, aut feriæ publicæ, aut familiares intercesserint, altero piaculo facito. Compescere lucum

lucum Pompeio erat, suis finibus cohibere. Seneca in Tragœdijs.

Alta vetustum valle compescens nemus.

Quidam aduersum frigora, stramina circum stipitem ligant. Quod ita faciendum erit, ne inter ligandum plantæ cortex lædatur. Quare arbutulam in ea parte, qua vincitur, in orbem musco, aliõve vestiunt, ne singulo, palõve vulnerentur. Alij finum exaggerant, aut etiam mapalia & casae desuper ex paleis exædificant, quas adueniente vere diruunt. Maior autem horum cura, qui arbores in capsis ferunt, vt hyeme subterraneis fornicibus reponant, quas illarum gratia ædificant, & ad solem meridianum vertunt. Illas per hyemem atq; per dies serenos educunt, & per noctem includunt. Quod in Gallijs, ac Italia, in malis medicis iam multis locis fieri cœptum est. Sed & Vergilius teneras myrtos à frigore defendendas ostendit, dum in suis eglogis ait:

Huc mihi, dum teneras defendo à frigore myrtos.

Ecl. 47.

Præfatio libri decimitertij.



OMNIA orta occidere, ipsa experientia docet, vt alicuius testimonio minime indigeamus: vt solius Cypriani, ad Demetrianum, erga ipsas arbores sententia comprobemus: ait enim. Et arbor quæ fuerat viridis & fertilis, arescentibus ramis fit postmodum informis.

Quod post animantium omnium genera, manifestius in plantis conspicitur. Vti eas antea aliqua infirmitate, veluti animalia, affligi oporteat. Neque enim omnes vno morbo, quod itidem in animalibus est, verum diuersis, nonnunquam peculiaribus, secundum plantarum differentias sicuti infra dicetur, laborant. Quod agricolam nosse conuenit, & prudenter mederi: vt suo labori, impensa, sæpe minima cura ac facili remedio subuenire habeat. Erga enim plantas quas seuit & inseruit, eum esse in necessitate beneficum atque medicum & misericordem esse oportet, ne negligentia & ingritudinis vitio arguatur, & quasi suæ prolis penè enector habeatur & existimetur, vt illis, illarum umbra, fructu, & denique vita carere habeat. Eandem autem gratiam, erga ipsas habere eum oportet, quam bonus paterfamilias circa liberos suos: cui nil eos procreasse profuisset, ni iam adultis & languentibus, sua ope omnimodo subueniret: alias his & illorum progeniei diuturnitate atque officijs liberalibus carere. In qui-

bus certè, tam pijs parentibus, quàm sedulis agricolis non segniter nauandum, ne morbi sæpenumero exigui, longa tabe, & longa mora, tam liberi quàm arbores periclitentur. Nempè verò in plantis veluti in animalibus serò cum iam inualuerit morbus, medicina paratur, subsequaturq; ex minima incuria, grauis pænitentia.



H O R T O R V M L I B E R D E C I M V S T E R T I V S.



De morbis & vitijs arborum.

CAPVT I.



VITIS ac morbis arbores infestari, atque emori, vt homines, & cætera quoq; animalia omnibus certum est. Vt eadem ratione atq; in illis, quædam naturæ, ac nominum societate, arborum morbos dicimus: vt cum harum trunca corpora, abortus, famem, obesitatem, impetiginem, exustos germinum oculos, & horum cæcitatem, & similes sortes, ac pleraq; alia, cum mortalium miserijs communia. Pestilentia quoq; ac lue, per genera, veluti inter homines, nunc seruitia, nunc plebem vrbanam vel rusticam vocamus. Nec enim vbiq; gentium huiusmodi calamitates omnibus pares: sed frequentius, largiusq; æris inclementia: nonnullis, vt animalia locis. Harum autem morborum causæ plurimorum, aut ex locorum natura, aut ex cæli temporis intemperie. Et hac ratione extrinsecus, cum frigora supra modum, aut æstus, aut imbres, vel squallores, vel aliqua cæli grauitas incesserit. Intrinsecus verò, cum alimenti vel copia, vel inopia fuerit. Etenim eas fame, & cruditate laborare constat. At arborum morbi quidam omnibus communes, vt vermiculatio, syderatio, carbunculatio, radicatio, scabies, strangulatio, membrorum dolor. Inter quos verò & abortum & sterilitatem, iure computauerimus. Quidam verò aliquot generum peculiare, vt ficis impetigo, & quæ adnasci solent cochleæ, oliuis, congris. Arborum quædam genera, veluti animalium, morbis minùs obnoxia, vt syluestrium. Nam hæ vitijs plus minus quàm vrbane, obnoxia sunt, vexariq; tantùm in germinatione, florè, aut feruore, flatuq; frigidiorè solùm aduri quidam existimarunt: maximè verò caprificus: vt potè qui nec radicatione, nec scabie, aut vermiculatione lædatur. Propè enim ab omni vitio, quod præter naturam contingit, immunis. Hoc autem arboribus euenit, quod & hominibus: vt rustici, ferè syluest

sylueftres non ita frequentius, non ita facilius, neq; ex leuiori caufa, veluti vr bani, ægrotent. Languescunt autem arbores nonnunquam toto corpore, iniuria hominum, vel animalium, vt cum plagam, ligone, falcëve, aut rastro acceperint: vt hoc modo casu naturaq; ægrotent, vt animalia, arbores.

Morborum quorundam causa.

CAP. II.

HVMORIS quantitate laborare arbores dixerunt, cum vel fame, cruditate, pinguedine ægrotant. Alimenti enim abundantia, & nimia pinguedine, laborant arbores. Nutritione enim superflua, meatus præ obesitate, & condensatione, obstringuntur, vt arborum rami cibum accipere nequeant. Omnia enim, quæ supra terram nascuntur, spirituum & meatuum solutionem libertatemq; desyderant. Hoc autem vitio cerasus plurimum infestatur, cum nimio alimento gummi superabundauerit. Hoc vitium, strangulatio dicitur. Intereunt etiam, cum radices pinguescere cœperint, veluti animalia, adipe nimio. Resinam autem ferentes, nimia pinguedine in tædam mutantur. Contrà verò alimenti inopia, veluti fame, laborant plantæ: cum radices sublimes, prospectaq; sunt. Tunc enim humorem propter Solis ardorem transmittere nequeunt. Nempe succus plus, quàm commodum sit, crassatur: vnde morbus exinde, atq; interitus sequatur, necesse est. Hoc autem proximum accidit, cum aquæ inopia squallent. Luxuries etiam in arboribus erit, quam intempestiuam fructuum abundantiam appellabimus, Græcè *φυλλομανειν*. Fœcunditate enim, veluti animalia effæta, pereunt. Quemadmodum enim in animalibus, nimia feminis profusio, & excrementi secessio, corpus calefacit, & senium celerius inuehit: itidem in plantis eueniet. Siquidem pro magnitudinis ratione largiùs, quàm par sit, si fructificant, citò arefcent. Nam hæ fœminæ, quæ crebriùs pariunt, rarò ad senium peruenient.

De arborum abortu.

CAP. III.

ABORTVM, veluti in animalibus, ita & in plantis quoq; dicemus. Non tamen sicut in illis totius fœtus interitum: vt nonnunquam in ficis, in quibus mirabiles abortus sunt, nunquàm maturescentes, sed quandam humilitatem, & pusillitatem, & præter eius generis arboris communem, & assuetam proceritatem, ac crassitiem. Et quemadmodum inter homines, pumilionum infœlicitas dicta est: sic inter arbores abortio. Indi tamen, & Dioscoride, & Plin. autoribus, piperis semen, quod cum aëris intemperie & carbunculatione inane cassumq; est, brasma vocant, quod illorum lingua, abortum denotat. Græci autem huiuscemodi abortum, hoc est, paruitatem, denotare volentes, aduerbium *χαμαί*, arboris nomini præponunt, quod humi Latine designat. Significantes hanc illam humi serpere, nec sese altè à terra extollere. Vt cum dicunt, chamæplatanus, chamædaphne, chamæmyrsine, chamæcerasus. Frutex (autore Plinio) cuiusmo-

di syluulæ in Gallia maximè prope Lutetiam Parisiorum, acidorum generis solùm, vt hic tantum & sequenti dixisse æquum. Pumila etiam arbos in Bithynorum agro frequens: veluti apud Athenæum Asclepiades Myrtenus depinxit, radice parua, baccis ceraforum similibus, & per omnia ei arbori consimilis. Copiosè enim vescentibus caput vini modo grauat, & dolores cit, chamæcyssus, chamæacte, chamæriphe, Genus palmæ est, folio molliori ac latiore, Chamæbatos, chamæpeuce, chamæleæ, chamæros, chamædrys, chamæpytis, chamæmelon. Harum quædam herbarum vocabula, quarundam arborum effigiem referentes. Quare ab his nomen desumpserunt, proposita dictione *χαμαί*, & vt generalius loquar, arbutus. Præterea (autore Alberto) si hunc autorem comprobabis, tamen si citra veram analogiam, tamen iuxta rei proprietatem, vt fuit nonnullorum antiquorum vocabulorum deriuatio, dictus, quasi arborum bustus, quod arbores altè non crescant. Fit autem, vt Plinius ait, & ferendi genere, & recisione. Cum huiusmodi paruitatem in quibusdam arboribus desideramus, maximè in hortis, sepium & topiarj operis causa, falce illarum ad crescendum naturam compescendo. Sapiùs tamen, vel deficiente humore & alimento. Quod loci ariditate euenit. Sed & inter, quædam arborum genera, huius breuitatis reperiuntur arbores, vt suprà diximus, vt inter mala, quæ à diuo Ioanne, & paradisiaca nuncupamus. Igitur talis plantarum abortio, sicuti in animalibus, morbus existimabitur. Nam præter naturam infirmantur, si artificio & industria tales reddantur. Natura verò si pusille suapte natura, vel sint, vel alimenti inopia remaneant.

*De morbis ex cæli intemperie, & temporum ratione pro-
uenientibus, & de sideratione, siue vredine.* CAP. IIII.



COMMVNIS omnium fatorum calamitas, vt cæli iniuria laborent, maximè verò arbores,

*Corrupto enim (vt ait Vergilius) cæli tractu, miserandaq; venit
Arboribusq; satiq; lues, & lethifer annus.*

Ante omnia enim cælestis offensæ duo genera, inquit post Theophrastum Plinius, meminisse conueniet. Primum quod tempestates vocamus, in quibus intelligendæ sunt procellæ, grandines, cæteraq; similia. Quæ cum acciderint, vis maior appellatur. Hæc ab horridis sideribus exeunt, veluti Arcturo, Hædis, Orione. Alterum verò eorum, quæ cælo silente, serenisq; noctibus fiunt. Quæ à nullo quidem præsentuntur, nisi cum facta sentiuntur. Sic enim Flora apud Ouid. in Fastis fatur:

Fast. 5.

Sape mihi Zephyrus, dotes corrumpere noli,

Ipsa tuas, dixit: dos mihi vilis erat.

Florebant oleæ: venti nocuere proterui:

Florebant segetes, grandine lesa seges.

In spe viuis erat, cælum nigrescit ab Austris.

Et subita frondes decutiuntur aqua.

Inter cæli offensiones; frequens communiorq; esse solet, quam siderationem

tionem vocamus, Græcè σφακελισμός dicitur. Nam ex cælo tota constat. Hæc enim ex pruinarū natura progreditur. Quæ verno tempore, inuitatis atq; properantibus satis, atq; adhuc mollibus, residens, lactescentes germinum oculos adurit. Quare vredo, autore Festo, dicitur, Græcè κανθμός, in flore verò carbunculatio, ac si velis dicere vredinis carbone exustæ. Pruinæ enim perniciosior natura. Hæc enim prolapsa perfidet, gelatq; : ac ne quidem aura vlla depellitur, quoniam non fit nisi immoto, atq; sereno aëre. Adueniente enim iam die, ac calore, frigus ipsum nocturnum suas in sese omnes agit vires, infurgitq; multò acrius aduersus ingruentem hostem, vt per conatus ipsos, aduersus, contraq; obiectos, ac summè infestos, per eam, quam ἀντιπερίστασις Aristoteles vocat, efficitur, vt etiam frigus adurat. Quod est ignis proprium. Siderationis etiam proprium, sub Canis ortu. Tunc enim Syrius agros exurit. Illius autem exortum ferè omnia, præsertim verò nouellæ plantæ & furculi præsentunt. Ratione autem suæ imbecillitatis tunc siderantur, maximè ficus. Nimij enim æstus adurant. Resiccata verò tellure, necessarium humorem arbores minimè habere possunt. Quam verò iniuriam non adeò faciliter maiores, ac validiores arbores sentiunt, radicibus illarum longius progredientibus : in veteribus etiam humor pinguior, atq; ad fructificandum, quàm in iuuenibus, maturior. Mutationem enim hæc minùs ferre possunt. De vredine & sideratione sic Horatius:

- Haud quia grando

Contuderit vitæis, oleamq; momorderit æstus.

Epist. lib. 1.

Generaliter autem conualles, loca caua, angusta, & quæ fluminibus vicina sunt, vredine magis laborant. Et in summa, quæ ab omni aura silent. Tunc verò his locis eiusmodi spiritus diutiùs immoratur, & consistit, igitur efficacius vires suas experitur. Quod in cæteris aëris motus prohibet. Nunc in vniuersum, de gelu, quo non solùm infirmissimæ, verùm etiam maximæ periclitantur. Sic enim vexatis, prima cacumina inarescunt, quando præstrictus gelu humor eò peruenire non potuit. Itaque per hyemes cæli rigorem probamus, & ea tantùm frigora arboribus prodesse. Intempestiua autem exitiosa, suprà docuimus. Præsertim verò humi stillicidium damnosum, cùm arbores ablaqueatas cæspiteq; spoliatas occupauerit: tum maximè, si aqua stagnans adsit. Quod si diutiùs durauerit, infirmas radices penitus congelabit. Nam si solum agitatum inuenit, vehementius offendet. Liberior enim penetrabit.

De scabie, radicatione, tabe, impetigine, & morbis ex locorum natura.

CAP. V.



ABEM in arboribus aliqui dixere, Græcis ἐκπλησις dicitur, quasi quidam stupor, rigorq;, cùm frigore & altiore gelu amnis contrahitur, cùm tabido morbo arborum stirpes arescunt, veluti homines ægritudine longa emaciati, vt talem in arboribus etiam maciem dixerim. Scabies potissimum in arboribus gignitur, si pluuiæ lentæ inceserint, maximè verò (auctore

tore Vergilio) si post Vergilias. Nam si crebriores fuerint, arborem abluunt, nec scabiem scalpunt. Tunc enim humor vitiat, ut pustula erumpit. Quo vitio & grossi delabuntur. Quod si copiosius fuerit, ad radices perfluit, illasque inarescit, marcescuntque postremo, aut glabra fiunt. Hoc vitium Theophrastus radicationem, Plinius aulam, alij patellam vocant, nonnulli in olea impetiginem. Ratione etiam locorum morbi euenire solent, simili, ut in animalibus, causa: quos & flatus regionum excitant: ut in Apulia Atabulus, autore Plinio, & Olympias Calcide Eubææ (autore Theophrasto.) Hic enim perfrigidus, post solstitia hyberna, exurit arbores, atque aridas & siccas relinquit, ut nullis solibus, neque longo etiam tempore, recreari possint. Hoc pluries huic regioni euenit, verum vehementissime anno quadragesimo Archippi Athenis magistratu. Tunc enim maxime ficus elanguit, secundo loco olea, & oleaster: quamquam robustior hæc sit, quod mirum fuit. Mali autem, & pyri, & amygdalæ, sine ulla noxa remanserunt, ut scribit Theophrastus. Quod cum contigerit, à caudice statim exuruntur, atque in totum magis prius, quam id sentiant partes inferiores. Detegitur confestim, in germinatione, tardius tamen in olea, quod semper vireat. Signum est reuiuiscendi, si folia amiserint. Quæ minus ut putes præualuisse, moriuntur: nonnunquam inarescunt folia, eademque regerminant. Arbores in Septentrionibus, veluti in Ponto circa Panticapeum, & in Phrygia bifariam tabes iuuabit, frigore scilicet cum annus frigidus est, aut gelu, si post Brumam quadraginta diebus continuauerit. Ibi autem, & cæteris locis, si fructibus protinus editis, gelatio vehemens consecuta fuerit, paucis diebus enecat. His quoque locorum ratione, morbi euenire solent, quemadmodum animalibus. Nam apud aliquos scabies nullo modo infestat, ut nec circa Æneam, autore Theophrasto.

De quibusdam alijs arborum morbis, & nonnullis quibusdam peculiaribus.

CAP. VI.



VNT & alij plantarum morbi. Non enim paucis, ut animalia, infestantur. Omnibus quidam communes, alijs speciales. Nam & locorum homini affectiones quædam ut neruorum. Id autem arbori æquè duobus modis: aut in pedes, hoc est, radices morbi vis erumpit: aut in articulos, hoc est, cacuminum digitos. Qui morbi longissime à toto corpore exeunt, extrinsecus plagis, ac vulneribus fit, cum frigore aduruntur, Aristoteli, Theophrastoque σφακελισμός dicitur. Quidam sphacellum vocant. Tuber radice arborum vitium. Gignitur etiam in ramis. Quidam gongron appellant, cum oleæ euenerit, Theophrasto autore. Nam & illæ magis, quam cæteræ, laborant. Alij premnum, multi crotonam. Ab alijs mices, siue lopas. Quibus verò caudex vnus, minus nocere videtur. Alius ab hedera candida morbus: enecat enim arbores. Totidem enim radicum initia, quot brachia habet, quibus arbores exsiccat, & alimenta prohibet. Nam eas arctè vinciendo, pabuli meatum impedit. Quæ si vim tantam, ut præu

vt præualidas omninò enecare ac interficere non valeat, infirmas tamen reddit; caudice ac ramis deformes, atq; ingrato hospite infœcundiores. Similem periclymenos frutex labem adfert. Non contentæ enim hæ alieno hospite, sine quo subsistere minimè possent, ni quoq; ingrata illum afficerent. Musco etiam arbores, præsertim locis siccis ac humidis, infestantur. Rubrum oleis, scribente M. Catone, maximè nociuum, vt nec fructum nec frondem lætam inducant. Olea quadam Solis inustione morbum contrahunt: quem alij clauum vel fungum appellant. Græcis ἥλος. Pini morbus est, vt teda fiat. Quod Idæi, autore Theophrasto, accidere dicunt. Cùm non solùm cor, verùm etiam exterior caudicis pars in tedam transmutatur. Tunc enim quodammodo strangulari arbitrantur. Quod fieri arboris largissima vbertate tradunt. Tunc autem totum teda efficitur. Hoc autem malum vetustiores persentiunt. Amygdalæ vitium est, vt è dulci in amaram transmeet. Sed hoc quibusdam iniuria non est, sed beneficium: vt pyro, quæ phocida apud Chios appellatur. Vtilior enim hoc modo fit, autore Theophrasto.

De arborum interiùs vermiculatione.

CAP. VII.



MAXIMA, atque exitialis arboribus lues, vermiculatio, vt hîc tantùm de vermibus, qui intrinsecus rodunt, dicam. Nam & arbores ipsas, si diutiùs eas possederit, interimere solent, vt infestissimo malo, hoc omne arborum genus, non æquè tamen, afficiatur. Vitium hoc alites, maximè picus martius, sono caui corticis experitur, cùm eiusmodi vermes ad prædam venetur. Deprehenduntur etiam paruo foramine, ex quo lacryma defluat, præsertim veris tempore. In vniuersum autem magis sentiunt, quæ lacteo sunt succo. Dulcedine enim hac, propter cibum, magis alliciuntur, generationiq; illorum magis conuenit. Veteres huic morbo magis obnoxia, tum maximè, si siti laborauerint: ideoq; magis si in feruidis locis sint. Speciatim plus hæ, prunus, persicus, pyrus, malus, ficus, punica, mespilus, sorbus, olea, æquè ac ficus. Generaliter etiam minùs sentiunt, quæ amaro succo, quæq; acri acerboq; , vt cupressus & laurus. Quæq; etiam odorata. Minus enim putrescunt, partum etiam horum prohibent. Duritia etiam, veluti in buxo, nasci prohibet: At nunc de nonnullarum arborum vermibus specialius dicendum. Neque enim vnum & idem vermis genus omnes arbores infestat. Nam & habent quedam arborum genera suas huiusmodi speciales reptilium pestes, proprijs etiam nominibus notas. Termites tamen generali voce, ligni vermes dicuntur, Græcè δ ἄλμυς ἄλμυθος. Alius multarum arborum vermiculus quidam multipes: quare celeri cursu, satis oblongus, insensissimus omnium, quos nouerim. Nam ad erodendas arbores impensissimus, & ad necem citò deducendas festinantissimus, numerosa progenie magis, quàm vi corporis, exitialis. Vulgus auriculariam vocat. Trips etiam vermiculus lignarius. Ficos enim vermis, cerastes nomine molestat. Sonum edit stridoris exigui. Calaris Theocrito apprimè odio est, quòd ficos rodât. Sorbus vermibus

rufis ac pilosis infestatur, at ita senescens exarescit. Mespilus quoq; in senecta vt plurimum vermiculationi obnoxia. Maiores enim vermes in ea, quàm in alijs cæteris arboribus, cernuntur, vt Theophrastus autor est. Roborum vermes prægrandes cossi vocantur: vnde, autore Felto Pompeio, rugosi corporis homines antiquitus cossi dicebantur. In quibus, autore Plinio, luxuria olim fuit, vti ederentur, atq; etiam in farina saginati vt ij quoq; alites fierent. Vermiculatio ipsa fructus sequitur, alia arborum pestis, non continuè, vt in ipsis parentibus, sed quibusdam, per se solum annis, cuius pernicies est, vt ante maturitatem decidant: vel alias ingrati, præter suam dotem saporis Ant, neq; consuetæ diuturnitatis, maximè malorum, pyrorum, & punicorum. Oleæ arahmus vermis adnascitur, verum ancipiti euentu. Nati enim sub cute, fructum adimunt. Augent Vere, si in ipso nucleo fuere erodentes eum. Alij calpem vocant. Austrinis enim flatibus generantur, ramis anniculis, cum imbres secuti fuerint. Gigni illos pluuia, quæ post Arcturum sequuntur, prohibent. Qui autem in drupis sunt, ad iacturam certè peiores inueniuntur, & marcidi & putres omnino videntur. Tunc enim præcipuè caduca sunt. Id in riguis magis euenit. Sorborum fructus in arbore adhuc crudus eroditur. Ficorum semina tineæ vexant. Pomum fici Ægyptiæ celerrimè teredinem sentit, autore Dioscoride.

De erucis, culicibus, & alijs huiusmodi animalibus, arborum florem, folia, fructumq; depascentibus, & de arborum venenis.

CAP. VIII.



V PRA de vermibus, qui interiùs arbores infestant. Reliquum erit, vt de erucis, & alijs exteriùs arborum folia, florem, fructumq; deuastantibus: quorum calamitas partim ab aère & signis cælestibus prouenit. Et horum omnium infestissima lues erucarum erit, vt non solum eas fructu priuet, sed & fronde, viriditate omni, ac vmbra, & prorsus omni sua dote, tristi aspectu, facie turpi, illas deformes relinquens. Vere enim statim profliciens, germen deprædatur, vt vno maleficio & flos & fructus simul interimatur, matrem etiam iterum alia germina producere, & amissum decorem stabilire nitentem, simili iniuria afficiente. Fructum etiam, vbi vires nondum conceperit, erodunt. Frondem & folia suis telis inuoluentes, & omnia vrentes, quibus sui propaginem in annum futurum ad similem pestem superstitem relinquunt. Nascuntur enim humido & læto tempore, cum humor resederit, & post sol acrior inusserit. Huiusmodi autem Solibus vberimè crescit, & augetur,

Colum. lib. 10.

*Sæpe (vt ait Columella) etiam gravidis irrorat pestifer vndis,
Ex quibus infeste Baccho, glaucusq; salictis*

Nascuntur volucres. Sunt etiam nunc vermium genera aliquibus speciatim molesta, vt ficis: qui videntur ex humore dulci corticibus subdito nasci. E grossis etiam culices oriri manifestum est, verum ex putrescentibus eorum granis. Cuius quidem rei indicium afferunt, quod postquam

quàm euolauerint, nulla intus grana penitus reperiuntur. Exeundi verò tanta auiditas est, vt pleriq; aut penna relictà, aut pede pariter erumpant. Est aliud genus, quod vocant centrinam, alij centinam, non minima ficorum pernicies. Nam otiosè (vt inter apes fucus) viuit. Et quos ficorum maturitati, vt suprà diximus, viles interimunt, cùm viderint sua poma ingressos. Suis tandem moritur operculis. Culices ficarios Aristophanes & Aristoteles, Ionica voce Pſenas appellat. Galenus verò à milij similitudine cenchramidas. Humor autem, qui in vlmī folijs prima germinatione fit, si atuerit, in bestiolas abit, quæ cnipes à Theophrasto dicuntur. Alias in Autumno fert canchryes vocitatas, complures minutas atq; nigras. Pinorum teterrima lues, à quibus pityocamparum nomen sumpserunt. *αίτρε* enim pinus, *καμπια* verò eruca. Folliculos terebinthus fert, parua animalia, ceu culices, emittentes. Cantharides etiam pyrorum vermiculi dicuntur. Rose verò & cynocanthæ, peucæ. Quorundam verò annorum, omnium arborum, maximè iuglandium, non minima calamitas bordellarum. Sic enim Lugdunenses prægrandes culices vocant. Iulus bestiola multipes. In quercubus gignitur, in frondibus delitescens. Galbos animalia exilia, quæ esculis innascuntur, appellari Suetonius autor est. Sed quibusdam locis, hæ pestes crebrius, intensiusq; progrediuntur. In Mileto enim oliuarum deterrima erucarum calamitas esse solet. Illic enim sæpius, quàm alibi, arbores omnes deprædantur. Formicarum omnium arborum pestis acerrima. Arborum, sicut & animalium, venena reperiuntur. Generaliter autem omne pingue arborum inimicum, ceu pix & oleum, vsque adeò inimicissimum, vt si eo inungantur arbores, protinus intereant. Inde ortum adagium, Amicis vt oleum plantis. In eum autem quadrat, qui inimicus, infestusq; omnibus est, atq; infociabilis morum feritate ac truculentia. Maximè nouellis plantis ob suam caliditatem nocet. Fabarum & erui putamina arboris radicibus admota, illam arefcere cogunt. Viscum quoq; plantam interficit, si diutius ibi moretur. Nitrum etiam, & alumen, aqua marina calida: insita etiam mulierum menstruis emoriuntur. Fructus quibus exciderint, exuruntur.

De morbis iniuria hominum contingentibus.

CAP. IX.



ORBIS, qui hominum iniuria constant, secundas habent partes, vt maximus ille habeatur, si arbor decorticetur. Porro etiam ab vniuerso ictu, maxima ferè pars morborum, vt quidam existimant, contrahitur. Quippe & quæ siderata appellant, & radices inarescunt: eadem etiam causà laborare aiunt. Communis itaque omnibus mors, cortice in orbem detracto. Omnes enim hoc modo mori videntur, excepta vnedone. Quæ tamen & ipsa, si quis carnem vehementer prefferit, germenq; futurum laxauerit, emoritur: & subere, quod etiam sic iuuatur. Alnum autem hac iniuria non interire expertus, nec adrachne, & nonnullæ aliæ, si non simul inuadatur corpus. Quod agricolas in Gallia facere cognoui, cùm stantem arborem ad ignis vsum desiccari exoptant. Illud verò innocentius ferunt,

ss 2 quibus

quibus cortex multiplex, vt cerasus, betula. Vno enim detracto, ab alio proteguntur. Quibusdam verò detractus, alius pumicis specie coalescit, atq; naturam peculiarem haurit. Tardiusculè verò quedam hac infirmitate moriuntur, ac temporis plus cum hoc morbo perdurant: vt agrè diu cum morte luctari videantur: sicuti ficus, robur, quercus. Latitudinem porrò aliquam decorticatione habeat oportet, præsertim verò robustissimarum. Nam si angustam admodum feceris, nihil præterea absurdum, si non moriantur, cum vicinitate facilè coalescant. Quasdam etiam emori affirmant, etiam si in orbem non excorticentur: maximè verò si tenue solum, ac ieiunum sortitæ fuerint. Communis item omnibus mors, si radices amputentur, vel omnes, vel plurimæ, & quæ maximè vitales sunt. In primis igitur de hoc interitu ex demptione dicendum. Aliæ autem ex leuiori infirmitate pereunt, si quantumlibet auferas. Palma vulnerata in cerebro, quòd vitalis germinatrixq; vis in eo sit, penitus interit. Hac quippe iniuria, caloris, aërisq; alieni intrusione corrumpitur, vt hoc modo parte superiori affecta, mox ad ima descendit. Eiusmodi naturæ est, vt hoc peculiari morbo intereat, atq; aliæ alio. Quod animalium quoq; est. Fisso autem caudice, maxima ex parte pereunt. Nempe hac molestia humor perflatur, ac desiccatur, & vitales spiritus intereunt. Hoc tolerare possunt, vel ficus, vel punica, vel malus. Medulla autem exempta, vt Theophrastus voluit, nulla ferè arbor emoritur: argumentum sumens, quòd arbores magnitudine etiam excellentes cauantur. Quod & in populo, robore, saliceq;, & alijs multis, longo senio cauis, videre est. Arcades verò, eodem autore, interire, si prorsus tollatur. Vlcere autem minimo quasdam mori certum est. Quod de infirmioribus consentaneum dixerim. Latum autem ac profundum tolerant aliæ, vt ficus, platanus, & omnes, quæ resinam ferunt, præsertim pinus, pinaster, quas potius vlcere ob resinam factò labare antea, quàm emori, videas. Refert & tempus anni. Abiete enim ac pino germinantibus, si quis Sole Taurum vel Geminos transeunte, corticem detraxerit, statim intereunt. Eandem verò iniuriam hyeme passæ, diutius tolerant. Generaliùs autem robustiores, sicuti ilex, quercus, robur, altiore huiuscemodi plagam ferunt: vt præterea illarum interitus diuturnior esse soleat. Eiusmodi autem læsiones, sterilitatem, non interitum, quibusdam adferunt.

De arborum morbis, ex iniuria animalium prouenientibus, & quare caper Baccho sacer.

CAP. X.



ANIMALIVM etiamnum circa arbores non minima iniuria esse solet. Magno admodum illis in damno istorum depastio, præsertim verò, cum noua germina producant & edunt, vt hac ratione, nonnullæ, veluti palma, & picea sterilescent, multæ verò arefcent. Rodunt & caudices cuniculi, & inter domestica, oues, vt his etiam mortem, si in orbem eroderint, inferant. Sic enim Dryope in loton arborem conuersa Andremonem maritum & sororem apud Ouidium deprecatur:

Et si

*Et si qua est pietas, ab acutæ vulnere falcis,
A pecoris morsu frondes defendite nostras.*

Amygdalus à pecore derosus, etiam arefcit. Caprarum morsus exitialis vsqueadeò oleæ, vt si eam contigerit, depauperitq; primo germinatu, sterilefcere autor est M. Varro. Omnia enim fata nouella corrumpunt. Hinc & nomen fortitæ: quippe F. Pompeio dictæ, quòd virgultum carpant: & M. Varrone, carpa, à quo scriptum est omniscarpæ capræ, non solum vulnere, sed & dentium veneno plantis pestiferæ. Præterea à M. Varrone, tanquam à lege agraria quadam vetitum, Ne colonus in agro furculario capras compascat. Ob quam iniuriam præsertim circa oleas & vites antiquitus institutum, vt Libero Patri vitis repertori hircus immolaretur, vt damni dati pœnas lueret. Huius sacrificij testis epigramma Græcum,

*κὴν με φάγης ἐπὶ ῥίζαν, ὅμως εὖ καρποφορήσω,
ἔσσον ἐπισπείσῃς τράγε θυομένῃ.*

Ouidius in Fastis:

Quem spectans aliquis dentes in vite prementem,

Faß. 5.

Talia non tacito dicta dolore dedit:

Rode caper vitem: tamen hinc, cum stabis ad aram,

In tua quod spargi cornua possit, erit.

Verba fides sequitur: noxæ tibi deditus hostis,

Spargitur affuso cornua Bacche mero.

Huius sacrificio mirum in modum delectatus, vt ait Cornutus. Rustica enim iuuentus capram excoriabat, & in vitem eius per vicos exiliebat, pereuntem verò videre gestiebat Liber Pater. At contrà Minerua videre præ odio nolebat. Quare antiquitus prohibitum ne illi quid ex caprino genere sacrificaretur, propter oleam, quam reperit. Quare Athenis in arcem non ducebatur, præterquàm semel ad necessarium sacrificium, ne olea ibi primùm nata, ab hoc animali tangi possit. Plinius tamen huic deæ capram immolari scribit. A feris etiam animalibus non leues iniuriæ inferuntur, veluti ab apro, qui suo robore, ipsas arbores scindit, radicisq; extirpat. Similem iniuriam fiber adfert, in ripis arbores succidens atq; dissoluens. Verùm non solum ab animalibus terrestribus afficiuntur, sed ab aquatilibus quoq; vsqueadeò innocuæ, & tot animalium tam variè iniurijs expositæ. Quas etiam nulla defensione, nullis armis, ipsa Natura ad sui ipsius aliquam tutelam stipauit, vt propterea nostra ipsa ope ac tuitione indigeant, ni erga eas nimium ingrati esse velimus: cum nostri causa procreatæ sint. Inter pisces verò pastinaca est, qua in mari nihil venenosius reperitur, non solum circa animalia, quæ suo aculeo enecat, verùm erga arbores quoq; quas si virentes, maxime quernas, vt Nicander in Theriacis, & Ætius affirmarunt, aculeo suo contigerit, non longo intervallo emarcescunt. Primùm verò folia fluunt, truncus deinde exsiccat: similis deniq; his redditur, quæ in æstate, atq; maxima siccitate, Solis ardoribus exuruntur: Trygon Oppiano hæc dicitur. In Giaco maris Cretici insula mures esse adeò veneficos, vt si arborem attigerint, aridam reddant. Antigonus Charistius autor est. Auium quoq; vt cœlestia animalia etiam silentio non prætereamus, cum arborum fructibus non levis

pugna. Graculi enim, vt Varro scribit, à gerendo dicti, quòd cùm in oli-
ueta sese cubitum receperint, manè inde abituri duas pedibus, tertiam
ore baccas asportent. Quorum verò & sturnorum vim, locator condu-
ctori præstare debet, autore Vlpiano Iuriconsulto.

De sterilitate arborum, & Pellenorum Diana simulacro.

C A P. XL.



V P R A libro quarto arbores aliquas natura omnino steri-
les esse ostendimus. Verùm & inter eas, quæ natura feraces
esse deberêt, nonnullæ reperiuntur, quæ etiam steriles sunt.
Quod morbo vitiòve contingit. Et hæc potissimùm infir-
mitas ex cælo est. De quibus nunc agendum. Diogenes
autem Laërtius ex Zenone, Cittixo scribit, officium cuiusq; rei esse, pro-
pter quid factum, procreatumq; sit, cuius etiam probabilis ratio reddi
possit. Et hoc itaq; ad arbores animalia pertinere, vt suo officio fungi de-
beant: quod in plantis præcipuum erit fertilitas. Quod Galenus vna in
arbore, ficu scilicet expressit. Ficus enim virtus, bonitasq; est, vt optimos,
plurimosq; fructus efferat. Etenim, non alia maiori ratione arbores seri-
mus, inferimúsve, quàm vt illarum fructibus vescamur fruamur. Pauci
enim reperiuntur, qui arborem foliorum cæsarie tantummodo sese effe-
rentem laudent. Ex morbis autem variæ arbores infœcundæ redduntur:
quod cuiq; generi euenit. Quædam etiam loci natura steriles, vt de sylua
in Paro insula suprà ex Theophrasto dictum est. Syluestria tardissimè fe-
runt. Quidam forbum sterilefcere, si in calidiora loca venerit, putant:
contrà, frigus nonnullis, ceu oleis, sterilitatem facit. Sterilitas sæpe non
toti arbori. Ramorum etenim nonnulli cæci, nihil penitus ad fructum
germinantes. Quod naturâ fit, si non eualuere, aut pœna, cùm ex puta-
tione cicatrix hebetauit. Aliquibus debilitas sterilitatem adfert: vt si quis
palmarum, vel pino, cacumen auferat. Verùm hac iniuria quasdam emori su-
perius docuimus. At nonnullis nimia feracitas nocumento est, ceu oleis.
Sæpe etiam arbores, prona ad ferendum natura auidæ, concipiunt, flo-
rentq; auiditate & spe futuri partus: quo postea cœli intemperie, ac iniu-
ria, frustrantur. Quæ verò si hoc (quod grauius est) multis continuis an-
nis laborauerint, effœtæ moriuntur, ignotis agricolis causis. Nutrimenti
copia sterilefcunt amygdalæ. Sterilitatis infinitæ causæ, quas referre im-
possibile, scire autem difficile. Plures tamen vno epigrammate conti-
nentur, quod inter Priapeia inseritur. A quo verò prodierit, incertum, ele-
gans tamen, & non illepidum, vti huc transferre non me piguerit, sicut
nec quemquam legere pigebit. Malus loquitur:

*Quid frustra quereris, colone, mecum,
Quòd quondam bene fructuosa malus,
Autumnis sterilis duobus adstem:
Non me pragrauat, vt putas, senectus:
Nec sum grandine verberata dura:
Nec gemmas modo germine exeunteis*

*Seri frigoris vstulauit aura:
 Nec venti, pluuia' ve, siccitas ve,
 Quod de se quererer, malum dederunt:
 Non sturnus mihi, graculusve raptor,
 Aut cornix anus, aut aquosus anser,
 Aut coruus nocuit siticulosus:
 Sed quod carmina pessimi poeta
 Ramis sustineo laboriosis.*

Refert Plutarchus in Arati vita, Pellenæ Achaïæ oppido Dianæ sacellum fuisse, & eius simulacrum, quotiens à sacerdote de loco moueretur, propinquas arbores infœcundas reddere, & hominibus horrore esse, & illorum aspectum ita perstringere, vt à nullo conspici potuerit. Quamobrem cuncti ab eo oculos auertebant.

De fructuum præmaturo casu.

CAP. XII.



PRÆMATVRVM fructuum casum cum mulierum partu, idq; ex Galeni ad Hippocratis Coi Aphorismos commentarijs conferam, vt tria occasus tempora vtriusq; obsignauerit. Nam vbi primùm insinuatum est vuluæ semen, si prægnantem vel corpore vel animo vehementius agitari contigerit, faciliè soluitur nodulus is, quo societas conflata erat. Sic arborum fructus primo generationis tempore debilioribus nexibus, & capulis continentur, vt tunc faciliùs à matre deturbentur. Secundum verò tempus, vbi partus firmiori nexu coalitus, propè inseparabilis complexus. Sic in fructibus, vbi aucti fuerint, difficiliùs dilabuntur. Vltimo autem, vbi iam fœtus maturuerit, & partus tempus aduenerit, vuluæ claustra faciliè erumpunt: ita fructus, vbi ad pleniorē maturitatem peruenerint, sponte sua, nulla extrinsecus grassante vi, defluunt. Hæc ad occasum arborum præfari licuit. Præmaturiùs fructum amittunt amygdalæ, pyrus, malus. Omnium ocysimè ficus, palma. Quod nonnunquam aut humoris alicuius interclusi causa, vt in ficu accidit, aut quòd debili nexu dependeant. Quæ ferotinæ admodum sunt, fructus non ita faciliè amittunt. Serò etenim germinant, tum siccæ naturæ, tardiusq; humescunt, diutiusq; in arbore permanent. Ventis etiam agitati præsertim pondere graues, ante decoctionem decidui sunt. Quod potius Australibus, quàm Aquilonijs euenit. Qui si vehementiores, crebrioresq; fuerint, maior iactura sequatur, necesse est. Confert etiam natura ipsarum arborum:

Nam præcoces libentiùs, quàm ferotini, decidunt. Putrescunt etiam ante maturitatē in arbore fructus. Cruda poma

Cicero vocabat, quæ nondū matura essent:

sic enim ait: Poma ex arboribus si

cruda sunt, vi auelluntur: si

matura & cocta, de-

cidunt.



Præfatio libri decimi quarti.



ARBORVM affectiones ac illarum aliquas causas, tum è cœlesti tum ex animalium offensa proficiscentes, utcumque ex autorum agricultura traditis scivimus, atq; experientia novimus, superiori libro ostendimus. Reliquum insuper erit, uti de medelis nunc agamus. Solebat enim Pithagoras, unus è Græcorum septem sapientibus, illius philosophi vanâ orationem dicere, quæ nullam in homine passionem curaret. Parum etiam fuisset, Hippocrati Coo, aut Galeno Pergameno, viris sua arte, supra omnem aleam positis, aut alijs antiquioribus vel sequacibus, quorum plures, utq; doctissimi ac diligentissimi fuere, siue Græcis, siue Latinis, rem medicam exactissimè docuisse & diligenter aperuisse, & morbos illorumq; causas ac origines demonstrasse, ni quoque remedia propalassent. Ut illorum præterea vanus & inanis labor exstitisset, ut nihil humano generi, tot illorum vigilijs profecissent. Sic pari ratione, nil agricolationis magistris, plantarum vitia nosse, ni quoq; ac medicinas, quibus plantis languentibus succurrerent, saltem verò his quæ medendo sunt. Nam omnium morbos leuare sicuti & animalium, non est opis humana. Sunt etenim & harum veluti & horum, affectiones quadam immedicabiles. Etenim planta omnes, postquam increuerint, & diu vixerint, ut pereant sicut & aliæ res, necesse est. Nam ut Carus Lucretius ait.

Deniq; ad extremum crescendi perface finem,
Omnia produxit rerum natura creatrix,
Ut sit, vbi nihilo iam plus est, quod datur intrâ
Vitaleis venas, quàm quod fluit atq; recedit,
Omnibus his ætas debet consistere rebus.



HORTORVM LIBER

DECIMVSQVARTVS.

De arborum medicina generali. CAPVT I.



ORBI quidam arborum ferè omnium, sicut & hominum & animalium communes inueniuntur. Sunt tamèn & quibusdam arborum generibus peculiare. Consequens vt de illorum remedijs agamus, & quemadmodum ad tuendam mortalium valetudinem nonnulla necessaria, sic & ad arborum quoque, vt varijs morbis variæ medelæ adhibendæ sint: quamuis quædam reperiuntur, quæ plurimis morbis auxilio sunt, sicut & hominum. Amurcam autem, vehementer ad agriculturam pertinere autor est M. Varro, quod circum radices infundi soleat. Cuius medicamina Cato componit, mensuræ quoque distinctione. Nanque ad maiorum arborum radices, amphoram vnam, ad minorum, urnam vnam, & aquæ portionem æquam, ablaqueatis tamen antea radicibus. In olea verò Columella sic: in maximis arboribus, sex congi. Mediocribus, quatuor: ceteris pro existimatione sufficiet. Hoc enim medicamine, per hyemem, si vermes, atque alia animalia suberunt, necabuntur. Punicæ autem, pruno, & malo languentibus, eadem cum aqua æquis portionibus temperata infundi radicibus debet. His etiam subueniunt lotio bubulo, vel veteri humano, æqualiter aquæ misto, vel cineribus è furno, maximè sarmentorum. Ægræ autem arboris, radicum superuacua capillamenta decidunt, vel salicis cuneum interfossis radicibus premunt. Multi autem vini veteris fæces ablaqueatæ arbori adfundunt. Persico verò cum aqua permiscunt, vel spartum ligatum, sparteamve coronam de ramis eius suspendunt. Alij, inter quos Didymus, arborem omnem iuuari, fabarum & cæterorum leguminum paleis, vel frumenti aceribus circumpositis. Reliqui veteris humanæ urinæ truncò, quod satis sit, infundunt, præcedente ablaqueatione, maximè locis siccis, postea ad truncum terra adaggerata. Languente punica, fugo in mari scaturiente recreatur, si parte ima caudæ radice tenus inuoluatur. Cydoniæ etiam auxilio est calx viua, cum creta vel resina locularis picis liquidæ mista, temperata, si hac truncus adlinatur. Si tristis sit ziziphus, strigili ferrea subradi debet: vel fimus bubulus radicibus frequenter infundi, & assidue, inquit Palladio. Hoc enim medicamento hilarior fiet. Oleæ macies, eius cinere, vel alio stercore iuuabitur. Si cerasus humore putrescat, in truncò foramen accipiat, quo

possit

possit sanies educi. Palladius verò, quod superstitiosum arbitror, circa radices arboris ablaqueatæ, eius imparis numeri poma, pro eius magnitudine locat, & obruit. Hac ratione, si annuatim factum sit, à vitij arborum custodiri, sed longè arboris ætati officii. Bene M. Cato, & Columella, & alij, quarundam rerum mensuram erga arborum medelam præscripserunt, vt denotarent, in medendis his certum modum adhibendum: quod tunc esse debet, quum vel minima, vel tempestiua medicina erit. Nam in arboribus, sicut in animantibus, excedit sepe medicina modum, vt inquebat Lucanus.

De arborum remedijs, contra cæli iniurias. CAP. II.



CELI iniurijs, ingenium, ac potestas humana, vix subuenire poterit. Solus enim Deus ille est, qui ventis, qui imbris, qui frigore imperare possit, à quo hæc procedunt. Nulla enim arte, nulla vi, hæc auertere, & si præsciamus, possumus. Tentarunt tamen, & ipsi homines remedia, quibus contra has iniurias obuiare possent. Contra verò vredines, palmarum aceruos, & euulsas herbas, fruticesq; ac sarmenta, cum id euenire pertimescerent, per campos yrebant. Fumus etiam medebitur, hic quoq; è paleis, & contra nebulas auxiliabitur, non difficili remedio, vbi illæ nocent, si non calumniari rerum Naturam potius, quàm sibi prodesse vererentur homines. Auerti grandines carmine, prisca ætas credidit, cuius verba à Catone prodita sunt. Aduersus frigora vestire teneras arbores, intorto stramento prodest. Contra verò Caniculæ æstus, & ipsam siderationem, arbores vespertino humore irrigare proderit. Græci trium fontium singulos sextarios post solis occasum radicibus influunt, ne remedium sydus deprehendat. Palladius. Alij obijciunt vmbracula, vel frequenti aggestione cumulant. Prodest quoque & in ea serpentis spoliū appendi. Contra caniculæ æstum cerasi truncū herba symphoniaca Palladius circumdat. Quæ autem hæc sit, nec ipse aperit. Apuleius eam esse cum hyoscyamo dicit. Alia tamen est, si Dioscoridi & Plinio credimus. Quod ad cognitionem herbæ dictum sit, ne quid interim præcipere videamur. Contra pruinas persicus adiuuatur stercore ingestione, vel vini fece, aqua permixta. Magis proderit aqua, in qua fax fuerit decocta. Martialis (referente Palladio) de amygdalo loquens, vbi metus est à pruina, hoc remedio subueniri poterit, vt antequàm floreat, radices denudentur, & minutissimi lapides simul cum arenis misti coniiciantur. Verum vbi iam tempus germinationis aduenerit, effossi submoueri debent. Tradunt etiam Græci, arbores à noxia defendi, & cum omni largitione edere fructum, si caudex succo herbæ, quæ à rusticis polypremnos, vocatur, illitus sit. Hanc esse sedum maius quidam existimarunt, quod eius succo semina medicanda præcipiunt, eoq; remedio aduersus bestiolas, incolumitatem tueri. Alij arborum radices felle bubulo linunt. Quo item remedio, fatam arborem à vitij vindicari. Contra gelicidium stercus valde calidum resilit.

De caprificatione, & remedijs eius, contra aliquot arborum morbos.

CAP. III.



APRIFICATIONIS nonnulla contra aliquos arborum morbos remedia inueniuntur. Duo eius præcipua referuntur. Primum ad fructuum maturitatem. Vt Græci arborem, cui hoc maturitatis beneficio non sit subuentum, ἀνερίκτων appellent, id est, incaprificatam: vnde adagium ἀνερίκτων ἄ, quod in malam, infructuosumq; conuenit, voce ἐκ τῆς ἀνερίκτων, καὶ ἐρίκτων. Alterum est, erga arborum strangulationem. Vtrunq; enim nomen à culicum natura primum sumpsit, qui in caprifico proxima enati, vt suprà diximus, ad ficos, mutata sede, euolant, atque grossis assident, morluq; crebro ora eorum aperiunt, simile alimentum quærentes, vt inde calor liberq; flatus intret, vt omnino poma spirantia faciant, maturitatisq; causam præbeant. Nam intestinum & superuacuum humorem, qui iacturam fructui faciebat, absument. Quo sublato, perdurant: & pastu illo exinanitæ, humorem lacteum amplius trahunt. Alterum caprificationis genus, quod nonnulli scarificationem vocant. Tunc enim fit (autore Plinio) cum corticis macies, ex ægritudine iusto plus arboris vitalia comprimit. Tunc verò falcis exactam aciem vtraque manu imprimunt, ac perpetuis incisuris deducunt, ac veluti cutem laxant. Id quod salutare fuisse demonstrant dilatatæ cicatrices, & internato torpore expletæ. Etenim magna ex parte hominum & arborum similis medicina, quando eorum terebrantur ossa. Hoc enim aduersus eam, quæ ex nimio humore fit, strangulationem subuenitur. Quod remedium caprificatio etiam dicitur, à similitudine caprifici: quæ muros prorumpens tumida, proflit. Quod exponit Martialis, cum ait:

Marmora Messale findit caprificus.

Et per metaphoram Persius:

- Et quæ semel intus

Satyræ 1.

Innata est, rupto iecore exierit caprificus.

Palladius Iunio mense circa solstitium, alibi Maio, caprificandas fici arbores, hoc modo præcipit: suspendendi ex caprifico grossi, lino, velut sarta, pertusi. Quod si hoc desit, abrotani virga suspenditur, vel callum, quod in vlmeis folijs inuenitur, aut arietina cornua circa arboris radices obruuntur, vel truncus arboris, quo turget loco, scarificandus est, vt possit humor effluere. Theophrastus alia ratione in palma fieri sic docet: dum enim mascula floret, spatham, qua flores emergunt, abscindunt. Flos enim lanuginem quandam, & puluerem continet, quem super fœminæ fructum decutiunt: quo sic aspersa fructus suos cunctos asseruat, vt nec villo modo amittat. Vnde est vt duplici iusti amoris vadimonio mas fœminam adiuuet, coitu scilicet ad generationem, altero ad fœtus, & maturitatem, & conseruationem. Simili aspersione multi, vbi caprificis carent, arena vtuntur, & ficos conspergunt. Nempe inspersus puluis ad perdurandum adiuuat, quod eo asperso fructus protinus comprimatur, vsque adeo, vt nec rores, neq; vllæ pluuiæ postea nocere possint. In solo autem

macro atque aquilonio, & quod modicè alere potest, vt vbi puluis plurimus, caprificatio non admodum desideratur. Hæc autem omnia vim desiccandi habent, nec cum modus aëris, alimentiq; est. Serotinæ hoc minùs remedio indigent, cum sese comprimant, nec ampliùs decidere possint. Caprificatione autem fructus deteriores fieri, certum est: quasi certo artificio, & non proprio genio, maturi facti sint. Vt olim ficorum venditores se ficos, non caprificatos vendere acclamarent. Perscisso tamen fici caudice, fructus meliorescunt. Sublata enim nimia alimenti copia, calor insitus ampliùs in eo residere valet. Caprificatione etiam, quæ fit per incisionem, deturbantur latibulis suis vermes, & sæpe cum fit, interimuntur: vt hoc remedio, non parum iuuentur arbores, contra illorù iniurias.

Contra vermiculationem remedia.

CAP. IIII.



LN curando vermiculationis morbo, rei agrestis autores non segnes fuerunt: cuius plura remedia scripta sunt ab his etiam, qui agriculturam non tractarint. Hunc enim perniciosissimum morbum sciuerunt, & mortem etiam arboribus inferre si in his diutiùs resederint. Horum etenim foraminibus humor vitalis exhalatur: nec progredi ultra sinunt, vt omnis dehinc desiccetur arbor. Alij radices ante plantationem felle taurino oblinunt, quod post etiam frequentius faciunt: maximè in punica, pyro, & cæteris: continuò enim morientur. Nonnulli hominis vrinam defumunt, & ex tertia aceti parte miscent, & vbi sunt vermes, infundunt. Multi scyllæ bulbum cum lupinis, in aqua per multos dies macerant, & cum spongia vermium plagas abundanter inspergunt. Qua si per aliquot annos arboris truncum inunxeris, à vermibus non corrumpetur. Plures cinerem amurcæ commiscent, vel bouis vrinam cum tertia aceti parte infundunt, vel viuam calcem, vel aquam, in qua decocti lupini. Alij bitumen, & oleum vermium, latebris indunt. Alij amurcam, vel veterem vrinam. Nonnulli suillum sterces, vel caninum, vrina hominis vel asini diluunt, & ablaqueatis radicibus effundunt. Democritus Lemniam rubricam cum aqua terebat, & eo postea radices illinebat. Alij easdem lupino cum oleo trito radices etiam oblinebant. Aliud remedium. Clauo æreo fodiendus, atq; vellicandus cortex, donec mucrone bestiola depræhendatur: plagam postea fimo bubulo obducunt. Si autem rufi ac pilosi infestent, medullæ interna sectari solent, & aliquos sine arboris iniuria detractos, vicino incendio cremant. Malus à vermibus non erodetur, si circum fata fuerit scylla. Si ficorum semina tineæ vexauerint, in eadem scrobe Italicæ lentisci vel terebinthi taleam defodere oportet: inuersa tamen parte, quæ fuerit à cacumine.

Remedia contra formicas.

CAP. V.



FORMICARVM infestissima omnium arborum vbique locorum frequentissima lues. Siquidem & flores depascunt, & folia rodunt: fructus quoq; edunt: eoq; auidius, quò dulciores sunt. Vt horum

Vt horum pretiositas magis illis ad prædam perniciosior sit, vt sapore malo eos arborem totam, sola inambulatione inficiat, vt denique toti arbori nocumento sint. Totam insuper arborem tum aspectu, tum tetro & amaro odore deformem reddant. Multitudine enim ac labore sedulo continuo arborem etiam prægrandem perambulat, vt nihil in ea intactum quin peragret sua diligentia relinquit. Præcipuum verò remedium, vt ascensus ad arboris ramos prohibeatur. Quare nonnulli caudicem aliquo medicamine sepiunt. Alij truncum origano circundant, Aristoteles enim has origano & sulphure arceri ait. Cæteri rubrica cum pice liquida, vel cum rubrica aceto & cinere subacta, alij rubrica cum butyro & pice liquida mista caudicem induunt: verum id modestius, propter arboris noxam, ne idem faciat remedium, quod venenum. Amurca etiam intingunt. Stirpes etiam illinunt lupinis ex amurca aut asphalto contritis, & maceratis. Alij succo Cyrenaico, ex aceto soluto. Multi fel taurinum cum pice & amurca diluunt, & madefaciunt. Oportet autem per circuitum truncum omnibus supradictis madefacere, ne locus tanquam ianua & scalla quædam ad ascensum & descensum formicis pateat. Cæteri caudicem hedera amiciunt: post sub huius umbra formicæ torpidæ inueniuntur, vt faciliè comminui possint. Præsens verò ætas, ad hanc labem, vas terreum in medio perforatum, & per ambitum obice, ad continendam aquam occlusum excogitauit. Quod cum ferunt, arboris caudicem in foramine statuunt, & vas continuo aqua replent: sic enim formicarum nocius exercitus, tanquam vallo via ad arbores prohibetur. Nunc ad alia præter truncum remedia. Plinius piscem in arbore suspendit. Hoc enim modo iuxta ac in vnum locum congregant ac interficiunt, illo pisce vel in flammis, vel in aquas coniecto. Palladius de coracino pisce expressit. Odor vistarum formicarum cæteras abigit. Speciatim verò si cerasus formicis infestetur, portulacæ succo, cum aceti media parte misto, vel vini facie florentis arboris truncum adlinunt. Ait Albertus Magnus, cor noctuæ in aceruo, & domicilio illarum sepultum, eas omnes extra locum abigere.

*Ad erucarum & culicum molestias, & arborum plagas
medicina.*

CAP. VI.



EMOCRITVS, referente L. Iunio Columella, in eo libro qui inscribitur περὶ ἀντιπαθῶν erucas enecari affirmat, si mulier, quæ in menstruis est, solutis crinibus, ac nudis pedibus, recincta, hortos ter circuierit. Post hoc autem decidere omnes vermiculos. Priuatim verò alij ambiri singulas arbores. Sic enim hic etiam in suo carmine:

*At si nulla valet medicina repellere pestem,
Dardania veniunt artes, nudataq; plantas
Fæmina, quæ iustis tum demum operata iuuenta
Legibus, obsceno manat pudibunda cruore,
Sed resoluta sinus, resoluta mæsta capillo,*

Colum. lib. 10.

Ter circum areolas, & sepem ducitur horti.

Quæ cum lustrauit gradiens (mirabile visu)

Non aliter quàm decussa pluit arbore nimbus,

Vel teretis mali, vel testæ cortice glandis,

Voluitur ad terram distorto corpore campe.

Contra agrorum fascinationes antiqui Liberum Patrem placabant, inquietante diuo Aurelio Augustino in ciuitate Dei. Apud Lauinium Italiæ oppidum, Deo totus mensis tribuebatur, per cuius dies, omnes verbis flagitiosis utebantur, donec membrum illud obscœnum per forû transuectum esset, atq; in loco suo positum requiesceret. Cui membro mulierem honestissimam antea coronam imposuisse necesse erat. Ianuario mense erucarum telas ex arborum ramis diligenter, ne quid superfit, nonnulli amouent: quod vix concussione euenire potest. Nam è telis in futurum ver aliæ progrediuntur. Ad hoc instrumentum forfici simile fabricant, & in summo perticæ adaptant, ramusculos & telas in his insidentes deturbant. Contra erucas caudicem filiginis viridis caule æstiuo solstitio circumligare iuuenis vidi. Culices galbano accenso fugantur, & lupinorum crematorum gytq; suffitu. Vespertilioes filo ad arborum ramos suspensæ locustæ abigunt, vt nonnulli scribunt. Aduersus bestiolas, quæ ficarios culices deuorant, caneros suspendunt, in eos culices sese vertere inquietantes. Allium arboris ramo suspensum, aues à fructuum depopulatione arcebit. Quo si falcem, cum putaueris, illinas, idem faciet, autore Democrito. Speciatim verò si in punica cucurbitam, aut rapum, quæ antea nullo humore maduerint. Si enim circa arborum crura, bitumen & sulphur incendas, nasci erucæ prohibentur. Idem autor caneros fluuiales, vel marinos, quos Græci *καγέπες* nominant, non pauciores quàm decem, in vas fictile cum aqua indit, & operculo addito, sub dio, vt ad dies denos insolentur, statuit. Quicquid autem illasum à quopiam, maioribus etiam animalibus volueris, hac aqua aspergito: quo peracto, ad dies octonos hoc repetendum, donec adoleuerit, ne quod animal pastu malefico frondem decerpit, fimo bouum diluto folia quotiens imber interuenerit, abluantur. Hac ratione virus aspergunt. Alij calce diluta, caudicem appingunt. Varia sunt ad hanc rem medicamina, quæ ex his, quæ amaritudinem in se continent, conficiuntur. Suillo & columbino stercore medetur arborum plagis.

Ad quarundam arborum morbos peculiare remedia.

C A P. VII.



MORBIS arborum peculiaribus, medelas peculiare adhibere conuenit: morbis enim conuenientia remedia adhibenda. In locis humidis ficus, saporis obtusi esse solet: aliquantus cinis circuncisis radicibus infusus proderit. Malus punica, si acidum, aut minùs dulcem fructum ferat, hoc modo emendare poteris: Circunfossis enim radicibus, suillo stercore, ac humano, veteriq; vrina eam rigato. Porro ea res & fertilem arborem red-det.

det. Primis verò annis fructum vinosum, post quinquennium dulcem & apyrenum facit. Sunt etenim qui caprinum fimum humanæ vrinæ adijciant, simul cum veteris vini fæce, post radicibus infundunt. Alij exiguum admodum laseris Cyrenaici vino diluunt: & ita cacumina arboris summa oblinunt. Multi algam marinam ad radices obruunt: cui nonnulli sterus asininum miscunt, suillum etiam. Sed & plures ablaqueatis radicibus, prope truncum perforant, & tedæ clauum infigunt. Citri autem truncum mense Februario obliquo foramine, ab imo terebrant ita, vt in alteram partem non exeat. Ex hoc enim humorem fluere, quoad poma formetur, permittunt: & post foramen luto replent. Hac autem ratione pomi medium dulcescere existimant. Ex amaris autem amygdalis, dulces fieri consentiunt, si circumfosso à radice tribus vel quatuor digitis, Theophrastus dodrantali mensura exprimit stipite, cauernula fiat, per quam pituita defudet. Vel si medius truncus terebretur, & cuneus ligni, melle oblitus, imprimatur. Vel si circa radices suillum sterus diffundatur. Vel si illis ante florem ablaqueatis, aqua calida ingeratur. Vlmis autem succus inutilis detrahitur perforatis supra terram vsq; ad medullam: & hoc in senecta. Hac ratione etiã curantur, si nimio humore abundare sentiantur.

Remedia contra arborum sterilitatem.

CAP. VIII.



PLANTARVM enim steriliū remedia trifariam considerare oportet. Aut enim vt nihil ferentes frugiferas faciamus: aut vt parum feraces, vberiores reddamus. Tertiò, vt fructus in arbore, quoad maturuerint, contineamus, neve antea putrescant prohibeamus. Primum enim circumfossione ac stercoreatione è sterilibus fertiles fieri CHRISTVS IESVS nos docuit. Quendam enim in vinea sua ficum in suis plusquam diuinis concionibus fuisse dicit. Quam cum triennio sterilem comperisset, vinitori eam succidi imperauit. Cui ille, Sine illam hoc anno adhuc permanere, donec illam circum perfodero, ac stercoreaueo. Quòd si fructum postea non ederit, euertam. Alimento etiam nimio sapius arbores luxuriant, vt hac causa nonnunquam steriles fiant. Quòd si amygdalis contigerit, palum ferreum Theophrastus infigit, foramineq; facto, alium querneum vel tedeum adigit. Quem Democritus humano lotio prius immergit, cinere terraq; cooperit. Hoc idem in forbo fit. In amygdalo verò forata lapidem adijciunt, & ita librum arboris marescere sinunt. Africanus oleam vsque ad medullam terebra Gallica, & acceptis ab altera fructuosa olea ex australi parte paxillis duobus infigit. Columella verò oleastri viridem taleam desumit, & ramorum principia fortiter conijcit. Quæ cum fuerit optimè adaptata, quod superest, abscindit, & luto paleato curat occulere. Alij lapidem vel pini aut quercus palum infigunt. Pyrum vt sit frugifera, cum adoleuerit, altè ablaqueant, & iuxta radicem truncum findunt & in fissuram cuneum tedæ adigunt, ac ibi relinquunt. Deinde absumpta ablaqueatione, cinerem supra terram iniiciunt. Morum Palladius hinc inde terebrat, & cuneos hincinde terebinthi ac lentisci indit. Hoc enim
velut

velut coitu, steriles arbores vberantur. Quare Theophrastus hoc modo in eas animaduertit perinde, ac si iniuria lasciuiarent. Quædam autem pœna emendantur, aut etiam morsu excitantur, vt palmæ & lentisçi. Alia ratione oleæ puniuntur. Nudatas enim radices hyberno frigori opponunt: eaq; castigatione proficiunt. Radices etiam steriliùm arborum circuncidisse prodest: maximè vt ficorum luxuriam compescamus, addito post cinere. Omnes arbores copiosiore fructum dare, si illarum radices fimo columbino oblinantur. Mespilus fertilis fit, si vitium cinis ac fîmus radicibus infundatur. Alij aquam, in qua lupini decocti fuerint.

De fertilitate oleæ, fici, & punicæ.

CAP. IX.



MARCUS Cato oleam non feracem circûfodi iubet, postea stramenta circumponi. Quod nonnulli fabarum volunt, aut algam, aut terram argillosam bubulo stercore permistam. Mensuram etiam ex arborum magnitudine addunt, deinde amurcam, quod olearum infusarum esse volunt, cum aqua æquis portionibus commistam, circa arbores infundi, verum id prudentius, iuxta arboris amplitudinem: vt maximæ vnâ amphoram confundi satis sit, vt postea terra adaggeretur, & circûm terra ad aquam pluuiam suscipiendam cauè perfodiatur. Vberimas etiam ficus, rubrica amurca cum fimo diluta si radicibus, cum frondere incipiunt, adfusa fuerit. Harum etiam non solum radices amputant, verum etiam obducto cinere obstruunt, & passim caudicem findunt. Ita enim copiosius fructum præberi affirmant. Multum etiam ac pinguem ferent, si in principio germinationis summa cacumina decutimus, vel illud tantum cacumen, quod ex arboris medio procedit. Cinis cum lixiuio circa punicæ truncum frequentius infusus, lætam & fructuosam reddit arborem. Hæc etiam multum feret, asserente Democrito, si portulacam & tithymalum probè contuderis, atq; eo arboris truncum obleueris. Arbores omnes adalligato selenite lapide (autore Dioscoride) fructuosiores reddentur. Vno fertilitatis elogio, atq; ex Zoroastre autore Græco, hoc caput finire libet, vt lectorem non minùs eo delectent, quàm ostendant plurimos superstitioni plurimum tribuisse, qua multi adhuc, minùs tamen Christianè, irretiuntur vt etiam quod narraturus sum, credant multi, sicuti à nonnullis, aurito testimonio intellexi, rei euentu etiam se expertos asserentibus. Si quis autem succinctus, & crine in nodum obtorto, arreptaq; bipenni vel ascia indignabundus, ad arborem accedat, fingens eam se excisurum, & ei quispiam obuiauerit, & deprecatus fuerit, persuaseritq; vt arbori parcat, spondens pro arbore, vt in futurum annum fructus ferat, quod futurum sit, mortem postea pertimescens. Vaftrum certè commentum ad arborum sterilitatem.

Ad flores & fructus deciduos.

CAP. X.



VITIO arbores flores non continent, vt antea quàm fructus maturuerint, decidant, vt hac iactura, sublata sit prolis futuræ spes. Quod

Quod si in punica contigerit, vrinam veterem cum aqua pari mensura temperant, & ter per annum radicibus infundunt. Soli arbori amphora ingesta sufficit. Vel amurcam mittunt insulsam, vel algam radicibus iungunt: & bis in mense rigant, aut florentis arboris truncum cingulo plumbeo circumdant, aut anguis corio inuoluunt. Hæc enim arbor flores facile amittit: quia nexus earum apprimè debilis, tum maximè si pluuiæ humectauerint. Pyrus in floribus non laborabit, si radicibus ablaqueatis, vini veteris fæces affundantur, & quindecim diebus regeſto solo rigentur. Quin etiam si hoc vitio non elanguescat, hac medicina dulciores fructus creabuntur. Aliud arborum maius malum, vt cùm iam editos fructus ante maturitatem præcipitent, vt spes maior propè colligendi fructus, tam misero casu propè decadat, matre non valente præ infirmitudine eos in sinu suo continere. Omnibus proderit, lolium, quod zizaniarum nomine venit. Iam pinguescere cœpit, cùm à radice euulsum est. Eo enim arboris truncum in coronæ modum cingere oportet. Hoc præstat & cancer trunco adalligatus. Plumbum etiam instar coronæ truncum amplexum, altitudine pedis vnus à terra. Cùm autem fructus cœperint adolescere, torquem eximito. Quotannis faciendum, ob vbertatem. Polium, herba suspensa, cum hac inscriptione, Et erit sicut lignum, quod plantatum est iuxta decursus aquarum, quod fructum suum dabit in tempore suo: & folium eius non defluet. Parum abest, quin mea sententia vt de superiore sit. In excavatos scrobes, cùm arbores pangerentur, Africanus cochleos si inuenirètur, ingerebat, aut scyllæ bulbos obserebat.

Contra fructus deciduos quarundam in genere arborum.

CAP. XI.



GENERALITER suprà, contra omnium arborum fructus deciduos remedijs subuentum. Nunc de quibusdam arborum priuatim generibus tractandum. Fici enim, cùm Vulcanalibus tonuerit, cadent. Remedium verò est, vt antea stipula hordeacea areæ stringantur. Harum enim turgidus cortex leui in obliquum incisura findatur. Ita fit ne decident fructus. Plutarchus in Symposiacis decadibus, caprifici grossos domesticæ, amuleti vice appendit: maturitatem etiam conciliat. Si autem fructus suos, veluti ægra, proijciat, terram bene adaggerato: ita non cadent, nec scabræ fient. Alij rubrica aut amurca insulsa, aqua mista, vel mori succo arborem liniunt. Id luna plena fieri Democritus vult. Alij cancrum fluuialem, cum rutæ ramo suspendunt, vel fascem lupinorum. Nonnulli tebratæ radici cuneum infigunt, aut salis chœnicem immittunt, vel corium arboris, cùm folia incipit producere, scindunt. Cæteri circa Pleiades, scrobes circumfodiunt, & truncum amurca æqualiter cum aqua perfundunt. Verbascum iuglandi adalligatum, fructum suum abijcere non permittit. Lotium (autore M. Catone) aut sterces suillum ad caudicem arborum addere oportet, vt stabilia mala fiant. Alij perforatæ radici, oleastri cuneum infigunt. Prunorum verò poma, in glareosis ac lapidosis

v v locis

locis caduca, vt plurimum sunt. His subuenit latamen. Si perfici poma decidua erunt, nudatæ radici, aut trunco, lentisci aut terebinthi cuneus affigitur, vel in medio terebratæ salicis paxillus imponitur. Vt autem mespili fructus ex arbore decidui sint, perrarò euenit. Nam pertinaciùs eos continent: vt antea sæpe in arbore mollia fiant, quàm spontè decidunt. Quod si nonnunquam euenerit, frustum de eius radice præcisum, in media trunci parte figito. Vitio etiam soli, fructum suum oleæ necare solent: cui rei sic medebitur: Altis gyris eas ablaqueant. Deinde calce, pro arboris magnitudine, plus minùsve circundant. Hoc remedio si nil fuerit effectum, ad incisionis confugiendum præsidium erit.

Si fructus rugosi, & hiantes sint, & ante maturitatem in arbore putrescant.

CAP. XII.



ERSÆPE loci crudelitate, veluti cùm calculosus, glareosus, siccusve est: in eo satæ arbores, rugosos, vel citò putrescentes fructus producant. Nempe loci exilitate, & alimenti penuria, communem genium, ac bonitatem minimè præstare possunt, vt sæpe hient, sæpiùs verò intus calculosi sint: vt tum cutis lenitate, tum saporis iucunditate, cum cæteris eiusdem generis impares sint. Contra quod vitium proderit frequens irrigatio, & ad arborem terræ adaggeratio. Mala punica, ne in arbore rumpantur, remedio sunt lapides tres, si cùm seres arborem, ad radicem ipsam collocaueris. At si iam satam arborem habueris, scyllam secundum arboris radicem seueris. Alio modo, cum iam matura mala fuerint, antequàm rumpantur, peciolos, quibus pendent, intorqueto. Eo modo seruabuntur, etiam anno toto. Si poma rugosa vel putrida persicus creabit, circa imum truncum cortex recidatur: & cùm inde modicus humor putris affluerit, argilla aut paleato luto plaga retegatur. Magna ac generosa poma adferet, si florenti, per triduum ternos lactis caprini sextarios infuderis. Sal verò & cinis ficis asperguntur, ruta ne fiant, vermiculosaq; , néve radices putrescant. Ne mala putrescant, lacertæ viridis felle cacumina tangunt. Alij ea truncum cingunt. Id idem valere contra erucas aiunt. Si dura nux iuglandis erit, vt vitium mali humoris educat, autore Palladio, hoc modo emendabitur. Alij radicem summa præcidunt: alij terebratæ radici palum buxum, vel cuprinum, aut ferreum clauum imprimunt. Lapidosi generis pyra, vitium mutare creduntur, si terris mollibus conferantur. Nonnulli ab extremis radicibus terram leuant, & omnes fecerunt lapillos. Quibus diligenter summotis, terram cribro cretam in eius loco suffundunt. Si vini veteris fæces recentes radicibus per triduum affundantur, arbores in floribus non laborabunt.

De sepiendis seminarijs, & hortis, & de roborarijs.

CAP. XIII.



VANTA arboribus ab animalibus inferatur iniuria, superiùs ostensum, præsertim verò illorum passione. Verùm superest aliud malum,

malum, quando illarum fructus deprædantur, magna quidem nostra iactura. Quandoquidem omnem prouentum auferant, & anniuersarij laboris commodo ac præmio nos spolient priuent: vt sepe propter caducos fructus, cum feris ipsis vt depugnemus necessum sit: circa verò pendentes, cum alitibus. Contra quæ remedium erit, hortos sepire: vt ab his non solum feras bestias, sed & fures quoq; arceamus, vt ne ipsis hominibus, vt est in communi prouerbio, pomum dulce relinquamus, cum abierit custos. Cuius quidem rei, tutelarum genera quatuor M. Varro posuit. Vnum naturale, alterum agreste, tertium militare, quartum fabrilis. Et horum vnum, quod plures habet species. Primum igitur naturale sepimentum est, quod virgultis ac hirtis spinis obferi solet. Locus autem, quem sepire destinaueris, ab æquinoctio autumnali, simul atq; terra imbribus maduerit, sulcis duobus circumuallandus, tribus à se pedibus separatis. Modum autem altitudinis, & latitudinis eorum abundè est, esse sepipedaneum, quos vacuos perhyemare patiemur. Semina verò ea erunt rubi, paliuri, & eius, quam Græci *κυνόρατον* vocant, nos canis sentè. Horum enim quam maturissima eligi oportet, & ea cum erui farina aqua macerata immiscere. Funes dehinc sparteos, vel nauticos veteres, aut alias quasilibet restes, vel tomices. Hoc missionis genus sic inducere, vt intra recepta semina vsq; ad Idus Februarias in tabulato seruetur. Quo tempore si aqua in sulcis per hyemem remanserit, exhaustiatur, resoluiq; eius, quæ erat autumnno regeſta, vsq; ad mediam sulcorum altitudinem reponitur. Tunc prædicti funes in longitudinem, per vtrunq; sulcum porrecti explicantur. Quos leni terra obrui non nimium debent, vt spinarum semina, quæ toris tuniculorum inhaerent, enasci possint. Ea ferè circa trigessimum diem prorepunt. At vbi incrementum aliquod habere cœperint, sic inuesci debent, & adminiculis adiuuari, vt in id spatium, quod sulcis interiacet, inclinentur: vt inter se sentes per spatia vacua iungantur, vt inuicem quasi quodam adminiculo priusquam corroborentur, acquiescant. Hunc igitur veprem manifestum est, nisi radicitus effodiatur, interimi non posse. Cæterum etiam post ignis incendium, melius renasci. Hæc autem claudendi ratio antiquis, autore Columella, maximè fuit probata. Nunc apud multas nationes commendatur, quod ex aronio, vulgus spinam albam à flore albo vocitat. Serunt enim circum hortos extrà vel intus ducta fossa. Multi ad firmitatem, aliquot annis cædunt. Diuturnitate enim, & aculeorum asperitate, ac duritia, cæteris sepimentis validius. Secunda verò sepes ex agresti ligno fit, verum imbecillior, quando non diuturnior. Nam putrescentibus lignis citò deficit. Fit enim è palis crebrè propter minorum animalium ingressum statutis, latis perforatis longurijs, ferè binis, nonnunquam ternis in transuersum traiectis: quarum summitatem ferro acuto multi muniunt, ne facilis sit furibus ascensus & descensus. Materies autem ad id propter diuturnitatem optima erit querna, aut è castanea, atq; è robore, à quo (autore Gellio) roboraria appellabantur viuaria, à tabulis roboreis, quibus septa erant. Tertium verò sepimentum, quod militare dicitur, fossa est, & agger terreus.

Verùm fossa ipsa vt ita idonea sit, oportet vt omnem aquam, quæ de cœlo venit, commodè recipere possit: aut fastigium habeat, vt de fundo exeat. Agger autem, qui intrinsecus fossæ iunctus est, ita arduus sit, vt illum transcendere non facile sit. Quem nonnulli virgultis, viminibus, & cæteris muniunt, quorum radicibus terra contineatur. Militare autem dictum est, quod huiusmodi fossa milites castra cingerent. Quartum fabrilis, scilicet è maceria. Huius autem species quinque sunt. Primum, quod è lapide. Alterum è coctilibus lateribus. Tertium è latere crudo fit. Quartum, quod terra, vel calce, & lapillis componitur. Vltimum verò è terra ipsa sola per se intra postium formas, ad desideratam latitudinem matella adaggerata. Nonnulli postea huiusmodi parietem calce ad longiorem usum incrustant, atque latere coctili, aut stipula, vel cæspite cooperiunt. Sunt qui in sepibus virgultis ferant arbores, maximè vlmum. Quod minimè à pluribus probatum iri video. Nam his facilè in hortos se fune aliòve præcipitant vt damni causam præbeant, quæ ad tutelam parauerant. Quarum etiam umbra, & alimenti rapina, virgultis noceat. Seminaria etiam his rationibus claudi par est, vt non solum pecori, verùm etiam homini aditus minimè sit. Quoniam si sapiùs cacumina hominis manu tractata, vel perfracta, vel à pecoribus prærofa sint, in perpetuum femina incrementum capere nequeunt. Defendenda etiam arbos tenera, ne calcetur inualida.

De subueniendis arboribus sætura pressis. CAP. XIII.



RELIQUVM est, vt post tot morborum medelas, neque illam, quæ omnium, meo iudicio, præcipua est, prætereamus: quæ est, vt miseræ scilicet parenti à suis pignoribus pressæ subueniamus: vt illam ad alios feraces plurimos annos, & aliam prolem reseruemus, & præsentium fructuum incolumitati & damno ad eius nostros consulamus. Fertilitate enim nimia nonnullis sæpe annis contingit, vt arbos felix ab his, quos producit, foetibus inhumaniter & crudeliter curuetur & opprimatur, curuatis in terram pondere ramis, qui parum ante cœlum recto tramite aspicere solebant: vt plerumque paruis cacuminibus humum verrere contingat,

- Cum rami (inquit Nemesianus) pondere nutant,

Aspice curuatos pomorum pondere ramos,

Et sua, quod peperit, vix ferat arbor, onus. Ouidius:

Sunt poma curuantia ramos. -

Nimio enim suorum pondere oppressa brachia nonnunquam rumpuntur, frondeque sua priuantur: quibus orbata deformis postea visitur, vilisque feracitatis diminutione & totius faciei deformitate. Aliunde etiam, non leui iniuria affecta, vt sæpe elargitis in suos alimentis, ipsamet famescat, vt cum numerosæ proli subuenire vult, sibi necessarios sumptus diminuatur, necesse sit: vt cum Ouidio dicere possit:

Ouid. de Nuce.

Fructus obest: peperisse nocet: nocet esse feracem:

Quæq; suis multis, est mihi præda malo. Et infra:

O ego,

O ego, cum longe venerunt tadia vite,

Optavi quoties, arida facta mori?

Optavi quoties aut cæco turbine verti,

Aut valido missi fulminis igne peti!

Atq; vti nam subita raperent mea poma procellæ,

Vel possem fructus excutere ipsa meos.

Verùm languenti & pia parenti facilè, minima opera, viliori sumptu, nostra ope succurrere possimus, ut propterea ingrati erga eam esse videamur, ni hoc beneficio, propter tot munera nobis elargita adiuuerimus, ut parentis simul & filiorum misereamur. Primum enim vitiosa poma interlegere proderit, hac ratione, ut succus, qui inutili posset impendi meliori succrescat. Onere etiam matrem leuabis. Sic enim quæ remanebunt, tum magnitudine, tum saporis bonitate, & reliqua generosa dote præualebunt. Quippe copiosiore fulta alimento, maiori incremento luxuriabunt, vitiosis amplius alimoniam non surripientibus. Ut hoc modo matrem in reliquos annos conferues: in fructu autem iactura nihil damni accepturus, paucis generosis numerum sarciente. Proderit insuper graues & labentes ramos, fune furcave & palis sustinere.

Præfatio libri decimiquinti.



QUÆDAM nunc tractanda, quæ ex ipsa arborum ingenta natura, & absq; hominum ingenio, impensa, ac labore ipsis arboribus insunt, veluti de alimento, illarum cibo, atq; conceptu, & germinatione ac sequentibus floribus, & nonnullis alijs: quæ ad arborum ipsarum solum spectant, ut hæc etiam incultis ac sylvestribus sicut & urbanis, pariter eueniant. In quibus verò est aliquid, in quo aliquod ex ipsis oblectamentum accipere valeamus. Primum enim ex illarum conceptu & sequentem germinationem, atq; exeuntes gemmas, & post varij coloris flores, nos suo aduentu exhilarantes, & exinde fructus (præmium nostri laboris) de quorum collectione, adseruatione, & conditura, sequenti libro.



H O R T O R V M L I B E R D E C I M V S Q V I N T V S.

Arborum alimentum, & cibus.

CAPVT I.



L I V D itaq; omnium maximum erit, vt ad arborum alimentum & incrementum sit, cœli temperies, vt suprâ ostendimus, & anni conditio. Vbiq; autem maximè est imber. Quare tepidam hyemem arboribus vtilissimam dixere: & tunc illa præsertim probabitur, quando imbrium & niuium frequentia abundauerit. Vt qui inde serenas hyemes exoptauerit, minimè vota pro arboribus faciat: At contrâ, pro his deuouere videatur, qui diu niues sedere concupiscit. Non solum, quia animam terræ exhalationem euanescentem includant, atq; comprimant, retroq; agant ad arborum radices, quibus arbor elcam desumat, verum etiam, quod liquorem sensim præbent, purum præterea, ac leuissimum: cum nix cœlestium aquarum spuma, & aëris adeps sit. Humor præterea ex ea non diluit, aut ingurgitat, verum quomodo sititur, velut ex vbere, distillat. Erit igitur & frugibus, & arboribus, sicut etiam prodit Gellius, nivalis aqua sanè fecunda: & Plautus, vt Nonius Marcellus inquit, ob eius miram in alendis satis potentiam, aquam, animam nuncupauit. Ne illi puto obsepto, animam omnem intertraxero. Hyeme verò expetendi imbres, euident causa est: quoniam arbores sætu exinanitas penitus, & foliorum amissione languidas, auidè esurire naturale est: vt etiam absumpto illarum partu, conceptus, id est, germinatio protinus sequatur, ac deinde alia florescendi exinanitio. Cum enim alimenti adfuerit vbertas, & cœli clementia, probè germinari, & fructificari ratio est. Quod nunquam fieri poterit, nisi frigus diutius oppresserit, quo arbores concoqui oportet, & imbres (hoc est alimentum) adiuuerint. Quin imo, si plures hyemes serene continuauerint, plantæ morientur: quoniam nemini pœna dubia est, in fame laborantium. Porro euident causa est, imbres fore alimentum: quod si deficiat, eas interire necesse est. Nempe si calor innatus nullum sibi extrinsecus desumat pabulum, ipse ille ieiuno valentior factus, confumit quod intus humidi erat. Quod cernere est, vbi magni ingruerint calores, & terra vndiq; arida, & exæstuans fuerit: Humidū tunc calore absumitur, cum nulli sunt imbres, & arente solo, nullus, aut exiguus, infunditur humor, qui natiuū calorem in plantis refrigerare & alere possit. Quo tempore primū languentia, mox arentia, & decidentia cernuntur folia, plantæq;

neq; extremos arborum stiones paulo post arbores ipsas totas squallentes inarescere. Quare æstate potius, quàm hyeme (in qua frequentiores pluuiæ, quod satis ad salutem, & temperamentum auxilij est) arbores intereunt. Vt consequens sit, plantas omnes fame, deficiente cibo, sicut & animalia, interire. Postquàm enim humorem pluuiarum terra excepit, illum per arborum partes, perq; radices digerit. Nam hæc simili ac eodem officio, erga plantas est (autore Hippocrate, & commentatore eius Galeno) quo venter in animalibus. Porro illa alit, calefacit, refrigeratq;. Radices verò, pro ore sunt, quòd à terra cibum attrahunt, contraria ab animalibus natura: vt quod supernum animalibus est, infernum stirpibus sit. Quamobrem arborem hominem inuersum, vel e contrario, hominem, arborem inuersam quidam dixere. Quæ autem fructus suos diutius custodiunt, largiores desyderant cibos, longiusq;, atq; etiam quæ frequentius, numerosiusve pariunt: vt ex fœtus ratione debeant alimentari, ijs & ferotinae aquæ viles, vt oleæ, & punicis. Sed iam imbres cuiusq; generis arboribus variè requiruntur. Maturantibus quibusdam, alijs autem alio tempore. Quapropter sæpe iisdem pluuijs alia lædi, quædam verò iuuari videmus. Nonnunquam etiam in eodem genere, vt in pyris. Particularès autem nonnullarum cibi reperiuntur.

Quæ cito, quæ ve serius crescant.

CAP. II.



DIFFERUNT etiam auctu inuicem arbores. Aliæ enim ad crescendum faciles, aliæ verò tardissimè incrementum accipiunt. Omnes tamen occulto æuò, vt ait Horatius:

Crescit occulto velut arbor æuò.

Quæ verò spissæ, siccæq; sunt naturæ, & amaræ. Nam igneæ naturæ eas esse oportet. Harum lenta accessio, vt buxi iuniperi, hebeni, aquifolij corni, mespili, palmæ, cupressi, laurus, oleæ. Contrà verò, quæ raræ, laxæ, & humidæ naturæ sunt, & quæ apud aquas assurgunt, veluti salix, populus, alnus, facillimæ ad crescendum sunt. Humiditas enim, & germina, & augmentum porrigit: vt in omni arborum genere celerius crescant, quæ humidum solum nactæ sint: Festinantius etiam, quæ in frigidis ac vèto silentibus. Terrestres auctu faciles, vt platanus, vlmus, taxus, acer, carpinus, fraxinus. Quæ autem materie molles sunt, citius cresunt: vt tilia, ostrea, picea, pinus, pinaster, vnedo, abies. Inter vrbanas verò cerasus, pyrus, malus. Quædam magis in crassitudine, vt vlmus, malus, pyrus. In longitudine verò, pinus, abies, & resinosa fere omnes, alnus, populus.

De conceptu & germinatione arborum, & quoto tempore fiant: & de Zephyro & Chlorig.

CAP. III.



ANNUUS ordo ita se habet, vt tria nobis tempora conceptus dispartierit. Quorum primum, quod est in Vere apparentius, commune omnium arborum generibus. Desiderio enim iam antea spoliati honoris, quod in florù pulchritudine

&

& odore, fructuumq; vbertate erat, quorum orbitate tam tristes fuerant, ad pristinum decorem, vrgente illarum clementia, tempore audiores sunt. Tunc enim nouas, & alias, quàm in viduitate fuerant, se præbent, & in varijs colorum picturis, in certamen vsq; luxuriant. Et, vt ait Poëta,

Verg. eclog. 3.

- Nunc omnis parturit arbos,

Nunc frondent syluæ. - Et alibi:

Georg. 2.

Ver adeò frondi nemorum, ver vtile syluis:

Vere tument terræ, & genitalia semina poscunt.

Tum pater omnipotens sæcundus imbris Aether

Contigis in gremium lætæ descendit, & omneis

Magnus alit magno commistus corpore sætus.

Parturit almus ager, Zephyriq; tepentibus auris

Laxant arua sinus: superat tener omnibus humor.

Inq; nouos soles audent se gramina turò

Credere: nec metuit surgentes pampinus Austros,

Aut tactum cælo magnis Aquilonibus imbrem:

Sed trudit gemmas, & frondes explicat omnes.

Et paulò pòst:

Ab hoc autem germinandi tempore Aprilem mensem, quasi aperilem vocari Macrobius autor, quòd hoc mense arbores, nec minùs quoq; cætera, quæ tellus continet, sese in germen aperire incipiant. Sicut & apud Athenienses ἀνθεστηπιον, ab eo quod hoc tempore omnia floreat. Idcirco quidam Ver masculum dixere, quòd eodem tempore germinet arbores: & æstatem fœminam, vt sub ea figura eiusmodi depingatur, quòd eodem tempore fructus omnes patefiant. Quod in Tyresicæ fabula, & serpentum percussu, mythologici intellexerunt. Cui rei astipulantes poëtæ Chlorim deam, quæ Latinè Flora dicatur, à Zephyro adamatam fingunt. Propterea Catullus illam Zephyritim vocat. Quam vbi ille per Ver errantem conspexisset, insequitur, rapitq;, ac domum defert. Verum vim proprijs nuptijs emendauit. Sic enim illa apud Ouid. in Fastis fatur:

Fast. 5.

Chloris eram, quæ Flora vocor, corrupta Latino

Nominis est nostri littera Græca sono.

Chloris eram nymphe campi fœlicis, vbi audis

Rem fortunatis antè fuisse viris.

Quæ fuerat mihi forma, graue est narrare modestæ:

Sed generum matri repperit illa Deum.

Ver erat, errabam: Zephyrus conspexit, abibam:

Insequitur, fugio: fortior ille fuit.

Et dederat fratri Boreas ius omne rapinæ,

Ausus Erichthea præmia ferre domo.

Vim tamen emendat, dando mihi nomina nuptæ:

Inq; meo non est vlla querela toro.

Vere fruor semper, semper nitidissimus annus:

Arbor habet frondes, pabula semper humus.

Est mihi sæcundus dotalibus hortus in agris:

Aura fouet: liquida fonte rigatur aqua.

Hunc

Hunc meus impleuit generoso flore maritus:

Atq; ait, arbitrium tu dea floris habe.

De quibus etiam Lucretius:

It' Uer, & Venus, & Veneris prænuntius ante

Lucret. lib. 1.

Penmatus graditur Zephyrus vestigia propter:

Flora quibus mater præsurgens ante viat.

Cuncta coloribus egregijs, & odoribus opplet.

Zephyrus autem Latine Fauonius dicitur. Catullo Chloridos ales equus. Chloreus autem Latine viridis. Sed iam satis per fabulas poetarum diuagati, rem ipsam attingamus. Primus itaq; arborum conceptus Fauonio flare incipiente fit. Exinde ferè sexto Idus Februarij. Hoc enim illo cuncta è terra viuientia maritantur. Sed non idem omnibus, certo & statuto tempore: Nam & varijs diebus, pro cuiusq; arboris natura concipiunt. Quædam ferius, alia citius. Quum autem animalium singula genera ad conceptum ac partum, determinatum tempus habeant, sic quoq; ad suas fruges, arbores: vt ex illis nonnullæ diutius conceptum gerant, aliæ celerius germen producant: & magna circa hæc, ex regionum natura, locorumq; situ ac genere diuersitate anniq; conditione, differentia. Cæli verò quandoq; indulgentia germinatio præcurrit, vt tempus illi communiter suctum anteuertat. Situs verò germinationem variat, quum ad ortum, aut occasum, vel meridiem, vel septentrionem spectant: vt secundum illorum naturam, aut statim, aut ferò germinant. Palustres prius, mox campestres, nouissimè autem, quæ in montibus, & syluis. Aliæ confestim ineunte Februario, plures ante Fauonium concipiunt, vt in locis argentiis veluti in Cretæ Ida. Vbiq; autem præcoces citius germinare, iustum est, vt ferotinarum prouentum occupent. Syluestres, & quæ non coluntur, ante vrbanas fructificant, quòd calorem ampliorem in se contineant, cum non fodiantur, neq; radicibus nudentur. Calor nempe ille est, qui ad generandum arbores vltro propellat. Adde quòd vrbane sæpe inter amputandum, vulnus aliquod accipiunt, quo laborare, & frigescere oportet, vt propterea tardius germinant. Sed vbiq; certum germinationis tempus habent, quæ tardissimè, quibus iam nulla cæli asperitas, ex sera atq; regionum differentia, formidari potest, quando iam pridem anni clementia omnibus terræ tractibus se exhibuerit. Morus autem nouissima vrbana germinat: quare quidam à mora, id est, tarditate, dictam existimauerunt. Etenim nisi exacto frigore non germinat. Ob id arborum sapientissima habita. Verum cum tanta celeritate, vt cum cœperit erumpere, vniuersam germinationem, etiam cum strepitu, vna nocte peragat. Quoddam iuglandium genus, quod rarum est, comperi, non ante solstitium æstiuum germinare, atq; id cum ingenti festinatione: & eius generis duas tantum arbores vidisse fateor. Alij germinationes per sydera diuidunt, quas proprias, & naturales, vt suis constent sideribus. Quarum primam hybernā vocant, sub Aquilæ exortu. Secundam æstiuam, quæ est à Canis ortu. Terciam autumnalem, quæ ad Arcturi ortum, quam ferè communem omnibus existimant. Manifestissima tamen hæc vrbanis, & illarum præcipua fico, ac punicæ. Quædam autem nimia soli

vberrate, ac cœli mollitie : quibus simul contingit, vt quando Autumnus longus, placidusq; sit, huius voluptate vberius coalescant, vltroq; denuò germinare cogantur : quod pluries mihi videre contigit. Et hoc sub Arturi ortum fieri solet. Et huius causam adferunt, quod in Thessalia & Macedonia ficus tunc plurima exeat & hoc maximè in Ægypto apparet vt plurimum tamen flaccescit. Hæc autem fuit quarundam arborum in generando propensior, audiorq; natura. Quæ si sæpius, propter tot nixus, defessæ fuerint, parum tamen requiescunt, quin rursus pristinos labores renouent. Hæc verò omnium consensu breuissima est, nec diutius septenis mensibus durat. Theophrastus verò germinationem primam ineunte Februario esse dicit, Alteram in Martio, Tertiã in Aprili. Has autem ternas germinationes non ita omnes emittunt : sed hoc munere funguntur robur, abies, larix. Corticem verò illæ inter squammas spargunt, ac deinde erumpunt. Quare Græci has *τρίσκιπες* hoc est, trisquammas, vocant, vel tristepas, hoc est, intermissarias. Lentiscus etiam ter germinat. In cuius rei testimonium hæc sunt Ciceronis carmina:

Iam verò semper viridis, semperq; grauata,

Lentiscus triplici solita est grandescere sæu.

Ter fruges fundens, tria tempora monstrat arandi.

Steriles ac iuueniles arbores sua germina duplicant, quod plus humoris ac caloris habeant. Fructiferas enim, humores suos circa partum effundere necesse est. Veteres enim sicciore sunt. Reliquæ, Vere vt primum cœpere, continuant germinationem. Ante Fauonium cornus, tam mas quam fœmina germinat. Paulò ante æquinoctium à Vergiliarum exortu ficus, olea, punica, sambucus, vlmus, tilia, acer, carpinus, fagus. Hoc est illarum sidus. Pòst laurus, platanus, auellana, salix. Vere autem ineunte, iuglans, castanea, caprificus, aquifolium, terebinthus. Cum vrbani germinat vnedo, apharca. Serotino autem germiniculo & malus est, tardo pyrus syluestris, omnium tardissimo suber, aria, thya, taxus. Rosa nouissimè concipit. Germinatio, non nisi fructuum generatio *βρῦλον*, autore Polluce, germinare propriè tamen ad oleas refertur. Thallus germen, Thalleæ germinatio. Prægnantium germinatione rumpitur cortex. Cutis se aperit, geniculato incremento, & inter squammas corticem spargunt. Prima cacumina impelluntur, clareq; tunc cernitur excrecentium cacuminum articulatio. Caudex tunc etiam propellitur, totaq; arbor, tam supernè, quàm circa radices, incrementum capeffit. Variè germina emittunt. Quædam è cacumine ac latere: veluti ficus, punica, myrtus, pyrus, malus, & maxima arborum pars. Cæteræ verò non cacumine, verum tantum è lateribus. Hoc in iuglande, auellana, Theophrastus esse scribit, & quibusdam alijs, quarum germina in folium vnum finiuntur. Qua de causa, optima ratione, nullum ampliùs germen superuenire potest, quo crescere possit, cum desit augendi principium. Omnium itaq; arborum germinationes conspicuæ sunt, sed maximè abietis, pini, pinastri, tædæ: quoniam genicula sursum rectè pergunt, ramiq; ex æquo conditi spectantur. In cunctis verò arborum fructibus, priùs pars exterior generatur : quia semina vt plurimum

mun lignosa sunt, ac nucleosa, quamobrem lentius procedi oportet. Germinationes autem ita se habent.

*De arborum floribus, & amento siue iulo: Et quo ordine
floreant: & quare Afcanius Iulus dictus.* CAP. IIIL.



ARBORES autem, sicut animalium genus omne, prius concipere quam vt pariant, oportet. De quarum conceptione atq; germinatione supra visum. Consequens igitur erit, vt post de partu illarum videamus, qui semper conceptui proximus esse solet. Pariunt itaq; arbores, cum florent. Tunc enim anni renascentis, & pleni Veris indicium est, & arborum gaudium. Itaq; flos ruptis vtriculis, arborum partus esse dicitur. Educatio verò in pomo ac semine est. At sicut animalia quædam sunt, quæ non diutius conceptum ferunt, citoq; parturiunt, & parum fœtum enutrient: aliqua verò, quæ multum & ferant, & enutrient: alia autem, quæ, etsi parum gestent, per multum tamen tempus, progenitum alant: reliqua finaliter, quæ si conceptu ponderosæ fuerint, paruo attamen tempore educant. Quod in arboribus euenit, vt statim post germinationem floreat, fructumq; continuo maturent, vt cerasus, morus. Amygdalus autem omnium prima floret, tardissimè tamen fructum maturat, atq; in Septembrem. Iuniperus Vere germinat, partum tamen anno maturat: quo exacto alter præoccupat, vt vetus, si in arbore relinquatur, maturescat. Prunus, perlicus, inter primas florent, seriùs tamen illarum fructus editur. Taxus à Vergiliarum occasu concipit, paulò ante solstitium floret, vt multo tempore fructum in vtero gestet, & idem longo tempore enutrit. Sed post longam gestationem, citò maturant aliquæ, vt pyrorum aliquot genera. Florum enim differente naturam, non tam tempore, quam figura, omnes arbores habere cuiq; constat: quos etiam ex temporis ratione, fructuum confectio non sequitur. De quibus plurimis videndum: verumtamen, vt prius partum designemus, quam tempus integræ educationis. Ab amygdalo proximè florent armeniaca, tuberes, perlicus, prunus, cerasus, pyrus. Malum sequitur laurus, illum cupressus, deinde punica, ficus. Post vitem florescit olea. Syluestrium prima sambucus. Abies autem flores croci colore circa solstitium emitit. Pinus, & picea germinatione præueniunt, quindecim ferè diebus. Post Vergilias arbutus floret, mense Iulio. Ponticam verò nucem, iuglandem, cum nuce Græca florere Macrobius scribit. Casia post Autumni æquinoctium, autore Theophrasto, germinat, floretq;. Sed sicut arbores in proferendo flore, tempore differunt, ita & illorum figura, de qua parum hic. Neq; omnino loco in vno præcipuè tamen, quum de vno quoq; arborum genere speciatim dicitur. Quibusdam verò foliati, vt amygdalo, pyro, malo, pruno. Alijs peculiare, vt quæ lanuginosum habent, ceu morus, hedera, populus, tilia. Porro hæ florem in totis fructibus habent, sed neq; postremis insidentem, neq; in singulas partes ambientem. In medio verò inculcati, nisi fortè cerni, propter lanuginem, nequeat. Plures item aliæ differentia. Speciales autem, & proprios

vnaqua; arbor baiulat, ab alijs figura, magnitudine vtunq; diffidentes. Neq; vnā, aut alterā, inter tot arborum genera cernere est, quæ eundem ac similem florem gestet. Nonnullæ autē florent, quā foliascant, vt amygdalus, persicus, prunus, pyrus, malus, cerasus. Aliæ contrā, prius folia, quā florem, emittunt: vt cydonia, sambucus, sorbus, & inter frutices rosa. In multis enim cernere non est, quid horum primordiū egrediatur, flore ac folijs vnā exeuntibus. Deflorescunt omnes septenis diebus, quædam celerius, quædam tardiū: plures intra octauum Idus Septembris. Cassia autem, vt voluit Theophrastus, post æquinoctium Autumni. Idq; etiam multo tempore. Proprium aliquibus amentū est, quod & cachryes dicitur: quod in auellana iulum multi dixere. Hoc enim callo compactum, cui peculiare quiddam racematum est. Singulari autem ac pingui pediculo emergit, minutulis, & innumeris squammis. Hoc hyeme augeatur, concepto Vere dehiscit, & squammæ illæ in longitudinem laxantur, & intumescunt, flauescuntq;, & euolant. Hæc folia deiiciunt. Nonnulli florum loco esse arbitrantur. Hoc in corylo, alno, iuglande, castanea, populo alba. Amentum autem habere abietem, pinum, roborem, vlmum, Theophrastus arbitratur. Tilia autem, nunquid amentiferum quicquam habeat, ipse dubitauit: ego verò minimè. Quod enim in ea lanuginosum est, flos est, qui cæterarum amento nequaquam respondet. Hoc autem nonnullis, veluti robori, iuglandi, castaneæ, parum ante verni temporis germinationem. Cæteris autem, ceu auellana, veluti conceptus quidam, inter antecedentem obstructionem, & sequentem germinationem medius est: gigniturq; in Autumno post foliorum occasum. Iulus autem in arboribus est, atq; in homine prima lanugo, & barba. In quibus, vbi adoleuerit, decidit, atq; in folia & flores, tanquam firmiorem ætatem, commutatur. Ab eo Ascanium Iulum primò vocatum asserunt, quod ei tempore victoriæ hæc lanugo nasceretur. Vnde nomen familiæ Iuliorum, tam celebre emanauit. Et quo ad fructuum rationem, maior illorum pars in medio flore generatur, vt amygdalis, prunis, cerasijs. Non desunt quæ fructum ipsum flori insidentem habent, vt punica, malus, pyrus. Arbores autem vel etiam ipsæ in fructificando distare videntur. Quippe aliæ ex nouellis furculis, quædam ex annotinis, reliquæ ex vtrisque fructum gignunt. Theophrastus autem, id generalius ex discrimine arborum naturæ esse scribit: vti ex annotino furculo fructificant, quæ natura sicca densæq; sunt: quoniam parcè in his succus præ densitate defluat, soletq; esse nouellus tenuis & infirmus, qui abundè neq; traducere, neq; retinere humorem valeat, vt in olea est. Ex annotinis etiam casu ferunt arbores, quarum fructus perticis deiicitur, vt præciso nouello, qui ad ictus facilè fragilis, necesse sit vt ex alia arboris parte ferat. Quæ autem humidæ, raræq; naturæ sunt, hæc fructum è nouellis furculis pariunt. Quando verò in his succi impetus fiat, vt simul & germen, & fructum effundere possint. Inter arbores enim aliquæ sunt, quæ ante aliquid producant, ex quo postea florem fructumq; edant: vt myrtus, mespilus, cydonia. Ex nouellis autem ficus: ex annotinis punica, amygdalus, pyrus: ex vtroq; quæ biferæ sunt, vt caprificus.

caprificus. Arborum item aliæ cacuminibus fructificant, aliæ ramorum lateribus, cæteræ verò parte vtrâq; vt olea, pyrus. Cacumine ferunt, punica, ficus, mespilus, myrtus, sorbus. Palma sola arborum in spathis, fructum habet, racemis propemodum, quæ & folia & germina gerunt. Quippe vis eius genitalis parte superiori tota consistit. Quædam fructum supra folia gerunt, vt myrtus syluestris, quæ fructum in folij dorso gerit: sicut viticis quoddam genus, pilulam rubeam. Peculiaris maximè illarum ortus habetur, quæ caudice fructificant, vt moro Ægyptiacæ contingit. Non desunt tamen, qui affirmant, ex grandioribus quoq; ramis & hæc vtiq; fructificare, sicuti siliquam. Iones cerauniam vocant. Id esse in ficu Cypria quidam attestantur. Omnes enim arbores sub folio pomum, vt proregatur, habent excepta ficu, quæ supra folium pomū habet, eiq; demum serius folium, quàm pomum nascitur. Insigne autem proditur in quodam Ciliciæ Cypriæ Helladis fici genere, quod ficos sub folio, grossos supra folium habeat. Neq; enim arbores statim suos fructus tales, vel figura, vel colore, quales postea, quum ad maturitatem peruenerint, ostendunt. Quædam enim citius ingenitam formam referunt. Quod itidem in animalibus est: vt quædam simul atq; nata sunt, parentis præferant faciem: quædam non ita citò, vt vrsus. Fructus enim ante maturitatem sæpissimè colores variant: vt malorū omnia genera, cerasus, ac ferè omnes. Vltimum erit, vt inter arborum fructus, præsertim, propter vim medicam minime prætereatur galla, siue nigra, siue alba. Ambæ autem mense Aprilis gignuntur. Nascitur magna ex parte noctu vniuersa: in diem verò augetur tota excepta resinacea. Quod si ab æstu præoccupetur, marcescit, & augeri amplius nequit. Quamobrem illarū aliquæ fabis maiores non euadunt: aliæ ampliore magnitudine grandescunt, mali amplitudinem capeffentes. Nigra diebus plusculis viret.

Quæ arbores cito tardèue ferant, quæue perraro.

C A P. V.



LVRI FARIAM inuicem & arbores & animalia in multis conuenire (quod omnes Naturæ diligentiores norunt) sæpe testatus sum, quod in multis supra à nobis demonstratum. Verùm manifestissimum illud habetur, quod est in producendo. Nam veluti in animalium genere multa ad procreandum auidiora, propensioraq; sunt, vti & citius & frequentius pariant, alia tardiora, & quæ semel tantum in vita progenerent: idem certè in plantis euenit; in quibus aliquæ reperiuntur, quæ præcocius, crebroq; ferant: aliæ verò quæ serius, ac perraro. Itaq; in omni arborum genere, sceliciores sunt, quæ iam adoleuerint, quæq; senuerint. Nempe quæ adhuc nouellæ, fructu vt plurimum quamdiu crescunt, carent. Alimentum enim omne, & vires in incrementum conuertunt, & impendunt. Quo labore simul atq; in fructuum vbertate affici, defatigariq; minimè conuenit. Haud enim mutuo vtriq; parti sufficere possunt. Quod si id in quibusdam euenerit: lassitudine certè deficientibus viribus, citò mori

plerunq; contingit, vt mulieres properantiùs præter ætatem, atq; sæpiùs parturientes. Sorbus ante trimatum non fert. Omnes enim quò magis senescunt, eò maturiùs producant: & quæ in apricis, nec pingui terra, sitæ sunt. Ad fructificandum enim multum refert, quæ sit terræ ratio, non solum quòd tenuis, quòd squalida. Item quæ subarantur aut ablaqueantur, celeriora. Est etiamnum ætatis differentia. Palmæ enim vt plurimùm, quadrimæ, aut quinquennes, in Cyprio, Syriaq; fructificant, hominis altitudine. Amygdala autem, & pyrus in senecta fertilissimæ, vt glandifere omnes, & ficorum quoddam genus. Serius olea fert. Hesiodus enim negauit satorem ex ea vnquam degustasse, tam tarda tunc res erat. Quare

Vergilius dicit:

- *Et prolem tarda crescentis oliuæ.*

At nunc in plantarijs ferunt. Translatarum enim baccæ altero anno decerpuntur. In senecta autem deteriore fructum gignit malus: tunc enim breuius pomum, magisq; vermiculis obnoxium, qui tunc in ipsa quoq; arbore frequentiùs generantur. Theophrastus cuiusdam Indicæ arboris meminit, quam ante centesimum à suo ortu annum non ferre affirmat. Quæ verò ampliore magnitudine sese attollunt, minorem fructū edunt, vt ficus Indica, robur, castanea, cupressus. Natos enim parentes, alimenti ingluuie, exinaniunt. Quæ item nimium oleosæ, obesæq; sunt, ceu picea, pinus, cupressus. Nam & tales fructus infœcundos producant: similesq; sunt hominibus præpinguibus, obesis, nimiumq; corpulentis, qui vt plurimùm gignendis liberis inutiles, cibi etiam, sicut in alijs, voracitate. Fructificant protinus, pyrus, malus, maximè quæ paradisiaca, & à diuo Ioanne vocitantur: persicus, prunus, abies. Est quoq; in ipsis onustis peculiaris differentia. Nempe summa sui parte fertiliores cerasi, pruni, vnedines: quercus autem, iuglandes, fici mariscæ, inferiore. Fructus autem superius inferiusq; crassiores. Sursum enim sol magis incalescit, deorsum verò terræ alimento, quòd proximior, magis adiuuantur. Alternant enim quædam fructus suos, singulis annis ferre non valentes: vt quæ sicca & duræ naturæ exsunt, vt olea. Caprificus autem nunquam maturefcit. Nequaquam tamen inutilis, vt & ferentem adiuuet.

De futura vbertatis, vel inopie, prognosticis, ex syderum statu.

CAP. VI.



STROLOGIAM agricolis ad multos rerum euentus per-
necessariam, suprà ostendi, sed nunc maximè ad fructuum
euentum. Futuræ etenim horum vel abundantia, vel cari-
tatis prognostica, aut à syderibus, & ex cœlo ipso, aut ab
aëris temperie vel intemperie expetenda esse, nemini du-
bium vt certissimum, veluti in prouerbio est, vt scribit Theophrastus,
Annum, non tellurem, fructificare. Sed illa nobis manifestissima sunt, &
quæ etiam magis norunt agricolæ, quæ ex aëris statu ingruunt, quàm
quæ ex syderum ortu, vel occasu, atq; natura: vt hæc nobis, vt plurimum
abstrusa, illa verò nobis ob oculos posita. Nam sicut ex syderum vi, &
proprietary, vel aëris conditione, hominibus morbi, sæpe etiam epide-
miales

miales ingeruntur: hac ratione fructuum raritas, vel exuberantia, & præter hæc etiam arboribus morbi, contingunt. Futuram olearum penuriam Thales Milesius, Democritus, & Sextius, philosophi per astrologiam præscierunt. Ille enim vnus è septem Græciæ sapientibus, Cui quum, vt Aristoteles in Politicis, & Laërtius in eius vita, memoriæ mandarunt, obijceretur paupertas, propter studium philosophiæ, tanquam inutile, atq; infructuosum: parum pecuniæ simul coëgit, vrgenteq; adhuc hyeme in Mileto & Chio insulis paruo pretio olearia conduxit, arrasq; dedit, nemine plus offerente, secutaq; olearum raritate, innumeras pecunias sibi comparauit. Ostenditq; facile esse, philosophum contemnente diuitias, ditari, si velit. Idem fecit alter, scribente Secundo. Is enim cum terris cæli esse societatem primus intellexit. Præuisa verò ex futuro Vergiliarum ortu, olei raritate, in toto tractu omne oleum coëmit, mirantibus omnibus qui paupertatem, & doctrinarum quietem, in primis ei cordi esse sciebant. At vbi apparuit causa, atq; ingens diuitiarum cursus, mercedem anxix & auidæ dominorum pœnitentiæ constituisse fertur. Contentus ita probasse opes sibi, cum vellet, in facili fore. Hæc etiam postea fecisse Athenis Sextium è Romanis sapientiæ sectatoribus, hic scribit. Democritus, vt ait Clemens in Stromatibus, ex cæli, & sublimium rerum obseruatione multa prædicens, sapiens cognominatus. Cumq; eum perbenigne Damascus excepisset, ex quibusdam stellis capta coniectura, multam futuram pluuiam prædixit. Quod credens fructus collegit: Nam cum æstas esset, in arcis adhuc erant. Alij omnia amiserunt, cum ingens ac inopinata subito ingruisset pluuiæ. Aquilam in Italia ad decimumtertium Ianuarij Calendas exoriri prodiderunt. Ante eum diem quicquam in satis certæ spei esse non patitur Naturæ ratio. Sin verò incidat interlunium, omnes hybernos fructus, ac præcoces, lædi necesse est. Nonnulli è Græcis, vt Diophanes, magnam fructuum vbertatem prædicebat, si Luna existente in Leone Canicula exoriretur: Olei raritatem, si ea in Libra esset: Fructuum eorum, qui foris putamen lignosum habent, abundantiam: Si verò in Capricorno, vel Ariete, olei fertilitatem: si in Geminis, omnium fructuum copiam. Rudis quidem fuit priscorum vita, atq; etiam sine literis: non minus tamen in illis ingeniosa fuit obseruatio, quam postea fuerit ratio. Tria nanq; tempora fructibus, propter quod & ferias instituerunt: de quibus satis vt arbitror supra disputatum: dixi q; Floralia quarto Calendas Maij instituta. Si enim in hoc quattriduum inciderit plenilunium, fruges, & omnia, quæ florent, periclitari oportebit. Hoc quattriduum rore fordescere propter oleas nolunt. Quarto Nonas Iunij iterum Aquila exoritur vesperi, decretorio die florentibus oleis, vitibusq; , si plenilunium in eum incidat. Hanc autem iniuriam omnibus accidere non posse, satis constat, propter statos siderum cursus, nec nisi paucis anni noctibus. Quod quando futurum sit, facile dignosci potest. Nec per omnes menses pertimesci potest. Æstate interlunia præterquam biduo secuta esse. Hyeme plenilunia, nec nisi æstiuis, breuissimisq; noctibus metui, diebus non idem valere: sed hæc permutari possunt. Quando

vnum

vnumquodq; fidus vbique eodem tempore oriatur, vt secundum locorum naturas cuiusque obseruatione consentit. Hæc pauca ex syderum prognosticis, quæ cognitu facillima. Omnia autem nosse, diligentissimi potius, ac scientis astrologi, quàm agricolæ est. Vsq; adeo enim res scitq; perdifficilis, vt non omnes id sciant. Quemadmodum nec omnes olearum sequuturam raritatem philosophi, sed solum Sextius, Thales, & Democritus.

*De futuro fructuum arborum prouentu, ex aëris temperie
& intemperie prognostica.*

CAP. VII.



NUNC autem qui sit erga fructuum proximam vel penuriam vel largitatem aëris status, videndum, cuius prima ratio circa germinationem, vt nec prosperè sese erga fructus suos habitura sint, si bene germinauerint, nec contrà amplè fructificant quæ malè, vt potè quæ vtriq; parti natura æquè satisfacere minimè valeat, vt horum alter, alterum absumat necesse sit. Copiosa itaq; germinatio detrahit aliquid, vt sæpe ob id, sicut in segetibus est, luxurient. Quod accidit his arboribus, quæ soli bonitate lætæ sunt, & nimium viribus arboreis subsistunt, vt pabuli nimia abundantia luxurient. Quibusdam tamen aliter contingit, vt fico, vt si bene germinauerint, melius fructificent. Quod autem ad frigus attinet, illud tunc noxium erit, quod Septentrionibus, & præpsteris horis sit: præsertim verò cum cæli indulgentia excurrere iam germinationes: tunc enim recentes sætus excurruntur, qui nuper editi benignum & mitem aërem desyderabant. Quod & Ouidius notauit,

Metam. 14.

Sic tibi nec vernum nascentia frigus adurat

Poma, nec excutiant rapidi florentia venti.

Ad sustinendum enim aëris illam ex frigore iniuriam adhuc infirmis, non secus atq; animalia nunc nata, quæ in matris aluo fota fuerant, vt adhuc nutricis officio indigeant. Syluestribus quoque ferotinae hyemes infestissimæ. Quæ magis etiam dolent, urgente umbra, nec adiuuante medicina. Quare hyemem Aquiloniam esse, omnibus satis vtilissimam. Futurum itaq; prosperam germinationem, & amplius metui non deberi sequentes fructificationes. Sequitur flatuum ratio, quæ non omnibus communis est, neq; cuiq; regioni eadem, vt vnus & idem ventus ibi noxius, alibi vtilis: & alij alijs etiam prosperè excurrunt, alijs verò officiunt. Nam & quibusdam Fauonius, multis Aquilo, cæteris Auster. Quæ enim commodè ad maritimos iacent, prosperè fructificant, etsi tenues. Austro arbores humescunt, atq; imbecilliores redduntur: vt ab eiusmodi natura ortum sit adagium, immisit floribus Austrum. Cum exprimere volumus, quem damni causam dedisse. Quod & Vergilius appositè declarat, dum ait:

Ecloga 7.

Eheu quid volui misero mihi? Floribus Austrum

Perditus immisi.

Aquilonibus arbores validiores redduntur, & ad concoquendum aptiores euadunt, vt potè quæ sibi magis consent, & suum

suum inclusum calorem retineant. Præstant austrinis Fauonij & Aquilonij, non tamen omnibus, vt nonnullis noceant. Quod de singulis similiter dicendum. Æstate verò feruidi, Vere frigidi nocui. Illa enim excitati atq; humiditatis penuria, fructus deteriores redduntur, hac aduruntur. Superest imbrium commoditas, & damnum, quos sæpe ventorum alij excitant. Pessimum omnibus plantis, si dum florent impluerit. Tunc enim & flores & fructus imbecillitatis causa defluunt. Vt etiam hanc iniuriam patiantur, si continuo postquam defloruerint, id contigerit: vt in totum depereant, vt poma, & oleæ, adeò & amygdala, & pyri, etiam si omnino aër austrinus nubilusq; sit. Pluere commodissimum, cum educant poma non protinus, sed fœtu iam valido. Accidit enim arboribus, vt fructus amittant, non secutis pluuijs: vt fici. Natura enim comparatum, vt fructus omnes, humoris abundantia putrescant, strangulenturq;: aut contrà exsiccentur, aquarum vltra modum penuria. Circa Vergilias pluere, inimicissimum oleæ: quoniam tunc coitus est illarum. Hoc enim quatrimum oleis decretorium. Imbrium autem & siccitatis mala Ausonius patefacit:

Ver pluuium sine flore fugit, Canis æstifer ardet,

Nulla autumnales variat Pomona sapes.

Epi. 3. ad Paul.

Arbores malè affici perspicuè dicuntur, cum vel paulò post germinationem, vel germinare incipientes vel grandine vexantur. Oleam autem vtiliter & probè defloruisse ferunt, cum flores caduci, velut perforati reperiuntur. Florum prognosticum ex Ouidio tale est:

Si bene floruerint segetes, erit area diues:

Fest. lib. 5.

Si bene floruerit vinea, Bacchus erit.

Si bene floruerint oleæ, nitidissimus annus.

Poma quoq; euentum temporis huius habent.

Oportuit enim flores, quos fructus sequuntur, antea bene cecidisse.

De florum & fructuum coloribus. CAP. VIII.

LORVM, & fructuum differens natura in coloribus, etiam vnus generis arborum, est. Flores enim natiuum & originarium colorem nunquam mutant, sicut nec herbarum. Quod contrà in fructibus est. Cur autem hoc, problema diu dubitatum. In causa esse plures existimarunt, quòd in floribus ferè amburitur humor, vt propter velocem humoris consumptionem non patiantur vltiorem, nec longiorem concoctionem. At in fructibus humiditas amplior, ideoq; in his diuturnior, & longior, vt propterea maioris concoctionis capaces sint, vt in longiori concoctione demutare colores necesse sit, ita vt succedens color priorem demutet. Color etiam in fructibus concoctionis indicium est, secundum fructuum naturam. Quædam enim rubra sunt, quædã crocea, alia ad rufum, aut ad crocea rubicantia. Quædam semper herbacei sunt coloris, vt in his nihil maturitatis ex colore depræhendere possis, etsi huius coloris præstantissima inueniantur. In omnibus enim plantis primus color viridis, tam in germinibus, quàm folijs, ac fructibus, in quibus nulla apparet concoctio.

yy Sequitur

Sequitur post herbaceus, vbi prima concoctio inspicitur. Nam viride Solis radijs temperatum, paulatim nigrescit. Sic mistum herbaceum fit: & vbi vetustiora fuerint, nigriora fiunt. Quod in folijs & germinibus semper est. Fructus hunc mutant colorem, alium in aestatis initio assu- mentes, alium in Autumno: vt sic per anni tempora colorem variant. Sunt qui per *ᾠπας* intelligant ea tempora, quæ maturitatem præcedant. Sed ad particulares singulorum colores deueniamus, ex quibus maturitas perfecta intelligitur. Aliqui equidem nigri, vt oliuæ, & lauri baccæ: non- nulli flauï, vt in aliquo genere persicorum: alij nigricantes, vt pyrorum & malorum quædam genera. Cæteri fusci, vt melpilorum, & sorborum. Multa etiam discrimina in vno pomò: vt & rubea, crocea, & candida sint. Quædam flauo colore sunt, vt malorum quædam genera. In vno genere etiam multi ac varij colores reperiuntur, maximè verò in prunis, & cera- sijs, & persicis, & malis, & pyris, in quibus varij colores, secundum co- rum genera.

De fructuum concoctione, & maturitate.

CAP. IX.



R V C T V V M autem concoctionis ratio duplex est, car- nis scilicet, & seminis. Huius verò ad arborum generatio- nem, ac perpetuitatem: illius autem cibi gratia. Hac enim causa Natura hæc duo produxit. Fructus autem subtilio- re, ac purgatiore, quàm & folia, & cortices, materia sunt: Hæc siquidem crassiore & callosiore. Fructus & carne, & succis (de qui- bus supra) & semine constant: quod in nucleis multorum obseruatur. Vbi enim caro amplior, ibi nucleus minor. Quod contrà est, vbi nucleus crassior: quia caro ibi minor, insipidiorq; est. Inest etiam urbano, quàm syluestri, minor, cultorq; quàm inculto. Culturâ enim arbores magis hu- mescunt, vberiusq; alimentum ad carnem deducunt. Distant autem in- uicem nuclei pinguedine, siccitate. Alij etiam lignosi magis. Omnes ta- men ex terreno & lignoso confici alimento constat: ad quos perficien- dos, ampliori opus est apparatu. Si plus æquo succus inceserit, vt fructi- bus impetus fiat, obest, vt non prodeant. Semen autem ex purissima, vt in animalibus, conficitur materia. Syluestres autem semen ampliùs au- gent, quoniam mascula quodammodo sunt. Cultura enim, & alimenti copia, quodammodo arbores effæminantur: & quò plus calidiores, sic- cioresq; sunt, cuiusmodi sunt syluestres, eo magis seminis afferunt. Matu- rescunt autem fructus omnes partim caliditate, partim frigiditate. Nem- pe calor concoquendi vim, sicut omnibus palam est, obtinet: atq; matu- ritatis simplex ratio est. Qui verò frigiditate maturantur, euentu id fit. Nam qui serò maturantur, hoc fit hyberni temporis opera. Quibus verò fructus humidus, aut nudus, aut prætenui intectus membrana, hi cele- rius suos fructus perficiunt, vt cerasus, morus, prunus, ficus. Contrà, qui numerosiore continentur putamine: & vt generalius dicam, omnia dul- cia breuiori tempore maturescunt. Serò verò omnes, quæ succo pingues, quæq; nucleo duriore, quæ racematim fructificant, quæq; perpetuò vi- rent,

rent. Quorum fructus frigidi sunt, vel sicci, parum, vel plurimum humoris habent. Hæc enim concoctionem vehementer impediunt, & omnes nouellæ. Syluestres, & si validiores, fructus tamen non idoneè maturant, copiosiores enim in fructificatione sunt. Quantum equidem plus fructificant, tantum minùs suis viribus prævalent. Pro virium autem ratione coctiones sequi, consentaneum est. Quapropter agricolæ, cum plures fructus produxerint, auferunt. Syluestres autem densiores, siccioresq; sunt: quare plus succi ad sese attrahunt. Excoctio enim ex humoris expansione fit. Quod si humor aliorum trahatur, aliunde capere non potest. Quædam verò, omnes simul fructus suos non maturant, verum diuersis temporibus, ut & virides, atq; maturos, in vna atq; eadem arbore, conspiciere sit, ut in moro, ficu, & cerasiorum aliquo genere. In India fici non antea, quam scapli, oleoq; inuncti fuerint, non maturescunt. Scribente Theophrasto. Idq; in Græcia esse, multis multorum autorum Græcis epigrammatibus manifestum est. Quod contingit ex nimio humore, & nutrimenti abundantia.

Quando fructus maturi intelligantur.

CAP. X.



VID autem per fructuum maturitatem intelligere debeamus, A. Gellius, & Macrobius nos docuerunt. In pomis, inquit, matura dicuntur, quæ neq; cruda, & immitia sunt, neq; caduca, & nimium cocta, sed suo tempore adulta, maturaq;. Hæc Vergilius mitia dicit, ut voluit eius interpret Seruius Maurus, quæ non remordent, cum mordentur. Aristoteles autem maturitatem fore, quum fructuum quædam coctio in his est: concoctionem verò integram, cum fructuum semina (quod illorum proprium) procreare possunt. Tunc enim maturitas præcipuè se ostendit, cum semen nigrescit, aut rufescit. Nam per semen incipiunt maturescere fructus. Æstate, & messibus ipsis, prunus, præcocium: Autumno persicus, cydonia, fructus maturat, robur, & castanea, sed serius æsculus. Autumno incipiente semen terebinthus, acer, fraxinus, alnus, reddunt. Cornus circa solstitium æstiuum fructum primò reddit candidum, postea sanguineum. Circa Vergiliarum occasum philyra, ilex, paliurus. Post illarum occasum abies, pinus, & apharca: fructum enim primum cum vua maturant. Aria hyemis initio. Omnium autem tardissimè fructus suos perficiunt, vnedo, iuniperus, celastrus. Serotina admodum tilia, hedera: sed his seriores thya, taxus. Malis verò & pyris certum maturitatis tempus assignare difficile quidem erit. Nam & sunt quæ Æstate, quæ Autumno, & quæ etiam in Hyemem illorum maturitates prorogèt: sicuti nec in his generibus, in quibus & serotini, & præcoces fructus reperiuntur.



Præfatio libri decimisexti.



OLVTIS iam tot circa arbores laboribus, reliquum, ut fructu illarum, propter quos maximè inferuimus, & ceteris illarum munij, quæ ingenita natura vltro nobis absque aliqua cura obtulerunt, fruamur. Ut eos legamus condiamus, & seruemus. Quos non absque magna laticia, cum liberis, coniuge, amicis legimus, & comedimus: & in multos menses adseruamus, & condimus. In quibus verò his duobus extremis, plurima ex antiquis obseruauimus, quorum studium circa hæc per-diligens fuit. Arborum fructus maximum veltigal existimantes & non spernendam annonam fructuum abundantie, quæ sæpe multis annis euenire solet providentes, eos in multos menses condientes, ne hac ratione putrescere aut fatiscere sinerent, quæ nobis annus sua liberalitate elargitus fuerat, inuentis & cogitatis varijs modis. Ut quæ à plurimis diuisim & separatis locis exarata fuerant, in vnum, librum, coniunctis multis capitibus adnexuimus. Sed illorum in hac re eximium ingenium, per multos annos exoletum ac ferè neglectum, quin potius ignorantia, hæc desita & spreta.

Verum horum in his præcepta à multis amplecti iam cæperunt, ut sperem crebrius & auidius amplexatura.

HORTORVM LIBER DECIMVSSEXTVS.



*De vindemia, & quibusdam alijs vocabulis, fructuum
collectionem denotantibus.*

CAPVT I.



LLVD autem prætereundum minimè censui, maximè verò, vt id lectorem scire voluerim, vindemiæ vocabulum, non ad id tempus solùm vuarum delegendarum, verùm etiam ad aliorum quoq; fructuum, & rerum cæterarum, puta ad mellis collectionem. Plinius, Prima mellis vindemia melior. Cùm alijs etiam componitur: vt cùm virgindemiam dicimus, quo M. Varro vsus est in Agathone, M. Marcello referente: Hæc spes est argentaria, ideò scapulæ metuunt virgindemiam. Ficitas etiam dicitur ficorum vindemia: & ficitores, ficuum collectores. Neuius: Ficitores omnes cupiunt ficitatem. Merx est sine molestia. Oliuitas, vel oleitas, tempus idem designat. Antiqui etiam oliuitam, autore Festo Pompeio, dixerunt. Quod vocabulum frequentari, eo autore, debet, quàm aliud, magis. Legulus etiam oliuarum lector. Balanistæ autem dicebantur, glandarij, qui glandem mercede legerent. In quos cauillabantur viatores, proferentes, Alienam quercum excute. Cùm id, quod in quercu decussa superforet, intuerentur. Quod in vicem prouerbij postea versum est. Quo monemur, ad derelinquendum negotium, ex quo nil emolumenti consequi potest. Visum enim æquè priscis fuit, vt horum fructuum legendorum, quorum maior proventus esset, ceu vuar, ficorum, oliuarum, temporis propriam significationem haberent. Sed quia vuarum maior ratio haberetur, vindemiam etiam cæterorum fructuum dixerunt.

De fructuum collectione.

CAP. II.



SCVT maturitatis fructuum in vniuersum arborum tempus vnum ac idem esse non potest, sic nec illorum collectionis, vt vnum atq; certum omnibus assignari commodè non valeat. Ex regionum autem ac locorum habitu, maturitatem variant: vt vnius generis fructus, hîc celerius, alibi tardiùs, colligi debeat. Præcocium verò & fugacium minima cura habenda, quorum etiam cognitu facilior maturitas. Quippe aut gustu, aut tactu, vel colore esui esse deprehenduntur. Maior itaque obseruatio

yy 3 legend

legendorum ferotinorum esse debet, quorum ut plurimum in Autumno collectio est. Ideò Græci illum φθινόπωρον vocant, quòd eo tempore, poma, fructusve omnes, folia quoque quadam mortis imagine decident. Nam certis temporibus Naturæ bona distribuuntur, de quorum nonnullis Ovidius:

*De rem. amor.
lib. 1.*

Poma dat Autumnus: formosa est messibus Aestas:

Ver præbet flores: igne leuatur Hyems:

Temporibus certis maturam rusticus vnam

Colligit, & nudo sub pede musta fluunt.

Temporibus certis defectas alligat herbas:

Et tonsam raro pectine verrit humum.

Nihil enim prodest ante maturitatem colligere fructus:

Lib. 3. eleg. 5. *Quid fraudare inuat vitem (inquit Tibullus) crescentibus vuis?*

Et modò nata mala vellere poma manu?

ὥρα Græcè etiam, pro eo tempore, quo quid in suo vigore est, accipitur, ut ait Suidas. A qua certè significatione Galenius τὸ ὥρας fructum vocat maturum, & suo tempore, quasi sua hora, lectum. Alij ὥρας fructus vocant, qui Canicula tempore enascuntur. Nam sic Græcè Canicula dicitur. Fructus nisi maturi fuerint, nullo modo probantur: ut lector dignoscere debeat, quod acerbum, suaueq; sit. Idem fructus etiam ubi nimio plus ematuruerint, perputrescunt. Quo fit, ut in colligendis ipsis, festinatio, aut tarditas noceat, ut parum eos utiles, aut prorsus inefficaces hæc collectio reddat. Omnes enim ante perfectam maturitatem legi debent. Hac enim ratione diuturniores erunt. Et decrecente Luna, atque sereno cælo. Generaliter enim omnia, quæ carpuntur, innocentius decrecente, quàm crescente, Luna fiunt. Et ut infra terram Luna sit, multi desyderant. Plinius ante lunam decimam sextam, neq; ante horam primam stringi præcipit. Fructus enim ad Hyemem adseruaturi, manu leui, ne tactu asperiore vibrentur, aut vulnus sentiant, interlegi debent. Omne autem pomum, quod in vetustatem reponitur, cum pediculis suis legendum est. Tempus enim malorum colligendorum, Plinius cum videmia esse dixit: quam antiqui nunquam ante æquinoctium autumnale existimauere. Sed iam antè leguntur. Vix enim notis & argumentis vindemiæ tempora demonstrantur, ut certum tempus in omnibus fructibus, ut iam ostendimus, præscribi minimè possit. Scantiana mala cum gelu maturescunt, ad Hyemem usq; in parente pendentia. Tunc enim fructus in multum durabunt, si vegeta sint decerpta. Tarentina pyra ferissimè legi Plinius præcipit. Amygdalæ, legendi tempus fatentur, cum fuerint corticibus spoliata. In omni autem nucum genere, cortex dimissus, maturitatis indicium facit. Quòd si illæ difficulter corium exuant, paleis obrutæ continuo relaxabuntur. Mense Iunio, pineæ nuces leguntur, antequam Etesia venti spirare cœperint, & antequam dehiscente tegumento procidant. Mense Nouembri, glandis colligendæ, & seruandæ cura, nos excitat. Quod opus fœmineis, ac puerilibus operis celebrabitur, more baccarum.

carum. Alia ratio legendorum seminum, præsertim harum arborum, quæ tantum ad semen ortæ sunt, vel ad id solum referuantur: Nam tunc fructus in summa maturitate legi debent. M. Cato, toto anni tempore cupressi, pini semen delegi posse ait. Hæ verò semen viride & maturum habent.

De legibus ob fructuum collectionem latis.

CAP. III.



LATO diuinus Philosophus, aduersus eos, qui alienos fructus surriperent, plurimas leges sanxit: quarum pœnam ex fructuum natura, & hominum conditione mensus est, atq; omnia ex boni æquiq; ratione. Æquum semper ille existimauit, nemini licere auferre quod non deposuisset.

Lege duodecim Tabularum cautum Plinius scribit, vti glandem in alienum fundum procidentem colligere domino liceret. Huius verò legis nulla mentio, quod sciam, in fragmentis antiquorum Iurisconsultorum quæ modò habemus: verum alterius legis duodecim Tab. de pastu pecoris, Iulianus libro decimo Digestorum meminit, qua quis tenebatur ei, cuius glans in suo fundo ab pecore immisso depasta fuisset. Extat tamen interdictum de glande legenda, cuius verba hæc, referente Vlpiano Iurisconsulto, AIT PRÆTOR, GLANDEM, QUÆ EX ILLIUS AGRO IN TVVM CADIT, QVO MINVS ILLI TERTIO QVOQVE DIE LEGERE AVFERRE LICEAT, VIM FIERI VETO. Adeò hoc verum est, vt seruitus imponi minimè possit, vt quis pomum in alieno decerpere possit, testante Paulo libro octauo Digestorum. Et indignum fore, in ea oratione, quam in contentione ad populum habuit Q. Fabius, alium fructum legere sub ea arbore, quam conseruisset, dixit. Adagium est, sub aliena arbore fructum legere. In eos dicitur, qui alienis fruuntur laboribus. Dominus autem IESVS CHRISTVS Mosi præcipit, vt populo Israëlítico item præciperet, vt cum ad terram promissam venisset, atq; ibi arbores seuisset, ne ante illarum quinquennium fructus decerperet. Qui verò quarto anno agnalscerentur, sacros tibi fore, & flaminibus referuandos.

De sycophantis.

CAP. IIII.



VNC videndum, qui sint sycophantæ. Soliti enim fuerant (prodente F. Pompeio) Attici iuuenes in hortos irrumpere, ficosq; delegere. Quamobrem ob frequens furtum, lege Atheniensium cautum est, vt qui hoc committerent, capite plecterentur. Quam pœnam qui persequerentur, quod minimum detrimentum foret, sycophantæ dicti sunt. Aliter Græci autores, maximè Plutarchus, qui interdictum fuisse Atheniensium scribit, ne quid extra Atticam scadas ficos apud se genitas, venales exportaret. Ea causa vti soli Atticæ regionis incolæ his fruerentur vterentur. Qui autem probebant, vel deferebant, sycophantæ appellabantur. Alexis autem iniquè inter improbos, sycophantas recenseri ait: cum & boni viri ad id deligerentur.

rentur. Rhodi autem sycophantæ appellabantur, qui tributa ex ficibus exigerent. Cui muneri non nisi, qui digni haberentur, præsticiebantur. Qui de his etiam iudicaret, sycophantæ dicti. Isocrates Athenas scortis similes esse aiebat, quòd cum his rē habere malebant, quàm cum his matrimonio iungi. Sic peregrini eam urbem totius Græciæ pulcherrimam arbitrabantur, in ea tamen permanere nollent, quòd Athenienses Sycophantæ essent. Aristoteles autem interrogatus, cur Athenas relinqueret (autore Æliano) quòd in ea pyrus supra pyrum, ficus supra ficum confeceret. Sycophantas ibi perpetuò esse intelligens. In loco autem ubi causæ Athenis agerentur, Lycus quidam, lupina specie sculptus fuit. Ad quam statuam sycophantæ pecunia corrupti, veluti apud Deum quempiam, sui quæstus præsidem, versari consueuerant. Ei in dies singulos triobolus consecrabatur, autore Zenodoto. De eo Aristophanes in Vespis, vnde tractum adagium, Lupi decas. In eos, ad quos inhonesti lucri quòta pars, etsi pusilla, rediret. Vel in eos, qui largitionibus essent corrupti, aut alios corrumpere. Aliud adagium, ἀλλ' ἐκ ἐνεσι συκοφάντε δῆματα. Id est, aduersus sycophantæ ictum non est, subaudiendum, pharmacon, id est, remedium. συκάριον Græcorum veteres calumniari dicebant.

De oliuarum maturitate, & tempore collectionis.

C A P. V.



OLIVAM immaturam plus redditus habere, quàm si matura legatur, Iabolenus Iurisconsultus, libro trigesimaltertio scribit. Quod & Plinius autoritate etiam Iurisconsulti, nescio an Iaboleni, testatur. Nam cruda, atque nondum inchoata maturitate, sapore præstantissimo est, & tunc syncerius atq; albius oleum effundit. Quantò enim maturior bacca erit, tantò pinguior succus, minusq; gratus habebitur. Vlpianus tamen etiam Iurisconsultus, libro nono Digestorum, eum lege Aquilia teneri ait, qui oliuam immaturam decerpserit, non eum, qui iam maturam. Nulla enim (inquit) iniuria est, cum tibi etiam impensas donauerit, quæ in collectione huius fructus impenduntur. Cæterum multum refert an maturitas illa in torcularibus fiat, an ramis: irriguane fuerit arbor, an suo tantum succo, nihilq; aliud, quàm cœli rores, imbiberit. Oleitatem autem variè designarunt. Alij à certo anni tempore, etiamq; à siderum ortu. Multi ab fructu, vel natura, vel statu. Quod vltimum certius commodiusq; est, sicut & in cæteris fructibus, propter anni varietatem, & locorum differentiam. Nam omnes expectandam fore maturitatem, nec statim excerpendam falsi sunt. Rationem tamen colligendæ oliuæ bifariam distinxerunt, propter oleum acerbum, & maturum. Quare Columella mediæ oliuitatis tempus esse dixit, initium mensis Decembris. Nam ante hoc tempus, acerbum oleum conficitur, quod vocatur æstiuum: & circa hunc mensem, viride. Deinde postea maturum, quod Hyeme fieri Vergilius scripsit:

Georg. I.

*Sed tamen & quernas glandes tunc stringere tempus,
Et lauri baccas, oleamq; cruentaq; myrta.*

De

De Hyeme antè locutus fuerat. Vindemia facta, oleam rapiendam Plinius scribit. Quod à Vergiliarum occasu agi debet. Alibi ille non expectandam oleam, vt cadat, scribit, nisi his, qui impendium decerpendi desyderant. Nam hærendo extra suum tempus, venientibus alimentum absumit, & locum detinet. Argumentum est quòd nisi ante Fauonium collecta sit, vires resumit, & difficiliùs cadit. Enimvero accelerare collectionem antè, quàm glacies congeletur, decet. Faciliùs enim copiosiores exhibebunt. Illud itaq; certissimum leguli, nihil plus olei post Arcturum fore posse autumant, simulq; tunc nucleum obdurescere. Quo facto, non ampliùs humorem in oleum verti, verùm tunc carnis incrementum succedere. Argumentum etiam est, quòd si imbres copiosi accesserint, hoc pabulo nullum augmentum liquoris suscipi, sed oleum in amurcam conueri: & sæpe fructum ob id putrescere accidit, nisi sequens serenitas corpus exsiccat, atq; attenuet. Calor enim oleum largè præstare potest, si id minus non sit, neq; vehementius. Et, vt vno finiamus, in confesso erit, optimam ætatem ad decerpendum, quum baccæ variare cœperint, & iam nigræ quædam fuerint. Græci *δρυπετάς*, nostri drupas vocant. Plures tamen albæ. Illæ enim plus olei cùm torquentur, emittunt. Nam ex anni definitione, vel syderum vlla significatione, oleitas propter regionum & locorum variam naturam, certa præscribi non valet. Multi certam, certis quibusdam generibus determinant. Plinius initium Autumnii pausiæ diffiniuit opere, non natura, cui plurimum carnis. Mox sequitur orchites, quibus olei multum. Post radius: has enim ocysimè occupat Æstas: quia sunt tenerissimæ, & amurca cogit decidere. Contrà sergiæ, quam Sabini regiam vocant, non antè Fauonij flatum, nigrescens, hoc est ad sextum Idus Februarias. Tunc enim eas maturefcere arbitrantur. Ex his oleum probatissimum.

De collectione oliuarum, & quales leguli esse debeant.

C A P. VI.



ONDE CENS est, vt post designatum maturitatis tempus, sequatur collectio: in qua certè præcipua versatur utilitas, maiorq; , quàm in cæterorum fructuum lectione, ars desideratur, propter olei vel accessionem, vel decessionem, quæ ex tempestiua, vel præpostera strictione fit: vt oliuæ decerptio longè difficilior sit, quàm olei confectio. Quare oportet legulos in hac re, propter olearum maximum, si quod aliud in quacunque arbore desideratur, prouentum, prudentiores fore, vt etiam hanc rem diligentius, ac longius, rei rusticæ autores tractarint. Æquumq; præterea erit, vt de ipsis legulis antè dicamus, quos puros esse oportet, vt Florentinus ait, cùm & ipsa olea pura sit. Et iurare debent quòd à sola propria vxore veniant, & non ab alieno cubili. Hac enim ratione, & in sequenti anno vberius fructum exhibebunt. Sanè in Auzarbo Ciliciæ, pueri casti colunt: vt propterea apud eos fortissima & optima semper sit. In legenda verò oliua optimus præceptor M. Varro fuit, si quis alius è rei rusticæ

z z

præcep

præceptoribus. Oliuam verò, quæ è terra tangi poterit, manibus distringi oportebit, aut scalis. Melior certè ea, quæ nudis digitis delegitur. Quæ enim vapulauit, marcescit: nec tantum olei fundit, quàm quæ manibus stricta fuerit. Ramos etiam glubit, ac etiam ad gelicidium resectos relinquit. Quippe oliuantibus antiquissima lex fuit. Oleam stringito, nèue verberato. Sæpe enim ita percussa, secum de ramulo partem fert. Quaquidem ratione sæpissimè contingit, vt posteriori anno fructum amittant: vt hæc causa sit, quare dicatur, Oliuetum alternare fructus, aut non æquè magnos ferre. Grauior etiam plaga medicum exposcit. Quæ autem manu tangi non poterit, ita quati debet, vt arundine atq; leui ictu potius quàm pertica, feriat. Qui verò quatiet, ne aduersam cadat, præcauere debet. Illudq; maximè attendendum, vt sereno cælo distringantur, non minimè pluuioso. Nam humectum germen imbicillius fit, atq; ita facilius frangitur, nec fructum auferre licet prius, quàm humiditas omnis à plantis discussa sit. Stramenta, aut storeas, aut tale quid, antè sternere, oportet. Quòd si coinquentur, aqua calida lauandæ sunt. Oleam legendam, quomodo locare oporteat, M. Cato docet, & formulâ ipse dat.

*De oporothecis, & alijs vocibus idem significantibus, &
de templo Cereris Micalesia.*

CAP. VII.



Georg. 2.

VTVMNALES fructus, qui maximè adseruantur, opora dicuntur. Ab ὀπώρα Græco vocabulo, quo primùm autumnum illi significant. De quibus Vergilius:

- Et varios ponit fetus Autumnus.

Oporinum autumnalem Martialis de Earino Diocletiaui scribens, libro nono dicit. Apud Aristophanem tamen Græcum lepidissimum comicum poetam, meretricis etiam nomen est, sub cuius vocis æquiuioca significatione, apud eundem iocus festiuus est. Nam seruus, sub meretricis nomine, herum sefellit. His enim verbis dominum interpellat: ἐκὼν βλαβήναι διὰ χρόνον τί σοι δοκῶ ὃ δέσποτα τῆς ὀπώρας κατελάσας: ἐκ ἧν δ' εἰ γε κυκῶν ἐπιπίεις βληχώναν. Horum sensus est: nunquid tibi, ô here, videor Oporæ congressus, noxam corpori contraxisse? Nequaquam si pulegij pulstem superbiberis. Existimat enim herus, seruum malè se habere, propter fructuum autumnalium comestionem, cui remedio esset pulegium, propter eius calefaciendi, & concoquendi vim. Oporice etiam medicamentum illud dicitur, quod ex pomis, arborumq; fructibus conficitur. Oporonem etiam vocamus, qui oporas vendit, emitq;. Pomarios Latine fortè dixeris. Erit ergo oporotheca pomorum reconditorium, ab ὀπώρα & θήκη, repositorium, quod & oporophylacium dicitur: φυλάττω enim custodio est. Et pro hac significatione, merum Latinum erit, pomarium, & vbi etiam pecuaria seruantur, autore Sosipatro Charisio. Oporothecas autem sic locari oportet, vt ad Septentrionem fenestras habeat, quas, vt sereno die, aut aëre perflentur, patere oportet. Austri etiam specularibus arcendi. Aquilonis enim afflatu poma rugis deturpantur, M. autem Varro foriculos, id est, tabulata,

tabulata, quæ poma ferant, in pomarijs esse vult, ne poma videlicet vieta fiant, vbi vento pertinaci humorem amiserint. In loco enim frigido ac sicco, quò neq; fumus, neq; teter perueniat odor, pomaria contabulari commodum præcipitur. Quare, eodem autore, qui oporothecarum cameras, & parietes marmore incrustant, & pauimenta propter frigiditatem sternunt, laudabiliter quidem faciunt. Nam cum calor excoquit, aëris firmitatem percipit, virtutesq; naturales feruidis vaporibus exugit, ac dissoluit, caloreq; mollescentia, & imbecilliora fiunt. Septentrionis autem regio nullo vnquam tempore mutationes recipit, sed perpetuò firma, atq; immutabilis est. Quamobrem Vitruuius, obsonia omnia, & poma, in ea cœli parte locari suadet, quæ sit à Solis cursu auersa. Iuxta Mycalesiam (prodentibus Græcis) Bœoticæ secundum mare ciuitatem, Cæreris, quæ ab illa Mycalesia nuncupata est, templum fuit, ante cuius simulacri pedes, si autumnales expositi fuissent, integri, vegetiq; per anni ferè totum spatium perdurabant.

De fructibus in oporothecis constituendis, & alijs seruandi modis.

CAP. VIII.



CONSERVANDORVM fructuum in oporothecis multiplex ratio, sed frequentior, quæ in tabulatis, aut cratibus. In hoc enim vltimo Palladius diutissimè adseruari scribit. In quibus verò mala omnia, pyra, mespila, loco sicco, vt dictum est. Stramenta, paleas, vel storeas priùs substernunt, alij nucum folia. Rara etenim componi debent, ne alterum ab altero contingatur, vt limites parui, spiritum æqualem accipiant. Illud etiam obseruandum, vt vnumquodq; genus separatim reponatur. Stramentis de superiori parte operiunt. Alij suis arculis, ex sua materia ædificatis, capis etiam mista: quibus hanc vicissitudinè reddunt, vt illis acredinem tollant. Nam cum diuersa genera clausa simul sunt, inter se discordant, & celerius vitiantur. Postea arculæ contegantur, & luto paleato opercula liniunt, ne spiritus introire possit. Plurimum verò durant struthea, scantiana, quiriana, orbiculata, camerina. Melimela autem minimum. Cadiua enim separari oportet, & supradicto modo componi. Alij in arena sicca obruunt. Alij in milio mala cydonia, pyra. Quidam hordei paleis minutissimis tecta seruant. In ipsius autem hordei aceruis, mala omnia, cydonia, citria occultata, & diligenter cooperta, à putrilaginis labe vindicantur. Quæ omnia discreta poni debent, ne tactus vicissim labefaciat. Hæc autem omnia etiam intra hordeum in dolio sic ordinantur, ne alterum aliud contingat. Dolium etiam desuper operiatur. Alij in scobe lignorum odoratorum, puta cedri, cupressiq;, vel etiam populi, abietis, vel alterius indifferenter arboris, sepe etiam ramentis, reponunt. Quippe scobis, vel ramentorum ariditate, defenduntur. Plures singula mala fūco, siue musco marino, seorsum conuoluunt, & vndiq; sic cooperta in olla recondunt, ita ne sese vlla ex parte pertingant. Cydonia in floccis, tomentoq; conuoluta, in cistis deposita, clauduntur. Itidem plurimo tempore, in scobe

zz 2 demersa

demersa custodiuntur. Non autem esse condenda optimè præcipitur, ubi prunorum fructus repositi sunt. Nam sua acredine, & odore, saporeq; acerrimo adiacentia vitiant. Intra sabulonem verò castaneæ inuersæ, & in fictilibus nouis, ne inuicem tangantur, in sicciore loco defossis, & inclusis, vel etiam in receptaculis, ex fagineis virgis contextis, lutatis etiam, vt nullum respiraculum superfit, vel sportis densioribus, & vlua reclusis. Sunt qui filo cumulatim transfixas, & ad ignem torrefactas conferuent. Mala omnia præter cadiua, & pyra M. Varro folijs ficulneis singula conuolui vult, cistisq; vitilibus condi. Seruantur etiam strata in nucum folijs aridis. Nam hoc ad odoris & bonitatem, & iucunditatem plurimum conferre. Alij in eisdem conuoluunt. Quidam etiam cum ramulis suis. Quod sine arboris noxia fieri non potest. Postea in locis opacis & siccis suspendunt. Sorba viridia præstabilius existimant, cum myrti baccis ac ramulis suis componi. Zizipha cum ramulis suis decisa, atque in fronde sua conuoluta suspendunt. Præferuntur, quæ edesina dicuntur quàm gratissima, calore quidem ac humore temperata. Citria Luna latente, cum ramis foliatis carpunt, ac in secreto disponunt. In arbore autem per totum annum custodiri possunt. Alij mala omnia, pyra etiam, picato pediculo suspendunt. Pyra genista religata suspendi Martialis ad Mancinum nos docuit:

Epigr. lib. 1.

Non pyra, quæ lenta pendent religata genista.

Non putrescent mala, si arborum summitates satyrii viridis herbæ succo illinantur, vel, vt voluit Palladius, si viridis lacertæ felle tangantur.

De conseruatione malorum punicorum.

CAP. IX.



OMNES enim modos, quibus mala punica adseruari possunt, vno hoc in loco adferre consentaneum duxi. Qui non parum multi sunt. Nam circa pomi istius diuturniorem custodiam, propter eius erga ægros vim nobilem, ac famulitium in extinguenda siti egregium, nequaquam negligentes antiqui fuerunt, excogitatis ac expertis pluribus rationibus, quo diutius hoc vegetum custodirent. In tabulatis autem, paleis, hordeo, milio, vt cæteris rectè occultantur. In frumenti verò aceruo, in vmbra, donec rugosa fiant. In parente enim sic per tempus seruantur. Singula mala fermentis inuoluunt, & funiculis reuinciunt, gypsoq; vndique diligenter oblinunt, vt ne tumefacta rimam accipiant: & sic in arbore esse sinunt. Alij singula in nouas ollas indunt, & diligenter oclusas ita stabiliunt, ne caudicibus atq; mutuo earum collisu possint confringi: ita & viridibus & adultis semper potiuntur. Quidam pediculos, sicuti in arbore sunt, torquent, ne pluuijs mala rumpantur, & hiantia dispereant, & eo ad maiores ramos religant, vt immota permaneant. Postea arborem restibus sparteis occludunt, ne vel cornicibus, aut coruis picisve, alijsq; auibus, poma lacerentur. M. verò Varro in dolijs seruari dicit, atq; in sua virga, pice circumillita. In olla sine fundo demersa, & in terram coniecta, ne extrinsecus spiritus inflet. Hoc enim modo immatura fieri maiora, quàm vnquam

vnquam in arbore pependerit. Per se tamen ac sine dolio ordinata suspenduntur, picatis pediculis. Mago Carthaginienſis, in vrceo nouo fictili, referente Columella recondit. Primum enim scobem populneam, vel iligneam subſternit: deinde mala ita disponit, vt scobs inter ſe calcari poſſit. Deinde facto primo tabulato, rurfus ſcrobem ſternit, & ſimiliter mala, donec vrceus impleatur. Qui cū fuerit oppletus, operculum imponit, & luto craſſo diligenter obſignat. Item in ſeriola obſignatur. Hæc autem arenas uſq; ad medium continere debet. Mala autem in tenacibus canis ſingulis, vel ſambuci virgultis imponantur, & ita arenis inſigantur, vt ſeparata ſint. Et ab arena quatuor digitis abſint. Hoc ſub tecto fieri poterit, loco ſicciffimo, foſſulæ tripedaneæ. Loco arenæ aliquantum terræ minutæ reponi debet, & rami, vt ſuprà, figuntur. Scrobi operculum imponitur, & paleato luto circum linitur, eaq; humus, quæ fuerat egeſta, ſuperaggeretur, & vtilius erit, ſi cum ramo longiore tollantur. Aliter in ſeriola ſuſpenderentur: cui ad medium aqua immitti debet, ne tamen ipſa humorem tangant. Seriola enim claudi debet, ne ventus forinſecus irrumpat. Sunt qui hæc eiufdem amplitudinis cortice induant, & acutis ſuis ſurculis infixis longa demergunt in foſſa, vt mala, ſine terræ tactu, ſuſpenderent, ne ab humore lædantur. Nonnulli in ſcobe quercina, perinſuſo aceto componunt. Idem Mago creta figulari, dulci, bene ſubacta: ſingula mala incruſtat, quæ poſtquàm occuluerint, incolumia frigido loco ſeruantur. Mox cū uſus exegerit, in aquam dimittunt, & cretam reſoluunt. Hæc ratio, tanquam recentiffimū cuſtodiri. Alij in pice liquida, vel aqua calida immergunt, & protinus erepta, & refrigerata, ſuſpenderent, vel in arena ſicca componunt. Quidam (hæc ratio à multis proditur, maximè ab Apicio) integra in aqua marina, vel muria, lixiuioſe feruente demergunt, vt combibant. Dein ſole per triduum reſiccant, vt ſub dio nocte non permaneant, ne rore nocturno contingantur. Poſt loco frigido ſuſpenderent. Et cū vti volunt, aqua dulci pridie perluunt. Ferunt hæc, pomis recentibus æmulari. Hoc autem in fructuum conſeruatiōe erit, vt multi fructus, quantò diutiùs adſeruentur, eò mitiores ſint. Quod maximè in pomis, & pyris ſerotinis euenit. Alij tamen fructus vetuſtate amarioreſ redduntur, iuglandes, oliuæ, glandes.

De conſeruandorum fructuum in ſcrobibus, & vafiſ, & alijs modis, ratione.

CAP. X.



ELIQVOS conſeruandi modos proſequamur. Adeò enim frugalis antiquitas, arborum fructus, pro quibus tantum laboris exudauerat, & impenſe expoſuerat, conſeruare ad uſum contendit, vt plures modos conſiſſerit. Quare in vaſis & ſcrobibus adſeruari inuenit. Nam & ipſa mala omnia, & fructus ſerè omnes in vaſculis clauſerunt, vt per totum annum cuſtodirent. Ea autem vaſa picatà multi voluerunt, in quibus fructus diſponerent, & poſtea in puteos & cisternas demergerent. Mala verò cydonia priùs cera, mellève illita ſic incluſa Columella etiam in puteos

ac cisternas abscondit. Alij singula singulis fictilibus assignare operosius contenti sunt, vel etiam plura operculo picato, iterum alio includunt dolio, & loco opaco custodiunt. Vel fictilia in scrobe inuersa terra obruunt. Alij in nouas patinas sic ordinant, vt altera alteram non contingat, & gypso sicco obruunt, & in scrobe, subiecta arena duum pedum altitudine, effossa, aut in floccis, capsisq;, quas luto paleato illinunt. Quum autem scrobibus demergunt, hoc vnum in vniuersum erit, vt vno, pluribusve scrobibus, pauciora vasa inter se disponere sit. Nam in exemptione eorum, dum aliud tollis, si reliqua commoueris, celeriter vitiantur. Apuleius verò conseruari mala hoc experimento didicit. Vas enim non picatum, & in fundo perforatum, malis manu decerptis, incolumibus, non inueteratis, explebat, & illud myacantha, aut alio obturabat, ac in quancunque arborem suspendebat. Hac etenim ratione, per totam hyemem qualia iniecta fuerant, conseruabat. Mala omnia, citria quoq;, nonnulli folijs integunt: quæ multi ficulnea malunt. Deinde argillosum lutum, aut cretam figuralem cum pilis subigunt, quidam cum amurca, vel vino: & ea mala linunt. Quæ cum sole assiccata fuerint, si iterum rimam creta fecerit, denuò linunt, postmodum in tabulato reponunt. Hoc enim sine folio conficiunt. Alij cum expostulauerit vsus, fracto luti tegmine, qualia fuerint indita, inueniuntur. Ex his autem cotonea melle incoquant, atq; ea intercludunt, omni spiramento adempto. Pyra verò Palladius in vase picato, operculo diligenter operto, disponi, & illud in arcta scrobe, iuxta profluentem obrui. Quæ verò carne cuteq; duriora sunt, prius in acervo iaci, quæ postquam mollescere cœpissent, in vase fictili bene picato componi, operculoq; dein bene gypsato in breui scrobe, quæ in eo loco esset, demergi, qui quotidie sole lustratur.

De conseruandis minutulis fructibus, vt nucibus.

C A P. XI.



MESPILA legi nedum mitia debent. In arbore diu durant, & ibi longè post hyemem legi possunt. Tunc enim esus iucundissimi sunt. In vrceolis etiam picatis, aut in ordinem suspensis, custodiuntur. Sorba alij in vasis fictilibus, picatis, gypsato operculo, inuersis in scrobibus duum pedum in loco aprico superinducta terra defodiunt. Cerasia ante Solis ortum collecta, in vas, substrata satureia conijciuntur: dein alternis vicibus, & cerasia, & satureia. Nonnihil acidi mellis aliquantum dulcescentis infunditur. Seruantur itidem arundinum interiectis folijs, alternatim in eum modum, & in cado dispositis. Tuberes etiam, in vrceolis picatis ac oblitis conseruant: & etiam Zizipha. Si verò recenter tecta poma, vini veteris guttis perfundas, efficitur, ne ea rugarum contractione deformentur. Optimè etiam adseruantur, si acu & filo, vt orbes deprecatorij insuantur. Myrti enim baccæ, in vasa non picata coniectæ, & coopertæ, ad multum tempus habebuntur. Amygdalæ sine hominis cura faciliter seruantur, quas si in paleis reposueris, facillè decorticabuntur, & corium dimittent.

tent. Si enim hæ muria lauentur, candidæ fiunt, & incolumes, plurimumq; durabunt: mox siccantæ seruantur. Prænestinæ nuces in ollis, in terra, virides adseruari traduntur. Pinci nucleï, nisi purgati fuerint, durare non possunt (autore Palladio) multi tamen in valis fictilibus, nouis, terraq; repletis, cum suis operimentis deiectos custodiri asserunt.

De siccandis fructibus, & rosæ conseruatione.

CAP. XII.

DE siccandorum fructuum, magna, absque impensa vlla, paruo labore vtilitas, rusticorum non minimum per hyemem edulium, muliercularum opera. Pyra autem granis purgata, in sole resiccant, ac reponunt. Quæ autem dulcissimi saporis sunt, mediocriter matura leguntur, & in duas trësve partes, arundine, vel osseo cultello diuisa, in sole, donec arefcant, ponuntur. Pruna recenter lecta, in muria, vel aqua marina demergunt, & in tabulis expansa, in furno, vel sole desiccant. Persica detractis ossibus in sole siccantur, ac seruantur. Cerasia, in sole, vsq; ad rugas siccata seruantur: siccantur etiam in molliusculo ignis feruore, in furnis. Sorba in partes secta, in sole siccantur, atq; in vasculis, in hybernium tempus ponuntur. Cum autem vti volueris, aqua feruenti macerantur: sapore enim iucundo reuirescunt. Et vt ad minora descendamus, & ad ea quoq; quæ magis ad voluptatem, quàm ad vtilitatem spectant, ad rosæ scilicet seruationem: in qua vitam, vigoremq; permanere aiunt, si in amurca sic immergatur, vt humor extet. Alij, vt diu conseruetur, hordeum vsque dum in herba est, cum radicibus euulsam, in fictile nequaquam picatum demittunt, atq; in eo rosam prius, quàm dehiscens sese pandat, operiri præcipiunt. Multi virentis hordei segetem loco pauito sternunt, & in ipso ipsas rosas recondunt. Sunt qui recentium alabastro turgentes calyces, in adolescentis arundinis ventre, facta rima claudunt, & fissuram papyro chartaue ita molliter obligant, vt aura vapore possit expirari.

De siccandis ficibus.

CAP. XIII.

MVLTVM honoris inesse ficibus Plinius ait, quòd laudatæ, in capsis custodiantur, atque vbi copia abundauerit, impleantur arcæ: in Asia verò cadi. Nempe, inquit Columella, aridæ, & sepositæ, rusticorum cibaria adiuuant. Quare plurifariam adseruare, curauere antiqui, vt huiusce rei multiplex, atque varia à priscis ratio tradita sit, propter huius non minimum commodum. Primum enim seruandas, neq; nimium vietas, neque immaturas, legi debere oportebit. Vt antea de causa siccandorum videndum sit. Cuius quidem ratio bifariam docetur. Multi enim furno reclusas, alij in sole expansas desiccant. Sed quæ furno adsiccantur, duriores efficiuntur, quàm si foris exemptæ refrigerentur. Nam in furno, vi caloris, totus humor euaporatur. Foris autem aer circumferens, contrahi humorem, emanareq; prohibet. In sole autem hoc modo alij siccant. In eo enim

enim loco, qui die sole perlustretur, pali quatuor in terram defiguntur, ut quatuor inter se distent pedibus: quibus iunguntur perticae, & his cannae, in hunc usum praeparatae, iuges supponuntur, ita tamen ut ab terra pedibus duobus absint, ne humorem, quem fortè noctibus humus remittit, fici iniectioni trahere possint. Deinde crates pastorales, culmo, carice, filicive contextae, ex utroque latere super terram, cum sol in occasum vergit, eriguntur. Inter se verò accliuēs, testudinato tecto, tuguriorum more, uti marcescentem ficum, à rore interdum, pluuiave defendant. Nam utraque res praedictum fructum corrumpit. Postquam enim, ut conuenit, aruerit, calentes atque meridiano tempore, in orcas bene picatas, condere, ac diligenter calcare, oportet, subiecto tamen arido sceniculo, & vasis repletis iterum superposito. Quae statim operculare, & oblinire, ac in horreum siccissimum reponi, quod melius ficus perennet. Ceteri verò minori opera, interdum in cratibus expansas ad solem locant: noctu verò propter rorem, sub tecto reponunt. Hocque pluries, quoad satis desiccantur, efficiunt. Alij mediocriter maturas ac diuisas, in cratibus expandunt, toto sole exsiccandas. Nonnulli pinguis simam quamque fidorum viridem eligunt, & arundine, vel digitis, diuisam, dilatant, atque in sole patiuntur arescere. Quas deinde bene siccas, meridianis temporibus, quum calore Solis emollitae sunt, colligunt, & ut mos Hispanis & Afris est, inter se compositas in figuram flosculorum, stellarumque comprimunt, in formam panis redigentes. Tum rursus in sole assiccant, & ita in vasis recondunt. In furno autem desiccandi ratio talis à Palladio perhibetur: in cratibus ficus expanditur, & ad solem usque ad meridiem exponitur, & adhuc mollis in furno post exemptum panem includitur, cratibus, ne ardeant, suppositis lapidibus. Deinde quoad desiccetur, furnus clauditur, & adhuc calida in vas fictile, picatum, densè, pressèque conditur. Quod operculo diligenter obducitur. Plures candente muria ex oleo in sole rigant, & noctem unam roris imbre sub dio conspergi, & vase luto conlito cludunt, & in cellas deferunt. Quod si propter imbres ad solem exsiccari minimè datum sit, sub tecto ea, ut à terra semipede extent, locabis, cineremque calidum, qui Solis vice euaporabit, subijcies, ut fructus, ubi diuisus est, subinde vertatur: ut coria desiccantur, & pulpae replicentur, & postea cistellis, & oculis referuentur. Quidam lectis ficis, ut prodit Columella, pediculos adimunt, atque in sole expandunt: ut cum deinde paulum exsiccatae fuerint, & antequam induerint, in labra vel lapidea, vel fictilia, eas congerant. Tum lotis pedibus, in farinae modum proculcant, & torrefacta sesama cum aniso Aegypto, & semine sceniculi & cymini, admiscunt. Haec autem cum bene conculcauerint, & totam massam fici comminutae permiscuerint, folijs ficulneis, modicas offas inuoluunt, ac iunco religatas, qualibet herba, offas in crates proponunt, & siccare patiuntur. Deinde cum peraruerint, picatis vasis condunt. Nonnulli hanc ipsam fici formam, orcis sine pice includunt, & oblita vasa, clibano vel furno torrefaciunt, quo celerius omnis humor excoquatur. Siccatam verò in tabulatum reponunt. Et cum exegerit usus, testam comminuunt. Namque induratum fici massam aliter eximere

mere non possunt. Pompeiana verò ficus ad annuos vsus cum marisca optimè desiccantur. Vasa fictilia amurca, autore Plinio, inungi, in quouis ficum aridam libeat asseruare.

De tempore condiendorum fructuum.

CAP. XIII.



RYCTVVM condituram, in sexto gradu animaduertendam esse, M. Varro præcipit, propter eius vtilitatem: vt hac præcipuè ratione, arbores, maximè serotinas, & eas, quarum fructus conditura, præsertim diu adseruare possumus, seramus: aliàs inanis, & superuacuu labor, atq; deperdita impensa foret. Etenim cum conditorum fructuum multitudo est, non minimam cibariorum partem per hyemem, rustici vendicant. Nam pro pulmentario cedit. Nemo enim, inquit ille, condit fructus, nisi vt promat. Et post promunt condita, aut propterea quòd sint tuèda, aut quòd vtenda, aut quòd vendenda. Ea, quæ dissimilia sunt inter se, aliud alio tempore tuendum & vtendum. Nunc autem ferè desita, atq; penes seplasiarios solùm cognita, ac in totum relegata. Primùm itaq; erit, vt de eius tempore differamus. Per messem enim, & ea finita, ac per primum Augustum, fructus (vt voluit Columella) condiri oportet. Quod tamen tempus, secundum regiones obseruandum erit: vt priùs in calidissimis, cum ibi celerius maturescant: Serius verò in frigidissimis, vbi tardiùs ad frugem peruenerint. Pruna onychina, vt Columellæ placuit, item syluestria, circa messem condiuntur. Verùm omnes antè, quàm omnino maturescant, vt neq; omnino acerba sint, neq; ad iustam maturitatem peruenerint. Quique enim fructus condituri sunt, diligenter, cum leguntur, inspiciendi sunt, vt integri sint, sine vitio, sine vermiculo.

De condiendis in melle fructibus.

CAP. XV.



RIMA itaq; condiendorum fructuum cum melle ratio erit. Nempe illud percipiendum erit nullum pomi genus esse, quod non possit melle seruari. Porro ea mellis natura est, vt vitia coërceat, nec serpere vltra illa patiat: vt etiam si in his vermiculus insit, non ampliùs tamen corrumpantur, cum eum liquorem imbiberint. Mel enim exanimu hominis corpus, per annos plurimos innoxium conseruare valet. Sed de natura mellis aliquando plura. Alij enim mala omnia, & inter hæc maximè orbiculata, festiana, melimela, matiana, pyra etiam, ac mespila. Sed si minùs integra collegeris, eadem in melle dimittunt. Multi tanna, vel ebore in tres, quatuorve partes diuisa, ac sublati quæ in medio sunt omnibus: in vase fictili, in melle obruunt. Persica duracina, osibus exemptis, melle condiuntur, grata, ac iucundo sapore, quæ itidem bene seruantur, si vmbilicus pomi, pice calenti oppleatur, vt sic in vase concluso sapiùs innatare cogantur. Mala cydonia (inquit Apicius) sine vitio cum ramulis & folijs condes in vas, & suffundes mel, & defrutum. Ficum recentem, mala, pyra, cerasia, cum petiolis diligenter legito, & in melle ponito, ne se contin-

A gant.

gant. Hæc ille Cydonia aliter Columella, nihil enim certius habuit, quàm vt maturissima, integra, sine macula legerentur, & in lagena oris patentissimi, deterfa, quæ malis inest, lanugine, leniter ac laxè componerentur, ne collidi possint. Deinde' cùm ad fauces vsq; composita fuerint, vimineis furculis, transuersis modicè mala comprime, ne patiantur ea, cùm liquorem acceperit, subleuari. Inde optimo & liquidissimo melle, vas vsq; ad summum ita repleatur, vt pomum submersum sit. Hæc ratio non tantum mala ipsa custodit, verùm etiam liquorem multì saporis præbet, qui sine noxa febricitantibus interdum dari possit, præsertim, si ventris profluuiò simul corripiantur: suoq; subacido gustu iuuante palatum, morosam abigit malaciam. Is vocatur melimeli. Hac ratione etiam corna, quæ condienda Columella præcipit, quibus pro oliuis vtamur, vel in fuccharo eius vicario condiuntur, etiam in fece vini. Ouidius in Oëtauo Metamorphoseos:

Conditæq; in liquida corna autumnalia fece.

Sed cauendum est, ne quæ in melle custodire volueris, immatura mala condiantur: quoniam cruda si lecta sunt, ita indurescunt, vt vsui minimè sint. Martialis afferebat se expertum, nuces virides, tantùm suis putaminibus liberas, melle demergi, & post annum virides esse, & ipsum mel medicabile fieri, vt ex eo potio, arterias, & fauces curare possit.

De alijs condiendi præterquam ex melle modis.

C A P. XVI.



PERSICA duracina, alij muria vel oxymelle condiunt. Postera die exime, & diligenter spongiabis & colabis in vas, cum sale, aceto, & satureia. Pyra volema, anitiana, sementina, in sapa bona diu adseruari tradunt: itidem mespila, & sorba. Hæc autem in defruto commodè, adiecto spissamento sceniculi aridi, quo ita deponantur, vt ius supernatet, & operculo picato claudunt gyplato: ne spiritus introire possit. Illa etiam in posca, vel cum pediculis semimatura lecta, atq; salsa aqua per dies quinq; macerata, vt postea sæpe infundantur, vt enatent. Quod autem ad pyra attinet, aliqui aquam salsam, cùm calida cœperit vndare, despumant: in qua iam frigida facta, pyra demergūt, post exempta, postq; exiguum temporis, vrceo condunt, illitoq; eius ore custodiunt: vel diu, noctuq; in frigida salsa manere patiuntur. Post, in aqua pura biduo macerant. Deinde sapa, vel passo, vel dulci vino merfa, seruant. Pruna omnia, damascena quoque in cadis musti, vinive optimè conseruantur, vel vini fece, defruto, passove, vinaceis etiam: vt suum genus quodq; separata inuicem iaceant. Vinum, in quo enatant, odoratius redditur. Alij ollis componunt, quas in dolijs submergunt. Nucipruna & cerina ac syluestria, & persica, per Autumnum cadis condita, vsq; ad alia nascitura, ætatem sibi prorogant. Pruna onychina, adhuc solida, nec maturissima legenda sunt, nec nimium cruda. Deinde vno die in vmbra siccanda, tum æquis partibus acetum, & sapa, vel defrutum misceatur, & infundatur. Salis autem aliquid adijcere, ne

verum

vermiculus, aliudve animal, innasci possit, oportebit. Commodius seruantur, si duæ partes sapæ cum aceti vna parte misceantur. Vt autem mora diu perdurēt, hoc modo faciendum: Succum ex moris exprimi oportebit, & cum sapâ commisceri, infundiq; simul cum moris, in vase vitreo. Hoc enim modo diu conseruabuntur. Myrtæ virgæ, cum baccis, & aliud quoduis genus, & ramuli ficulnei cum folijs, sic conseruantur. Inter se enim conligari in fasciculos debent: quos in amurcam demitti, & vt suprà sic oportet. Verùm quæ demissurus eris, paulò acerbiora sumito. Vas autem quo condieris, planè oblinito. Ferulæ caules (autore pedario Dioscoride) condiuntur. Plinius ait eius semen anni spatio in vrceis durare posse, præsertim verò eius, quæ corymbia dicitur. Palmæ Thebaidis fructus extemplò in cados conditur cum sui arboris anima: ni ita fiat, celeriter expirat, murescitq; non retostus furnis. Theophrastus solum illum, qui in valle Syriæ nascitur, recondi posse scribit. Nam qui in Ægypto, Ciproq; atq; alibi prouenit, recens omnis consumi. Interest autem quanto tempore fructus conditos promamus. Nam vetustate quidam insipidiore, ac deteriores fiunt. Alij enim senio mitescent, ac dulcescent. Nuncem verò iuglandem, palmulam, ficum, sabinam, quantò citius promes, iucundiore sapore vteris. Nam vetustate ficus fit pallidior, palmula carnosior, nux aridior, rancidiorq;. Natura quædam etiam ostendunt, quando ad vsum depromi oporteat. Et inter pensilia, mala & sorba ipsa patefaciunt, colore in aliquibus mutato. Quædam etiam si non demiseris, ad deiiciendum sponte sese descensura minitantur. Sorbum maturum mite conditum promi citius debet. Acerbum enim suspensum lentius mitescit, quod prius maturitatem domi assequi vult, quàm in arbore nequit, vt inde promatur ad escam. Querit Aristoteles, cur fructus non conditorum myrtorum folia potius quàm non conditorum & in alga reseruatorum decidant. Nam fructus peracta decoctione, flaccescunt, & decidunt. Quæ decoctio in conditis & repositis agi non potest. Algæ itaq; vapor prohibet, ne fructus humor immutetur. Folia enim cum siccant, resoluunt. Quod efficit alga, cum vim balsam, ideoq; exsiccandi, habeat. Ergo non idem folijs arbori adherentibus accedit, quod conditis.

De condiendis ficibus.

CAP. XVI.



FICUS virides, iniquiente Palladio, adseruari vel in melle possunt, ordinatæ, ne se inuicem contingant: vel singulæ, intra viridem cucurbitam clausæ, locis pluribus, vnicuique cauatis, & tessera, quæ secatur, inclusis. Suspendi enim cucurbita, vbi neq; ignis, neq; furnus sit. Multi ficus recentes lectas minùs maturas cum pediculis in nouo vase fictili separatas recludunt: quod vas in dolio vini pleno natare permittunt. Alij calicem vitreum, aut aliud quoduis perspicuum poculum, super ficus leniter inuertunt, & obducto cera spiramento, ita relinquunt. Hac ratione immaridæ permanere. Subtile est, quod docet Paxanus, vt aridas ficus, quas vocant ischadas, à putrilaginis, & alio cariosæ labis sensu, vindicari posse,

A 2 & int

& integras permanere : si tres liquida pice imbutæ fuerint , & vna inter cæteras in fundo vasis, altera in medio, tertia in faucibus superponantur. Fici aridæ , integræ , in vase fictili optimè condiuntur. Debet autem vas amurca decocta inungi. Thasia dicitur tabula ex calamis contexta , in qua refrigerantur ficus: alij pro ficuum aceruo ponunt.

De condiendis oliuis , & primùm de caducis.

C A P. XVII.



MARCVS Cato, cum cuiusq; partis agriculturæ perdiligens autor fuerit, tum maximè fructuum condituræ, atq; præcipuè oliuarum, vtpotè quarum conditura vberior, & amplior esse debeat, tanquam familiæ magis necessaria : cuius etiam caducæ pulmentarium sit. Quas plurimas condi, idem ille antè præcipit, post intempestiuas, vnde olei minimum fieri possit. Nunc verò sicut olim genera quædam conuiuiorum epulis præparabantur : verùm diuersa est illarum conditura, vt secundum etiam genera varientur. Nanq; alia in cadiuis, alia in lectis, alia in albis, alia quoq; in nigris: vt secundum condiendi modum, nomen etiam accipiant, vt colymbandes. Sed primùm de caducis dicendum : circa quæ propter illarum casum, nulla collectionis, neq; temporis, ratio habenda. Has verò, quæ rugis contrahentibus crispæ sunt, colligis, & sale trito asperfas, donec inarescant sole, expandis. Tunc strato cratibus lauro, baccas dein ordinabis, & pluries inuertes, vt vndiq; desiccantur. Demum aquam, tribus aut duabus vndis, cum defruto, & satireiæ fasciculo feruefactam, & post tepefactam, iniecto paululum sale cum origano superinfundes, & ad vsum recondes.

De conditura albarum oliuarum.

C A P. XVIII.



TEMPVS autem condiendarum oliuarum mutare oportet. Nam & aliud in albis, aliud in nigris desideratur. Quod & in omni genere obseruandum erit. Nam & omne & quodque hac ratione condiri potest. Sed vt antè de albis, quàm de nigris, tractemus, ratio exigit. Nam prius albescent, quàm nigrescant. Hoc autem summæ maturitatis est, illud verò virescentis adhuc oliuarum signum. Quod circa vindemiam esse debet, autore M. Catone. Lectam enim albam oliuam, priusquàm in aquam calidam deijciatur, contundunt. Crebrò autem aqua mutari debet, & vbi satis macerata est, exprimi debet. Post in fideliā, cum fœniculi & lentisци ramusculis, & cocto modicè sale, permistam recondunt, & mustū quàm recentissimum infundunt : tantundem enim aceti, quantum musti, addi debet. Deinde fasciculum viridis fœniculi immergunt, vt oliua promatur, ita tamen vt ius superemineat. Ea verò sic curata, tertio die vti poteris. Posias autem, vel regias quàm candidissimas eligunt, deinde subtrato arido fœniculo, in amphoram conijciunt, atq; lentisци ramusculos, nec tannus fœniculi intermiscunt. Cum autem ad fauces vsq; amphora repleta fuerit,

fuert, duram muriam adijciunt: ac spissamento de arundinum folijs facto, vti infra ius mergatur, premunt: & iterum muriam duram, dum ad summum amphoræ labrum deuenit, infundunt. Alij aqua marina, ad dies sex macerant: deinde in vas mittunt, & recens mustum superfundunt ita, ne omnino vas repleatur, ne videlicet in illius feruore effundatur. Quod vbi efferbuerit, obliniunt. Cæteri vinacia recentia priusquam exprimantur, vnâ cum oliuis vicissim interpositis in vas condunt, deinde oblinunt. Nonnulli contundunt: sed acuta arundine infecant, id quidem operosius. Quod apprimè obseruandum erit, non ferro, ne saporem insipidum concipiat. Hæc etiam candidior est, quàm quæ ex contusione liuorem contraxerit. Quidam verò siue contuderint, siue infecerint, modico sale cocto, & prædictis seminibus immixtis, sapam deinde vel passum infundunt. Oliuam autem pauseam cum iam decoloratur, & antequàm mitescat, cum petiolo legunt, & in oleo quàm optimo seruant. Hac enim nota, viridis, etiam post annum, oliuæ saporem repræsentat. Plures etiam cum de oleo trito exemerunt, aspersam sale pro noua apponunt.

De condiendis oliuis nigris.

CAP. XIX.



NON de nigrarum conditura, quæ vbi iam nigruerint, nec tamen adhuc permaturuerint, legendæ sunt, & lectas cribrare, & quæcunq; maculosæ, seu vitiosæ minoris videbuntur incrementi, secernere oportet: deinde in singulos oliuarum modios, salis integri heminas ternas adijcere, atq; in vimineos quallos confundere, copiose superposito sale, vt baccas contegat, atq; sic triginta dies confudescere pati, & ita omnem amurcam extillare. Postea in alueum diffundere: postremum in vas adijcere, & illud sapa defrutove replere, aridi scæniculi spissamento superposito, quod oliuam deprimat. Alij lectas, & compositas, muria diluunt, atque in ollam deijciunt, & mellis partes duas, defruti dimidiam, vini vnâ. Quæ vbi simul omnia deferbuerint, abijciunt, & acetum miscent, ac permouent, & vbi refrixerit, origani surculos sternunt, vt liquor superabundet. Multi autem cum pediculis legunt, & aqua tribus diebus aspergunt: post per duodecim dies in muriam dimittunt, & exemptas in vas cum aceti & musti æquis portionibus deijciunt: & repletum vas ita operiunt, ne aliquod spiraculum superfit.


Colymbades, qualiter fiant, & de Epiryro.

CAP. XX.



COLYMBADAM sic fiendam Columella docet. Maturam oliuam in statura colymbandæ factam, de muria tollito, & spongia tergito: duobus, tribusve locis viridi canna scindito, & in aceto triduo habeto, quarto verò die spongia extergito, & in cacabum, aut nouum vrceum, substrato apio, & modica ruta, mittito: dein concisis pleno vase oliuis, defructum vsq; ad os mittito. Post dies viginti vttere. Palladius sic: Oliuas muria per

triginta dies macerant : pòst vniuersam fundunt , & duas defruti partes, aceti vnam, cum mentha minutè incisa vasculo adiungunt: quod oliuis replent, vt iusta infusione liquor supernatet. Epityrum album, nigrum, varium, ex albis, varijs, nigris oleis sic faciunt. Ipsas condito, addito oleum, acetum, coriandrum, cyminum, fœniculum, rutam, mentham. In orculam condito, vt oleum suprà sit. Oleas albas celeriter promi M. Varro vult. Alias propter amaritudinem illas respuit palatum. Plures alij condiendarum olearum modi, apud Columellam, Palladium, & ceteros huius farinae autores, & etiam certi secundum sua genera. Ex quibus ego ipse tantum hæc selegi, quæ unicuique generi communes esse possunt. Peculiares autem parum necessarios arbitratus. Quandoquidem olearum genera neque omnia, neque multa, omnibus nota: sed & nomina etiam iam desita. Columellam autem maximè sum secutus, quòd de his præter alios & diligentissimè, ac copiosè, atque elegantissimè scripsit: vt modestius à me factum foret, si post tam grauem scriptorem omnino filuisssem. Quod facere decreueram, ni in generali arborum historia nonnihil deesse reformidasssem: ni etiam lectorem super huius rei, in conquirendis libris, cognitione, remorari vererer: vt etsi non amplè, saltem in aliquo iuuarem. Multa tamen de industria à me præterita, vt quemadmodum sampsa, syrappa, fieret: quæ apud Columellam libro duodecimo inuenire est.



Præfatio libri decimiseptimi.



HORTOS meos firmo munimento, addita arborum descriptione, & illarum natura iam satis vallasse existimaueam, verum ampla arborum historia, eò nos volentes vltro protraxit, propter illarum ingentem utilitatem, vt de cadenda illarum materie, etiam differeremus. & iam mortuas honoraremus & nobiscum domesticas haberemus. Et si operosum nobis quidem, ac perdifficile foret, nihilominus tamen propter illarum circa rem cum domesticam tum publicam utilitatem incundum: vt nobis providens natura, vbi iam fructibus suis nos aluissent, etiam post mortem, non minimo nostro commodo inferuirent. Ad quam rem maximè syluestres idonea, vt quod in vita præstare non poterant, hac re urbanis infirmiores, his tamen post vitam superiores. Inter eas enim res, quibus humanum genus indigeret, secundas habitationem obtinere, diuinus Plato, in sua republica, asseruit. De sylvarum

*sylvarum in prima atate domicilijs , post de domibus , casas veriùs
dixerim , qua sine libella , sine regula & perpendicularo prius structa
absque sectis lapidibus suprà dictum. Verùm post augescēte homi-
num luxu atque ingenio , non quauis materies ad id prostrata , ni inter
tot genera , rarior , pretiosior , diuturnior , lucidior longis itineribus , exqui-
reretur. Quibus sumptibus legislatorum aliquot edictis , olim proui-
sum. Nam apud Lacedamonas , lege à Lycurgo lata non nisi securi
fermâ , tectâ & fores , elaborari , permissum fuit , uti leuiori artificio ,
hebetiori ingenio , atq; minori impensa , ædificia struerentur erigeren-
tur. Ut hac causa simpliciorem pristinorum statum retinerent , quò
innocentiùs ac sanctiùs viuerent. Quòd postea exemplo docuit Leon-
tychides. Spartanorum Rex. Cùm enim is in Asia esset , & illic con-
tignationes , ex quadratis trabibus leuigatas , introspectisset , ædium
dominum percuntatur , An apud ipsos quadrata materies nasceretur ?
Quod ille negauit. Cur igitur (inquit) si rotunda est , quadratam fa-
citis ? Nam hic pro vetere suorum modestia , priuatam domum ad
necessitatem , non ad voluptatem delicias fore exædificandam arbi-
trabatur. Verùm subsequente hominum cupiditate ac luxu inde pro-
gressum ut magnificentia gratia ingentes structiones erigerent quibus
ceteras res sumptu seperarent magnificentia precipuam partem arbi-
trantes , ut quasdam arbores ad hæc creasse naturam existimarent , &
ferè omnes , quæ parum fructu valent , ut cedrum cupres-
sum & ferè pinei generis omnes , ut hæc ad ædifi-
cia non modò vtilis , sed ad alia multa
opera domestica. De quarum
artificium infra
docebitur.*

HORT



HORTORVM LIBER DECIMVSSEPTIMVS.



Arborum caesores, & de preparatione materiei ad templum Hierosolymitanum, & de hoc vocabulo, ligneus.

CAPVT I.



PVD antiquos non parum laudati, qui optimi materierum caesores fuissent, quales quondam fuisse memorantur Sidonij. Cuius testimonium ex sapiente Salomone Hebræorum & Syriæ ditissimo Rege fuit. Exædificaturus enim molem illam templi dominici apud Hierosolymam, & regiam ad Iromum Regem Sidoniorum literas misit, ut illi caesorum suorum opera uti liceret, quod ille liberaliter concessit: fuerat enim parentis Dauidis amicissimus, obtinuitq; octuaginta milia hominum, qui in monte Libano cedros, cupressus & abietes cederent. Prius enim epistolam ad Vaphrem Ægypti Regem miserat, à quo id deposcebat, à quo etiam similem numerum impetrauit, & ad suam epistolam rescriptionem Iromum nonnulli, Suronem vocatum scribunt. De hac re Iosephus in antiquitatibus. Munerum etiam vacatio his, qui arbores cederent, tributa fuit, autore Callistrato Iurisconsulto. Cum ij magno Reipublicæ usus esse, dignoscerentur. Ad multa enim opera & penè infinita Reipublicæ necessarij. Et ut paulo remotius materiam attingamus, Seruius in commentarijs Maronianis, M. Varronem memoriæ mandauit antiquos fœtæ mulieri deos tres, custodes adhibuisse, ne Syluanus scilicet, in domum ingrederetur, ne molestiæ item esset. Quorum significationis causa, homines tres, domus limina noctu circuibant. Horum igitur primus, limen domus securi percutiebat, ut denotare vellet, arbores absque ferro nec cædi, nec putari. Alter vero cum pilo, cum far minimè sine pilo conficeretur. Tertius deuerrebat, ut potè quod fruges absq; scopis, non coaceruarentur. Ut his quidè culturæ signis, cuius Syluanus Deus haberetur, intrare prohiberetur, & ab his tribus deos illos Intercidonem, Pilumnum & Deuorream, vocitarunt propter arborum duram materiem. Autores quidam hoc vocabulo, ligneus, ad plura usi sunt. Catulus Furiam eius nouercam ligneam vocauit, & Lucretius amatorum corpora lignea dicit. Ille propter nouercæ dueros, & asperos mores, hic propter labores ingentes, quos facillè ferunt amantes.

*De cædenda materie, & qua anni parte, & decortica-
canda materie.*

CAP. II.



MVLTVM sanè refert, quonam tempore arbores cædi oportet. Futurum enim, vt si tempestiuus cæsa fuerint, diuturniores, & aternæ magis sint, firmissq; perissent, atque à carie, ac tineis protegantur. Vt hac denique ratione in longum magis tempus ædificia permansura sint: vt propterea in longum tempus nobis, liberisq; nostris, ac reliquis successoribus tum priuatim, tum publicè ad arcium firmitatem, diuturnitatemq; perdurent: quibus etiam res cùm priuata, tum publica, magis, magisq; sustentetur. Quod non segniter fabri materiarij præcauere debent, vt maiori certè ratione in hac re tempus, astrorum etiam casus, & ortus, obseruari non minùs studiosè debeant, quàm cùm ipsas arbores aut serimus, aut inferimus. Nam, vt ait Maro,

Nec frustra signorum obitus, speculamur, & ortus:

Temporibusq; parem diuersis quatuor annum. Antè enim dixerat:

Aut tempestiuam syluis euertere pinum.

Georg. I.

Quando scilicet conueniret. In hac enim maximè re inuigilandum: ne temporum neglecta minima obseruatione, ingentes arbores, longissimo tempore adultas, tanquàm ad pulcherrima ædificia, ad arces, ad moles, deniq; ad mortalium domicilium, & tuitionem asseruatas enodes, raras nonnunquam & pretiosas materie, ita facilè pessundare valeamus: ne tantos Naturæ conatus irridere videamur, non leui etiam iactura: quando, vt inquit Vergilius,

Hoc ubi non à stirpe valent, casæq; reuerti

Possunt, atq; ima similes renouescere terra,

Infelix superat folijs oleaster amaris.

Georg. 2.

Cædendæ igitur materie, duplex temporis habenda ratio. Anni videlicet, & Lunæ. Sed de primo priùs dicendum, & quibus securis aufert corticem. Ab Arcturi enim occasu, & ante eum fidiculæ, vel seriùs à Bruma ad Fauonium cædi; tempestiuum. Vere etenim arbores omnes, prægnantes fiunt, & suas vires in frondes, floresq; atq; anniuersarios fructus experiuntur: vt tum ad materiem imbecillè & euanidas esse oportet. Quod utiq; etiam in corporibus muliebribus est, vt à conceptu vsq; ad partum, neq; sanæ, neq; fortes iudicentur. Tunc enim plantæ temporum necessitate, humidæ sunt, vanæq; , ac debiles, laxitate venarum humorem effundentium, raræq; , & languentes fiunt. Porro alimento, quod in folia, frondes, & futurum partum emiserint, infirmiores sunt, eoq; minùs idipsum solidum, ex quo procreatur. Editio autem fructu, succum in se retinent, & quiescentes reficiuntur, redeuntq; ad pristinum robur, & soliditatem. Sequens etiam aëris hyberni vis humorem comprimit, vt propterea sicciore sint, remissasq; facit ab opere naturali. M. verò Cato cædi vult, à solstitio æstiuo vsq; ad brumam, Columella mense Martio, alij verò cùm semen maturum habuerint: vt hac ratione quædam seriùs, quædam præcociùs cædantur, propter matu-

B ritatis

ritatis dispar tempus. Quæ semina non habent, Cato tempestiuas esse dicit, cum glubent. Robur verò cæsum ante fructuum partum, teredinem sentit. Bruma autem minimè vitatur, vt nec pandat, verum perdurum, spissumq; remanebit. Totum enim cordis specimen gerit. Alioquin obnoxium erit, etiam vt torqueat sese. Quod in subere etiam est. Aria autem, vlmus, acer, fraxinus, carpinus, scissima, tilia, non nisi post editos fructus, vt antè etiam obruendæ sint. Aliud tempus cædendi erit, vt cum materiem decorticare velimus. Quod maximè fit necessitate quadam, vt cum tempestiuus ad vsum veniant, fortè ad templa, ad teretes, cæterosq; vsus rotundi: aut etiam propter corticis ad plurima vsum. Salices etiam ad pedamenta, & perticas decorticare solent: nam hoc modo diutiùs durant. Tunc enim cum germinare cæperint, cædendæ erunt. Nam hoc tempore cortex extricatu perfacilis, atq; etiam coloratior materies redditur, præsertim in abiete, pino, larice, in quibus potissimum corticem detrahimus. Reliquis verò temporibus inextricabilis cortex est, nigrescitq; materies, & aspectu deformior redditur. Abietem autem circa germinationes, atq; Luna silente, sic decorticatam, aquis corrumpi tradunt minime. Quod apud Phineum Arcadiæ fluuium, autore Theophrasto, patuit. Obstrusis enim fluminis faucibus, campus in lacum redundauit, vt tunc pons ex abiete hoc modo excoriata deduceretur, verum extumesciente aqua, alium desuper exædificare necesse fuit. Postea verò apertis obturamentis, aqua omnis erupit, discessitq;. Totaq; materies illæsa incorruptaq; inuenta est: vt rei euentu veritas innotuerit.

De lunari circa cædendam materiem ratione. CAP. III.



AD cædendam autem materiem, in infinitum refert lunaris obseruatio: quæ etiam diligentius cum anni tempore custodienda erit: vt Tiberius Princeps, in capillo etiam tondendo interlunia seruauerit. Et M. Varro aduersus defluvia, idem à plenilunijs præcipit. Luna etiam in syluis Diana à poetis vocitata est, Deaq; nemorum apud eosdem habita, quod hæc arboribus, & fruticibus succum inculcet. Itaq; rei agrestis Doctores, materiem non nisi decrecente Luna scindi, vna sententia omnes consenserunt. Nonnulli statim in eius coitu: idq; vtilissimè conuenire. Quod tempus Tiberius Cæsar, concremato ponte naumachio, vt latices ad eundem restituendum caderentur ex Rhetia, præfiniuit, vt Plinius scribit. Quidam etiam diligentius, vti in coitu, atq; cum sub terra erit. Quod fieri non potest, nisi noctu. M. Cato etiam à coitu quatuor proximis diebus eximi vult, post meridiem, atq; sine Austro vento. Columella verò à vigesima, vsq; ad trigessimam. Vegetius specialius ad naues, fabricandas coarctius à quintadecima vsq; ad vigesimam quintā. Duritiæ causa etiam semper post Lunæ occasum, vt hoc modo, computrescendi peruicax sit. Proximè cum hoc sidere addunt, & Canis ortum. Et sic cælas materies in forum Augustum Romæ fuisse. Nempe sic innocentius cæditur. Immunis etenim à carie conseruatur, solidiorq; remanet, lucidiorq; atque diutiùs

diutius permanet. At contrà, crescente Luna, ac in eius plenilunio præcisa, inepta fabricis operibus, per humoris conceptionem erit, & marcescet. Vt eodem quoq; anno interius vermium labe exesa, in puluerem fatiscit. Quod ars ipsa, & omnium architectorum quotidianus vsus, perdocuit. Siquidem augefciente Luna, corpora ipsa implentur, atq; humoribus exuberant. Porro humidum ipsum suapte natura & facilius, ac festinantiùs corrumpitur. Decrefciente igitur magis ac magis euacuantur, atque arefcunt, quòd tunc exiguo succo sint. Idcirco sicciore, ac tumidiore. Illud vnum insuper admonendum erit, vt circuncisas ad medullam vsq; arbores, aliquandiu stare patiaris. Sic autem stantibus, si quis in venis continetur humor, excurrit, & defluit, ac exsiccat. Qui si intus permaneat, & exitus non habeat, concrefcens putrescit, efficiturq; materies vitiosa, & inanis. Quæ hoc modo curata, durior fit, magnasq; habet ad ædificiorum vetustatem, vtilitates. Quod præsertim fieri debet in his, quæ humore plurimo abundant, veluti in cerafo, vlmo, cupressso. Sunt insuper qui tradant arborem faciliùs cædi, ac celerius inarescere, si priùs manu palpetur, quàm securi feriat. Mirum postremum est, quod & Anaxilaus, & Nicander, Græci autores memoriæ mandarunt. Hic enim minime algere cædentes, adalligata ad arborem amphispæna serpente. Ille verò arborem, linteo ex asbestino lino, quod asbestinum, ex naturæ argumento Græci vocarūt, circumuolutâ furdīs icibus, qui non exaudiantur, scindi.

*Sylua cædua, quoto tempore, & in quot annos cædenda,
& quando frons pecudum causa, & alijs, ad aliquot
opera cædendis.*

CAP. IIIL.



SYLVA M cæduam rei domesticæ fore idoneam Aristoteles in suis Politicis scribit, atq; in ea comparanda, æconomum debere esse expertum. In qua verò succidenda, & alijs arboribus, quæ ignis, & nonnullorum operum gratia, cæduntur, ratio alia erit: in quibus & anni, & Lunæ tempus aliquod certum esse debebit. Quod non ita diligenter, propter non tam pœnitendam iacturam obseruare, sicut materiei causa, conueniet. Itaque multi, paulò ante Fauonium, & ipsam germinationem, cædi tempestiuū arbitrantur: cæteri post Brumam. Quod ex loci natura prospiciendum erit. Nam in calidis regionibus minùs innocuè fit. Quod si contrà in frigidis, sequens hyemis vis stipites supernè exurit, adfertq; non minimam, propter vniuersitatem, calamitatem futuris germinibus. Verum qui in ijsdem locis factitant, hoc etiam præcauent, ne in syluis ad Septentrionem, & ipsum Boream versis, sed tantum ad Meridiem & apricis expositis. Sed ne etiam in cæteris, ne festinantiùs peragant: ne frigus intempestiuùs nonnunquam adueniens, nouella germina, propter festinatam cæfionem, præcociora adurat. Quidam tamen longè post germinationem, propter corticis vsum cædunt. Qui stantibus adhuc plantis corticem eximunt, maximè verò roboribus, & quercubus, & vlmis, ligni quidem & corticis duplex lucrum captantes. Quod cum sibipsis satagere cu-

piunt, sibi tamen prouident nequaquam. Enimvero hoc modo germinationem retardant: tum etiam, quod caudices, maiori lacrymarum vi exsiccantur. Vt infernè etiam & tardiùs, minusq; vberius prosperiusq; regerminant. Lunaris autem ratio, non eadem atq; in omnibus, dissimilisq; est, atq; in materie cædenda. Nam ad maius incrementum, quædam, & ferè omnes, exceptis paucis, statim in plenilunio, & post, cæduntur. Salix autem populus, ac betula, & omnia, quæ vinciendi causa cæduntur, silente Luna cædi volunt: alioquin soboles in nimiam leuitatem fatiscit. M. Varro salicem inter æquinoctium, & Vergiliarum exortum cædi mauult. Sic enim M. Cato: Salictum suo tempore cædito, glubito, arcteq; alligato. Librum conseruato, cum opus erit in vinea ex eo in aquam conijcito, vimina, vnde corbulæ fiant, conseruato. Alia cædendæ ad pabulum hyemalem, quadrupedum causa frondis ratio. M. Varro inter Caniculam, & autumnale æquinoctium cædi, M. Cato ante Brumam, eo præsertim tempore, vt minimè adhuc decidua sint folia, sed vt possint etiam arida ligno adharere. Quod secundum regionum naturam, maturè peragendum erit. Nam in frigidissimis citiùs decidere frigus cogit. Frons etiam populea, vlmea, quærnea, cerasina, ad id vtilissima, quæ per tempus condi debet, & ficca ouibus, & bobus per hyemem tradi. In succidenda verò sylua, quotus quisq; pro sua voluntate tempus aliquod certum præscribit secundum eam, quam sibi desyderat perticarum aut magnitudinem, aut crassitudinem. Alius enim longius, alius breuius, verum non minus quàm triennij. Longius verò non satis conueniens: nam tunc emoriuntur plantulæ, quæ inferiùs, & in stipite internascuntur. Perticas salicis, & palos (quæ Vlpianus Iurisconsultus & in numerum materie redigit, vt ideò in lignorum appellatione contineantur) ad vinearum vsum, quarto ferè anno cædi iustum est, populi tertio. Cæduæ autem arbores sunt, esculus, fraxinus, laurus, corylus, betula, malus, alnus, cerasus, castanea. Sunt cæduæ palmarū quoq; syluæ, germinantes rursus omnes à radice succifæ.

*Materiei in vniuersum, ex quatuor elementis natura,
& quæ in opere pandat, quæ ve non.*

CAP. V.



ARBORVM materiem omnem, ab quatuor elementis, videlicet, igne, terra, aqua, & aëre, naturam accommodare, apud Græcos Theophrastus, & apud Latinos Vitruuius, autores sunt: sicut & ab his omne genus humanum. Non tamen vt huius rei generaliter quædam præceptiones demonstrari possint. Quamobrem de vnaquaque arbore speciatim disputandum, vt hac ratione vna ab altera discrepet. Et vt primum ab abiete incipiamus, plus aëriæ, & ignis virtutis, quàm aqueæ, aut terreneæ habet. Quamobrem minùs ponderosa, & quæ sub onere non ita citò flectatur, & quæ in conignatione per transuersum etiam recta permaneant. Ea tamen pars, quæ terræ proximior est, & quæ sapinus vocitatur, propter terræ affinitatem, ac humiditatem, enodis, liquidaq; est. Superior verò pars, propter effusos per aëra ramos, vi caloris nodosior semper est. Quæ verò altè circiter pedes

pedes viginti succisa, susterna appellatur. Contrà verò robur, magis terræ naturam, quàm cæterorum elementorum amplectitur. Ob quam rem ad opera subterranea, vtiliter obruitur, infinitè quidem duratura, quadam vtriusq; naturæ affinitate. Foraminibus non adeò frequens, vt humorem, qua putrescere possit, continuò recipiat: vt post etiam per longa tempora effossa, ad multa, propter eius duritiem, & nigritiem opera tornatilia, commendabilis sit, ac pretiosa. Fagus verò, ferrus, & suber, ignis, aquæ ac terræ naturam fortiuntur, ideò raræ, faciles ac fragiles: sed æriæ potestatis non parum. Ideò veluti sitientes, ad imbibendum humorem perfaciles, vt avidius satiata, citò marcescant. Populus autem alba, item & nigra, tilia, salix, ficus, vitex, æris & ignis, æquè sociam virtutem habent, & aquæ sufficienter, parum terrenæ, sua lentitia multifariam ad egregia opera facilitatem, præsertim sculpturis minimè duræ, raræ ac candidæ. Alnus plurimum æria, igneaq; vi est, minimum cum terra commercium habens. In palustribus autem ædificijs, ad fundamenta & palos perquam utilis, æternaq; habetur. Recipiens in se igitur, quod illi à Natura denegatum est, & vt casu, omnibus elementis fruatur. Quod Rauennæ videre est, vbi ad omnia ædificia, tum priuata, tum publica, eiusdem generis arboris palis ad fundamenta vtuntur. Quòd autem proximè ripas fluminum adnascatur, ad materiem, propter imbutam ab ineunte ætate madidam naturam, parum idonea, vt suprà terram minimum perduret. Esculus, vt laurus, hedera, igneæ naturæ, igitur calidæ. Prima verò humoris impatiens. At in terra, & in palustribus, impacta, æterna habetur. Nam terræ humoris vi subacta, inualescente vi aduersus ignem & ærem hostes præualet. Fraxinus autem, morus, cerasus, aquæ vim plurimum habent: ignis verò, & æris parum, terræ autem quod satis sit. Quapropter ob humiditatem in opere flexiles sunt, vt inde celeriter pandant. Cupressus, & pinus, quòd aqueæ naturæ sint, tametsi æquè in cæteris sint, in opere tamen pandæ. Carpinus minimum terræ atque ignis habet, maximum autem aquæ, æris, frangi quidem nescia, & in operibus perfacilis. Larix verò aquæ, terræq; vi, solida est. Materie prolixa, & facilis. Ponderus sustinet, etiam in transuersum posita. Decorticata verò aquis commodissimum submergitur: idcirco idoneè longè ratibus transfertur. Reliquum est, vt cum Theophrasto hoc caput finiam. Singularum, tam syluestrium, quàm vrbicularum, hæc sunt communiter discrimina, Ponderus, soliditas, raritas, siccitas, durities, leuitas, mollicies, humiditas, & si quid huiusmodi in his perspicere potest. Et horum plura, in vna eademq; simul esse possunt, veluti in buxo ac robore grauitas, & durities. Non tamen, vt omnes ponderosæ, duræq; sint, nec econtrariò duræ, graues. Quæ differentia ex facultatibus esse potest. Omnes tamen generalius iuxta elementi proprietatem regi par est: vt flexibilis, lentaq;, ex humore aquatiko, necesse est vt sit. Grauis, quæ terrea. Ignea & æria sicciore, frangi q; faciliore. Vt tamen ij effectus, altera natura, ex loci regionisq;, & natura & situ: sicuti homines, generaliter temperentur, vt infra dicetur. Palma verò, & si in transuersum constituta sit, contra tamen aliarum naturam sursum in fornicis modum flectitur. Olea facile

curuatur, & robur : Fracturam verò derepente futuram, in eius strepitu pronuntiat. Quod in Antandro euenit, prodente Theophrasto, vt è balneis, sono territi aufugerint, & vitam tutati fuerint.

Eiusdem generis materiem, ex loci natura differre.

C A P. VI.



EX locorum situ arbores, ad materiem, aliam à propria natura, induere vel virtutem, vel vitium, materiarij satis competentum habent, non alia, quàm in fructibus, ratione. Et vt generalius quidem loquar, Firmiores omnes, quæ in montibus nascuntur, vt potè quæ validioribus perflentur ventis. Ingenita enim natura, tanquàm aduersus hostem, sese obfirmant. Quod testatur Seneca, apud Latinos philosophus in suis libris de diuina prouidentia. Non est, inquit, arbor solida, nec fortis, nisi in quam frequens ventus incurfat. Ipsa enim vexatione constringitur, & radices figit. Fragiles sunt, quæ in aprica valle creuerint. Hæc ille. Chiron præterea Achilli hastam in Pelio monte, vt esset præstantior, excidit. In Gallia autem arbores, quæ in monte Iura, & Vosego enate sint, præferunt. In plenum deteriores, quæ in opacis, & contectis, & humidis locis nascuntur, plurimumq; à fortitudine & materiei dignitate sua mutabunt. Nam humoris copia augentur, & saturantur : quo effluxo, inanes, & euamidae fiunt, in ædificijsq; non durant. Quæ etiam ad Aquilonem ortæ sunt, ubiq; generalius robustiores sunt, quàm quæ Austrum aut Zephyrum. In totum enim ille solidiores, copiosiores, meliores deniq; sunt partes illæ, quæ ad Boream prospiciunt. Spissiores etiam sunt, quæ in apricis, quàm quæ in opacis nascuntur, & ad opera diuturniores. Ideò Romæ infernas abietes supernati præferunt. Nam sol non solum terræ, verum etiam arborum humorem desiccatur : vt hac causâ non adeò putredini obnoxie sint. Locus etiam nodosiores arbores facit. Siquidem natura tenuis sit, vt non possit quod satis nutrimenti sit, arboribus elargiri. Quod ad materiem odoriferam attinet, sunt nonnullæ arbores, quarum materies odorifera est : sed in eodem genere odoratiores, quæ in locis siccis nascuntur : contrâ ingrati odoris, quæ in aquaticis. Quod in omni arborum materie est tum propter frigus, tum propter superfluentem humorem, qui non bellè digeri, & confici à calido potest. Materierum etiam præstantiam, speciatim per regiones discernunt. Nam autore Theophrasto, optima materies, quæ ex Græcia aduehitur : Macedonica verò, quod leuis, atque obediens sit, ad ædificiorum vsum, perutilis. Tertio Rhyndacena. Quarto Æneatica. Deterior autem Parnassia, & Euboica habetur, quod nodosa, contortaq; sit, ac facile putrescat. At quæ in Arcadia nascitur, quædâ utilis, quædam contrâ : veluti in multis regionibus est. Buxus in monte Olympo, ob breuitatem, & nodositatem, improba. Cedrus in Creta, Africa, & Syria laudatissima. Iuniperus vasta in Hispania, maximeq; bæccæ eius, & apud Remos Gallie populos, in Corcyra, autore Theophrasto, arbores nimirum amplæ fuerunt, magno etiam discrimine, in suo genere exterarum regionum cæteras

exced

excedentes. Quarum materies, leuis enodisq;. Quum autem Romani illuc, cum quinque & viginti nauibus applicuissent, causa condendi oppidi, & insulam occupandi, eam tam vastis arboribus, & tam confertissima turba efferatam videntes infecto negotio retro cesserunt, desperantes eam fore habitabilem. In Tylo Arabiæ insula arborem produci, idem scribit, ex qua materies solidior, ponderosiorq; sit, verum fragilis, si deiiciatur, fistilium modo. Cuius color varius, proximus tigrum pellibus. Ex qua baculos cadunt pulcherrimos. Ex abiete autem Gallica materiem vtilem Palladius ait. Fraxini materies Troadis in tantum cedro persimilis, vt, detracto cortice, ementes fallat. Nulla vtilior, pretiosiorq; hastis apud nos est, quam quæ apud Cantabriam Hispaniæ regionem nascitur, apud externos multum commendabilis, solida, ac ponderosa: quo arboris genere aliud apud cæteros celebrius vidi nunquam, sæpe altitudinem, & rectitudinem, ramos bene dispositos, deniq; totius arboris pulchritudinem demiratus, plurimumq; illarum vmbra arborum quandoque delectatus. Omnium autem locorum materiem arborum, quæ ædificijs vtilis, quæ ve item deterior, commemorare impossibile foret. Satis sit nonnulla perscripsisse: maximè verò, cum regionis cuiusq; incolæ id satis norunt. Vt generaliter ea apud omnes probetur, quæ leuis, enodisq; est, firma, & oblonga, quæq; visu pulcherrima: contrà, improba, quæ nodosa, quæq; breuis est.

*Materierum omnium differentia, quæ scilicet ad opera
faciliores, quæ ve intractabiliores.* CAP. VII.



COMMVNIS autem omnium arborum per sua genera, vbiq; etiam locorum, quædam differentia esse solet, à natura ipsa illis quidem innata, quæ ad opera omnia attendi maximè debet. Quando vero, non omnes omnibus. Alio enim alia, alteriq; altera. Pauca verò, quæ alteri, vel pluribus conueniant. Primum autem generaliter syluestres ab vrbaniis, masculæ à fœminis, à sterilibus fœcundæ, etiam in suo cuiusq; arboris genere, ipsa materie plurimum inuicem discrepare, certissimum. Faciliores etenim ad opera fabrilia, cæteris sunt, vrbaniæ, ferentes, fœminæ, nisi quo in genere mares, non fœmellæ ferunt, sicut cupressus & cornus. Nam illæ, sicut in humano genere, molliores, igitur tractabiliores. Quædam nodosæ, reliquæ contrà enodes. Aliæ carnosæ, cæteræ ossæ. Nonnullæ neruosæ, aliquæ sine neruis. Aliæ fissiles, quod quibusdam alijs denegatum, vt frangantur potius. Quædam inodoræ, aliæ odoratæ. Colore etiam differunt. Plures sine venis sunt: at contrà, quæ venosæ. Sed & hæ plurifariam differunt: nam nonnullæ quadripartitos venarum cursus habent, vt pinus, & abies, aliæ bifidos, multæ tantum simplices. Quæ omnia genera, specialia nomina apud Græcos sortiuntur. Quædam rectos, & laxos meatus habent, vt pinus. Suber venas non per totum corpus, neq; prolixius extendit, aut expandit, neq; eodem posituræ modo. Pino autem nodi plures ac patentiores, tedæ colore proximi. Abieti duriore, sicut & reliquis ferè omnibus,

omnibus, quibus lignum mollius. Nodosiores etiam mitibus sylvestres, ut sunt, quæ sub eodem genere statuuntur, ut oleaster, caprificus, pyralter, sub olea, ficu, ac pyro. Nodosiores etiam, quò solidiores, & quæ rari corporis. Sæpe nodosæ intus sunt, quæ foris leues conspiciuntur, easque quidam explorandi causa perforant. Pino nerui pauci, abieti durissimi, & inter se distantes, copiosiore, & duriore intermedia carne. Neruolissima & palma est. Totum è carne fico corpus, Carnosa, & tilia. Oslea tota ilex, cornus, robur, cytisus, ebenus, & quas sine medulla diximus. Quibusdam verò pulpa sine venis est: mero, & tenui stamine, constantes. Fissilis abies, meatuum rectitudine. Pinus ad intestina opera sectilis. Fissilis fagus, maxime ab ea parte, quæ radici proximior. Multæ autem celerius franguntur, quàm findantur, quibus scilicet pulpa, ut olea, non est. Obliquitate etiam ac duritia, fissura difficiles, ut in malo, palma, & subere. Fissionem spontaneam minimè capiunt cedrus, cupressus, olea. Illud enim infinitè sciendum est, ut quibus venæ egregiæ & in directum perfluunt, in opere obedientissimæ. Eiusque dotis sunt, quibus lævis cortex, rectusque est. Quod intelligunt periti, ubi statim arborem circumspererint. Contrà si contortus, atque squalens est. Colos terebintho eximius, nigerrimi splendoris. Robori etiam nigricans color, magisque etiam cytiso: ad quas proximè accedere videtur hebenus: verum hac tamen nigriores Syriacas terebinthos, non desunt qui affirmant. Morus vetustate nigrescit. Furvæ autem cedrus, larix, iuniperus, vlnus. Candicans populus, salix, philyra. Diuersi tamen colores in vna eademque arbore visuntur: veluti in quercu, cuius cor nigrum, albicante parte exteriori. In pruno verò & pyraastro, medulla rubescit. Odorata sunt ubique cupressus, cedrus, iuniperus. Laricis odor acrior. At in aliquot regionibus, sicuti in Arabia, India, Aegypto, Syria, vi aeris odoræ omnes. Nam odoratiores omnes sunt, quæ feruentioribus plagis veniunt, quales sunt supradictæ. Siccæ enim loci natura, & calidæ efficiuntur, cōcoquentes expeditius humorem, qui sæculentus odorem corrumpere solet. Stans enim, & viridis materies, non ita bene olet, atque arida.

Quid ligna thina, in sacris Biblijs, & de adagijs super ficulno ligno deductis.

CAP. VIII.



LIGNA autem odorata, interpretes librorum Biblicorum, generali vocabulo, thina, siue tina vocant, alij Almugina. Plures tantum ad vnam arborem, videlicet hebenum referunt, quæ in sola India, ut supra dictum est, nascitur, ante Salomonem in Syria non visa. Sua tunc classe, quæ apud Ophiram; quam Eupolemus Græcus autor Vrphen appellat, Indiæ, alij maris rubri insulam suo iussu nauigauit, in Syriam asportata est: ex qua rex fulcra domus Dei, & regiæ, citharasque & nabla fecit. Ex recentioribus autem nonnulli, bresillum nouum ligni genus, nobis cognitum intelligi volunt. Non placet (ut iudicium meum super re hac promam) ad omnem materiem odoratam extendi: cum ex prædicta classe tantum hæc aduecta sit.

eta sit. Multa insuper odorifera materie in Syria, & continuis regionibus, Arabia, atq; Aegypto, vt cupressus, iuniperus, maxime in Libano monte cedrus, cæteris aliarum regionum prælata, illic ante Salomonem copiosè nascente, vt pro his tanta, tamq; longa & difficili nauigatione minimè opus fuisset. Cedrus autem, & cupressus, ædificijs publicis apud Hierosolymam pretiosa. De quibus sic Ambrosius in Hexamero: Cedrus suspendendis tectorum apta culminibus, eo quòd huiusmodi materies & propterea sit spatijs, nec onerosa parietibus. Lacunaribus quoq; comendisq; fastigijs habilis est cupressus. Vnde & ecclesia dicit: Trabes domorum nostrarum cedrinæ, lacunaria nostra cupressina, *νεφέλια ἔχοντα*. Athenienses vocabant, quæ neq; vitea, neq; ficulnea, neq; myrtea essent, ac si velis dicere, sobria. Vnde tractum adagium de his qui ab omni voluptate alieni sunt, *νεφέλιος θυσία*, id est, Nephelium sacrificium. De conuiuio abstemio & sobrio dicitur. Nunc de ficulno ligno, quod fragile est, & inuolidū, ac omnibus rebus inutile: cuius etiam fumus & acerrimus, ac molestissimus est, vt aliquot prouerbijs, quicquid imbecille, aut contemnendum sit, denotantibus locum fecerit. Nam Theoph. in Ergatinis, Ficulnos homines, molles, ac nullius momenti vocat. Apud Aristophanem etiam Ficulnus Deus, pro imbecilli dicitur. Ad quod alludere videtur Horatius:

Olim truncus erat, ficulnus inutile lignum. *οὐκ ἔστιν ἐπιχρῆστα*, id est, Ficulnum præsidium, auxilium, pro inutili. Ficulnam mentem Lucianus pro imbecilli posuit. Plato etiam in Hippia maiore, Ollæ lenticulari ficulnum operculum, magis conuenire, quàm aureum dicit. Conna autem ficulnum folium, quòd eo Conna citharædus lusitare solitus sit. *οὐκ ἔστιν μάχαιρα*, id est, ficulnus gladius. De friuoli causa dici potest, quæ minimo negotio possit peragi. Nauis ficulna. Quod in irrisorem dicitur ac vilem. Mandronis ficulnā nauis. Quod in eos dicitur, qui præter meritum ad opes, & felicitatem euecti, pristinae tamen conditionis non meminerunt, verum præsentis rerum successu insolenter abutuntur. A Mandrone idcirco sumptum, qui indignus atque immerens, è nauiculario factus est Imperator. *οὐκ ἔστιν βασιλεία*, id est, Ficulnum baculum, & aliud *οὐκ ἔστιν ἀντί*, id est, ficum petit. Quo ultimo in adulatorem vitimur. Nam Athenienses tum maxime agricolis blandiebantur, cum præcoces ab illis accipere cupiebant, bene ominantes & precantes, vt in annum sequentem, fici feliciter prouenirent. Quod ubi postea rustici id fenserunt, in prouerbum verterunt, de quò Aristophanes in Vespis. Est & aliud, *οὐκ ἔστιν ἐφ' ἑμῶν*, id est, ficum Mercurio. Quod his conuenit, quæ ad volentium vtilitatem exposita sunt. Nam si quando primum ficus apparuissent, Mercurio dicabant. Quam vniciq; sumere licebat. *ὁμοίωτέρος σίκου*, id est, similior ficu. De vehementer inter se similibus dicitur. Nam & si ficuum multa genera, fructus tamen ferè similes. *σῖκα μέριζε*. Id est, diuide ficos. In auaros dictum. A fratribus tractum, qui cum bona diuidunt, eousque minima diuidi etiam volunt: Martialis ad Calliodorum:

Quadringenta secas, qui dicit σῖκα μέριζε.

Mart. lib. 5.

C Ficus

Ficus post piscem. Græcè, σῦκος μετ' ἰχθῦν. In eos adaptabimus, qui alijs simul bene conueniunt. De eo Athenæus: ficus auibus gratæ. Carmen heroicum Athenæo, cuius sensus est,

Fici gratæ auibus sunt, quæ plantare recusant.

In voluptarios ac fugientes honestum laborem, quum alioquin appetant emolumentum. τὰ σῦκα σῦκα, τὴν σκάφην σκάφην λέγων, id est, ficus ficus, ligonem ligonem vocans. De ijs dicitur, qui sermone rustico rem vti est enarrant. Nam Comicus ait: Nam ego rusticanus sum, & ligonem ligonem appello. Hic tantum de adagijs super ficulno ligno meminisse debueram: verum super tota arbore, & fructibus excerpta adagia, in vnum conferre malui.

Aliud materierum per singula opera discrimen.

C A P. I X.



T autem de materierum ad aliquot opera differentijs videamus, consequens est. Dissimiles itaq; inter se vnaqueq; habet virtutes, vt nec sola omnibus operibus utilis sit. Neq; enim quod robur, aut fraxinus potest, pinus abiesq; præstat: neq; cupressus, quod populus, aut vlmus quod buxus. Nec cætera omnes eiusdem rerum naturæ similitudinem habent: sed omnes per se singularem ad opus aliquod proprietatem quandam obtinent: vt alicuius rei præter fructus vim medicam, & cæteras huiusmodi illarum dotes alicuius gratia, etiam demortuas procreasse natura intelligatur. Non enim quam inuenire est, quæ non aliquo opere magis, quàm quæuis alia, vtior sit. Sed harum iam differentias, in quibusdam commoditatibus videre est. Pinus omnium fere viribus pollet, ad vsum ædificatorium spectabilis, tectis maximè accommodata. Copiosior enim hæc, & abies, ad plurimos humanos vsus. Aptissima enim & pulcherrima materie sunt. Distant tamen inuicem. Pini enim materies exilior, crispior, & carnosior, & in totum robustior, vt renitatur: Abies autem rara, rigidior, molli carne: altera leuis, hæc grauis: illa teda referta, hæc ea caret, ideoq; albior. Harum igitur, ac piceæ, trabibus præcipua materies. Pini enim non nisi in sicco diuturna est. Palladius tamen, Sardos eius putredini hoc modo prouidere scribit. Præcisas enim trabes, in piscinam toto anno mergunt: post in arena obrutæ, aut in maris litoribus defixæ, vt tamen eius fluctibus abluantur. Ædificia sustinent, eamq; etiam, & piceam in tubos, ad aquarum ductus, vtilissimè cauari certum est: vt semper irrigata durare dignoscatur. Aceris materies operum elegantia, & subtilitate, cedro secunda, crispa, & rigida materie. Ex abiete autem, & acere, equum Troianum constructum Vergilius auctor est. Sic enim in secundo Æneidos ait:

Instar montis equum diuina Palladis arte

Ædificant, sectaq; intexunt abiete costas. Et alibi:

Præcipue, cum iam hic trabibus contextus acernis Staret equus.

Obedientissima enim in quocunque opere fraxinus, Corno quidem leuior, sorbo autem lentior. Quamobrem in commissuris firmas recipit concal

concatenationes. Et eadem ratione vlmus, cuius materies robusta. Viribus enim subsistit: deformis tamen. Hæ autem si siccentur, rigescunt antè curuabiles. Fortius lignum quercus habet, & incorruptibile. Quod & Status comprobatur. Sic enim in sexto Thebaidos ait: atq; si tu non expugnabile robur. Exabulnatum siccior. Cui clauus adactus auelli non potest. Contrà, non tenet cedrus, cuius materies pulcherrima, nata humorem emittere, veluti omnes, quibus humor oleosus. Quare Deorum statuar cedrinæ sudasse sæpè numero visæ sunt. Quod ad prodigium infani homines ariolati sunt. Oleagina etiam materies germen potissimum emittit, præsertim rudis, nonnunquam etiam dolata, si quem humorem adhuc habeat, aut locum humectum nata sit: ut iamiam valvæ cardo quidam germinasse perhibeatur, & poculum limo iniectum. Eius autem materies, rigida, spissa, & olealtri. Iunipero eadem virtus, quæ cedro. Cupressi egregia, & perpetuò tenera. Pontem autem supra Eufratem Babylonie Semiramis regina ex cedrinis, cupressinis, ac palmarum trabibus ædificauit. Opus spectatæ magnitudinis, ut nulli alteri, quod antè, posteriusve, ab ea factum sit, cederet, prodente Diodoro Siculo. Quod non tam admirabile illic fuit, propter materie excellentiam, quàm ob ædificij præstantiam: cum ibi propter alterius materie inopiam, è palmeis trabibus ædificent. Sed & tota Assyria, atq; Persis, materie è sterilibus palmis vititur. E palma etiam fiebant antiquitus camerulæ, inquitente Pompeio Festo, in vsum popularem, vnde cumerum vas nuptiale dicitur. Factum quidem ad illarum similitudinem. In fagi pulpa pectines transuersi sunt, ut propterea lignum in longitudinem fluctuet. Carpinus vtilissima. Rudis verò corni materies, & si propter exilitatem, quibusdam materies non videatur, forsitan quod tam parua apud eos nascatur. Dolata enim, ac tractata, omnino inutilis. Latifolia, ædificijs minus utilis. Pessimam materiem habet, quæ haliphleos dicitur. Suberis materies rigida, spissa, & omnes, quæ materie crispæ sunt, ut malus, pyrus. In aquis non fluitat, si dematur cortex. Morus in operibus valida, & perfacilis in his, quæ flexu constant. Ei enim in hac re primatus datur. Æternam quidam arbitrantur, & vetustate, loti modo nigrescente. Ideò forculas ex ea faciunt. Nauibus verò tornacula, similiter & auriculas: liburnicis verò testudines atq; firmamenta. Castanea mira soliditate, rigida, & spissa materie. In tectis & cæteris intestinis, operibus perdurat. Cuius solum pondus in vitio est, ut propterea lenta deprehendatur. Esculus ædificijs & ridicis apta. Tilia mollissima leuissimaq; est, sculpturis aptissima, ut populus utraq; & salix. In palis eius propter illius leuitatè panni sericei conuoluuntur. Alnus rei fabricæ penitus inutilis, verum necessaria, si humidus locus ad excipiendā palādus sit. Aquifolijs materies præcipua, veluti sambuci radix. De iuglande infra dicitur. Buxus & hebenus, ne arefactæ quidē leues sunt. Spississimæ igitur grauissimæq; ut neutra in aquis fluitet. Illa natura gracilis, inhonorata, non nisi radice crispate, cæterum leuis materie, quodā silētio duritie, ut loto, & cerro. Terebinthi materies admodum lenta, spissa tamē: Loti verò siccissima. Harūdine cameras aliquot gētes leuissimè contegunt. In vniuersum autē optima qua-

dripartitis materies, spissam enim præstant, vt cæteris melior sit. Media autem crispior, & quò radici proximior, minoribus magisq; flexibilis maculis. Materiei autem, & omnis pars durissima & rarissima est medulla, atq; etiam ipsius abietis. Qua de causa, architecti partes, medullæ proximiores auferendas præcipiunt, vt quod durissimum sit, tantum relinquatur. Citysi medulla spissa magis, quàm roboris. Iuniperi medulla vbicunq; solidatur etiam quàm cedro. Nullam autem materiem idoneam esse, ramis deputatis constat. Castratio illa est, quæ adimit vires.

De robore, ponte Romæ Sublicio, & scandulis.

CAP. X.



SPISsa roboris medulla, quod atrum nonnulli vocant, alij cor. Aptissima ex ea scandulæ, etiam è glandiferis alijs, & fago. Facillimæ item ex omnibus, quæ resinam ferunt. Verum parum durabiles, præterquàm pino. Scandula autem contactam Romam vsq; ad bellum Pyrrhi quadringentis septuaginta annis Cornelius Nepos autor est. Et Vitruuij tempestate, vt ille asserit, Gallia, Aquitania, Hispania, Lusitania robusteis vsus est. Adhuc apud Carnotes recta ædificia ego ipse vidi. Sunt autem scandulæ tabellæ, regularum vicem præstantes. Isidorus in etymologijs scindulas à scindendo, vocat. Scandulare autem dicitur id, quod scandulis constat. Apuleius in tertio transmutationũ: Iam vecors animi tectum scandulare conscendit. Et scandularius, faber lignarius, qui scandulas facit. Cuius meminit Callistratus Iurisc. libro quinquagesimo Digestorum. Pons Romæ, olim supra Tyberim Sublicius dictus est, quod ilicis materie structus esset, quod sub ilice mearetur: Nam sine ferro, sine clauo, sine suturis, contignatione ita dispositus, vt trabes per bella eximerentur, ac postea reponerentur. Quod, vt sic fieret, religiosum fuit, postea quàm Horatio Cocli te defendente, ægre reuulsus fuit, vt postea ilicis materie confici soliti sunt. Alij à sublicibus lignis dictum volunt. Nam Volscæ lingua, magnæ trabes, sublices vocabantur. In Sublicio autem ponte, pauperes confidebant, petitori stipem à transeuntibus, vt volunt hæc Senecæ verba: In Sublicium pontem me transfer, & inter egenos abige. Non ideò tamen me despiciam, Quod in illorum numero confedero, Qui manum ad stipem porrigunt. Ex eo autem facinorosi in Tyberim præcipitari solebant. Ex quo etiam Heliogabali principis cadauer, pondere etiam, ne fluitaret, annexo, deiectum est. Ex eo etiam dicebatur, Sexagenarium è ponte deijci. Hoc est, à suffragio repelli. Quod per illum pontem suffragium ferebant, vt autor est M. Varro. Agricolas autem nonnullos veteres ac expertes noui, qui materiem ad instrumenta rustica præparatam, longè antea, quàm ad ea dolarent, in aquam submergerent, ibiq; per aliquod tempus relinquebant, quò largius humorem imbiberet: vt hac ratione firmior fieret, vt asserebant, & ad opus facilius, atq; contra fissuras immunis esset. Pectines autem, vt his hoc caput finiam, in arborum materie dicuntur rectæ per longitudinem lineæ, pectinum modo, interuallis distantes, quas Græci *ῥηδοῦναι* appellant.

De arborum tubere, brusco, molusco, egide, & leuso.

CAP. XI.



SEPE contingit, ut in arboribus, non etiam eiusdem generis omnibus, quoddam præter communem materiem, agnascatur differens materie. Quod tametsi vitium propriè existimandum sit, propter tamen eius ad aliquot opera elegantiam, pretiosum habetur. Et primùm de tubere videamus, quod radicis vitium est, maximè in eo laudatum, quod sub terra totum fuerit, quod rarius est: ut non tam raritate ipsa, quam etiam dignitate honoratum. Super, atq; in ramis, etiam hoc frequentius gignitur. Tanto pluri hoc emitur, quanto amplior est. Sunt etenim arborum tubera, instar carnis glandes: Callus quidam ad nodi similitudinem. In his verò nec vena, nec pulpa est, tanquam callus carnis in se conuolutus. Hoc autem pretiosissimum in cedro, & acere. Reperitur & in alno, verum tantò deterius, quanto à cedro ipso, aut ab acere, alnus ipsa distat: ut nec cæterarum etiam arborum tubera in pretio sint. Sequitur bruscum, quod in acere, ac carpino, tanquam tuber in cæteris est. Sed illud pulcherrimum, multoq; excellentius etiamnum molusum. Sed bruscum intortius, crispum. Molusum etenim simplicius ac sparsum. Quod si mensarum magnitudinem caperet, haud dubiè cedro præferretur. Intra pugillares, lectorumq; silicios, aut laminas, olim raro usu spectatum. E brusco enim nigrescentes mensæ fiunt. Larix fœmina habet, quod Græci egida vocant. Mellei coloris. Hoc lignum proximum medullæ est, spissum, pulchrum. Gignitur autem in vetustioribus arboribus. Quod enim frugi est, rarum inuentu, contrà quod vile, copiosum. Inuentum pictorum tabellis est, nullis ferè rimis. Codicillos etiam ex hoc faciunt, & ad lautiora opera utuntur. In abiete etiam reperitur, quod leuson vocant, egidi respondens: sed hoc albius. Arcades autem ambo tam laricis quam abietis, autore Theophrasto, egidem vocant. In abiete autem copiosior. In larice rarior, verum pretiosior.

De vitij materia.

CAP. XII.



SUPRA de carie, & tineis, præcipuis, ac infestissimis materierum morbis, dictum. Cætera illarum vitia ut prosequamur, operæ pretium ducimus. Nam quemadmodum arbor adhuc stans, & viuens, sua vitia habet: ita demortua, & illius materies: quibus magis vnum, quam alterum, genus, ut in animalibus, laborat: ut latifolia, & abies, quod plus caloris habeat, ut propterea termitem procreet, aliatq; à quo tandem vitietur. Publicum autem omnium vitium spiram vocant, ubi sese conuoluunt venæ. Quod loci natura quandoq; efficit, ut potè vi ventorum, quum à latere, aut in orbem perflantur. Tunc enim vertuntur, contorquenturq; ut neq; nodum dicere possis, cum ferè per totam arborem æqualiter amplietur: ut etiam arborum medulla contorta, non in rectum porrecta sit: ut deniq; cæsa, pro-

Plin. lib. 16.
cap. 43.



MAxima & glutini ratio est, propter ea, quæ laminis sectilibus, alterius generis operiuntur. Hæc autem, vt Plinius ait, prima luxuriæ origo, vti arbor alia integeretur: & quæ ligno vilior esset, alieno cortice pretiosior fieret: vt propterea vna & eadem arbor pluries veniret. Excogitata: insuper lignorum bractææ. Nec satis fuerat, cœpere tingi animalium cornua, secari materiem & in mari quæri. Testudo ad hoc secta. Neronis principatu, portentosis ingenijs inuentum, vt pigmentis perderet sese, plurisq; veniret lignum imitata. Sic tectis pretia quaruntur. Hoc modo terebinthum vinci iubent, sic cedrum pretiosius fieri, sic acer decipi. Non contenta fuit ligno solo luxuries, ni iam lignum testudinem, testudo materiem, emi faceret. Hi Plinij tempore in adornandis lignis sumptus fuere. Qui iam nunc forsitan maiores sunt, si quis artificium operum tornatiliū, vel alia opera, altero ligno intacta, considerare velit. Etiam nunc ebore, & animalium ossibus, & textis, materies integitur longè apud Indos quaesita. Ad quod nuper noua lignorum genera referantur, & coniunguntur etiam simul diuersa lignorum genera, vt hominum vestimenta, faciemq; omnem, & cuiusque generis animalis formam, aut vnā quamuis aliam rem, vna tabella, colorum varietate effigiaret. Sed iam orationem eò reuocemus vnde deflexit. Itaq; in conglutinanda materie, quædam ratio habenda est. Non enim glutinum inuicem omnes recipiunt. Nam affectus similes esse eis oportet quæ sociari, conflariq; debeant, non contrarij. Quædam enim naturæ inimicitia inter se ita sunt dissociabiles, vt quoddam etiam inter eas demortuas, sicut inter viuas, odium sit: cuiusmodi maximè robur est, quæ nec pino, nec abieti, conglutinari valet. Cornum maximè odit forbus, dein carpinus, & buxus, postea tilia, contraria inter se natura. Adeo enim quædam inuicem dissentiant, vt nullo modo coire possint: non alias, quàm si lapidem & lignum coniungere velis. Vtilius enim eiusdem generis, & similis naturæ materies simul conglutinatur, vt hominum vnius regionis firma societas est, & animalium quoq; eiusdem fortis. Quædam tamen facilius, vt quæ flexibilia sunt, & lenta omnia, præterquam cornus & caprificus. Abies glutino sociabilis, vt antea findatur quàm dissocietur. Tamen omnia aqua calida separantur.

De diuturnitate nonnullarum materierum, & quæ terra, quæ de aquis magis, quæq; etiam vtrobiq; perdurent.

C A P. XV.



SVPERA de arborum ætate visum est: nunc verò de illarum materiei senectæ. Quæ non eadem omnibus, sicut nec vita est: vt diutius quædam incorrupta permaneant, alijs citius euanescentibus, ac putrescentibus. Nec enim singulis generibus par vita, & materiei senium. Nonnullis vita breuior, materiei senectæ & econtra longior. Hoc postremum in ædificijs, operibusq; alijs maximè attendendum, præsertim verò in publicis. Ne
tanta

tantæ operæ, ac impensæ, & artificij, nos confestim pœniteat. Ad quod etiam negotium plurimum refert, cædendæ aptè materiei tempus, cuius ratio satis sufficienter, vt arbitror, supra explicata est. Reliquum nunc erit, vt ostendamus quæ illarum, insita natura, & quonam modo longinquitatem, aut æternitatem, in opere præstent. Quod faciunt generaliter omnes, quæ odore præcellunt, veluti cedrus, cupressus, & cæteræ, de quibus supra. Plato autem leges publicas, atq; instituta in tabulis cupressinis fore scribendas censebat, hoc modo futurum sperans vt æterniores essent, quàm si in æreis tabulis insculptæ forent. Aut, quod magis arbitror, vt ea prudentia, eoq; consilio ferri deberent, vt diuturniores essent, sicuti cupressi materies. Cedrino etiam vnguento, aut oleo inunctas chartas, perpetuò durare affirmant. Vnde poëtarum doctissima carmina, cedro digna dicebantur, id est, perpetuitate. Persius:

- Et cedro digna locutus Linquere.

Horatius in Arte:

- Linenda cedro, & leui seruanda cupresso.

Longissima autem sunt, quæ modicè humida sunt, ac seclitilia. Quædam obrutæ magis durant, vt elculus. Pinus verò, & picea, terra obrutæ, pluribus annis permanent, miro modo fortiores, si humor quoq; supra innatet. Eadem, si non integantur, citò senescunt. Aliæ subdialibus operis aptissime statuuntur, vt cerrus, iuniperus. Hæc tamen etiam obruta: Nam à putredine immunis. Eiusdem naturæ est iuglans, vtriq; operi vtilissima. Aquis etiam diuturnior fagus. Quæ madefacta, melior redditur, & quercus etiam. Supra terram enim rimosa facit opera, torquendo sese. Larix in humore præcipua, & nigra alnus, emori contumaces. Est & aquarum in his differentia. Nam robur aqua marina corrumpitur. Sambucus siccata, valida, & inoffensa aquis, etiam desquamata si sit. Quod spontè fit, cum exaruerit. Sunt quibus Naturæ quodam beneficio, siue terra, siue aquis obruantur, vel si in subdialibus operibus collocentur, senium minimè nocere potest: vt fago, oleæve. Terebintho materies ad vetustatem fidelis. Suber verò, castanea, iuglans, buxus, lotos, aria, æternæ sunt. Morum æternam potissimum post cedrum arbitrantur. Persea verò materiei bonitate, firmitate, & nigritia, nihil à loto differt; magna ex parte contorta. Spississima ex omni materie hebenus iudicatur, natura gracilis, in aquis non fluitans; ac æterna. Quidam pro hebeno, spinæ Indicæ, aut mori materiem (fallente similitudine) vendunt. Sed coarguitur, quod illarum materies fungosa sit, & inanis. Quæ si in exigua fragmenta scindatur; colore purpureo sunt. Nihil insuper in gustu mordacitatis, nihil redolentiæ in fuffitu præse ferens. Thiæ materies, omnino incorrupta perdurat. Nux Euboica nunquam putrescit. Fici Egyptiæ, quam Græci sycomorum appellant, materies aliquid peculiare, & à cæteris materiibus differens habet. Porro humore desiccatur. Casa enim stagnis, & aquis demergitur. Hoc est eius siccare. Primò autem subsidit. Dein cum diu in liquore defederit, leuior facta sustollitur, fluitareq; incipit. Eius enim humorem alienus fugit, qui aluum omnem rigat. Et cum natare incipit, tempestiuè signum habet.

De his, quæ teredinem, & cariem, non sentiunt, & de teredinum generibus.

CAP. XVI.



N VNC de his, quæ carie vlla minimè vitiantur, quæve tineis non infestantur: cuiusmodi sunt omnes, quæ succo amaro præditæ sunt. Hac ratione teredines neq; nutriunt neq; progenerant, succi amarulentia prohibente. Quare Theophrastus citius pinum à teredine corrodi, quod pinus nonnihil dulcedinis habeat. Olea autem, oleaster, hebenus, lotos, buxus, taxus, iuniperus, & ex reliquis tardissimè larix, carie non infestantur. Aduersus autem & cariem, & tineas, cupressus firmissima: sicut & omnis reliqua materies, quæ cedria inuncta fuerit. Quatuor genera teredinum annumerant. Quorum primum, grauissimo, præter reliquam corporis mensuram, capite est. Rodit dentibus. In mari tantùm sentitur, uti hoc propriè, non alia teredo dici possit. Tineæ vocantur, quæ terrestres sunt. Thripæ culicibus sunt similes, lignum rodentes. Quartum est vermiculorum, quorum alij in putrescente materie generantur, alij è partu nascuntur, sicut in arboribus ex ijs, qui cerastes. Sed de his vermiculis in morbis arborum dictum est,

De aternitate materierum quarundam arborum in quibusdam publicis edificijs.

CAP. XVII.



S E D iam locus, ut nonnullarum materierum aliquot vetustissima opera, è Theophrasto Græco, & Plinio ac Vitruvio, Latinis autoribus in medium adducamus, ut fides lectori eorum, quæ suprâ retulimus, remaneat. Et primum cedrina opéra memorabimus. Nam ex ea materie fabricata, alterius generis antiquitate, cedunt minime. Ut antea de templo Dianæ Ephesinæ, sic nuncupata, quod illud in Epheso Lydiæ vrbe, tota Asia extruente, annis quadringentis peractum fuerit: cuius tectum, vel, si cum Vitruvio mauis, lacunaria, è cedrinis trabibus fuisse, apud omnes conuenit. Templi autem valua, è cupresso fuerunt. Quæ iam annis quadringentis permansere. Id quoque notandum, in glutinis compage quadriennio fuisse. Materies omnis nouæ persimilis, in eas electa: quoniam præter cætera, genere in vno, materiei nitore, maximè quædam valeat. De simulacro verò ipsius Deæ, apud autores ambigitur. Nonnulli ex hebeno fuisse tradunt. Mutianus ter Consul, ex his, quæ scriptis (visio eo) reliquit, virgineum, nunquam mutatum, septies etiam restituto templo, eamq; materiem elegisse Canetiam (artificis nomen est.) Quod demiratur Plinius, cum antiquiorem Minerua quoque, non modò Libero Patre vetustatem ei tribuat. Memorabile Vtica Apollinis templum, ubi Numidicarum cedrorum trabes durauere ita, ut positæ fuerint, prima eius vrbis origine, annis mille centum octoginta. In Hispania Sagunti templum Dianæ fuit, cuius trabes à Zacyntho aduectæ, annis ducentis ante Trojæ excidium, ut Bochus prodidit. Intra oppidum id ipsum fuit,

cui

cui Hannibal religione inductus pepercit, trabibus è iunipero etiamnum illo tempore durantibus. Super omnia memorant, ædes eiusdem Dei in Aulide aliquot seculis ante Troianum bellum ædificatas vt genus materiei scientia oblitteratum sit. Vergilius Maro in septimo suæ Æneidos, in Laurenti regia, atque in eius vestibulo effigies auorum Latini regis, è cedro fuisse scribit:

*Quin etiam veterum effigies ex ordine auorum
Antiqua ex cedro, Italusq; paterq; Sabinus,
Vitisator curuam seruans sub imagine falcem
Saturnusq; senex, laniq; bisfrontis imago,
Vestibulo adstabant.*

Ex cedrinis etiam lignis, domus Dauidis regis in Hierosolymitana ciuitate, quæ illi Iromus Tyri Rex miserat. Templum etiam; quod ibi Salomon Rex, Dauidis filius erexerat, dirutum, iterum trabibus cedrinis reædificatum, permittente Cyro Persarum Rege. Antea etiam lacunaria, contignationes, celaturæ, ex cedro, & alia etiam lignea opera in ædibus ab eo structis: & in his etiam, quæ filia Pharaonis vxori suæ erexerat. Arca, quæ fœderis dicta est, quam Mosi iussit Deus exædificari, ex materie Sittim compacta, & etiam mensa, & altaria duo. Et alia multa, quæ postea Beseleelis confecit. Est autem Sittim, vt interpretes voluerunt, genus cedri electissimum. Nouæ autem arcis Væiouis simulacrum è cupressifactum Romæ Plinij tempestate durabat, ab vrbe condita quingentesimo primo anno dicatum. E larice trabs fuit, pedes centumviginti longa, bipedali crassitudine. Quo intelligebatur vix credibilis reliqua altitudo, fastigium æstimantibus. Quam Tiberius Cæsar in ponte Naumachio exposuerat. Quæ permansit ad Neronis principis amphitheatrum. Alia & eadem tempestate eius generis fuit in porticis Septorum à M. Agrippa relicta, æquæ mirabili causa, quæ Diribitorio superfuerat, selquipedali crassitudine, viginti pedibus breuior altera.

Ex olea autem Salomon Rex cherubinos
duos, decem cubitorum altitudinis,
in tēpli oraculo fabrefecit,
& oraculi duo
ostia.



Præfatio libri decimioctau.



POST arborum ad ædificia materie utilitatem, sequitur eadem ad naues, quas omnium aquarum propriè domicilia dicere possumus. Nescio an in his, quàm in illis, maior commoditas in genus humanum propter ædificiorum necessitatem obstaret. Quandoquidem naues, sola arborum materie constant. In quibus verò si ingenium atq; artificium contempleris, nihil est, quod prope magis dominari possis. Primum maris profunditatem, illius vortigines, vastos dein anfractus, scopulos sub aquas sæpius latentes, undarum arduos fluctus. In quibus, nescio an maior audacia, an artificium maius fuerit, quando per longa itinera unquam eadem, nobis semper incerta, nauigandum sit. Per quæ vitam nostram cum infinitis periculis committimus. Sed eò nos bonorum cupiditas protraxit, ut nihil inausum, ipsa nobis reliquerit. Ut primum naues ad tantos conatus, excogitare mirum fuerit. Ex quibus dein maximum nauigationis (si aliud memorabilius) commodum, ut hac ratione tot nobis antea ignotas regiones, tot orbis insulas & tractus perueloci itinere, volatum potius dixeris, parua etiam impensa, si ad itinera terrestria contuleris, peruaderemus atq; lustraremus. Siquidem verò nauigatione, ultima Tyle, magna Taprobane, omnes Æthiopia, Ægyptus, Africa exusta prouincia, nobis nota. Et quicquid India, antiquis ignota, habuerit. Quid felix Arabia, & quicquid deniq; totus orbis absconditum & reconditum haberet, nobis patefecit. Ut insuper uniuersus orbis, unum emporium, unum commercium, omnibus esset, & una ciuitas una prouincia haberetur, & esset, ut cæteris largiatur, quod illis deforet. Neq; vlla causa adeò fertilis est, ut sola sibîpsi ad omnia sufficiens sit. Prætereo quàm leuius, & quàm mollius per amnes, per stagna & lacus, etiam ad bonam corporis valetudinem, vehamur, gestemus.



HORTORVM LIBER

DECIMVS OCTAVVS.



*Naues è pinu & abiete, salice, alno, fago, vt plurimum
exadificari.*

CAPVT I.



AVES è lignis construi omnibus notum, & omnia earum instrumenta, & quicquid in eis constat. Vnde prouerbum apud antiquos, Cadentem in naui lignum non attingere: cuius meminit Lucianus. De his dicitur, quæ passim, & vbique occurrunt. Quæ autem extruendis nauibus apta sit materies, antiqui scire non parùm laborarunt, quòd res ingentis com modi atque periculi foret. Eas autem potissimùm selegerunt, quæ aquis amicissimæ essent: vt pinum, & abietem, & alnum, salicemq;. De hac enim Diuus Ambrosius in Hexamero, Abies quoq; non contenta terrenis radicibus, atq; verò vertice, etiam casus marinos tuto subitura remigio, nec solùm ventis, sed etiam fluctibus certatura processit. Testimonium ex Poëtis etiam desumere libet. Claudianus: *Apta fretis abies.*

Ex abiete Idæa, Paridem naues præparasse, quibus ad raptum Helenæ profectus, Euripides autor. Ad Scipionis etiam classem, qua Carthaginem nauigauit, Perusini, Clusini, Rusellani, abietes dedere, casus equidè è publicis syluis. Sequitur pinus, nauigijs, vt abies, frequentissima. Verg.

Dant alios alie fetus, dant vtile lignum

Nauigijs pinus. - Et Ouidius in secundo suæ Artis amatorix:

Quid properas, iuuenis? medijs tua pinus in vndis

Nauigat. - Silius:

- Et amantem littora pinus. - Lucanus:

Prima fretum scindens pegaseo littore pinus,

Tyrrhenum ignotas hominem proiecit in vndas. - Catullus:

Peliaco quondam prognata vertice pinus

Dicuntur. - De alno Vergilius:

Tunc alnos primum fluuij sensere cauatas. - Et alibi:

Necnon & torrentem vndam leuis innatat alnus,

Atq; Pado. - Lucanus: *- Et fluctibus aptior alnus.* - Statius:

Alnus amica fretis. -

Armenios autem pecuarios, qui suprà Assyriam sunt, naues è cælis salicibus fabricare, quas pellibus extrinsecus cooperiunt, Herodotus autor est. Quibus vsos Venetos, & Britannos Luca-

D 3 nus

Georg. 2.

Georg. 1.

Georg. 2.

Lucret. lib. 1.

nus scribit: *Primum cana salix madefacto vimine paruum*

*Texitur in puppim, caesoq; induta iuuenco,
Vectoris patiens tumidum superenatat amnem.
Sic Venetus stagnante Pado, susoq; Britannus
Nauigat Oceano, sic cum tenet omnia Nilus.*

De fago etiam & alno sic Claudianus:

De raptu Prof.
lib. 3.

*Sic qui vecturus longinqua per aquora merces
Molitur tellure ratem, vitamq; procellis
Obiectare parat, fagos metitur, & alnos,
Et varium rudibus syluis accommodat usum.*

De argo naui.

CAP. II.



CIVIS materiei fuerit argo naui, neq; omnes, qui de ea scripserunt, in vnum consentiunt, & si inter primas, quæ vilæ fuerint, vna fuerit, vt antea in diuersis materieb; circa eas, non plurimum immoratum. Ea enim Iason cum Græciæ heroibus in Colchum insulam vectus est. Nonnulli ex abiete structam fuisse asserunt, vt apud Latinos Ennius, his carminibus:

*Uinam ne in nemore Pelio securibus
Cesa cecidisset abiogna ad terram trabes.
Nève inde naui inchoanda exordium
Cepisset, quæ nunc nominatur nomine
Argo, quæ Argiui vecti, delecti viri
Petebant illam pellem inauratam arietis
Colchis imperio Regis Pelie per dolum.
Nam nunquam hera errans mea domo efferret pedem
Medea animo agro, amore seuè saucia.*

Euripides verò in Medea è picea fuisse scribit,

*εἴθ' ὦφελ' ἄργος μὴ διαπύαοται σκάφος
κόλχων ἐς αἶαν, κυανέας συμπληγάδας,
μήδ' ἐν νάπαισι Πηλὶε πρῶτον ποτὶ
τμηθεῖσθαι πρῦν, μήδ' ἐρετμῶσθαι χεῖρας
ἀνδρῶν ὄρεϊσαν, οἱ τὸ πᾶσι χρυσὸν δέρας
πρωτὰ μετῆλθον. ὃ γὰρ ἂν δέσποιν' ἐμὴ
μήδεα, πύργος γῆς ἐπλευσ' ἰωλκίας,
ἔρωτι θυμὸν ἐκπλαγῆσ' ἰάσονος.*

Orpheus autem, qui argonautica scripsit, è fago factam scribit: Si liber eius sit, qui per manus literatorum circumfertur, καὶ εἰ φηγινέην ποταμὸν τεκτῆνατο νῆα. Vergilius autem è pino. Sic enim in culice scribit:

Hic magnum Argoe naui decus edita pinus.

Alexander Cornelius, vt autor est Plinius, arborem, ex qua facta esset Argo, conem appellauit, robori, viscum ferenti similem, quæ nec aqua, nec igni posset corrumpi, sicuti nec viscum. Hanc verò nulli alij cogitant, Plinius (quod sciat) ait.

De nonnullis alijs arboribus, ex quibus naues fabricata.

CAP. III.



VPRA naues, ex pinu, abiete, & nonnullis alijs, vt plurimum exadificari, sed apud eas tantum gentes, apud quas huiusmodi materiei aut origine, aut vicinitate alterius regionis, aliave facultate, copia esse potest: vt necessitas nonnullos compulerit, ex alia non adeo vtiliter, neq; ita diuturnius, naues construere. Ex robore, & tilia vt tamen extra aquam ponantur. Laricem in maritimis nauibus teredini obnoxiam tradunt, & omnia prater oleam, & oleastrum. Necessitate etiam ex moro, vlmo, stibula, fraxino, platano, scissima, naues compingunt. Ex platano autem celeriter putrescunt. Humidior enim propter flexum, vt desumatur, necesse est. Sic enim compacta, extra terram fidelior est, & in mare protracta, imbibito humore vndiq; sese protinus, rimis omnibus coadunatis comprimit. Cauendum itaq; ne exarescat. Tunc enim gluten aspernatur, aut non æquè recipit. In Ægypto, & Syria Reges inopia abietis, cedro ad classes firmiter vsi. Est autem in ea circa Amexiam urbem, cedri ferax regio, ex qua materies ad ædificandas naues scindatur: & ob eam causam Antonius eam Cleopatraz dedit. Ex cypresso, Vegetio autore, & Aristotele, Aristobolo, atq; Arriano, in Syria fieri naues, vulgatum, alterius materiei inopia. Alexandri Magni comites in Tylo, maris rubri insula, arbores esse retulerunt, ex quibus naues componerent, quæ plusquam ducentis annis, tamen mergerentur, ab omni offensa incorruptæ durarent. Extra verò aquam diuturnæ sunt, sed non tantundem: ocyus enim putrescunt. Germaniæ prædones, singulis cauatis arboribus, antiquitus nauigabant. Quarum quedam triginta homines ferebant. Quas F. Pompeius, nauia vocat. Scribit etiam Strabo Bastenatos, qui & Bastuli, Italiæ populos vsq; ad Bruti aduentum, lintribus vsos fuisse, vno ligno cauatis, quas monoxyla vocarent. At nunc Indi talibus nauibus vtuntur, quas canoas vocant.

Naues ex virgultis & alijs. Et quod in genere nauigiorum sit materiei delectus. Et quod una eademq; nauis, ex pluribus lignis fiat, & de nauium membris.

CAP. IIIL.



AVIUM autem necessitas eò homines deduxit, vt deficiente alia materie, è virgultis & alijs rebus, miro ingenio naues & scaphulas compingere coegerit, vnde protractum adagium, ἐπὶ ῥιπῆς τὸν αἰγυαῖον διαπλέουσα. Virgultea scaphula Ægeum transmittere. De eo dicitur, qui leui opera, arduum opus peragere tentat. De quo Lucianus in sectis philosophorum: è scyrpo, & papyro Ægyptij naues construunt. Lucanus:

Conferitur bibula Memphis cymba papyro.

Lucan. lib. 4.

Idem naues onerarias è spina conficiunt, quæ similis loto ex Cyrenea, quæ

quæ gummi fluit. Ligna verò concidunt magnitudine cubitali, ad instar operis lateritij compingentes. Introrsum compages, iunco innectunt. Indi singula nauigia, singulis arundinis internodijs, faciunt. Qui verò nostra tempestate apud eos nauigarunt, è palmarum folijs, absq; vilo ferramento, eos contexere naues affirmarunt. Quorum vela rotunda sunt, è palmarum viminibus compactæ. Quod genus nauigij iuncas appellant. Est & materierum in genere nauigiorum delectus. Triremes enim, atq; longas naues, leuitatis gratia ex abiete faciunt. Sed ex pino etiam, alterius inopes, rotunda tamen. Melius quod non putrescat, è pino, & picea. Nauibus onerarijs Cyprij pineam atque querneam subiungunt, cum extrahendas ædificant. Pleriq; enim diurnitati ac firmitati consulentes, illas ex pluribus generibus concidunt, vt materiei ratio habeatur. Aliam enim proximè terram locant, quæ putredini minùs obnoxia sit, veluti quercus. Aliam paulò superiùs. Aliam ampliore altitudine. Omnino verò validiorem his locis, quæ magis laborant, vt ruinæ fortiùs resistent, locare conuenit. Carinam quidam ex quercu, vlmò, fraxino, moro, statuunt: vt cum in terram attrahatur, resistere possit. Ex his etiam testudinem, aurículasq; fabrefaciunt. Porro hæc valida esse oportet. Ex abiete autem ac larice, quod excelsiores, rectissimæq; sint: antemnas, & malos faciunt. Malum enim ex abiete Homerus in nauì, qua Telemachus Pylum nauigauit, statuit ἵππον δ' ἐλάτινον κολῆς ἐντοσθε μέσδμης ἤσαν ἀέραντες. Hercules apud Apollonium Rhodium, libro primo ad remum abietem euulsit. Quæ tunicas ad instar cepæ multiplices habent, ad remos, vt validi sint, auferre oportet. Aliæ infirmi erunt. Secta statim materies, non mittatur in naues. Diuisæ enim in tabulas arbores, ad maiorem siccitatem mereri debent inducias. Nam quæ virides compinguntur, cum natiuum humorem exudaerint, contrahuntur, ac rimas faciunt latiores: quò nauigantibus nihil periculosius. Strabo Venetos puppes celsas, proras item, & omnia tabulata, è querna materie fabricare dicit. Vltimum addendum arbitror, vt & si naualia propriè loca sint, vbi naues resideant, Vergilius tamen pro materie, ex qua naues construerentur, posuit, è Græco transferens. Nam Homerus νῆον, nauale lignum dicit. Ille autem sic in vndecimo suæ Æneidos ait:

- Iacet omnis ad vndam

Materies: ipsi numerumq; modumq; carinis

Præcipiant: nos ara, manus, naualia demus.

Materies mensarum, & de iuglandis materie, & tripephoro.

CAP. V.



I. cuiusquàm materiei ad vnumquodq; opus, selectus tam apud antiquos, quàm nunc apud nos quoq; vnquàm habitus fuerit, diligentissimus verò erga meas ipsas. Non absq; ratione, vt potè quibus magis, præter cætera instrumenta necessariò vtamur. In his enim cœnamus, incumbimus, super his scribimus, confabulamur, disputationesq; nostras habemus,

mus, & studia nostra ferè omnia statuimus, & sæpe de rebus diuinis, ac humanis conferimus, rationemq; cùm priuati, tum publici acceptorum latorumq; habemus. Nec aliud necessarium magis instrumentum. Sine quarum vsu tanquàm bestię supra terram indecorè esitaremus, biberemus. Eminentiori præterea, ac nobiliori domus totius loco locantur: vt illas frequentius inspiciamus. Nec mirum, si apud antiquos, & nunc apud nos, illarum exquisita lautities sit. E iuglande enim in Gallia ornatissimæ fiunt: quò verò nigriore materie, & crebrioribus venis intercurrentibus cernuntur, eò pretiosiores habentur. Quas etiam oleo ex eius nuce mæd faciunt, vt nitidiores, lucidioresq; sint. Et vt de eius materie præstantia vno in loco dicam, nulla alia (cedrum, cupressum, citrum, hebenum, & alias raras, semper excipio) siue operum elegantia, ac facilitate, magis laudata, nec quæ ad tot opera vtiliter requisita sit: vt quæ nullum siue torno, siue tonsura, artificium recuset. Nec quæ item magis subtiliora opera exprimat. Siquidem in picturas, & omnes rerum imagines, molli, & absq; rimis materie, ductili opere, & breui filo patefacit. Glutinis verò patientissima. Ex acere autè eximiæ habitæ, quæ ob id acernæ dictæ sunt. Horat.

His vbi sublati puer altè cinctus acernam

Lib. Serm. 2.

Causape purpureo mensam perterfit.

Ægyptij autem mensas, & huiusmodi selectissima opera, è perseæ sibi ipsi faciunt. Apud quos quidem arbor hæc satis honorata, & materie robusta, atro colore, & visu decora. Ex trogete etiam fiebant: ob materie raritatem, & firmitatem laudatissima. Iulius Pollux, principibus, è myrto apponi solere scribit. Nunc etiam apud nos, exterarq; gentes è cupressu fiunt, tum ob odoris, tum diuturnitatis præstantiam. Laconibus è robore fuerunt. Scissimæ ad mensas idoneæ. Adueruntur è Germania apud nos è fraxineis radicibus: quæ ob varias, atq; incursantes venas, quas vulgus madratas passim appellat, spectabiles, cum alterius circum materie prætextura. Mensis verò, vt generalius de his, atq; earum materie loquar, præcipua dos in vena est, crispis, vel in vertice varijs, oblongo illud venit discursu: quæ ideo à tigride animali, tigrinæ appellatæ. Quo in torto, à panthera, pantherinæ. Sunt & vndatim crispæ, gratia tamen maiori, si paucorum caudæ oculos imitentur. Magna verò post has gratia, extra prædicta crispis, veluti grani densa congerie. Quas ob id à similitudine, apiatas vocant. Summa omnium in colore. Hic autem placet maximè mulsi, suis venis refulgens. Post hoc amplitudo, tum totius caudicis, vt eò pretiosiores sint, quò ampliores. In vna quoq; mensa plura vitia iuuant. Antiquitus fisis arboribus, mensarum genera circinabantur, cùm alioqui, vena in orbem cæsa, fragilis foret. Postquàm enim in toris cœnare cessatum est, mensæ fabricatæ, quadratæ primum, postea orbiculatæ. Mensa autem olim, autore Athenæo, trium pedum, vnde & *τρίποδα* dictum. Græcæ mensæ *δευτέραι τετραπύλαι, μετὰ δόρπια*. dicitur *τετραπύλα* propriè mensa nummulariorum. hinc *τετραπύλητος*, qui monetæ permutandæ præest. Trapezophorum de quo Florentinus Iurisconsultus in Digestis, ac titulo de suppellectili legata, mensarum pretiosarum repositorium, *τετραπύλοχος*

E

Latinis

Latinis structor. De quo Martialis:

Et quæ non egeant ferro structoris Ofellæ.

ἑρφέατις ἁλμάρτα Græci vocant obsonia mensis imposita.

De citrinis mensis, & pretio illarum.

CAP. VI.



OMANORVM circa mensas citrinis insania fuit, inde pretium, ut fœminæ viris, contra margaritarum luxum regesserint. De pretio nonnulla ex Plinio. Extant (inquit) hodie M. Ciceronis in illa paupertate, & quod magis mirum est, illo ævo, empta sestertijs decem. Memorantur & Galli Asinij, undecim sestertijs venundatæ. Sunt & duæ à Iuba Rege pendentes, quarum alteri pretium fuit sestertijs XII. alteri paulò minùs. Interijt nuper incendio attegijs descendens sestertijs XIII. permutata latifundij taxatione, si quis prædia tanti mercari malit. Magnitudo amplissima adhuc fuit vnus commissæ ex orbibus dimidiatis duobus, à Rege Mauritanie Ptolemæo, quatuor pedum & semipedis per medium ambitum, crassitudine quadrantali. Maiusq; miraculum in ea est artis, latente iunctura, quàm potuisset esse natura solida. Item à Nomio Tiberij Cæsaris liberto cognomen trahentis, tribus sicilicis infra quatuor pedes, totidemq; infra semipedem crassitudinis. Qua in re non omittendum videtur, Tiberio principi mensam quatuor pedes sextante & sicilico excedentem, tota verò crassitudine fescunciali, operimento laminæ vestitam fuisse, cum tam opima Nomio liberto eius esset, cuius materia erat tuber. Cicero sexta in Verrem: tu maximam, & pulcherrimam mensam citream à Q. Lutadio Diodoro, qui Q. Catuli beneficio à L. Sylla ciuis Romanus est, omnibus scientibus Lilybæi abstulisti. Idem alibi: Quingentis millibus orbem sibi emit. Hæc Cicero. Plinius ad verbum, viriq; hic apertè ille recriminatione primo exemplo, ut nullis autoribus, quos ipse legisse meminerim, illarum pretium augere valuerim. Verùm quare id auctius Romanis? præter illorum diuitias, quæ illis totius orbis ex manubijs fuisse nunc videndum. Primùm materie raritas, ac senium: postea verò regionis distantia: apud Atlantem enim Mauritanie montem perquirebantur. Quod restatur Valerius Martialis, his verbis,

Lib. 14. Accipe fœlices Atlantica munera sylvas:

Aurea qui dederit dona, minora dabit.

Ibidem de dentibus eboreis loquens:

Grandia taurorum portant qui corpora, quaris

An Libycas possint sustinuisse trabes?

Illæ rotundæ fuerunt, ut ab eodem poëta periphrasticos orbes appellentur:

Ut Mauri Libycis centum stent dentibus orbes. Lucanus:

- Sectosq; Atlantide sylua

Imposuere orbes, qualis ad Cæsaris ora,

Nec capto venire Iuba.-

Non defuere etiam poëtae, qui tam grandem luxum suis versibus detestarentur, maximè Satyrici: quorum professio fuit, crimina insectari. Inter quos vnus Iuuenalis:

Ille

*Ille domi natus, nostraq; ex arbore mensas
Tempora viderunt: hos lignum stabat in usus,
Annosam si forte nucem deiecerat Eurys.* Lucanus:
*Sed penitus terra est: tantum Maurusia genti
Robora diuitia, quarum non nouerat usus:
Sed citri contenta comis viuebat, & umbra.
In nemus ignotum nostræ venere secures,
Extremoq; epulas, mensasq; petiimus orbe.*
- Mensasq; priores Aspernata fames.-

Saijra 12.

Lucan. lib. 9.

Et idem libro primo:

Lucan. lib. 1.

Seneca etiam dum sui temporis luxuriam detestatus est, quod citri radices infanis licitarentur pretijs ad mensarum, & lectorum ornamenta. Multi eas è citro fuisse arbitrantur. Quidam tamen contrà, quod citri materies mensarum amplitudinis minimè capax sit. Verior opinio, vt non è citro, quæ citrea fert, verùm ex alia eiusdem generis, quæ in Anchoracio monte citerioris Mauritaniæ, & Atlante nascitur. De citrinis mensis meminit etiam Iurisconsultus Paulus libro vigesimo Digestorum. Fuere etiam ex aliena materie, si non tantum, multum tamen pretiofax, vt vnusquisq; iuxta eius potestatem sibi ditiores comparauerit. E brusco etiam fabrefactæ cum citrinis de pretiositate certarunt: non tam raritate, quàm materiei vel soliditate, vel diuturnitate, nigrescente colore. Quingentos tripodas Nero habuit è cedro (vt Dion in eius vita scribit) pedibus eburneis, inter se pares, ac similes, in quibus cœnitabat.

De materie portarum, subselliorum, & poculorum.

CAP. VII.



MENSAS sequuntur alia instrumenta domestica. Primò portæ, quibus pretium mensarum, à furum insidijs & vigilijs nobis referuamus. Vtmo vtuntur ad latiores fores. Rigorè enim fortissimè seruat. Ob id etiam cardinibus, assamentisq; portarum vtilissima: quoniam torquetur minime. Permutanda tamen: vt cacumen ab inferiore parte sit, radix verò superior. Laudantur nunc portæ, quæ è iuglande fiunt: Arcium verò è populo, quod hæ ictus firmissimè sustineant, nec se in fissuras laxant: vt minus facilè effringi possint, præsertim ab his minutioribus orbiculis, è tormentis vulcanalibus eiacularis, vt quæ vestigium foraminis paulò amplius quàm orbis capacitatem sua lentitia relinquat. Quod secus in cætera materie, sua firmitate est, ea per frustra dissipata. Cardines etiam ex immatura olea in foribus diutius inuenti. M. Cato vinctes aquifolios, laureos, vimeosq;, & iligneos, fieri iubet. Fagus valuarum repagulis, & ad quæcunq; libeat intestina opera, aptissima, siue, vt Plinius ait, Græco, siue Campano, siue Siculo, artis genere, spectabilis, ramentorumq; crinibus pampinato, semper orbe se voluens, ad imitandos roncinarum captus. Scissima ad multa perutilis: ad subsellia, & lectos: ad illa etiam taxus aptissima. Apud Pollucem scabellum iligneum legitur, & lectica. Pallas apud Vergilium Æneam folio inuitat acerno. Lectos verò Homerus Helenæ & Calypsus

E 2 ex thya

ex thya descripsit. E salice etiam facti, sed qui non essent pretiosi. Ouidius in sua Metamorphosi:

Metam. lib. 8.

- *Leſto non indignanda ſaligno.*

Mitio apud Terentium in Adelphis, leſtulos quibus ineſſent pedes ilignei, faciendos dedit. Apud Theocritum autorem Græcum, leſtos è cupreſſu fabrefactos inuenio. Pocula autem olim, ſicut & hodie, è fago facta. Ouidius vbi ſuprà:

- *Fabricataq; ſago Pocula.* Et Vergilianus paſtor ait:

Ecloga 3.

(*Inſanire liber quoniam tibi*) pocula ponam

Fagina, celatum diuini opus Alcimedontis.

Gutti etiam ex ea materie. Quo genere vaſorum antiqui ad ſacrificia uſi. Vnde M. Curius ille iurauit, è præda ſe nil aliud attigſſe, præter faginum guttum, quo litaret. Euripides autem in Alceſte, & in Cyclope crateris hederacei & cyathi meminit. Quod maximè conuenit, ad comprobandum, autore M. Catone, an vinum aqua ſit permiſtum. Nunc è buxo, verum non ita capaces atq; è cupreſſo, & alia materie, cui ineſt ſoliditas. Vas autem, in quo ſal terebatur, è buxo antiquitus fuit, inquitente Polluce. Babylonij ex arundinibus varia genera vaſorum contexuere, quæ etiam liquida continerent.

De materie reliquorum inſtrumentorum domesticorum

& tornatili.

CAP. VIII.



ELIQUA inſtrumenta proſequamur: vt arcas, capſas, & ſcrinia: quibus utilis materies taxi, fagi, & tiliæ. Quare Columella arculas tiliaceas laudauit. Romæ in foro Boario, iuxta Fortunæ proſperæ ædes, olea fuit, ex qua mel fluxiſſe perhibent. Quod in bonam partem aruſpices duxerunt. Quorum etiam iuſſu arca fabricata, in qua conditæ poſteà ſortes fuerunt, quæ Fortunæ monitu, pueri manu miſcerentur, atq; ducerentur. E buxo olim, veluti & hodie, pectines fiebant. Iuuenalis:

Satyra 14.

Sed caput intactum buxo. - Martialis:

Mart. lib. 14.

Multifido buxus quæ tibi dente datur.

E ſambuco baculos tenues faciunt, quoniam ſiccata leuis ſit. Ad quos etiam & celſtri uſus. Quidam etiam laurum addunt. Seniles ex hac pulchros, ac tenues facientes. E pini etiam. Ouid. in Metamorphoſi:

Metam. 13.

Cui poſtquam pinus, baculi quæ præbuit uſum.

De Cyclope loquitur. Eo etiam autore, Iouis gregem Admeti Regis paſcentis baculus ex oleaſtro fuit.

Metam. 2.

Illud erat tempus, quo te paſtoris pellis

Texit, onus dextræ baculus ſylueſtris oliuæ.

Sunt inſuper & parui uſus, vt ad fabrilium inſtrumentorum manubria, quædam inſignes. Ideò proditum terebris, ac coribus quædam aptiores, vt pyrus, forbus, iuglans, prunus. Vaginas etiam è buxo, oleaſtro, ilice, vlmò, fraxino utiliſſimas fieri, malleosq; ſed maiores ex pinu & ilice firmitatis cauſa. Cerdones è pyro ſylueſtri. Laniones è populo ſibiſſis ſuas tabulas

bulas præparant. Castanea vinciendis corbibus apta. Tiliæ læues Vergilius in secundo Georgicorum dicit, ideò ad mensuras fabriles apta. Ad multos vsus apud priscos tornatilis materies fuit, sed nunc quoq; magis: quando nulla domestica opera, præsertim quæ elegantiora desideramus, sine torno confici constet. Nec enim lecti, nec mensæ, subsellia quoq; & abaci, scrinia, & ferè omnia eo carent. Voluptatis etiam plurima tenuissima fiunt. Torno autem materies probatur: cui non omnis apta est, verùm ea tantùm, quæ prædura, atq; solida, & minimè crispa, cuiusmodi buxi est, vt nulla alia torno vtior, præstantiorve. Quare Vergilius,

- Aut torno rasile buxum.

Antiquitus veteres in buxo elementa formabant, ad pueros literis imbuendos. Et hæc tabula pyxion dicebatur, Herodoto deltion. Pictores etiam artem in buxo docebant. Liquidis medicamentis è buxo etiam pyxides fiunt. Quod maxime Dioscorides probat. Quæ quia frequentius in ea materie fieri solitæ sint, sic vocantur. Celebratur apud antiquos Tetricæ, calices torno è terebintho solitus facere, qui ex autoris nomine Tetricæi appellarentur, autore Polluce. Quemadmodum Antigoniades, Seleucides, quibus Antigonus & Seleucus nomina dederunt. Plutarchus autor in Æmilio. Et vt ad iuuenilia, & puerilia opera descendamus, Turbo in oui similitudinem tornatus, è buxo apud antiquos fuit. Persius:

Nem quis callidior buxum torquere flagello.

Satira 3.

Et Tibullus non vt materiam exprimat:

Namq; agor, vt per plana citius sola verberare turbo,

Tibullus lib. 1.
eleg. 5.

Quem celer assueta versat ab arte puer.

Materies etiam artium proprijs redditur, vt abietis ad tabulas pictorias, portulaca mulieribus, ad opus textrinum.

De fistularum apud antiquos ratione.

CAP. IX.



VN de fistulis, quæ maximè opere tornatili, fiunt, è buxo scilicet, & pruno, pyro, ac lauro, & nonnullis alijs. Ex buxo autem primò Thuscorum sacrificæ fuerunt, quod inuenerunt Phryges. Ludicæ verò ex loto arbore apud Libyos. Ex arundine tamen primùm omnis generis fabricatæ, minori arte, Natura ferè omne id præbente, ac sine torno. Præsertim verò ex his arundinibus, quæ ex Orchomeno lacu (vt ait Plutarchus) nascerentur. Quarum certè ratio non minima à Theophrasto habita, neque item negligenter, vt tempus has cædendi, secundum varias ætates tractauerit: & præparationem descripserit, fabricamq; docuerit, ac sociandi artem tetigerit. Quod si integram per talia monumenta licuisset, vt ex eius scriptis manifestò appareat quàm celebratissimus illarum apud priscos, maximè Græcos, vsus fuerit. Sed iam eum audire non pigebit. Tamen si huiusce materie erga illas vsus desitus sit: verùm vt priscorum erga eas, sicut & cæteras res, mos dignoscatur. Fuit autem cædendi vsque ad Antigenidem tempestiuus tempus. Cùm adhuc simpliciùs tibia vterentur, sub Arcturo, mense Septembri. Sic enim cæsa pluribus post annis

E 3 viles

vtiles erant. Multaq; interim sonandi exercitatione indigebant. Tunc ora comprimi, ac linguam necesse foret. Quod ad theatrorum mores, illis vtilius erat. At postquam varietas & fictio accessit, cæsuræ immutata est: vt tempore Theophrasti, Maio & Iunio mense, quasi paulò ante solstitium, vel in ipso solstitio, cæsuræ sunt: vt hac ratione post trimatum vtilis fierent, atq; breuiori exercitatione egerent, vt & linguas disiectu deflecterent. Quod necessarium foret his, qui sonos effingerent. Hoc enim modo præparabantur. Collectas enim hyeme sub diuo suis vestitam tunicis, reponebant: quibus sequenti Vere expoliatis, atq; attritu expurgatis, solo expandunt. Æstate posthac, per internodia concisam rursus sub diuo ad aliquod tempus exponunt, relicto internodiorum superiori geniculo. His longitudo palmo nunquam minor. Optima ex internodijs media totius arundinis mollissima paria gerunt, quæ aduersum germina exeunt: durissima, quæ proxima radici habentur. Linguas autem eodem internodio exemptas habere congruit. Cæteris esse discordes. Proximam à radice leuam manum poni. Dextra germina versus pateat, diuiso in duas partes internodio. Os linguæ vtriusque secundum calami incisuram faciunt. Et si quo alio modo linguæ conficiantur, non satis ea congruere. Hæc Theophrastus. Ad verbum, propius, vt potui, translatus. Qui quia illarum vsus nobis minimè cognitus, non nisi difficilis esse nobis potest, imò ferè impossibilis, & minimè necessarius. Quidam tamen primùm ex gruum tibijs factas autumant. Vnde tibialis calamus dictus, quem auleton appellant. Qui tibijs conficit, Græcè (inquiante Polluce) ἀυλονοῖος dicitur. Et tibijs theca, θυβήνη. Tornatores, qui tornarent etiam diatretarij dicti, quoniam διατρέω laborare torno significat. Vnde apud Vlpianum Iurisconsultum calix diatretus, id est, tornatus. Rhizotomi, radicum sectores sunt.

Quæ materies instrumentis rusticis apta sit.

C A P. X.



HABET enim vnumquodq; artificij genus sua instrumenta sibi pernecessaria, & peculiaria: sine quibus illud vtiliter, & aptè perfici minimè potest, vt de nonnullis iam supra ostensum. Sed inter omnes agricolatio, quæ sine suis instrumentis rectè, ac prosperè perfici potest nequaquam. Vt consequens sit, post ædificiâ, post naues, post domestica instrumenta, de ipsis disserere. Ad quæ etiam, sicuti ad cætera supradicta, quædam vtilis, ac pernecessaria materies est. Verùm non vt vnum quodque instrumentum, suum arboris genus sibi ipsi affectet. Nam quædam, imò etiam plura adeò nobili natura reperiuntur, quæ pluribus operibus inseruiât, & famulentur, pluribus item rebus accommodentur: veluti sunt abies, fraxinus, robur, tilia, iuglans. At quædã tantùm vni, aut alteri, sed vsque adeò vtiliter, vt cæteris ad id omnino sint præstantiores, vt hoc solo aliarum multifariâm vsus vincant: ne Natura eas absq; aliquo beneficio procreasse videatur. Et vti rem iam aggrediamur, M. Cato hominum in omni vsu summus, prælum è sapino atra potissimum faciendum præcipit. Ad quod, & ad torcularia etiam

etiam vilis vlmus. Trapetum verò ex materie vel fraxinea, vel vlmea. Hæc autem, & quercus ad dolia vtilissimæ: picea verò ad cupas, & pauca alia secamenta. Caprificum viridem rotarum radijs vtilem fore, testis est in Iliade Homerus. Cornus lignum non alio penè, quàm ad rotarum radios, vsu, aut si quid cuneandum sit, clavisq; figendum, ceu ferreis. Ilex, & fagus, fida his, quæ teruntur, vt rotarum axibus, quibus & fagus. Vergilius:

Pòst valido nitens sub pondere saginus axis.

Georg. 3.

Ad rotas etiam lentore, fraxinus vtilis, sicut duritie ilex, & vtraque legitur vlmus. Axibus buxus. Vlmus ad carpentarium opus, verùm mediocriter, quadrigarum operis firmissima. Scissima, ad plaustrorum, vectabulorumq; vilem fabricam. Ilici honos ad bigarum iuga, & iumentorum, acer & carpinus. Illa in totum operum simplicioribus cæditur. Buxus ad burim aratris. De aratro sic Vergilius:

Continuò in sylvis magna vi flexa domatur

Georg. 1.

In burim, & curui formam accipit vlmus aratri. Et paulò pòst:

Cæditur & tilia antè, iugo levis, altaq; fagus,

Stiuatq; quæ currus à tergo torqueat imos.

Ex ilice canalia fiunt, in quibus greges in stabulis adaquentur. Vergilius:

- Aut alta greges ad stagna iubeco

Georg. 3.

Currentem ilignis potare canalibus vndam.

De quibus Columella in septimo. Manubria, puta bipaliorum, sarculorum, & cæterorum huiusmodi instrumentorum, optimè ex ilice, carpinò, pòst hæc ex fraxino. Hyginus cerrum addit. Securis verò manubrium quam Vlyssi Calypso dedit (scribente Homero) oleaginum fuit. Cupressi vtrumq; genus, mittitur in asseres, perticæsvæ, annua ramorum putatione: qui tredecim denarijs singuli, autore Plinio, venirent, vt iam suprà diximus. Ficulnea F. Pompeio palus ficulnus. Vacerræ clatrorum genus, ex robore, quercu, vel subere. Furcas scænarias, & rastros è corylo conficiunt: Rastri verò anteriorem partem, & dentes, è fraxino, exposcentes duriorè materiè. Ficus enim, salix, tilia, sambucus, vtraq; populus, omnes ad cistas. Quæq; facili cratere constant, habentq; in candore & rigorem. Moro autem, & caprifico, primatus in dubio datur. Quamobrem circos, forculas, deniq; quæcunq; ornamento fieri solent, hisce conficiunt. Salix, vimen, & eiusdem generis omnia, ad canistra, quallos, corbes, & vasa: qualia Ceres aliquando demonstrasse fertur. Ad legendum enim oleam, vimina matura, & salices per tempus legi debent: vt sint vnde corbulæ nouæ fiant, & veteres sarciantur. Ex alno vascula ad cotes scænarias continendas, & adaquandas cauantur. Vnum cistæ genus è cannis fiebat, vt mulier, quæ illud portaret, cannephora diceretur, autore Festo: cuius meminuit Cicero sexta in Verrem actione. Rustica autem instrumenta ἐπισκευὰ, γεωργικὰ Græcè dicuntur.

De militaribus instrumentis, de Demetrio Rege Macedoniæ, & Achillis hasta.

CAP. XI

BENE



ENE erit vt inter lignea instrumenta de militaribus vltimò dicamus: vt sedem sibi minùs dignam optima ratione vendicent, tanquàm non necessaria, sed generi humano perniciofa: vt hac ratione natura generi humano nouerca esse perhibeatur: quæ ea genuerit, quibus homines, & vnum genus inuicem noceant, & exitium sibi præparent. Nec ipse Demetrius Antigoni Regis filius, atq; Macedonia Rex, ac Imperator egregius, Poliorcetes ab vrbium ruinis cognomen malo euentu meruisset, si ab his abstinuisset. Is enim ad bella ac cædes natus, & rei militaris studio incensus, in præparandis machinis, & classicis, ac castrensibus, & cæteris omnibus militaribus instrumentis, adeò diligens fuit, vt hac re omnes, qui ante eum fuerunt, longè antecelluerit. Ad quam verò rem incredibili arte, curaq; peruigili vsus est, cæsa ingenti, quotiens in expeditiones necessum fuit, materie copia, vt non impensa modò, verùm etiam manu regis opera viderentur, & iudicaretur, vt Plutarchus in illius vita & Ammianus dicunt, eius opera magnitudine sua etiam amicis stuporem, pulchritudine verò etiam hostibus & delectationem afferrent. Quod Lysimacho euenisse tradunt: qui tametsi supra alios reges inimicus esset Demetrio, Solos in Cilicia obsidenti petijt, vt sibi liceret machinas, eiusq; naues inspicere, quod benignè concessit, omniaq; opera inspexit. Quo spectaculo & magnitudine & pulchritudine adeò stupefactus, vt ei visa sint, non humano, sed diuino ingenio condita. Ad ea verò Tellenone, & Heliopoli vsus. Nunc de fraxino, quæ ad militaria instrumenta præcipua est, sui firmitate, & pectinum rectitudine, hastis maximè accommodata. Quod & poëtae ipsi testantur. Statius in Thebaide:

- En infandos belli potura cruores: Fraxinus. - Ouidius etiam:

- Et fraxinus vtilis hastæ. Ex fraxino autem Achillis hasta fuit, præcone Homero memorabilis, *πηλιάς* dicta, de qua sic Iliados, *π*

ἀλλὰ μιν οἷος ἐπίτατο πῆλαι ἀχιλλεύς.

πηλιάδα μελίην τὴν πατρὶ φίλῳ πόρε χείρων

πηλίου ἐκ κορυφῆς, φόνον ἐμμεναι ἠρώεσιν.

Philostratus in heroidibus, ex fraxino etiam eam fuisse autumat, scilicet longitudine, quæ nulli aliæ hastæ. Cuius lignum adeò rectum erat, adeoq; validum, vt minimè frangi posset. Fingunt poëtae Pelei & Thetidis nuptias in Pelio monte Thessaliæ celebratas fuisse: ad quas Dij Deaq; omnes inuitati, singuli Peleo dona dedere. Chiron enim florentem fraxinum in eo monte defectā, ex qua hasta fabricata quæ *πηλιάς μελίη* dicta. Hanc autem Minerua expoliuit: Vulcanus absoluit. Peleus Rex hanc portauit, & post eum eius filius Achilles. Cuspide acies ex adamante quæ omnia penetraret, omniaq; despiceret, obductaq; etiam vtrinq; ex orichalco, vt tota fulgens conspiceretur. Fuit postmodum Pharsalide, in Mineruæ templo suspensa. In Laconicis Pausanias.

De materie ad cætera militaria instrumenta.

C A P. XII.

CORNVS



CORNUS etiam hastis accommoda. Vergilius:

- *Et densis hastilibus horrida cornus.* Alibi:

At myrtus validis hastilibus: & bona bello

Georg. 2.

Cornus. - Et idem:

Cornea bina ferunt præfixa hastilia ferro. Idem:

Aen. 5.

- *Et aduersos telum contorsit in hostes*

Procurrens, sonitum dat stridula cornus. -

Claudianus:

Aen. 12.

- *Bellis accommoda cornus.* De myrto etiam ille:

Et pastorem præfixa cuspide myrtum Cerit. -

Columna F. Pompeio hastilia dicuntur, quæ ex corno facta sunt. Ea potius dicito, quæ ex corylo: quum autores eam hastis vtilem scribant. Et si liceat ad bella, quæ cum animalibus fiunt, descendere, cornus venabulis nitet: incisuris notata, propter decorem. Præferunt tamen quæ ex sambuco fiunt. Nam interiora mirè firma traduntur. Ex abiete etiam hasta olim fabricata fuit. Vergilius:

- *Cuius apertum*

Aen. 11.

Aduersi longa transuerberat abiete pectus.

Hodie cataphracti Galli milites ex hac gerunt. Nam materiei leuitate in hostem illam rectius dirigunt, non aberrante ictu. Meloas, Festo, hasta est, ex mali materie. Autore enim Vergilio,

- *lthyreos taxi torquentur in arcus.*

Georg. 2.

Bactrij autem, Indi, & Caspij, qui in expeditione Græca sub Xerxe meruerunt, arcubus arundineis vsi sunt. Æthiopes etiam, in eodem bello, arcubus ex palmarum spatibus confectis, & sagittis arundineis: quod vltimum Vergilius apud Italos fuisse scribit:

- *Perq̃ ilia venit arundo.* Horatius in Odis:

Aen. 7.

- *Et calami spicula Cnosij* Viuabis. -

Herculis claua ex oleastro fuit, quam apud Saronidem ex oleastro descuiisse Pausanias tradit, postea in Træzene, apud Mercurij statuam reposuit: dicta est *ωλεάστριος*. Aquaticis autem arboribus lentissima materies, ideoq; scutis faciendis aptissima: quorum plaga protinus se contrahit, vulnusq; suum claudit, vt ferrum contumaciùs retineat, nec facilè reuelli possit, non sine quandoq; iaculantis periculo. In quo etiam genere erunt. ficus, populus, betula, sambucus. Apud Thucydidem scuta fuerunt viminea. Autor est etiam Sallustius, referente Seruio, Lucanos Italiæ populos ex vimine scuta fabricare solitos, quæ postea corijs integerent. Vnde Vergilius, Vmborum crates, Sudes præusta. Ex qua enim Vlysses Polyphemum transfixit oculum, ex olea fuit, scribentibus Homero, & Euripide. Arietem optimum ex abiete fieri, Ammianus scribit.

De Tinctura ex arboribus, & de corticum vsu.

CAP. XIII.



X materie pannorum, & cæterarum rerum tincturæ vsus, & corticum famulatus. Tingendis etenim vestibus genistæ nascuntur, Vacinium quoq; & nunc nouum ligni genus, bresilum. Apud Allobrogas, atq; in locis arduis & asperis, & prope

F oppidum

oppidum Creceum nuncupatum, arboris quoddam genus nascitur, quod incolæ fustellum vocant: humile quidem, ac retorridum, sicuti ex eius materie depræhenditur: intus croceum, & ad hunc colorem, ad externos magna copia, magnoq; pretio longè, nauigijs etiam integris transportatum, & terrestribus itineribus transuectum. Arboris autem integram figuram nunquam videre mihi licuit, sed tantum lignum, etiam ex-corticatum, vt intrinsecus solum colorem nouerim, nec florem, nec fructum vidi, vt cognoscere aut saltem ratiocinari quænam arbor, apud antiquos fuerit, anne aliud arboris genus priscis ignotum. Est & arborum cortex in multis rebus, & plurimis artificum operibus multifario vsui: vt quercinus ad coria siue bouina, siue vaccina componenda, pernecessarius. Quem antea in puluerem redigi oportet: quod molendinis ad hoc fabrefactis faciunt. Ad quem etiam vsum quanto tenuior, tantò præstantior. Infantium cunæ ex tilie cortice fabrefiunt. Funibus etiam is percommodus. Scribit (inquit Plinius) in recenti ad duces explorator, incidens literas succo. Alni verò cortice tinctorum necessariò vtuntur. Fagi autem, abietis, pini agrestium varius vsus. Nempe ex his corbes, vasa, patientiora etiam, conuehendis mercibus, vindemijsq; conuenientissima, & tuguriorum prætextis. Sporta vas, quod inter repositoria vasa connumeratur, quasi fiscellæ, in quibus cibi in vsum quotidianum dati, ferri consueuerunt. Cuius diminutium sportella. E folijs palmæ contexti consueuerunt. Hæc etiam ad funes, vitiliorumq; nexus conuenientissima, & ad capitum leuia vmbracula. Ichthyophagi, quod piscibus vescantur, sic vocati, è palmarum corticibus retia componunt, quibus piscentur. Est etiamnum & alius foliorum, quàm ad animalium pabulum, vt retulimus, vsus. Lentisci etiamnum folia coriarijs pellibus conficiendis inseruiunt.

Quod lignum ad ignem idoneius sit.

CAP. XIII.



ARBORVM vsus non minimus circa ignem cæteris omnibus longè magis necessarius: vt in illarum extremo exitio maximum generis humani beneficium remanserit, vt antea illo, quàm ad ædificia, quàm ad nauigia cæterasq; omnes res mortales vsi sint, vt eò finierit commoditas, quò incæperit, vt propter eius utilitatem, Persæ (Tyrio Maximo scribente) ipsum ignem adorauerint, Diuinitatis hunc tanquam diarium signum habere existimantes. Cui verò, cùm sacrificarent, præbito alimento, his verbis utebantur: EDE IGNIS DOMINE. Quod vorax insatiabilisq; sit. Græci (docente Vitruuio) δρυὸς vocabulo omne lignum significant: vnde περὶ δρυὸν, pro quacunque veteri, & ambusta arbore accipiunt. Ligna etiam pluratiuo numero Latinè dicimus, quæ comburendi gratia habemus. Martialis:

Lib. 13.

Ad villam moneo, rustice, ligna feras.

Horatius:

In syluam ne ligna feras.

Pro eodem tamen notatu, singulari numero Vlpianus Iuriconsultus in Digestis: titulo de legatis tertio, vsus est. A legendo autem dictum, teste

Varrone,

Varrone, quòd ea caduca in agro legerentur. Ad ignem omnes arbores idoneæ, aptiores tamen quædam, vt quæ in aridis, & apricis, atq; aquilonijs enatæ sunt, quàm quæ in humidis, tectis, & austrinis: & quæ in montibus quàm quæ in vallibus: & quæ neq; annosæ, neq; iuueniles sunt. Et magis quæ natura ipsa calidæ, ac sicciores sunt, quàm quæ humidæ. Cuiusmodi sunt laurus, & hederæ, ac quercus, vt propterea ignis in queruo stipite accensus ampliùs calefcit, quàm si in populneo, aut saligno. Item oleosæ. Nam olei natura calida est. Quod his versibus exprimit. Vergilius:

*Nam sæpe incautis pastoribus excidit ignis,
Qui furtim pingui primum sub cortice tectus
Robora comprehendit, frondesq; elapsus in altas
Ingentem cælo sonitum dedit: inde secutus
Per ramos victor, perq; alta cacumina regnat
Et totum inuoluit flammis nemus: & ruit atram
Ad cælum picea crassus caligine nubem.
Præsertim si tempestas à vertice syluis
Incubuit, glomeratq; ferens incendia ventus.*

Georg. 2.

Abies autem, & pinus, pinaster, stibula, picea, teda, & quæ in totum resinam habent, ad ignem etiam idoneæ, apharca etiam, & corylus. E palmis prunæ viuaces, ignisq; latus. Nempe resinæ celeriter accenduntur, & vehementem ex se mittunt flammam, non tamen absq; modica fuligine. Non enim ligna omnia vna vaporatone ignem emittunt. Quædam certè copiosiore obnubilosioreq; fumo sunt: contrà alia minore, atque clariùs exhalant iuxta humorum differentias, vt quædam crasso sunt, & caliginoso: vt omnes etiam fumi calore, non tamen magno discrimine (quod attri sint omnes) differant. Et si omnium ignis eiusdem naturæ sit, calidiùs tamen harum arborum, quas aptiores ad ignem suprà diximus: maximeq; in vite, propter vini calidam naturam. Carbonem, quædam repente expuunt, & longè cum eruptionis crepitu eiaculantur: vt omnes ferè, quæ resinam ferunt.

De ignarijs, & facibus, & calonibus.

CAP. XV.



NON de ignarijs, vt lignum ligno ad ignem excipiendum teratur. (Non enim semper lapidis occasio est.) Exploratum hoc: vsus in pastorum castris, reperit, vt ignaria ex lignis facerent. Nam omnium rerum collisio ignem creat. Quod in lapidibus cernere est, vel in rotarum attritu, vel in syluis arborum. Quod vltimum testimonio Cari Lucretij clarum. Sic enim in primo:

*At sæpe in magnis sit montibus (inquit) vt altis
Arboribus vicina cacumina summa terantur.
Inter se, validis facere id cogentibus austris,
Donec fulserunt flammæ fulgore coorto.* Idem in quinto:

Multa videmus enim cælestibus insita flammis

Lucret. lib. 1.

Lucret. lib. 5.

F 2

Fulgere

Fulgere, cum cœli donauit plaga vapores:

Et ramosa tamen cum ventus pulsa vacillans

Aestuat in ramos incumbens arboris arbor,

Exprimitur validis extrinsecus viribus ignis,

Et micat interdum flammæ feruidus ardor,

Mutua dum inter se rami stirpesq; teruntur.

Et vt ad ignaria, vnde fluxit sermo, reuertamur: Teritur lignum ligno, ignemq; concipit attritu, aridi fomitis officio fungens, vel foliorum excipiente materia facillimè conceptum. Sed ad hanc rem hedera nihil præstantius, quæ lauro teratur, vt Plinius ait, & ante eum Seneca, à quo ille acceperat. Sed generalius in omnibus lignis Vitruuius scribit. Probatur & vitis syluestris, quæ & lauro teratur. Calidissima & tilia, indicium quidem afferens, quòd ferri aciem maximè hebetet. Mnestor apud Theophrastum morum addit. Ad excipiendum autem ignem aptissima ficus, quia lenta, & corpore rara. Fit enim exinde vt facile attrahat, nec quicquam dimittat. Olea, quamuis spissa, pinguisq; sit, ignarijs tamen inutilis, propter modicum humorem. Cuius calor tametsi corporibus salutaris sit, balneis tamen perniciosus. Porro ad dissoluendas marmorum iuncturas, efficaciter nocius. Fomites optimi, ex his, quæ celerrimè, largissimeq; respirant. Optimi enim è nuce. Terebrum verò è lauro faciendum censent. Idem pro sua acrimonia valentiùs resistit, opusq; commodiùs expedit. Alij ex rhamno. Omnino enim ex duriori arbore esse oportet, atq; ex his arboribus, quæ suprâ faciliores ad ignem diximus. Quidam hoc conceptaculum ex diuersis constare oportere volunt: vt alterum efficiendi, alterum patiendi vim habeat. Cæterum nihil referre, alij arbitrantur, si ex eodem vtrunq; conficiatur. Ars ignaria Græcè πυρίων alias ἔγκανμα, vel ἐμπύρευμα nominatur. Facibus olim familiarissimæ fuerunt carpinus, & corylus. Nunc vñtatissimæ habentur, pini, pinastris. Desiccari multo tempore oportet. Post inferiorem partem fingunt, piceq; illinunt. Antiquitus antequam candelarum vsus inuentus fuisset, ad ignem ligna resinata vrebant. Quod adhuc faciunt pauperes villatici, apud quos huiusmodi copia est. Apud Homerum, Calypso ad nocturna lumina cedrum siccam odoratam vrit. Quod Vergilius aecommodauit:

Vrit odoratam nocturna in lumina cedrum.

Nonnulli de teda intelligunt. καλόν Græcè lignum dicitur, vnde καλοπύδια, calcei lignei, & clasis ἀπὸ τῆς καλῶν, id est, à lignis dicta. Id est, fustis, siue claua lignea. Lucilius:

Scinde calam, puer, vt caleas.

Calones etiam dicebantur, autore Seruio, qui lignum militibus portarent. Apud Horatium nonnulli à calendo dictos volunt, vel à Calendis, quòd ea die cibaria accipiant. Porphyrius dici putat, quòd frequenter aduocetur.

De larice, et Larigno oppido à Iulio Casare obfesso: de carpino, & buxo, & fumosis lignis.

CAP. XVI.

SVPRA



V P R A de arboribus igni vtilibus, & inutilibus: nunc de larice, quæ omnium igni minùs apta. Nec enim ardet, nec carbonem facit, neq; flammā recipit, nec alio modo ignis vi consumitur, quàm lapis in fornace, ad calcem. Quamobrem Palladius, contra incendia vtilissimam scribit, si ex illa tegulæ in fronte, & tectorum extremitatibus locentur. Quod diùs Cæsar, memorabili rei euentu, expertus est, referente Vitruuio. Nam quum is circa alpes exercitum haberet, imperaretq; municipijs vt commeatus præstarent. Erat autem ibi arx natura, & arte munitissima, Larignum à larice vocata, quod ex eius materie, porta, & prope eam turris, transuersis, alternis, inter se, veluti pyra, trabibus, structa, vt possent ex alto accedentes lapidibus ac sudibus repellere: vt qui tum ibi erant, his confisi, mandatis audaciter, & pertinaciter, parere recusarint. Quod Cæsar ægrè ferens copias iussit admoueri. Qui cùm animaduertisset eos, non alia tela, quàm sudas habere, atq; eas propter pondus, non longiùs posse eiaculari, conligatos è virgis fasciculos, & ardentes faces, ad illam portam, & turrin iniici statim imperauit. Quod celeriter factum est. At vbi in cælum sublata foret flamma, totam illam molem iam excidisse existimatum est. Quæ cùm omnis restincta fuisset, intacta, illæsaq; tota turris apparuit. Quod admiratus Cæsar est, iussitq; tamen eos vallari. Qua re perterriti oppidani, sese dediderunt. Quæsitum autem ab eis postea, vnde essent ligna hæc, quæ ab igne minimè læderentur, ad monstrarunt larices, quarum copia ibi erat. Cerri autem materies, ad cremandum improba. Buxi verò in igne duritia, quæ ferro, nec flamma, nec carbone vtilis. Fumosa autem, in genere vniuerso, quæq; viridia, quæve humida omnia, vt palustria, sicuti platanus, salix, populus, alnus. Palma enim suapte natura, fumosa est: vnde illud Cheremonis carmen: Palmæq; vlnas vtq; fumosissimæ radice natas. Fici verò, caprificiq; materies, omnium aliarum acerrimum fumum ex se mittit. Quod testatur Aristophanes in Vespis. Cùm enim seruus fumum in coquina domino esse responderet: cuius ligni esset ab hero percunctatus, respondit, ficulni, qui fumorum est acutissimus, iniquiente etiam cum iureiurando domino. Huius enim naturæ sunt omnes, quæ copiosiore lacte, & acri, abundant. Fumus verò, qui ex olea exurgit, caput grauat, & caliginem ob oculos obducit. Plutarchus in Symposijs. Arbores autem omnes decorticatæ, & aqua superfusa madefactæ, dein siccata, à fumo immunes perhibentur, mollemq; flammam emittunt. Hoc enim modo innatus humor eximitur.

De carbonibus, & eorum ad artifices vsu. Et quid carbonum appellatione contineatur, & de dendrophoris.

CAP. XVII.



ON certè paruus carbonum, præsertim ad ignem, vsus: vt potè qui ad hoc diutius, incorruptibiliùs, ac penè æterni referuentur, & è longinquo faciliùs, minoriq; impensâ deferantur. Maximè autem aurificum, & fabrorum ferrariorum fornacibus necessarij, atq; his

locis, qui lignorum struis minimè capaces sunt: ut illorum etiam usu, sumi molestias fugiamus. Quod Anacharsis, apud Plutarchum in Sympo-
sijis, maximè apud Græcos commendauit, quòd ignem domi tuerentur,
relieto foris fumo. Ad artificum tamen opera cuiusdam arboris generis
carbones desiderantur. Contignationibus etià & pauimentis, moliumq;
fundamentis substernuntur, propter locorum desiccationem. Quæ res
non parum corporum sanitati confert. Infinitæ autem sunt carbonum
utilitates, quas omnes referre, non est præsentis instituti. Carbonum au-
tem appellatione materiem non contineri, Vlpianus Iurisconsultus, de
verborum significatione, memoriæ mandauit. Sed nec lignorum desi-
gnatione, ipsi venient. Verùm num titiones, & cætera ligna, ne fumum
faciant, decocta, ligno connumerabimus, an carboni, àne suo generi? Et
magis ut proprium genus habeant. De ligno quoq; sulphurata, æquè ean-
dem habebunt diffinitionem. Ad faces quoque comparata non erant li-
gnorum appellatione comprehensa, nisi hæc fuerit voluntas. Idem etiam
de nucleis oliuarum, sed & de balanis, id est, vel si qui nuclei sunt. De
pinu autem integri strobuli, ligni appellatione continentur. Ligna autem
carbonum causa, ad ignem ita comparari oportet, ut similis ratio, quæ
de combustilibus lignis habeatur: præsertim verò ne annosa ad id desu-
mantur. Summa enim siccitate hæc constant. Enimvero cum ardent si
desiliunt, humoris aliquid habeant, oportet. Humilis præterea materies
nullos carbones relinquit, propter exiguum corpus. Cæterum optimi
erunt, quos neq; nouella, neque senescens materies fecerit. Huiusmodi
enim spissa erit, terrenaq; , atque naturæ humidæ. Quorum flamma eò
lentior, quò crassior. Alterius enim naturæ celerior. Optimos autem fa-
ciunt prædictæ naturæ, aria, robur, arbutus, corylus. Ex his enim soli-
dissimi sunt: ita & diuturniores, atque efficaciores. E iunipero optimi
sunt: ita ut Albertus monachus, cinere coopertos, ignem per annum
fouere, nescio an verè, affirmet. Deterrimi, roboris, quòd naturæ sit ter-
restrioris. Omnium pessima haliphleos dicta. Latifolia ad carbonem fa-
ciendum improba: quoniam transiliat, scintilletq; , omninoq; inutilis,
præterquam in ærarijs officinis. Nam his suo carbone dotata, quo com-
pendio, utuntur: quoniam desinente flatu, protinus emoriens, sapius re-
coquitur. Nam & artes, carbones suos desyderant. Quamobrem in ar-
gentifodinis, ad primam decocturam, carbonibus è robore, aria, arbutu,
utuntur. At eidem metallo, ex picea. Ferro autem ex iuglande. Excusores
potius pineum quærunt, quàm querneum, quanquam infirmiores sint.
Ad flatum enim respondent. Commodius autem, quoniam minùs mar-
cescant, & extinguantur. Est autem in agro Lugdunensi oppidum, non
valde amplum, quod à diuo Bonito nuncupatur, loco satis arduo, atque
inter monticulos situm. In eo enim forfices prægrandes, ut nullæ aliæ
his maiores sint, excuduntur, ad pannos laneos tondendos: quibus
omnis Gallia, item & vicinæ regiones utuntur. Ad quod artificium car-
bone è pinastro, utuntur, cuius generis syluæ ibi plures ac permaximæ
sunt, ut ibi alia syluestris arbor non agnascatur. Huiusmodi forfices Ger-
mani

mani cudere cœperunt, lucrum illo nouo artificio, apud eos captare cupientes & alienis regionibus auferre, & suffurari. Quibus primùm plures vsi sunt, sed inefficaces inuentæ, vt ab his cudendis cessare coacti sint. Qui nitro soluendo firmando curam adhibent, de arbore, cui myrice nomen est, vt prodit Macrobius, igni suo escam ministrant. Plutarcho in Symposijs hæc etiam prodente. Apud Babylonem fabri ferrarij, palmarum nucleis pro carbonibus vtuntur, Strabone scribente. Qui autem carbonēs faciunt, recentes confertissimè exaggerant. Densissimè enim ad cremandum componi oportet. Acerui postea luto caminantur. Accensa deinde strue, contis pungunt, flammamq; omnibus corripiendis excitant, vt ita sudorem emittat. Dendrophori sunt, & qui arbores cædunt, atq; torrent. Cancanon, Græci lignum aridum vocant.

De pœna excidentium furtim alienas arbores.

CAP. XVIII.



ADVERSUS autem eos, qui furtim alienas arbores cederent, plurisariam, pluribusq; actionibus, à priscis illis Iuriconsultis, vindicatum est. Non enim delictum hoc parui fecerunt, vt contrà eos actio, tam ex lege Aquilia, quàm ex lege duodecim Tabularum, daretur: vt iudex in posteriorem deducat id, quod ex prima consecutus sit, ex reliquo condemnet eum, referente Paulo. Caius etiam eos, qui arbores maximè viles cederent, tanquàm latrones puniri. Fuit, inquit, & arborum cura legibus priscis. Cautumq; est duodecim Tabulis, vt qui iniuria cæcidisset alienas, lueret æris vigintiquinque. Cedere Paulo est, non solum succidere, sed etiam ferire cædendi causa. Cingere est deglabrare. Subtersecare est, subsecuisse: non enim poterat cæcidisse intelligi, qui ferra secuisset. Si autem arbor in vicini fundum radices porrexerit, eas vicino succidere non licebit. Agere autem licebit, non esse ei ius, sicuti tignum, aut protectum, immissum habere. Si radicibus, vicini arbor alatur, tamen eius est, in cuius fundo origo eius fuerit. Qui per vim cædit, sciente domino, non incidit in hanc actionem. Si quis radicitus arborem euulserit, vel extirpauerit, hac actione non tenetur: neq; enim vel cædit, vel succidit, vel subsecuit. Aquilia tamen tenetur, quasi cæsa. Furtim arbores cædit, qui clam cædit, & quæ ignorante domino celandiq; eius causa, cæduntur. Hæc autem ex nostris Iuriconsultis. Capitale autem supplicium fuerat, scribente Seruio, alienas arbores incidere. Quod intelligere in Bucolicis Vergilius voluit, cum ait:

*Tum credo cum me arbutum videre Myconis,
Atq; mala vites incidere falce nouellas.*

Prefatio



Præfatio libri deciminoni.



ATIS ut arbitror, in uniuersum de re arboraria disputatum, ut nunc de una quaq, per se specialius describere, supersit. In qua uero re hunc ordinem seruare decreuerim, uti post nomenclationem ipsius arboris à caudice, à folijs floreq, fructuue ceterisq, illarum partibus effigiem delineamus, dein genera. Ultimum harum naturam ac vires medicas ostendemus. In quibus autem describendis, non omnes cum ceteris rebus facultates recensere deliberatum est, sed tantum quæ per se solum, aut cum altero ad sanandos morbos efficaces. Hoc enim molliri, omnem ferè medicam materiam edocere esset. Nullum autem compositionis pharmacum, vix reperiri poterit, in qua aliqua cuiusdam arboris pars, non commisceatur. Maxime uero si de oleo, si de myrrha atque thure, & pluribus alijs, agere uelimus. Et ut nonnihil de illarum generaliter primum dicamus, Inter arbores atque in uno & eodem genere quadam differentia, ut calidiores vel frigidiores, ex loci natura vel situ sint. Cuius primæ qualitatis erunt, quæ in agentioribus locis, ut quæ in Arabia, Egypto, quàm quæ in Italia, & Gallia proueniunt, & quæ in his duabus regionibus, quàm quæ in Germania & Britannia. Quod itidem in genere humano est ut mulier, quæ sui natura mare frigidior est, in Africa tamen calidior sit, quàm vir in Germania.

HORTORVM LIBER

DECIMVS NONVS.

De myrrha.

CAPVT I.



MYRRA Græcè *σμύρνα*, quo etiam nomine vrbs Græciæ, in qua secundum scribentium maiorem partem natus Homerus, quodam nominis præfatio, propter myrrhæ arboris vim eximiam, vt similem in Homero doctrinâ prænuntiarit. Pauca enim arbores numerantur, quæ vi multiplici & admiranda, eam superent. Vti Homerus, diuino ingenio vir & omnium doctrinarum facile princeps, non solum omnes, qui eum præcesserunt, sed & qui secuti sunt, longè superauerit, Monstrum quidem naturæ. Smyrnæ autem vocabulo pro myrrha Latini etiam vsi sunt, veluti Lucretius:

Et contentus odor smyrnæ.

Et Martianus Iurisconsultus libro trigesimonono Digestorum, titulo de Publicanis. Myrrha autem Ægyptiorum voce bal dicitur, quæ dissectionem designat. Est autem arboris genus, cuius voce etiam succus, qui ex ea exsudat, comprehenditur. Arboris autem altitudo ad quinque cubita extollitur. Enimvero qui eam arborem (vt inquit Theophrastus) viderunt, in eandem magnitudinem fermè consentiunt, vt ne prægrandem referant, fruticosam quoque. Caudice verò duro atq; contorto, vt à radicis imo etiam, nec à reliqua sui parte, hominis sura crassior sit. Sine spina, cortice læui, similiq; vnedeni. Alij verò scabrum, absq; spinis hispidum, & in vertigine flexum dixerunt. Folium licet crispus, oliuæ tamen simile: verum extremo spina horridum, ilignei modo. Iuba verò olusatri. Dioscorus autem Siculus, myrrham arborem lentisco æqualem scribit, sed cui folium & frequentius, & tenuius dependeat. Dioscorides verò spinæ Ægyptiæ non dissimilem. Theophrastus autem terebintho persimilem, verum scabrosiore crebrioreq; folio, & paulò rotundiore, eodemq; gustu. Plinius autem iunipero non dissimilem: vt hic cum Theophrasto, voce tantum differat, cætera verò omnia ab eo ad verbum interpretatus. Hæc autem sunt quæ de myrrhæ arboris figura, apud autores referuntur. Quæ parum inter se coherere videntur, vt certa, & vera eius effigies, ex tot inuicem dissentientibus opinionibus, nobis adhuc incognita sit. Nec ego alium ex recentioribus legi, qui se dicat eam conspexisse. Sudat autem vel spontè, priusquam incidatur, vel nudata corticis vulnere. Inciditur autem à caudice vsque ad ramos, qui valent. Fluit etiam (inquente

G Diodoro)

Diodoro) ab ima caudicis parte, effosso circum radices trunco, in solo vberiore. Tegetes autem, quas Theophrastus ex palmis fieri dicit, in quas defluat, subijciunt. Alibi solum circum arbores pauimento stratum est. Qui verò, eodem autore, è sinu heroum professi sunt, collectionem hoc modo notarunt: vt aliquæ, caudices simul & ramos incisos haberent, sed alios veluti securi percussos, alios tenuiores incisuras, & lacrymam aliam decidere, aliam arbori adhærere. Inciduntur autem bis, & ipse iisdem temporibus. Bis autem anno fructum reddere, Vere scilicet, atque æstate, Diodorus scribit. Verùm æstate album, Vere autem, propter rorem, rubrum. Theophrastus verò sub Cane, feruentissimis diebus. Complura autem eius genera Plinius connumerat. Prima omnium Troglodytica appellatur. Cognomine accepto, ab eo tractu, in quo prouenit. Colore enim subuiridis, mordax, perlucida. Probat pinguedine, & quòd aridior sit, sordida, atq; barbara, sed acior cæteris. Sequens Erythræa, & Minæa, quam alij Aminæam dicunt. Improbatur, sicut & Attramitica & Ausaritis, Gebanitarum regionum est, & Dianitis, & Collatitia. Sembracena, à ciuitate regni Sabæorum, mari proxima. Hæc quidem Troglodyticæ vitij caret. Ante enim alias hæc hilaris est, cæterum viribus pertenuis. Est & Dausiritis, & candida, vno tantum loco, atq; vnum tantum in locum, scilicet in Messalum oppidum confertur. Dioscorides autem alijs à Plinio nominibus, myrrhæ genera distinguit. Quæ potius à loci situ, & eius natura denominauit: ille à regionibus. Nascuntur enim (inquit Theophrastus) myrrhæ arbores, aliæ in monte, aliæ ad montis radices. Aliæ autem in priuatis agris, quæ ideò coluntur. Vna verò pedianismos, id est, campestris, quòd in planitie, quæ Græcè *πεδῖον* dicitur, nascitur Præpinguis est. Qua expressa, stacte emittitur. Alia gabirea. Pinguissima hæc, læto & pingui solo proueniens. Hæc autem copiosam stactem sudat. Quedam legitur tenuis, quæ Troglodyticæ secunda est, Bdellij modo mollis, sed odore grauiuscula. Apricis nascitur. Alia caucalis cognominatur. Præter modum scabra, nigra, ergasime nuncupatur. Pingui carens obducta cano situ, acris, ad gummi vergens, viribusq; eius proxima. Nascitur, inquit, Strabo, & gedrosia. Lacryma autem, quæ spontè manat, stacte dicitur, à verbo Græco *στάζω*, quod est fluo, stillo, cui nulla præfertur. Est autem carmen Plautinum:

Tu mihi stacte, tu petalium, tu cinnamomum.

Actuarius verò stactem, pinguedinem recētis myrrhæ, cum aqua modica contusa, aut per machinas expressæ, interpretatur. Alij lacrymam myrrhæ in duo genera diuidunt. Primum purum intelligentes. Secundum plāsten, id est, fictitium. Cæterò passim coempta, vulgus in folles confarcit: ipsiq; vnguentarij digerunt, haud difficulter odoris, ac pinguedinis argumentis. Fuere qui è thuris arbore vtrumq; nasci mentirentur. Adulteratur gummi macerato aqua, in qua myrrha maduerit, & lentisci glebis: item cucumeris succo, amaritudinis causa, sicut ponderis argenti spuma. Galeni tempestate, sicut ipse prodit, opocalpasi lacryma venenosa, adulterabatur, qua mori eos contingebat, qui talem inscij desumpsisent. Sunt qui arborem, quam Plinius opocarpalum vocat existiment. Fallacissi-

mè autem Indica myrrha adulteratur, quæ ibidem ex quadam spina colligitur. Hoc enim solum peius India affert, facili quidem distinctione, tanto deterior est. Reliqua vitia depræhenduntur, gummi sapore, dente lenescentis. In plenum autem probatio, cum squallore obsita est, & levis. In qua vndiq; concolor, ut quæ confecta, vngues internatos, candidos, & leues habeat, minutulis glebis, gustu leniter amara, odorata, calfaciens. Eligenda est recens. Secunda bonitas quæ intus varia, Pessima, intus nigra: peior, si etiam foris. Superuacua, & inutilis est, grauis, coloris picei. Ex his verò fiunt pastilli: verum è pinguioribus, pingues, odorati. E siccoribus verò haudquaquam pingues, atq; inodorati. Minus autem viribus pollet, quæ oleum non admisit, cum in pastillos non digeretur. Cæterum commendatissima (inquirente Actuaria) quæ olei expers est. Per se enim sine oleo vnguentum facit stacte duntaxat, alioquin nimiam amaritudinem affert. Hæc Plinius. Stactæ verò à VI. ad L. Satiæ summum ad XXXI. Erythræ ad XVI. Hanc volunt Arabicam intelligi Troglodyticæ nucleo ad XXXI. Eius verò, quam odorariam vocant, ad XXXIII. Apud Arabas autem, non alia ligni genera quàm odorata, ad ignis usum. Nam & Sabæi, thuris ligno, cibos etiam in furnis coquunt: alij myrrhæ, oppidorum, & vicorum apud externos. Idq; etiam perraro ex deorum aris, & fumus, & nidor. Adeo enim, ut Plinius scitè ait, nulla est voluptas, quæ non assiduitate, sui fastidium pariat. Fumus tamen noxius est, quo plures insanabiles morbi contrahuntur, maximè etiam sanis, autore Galeno. Capitis dolorem inducit, ut multò magis eos non leuiter offendant, qui iam eo grauantur. Ad hunc ergo sanandum vrunt styracem in pellibus hircinis, suffiuntq; tecta. Vrunt etiam in syluis, ad serpentes abigendos, ibi frequentissimos. Chalcis piscis maximè myrrhæ odore capitur, sicut Oppianus prodit, ut propterea illo faciliè, in nassam alliciat, & deducatur. Vis eius in medicina est excalfacere, & desiccare etiam extra morsum in secundo ordine, eiq; adstringendi vis est. E pulmone educit, glutinat: idcirco capitis vulnera illitu celeriter contrahit. Concoquit etiam humores vitiosos, & præter naturam soporem gignit. Inest & amaritudo non pauca, qua & foetus, ac lumbricos enecat, & eiicit. Ad hæc abstergit, eoq; ocularibus medicinis miscetur. Albugines tollit, caliginem discutit, scabiem læuigat, & oculorum vlcera complet. Eadem de causa medicamentis, quæ ad tussim veterem, & ad anhelationem exhibentur, inditur. Plinius fabæ magnitudine deuorari scribit, & in orthopnœa, ac in laterum, pectorisq; doloribus, atq; in alui profluuiio, & dysenteria. Non tamen fauces, sicut adstringentium nonnulla, exasperat. Verum moderatam vsque adeo absterfionem obtinet, ut multi eam arteriacis, quæ vocant, medicamentis, commisceant, tanquàm sufficienter excalfaciens, desiccans medicamen, obsterfionem scilicet ab amaritudine proficiscentem nihil verentes. Vuluas, quæ præclusæ sunt, laxat. Menses trahit, si vino diluta sit, autore Paulo, si ad os vteri adhibita sit. Subdita verò linguæ, liquataq; arteriæ scabritiem expolit, densamq; vocem expedit. Contra oris graueolentiam manditur. Concoquit, & pus mouet, autore Celso, & rodit. Addunt &

Arabes, sumptam tum ventri emplastri modo impositam aquis subuenientibus mederi. Obolus autem ex ea naribus inditus, cerebrum purgat, à crassisq; flatibus liberat. Gingiuas roborat, ac dentes firmat. Colicis cruciatibus mirè illita opitulatur. Pretia eius ex occasione ementiuntur. Fit è myrrha vinum, quod myrrhinum, & myrrhatū, veteres dixere, sicut & myrrhata potio. Laudatissimum verò apud antiquos fuit. Fabius, Mittebat vinum pulchrum, myrrhinum. Et alibi: Panem, & polentam, & vinum myrrhinum. Plautus: Ecquid habeant roga, myrrhinum, passum, defrutum, mella. Eius autem confectionem Dioscorides in quinto docet.

De myrrha Bæotica, & de Myrrhæ fabula.

CAP. II.



BÆOTICA myrrha, dissecta, radix est arboris cuiusdam in Bæotica nascentis. Sed ex radice melior. Nam propius myrrhæ odorem repræsentat. Vis ei calfactoria inest. Emollit, discutit. Suffimentis commodissimè inferitur. Prætereundum insuper minimè cenfeo, quæ poëtæ suis fabulis, de Myrrha commenti sunt. Cyniræ autem Cypriorum Regis, & Cenchreidos Myrrham fuisse filiam dicunt, atq; hanc ob Veneris iram, patrem adamasse. Nutrici autem suam ardoris necessitatem aperuit: quæ dolo, & insidijs dominum decepit. Huic enim quandam virginem eius amore incensam denuntiat, quæ ad eum verecundia quadam palàm accedere non auderet: vt propterea Cyniras cum filia noctu impiè congressus, & post multos concubitus, amoris vi quadam impatiens, amasiam dignoscere desyderat. Quæsito itaq; lumine, filiam depræhendit, & scelus rescivit, illamq; stricto gladio, in Arabiam vsq; Sabæos, & Catanem fugientem persecutus. Veneris tandem, & deorum miseratione, in arborem sui nominis versa est. Quæ, vt ait Ouidius,

Metam. 10.

*Quæ quanquam amisit veteres cum corpore sensus,
Flet tamen & tepidæ manant ex arbore guttæ.
Est honor & lacrymis: stillatq; cortice myrrha
Nomen herile tenet, nulloq; tacebitur æuo.* Et alibi hic:

De Arte lib. 1.

*Myrrha patrem, sed non vt filia debet, amavit:
Et nunc obducto cortice pressa later.*

Illius lacrymis, quas arbore fundit odora,

Ungimur: & domina nomina gutta tenet.

Propertius:

Lib. 3.

Crimen & illa fuit, patria succensa senecta

Arboris in frondes condita myrrha nouæ.

Hæc ex patre Adonim peperit. De quo sic Ausonius:

- Rescindit adultum Myrrha vterum.-

Huius verò fabulæ mythologi rationem adferunt. Parentem enim myrrham arsisse perhibent, hoc est solem, qui omnium rerum pater est, cuius etiam opitulatu, cunctorum germinum adolefcit natiuitas. Cumq; hæc arbos grandiuscula facta sit, Solis ardoribus, rhagades crepant, & scissuris hianibus, odoris suauissimi defluit lacryma. Quare Adonim peperisse dicitur: qui Græcè suauitas. Hic Venerem adamasse dicitur: quod myrrha feruida

feruida sit. Vnde Petronius Arbiter, se ad libidinis concitamentum myrrhinum poculum bibisse refert. Et Sutrius, comædiarum scriptor, Glyceram meretricem introducit dicentem: Myrrhinum mihi adfers, quò viribus, armis occurrerem fortiuscule. Hæc Fulgentius.

De thure & iuvene eius nominis.

CAP. III.



Hys Græcè λίβανος, & λιβανωτός. Sunt tamen qui arborem, δένδρον λίβανον vocitent, lacrymam verò λιβανωτόν. Euripides autem, λιβανωτόν arborem, lacrymam verò λίβανον. Contrà Hesychius λίβανον arborem, λιβανωτόν fructum, siue ipsum thus. A iuvene autem eiusdem nominis sic dicta. Fuit autem adolescens Assyrius, Deorum cultui omnino deditus, quapropter impij homines æmulatione induciti, eum neci dedere: verùm Deorum miseratione, in arborem sui cognominis versus. Qui & si naturam demutauerit, Deorum tamen amicitia minimè priuatus, vt mutuo amore, quem ille viuus erga hos habuisset, in eum demortuum commutarint. Plus eius planta, & eius lacryma, ad illarum sacrificia gestientes, ac magis placabiles, quàm cæterarum arborum coronis, & auro. Antiqui autem, vt voluit Seruius in primum Georgicorum, atque in illo carmine, Molles sua thura Sabæi. Thus από τῶν θεῶν deduxerunt. Quod displicuit. Alij παρὰ τὸ θύω, quod est sacrifico, vnde thyasia, sacrificium. Modestus, apud Sosipatrem Charisium, παρὰ τὸ θύειν. Cæteri absque aspiratione scripsere, à tundendo deriuantes: à glebis scilicet tuis, cum quibus fluens de arboribus dicitur coalescere. Diminutiuum eius, (inquiens Prisciano) tusculum. Quæ autem sit ipsius arboris facies, non satis bene (autore Plinio) constat, nec etiam à Latino aliquo autore, quod hic sciuerit, tradita, etsi res in Arabia Romani gesserint, & ante eum Ælius Gallus, ex equestri ordine, Romana arma in eam terram intulerit, oppidaq; eius Egram, Anestum, Escam, Magusum, Tammacum, Labeciam, Mariabam, Caripata diruerit, cæteraq; explorata retulerit. C. etiam Cæsar, Augusti filius, inde gloriam petijt. At inter Græcos de imagine eius, adhuc quoq; variatum est. Hæc autem, scribente & Theophrasto, & Diodoro Siculo, non adeò magna est, sed quæ solùm ad quinos ferè cubitos, atque id per multos ramos attollatur. Pyri quidem folio, verùm multo minore, planè herbido, rutæ modo. Alij lentisco, eiusdemq; fructus similem prodidere, folio subrutilo. Quidam verò mage terebintho. Fidem desumentes ex eo, quòd cùm Arabes thus Antigono Regi aduexissent, simul & lignum eius, quod nil à terebintho differret. Diodorus aspectu spinæ Ægyptiæ, & albedine, folio salicis arboris, ac crocei coloris flore. Alij lauri fronde, cortice ex omni parte leui, vt laurus ipsa. Nam & thuris arbor, quæ supra Sardes, apud quoddam delubrum enata consimilis formæ (vt scribit Theophrastus) visa est. Siquidem eam fore thuris arborem dixere, argumentum quòd eius lacryma non tam quæ ex caudice, quàm quæ è ramis exciperetur, & visu, atque, cùm crematur, odoratu, ei, quæ ex Arabia aduehitur, proxima sit. At Rex Iuba, in ijs libris, quos ad C. Cæsarem Au-

gusti filium, Arabiæ fama ardentem, conscripsit, aliam figuram præscripsit, vt intorto caudice. Solinus verò viminis ramis ad aceris, maximè Pontici, qualitatem, & amygdalæ succum modo effundere. Plinius legatos, qui sua ætate ex Arabia venerunt, omnia incertiora reddidisse scribit. Ex virgis enim, quæ ad nos asportantur, quibus credi par est, vt ille ait, matrem quoq; teretem, atq; enodi trunco fruticare ostenditur. Cortex, qua maximè prægnans, tenuissimus distenditur, vt futuræ incisuræ locum demonstret. Laxatur enim ibi, plaga non adimitur. Inde profilit pinguis spuma, quæ densatur. Vbi autem loci natura deposcit, tegete excipitur palmeo, aliubi areola circum pauimento strata. Purius illud, atque magis perlucidum, hoc verò ponderosius. Quod verò arboribus inhæret, ferro depectitur: quod corticosum esse solet. Nouellæ enim arboris candidius, veteris verò flauius, sed odoratius. Meti semel anno solebat, minore scilicet vendendi occasione: verum iam quæstus aliam effecit vindemiam. Prior enim naturalis. Hæc autem est, circa Canis ortum. Flagrantissimo enim æstu arbor inciditur: ex cuius æstiuo partu, sequenti Autumno legitur. Secunda verò vindemia, Vere est, corticibus hyeme ad eam incisis. Primæ autem purissimum atq; candidum est: Secundæ verò rufum, neq; id priori minimè comparandum. Primum carpheotum, id est, torridum: secundum dathiathum vocant. Siquidem pro incisura facta, thuris figura sequatur (autore Theophrasto) necesse est. Quod autem cum gutta rotunditate pendet, non quidem sectum, sed integrum, masculum vocatur, et si aliàs non vocetur mas, vbi non sit fœmina. Quod aliqui à testium similitudine dici volunt. Græcè verò *ἀτομον*, & chalcolibanos. Calceon enim etiam pro masculo accipiunt, & sæpe apud Orpheum in hymnis, lemma est, Chalcolibanos in Apollinem, Latonem, & cæteros deos, quibus masculi thuris sacrificium, hoc indice, denotare voluit. Et apud Vergilium in Bucolicis dicitur:

Ecloga 8. Verbenasq; adole pingues, & mascula thura.

Præcipua autem gratia mammoso, quod suapte natura rotundum esse soleat, vt cum hærente priore lacryma alia se immiscet, in mammæ similitudinem, à qua & nomen accepit. Græci enim stagoniam, quasi stillicidiare dixere. *σταγόνιας* enim Græci aquarum stillicidia vocant. Primæq; eius laus, quod rupto arboris cortice fluxit. Hæc autem singula manum implere solita, inuentum est, cum minori diripiendi auuiditate lentius nasci liceret. Mammosum verò indiuiduum est, candidum, & cum intus frangitur, pingue, ac in suffitu statim ardens. Indicum verò fuluescit, & colore liuet. Sed illud rotundum ex industria factitant. Nam in formas quadrangulares dissectum, dolijs versant, donec rotunditatem contrahat. Hoc entomon, aut syagrium vocant, à Syagra Arabiæ promontorio. Secundæ bonitatis est Arabicum, & in Smylo natum. Quod nonnulli copiscum vocitant, minus, multoq; fuluius. Hoc autem alij orobiam, & meliotum vocant. A quantitate enim nomen inuenit, quod minoribus guttis concrecat, erui semen non excedens. *ἐροβον* enim Græci eruum vocant. Meliotum autem à luteo colore dictum. Est & genus aliud, cui

amymitæ

amymitæ cognomen est: quod dum molitur, mastiches more digitis cedit. Quoddam verò usque adeò glebis magnum, ut mole sua manum impleat, quodq; pondere etiam plusquam minæ tertiam partem æquare possit. Etiamnum inueniuntur guttæ, quæ tertiam minæ, hoc est, xxxix. denariorum, ut Plinius ait, pondus æquent. Probatur autem candore, amplitudine, fragilitate, carbone, ut statim ardeat: item ne dentem recipiat potius, quam in micæ frāgatur. Minei, ut Plinius ait, vel, ut Diodorus, Genæi, thuris commercium faciunt, maximeq; exercent. A quibus minæ dictum est. Illi enim Sabæos attingunt. Pagus alius, per quos euehitur, tramite angusto. Collectum autem Sabotam camelis conuehitur, porta ad id solum vna patente. Digredi via, leges capitale fecere. Ibi verò ad Solis delubrum, quod sanctissimum Arabes habent, reponitur. Quod armati homines custodiunt: qui singulis acervis certi constituuntur. Quibus idem tabella literis, & mensurarum, numerum, & mensuræ pretium significat. Quam cum mercatores aduerterunt, acta mensura, quantum voluerint, accipiunt. Sacerdotes deinde tertiam pretij partem desumunt. Quod autem superest, tutissimè usq; dum dominus acceperit, asseruatur. Euehi verò non potest, nisi per Gebanitas. Caput enim eorum Thomna. Abest à Gaza, Iudææ oppido Romani litoris Lxxxxxvi. passus: quod in camelorum mansiones Lxii. diuiditur. Sunt autem portiones, quæ Regum Scribis dentur, sed præter hos & custodes, satellitesq;, & ostiarij, & etiam ministri populantur. Iam quacunq; iter est, aliubi pro aqua, aliubi pro pabulo, aut pro mansionibus, varijsq; portorijs pendunt: uti sumptus in singulos camelos, denariū dclxxxviii. ad nostrū litus colligat, iterumq; publicanis alijs penditur. Itaq; optimi thuris libra xvi. pretium habet, secunda xv. tertia xiiii. & si thus omne iners aduehatur. In lucis enim, in quibus thus provenit, nemo furatur, nec faucias arbores custodit. At herculè Alexandriæ, ubi thura interpolantur, nulla satis diligentia custodit officinas. Subligaria signantur opifici, persona adijcitur capiti, densusve reticulus, nudi etiam emittuntur. Tanto minus enim fidei apud nos pœna, quam apud Arabes syluæ habent. Hæc Plinius ferè ad verbum. Nunc verò è regione Indiæ Seir nominata, apud Lusitanos portatur, ut ipsi perhibent. Vicus autem Romæ, nomine thurarius olim fuit, ubi thus, & aromata omnia, venundarentur. In quo Vertumni fuisse sacellum, scribit Porphyrius.

De arbore thurifera, in Carmania, & Egypto nascente, & thuris facultatibus, & fabula Leucothoes.

C A P. IIII



THEOPHRASTVS autem in Carmania, & supra Egyptum arbores esse scribit. Primum verò Ptolemæorum studio fatas, aut, ut alijs placuit, spontè provenientes, folio & cortice lauri. Ex quibus thus, ut gummi, inciso cortice, caprinis pellibus excipitur. Strabo etiam in insulis ante Euphratem, arbores adnasci thus redolentes, quarū effractæ radices succum emittunt.

emittunt. Thus autem pini, resina, & gummi adulteratur. Quod facile deprehendi potest. Siquidem gummi suffitum flammam non eiacularur, & resina in fumum euanesceat. Sed ut iam de eius vi medica differamus, locus sese offert, cuius usus in prisca medicina quadrifariam diuidi solebat: in lacrymam scilicet, fuliginem, & corticem, ac mannam. Est autem thuris lacryma, calidæ temperaturæ. Calfacit enim, autore Galeno, secundo ordine, ut in humida corporis parte carnem producere valeat, in sicca verò minime. Habet etiam concoctorium quoddam, quod dolorem sedet. Desiccat in primo. A liene & iecore per vrinam ducit. Est & in ea vis medica leniter adstringendi. Verum manifesta candido est. Caua vlcera complet, & ad cicatricem perducit. Cruenta glutinat, infranatq; sanguinis excreationes potum. Quod Celsus vocat, sanguinem exprimerè. In secunda verò valetudine haustum, insaniam mouet. Oculorum caliginem discutit. Incensum verò, & suffitum, tussim, & rheumatismos, id est, distillationes sanat, & mulierum menses potum, & subtus impositum agit. Habet & peculiarem vim contra pestem, si eius tempore ædes suffiantur. Sic enim corrupta aëris qualitas immutatur. Contra boum satietatem, ut autor est Columella, quidam thuris grana cum mero diluunt, & bobus propinant. Contra item cicutam thus auxiliatur, autore Theophrasto. Arabes addunt thuris drachmam in aqua maceratam, singulis diebus ebibitam, pituitæ auxiliari, ac memoriæ. Nam eam amissam reparat. Sanguinem tamen perurit, ac cephalalgiam, & capitis dolorem excitat. Ebrietati succurrit, & flatus discutit. Tristibus, & animi deliquio, à corde proficiscenti, subuenit. Pluribus verò diebus læuigatum ad alopecias bene facit, autore Alexandro Tralliano. Thuris autem cortex Dioscoridi præfertur, qui crassus sit, pinguis, odoratus, recens, leuis, minimè scaber, & sine membranis. Adulteratur admisto pini, aut eius nucis cortice. Sed horum, ignis vindex. Siquidem suffiti reliqui cortices nequaquam incenduntur, sed sine odore fumum eructant. Thuris autem cortex ardet, & fragrantem odorem eiacularur. Vis eadem quæ thuris, valentior tamen. Etenim intense in secundo abscessu desiccat, adstrictiorq; est. Nam manifestè adstringit. Inest & illi crassa substantia, minùs acris. Hinc medici, sanguinem expuentibus, ad stomaticos, dysentericos, cæliacos, vtuntur, exterius applicando, nonnunquam tamen exhibendo. Celso purgat, rodit, adurit. Dioscorides verò ad cicatrices, sordesq;, & oculorum caua efficacem scribit. Tostus enim lippitudinibus auxiliatur. Surculus eius tum siccioris, tum calidioris est facultatis quàm ipsum thus, adeò ut ad tertium usq; excessum perueniat. Nonnihil etiam abstergit. Itaq; eo nomine & expurgare, ac implere, quæ in oculis consistunt, vlcera videtur. Solem autem Leucothoën Orchami, & Eurynomes filiam adamasse fingunt poëta, quam in matris faciem conuersus vitiat. Clytiæ inuidens patri, adulterium patefecit. Pater verò viam terra defodit, & ex arena tumulum exaggerauit. Sol autem radios, ut possit defossos vultus promere, & gelidis artubus viuum calorem dare, immittit. Quod minimè propter terræ pondus valuit. Vltimum, corpus odorato nectare sparsit, atq; suo cœlesti odore terram madesce

madefecit, vt deniq; virga, actis radicibus, ruptoq; terræ tumulo, per glebas in thuris arborem surrexit.

De manna thuris.

CAP. V.



ANNA, autoribus Dioscoride, Galeno, ac Plinio, thuris mica concussa est, quæ glebarum attritu in acerris subsidere solet. A concussu etiam Græci, *ἄνθοςμα* dicunt. Propriè enim appellatur id, quod excussum est à thure circa magna opera confraeto. Et hoc nomine etiam ipso thure vtilior, quasi quoddam thuris ipsius purgamentum, vt aliquibus nihil à thure læuigato differre videatur. Auferuntur enim simul ab ipso thure fragmenta quædam parua thuris corticis, vnde scilicet adstringendi vim leuem habeat. Probatur autem candore, micarum frequentia, & puritate. Adulteratur thuris cortice tuso, polline, ac cribrata pini resina. Hæc autem faciliè depræhenduntur. Nam suffitu aërium vaporem fuliginosum, & impurum expuit, ac permistum suaueolentiæ odoris virus habet. Similes cum thure vires habet, verùm in plerisq; inualidiusculas. Arabes addunt, vt ventriculo auxilietur imbecillo. Aluum adstringit, aquis cutem subeuntibus confert pota, & emplastri modo ventri imposita. Medicamentis contra phlegmonas admiscetur. Errhinis drachma adhibetur. Distillationes excitant, ac cerebrum mundant: Flatus crassos dissipat, œdemata sanat.

De thuris fuligine.

CAP. VI.



THURIS autem fuliginem sic faciendam præcipiunt auctores. Accensas enim thuris in lucernis singulas glebularas forcipicula apprehendunt, & in nouam fictilem ollam concavam aptè collocant, quam alio vase æneo diligenter ab omni forde expurgato & in medio perforato obtegunt, suppositis circa operculi labia quatuor digitorum altitudine lapillis, quatenus faciliè perspicere queat, vbi copia fuerit, alias glebularas imponendi, & antequàm prior restinguatur, vt aliam adijcias, donec sufficientem fuliginem, aggregasse videaris. Continuò tamen externas operculi partes, spongia aqua frigida madefacta abstergito. Ita enim temperato aëris feruore, fuligo omnis æneo vasi inhærebit: quæ alioquin per leuitatem decidua thuris cineribus admiscetur. Quam deinceps pēna derades. Idemq; opus quoad tibi satisfactum videbitur, obeundum. Fuligine itaq; sic derafa, cremati thuris cinis seorsum subtrahendus, ad eosdem etiam vsus. Tertio ordine calfacit, autore Galeno. Hæc enim oculorum inflammationes mitigat, fluxiones suspendit, vlcera purgat, caua explet, carcinomata sistit. Celso purgat, & corpus exedit. Simili modo è myrrha, styrace, resina, cæterisq; lacrymis, fuligo excipitur, ad eadem conueniens.

De cancamo.

CAP. VII.

H C A N C



AN CAMVM κάκαμον, ή λάκκα Actuario Græcorum recentiori, nonnullis maximè Arabibus lacca: quibus etiam chermes, dissidentibus alijs, historia satis confusa. Dioscoridi verò, Paulo atq; Aëtio, arboris Arabicæ, myrrhæ simillimæ, lacryma. Petrus Brissotus medicus Gallus, cuius præmaturum interitum tota medicina deflet, cum Lusitanis ad Indos nauigauit, cancamum lacrymam flui in Guinæa, Minæa, & cæteris vicinis insulis, è maximis arboribus, folia myrti habentibus depræhendit. Lusitani anijmum, pro aminæum, à Minæa insula vocant. Hæc autem ex confinio Casia, & Cinnami per Nabathæos, & Troglodytas, qui conscendere ex Nabathæis aduehitur. Myrrhæ similitudinem præ se fert, odore grato, vt ad suffitus incendant, & vsurpent. Hac autem ratione vestes illa, myrrha, & styrace additis, suffiunt, gustu viroso. Eius autem potu, ternum obolorum pondere, ad aliquot dies ex aqua, aut mulso aceto, ad extenuandos nimia obesitate præpingues, & illos ad maciem perducere proditum. Abstergit, & obstructa aperit. Menses autem commoratos extrahit: hebetibus oculis medetur, ac illorum cicatrices, celerrimè emendat. Comitialibus, suspiriosis, lienosis, datur. Aduersus gingiuas distillatione erosas, & prægnantes dentium dolores, nihil æquè aliud magis efficacius. Vim autem ex Mauritanis referre superuacaneum, cum aliud esse existiment cancamum Græcorum, quàm Arabum, quod laccam vocant.

De narcaptho.

CAP. VIII.



ARCAPTHVM, quam dictionem Latini à Græcis commodarunt. Nam illi etiam νάρκαρθον vocant, nascapthum, etiam Paulus Lacaptho nominat, lachaten inter Arabes Serapion. Lignum corticosum (inquit Dioscorides) sycomori simile, &, vt nonnullis placet, quasi putidum, & antiquitatem nimiam redolens. Nec Theophrastum, nec Plinium meminisse quidam autumant. Cæteri tamen Plinium & serichatum vocasse, & descriptionem, tanquam sibi incognitam, reliquisse. Odoriferum est, vnde à Paulo Indicum aroma: quare iucundi odoris gratia suffitur, misceturq; thymiamatis: vt ex frequentiori in suffimentis vsu, thymiamatis nomen, apud seplasiarios vendicari. Miscebatur enim thymiamatis, & scypho magno, qui heliacus cognominabatur, qua compositione ad propitiandos deos vsa est antiquitas, vnam Soli, alteram Lunæ consecrantes. Rarò enim suffimentorum compositiones fiunt, in quibus non commisceatur: vt propterea thymiamatis ascititiam nomenclaturam, relicta suæ arboris, vsurpauerit. Vuluæ constrictionibus, inquit Dioscorides, prodest.

De arboribus in Tylo insula prouenientibus, & in insulis

Araxis fluij.

CAP. IX.



EST autem Tylos, insula sinus Arabici in eadem parte sita, quæ Orientem prospicit: quæq; etiam ipsa maris æstu perfunditur. Repleta quidem syluis, & arboribus diuersi generis, vt scribit Theophrastus,

phraſtus, quæ etiam alibi non viſantur, vni autem generi magnitudo, quæ ficis. Flos odore excellens. Fructus lupino perſimilis, verum propter eius aſperitatem omnium animantium generi intactus. Sunt in eadem alterius generis alia, quibus flos violæ matronali ſimilis, vel, vt Plin. ait, albæ, verum magnitudine quadruplici, qui ſine odore eſt: quod miremur. Eſt & alia in eodem, folio, floreque; roſæ, qui noctu comprimitur, ad Solis verò exortum aperitur, Meridie autem in plenum expanditur, iterum cum adueſperafcit, occluditur. Tunc incolæ obdormire eam dicunt. Herodotus autem in inſulis Araxis fluuij, arbores naſci memorie mandauit, quarum fructus, ſi in ignem proijciatur, ad focum ſedentes, ſuo odore veluti vinum inebriat, vt quò plus iniectus fuerit, eò feſtintiùs ad cantum, & ſaltum aſſurgant. Diodorus Siculus in ea parte maris rubri, quam Ichthyophagi inhabitant, arbores naſci ſcribit, folijs frequentioribus, fructu caſtaneæ, nuci non abſimili.

De Perſidis, & Ombrij inſula arboribus.

CAP. X.



IN Perſide, atque in ea parte, quæ Carmaniam attingit, in qua etiam maris æſtus longè in terra agit, ingentes quidem arbores (autore Theophrasto) adnaſcuntur, quarum figura vnedoni adſimilis, fructus amygdalæ, contortis nucleis, mira arborum natura. Nam crebro fluctu abluitur, ſale, & arena inuectis, ibique; derelictis in ſicco litore aluntur, arenas ſteriles nudis radicibus, polyporum modo complexæ. Fluctibus enim pulſatæ, adueniente mari, immobiles eadem ſemper permanent. Quin imò & pleno æſtu totæ operiuntur. Qui cum receſſerit, integræ, illæſæque omnino conſpiciuntur. Nulla ibi prorſus aqua dulcis, vt appareant rerum argumentis, loci, & aquarum aſperitate, foueri. Ombrios vna ex Fortunatis inſulis eſt: In illa enim arbores ferulæ ſimiles reperiuntur, duplici genere. Nam & nigræ quædam ſunt, albæ item quædam. Ex illis verò amara exprimitur aqua, ex his dulcis, potui etiam iucunda.

De ſarcocolla.

CAP. XI.



SARCOCOLLA, Latinis & Græcis σαρκόκολα, Arboris nomen, in Perſide, vt ait Dioſcorides, naſcentis, cuius lacryma eadem appellatione nominatur, quæ illi ex vi atque poteſtate indita eſt, quòd glutinare vlcera mirum in modum valeat. σαρξ enim caro eſt, κόλλα, id eſt, glutino, ac ſi carnis colla fuerit, vt carnes exulceratas glutinaret quemadmodum glutinum lignum. Nullus autem Græcorum figuram arboris effigiauit, quod ſciam. Poſt hos Arabes arborem fruticoſam ac ſpinoſam dixere, ramis nodofis arbori compreſſis, Lacryma, thuris pollini ſimilis, ideoque meliorem candidam Plinius dicit, quàm quæ ruſa ſit. Dioſcorides colorem vnum illi, ſcilicet ſubruſum, adiicit, quidam pallidum. Guſtu amara: & quòd amarior, eò valentior. Plinius verò cum quadam acrimonia dulcem: Ga-

H 2 lenus

lenus paululum amaram. Vetustate maximè nigrescit. Medicis ac pictoribus utilissima. Vim habet ex quadam emplastica substantia. Itaq; citra erosionem desiccatur, ut proinde glutinare vulnera possit: suo enim munere, illa à sordibus mundatur, carne implet, cicatrice obducit. Oculorum fluxiones sistit, ut ait Dioscorides: cui Plinius addidit, si vino tusa illinantur. Hæ fuerunt sarcocollæ à Græcis facultates, longè tamen plures à Mauritanis. Et, ut generalius de illis secundum illorum sententiam agam, vim purgatoriam habet, quod fuit horum inuentum, iniquiente Mesuë. Aluum tamen tardè educit, exasperatq; eos, quorum ventriculus bile exuberat. Intestina excoriat, tenasimumq; inducit: quare eius vires alio medicamine compescendæ, ut gingibere, & cardamomo. Alij ex nucum oleo continent. Pituitosas cruditates, crassos, & glutinosos humores, solutione educit, maximè verò qui iuncturis, & coxendicum cavitatibus commorantur. Cerebrum verò, pulmonemq; ac nervos mundat, & tussi, & suspiriosis confert. Est etiamnum de his rebus, quæ senes iuuant, præsertim verò pituitosos, Dioscorides autem oculorum fluxiones sistere scribit. Ij enim ad oculorum nubeculas, albugines, lippitudines, cicatrices, & huiusmodi oculorum infirmitates, mirum in modum valere produnt cum lacte, quod nonnulli asinum seligunt, aut oui albumine admiscunt, exsiccata & cribrata, & in pollinis modum redacta oculis admouent. Alij sic, in cratere vitreo cum lacte per dies quinque macerant, ut tamen quotidie lac nouum, priore effuso, adfundatur: penicilla verò vulneraria prius hydromelite humectant, & postea puluerem iniiciunt. Auribus enim ulceratis etiam utiliter imponitur: fluxiones illorum cum amylo, & albo saccharo inhibet. Parata enim cum ricinino oleo senibus, & decrepitis conuenit, iuuenibus minime, quod ricini calor iuuenum caliditatem ægrè ferat. Sola enim per se, aut ex alijs medicamentis, exhibita caluitium facit, & alopeciam: iuuenibus quidem non sine mora, senibus citissime. Recentiores nonnulli narium sanguinem cohibere aiunt, cum albumine oui mistam, & temporibus illitam. Suffitus eius per inferna exceptus tenasmo medetur. Cum aqua verò rosacea commista, & in sole desiccata, & iterum aqua rosacea macerata illita, faciei maculas delet.

De balsamo, opobalsamo, & xylobalsamo.

CAP. XII.



BALSAMVM Latini Græci βάλαμον: Pausanias tamen in Bæotijs, palsamum, P, litera non B, proferendum scribit. Arboris magnitudo Theophrasto, quæ malo puniceæ magnæ, Dioscoridi verò, quæ albæ violæ, lycio, aut pyxachantæ, id est, buxæ spinæ, Pausaniæ quæ myrto. Plinius autem illius proceritatem ad bina cubita extendi scribit. Tacitus modicam arborem ait, ut non tam ex aliorum erga cæteras arbores comparatione, quàm diffinitè, ex hoc paruum arborem esse oporteat. Strabo arborem fruticosam, cytiso vel terebintho similem effigiauit. Iustinus piceis arboribus similem, humiliorem tamen, & quæ vinearum more excludatur. Stirps vitibus magis, quàm myrto similior. Folium rutæ proximum, vel sampso-

co, ut

co, vt voluit Pausanias, longè tamen candidius. Rami multò crassiores quàm myrto. Arboris tria genera, scabritia videlicet, proceritate, atq; gracilitate differentia. Quod enim tenui, ac capillacea coma est, eutheriston vocant, quasi demessile, fortassis quoniam, vt ait Dioscorides, ob gracilitatem faciliè demetitur. Alterum trachy appellant, quod scabro aspectu sit, & incuruum, atq; fruticosum. Hoc autem odoratius. Tertium eumeces, quòd cæteris procerius sit. *εὐμήκης* enim Græcè procerus dicitur. Læui cortice. Huic enim secunda bonitas, nouissima eutheristo. Fructus verò siue semen eius, inquit Theophrasto, tam magnitudine, quàm colore terebintho simile, admodum odoratum, atq; eò magis quàm lacryma, gustu vino proximum, nec sine pingui. Fructum verò quidam *καρποβάλλον* Græcè vocant, alij cassamum. Æstiuus autem sub Canis ortu ardoribus, alij per autumnus tempus diffiniunt. Arboris caudex superna parte inciditur vnguibus ferreis, vt & Theophrastus, & Dioscorides voluerunt. Plinius tamen, & post eum Solinus, ferro atrectatum protinus emori ait, vt etiam Tacitus dicat, nouas pauescere, si vis ferri adhibeatur. Ea propter aut vitro, aut cultellis osseis, vel, vt Iosephus scribit, lapidibus peracutis, testæ, vt Tacitus, finditur. Solus cortex artifice plaga vulneratur. Nam incidentis manus libratur, temperamento artifice, ne quid ultra corticem violet. Manat enim è plaga succus, oleo visu persimilis, propterea recentiores Græci *βαλσαμέλαιον* vocant, prisca *ἐποβάλλ-σamon*. *ἐπὶ* enim succus est, vel etiam ab *ἐπὶ*, id est, cauerna illa, ex qua liquor ille defluit. Exudat autem tam exiguo ploratu, vt annis singulis, ne plures quidem, quàm seni, septenive congij cogantur, atque hoc solum olim à maiore horto, de quo suprà, maiori etiam sæcunditate. Alexandro enim Magno res ibi gerente, toto die æstiuo concham vnā impleri iustum erat. Sed post lucris auaritia, & avaritia, singularum arborum largior vena ter omnibus æstatibus percussa. Colligitur in paruo cornu: dein ex ijs nouo fictili conditur. Quamprimùm deijcitur, lactis modo albescit, postea verò rubescit, simulq; durefcit, & translucidus fit. Optimus color, qui modicè rufus, secundus in bonitate candidus, peior viridis, crassusq; pessimus verò omnium niger: quippe qui velut oleum senescit. Alij autem candidū dixere, quod supernataret, & magis pretiosum. Quod verò in medio loco sit, subrubrum, atq; ipsum deterius. Fax autem tertio loco remanet, subfusca. Hac siquidem ad mundandas manus, aliasq; nonnullas curationes vtuntur, cum reliquis careant. Lacrymæ autem probatio, vt sit recens, pinguis, & in fricando, odoris validi, syncera, non ad aco-rem vergens, pellucida, leuis, adstringens, ac modicè gustu mordens. Maximè probatur, quod ante semen fluxit, vt plurimum ob eius raritatem, & vim. Nam ob eius ingens pretium, sapissimè adulteratur, nec alibi manifestior fraus. Nullum præterea syncerum asportari, testatus est Theophrastus, & vitiatum omne, quod in Græcia venundaretur. Quippe etiam referente Secundo millibus denariorum sextarij empti, vendente fisco, trecentis denarijs veneunt. Quò enim nascitur, duplo ad eius pondus argento rependitur. Intantum enim expedit mortalium cupiditate liquo-

rem adaugere. Adulteratur enim suo semine: vixq; vitium hoc, propter rerum affinitatem deprehenditur. Idq; solum gustu amariore. Vitiatur & oleo rosæ, terebinthi, cyperi, myrti, lentisci, balani, vnguento: item fusino, melle, cera, cypria, resina, galbano. Nequissimè verò gummi, quoniam ipsam quoq; inhærescit manu inuersa, atq; etiam in aqua sidit. Eius autem probatio talis à scriptoribus perhibetur: Senescens crassefcit, deteriorq; redditur. Debet enim verum inhærescere, quod & gummi suprâ euenire diximus, addita fragili crusta. Si contra solem (autore Seruio) feratur, tum legitimum erit, si ferentis manū non exurat. In laneam verò vestem effusum, neq; maculam, neq; si eluatur, notam relinquit. In aqua enim aut lacte, celerrimè liquatur, lentescitq;. Allucinantur (inquit Dioscorides) qui in aqua concretum, pessum ire, & ad ima fidere, arbitrantur, & postea dissipatum supernare. Vitiatum autem olei modo innatat, sese conuoluens, aut in stellæ radiantis modum sese diffundens. Quod verò cera, vnguentis, vel, vt Plinius ait, resinis adulteratum erit, carbone coarguitur, nigriore hinc exhalante flamma. Alij ferrum eo inungunt, & igni admouent: tunc si candeat, adulteratum. Melle autem immutatum, statim muscas contrahit: metopio verò, circulo cādido cingitur. Mirè suauitatis est, vt omnibus odoribus præferatur: vt quamuis tenue defluat, longè tamen copiosum immittat odorem. Secundo ordine, vt ait Galenus, calefacit, ac deficcit, tenuiumq; partium est, nō propterea vt tantum calfaciat, sicut quidam existimant. Celso concoquit, & emollit. His enim, qui venenum fumpserint, aut serpentis ictu, maximè scorpionum, læsi fuerint, cum lacte muliebri sumendum datur. Prodest et si ictus eo inungatur. Tremulis, ruptisq;, aurium, & capitis doloribus perquam vtilis. Quod de duobus vltimis testatur Quintus Serenus:

Balsama si geminis instillans auribus addas,

Tum poteris alacrem capitis reparare vigorem.

Calculus etiam frangit. Ad conceptionem facere quidam existimarunt, vel potum, vel appositum. Vuluæ enim imponunt, & arte quapiam subtus fumigant. Ad comitiales valet, & sanguinis fluxum. Abstergit oculorum tenebras, pupillis suffusum. Febres cum rigore venientes illitu discutit. Sanguinem densari prohibet. Menses, secundas quoq;, & partus extrahit. Sordida vlcera expurgat, & cruda concoquit. Ægrè spirantibus prodest potum, vrinam cit. Dyspnoidas, collectiones omnes, duritiasq; lenit. Præter has autē, tam crebras balsamo ab antiquis attributas facultates neoterici medici alias addiderunt. Vulnere enim velocius curat, & ea sine cicatrice relinquit. Stillata enim in aurem gutta, sibilum, & obrusum auditum sanat. Mulierum faciem mundam, ac pulcherrimam reddit, & lentigines in ea delet. Vesicæ, renumq; calculos celeriter frangit, ac minuit. Miscetur malagmaribus, acopis, & antidotis. Fit ex eo oleum, succo in oleo expresso, maceratoq;, quo longè omnium pretiosissimum est. Semen autem lacryma minus tenuius, ita & virtute inferior: cæterum etiam eius vsus necessarius, quamobrem deligendum flauum, plenum, maximum, ponderosum, & gustu mordens, feruensq; in ore, modicè ipsum opobalsamum olens,

olens. Vitiatur autem hiperico, semine, quod è Petra Palæstinæ oppido adfertur: verum inanitate, magnitudine, longitudine, depræhenditur, viriūmve ignauia, atq; piperis sapore. Commodè autem in pleuritide potui datur: Tussi, comitialibus, vertiginosis, pulmonum vitijis, ischiadicis, orthopnoicis, serpentum moribus, torminibus, ac vrinæ difficultati. Ad muliebres suffitus perquam vtile. Corticis etiam ad medicamenta pretium est: Nam & vnguentis concoquitur. Lignum autem ξυλοβαλῆμον Græcè dictum. ξύλον enim Græcè lignum est. Patiens superna amputari. Quotannis enim amputabatur, partim, vt ait Theophrastus, vt cætera valentiora adseruarentur, ad meliorem verò eiusmodi cultus, rationem referentes partim vt emolumenti plus comparatur. Nam & virgæ odorem suauissimum præstant. Et sarmenta quoq; in merce sunt: & pro lacryma lignum substituere officinæ. Amputatio verò ipsa, surculusq; Plinij tempestate D C C C. intra quintum demum annum venibat: xylobalsamiq; pretium in libras VI. erat. Probatum autem recens, tenue, fuluum, odoratum, buxosum, quod odoratissimum esse solet, & quadantenus opobalsamum spirans. Easdem cum opobalsamo vires habet, aliquanto tamen mitiores. Vrinam cit, ossium squammas extrahit, ad vnguentorum spissamenta additur. In summa autem, præcipua liquori gratia, secunda semini, tertia cortici, minima ligno. Mirum est prodentibus multis medica professione viris claris, quod etiam ex ipsius balsami descriptione liquido depræhendere est, apud nos neq; lacrymam, neq; semen, neque lignum, neq; corticem, nisi omnia adulterina importari, vt etiam Galeni tempore horum copia minimè habita fuerit. Quod manifestè conijciendum est ex eo, quod scribat, vice balsami, myrrhæ stacten, aut oleum irinum, & xylobalsami loco, leucoij radicem supponendam arbitretur. Alij loco balsami oleum terebinthinum, vel laurinum, vel gummi hederæ, alij oleum nucis myristicæ, vel styracinum. Pro xylobalsamo hederæ lignum, alij agallochum. Pro carpobalsamo hederæ corymbum, cæteri cucubas, vulgare subijci volunt. At nunc è Perucis Indiæ insulis adferri perhibent. A balsamo adagium, cuius meminit Aristophanes in Equitibus, balsami dignum factum. Cum quid memorabile perpetratum sit.

De styrace.

CAP. XIII.



P DÆÆ proxima Syria est, supra Phœnicem, circa Gabala, & Marathunta, & Casium. Seleuciæ montem, styracem arborem gignit, cuius lacryma eodem nomine appellatur. Nascitur etiam in Pisidia, in qua prope Sergum Lacedæmoniorum, sylua huius ligni fertilis quondam fuit, autore post Strabonem Heliano. Ex qua missilia corneis similia conficiebantur: vnde ortum, vt tonsillæ propilatae, quas Græci alio nomine vroskos vocitant styraces appellari consuescerent. Nascitur arbor in Cilicia & Pamphylia, in Calamis, vt ait Galenus: quod genus cæteris styracis præstare ait, quantum vinum Falernum alijs bonitate præcellit: & etiam, autore Strabone, in Sidone, Cipro, Creta, & nunc Venetijs visitur. Arbor quidem per se,

per se recta, non admodum magna, inquit Strabo, cotoneo similis, succo prægnans, intus arundinis similitudine, fructu minore quàm auellana, & pruni candidi specie. Et vt nonnihil ex Arabibus, ad ampliorem arboris descriptionem addam, Isaacus (solus inter eos hanc describit) fructum album esse dicit, & vestiri duplici cortice, quorum interior pinguis exterior amarior, vt tamen mandi possit. In trunco autem (vt hic ait) edacissimi vermis genus innascitur, quod lignum vsq; ad corticem sursum erodit. Scobs similis huic, quæ è serra cadit: cuius acruus ad radicem adaggeritur. Postea humor quidam, qui faciliè coagulatus, succino persimilis perfluit. Qui in summo collectus, purus, integerq; permanet, qui verò cum defluit, in trunco congelatur. Alius verò in terram defluit, ac scobe commiscetur. Ij autem vltimi ligni terræq; commistione, priori odoratiores redduntur: huic tamen viribus impares, quæ res multos fallit. Quæ enim è Gabala, & Marathunta, & Casio est, præfertur. Postea verò quæ è Pisidia, Sidone, Cypro, Ciliciæve deterior. Quæ autem è Creta, aridior. Quæ item è Pamphylia minùs succosa: cuius bonitatis testimonium supra è Galeno est. Ex Amano medicis, sed vnguentarijs magis expetitur. Color è quacumq; natione præfertur rufus, & pinguius lentus, resinofus, grumis, siue, vt Plinius ait, fragmentis albicantibus, quæq; odoris gratiam diutiùs adseruat, melleumq; liquorem, cum subigitur, reddens. Talis enim è Gabala, Pisidiaq; & Cilicia aduehitur. Deterior niger, surfurifus, friabilis. Cæterum inuenitur, præter hanc, gummi similitudine, myrrhæ æmula, & perlucida, verum eiusmodi perpauca effluit. Adulteratur autem suæ arboris ligni scobe, quam vermiculi pennati circa Canis ortum in hanc aduolantes, erosione fecerunt: Melle item, ac iridis crassamento, cedriq; resina, & amaris amygdalis, necnon quibusdam alijs. Sunt qui adipem ceramve, odoribus imbutam, flagrantissimis Solibus, cum styrace subigunt, atq; per laxa cribri foramina, vermiculos in aqua frigida exprimant, venundantq;. Qui quia in vermiculorum speciem contrahitur, scolecitem, cognominant. Quam tanquam syncerum imperiti approbant, eius ex odore probationem negligentes. Siquidem quæ adulterata non fuerit, acris admodum est. Pretium optimæ, Plinij temporibus, x i x. Styrax verò emollit, calfacit, concoquit, vt Dioscorides, Galenus, & Paulus voluerunt. Quare tussientibus, distillationibus, grauedinibus, raucedinibus, ceu retusæ, & amissæ voci, at si malis dicere, raucedinibus, quas Græci *νόπιζαν, καὶ βράγχον* vocant. Pectoris vitijs medetur, menses pota, vel admota cit. Vuluæ præclusæ, duritiæve laborantibus, conuenit. Aluum leniter lenit. Celso autem mouet pus, purgat, rodit, adurit, discutitq; ea, quæ in aliqua corporis parte, cohæserunt. Scribit autem Plinius, se inuenisse modico potu, animi tristitiam resolui, longiore contrahi. Infusu, aurium sonitus emendat. Aduersatur venenis, quæ frigore nocent, idcirco cicute. Serpentes etiam odore abigit. Præter has vires, alias subiecerunt Arabes, Aluum stringit, Ventriculum roborat, pulmone auxiliatur. Crassos flatus excutit. Luxatis membris potu, aut illitu medetur. Fluxionibus suffitu prodest. Vlceribus supercutaneis medetur. Miscetur vtiliter malagmatis, quæ

quæ discutiendo sunt, & acopis. Crematur, vt fiat ex ea veluti ex thure fuligo, ad eadem, quæ thuris, efficax. Fit & in Syria oleum hoc modo, vt Aëcius ostendit: Olei enim dulcis, optimi, sextarium vnum desumito, sty-racis verò pinguis vncias duas, simul in duplici vase decoquito. Quod anethino callidius, emollit, calfacit. Quapropter indurata corpora egregiè soluit: dolores tamen capitis facit, aggrauatq; & soporem adfert.

De myxis.

CAP. XIII.



YRIÆ AC Ægypti illarum vicinitate quædam peculiaria sunt, inter quæ erunt, myxa, autore Paulo Ægineta, quæ & myxaria Actuario etiam dicuntur, ἀπὸ τοῦ μύξης, id est, à muco lento è naribus fluente. Nam & fructus simili muco abundant. Sebesten officinæ vocant, Arabicam appellationem magis quàm Latinam retinere malentes. Quod nonnulli in Cæsaris honorem factum arbitrantur, qui σεβαστὸς, id est, honorabilis dictus. Arbor pruno popularis, magnitudine tamen excedens, ac ramis virore nitentibus. Cortex ligno albus, folium rotundum, ac firmum, & amplum. Fructus dulcis, pruno similis, sed minor, racematim dependens. Dum autem maturescit, in atrum virescit, habens intus quasi oliuæ nucleum, triangulari forma. Arbor nunc familiaris Italiæ. Plinij memoria sorbis insita, Ægyptiæ persico persimilis, nisi quòd illi poma rubescunt. Est & in Calabria spina syluestris, quæ myxas optimè recipit. Græcorum enim antiqui huius non meminerunt, sed posteriores tantum, veluti Paulus, Aëtius, Psellus, Acturius. In Ægypto ex myxis vina fieri, Plinius autor est. Fructus maturus legitur, insolatur, & in rugas contractus conditur. Humidus primo excessu, mediam tenet in calore ac frigore sedem ventrem soluit, suum reprimat, ac bilem, & tantum priscis medicis, fastidientibus pueris, & malacia laborantibus mulieribus, expeditus. Recentioribus verò ad multos vsus. Valet enim aduersus linguæ scabritiem, ore retenta, & linguæ circumdatus. Erosiones vesicæ sedat, ventrem comprimit, & destillationes. Ventrís animalia expellit, exq; dulcedine pruni adlicente enutrita coherent. Febricitantibus ventrem ciere perhibetur, & tussi, quam æstus, aut squallor excitauit, opitulari. Ardore etiam febricitantium ore compressus mitigat. Pectoris asperitates lenit. Ad quos quidem vsus, nostræ tempestatis medici commendant Damascenum, quod vocant. Ex eo viscum paratur, aucupijs commendatissimum propter aquatiles volucres.

De Zizyphis.

CAP. XV.



IZYPHA, Græcè Ζίζυφα, Ζυζυφα, καὶ Ζιζυφα, sic enim vocata reperitur. Sericæ etiam Græcis dicuntur. Arbor retrorrida, caudice tamen satis recto, ramis spinosis, quamobrem in castrorum aggeribus ferebatur, vt Plinius ait. Flore oleæ, odorato tamen, baccis his similibus, quæ cornus fert. Duplex genus, rutilum, & candidum hic retulit. Inter Græcos recentiores duo genera etiam Si-

I meon

meon Sethius posuit, & inter Arabes Auicenna. Galenus ingenuè fatetur se nil de zizyphis habere, quod ad tuendam sanitatem, morbosq; profligandos valeat, sed tantum insolentium, ac effrenatorum puerorum, & muliercularum esse cibum, quod saporis nonnullam gratiam lenocinetur. Etenim imbecilliter nutriunt, & agrè concoquuntur, stomacho inutilia. Sitim accendunt, nec ventris beneficium præstant. Adde etiam quod & ipsa exiguum dant corporibus alimentum. Hæc de zizyphis Claudij Galeni sententia. Alia tamen fuit eius sectæ sequacium, etiam in curandis morbis, ut contra tussim exhibeant. Comesa verò, cum quadam caliditate humiditatem habent. Sanguinis sedandi acumen habent. Enimvero succi boni sunt, & euacuant quod serosum in sanguine est. Ad spirandi difficultates, eorum decoctum facit, ad renes item, & vesicam: lapillos & frangere, & à renibus expellere dicitur. Arabibus fructus calidus primo abscessu, & humidus: verum caliditas excedit. Auicennæ, pectoris & pulmonis vitij confert. Meliora, quod maiora, qualia sunt edissena. Sedant enim acres humores: verum difficilis concoctionis, & lieni officiant, ut satius sit eorum decocto uti. Reliquum est, uti de eius vi, Palladæ Græci poetæ iudicium audiamus. Fatetur autem is se vim egregiam in zizyphis inuenisse. Cum enim is febris quartana laboraret, & zizypha inspexisset, subito se conualuisse asserit, & sanum ut Croto factum: cuius rei testimonium hoc epigrammate, præbuit.

ἐκ ἀλόγως ἐν ζίζυφοις δύναμιν τινα θέαν
εἶναί ἔφην. χθὲς γὰρ ζίζυφον ἐν χρόνῳ
ἠ. πιάλω, κάμνοντι τέταρταίῳ περιῆρα
καὶ γέγονεν ταχέως οἱ πρότων ὑγίης.

Non prætereundum tamen in aliquibus exemplis legi ζίζυφοις.

De filiquis.

CAP. XVI.



RÆCIS Latinisq; eadem in arbore filiqua, fructuq; ratio est. Nam illi κεράτιον, ἢ κερατονίαν, longam filiquam vocant, qua leguminum grana, & si quid illis simile est, contineatur à corniculi similitudine. Latini verò à communi cum alijs filiquis significato, hanc arborem discernentes aliquid addidere, filiquam dulcem, aut cerauniam, ut Plinius, vel Græcam, ut Columella vocantes. Forsitan hic ut à scæno Græco seiungeret, quod rustici per se solum filiquam dicunt. Siliquastrū quidam etiam dixerunt, recentiores aliquot Græcorum Συλοκέρατα vocant. Galenus, & post eum Paulus arborem ceratoniam, fructum verò ceratiam appellavit. Est & filiqua certum pondus. Nam grana quatuor, filiquam hoc est, ut Græci vocant κεράτιον, & adhuc aurifces, corrupto vocabulo, caractum vocant. Arbor satis procera, ramis in latitudinem magis, quàm longitudinem, expansis: radice sublimi, omnino imis partibus plantigera: ideoq; superius flauescens, ac subarescens, auferente succum sobole, cortice cinericio ad cæculum inclinante, folio fraxini, latiore tamen, ac duriore, atq; ratiore, atq; iterum magis circinnato. Flos candidus, cum odoris veh

ris vehementia. Fructus digitorum hominis longitudine & interim falcata, pollicari latitudine, coloris atrii, vix modo indiscretus. Semen intus quod neq; caro est, neq; lignum, siue cartilago. Florem circa Arcturum & æquinoctium emittit, hyeme enutriende fructum. Quidam, Theophrastus ait, hanc arborem ficum Ægyptiam existimarunt: sed manifesto errore. Manditur & eius cortex. De ea sic Horatius:

- Viuit siliquis, & pane secundo.

Siliquæ autem exsiccandi, atq; adstringendi vi pollent, sicut & ceration, quod & nonnihil dulcedinis habeant: & hoc cerasis quidpiam simile. Mali sunt succi, & concoctioni renitentes, & ventrem adstringunt: si tamen humida sumas, magis subducunt. si sicca, magis sistunt. Propterea Galenus ea ad nos ex Orientalibus non importari, satius existimauit. Recentiores ab arbore decerptæ, sapore ingrato sunt: in cratibus verò exsiccata dulcescunt, & esu gratæ sunt. Aliæ stomacho vtiliores, si post cibum sumptæ fuerint. Antè autem valenter sistere ventris fluxiones. Rases Arabs verrucas recentibus siliquis illitas extirpari experimento cognouit. Vinum fit è siliquis, vt Plinius memoriæ mandauit. Syriacas enim, vt Plinius ait, ternas in aquæ sextarijs decoquunt, quidam ad dimidium, eumq; succum bibunt.

De pistacijs.

CAP. XVII.



PISTACIA Latinis & Græcis. Nam ij *πιστάκια*. Nicander Colophonius psittacia, alius Nicander phistacia, Possidonius listacia vocauerunt. Nisi in his mendum ex nominum vicinitate suspicari velis. Athenæus quosdam ait terebinthum credere, fallente foliorum similitudine. In Syria vbertim nascitur, maximè apud Berrhœam illius regionis urbem, vt ait Galenus, & in India, apud Coaspum amnem, vt ait Nicander in Theriacis. Folia eius maiora quàm lentisci, in ordinem vbicunq; disposita ac distantia, frondium interuallis, colore ex viridi inclinante in luteum. Fructus racematim suis pediculis pendent: pineis nucleis, quorum corium, quod superius est, tenellum, ac viride est, Nuclei operimentum, quid subamarum & odoratum habet. Calefaciunt secundo ordine, ac desiccant, ex Arabum sententia. Calidiora magis, quàm iuglandes, aut Ponticæ nucs. Tenuis substantiæ sunt. Parùm nutriunt. Stomacho mediocriter conducunt. Sunt tamen qui dicant huic, neq; præsidio, neq; nocumeto esse. Obstructiones liberant, maximè iecoris, thoracis, ac pulmonis, præcipuè verò summum eorum operimentum ex vino decoctum. Sanguinem tenuem gignere arbitrantur, & crassos, ac præclusos humores extenuare. Auicenna ex omnibus fructibus præstantiores esse contendit. Aduersatur serpentum mersibus, siue edantur, siue bibantur, & hanc in summo illarum operimento esse Nicander scribit. Maximus harum in venere vsus. Ex his oleum fit, quod pistacelæum vocant, pectori, renibus, & pulmoni confert, & ex Mauritanorum sententia, mirificè aduersus serpentium ictus.

De tuberibus.

CAP. XVIII.



PARVUM est, quod ego de tuberibus dicam cum nil ipse habeam, quàm quod à solo Plinio relicta sunt, & vsque adeò pauca, vt neque descriptionem, igitur nec cognitionem, ille tantum inter mala posuit, atque duo genera eorum annumerauit, ea à coloribus determinans, in candidum scilicet & sericum dissecans.

De Strobo.

CAP. XIX.



ARBOR strobilus est apud Carmanos nascens. Qualis verò eius fuerit figura, penes neminem comperi. Solum enim ad suffitus utilem inueni. Vino enim palmeo perfusa accenditur, odore periucundo, qui à cameris ad solum reciprocè redditur. Caput tamen aggrauat, verum id citra dolorem. Hoc autem suffitu somnus agris conciliatur.

De bruta.

CAP. XX.



CLAUDI Caesaris historijs, mirum in modum prædicatur arbor bruta vocata, vt Plinius memoriæ mandauit. Apud Elimæos autem petitur, Assyriæ gentem, Sufianæ Persiæ conterminam: nasciturq; ultra Pasitigrim, finibus oppidi Sittanæ, monte Zagro. Cupresso fusca similis est. Sunt qui dicant modò apud nos nasci: existimantq; alterum esse sabinae genus, argumentum fumens à nomine, immutatis aliquot literis. Nam sabina Græcè brathys. Ex albidis ramis, accensa, iucundi odoris est. Parthi in suis potionibus eius folijs vtuntur.

De malobathro.

CAP. XXI.



DAT & Syria, vt Plinius ait, malobathrū arborem, sic Græcè, Latineq; vocatā & φύλλον & Ἰνδικον φύλλον, de primo Plutarchus testatus, & vnguentum ex eo foliatum folio conuolutum, albedo colore, ex quo exprimitur ad vnguenta oleum. Fertilius in Ægypto, Valerio autem Martiali, & cæteris tum Græcis: tum Latinis scriptoribus celebre. Meminit etiam malobathri Martianus Iurisconsultus libro trigésimo Digestorum. Scribit autem Dioscorides in India, atq; in paludibus lentis palustris modo, malobathrū folium, sui generis nasci: sine radice, aquis fluitans. Quod colligentes incolæ, funiculo statim traiciunt, atq; desiccatum seruant. Ferunt insuper exsiccatis æstiuo seruire lacubus, aridis fruticibus humum accendi: quod vbi id non euenerit, non amplius quidem renasci. Quæ si vera sunt, quæ ij meminerunt, gemina malobathri conditio erit. Vnum quidem palustre, alterum ex arbore. At nunc etiam recentiores medici aliud addidere, cuius furculi & folium lauro, vel arbuto simillimum, cum baccis etiam lauri ad nos deferuntur. Et hoc genus nunc cognitum. Quod autem folium nunc pharmacopolæ appellant, quidam cinnamomi, alij garyoph

garyophylli, existimant. Laudatur recens. Nam celerrimè situm in vetustate sentit cum nigredine quadam albicans, integrum, & frangendi contumax, & quòd suo odore caput tentet, & odoris suauitate diu permansens, nullo salis gustu & vt nardi saporem redoleat. A cuius odoris cognatione, nonnulli nardi Indicæ folium, sed id falsò arbitrati. Improbabitur quod infirmum erit, & minutim contusum, maximè verò si carioso halitu sit. Desiccare primo Arabes, inter quos Auicenna, vel, vt alijs placuit, secundo ordine: Calefacere enim tertio arbitrantur. Easdem veluti nardus, vt Galeno placuit, sortitur vires: sed efficacius, vt quidam voluerunt. Vehementius enim vrinam cit, Stomacho accommodatius. Inflammationibus & lippitudinibus oculorum, vino expressum, vtilissimè imponitur, item frontibus dormire nequeuntibus. Ad hoc efficacius, si nares illinantur, aut si ex aqua bibatur. Oris halitum, & suauitatem, linguæ subditum folium commendat. Quin etiam vestibis interponitur, quas & irrosas seruat, atq; odoris fragrantia, commendat. Subseruefactum in vino, odore illud omnia vina antecedit. Vbi opus est malobathro, & illud abfuerit, Galenus cassiam odoratam, vel nardum Indicam supponendam vult. Vnguento eius Romæ locupletes mulieres vngebantur, Galeno prode. Quod ex Horatio patet:

Coronatus nitentes malobathro Syrio capillos.

A quo malobathratus eo vnguento delibutus. Quo vsus est Sidonius Apollinaris. In pretio quidem prodigio simile fuit (scribente Secundo) à singulis denarijs ad trecentas peruenire libras, oleum autem ipsum in libras sexaginta. Ex supradictis autem satis apparet, quàm varia, quàmq; incerta sit malobathri historia: vt multi antiquum malabathrum apud nos non extare existiment. At nunc Lusitani, qui apud Indos ad explorandas nouas regiones nauigarunt, retulerunt postea regionem quandam nomine Malabar apud Indos inuenisse, cuius ciuitates sunt, Calicutum, Batecala, & plures aliæ, vbi planta quædam viticosa, alias plantas, lupi faliçtarij modo scandens, folio amplo, perpetuò virenti, nucis persimili lineis tribus multum amplis, & vndantibus. Incolæ bathrum vocant, vti ex regionis nomine ac plantæ, paucis immutatis malobathrum vocabulum componere valeas. Res apud eos pretiosa, cuius etiam folius cibo nonnulli contententur, alij cum cæteris pretiosis edulijs commiscentes. Stomachum roborat, cor exhilarat, ac cerebrum confortat, & venerem incitat.

De persea.

CAP. XXII.



EGYPTI, sicut & Syriæ, quædam peculiaria sunt: veluti persea, quam solam apud Alexandriam, nec in alia quidam regione, quæ Romanis subdita fuerit, se vidisse tradit Galenus. Constituit autem Imperator Arcadius, sicuti in Codice Iustiniano, atque titulo, de cupressis ex luco Daphnes, vel Persidos, & cætera, cautum est, Ne quis arborem perream per Ægyptum excindat, pœna etiam contra peragentes quinque librarum auri indicta.

Primum enim in Æthiopia nata, vt Diodorus Siculus scribit. A Persis enim deuicta Æthiopia, ad se delata, apud quos venenata, & cum cruciatu primum genita. Postea verò poenarum causa à regibus in Ægyptum translata, verum terra hospitali mitigata. Ferunt autem Persas hanc arborē apud se lethalem habentes, in Ægyptum transmisisse, plurimos ab ea perituros credentes. Quæ contrario euentu ab his vtiliter in cibos recepta. Quod expressit Columella in suo carmine:

Colum. lib. 10.

Stripantur calathi, & pomis, quæ barbara Persis

Miserat (vt fama est) patrijs armata venenis.

At nunc expositi paruo discrimine lethi

Ambrosios præbent succos, oblita nocendi.

Negarunt tamen eruditiores ex Perside propter supplicium translata, verum à Perseo apud Memphim satam. Arbor, inquit Theophrasto, magna, radice tum crassitudine, tum latitudine exuberante. Folio, floreque, ac ramis, tota pulchra, facie pyro potissimum vicina. Pomum pyro simile, longius tamen, amygdalæ figura, colore herbidum, nucem intus excludens, pruni similem, longè tamen minorem, mollioremque. Caro vehementer dulcis ac suavis, concoctu facilis. Eius maturitas Etesium statu conficitur. Esus stomacho accommodatus, cuius etsi blandiatur illius suauitas, innocuum tamen etiam his, qui abundè, nimiumque comederint. Fertilitas assidua, subnascente crastino maturius fructu. Crudum verò auferunt, & condunt. Nicander, & eius interpres, eandem cum malo Persico existimauit, & nonnulli è recentioribus. Quod falsè Plinius nonnullos fecisse ait. Cuius rei liberum iudicium cuique sit ex his quæ hic, & quæ infra de Persico malo, ex Theophrasto, Dioscoride, & Plinio scripsimus. Eadē enim appellatione tam apud Græcos quàm Latinos vocatur. Quidam tamen persion appellant. Paruus in medicina eius vsus commemoratur. Galenus autem foliorum eius solum, quod sciam, meminit, quæ adstringendi vim modicè habeat, vt possint etiam sanguinis quasilibet eruptiones reprimere, si læsi membri partibus applicentur. Siccata verò, & fricata, scabiem exterunt. In pomo autem phalangia inueniuntur, vt ait Nicander. Dioscorides enim nomen indicat, cranocolapta vocans. Nicandri verò scholiastes κεφαλοκρέτην, præsertim autem in Thebaide, Ægypti parte. Animal hoc papilionis simile.

De ficu Ægyptia, quam Sycomorum appellant.

C A P. XXIII.



FICUS Ægyptia Græcè συκυμορία σικὴν αἰγυπτίαν etiā vocant, alij sycaminon. Celsus etiam Latine sycomorum, mutuata à Græcis appellatione, & moroscon, vt Græcè Dioscorides μῶρον σῦκον. Quippe arbor fico nostrati, vel, vt Dioscorides voluit, moro comparatur, vt propterea Theophrastus morum dixerit. Nam folij magnitudine, vel figura illi proxima est. Quidam autem sycomoron non à mori similitudine dici voluerunt, sed quod eius pomum ignauum, & inertis saporis existat, quasi fatua

ficus

ficus sit. In quam quidem sententiam referendum erit, quod Plutarchus de Sylla ait: Qui cū Athenas obsedisset, qui intra muros essent clausi, hoc scommate, hominis ignauiam irridebat, *συκάμινον ἔατε σύλλας ἀλφίτω πεπασμένον*. Fructum tamen suauem Plinius dicit. Quem quidem non tantum ramis, sed caudice gestitat, usque adeo fecunditate sua angusta. Fructus enim huius, visu, magnitudineq;, necnon succo, ac sapore caprifici similis, longè tamen prædulcis est, ac sine intus granis, moris humidior, frigidiorq;, ancipiti inter morum & ficum natura. Maturescere nequit, nisi ante scalptum fuerit, quod vnguibus ferreis faciunt. Quod cū factum fuerit, intra triduum, quartove die, maximè Zephyris agitata demetitur: & alterum sine mora protuberat. Subnascitur tamen, & si non scalpatur, foetus alius. Hæc autem arbor multo lacte abundat. Fit autem è sycomoris vinum, quod sycomoriten vocant, similiter ac de ficis, verū in acerrimum degenerat acetum, cū non possit dulcedinem, cū illorum vis defluerit, retinere. Manifestè autem sycomora refrigerant, humectantq;, nullius quidem nutrimenti. Stomacho noxia. Succus autem è tenera arbore, atq; etiam antequam fructum ferat, eximitur, lapilli icu summo cortice cōtuso, idq; leniter. Nam altiore plaga, desquamatus cortex nihil effundit, mirabili natura. Spongia, aut lana excipitur: & exsiccatus, ac in pastillos coactus, in picato vase reconditur. Vis enim eius est emollire, vulnera conglutinare. Dysentericis prodest. Discutit panos, omnesq; collectiones. Contra verò serpentum morsus aut bibitur, aut illinitur. Multa alia eius remedia Plin. descripsit, vt ad induratos lienes, stomachi dolores, & febrium horrores. Capitis dolores sedat, item aurium. Illinitur & contra perfrictiones: spleneticis bibitur. Aconito, araneis, in vino potus. Aluū soluit: pituitas, ac tineas, & cætera ventris animalia extrahit. Hoc idem præstat tritus cortex. Folia tingunt capillum, cum fici nigre & vitis corticibus, simul in aqua cœlesti coctis. Aluum pomi succus protinus soluit: ipsa poma ad præsens stomacho vtilia. Refrigerant, sitimq; faciunt: Si non superueniat alius cibus, intumescunt. Succus sistit aluum, veluti alicuius animalis. Fit è pomo panchrestos stomatice, eademq; arteriace vocata, hoc modo: Sextarij tres è pomo succi. E pomo enim leui vapore ad crassitudinem mellis rediguntur. Post additur omphacij acidi pondus x. duorum, aut myrrhæ vnus. croci x. vnus. Hæc simul tota miscentur decocto. Nec est alius oris, arteriæ, vultus, stomachi iucundius remedium. Fit & alio modo: succi sextarij duo, mellis Attici sextarius. De-coquitur vt suprà diximus. Mira sunt præterea, quæ produntur. Cautum enim est, autore Vlpiano Iurisconsulto, cū de extraordinarijs criminibus differit, Ne quis sycomorum per Ægyptum excidat. Hæc autem maximè in Nili aggeribus plantata hos suis radicibus colligat, per quos Nili incrementa dispensantur, & coarctantur, & aquæ diminutiones.

De pruno Ægyptia, & alia illius regionis arbore.

C A P. XXIIII.

PRVNVS



PRVNVS Ægyptia, Theophrasto autore, spinæ Ægyptiæ simillima, cui spinarum aculeus in folijs est. Pomum mespilis proximum, si non nucleum rotundiorum ac grandiorum includeret. Mense autem Iulio floret. Fructus vero copia incolis instar messium est. Nam purgatum tundunt, feruantq; eius offas. Scribit idem autor, syluestrem circa Memphim regionem fuisse, in qua tam vastæ arbores proueniant, ut terni, quaternive homines caudicem circumplecti nequeant: imò quidem peculiari miraculo, ut nec pomum, nec aliud præter materiam, ad hominum usum ferat. Materies eius plurimum operibus accommoda. Spissa quidem, & loti colore pulcherrima. Facies enim spinæ Ægyptiæ, Folia habet sicut filices: quæ contactis ab homine ramis, statim quasi hebetata, decidunt, rursus renascentibus alijs.

De ficu Cypria.

CAP. XXV.



FICO Ægyptiæ quadantenus similis est, ut ait Plinius, quæ vocatur Cypria. Quæ sic dicta est, ut Dioscoridi videtur, quod in Cypro nascatur. Theophrastus, quem secutus ille, in Creta, atq; prope Idam nasci. Fruticosa, vel, ut quibusdam placet, ramosa, arbor est. Non excelsa, licet quidam aliter sentiant, ut caudice magno profiteantur, & albæ populo proximo. Ligno contorto, crassa verò ambitu cubitali, cortice viridi. Dioscorides eam videri vltimum scribit, & folijs sycomori. Theophrastus autem, & Plinius eius interpretes, tiliæ, sed latioribus, atque mollioribus. Radices agit, ut ficus vrbana, crassas, & lentas. Molli medulla caret. Cor autem eius solidum, minimè putrescens: quare materie præualida, ac sine lacte. Germina mittit, sine vllis folijs: radici persimilia. Cum mespilo floret, cui similis eius flos. Fructus verò oliuæ magnitudine, ut Theophrastus, rotundior tantum. Dioscorides pruni, Plinius sorbi. Rubet, alijs rufus est: Gustu mespilaceus, dulcior tamen, & Ægyptiæ fici, aut cæterorum omnium generum suauior. Quaternos enim in anno effundit fructus, totiesq; germinat. Fructum fert non solum ramis, sed & caudice. Grossos autem non excoquit, nisi lacte incisura emissio. Ex ea verò acetum præcellens, Alexandrino quoq; melius, ut Plinius autor est. Nihil est, quod de eius vi medica legerim, cum nil etiam de ea nouerim, præter hæc, quæ ex autoribus prædictis scripsi.

De Ostria.

CAP. XXVI.



IGNIT & Græcia ostrym, quam & ostriam vocant. Solitaria hæc arbor, circa saxa aquosa nascens. Fraxino similis, cortice verò, ramis, & folio, paulò tamen longioribus, crassioribusq; ac rugosis, incisuris per totam arborem discurrentibus. Semen hordeo simile, & etiam colore. Materies firma, atq; dura, sed infausa. Nam in domum aduecta, difficiles partus fieri perhibent, morteq; miseras. Hæc autem, ex solo Plinio.


De euonymo.

CAP. XXVII.



ON minori infœlicitate quàm ostria, arbor euonymos, pestem statim denuntians, vt memoriæ mandauit Plinius. Sunt etenim qui frondē eius sub tectis habitam alui inanitatē, pestemq; inferre tradant. Nonnulli anonymū, quod

careat nomine, vocauerunt, quædam regiones fusoriam. In Lesbo insula, atq; in monte Orcynio nasci solum arbitrantur, verum alibi quoque, Punicæ non absimilis inter hanc & laurum folij magnitudine, candidiore flore. Fert siliquas sesami similes: intus granum spissum, quadrangulum, omnibus animalibus lethale, capris præsertim, ni præcipiti alui deiectione succurratur.



Præfatio libri vigesimi.



VAS sola Arabia produceret arbores, supra descripsimus, vt ob quas tantum felicitis cognomen meruerit, tametsi plurimis locis, ac ferè maiori parte, vt produnt geographi, aspera, algens denique inculta desertaq; sit, vt multis item careat, quæ ad usum humanum pernecessaria sunt. Sed quicquid in ea nascitur adeò rarum, pretiosum tamen ob loci naturam, vt propterea Dioscorides, eam claro elogio aromatum progenitricem dixerit. At Pompeio etiam adagium est, Arabicè olere. In eos qui benè olent, vel in eos etiam qui ipsi odoribus Arabicis illibuti suaue olent. His etenim arboribus multas insuper alias superaddidi quæ in Ægypto Syriaq; huic proximis regionibus agnascuntur. His ferè peculiæres, vel saltem paucarum prouinciarum accolæ. In quibus verò describendis nihil habui, quàm quod à priscis autoribus exarata fuerant, vt lectori præberem. Quorum fidem, & auctoritatem, sequi necesse habui. Quod fecerunt qui post hos hæc eadem tractarint, qui & infiniti fuerunt, vt non minùs illis adherere quàm hij debuerim, & si varia plurimum atq; inuicem discrepantia sæpe retulerint. Theophrastum autem Dioscoridem, Plinium, Claudium Galenum, & sequaces intelligo, post quos Lusitani & alij ex suis Indicis nauigationibus, & multarum regionum lustrationibus diuersa ab his, super nonnullis plantis nobis renunciarunt. Quibus autem an magis credendum sit, quod oculati testes, quodq; etiam doctissimi viri etiam

K medici,

medici, ad quos magis pertinet, veritatem ipsam de his habere & cognoscere illuc profecti, non dubitarim, speroq; aliquando hac manifestius fieri. Nunc de aliquot Indis, Africa, regionum & nonnullarum aliarum, arboribus. In quibus verò multa tantum nota. In his enim duabus prioribus, plures nostra tempestate inuenta, quarum nec figura nec nomen, nec aliqua harum vis siue medica, siue quævis alia priscis cognita fuit, ut nondum nobis, de his certa scientia habita ut Indiam Arabia longè feliciorem, tot arboribus, & longè uberiorem, & omnibus qua hac fert, exceptis paucis progenetratricem.



H O R T O R V M L I B E R V I G E S I M V S.



De ebena.

CAPVT I.



REGES Indos ex ebena sceptrata gestare, Solinus auctor est. Ut itaq; nil mirum sit, si peregrè in pretio sit, quum etiam his, apud quos nascatur & familiaris sit, etiam principibus in honore plurimum sit. Refert enim Plutarchus in vita M. Antonij Cleopatram Ægypti Reginā Alexandriæ, apud Isis ædem, & in præclarissimis sepulcris, aurum, argentum, pretiososq; lapides, ebenum quoq; & quicquid deniq; rarum, ac pretiosum haberet, condidisse, & occultasse, propter bellum, quod Octavius Cæsar contra eam, & M. Antonium gerebat. Herodotus etiam Persidis regibus centenas phalangas è materie ebeni tertio quoq; anno Æthiopas cum auro, & ebore, vice tributi, pensasse scribit, uti in tributorum autoritate tertio loco fuerit ebenus. Ut mirum sit aliquos, credere pedtines, & orbiculos deprecatorios, aliq; hæc torno minima & leuia opera, ex ebena fieri, præsertim verò cum tot, & tam varia, venundanda exhibeantur. Arbor ut plurimum tenuis est, vimine raro, & in crassitudinem caudicis extuberato, cortice hiulco, & admodum reticulato, adeò venis dehiscens, ut per sinus ipsos intima pars tenui libro contegatur. Lignum omne, medium quoq; ipsum, ferè & facie, & nitore, qui est in gagate lapide, buxo aspectu simile, quod decorticatum nigerrimum redditur: Theophrastus autem folijs, ramisq; ac reliquis deniq; omnibus terebintho similem dicit, fructu tamen diuerso, & amygdalis conformi. Duo eius genera referuntur, vnum arboreum, trunco enodi materie, nigri coloris

loris pulcherrimum, & sine arte periucundum. Alterum vile, cytisi modo fruticosum, totaq; India dispersum. At primum præstantius. Æthiopiam præfert Dioscorides, quæ nigra est, multos habens venarum discursus, cornu læuigato persimilis, & cum frangitur, dura apparet, gustu mordens, & leniter adstringens. Supra carbones verò imposita, odore iucundo, & sine fumo suffitur. Recens verò ad ignem posita, ob pinguedinem accenditur. Fabianus tamen apud Plinium negabat accendi. In cute attrita flauescit. Indicam enim candidis, & modicè fuluis internatis ligneis, crebrisq; maculis, ille scribit. Pausanias autem in Atticis, se Cyprum quendam medicum audiuisse scribit, qui herbarum genera omnia ad medicandos homines peritè nosceret, & diceret ebenum, neq; folia, neq; fructum ferre, nec etiam à sole conspici, sed esse radices subterraneas, quas Æthiopes fodiant, esseq; in ea gente, qui ebenum reperire sciant: longè quidem aliena, quæ à supradictis, memorantur. Est autem ebena vis excafactoria, & absterforia, & subtilis. Quapropter pupillarum obscuritates exterere creditur: & alijs ocularijs medicamentis miscetur. Ad veteres distillationes, & pustulas, mirum in modum pellens. Si quis autem, vt Galenus ait, lignum ebena aqua infusa terat, in succum resoluitur. In fictili vritur, donec in carbones redigatur. Lauatur etiam, crematur plumbi modo, & ita contra oculorum lippitudines conducit. Inter erodentia, medicos ebenum assumere, Plinius autor est. Celsus enim corpus exedit, euocat, & educit, leuatq; exasperat. Ad alligatam verò infantium cunis, tumultuosa in somnia prohibere scribit Albertus. Eius autem materiem liquorem noxium non continere ferunt: & quicquid maleficum extiterit, eius tactu auerti, & hac gratia, ex ea fieri pocula. Indos autem frictionem apprimè probare, quæ ex ebena strigilibus fit, vt Strabo scribit: corpora enim expolit. Aiunt insuper, ebena fragmenta in domo existentia, omnem liuorem abigere. Ferunt itaque ebenum in mari rubro nasci, folijs, fructuq; oliuæ proximo.

De ficu Indica.

CAP. II.



ICVM Indicam mirata est Alexandri victoria, eo orbe patrefacto, digna quidem, quam non solum ipse Alexander, ingenij sui nobilitate, & dexteritate, atq; omnis eius ingens exercitus demiraretur, sed cæteri quoq; quotquot mortales sunt, Naturæ scilicet in ea prodenda miraculo, siue eius crassitiem, & amplitudinem, aut formositatem, aut pomi suauitatem, cæteraq; particulatim omnia contèplari liceat, de qua sic Q. Curtius disseruit, & si fici nomenclaturæ non meminerit. Syluæ (inquit) erant propè in immensum spatium diffusæ, proceraq; & in eximiam altitudinem editis arboribus umbrosæ, pleriq; rami, instar ingentium stirpium flexi, in humum rursus, quæ se curuauerant, cogeantur, adeo vt species esset non rami resurgentis, sed arboris ex sua radice generatæ. Hæc ille, quæ tanquam lemma aliquod huius arboris propositum volui. Caudex autem in orbem passuum sexaginta spatio enormis crassescit. Ramorum

vmbræ bina stadia operiuntur. Latitudo foliorum, & forma peltæ Amazonicæ comparatur, quæ fuit, autore Xenophonte, hederæ folio confimilis, vt sub ea equitum turmæ condantur. Pulcherrimum Naturæ tabernaculum. Ipsa sese semper ferens. Vastis enim diffusa ramis, & cùm, vt ait Strabo, in duodenos creuerit cubitos, in terram postea deflectuntur, & curuantur, suo pondere rami, quoad illam attigerint, in quam infiguntur & radices, veluti propagines, annuo spatio agunt. Mox rursus alium stipitem producunt, qui, postquam euectus fuerit, iterum flectitur, & aliam propaginem efficit, deinde aliam, vt sic deinceps ab vna arbore vmbraculum fiat, multicolonio simile. Demittit autem ramos, non solum ex anniculis, verùm etiam è vetustioribus: qui circum caudicem demissi vt minimè tamen eum contingant, inhærescentes, ceu sepem opere topiario, in orbem faciunt, ita vt instar tabernaculi condantur. Superiores eiusdem rami in excelsum, syluosa multitudine, micant, vt etiam extra aspicientibus mirùm afficiant. Decora verò non solum subter, procúlve, fornicato ambitu intuentibus, vt eius vmbra, & concamerationes pluris ætate, contra Solis ardores ac molestias, quàm regiarum aureæ, & depictæ porticus, & deambulacra. Quibus etiam pastores æstiuare solent, vmbra quidem, & arboris vallo muniti. Radices autem è ramis prodeuntes euidentissimè à cæteris discernuntur. Albiores etenim sunt, hirtæ, tortuosæ. Pomum fert, fabæ magnitudinem non excedens. Hoc autem foliorum amplitudo & vmbra crescere non sinit, eundemq; paucum, Solibus tamen decoctum, prædulci sapore, fici simile. Quamobrem arborem Græci ficum appellant. Hæc autem circa Acesinem fluiuium maximè gignitur.

De pala, & alia huic persimili.

CAP. III.



PALA, siue, vt alij volunt, tala, licet Theophrastus eius nominis non meminerit, Arbor Indiæ est, fico Indiæ maior, pomi suauitate præcellentior. Folium eius longitudine trium cubitorum, latitudine duum, quod auium alas imitatur: vel, vt Theophrastus, struthiorum, quæ super galeis imponuntur. Fructum succi dulcedine, & magnitudine admirabilem fert, vt vno quaternos satiet, cui arienæ nomen, quo Indorum sapientes viuerent. Plurima enim hæc in Syndracis. Alexandri Magni expeditionum termino, prouenit. Est & alia huic persimilis, sed fructu oblongiori, contorto, dulciori tamen quàm palæ, qui morsus intestinorum difficultates faceret. Quare Alexander edixit, ne quis sui agminis huiusmodi pomum degustaret. Indos palæ folijs vesci Arrianus refert, in quorum fastigio quoddam pingue, palmarum instar, gignunt.

De pipere.

CAP. IIII.



NON fuit satis (vt bene, appositeq; Secundus scribit) in appetenda auiditate, huic esurire, qui primus in cibis piper experiri voluit, vt huius

huius causa ad Indos usque proficisceretur, ut inde pondere, veluti aurum & argentum, piper emeretur: cuius etiam arbor sui generis sylvestris apud nos esset: cuius item nec pomi, nec bacca, vlla apud omnes commendatio esset, ut sola amaritudine placeat. Adeo enim mirum est, usum eius placuisse. Quippe in alijs aut suauitas perplacuit, aut species inuitauit. Piperi quidam indeclinabile, ut gummi, ac barbarum vocabulum dixere, ut Herodianus: sed nostri declinauerunt, ut Iuuenalis:

- *Piperisq; coëmpior.* Nicander Colophonius piperion appellat. Hippocrates verò medicum pharmacum. Piperis arborem Dioscorides paruanam esse scribit. Plinius & Solinus nostris iuniperis similem, verum diuersos à iunipero fructus edere, qui in siliquis, quales in faveolis, ceu coryli nucamento, videre est, contineantur. Quæ priusquam dehiscant, deceptæ ac sole tostæ, piper faciunt, quod longum vocatur. Græcis *πείπερι μακρόν*. Solinus autem primum fructum erumpere, velut corymborum fibras. Hæ autem siliquæ intra se aliquid tenue, milij seminibus simile, claudunt. Suis autem temporibus per maturitatem adultæ dehiscunt, & racemos ex se granis onustos proferunt. Primum hoc piper candidum vocatur: Græcis *πείπερι λευκόν*. Quod deinde folibus tostum, & colore nigis immutatum, nigri piperis vocamen sortitur, Græcè *πείπερι μέλαν*. Vti ex vna & eadem arbore, idem piper & album & nigrum nascatur. Sed aliud nigri piperis genus, de quo supra de abortu arborum dictum. Theophrastus autem piperis tantum duo genera posuit. Vnum rotundum, carne, putamineque erui modo ceu laurina bacca subrutilum. Alterum verò longum, nigrum, semina continens papaueracea. Arboris radix costeo similis est, calefaciens gustum, cui hygre cognomentum est. Hæc enim est prisca, piperis arboris, fructusque eius descriptio, usque ad nostram ætatem omnibus huiuscemodi credita. Quæ tamen alia ab ea effigie, quam nunc Lusitani, qui in Indiam, longo maris tractu, nouoque itinere nauigarunt, nobis retulerunt, & ostenderunt. Fruticem illi, non arborem, asseruerunt, viti albæ, quæ bryonia dicitur, similem, ut caulis eius, sicuti huic, absque adminiculo minimè consistere possit, ut serpat ut illa, vel ut hedera, necesse sit, atque proximiorē arborem complexu vincire, & scandere. Effunditur enim, & peragrat per ramos complusculos. Fructus autem instar racemi est, non aliter, quam in ligustro viridi coaceruato, ea quidem magnitudine, qua apud nos, singulis malleolis seni dependentes, palmo haud ampliores. Ante quam autem maturitate nigrescat, colligunt, ac in palmeis tegetibus expandunt. Calore enim Solis & æstu nigrescit. Sunt qui dicant se folium allatum vidisse, palmi longitudine, magè pallidum quam herbaceum, plantaginis figura, cui fibræ à tergo per longitudinem septem sint, mediam utrinque trinis cludentibus. Arbores ibi etiam esse Lusitani renuntiarunt, quæ aliquid piperis sapore producant, quibus nullæ apud nos sint ut figura possint conferri. Hæ autem oblongum villum inter folia Ponticæ nuci producunt. Incolæ malaga vocant, quæ vox illorum idiomate, longum designat. Multò enim longius est, quod apud nos defertur, sed inane, & mordax, minusque ponderosum.

Sed è Lusitanis quidam fuerunt, qui piperis arborem in India se vidisse affirmant, similem huic, quam in Italia fuisse Plinius scribit. Meminit præterea Philostratus in vita Apollonij in Caucaſi montis, hac ſcilicet parte, quæ ad Rubrum mare porrigitur, piperis, & aliarum ſpecierum arbores naſci vitici ſimiles, ac fructu racemoſo. Ad quas Indi proficiſcentes, primùm ſub paruis arboribus areas faciunt, in quas piper, utpote rem caſu neglectam, & nihili ab hominibus exiſtimatam, conijciunt. Quod opus in auijs abditæ, ſimix ubi ſtudioſius conſpexerint, contemplatæq; fuerint, noctu Indorum operam (ut eſt illarum, in his, quæ peragi viderint, ingenium) exequuntur, & arborum ramuſculos in areas, quas diximus, congerunt, ut poſtea Indi, cùm dies illuxerit, piperis acervos aſportent, ut lucrum non minimum ſibiſſis paruo impendio, abſque labore, ſola induſtria, & ſolius animalis cura, & opera, atque iſſis dormientibus, conquiſierint. Piper longum facillimè adulteratur Alexandrino ſinapi, & iuniperi baccis, mirè vim trahentibus. In pondere quidem multis modis. Galeno autem adulteratum duplex eſt. Vnum, quod in Alexandria maximè conficitur. Alterum, quod herbæ cuiuſdam germen eſt. Syncerum autem deprehenditur, ſi maceratum non reſoluatur, nec ſit foraminibus pertuſum. Piper id longum, idoneum iudicabis. Nigrum verò, nec exile, nec craſſi corticis eſto. In utroq; verò genere eligitur, tum maximum, tum pleniffimum, ponderoſum, nigrum, recens. Album velut omphacium piper, Galeno. & Aëtio, nigro quidem acrius, quòd impendio magis aſſatum & exſiccatum. Multis contra nigrum gratius, ſuauius, atque odoratius, utpote quod tempeſtiua maturitate collectum ſit, acrius, nec non ad condimenta vtilius. Candidum verò adhuc in acerbum vergens, longo nigro ignauius: verùm vtrunq; valenter excalfacit, & deſiccatur, in tertio ordine, vel, ut quidam voluerunt, in quarto. Longum tamen maturo humidius eſt. Nam humiditatis indicium eſt: quòd reſoſitum facile perforetur, ac non protinus mordicet, ſed paulò poſt incipiat: verùm pluſculum durat: concoctioni eorum, quæ quis ſumpturus eſt, auxiliatur pro piperum ratione iuxta generum differentiam. Urinam mouet, craſſos & glutinoſos humores incidit, ventofitates, ac ſpiritus, & humiditates peſtoris, ac pulmonis, atq; ventris diſſipat, & quæ in præcordijs pigrè reſident, ad ventrem depellit: quod de longo pipere Galenus dicit. Quæ claritati oculorum officiunt, abſtergit. Februm rigoribus, ſiue potu, ſiue illitu ſubuenit. Venenatorum morſibus auxiliatur, Partus extrahit. Vuluæ muliebri poſt coitum, ſubditum, & appoſitum ſterilitatem facere creditur. Tuſſi ſiue potu, vel eclegmate ſuccurrit. Candidum autem piper, aptum quidem ocularibus remedijs, & antidotis, ac medicaminibus, quæ contra venena parantur. Nigrum vehementiùs mordet, idemq; antidotis, & theriacis medicamentis expetitum. Piperis radix vires coſto ſimiles potiſſimum obtinet. Oris pituitoſos humores, & ſaliuam prouocat. Vulnera aperit. Renibus obest. Fit autem, autore Paulo Ægineta, è triplici pipere medicamentum, quod vocatur diatrion pipereon, quod in febris quartana triduo ſumitur. In qua ſolum piper quotidie ex aqua ſumitur.

Quærit

Quærit Alexander Aphrodiseus, & apud Macrobiū Cecinna Disarium percunctatur, cur piper cuti superpositum vlcerare possit, deuoratum autem ventrem non vlceret? Quòd species acres & calidæ superficiem, cui apponuntur, exulcerent. Nam sua vi integra absq; alterius rei admissione id possunt. Quæ si in ventrem recipiantur, prius concoquuntur, quàm agere incipiant. Hebescit enim eius vis, ventris nimio humore, cutis verò sua densitate ad agendum, spatium præbet, vt facilè sentiat. Problema quoq; Aristotelicum est, quare piper largè sumptum, vesicam soluat, parciùs verò aluum? Quia copiosius deuoratum, ad vesicam defertur, nec se in aluum diffundit. Exiguū verò desumptum, in aluo residet, & eam soluit, atq; ita medicamentum eius existit. Quærit etiam Alexander, cur qui piper comederint singultiant, quod qui aluum mundam sentientem & calidam habent, ij ocysimè piperis acrimonia, mordican- tur, quo morfu, stomachus excitatur, ad repellendum id, quod officit: verum id difficulter euenit his, qui ventriculo pituitoso ac frigidiore sunt. Percontatur idem ille, cur piper solidè prædeuoratum, ventrem calfacere nequeat, tritum verò exalfaciāt? Quòd contusum meatus corporis altiùs subeat, & à natiuo calore mouetur, meritoq; suam potentiam exercere valet. Fit è pipere vinum, melle addito, quod alij conditum, alij piperatum vocant: nescio an id medicamentum, de quo supra. Plinij autem temporibus in libras x. xv. Album x. vii. nigrum x. iiii. Eodem autore piperis arbor in Italia fuit, myrto similis, sed maior, cuius grano eadem amaritudo, quæ piperi musteo credita est. Deest tamen tota illa maturitas, ideoq; rugatum, cæterum coloris similitudo.

De caryophyllo.

CAP. V.



CARYOPHYLLON Paulo Æginetæ, Sethioq; quasi nucifolium, tametsi illius naturæ aut effigiei nihil habeat. In India Plinius, piperis grani quid simile nasci tradit, sed grandius, fragiliusq; in Indico luco. Flos arboris cuiusdam, vel, vt alijs placuit, fruticis, fustaceus, niger, odoratus, acris, longitudine pollicari, subamarus. Aduheebatur primùm odoris tantum gratia, nunc quoq; excrecente ad ingluuiem auuiditate, & cibi, veluti piper, vt sine caryophyllo dapes despiciantur. Ab illius autem odore flos vbiq; nascens, & omnibus notus, caryophyllon vocant. Lignum verò eius xylocaryophyllon vocitant. Hæc antiquorum de caryophyllo descriptio. At qui nunc in Indiam, & ad insulas Molucas nauigauere, illic & in insula, Monoche nomine, vltra Taprobanam ad multa miliaria sita, copiosè nasci asserunt, non nisi tamen in abruptis rupibus, vsque adeò dense, vt syluam faciant. Cernitur arbor tum altitudine, tum crassitudine, folijs etiam, verum maioribus, atq; rotundioribus, lauro simillima, asfatim in congeriem foliosa, vt buxus, cui eius caudicem compararunt. Nascitur autem fructus, quem à similitudine, clauum vocitant. Ex summis, singulis ramusculis, corolla primùm, tum in ea flos haud alius, quàm mali aurei acies, ceu cuspis ipsa caryophylli. Summo stipiti insidet, donec paulatim

paulatim in longum exurgens, mucronem faciat. Primo enim rubescit, mox verò totum sole nigrescit caryophyllon. Legulei autem fructum arundinibus decutiunt, solo secundum arborem tegetibus prius strato. Locorum verò indagatores caryophylli odorem per longum spatium in mari præsentiant. Secundas partes tam in calefaciendo, quàm exsiccando obtinet. Tertias illi quidam assignarunt. Cordi, hepati, stomacho auxiliatur. Nauseam leuat, quæ ab humiditate prouenit, sed viscera lædit. Concoctiones iuuat, tollitq; oculorum caligines, atq; visum exacuit. Obstruentes iocineris infarctus aperit, panos discutit. Halitus grauitatem emendat, ad quam rem mandi solet, & ore contineri ab his, quibus anima fœtet. Venerem stimulat: Faciei medicamentis imponitur. Vfus autem huius ad obsonia permultus.

De bdellio.

CAP. VI.



BDELLIVM arborem esse Plinius scribit, in Bactriana nominatissimam, in Arabia etiam, Indiaq; , ac Babylone nascentē. Dioscorides verò Scythicæ arboris lacrymam. Erit itaq; ex superioribus bdelliū, & arbor, & lacryma, & etiam lapis pretiosus, cuius mentio in sacris Bibliorum libris, capite Geneleos secundo. Super quo ferè multi dissentiunt, ex quorum contrarijs opinionibus, quæ sit ea arbor, nondum statutum. Est igitur bdellij arbor, nigra, oleæ magnitudine, folio roboris, fructu caprifici, naturaq;. Gummi eius alij blochon malacham appellant, alij maldacon. Quod verum, nigrum est, sordidum est, ac in offas conuolutum, aspalathi odore. Hadrobolum, id est, crassioris glebæ, ex India aduehi Dioscorides asserit. Quod autem è Media asportatum est, paraticum vocant. Probatur translucidum, gustu amarum, intus pingue in morem taurini glutinis, cum friatur lentescens, ceræ simile, ligni autem ac sordis omnino expers: cum incenditur, odoratum, atq; humano vngui colore simile. Quod verò è Media defertur, facilius & crustosius. Indicum autem humidius, & gummosum. Aduchitur etiam è Petra Arabiæ dilucidius, & liuescens, resinofum, verum facultatibus secundum. Bactriano autem nidor siccus, multiq; candidi vngues. Galenus enim, & post eum Ægineta, Scythicum & Arabicum extulerunt. Adulteratur Indicum amygdala nuce, aiente Plinio, cætera verò genera, gummi, quod hic è scordasti arbore dicit: sed gustu ac odore depræhenditur. Ita enim vitiatum, non perinde gustui amaritudinem repræsentat, nec vsque adeò cum incenditur, odoratum. Colore item, ac pondere, quod neq; grauius, neque leuius esse debeat. Pretium in syncero, Plinij tempestate, in libras decem terni. Est autem bdellio vis & natura emollire, calfacere, & euocare. Arabico ad gutturoforum (autore Galeno) tumores, quos bronchocelas vocant, & hydrocelas, id est, aquosos ramices, vel, vt alij interpretantur, hernias humidas, vtuntur. Saliua matutina, ieiunaq; subigunt, vt emplastri formam accipiat: Et hoc istud bibitum renum calculos frangere peculiariter creditur. Vrinam cit, & vuluæ spiracula appositum, & suffitu aperit, & crudorum

rum flatuum discursus, laterum etiam dolores, & rupturas per sanat. Tussientibus insuper, & à venenatis percussis vtilissimè datur. Celso vulnera purgat. Suffitu culices & serpentes fugat. Addunt Mauritani hæmorrhoidibus opitulari. Ad assiduam, inanemq; egerendi appetentiam, quam Græci *ταυνομόν* vocant, mirè valet, concretum in grumos sanguinem absumit. Galenus loco bdellij muscum arboreum subdit.

De nuce Indica.

CAP. VII.

N V C I S Indicæ, quam recentiores caryon Indicum vocant, alij Dioscoridem perselatam Indicam nucem intellexisse affirmare ausi sunt. Arbor palmæ Indicæ similis. Fructus permagnus, vti in nucum genere, non alius eo maior reperiatur: inuolucris rotundis intectus, cortice primùm herbaceo, callosoq; intus verò villoso, tenui, exterius tunica vestiente, quæ verò extritus & solutus, in capillamenta fatiscit: orbe subtus capaci, & duro, triquetra forma, & triplici foramine concauo, multis loculamentis interstrueto: pingui, & dulci, cum recens est, liquore, nucleo candido, carnosio, molli. Cum autem inueterauerit, cartilaginoso. Sanies interim estur, verùm in cibis stomacho grauis, tametsi succum noxium minimè pariat. Nam citæ corruptioni opportuna. Cum enim vel pubet, vel adoleuit, detractis exterioribus tunicis, comeditur. Nux autem recens oleosum liquore distillat, butyro siue ouillo, siue bubulo longè melior: quod scilicet stomachum butyri modo non emolliat, nec lacescat. Ex huius putaminibus, pocula auro, argentove adornant, quibus diuites vtuntur. Humida in prima classe, & calida in secunda perhibetur. Ventris tineas expellit, semen auget, & venerem excitat: corpus reficit, & strigosum corpus impinguat. Oleum vetus per se lumborum flatus mulcet. Vesicæ quoq; malis opitulari tradunt, & aluum sistere. Hæmorrhoidibus inungitur, oleo præsertim admisto, quod è persicorum nucleis comprimitur.

De glande vnguentaria.

CAP. VIII.

G L A N S vnguentaria Latinis, Græcis verò *βάλανος μυροψικη*, alijs glans Ægyptiaca. Plinio & Aëtio, altero Latino, altero Græco autoribus, myrobalanos, id est, glans vnguentaria. Ad myrobalanum autem disticho allusit Martialis:

Quod nec Vergilius, nec carmine dixit Homerus,

Hoc ex vnguento constat, & ex balano.

Qualis autem fuerit arbos, quæ huiusmodi glandem ferat, apud autores non bene conuenit. Dioscorides enim dicit eam esse myricæ similem. Liquorem modo amygdalæ amaræ effundit, quo ad vnguenta pretiosiora olei vice vtuntur: vt myrobalani nomen etiam indicat. Theophrastus enim magnam arborem, contortam, aspectu incorruptam, myrti folio, sed oblongiori, fructu, & magnitudine cappari proximo, inutili quidem, verùm suavis odoris: cuius contuso putamine vtuntur vnguentarij. Plinius autem folio heliotropij. Nascitur in Æthiopia, Ægypto, Arabia, ad

L Petram

Petram ludææ oppidum, in Thebaide, & apud Troglodytas. Ex ijs autem, quæ in Arabia nascuntur, quædam Syriaca appellatur, quæ est candida, contrà verò, quæ in Thebaide, nigra. Præfertur autem illa olei bonitate, verum Thebaidis copia. Inter has enim Troglodytica vtilissima. Sunt præterea qui Æthiopicam ijs anteponant, nigram quidem, minimè pinguem, gracili nucleo: sed liquore, qui exprimitur, odoratiore. Ægyptiam etenim, cuius & ipse meminit Hippocrates, pinguiorem, ac crassiori cortice rubentem. Et quamuis in campestribus, palustribusq; nascatur, breuiorem tamen, & sicciorē esse. E diuerso Arabicam viridem, tenuioremq;, & quoniam sit montosa, spissiorē. Longè autem Petream meliorem, ex eo, quod diximus, oppido, cortice nigro, ac candido nucleo. Arabes, inter quos Mesues, duorum generum meminerunt, maioris videlicet, ac minoris. Maius autem triquetrum, auellanae nucis amplitudine. Minus verò ciceri simile. Vtriq; verò oleosa medulla inest, lenis, & alba. In maiori enim nucleo fragili, leui, tenui, putamine albo. In minori autem, putamine pariter fragili, pingui, & colore in cinereo albicanti. Dioscorides autem maioris tantum meminit. In quo præfertur, quæ recens quæve candida sit, ac plena, & quæ facile suum corticem exuat. Medici nucleos tundunt, affusa eis paulatim calida aqua. Cæterum sunt, qui dicant oleum inodorum, sed ad suscipiendos aduentitios odores aptissimum, & hospitale: quod vt olim celebre fuit, ita nunc quoque notissimum. Oleum autem è putaminibus fieri Theophrastus scribit, quod creditu satis difficile fuit, etsi operosè comprimantur. Sunt etenim putamina hæc arida, à quibus liquor aliquis exprimi possit minime. Licet Plinius vnguentarios è putaminibus, medicos verò è medulla elicere scribat. Nunc certè è solis nucleis. Carnis siquidem succo vt vnguentarios Galenus scribit, qui medicis etiam ad plurima utilis sit. Facultate enim calidus, & siccus classe secunda, vt Græcis recentioribus placuit. Reliquæ autem partes, vnde expressus succus, terrestres sunt, duræ, atq; amaræ. Adstringendi enim, & incidendi vi pollent, cum quadam abstersione: proinde abstergentem simul, atq; incidentem, contrahentemq;, ac stipantem virtutem habent: obq; eam causam, denarij vnus pondere, cum mulsa aqua, vomitiones cit. Sæpe etiam inferius per aluum copiosè subducit. Cum posca verò, extis laxandis accommoda. Varos, lentigines, cutis vitia, vt cum discolorata, sole æstiuo fuerit, & vultus eruptiones omnes, cum aceto, alijs lotio, emendat. Nigras verò cicatrices, vitiligines, addito nitro, ad pruritus deinde facit, & psoam, ac lepram comminuit. Manantia vlcera, & pustulas vlcerosas, carnisq; omnino excrescentias reprimat, præsertim cum aceto decocta. Locineri indurato confert. Lienem soluere autor est Aëtius, præcipuè verò addita farinarum exsiccantium aliqua, veluti loliacea, aut orobina. Alij verò in hunc usum in posca triam drachmæ pondere desumendam præbent, & ad hanc rem eidem parti, emplastri modo, cum loliacea farina imponitur. Contra lienis dolores Celsus hoc remedio vitur. Sic enim quinto libro ait: At si lien torquet, glandis, quam balanum Græci vocant, cortex & nitrum paribus portion

portionibus contunduntur, respergunturq; aceto acerrimo, vbi cerati crassitudinem habent, linteo antea in aqua frigida madefacto illinuntur, & sic imponitur, supraq; farina hordeacea iniicitur, sed manere ibi non amplius sex horis debent, ne lienem absumant, satiusq; est id bis aut ter fieri. Cum erui verò farina, & aqua mulsa, padagris illinitur. Cum autem hepar, aut splenem hoc medicamento purgare decreueris, cum aceto exhibebis, ne stomacho noceat. Nam illo tã extra, illita quàm intus assumpta, gaudet. Venerem moratur. Ventriculi humores purgat, aurium doloribus, ac tinnitibus, ex anserino adipe infusum. Vbi autem maiori adstrictione indigebimus, cortex omnino efficacior. Arabum verò præcipuè Mesuis, de fructus nucis vnguentaria, quam ben vocant, vi, hæc fuit sententia. Maioris verò generis (duo enim, vt supra dixi, posuit) fructus incidit, abstergit, aperit, minuit, & purgat, viscera tamen commouet, & ventriculum subuertit, ob illius vim acris humiditatis, & excrementitiæ. At minoris, virtus asperior, longeq; periculosior. Nam vsque adeò humores deturbat, commouetq;, vt animæ sæpe deliquium faciat. Ideoq; in alios vsus, quàm in vnguenta & cataplasmata non recipiendus. Maioris autem noxam minui hi dicunt, si igne torreatur. Nam ignis calore, exuberans humiditas hebescit, quæ vomitionem mouebat, vt propterea medicamentum tantum vomitorium conficeretur. Nonnulli cum anisi & sceniculi semine decoquunt: vt hac ratione ingenita nocens vis deprimatur. Potu enim pituitam crassam, vomitu, & deiectione exterit. Ideò coli cruciatibus non tam haustu, quàm etiam infusus clysteribus, maxime verò vbi morbus à pituita, & flatibus originem traxerit. Gingiuas adstringere & è naribus sanguinis fluxionem comprimere, nonnulli è Mauritanis asserunt.

De myrobalanis.

CAP. IX.



EST & vnum myrobalanorum gentis, & illud quidem à veterum myrobalanis differens, & prisca incognitum, potius in prunorum, aut pomorū genere ponendum, quum antiqui ossibus careant. Mauritanorum inuentum est: à quibus recentiores Græci accepisse par est dicere. De arboris autem effigie nil apud autores reperi, nisi tantum quod arbor hæc bifera, vt primi partus citrini vocitentur, secundi verò cepuli. Ex Ægypto, Syria (autore Actuário) deportantur, corporis callo compactili. Quorum alij maiores, alij verò minores visuntur. Cæterum posteritas hos myrobalanos in quinq; vel, vt alijs placet in sex genera discreuit. Sed alios alij signi arboribus obseruauit. Quòd fructus eorum variæ & diuersæ naturæ sint, licet simili forma. Citrini, lutei, & flauī in herbaceum inclinante colore. Magni, densa, & multa carne præditi. Qui si frangantur, gummosa esse depræhenditur. Osse intus perexiguo, ideo graues, huiusmodi eligendi. Cepuli, subnigri, in rubrum colorem vergentes. Carnosi, vt etiam ob illud graues, vt in aqua submergantur, cortice spisso, eò autem meliores, quò ampliores. Belerici, in Actuário beletgici, Eli-

gendi sunt maiores, & crassiores, ac cortice densi, atq; ponderosi. Emblici, Actuario empelitici. Seligendi verò sunt, cute ossibus inhærente, lapillorum penè figura, ampliore carne, ossibus minutulis, graues, ac densi. Eiusmodi enim formæ conspiciuntur. Indi Actuario nigri: à colore enim caruleo vulgus Indos vocat, & Græcorum neoterici Damafonios. Eligendi verò sunt, oliuæ figura, solidi, ponderosi, sine nucleis. Frigidi omnes primo ordine, sicci secundo. Etenim excrementa putrida exsiccando absumunt: Molles, ac laxas indurant, & densant partes: & multa adstrictione cogunt. Cor, stomachum, reliquum quoq; totum ventriculum, & hepatis roborant, vt propterea cutis colorem exhilarant: oris, ac sudoris odorem commendant, corpus deniq; totum diu floridum, & iuuenile conseruant. Cordis tremori conferunt, & hæmorrhoidibus prosunt, & ventriculum à bile purgant: & ab ea tertianam & cæteras febres orientes, vt illarum ardorem extinguunt, præsertim autem citrini. Nam & his secundum genera inest vis medendi diuersa. Nempe citrinorum tenuissimus puluis, per se solum oculorum delacrymationes stringit, & ab humore abundanti liberat. Cum mastiche verò exsiccando vulnera sanat. Capuli ac nigri, atram bilem & vstam purgant. Quartanæ, lepræ, tremori, tristitiei, & cæteris melancholicis affectibus auxilio sunt: celerius enim atque valentius obstruunt, quàm maceratorum expressum. Assi verò minùs purgant, verùm potentiùs adstringunt, eoq; magis deustorum puluis. Emblici autem parum frigent. Prima classe desiccant. Neros, cerebrum, edendi appetitum iuuant, pituitam, & putrem ventriculum purgant: vomitum sistunt: maniam reprimunt, & animæ vim, rationemq; adaugent. Viscerum insigniorem, & inde progredientem sitim extinguunt. Præstantiores maximè bellerici. Frigidi primo, sicci secundo ordinibus, viribus cæteris æquales.

De nuce myristica.

CAP. X.



Nux myristica, Græcis *μοχοκάρυον* vel *κάρυον ἀρωματικόν*, vel *μοχοκαρύδιον*, vulgò nux odorata, vel muscata, veteribus Græcis incognita. Apud Indos legitur, & affatim prouenire apud eos, atq; in insula, quam Badam vocant. Qui apud eos nauigarunt, renuntiarunt. Arbore enim procera legitur, vulgari nostræ persici persimili, folijs tamen angustioribus, flore roseo, alij tamen iuglandi, vti nec alio modo, quàm nux iuglans prodeat. Nux candida, quæ gemino tegitur operimento, nucis iuglandis crassamento, calyce primùm foliato, fossili, & per extrema fimbriato, ac flauescente, mox lignoso & fragili. Sub hoc verò membranula, quæ nucem reticulatim amplectitur. Hæc autem apud nos muscata flos dicitur, à Mauritanis macis. Post enim foliorum germinationem florem statim emittit. Rosarum syluestrium instar panditur, ex medio nux erumpit, & tempore maturescit, nuclei vice, leuibz quasi strijs, extrorsum ab umbilico virgatus, fungoso, nec minimè cauernoso corpore, reliquarum nuncum more, verùm coalitu intus rariore, rubris venis intercurrentibus, intermedis

termedijs verò candicantibus. Cùm enim recens est, oleoso, & pingui succo madet. Sic vt in vnguentum exteri possit, vt si aculeo pungatur, nonnihil humoris remittat. Iucundissimum odorem spirat. Probatur recens, & quæ nullam senserit cariem, ponderosa, pinguis, colore in rubrū inclinante: Contrà levis, exuta, & nigricans improbatur. Excalfacientis, & exsiccantis naturæ est in secundo, vel etiam, vt quibusdam Mauritanis placuit, in tertio abscessu. Aluum stringit, oris suauitatem commendat, & animæ fœtentis virus hebetat. Stomachum distendentes spiritus discutit, & illud ac iecur roborat: lentigines faciei (Græcis φάκoi dicuntur) & impetigines emendat. Lienem incremento laborantem reprimat: vrinam cit. Virtus illarum caryophylla æmulatur, vt Arabes profitentur. Recentes autem tunduntur, quibus in cacabo calefactis, prælo exprimitur liquor, qui ceræ instar concrefcit: fragrantissimum expirat odorem. Articulorum & neruorum continuis cruciatibus, ex frigore natis, perutilis.

De macere, & maci.

CAP. XI.



MACER, siue, vt Plinius ait, macir Græcè μάκερ & ξυλο-
μάκερ, Cortex est, qui ex India importatur. Alij etiam ar-
borem illo vestitam hoc nomine vocarunt, & tamen qua-
lis fuerit, Plinius incompertum habuit. Nec ego alium
legi, cui hæc nota fuerit. Arborem autem magnam esse
oportet, vti ex eius cortice suspicandum. Dioscorides à Barbaris vehi-
scribit flauescens, crassusq; est, gustu acerbus, cùm leui acrimonia ad-
stringens. Igitur exsiccat: iucundè odoratus, vt plerosq; Indiæ odores sua
præstantia vincat, vt etiam tenuis substantiæ coarguatur. In tertio exsic-
cantium ordine est. In caloris verò, & frigoris differentia, neutrum insi-
gniter efficiens. Contra cruentas excreationes, & alui fluxiones bibi-
tur. Cœliacis & dysentericis medicamentis vtiliter admiscetur. Macis au-
tem aliud à macere. Nucis muscatæ cortex medius est, inter externum
corticem crassum quidem ac viridem, & alium nigrum ac ligneū. Vtriq;
enim nostrarum nucum corticibus persimiles, sub quibus & ipsa nux
myristica, vel, si mauis, muscata latet. Plures enim, atq; etiam medicorum
pars maior: aliud esse macim, aliud macerem, pluribus rationibus inni-
tentes. Hæc enim Arabum, maximè Auicennæ, opinio, qui de iisdem
tanquàm differentibus separatim scripsit. Serapion etiam ex Isaaci auto-
ritate, qui dicit macim nucis myristicæ corticem, & alium esse macerem.
Cæterum Arabum macer crassum est, ex calido & frigido temperatum,
nucis verò myristicæ tenuissimus, admodum calidus, nil, vel parum ad-
stringens. At nunc ex recentioribus aliqui sunt, qui idem esse asseuerent,
siue potius id vel nimia philautia, quam in improbandis aliorum opi-
nionibus venari existimant, vel studio & auuiditate repræhendendi, vt est
illorum ingenium, quàm veritatis amore. Quod malum maximè inter
medicos pullulat.

De caphura.

CAP. XII.

L 3 CAPH



CAPHURA Græcis recentioribus κάφουρα, Videlicet Aëtio, Actuário, Pſello, Sethio, poſt Dioſcoridis, Plinij, & Galeni ſeculum inuenta. Arbor Indica, inibi in maritimis montibus naſcens. Luſitani verò peragratoreſ, ibi in inſula, Burnea dicta, prouenire, retulerunt, & etiam ex regno Fanſuro. Tanta vero magnitudine aſſurgit, vti ſub eius vmbra hominum centuriæ, contra Solis ardoreſ poſſint deliteſcere. Materie ferula-cæa, ac leui, quæ lacrymam, aut gummi progenerat, nominis eius arboris: cuius largioris prouentus augurium eſt, cum terra motu concutitur, vel ſi cælum frequentioribus fulgetriſ coruſcauerit, aut crebrò tonitru conſtrepuerit. Huius verò genera permulta traduntur. Vnum in interueniſ ligni, lamellarum modo impaſta figitur. Aliud autem exit foras, hæretq; arboris corticibus, rubentibus inter initia maculis, quæ poſtmodum vel Solis calore extolſta, vel ignium vi, candefcit: hanc autem Riachinam indigenæ appellant, ex nomine regis huius loci, qui primus rationem dealbandæ caphuræ adinuenit, vel, vt alijs placet, à primo huius loci rege. Hæc verò ex tenuitate, atq; bonitate cæteriſ alijs præſtat, temporis etiam diuturnitate. Aliud atro colore eſt, non pellucens, craſſius, duratione tantum cedens, non etiam pretio. Aliud vilius, quod fuſco colore conſpici-tur. Cui ſuccedit impurius, quod aſſulis & fragminibus implicitum, gummi more agglutinatum, lentefcit nucis amaræ tuberculo, aut fabæ, vel ciceris. Hæc autem pontificum & ſacrificulorum ſuffimentis, veluti myrrha, aut thus, & coſtum cedit. At hæc omnia in duo genera rediguntur. Siquidem aut rudi caphura dicitur, quæ elaborata vocatur, quæ nullam ignis vim, aut eius ardorem, neq; experta ſit, neq; ſenſerit, vt in laminas pellucenſes digeſta, album contraxerit colorem. Alterum, illius eſt, quæ ignem, aut calorem perſenſerit. Legitima eius probatio eſt, Si calido pani ſuperpoſita humore mafeſcat, ſynceræ eſt argumentum: ſin minus, factitiæ & adulterinæ. Tertio ordine frigida eſt, atq; ſicca, quæ maximis, & præcipitibus morbis auxiliatur. Renes, & ſeminaria vaſcula reſtiterat, & ſemen ipſum compingit, ſanguinemq; cogit. Capitiſ doloreſ, quos calor creauerit, mulcet. Inflammationeſ incandefcenteſ reſtinguit, maxime quæ iecur malè habeant. Sanguinem naribus profluenteſ, cum vix acerbæ ſucco impoſitam ſiſtere dicunt. Canitiem crebro uſu accelerare, ventrem ſupponere, ægrotationeſ frigidaſ parere, regionibuſ præſertim gelidiſ exiſtimant: & nonnulli ſomnum conciliare. Verum cauendūſ eius nimiuſ uſuſ: quandoquidem vigilias tandem afferat, vt cum ſomnūſ conciliare viſ, in maioreſ vigilias incidaſ. Aluum ſiſtit, eryſipelaſ extinguit. Contra verò gonorrhœam, & vuluæ albaſ fluxioneſ, cum ſuccino, & nymphæ aqua bibita. A putredine corpora conſeruat. Fit ex ea oleum, quod caphuroleum vocitant, quo verum baſſamum mentiri audent.

De ſantalo.

CAP. XIII.



SANTALVS, ſiue ſandaluſ, vtraque enim vox apud recentioreſ Græcoſ legitur. Nam priſci Græci eam ignorarunt, vt Mauritano-rum

rum inuentum sit. Arbor Indica, cuius ingentes syluæ apud Calecutum, veluti retulere, qui illuc profecti sunt: etsi nonnulli ex Arabibus è Syria afferri, scripserint. Ingens quidem arbor, sed cuius figuræ, nondum scriptum inueni. Tria eius genera posuerunt, ex tribus arborum generibus, vt nonnullis placuit, prouenientia. Quorum primum rubrum, inodorum quidem, alterum luteum, tertium album, & à triplici illo genere pharmaculorum vulgus conditum, diatrifantalum nominat. Hoc tertium in abscessu frigiditatis gradum sibi vindicat. Rubrum verò aliquantò cæteris frigidius existimatur. Sicca tamen in secundo recessu. Omnibus præfertur luteum, si pingui quodam scateat: & quia odorum quod rubrum est, secundas partes obtinet. Album tertiam sibi classẽ arrogat, quòd inodorum sit, duobus prioribus suauiter spirantibus. Quod autem ad medicam rationem attinet, cardiacos affectus, quos irrumpens bilis concitauerit, leuat. Stomachi imbecillitatem refarcit, auxilioq; ex-calfacit. Rubrum autem, propter maiorem refrigerandi, adstringendiq; virtutem, priuatim humores, qui aliò defluentes, aliàs implere solent, sistit. Gingiuas cohibet, firmatq; stomachum. Album enim, & luteum ex ro-facea aqua fronti imposita, delirantibus profunt: bibita verò æstuanti ventriculo mirum profunt. Rubrum, ex succo solani, portulacæ, vel fedi aut lenticulæ palustris, podagris vtiliter illinitur. Cor autem non modò roborant, sed exhilarant fantali omnes: vt Mauritani aliqui prodiderunt. Quare medicamentis, quæ cordi, & huius palpitationi conueniunt, miscentur. Eam postremum gratiam, ob sui odoris iucunditatem cum medicis iniuit, vt omnes eo potiones imbuantur, vt minus à morosis ægro-tantium palatis respuantur, & reijciantur.

De bresilo.

CAP. XIII.



X India apud nos lignum vulgo bresilum dictum defer-tur, non multò ante tempestatem nostram visum: vt ta-men integram, ac veram arboris imaginem adhuc igno-remus: quod mirum, vbi tanta copia ad nos tam longo tempore asportata fuerit. Lignum teres & enode cerni-tur, libro tenui vestitum, materie subtus rubra, vt nulla alia rubrior vt ob hunc ipsum colorem in pretio habita, & à nobis tantum desiderata, infectioribus maximè, imbuendis lanis, & vestibus expetita. Ex ea etiam atramentum scriptorium rubrum. Quod propterea vulgus apud Gallos rosetam vocat. Quo librarij, ductis concinniter lineis, librorum margi-nes exornant. Hac etiam fabri lignarij, ad tenues tessulas, ad operum pre-tiosorum lautitiam, & elegantiam vtuntur. Ea etiam gladiorum manu-bria muniuntur, & leuia tornatilia opera fabricantur. Erga verò vim me-dicam si aliquam habeat, nullus adhuc vsus. Quod autem de ea arbore dicam, nil vltra aliud habeo.

De Gaiaco.

CAP. XV.

LIGNVM



IGNVM Gaicum, priscis ignotum, parum ante nostram
 atatem ab Hispanis ex India ad nos aduectum. Ibi enim
 magna copia, syluæ etiam integræ, maximè verò in insula
 Corterato, sic ab inuentore denominata : & apud Hispani-
 olam in Occidentem propè Americam versam. In alijs
 etiam tribus interioris Oceani insulis, quarum vni à diuo Dominico, al-
 teri à sancta cruce, tertiæ verò à diuo Ioanne, nomina indita sunt. Præ-
 stantius ex hac. Omnes ad Meridiem sitæ. E Taprobana & Iana insulis
 etiam asportatur: ex Æthiopia etiam. Gentile nomen est, verum ob mi-
 ram eius in sanada lue Hispanica virtutem, alia nomina sortitum est. Nam
 nonnulli *ἀγιοξύλον* appellant. Alij palmam sanctam, aut lignum Indicū.
 Arboris figura, ac proceritas, omnino fraxinea, & tota ramis exuberat, vt
 vndiq; frondes germinet, cortice coloris cinericij, folio neruoso, planta-
 ginis instar, verum minore, atq; rotundiore, ac validiore, admodum viri-
 di, flore luteo, fructu castaneæ proximo, vel, vt cæteri voluerunt, oliuæ.
 Plures nucem parere dicunt, trigona specie, sed vna sui parte sessili, acuto
 dorso, nucleo intus albo, sapore castaneæ grato, vti ad manducandum
 sese inuitet. Tria autem eius ligni genera esse dixerunt. Primum quod
 est densius, ac crassius, medulla nigrante, dura, vt asciam retundat. Hæc
 enim pars vtilior existimatur. Foris pallidum, & lineis quibusdam ad fus-
 cum inclinantibus. Alterum album, magis in exteriori parte, neque tam
 manifestis lineis distinctum : intrinsecus etiam nigrum, verum minore
 orbe. Tertium autem interiùs, & exteriùs album. Hanc verò generum
 differentiam, quidam improbarunt, vnam solam arborem perhibentes:
 sed hæc trium generum discrimina ex arboris vel senio, vel iuuentute,
 prouenisse, nigricante, & albescente, & colorem mutante materie. Exi-
 mius existimatur, in quo nigri quamplurimum inest, & cum pinguescit,
 vt eius senectæ in leuitate & amaritudine opinetur, suauis gustu aliquan-
 tum amarescente, in potionem verò subacidum. Eius vis medica est, vt
 sanguinem purget. Aluum vomitione copiosissimè cit, aquas potissi-
 mum eliciens. Calidum in gradu secundo, & tertium attingere nonnulli
 arbitrantur. Vis eius præcipua in sananda scabie Hispanica. In commo-
 moratis enim illis insulis, morbus ille primum natiuus, præter contagio-
 nem, per se illuc nascitur : sed solius fructus illius esu sanatur, vt facile re-
 medium : vt quod loci natura in morbo procreando habet, idem reme-
 dium repente præbeat, arborum illarum ingenita tantum illuc agnatio.
 Cuius curatio ex hoc ligno per vomitum, & ventrem, euacuando est.
 Hæc autem lues prædictarum insularum, & aliarum regionum inuesti-
 gatoribus, & repertoribus, primum ad nos deportata, maiori quidem
 damno, quam vtilitate horum, quæ illi ex his insulis ad nos detulerunt.
 Nam hac morborum fece totus ferè orbis postea labefactatus, vt longè
 vtilius fuerit, has regiones non indagasse, neq; inuenisse. Hæc autem in
 Europa apud Neapolim atq; in exercitu Caroli Octauj, Francorum Re-
 gis inuictissimi primum patefacta, qua Galli milites Hispanorum mili-
 tum sub Alphonso Rege merentium contagione, laborarunt, vt primò
 hæc

hæc lues apud nos Neapolitana passim vocitaretur: sed Itali in Gallorum ignominiam, postea Gallicam nominarunt. Sed ut sit, omnes nationes totius orbis ea scabie afficiuntur, ut nulla regio ab ea immunis sit: ut tandem morbus ille denominationem sumere debeat ab eo, qui illo cruciatur, ut à Germano Germanicus, ab Italo Italicus, à Sarmata Sarmaticus, & sic de cæteris, nuncupandus sit. Ad nos tantum lignum adfertur, cum fructus propter & temporis, & loci longitudinem, ad nos antea, quam putrescat, deferri minimè possit. Ligni scobe solum ad certum pondus decocto, utuntur, præscripta quadam victus & esculenti, & poculenti ratione, in qua describenda immorandum non censeo, cum super hac re speciatim plurima, & varia plurimorum medicorum extent commentaria, maxime verò Nicolai Copi medici Parisiensis doctissimi & eloquentissimi, cuius morte in iuvene adhuc corpore ipsa medicina plurimum detrimenti passa est, maximè verò in suo Seplafario, quod morte præuentus in publicum emittere non valuit.

De nonnullis India alijs arboribus.

CAP. XVI.



ED nunc de alijs Indiæ arboribus ex Theophrasto, & alijs, dicendum. Etenim in ea arbor quædam est, cuius fructus similis cornis est. Est & in Bactris alia terebintho similis, cæterum pomum amygdalis vel magnitudine tantum minus his nostratibus, suauitate præstantius: quam obrem incolæ his potius utuntur. Hanc quidam existimauere ebenum, ut Theophrastus ait. Alij, ut Plinius, terebinthum esse proprii generis, potius quam huic similem. Est & alia, unde vestes suunt, quæ mori folio, totoque corpore persimilis, rosæ cynorhodi proximè, ut ait Theophrastus, cernitur, Plinius calyce pomi cynorhodo. Dum enim eam ferunt, per ordines decussant, quare intuentibus vites apparent, ut gratior illarum sit aspectus. Genera arborum plura, qui Alexandri iussu in Indiam nauigare milites, inuenere. Maiore parte sine vlla appellatione, nascique aliquas in insulis, platanis, populisque altiores, quarum nonnullæ (ait Arriano) ad triginta cubita altitudine sese extollunt. Harum autem minores, & in concauis locis existentes, æstus maris omnino integit, maximarum autem cacumina semper conspiciuntur, ad quas naues religantur, & ubi discesse æstus, ad radices æquo modo annecti possunt. Folium autem lauri, flos violæ, odorque eiusdem, qui sit suauissimus. Baccæ, ut oleis, & ipsæ odoris iucundissimi. Fructificant autem, & florent, circa Autumnii principium, Vere autem colligitur fructus. Folia nunquam decidunt. Alias etiam marinas, tradidere, quarum frons colore algæ minutæ, in aqua viridis, exempta verò ad solem protinus in salem exarescit: & quod magis mirandum, arbusculas quasdam in alto nasci, colore cornu bubuli, ramis asperas, & cacuminibus rubentes, quæ cum tractantur compressius, vitri modo frangi, in igne enim iniectæ, ut ferrum candescere, restinctas verò suum colorem reassumere. Alias autem in eodem mari adnasci, quarum fructus lupino similis sit, folia retinentes.



VNT & aliæ Indiæ arbores, antiquioribus minimè notæ, vt nullam appellationem apud nos adeptæ adhuc sint, Quod verò nomen apud suos sortitæ sint, neq; ab his, qui tam Latino, quàm vulgari sermone, maximè Hispanico de illis scripserunt, nondum proditum. Tantùm fructuum quorundam apud eos nomenclaturam legimus, futurum aliquando vt de his, earum appellatione, naturaq; & figura, quis diligentius exaret, vt nobis ampliorem cognitionem adferat. Quid autem ab his nouerim, par est vt referam, vt nihil in mea arborum historia, quod legere potuerim, desit. Prima autem illarum occurrit relatu satis digna, maximè verò quòd semel solùm in vita pariat, verùm huic molestiæ auxilio sunt eius soboles, quæ vt ne parentis repentinam mortem diu domino damnosam patiantur, properè assurgunt, spe futuri, suo incremento, prouentus, vt intra annum fructum ferant, & ob hanc rem agricultores aliò transferunt. A solo enim tantùm nonnihil supra hominis altitudinem attollitur. Folia producit quaterna, vel quina, furculis connexa, vsque adeò lata, longaq; veluti singula hominem, vmbra sua, à Solis, imbriumve iniurijs defendere possint. In medio autem folij assurgit malleolus: flores fabæ nõ absimiles: fructus autem palmi vnus, nonnunquàm sesquipalmi longitudine: crassitudo verò quatuor digitorum, confertus quidem in nucis pineæ modum, ita est eius vbertas. Nam furculus ducentos pluresve fert fructus. Triplex fructuum genus. Primum fructum nauchapalon vocant, gustu admodum suauem, cordiq; plurimum conducentem. Color illi subfuluus, atq; tenuissimæ siliquæ, ficis nostris similes. Alter cadelapatos dicitur, esu superiori iucundior. Tertius insuauis est, nec vsu aliquo comprobabilis. Toto anno vbertim leguntur, immaturi etiam, cum domi vtiliter maturefcant. Quòd si eorum acerbitatem vereantur, ablataqueata planta, vt ocys maturefcat, calcis nonnihil iniiciunt. Est & alia arbor, quam pretiosiore ceteris omnibus, quæ totus orbis fert, existimant, tum ob eius multiplicem prouentum, tum etiam quòd ubiq; apud eos nascatur. Quæ si vera sunt, quæ ab eis, qui illam viderunt, proferuntur, certè pretiosissima, non ab re omnibus censenda erit, vt tanti propterea incolæ faciant, vt si ab hisce nonnullis læsa fuerit, nunquàm cum his postea pacem ineat. Quod in natis ac parentibus solùm sese sperare fatagunt. Sabulum maximè hæc diligit: Pangitur, & continuo producit. In arbore enim fructus & maturos, & virides, & aridos videre est. Nuces autem fert, caryotarum instar, vt in palma. Singulæ autem arbores, ducentas, aut circa, ferunt. His primùm corticem abstrahunt, ad ignis vsum reseruantes, qui flagrantissimus ex his est. Ex floribus verò sericum depectunt, cuius stupa item ad nauium funes vtilissima. Sequens verò cortex, carbonum vsum præbet. Tertius autem, qui nucleum occultit, crassitudine vnus digiti est. Nucleus cibatu gratissimus: quo adolescente inter hunc

ter hunc & extremum corticem aquæ subnascuntur, quæ dum dissoluitur nux, tanta copia diffunditur, ut calices ternos, sæpe quaternos adimpleat. Hæc; limpidissimæ, atque suauissimæ sunt. Ex nucleo item quàm pinguisimum oleum fit. Sterilem enim ramum circiter medium sauciant, manè & vesperè, ad quod vulnus, tanquàm ad partem læsam, veluti in homine accidit, humor defluit, qui in appositum vas profilit. Quem liquorem semel, atq; iterum ad ignem decoquunt, & ad vsum reponunt. Odor mirus, potum tamen cerebrum offendit: qui si plusquàm sat sit, desumptus fuerit, in furorem, qualis in temulentis, & lymphaticis est, agit. Illo, ut nos vino, vtuntur. Ex ea etiam arbore saccharum legitur, & eius materie ad domuum contignationes vtuntur. Visitur & apud eos alia, caudicis arboris crassitudo, ad pyri nostratis instar. In arboris autem trunco, subtus frondes, fructus fert: plerunque in medio caudice, cuius crassitudo trium palmorum, aut vnus & sesquipalmi, qui nuci pineæ non est dissimilis. Color viridis, cum verò maturefcit, nigrescit, ac macrescere videtur. Intus membranulas, instar mali punici, habet, in quibus inclusus fructus delitescit, castaneis persimilis. Sapor parum abest, a malo cydonio, aut persico, verum mitior: varium tamen cum estur præbet, modò mellis, modò punici. Si verò torreatur, castaneæ saporem repræsentat. Nullus alius pretiosior fructus habetur: quem incolæ ciacerum vocitant. Legitur mense Decembri. Alia ibi est, folijs & caudice cydonij mali, cuius fructum carocapallium vocant, peponis figura. Qui incisus, vinacea intus terna quaternave, vix instar ostendit. Reperitur & alia, cuius stirps magnus, fructus verò amba dicitur, nuci iuglandi similis. Cum autem maturefcit, fuluo colore, itidem ac splendido, qui intra lignum, ut amygdalæ, includitur. Conditur autem in cadis, quo modo apud nos oliuæ. In itinere verò Indico insula est Oceani Atlantici, cui Partus Sanctus, ab repertoribus nomen inditum est. Hæc enim arbores habet, quæ fructum ferunt ceraso persimilem, gustu persuauem, atque id in mense Martio. Has autem statò anni tempore incidunt, & sauciant: quo vulnere in sequentem annum gummi illacrymat: quod ahenis decoctum, & despumatum instar sanguinis efficitur, ut propterea sanguinem draconis illi vocitent. Hæc sunt, quæ ex peregrinationibus Indiæ circa nouas arbores, antiquis, tam Latinis, quàm Græcis, ac Arabibus & cæteris incognitas, & quas ego ex illorum, testimonijs, qui eas scriptis mandarunt, didici. Alias plures diuersi generis illuc esse audiui, quarum nulla mentio in itinerarijs Indiæ adhuc habita est: futurum ut aliquando cuiusdam viri doctissimi diligentia apud nos innotescant, & semper aliquid noui ad nos de India feratur, ut de ea erga arbores, quod de Africa circa animalia dici possit, Semper aliquid noui fert India.

De anacardio.

CAP. XVIII.



NACARDIVM Actuario ἀνακάρδιον, ut hæc arbor Græcis recentioribus, ex Arabibus nota fructus arboris in India, & Sicilia montibus, qui ignis flammæ eructant, & Apulia proueniens.

M 2 Adfer

Adfertur etiam è Syria. Fructus auiculæ corculo non dissimilis, vnde nomen sumpsisse existimatur. Rubente intus cruore, quo scatet, veluti sanguine. Resiccantium autem, atq; excalfacientium classẽ huic tertiam assignant. Quamobrem iuuenibus ac biliosis, ob caloris vim interdicitur. Cerebri morbis, quos vel humida, vel frigida causa attulerit, opitulatur, neruorumq; resolutionibus auxilio est. Mentem quoq; exacuit, latentẽsq; sensus refricat, memoriæ iacturam refarcit, ac obliuionem discutit. Sanies verò, quæ in fructu condita manet, verrucas delet. Cutem admodum exulcerat.

De metopio, & galbano.

CAP. XIX.



NUNC de aliquot, post Indicas, Africæ arboribus, atque de metopio arbore, quæ galbanum, & ammoniacum lacrymas stillat. Quidam metopion, siue metopon, vt Solinus. Ferulacea arbor in Syria, & in Amano monte nascitur, & in Africa circa Cyrenen, apud Ammonis Iouis oraculum.

Fert autem hæc arbor galbanum lacrymam, quam Græci χαλβάνον vocant, χ in γ versa. Nonnulli verò à colore candido dictum existimant, à quo vestis nomine. Iuuenalis:

Iuuen. Sat. 2.

Cerulea induus scutulata, aut galbana rafa.

Martiali galbanatus dicebatur, qui galbano indutus esset. Quidam, vt Suetonius inquit, Sergio principi Galbæ nomen inditum putant, quod Hispaniæ oppidum, frustra diu oppugnatum cum esset, illis demum galbano facibus succenderet. Laudatur maximè cartilagosum, purum, minimè lignosum, & quod thuris effigiem præbeat, vt ait Dioscorides, vel, vt Plinius sentit, ammoniaci, & quod etiam ferulæ, seminisq; aliquid mistum habeat, non humidum, neq; contrà aridum, odore graui. In tertio excessu excalfacientium incipiente, aut secundo complente: in desiccando verò ex secundo incipiente secundum Galenum. Emollit, discutit, concoquit, & pus mouet, vulnera aperit. Rodit, inquit Celsus, Menses, partus non exeuntes appositum, vel suffitu attrahit. Per se autem bibitur ad tussim veterem, difficultatemq; spirandi. Ad conuulsa, suspiria, rupta quoq;. Imponitur lateris doloribus, ischiadicis, panis, furunculis, carni ab ossibus recedenti, strumis, articulorum nodis. Dentium quoq; dolores illitu, aut cauernis impositum mitigat. Comitiales, ac vuluæ strangulatus, vertiginesq; olfactu suscitatur. Contra vrinæ angustias prodest, vt vult Dioscorides. contrà, Plinius nocere scribit. Cuius diuersæ opinionis iudicium, in ea re expertis medicis, relinquo. Suffitu autem serpentes fugat, & eo perunctis, ab illorum noxa tutos conseruat, & aduersus scorpionis, murisq; aranei, ac viperæ ictum, emplastri modo, loco impositum, auxilio est. Cum melle (autore Ægineta) præbetur his, quibus data est salamandra. Adulteratur autem fabæ lomento, & ammoniaco, & sagapeno, vt voluit Secundus. Purgatur enim hoc modo: Galbanum in feruentem aquam demittito. Nam cum aquæ calore liquefactum fuerit, sordes tunc fluitabunt, quas hac ratione faciliè separare poteris. Est & modus

modus purgandi alius: Linteolo mundo colligatum, in ænea pyxide, aut fictili, ne tamen vasis imum tangat, suspendito, coopertumq; vas in aquâ feruidam demittito: sic enim quoad sincerum erit, quasi per colum eliquabitur. Quod verò in eo lignosum fuerit, linteo hærebit. Permutabatur enim Plinij temporibus, in libras quinque medicinales, hoc tantum. In Ægypto autem fit vnguentum, quod metopium proprio nomine, propter arborem quæ galbanum fert, quod illi miscetur, appellant. Ex amaribus enim amygdalis, omphacino oleo, calamo, iunco odorato, cardamomo, melle, vino, myrrha semine balsami, resina, & galbano constat. Probatore odore graui, pingue, & quod magis myrrham, & cardamomum, quàm galbanum redoleat. Vehementer calfacit, aduritq; , & extrahit. Ora venarum aperit. Ad præcisos nervos, & lacertos, hernias putridas, humore contractas, efficax: rigoribus, conuulsis, præsertim quibus ceruix in scapulas deiecta est, & retrorsum contracta vtiliter datur. Sudores cit, vuluæ spiracula laxat, eiusdemq; duritias emollit. Malagmatis idem, & ceratis miscetur. In summa molliendi vim habet.

De ammoniaco, & Jouis Ammonis oraculo.

CAP. XX.



ARBOREM vnâ ac eandem ferre & galbanum, & ammoniacum, superiori capite ostendimus, maximè verò hæc, quæ in Aphrica, & circa Cyrenen nascitur, ab arena, quæ Græcè *ἄμμος* dicitur, & ab Ammonis oraculo denominatum. Nam autore Mauro Seruio, cum Liber Pater in Indiam exercitum duceret, & siti, ac æstu fatigaretur, patris sui Iouis auxilium implorauit: cui aries apparuit, quem secutus est, donec ad fontem in arenis scaturientem, peruenisset: vbi postea patris simulacrum, cum capite arietino factum locauit. Quod ideo ibi fingitur, illo autore, quod fati eius sint inuoluta responsa. Frequens enim apud Græcos adagium *ἄμμον μετρεῖν*, id est, arenam mensurare. Quod de his dicitur, qui in re perdifficili frustra laborant. Quidam etiam ammoniacum gentili nomine, ab Ioue Ammone chriotleum appellant, cæteri agasyllim, siue agasyllum. Quod alij ad arborem cum eius radice attribuunt: alij hernistrum. Duo eius genera. Primum thrausma, id est, friaturam, siue fragmentum vocitant. Thuris id similitudine: quod maximè probatur. Alterum phyrâma, quæ vox commisionem significat. Terram, & calculos intra se colligit. Pingue, & resinofum est. Probatore colore nitens, & castoreum odore imitans, non lignosum, nec calculosum, densum, syncerum, nullâve forde spurcatum, gustuq; amarum. Vis eius præcipua est, vt emolliat, etiam tanta virtute, vt tophos, siue articulorum callos, quos poros vocant, & induratos lienes, strumas, ac scyrrhos, panos, & generaliter ea omnia, quæ in aliqua corporis parte cohæserint, discutiat. Visus claritati in collyrijs conuenit, atque oculorum albugines abstergit. Lienosis, idq; cum posca Ægineta exhibet. Alij lienem drachmæ pondere haustum consumere aiunt. Denarij verò pondere, cum multa potum, aquam educit. Sufpiriosis, & orthopnoicis non nisi recta ceruice spirantibus,

comitialibusve prodest. Dentium dolores lenit, efficacius accensum. Cruentam urinam deducit, genarum scabritiam minuit. Addunt & Mauritanii, ulceribus cum myrrha impositum auxiliari. Carnem enim putridam exedit, & nouam generat. Oedemata ad suppurationem ducit. Purgantia medicamenta emendat. Lumbricos, qui Græcis ἀσκαρίδες dicuntur, pellit: menses trahit. Pretium Plinij tempestate in libras asses quadraginta.

De malua arbore.

CAP. XXI.



MAVRITANIÆ peculiaris hæc arbor, in Lixi oppidi æstuario nascens, ubi Hesperidum horti fuisse memorantur, ducentis passibus prope Herculis delubrum Gaditano antiquius. Altitudinis autem pedum viginti hæc proditur, crassitudinis verò tantæ, quam nemo circumplecti valeat. Nil autem de ea amplius habeo, quod differam, nec de ea apud aliquem, quàm apud Plinium quicquam legisse (quod sciam) fateor.

De euphorbio.

CAP. XXII.



LIBYCA arbor euphorbiū est, Iubæ Regis, in monte Atlante, iuxta Mauritaniam, tempore inuenta: quam à nomine medici sui, & fratris Antonij Musæ, diui Augusti etiam medici, denominauit. Ille autem Ptolemæi pater fuit, qui primus utriq; Mauritaniam imperauit, studiorum claritate magis, quàm duobus suis regnis insignis. Cuius rei testimonium aliquod ipse præbuit in vno de ea re edito volumine. Clarum quidem de eo præter cætera eius monimenta, præconium. Hæc enim arbor, ferulæ speciem habet, si Pedario credamus. Plinius verò folijs acanthinis spectari ait. Illa enim acerrimo succo turget: cuius verò vis tanta, ut incolæ eam, cum legunt, pertimescentes, excipulas ex ventriculo hœdino factas, arbori circumligent, & supra illas caudicem eminens contis percutiunt. Tunc enim ex plaga perinde, atque è vase rupto, in excipulas copiosus lactis humor profilit. Qui tantus nonnunquam est, ut in terram eius vulnus ei aculetur. A cuius verò violentia quidam euphorbium vocatum autumant. Ab eo scilicet & φοβερόν, quasi valde metuendum. Duo sunt succi genera. Vnum, erui magnitudine, sarcocollæ modo micat. Alterum, quod in excipulis concrefcit, vitreo colore est, vel, ut Plinius vult, thuris effigie cernitur. Eligendum autem perspicuum, siue translucens, & acre, & quod semel linguæ admotum, diu eius feruore, os accensum detineat, ut quicquid inde ori obiectum sit, euphorbium planè recenscat. Ibi, Getuli, qui legunt, hœdino lacte adulterant: sed igni discernitur. Quod enim syncerum non erit, fastidientem odorem emittit. Vitatur etiam sarcocollæ, & glutini mistione. Vis est excalfacere, etiam in quarto excessu, ut nonnullis placuit, multò calidius recens est, neq; prius vtendum eo, quàm per annum antea consenuerit. Durat enim annis quatuor vltra hebescit, autore Galeno. Fabis enim & milio sepultum vtilissimè conseruatur. Eidem deiectionia

deiectionia facultas est, autoribus Aëtio & Actuário. Aquam intercutem, duorum obolorum pondere haustum, valenter extrahit, Auicenna, & Serapione autoribus. Discutit etiam, & attrahit sanguinem in locum ab eo calefactum. Potum verò feruore suo tota die exurit: quam obrem melli collyrijsq; habita acrimoniæ suæ ratione, miscetur. Liquor contra oculorum suffusiones inungitur, deijcitq; eas. Coxendicis doloribus prodest, potionem odoratam haustus. Resolutis, stupidis, tremulis, conuulsis, orisq; distentionibus, & cæteris neruorum morbis, ex frigidityte obortis, prodest, autore Mesuë. Squammas ossium eximit, eadem die impositum. Verùm eo videntes, linamentis, aut ceratis circa ossa, omnem carnem communire oportebit. Aluum soluit, drachmis duabus, cum modico sale ex aqua, aut mulso, obolis tribus. Colicis datur, & ventrem frigiditatem habentibus. Sternutamenta excitat. Muliebrium locorum orificia (vt inquit Mauritanii) adeò adstringit, vt fœtum exire omnino prohibeat. Manardus medicus Ferrariensis euphorbium cum mastiche, & tragacantho in pane coctum, scabie Neapolitana affectis dabat. Memoriae aliqui prodiderunt, à serpente percussos, nihil molestum passuros, si quacunq; parte incisa osse tenus, capitis cute, dilutum euphorbij succum infuderit, vt vulnus postea consuatur.

De thya, siue trogete.

CAP. XXIII.



THEOPHRASTO, siue thya, vtrunq; enim à Theophrasto dicitur, Plinio etiam trogete, Cupresso similis, magis, magisq; syluestri accedens, tum ramis, tum folijs, caudice, fructuq;. Radice verò eius nihil crispus, nec aliunde pretiosiora opera. Nascitur autem circa Ammonis delubrum, & in interiore Cyrenaica parte. Nota enim Homero, qui illam inter odores vri tradit, in delicijs Calypsus. Magno illorum errore, qui in ea voce, omnia odoramenta conciperent, cum & ille vno ac eodem versu, & cedrum, & laricem nominauerit, vt solum de arboribus meminisse existimandum sit. Inducit enim libro Odysseæ quinto, Mercurium Iouis mandato, Calypsus antrum petiisse, & thya, cedriq; combustarum arborum odorem longè persensisse. Ait enim,

- τηλόσε δ' ὀδμή,

κέδρε τ' ἐυκείτοιο θύε τ' ἀνὰ νῆϊν ὀδῶδες.

Theophrastus autem, qui primus à Magni Alexandri ætate scripsit, quæ circa vrbs Romæ quadringentesimum quadagesimum annum gesta sunt, huic arbori maximum honorem tribuit, memoratis veterum templorum contignationibus, ex thya materie longo æuo incorruptis: vt hæc contra vitia immortalitatem comparet. Alia est arbor eodem nomine, scribente Plinio, quæ adeò tardè germinet, vt nulla alia seriùs, ferens malum odore, & amaritudine execratum. In fructu verò, nucleos grano hordei per similes, longiores duntaxat, ac exiliores habet. His enim præsumptis, ebrietatem arcent, alijs pomum expetitur domos decorans.

De



AD E M Africa, qua parte Italiam vergit, loton arbore gignit, quam celtim, ac fabam Græcam vocant, Seruius verò fabam Syriacam, & nunc etiam Padi accolæ. Aëtius vulgo apud Græcos anacabeam dici, & eius fructum anacabon: Itali amarenum, & pongerucum visciulum, quidam acrifolium: Galli alysam & abyserum. Præcipua circa Syrtes atque Nasamonas, & ipsa etiam familiaris Italiæ, verum cæli, terræq; mutata natura, succos oblita est priores. Magnitudo quæ pyro, quamquam Cornelius Nepos, & Polybius breuem tradant. In folio incisuræ crebriores, alioquin ilicis videretur. Ligno colos niger, quo nil amarius: quod mirum, vbi fructu nil dulcius, contraria in eadem arbore natura. Plures enim eius differentia, & ea maximè in fructu, cui fabæ magnitudo. Dioscorides verò pipere maiorem, & baccam esse, croci colore, sed ante maturitatem alius, sicut vis, & alijs fructibus permultis, & post maturitatem alius. Nascitur enim myrti modo, in ramis densis, graui odore est. Spinis verò horrida Polybius se vidisse testatur. Nam Arabes duo genera posuerunt, quorum alterum spinosum sit, folio vt in rhamno virenti, verum latiore, profundiorq; fructu oliuæ magnitudine, rotundo, per initia candido, sed processu puniceo, fici & phœnicobalani sapore. Sunt etiam qui fructum eius post putamen esse dicunt, foris minimè carnosum, sed cutilaceum, nec tam cibo, quam gustu dulcem. Distat autem Hesperidum lotos ab ea, quæ apud Lotophagos provenit; qua lignorum vice ad vrendum vtuntur. Tam enim dulcis in Africa cibus, vt & terræ & genti nomen indiderit, nimis hospitalis aduenarum obliuione patriæ. Scribit enim Homerus libro Odysseæ nono, Vlysem procellarum impetu per nouem continuos dies exagitatum, & vix decimo ad Lotophagos, hoc est, Camarineos appulsum, & tres ex socijs ad explorandam regionem præmississe, qui loti suauitate pellekti, non sunt reuerfi. Quare veritus Vlysses, ne quid mali à Lotophagis acciperet, noctu in paruum insulam ac desertam cum socijs soluit: quod testatur Ouidius,

Trist. lib. 4.

Sic noua Dulichio lotos gustata palato,

Illo, quo nocuit, grata sapore fuit.

Sentit amans sua damna ferè, tamen hæret in illis,

Materiam culpæ prosequiturq; sua.

Silius in tertio,

Spectatè castris, quo succo nobilis arbor,

Et dulci pascit lotos nimis hospita bacca.

Vergilius in Culice:

Inter quas impia lotos,

Impia, quæ socios Ithaci mærentis abegit,

Hospita dum nimia tenuit dulcedine captos.

Deq; hac etiam hæc Quintilianus: neq; aliter amœnioribus locis desident, quam ij, qui traduntur à poëtis, gustu cuiusdam apud Lotophagos graminis, & Sirenium cantu deliniti, voluptatem saluti prætulisse. Scribit præterea Dionysius Afer, inter Syrtem urbem Neapolim sitam fuisse, & à Lotohpa

Lotophagis inhabitatam, qui benignè & clementer hospites exciperent, & errantem maximè Vlyssē perhumanè, & comiter. Fingunt insuper poëtā nympham fugientem, in sui nominis arborem conuersam, quum Priapus eam comprimere vellet, attestante Seruio in secundo Georgi-
corum, & Ouidio in nono Metamorphoseos:

Lotis in hanc Nymphē fugiens obsæna Priapi

Contulerat versos seruato nomine vultus.

Et uti à poëtarum fabulis ad vim medicam diuertamus, Lotos arbor ex-
siccatur, attenuatq; & mediocriter adstringit: quare eius ligni ramenta vino
aut aqua decocta, prout vsus poposcerit, & pota, aut etiam clysteribus in-
fusa, menstruis, dysentericis cœliacis, & vertigini, & comitialibus auxilio
est. Pilos defluentes retinet, & rufat. Fructus recēs frigidus primo absces-
su, siccatus verò frigidior & siccior: manducatus enim oris halitum com-
mendat, stomacho non inutilis. Aluum adstringit, bilem restinguit. Ante
cibum etiam desumptus appetentiam facit. Fit è scobe eius medicamen-
tum, ex aqua myrti decocta, & subacta, ac in pastillos diuisa, dysentericis
vtilissimū, pondere Victoriati cum aquæ cyathis tribus. Baccas verò cum
alica contusas, ad cibos in dolijs condiunt. Vinum quoq; & acetum ex-
primitur mulso simile, quod vltra denos dies durare Nepos, & Polybius
negant. Sunt qui biduo vel triduo id acescere scribant. Est & herba huius
nominis, maximè in Nilo nascens, cuius itē plures differentix. Qui verò
loto tantum arborem existimant, vel hi, autore Homero, argui possunt,
qui inter herbas deorū voluptati subnascentes, loton primā adnumerat.

*De arboribus atlanticis, & nonnullis alijs Africa nuper
reperitis.*

CAP. XXV.



ATLAS Mauritanix mons non solum geographia ipsa, sed
& poëtarum fabulis clarus, qua parte Africam contra ver-
sus est, arboribus opimus, atque proceris opacissimus, qua-
rum comæ cupressis simillimæ, & alia deniq; tota, præter
odoris grauitatem. Forma enodi nitere, tenui obducuntur
lanugine, ex qua addita arte, vestes, quales bombycinæ, conficiunt. Sene-
ga regio, & regnum, in vltiori Mauritanix plaga, arborem fert, verum
neq; ibi minimè frequentem, quæ continuè succum defudat, quem in-
colæ mignolum appellant, & uti vberius effundat, arbore sauciant, qui
statim effluit perinde, ac si aliquod viuum animal gladio percussum sit.
Vase hunc excipiunt. Color autem subcinericius, ut lactis serum referat,
Huius incredibilis suauitas, ut æquè tamen atq; vinum inebriet: sed velu-
ti hoc, aqua temperatur. Qui autem recēs ex arbore effluerit, omni vi-
no dulcior, sed hanc dulcedinem diutius asseruatus amittit: ut quantò
longius, eò magis magisq; acescat. Tertio quartove die postquam detra-
ctus fuerit, humano generi magis idoneus, ac salubris. Multas alias arbo-
res Mauritania habet, priscis incognitas, & adhuc nobis, nondum ab
his, qui eam regionem lustrarint, descriptas, tametsi visas, verum per
transennam, ut ipsi retulerant.

N

Præfatio



Præfatio libri vigesimiprimi.



NUNC de arboribus, quæ propius ad orbem nostrum accedunt, ut quid certius de his visu, atque experientia, usque illarum nobis cognita, et multa familiaritate magis quam de cæteris promere differereque, valeamus. In quarum vi ac natura, ut in superioribus, qualitatum ordinem, maxime annotare oportuit. Quo plurimum omnes inuicem differunt. Vix difficile erit, ut eadem atque similis facultas in pluribus inueniatur. Et ut rem iam attingamus, qualitatum, uti caliditatis, frigiditatis, et sic de reliquis, ordines ex saporibus potissimum dignoscere est. Cæterum omnes arborum partes, fructus quoque ipsi, aut calide vel sicca aridaque, ac humide sunt qualitatis. Quæ quidem omnes in una quaque planta non accedunt, neque in omnibus unius generis partibus. Nam quadam efficacioris, alia imbecillioris virtutis existunt. Neque enim unum ac eundem limitem in omnium arborum singulis partibus assignare est, ut longo tramite, longa via, seisingantur. Ut hac ratione earum facultas per singula in uno et altero arborum genere per assensus digeratur. Præstat enim in uno quoque assensu, quantum ad usum rei medicæ spectat, ordines quatuor statuisse, ut non ultra amplius. Aliarum plures gradus, aliarum verò pauciores sortiuntur. In multis autem nullus. Neque in multis rei medicæ auctores diffinitum assignarunt: ut sæpenumero in his contrarij sint. Nec enim res perfacilis, uti sæpe differentias situs, regio ipsa, ætas quoque in uno et eodem genere faciat, ut plerunque ordinem addendo aut diminuendo, demutet. Calefacientium apertior qualitas. Quod autem sic nos calefacit, non ita tamen efficaciter, ut rationali quadam demonstratione atque sensu percipi possit, primo ordini assignabimus. At quod manifestè iam et desiccare et refrigerare ac calefacere, ut sic de cæteris existimandum sit, secunda classi attribuemus. Iam enim hac sensu percipiuntur. Quæ autem vehementer, sed non idem summè, ut incendat, tertio assensu conferemus. Quartus verò iam planè exurit, veluti cum crustas indurant. Similiter quæ ita refrigerant, ut si mortis habitum concilient, hoc quoque quarto assignatur. Siccitatis enim quartus minimè datur. In refrigerantibus autem

autem difficilior classium assertio, uti nec primi ac secundi facili cognitio sit. Nam eius qualitas, sensui imbecillior. Tertius extra expectationem refrigerat. Eademq; prorsus humectantium atque exsiccantium ratio. Has etenim vires atque illarum ordines experiens medicus per singulas partes experiri ac metiri, suo ingenio ac experientia debeat. A coloribus aliquam qualitatem non est coniecturari. Siquidem verò in singulis quid calidum aut humidum, frigidum vel siccum inuenire est. Fieri tamen potest, ut nonnullis placeat, ut in unoquoque genere quippiam à colore dijudicetur, ut in fulvis, ruffisve aut rubeis, ut alijs magis calefaciant. Quod nonnullis minime placet.



HORTORVM LIBER VIGESIMVS PRIMVS.



De palma.

CAPVT I.



ALMAM Græci φόνικα vocant, à colore tum pomi, tum arboris: Palladius etiam cephalonem vocat. Arbor pulcherrima, ut Homerus Phœniciæ puellæ venustatem palmæ ramo assimilet. Tereti stipite, coma deinde variè, & circumextensè sese effundente. Quamobrem à palmæ similitudinè dici volunt. Ramos paucos habet, scabro cortice, præsertim verò cum senescit. Folia duplicia, quæ thali Polluci dicuntur, & huic ramus πάλμης. Sola enim arborum fructum in spica habet. Quod ei siccitatis causa est. Sola etiam inter omnes arbores vnicum in quolibet lunæ exortu frondem germinat, ut duodecim baijs (sic enim folia vel palmarum ramulos vocat) annum expleat. Quare Ægyptij annum exprimere volentes, ut autor est Horus in suis hieroglyphicis descriptionibus, palmam arborem appingebant. In palmarum autem cacumine medulla dulcis est, quæ cerebrum dicitur, verum κεφαλαλγία, id est, inducens capitis dolorem. Pendent enim fructus inter folia, ab inuolucro verticosoq; operimento: elaten, siue spathen id vocant: sed hoc vltimum Pollux tantum ad balanum refert. Est enim palmæ cortex & florentium adhuc palmularum tegumentum, & inuolucrum, in cuius complexu

N 2 fouetur

fouetur fructus, borassum nonnulli vocant. Sunt tamen qui elaten vel spathen speciatim genus palmæ faciant, cuius fœtus inuolucrum sit. Sunt item inter Græcos autores, qui primam palmæ germinationem spathen vel elaten, vocitent, vnde spathalion ramus, cui dactyli dependent. Palmæ autem fructus nunc priore significato palmulas, nunc dactylos generalius vocitant. Sunt qui caryotas, siue caryotidas, vel caryorum neutro genere appellitent. Statius: - *Latente palma*

Lib. 1. Sylu.

Pregnantes caryotides cadebant. Martialis:

Et notas caryotidas theatris.

Nonnulli specialius secundum palmarum genus, duplex distinguunt. Nam Polluci mascule $\Psi\eta$ dicitur, femellæ $\beta\acute{\alpha}\lambda\alpha\nu\omicron\varsigma$, & spatha, vnde $\beta\acute{\alpha}\lambda\alpha\nu\omicron\varsigma$ dependent. Dorici spadica auulsum cum fructibus termitem vocant. In Cypro Syriæ in trimatu, in Ægypto quadrimæ aliæ, aliæ quinquennes, hominis altitudine. Quandiu enim palma nouella est, fructum nullo intus ligno fert. Primum pomi caro, postea lignum intus nascitur. Hoc est semen eius: Argumentum quod parue sine hoc reperiuntur in eodem palmite. Est autem prælongum, non vt aliud, orbiculatum, sed cæsum à dorso puluinata fissura, & in alio media, plerisque; umbilicatum, vnde primum spargitur radix. Lignum hoc multis candidisq; à carnibus discinditur tunicis, alijs verò corpori coherentibus, laxeq; distans tantum cacumini filo adhæret. Caro anno maturescit, quibusdam tamen in locis, vt in Cypro, etsi ad maturitatē non proueniat, dulcis tamen est, ac grato sapore, non vt deuoretur corpus, verum succo expresso, vt expuatur: Odor eidem qui & malis cydonijs.

De palmarum generibus.

CAP. II.



MULTA palmarum genera, vt nec plura, in quoq; arborum genere reperiri valeant, vt Plinius vnde quinquaginta prodiderit, si quis omnium persequi nomina velit, etiam barbara, vinorumq; differentias, & hæc omnia tam ex arborum, fructuumq; dissimili forma & colore, quam naturæ, prisca discreuerunt. Primum quidem genus maiori discrimine manifestum, vt aliud fructiferum, aliud sterile sit: & item inter fructiferarum genera multæ procerae, multæ foliorum circa totas pecticulatim fruticante aculeo, incerta tamen libidine sese mitioribus miscent. Magnitudine etiam ac figura plurimum inter se differunt. Nam quædam perbreues, fruticem non excedentes. Sterile hoc. Aliubi breues, verum cæteris fecundiores: quippe quæ in trimatu fructificant. Humilium item aliud genus, & aliud, quod excepto cerebro viuunt, & à radice iterum repullulat. Aliud pumilium, quod Theophrastus chamæriphen, hoc est, abiectum, & humi repentem, folio latiore, & molli, ad vitilia vtilissimo, & huiusmodi plures in Cypro, Cretaq; multò etiam plures in Sicilia. Est & aliud genus humilium, quod in Ægypto prouenit, Græci chamæzelon vocant. Quoddam genus ramorum orbe foliosum, tectorij vicem plerisque in locis parietibus contra aspergines præstat. Reliquæ teretes atq; procerae, densis,

densis, gradatisq; corticum, vt orbibus pollicibus: faciles enim sese ad scandendum Orientis populis præbent, vtilem sibi arboris induuijs circum, mira pernitate tum homine subeunte, Omnis coma in cacumine, & pomum inter ramos racemosum, vuæ atq; suis pomis ytraque natura prædium. Pelagiscum autem à cæteris differre Theophrastus scribit. Quippe quod radice perbreui constat, & virgis rectis, non in ambitum ramorum modo, verum in latitudinem sese proidentibus. Folia acanthi, qualia sonchus habet, recta, nec recurua. Colos plantæ vniuersæ puniceus. Gades insula in finibus Beticæ. In ea nascitur arbor palmæ similis, cuius gummi vitrum infectum, gemmam cerauniam reddit. Alterum genus Egyptiæ palmæ, quæ *ἀδύλος*, quasi sine siti dicitur, quod degustantium sitim arceat: poculum alij pomatim vertunt. Hæc plurimo humore abundat. Arbor quidem magna, minimè recta, sed contorta, myrti folio, fructu capparis, nullo intus ligno ad mandendum inutili, sed odore grato, vti coroneo est, & eiusdem coloris. Aliud genus palmæ, priscis incognitum, oxyphœnicem à saporis acore vocant. Palmæ sylvestris in India nascentis arbor est, salicis fronde virens, pruni fructu, exili, nucleo intus duro, vt hac ratione à myrobalanis differat, quod hi nucleo careant, carne foris copiosa, ex nigro in luteum languescente, oxyphœnicum appellant. Pharmacopolæ verò tamarindum, ac si palmulam Indicam velint dicere. Nam tamar Barbaris, dactylus est. Sunt nonnulli qui fructum palmulam Thebaicam dicant.

De palmularum differentia.

CAP. III.



ALMVLARVM quoq; plura genera, quorum primum à figura vel rotunditatis, vel proceritatis, vt etiam dactylos in vnum genus palmularum discreuerint, quod humanis digitis, quos Græci *δακτύλος* vocant, oblonga gracilitate curuati similes sint. Multæ enim cubitum efficere, quæ gignuntur in frutice, ramis cubitalibus, folio latiore, pomo rotundo, verum maiore quàm mali amplitudine (cycas vocant) triennio maturescunt. Quædam sunt non ampliores faba. At in meridiano orbe semper frutici pomum inest. Præcipuam obtinent nobilitatem syagrorum genus, ipsum pomum grande, durum, horridum, & à cæteris generibus, sapore ferino, qui ferme in apris est: euidentissimaq; causa est nominis. Nam Græcis *σάγγελος*, Latinis aper est. Proximam nobilitatem margarides habent. Sunt etenim hæ breues, candidæ, rotundæ, acinis, quàm balanis, similiores: vnde à margaritis nomen accepere. Vna earum arbor in Chora fuisse traditur. Mirumq; est, quod de his Plinius scribit, atque de eius cum phœnice aue similitudine, vt cum illa moriatur iterum ex seipsa renascatur. Eratq; dum hæc proderet (illo asserente) fertilis. Sequens auctoritas sandalidum: à similitudine sandalij calceamenti generis, cuius figuram dactylus refert, vnde nomen sumeret. Iam in Æthiopiæ finibus quinque earum, nec plures arbores fuisse Secundus scripsit, non raritate magis, quàm suauitate mirabiles. Ex his caryotæ maximæ, & cibo cele-

bres,arque vberimæ. Aliud discrimen est à regionibus, vti ex vna plura distinguantur. Nam ex Iudæa sicciore Nicolai, sic dicti à Nicolao Peripatetico, patria Damasceno, corpore procero, necnon indecoro, facie paulò pleniore, interlucente grato decore. Quo mirum in modum oblectatus Octavius Augustus, vt propterea huiusmodi balanos, Nicolaos appellarit, quòd ille huic eiusmodi palmulas mittere solitus erat. Autor Athenæus. Palmulas degustare ille consueuerat, vt ipse epistola apud Tranquillum testatus est: & vt ad Nicolai præcipuæ amplitudinis, quaterni enim cubiti longitudinem efficiunt. Nam quos ex his deorum honori dedit antiquitas, chydeas vocarunt. Quæ autem sapore caryotarum sunt, adelphides, quasi sorores, Iudæi vocauerunt. Ab his enim proximam suauitatem, nec tamen eandem habent. Minus speciosæ sunt. Tertiū genus pateton. Nimio liquore abundant, rumpuntq; sese, etiam in sua matre, ac si calcata viderentur pomi ipsius ebrietate. Ex reliquo genere plebeie videntur. Syri & Iuba tragemata appellant. In totum arentes Thebaicæ, quemadmodum Arabicæ, exiles, macro corpore, torridæ affiduo vapore, crustam veriùs, quàm cutem, obducunt. Iudaicis, inquit Strabo, suauiores, & si duriores, nec alio tractu tota Ægypto nobiles. Has enim Statius in syluis laudauit, de quibus est intelligendum illud M. Varonis. Nam hic, autore Aulo Gellio, comædiam scripsit, quam *ἡ ἐδεσµάτων*, id est, de edulji nominauit. In qua fructus exquisitiores, & qui cæteris in suo genere essent præstantiores, & illorum domicilia comprehendit: inter quos palmulam Ægyptiam posuit. In ipsa etiam Ægypto apud Tentyram nascitur non ignobilis, de qua Iuuenalis:

Iuuen. Sat. 15.

Qui vicina columi vmbrosa Tentyra palma.

In ipsa quidem Æthiopia friatur, tanta huius siccitas, vt farinæ modo spissetur in panem. Babylonica Theophrasto laudabilior, quàm Epirotica. Aliæ nanq; intus ligno, aliæ sine ligno: rursus & aliæ, quibus lignum durum: sunt quibus molle, nonnullis osseum: alijs lunatum, dente contra fascinantes politum: alijs breuius, longius alijs, aliquæ pluribus vel paucioribus vestiuntur tunicis. Quædam crassioribus, tenuioribusve. Colore etiam plurimum inter se differunt. Quidam verò balani candidi, alij nigri, cæteri flauī. In summa non pauciores in his quàm in ficis colores, maximè candidi desiderantur. Aulus Gellius in suis vigilantissimis ac lucentissimis Atticis noctibus rutilum, spadiceum, phœniceum colores, *συνάσπυρα* esse ait: & exuberantiam, ac ruboris splendorem, qualis est in palmula non admodum sole decocta significare, vnde spadiceis & phœnicei nomen. Probus Leucopyrum vocari dicit, qui est albus & rufus.

De palma natura, & vi.

CAP. IIII.



V L V S Gellius ex Aristotelis problematum octauo, & Plutarchi Symposiorum etiam libro octauo, hanc palmæ miram naturam esse scribit, vt si supra eius lignum magna imposueris pondera, & tam grauius vrgeas, vt præter hoc ligni genus sustineri nequeant, deorsum tamen hoc non cedat, nec intra flectatur, recurru

recurueturq; , vel pandatur : vt ab hoc natura pro victoria accipiatur, vt cùm palmam ferre, tribuere, præripere dicimus. Et hanc ob causam, Sussiani eius generis trabibus utebantur, & quòd non veterescant. Et vt ad rem medicam progrediamur, Palmæ partes omnes adstringunt : quamobrem stomachicis & hepaticis medicinis, siue intus, siue foris, vel sumantur, vel admoventur accommodæ. Ramorum verò succus austerus est, ex aquea & tepida, ac frigida constans natura. Eiusdem facultatis est cerebrum esui aptum, quare multis populis cibis. Galenus encephalon vocat. Elate easdem cum cerebro vires habet: eius tamen decoctum plusquam alia desiccatur, & minimum habet humiditatis, vt propterea eo medicamentis ad putrescentia vlcera vtuntur, & ad articulos plus iusto contrahentes. Ea vtuntur vnguentarij ad spissamenta. Sistit vlcera quæ ferunt, artus luxatos confirmat. Concisa malagmatis, & cataplasmatibus imponitur: suffitu partus extrahit. Eius decoctum capillos denigrat: potum verò vesicæ, renum & vuluæ maximè fluxionibus, & viscerum ventris vitij medetur. Radicis verò vis, sed citra morsum, desiccatoria est, quippiam adstriktionis habet. Alba verò trunci medulla vel recens in cibo, vel decocta, eadem omnia, quæ elate præstat.

De palmularum vi medica.

CAP. V.



INTER Saturnalia dona palmulæ mittebantur, vt testatur Ouidius:

*Quid vult palma sibi, rugosaq; carica dixi.
Aurea porrigitur lani caryota Calendis.*

Et Martialis:

Nam decoctæ, quales aut Thebaicæ aut Syriacæ, aspectus iucunditate, & gustus suauitate præcellunt, vt omnia tragemata & bellaria antecedant. Nempe Proculus Iurisconsultus trigesimo tertio Digestorum libro, palmulas in dulcium legatorum appellatione contineri scribit. Est enim tanta musteis suauitas, vt mandendi finis non nisi cum periculo sit: vt etiam Alexandri milites in Gedrosis palmis viridibus strangulati. Quod factum alij pomi aliquo genere scribunt. Palmularum autem vis non eadem atque omnibus est. Varia etenim tam ex generibus, quam ex pomi, vel maturitate, & cruditate est, vt non paruum sit palmularum discrimen. Recentes verò, seu virides, multò impensius lædunt: & hæ inflatione aluum complent: crudum quoq; humorem inducunt, & cum horrore rigorem difficulter incalcentem adferunt, morbosq; & obstructions. Eiusmodi autem naturæ sunt omnes, quæ in regionibus frigidis nascuntur, quoniam non maturescunt. Quæ autem iam ematuruerint, mediocriter calidæ, quod alij ad secundum ordinem referunt, humiditas verò ad primum. Capiti dolores faciunt, si plusquam satis edantur. Stomacho & visceribus roborandis prosunt, tum intus sumptæ, tum foris applicatæ. Quædam mordicationem sensuum ori ventriculi inferunt. Qui enim ex pinguibus succus corpori infertur, crasso non omnino est, nec sine tenacitate. Crassus enim & glutinosus fit, cùm, dulci miscetur. Ijs etenim alimentis iecur & lien obsepitur, & obstruitur.

Sicciores

Sicciores verò, sanguinem excreantibus, stomachicis atque dysentericis, vtilis, & faucium asperitati, esu medentur. Ad hoc enim remedium addunt, si cum nucleis pineis assumantur, bonumq; corporis halitum conferunt, maximè verò si frigidum sit temperamentum: Thebaicarum autem decoctum, sitim in febre, quam caustum vocant, gargarizatum sedat. Magnopere adstringit, & cohibet. Antiqui enim ægris pro hydromeli dabant. Vires enim à valetudine in cibo recreant. Proderunt etiam in cibo vel trita, & cum lacte, vel mulso pota, vbi quis buprestim deuorauerit, & iam ad periculum declinauerit. Ægyptia palma, quæ aliquid myrobalano Arabico simile fert, hoc adstringit, sitim sedat, menses, & aluum in vino austero sistit, hæmorrhoidas etiam, & vulnera illitu congelutinat. Phœnicobalanus sensum intercipit, gressum præpedit, linguam retardat, obsessis, & mentis, & corporis omnibus officijs, vt ebrietatis vitium vnde quaq; imitetur. Palmule omnes gingiuis, dentibusq; noxiæ. Caryotarum nuclei caterorum more, in fictili nouo cremati, & vino restincti, loto cinere spodij vicem efficiunt, miscenturq; collyrijs, & calliblephara faciunt, addita nardo. Quòd si non iustam vstionem acceperint, denuò cremandi. Vim autem adstringendi habent. Spiracula cutis obstruunt, faciunt ad oculorum pustulas, & vuam, & ad palpebrarum defluuia, addita nardo. Vlcera ad cicatricem perducunt, & carniū excrescentias reprimunt. Palmulæ autem extemplo in cados condiuntur, ni ita fiat, marcescunt. Nam vt retorta furnis sint, curant Assyrij, more ficorum. Masculæ in fructu culices ferunt, quemadmodum caprifici, quas alligant his, quæ ferunt, vt illinc progrediens culex, palmulas penetrans cogat maturescere, alioquin occafuras.

De oxyphœnico.

CAP. VI.



OXYPHœNICVM nouum genus palmarum, vt suprà dixi, inuentum Mauritanorum, à seplasiarijs vulgò tamarindum vocari superius dixi. Probatur recens, sapore dulci non exutum, sed pingue, quod marcorem, aut talem vetustate non sentiat, nigrum, non tamen exactè lucidum, siue splendidum, cum villis seu radicibus mistum, tenerum, syncerum. Adulteratur admistione carniū pomorum, verum obscura nigredo dolum detegit, & humor luxurians, prunorū sapor, & odor. Quidam siccos vino puro humectant, vt recentes videantur, ne frigidum ventriculum lædant. Optimè in vase vitreo, exactè obturato annos tres conseruantur, ac in loco sicciore, puro, vel perflato supposito, nisi vel exterius calor, vel humor putredinis initium ipsis attulerit. Exsiccant, in tertio ordine, refrigerant, & humectant in secundo. Ob id humorum acrimoniam reprimunt. Distillationes, quas bilis feruor incitauerit, refrænât, eiusq; sanguinis feruorem, furoremq; compefcit, & febres acutas, quæ lenitione indigent, arquatis auxiliatur. Sitim sedat. humores noxios, qui in superiore ventriculo coierint, deijcit. Capitis doloribus remedio est: cibi fastidium abigit: appetentiam inuitat. Sedare autem vomitiones, nauseas,

nauseas, syderationem mulcere, tristitiam discutere, noxas à calore conceptas mitigare, Oribasius autor est. Aluum deijcit.

De vino palmeo, & elatino, ac oleo eleatino.

CAP. VII.

BABYLONIOS carmen decantare, quo tercentum & sexaginta palmæ utilitates docerentur, Strabo autor est. Inter quas verò vna est, vt nihil abijciat, vt ἀέφυλλος cognominari possit. Vinum præterea ex ea multæ nationes faciunt, veluti Indi, qui per Augustum, quomodo nos vi-
tes, suo tempore palmam putant. Quod verò delacrymat, vasis exci-
piunt: quo pro vino à triduo post vulneratam arborem, vtuntur. Quod
enim post illud tempus effluit, acescit, acetumq; fit. Quod verò per tri-
duum illud defluerit, ahenis ad tertias decoquunt, efficiturq; mel sua-
uissimum, quod si volunt, aquis diluunt. Ad vigesimam autem diem de-
fæcant, & deinde pro vino vtuntur, quod suauissimum est. Arabes etiam
atq; Parthi, ac Orientis populi, vino palmeo vtuntur. Alia huius ratio,
quod Græci phœniciten, & quod ex elate, siue spatâ, elatiten, vel spatiten
vocant: idq; è palmis chydeis, id est, vulgaribus, & à copia vilibus, & ma-
turiis. In dolium in imo perforatum, & obstructum, palmulas arundine
picatas demittunt. Lino foramen sit obturatum, & quadragenis sexta-
rijs, ternos deinde aquæ congios infundunt. Quod si ipsum ita dulce
non libeat, aquæ congios infundito quinque. Detraçto post decem dies
ab arundine linteo, vinum excipies, crassum, dulceq; reponito. Suaue qui-
dem illud erit, sed capiti noxium. Fluxionibus, propter vim adstrictoriam
vile. Cœliacis, stomachicis, & cruenta expuentibus conuenit. Nonnulli
eandem aquæ mensuram infundunt, ac exprimunt, & tertio, quarto, quin-
to, sextoq; id faciunt. Quod tandem acore vitiatur. Ex caryotarum nu-
cleis exprimitur oleum. Eleatinum verò oleum hoc modo fit: Fracta enim
elate, in labrum deijcitur, & omphacinum oleum infunditur, atq; ibi tri-
duo demittitur, mox in sportulam omnia coniecta exprimuntur. Pares
enim olei ac corticis esse debent. Postea vase mundo, reponendum. Si-
miles habet cum rosaceo vires, propter quod aluum non molliat.

De platano.

CAP. VIII.

PLATANVS Latine, Græcè πλάτανος, affinitate o in u,
vt ait Priscianus, à πλάτος, quod latum est. Vnde quidam
Platoni diuino philosopho, nomen inditum fuisse scri-
bunt, quod is latis humeris præditus esset. Platanistos etiã
Græci spaciola loca vocant longè lateq; patentia, à platani
foliorum amplitudine. Hac tamen voce Homerus, pro arbore vsus est.
Arbor amplissima, folia latissima, & diuisa, ricini modo habet, longo, ru-
broq; pediculo. Peloponnesum verò folij platani figura esse, propter eius
recessus & prominentias, Geographi prodiderunt. Flosculo pallido est.
Fructus eius, pilulæ, scabræ, lanuginosæ, minutæ. Nicandri verò interpre-
s eius fructum esse spheria quædam trachæa, id est, orbiculos asperos, pro-

O pterea,

pterea Nicandro sphærea dicitur. Nunc de eius vi, quæ longè præstantior, quàm pithya platanus. Hoc enim hominis liberalitas, humanum artificium, alterum verò præclarum naturæ munus, longè superiori præcellentius, quod non ullis regum diuitijs, quod nulla mortalium ingeniosa manus condonare possit. Est itaq; platanus in humidior, ac frigidior essentia. Proinde folia viridia trita, & illita, non obscurè phlegmonas nascentes adimunt: mansa quoq; ieiunis, impetigini auxilio sunt, ut etiam testis est hoc carmine Serenus:

Seu folio platani, quod mansum manè vorabis.

De remedijs aduersus hunc morbum illo loco agit. Decocta verò & illita, oculorum fluxiones compescunt, ac illorum inflationes, & tumores leniunt. Vespertiones, scribente Æliano, ciconiarum ouis ingenita natura adeò infestæ sunt, ut ea solo tactu sterilia reddant. Verùm ad illarum maleficium, hac naturali etiam ingenita scientia remedio edocuit. Platani enim folia suis nidis ingerunt, ut aduolantes vespertiones, sua natura, torpore compræhensas, perniciem adferre nequeant. Scribunt & alij hoc genus animalis à stabulis abigi, si in eis folia appendantur. Decoctum verò earum, collectionibus & suppurationibus illinitur, & ipsa per se folia. Vitanda magnoperè lanugo, vel, ut alij volunt, puluis, qui in folijs infederit. Nam si spiritu attrahatur, utpote valenter desiccans & exasperans, arteriam offendit, vocemq; lædit, sanè etiam visum, & auditum, si in aures aut oculos inciderit. Cortex magis desiccatur. Ex vino autem scorpionum ictus restringit. In aceto verò decoctus, ad dentium dolores collutione adhibetur. Crematus verò vehementiùs & desiccatur & abstergit: eoq; ex aqua consperso lepras exterunt, cineremq; seorsum applicantes, vlcera sordida, & humoris nimietate perdurantia, compescunt. Pilulæ & cortex maiorem vim exsiccandi habent. Cum aceto verò decoctæ ad dentium dolores faciunt. Tussæ enim & cum aceto acri, magisq; scillite sanguinis expuitiones sistunt. Lentigines, carcinomata, melanias quoque veteres, melle addito emendant. Virides enim cum vino potæ, denariorum quatuor pondere, omnibus scorpionum & serpentū venenis, auxiliantur. Cinis verò harum igne vel frigore, ad ambusta prodest. Fit ex his aqua & sale maceratis, oleum, luminum causa.

Platani commendatio, & de aliquot eius arboris memorabilibus.

CAP. IX.



PLATANVS arbor, antiquis plurimùm amabilis, atque in delicijs habitata, tum maximè ob eius umbram commendabilis, & expetita. Nam, ut inquit Paulinus,

Nam platanus ramos expandit in umbras.

Hæc & iucundissima est, quamuis crassa. Æstate enim solem arcet, hyeme verò admittit, ob id Ouidio genialis, quasi voluptuosa dicta, utpote ad delicias natas: vnde Genius deus eius folijs coronabatur. Est & aliud eius elogium, cum dixit,

Nobilior pomis, Platano conspectior alta.

Horatius in Odis:

Metam. 13.

Cur

Cur non sub alca, vel platano?

Huius verò vmbra in terra Lydia deletatus Xerxes, diem integram sub ea consumpsit, nulla postulante necessitate, castraq; sua circa platanum in solitudine posuit. Eamq; monili aureo, tanquam pellicè donauit, & Maledonium quendam, ne illius munus ab ea auferretur, delegauit. Lyciæ regionis altera, multis quippe rebus percelebris, tùm fontis peramœni societate, ac viæ militaris vicinitate, magnitudine etiam. Nempe domicilij modo caua specu, L X X X. atq; vnius pedum numerofo vertice, & vastis sese protegens ramis, atq; vmbri obtinens agros. At ne quid imagini speluncæ desit, saxea intus crepidis corona, muscosos amplectebatur pumices: adeò digna miraculo, vt Licinius Mutianus ter Cos. & prouinciæ eius legatus, prodendum etiam posteris existimauerit, se intra eam cum duodeuicesimo comite epulatum, fronde ipsa affatim præbente toros, cubuitq; in illa securus quidem ab omni afflatu, ac etiam peroptans imbrium per folia crepitus. Longè itaq; lætior hæc illi fuit, quàm marmorum nitor, quàm deaurata laquearia, quàm deniq; picturæ omnis varietas. Aliud simile fuit exemplum Caij principis. Hæc enim fuit in rure Veliterno, in qua cum eo, cùm esset vmbra pars, epulati quindecim conuiuæ. Illa laxis ramorum trabibus, largè præbente scamna, & tabulata, & etiam ministerij capace triclinio. Quam cœnam ille nidum appellauit. Iuxta Amymonæ fontem, & prope Lernam paludem, alia enata, Græcorum fabulis etiam memorabilis, quòd sub ea hydram serpentem educatam ferant: autor Pausanias: quo etiam scribente apud Messenios, à fluuiio Biantè longiùs stadijs viginti Platani-
stonis fons, sic dictus quòd ex patula platano intrinsecus caua, aqua fluat quæ potui sit. Ab eo loco Coronam urbem præterfluit. Et vti à naturali artificio ad humanum, & humanas diuitias deueniamus, memorabilis etiam fuit magis diuitijs quàm naturæ miraculo aurea illa platanus à Pithio Atys filio & Bithynio Cælenarumq; inhabitatore, vt scribit Herodotus, Dario donata: quam Cyrus deuicta Asia, vt autor est Plinius, inuenit. Themistocles autem dicere solitus fuerat, se apud Athenienses nulla admiratione fore, neq; aliquot honoribus ab his affici, verùm aliquo imminente periculo, ad se tanquam ad platanum, veluti à procella & tempestate vexati, aufugere, quam postea deiicerent, & vellicarent, vt inde adagium deductum, Platano assimilis. In eos, qui cùm alicuius necessaria opera vfi fuerint, eum postea derisui, & vilipendio habent. Socrates verò non ob aliam rem à Mileto repræhensus, autore Maximo Tyrio, quàm quòd per platanum iuraret, ac si nephas per arborè nobilem iurare esset.

De malo Assyria, siue Medica vel citro.

CAP. X.



ALVS Assyria siue Medica, è regionibus, vbi primùm nata, sic dicta: Theophrastus à Perside etiam Persicā vocitat, & Diphilus Persica pruna. Aristophanes verò grammaticus oxymela, à sapore, vt arbitror, acido, alij cedromela. Probus autem in Media rhododaphnem vocari scribit, propter Lauri similitudinem, vt suspicor, & nasci in Italia, non tamen

eiusdem facultatis. Iuba Mauritanie Rex, in commentarijs quos de Libya scripsit, ut refert Athenæus, apud Libes *μῆλον ἑσπερικόν*, & ab Hercule in Italiam translata ubi *χρύσεα μῆλα διὰ τὴν ἰδέαν*. Idem Athenæus libro tertio, Phaniam Eressium. Libro verò quinto *φυτῶν* dixisse *κέδρον*, καὶ ἀπὸ τοῦ κέδρου κέδριον. Ille verò sua tempestate vocari malum citrium, & si apud vetustissimos autores citri nomen inueniri non sit. Galenus etiam malum Medicum amplius vocari negat, sed citrium. Probat etiam Macrobius. Idq; ex Oppio in libro de syluestribus arboribus, his verbis: Citrea item malus, & Persica altera generantur in Italia, & in Media. Et paulò post de citro loquens ait: Est autem odoratissimum, ex quo interiectum veste, tineas necat. Fertur autem venenis contrarium, quod tritum cum vino purgatione virium suarum bibentes feruat. Vides hinc (ut ille ait) & citreum vocari, & omnia signa poni, quæ de eo Vergilius dixit, licet nomen citri ille non dixerit. Seruius tamen Apuleium in libris, quos de arboribus scripsit, citans, aliud arboris genus citrum esse ait. Malum quidem apprimè laudatum Græcis, ac Latinis, uti Athenæo, Plinio, Solino, tum maximè Vergilio. Mirum est, eundem in tanto vniuersæ agriculturæ opere solum huic vni arbori incubuisse, ac expressisse, ubi, qualisve sit, cuius item potestatis. Quod minimè prætermisum ab his, qui de plantis scripsere, quin in omnibus generibus hæc omnia executi sint. Satis enim illi visum fuit, hanc solam suis munijs, propter eius vim mirandam celebrasse, de qua ipse sic fatur:

Georg lib. 2.

*Media fert tristes succos, tardumq; saporem
Fælicis mali: quo non præsentius vllum
(Pocula si quando sæue infecere nouerca,
Miscueruntq; herbas, & non innoxia verba.)
Auxilium venit: ac membris agit atra venena.
Ipsa ingens arbor, faciemq; simillima lauro:
Et, si non alium latè iactaret odorem,
Laurus erat: folia haud vllis labentia ventis:
Flos apprimè tenax animas, & olentia Medi
Ora fouent illo, & senibus medicantur anhelis.*

Arbor quidem parua, folio lauro, vel vnedomi persimili, verum latiori, intercurrentibus, sed leniter, spinis, minimè infestis. Flos albus, odoriferus duobus modis progeneratus: alius, cui velut colus in medio erectus est. Fœcundus hic. Alter, qui colo caret, atq; infœcundus. Fructus varij, differentes tum figura, tum colore, ut propterea diuersas appellationes accommodarint. Quod autem minimum, ac rotundum, quidam hoc aurentia ab auri colore, de quibus Vergilium intellexisse aiunt, cum dicit:

Ecloga 3.

Aurea mala decem misi: cras altera mittam.

Alij ab æris colore rantia, quasi randia, id est, fulua, ut Hermolao placet. Nonnulli arania, quasi ariana, à gente. Est enim Arania Persiæ regio. Multi Arantia ab Arantio Achaia oppido, quod pomis fertile fuit, ideò posterij phliuta appellarunt, ut Stephanus voluit. Lacedæmonij autem mentem, in quo terra fructibus abundat, phliasion appellarunt. Cæteri Nera-

tia, à

cia, à Neratio fortassis inuentore. Vulgus nostrum aurengia, à colore aureo. Omnibus verò generibus color ad aurum inclinatus. Quæ verò magnitudine præstant, vt instar melonum grandia sint, orbiculata facie, poncira dicuntur. Pomum rugosum, gustu insipidum, minus placens. Seplasiarijs propter condituram expetuntur. Melle enim & saccharo asseruant. Quæ autem colore herbaceo virent, limones appellant. Quæ verò ouata facie turbinantur, & mediocria, & cereo colore nitent, citrangula quidam dicunt, priuatim verò citrea. Quæ autem ex viridi in luteum deficiunt, citrula, & citreola vocitant. Et vt genera absoluiam, quod mediocris amplitudinis est, & in quibus dentium vestigia quædam apparent, cortice rugosum, sapore gratum, pomum Adami vocant, non vbiq; vt cætera genera, obuuium. Omnium semen vt pyris est. Pomum Homerus *ἑμὸν* appellat, qua enim voce ostendit odoratū *ἔσθ' ἀπὸ κάλῳν ὀδῶδαι*, & vestiarijs impositum, ab erosionis vitio, commodè vendicare vestes, ex Oppio suprâ demonstrauius. Quod significat Homerus, cum dixit *ἑματα*. Fingunt præterea poëtæ hoc pomum à Tellure deo primum editum, quando Iouis & Eunonis connubium rescuiuit, in nuptiarum illorum diuinitatem & gratiam, cuius odore reconciliaret inter eos amicitiam, & ob hanc rem, pomum nuptiale posteris dictum.

Natura & vis mali citrij.

CAP. XI.



VPRADICTORVM citrij omnium generum varia natura, præsertim in saporum differentia, vnde & varia in medendo vis. Limonia omnibus gustu acidiora. Aurantium tria obseruantur genera, dulcia, acida, vinolenta, siue mista. Acidum non editur. Paulus tamen, & Aëtius antiquos succum tantum deglutire, & corticem ore solum detinere, & carne vesci scribunt. Succo modò quod ad delicias attinet vtimur, cortice verò ad obsonia. Parthorum etiam procures grana esculentis incoquant. Et quod ad materiam medicam spectat, non eadem in omnibus partibus vis, neq; de ordine aut ex calfacientium vel infrigidantium: illorum nondum apud medicos conuenit, propter saporum differentias. Limonia cæteris frigidiora, & sicciora, Aurentia cortice calidiora omnibus alijs generibus. Dulcia verò in omnibus partibus calefaciunt, aliorum succus refrigerat. Caro primo ordine refrigerat, humectat secundo: alij verò alterutrum tertio excessu assignant, quod de acidis vltimum hoc arbitrantur. Crassi succi est, pituita generanda apta, difficulter concoquitur, quare cum melle commodius estur. Citro nulla efficacior facultas, quam ad pellenda venena, quod ad futura, nō etiam iam sumpta, quidam arbitrantur: alij contrā, vt perspicuum sit amuletum, & præsentissimum contra iam ebibita. Hoc autem celebri exemplo Athenæus firmat. Scribit enim quendam Ægypti præfectū ciuem suum hominem sanè grauem, & inter paucos sibi familiarem, narrare solitum, se aliquando nequam duos sicarios, manifesti sceleris conuictos, neci destinasse, & secundum Ægyptiorum leges, vt bestiis venenatis, atque in theatro, spectante vniuerso

populo, obijcerentur. Cæterum dum ad supplicium ij deducerentur, & ante, quàm in theatrum descenderent, caupona quædam citri pomum manibus retinens, & comedens ab illis rogata est, vt illud pomum concederet: quæ eorum vicem condolens, & sortis miserta, liberaliter elargita est. Bipartitò itaq; pomo, vtriq; æquam portionem dedit, quod auide ab his fuit deuoratum. Cumq; igitur ad designatum locum peruenissent, & inter serpentum globos, & aspidum venena coniecti fuissent, satis fortiter constiterunt, & nihil mali ab his acceperunt, vt præter omnium expectationem incolumes, ac illæsi educi sint. Cumq; autem ea res, vt erat omnibus admirabilis, & vltra fidem humanam visa esset, multis multa super hac re fabulantibus, præfectus diligenti cura à militibus, qui custodiæ præfuisent, quid homines illi egissent, aut quid in cibarijs sumpsisent, perquisiuit. Qui illi non nisi consueta degustasse affirmarunt. Qui vbi de citro inter eundum comesto rescuiuit, tenui inde suspitione enata, nondum satis firma, postridie alteri citria tantummodò edenda tribuit, alteri denegat. Deductis itaq; secundo in theatrum facinorosis, expertum est, illum, qui citrum non ederat, ad primum statim serpentis ictum concidisse, alterum verò illæsum remansisse, tametsi quosdam in corpore excepisset morsus. Scribit etiam Theopompus Clearchum Heracleotam Ponti tyrannum infinitos veneno sustulisse, sed longè plures, si populum præstantis citrij vis latuisset. Igitur cum vino contra venena bibitur, vel semen ipsum, præsertim verò contra scorpionum ictus, & etiam appositum: per se menses educit, sed embryonem in matrice enecat. Contra stomachi infirmitatem non nisi ex aceto facillimè manduntur. Malum autem ipsum in iure, aut aliquo humore concoctum, ac expressum, suauem oris halitum reddit. In aqua verò decoctum, pedibus in tumore vtiliter additur. Si verò in melle decoquatur, sua natura tabescentia, resoluuntur. Ex quo iure si quis binos, ternosve digitos sumpserit, nullum nociturum venenum. Quod cum melle conditur, *διὰ ξυσφίον* vocatur. Ventriculum calefacit, & huius humiditatem eiicit, & cibos concoquit. Semen aciditæ, alijs secundæ refrigerantium & exsiccantium classis est. Alij tertio calefacere aiunt. Quod de dulcibus intellexisse eos arbitror. Digerit agrè ob eius amaritudinem. Cortex Aëtio in tertio abscessu excalfacit, delicat in secundo. Ad cibariorum concoctionem facit, & ad melancholicum humorem, & quæ ex eo fiunt tristitias. Stomacho quoq; vtilis, si quis eo modicè vtatur. Cum autem præter modum defumitur, difficulter concoquitur. Folia verò siccandi, discutiendiq; vim repræsentant. Quod verò intus continetur, siue acidum, siue aqueum fuerit, vehementius refrigerat, flauam bilem restinguit, arcetq; pestilentia contagia. Mirum est quod proditur, citria pani calido superimposita, celerius putrilaginem contrahere, & in corruptionem velocius agi: verum illud admirabilius quod ferunt, vt si succo eius per noctem integram oculus illitus sit, in obliquum torqueatur. Contra cimices folia ex oleo decoquantur, & eo lectorum postes, & commissuræ inunguntur. Mala citria diutius illæsa adseruantur, si milij aut hordei acruis sepeliantur. Illud vltimum præter

prætereundum non erit, vestem citrosam à Næuio dictam, quæ sit (auctore Festo) à citri similitudine appellata.

De malo Punico, & eius in sacris usu, & nonnullis eius historijs.

CAP. XII.

HIT olim malum Punicum in sacris Hebræorum ceremonijs, lege etiam plurimum laudatum. Nam sacerdos sacrum tabernaculum ingressurus, vestem gestabat, in cuius imo margine, atq; per ambitum alternatim mala Punica, & tintinnabula pendebant, non sine mystica ratione, vti nos docuerunt sacri interpretes, & quo tantum ad malum punicum siue gratum attinet. Quemadmodum enim eius exterius cortex, interius plura grana continet: sic fides vna innumeros sanctæ ecclesiæ populos conseruat: quos tamen meritorum diuersitas retinet. Alij quod hoc malum concordiam denotat. Fuit etiam apud Ethnicos, in illorum diuinis percelebre. Nam prodentibus multis Græcis autoribus Hæreum templum in imo insulæ Eubææ memorabile fuit, præsertim verò Iunonis simulacro, ex auro & ebore factum, verum memorabilius artificio, materiam longè superante, Polycteti opus, cuius manuum altera, malum punicum, altera sceptrum gestaret. Quod autem ad mali punici gestationem pertinet, Pausanias secretiora esse dicit, quàm vt vilius sermone explicari debeant, ideo prætermittenda. Et vt à ceremonijs ad historias diuertamus. Darius Xerxis pater, cum ingens malum punicum gestaret, à quodam interrogatus cuius nam rei granorum illius numerum desyderaret? respondit tot Zopyros. Fuit enim hic vir probus Darij amicissimus. Ad quam rem alludit apud Lucianum Iupiter Tragædus, cum magis Zopyrum sibi ipsi auxiliarem amicum peroptat, quàm infinitos Babylonios. Herodotus enim aliter hanc historiam narrat, sed non longè, præterquam in nomine à superiore diuersam. Esurus itaq; Darius mala punica, simul ac primum malum aperuit, à fratre Artabano percunctatus, nunquid tantundem hominum sibi optaret, quantum illic acinorum esset? respondit se malle tot sibi fore Megabylos, quàm Græciam subditam. Is enim illius exercitus dux fuit. Ferunt insuper Milonem Crotoniatem inter ea, quæ fortitudinis egregia peregit facinora, malum punicum manu ita continuisse, vt nec conantibus eripere permiserit, nec pomum ipsum premendo collisum sit. Quod amasiam cum eo colludentem absque vilo negotio fecisse perhibent. Quid enim est, quod amor non emolliat?

Fabula Proserpina à Plutone rapta, & Agdestis.

CAP. XIII.

RELIQUVM est, vt de sacris, & historia, ad fabulas transeamus. Fingunt poëtæ Plutonem, Proserpinam adamasse, ac rapuisse. Quod cum ignoraret mater Ceres, diu perquisiuit: non tamen inuenit. Tandem à sole, cui omnia diurna, sua claritate

nota

nota sunt, rescivit. Ioui autem raptæ etiam parenti detulit querelam, ut Plutoni præciperet, quatenus communẽ filiam sibiipsi restitueret. Quod annuit pater: hac tamen lege, ut si nihil apud inferos illa degustasset, sed huiusmodi conditionis minimè reperta est. Soluerat enim apud inferos atque in Elysio tribus mali punici granis ieiunium, ut testis Ovidius in quarto Fastorum:

Rapta tribus, dixit, soluit ieiunia granis,

Punica quæ lento cortice poma legunt.

Hic tamen in quinto Metamorphoseon septem grana sumpsisse scribit,

- At Cereri certum est educere natam.

Non ita fata sinunt: quoniam ieiunia virgo

Soluerat, & cultus dum simplex errat in hortis,

Punicum curua decerpserat arbore pomum,

Sumptaq; pallenti septem de cortice grana

Presserat ore suo.

Hoc autem detexit Ascalaphus Orphnes & Acherontis, vel, ut alij volunt, Stygis filius, quare in auem bubonem mutatus. Ad multas autem matris querelas, illi postremum indultum est, ut sex menses cum illa esset, totidem cum viro Plutone. Sed id non sine quadam mythologica ratione fictum. Proserpina enim ipsa, Luna est, quæ toto anno sex mensibus crescit, sex etiam deficit: Videlicet ut per singulos menses quindecim diebus crescens apud superos, apud inferos autem deficiens esse videatur. De ea enim Lucanus intellexit, dum ait:

Quæ te detineat ætnea dapes.

Alia fabula est super mali punici arbore ex Arnobio autore, quam hinc inferere operæpretium duxi, ut nihil dignitatis, nihil tristitiæ, nihil fabulositatis, ex antiquis autoribus huic arbori supersit. In finibus autem Phrygiæ, immensæ magnitudinis petra fuit, ab indigenis Agdus vocata. Deucalion autem & Pyrrha, ex Themidis præcepto ad renouandum & hominibus & animalibus post diluvium orbem, ex hac lapides desumpserunt, ex quorum iactu Deum mater diuinitus formata, & animata. Hæc autem in vertice Agdi obdormiuit. Iupiter enim hanc incestis cupiditatibus appetijt: sed diu oblectatus, quod cupiebat obtinere nequiuuit, victus verò sperma in lapidem fudit. Qui ex lapide concepit, & post decimum mensem, editis prius multis gemitibus peperit: & quod ex eo nascitur, materno nomine Agdestis vocatum. Huic autem robur inuictum, intrætabilis ferocitas, & insana vtriusq; sexus libidine, crudelis immanitas, ut nec Deos, neq; homines, neq; cælum ipsum, neq; terram, neq; deniq; sydera ipsa curaret verereturq; , sed & contemneret: totusq; ex matris natura saxeus, ut se nihil fore potentius crederet. Cum verò de comprimenda, atq; imminuenda eius temeritate, atq; audacia, sæpenumerò inter Deos deliberatum fuisset, tandem hoc negotium Liber Pater suscepit. Erat autem fons illi perfamiliaris, ad quem post labores, post venationes, post denique ardores, omnemq; defatigationem, diuertere suevus fuerat, sitis maximè leuandæ gratia. Ibi merum à Libero Patre expositum

positum immoderatus potat, vt statim altissimo somno oppressus obdormierit. Adest ad insidias Liber Pater & setis scientissime complicatis, laqueum nectit quem plantæ iniecit: ex parte verò altera testes cum pene vinxit. Vi autem meri exolutus, cum impetu sese corripit, & se virili membro priuat, effluente multo sanguine, quem terra ebibit: inde nascitur arbor mali punicæ cum pomis, quæ cum Nana legisset ac in sinu repositusset Atym concepit, vt alibi dicitur.

Mali punici descriptio.

CAP. XIII.



Sacris ceremonijs, ab historijs, à poëtarum deniq; fabulis, quæ omnia tanquam plantæ quædam præconia sunt, vt ad ipsius arboris imaginem deueniamus, locus deinde sese offert, vt primum de eius appellatione differamus æquū est. Malum autem hoc à Carthagine, vbi laudatissimum prouenire solet, nomen accepit: à granis verò, quæ intus pomum includit, granatum dictum, & vna pars Bethicæ in Hispania regionis, ab eius copia, quæ ibi prouenit, Granata nuncupata Græcis *φοιδά*. Arbos caudice breui & contorto. Sunt qui primum germen erumpens rhicinum vocitent. Folio angusto est & contra, quàm cæteris puniceo arboribus, calati effigie. Ob quam formam Apuleius ampullaceum vocare videtur. Omnibus verò autoribus, satiuæ flos, cytinus dicitur, in cuius captu, & ambitu futurum pomum iam tum continetur, & quasi conceptus acinorum & fœtus ad maturitatem clauditur, sic Græcis dictus: *κύτος* enim illis tumor est, quo aliquid capiat. Syluestris verò balaustium. Plinius autem ab his dissentiens primum pomi partum, cum iam florere incipit, cytinum vocat, tam satiuæ, quàm syluestris. In ipso verò cytino flosculos ante, quàm malum ipsum prodeat, balaustia vocat. Alij, vt Columella, & Apuleius balausa, alij balaustium vocauere, tantum caducum, ex Græco extorquentes, cuius plura genera, candidum, fuluum & rosaceum. Pomum rhoidia, & apyena mala Thales in lib. qui *πρὸς ἀπαθείας* inscribitur, vt refert Stobæus, ita homines vocabat *ἀπείραχνοι* & *ἀπλευροι*. Bæoticis autem sida. Nam & Side, terra Bæotia dicitur. Quo argumento Athenienses ab Epaminonda in Sidæ regionis quæstione victi memorantur. Nempe referente Athenæo, orta inter eos contentione, quid Sidam appellarent, Epaminondas è dextra protinus conditum depromens malum sciscitatus quonam modo malum hoc vocitarent. Qui rhoam responderunt. Sed nos, inquit, Sidam. Tegitur autem corio & membranula tenui. Festus hanc cicum vocat, vnde cicurate feræ dicuntur. Numerosis acinorum granis intus fæctis, glutinosæ & pingui tunicæ inhærent, quæ candida est, communis omnibus, angulosi. Omnibus verò succus & caro, præcipuè quibus ligni parum. Hoc semen est. Totidem verò numero acinos in singulis pomis inuenire est: etiam si pomi amplitudo variauerit: modò ex eadē arbore legantur. Empedocles enim mala punica opfigona vocabat *ἐνεκεν ὁψιγόνει τε σίδαι καὶ ὑπερβολοῖα μήλα*. Quo verbo videtur significare tardam maturitatem. Nam nisi frigus, Solis feruidam

vim, humectam & imbecillem reddiderit, eius fructum hæc arbor non cōmodè concoquit. Porro hæc sola arbor, vt ait Theophrastus, melius ac celerius fœtum suū in vmbra maturat. ὑπερβλοῖα verò vocauit, à florida & viuida vi. Plinius in multa genera diuisit, vnum apyrinon vocando, ἀπύρινον Græcè, cui nucleus lignosus abest, & candidior natura est. Blandiores acini minusq; amari. Seneca autem apyrinon dici vult, non cui nulla sit nuclei durities, sed quibus minima, de quibus Martialis:

Lib. 13.

Non tibi de Libycis tuberes, & apyrina ramus:

De Nomentanis sed damus arboribus.

Archetratus anguillam à spinis & ossibus appellauit, hoc versu, ἐρχεσθαι τῇ φύσει ἐστὶν ἀπύρινος μόνος ἰχθῦς. Alia eorum structura vt in fauis communis est. Nucleos verò habentium, quinque species sunt, vt Plinius voluit, dulcia, acria, acida, vinosa, mista. Dioscorides tantum tres posuit, dulcia, acria, acida. Galenus item tria, dulcia, acida, & austera. Quibus enim paruus nucleus inest, his natura protinus vnam & vinum, non equidem mustum aperuit: horum autem, atq; dulcium asperior cortex. Samia verò, Ægyptia distinguuntur erythrocomis & leucocomis. Corticem verò mali punici malicorium vocant, quod vulgus ex eo coria perficere nouit. Græcis σίδιον & σίδια φοιῶν vel λέμματα φοιῶν. Est & syluestris arbor, punica malus, satiuæ non nisi pomi, foliorum, & totius corporis formæ exiguitate persimilis.

De vi medica mali punici.

CAP. XV.



MALV M punicum refrigerandi, atque exsiccandi secundo ordine facultatem habet. Quare omnia genera veneris impetus excidunt, eorum in primis, qui frigide temperaturæ sunt: Sed non eadem in omnibus vis imperat. Nempe ex saporum discrimine vires adaugeri vel minui oportet. Nam dulce minus refrigerat, austereum valentiùs, sicciusq; est, & stomacho magis amicum, maximè æstuanti auxiliatur. Acidum quoq; dulci magis frigefacit, ac maiorem etiam incidendi virtutem repræsentat. Easdem quoque in adstringendo facultates ex saporum differentia habet, quæ eximæ in omnibus sunt. Dulce pectus adiuuat, succiq; boni est, non nihil caloris habens. Sub dulcium verò appellatione apyrina veniunt, vtiliora, inflationes tamen pariunt, caloremq; gignunt, quamobrem febribus abdicantur. Acre verò vrinam cit, & ad morbos flauæ bilis, & ad ventriculi iccorisq; calores plurimum prodest, atq; ad stomachi lincinationes, quæ propter malos humores eueniunt: ori ingrata, gingiuasq; lædunt. Vinosa medias fortiuntur vires, stomacho profunt, duntaxat pauca, citraq; satietatem: Aluum sistunt: cauentur in vomitionibus ac bilem reijcientibus, nec acinorum carne, nec succo vtilia. In summa omne malum punicum boni succi est, & stomacho accommodatum: non nutrit tamen. Syncopi auxiliatur etiam, vt Rufus ait. Pomum verò in olla noua positum, indito operculo, ac in furno tostum, post contritum, & ex vino potum, aluum sistit, tormina discutit, & tinea pellit. Alij contusum, & ex

tribus

tribus vini heminis, ad heminam vnam decoquunt. Dulce autem, coctum, & tritum, atq; illitum, mirabilem, multiplicemq; præstare effectum aiunt, tum ad capitis, naturaliumq; vlcera, tum ad ea, quæ totum corpus excruciant, & ad oculorum inflammationes. Nam vlcera celerius ad cicatricem abducit. Mala alij subcrudiora, triginta confringunt, & in doliolum conijciunt, viniq; nigri ac austeri congios tres superinfundunt, quo post triginta dies ad dysenteriam vtuntur. Diuiditur etiam malum, & cœlesti aqua ternis ferè diebus madescit. Hæc enim aqua cœliacis frigida bibitur, autore Plinio. Dioscorides nucleos sic maceratos similem vim habere affirmat. Dulcis verò succus sorbitionis modo sumptus, bonum colorem facere, autor Ægineta. Acris etiam potus ventrem cit, & bilem flauam sine molestia euacuat, ventriculumq; roborat. Aduersus vulnorum dolores, & inflammationem prodest. Hippocrates autē quid æstuosum habere, vinosi minùs, austeri magis refrigerat: Acris enim cum melle oculis illitus, acutum visum reddit, maximè autem si vulnerauerit. Cum polenta cardiacis bibendus offertur: vt propterea Hippocrates & stomachi ardoribus, ob deprauatorum multitudinem dandum præcipiat. Acidi cum mastiche frequentius sumptus, nauseam, seu vomitum extenuat, iecorisq; inflammationes à violentia sedat. Fit ex acerbo malo medicamentum, quod stomatice vocatur, hoc modo: Acinos enim detracto cortice tundunt, succumq; cum croci, aluminis scissi, myrrhæ, mellis Attici selibris ad tertias decoquunt. Alij hac ratione: Punicis multis acidis tufis, & in nouo cacabo, succo ad mellis crassitudinem cocto. Oris & genitalium vitijs vtilissimum est: ac narium, aurium purulentarum, oculorum pterygijs, & his, quæ nomas vocant, & quæ in vlceribus excrescunt, ad incipientes epiphoras, & rubras maculas, & cõtraleporem marinum, insuper & ad omnia, quæ Lycio curantur. Acini succo magis adstringunt, siccant, ac mundant. Acidorum verò cum cibis sumpti superfluitates in ventriculum defluere non sinunt. Horum etiam nuclei in sole siccati, tunc obsonijs concocti, aut in potione conspersi, aluum, stomachumq; sistunt. Aqua verò cœlesti madefacti, sanguinem excreantibus commodè bibuntur: perutiles etiam & ad sistendam aluum, & ad dysenteriorum discessus, scæminarumq; fluxiones. Aranei muris morsui acinorum dulcis decoctum, emplastri modo appositum aduersatur. Nuclei omnium sistunt: illorum verò expressus succus cum melle ad oris, sedisq; & genitalium vlcera decoquitur. Id etiam vtile ad nomas, reduuias, & ea, quæ serpendo excrescunt, ad aurium etiam dolores, & narium vitia. Scopæ, inquitente Eliano, punicæ grano pereunt. Cytini miræ obseruationes, plurimorum experimentis. Adstringunt etenim, reprimuntq; ac deficcant: sanguinolenta glutinant, omnibusq; quibus & mala ipsa profunt, ijdem in cataplasmatibus, ad repellendum herniam, intestini prolapsu erumpentem. Siccati verò, tritiq; excrescentes carnes cohibent. Ipsa autem trita vlceribus, quæ serpunt, putrescuntve, illinuntur, & oculorum, intestinorumq; inflammationi. Aduersantur scorpionibus. Exprimitur ex his, ac balauftijs succus, hypocistidis modo. Decocto eorum mobiles

dentes colluuntur, & gingivæ sanguine madentes. Memoriae tradunt quidam, nullam oculorum lippitudinem eo anno hunc sensurum, qui tres quàm minimos deuorauerit. Plinius verò ad quandam magiæ speciem hoc modo referre videtur, vt si quis vnum ex his, solutus omni vinculo, cinctus, & calceatus atq; etiam annuli, decerpserit duobus digitis, pollici scilicet, & quarto sinistrae manus, atque ita leui tactu lustratis oculis, mox in os, ne dente contingat, additum deuorauerit, affirmatur nullam oculorum imbecillitatem passurum eo anno. Balauftium tingendis vestibis idoneum, quarum color inde nomen accepit, potenter adstringit, mira exsiccandi, & refrigerandi facultate. Vnde arefactum, & contritum, & intertriginibus, reliquisq; vlceribus obiectum, celerrimè ad cicatricem absq; erosionem perducit, & distillationes cohibet: quo praesidio ad sanguinis excreationes, ad dysenterias, & ventris profluuia, & vteri nemo ferè medicus est, qui iugiter non vtatur. Potu enim menses sistit, oris vlcera, & quacunq; parte manantia siccauere. Tusorum verò farina dysentericos à morte reuocari, & aluum sisti quidam experti sunt. Tanta enim priscorum diligentia, vt nihil inexpertum reliquerint.

De malicorio, radice, & alijs eius arboris partibus, & vino.

CAP. XVI.



Succo efficacius malicorium: etenim refrigerat, cytinis verò & acinis virtute valentius. Spissandi vim habet, & vrinam ciendi eiusdem mista galla & aceto. Decocto mobiles dentes stabiliari monstrant medici. Expetitur grauidarum maliciæ, quoniam gustatu moueat infantem. Ex vino autem decoctum & impositum, perniones sanat. Fumo eius culices abiguntur. Insuper eosdem cum cytino vsus habet. Superest vt de radice, atq; de arboris specialiùs vi medica per singulas partes agamus: radicis autem decoctum potu, latas ventris tineas pellit, & eandem euocat. Syluestris verò radix quàm tenuissimè trita, phalangiorum ictibus imposita prodest. Quæ verò rubro cortice sunt, denarij pondere potæ, somnos faciunt. Semine bibito aqua, quæ cutem subierit, siccat. Termitæ malicunæ, venenatæ bestia, serpentes etiam fugantur: propterea, stibadia, toros, & attegias, hac pestilenti lue, putant vindicari. Fit è pumicis vinum, quod rhoiten à Græca pomi appellatione, vocant. Cuius ratio ex Dioscoride talis est: ex apyrinorum maturorum acinis expressum succum simpliciter, aut ad tertias decoquunt, post reponunt. Palladius ad medias ac lentè, dicit tamen quosdam non excoquere, verum singulis sextarijs, mellis singulas miscent, & in vasis picatis ac gypsatis referuant. Facit hoc ad fluxiones interiores, & febrim cum alui profluuiio exortam stomacho accommodatum. Aluum adstringit, & vrinam ducit. Contra pestilentiam in vsu vtiliter est. Apud Bæotias Thebas, atq; in tumultu Menæci, Creontis filij punica nata (scribente Pausania) cuius pomum sanguineum intus colorem repræsentat. In lacu etiam Orchomeno (autore Theophrasto) frutex malo punice similis nascitur.

De cedro.

CAP. XVII.



ATLAS peculiari sylua cedrorum proditur. Mons etiam cterioris Mauritania, qui Anchorarius vocatur, laudatissimam olim dedit syluam, sed iam (vt inquit Plinius) exhaustam. Insula etiam vltra Gades cedris refertissima. Nascitur etiam in Creta, vt Vitruuius asserit, praesertim in Ida, vt Theophrastus voluit, & in Cyprio, vbi procerissimae visuntur, & in nonnullis Syriae regionibus, maximè autem in Libano monte, teste contra Appionem Iosepho, quae toties sacris literis exaltata fuit. Ibi ad aedificia copiosa mater, ex qua etiam Salomonis templum, & regia exaedificata. Psaltes etiam regius, cum quid superbum designare voluit, ab ea comparisonem sumpsit. Siculus Arabiae montes cedros ferre prodidit. Et vt ad eius designationem deueniamus, Cedrus arbor procera, & ingens, iunipero non absimilis (de quarum differentia supra dictum est) ligno contorto, nodoso, ramosoq; alijs frequentioribus, folio pungenti, duro, cupresso simili, vt ait Vitruuius, iuniperi modo, baccas fert myrti baccæ magnitudine, sapore dulces, ac gustu suaues, odoratasq; ac pulchras. Fructus cedrites. Nicandro verò foeminino genere, & diminutua forma arceuthis:

μήδε σενεχάϊς μὴ συνλίσ λάθοι ἢ ἐ κέδροιο
ἀρχευθίς.

Hæc fuit eius autoris, antiqui interpretis sententia. Posteriores enim in iunipero tantum vsi sunt. Semen, cupressi simile. Quiddam cedrentalem appellauere. Cedri genera duo posuit Theophrastus, Lyciam & Phoeniciam, à regionibus, in quibus prouenirent, sic distincta. Folio maximè differunt. Nam hæc folium durum, spinosum, acutum habet, quamobrem ὀξύκεδρος dicitur. Ramosa hæc, & nodis infesta: Altera odore præstat. Lycia autem vuam fert, quæ bryon dicitur. Galenus, & eius sequaces, duo etiam genera posuit, vnum fruticosum iunipero simile, alterum arborem non exiguam, hanc cedrulatē vocat. Alij in maiorem & minorem distinxerunt, & minorem in Lyciam & Bœotiam. Vtrumq; cedri genus calfacit, siccaturq; abscessu tertio. Creticam verò foeminarum incommodis auxiliari Hippocrates scribit, si cum vino, quod ænoga-lum vocat, sumatur. Nonnulli tepidum interpretantur. Cedri nidore serpentes abigi Vergilius ait:

Disce & odoratam stabulis accendere cedrum.

Georg. 3.

Baccarum autem vires moderatiores adeo vt edendo sint. Attamen si liberalius & vberius ingestæ fuerint, caput tentant, incenduntq; & os ventriculi erodunt. Calfactoriam vim habent. Cum oleo verò tussis, si quis inungatur, tussim sanant. Menfes ex polline & pipere cient, sistuntq; alui, ruptis viles, spasticis, stranguriæ, vuluis admotæ. In vino contra lepores marinos hauriuntur. Inflammationibus, collectionibus sumuntur. Cum cerui adipe vel medulla inuncto hominis corpore, serpentes fugantur. Stomacho aduersantur. Antidotis miscuntur.

De cedria, & libris Numæ Romanorū Regis.

CAP. XVIII.

P 3

CEDRVS



CEDRUM magna, dat picem, quam cedriam vocant. Alij cedreum vel cedream, & hoc vltimum, quod in canalibus aquæ instar, pix fluit: καίω enim vro, & ἕδωρ aqua. Cedriam verò & cedreum illam crudam, & ex arbore lectam resinam esse volunt. Seruio tamen cedria dicitur, quasi κασιμένης δρυὸς ὑγρὸν, id est, arboris humor ardentis. Theophrasto enim autore, lignum concisum & in furnis accensum, liquorem illum illacrymat, qui per canales aquæ modo defluit, qui & cedrinus liquor dicitur. Omnis enim quartum in caliditate attingit gradum, & subtilis admodum substantiæ, estq; in primo eorum ordine, quæ septica, id est, putredinem inducentia vocitantur, ob eximiam excalfaciendi atq; attenuandi vim. Etenim molles carnes expeditè, & indolenter, ab innata membrorum caliditate, feruore eius ad actum excitato, & adaucto, corrumpit, & exedit. At in duris corporibus plusculo tempore indiget: vix enim effectum potest consequi. Sua etiam eximia caliditate, ac siccitate, vestes, pelles quoq; corrumpit. Natura eius est, defuncta corpora conseruare, viuientia autem corrumpere: mira eius antipathia, utpote quæ spirantibus vitam auferat, defunctis verò pro vita sit. Quamobrem quidam cadauerum vitam appellauerunt. Hac ratione, Theophrasto autore, Ægyptij quò diutius hominum cadauera integra & incorrupta conseruarent, ea cedrino liquore perfundebant. Nam mortuorum carnes exsiccant, simul à corruptione tuetur, superuacuum illorum humorem depascens, solida corpora haud attingens. Fœtum etiam interimit, demortuum verò clysteribus infusa eijcit & detrudit. Dioscorides etiam, ac Galenus cum suis ascleis, Paulum videlicet Æginetam, & Aëtium semper intelligo, abortum in coitu fieri tradunt, si eo antea pudenda circumlinantur, & ad hoc medicamentum nulli secundum. Sed portentum esse Plinius ait. Mirum enim est, in tantum erga viuientia habere potentiam, ut etiam lendes, pediculos, fursures illitu enecet, & in corpore adnascentes vermes, vel, ut alij interpretantur, recti intestini ascaridas. De fursuribus enim testimonium sic præbet Serenus:

Et prodest cedro dimissus ab arbore succus.

Instillata autem cum aceto, vermes enecat: tum hyssopi decocto sibilos sonitusq; sedat. Ea etiam libri inuncti, resq; omnes aliæ à tineis, carieq; vindicantur. Ad quod propter diuturnitatem Persius allusisse videtur, dum canit:

- Et cedro digna locutus.

Et Horatius in arte,

- Linenda cedro, & leui seruanda cupresso.

Plin. lib. 13.
cap. 13.

Numæ etiam libri à Cn. Terentio scriba agrum suum in Ianiculo repastinante, P. Cornelio L. F. Cethego, M. Beblio, Q. F. Pamphilo consulibus reperti. Ad quos à Numæ regno colliguntur anni DCCCXV. & hos fuisse è charta: maiore etiamnum miraculo, quòd tot infossi durauerunt annis. Perhibentur enim hi libri fuisse cedrati, ut scribit Plinius. Et ut ad cedriæ vim reuertamur, discutit ea, quæ in aliqua corporis parte coierint, ut voluit Celsus. Magni ad lumina eius vsus, ut ait Plinius: ni capitis do-

lorem

lorem inferret. Quippe illita oculis claritatem adfert. Nam visus hebetudini ab humorum crassitie ortæ medetur, albugines, cicatricesq; abstergit. Dentium doloribus vtilissima: cauis enim indita illos frangit: quapropter eisdem cum aceto colluere prodest. Gingivæ etiam ea perunguntur. Plinius verò, contra cæterorum sententiam hac neq; cruditatibus, neq; in gustu vti voluit, neq; dentes ex aceto colluere, & grauitati, aut aurium vermibus instillare timuit. Tonsillarum enim inflammatio. nibus auxilio est. Cerastræ moribus cum sale imposita opitulatur, & contra leporem marinum, cum passò vtiliter sumitur. In elephantiasi faciliùs illinitur. Pulmonum vlcerà purgat, & sanat, vnius cyathi pondere hausta. Probatur crassa, perlucida, validi odoris, quæ dum effunditur, continua, & concreta, stillicidijs coit, nec guttatim dissipata diffluit.

De oleo, & vino cedri.

CAP. XIX.



IT è cedria oleum, quod Plinius pisselæon, Vitruuius cedreum, alij κεδρέλαιον vocant. Sed hoc posterius ad baccas tantum referunt. Hoc autem è cedria dum coquitur, velleribus, vel lanis super lebetem expansis, ad halitum veluti in pice separatur & colligitur. Cedria verò calidius, atq; tenuius, verum minus acre, crassius tamen, proinde mordax & maiore aperiendi facultate præditum. Ideoq; vlcerà irritat, & in illis phlegmonem excitat. Iisdem omnibus vtile, quibus cedria, priuatim autem canum, boumq;, & aliarum quadrupedum perunctum scabiem persanat, vlceraq; illarum ex tonsura à forfice facta, illita sanat, & ad cicatricem perducit, & inhærentes ricinos deturbat. Græci κρότυνας vocant. Vinum autem cedrinum ex Dioscoride hoc modo fit: Diuisos recenter cum fructu ramos proferunt. In sole enim, aut balneo, vel igne sic admouere oportet, vti fudent, & in vini congio ex sudati humoris pondo, miscere est, & post duos menses transferre, & in solata reponere. Calfacit hoc, & adstringit, vrinam ciet. Ex maioris verò cedri fructu, etiam alia ratione fit. Oportet enim in multi congio tusarum baccarum selibram miscere, & diebus quadraginta insolare, & defæcatum in vasa transferre. Quod autem è cedria fit, cedrites appellatur, cuius confectio è Dioscoride talis: Cedriam enim aqua dulci lauant, & singulas amphoras, singulis cyathis diluunt, & ita musto replent. Excalfacit hoc, extenuatq;, tussi diutinæ, vbi febris absit, accommodatum. Pectoris, laterumq;, mulierum locorum, suffocationibus vtile. Facit ad ventris lumbricos, & febrium rigores. Contra venenatos ictus auxiliatur, serpentes necat. Instillatum verò aurium doloribus medetur. In conditijs autem vinis hoc obseruare oportebit, quod semel quoad arbores in plenum dictum sit, vt vino explere tota vasa necesse sit, alioquin acefcunt. Omnia item sanis hæc medicata vina inutilia. Cedro similis in Arcadia arbor, cedris nomine, quæ in Phrygia frutex est. Multi hanc cedriam & cedrulam vocauerunt.

De

De myrto, & Myrsines fabula, & arboribus memorabilibus quibusdam, & adagio, Canere ad myrtum.

C A P. XX.



CANERE ad myrtum prouerbio dicitur. In conuiuijs enim mos antiquus fuit, vt vnusquisq; suam cantionem cantillaret. Quòd si quis citharam accipere recusasset, vtpote musices ignarus, is per iocum accepto ramo vel laureo, vel myrteo, ad eum canere cogeatur. Plutarchus in primo Symposiorum aliter: Mos antiquus fuit, vti in principio conuiuij voce communi primùm, Deum canerent, deinde myrti ramum, quem ἀέρον vocarent, vnique traderent post circunlatam lyram. Alij dicunt myrtum ordine non solere circunduci, sed è sponda ad spondam transferri, vt postquàm cecinisset is, qui in prima sponda primus sedebat, ei tradebat, qui in secundo lecto primus accumberet. Hic rursus tertij lecti primo. Deinde rursus primi lecti secundus secundo, in secunda sponda sedenti, vt ad hunc modum per omnes iret. De ignaris dicitur. Libenter myrtus in sepulcris nascitur. Itaq; in Italia in Elpenoris tumulo primùm visa, autore Theophrasto. Is fuit naus Vlyssis gubernator, & in Circeis conditus. Fingit etiam Vergilius è Polydori in Thracia sepulcro cornum & myrtum agnatas. Ad quas cùm Æneas venisset, & vellet sacrificare, & aram frondibus contegere, nixus est myrtum euellere, è cuius radicibus sanguis effluxit. Myrsine Attica puella fuit, miræ pulchritudinis, veluti omnes cæteras puellas non solùm hac dote superaret, sed & fortitudine iuuenes omnes, quapropter Mineruæ gratissima. In palæstris, ac ludis semper versabatur, & vincentes coronabat. Cùm autem certamine iuuenes quosdam superasset, ab eis ob inuidiam interfecta, verùm Mineruæ munere, in myrtum conuersa est: quam propterea Dea peramat, vt eius morte illius amicitiam non deleuerint. Apud Menandrum Synaristusa his vescuntur.

Myrti consideratio.

C A P. XXI.



MYRTVS Græcè μυρτίνη, & μυρτινή & μυρτιν. Archilochus myrton vocauit, & Græci comici philaleon vt Antiphanes. Antiqui myrtum pro myrto protulerunt. M. autem Cato myrtam fœminino genere pronuntiauit, quem secutus M. Varro, Græcorum forsitan imitatione. μυρτινία Arbor oleæ similis, verùm ramis minoribus. Folijs etiam angustioribus. Fronde seriatim disposita. Flore candido, ac odorato, supra fructum insidente, baccis nigris, vel, vt voluit Ouidius, bicoloribus:

- Sylua subest bicoloribus obsita baccis.

Myrtas M. Cato vocat, Græcis μυρτινάκη. Piperis sapore, quare apud antiquos antequàm piper reperiretur in vsu fuerunt, huius obtinens vicem, quodam etiam generosi obsonij nomine inde tracto quod myrtanum vocabant. Quidam etiam eas vehementiùs tundentes reponunt, postea

postea vino subigentes, in pastillos formant. Semen aromatarij myrtillum vocant, quod saccharo condiri nuper inuentum. Adnascitur myrto quid tumens, quod myrtidanum vocant, verrucosum, atq; concolor, ramos eius perinde atque manus amplectens. Post Galenum Ægineta Paulus hoc myrtida fœminino genere, atq; diminutiuâ forma pronuntiauit, ac si exiguam, & ex myrto paruam aliam myrtum adnascentem indicare voluerit. Tria eius genera M. Cato posuit, candidam, nigram, coniugalem, de qua supra libro primo dictum. Hanc verò Plinius nostratem existimat. Est enim in myrto quid candidius & nigrius, virescens, quo veteres comparatione vnius ad alterum, ex coloribus duo genera, nigræ videlicet, & candidæ posuerunt. Candida montana, semen infirmius fert. Quærit Aristoteles cur nigræ myrti copiosiores sint frondes, quàm albæ: quod scilicet generis syluestrioris sint. Indicium enim est, quod locis incultis proueniant, nec cultura minimè mutantur. Quum enim fructus suos minùs coquere valeant, alimentum in frondem vertunt. Nunc & alia distinctio satiuæ atq; syluestris, in vtraque item latifoliæ. In syluestri verò aliud genus, quod oxymyrsine dicitur: de qua inter frutices differtur. Rursus in satiuis topiarij, genera faciunt, Tarentinam, quæ sit folio minutori, Nostratem, quæ patulo, Exoticam, quæ densissimo, senis foliorum versibus. Hæc in vsu non est. An autem primæua in locis publicis Romæ fata sit, & quidē memorabili augurio ambigit Plinius. Ex ea enim arbore, suffimenti genus apud antiquos habebatur. Eademq; origine aprorum sapor commendatur, plerunq; ad intinctus additis myrtis.

Myrti natura, & vis medica.

CAP. XXII.



MYRTVS ex oppositis partibus constar, imperat tamen in ea frigidum terrenum, neq; omnino caret tenui substantia calida. Ideò plurimùm exsiccando pollet. Quod nonnulli ad primum ordinem. Illud autem etiam ad similem classẽ. Nulla verò illius pars, siue folia sint, siue fructus, siue etiam succus, quæ tam exterius illita, quàm interius sumpta, non adstringat. Rei medicæ vtilior satiuâ, & nigra quàm candida. Myrti verò virgæ manu gestatæ viatori, pediti in longo itinere profunt. Satis etiam est furculum tantum, nec ferro, nec terra contactum, secum habere, ne inguen ex vlcere contumescat. Turdus suis nidulis vti bestiolas noxias abigat, myrtum ingerit. Coturnices etiam, vt Didymus autor est, elleborum pastæ, in tantum vitæ discrimen agunt, vt distendantur, conuellanturq; cœu vertigine correpti: illis auxiliantur myrti bacca. Percunctatur Aristoteles cur myrtæ in manu collisæ, dulciores sentiantur, quàm si integre remanserint? Quod natura ipsa, myrtæ dulces sint, & intus suam dulcedinem, acinorum vix instar continent: quæ vbi manu compressæ, conflictatæq; fuerint, diffusionẽ dulciores sunt, & sentiuntur. Bacca autem in aqua maceratæ, postea tusa, vt inde liquor sumatur: contra ephemerum sumptus, prodest, eadem verò si cum galla, & oleo simul conterantur, ad fluentes capillos, si capiti imponentur. Aluum enim fortiter

Q. sistunt,

sistunt, sed vesicæ nocent, soluuntq; calidas humêtes exhalationes. Odo-
rem oris commendant, vel pridè commandatæ. Hoc autem hemisti-
chio comprobatur Serenus:

Myrtusq; emendat oris odorem.

Illarum verò decoctum in vino elixum, vlcera difficilia in extremis mem-
bris sanat. Ex virentibus autem succus expressus, stomacho, ciendæ vri-
næ, & eius erosionibus, sanguinemq; excreantibus accommodatus, & à
scorpionibus, & phalangio percussis, & contra fungorum suffocationes.
Alij mero potandum arbitrantur. Contra ægyloas antequàm suppu-
rent, & oculorum inflammationes illinitur, capillos denigrat. Dysenterijs
verò denarij pondere datur. Folia arida plus virentibus desiccant. Misce-
tur enim his humiditas quædam, vt harum etiam decoctum non tan-
tum desiccet. Aduersantur cantharidibus, buprestis, alijsq; venenatis, quæ
exulcerando nocent. Ipsarum enim succus viperæ & colubri ictus sanat,
si eius libræ dimidium sumatur. Trita verò ex aqua humidis vlceribus,
& cæliacis profunt, & omnibus membris distillatione laborantibus. Ex
vino autem articularibus morbis, & collectionibus. In vino verò deco-
cta, dysentericis, & hydropicis, potui dantur. Desiccantur etiam, & in fa-
rinam rediguntur, quæ vlceribus manantibus, & hæmorrhoyæ insper-
gitur, & contra alarū, femorumq; sudores atq; in febris. Perfusiones etiam
in cardiacis cohibet. Lentigines purgat, pterygia, paronychia, item am-
busta cum aceto, cæliacis utilis, & vuluarum procidentie, sedis vitij, igni
sacro fotu. Illorum autem decoctum ad balneorum lassitudines valet, &
luxatos articulos, qui firmari nequeunt. Fouentur etiam eo, fracta ossa, ne
lapidolam duritiem, quam Græci *σπόρον* dicunt, indurent. Purulētis etiam
auribus instillatur, & capillos item indurat. Aceto, in quo eadem decocta
fuerint, os ad dentium dolores colluitur. Exprimatur ex folijs mollissimis
in pila tuis, vetere asperso vino, vel cœlesti aqua succus, cuius vsus recen-
tis est. Planè exsiccatus cariem sentit, viresq; amittit. Colliculi autem cum
flore decocti, & in nouo, atq; operto fictili, in furno cremantur, postea
verò ex vino teruntur. Puluis hic ad omnia, quæ de foliorum farina di-
cimus, reponatur. Myrtidanum enim quantò cæteris siccius, tantò de-
siccatus & adstrictius. In vmbra autē siccatur, & multò efficacius quàm
vel semine vel folijs. Miscetur ceratis, pessulis, insidentium fomentis, ca-
taplasmatibus, in quibus adstringendum aliquid est.

De oleo myrteo.

CAP. XXIII.



VCCORVM natura, præcipuam admirationem in myrto
habet: quia omnium vna vini atque olei bina genera facit.
Myrtei verò olei, siue myrtini, duplex ratio. Aut enim è
myrtis, aut è folijs fit. Primum enim sic: E nigra syluestri, vel
satiua tunduntur baccæ, aqua calida aspersæ, moxq; co-
quantur. E folijs verò hoc modo. Tenerima folia tusa exprimunt, & pa-
res omphacini olei portiones adiiciunt, & carbonibus subiiciunt, infer-
uescunt, donec concoquantur, tunc quod in summo innatat, auferunt.
Sequens

Sequens compositio longè facilior: priuatim enim folia sole mactant, ac in oleum deijciunt, & quod desuper fluitat, colligunt. Palladius verò sic: Mense autem Februario foliorum vnciam per olei libram vnam mittes, & per vncias decem vini veteris styptici heminam, & cum oleo bullire facies. Folia idcirco vino asperguntur, ne frangantur antequàm decoquantur. Efficacius, quod gustu amarum, viride, oleosum, translucidum, ac planè myrtum redolens. Quinimo oleo quoq; (mirum dictu) inest quidam vini sapor, simulq; pinguis liquor, præcipua vi ad corrigenda vina, saccis antè perfusis. Retinet quippe facem, nec præter purum liquorem, patitur transire, deniq; se comitem præbet, vt præcipua commendatione liquetur. Crassarum partium est, autore Galeno, multoq; efficacius cortice, & folio, ac semine adstringit, & indurat: ideoq; medicamentis, quæ cicatricem obducunt, miscetur. Gingiuis, dentium dolori, dysenteria exulceratæ, appositu, fotuq;, & illitu iuuat: vesicis, vetustis vlceribus, vel in capite manantibus, pustularum eruptionibus, ambustionibus. Facit ad intertrigines, rimas, condylomata, luxatos articulos, corporis sudores, deniq; autem ad omnia, quæ vel adstrictionem, vel densationem desyderant.

De vino myrtite.

CAP. XXIIII.

FIT etiam è myrto vinum, cuius ratio vt de oleo, duplex est, vt bina etiam appellatione distinguatur. Primum enim myrtiten vocant, siue myrtidanum, myrtanum, myrtille, vel myrteum vinum, alterum verò myrtilmiten, quod ex tota arbore fit. Plinius myrtidanum, quod ex syluestris myrti baccis conficitur. Hoc manus tingit. Myrtiten autem Cato sic docet fieri: Myrtum nigram in vmbra arefacito, vbi verò iam passa, seruato ad vindemiam, in vnam musti condito, myrtæ semodium. Id oblinito. Vbi autem feruere mustum desierit, myrtum eximito. Aliter Dioscorides: Baccas myrti nigras maturissimas desumito, dein eas tundito, torculari verò expressum succu in vas diffundito. Nonnulli ad tertias decoquunt. Sunt & qui baccas prius in cratibus dispositas, & sole tostas, tundunt, tularumq; sextarijs quaternis aquæ heminas tres, viniq; veteris totidem adijciunt: postea verò exprimunt. Aliter Palladius: idq; bisariam: In vini verò veteris sextarijs tribus, myrti grana confracta sextarios vrbicos tres mittis, quæ sint decem & nouem diebus fusa. Postea autem expressis myrti granis, colabis, & in eo vino medium croci scrupulum, & folij vnū scrupulum mittis, & ex mellis optimi decem libris, omnia temperabis. Aliter hic, sed parum à superiore differens. Mittes vini veteris sextarios decem, in lagna, & baccarum myrti libras quinque miscebis. Viginti & duorum dierum per spatium confusa transgerunt, per quos vas quotidie conuenit agitari: tunc palmea spongia colabis, & prædictis decem sextarijs mellis triti pondo quinque miscebis. Alia est è Columella confectio, & quidem vt illius duplex. Variata etenim est omnium autorum descriptione: tam enim diligentes fuerunt in eius confectioe. Quorum duo-

rum vltimorum sententiam ad verbum transcripsi, maximè verò huius. Admiratus quidem, vt in cæteris eius & eloquentiam, & diligentiam. Ait enim hic: Nigri generis baccæ cùm sunt maturæ leguntur, & semina earum eximuntur, atq; ipsæ sine feminibus in sole siccantur, & in fictili fidelia sicco loco reponuntur: deinde per vindemiam ex vetere arbuſto, vel si id non est, ex vetustissimis vineis amineæ bene maturæ vuæ, sole calido leguntur, & ex his mustum adijcitur in serium, & statim primo die antequàm id deferueat, baccæ myrti, quæ fuerant repositæ, diligenter conteruntur, & totidem earum libræ contusarum appenduntur, quot amphoræ condiri debent: tum exiguum musti sumitur ex ea seria, quam medicaturi sumus, & tanquam farina conspergitur, quicquid contusum & appensum est. Post hæc complures ex ea massulæ fiunt, & ita per latera seriæ in mustum demittuntur, ne altera offa super alteram perueniat. Cùm deinde bis mustum deferbuerit, & bis curatum est, rursus eodem modo, & tantundem ponderis baccæ (sicut suprà dixi) contunditur, nec iam, vt priùs massulæ fiunt: sed in labello mustum de eadem seria sumitur, prædicto ponderi permiscetur sic, vt sit instar iuris crassi. Quod cùm est permistum, in eandem seriam confunditur, & rutabulo ligneo peragitur: deinde post nonum diem quàm id factum est, vinum purgatur, & scopulis aridæ myrti seria suffriatur, operculumq; superimponitur, ne quid eo decidat. Hoc facto post septimum diem rursus vinum purgatur, & in amphoras bene picatas, & bene olidas diffunditur: sed curandū est, vt cùm diffundis, liquidum, & sine fæce effundas. Vinum aliud myrtille sic temperato: Mel Atticum ter inferuere facito, & toties despumato: vel si Atticum non habueris, quàm optimum mel eligito, & quater, vel quinquies despumato. Nam quantò est deterius, tantò plus habet spurciæ. Cùm deinde mel refrixerit, baccas albi generis myrti quàm maturissimas legito, & perfricato, ita ne deteriora semina conteras, mox fiscoello ligneo inclusas exprimito, succumq; earum, qui sit sextariorum sex, cum mellis decocti sextario immisceto, & in lagunculam diffusam oblinito. Sed hoc mense Decembri fieri debet: quo ferè tempore matura sunt myrti semina. Custodiendumq; erit, vt antequàm baccæ legantur, si fieri potest, septem diebus, sin autem ne minus triduum serenum fuerit, aut certè non pluerit: & ne rorulentæ legantur, cauendum. Multi nigram vel albam myrti baccam, cùm iam maturuerit, adstringunt, & duabus horis eam cùm paululùm in vmbra expositam siccauerunt, perterunt ita vt quantum fieri potest, interiora semina integra permaneant. Tum per lineum fiscum, quod pertriuerant, exprimunt, & per colum ianceum liquatum succum lagunculis bene picatis condunt, neque melle, neque alia re immista. Hic liquor non tam est durabilis, sed quàm diu sine noxia manet, vtilior est ad valetudinem, quàm alterius myrtei notæ compositio. Sunt qui hunc ipsum expressum succum sic confectum diutius dicunt permanere: sed quod non decoxeris, poterit innoxium durare biennio, si modò mundè, & diligenter id feceris. Hæc L. Columella, ex cuius diligenti descriptione, atq; eius ex alijs autoribus multi-

plici confectione apparet, quantæ existimationis fuerit apud antiquiores tum propter vim medicam. Valet autem, autore M. Catone ad aluum crudam, & si non consistat, ad lateris dolorem, & celiacum, ad tormina, attestante Columella, & ubi stypticis est utendum. Reiectiones sanguinis inhibet, & dysenteriae medetur, denigrat capillos, & fluentes cohibet, utile item procidentibus sceminarum locis, sedis vitij, & sceminis vulvae fluxione laborantibus: surfures & manantia capitis vlcera, atq; pustularum eruptiones purgat, ebrietatem, ac crapulam, praesumptum arcet. Ad dicitur emplastris, quæ Græci λυπαρὰς vocant. Myrsiniles sic fit: Cum suis baccis ac folijs nigrae myrti ramos sumito. Omnia tundito, & vnciarum decem pondo, in tribus multi congijs, donec duo supersint, aut sesqui-congius, decoquito, colatum verò recondito. Facit hoc ad vlcera capitis manantia, pustularum eruptiones, surfures, tonsillas, gingiuas, & purulentas aures: sudores etiam præter hæc sistit.

De lauro.

CAP. XXV.



A VRVS, quæ Græcè δάφνη, qua voce etiam Latini, ut Petronius Arbiter. Et baccis redimita daphnæ, & etiam Ladonis, patronymica forma, à patre Ladone. Sunt etiam qui κορυθαλλὴν vocitent. Arbor caudice recto, tenui cortice, folijs amygdalinis, verum latioribus, ac viridioribus, in nigrum tendentibus, laureas vocant: quamvis Horat. pro arbore posuerit:

Tum spissa ramis laurea feruidos

Excludet ictus.

Nonnunquam item pro corona sumitur. M. Cato

laureas vocat. Fructus verò bacca est, nigerrima, gustu amara. Græcis daphnides, & daphnococci. Eius plura genera, quæ folio, colore, & baccis discernuntur. M. verò Cato Delphicam & Cypriam & syluaticam distinguit. Pompeius autem Lenæus, ut prodit Plinius, aliam adiecit, quam mustacem appellauit. Hæc folio maximo, flaccidoq; & albicante est. Delphica colore æquali, viridior, baccis maximis, atq; è viridi rubentibus. Hanc verò Lactantius grammaticus tripodem vocari scribit, quòd radices ternas habeat. Cypria autem breui, nigroq; folio est: atq; per margines imbricato, ut Plinius ait. Et ut hanc descriptionem facilius interpretemur: sunt imbrices tegulæ aduolutæ, & canalis in modum ductæ, id est, quæ crurum tuendorum arma imitantur. Ideò Vitruuius in struendarum genere, quod reticulatum vocat, in certa cæmenta, alia super alia sedentia inter se imbricata. Crispa, tinus à nonnullis dicitur. Differt enim bacca colore, quæ illi cærulea est. Hanc syluestrem laurum aliqui intelligunt: nonnulli autem sui generis arborem. Postea verò accessere genera alia, inter quæ regia, quæ cœpit angusta appellari, amplissima etenim, & arbore, & folio, baccisq; non etiam gustatu minimè asperis. Propter quod regiae nomen sortita. Negant tamen nonnulli, vnam eandem esse, verum suum genus faciunt, quæ sit longioribus, latioribusq; folijs: baccalia verò dicitur, quòd baccarum fertilissima sit: hæc enim vulgarissima. Harum autem sterilem, quod demiratur Plinius, triumphalem dicunt, quòd ea

*Lib. Carm. 2.
ode 15.*

vtantur triumphantes. Nisi id à diuo Augusto cœperit, qui ex ea lauro, quæ è cœlo missa sit, reiecta Delphica, coronari solitus fuerat. Altitudine verò minima est, folio breui ac crispo, rara autem inuentu. Plinius verò vnum genus, præter cæteros autores omnes, qui de lauro scripsere, posuit quod taxam vocat. Topiario enim opere accedit, excrecente in medio folio, veluti folij lacinia quædam. Verùm Plinium deceptum, vt in quorundam vocabulorum agnitione, vt pro fraxino taxum legerit, plures arbitrantur. Spadonia miræ opacitatis patentia est. Nam solum sub qualibet vmbra implet. Græci, veluti Dioscorides, quos apud Romanos plures imitati duo tantum posuerunt folijs distincta: vnum, quod latiore folio, alterum verò tenuiori constet. In mari enim rubro laurum viuere Theophrastus scribit, quæ ex toto aricæ persimilis sit.

Lauri natura.

CAP. XXVI.



*Carm. lib. 2.
ode 15.*

A V R V S præter vim medicam vires alias, propè diuinas habet: inter quas maxima est, quòd fulmine non iciatur. Quare Horatius in Odis:

Tum spissa ramis laurea feruidos

Excludet ictus.—

Scribunt enim & Plinius, & Tranquillus, Tiberium principem tonitrua præter modum expauisse, atq; exhorruisse, & hunc tonante cœlo, contra fulminum metus nunquam non lauream coronam capite gestasse. Ob eam verò rem, scribente L. Columella, cubili gallinæ iucubanti, lauri ramulos subijciunt, quòd credant aduersus tonitrua remedium fore. Quidam etiam lauri ramos in dolia imponunt, ne tonitrua & fulgura vina peruertant, per contrariam naturæ vim auxiliaturi. Palumbes præterea, graculi, merulæq; perdicæ quoq; vt noxias bestiolas fugent, nidulis suis folia ingerunt. Scribit etiam Secundus, eas annum fastidium lauri folio purgare. Refert insuper Hôrus Apollo in Hieroglyphicis literis, palumbū quotiens ægrotauerit, laurum frondem in suo nido apponere, quo remedio statim reconualefcit. Quā ob rem Ægyptij hominem sibi ex oraculi responso vtiliter medentem, ostendere volentes, palumbum lauri folium tenentem effigiant. Odio insuper maximo à dæmonibus habetur. Aiunt enim plures sacrum morbum aliquem nec dæmonem eum locum infestare minimè, vbi laurus adfuisset. Quare Romani, boni genij plantam vocauere: secundam enim valetudinem adferre existimatur. Proinde laurus & caricæ Ianuarij mensis prima die, à populo principibus donabatur. Rubigo autem segetum maxima pestis, lauri ramis in aruo defixis abigitur, transiitq; ex aruis in earum folia, attestante Columella. Mirum etiam est, quod de ea in suo Asino aureo scribit Apuleius, vt anethi modicum cum lauri folijs immissum cum aqua fontana, lauacrum & poculum esse ad faciem pristinam recipiendam, arte magica immutatam. Conuenit etiam in maleficijs amatorijs laurum incendi, & si amantium querimonias repræsentet. Columbæ etiam pullis suis contra fascinationes præcauentes, laurinos ramulos nidis reponunt. Anser folium lauri non exest, nec quidem si fa-

me

me prematur, attingit: nec rosam laurinam, neq; etiam vi adhibita. Preclarè enim intelligunt si id comederint, vita se priuatam iri. Hæc Ælianus de animalibus. Scribit etiam Lucianus loco iam citato, equo, asinoq; lauri cibum perniciosum, & è vestigio mori edentes. Empedocles autem philosophus laurum tanti fecit, vti optimam conuersionem in eam arborem potius existimauerit, quasi post mortalium vitam in bestiarum naturam demigrandum sit.

De lauri vi medica.

CAP. XXVII.



Æ sunt lauri vires, à multis proditæ, si veræ sint, admirabiles. Nunc ad eas, quæ à medicis memorantur, & plurimis hominum morbis medentur. Fructus, foliaq; insigniter exalfaciunt, & desiccant, verum plus fructus. Radicis verò cortex minùs, qui acris est: plus tamen amarus, nonnihil adstrictionis habet. Fructus educit & euocat, teste Celso, calculosis prodest, vt asseruit Soranus Ephesius. Baccarum decoctum, imò etiam foliorum, in mulierum infessus additur, vuluæ, vesicæve vitijs conuenit. Folia cum pane vel polenta illita, inflammationem omnem leniunt, oculorum autem cum ruta, cum rosaceo aut irino capitis dolores. Epota enim stomachum mitigant, vomitiones tamen cient. Trina verò manducata, atq; deuorata per triduum à tussi liberant. Trita enim cum melle à suspirijs: Delphicæ autem laurus trita, olfactaq; folia, subinde pestilentia contagia prohibent, tantò etiam magis si vrantur. Decocta autem ad aquæ tertias partes, vuam cohibent, gargarisatione: pota autem alui dolores intestinorumq; sanant. Tenerima enim ex ijs in vino trita, papulas, pruritusq; noctibus illita. Radicis enim cortex grauidis cauendus. Nam partum enecare dicitur. Sunt tamen, inter quos post Hippocratem Plinius vnus, qui partus celeritati plurimum conferre existiment: radice acetabuli mensura pota, atq; id efficacius recentem, quàm aridam, iocineri bibitus in vino odorato, trium obolorum pondere prodest. Baccæ autem ex melle passõe concisæ, in eclegmate, tabi, quam phthisim vocant, orthopnææ, & omnibus thoracis rheumatismis, vtiles. Nam excoquunt, pituitamq; extrahunt: menses autem tritæ & potæ. Binæ verò detracto cortice, in vino potæ, tussim veterem sanant, epinyctidas ex oleo illitæ, & lentigines, & vlcera, tam manantia, quàm oris, atq; etiam furfures. Ex oleo autem & aceto illinuntur, & lien ac iocineri gangrænisq; cum melle. In remedio enim iacentis vuæ, quadrantem pondo baccarum, foliorumve decoqui in aquæ sextarijs tribus ad tertias, eamq; calidam gargarizare est. In capitis verò doloribus baccas impari numero cum oleo conterere est, & calfacere. Miscentur autem medicamentis, quæ neruorum lassitudines reficiunt (acopa verò vocant) & vnguentis, quæ vel calfaciunt, vel discutiunt. illarum verò succus aurium dolori, & grauitati cum vino vetere, & rosaceo oleo vtilissimè instillatur. Pruriginem, & phthiriasim emendat. In figatione etiam aut perfrictione, addito nitro eo perungi prodest.

Eiusdem

Eiusdem erga animalium noxas remedia, & quibus item illius remedijs, animalium morbis subuenimus, & ab illorum molestijs defendimur.

CAP. XXVIII.



CONCISA. Lauri folia, mox illita, serpentium venenis resistunt, præsertim verò dipladis, viperæ, & sæpis. Aduersus autem scorpiones, araneos, & serpentes, baccæ tres ex vino bibuntur. Quidam tamen contra scorpiionum ictus, decem potui dari iubent: succus etiam illarum ad ea potus prodest, maximè eius lauri, quæ tenuiora folia gerit. Contra autem venenata animalia succi remedio, & contra omnia alia venena munimur. Hoc etenim inuncti protegimur, vt etiam venenose bestię nos fugiant. Contra etiam apium, vesparum, crabronumq; ictus, profunt folia trita, & illita. Lauri folia in aqua marina decocta, omnes pulices peluim ingredi compellent. Oestrus, siue Myopes, siue tabanus bouem aliaq; quadrupedia in amentiam præcipitare solent, maximè per æstiuos calores, aduersus quas molestias si lauri baccam contuderis, & in aqua coxeris, & eo loco vbi boues depasturæ, aut incubaturæ sint, insperferis, proderit. Hæc Sotio. A muscis autem ne infestentur, baccas lauri contundito, atq; oleo incoquito, & boues inungito. Huius autē arboris vim propè diuinam, non ignorarunt aliquot animalia. Nam coruus auis, occiso chamæleonte, qui etiam victori nocet, lauro infestum virus enecat. Pituita enim gallinas, præsertim messis, ac vindemiæ tempore, vt plurimum infestat: illarum medicina est, vti cubatus earum in lauri fumo fiat. Hoc autem fit cæca naturarum discordia, quam antipathiam vocant. Aduersus autem boum coriaginem, attestante Columella, proderit laurum decoquere, & ea calida terga fouere, multoq; oleo & vino confestim subigere, ac per omnes partes apprehendere, & attrahere pellem, idq; optimè fit sub dio, sole feruente. Idem animalis genus cephalalgia, hoc est, capitis dolore torquetur: quod tunc dignoscitur, vbi aures demittens non comedit: tum foliorum lauri, quantum manus apprehendit, in os iniicitur.

De laurino oleo.

CAP. XXIX.



LAVRINI olei ratio ex Dioscoride huiusmodi est: Lauri maturæ baccæ in aqua decoquantur. Siquidem pinguitudinem quandam ex cute eas vestiente reddunt: quibus manibus pressis concha excipies. Quidam omphacinum oleum prius cypiro, iunco odorato, & calamo inspissant: deinde lauri tenerrima folia coniiciunt, & omnia simul coquant. Alij baccas cum folijs, donec oleum odorem contraxerit, adiiciunt. Nonnulli styracem & myrrham addunt. Quidam, Actuatio autore, lauri baccas maturissimas, absque alterius rei mistione tundunt, post prælo vel fisco oleum exprimunt. Palladius sic: Lauri baccas quàm plurimas atq; maturissimas, in aqua calida bullire faciunt, atq; vbi diu deferbuerint, quod ex se effu

se effuderint, oleum vndæ supernatans pennis leniter cogentibus in vasa transfundunt. Probatissima ad hoc latifolia & montana, quam Plin. syluestrem interpretatur, baccis nigrescentem. Laurinum oleum eò vtilius, quò recentius, colore quoq; viridius, atq; amarissimum & acre. Vis eius excalfactoria & emolliens egregiè, ideoq; paralyticis, spasticis, vel ischiadicis subsidio est, & ijs, qui scabie scatent, & asperis impetiginibus obsidentur, in balneo illitum: verùm eo conuenit abstinere in lichenibus, & pforis, & alijs inflammationem minantibus, & in reliquis calidioribus & biliosis temperaturis. Siquidem frigidis, ac humidis corporibus, & pituitosis congruit, aut etiam his, qui perfrictione affliguntur, & his, quorum articuli præ algore vexantur. Vermes & pediculos tam agrestes, quàm domesticos, & lendes enecat. Capitis furfures emendat: alopecias, & quæ ophiasis nominatur, corrigit. Ad hos enim vsus in balneo illinendum, postea verò oportet vino, & melle, vel ouo, cum melle & fenugræci farina detergere. Cauendum est, ne capiti calorem sentienti hoc admoueat. Inueteratis distillationibus auxiliatur. Ano suppositum, vel iniectum hæmorrhoidum dolorem mitigat, & ex his profluentem sanguinem sistit. Ex Delphica ad laxandos lateris dolores, frigore concretos, febresq; frigidas illitum non aliud vtilius, item ad aurium dolorem in mali punici cortice tepefactum. Attamen nauseam potum parit. Si eò boues inuncti fuerint, ab muscarum molestijs tuti erunt. Fit etiam è lauro vinum, vt Plinius ait.

De adagijs, Laureolam in mustaceis querere, &

δαφνίτην φέρω βακτηρίαν.

CAP. XXX.



V PRA è Plinio vnum genus lauri Pompeium Lenæum mustacen vocare docui, quoniam mustaceis adijceretur, alij nonnihil nigræ lauri. Est autem mustaceum libi genus cuius confectionem Cato de re rustica docet, in quo lauri folia adderentur. Quare Cicero ad Atticum dicit, Bibulum in Amano cepisse laureolam in mustaceo, non sine cauillo. Quum enim quis absumpto mustaceo seriùs aduenisset, vt nihil præter laurum, quæ mustaceo substernebatur, remansisset, facetè dicebatur, ille in mustaceo laurum quærit, vt potè cui præter sedimentũ nihil superesset. Quum itaq; deuictis, profligatisq; à Cicerone Amani montis incolis, Romani populi sempiternis hostibus, Bibulus superuenisset, vt nonnihil gloriæ occuparet, falsè à Cicerone dictum est, eum in mustaceo laureolam quæsisse. Quod in eos dicitur, qui in minimis, ac friuolis negotijs venantur gloriam. Laurus insuper alexipharmacum est aduersus venena, vt supra dictum est, vnde Græcum adagium *δαφνίτην φέρω βακτηρίαν*, hoc est, laureum gesto baculum. Quod his

conuenit, qui sceleratè à periculo aufugissent, & tutos se asserere volentes illud pronuntiant.

R Prefat



Præfatio libri vigesimisecondi.



DE Æ nonnullis arboribus, quæ non ubiq, nec passim, nec apud omnes proueniunt, & si peregrinarum appellatione veniant minimè superius diximus. Hoc autem, sequenti libro de sola olea scripturus sum, multis gentibus familiari, quod iustum aquum propter eius ac eximiam virtutem atq, necessitatem, ut propterea exactior profectò debeat esse historia & diligens conquisitio, uti etiam Galenus de oleo quod ex olea liquecit integrū librum satis amplum conscripserit, & in eo plusquam in alio ex simplicibus inhaerit. Quod si utilitatem altius pensare velimus, nulla alia res ea maior inueniri poterit siue ad rem familiarem spectes, siue ad rei medica necessitatē: prætereo vnguenta & alia quæ tantum corporis ornandi & luxus causa preparantur. Democritus autem interrogatus, quæ ratione homines inoffensa valetudine degerent, atq, animi illum vigorem custodirent, respondisse fertur, si corporis externa oleo, interna melle linirentur. Non solum corpus inungimus verum etiam extrinsecus, quo nil salutaris, ut nos ad balnea & gymnasia ad frictiones sequatur. Quod vltimum primo Græci publicarunt. Et si Anacharsis insania pharmacum dixerit, quod eo vincti athleta inuicem feruentius & ardentius atq, furiosius insultarent. Mirum itaq, dulcem succum bibere & alieno insci sapore, etiam si oleum absq, odore sit, ut ideò vnguenta ad quæ frequenti usu, nullo modo inficiat, quod testatur Lucretius:

Ac possis reperire inolentis oliui

Naturam nullam, quæ mittat naribus auram

Quàm minimè ut possit mistos in corpore odores,

Contractansq; suo contractus perdere viro.

Quod si natura hoc illud illi denegatum sit, eius tamen beneficio, nulla alia magis re, odores incorruptius perdurant. Quod diuturnitati eorum tanto vtilius, quanto pinguius. Non prætereundum insuper, quod usus eius erga Deos ac illorum sacrificia non infrequens fuerit, unde lebasion poculum, quo in sacris oleum libaretur. De olei verò præconio, hæc pauca: omnia enim recensere, non parui laboris neq, inexperti viri: plura tamen infra exprimentur.



HORTORVM LIBER

VIGESIMVSSECVNDVS.



*De olea, & arbore, sub qua Latona peperit Apollinem,
& adagio, Extra oleas.*

CAPVT I.



INTER autores non bene conuenit, sub qua arbore Latona Apollinem pepererit. Euripides enim in Hecuba, palmam primum in Delo insula natam quam amplexata Latona Apollinem edidit. Tacitus autem Latonam partu grauidam, apud Cenchrū amnem prope Ortygiam oleæ adnixam, Dianam & Apollinem enixam scribit, quæ tunc maneat, Nemus quidem sacratum, deorum monitu. Sed arborum harum duarum dissidium Ælianus diremit. Nam in Delo esse & oliuam & palmam, quibus à Latona tactis, ipsa subito peperit: quod antè facere non potuerat. Diogenes cum vidisset iuuenem in diuersorio oleas esitantes, Si sic prandisses (inquit) non ita cænares. Idem etiam cum Platonem in lautissimo conuiuio degustantem oleas intuitus fuisset, illum percunctatus est, quamobrem in Siciliam huiusmodi mensarum gratia profectus, appositis modò oleis non frueretur: cui ille, At Hercules, ô Diogenes, illic & oleis & reliquis huiusmodi pluribus vesebar. Cur igitur, ait ille, Syracusas adnauigare te oportuit? An Attica tunc oleam non ferebat? Quibus verbis Platonis nauigationem subarguere videbatur. De oleæ nonnullis nomenclaturis suprâ dictum, præter quas nostri termitem vocabant, vnde & vnum Macrobio genus termitia dicitur. Apud Græcos verò præter alias denominationes *κελλιελαια* vocabatur. Ij etiam in Academia satam moriam vocabant. Alij sic distinguunt, vt oleas publicas, morias vocitent. Cæteri moriæ stipitem *σικον* dici volunt. Caper grammaticus oliuam arborem esse dicit, oleam verò fructum, oleum liquorem. Quæ autem differentia, parum obseruationis in duobus primis apud classicios autores habet: quod vno tantum Vergilij testimonio demonstrare sat erit. Ait enim in secundo Georgicorum:

Sed truncis oleæ melius propagine vites

Respondent.— Iam superest vt ad eius descriptionem deueniamus. Arbor enim radice parua, è medio tendente, cæteris grandioribus, & cancrorum similitudine contortis. Folijs angustis: supina magis quam prona parte, contra cæterarum naturam candicantibus, saligne fronde,

R 2 tenui.

tenui. Flauam Vergilius vocat: qui color ex viridi & albo concretus est. Flos pusillus, foliatus, fructum ambiens. Fructus enim per maturitatem nigrescit. Post decimum sextum calendas Octobris, Carne, nucleo, & amurca constat. Rami oleagini thali dicuntur, à similitudine plantæ pedum hominum. Senfa Columellæ, oliuæ os dicitur, Græcè *τίτυπα*. Vna omnium in opere maximè regerminat, sudat enim lacrymam. Cicadæ oleas vehementer amant, ut potè minus umbrosas. Polypus piscis, auribus & Oppiano, & Eliano, adeò oliuam amat, ut eam non aliter, quàm canes lustra ferarum, perquirat. Quam cum inuenerit, primum applaudit, & arboris truncum amplectitur, post enixè ramos, quibus dehinc pascitur, & post lætus ad vndas reuertitur, ut præterea eius erga eam amor, in exitium cedat. Nam piscatores illorum retia fronde neſcunt: ut ad hæc polypi auidius defiliant, autore Clearcho. Stadia autem oleis per seriem oppositis, ad certamina utrinque sepiebantur: quas præterire licebat minimè: ut qui extra has current, extra stadium decurrisse dicebantur. Vnde natum adagium, Extra oleas. De quo Aristophanes in Ranis. In eos autem dicitur, qui præscriptos terminos transgrediuntur.

Oleorum genera.

CAP. II.



OLEA R V M, sicut vitium genera plura esse, Columella arbitratur, verum in eius tantum notitiam decem peruenisse, de quibus infra. Differunt enim ut plurimum, vel forma, vel colore, aut succo, sæpe etiam loci natura, bonitate ac magnitudine. In Ægypto, carnosissimis, olei exiguum est. Laudatur & Africana, Aquilia, & Alexandrina. Decapoli verò Syriæ, perquam parua, nec capparî maiores: carne tamen cõmendantur: quam ob causam Italicis transmarinæ in cibis præferuntur, cum oleo vincantur. In ipsa enim Italia Sidicinæ & Picenæ. M. tamen Varro quæ in agro Casinate, præfert, etiam autore Vergilio,

Georg. 2.

- Atq; olea magnum vestire Taburnum.

In Sabinis etiã laudatissimæ Bætica Hispaniæ regio, oliuis fertilis. Silius:

Silius lib. 3.

Palladio Bætis ornatus cornua ramo.

Et alibi:

Nulla Palladia sese magis arbore tollit.

In ea enim esse lucum Mela scribit, quod oleastrum dicitur. Et harum omnium quædam ad escam idoneæ: cætera ut liqueſcant, reſeruantur: de quibus speciatim in suis generibus dicitur. Sed de his facilis delectus, quod generaliter semel præcepisse sufficiet, ut maiores oleo, minores verò cibo præfecturæ sint. Quæ verò ad hoc optima erit conditiua, siue, ut Varro voluit, conditanea dicitur, quod utilis, ut hic arbitratur, ad condiendum sit. Vergilius autem Maro tria solum genera posuit, orchiten, pausiam, radium. Orchis verò, autore Seruio, à Græca etymologia, verum obscœna, id est, à testiculis, qui *ὀρχῆς* dicuntur. Probus à magnitudine appellatam, quod testibus ferè par sit. Nam grandes sunt, quàm obrem à nonnullis archemoræ vocantur. Huic Columella secundum locum attribuit, ut ad escam melius quàm in liquorem stringatur. Radius à longitudine

tudine nominatus, ut dicit Seruius, ut Varro radium maiorem appella-
uerit, melius in liquorem, attestante Columella, stringitur. Pausia, à Cato-
ne Possia ex literarum cognatione, & à Probo Possia appellata: à pauien-
do, id est, tundendo dictam Seruius autumauit. Aliter enim oleum ex se
non faciet. Alij tamen à sapore nominatā, quod fiat *παύση*. Sunt etenim
baccæ eius succi amarioris, ideò incomedibiles. Bacca iucundissima, quæ
in nigrum transeat colorem, cuius oleum, inquit Columella, egregij
est saporis, dum viride est. Porro vetustate corrumpitur. Præter has Var-
ro & Columella annumerauerunt fergianam, siue, ut hic voluit, fergiam,
quæ, hoc autore, plurimum olei effundit. Colmineam, quam hic culmi-
niam vocat, Licinianam, cui Plinius præcipuam gloriam tribuit, quæ Li-
cinianum oleum in Venefrano Italiæ agro ferret. Vnguenta, hanc palmā
dedere, accommodato ipsis odore: dedit & palatum, delicatiore senten-
tia. De cætero etiam liciniæ baccas nulla auis appetit. Optima etiam Co-
lumellæ videtur, quæ oleum optimum det. Ille autem præter has Albi-
gerem, Salentinam posuit. Hic verò algianam, cinianam, circiten, myr-
team, ac regiam. Omnes numero (ut suprà scripsi) decem. Regia bacca
speciosissima, uti propterea hoc nomen sortitum videatur: gratissimaq;
est, & si succo abundet minimo, potius escæ, quàm oleo, idonea. Colu-
mella tamen neq; specie neq; oleo tam grata quàm licinia, pausia, orchis,
sicut nec radius. Ab alijs maiorina ob magnitudinem, ut existimo. Græ-
cis etiam autore Polluce *φάυλια*, quam hic & colinidam & trabellum
vocat. Apud eundem Pherecrates trambellos in oleastro insitas oleas
vocabat. Echinus genus oleæ, & ischades & gergerimæ. Apud Pollucem
verò reperiuntur drypetes, niétrides, quas Pherecrates cotinidas vocauit.
Erit ergo ex Polluce eadem cum phaulia. Nunc ad ea genera, quæ ex ho-
minum artificio sunt. Colymbades conditæ erant, ideò sic dictæ, quod
oleo suo puræ, non exquisita commendatione innatent, *κολυμβᾶν* enim
vrinare est, hoc est, sub aquam esse; vnde vrinatores Græcè *κολυβιτᾶς*
vocat, & colibantes aues natantes & vrinantes, quales anates dicuntur.
Cum his verò quidam halmades confundunt, quæ in muria seruantur:
ἀλμη enim Latinis muria est. Alij quòd sole condiantur, sic nuncupari
censent. Verum Paulus eas distinguit, ut colymbandes, quæ oleo suo pu-
ræ, hoc est, sine accersita commendatione innatent, quasi vrinabundæ.
Hermippus verò halmades cum fœniculo conditas scribit, quæ etiam
netrides, quòd innatent. Pityrida, siue pyrene, genus oliuæ fractæ. Oleas
autem contusas comici *στυπιδας* vocarunt: de quibus in Nisis Aristo-
phanicis. Nunc thlastas vocant. Sunt & stemphylides dictæ. Græci enim
quæ pressis oliuis superest, stemphyla vocant. Genus oleæ est, quæ ab
intorta specie *στυπὴ* dicitur.

Olea vis.

CAP. III.



MBROSIVS diuus in Hexamero prodiit ægrotantem ceruum
sanum fieri, mansis oleæ ramusculis, & locustas ab ægitudine
liberari, arrosis oleæ folijs. Sunt etiam qui tradant baccarum

R 3 decocto

decocto seu iure, pulices interire, si domicilium hoc aspersum fuerit: hocq; magis si cymini agrestis triti nonnihil commistum fuerit. Et hæc quò ad animalia. Oliuæ si exquisitæ, & ad vnguem maturuerint, moderate calidæ, ad siccum inclinantes. Immaturæ autem adstringunt & refrigerant, siccæq; sunt: ventrem roborant, pulmone tamen noxiæ. Nigræ enim facile acceptibiles, corruptioni opportunæ, ventriculo, oculis, capiti, tum etiam vesicæ nocuæ. Drupæ pinguem habentes succum, stomacho aduersantur, crassi humoris efficaces, exiguum alimenti corpori præbent. Albæ verò & recentes stomacho vtiliores. Colymbades & halma-des frigida & sicca sunt naturæ, & adstringentis saporis. Stomachum firman. Sumptæ verò ante cibum, vim appetendi excitant, & aluum subducunt, magis autem si ex aceto & oxymelle condiantur. Facilius enim concoquitur quicquid gustu iucundius est. Præclarum habent antequam condiantur vsum. Per se enim cibi modo deuoratæ, arenosæ urinæ medentur, dentibus attritis aut conuulsis. Nigra enim siue flaua, trita & illita ambustis prodest. Commanducatur & protinus ex ore imposita, pustulas gigni prohibet. Arefacta & illita, depascentia vlcera sistit, carbunculosq; emarginat. Oliuas albas priusquam insit oleum, Hippocrates siccari, & tundi iubet, ac cribrari, & cum vino propinari. Hoc autem & menses & secundas elicit. Colymbades vlcera putrida illitæ curant. Aqua autem, in qua oliuæ salitæ fuerint, dentes iuuat. Folia enim, autore Celso, corpus exedunt, vehementissimè adstringunt, sistunt, purgant. Manducata verò, & vlceribus imposita medentur, & capitis doloribus cum oleo illita. Oculorum medicinis conueniunt. Capitis dolore liberari aiunt, qui folio oleæ Mineruæ nomen Athena inscripserit, & ipsum folium cum filo circum caput obligauerit ad quotidianas febres. Alexander Trallianus ante Solis exortum folium oleæ capiebat, in quo communi atramento Ca. Roi inscribebat, & collo suspendebat. Succus eorum sanguinis eruptiones, & muliebre profluuium admotus inhibet: pustulis, oculorum vix, prodest: aphthæ horum decocto eluuntur. Vlcerata & veteres defluxiones sistit: quapropter in collyria ad genarum erosiones additur, carbunculationibus etiam efficax. Exprimitur succus tuis folijs adfuso vino ex aqua cœlesti, siccatusq; in sole in pastillos conformatur. Sed longè efficacior ad seruandum qui cum vino quàm cum aqua expressus fuerit. Auribus purulentis, siue exulcerentur, subuenit: menses sistit in lana vuluæ admotus, vtis quidem condylomatis, sacris ignibus, & quæ serpunt vlceribus, & epinyctidi. Eosdem effectus habet flos, & eius decoctum. Flores medici vrunt, & cum melle circumscribunt. Hac ratione sanguinis profluuium è neruosis partibus cohibent. Vrantur cum floribus folia, vt spodij vicem cinis præstet. Cremantur in crudo fictili, operculato, luto vndiq; circum illito ore, vsq; dum figlinum percoquatur, tum vino restinguitur, eodemq; modo iterum vruntur: deinde cerusæ modo lauatur cinis, & in pastillos digeritur, quo cinere oculos cum polenta illinunt. Nam huiusmodi cinerem oculorum medicamento, spodio non cedere constat. Oleæ ramuli quantum habent adstrict

adstrictionis, tantæ frigiditatis participes sunt. Succus illorum distillatus, furfures, manantia vlcera, lichenas sanat. Quàm tenerrimæ oleæ dera-
sus cortex, cum melle, crebro gustatu, sanguinem reiicientibus, & suppu-
rata tussientibus medetur. Radicis verò cortex drachmæ instar, cum vi-
no, aut aqua deglutitus, pituitam euacuat. Oleæ cinis cum axungia, tu-
mores sanat, vitia fistularum extrahit, atq; illas sanat.

De loco ad cellam oleariam seligendo.

CAP. IIII.



ARCVS Cato, grauis, ac diligens totius agriculturæ au-
tor, in eo quidem paruo libello, quem de agricultura no-
bis posteris legendum reliquit, vt nihil tamen quod ad
agriculturam pertineat, intactum reliquerit, ad oleam co-
gendam, quæ opus erunt, antè præparanda præcipit. Et-
enim cogitandum, quotannis magnas tempestates euenire solere, qui-
bus sæpe oliua deiici solet. Quòd si citò sustollatur, & parata vasa erunt,
minùs damni in tempestate erit. Primùm enim patremfamilias villam
rusticam bene exadificatam habere expedit, & cellam oleariam, & id rei
plurimùm ei & virtuti ac gloriæ cedere, laudabiturq; fundus, si eam ad
modum agri habeat. Hic etiam ad oliuetum agri ducentorum quadra-
ginta iugerum, formulam quandam, & certum aliquot hominum, atque
animalium, instrumentorum quoq; perscripsit numerum: quæ omnia
membratim enumerat: quàm tamen M. Varro pluribus improbat, vt
apud eum videre est: Etenim perquam difficile, aliqua certa lege hoc
præcipere. Sed id experiens paterfamilias, ac diligens agricola, ex agri, na-
tura, atq; bonitate suo ingenio metiri poterit: atq; certum modum sibi ipsi
statuere. Cella olearia, autore Palladio, partibus meridianis obijci debet,
vt contra frigus munita sit. Ad eum enim cœli statum constituenda erit,
quæ maximè à ventis frigidis auersa sit. A meridie etiam debet inlustrari,
ne necesse habeamus ignes lucernamq; adhibere, cum olea premitur, nec
per specularia lumen admitti: ita & operas, quæ hyeme futuræ sunt, nul-
lus algor impedit, & oleum, cum premitur, teporibus adiutum, non
adstringetur. Illud autem præcipiendum in totum Columella habet, vt
neq; fumus, neq; fuligo, quàm diu oleum conficitur, in torcular admit-
tatur, aut in cellam oleariam. Nam contrà, res inimica huic rei: his enim
maximè olei sapor corrumpitur, peritissimiq; olearij ad vnam lucernam
opus confici, vix patiuntur. Calore enim naturali tantum opus, ne patia-
tur congelari olea. Nam, autore Theophrasto, oleæ causa conquirendus
calor naturalis. Nempe nimio caloris tepore oleum extenuatur, & etiam
fracescit: quod tunc contingit, quando intra cellam oleariam ignis præ-
ter modum admittitur. Fracescere enim, ne quid ignoretur, dicuntur
oliuæ, quæ collectæ caldore, & vetustate putrescunt. Fraces verò sunt oli-
uarum carnes.

*De præparandis ad oliuitatem loco & instrumentis, & de
torculari.*

CAP. V.

MVLTA



M V L T A ante oliuitatem, sicuti ante vindemiam, vt doctissimè & elegantissimè præcipit L. Columella, ne cùm res desiderauerit, operæ auocentur, præparanda sunt, veluti copia lignorum antè apportanda est. Neque ad id nucleis vtendum: alias oleum sapiet. Tùm scalæ, corbulæ, decenodiæ, trinodiæ, satoriæ, quibus depletur oleum. Opercula item quibus vasa olearia conteguntur. Spongiæ maiores & minores, vrcei, quibus oleum progeritur: canneæ tegetes, quibus oliua excipitur, & alia. Præterea lacus & dolia præparanda, quæ sub tecto habere oportebit, quæ seorsum recipiant sui cuiusq; generis amurcam, siue quæ sincera defluerit, siue etiam quæ salem receperit. Nam vtraque vsibus plurimis idonea est. Corbulas autem ex salice esse oportebit. Nam salix ad pulchritudinem olei multum facit. Hæc omnia & multò plura præparari & esse debent: quoniam in vsu depereunt, & pauciora fiunt. Quorum si quid suo tempore defuerit, opus intermittitur. In conficiendo autem oleo, machinis quinque antiquos vsos fuisse Columella scribit, videlicet, mola, trapeto, canali, solana, rudicula. Vlpianus etiam Iurisconsultus, libro decimonono Digestorum scribit, fundi locatorem præstare conductori debere prælum, & trapeta, instructa funibus, sin minus dominum eà instruere debere: sed & prælum, & trapetum vitiatum reficere debere. Quòd si regulis olea prematur, & prælum, & succulam, & regulas, & tympanum, & trochleas, quibus releuatur prælum, dominum præstare oportere. Item ahenum, in quo olea calida aqua lauatur, & cætera vasa olearia dominum præstare oportere. Fiscos enim, quibus ad premendam oleam vtimur, colonum sibi parare debere. Neratius item Iurisconsultus idem scribit. Quàm diligentes autem fuerint antiqui in premenda olea, ex his duobus Iurisconsultis patet, qui hoc non ignorarunt. Præcipit etiam Cato torcularia bona habere oportere, vt opus bene effici possit. Quàm calidissimum enim & torcular esse & cellam oleariam is præcipit, & M. item Vitruuius proximè culinam torcular ponit. Torcular autem ipsum, si non cochleis sed vectibus torquetur, per medium senumdenum pedum spatium occupare debet, vt voluit hic. Hac verò ratione, opus plurimum facientibus, libera & expedita erit versatio. Quòd si prælis duobus opus erit, loco latitudo quatuor & viginti pedum detur. Nam vasa & instrumenta secundum locorum amplitudinem habere oportet. Nam Cato in oleto bono, bene & frequenter culto, tres trapetos præscribit, quorum formam & ipse posuit, verum id iudicio boni patrisfamilias (vt iam supradiçtum est) relinquatur. Tabulatum verò, quo ferantur olea, habere necessarium erit. Et si præceptum habeamus, vt vniuscuiusq; diei molis & prælo confestim subijciantur: verumtamen quia interdum non parua multitudo baccarum, torculariorum laborem vincit (si labor existimandus sit) pensile horreum, quo imponantur fructus, esse oportet: idq; tabulatum esse debet simile granario, & lacusculos habere, atq; tam multos quàm postulat modus oliuæ. Cellam enim oleariam ita instructam habere conuenit, vt magnitudo & instrumenti numerus oliueto respondeat, sicuti &

in omni artificio. Nam & separari bacca debet, & seorsum reponi, vniuscuiusque diei coactura. Horum autem lacusculorum solum, regulis, aut lapide consterni oportet, atq; ita fieri decliue, vt omnis per fistulas aut canales humor celeriter defluat. Itaq; cum lacus, quemadmodum diximus, extruxeris, asserculos inter se distantes semipedalibus spatijs supra solum ponito, & cannas spissè textas, ita vt baccam transmittere queat, & oliuæ pondus possit sustinere, diligenter inijcito. Iuxta autem lacusculos ea parte, qua defluit, amurca, sub ipsis fistulis, in modum fossularum, concavum pavimentum, vel lapideum cauum esse oportebit, in quo consistat, & inde exhauriri possit, quicquid defluerit.

De nonnullis alijs ante oliuitatem faciendis, & de vasis

olearijs.

CAP. VI.



ALIÆ sunt, quæ ex autoribus rei rusticæ, quos M. Catonem, M. Varronem, L. Columellam intelligo (ij etenim rem oleariam diligentius describere) deprompsi, quæ ante oliuitatem facere, necesse erit. Dolia autem, & ferix, in quibus oleum reponitur, non tantum eo tempore curanda sunt, cum fructus necessitas cogit, sed vbi fuerunt à mercatore euacuata. Villica curam adhibere debet, vt si quæ amurcæ facies, in fundis vasorum subsederint, statim emundentur, & id non calidissimo lixiuio, ne vasa ceram remittant, sed semel atq; iterum eluantur. Deinde aqua tepida leniter manibus defricentur, & sæpius eluantur, atque ita spongia omnis humor assicetur. Efficere enim debet, vt quàm maximè synceritas pura constet. Sunt autem qui cretam figularem, in modum liquide facis, aqua resoluant, & cum vasa lauerint, hoc quasi iure intrinsecus oblinant, & patiantur acescere: postea cum res exigit, pura eluunt aqua. Nonnulli verò prius amurca, deinde aqua, vasa perluunt, & assiccant. Tunc verò considerant nunquid ceram nouam dolia desyderent. Porro ferè sexta quoque oliuitate cerari oportere, antiqui dixerunt, quod fieri non intelligit Columella. Nam quemadmodum noua vasa si calefiant, liquidam ceram facillè recipiunt, si vetera non crediderint, propter olei succum ceraturam pati, quam tamen & ipsam ceraturam, sui temporis agricolæ repudiauerunt: existimaueruntq; satius fore, noua dolia liquida gummi perluere, siccataq; suffumigare alba cera, ne pallorem capiant. Eamq; suffitionem faciendam indicat, quotienscunq; vel noua vel vetera vasa curantur, & oleo nouo præparantur. Multi autem cum semel dolia, vel serias, crassa gummi liuerunt, vna in perpetuum gummatone aliam ceraturam non recipiat. Respuit enim olei pinguedo, talem materiam, qualis est gummi. Dolia noua sic imbuenda docet Cato, vt hæc per dies septem amurca impleantur, & quotidie suppleatur. Postea amurcam eximito, & arefacito. Vbi arebit, cuminum pridie in aquam infundito. Ea postridie diluito, postea dolium calefacito minus, quàm si picare velis, tepeat, satis est. Leuibus lignis facito vt calefcat, vbi verò temperatè tepebit, tum cuminum indito, postea linito. Si rectè liueris, in dolium

S quinq

quingagenarium, cumini pondo quatuor satis erit. Oliuitate enim facta, praela sustolli debent, corbulæ, vasa omnia, suo quoque loco in futurum tempus aptè reponi debent, ne dum his opus erit, alia perquirere necesse habeat, sitque & impensæ & molestiæ pœnitentia. Sunt & alia, præter hæc ad faciendum oleum vasa idonea, & illius vsui accommodata. Crateres Marcello, vasa olearia sunt. Vergilius in Bucolicis:

Ecloga 5. Craterasque duos statuam tibi pinguis oliui. Et in sexto Æneidos:
- Fuso crateres oliuo. Lecythus Græcè vas olearium, qua etiam voce vsi sunt autores Latini. Cyprianus pro lecytho caplacem est interpretatus, & Hieronymus, etsi priori voce vsus fuisset. Cicero enim in suis orationibus & Cæcilius Plinius pro flosculis, & nitoribus oratorijs vsus est. Orce vasa olearia, à similitudine orce marinæ beluæ. Sunt etenim teretes atque amphoræ supernæ. Ampullam oleariam Apuleius in secundo Floridorum pronuntiauit.

De officio capulatoris, & custodis.

CAP. VII.



NUNC de capulatoris, ac custodis, ex M. Catone, officijs, quæ ipse nobis tanquam formulas quasdam faciendi dei præscripsit. Est autem capulator, ut à diffinitione incipiamus, ex rei agriculturæ autoribus, qui capulis oleum deplet: & capulo verbo etiam hic vitur: cuius officium est ne ligna in torculario cædat, sed oleam frequenter capulet. Capulæ Varro vasa sunt, à capiendo dicta, quod capi facile possint, quod ansatæ. Capulatoris autem officia, hoc autore, hæc ipsa erunt. Seruet diligenter cellam & torcularium, caueat quàm minimùm in torcularium & in cellam introeat. Quàm mundissimò purissimoque fiat vase aheneo, neque nucleis ad oleum vtatur. Nam si vtatur, oleum male sapiet. Cortinam plumbeam in lacum ponito, qua oleum fluat. Vbi autem factores vectibus prefferint, continuò capulator concha oleum quàm diligentissimè poterit, tollat, ne cesset. Amurcam caueat ne tollat. Oleum in labrum primùm indito, inde in alterum dolium indito. De ijs labris fraces, amurcamque semper subtrahito. Cùm oleum de cortina sustuleris, amurcam dehaurito. Custodis autem officia hæc etiam, eodem doctore, sunt: quæ in torcularia vasa erunt, pura habeat, curetque uti olea bene perficiatur, beneque siccetur, ligna in torculario ne cædat: oleum frequenter capulet. Factoribus in singulos factus olei, sextarios & in lucernam quod opus fiet. Fraces quotidie eiiciat, amurcam commutet usque adeò, donec in lacum, qui in cella est, postremùm peruenerit. Fiscinas spongia effingat. Quotidie lacum oleo commutet, donec in dolium peruenerit. In torculario & in cella caueat diligenter, ne quid olei surripiatur, quod præcipuum erit eius officium, etiam ex eius nominis significatione.

Tempus oliuitatis, & quibus machinis oleum melius conficiatur.

CAP. VIII.

O L E V M



LEVM augeri Plinius scribit ab Arcturi exortu ad decimum sextum Octobris Calendas, & cum sitienti imbres copiosi accessere, in oleum vitari amurcam, cuius color olium cogit nigrescere: unde hominum error falsus, existimantium hoc maturitatis initium fore, quod est vitij proximum. Sequens verò quod oleum crescere oliuæ carne arbitrantur, quum omnis succus abeat in corpus, & lignum intus grandescat. Ergo tum maximè rigantur. Quod ubi imbres accesserint, oleum absumitur, nisi secuta serenitate, quæ extenuat corpus. Paxanus autem è Grecis, tempus oliuitati statuit idoneum, quum plus parte dimidia bacca nigruerint. Quod describit Ouidius, cum in sua Metamorphosi sic ait:

Ponitur hic bicolor syncera bacca Minervæ.

Metam. lib. 8.

Tunc enim oliuarius ex agro in prælum solidatum, onus progerit antequàm gelent frigore. Sic enim largiores partus matres postea ministrabunt, & bacca copiosius oleum fundent. Columella verò post mensem Decembrem circa Calendas Ianuarias distringendam dicit oleam: verum certior erit ratio ex coloris mutatione, quum, ut ipse ait, incœpit nigrescere, & variam vocat: quæ tunc certè erit aut præcocius, aut serius secundum regionum differentias. Oleo autem conficiendo ex Columella molæ vtiliores sunt, quàm trapetum, cuius inuentor fuit Aristeus Atheniensis, Liberi Patris filius: Trapetum autem vtilius quàm canalis. Etenim molæ quam facillimam patiuntur administrationem. Quando verò pro magnitudine baccarum vel submitti, vel etiam eleuari possunt, ne nucleus, qui saporem olei vitiat, confringatur, rursus trapetum plus operis, faciliusq; quàm solea & canalis efficit. Est & organum erectæ tribulæ simile, quod tudicula vocatur. Idq; non incommodè opus efficiet, nisi quod frequenter vitiat, & si bacca plusculum ingesseris, impeditur. Pro conditione tamen, & regionum consuetudine, prædictæ machinæ exercentur. Sed est optima molarum tum etiam trapeti ratio. Hæc ex Columella, quæ sicut ille, antequàm de oleo differerem præfari necesse habui. Sed iam quod polliciti sumus, exequamur.

Olei faciundi ratio.

CAP. IX.



LITVR ubi olea matura & districta quam primùm erit, cogi oportebit. Quàm minimùm enim in terra & tabulato eam esse expediet. Celeriter enim concalescit. Quod si in his diu permanserit, putrescit. In tabulato autem ut multum sit, & fracida fiat, ut faciliùs liquecat, desyderant factores. Quod si contigerit, hæc incommoditates erunt, uti calore fracescat, & ob id minùs olei fiet, idq; etiam deterius. Omni quippe hora oleum decrefcit, augetur amurca, quæ oleo inimicissima est. Quæ si in bacca utiq; remanserit, olei saporem corrumpit. At illa etiam pluuijs hyemalibus plus amurcæ concipit. Agricolarum autem pleriq; si sub tecto bacca in tabulato deponatur, oleum crescere crediderunt: quod tam falsum, quàm in area crescere frumenta. Hoc autem mendacium M. Portius Ca-

to sic refellit. Ait enim in tabulato corrugari oliuam, & minorem fieri. Propter quod cum facti vnus mensuram rusticus sub testō reposuerit, & post multos dies eam molere desiderauerit, oblitus verò prioris mensuræ, quam intulerat, ex alio aceruo similiter seposito, quantum cuique mensuræ defuit, supplet. Eoq; facto, videtur plus olei quæta quam recens bacca reddere: cum longè plures modios acceperit. Attamen si id maximè verum esset, nihilominus ex pretio viridis olei plus mali, quam ex multitudine contraheretur: quod & Cato dicit. Et si quidem quicquid ponderis, aut mensuræ, oleo accedit, si portionem velis in factum adiectæ bæccæ computare, non prouentum, sed detrimentum senties. Quapropter dubitare non debemus, oliuam lectam, primo quoq; tempore commolere, præloq; subijcere, vt non minimus error in tabulatis seruandi, nec priusquam sudet, premendi. Vbi autem districta fuerit, substratis tegetibus, aut cannis, expandi, aut cribrari debet, quò aquositas ex ipsis resiccet, & à folijs, & virgultis purgari. Hæc enim commista, olei diuturnitati obsunt, & stercore coinquinata lauari, ne ex multa caliditate & sordibus, aliqua noxa accedat. Aceruatim autem congeri, per singulos dies solet, vt ibi mediocriter frascaat, & sicari triduo aut quarto die, si gelida erunt. Quod si maturè nequeas conficere, in aceruis iactando, ventilare oportet: post primus quisq; aceruus demittitur, & per serias ac vasa olearia ad trapeta, vbi teratur, in fiscinis nouis includi debent, vt quantum possit paulisper exprimatur. Postea resolutis corticulis, emolliiri debebunt, adiectis binis sextarijs integri salis in singulos modios, & aut regulis, si regionis consuetudo erit, aut certè nouis fiscinis samplæ exprimi. Quod deinde primùm è cortinis defluerit, in rotundum labrum, quod melius erit, quam plumbeum quadratum vel gemellar struibile protinus capulator depleat, & in fistilia labra, huic vsui præparata, defundat. Nam æreis & plumbeis vitatur oleum. Quippe in amurca & fratribus quàm diutissimè deterrimum fit: quare sæpius, vel, vt Cato voluit, bis in die decapulandum. Sint autem in cella olearia tres laborum ordines, vt vnus primæ pressuræ oleum recipiat, alter secundæ, tertius tertiæ. Nam plurimum refert, non miscere iterationem, multoq; minùs tertiationem, cum prima pressura, quoniam longè melioris saporis est, quod minore præli vi, quasi lixiuium defluerit. Cum autem in primis labris oleum constiterit, eliquare id capulator in secunda labra debebit, & deinde in sequentia vsq; ad vltima. Nam quantò sæpius translatione ipsa ventilatur, & quasi exercetur, tantò fit liquidius, & amurca liberatur. Sat autem erit, in singulis ordinibus tricena componi labra, nisi vasta fuerint oliueta, & maiorem numerum desiderauerint. Vitatur etiam cortinis & conchis feruentibus, ideoq; clausis torcularibus, & quàm minimè ventilatis, vt nec etiam lignum ibi cædi debeat, vt bis iam supradictum: qua de causa ignis ex ipsarum nucleis aptissimus. Postea inuentum est, vt lauentur oliuæ, utiq; aqua feruenti, protinus prælo subijciantur solidæ, ita enim amurca exprimitur, mox fractæ trapetis premantur. Quidam quamuis diligentes olearij, bæccam integram prælo non subijciunt, quòd

quòd existiment aliquid olei deperire. Nam cùm præli pondus accepit, non sola exprimitur amurca, sed & aliquid secum pinguitudinis attrahit. Quòd si frigoribus, oleum cum amurca congelatur, plusculo sale cocto vtiq; vtendum est. Ea enim res oleum resoluit, & ab omni vitio separat. Neq; verendum est, ne falsum fiat. Porro quantumcunq; salis adieceris, nihilominus saporem non recipit oleum. Solet autem ne sic quidem resolui, cùm maiora frigora inceserunt: itaq; nitrum torretur, & contritum inspergitur, & commiscetur. Ea enim res eliquat amurcam. Plinij autem tempestate exilibus regulis pede incluso fieri oleum inuentum est. Vulgò non amplius senas libras singulis modijs exprimi dicunt. Et nequid lector ignoret, aut aliunde exquirere habeat, factus dicitur, quod vno tempore conficitur, quem alij centum sexaginta modiorum, cæteri ita minus magnum, vt ad centum viginti descendant. Plinius ad centum duntaxat, vltra quem iterum premi non probat. Factus tergeminos fore, quaternis hominibus nocte dieq; premi iustum est. Oleam faciundam, qua lege locare oporteat, & pendentem venire M. Cato, formula quadam, vt apud eum videre est, expressit.

Oleorum genera.

CAP. X.



Vvs cuiq; oliuæ succus est, vt tamen ex ea oleum etiam succo differat, neq; idem omnibus. Prima enim præli laudatissima vnda, lixiuium oleum vocant, non tortiuum, Græcè *πρότερον*. Flos etiam dicitur. Gleucinum Græci dicunt, hoc est mustum, expressum scilicet antequam oliuæ calcantur. Iteratiuum, quod est secundæ pressuræ. Tertiatiuum, quod est terciæ. Fit enim non ita bonum, per diminutiones. Ostum vocat Varro quod ex vtroq; facto olei reficitur. Fit autem è quàm acerbissima bacca, & nondum matura, cùm adhuc alba est, quod Græcis *ἠμοτέλης* dicitur, de quo meminit Theophrastus, de coloribus. Quod etiam ex amygdalis fit, *ἠμφοάκινον* etiam dicitur. *ἠμφοάκας* enim illi omnium plantarum immaturos & adhuc acerbos fructus vocant. *ἠμὰ* enim cruda sunt. Drupam vocant, oleæ fructum, antequàm tenerescat. Acerbum autem oleum facere, vt ait Columella, patrisfamilias rationibus non conuenit, quoniam exiguum fluit, nisi bacca tempestatibus in terram deciderit, & necesse sit eam sublegere, ne à domesticis pecudibus, ferisve consumatur. Cibarium vtiq; oleum faciundum erit. Nam vbi exesa vermicibus oliua decidit, vel tempestatibus, & pluuijs in lutum defluxit, ad præsidium aquæ calidæ decurritur, ahenumq; calefieri debet, vt immundæ bacce eluantur. Sed id non feruentissima fieri oportebit, verùm modicè calidæ, quo commodior gustus olei fiat. Porro si excoctus est, etiam vermiculorum cæterarumq; immunditiarum saporem trahit. Sed cùm fuerit oliua lota, reliqua sicut suprà præcepimus, fieri debent. Fiscis tamen iisdem improbum & cibarium oleum premi oportebit. Nam veteres ad caducam oliuam noui, vt idem ait, antè ordinario aptari oleo, semperq; cùm expresserint, statim feruentissima aqua, bis aut ter elui: deinde si sit

profluens impositis lapidibus, vt pondere pressi, detineantur, immergi, vel si nec flumen est, in lacu aut piscina quàm purissimæ aquæ macerari, & postea virgis verberari, vt sordes fæcesq; decendant, & iterum elui, siccarique. Apud Lysiam olearum *ωτῶμα*, fructuum delapsum, vel arboris casum *ωτῶμα* intelligunt. Ex quauis autem bacca bonum & viride oleum fit, si tempori te accommodaueris, maximè enim expedit, cùm & satis fluit, & pretio penè duplicat damni redditum. Si autem vasta sunt oliueta, necesse est, vt aliqua eorum pars maturo fructui referuetur. Album oleum Dioscorides sic fieri docet. Sumito quod per se albescat, nec aniculo vetustius. In nouum oris patuli fictile fundetur, & sub solem media quaq; die concha refunditur, atque ex alto, vt continua volutatione, ictuq; agitatum respumet, dimittitur. Sitq; olei heminarum ex centum mensura. Octaua verò die fœnum Græcum quinquaginta drachmarum pondere calida aqua, donec mollescat, madefactum, in prædictũ oleum, cum eo, quem feret, humore deijcitur, & post octo dies oleum iterum concha refunditur. Si perductum verò ad candorem oleum fuerit, in vas nouum, quod antea vetere vino maduerit, reponi debet: substratis in fundo vasis, fertulæ campanæ solutis fasciculis drachmæ vndecim pendentes, cùm pari iridis pondere. Si minùs ad candorem peruenerit, rursus sub sole habendum, & idem minùs vsq; dum inalbescat. Sicyoniũ autem oleum ab Sicyone antiquissimo Peloponnesi prope Corinthum oppido, in quo primũ inuentum, dictum. In conficiendo verò huiusmodi ex Dioscoride ratio fuit: In oris patentioris lebetem stagno intus illitum, albi olei quod crudæ oliuæ distillauerunt, congius vnus, & aquæ congius semis funditur. Lento dein igne leniter mouendo decoquitur. At vbi bis inferbuerit, amoto igne refrigerandum oleum concha tollitur. Tunc verò adfusa aqua simul iterum conferuescat, & reliquis, vt præmonstrauimus, peractis reponitur. Samici olei meminit Antiphanes, quod reliquorum esset candidissimum. Sabinum oleum sic à Sabinis populis dictum, apud quos conficiebatur, cuius pluribus locis meminit Galenus, & plurimum laudat, quòd præter alia tenuium partium sit: quo utebatur aduersus ea, quæ discutienda erant, propter redundantiam. Oleum cum aqua mistum Græci *ὀδρέλαιον* vocant. *χύλον* oleum quo luctaturi perungebantur, & *χέρωμα*, & *πάτος* dicebatur: verum hoc vltimum propter cœnum atq; cœromati permistum. Thuris confecti quod cæteris differat, Græci vnum genus faciunt.

De purgando à vitij oleo.

CAP. XL



LEM autem, veluti reliqui liquores, vitia non pauca patitur. Quod tam ex confectione ipsa, cùm improbè facta fuerit, quàm acquisititia natura, & multis alijs obuenientibus rebus contingit. Quibus verò noxis, vt cæteris in multis rebus alijs, medetur. Primũ enim si sordet, tostos, & adhuc calentes sales iniicere Tarentinus iubet, & diligenter operiri: ita enim expurgatum iri post exiguum tempus pollicetur. Liberat etiam ab illo

illo vitio pinea nux, si igne candens oleo restinguatur. E sordido etiam perlucidum facies, si oleæ corticem, & ramulos cum sale tusos, & simul illigatos, in vas olei continuè suspendas. Citri etiam radix in oleum demersa illud emendat. Oleum item, quod suis torridis fracibus inustum fuerit, limpidius eliquesct. Rancidum verò Tarentinus purgari sic posse asserit, si cera alba, mundo & optimo oleo resoluta sit, & adhuc coctura liquens, in oleū mittatur, & sales fricti & calentes addantur. Hac etenim ratione fieri, vt oleum improbo sapore purgetur, ac malum mutet odorem. Neq; ignorandum est, eam eius esse naturam, vt sale, atq; igne curetur, item aqua feruenti, si simul misceatur. Vasa etiam rancida immersum anisum curat. Oleum etiam non rauescit, in quo prius anisum maduerit. Fœtidum oleum curabis, si oliuas virides, reiectis nucleis, contusas, in oleum mittas. Quod si per tempus id non poteris, oleæ teneros ramulos contusos immittes. Alij lateres assatos, & ignitos iniiciunt, aut panes hordeaceos aridos confringunt, & in linteo apprimè raro inuolutos demittunt, atq; vbi iterum atq; denuò fecerint, salis grana indunt, & in vas purum iniiciunt. Alij melilotum oleo illitum per diem ac noctem in oleum demittunt.

Oleum vbi melius asseruetur, & de nonnullis eius vitij purgandis.

CAP. XII.



ARISTOTELES, vti etiam retulit Plutarchus, oleum in dolijs inopertis melius seruari scribit, aëriq; assignat bonitatem. Sic enim plus illi adest, meliusq; vim eius exerit suam, vbi inanius dolium subit. In vitro optimè conseruatur, vt pote quod natura frigidum sit, vt propterea sympathia quadam frigiditatis gaudeat. Quòd si vitrea vasa non habeat, in noua fictilia, intrinsecus gypso tincta condes, ipsaq; ad Septentrionem, siccis locis exposita sint. Nanq; & frigida, & sicca loca, oleo gratissima constant. Contrà verò calida, & humida, oleo contraria, atq; inimicissima. Si autem aliquod animal deciderit, ac oleum putredine, ac nidore vitariar, iubent Græci coriandri manipulum in olei metretam suspendi, atque ita ibi paucis diebus permanere. Quòd si fortè nihil de nidore excusserit, demutandum iterum coriandrum erit, donec hoc vitium superetur. Multum itaq; proderit, in vasa noua & munda post senos dies transferre, idq; melius, si ea aceto antè inunxerint. Alij fœnigræci semen sole desiccatum, atq; tritum miscent, vel incensos oleaginos carbones in ipso oleo sapiùs extinguunt. Si verò acerbus olei odor erit, vix excrementa, quæ Græci *νιγρίδα* vocant, tusa, & in massam redacta, demergunt. Nonnulli vuas passas, vinaceis exemptis, terunt, & immittunt, & post decem dies eximunt, & exprimunt, & agitatum oleum in aliud vas transfundunt. A pinguitudinis autem vitio sale vindicatur. Oleum sol candefacit, quod terrenam partem, quæ nigredinis causa est eximat. Auienus Disarium apud Macrobiū percunctatur, cur est, quòd olei vas diutine semiple-

*Saturn. lib. 7.
cap. 12.*

est.

est. Cuius talem rationem esse vult, quòd oleum superuacuo humore desiccato, veluti mucore, qui in eo latuit, absterfo, nouam acquirit saporis suauitatem. Insuper optimum sit, quod supernatet. Quærit etiam Aristoteles, cur inueteratum oleum recentiori candidius sit? Quòd scilicet nigredinis causa humor sit, qui in recenti magis continetur, & tempore prouectis parcius, propter euaporationem in superficie residet. Euaporatur enim vel vetustate, vel sole.

De olei in lotionè vsu, & de adagio, Vt in velabro olearij.

C A P. XIII.



OLEI præter etiam rem ipsam medicam plurimus vsus, quod omnes ipso vsu experiuntur, qui tantus, tamq; in rebus multis, vt eius commoditates, eiusq; multiplices vtilitates enumerare perdifficile sit: cuius tamen nonnullas, atq; item paucas adferre, non inconcinnum erit, ne illotis saltem manibus, pedibusve (ne dicam toto corpore) ad eas transeam, cuius lotionè non contenti athletæ, ni totum corpus abluant. Nam luctaturi eo perungebantur, vt eius vnguinis lubricitate difficilior foret inuicem brachiorum connexio: vt luctæ succurrere dicat Philostratus, apud cuius icones, pictor appositè ramum oleaginum in Palæstræ Mercurij filiæ & luctæ inuentricis nudo sinu locauit. Cuius verò vnctionis & ludorum Olympicorum inuentor Hercules exitit, in quibus luctatores oleo oblinerentur. Quod testatur Lucanus:

*Lucan. lib. 4. : Ille Cleonæi proiecit terga leonis,
Antæus Libyci persudit membra liquore
Hospes Olympiæ servato more palæstra.*

Hæc in Antæi & Herculis pugna. Propterea Anacharsis Scythæ, oleum infantiæ pharmacum esse dicebat, quoniam eo peruncti athletæ feruentius inuicem insanirent. Vsum eius ad luxuriam vertisse Græcos, omnium vitiorum inuentores, in gymnasijs publicando, Plinius autor est. Romani etiam veteres oleo inungebantur, quòd is liquor foris gratissimus sit, veluti vinum intus. Quum autem Epaminondas impensarum rationem coquum collegis reddere iussisset, & olei multitudinem molestè tulisset, admirantibus illis ait: Non impendij magnitudo me mouet, sed quòd tantum olei intra corpus receperint. Porphyrius in libris, quos de abstinendo à carnibus scripsit, vt est apud Eusebium de præparatione Evangelica, Essæos è Iudæorum genere vngi oleo non pati ait. Quòd si quis oleo tactus fuisset, diligenter, tanquam à magna corporis macula, corpus abstergebatur, quòd eos corpore aridos, non molles, fore oporteret. Velabrum, autore M. Varrone, Romæ locus, in quo olearij oleum distrahebant. Mos autem huic hominum generi fuit, vt inter se de pretio conspirarent, quo plaris venundarent, vnde tractum adagium, Vt in velabro olearij. De his autem dicitur, qui conspirant, remq; ex composito gerunt. Plautus in Captiuis:

Una res, omnes compacta rem agunt, quasi in velabro olearij.

Olei

Olei natura, à qua adagia plura desumpta.

CAP. XIII.



OMERVS ingeniorum vertex, inter tot liquores, qui ex fructibus quos terra parens nobis producit, solum oleum ὕγρον, id est, humidum, siue liquidum dicit. Quare sic Plutarchus optimus huius rei & grauis interpret, in Symposiacis rationem reddit, Quòd videlicet in oleo nihil asperum sit, vt ne ad motum quidem percussum, quemadmodum ceteri liquores, strepat: vt quod cum igne minimè luçetur, verùm illum tacitè pascit. Nec alius liquor, qui tam latè diffundatur, etiam si corpori inungatur, aut serius siccescat: redditq; etiam imagines, speculorum more. Tranquillitatis etiam nomine, eius natura in infinitum commendata est, vti mare, omnium rerum sæuissimum tranquillet. Atq; ob id vrinatores ore oleum spargere aiunt, quòd mitiget elementi naturam, lucemq; deponet. A qua quidem natura tractum adagium, Oleo tranquillior. Plautus in Pœnulo: ita hanc ego canem faciam tibi oleo tranquillior. Oleum in auricula ferre dicit Martialis:

Narratur quidam bellè dixisse Marulle,

Qui referre oleum dixit in auricula.

Quod in assentatores quidam referunt. Faciem purgat: vt Plautus in Truculento, de amica pulchrè compta dicat:

Feruide ni tota floret, vt oleum nitide nitet.

Nam rebus omnibus nitorem & lucem addit. Vnde tractum adagium, Oleo nitidius. Humidis autem permisceri nullis oleum patitur: quia lentum, suiq; pertinax est. In partes verò diuiduas secari non sinit, reliquisq; commisceri liquidis. Multum spiritus habet, pingue enim est, vt propterea neq; terrenæ, neq; aqueæ substantiæ, sed aëriæ perhibeatur: ex quo fit, vt per summa aquæ fluiter, & leuitatis indicium præbeat. Propterea non congelascit, prohibente calore, ne cogatur. Pix oleo extrahitur, quando vtrunq; pinguis sit naturæ. Simul enim solum calci miscetur, quando quidem vtrunque aquas odit. Inter omnes liquores non alius, qui æquè magis tepefaciat, aut molliat, & leniat, cùm corpori inungitur, quàm oleum. Contra verò algores, vt generalius de eius natura ac vi disseram, munit, & corpus à perfrictionibus tuetur, & gelicidiorum noxis aduersatur. Nam vbi corpus arefactum fuerit, dulci oleo inungitur, quod utilissimum erit, vbi cutis, vel à frigore, vel à medicamento adstrictione densata fuerit, siue erosionem, siue acrimonia, vel ab humore pruritus inducente, idq; præsertim si in balneo, vel post, id fiat. Vnguentarii odores in oleo reponunt. Nam odorem oleum seruare, omnium maximè potest, atq; incommutabile permanet, quod crassius sit. Qui autem ferrum remollire cupiunt, oleo tingunt. Existimatur & ebori à carie vindicando vtile esse. Urbis quidem (vt scribit Plinius) anno quingentesimoquinto, Appio Claudio Cæci nepote, & L. Iunio COSS. olei libræ duodenæ assibus veniere. Et mox anno sexcentesimo octogesimo M. Seruius T. F. ædilis curulis, denas olei libras singulis assibus populo Romano per totum

*Plin. lib. 15.
cap. 1.*

Tum

tum annum præstitit. Minus ea miretur, qui sciat post annos **xxii**. Cn. Pompeij quarto Consulatu oleum prouincijs Italiam misisse. Notū etiam fuit, magistratus honoris octogenis sestertijs olei strigmenta venditasse. Fuit olim Romæ Saturni simulacrum oleo plenum. E taberna autem mentoria trans Tyberim, Augusti temporibus, oleum è terra erupit, ac toto die nulla intermissione fluxit. Quo significata fuit **IESV CHRISTI** erga gentes gratia, & natiuitas. Quærit Alexander Aphrodisæus cur epotum oleum vomitum, potissimum flauæ bilis, moueat? Quòd suapte natura semper ad superiorem locum tendat. Quotiens enim cuiquam humori permiscetur, ad superiorem sese recipit sedem, innatq; , & cibos ad stomachū inuitat, effertq; : quibus aggrauatus & oppressus vim excernendi ad emouendum incitat: præsertim verò flauam bilem, quòd leuis hæc, atq; tenuis sit, idcirco facilius superiora petit. Frigore & gelu crassefcit. Temporis enim calore, vt in æstate, & cæteris calidis temporibus, liquidius est. Postremum illud ex Plutarchi Symposijs addendum, quòd olei suprema regio melior sit. Nam imum ab amurca turbatur. Summum verò melius, quod longissimum à nociua parte, nec sua spissitate ab aëre læditur. Nouum præstantius, cui senium inutile. Transpiratu enim carens ob lentitiam inueterascit.

Oleorum vis medica.

CAP. XIII.



OLEVM & salem emere oportere Aristoteles autumauit, quòd opus esset remedijs contrarijs. τὸν ἔλαιον καὶ τὸν ἀλά δὲ ὠνείδῃ. De olei natura, vsu, ac ratione, quàm plura Galenus Pergamenus in suis libris de simplicium medicamentorum facultatibus: vt si in omni re medica fuit diligens, in olei ratione potissimum, cum Archidamo & Diocle negotium agens. Oleorum plura genera suprà ostendi, item etiam plures differentias, secundum quas illorum etiam dissentientes virtutes. Prima enim iudicanda erit ex ætatum varietate, vt cū recens est, & velut mustum, aut etiam ætate vigens, vel etiam senio. Item ex præparandi ratione. Cū enim aut solum simplex, & impermistum, aut cum sale præparatum, secundum ipsius fructus diuersitatem, cū is vel maturus, vel immaturus fuerit, moderatè calidum est, & magis humectans. Quòd autem calidum sit, vtique energia comprobatur. Nam celerrimè inflammatur, propterea cū corpori nostro admouetur, calefacit. Dignoscitur autem caliditatis eius quantitas gustu. Quod enim adamusim dulce est, mediocrem habet caliditatem. Tenuè etiam existimatur, si intuentibus quàm maximè lucidum videatur, idq; purum est, & pro optimo iudicandum, & olei vi pollere. Hoc autem latissimè per cutem effusum sibiipsi continuum permanet, & facilè ante, quàm diffundatur, cutem penetret. Porrò oleum pingue viscositate deprehenditur. Vetus autem quantò diutius reseruatum sit, tantò acrius calefacit, & magis discutit, præsertim verò, si à principio tenuium partium fuerit. Vetustas oleo tædium plurimum adfert, quod ætatis annuo prouida (si

da (si intelligere libeat) Natura oleo parci noluit, fecitq; ea necessitate promiscuum. Duritias magis diffundit. Oleum autem secundarium, vt inquit Columella, non insuauis odoris est. Quotidianam vnctionem præbere poterit dolore neruorum laborantibus. Oleum enim promptius & expeditius ad obeunda munera reddit. Capitis feruores refrigerat. Aluum læuigat, soluitq; hemina vnius pondere, cum pari ptisanæ succo, aut aqua potum. Alij, autore Ægineta, per clysterem duorum acetabulorum pondere iniiciunt. Ad tormina calidum simul decocta ruta, sextarijs tribus, portione datur. Ventris lumbricos pellit, idemq; maximè ilei intestini morbo laborantibus. Vim enim emplastici medicamenti habet. Exulcerantium quoq; medicamentorum vires permistum hebetat. Concoquit, & mouet pus, vulneri tamen cauo infusum, omnium medicamentum aduersissimum. Quod si ita mederi velis, vsu ipso intelliges, & sordidum, ac male olens vlcus fieri. Oleum etiam omne ad tulsim impetum mouet. Oleo veteri oculi ad claritatem inunguntur. Quod si vetusti non sit facultas, in vase ad mellis crassitudinem & vetustatem representet. Decoquitur magis auxiliare, & inclinato morbo ardoribus in febris cum aqua remedium. Veteres autem vsi sunt, ad quædam morborum genera. Remedia ad aliquot hominum ex oleo morbos recensuimus. Superest enim, vt eius etiam vires erga aliquot animalium infirmitates, & si non plures, enumeremus. Boues, inquit Aristotele, pedum dolorem non sentiunt, si eorum cornua, vel pice, vel oleo illinantur. His autè per nares infusum, donec ruçant, inflationem sedat. Vbi autem bos aqua hirudinem hauserit, & ea faucibus inhærens, manibus detrahi non possit, fistulam, vel arundinem inferito, & ita calidum oleum infundito. Nam eo tactu animal confestim decidit. Oleo potu etiam elephantes tela, quæ eorum corpori inhæserint, eiiciunt.

De omphacini & Sicyonij olei natura.

CAP. XV.



OMPHACINVM autem oleum, ad multos vsus valentibus accommodatum. Excellit quod recens est, & odoratum, ac tenue, & gustu non mordens. Tale enim in vnguentorum confectiōe vtile erit: maximè verò quantò vetustius, ac pinguius. Nam dum acerbiter feruauerit, mistæ virtutis erit. Vbi autem hanc ætatem reliquerit, priori assimilatur. Gustus verò eius vim manifestat. Calidissimum est in omni oleorum genere, adstrictionis tantæ, quantæ frigiditatis particeps, prorsus ad discutendum inutile, stomacho tamen vtile. Infricatum, dentium dolorem sanat, & gingiuarum tumores reprimat, & dentes: si ore contineantur confirmat, coloremq; illorum magis, quàm aliud, custodit. Eo vtuntur, vbi plus æquo caput incaluerit. Sudores postremum cohibet. Incertum enim est, ne medici an sceminæ primum Sicyonium excogitauerint, & vtrum voluptatis magis, quàm necessitatis gratia inuentum: quòd plurimum vsus eius mulieribus ad commendandum faciei nitorem sit: idq; in Sicyone, vt iam diximus, fieret, propter Corinthias insignes, & vicinas

meretrices, vt illo irritamento, ac contagio, amatores magis allicerent, & ipsæ magis forma commendarentur. Calefaciendi vires aliquas habet. Febribus item, ac neruorum vitijis prodest.

De amurca, & eius vtilitatibus.

CAP. XVI.



AMURCA Galeno ἀμύρην dicitur, alijs αμύρας, siue αμύξ. Nonnulli tragœdiam primùm denominatam dicunt, inter quos Donatus, quòd scenici ad personarum vsum, ora sua ea perluerēt. Quod primò reperisse Æschylum aiunt. Et hoc in Arte innuit Horatius:

Ignotum Tragicae genus inuenisse Camæna

Dicitur, & plaustris vexisse poemata Theſpis:

Quæ canerent, agerentq; peruncti sacibus ora.

Fæx, ac sanies olei, amara, & sedimentum. Fit enim ex aquis: idcirco siccitatibus minima, riguis verò copiosa. Vetustate enim melior. Cuius utilitas à M. Catone summis laudibus celebrata. Quæ quia, vt Mitem Varro ait, ignoratur, à plerisq; despicitur. Eius tamen vim perspicere facile erit, si ex olearibus torculis in agros defluere concedatur. Non enim solum terram denigrat, sed eius multitudine sterilem reddit. Verùm is humor ad multas res, tum maximè agriculturæ, vt iam multis locis præmonstratum, & nunc quoq; non modicè vtilis ostendetur. Nam amurcam periti agricolæ, tam diligenter, quàm oleum aut vinum rectè condunt. Etenim ij, Catone præcipiente, dolia olearia hac colluunt, agitantq; quoad bene combiberint: futurum enim hac ipsa ratione, vt oleum amplius non bibant, ac ipsum conseruent. Vasa insuper ipsa & firmiora, & diuturniora erunt. Et ne vestimenta à teredinibus, noxiisve cæteris animalibus, tangantur, & rodantur, amurcam ad dimidias partes decoquunt, & ea inungunt arcæ fundum, & extrinsecus pedes & angulos. Quæ vbi aruerint, vestimenta reponunt. Et hoc modo ne putrescat, omnem ligneam supellectilem inungito, eritq; absterfa splendidior. Nullius etiam fumi tedio ardebunt codicilli oleagini, neq; cætera alia cruda ligna, si ea perspersa, & in sole posita, bene perbiberint. Æramenta etiam omnia, bene antea exterfa contra æruginem, illa inunguntur: vt tamen antè, quàm his vti volueris, abstergas. Nitidiora verò hoc modo, atq; coloris elegantioris erunt. Subigi etiam areas terendis messibus, vt formicæ & rimæ absint, præcipiunt. Quinetiam & parietum lutum lectoria & pavimenta horreorum frumenti, semina item frugum perfundi. Decocta autem, axes, lora, calceamenta, coria omnia. Sic enim meliora omnia fieri. Expressa enim olea, quod statim effluxit (humor enim aquatilis est) ad partes duas decoquitur. Quod superest & refrigeratum erit, in vasa reponunt. Multi in eo multum adijciunt. Quidam enim expresso oleo, per quindecim dies amurcam custodiunt, postea verò quod leuissimum & summum est, desumunt, & in alia vasa traiciunt: totidemq; interuallis duodecies in sex proximis mensibus id peragunt. Cauent tamen cum hoc nouissimè faciunt, potissimum vt luna senescente commutent. Postea leui

ea leui igne in ahenis decoquunt , & ad duas partes regerunt , quod ad vsum probè referuant.

Amurcæ vis medicæ consideratio.

CAP. XVII.



UNC ad eius virtutes medicas. Secundi calefacientium desiccantiumq; ordinis est , eiusq; intensi. Sicca enim in corporibus aridis vlcera curat, in reliquis verò intendit, irritatq; , & exasperat. Siquidem contrahit , veluti resina & sicca pix. Non tamen tantum caliditatis possidet, vt palàm mordicet. Terrestris substantiæ , multò magis si decocta fuerit. Splenis inflammationibus , & ventositatibus plurimum utilis , verùm pulmoni noxia. Decocta autem in vase cupreo ad mellis crassitudinem , adstringere scribit Dioscorides, & omnem lycij præstare effectum, sed efficacissimè contra dentium dolores, ac illorum stabilitatem. Ad disrupta labra, cum vino, vel aceto, aut mulso illinitur. Sedis, genitalium, & vuluæ exulceratæ, vtiliter infunditur. Oculorum verò medicaminibus, atq; his, quæ meatus obstruunt. Cruda enim & recenti, articulares morbos, & podagras foueri vtilissimum. At villosa pelle illita, & hydropicis imposita, tumoris molem reprimat. Ignibus sacris infusa , & quæ serpunt perniciosis, nigræ oliuæ vtilior. Linteolis in vulneribus ponitur, luxatis in lana. Si cum omphacino denuò recoquatur ad mellis crassitudinem, casuros extrahit dentes. Contra limaces & culices vim habet maximam. Per totum verò corpus pulicosæ pecudi infusa remedium est. Duabus verò partibus decocta, ouium scabiei illitu prodest, autore Columella.

De Æthiopica olea lacryma.

CAP. XVIII.



TRABO insulas tres in Arabia esse scribit , desertas quidem, & oleis obsitas, non nostratibus, sed indigenis, quas Æthiopicas vocant, persimiles, Scribonius Largus Græcè ἐλαίας αἰθιοπικὰς δάκρυον. Plinius verò , ex olea, quæ in mari rubro nascitur, lacrymam effluere ait , ex qua medicamentum laudatissimum ad sistendum sanguinem componitur. Idem alibi ex oleæ Arabicæ lacryma medicamentum confici , quod Græci ἐναιμον appellant, contrahendis vulnerū cicatricibus efficax. Hæc tamen vox emplastris omnibus, quæ vulneribus cruentis protinus admoventur conuenit. Dioscorides autem tantum lacrymæ Æthiopicae meminit, quæ oleaster etiam vocatur. Nusquam Plinius eandem arborem cum superioribus existimauit. Æthiopicae oleæ lacryma inter venena connumeratur, scammonio ferè similis, fulua, exiguis, mordax, stillis constans. Quæ verò hammoniæ similitudinem repræsentat, & colore nigrescit, & gustu minimè mordax, est inutilis. Nam & Paulus & Aëtius hammoniaco tenui similem dixerunt, & vires absterforias habere, quam ob rem ad oculorum hebetudines, albugines, cicatrices, vtiliter inungitur. Lepras & impetigines sanat. Partus ex vtero trahit , menses & vrinam cit. Dentium cauis indita auxilio est.

De oleastro, & Appulo pastore in oleastrum commutato.

CAP. XIX.



PPVLVS autem pastor Nymphas saltantes, saltu etiam agresti illas irridens, & obscœna conuicia rustica addens, in oleastrum commutatus est,

Arbor enim est: (inquit Ouidius) succoq; licet cognoscere Quippe notam lingue baccis oleaster amaris (mores.

Metam. lib. 14.

Exhibet: asperitas verborum celsit in illas.

Græcè κότινος vel ἀγρίελαία. Agrippus apud Lacedæmonas, autore Suida, dicitur. Deputato autem oleastro, quod inde gignitur, phaunos appellatur. Streptos dictus oleaster, cui implicitæ, inuolutæq; fuerunt Hippolyti habenæ, currusq; eius euerfus. Hyrnithion autem locus non procul ab Epidaurō oleastris confitus. Huic autem eadem vis, quæ oliuæ ut Plinius vires eius, & quas Dioscorides oleastro attribuit, oleæ assignauerit, verum aliquantò maiores. Serenus quidem ait:

Mansus enim prodest succis oleaster amaris.

Hinc obscedo fugit, lingue quoq; vulnera cedunt.

Folia autem adstringunt. Trita verò, atq; imposita, sacros ignes, vlcera, quæ serpunt, quæ Græcis herpetæ dicuntur, carbunculos, paronychia, epinyctidas, nomasq; compescunt. Cum melle autem apposita panos, inflammationes discutiunt. A capite verò auulsam cutem conglutinant. Commaducata enim oris vlceribus medentur. Elephantem autem, si chamæleontem deuorauerint, qui his adeò infestus, ut venenum sit, sumpto oleastro, tam acerbissimæ pesti medentur. Oleum eius, oleæ amarius. Non simplicem temperaturam obtinet. Adstringit simul & extergit, calidissimumq; est, ex omni oleorum genere, tantum ad medicamenta utile, usque adeò ad id efficacius. Illo autem ad multos effectus os colluitur. Porro dentium mobilitates confirmat, humidis gingiuis, atq; illarum distillationibus utile. Oportet enim lanam specillo circumligatam oleo madefacere, & gingiuis usq; dum albæ spectentur, admouere. Gratam enim oleastri frondem capris esse Lucretius ostendit, qua homini nil amarius:

Barbigeras oleaster eo inuat usq; capellas

Effluat ambrosiam, quasi vero nectare tinctus.

At nihil est homini fronde hac, quod amarius explet.

Praefat

Præfatio libri vigesimitertij.



HOC libro de malis & pyris tractabimus, quorum multa genera, plures item nomenclatura, propter immutata apud diuersas regiones nomina, qua omnia recensere perdifficile foret. Hoc autem provincias omnes apud quas promeniunt inuisere, & ibi omnia diligenter perscrutari esset, ut inde tamen minima utilitas subsequeretur. Et ut generalius loquar fructuum omnium plures differentia. Quod in nonnullis expressit Verg.

Præterea haud genus vnum, nec fortibus vlmis,
Nec falici lotoq; nec Idæis cyparissis.
Nec pingues vnam in faciem nascuntur oliuæ,
Orchades & radij, & amara pausia bacca,
Pomaq; Alcinoi syluæ, nec furculus idem
Crustumij, syrijsq; pyris grauibuscq; volem.

Mutarunt etiam fructus ferè omnes priscas appellationes, quas & illis reddere non facile esset. Ego tamen antiquas referam, & plures è recentioribus è quorum etiam descriptione, in nonnullis, quis diligens pristina nomina, in nouis agnoscere possit: etenim fructus omnes ex communi gentium denominatione non speciali cuiusdam affectione, nominandi. Quod faciebat quidam subdolus agricola Parisiensis. Is enim insitas arbores loco publico apud aream palatij ubi venundari solent, venditabat, quæstum ex his faciens. Quum autem pyrum cuiusdam ciui vendidisset, ut carius venderet, genus ementitus, ut christianorum assereret, quod pretiosum apud Gallos est. Ciui autem in suis hortis insitum plantauit, & ex illius fructu, per tempus se delusum cognouit. Quum autem fortè illic agricolam plantas item vendentem reperisset, illum & mendacij ac furti coarguit. Quem agricola cuius generis interrogauit: & cum ille generis vilioris nomen indicasset, Vocites quomodo volueris, respondit, Christiana enim voco. Interuertebat enim hic communem appellationem, quo ementes falleret: facile enim in arborum furculis, nisi fuerint benè experti, quenquam est decipere. Folijs verò ac cortice, & tota arboris facie etiam absq; fructu plantam docto insitori cognosse non difficile est.

HORT



H O R T O R V M L I B E R

V I G E S I M V S T E R T I V S .



De malo, & eius apud antiquos generibus. C A P V T I .



P V D Sicyonios Veneris templum fuit, cuius sedens simulacrū Canarchus Sicyonis fecit, ex auro quidem & ebore. Palum in capite gerit, altera manu papauer, altera malum. De generali autem mali appellatione supra dictum est, quæ cum ad plura genera extenditur, de quibus nonnullis infra speciatim dicetur. Nunc verò de his, quæ vulgo poma vocamus. Nam etiam genus pomi malum dicitur, quod Græci μήλον dicunt, de quo infra. M. enim Varro de lingua Latina, Æoles μάλον vocare scribit: & melophori apud Persas dicebantur (spiculatores & satellites, quod thoraces, in quibus malorum effigies expressæ forent, ferrent. Ex quibus mille selecti, regis custodiæ destinarentur. & philomeli dicti, qui auidè mala comederent: qualis memoratur princeps Gordianus iunior, qui cum esset in omni ciborum genere parcissimus, pomorum tamen aliquid semper deuorauit. Constantius etiam princeps (referente Ammiano) quoad vixit pomorum aliquid semper degustauit. Et quod ad arborem ipsam attinet, Græcis μήλα dicitur, omnibus quidem, propter eius apud gentes fermè omnes ortum, notissima. Caudice recto, quæ corticis læuore, præsertim dum tenera est, nitet. Cui folium mucronatum. In mali quodam genere in fructu ipso atq; in medio parua emicant folia. Flos rubescens & albicans. Iulus lanugo in malis ipsis vocatur. Multa eius genera, vt nec plura in quouis alio arborum omnium genere reperiri sit. Nonnulla etiam nomen à figura, alia à colore, magnitudineq; à sapore etiam & natura, apud antiquos sumpsere. Ferendum enim sanè fuerat (inquit Plinius) exquisita nasci poma, alia sapore, alia magnitudine, alia monstro, pauperibus interdicta. Orbiculata ab orbis figura in rotunditatem circumacti. A mammarum verò effigie, orthomastica dicta sunt, stolidè tument pulmonea. A natura Columella lapidosa vocat, in quibus reperiuntur calculi. A causa traxerunt nomina, vt quod gemellum appellatur, nunquam verò in foetu singulo est: germanitate enim semper cohæret. Mallefolijs, vnum folium, nonnunquam & geminum è latere medio erumpit. A colore autem sericata vocata sunt, rubra Macrobio, quæ & rubelliana, cortice sanguineo, carne intus friabili,

friabili, non ingrato sapore, & ex austero subdulci, nec citò fugientia. A melleo sapore melimela, quæ eadem mustea, à mitescendi celeritate sic dicta. Nam M. Varro hæc vocari melimela dicit, à quibusdam glycymela, composito à dulcedine & mali nomine. Valerius autem Martialis festiuè iocatus est, Mala cydonia melle condita, vocari posse melimela:

Si tibi Cecropio saturata Cydonia melle

Epigr. lib. 13.

Ponentur, dicas hæc melimela licet.

De his etiam ad Mancinum:

Dulcibus aut certant quæ melimela fauis.

Epigr. lib. 1.

Hæc autem mitia à Vergilio in Bucolicis vocari arbitrantur quidam. In his mellis sapor, in alio natura ipsa innatus, in altero artificio cōparatus. A conditione autem, castrati seminis Belgæ spadonia appellant. A celeri verò prouentu Macrobio præcocia. Plura etiam conditoribus suis æternam propagarunt memoriam, tanquam ob egregium aliquod in vita perpetratum. Ergo originem habent à Matio, Cestioq; & Manlio, item Claudio Appio: matia, quæ multis matiana, cestiana, manlia, claudiana, appiana. Odor verò his cotoneorum, magnitudo quæ claudianis, rubeus color. Sunt & septiana ab inuentore libertino, insignita rotunditate. Sunt & alio genere, ut Columellæ, & Macrobio scandiana, Cato scantiana vocat: hic etiam quiriana, ille verò addidit conimela, conditiua, ἐπιμελῖδα, de quibus infra, martiana, agrana, profina, sirutia. Celerrimè in rugas marcescunt pannucea. Græcis alia fuerunt genera. Polluci enim quædam φάυλια dicta, alij delphica vocant. Athenæus elegantiora scribit, quæ Gangris Paphlagoniæ vrbe nascuntur. Illi etiam corinthia, è vico Sidone celebrant, & laconia, & erina, à vere, sicut à lanugine chnodia, Setania & platania, aphrosemela, è dulci austera, odorata, carnem asperam & squallentem habent mordia in Apolloniæ agro, qui Mordius dicitur. Patrias verò vtrinque nobilitarunt camerina, & græcula. Dacia, vilissima sunt, quanquam primùm maturari properent, decerpantur. Pelusiana, amerina, syrica, etiam Macrobio tiburueriana, siue tyburtia, ut ait Horatius, quæ picenis cedunt, ut hic ait:

Picenis cedunt pomis Tyburtia succo.

Nam facie præstant.

Alia nostræ tempestatis malorum genera.

C A P. II.



Æc fuerunt, sicuti ipse ex antiquis autoribus deprompsi, malorum genera: sequuntur nostræ tempestatis alia, quæ melius ex vulgari nomenclatura expromam. Antiquorum autem omnium nomen nullum, quod sciam, apud nos remansit. Quorum tamen genera, saltem omnia, perisse, non est clari ingenij credere, neque forsan vllum, sed illa temporis intercapidine nomina mutasse, certo certius existimandum: ut credibile sit, vnum atque idem genus apud diuersos nominum differentias sortitum. Sunt item & aliquot, secundum regiones, alia genera, quæ autores rei agræstis præfisci non nouerunt, ut propterea illis nomina non indiderint, tanquam

V illis

illis ignota & incognita. Nulla enim ferè regio est, quæ hoc arboris genere, & si plurimis alijs defecerit, incredibili naturæ beneficio, & illius humanitate, ac frugalitate expers sit. Verùm veluti apud pristinos, varia huius secundum rationes supradictas, fructus appellatio fuerit, sic modò apud nos infinita remansit, nescio an maior. Verùm lectorem minimè grauatum iri, si nonnulla nostræ tempestatis genera & nomina ostendero, vt non minùs ingratus erga nostros, quàm apud antiquos in huius arboris historia esse videar. Quæ tamen omnia persequi non facile erit, propter nominum apud quascunq; nationes mutationem, vt credibile sit, idem atq; vnum genus apud plures, varias sortitum denominationes. Futurum vtiq; est, vti ex hac mea descriptione, pristinum nomen à viris diligentioribus nonnullis restituatur. Sed vti apud antiquos, pomorum genera omnia, nomina à colore, à forma, à regionibus, à tempore, à sapore accepere, sic nunc quoque & apud nos accommodauere. A sapore enim dulci apud Italos canamela siue calamila magnitudine media, colore cùm maturuerunt, luteo, saporis iucundissimi, atq; odoris gratissimi. Paradisiaca apud Parisios, parua sunt, fugacia, & dulcia, & præcoci celeritate. Appiana olim vocata, nunc existimantur, quæ addito mali nomine, malappia vocitentur. Præstantissima nunc quoq; existimantur, vt de his vulgò decantetur, omne malum præter appium malum. Nescio num genus illud sit, de quo sic Plinius: Omnium autem nouissimè adoptata, parua, quæ petisia vocantur, gratissimi saporis. A cognatione verò, quam cum pyris habent, melappia dicta arbitrantur. Hetruria nunc rosea vocat, apud nos tamen & rosea & melappia distinguuntur: Nam rosea, rubriore, & per totum corpus disperso, colore sunt. A pyro tamen dicuntur, à duplici genere pyrorum & malorum, pyromela & malapyra. Ramburea, prægrandia, rotunda, callo fragili, tenero, minimè fugacia. Apud Ambianenses in Gallia Belgica præcipua: alibi rubelliana vocantur. An ea verò sint, quæ Columella purpurea vocat, dubitarim. Cortice rubeo, carne intus friabili, sapore non ingrato. A corni similitudine cornea vulgus Italicum vocat. Apud nos autem maximo honore celebrantur, quæ capendina vocantur. Alij, & melius, vt à forma nomen sumpserint, curpendina malunt vocari, quod curto pediculo pendeant, rotunda sunt, luteo, cùm maturuerint, colore, corporis cartilagine dura, grato sapore, ferotina valde. Verùm huius generis plura genera, sed quod breuius & rotundius, præstantius, Parisiense vocant, aliud maius, quod Neustrium vocant: aliud commune multis prouincijs. Alia castiniana, gustu austriore, oblonga, mediocri magnitudine, dura, vt castaneæ cartilagine, vnde nomen sumpserunt. Alia francerina, rotundo habitu, & amplo, duriori callo, modica acerbitate grata, quæ in dulcedinem degenerat: adseruentur, vt quæ in annum possint. A tempore maturitatis Ioannina vocamus, quod circa diui Ioannis Baptistæ natiuitatem esui sint. Parua sunt, albertia, citò fugacia, nulla alia dote prædita, quàm quòd prima edantur. Didia etiam in honore sunt, hæc ampliora, rotunda. Follana etiam plurimum in honore sunt, albo callo, carne molli, ac grato sapore, in multis dies

dies ferotina. Blandurella, pulchra, rotundiore forma, etiam colore albo nitente cute. Sunt ab Augusto mense, alij præpomum vocant, quòd alia pomorum genera præcellat, sapore suavi, ac odoratori: oblongum est, à pediculo in acumen tendens, verum citò fugacius. Patriam nobilitauit quod Susinum dicitur, à Susa oppido citerioris Italiæ: paruum hoc, orbiculatum à latere per lineas rubens, gratissimi gustus, per annum durans. Quæ nunc rosea vocamus, nonnulli ea existimant, quæ antiquis pyrotica dicebantur, fusinis maiora, à colore rubro, quò maiori parte cernitur, sic appellata, poterit etiam esse illud genus, quod rubellianum vocauimus, nuper ex Italia ad nos transportatum ferotina sunt, & plurimum grata. Apud Allobroges celebrantur, quæ girodeta vulgò vocitantur: parua hæc, in latitudinem rotunda, & in rubrum rufa, multum ferotina. Hæc sunt malorum genera, & eorum nomina, quæ nostra tempestate, apud multos, præsertim Gallos, communia sunt: non quidem omnia, quod referre difficile est.

Malorum natura.

CAP. III.

DE malorum natura, & ea vi, quæ magis ad esum pertinet, quàm ad vim medicam, non horum quidem omnium generum vna atque eadem virtus existit. Siquidem aliqua reperiuntur, quæ optimam, mediamq; multa quæ malam habent temperiem. Quædam autem citra acorè adstringunt, cætera nocent. Alia item plurifariam officium, multa item multifariam profunt. Nec enim eadem in omnibus, aut similis vis atq; potestas. Sæpenumero circa diuersa corpora, quemadmodum ipsa virtute contraria dissident. Audiui à viris præclaris, apud Tholosates hominem non plebeium fuisse, coram quo si poma cruda apponerentur, statim deficere: nonnunquam etiam cum vitæ periculo, ni illi extemplo succurreretur. Et vt ad rem reuertar, neq; in malis, fructuum eadem facultas. Omnes enim seorsum vsu exploratum habere debent, quid sibi vtile, quid noxium, quidve iucundissimum illis sit, atque his pro cognita vi, proq; sua cuiusq; sympathia, vel antipathia vti. Multum insuper interest, quo tempore, quæue ætate & maturitate, esitati fuerint, crudane an decocta. Virides etenim fructus magis mouent, quàm si sicci fuerint. Quarit Aristoteles, cur poma prius esitata, non ita repletionis mole respondeant, quàm si post. Quòd cæteris esculentis, grauius pomorum genus sit. Idcirco antè ingesta, suo pondere in imum delapsa, supernè loci capacitatem desumpturis cibis relinquant. At contrà si post edantur innatant, & partem inanem occupant: quoniam deorsum ferri expeditè possunt minime. Sanum insuper & languentem, vt ait Hippocrates, vexant: quoniam his deuoratis, corpus humorem haurit. In Autumno verò repleti noxium est, non ob satietatem tantum, verum etiam quòd vitiosi humores inde nascantur, atq; flatum quoq; excitent.

Malorum vis, & natura.

CAP. IIII.



SUPEREST vt de malorum vi, ac natura differamus, vt non omnibus tamen hæc æquè omnia respondeant. Nam ex saporum natura, vim alteram habent peculiarem etiam in generis differentia. In vniuersum verò quasdam fortiuntur virtutes. Siquidem, autore Paulo Ægineta, mala omnia frigida sunt, atq; in his exuberat humiditas, multoq; magis, quæ suapte natura huius habitus sunt. Nempe & cæteris omnibus magis præstant: aqua verò in his minimè nocet, quia subtilior, citiusq; excernitur, quò fit vt minùs noceant, nec vsque adeò corporis particulas tentent. Quærit autem Alexander Aphrodisæus, cur pomæ noceant? quoniam, inquit, frigida sunt, ac humida. Porro quòd huiusmodi naturæ sint, hinc liquet, quòd eorum omnium nullus omnino succus diu perdurare, nec vetustatem ferre possit: acescit enim, & corrumpitur, vt in eo vermes creentur. Quadam, etiam peculiari proprietate, omnia neruis nociua, maximè verò quæ matura non sunt. Calculum etiam gignere perhibentur, si ad saturitatem edantur. Ad animi verò deliquia vtilia sunt, & cordis debilitatem. Quæ autem nondum ad maturitatem peruenerint, noxium pariunt succum, morbos creant, & horroris causas adferunt. Melioris autem succi, quæ maturitatem induerint. Nunc ad particulares è sapore vires. Acrida, odorata, & pingua magis calida. Dulcia verò aquosa quidem sunt, idq; temperatè, vt non manifestè frigida sint. Nam cæteris calidiora, faciliusq; aluo transmittuntur: præsertim si vel elixentur, vel assentur. His etiam danda, qui frigidum ventriculum habent, aut qui à venenatis morfi fuerint. Acida frigida sunt, verùm tenuiter, humorem gignunt improbum, substringunt, faciliora stomacho creduntur. Eligenda autem vbi humores non vsque adeo crassos in ventriculo collectos suspexeris. Nam humectando incidunt, & per aluum ducunt. Quæ si parum inuenerint, stomachum potius adstringunt. Austera enim quid frigidum simul & aqueum habent. Stomacho quidem robur adferunt, & ventrem cohibent. Quibus vtendum est, vbi ob caliditatem, seu inimicum humorem, ventriculus elanguerit.

*Malorum, secundum aliquot genera, vires, & ex his
vino & aceto.*

CAP. V.



NUNC de quorundam generum peculiari, ex medicorum monimentis potentia. Cestiana Galenus, citrà cocturam, austera dicit, cocta verò stomacho commodissima. Coquenda verò, illo præcipiente in olla noua, aqua calida infusa, & igne sub ollam iniecto, quo vapor ex aqua calidus sublatus, cocturam præbeat. Paradisiaca prægnantium malaxijs expetuntur. Orbiculata iucunda quadam adstrictione placent, vomitiones & vrinas ciunt. Scandiana & amerina stomacho idonea Celsus dicit. Melimela enim ventrè molliunt, stomacho accommodata, siticulosa, æstuo, saq; verùm non ledunt neruos. Mala iumentis portatu grauias, vel si pauca sint. Siquidem vires, vt Lucianus in suo Asino aureo ait, eorum odoribus

ribus offensi fatiscunt, vt ponderi minimè pares sint. Remedium aiunt esse, si prius edenda apponantur, aut utiq; si ostendantur. Malis enim vini proprietas, vt ægris medentes æquè caueant. Draco autem, vt Ælianus in scripturas mandauit, poma comefurus, syluestris lactucæ succum idcirco exorbet, quòd aduersus inflammationis impletionem adiuumentum adferat. Poma autem ex vino vel aqua decoquuntur, vt pulmentarij vicem præbeant. Fit etiam è malo atque ex omnibus generibus vinum, quo vtuntur septentrionales gentes, & apud quos cœli iniuria, vitès provenire minimè sinit. Neustrij in Gallia populi ad id fundos malis insitis circumdant, & ad hanc rem aliquod mali genus seligunt, quod forma minimum est, ac sapore dulce. Cantabri ad hoc hortos instituunt, apud quos huiusmodi præstantissimum. Fit etiam è malis acetum, siue ex acerbis siue syluestribus. In cumulo enim decerpta, per triduum adseruantur. Deinde in cadum mittuntur, cui fontana, aut pluuialis inijcitur aqua, qui per triginta patens finitur, ac subinde quantum fuerit sublatum ad vñs reservatur. In arborum autem folijs, & cortice, ac fructuum succis, eadem natura, quæ ex fructuum sapore consideranda. Itaque si austeriora sunt, aut acidiora, illis stomachum, ventremq; exolutum, ac languidum roborare, & vñlnera glutinare poteris, & in phlegmonarum principio, influxionem percutere. Ex genere autem humidarum, incipientes phlegmonæ, & gliscentes remittere. Gallienus princeps de pomis castella fecit.

De malis Syria, & Gomorrhæ, deq; prouerbio, Ab ouo

vsq; ad mala.

CAP. VI.



MAGNUM quidem, & admirandum, quod autores nonnulli, inter quos Iulius Solinus, grauis certè autor, de poma, quod in sinu Iudææ Gomorrhæ gignitur, memorant: quod licet maturitatis præ se gerat speciem, mandi tamen non possit. Nam fauillaceam intrinsecus fuliginem, ambitio tantum extimæ cutis cohibet, quæ vel leui tactu pressa fumum exhalat, & in vagum puluerem fathiscit, & cinerescit, vt oculis tenus placeant. Id verò multi è nostris theologis, in memoriam & vñtionem criminis posticæ veneris, quo incolæ regionis Pentapoleos tam fœditer, & communiter laborarunt, esse arbitrantur. Ferunt etiam in Syria poma nunc quoq; gigni, quæ paradisiaca accolæ vocitent, satis admiranda. Racematim enim crescunt, vt sæpe centum, nonnunquam verò plura simul conglobata oui magnitudine sint. Folliculo præduro obducta, colore croceo. Decorticata enim dulcem ostendunt fructum. Arbor autem vltra biennium non permanet, verum arefacta è radicibus aliam progerminat. Eius verò folia oblonga, vt si extendantur, hominis altitudinem excedant. Latitudo verò hominem ferè contegit. Antiquitus autem malis cœnam finiebāt, & ab ouo incipiebant: vnde tractum adagium, Ab ouo vsq; ad mala. Id est, ab initio conuiuij vsq; ad finem. Horat. satyra tertia,

- Si collibuisse, ab ouo

*Serm. lib. 1.
sat. 3.*

V 3

Usg

Usq; ad mala citaret, lo Bacche, modò summa.

Poterit autem quadrare in eos, qui à principio vsque ad finem rem diligenter egerint.

De malis sylvestribus.

CAP. VII.



MALA sylvestria Theocritus ὄρεμαλίδας vocat, id est montana mala, & quamuis inter se magnitudine, facie, aut colore, nonnullisq; etiam alijs inuicem discrepent, per genera tamen nò distinguuntur. Illis enim nomen tantum vnum remansit. Omnibus tamen succus austerus & acidus, quo omphacinum, ad obsonia, pr̄lis pr̄cipuè, aut mola exprimitur, & in cadis obseruatur. Odore autem acutiora. Aluum sistunt immatura, cocta verò mouent. Quorum succi si sumantur, rectam spiritus angustiam leuant. Stomacho inutilia, aluum, vesicam circumagunt, neruos ledunt. Id peculiare improbitatis conuicium, & vis tanta, vt aciem gladij perstringant.

De malo cotoneo, siue cydonio.

CAP. VIII.



GRÆCI cotoneum malum, simpliciter μῆλον, id est, malum vocant: & ab eo oleum melinum, vinum melinum, siue meleum, siue μηλίτιν, quod etiam cydonites à Cydone Cretæ oppido. Plures codymalum, siue cydomalū. Iulius Pollux malum æstium. Vergilius in Bucolicis mala cana per περίφρασιν vocat, hoc carmine:

Ecloga 1.

Ipse ego cana legam tenera lanugine mala.

Amplitudine autem præcipuum, vt suo pondere curuatos secum trahat ramos, vt nec parentem crescere sinat. Perrarò enim hæc arbor ad iustam magnitudinem crescit, nec quidem rectè. Saluatorijs enim virorum cubilibus olim, vt Plinius ait, includebatur, simulacris noctium conscijs impositum. Columella genera tria posuit, Struthia, Chrysomeliana, & mustea. Quæ omnia non solum voluptatem, verum etiam salubritatem adferunt. Struthia, siue vt alij volunt strutea, Dioscoridi, Galeno & sequacibus, magna sunt, & suauiora. Nam minori placent acerbitate, minus tamen vtilia, ferotino prouentu. At ex hoc genere sunt sylvestria, odoratissima, in sepibus crescentia. Chrysomeliana, siue chrysomela, incisuris sunt distincta, colore ad aurum inclinante, vnde illis nomen. De quibus Vergilium intellexisse volunt, dum ait:

Aurea mala decem misi: cras altera mittam.

Ecloga 3.

Et si nonnulli de malo punico interpretentur. Quòd autem mala aurea, cydonia sint nunc, multi probare satagunt, ex Herculis signo, ante ætatem nostram Romæ defosso, manu tria mala cotonea tenente: visitur nunc Romæ in curia Conseruatorum. Galenus etiam melina emplastra vocat, in quorum coctione ærugo admiscetur, quòd cotonei mali referant colore. Mustea autem præcocia sunt, candidiora, nostratia antiqui nuncupabant. Odoris sunt præstantissimi. Annumerantur & alia genera,

vti muluiana, quæ sola ex his vel cruda manduntur. Est & Neapolitanis suus honos, minora. Aliud genus quod phaulion vocatur. Malum autem cydonium ad odoris suauitatem facit, vt Plutarchus autor est in suis præceptis connubialibus, vti antiquitus, sponsa cum sponso, non prius includeretur, quàm malum cotoneum delibasset. Innuens primam gratiam, ab ore, voceq; sponsæ, demanare oportere, & bene compositam, aptamq;, & suauem esse debere, & vti idem in Problematis scripsit, primus horum complexus nihil triste aut iniucundum habere debet. Adhuc etiam nostra tempestate quibusdam locis obseruatum est, vt vir nouus, & noua sponsa ante primos congressus bellarijs ex cotoneo malo vtantur. Addit etiam hic suo præstanti odore lethalium venenorum vires retundere, & eorum vehementiam hebetare, sicut, vt ipse ait, venenum vendentes rem ita se habere deprehendunt. Ad narium etiam odores mala cydonia olfacere bonum, vt ait Ægineta.

Vires.

CAP. IX.



MALA cydonia refrigerant, & desiccant primo ordine. Nonnulli hoc vltimum secundo attribuunt. Frigida enim esse attestatur Macrobius, quod succus eorum vinum imitetur seu simplicia & granata. Stomacho idonea, vt etiam voluit Celsus. Nam illud adstringunt, & corroborant.

Vrinam ciunt, aluum adstringunt. Quod quidam interpretantur, si ante cibum sumantur. Si verò post, ventrem ciunt, maximè dulcia, quæ minùs adstringunt, & magis vomitum compescunt. Si enim ad satietatem edantur, difficilis concoctionis fiunt. Si autem dentibus terantur, & mandantur, vini fumum compescunt, vt illius vapore caput lædatur minime. Mirum est, quod multi ferunt, vt si mulier prægnans cydonia mala crebriùs esitauerit, paritura sit infantem & industrium, atque ingeniosum. Cruda cataplasmatibus ad cohibendum aluum, contra stomachi ardores, aut si in vomitiones effundantur. Ad mammarum inflammationes, condylomata, & præduros lienes adiiciuntur. Eadem etiam, sed matura tantum, dysentericis, celiacis, cholericis, & sanguinem excreantibus. Non idem posse decocta Plinius scribit, quoniam amittant illam vim succi. Contra toxicum in cibo profunt, vel cum pulegio & aqua pota. Crudorum item succus, orthopnoicis, lienibus, hydropicis sumptus prodest, & mammis condylomatis, varicis. Per se autem durare non potest: perbene verò cum melle, vtpote quod propter virentem adstrictionem minùs cæteris sint humida. Cruda etiam cum melle condiuntur. Hæc enim vrinam mouent. Mel autè adstringendi, inspissandiq; illam vim sibi acquirit, stomachoq; id vtilius faciunt. Quæ verò cum melle coquantur, stomacho vtiliora, atq; ori gratiora, verum minùs in adstringendo possunt. Palladius autem huiusmodi confectionem cydoniten appellat. Fit & succus ex ijs mitis, cum vino dulci tussis. Vtilis quidem & celiacis & iocineri. Decocto eorum fouentur vuluæ & sedes in vtroque sexu, si procidant. Tosta enim accommodatiora habentur. In aqua autem cœlesti, pectori, & febris

bris ardoribus imponuntur. In vino autem & cum cera illita, alopecij capillum reddunt. Ad stomachi dolores, cruda coctave cerati modo imponuntur. Maceratorum autem liquor vtiliter in ventris, vel stomachi distillationibus potui dantur. Lanugo eorum carbunculos sanat. Flos ficcus viridisve cataplasmatibus imponitur, ijs conueniens, quæ adstrictionem desiderant, & ad oculorum inflammationes, & sanguinis excreationes, ac mulierum menses. Struthiorum radix (Plinio id prodente) circumscripta, manu sinistra, terra, carpitur: ita vt qui id faciat, dicat se hoc capere, & cuius causa. Sic enim adalligata strumis medetur. Cydoniorum verò decoctum sitim sedat, illitum verò præcordijs, si duro morbo turgent.

De oleo & vino ex malis cotoneis & alijs.

CAP. X.



Est è malis cotoneis & struthijs oleum, per excellentiam melinum, vt supra diximus, dictum. Eligi verò oportet, quæ in humidis nata non erunt, vt placuit Secundo, ideoque vtilissima, quæ ex Sicilia asportantur; rotunda, parua, & odorata, minus verò vtilia struthia. Hoc modo ex Dioscoride. Simul enim commiscetur olei congius, & aquæ sextarij decem, Superiniicitur palmæ tusi corticis quadrans & iunci odorati vncia: quæ vno die macerata decoquuntur. Mox in oris patentioris vas excolatur oleum, & superimposita harundinea crate, vel vetusta tegete, cotonea mala superponuntur, quæ vestimentis operta, tantisper inibi dimittuntur, vsque dum cotoneorum vires ad se oleum contraxerit. Ceteri verò mala ipsa pannis, diebus decem inuoluunt, vt coerceretur, nec euanescat odor. Tum biduum in oleo dimissa exprimunt, & oleum recondunt. Aëtius sic, vt etiam ex alijs pomis confici dicat. Quæ enim & acerbiora & odoratiora sint, deligi vult, & abscindi quicquid lignosum prope pediculum hæserit, & intimam cum acinis medullam exteriori recepto cortice, qui acinos concludit. Inest enim illi odor simul atque vis adstringendi. Vbi autem in parua frustula dissectueris, horum vncias duas olei omphacini sextario misceto, & diebus quadraginta insolato, postea verò reponi oportet. Laudatur potissimum, quod mala ipsa oleati. Transit hoc in vnguentum, admisto omphacino, cyprino, sesamino, iunco, casia, abrotono. Hoc autem prælatum olim in Coo insula. Habet autem melinum oleum vim refrigerandi, modicam tamen propter vini saporem, & efficaciter adstringendi. Stomacho familiare, quod ex duobus alimentis, oleo scilicet, & cydonijs conficiatur. Igitur non sine ratione inflammato ac debili opitulatur. Irrigatur etiam aut fomentatione illitum hoc firmat. Nam insidentes humores vehementius pellit. Inijcitur etiam per sedem, quibus colon & crassa intestina, à bili acrimonia produntur. Obseruandum in primis erit, ne his adhibeatur, qui ob frigiditatem afficiuntur. Facit ad scabiosa vlcera, & quæ serpunt, perniones ac furfures. Urinam citatam inditum sistit. Sudores propterea cohibet. Exulceratis vuluis infunditur. Contra buprestim, pinorum erucas, & cantharidas vtiliter bitur.

bitur. Fit etiam ex his vinum, quod Dioscorides cydoniten aut meliten vocat. Vlpianus verò Iurisconsultus libro vndecimo Digestorum, cydonium vocat. Hoc enim modo ex illo: Seminibus verò exemptis, frustatim, raporum modo conscinduntur. In musti enim cado, malorum duodecim minarum pondo, per triginta dies demerguntur: dein vinum defæcatum reponitur. Alia conficiendi ratio. Ad mellis enim singulos sextarios succi tusorum cotoneorum pressorum denos conijcito, & recondito. Alij mala odoratissima in dolia conijciunt, & vino super infuso oblinunt. Quarta die eo vtuntur. Prodest enim ad omnia, quæ mala ipsa cotonea, præsertim verò stomacho, dysenteria, renum vitij, vrinæ difficultati, & hepaticis. Cydonia etiam, maximè struthiorum genus, in vino & aqua decoquuntur, pulmentarij vicem implent. Nunc & aliud condimenti genus, cuius esus inter bellaria & secundas mensas, non aliud magis vsitatum, cydoniten Palladius vocat. Quo autore huiusmodi confectio est: Cydonia matura, abiecto corio in tenuissimas partes rescindito, durum quod interius est projicito, dein in melle ad medias decoquito. Dum verò decoquis, puluerisatum piper inijcito. Aliter, Cydoniorum succi sextarios duos, aceti sesquiseptarium, mellis duos sextarios simul commiscet, ac decoques ad mellis crassitudinem, postea verò triti piperis & ginziberis binas vncias deijcies. Aliæ sunt confectioes non pauca postmodum, atq; nostra tempestate passim vsitate, vsque adeo vt mulierculæ eas nouerint vt ita crebræ sint, vt confectioem illarum describere, præsertim quod varia sit, superuacaneum existimarim, antiquorum confectioe magis inhærens.

De persico malo.

CAP. XI.



PERSICA mala, è Græcis nonnulli ποδάκινα, quasi duracina appellant, nonnulli, vt Athenæo placet coccymala & oxymala, & adria persica. Quæ ex mali provenit barbillo dicitur. Folio amygdalæ, sed maiusculo, flore subpuniceo, fructu carnofo, succulento, extrinsecus lanuginoso, nucle intus scabra, atq; dura, in qua nucleus, qualis amygdalis, verum non ita oblongus. Palladius autem persicorum genera hæc posuit, duracina, præcoqua, persica, armeniaca. Galenus tamen vnum tantum præcocium, & armeniacum genus esse voluit. Nam armeniaca vocitari, iam desitum est. De quibus Martialis:

Vilia maternis fueramus præcoqua ramis:

Nunc in adoptiuis Persica cara sumus.

Epigr. lib. 13.

Aëtius hoc genus etiam bericocum vocat: pomo verò ceteris minimus est. Sunt tamen è neotericis plures, qui hoc genus ad pruna Armeniaca referant, quibus ipse non adstipulor. Neque enim putandum Dioscoridem ita confusè hoc genus prunorum cum persicis malis miscuisse, cum alibi prunorum meminerit. Plinius autem regionum habere cognomina prodidit, Gallica, Asiatica, & Supernatia è Sabinis venire, popularia vndiq; In vniuersum autem differunt mala persica, magnitu-

X dine,

dine, colore, & succo, præsertim rubeo, moris simillimo: unde & quidam morina appellant, quorum succo etiam tingunt: nullius penè odoris, ac saporis, per adoptionem sic facta. Alia croceo colore atque succo etiam sunt, alia vario. Omnia verò nullius ferè odoris, nulliusq; saporis. Nusquam enim in alio pomo minus odoris, plus succi. Cute etiam pilosa. Reperiuntur tamen, qui succo minùs abundant: proinde ob id præstantiora, ac magis sitim stimulantia. *Ægineta* vnum genus è *rhodacinis* facit: quæ cum *Armenianis* cæteris generibus præstantiora dicit. Non enim acescunt, nec corrumpuntur. Sunt & nunc in pretio. Parum enim omnia durant, coguntq; se venundari. Pretium singulis, *Plinij* tempestate, *triceni nummi* fuere.

Perficorum vis & consideratio.

CAP. XII.



PER SICA mala secundo excessu refrigerant, atque humectant, nonnulli tertio, alij etiam quarto, verum in secundo *Galenus* & sequaces sentiunt. Pravi succi sunt, acidique, vt facillè corrumpantur: eoq; primùm exhiberi debent, quò protinus deiiciantur, ne si diutius in ventriculo demorentur, corruptionem sentiant. Nam si super alios cibos sumantur, fluitant, ac statim putrescunt, vt suapte natura reliqua secum cibaria in corruptionem deducant. *Diphilus* tamen apud *Athenæum*, bonum succum mediocriter habere, & magis, quàm mala, nutrire. Illud enim in primis obseruandum erit, quod perpetuò verum est, vtq; semel dixisse sat sit, atq; id ex medicorum antiquorum generali schola, vt cuncta vitiosi succi, & quæ liquida ac lubrica sunt, & quæ promptè secedunt, præ omnibus obfonijs primùm edenda esse. Hac enim ratione & ipsa citò egeruntur, & cæteris iter præbent. Quòd si contrà posterius desumantur, facillè corrupta, synceris alimentis suo contactu putredinem inferunt. Oportet dehinc super his meracum bibere, nec cibis acribus vti. Et vt ad vim perficorum reuertamur, pituitosum humorem gignunt. Propterea qui eis crebrius ad satietatem esitauerint, febre corripiuntur. Nervos etiam quadam proprietate lædunt. Mirum est, quod *Plinius* de eo scribit, Nec est vt alius eis pomis innocentior cibus, expetiturq; ægris. Quod longè contrarium ac diuersum est, ab his, quæ ex *Galeno*, & eius asseclis, suprà scripsimus. Præcocia verò præstant. Non ita enim in ventriculo putrescunt, nec acescunt, gratiora quippe atque stomacho aptiora. *Rhodacina* verò ciborum appetentiam excitant: prosunt inflammato ventriculo, & genitali semini adijciunt. Ventrem subducunt, & flauam bilem sedant, si matura non sint, serosum tamen sanguinem post vnum aut alterum mensem præparant. Matura omnia stomacho, ventriq; accommodata. Nempe bonam aluum faciunt, quam acerba cohibent: atq; hoc siccata vehementius. Præcocium succus in vino aut aceto expressus vtilissimus. E siccis autem decoctum,alui, stomachiq; destillationes sistit. Rami autem & folia amaritudine excellunt: ideoq; contusa, & vmbilico imposita, tineas enecant, quod idem succus bibitus præstat. Verminosis etiam auribus instill

instillatur. Discutiendi viribus folia etiam pollent. Nuclei autem cum aceto & oleo, capitis doloribus illinuntur: illi insuper veræ pleuritidi edendo, auxilio esse, expertum se testatus est Serenus. Flores autem haustos ventrem soluere, modò creditum.

De pyro, & eius apud antiquos generibus.

CAP. XIII.



PYRVS Græcè *ἀπιδιος*. Sunt tamen, qui apud Græcos pyri genus apium existiment: unde tractum adagium, Apio mollior. Verùm nonnulli de raphano intelligere volunt. Quidam pyrum pomum dictum volunt, quòd ad pyramidis modum, vt plurimum elato in aciem tendat, flammæ similitudinem reddens: & si nonnulli per i, scribi debere contendant. Arbos simplici confurgit caudice, auctu facillima, huic circinata folia, flore albo, foliato. Multiplex generum differentia, atq; nomenclatio, vti ex iisdem rebus, sicut in malis varia, ne quid idem pluries repetamus. A tempore autem primùm denominata hordearia Plinius scribit, à comitatu eius frugis. Hæc Columella hordeacea vocat. Sementinorum meminit M. Cato, & M. Varro, & Macrobius, quæ sic vocari à semente arbitror, quòd per sementem maturescant. Turbinalis verò figuræ quædam ferotina, vîq; ad hyemem ad matrem dependentia, vt gelu maturescant. Sunt etenim in pyris, sicut fermè in omnibus alijs fructibus, quædam præcocia, quædam item ferotina, de quibus nonnullis infra dicitur. Loca etiam & vrbes, vbi vel generosissima, vel copiosiora magis prouenerent, nomina dederunt, vt Crustumia, siue Crustumina à Crustumio Thuscæ oppido. Ex parte enim rubent, glatiola, nunc in Italia vocari existimantur. Regia, amerina, serissima omnium, signina & syria. Picentina olim Romæ celebratissima, quibus contenderent duo priora genera, si Iuuenali credatur,

Signinum, Syriumq; pyrum de corbis iisdem:

Satyræ II.

Aemula Picenis. Syria nunc apud Italos creduntur, quæ Coroela vocantur: alij putant dici Tarentina. Nonnulli etiam à colore testacea. Syria etiam nigra Seruius interpretatur. Lanuinia, Numantina, Alexandrina, Numidica, Græca, siue Græcula, vt vocat Macrobius. Hæc gelu maturescunt. Ab autoribus autem nomina accepere Decimiana, & ex eo tractum, quod pseudodecimianum vocant. Dolobelliana, ab insitore Dolobella. Hæc enim longissimi pediculi. Pompeiana etiam cognomine. Mammosa, à mammæ effigie. Liceriana, seueriana, & ex his nata tyranniana, pediculi longitudine distantia: Fauoniana, quæ rubra sunt, & superbis paulò maiora: Anitiana, quorum meminit & Cato, & Varro: quæ post autumnalia, sapore acidulo iucundo. Tyberiana verò appellabantur, quòd hæc Tyberio principi maximè placerent. Sole magis colorantur, grandescuntq; alioquin Liceriana erunt. Laterana, siue laterisiana, vt Columella & Macrobius maluerunt. Voconia, Lolliana, Meuiana, Tulliana, Septitiana, sera sunt. Titiana, turriana, antiana, præciana, valeriana, coriolana, brutæ gentilitatis cucurbitæ figura. A qua forma nomen aliud

X 2 genus

genus accepit cucurbitinum dictum. Quibusdam turbinatior figura, vnde turbinata. Ab amplitudine verò volema, M. Catoni, & Maroni Vergilio. Macrobio autem Aurelio volumia, sic his omnibus vocata, quòd palmam impleant, à vola media manus parte, vt voluit Seruius, quare Vergilius grauia appellat. A pondere item libralia sibi nomen assumpserunt, & hac nostra tempestate, genus quoddam nomen sibi sumpfit. Ab odore enim myrapia, nardina, myrtea, mespilia, laurea, quod myrti, & mespilorum, & cæterorum sapore sint. Hæc duo genera sera sunt, & acidula, mustea, & mulsæ. A potu falerna, sic dicta, quoniam tanta vi succi abundant, vt vua, vt i arbitror, quæ apud Falernum prouenit, vnde vinum Falernum olim celebratissimum. Hæc etiam lactea dicitur. Proxima hæc crustumijs fuerunt. A colore verò, rubile dictum, & onychina, purpurea. Quædam à causa, vt calculosa dicta, quod vitiū est huius generis. Quædam superbix cognomine taxantur, parua hæc sunt, sed ocyssima. Sunt qui hæc existiment esse, quæ nunc à moschi odore, moschatela vocamus, quòd odore prioritateq; prouentus superbiant. Incerta nominum causa est barbaricis (ait Plinius) venereisq; quæ colorata dicunt, regijsq; quæ minimo pediculo sessilia. Patitijs, voconijs, viridibus, oblongisq; Solus, quod sciam, ciritorum, ceruiscorum, timolorum meminit Macrobius.

Saturn. lib. 3.
cap. 19.

Pyrorum genera, quæ nunc habentur.

CAP. XIII.



Æc sunt, quæ de pyrorum generibus, atque appellationibus, antiqui prodiderunt, quorum nullum nomen, quod scierim, apud nos remansit. Genera tamen aliqua superstare minimè ambigendum, nec interijisse omnia, forsitan vel nulla, sicut nec in alijs arboribus, verum tantum nomina immutata: quæ non prætereunda, vt non tam antiquitatis obseruatores, quàm nostræ ætatis amatores esse videamur. Neque prætereundum est, pyrorum genera nunc quoq; nomina ex eisdem causis, vt antiqua, accepisse. A tempore enim vel præcocia, vel serotina appellantur, addita cuiusdam diui appellatione, quæ ex tempore solet celebrari, vt Ioannina, quæ festinantius & in festiuitate natiuitatis diui Ioannis Baptistæ matura sunt. Huius autem generis plures differentix, quæ omnia persequi difficile. Sequuntur & Laurentiana, & serius Martiniana. Bergomatia verò Bergomum Italiæ oppidum insigniuit sua peregrinatione. Nunc in Gallia in pretio habita, succo, saporeq; egregia, rotundior forma, colore herbaceo, qui nec dotem referat. Per Autumnum siue cruda, siue cocta eduntur, vtriq; esui præstantissima. Ab autore dicta Dameiana: præcocta hæc, colore ex parte altera rubeo, ex altera croceo. Mariana, aquosa & dulcissima, tenerrimaq; sed fugacia. Vbertina apud Belgas, & tota Gallia, pretiosa, & præcocia, satis grandia, à colore iucunda croceo. A colore rubeo nunc etiam rubellina dicta, & ab auro aurea, asperiore carne, duriorq; nec priusquam gelu experiantur, edomita duritie, mitescunt: ferissima hæc sunt. Rosatis rosæ odor nomen dedit. Callianis odor præcipuus, orbiculata, ex parte rubentia, & ex alia viridia, molli carne. A figura bicipitia,

pitia, quòd gemino capite vifantur. Singulati sunt commendatione, succo grato, qui etiam palatum morosum recreet, nec minimè calculosa. A natura verò strangulonea. Hæc enim mansa, tanta acerbitate displicent, vt deuorari nequeant, & strangulare videantur, vnde sic dicta: pulchritudine tamen prædita, colore rubro, & maturitatis indicium præbentia, vt prætereuntes ad legendum inuitent. Sunt Romæ, & in ipsa Italia, quæ papalia vulgus vocat, ampla, succo suauissimo, à quibus dotibus sic cognominata, non alia ratione, quàm in cæteris fructibus, regia. Christiana in Gallia celebrantur, serotina hæc, vt in annum durent: amplissima, cucurbitæ figura, herbaceo colore, sub nigro, succo dulcissimo, vt etiã eum senuerint, cruda per orbiculos in latum tenuiores dissecta, addita aqua rosacea, & succharo edantur. Per summòs enim calores refrigerare perhibentur, vt agris etiam contra ardores, præbeantur. Pretiosissima apud Turones nascuntur, vt non ingrato munere alijs elargiantur. Sertana etiam in Gallia laudatissima, præsertim verò apud Belgas. Parua hæc sunt, oblonga, colore rubro & albo, serius eduntur. Edua etiam, & pseudo-edua item satis clara, ab vrbe Galliæ sic cognominata: serotina sunt, satis ampla, colore nigro, non nisi sub cineribus cocta eduntur, succo abundant. Ab amore verò dicta, quæ, si mauis, amabilia vocabo, vt cæteris acerbiora sint, si cruda edantur: visu quoque minimè iucunda, sed esu omni alio iucundiora, si decoquantur. Durant & in alterum annum. Aliquot suæ tempestatis generum meminit Architrenius, poëta Gallus, autor non contemnendus, præsertim verò si eius temporis ætatem, qua ferè bonæ literæ sopitæ erant, respiciamus:

Et pyrus huic sacrum, tituli dat Regulus nomen,

Et pyrus hancq; vole, plenus denominat orbis,

Et pyrus hincq; dedit materna angustia nomen,

Et pyrus Augusto, quæ patrinante vocantur,

Et pyrus hæc nota est, & filia lata Roberto,

Et pyrus est huius alius Baptista Ioannes,

Et pyrus à quouis pretio signata vel oris.

Apud Hispanos verò, pretiosa sunt, quæ regia & comezea vocantur. Hæc sunt antiqua, & noua pyrorum genera, vt pluries recenferi non potuerint, nouis nondum redditis priscis nominibus, tantum abest. Quinimo vno generi plures appellationes, etiam sub vno idiomate per plura loca inditæ sint, quod in vno genere, apud nostrates, ostendisse satis erit. In Gallia enim prope Lugdunum ager Forensis dictus est. In eo vicus Verrianus, ditionis equitum diui Ioannis Hierosolymitani, siue Rhodiorum. Eques autem huiusce religionis, & vici dum viueret, dominus, è Rhodo aliquod insiti pyri genus illuc deportat, primùm apud Forenses pyra verriana vocari cœpere, apud exteros, ab agro forensia. A Burgundis verò Lugdunensia à loci vicinitate. Neque dubitandum est, aliam apud Rhodum sortiri denominationem. Hæc enim odoratissima, & succo suauiora, præcocia, & citò fugacia, forma cucurbitina, rubeo & albo coloribus.

*De natura & vi pyrorum. & adagio, Tam facile vinces,
quàm pyrum vulpes comest.*

CAP. XV.



VULPES pyrum, nisi carneus cibus defuerit non edit, atq; illud difficulter, & non nisi in fame. Vnde apud Plautum à Tranione dictum, idq; adagialiter in Mustellaria:

Tam facile vinces, quàm pyrum vulpes comest.

In eos enim dicitur, qui rem perdifficilem aggrediuntur. In grauidationem autem, pyri radicem à muliere portatam Albertus impedire dicit: etià fructus eius vis esse, si iuxta vel supra se habeat. Id etiam à nonnullis creditum, vt latentia in parturientis lecto pyra, aut illuc transportata, partum morari, aut difficulter fieri. Pyris, vini proprietas, vt agris vini vice medeantur. Sunt qui absolutè, primo ordine refrigerare pyra dicant, & secundo desiccare: alij verò matura calefacere, humectare, & mouere. Quod sanè intelligendum erit ex saporum vi, ac natura, vt dulciora calefaciant. Quæ autem inter dulcorem & aciditatem naturæ sunt compositæ, parum caliditatis & siccitatis habent, vt omnium deniq; vires ex saporum generibus metiri sit. Ante cibum verò sumpta, ventrem sistunt, maximè cruda. Adstringere genera omnia, quidam arbitrantur. Stomacho conferunt, præsertim, vt Cello placet, fragilia, qualia sunt Crustumina, vel Meuiana, & Tarentina & Signina. Sitim reprimunt. At Plinius pyrorum omnium cibum, valentibus etiam onerosum scribit, atq; ieiunis nocere. Alij crebrius sumpta, ventriculos calidos iuuare. Boletis & fungis aduersantur. Pellunt enim pondere, ac pugnante succo. Qui verò buprestim hauserint, pyrorum etiamnum genus omne comedere prodest. Illita verò exsiccant, & modicè refrigerant, vt profiteatur Galenus, his illitis vulnus se glutinasse, cum nil aliud ad manum haberet. Grana, quæ in illis sunt, peculiari quadam proprietate pulmonis vitijs medentur, sed renibus officiunt. Decocta mirum salubria & grata, maximè Crustumina, quæcunq; etiam cum melle cocta erunt, stomachum enim iuuant. Eorum decocto ad duritias vtuntur, & siccorum decocto aluum sistunt. Pyrorum dilutum sitim sedat. Fiunt è pyris cataplasmata, ad discutienda vtiliter corporum vitia. Pyri folia ac rami, pariter austera sunt. Nam arboris partes omnes, non eiusdem temperiei sunt, vt aliæ terrestres, aliæ verò aquæ, ytræque tamen frigida. Folia stringunt. Ligni enim cinis contra fungorum strangulationes etiamnum efficacius proficit.

Vinum, acetum è pyris, & de alijs eius confectionibus.

CAP. XVI.



PYRIS autem antiquitus liquamen ad scëminarum ieiunia, quod castimoniale dicebatur, cuius ratio talis est: Pyra maturissima cum sale integra calcanto, & vbi carnes resolutæ fuerint, in capulis vel vasculis picatis, condiuntur. Post mensem verò tertium ea suspensa liquamen fundunt, non iniucundi saporis, & albi coloris: tunc enim vel cum saligellam

gellam viridem permiscere est. Fit è pyris vinum, quod à Græca pyrorum denominatione, apijtes dicitur, & Latine pyratium. Palladius sic, Contusa enim in sacco rarissimo, ponderibus vel prælis comprimuntur. In hyemem durat, sed prima æstate acefcit. Acerbum est, stomacho tamen accommodatum, intestinasq; distillationes compefcit. Acetum etiam è pyris austeri saporis, vel syluestribus. Matura autem in cumulo per triduum adseruantur, deinde in vasculum mittuntur, cui pluuialis, fontanæve aqua infunditur. Apertū vas per triginta dies relinquito, deinde autem quantum ad vsum sublatum fuerit, tantum ad copiam aquæ reddito. Calabri autem pyris abundant, consueuerantq; hospitibus apponere, deinde saturos, bellariorum vice, domum auferre iubebant. Quod si reculassent, eadem porcis obijciebant, vnde Horatius in Epistolis:

Non quo more pyris vesci Calaber iubet hospes,

Tu me fecisti locupletem, vescere sodes.

Iam satis est. at tu quantum vis tolle benigne:

Non inuisa feres pueris munuscula paruis.

Tam teneor dono, quàm si dimittar onustus.

Vt libet, hæc porcis hodie comedenda relinques.

*Lib. Epist. ad
Mecæn.*

De pyraastro, & Thrasymbulo. CAP. XVII.



Aχράς, à χράδος Græcè, Latine pyrafter, siue pyrus syluestris. Dioscoridi autem genus pyri syluestris est, cuius meminit Aristophanes, tardissime maturefcens. Habet enim pyrafter ramos aculeatos, præcipuè verò cum tenera est: cætera cum pyro vrbana, figura est, ramosior tamen, & furculosior. Easdem enim cum pyro satiuæ vires habet, verum longè efficaciores, vt propterea magis adstringat, & deficcet, vt inde maiora vulnera propensius glutinet, & fluxiones illitas repellat. Conciduntur autem pyra, & suspensæ siccantur. Efficacissima quidem ad sistendam aluum, ad quem etiam vsum, pomum, foliaq; decoquuntur. Fungi propterea innocentiores, tutioresq; fient, si in pyrastri, vel fructu, aut folio cocti fuerint. Profunt etiam contra eosdem pyra confestim sumpta, necnon etiam lixiuia ex cinere eius arboris facta, & cum sale, posca, vel nitro epota. Ad dignoscendum autem, an mustum aquam habeat, pomum in hoc coniiciunt: quod si aquam habuerit, in profundum demergitur. Thrasymbulus cum deberet sententiã de re consulta, suam dicere, à Lacedæmoniorum legis munere corruptus, simulauit se pyra syluestria comedisce, nec posse loqui.

De moro, & fabula Pyrami & Thisbes. CAP. XVIII.



MORVS arbor, quam nonnulli à Græco nomine deriuant, propter fructus nigritiem: μαυρόν enim nigrum est. Græcis συκαμινέα, & συκία, & συκή, moros, ab Hippocrate, nisi mendum sit, pomum sycaminon, Aëtio fructus sycamina & sycomora. Æschylus tamen, autòre Iulio Polluce, sycamina ea vocauit, quæ

quæ tantum ex rubo colligerentur. Seruius verò in hoc Verg. carmine,

Ecloga 3. Qui legitis flores, & humi nascentia fraga.

Mora terrestria vocauit. Primas autem mari germinationes, antea, quam in futura poma exeant, Græci ricinos vocant. Alij mora oblonga, vel iulos teretes arbitrantur. Flos lanugineus toti fructui, in medijs inculcatus, postremis tantum non insidens, nec singulas partes ambiens, vt concerni nequeat: fallens interdum, propter lanuginem. Moris verò trini colores, candidus primus, mox rubeus, maturis niger. Horatius,

Serm. lib. 2.

- Illic salubreis

Sat. 4.

Aestates peraget, qui nigris prandia moris

Emiet, ante grauem quæ legerit arbore solem.

Succo, & carne constant, vt homines pascant, potentq;. Matura autem succo manus tingunt, eluunt acerba. Romæ mora Tusculana, & Hostiensia differebant. Minimum enim in hac arbore profecerunt ingenia, nec nominibus quidem, nec insitis, nec alio modo differunt, quam pomi magnitudine. Ferunt poëta, mori fructus tantum albos prius fuisse, postea verò Pyrami & Thisbes amantium sanguine tinctos, ac rubeum colorem mutuatos, dum vterq; sibi ipsi sub moro apud fontem & Nini sepulcrum, prope Babylonem manus consciuiissent. Sic enim in quarto Metamorphoseon ait Ouidius:

Metam. 4.

- Arbor ibi niueis vberima pomis

Ardua morus erat, gelido contermina fonti.

Et post:

Arbori factus aspergine cadis in atram

Vertuntur faciem, madefactaq; sanguine radix

Purpureo tingit, pendentia mora colore.

Post Thisbe ad morum:

Signa tene cadis, pullosq; & luctibus aptos

Semper habe factus, gemini monumenta cruoris.

Dixit: & aptato pectus mucrone sub imum,

Incubuit ferro, quod adhuc à cæde tepebat.

Vota tamen tetigere Deos, tetigere parentes.

Nam color in pomo est, ubi permaturuit, ater.

Sunt tamen & alba, cuius fructus tenuis, albusq; euanescent, & desidens, antequam maturescat, propterea nullo esui humano, sed tantum vermibus fericeis, & non ob aliam rem feritur. Antiquis ignota, vt multis placet, nunc multis locis peregrina.

Mori vires.

CAP. XIX.



O R A autem, Hippocrate autore, calefaciunt. Mustor apud Theophrastum calida esse ait. Æginetæ verò impensè humectât, & mediocriter refrigerant. Propter acerbicatem enim & aciditatem, huiusmodi naturam sortita. Nam & tota arbor in omnibus suis partibus nonnullam mistam vim in restringendo atq; purgando retinere videtur. Nempe ad ea, quæ moderatam habent adstrictionem, vtiliter commiscetur. De his Diphilus medicus apud Athenæum: Bonum succum mediocriter habent stomach

Stomacho conferunt, & faciliè excernuntur. Acerba, inquit Pythenus, vermes excutiunt. Radicis verò cortex, amaritudinis cuiusdam particeps, purgare potest, adeò vt latos lumbricos decoctus occidat, & aluū soluat, & contra haustum aconitum succurrit. Foliorum autem atq; furculorum vis, subducentium & comprimentium media quodammodo temperies. Mora matura si ante cibum sumantur, celerrimè per intestina fecedunt, atque iter cæteris cibis præparant. Sin autem in secunda mensa offerantur, stomacho corruptionem adferunt, & vitiosum iam inibi existentem humorem adaugent. His etenim quis impunè vtetur, quando scilicet præ ariditate, à calore ventriculi os feruescit, vt ea molestia etiam iecur affici necesse sit. Quod plurimum ijs accidit, qui longo itinere vehementiùs defatigantur, aut qui æstu feruido exhausti fuerint. Tum enim oportet corporis squallorem compescere & refrigerare: Minimi alimenti sunt, verum boni succi, vt quidam arbitrantur. Somnum mouent, autore Celso. Aluum subducunt. Immatura verò exsiccata, admodum restringunt, itaq; ad dysenterias accommodata, & ad coeliacas affectiones, & quascunq; alias fluentes. Contundunt autem, atq; in obsonijs commiscent, vice acinorum, velut rhoi fructus. Ad supradicta verò, aut etiam ex vino, aut aqua bibunt. Succus autem ex maturis vel immaturis exprimitur, & in vase æneo decoquitur. In sole torrent, & ter in die spatha permiscunt. Adstringendi, & desiccandi vim peroptimam habet. Facit etiam, addito mellis perexiguo, aut, vt Plinius voluit, myrrha, ad destillationes, tonsillarum inflammationes, & nomas, vulnera ad cicatricem perducens. Eo etiam dentes colluunt. Hoc autem erat medicamentum *σωματικόν*, id est, ori gratum, quod *διάμορον* appellatur. Folia concisa, & ex aceto illita, igni ambustis medentur. Imponuntur etiam & per se vesparum & apum ictibus. Trita verò, aut acida decocta serpentium ictibus apponuntur. Ad idem potu proficitur. Madefacta autem, in vrina, corijs pilum detrahunt. Illorum autem succus cyathi pondere, contra phalangiorum morsus auxilio est. Ex vino autem & posca, radicis succus bibitus scorpionibus aduersatur. Sub dio verò in vino decoctus & bibitus, ventris defluuium compescit, Comprobante his versibus Sereno:

Arbore pyramea cortex direpta liqueur

Axe sub aethereo, sic nigro mixta Lyæo,

Immensum poterit potu retinere fluorem.

Amarefscens quadantenus radix est, & purgandi viribus pollet. Item cum vini calidi cyatho vno bibitus retentos menses educit. Per messem enim incisa, facto in ambitum scrobe, succum amplissimum effundit, qui postridie concretus inuenitur: qui ad dentium dolores efficax est. Aluum quoq; purgat, collectionibusq; ac suppurationibus utilis. Tertium succi genus è folijs & radice expressus, ad ea, quæ suprà, valet. Sed nunc ad ea, quæ Plinius describit, deueniendum, vt quæ mira sint, si tamen vera, quod non inficior. Scribit enim ricinos manu sinistra decerptos, vt si terram non attigerint, adalligatos, sanguinem siue ex vulnere, siue ore aut naribus, vel ex hæmorrhoidibus fluat, sistere: & ad hoc referuari & re-

Y poni.

poni. Idem præstare dicitur ramus, fructus habere incipiens, luna plena effractus, si terram non tetigerit: priuatim verò mulieribus, lacerto adligatus, contra mensum abundantiam. Hoc illud item præstare dicit, quocunque ab ipsis tempore defractus & ligatus, si terram etiam minimè attigerit. Fit è moris siccis vinum, autore Plinio. A moro autem adagiū, Maturior moro. De molli homine dicitur, vel de virgine ad nuptias grādi. Hegesander, referente Athenæo, suis temporibus intra viginti annorū tempus moros fructum non tulisse asserit: atque tantam podagræ pestem omnes inuasisse, vt non homines tantum, verum & pueri, puellæq; ac eunuchi, & mulieres quoq; eo morbo laborarint. At postea in caprarum greges ita grauis irrepfit, vt vix tertia earum pars incolumis permanferit.

De rubo, & adagio, rubo arefacto præfractior.

C A P. XX.



L I N T E R aquaticas arbores rubum Plinius posuit. Frutex tamen est, vulgaris notitiæ, quod etiam ipse Plinius libro decimo sexto fassus est. Sic autem vocari quidam perhibent, quòd eius virgæ rubeant. Folia supra dorsum in pediculo, per medium neruū habentia, à latere verò duos. Fragariæ herbæ simillima, verum minora, & spinosa. Flos roseus ad albedinem magis tendens. Fructus racematim fert, primū herbaceos, mox purpureos, & cum ematuruerint, nigros. Plin. vaccinia, à similitudine mori fructus, mora appellat. Alij existimant rubi fructus vaccinia esse dicta, à βάτω, id est, rubo, vel à βάπτω, id est tingo, B in V. mutata, vt vaccinia quasi baccinia. De quibus intellexisse Vergilium arbitrantur, cum ait:

Georg. 2.

Sanguineūq; inculta rubent auicularia baccis.

Radix locis nonnullis, globi modo rotunda. Fructus, vt inquit Plinius, nō solum Romæ, sed alibi, differente callo reperiuntur. Rubi autem plura genera Theophrastus & ille posuerunt maximo inter se discrimine differentia. Quoddam sursum in altitudinem erigitur, præsertim vbi sustentaculum nactum sit. Inueni ipse rubum per arborem scandentem, longitudine viginti passuum, verum gracilem, & sterilem. Aliud est, quod parum supra terram attollitur, protinus caules suos in terram vergens, quam cum apprehenderit, rursus radices agit. Hoc chamæbatos, id est, humilis rubus dicitur. Fructum rarum, acinis minimè frequentem producit, sæpius inter segetes & mediis agris nascitur. Tertium genus cynosbatos. Hæ sunt è Theophrasto differentia. Aliter verò Plinius, qui inter ruborum genera rhamnum ponit, sic à Græcis dictum: alterum sylvestre, nigrius, & quandantenus rubentes fert folliculos. Hic alibi tertium genus dicit esse, rubum idæum. De quibus omnibus separatim postea dicendū. Et, vt ad nomenclaturam reuertar, apud Dioscoridem variæ rubi denominationes, siue adiectitiæ sint, quod plures volunt, siue autoris sint. Græcis batos, quare hi raia piscem baton, & batim vocant, ex eo quòd eius cauda quibusdam aculeis constet, ad similitudinem rubi. Græcis tamen commune nomen omnium ruborū, quo in totis speciebus, additis aliquot notis, vtuntur. Latini sentem, vt Columella, aliis selinorition, asyntrophos. Alij mora

Vaticana,

Vaticana, à colle illo Romano. Quidam ametrion vocât. Magi Titani sanguinem, vel ideum, Daci mathia, Ægyptij Hæmoos. Alij Ifidis sanguinē. Rubus enim, qui semel exaruit, rumpi potest, nequaquam inflecti, vnde prouerbialis sententia, Rubo arefacto præfractior. In difficilē, atq; inexorabilem dicitur. In medio autem rubi in monte Orebo, atque in Arabia Mofi, sub spem ignis, vt tamen arbor non combureretur, DOMINVS apparuit. Hic verò frutex, an idem fuerit cū eo, de quo nunc agitur, apud interpretes nondum conuenit. Plures enim arboris genus ita fruticosum esse arbitrati sunt, vt vix eam absq; deplumatione auis ingredi possit. Hæc autem hoc loco meminisse, lectori non graue erit, præsertim Christiano, quâdoquidem etiâ Ethni eorum historias, & poëtarū fabulas inserimus.

De rubi vi, ac natura.

CAP. XXI.



RUBI fructus, flos, folia, germina, radix, non obscure adstringunt: sed inter se aut minùs aut magis, vt speciatim in his omnibus dicitur. Maturus quidem fructus nonnihil caliditatis habet, simulq; mediocriter adstringit. Dulcis est, ideo cibo idoneus. At immaturus acerbus, & terrenæ frigidaq; facultatis est, propterea exsiccandi vi præpollet, verum magis arefactus, ideo reponi solet. Maturo in cibo sistitur aluus. Aduersatur serpentium sceleratissimis, præteris morsui, atq; etiam flos. Folia etiam, vt testis est diuus Ambrosius in Hexamero, serpenti superiecta, eum interimunt. Scorpionum vlcera sine collectionū periculo inungunt. Vrinam cit, capillum denigrat cum omphacino oleo. Mansus verò prodest labris, vt hoc carmine testatur Serenus:

Manditur apta rubus gingiuis & bona labris.

Succus quàm optimè maturi, ad oris medicamenta conuenit, & auribus efficaciorē stomaticem, vel quàm quæ in satiuâ moro adnascuntur, præbent. Eademq; compositione, vel in hypocistide tantum & melle bibuntur à cardiacis: contra etiam araneos & in cholera. Siccantur umbra, vt crematorum cinis vnam reprimat. Flos eandem cum acerbo fructu vim habet: ideo utroq; ad dysenterias ventris profluua, in vino potus: pleureticis, item celiacis prodest. Colligitur per messes. Folia autem, maximè recentia, & nuper nata, plurimum aqueæ substantiæ habent: quamobrem moderatè adstringūt, si mandantur. Aphthas, & oris vlcera sanant, & alia vulnera, quæ serpunt, glutinant: & in capite manantibus, illinuntur, & oculos procidentes sanant, & condylomata, hæmorrhoidas emplastri modo apposita. Plinius autem addit ceratū rosaceū. Per se verò concisas imponuntur, à mamma sinistra, stomachi doloribus, & cardiacis. Arefacta autē & contusa, iumentorū vlcerebus vtilia creduntur: cum aceto verò tusa, canis morsui illinuntur. Ramorum autem decoctum potu aluum reprimat, & scæminarum profluua. Gingiuas confirmat, dysentericis prodest, & per se etiam in cibo sumitur. Cyma verò, aut decocti modo, in vino austerio, labentes dentes firmant, & eius cauliculis in aqua coctis pedes equorum aduersus mollitiem fouent. Ramorum verò succus, his, qui ephemerum

sumpserunt, prodest, verum id antequam venenum inualescat. Radix autem præter adstrictionem, subtilium partium est, ideo renum calculos comminuit, eiusdemq; succo, sedis, atq; genitalium vlcera fouentur. Cinis enim eius vnam deprimit. Inter remedia verò, quæ styptica vocant, nihil radice efficacius. In vino autem ad tertias partes decocta, vt eo oris vlcera colluantur. Aluum sistit, & sanguinem, & collutos dentes firmat. Tunduntur teneri cum foliis caules, dein succus exprimitur, & mox insolatur, & in mellis crassitudinem cogitur. Alij succum expressum deferuescere faciunt, & duas eius partes cum mellis vna simul commiscent, & mista ad mellis pinguedinem excoquunt, diamorum nonnulli vocant. Singulari remedio est ad omnia, quàm supra dicta sunt. Rubos, inquit Plinius, ad maleficia tantum genuit Natura, ideoque ex eis mora, vel hominibus cibos dedit.

De rubo Idæo.

CAP. XXII.



RUBUS Idæus sic appellatus, quoniam, vt scribit Plinius, in Ida Troadis, non alibi, nascitur: at Dioscorides verius, quod multus vt in Ida monte proueniat passim quoque. Nam alibi sub arborum vmbra nascitur: & nunc etiam in hortis seruntur, topiarij loco. Vua vrsi ab Asclepiade dicitur, quod vrsi hunc fructum expetant. De qua sic Galenus: Quæ vua vrsi appellatur, in Ponto nascitur. Planta humilis, ac fruticosa est, folio memeryli, rubrum ferens fructum, ac rotundum, quem vrsi vnam vocitant. Est enim tenerior, minoribus ac innocentioribus altero spinis, quanquam & sine spinis inuenitur. Huius autem flos, cum melle, oculorum collectionibus commodissime illinitur. Sacros ignes idem extinguit, stomaticisq; ex aqua bibendus datur: cæteraq; postremo præstat, quæ rubus.

De Ceraso.

CAP. XXIII.



CERASVS naturâ peculiaris arbor, cui folium durum, latius, quàm mespilo, recto admodum, & crasso caudice. Nā ad crassitudinem trium, pluriūve cubitorum excrescit. Plures ei cortices, læues omnes: primus tamen tenuior, non recto meatu ascendentes, verum in gyrum sese obducen-
tes: cumq; desquamatur, hoc modo decorticatur, vt per crassitudinem scindatur. Quod autem subsequitur, colore viridi est. Dempto enim primo, alius durare potest, & ipsum arbore tueri. Sequenti enim anno alius subnascitur. Secundo verò sublato humor quidem defluit. Ramis autem excrescentibus euenit, vt alij sursum, alij deorsum tendant. Radice quidē multiplici est, quæ se cōuoluit. Flos candidus, parum odorosus. Pyrenes autem quibusdam cerasorum ossa dicuntur. Altitudine verò excellit, quippe ad quadraginta, plurāve cubita exurgit. Præcipuè in domibus expetitur ramorum petulantia, latissima expatiātium vmbra, & in alias domos sæpe transilientium. Nulli opacitas breuior, nec hyeme foliis decidentibus, solem aufert. Nulli rami longiores, validiores, aut plures, vt dixisse
totidem

totidem arbores liceat. Nulli cortex iucundior, aut oculos excipies blandius. Hæc prima colono annuam gratiã refert, vt hæc solum de eius arboris encomio, ne omnia complectar, satis sit dixisse. Cerasorum autem, siue cerasiorum (sic enim Seruius Græca imitatione vocat. Nam apud illos *κεράσια* fructus dicuntur) multiplex differentia. Etenim colore, sapore, amplitudine, figurave inter se differunt. Saporũ verò in his prima differentia. Nam sicuti in malis, & punico, succi diuersi. Quibusdam enim dulcis, & hæc magis commendantur: quibusdam verò austera qualitas, atque fermè omnibus his, quæ insita non mansuefiunt. Amara quædam, vt plurimum colore nigerrimo. Alia acida, prouentu tardiora. At in dulcibus nondum maturis, quædam acida, quædam acerba Galenus discret. Nonnullis color niger, quo etiam succus illorum tingitur, vt rubenti, viridiq; , alius similis maturefcentibus. Inter ea sunt maiora & oblonga aliqua, quædam minora. Acidis verò eadem figura, sed colore differunt. Porro quædam ad nigrum colorem atque turbidiorem magis accedunt. Hæc huic generi tardiora, atque grãdiora, minusve acida. De duracinis supradictum est. Hæc autem antiquitus fuisse Plinius commemorat, quæ distinctionem vel ex sapore, vel ex colore, vel figura ceperunt, vt superiora genera. Aproniana, quæ maximè rubent. Actia, quæ nigerrima sunt. Cæciliana, quæ rotunda. Iulianis sapor gratus, sed penè tantum sub arbore teneris, vt gestatum minimè tolerant. Sunt & Macedoniana, parua arboris, raro tria cubita excedentis.


De vi & natura cerasiorum.

CAP. XXII.



CERASIA autem frigida sunt, & humida, maliq; succi. Diphilus tamen apud Athenarum boni succi esse dicit, & conferre stomacho, ac bene nutrire: sumpta verò in frigido stomacho conferunt, & meliora esse magis rubicunda, & Milefia: vrinam enim promouent, sed oportet illorũ facultatem ex saporum natura separare. Nam dulcia aluum citant. Citius enim dilabuntur, & quæ in intestinis sunt, subducunt. Inuenisse apud autores Plinius se testatur, si quis maturino roscida cū suis nucleis deuorauerit, in tantum leuari aluum, vt pedes morbo liberentur. Stomacho inutilia. Porro vt magis secedunt, ita minus stomacho conferunt: contra austera, & acida stomachum magis solantur, ita minus aluum molliunt. Ob incidendi vim, quã habent pituitosis excrementis, stomachicis profunt. Acida cæteris plus refrigerant, & adstringunt. Obstruentes autem iocinoris infarctus leuant, & flauam bilem extinguunt. Aliud est ex recentium, & desiccatorum discrimen, vt siccata aluum sistant, quod de aliis cõtrà suprà dictum est. Vrinam mouent. Non prætereundum quod de cerasiis recentiores medici sese expertos asseruerint, & quidẽ ex eo genere, quod dulcius, & candidius est. Lecta enim paulum adseruant, vt neq; omnino desiccetur, verum succo plena in vase ad hoc apto, igneq; mediocri succum eliquant, quem diligenter conseruāt. Eo enim ad epilepticos vtuntur, cū iam paroxysmo corrupti fuerint. Tunc in os eius drachmas qua-

tuor, plurésve adfundunt, statim reuiuiscit, irretitus, & eo momento hoc execrabili morbo liberatus surgit, nec vllò amplius spasmo conuelleretur, quoad progenita noua morbi causa, aut per crementum exaucta, fieri solet, statò tempore post aliquot dies, alius dein suboritur paroxysmus. Gummi, quod cerasi exudauerint, viscosi & mordacitatis expertis medicaminis vim habet: fauces exasperatas læuigat. Tussi vetustæ ex vino diluto haustum medetur. Colorem commendat, visum exacuit, cibi appetentiam excitar, & cum vino potum calculosis prodest, quod tenuium partium sit.



Præfatio libri vigesimi quarti.



ARBORVM fructus vim maximè ex sapore contemplari & agnoscere est. Non utiq, vt ex his omnium naturam atq, virtutem apprehendere sit, cum & saporem ex ortu atque etate immutent. Multi etiam in natiuo pertinacius permanent. Vt plurimum omnes à natuitate acerbi sunt, & qui acerbiores fuerint, ij magis in maturitate dulcescunt, quod à caliditate euenire certum est, & id dupliciter aut intrinsecus ex singulorum peculiari natura, aut extrinsecus, ex solis potentia. Quidam verò cum acerbitate acidi, quam post sensim exuunt, dulcedinemq, acquirunt. Si autem cum aqueo humore humescunt in dulcedinem etiam desinunt. Nonnulli enim non per intermediam aciditatem, sed extemplo ab acerbitate ad dulcedinem transeunt, veluti oliua. Multi autem ac ne in arboribus maturantur: igitur nec dulcescunt, verum à matre per suum tempus auulsi, post ad aliquod tempus, mitescunt. Omnes etiam cuiuscunq, natura fuerint, ab initio humescunt. Etenim aëria humiditas & tenuis substantia aciditatem producit. Nunc de acerbis, qui quidem aridi & austeri esse solent. A caterorum enim in plurimis qualitatibus immunes, vt nec maturitate nec decerptione, atq, asseruatione saporem natiuum immutent, vt quales nascantur, tales finiant, vt ilicis glandes, arbuti fructus, bacca, corni, iuniperi acimi, & huiusmodi. Quod scilicet vt multis placet frigida acida natura sint, quam quum ab initio induerint vsq, ad mortem adseruent, vt reliquarum qualitatium permutationis absq, incremento omnino expertes sint. Post dulcedinem enim acrior & tandem amarescit, ita vt frigesens acidior euadat. Quod enim exquisitè frigescit, repente acescit.

HORT



HORTORVM LIBER

VIGESIMVSQVARTVS.



De ficu, & eius commendatione.

CAPVT .I.



LMPERATOR M. Antoninus dicere solebat, infanti hominis esse ficum hyeme quærere, & tale esse, pueritiã præteritã quærere. Tryphon ficum magnoperè laudauit. Primùm verò si arborem ipsam consideraueris, quæ parua & permodica est, aspectu quidem admodum grata & iucunda. Ipsum autem pomum non inuenustum, quod satis grande-
scit, tactu molle, oppletq; odore suauis, quod attigerit, gustu item suaue, ac dulce, vt quod omnes sensus prouocet. Vt ad reliqua deueniamus, præcipuum honorẽ inter eos fructus, quos horarios vocamus, obtinet, vt potè cuius succus minùs vitiosus sit, & qui magis alat, etiã quàm vua, succo etiam præstantior. Vsq; adeò apud priscos existimatæ, vt Ananias σῦκα τῷ χρυσῷ χρεωδέσθαι, id est, ficos auro meliores dixerit, & Homerus ingeniorum fons σῦκαί τε γλυκεραί, μηλέα ἀγλαόκαρποι, vt propter eius excellentiam, magna & copiosa eius historia fuerit, si alterius vnquam arboris apud quoscunque, tam Græcos, quàm Latinos autores disputata fuerit. Nec in cuius generibus tam diligenter ex regionũ numeri-
etiamq; rebus, aliis differentiis nusquam nauatum sit. Prætereo ab ea tot sumptas & emanatas historias, atq; tot poëtarum fabulas, quibus ipsa antiquitas non potuit alio magis munere ipsam plantam commendare, quàm ipsius à suis Deis originem, idq; etiã trifariã. Fingunt itaq; poëta Syceam aliquem è Titanibus fuisse, quẽ quum Iupiter insectaretur, Terra mater suæ prolis miserta, intra se occuluit, ac in eius gratiam in syceã arborem, hoc est ficum commutauit. In cuius rei memoriam, vrbi in Sicilia Syceæ nomen inditum est. Ficus enim simplicis vitæ principiũ fuit, vt ait Athenæus. Propterea eius magnus vsus, maior aliquando apud antiquos. Siquidem Lacedæmonij in suis conuiujs, quæ Phidia vocarent, singulis conuiuarum mensis, farinæ medimnum, vini choas octo, casei minas quinq;, ficorum verò vltimum quinq; semis minas destinabant. Calendis Ianuariis carycas & caryotides, & mella tum Deo, tum amicis ac propinquis largiri veteres solebant, vt dulces anni dies, à dulcibus auspicarentur. Artaxerxes cognomento Mnemõ Cyri iunioris frater, in fuga, apparatu eius direpto, quum pane hordeaceo, & ficis aridis vescere-
tur,

tur, exclamauit: Cuiusmodi (inquit) voluptatis expertem me regalis fecerat affluentia! M. etiam Cato ruris operariis cibaria perfici maturitatem, iusta ceu lege sanxit, cum tunc oblonij vicem ficus recentes habeant. Postea verò sole siccatis, casei loco vesci excogitatum. Crates prodigorū pecunias, ficibus comparabat, quæ in præcipitijs nascerentur, quibus homines minimè vesceretur, sed corui, & milui veluti prodigorum opibus parasiti & scorta. Hoc de omnibus fructibus Diogenes dixit.

*Fici arboris descriptio, & eius inuentione, & adagio, Folio
ficulno anguillam tenes,*

CAP. II.



V P R A de Sycea in ficum conuersum diximus, alij autem de eius arboris inuentione aliter arbitrantur, vt tamē semper ad Deos suos referant. Locum autem, vbi primū inuenta, visaq; fuerit, Græci σίκον vocant, & Athenienses ἱερὰν σίκην appellant, quæ Eleusinem ducit, in qua Phytalum, angusti agelli, iuxta Marathonem, dominum, Cererem apud Cephistum hospitio benignissimè recepisse ferunt. In cuius gratiam, & accepti beneficij non immemor, illum furculo ficulneo donauit, qui primū in Attica coaluerit. In cuius rei memoriam, ad eius tumulum præclarum stat elogium, omnia referente Pausania:

ἐνθάδε ἀναξ ἥρως φύταλος ποτὲ δέξατο σπυγνὴν
δήμητσαν, ὅτε πρῶτον ὀπώρας καρπὸν ἔφηνεν,
ἦν ἱερὰν σίκην θνητῶν γένος ἐξονομάζει,
ἐξ ὧ δὴ τιμὰς φύταλος ἔσχευ ἀγῆνωρ.

Calderinus sic interpretatus est:

Hic situs est Heros, Cererem qui in tecta recepit

Phytalus: huic quondam ea dulcia poma

Monstrauit, ficos nomen dixere priores,

Phytalus aternos inde sortitus honores,

Sisibius autem Lacon, fici inuentionem Libero Patri assignauit, quare Lacedæmonij hunc Sycitem vocabant, & Naxij ficulna facie excudabant, quem melichon vocabant, & plantam melichen. Locus, in quo primum ficus inuenta fuit, sacra ficus dictus, & hinc fructus Hegetoria dictus. In Hellade enim ac Sicilia & Cypro, genus arboris fici erupisse Theophrastus scribit, quod pomum auerso folio, grossum verò aduerso sustineat. Iam se locus exhibet, vt de eius figura disseramus, & primū de deriuatione ac nomenclatione. Ficus enim à fecunditate dicitur. Autoribus autem & M. Varrone, & Quintiliano, ne Græcis omnia concedere videamur. Hi sycem vel sycadem vocant, quanquam hoc vltimum Iulio Polluci nouella planta sit. Arbor non satis procera, vt iam suprà diximus, cortex læuis, folium latissimum, & laciniosum, quod Græcorum veteres propter eius asperitatem θρίον vocauerunt, vt propter eius asperitatem, anguilla, piscis lubricus, conuoluta eo facili detineri possit, vnde adagium τῷ θρίῳ τὴν ἐγγελλῶν, id est, Folio ficulno anguillam. Supplendum, tenes. Dicitur autem, vbi quis alioquin furax, & callidus, suis tamen tricis, & arctiore

arctiore nodo, detinetur. Sunt tamen qui dicant, quosdam Græcos ficorum frondes priuatim illa voce appellare. Pomum apud Græcos *σῦκος*, dicitur etiam si veteres Latini Græca dictione vsi sunt, vt Mæuius: Sycos mihi recens fuit. Verum apud Græcos aliæ appellationes. Porro Athenienses *ἡγητήριον* nuncupant, quod ex mitioribus alimentis primum inuentum sit, autor Athenæus, vel etiam Cradam. Ij etiam, autore Polluce pomii fundum, vmbilicum vocant. *οἶδε ἀθικοὶ καὶ τῶν συκῶν πυθμένα ἑμφαλόν*. Folliculus fici, sicuti frumenti à Varrone gruma dicitur, à Plinio frumentum, Græci *γῆρας*, pomum supra folium sine flore, huic enim tactus mollis. Maturo intus frumenta, siue potius grana appellaueris, quæ Græci *κερχαμίδας* vocant. In arbore annuus senescit. Maturefcentibus verò lacteus succus, percoctus mellis. Lac enim propriè, inquitente Macrobio, ficorum dicitur: quod etiam sentit Ouidius:

At tibi dum lactens hærebit in arbore fici.

Lib. Fast. 2.

Nam etiam eius vis est coagulare modo coaguli, vt Varro ait, si fici ramum addant. Nec dubium est, vt inquit Columella, quin fici ramulis glaciatus caseus iucundissimè sapiat. Ad hoc etiam, illo etiam doctore, proderit lac, quod eius arbor emittit, si vinctus cortex faucietur. Hunc autem humorem lacteum, opon vocant, quod generaliter multi ad arborum omnium lacrymam protendunt. Grossi appellantur, vt voluit Macrobius, fici, quæ non maturefcent. M. Attilius: In millibus tot ficorum non videbitis grossum. Paulo pòst ait: Sumas ab alio lacte diffuos grossos. Posthumius in annali primo, de Bruto: Ea causa sese stultum, brutumq; faciebat, grossulos ex melle edebat. Græci *ὀλύνθες*. Lacones autem antequàm maturefcerent, cæcadas vocabant, & pheleces. Ficum etiam maturitatis falsam speciem ostendentem *φῆληκαν* vocant: *φῆλῶ* enim illis decipio significat. Psytaliæ quæ neq; recentes, neq; aridæ. Caryca, ficus arida est: quidam tamen priuatim genus ponunt, in Syria, Cariæve nascens. Illius tamen Plinius peculiare ponit. Siccam ficum Græci *ἰσχαδά* vocant. Pollux tamen distinguit, vt alia recens, alia virens dicatur. Et in his oporobasilides, Alia vetus, alia sicca, & sale condita, quam Cratinus Ischadoptem vocat. Siccæ item potius pingues dicuntur, quàm recentes: idè Celsus siccas pinguiissimas vocat. Probabantur ischades Atticæ, vt Indorum Rex Amirochates per epistolam Antiocho mitti sibi ischades Atticas flagitauerit.

De ficorum generibus, & horum prima à præcocius, & serotinis, & à colore differentia. CAP. III.



FICORVM generum ingens tam apud Græcos quàm Latinos numerus, vt in alia arbore tot reperire non sit. Si quidem horum omnium diuersæ figuræ, varij colores, magnitudine etiam inuicè differunt. A regionibus item, in quibus, aut præstant, aut nascuntur, varias appellationes sortitæ. Quæ ex totidem prouincijs eas ferentibus, infinitæ sunt. Sunt & autorum ijs nomina. Primum enim, vt à generali inter arborum ferè

Z omnium

omnium fructus differentia incipiam. Præcoces, & ferotinæ, basilides, & duracinæ albæ, & nigræ, inueniuntur. In quibus verò designandis, plura genera, quæ sub regionum vocabulo sunt, describentur, quando eiusmodi naturæ & coloris apud hos nascuntur. *πρόδρομος* Achæi procere vocabant præcoces, quasi præcurrentes: *πρόδρομος* enim præcursor est. Protericæ Laconica præcox dicitur. Porphyritis inter præcoces etiam annumeratur. Eam autem è minimis & vilissimis comitatur, popularis dicta. Inter ferotinas autem chelidonia meritò connumeranda erit, nouissima enim sub hyemē maturatur, etiam Tarenti. Facile enim hanc ab vltima, scilicet omnium generum maturitate, cognoscere erit. Quidam verò eam à Chelydonijs, Illyrici populis, dictam volunt, in quorum frigidissima regione, per hyemem etiam maturescat. Achiui, vt Pamphilus, vel, vt Aristophanes in linguis ait, Laconici hybernas ficus, cydoneas appellabant. Saguntinæ hybernæ sunt. Sequitur color, primumq; sese offert, quam Dioscorides à palmarum colore phœniciam vocat, quòd sit nigra, nec aliud in ea voce significat. In eo enim pomo, rubedo ad nigredinem vergit. Hæ autem pulcherrimæ sunt, & à quibusdam Ægilides, ab Ægila tribu appellatæ. Earum meminit Epigenes. Albula, inquit Macrobio, ab albo colore nomen accepit, & apud Græcos eiusdem denominationis genera sunt, alia adiecta qualitate. Nam Athenæo vnum genus est *λευκερυθρός*, quod candidum existimat. Leucophalios Theophrastus chariton & arition vocat: & leucophiæ, leucerinæ Athenæo dictæ. Arasiæ albæ meminit Plinius: quæ latissima sit, minimo pediculo. Hic etiam rhodiam albam dicit. A Carijs autem hæmonix celebrantur. Hæ etiam apud Lydios habentur: sic enim, autore Athenæo à sanguinis colore cognominantur. Sunt etiam, qui in Paro insula rubras sic vocari asserant. A cæterarum enim sapore, vt aper à sue, differunt. Lydeam purpuream dicunt. Proximè sequitur nigra. Porro is color illi sanguineus. Nam, vt ait Horat.

Suamq; pulla ficus ornat arborem.

Coroneos Straboni, vel colarium Aristophani, ficulneæ plantæ genus, quod eius fructus corui colore sint, quem coraceum vocant. Megarica ficus est. Atram asinastram Macrobius scribit. Alexandrina è nigris est, candidante rima, cognomine delicatæ. Atra est & Tellana: alij tellianam vocant, pediculo longo, & Tiburtia, quæ Romæ in honore fuit, autore Athenæo. Barbachytra nigra. Ex his autem duobus coloribus sortita est nomen erythrocomelæna. Sequuntur basilides, & ischades basilides etiam dictæ, & ficobasilea apud Athenæum. Duricoriæ etiam reperiuntur, quæ & duracinæ, vt in alijs fructibus appellare par est. Plautus:

Ficus nobis attulit, duricoriam, præcoces.

Inter has autem erit herculana.

De ficorum, à figura, & autoribus, nonnullis generibus.

C A P. IIII.



Figura enim genera aliquot distincta, veluti cucurbitina, mamilla etiam quòd mammarum similitudinem habeat, genus vnum Chalc

Chalcidicarum & Chiarum. Marisca Græcè *βερυκος* Festo & Macro-
bio dicitur. Nam Græci, magnis & amplis rebus, syllabam bu, assueti sunt
præponere, vt bupedo, bulimæ. Sunt etenim magnæ, quamobrem inter
omnia ficorum genera, has tantum Senecio commendabat. Nempe is
solum grandia appetebat, vt propterea Grandionis nomen sibi assum-
pserit. autor L. Anneus Seneca. Præ pinguedine verò rumpitur, semenq;
ostendit. Quod patefecit Martialis:

Donasti, Lupe, rus sub vrbe nobis.

Lib. 11. Epigr.

Non boletus hiare, non marisca

Ridere. - Marisca etiam (vt nil in hac voce desideretur) morbus,

sic dictus à fici similitudine, ficus etiam dicitur, de quo Iuuenalis:

- Ex podice leui

Ceduntur tumida medico ridente marisca.

Eadem ratione Græcè etiam *σύνκωσις* dicitur. Coctanæ, alij coctana pro-
nuntiant, inter minores numerantur, de his Iuuenalis:

- Quo pruna & coctana vento.

Missitabantur olim inter Saturnalia & xeniola, vase turbinato. Quod
declarauit Statius hendecasyllabo:

Nusquam turbine conditus ruenis

Sylvar. lib. 4.

Prunorum globus atq; Coctanorum.

In vasculis etiam mitti solebant, quorum forma metæ instar erat. Quod
disticho comprobatur Martialis:

Hæc tibi quæ torta venerunt condita metæ,

Mart. lib. 13.

Si maiora forent coctana, ficus erat.

Harundineam verò, folij harundinei maculam variare Plinius ait, à non-
nullis alfula dicitur. Sunt & autorum ijs nomina: Augusta, Liuia, quam
Macrobius Liuiam vocat, aliqui Labianam, Calphurniaca, Pompeia,
siue Pompeiana. Fuit Romæ in comitio ficus Nauia, ab Accio Nauio
cognominata.

*De cæteris ficorum generibus, vt plurimum secundum re-
giones distinctis.*

CAP. V.



ÆTERA finiamus genera, Chalcidicarum siue Caldi-
carum, vt vocauit Macrobius, & Chiarum, quæ in pretio
Romæ fuerunt, autore Athenæo, plura genera, è quibus
Lydiæ, & Mammillæ, de quibus suprâ, & Callistruthiæ, La-
tini passarias vocant. Nam apud Græcos *πασθός* passer est,
parum sapore commendabiles, atq; ficorū omnium frigidissimæ. Refert
enim Capitolinus Clodium Albinum quingentas ficus passarias ieiunum
comedis, & centū persica Campana, & melones Hostienfes decem. Has
enim alio palato præter cæterorum gustum, eum habuisse, sua ingluuie
constat. Chia autem in Setinis agris, ob salis, viniq; saporem præstan-
tissima. Martialis:

Infanti melimela dato, facuasq; mariscas,

Epigram. lib. 7.

Nam mihi, quæ nouit pungere, Chia sapit.

Et alibi expressius:

Z 2 Chia

xpigr. lib. 13.

*Chia seni similis Baccho, quam Setia misit,
Ipsa merum secum portat, & ipsa salem.*

Cauneas verò à Cauno Cariæ oppido, laudari cōmune est, inquit Athenæus. Menim Crasso, nauim aduersus Parthos conscendenti, omen fuerunt, quodam se Cauneas habere venales prædicante, ac si illum iuxta vocis expressionem, moneret, vt caueret, ne iret. Quod ex Cicerone satis declaratum est. Sic enim libro secundo de Diuinatione ait, Cùm M. Crassus exercitum Brundisij imponderet, quidam in portu carycas Cauno aduectas vendens, Cauneas clamitabat. Dicamus si placet, monitum ab eo Crassum, caueret ne iret: non fuisse periturum si omini paruisset. A Caunis verò Ætolia ciuitate, laudibus Parmenio Byzantius prosequitur Antiochena Straboni trophillos. Fert enim Antiochia Phrygiæ, quæ Mæandro opposita est, multam carycam. In Megarica probatur nycilea, cuius meminit in linguis Creticis Hermonax. Probatur etiam à Zacyntho, cuius auctoritatem Plautus in Mercatore firmat. Amadæ etiam in Megarica probantur. Palusca meminit Macrobius. Africanæ autem genus multi cunctis prætulere. Est & ab eadem regione quæ Numidica dicitur. Tusculana Romæ in honore fuit. Itaq; Phaonius, partium Pompeianarum, cùm Cæsarem in Thessaliam fugientem Pompeius persequeretur, dicendi licentia, illi detrectans, acclamauit: O indignum facinus! Hoc anno ob studium cupiditatemq; imperandi, ficus edere Tusculanas non licebit. Memorantur & alia genera, præsertim ab Athenæo. Porro is huiusce historiæ diligens scriptor fuit, vt cirrhocaladia, hyladia, farcelaphia, lapyria, picridia, dracontia, ascalonia, myleca, cremia, melanophia. Memoratur & celeuron, phormynion, sulca, & topia, ampharistea philaba, coronei, procrides, taxalia, bagindarie. Nescio an sint, quas nonnulli brigindarides vocant. Barbaræ bonitate quidem præcellentes, tithrasia Theopompo leptodia, prosonida Pamphilo. Ebusus insula præstantissimas & amplissimas fert ficos, mox in Marrucinis. Scardona insula maris Adriatici est, Illyrico adiacens, per optimis ficubus abundat. Onesicritus in Hyrcania, multum nostratibus esse dulciores, fertilioresq; tradit, vt quæ modios cclxx. singule ferant. Laconicarum Aristophanes in Agricolis meminit, quas paruas à plantæ exiguitate appellauit, & Phrygiarum Alexis. Ex supradictis autem generibus, aliquot à L. Moderato Columella, in suo carmine memorantur, quæ huc transferre non pigebit: quandoquidem hoc carmine non minimam & fidem, & auctoritatem superioribus allaturum existimem:

Colum. lib. 10.

*At grauis Arcturi sub sydere parturit arbos
Linia, Chalcidicis, & caunis amula (his,
Purpureaq; helidonia, pinguesq; Marisca,
Et Challitruis roseo quæ semine ridet,
Albaq; quæ seruat flauæ cognomina ceræ,
Scissa Libysca simul, picto quoq; Lydia tergo.*

Mirum enim, è tot generibus, ne quidem solam appellationem remansisse, nisi forsitan suæ originis: neq; enim nunc aliter vocamus quàm Ligurinas,

gurinas, Campanas, Massilienses, & sic de cæteris, vt propterea illud cum Plinio bellè dicendum sit. Subiere enim tot ficorum nomina, vt ex hoc solum æstimantibus appareat, mutatam esse vitam. Ficedula insuper auis sic M. Varroni dicitur, quod ficubus vescatur, ob quam rem Græcè etiam *συκελis* dicitur, & *ἀμπελῖς*, id est, vuedula, ab vuis, quas etiam pascitur. Quà voce etiam Latinè debuit vocari, ad quod alludit Martialis Epigrammat. lib. 13.

*Cum me ficus alat, cum pascar dulcibus vuis,
Cur potius nomen non dedit vna mihi?*

De generali ficorum natura.

CAP. VI.



QUARE autem fici arbor amarissima sit, fructus verò dulcissimus: nituntur quidam causam reddere, vltro citroq; sese contorquentes, vt Plutarchus in Symposiaciis, vt super his potius ratiocinari videantur, quàm rem dilucidè demonstrare, ideò à me præterita. At vbi de eius vi differendum est, congruum erit, vti antea de eius virtute dicamus, quæ penè diuina est, cuius etiam ex natura, ratio assignari minimè possit. Fulmine primùm non ici existimant plures, inter quos Plutarchus, loco supra memorato: quod nonnulli eius amarori tribuunt, & trunci vitio, vt talia fulgure non percellantur. Quod si verum sit, multiplex, contra rem tam horridam, tanq; pertimescendam, & tantum naturæ periculum, remedium, cum tot res amaras inuenire sit. Taurus etiam vtcunq; ferocissimus, fico adalligatus, mitescit, tangiq; ac subigi, & manu palpari tolerat. Multi acrimoniæ arboris spiritus attribuunt. Quod neq; atq; de superiori arbitror, verùm illud ingenua & occulta vi, cuius ratio reddi possit minimè, vt de multis alijs est, procedere. Et, vt ad minora descendamus, gallus iugulatus si in fici arbore pependerit, tenerefcit: quod ad omnes alias carnes cæteri extendunt. Plutarchus autem prædicto loco rationem adfert, videlicet quòd auram acrem & validam, idcirco coquentem. Equos verò & asinos tum maximè bulimo affici, cum aut ficus recentes, aut mala baiulant. Plutarchus loco supra citato. Temperatæ autem naturæ esse Galenus ait, & tenuium partium. Calidam alij arbitrantur, argumentum ex eo desumentes, quòd fumus, quem multum emittit, omnium acerrimus sit. Differentis enim vis sunt, aridæ, & recentes, æquumq; est, vt prius de illis, quia earum crebrior vsus, dicamus: recentibus verò calidiores, vt initium secundi ordinis attingant. Corpus excalfaciunt, nutriuntq; purgant, discutiunt ea, quæ in aliqua corporis coierint parte. Sitim magis stimulant. Attenuandi vires habent, inflationes, & sanguinem improbum, si non celerius transeant, pariunt: eoq; frequentius vsurpatæ scabiem gignunt, ac pruritum, pediculos generant, deprauatos succos adaugent, ex his, qui calidioris temperaturæ sunt, bilem flauam generant. Qua ex re qui huiusmodi sunt naturæ, statim post oxyfaccarum bibere debent. Si enim cum crassioribus cibis permisceantur, non parum lædunt: contra si cum tenuioribus comeduntur, conferunt: vnde quidam

pectus iuuare, & ad tusses facere, & satis corpus nutrire, & corporis bonum halitum & parare, & facere. Cibus enim his probus est, renesq; & iecur purgant, aperiuntq;, absq; enim oppilatione liberant. Recentium verò cibus reliquo ocyus conficitur, non tam propter alimenti copiam, quàm quòd nil noxium habeat: verùm quia cum cæteris fructibus, & alijs esculentis oblatum, multum illis negotium exhibet, illorum calori cedens, minimè excoqui vetans. Velox præterea è ventriculo, propter eius flatum transitus, & in singulas corporis partes facilis distributio. Nam corpori minimè solidum præbet alimentum, sed subluxum. Virtute imbecilliores, ventrem magis, quàm aridæ, ciunt: maximè si ante alios cibos sumantur. Et, vt de omnibus generaliùs, idq; etiam cum Hippocrate loquar, atq; ex hominum ætate ac temporis differentia. Si exactè maturuerint, propè euadunt, atq; omnino innocuæ, nouissimæ salubriores, quàm primæ, mediata nunquam. Iuuenum vires augent, senibus meliorem valetudinem, minusq; rugarum faciunt. Sunt qui meridiano esu abdicent: tunc enim, vt Pherecrates tradit, morbum creant. Autumno enim insalubres, quoniam sudantia, huius cibi opera, corpora perfrigescunt: ob id sudorem papulasq; prouocant. Voci contrariæ ideò Demetrius Sceptius, vocis studiosis, fisis abstinere iubet, exemplo Hegesinactis Alexandrini historiarum scriptoris, qui cùm à principio pauper esset, Tragædiarum optimus actor euasit, quòd fisis per octodecim annos abstinuerit. Alioquin eos fieri ἐνφώνως, qui fisis vtantur. Molles, & dulces, dentes offendunt: gingiuis enim sua lentitate adhærent, & sese inter dentes insinuant, & putredinem per suum calorem efficiunt. Granorum etiam durities inter mandendum dentes effatigant. Hæc enim vt comedimus, ita per aluum egerimus, quod parua admodum sint, & adeò sicca vt concoqui nequeant. Decoctæ verò ventrem etiam educunt, ac euocant. Idem præstant grossi in aqua decocti. Querit apud Athenæum Heraclides Tarentinus in Symposio, nunquid post ficus calida an frigida aqua sumenda sit? qui enim calidam bibendam existimant, his rationibus freti quòd calida aqua citius manus abstergit, vt consentiente ratione ea, quæ in ventre sunt, statim calore dissoluantur. Qui verò frigidam bibendam asserunt, in stomacho confidentia & grauias deorsum ferri: sed qui sibi salubrius consulunt, mero vtuntur, vt propterea quæ in ventre sunt, citius propellantur. Nam ficus non commodè stomachum disponit, quòd illud inflammet, & debile faciat. Satiuam rutam sub fici arbore natam Theophrastus, Dioscorides, Plutarchus, & Palladius in cibos magis admittunt. Ficorum custodes Græcè σικωποῖ dicuntur: Philyscos, cui ficus placent.

De speciali ficorum erga morbos vi.

CAP. VII.



GENERATIM de ficorum viribus dictum est: vt etiam circa has ipsi autores dissenserint. Sequens erit, vt speciatim de his ad morborum remedia disseratur. Aluum sine torminibus læuigant, & soluant: verùm ab his soluta facillimè cohibetur.

Renibus

Renibus purgandis idoneæ, præsertim verò admodum maturæ. Nempe abstergendi vim eximiam habent, vt comestæ plurima arenosa è renibus trahant. Idem præstant carycæ. Nam attenuandi viribus excellunt. In febribus constrictis, quas stegnas vocant, propter vim, quam in sedanda siti, ac calore habent, non negantur. In vino autem decoctæ, & appositæ, carbunculos extrahunt: carcinomati verò, si sine vlcere sit, pinguis-
simam ficum imponere, singulare penè remedium est: item phagedænæ. Induratos verò tumores discutiunt, vel ipsemet appositæ, vel earum decoctum. Oportet autem vbi maturare est animus, triticeam farinam miscere: vbi discutere, hordeaceam. Esaias Prophetes Ezechiam Hierosolymorum Regem sanauit, imposita super vlcus ficorum massa. Aluo viles: rheumatismis tamen eius, ac stomacho contrariæ. Item renum, gutturis, & arteriæ vitij, & se à longa valetudine recolligentibus vtilissimæ, & hydropicis ac comitialibus. Ad dentium autem dolores fici pinguis corticem terito, & eius ius in dentem conijcito. Cum malicorio pterygia purgant: cum atramento sutorio, vel, vt ait Plinius, cum æris flore, deplo-
ratis ferè tibiæ fluxionibus, & cacoëthis vlcibus medentur. Crudæ verò, & concisæ & sinapi liquido exceptæ, & auribus instillatæ, earum sonitus & pruritus sanant. Coctæ autem, & illitæ duritias discutiunt: cum hyssopo verò potæ, pectoris & pulmonum diuturna vitia, & tussim venterem purgant. Cum vino enim ad sedem, mamillarum tumorem, & parotidas illinuntur: panos & furunculos ad maturitatē perducunt: verum efficacius, nitro, iri, vel calce addita, aut etiā crudæ, si cum his mandantur. Tufæ autem cum croco & nitro, demū manducatæ, aluū molliunt. Cum ruta coctæ, torminibus clystere infundūtur. Cum hordeacea verò farina ad idē cataplasmati miscetur, addito vino & absynthio & hordeacea farina. Omnibus verò, quæ emollienda, aut discutienda sunt, illinuntur. Crematæ item in cerato perniōnes & prurigines sanant. Decoctū verò carycarū contra tonsillarū & faucium inflammationes gargarizatum prodest. Vtileq; erit, illo fouere scēminas, addito maximè scēnogreco & ptisana. Foliū horū vsus, in his, quæ exulcerari opus est, idoneus. Strumis, lichenis, & alopecijs illinuntur. His etiā ficosæ extuberationes, & asperæ oculorum palpebræ fricantur. Furfures & epinyctidas, ac manantia in capite vlcera, cū sale & aceto illita sanant. Albæ verò nigræve folijs, aut summis caulibus vitilignes perunguntur. Cortex cum oleo tritus, ventris vlcera sanat Prodest etiam, si quis inclinata arbore, ore supino, aliquem nodum eius, nullo conspiciente, mordicus abstulerit, atque adalligatum licio & collo suspenderit. Hac enim ratione strumas, ac parotidas discuti. Nonnulli à pubere id fieri, & ante Solis ortum debere aiunt. Lacteus autem succus tam satiuæ, quàm caprifici, exulcerandi, & aperiendi vim habet. Vlcera enim manifestat, & vuluam cum detrita amygdala potus, venarū etiam spiracula, laxat. Menstrua ciet, cum oui luteo, aut Tyrrhenica cera appositus, aut cum amylo, vt Plinio placuit, potus. Podagris cum scēnigræci farina, & aceto vtiliter illinitur. Lepras, lichenas, pforas, vitilignes, vlcera capite manantia, cuncta hæc cum polenta emendat, pilos quoque detrahit,

detrahit, aluum soluit, verrucarum fornicationes, quas myrmecias vocant, cum adipe tollit, circumlita in ambitu carne. Lana verò exceptus dentium dolori prodest, eorum cauis inditus. Cinis cum cera, & rosaceo oleo subactus, ambustis, cicatricem obducit. Lusciosos ex oleo illitus emendat, dentiumq; vitia, crebro fricatu. Datur tetanicis, & spathicis. Spodij vicem exhibet. Fruticum autem à radice exeuntium cinis, bis tostus, abiecto psimmythio digeritur in pastillos, ad oculorum vlcera & scabritiem. Fit è cinere tam fici, quàm caprifici lixiuium, crematis ramorum caulibus, quod oportet cinere sæpius repetere, & inueterascere. Miscetur his, quæ vrendo sunt: gangranis prodest, quippe omnium efficacissimè expurgat, & quæ excrescunt, consumit. Et hoc modo vtendum: Spongia hoc lixiuium assiduo imbuta superponitur. Conuenit & dysentericis, & antiquis alui fluxionibus, & profundis vlcera sinibus. Etenim purgat, conglutinat, carne etiam replet, & oras non minùs, atq; emplastra, quæ cruentis vulneribus imponuntur, committit. Ad discutiendum autem sanguinem concretum bibitur, & conuulsa, rupta, percussa, & his, qui ex alto præcipitati fuerint, cum cyatho aquæ per colum traiectæ, & addito olei exiguo. Cæliacis per se cyathus potus, aut infusus prodest. Inungitur præterea vtiliter cum oleo in neruorum doloribus, vtpotè quòd sudores moueat.

De speciali ficorum erga venena vi.

CAP. VIII.



E ficorum verò erga venena vi præstanti, tanquam de re maxima, vt per se diceremus, æquum fuit. Nota itaq; fuit Mithridatis, de qua suprà, compositio, tantoperè à multis celebrata, de qua etiam Iuuenalis, Satyra 14.

- Atq; eme quod Mithridates

Composuit, si vñ aliam decerpere ficum.

Quippe carycæ cum iuglandium nucibus commanducatæ, venenorum maleficia hebetant. Scorpionis recenti ictui succum fici instillatum mereri, nonnulli è Græcis autoribus aiunt, & hac ratione non vltà progressurum. Alij cum sale carycam terunt, & illinunt: Faciunt & ad canis rabiose morsum, & crabronum, & vespærum ictus, & vlcera, quæ ceria, id est, fauos dicunt, cum melle, vel aceto, vt dicit Plin. trita & illita.

De vino fycite, & aceto è ficis.

CAP. IX.



IN VM in Cypro è fico fit, quod fycites dicitur: quidam palmipyrum, alij catorchiten vocant. Carycæ autem, quæ Chelidoniæ appellantur, in vrceolum deiiciuntur, cuius fundum perforatum sit. Harundine picata, & lino foramen obturetur: quadragenis sextarijs, aquæ congios tres infundi conuenit. Quod vinum si ita dulce esse non libeat, congios quinq; infudisse satis sit. Post decem dies liquor excipitur, atque iterum, tertio quoq; idem aquæ modius, in qua vinacia maduerint, infunditur, similiq; modo intercedente spatio, quarto, aut quinto excipitur. Quidam

verò

verò amplioris eius sex, salis sextarios decem adiiciunt. Alij pro sale, muriæ amphoram. Hac enim ratione, non faciliè corrumpitur, & aluo idoneum existimant. Aliqui fœniculum & thymum in imo subiiciunt, & carycas superponunt: & ita vicissim, donec vas impleuerint. Id autem tenue est, inflat, stomacho aduersatur. Nam cibi fastidium parit: aluo tamen prodest, urinam ciet, & menses trahit, & lactis abundantiam facit: vitiosum tamen sanguinem creat, & elephantiam adfert, zythi modo. Post vinum autem sequitur acetum, cuius ratio è Columella talis erit: Sic enim ad verbum ait: Quibus regionibus vini, ideoq; aceti penuria est: itaque hoc eodem tempore ficus viridis quàm maturissima legenda est, utique etiam si iam pluuiæ inceserint, & propter imbres in terram decidit, quæ cum sublecta est, in dolium vel in amphoras conditur, & ibi finitur fermentari: Deinde cum exacuit, & remisit liquorem, quicquid est aceti diligenter colatur, & in vasa picata bene olida diffunditur. Hoc primæ notæ acerrimi aceti vsum præbet, nec vnquam situm, aut mucorem contrahit, si non humido loco positum est. Sunt qui multitudini studentes, aquam ficis permisceant, & maturissimas ficus recentes adiiciant, & patiantur in eo iure tabescere, donec satis acri aceti sapor fiat. Postea in iuncis fiscellis, vel sparteis faccis percolant, liquatumq; acetum inferuefaciant, dum spumam, & omnem spurcitiam eximant: tum torridi salis aliquid adiiciunt, quæ res prohibet vermiculos aliave innasce animalia. Hæc ille ad verbum: quæ hîc transferre non erubui, quandoquidem nec breuius, aut eloquentius describi potuerunt.

Corui in sydus translati fabula, & de nonnullis alijs.

C A P. X.



FINGUNT poëtæ, sacrificante Apolline, coruum, qui in eius tutela esse dicitur, ad fontis puram aquam asportandam missum. Vidit hic ficorum plures arbores, & in his fructus nondum maturos, earum aliquam consedit, expectaturus quidem dum eius fructus maturefcerent: quod ubi euenit, plures à coruo ad saturitatem vsq; comese sunt. Cuius moram, tam esus quàm maturitatis, utpotè non minimam, pertæsus Apollo, quum etiam re alia ad sacrificandum vti necessarium fuisset, coruum hac pœna atque ignominia vitus, ut quoad fici maturefcerent, bibere posset nequaquam. Per illud enim tempus guttur pertusum habet, ut propterea haurire aquam possit minimè. Aliter alij, ut Ovidius in secundo Fastorū. Dum enim Iupiter festum solenne appararet, coruum, ut aquam ferret, misit: qui, ut suprà dictum est, dum ficus maturandas expectasset, quas prius rostro immaturas depræhendisset, diu immoratus, & Ioui moræ causam mentitus. Nam illi aquarum obsessorem hydram affirmarat. Ob cuius mendacium, ab eo in sydus cœleste commutatus. Fici arbor fuit, in qua Æacus Iouis & Æginæ filius formicas vidit, quas in sociorum ob pestilentiam amissorū, solatium in homines conuerti desiderauit. Quod statum voti compos euenit: qui postea Myrmidones dicti. *μύρμηξ* enim

A a Græcè

Græcè formica dicitur. Iuxta Eleusinem Atticæ ciuitatem, & prope Cephisum fluuium locus est, quem Caprificum appellarunt, quo Plutonium raptam Proserpinam, ad inferos descendisse fama est. Pausanias in Atticis. Adamus autem & Eua, post in Deum præuaricationem factam, cum se nudos cognouissent, fici folia consuerunt, & sibiipsis perizomata fecerunt,

De Catonis Censorij vaso, & ingenioso documento, quo patribus delendam fore Carthaginem suaserit, & Xerxis iuramento, & Saudanis erga Cræsum consilio, & Philemone.

CAP. XI.



E fabulis ad historias deueniendum. Suprà enim de ficis Africanis meminimus, quas nonnulli ceteris prætulerunt. Harum enim meminit M. Cato. Cuius pomo ad ingens documentum Cato Censorius vsus. Reuersus enim ex Africa, vt in eius vita scripsit Plutarchus, ad quam senatus sententia missus fuerat, vt controuersiarum Carthaginensium, & Massinissæ Regis Numidiæ inter se disceptantium causam dignosceret. Itaque perniciali odio Carthaginis flagrans, nepotumq; securitatis anxius, senatum docuit, Carthaginenses superioribus cladibus non tam infirmiores, quàm prudentiores, nec tam armis debilitatos, quàm bellicis artibus instructiores esse factos. Quadam verò die præcoces ex ea prouincia ficus in curiam attulit, quas clanculum subter togam de industria occultarat: ostendens itaq; patribus (quibus magnitudo ac pulchritudo illorum summæ admirationi fuit) Interrogo vos, inquit, quando pomum hoc ex arbore demptum putatis? Cumq; recens inter eos constaret. Fundus (inquit) ex quo lecta hæc sunt poma, trium dierum nauigatione tantum ab vrbe distat: tertium quoq; ante diem Carthagine decerptum scitote: Tam propè à muris habemus hostem. Sumptum quoque statim Punicum tertium bellum est, quo Carthago deleta est, quamuis Cato anno sequente raptus sit. Quid primùm in eo miremur, vt Plinij verbis utar, curam ingenij, an occasionem fortuitam? rursusq; celeritatem, an viri vehementiam? Suprà verò omnia quoddam est, quo nihil duco mirabilius, tantam illam urbem, & de terrarum orbe per CCCX. annos vrbis Romæ æmulam, vnius pomi argumento euersam. Quod non Trebia, quod non Thrasymenum, quod non Cannæ, busto Romani nominis insignes perficere potuere: non castra Punica ad tertium lapidem vallata, portæq; Collinæ adequitans ipse Annibal, tantò propius Carthaginem pomo Cato admouit. Simile autem Xerxis in subigenda Attica è fico argumentum fuit. Nam cum in Perside venales ficus Atticas depræhendisset, iurauit se non antea esurum, quàm regionem illas ferentem deuicisset. Saudanis Cræso etiam persuaserit, ne aduersus Persas præliaretur, qui asperam regionem inhabitarent, ficos minimè ferentem, nec quid aliud bonum, quod comederent. Scribit Valerius Maximus Philemonem immoderati risus vi expirasse. Cum enim paratas illi ficus, & in conspectu positas, asellus deuoraret, seruum, vt illum abigeret, inclamauit: qui cum

iam

iam consumptis omnibus superuenisset. Quoniam, inquit, tardus adfuit, da illi merum: statimq; cachinnorum vi euauit. Tam enim illi grata fuit suijus vrbanitas. Eadem de Chrysippo produntur.

De caprifico.

CAP. XII.



INTER arbores syluestres caprifico locus assignari debuit: verum quia eius materiei, ob ligni imbecillitatem minimus vsus, vtpotè etiam, quod in ficetis tantum inferatur, quibus propter ficorum maturitatem, plurimum prodest, vt suprà ostensum est, non itaq; incongruum erit, vt post domesticam ficum describatur. A carpando autem dictam volunt, quod muros, saxaq; ac parietes carpat. Quod testatur Martialis:

Marmora Messale findit caprificus.

Epigr. lib. 10.

Græci vocant ἐρινέον, vt Pausanias ait: quod in Erino Thessaliæ, vel, vt alij volunt, Achaïæ municipio primum apparuerit, vt Phocioni placuit. Alij, vt Phauorinus, fici speciem ab Erino vrbe Dorica. Zteztes Lycophronis interpretes, ficum satiuam dicit. Nonnulli olynthum. Messenij tragum, quod Apollo Aristomeni & Theocli vati, de salute consultantibus significauit. ἐρε, πένθος πίνουσι νέδης ἐλαϊκόρροον ἕδωρ ἐκέρτε μεσσηνίου ξύουμα. Est autem Neda fluuius, cuius fontes in monte Lycæo visuntur, in Arcadiam fluens. Eo autem oraculo tragus, arbor caprificus, non hircus intelligitur, quæ in Nedæ fluminis ripa enata, non recta, sed in fluuium deflexa excreuit, vt folijs humorè quodammodo haurire videretur. Hanc autem Theocles conspiciens, caprificum, capri nomine intelligere voluisse Apollinem, è Neda bibentem. Cum itaq; iam Messenij impenderent, reliquos celauit, Aristomenem verò ad caprificum perduxit, & rem omnem aperuit. Sic itaq; interpretatum est oraculum, ipse Nedes dum hircus bibat alta fluentia, nec vltra, Messenen seruo: Propè enim instant tristitia fata. Hæc Pausanias in Messenijs. Fructus Polluci ἐρνια vocantur. Figura autem eadem cum satiuâ, vt noua eius descriptione minimè opus sit. Theophrasto potissimum laudatur nigra, ac locis saxosis orta, hac verò ratione, quod multa grana in se contineat: robusta etiam est. Noscitur hæc à culicibus, qui ex ea emerferint, de quibus alibi dictum: contrà imbecillior alba.

Caprifici vires.

CAP. XIII.



CAPRIFICI autem vim Dioscorides in fico descripsit. Plinius verò separatim, vt & si multas inuicem ex agnatione similes habeant vires, multas tamen inter se quemadmodum inter consanguineos dissimiles mores sunt, ita inter facultates differentes. Vt propterea multa hîc repetisse, quæ in satiuâ contra morem meum oportuerit, per omnia etiamnum satiuâ efficacior. Arbor quidem calidæ, tenuiumq; partium temperaturæ, vt domestica, vt liquor, & ficorum succus, non rodât modò, vel valentiùs abstergat, verum etiam exulceret, & ora venarum aperiat. Vbi autem bos

Aa 2 bupre

buprestim deuorauerit, caprifici fructum in nares instillant. Iam verò & purgandi vim obtinet. Sed & caules, quos Græci *κράδας* vocant, adeò calidi, vt additi magno ligni compendio, carnes bubulas, & si duras, citius percoquant. Lactis minùs habent. Eius verò surculo, veluti domesticæ, lac in caseum coagulatur. Grossi, quas nonnulli erineos vocant, crudæ, & fornicantes verrucæ, ac thymos, nitro, & farina additis, & omnia, quæ vel emollienda, vel discutienda sunt, illinuntur. Cum syluestris verò papaueris folijs, infracta ossa extrahunt: cum cera etiam furunculos solunt: cum vino autem & eruo, contra scolopendras & muris aranei morsus illinuntur. Resistunt & sanguini taurino epoto, & psimmythio, & lactis coagulo potæ. Illitæ verò strumas emolliunt, & omnium collectionem suffitu. Inflammationes discutiunt. In aqua autem decoctæ, atq; illitæ, parotidas sanant: quàm minutissimæ enim ad scorpionum ictus è vino bibuntur. Recentes autem cum vino ad phagedænas. Cum melle & folijs ceria sanant, & canis morsus. Hyberna verò cum aceto cocta & trita impetigines tollit, ad hoc etiam rami sine cortice, quàm minutissimè ad scobis instar teruntur, & linuntur. Folia, quæ mollissima ex his sunt, cum aceto, vlcera manantia, & epinyctidas, & furfures sanant. Admixto autem eruo, contra marinorum venena prosunt. Si autem, vt inquit Columella, bobus ex cruditate neglecta, inflatio ventris & intestinorum maior dolor infecutus fuerit, prodest caprificum aridam contritam, cum aquæ calidæ dodrante dare. Radix enim in vino deferuefacta, dentium dolores sanat. Lac exceptum, in duritiemq; coactum carnibus suauitatem adfert, fricantur eo ex aceto diluto. Corpus, autore Celso, exedit. Exulceratorijs medicamentis miscetur. Aluum soluit. Vuluam cum amylo aperit. Potum verò cum oui luteo menses ciet, cum tænigræci farina podagris illinitur. Psoras, lentigines, lepras expurgat, item venenatorum ictus, & canis morsus sanat, dentium quoq; dolori cum lana appositum, aut cauis eorum inditum, Scorpionū plagæ instillatur: folia etiam imponuntur. Aduersus murem araneum prodest. Arboris cinis ex melle, faucium vuam sanat, & rhagadas, caulicorum per se vuam. Suprà taurum ad ficum alligatum mitescere dixi. Sunt qui eadem dicant de caprifico ad collum ligato. Quare Ægyptij hominem frugi, post relegationem denotare volentes, taurum ad caprificum religatum figurabant. Contra est in chamæleonte, qui, vt scribit Plinius, circa caprificum ferus fit. Tanta, tamq; differens erga diuersa animalia, vnus plantæ virtus.

De arbuto.

CAP. XIII.



ARBUTVS, siue vnedo, Græcè *κόμαρος*, & *μιμαίνυλος*. Quidam tamen arbutum arborem existimant, fructum verò vnedonem: sicuti & apud Græcos ipse ille Dioscorides *κόμαρον* arborem & *μιμαίνυλον* fructum, vt tantum arbutus ab vnedone differat, & apud Græcos *κόμαρος* à *μιμαίνυλῳ*, quantum arbor à fructu. Sunt tam è Græcis quàm Latinis, qui fructum & *κόμαρον* & *μιμαίνυλον* & arbutum & vnedonem vocitent.

citent. Vergilius autem cum arbutum pro fructu protulit, neutro genere dicit, in primo Georgicorum,

- Cum iam glandes, atq; arbuta sacra

Ecloga 7.

Deficerent sylva.- Et in secundo:

- Dant arbuta sylva. Et de arbore sic:

Et quæ vos rara viridis tegit arbutus umbra.

Sunt tamen qui dicant Horatium arbutum fœminino genere pro fructu posuisse, his carminibus:

Impunè tutum per nemus arbutos

Querunt latentes.-

Placet ex Dioscoride differentia, propter vnedonis appellationem, quæ ab esu nomen accepit. Nam sui asperitate, plura edi non possunt: quasi vnum tantum edi possit, vt ait Plinius, vt ab eius asperitate quidam orodum nuncupent. Galenus tamen vnedonem fructum esse dicit epimelidis: quæ arbos Dioscoridi, mespili genus est, quod nonnulli arbitrantur, à simili fructuum harum arborum vi. Arbutus arbor apud Theophrastum nelia dicitur, iomalus è recentioribus apud nonnullos. Plinius autem ex illis duabus prioribus vocibus duo genera posuit. Fruticosa arbor tamarici persimilis. Dioscorides verò cotoneo malo, cortice tenui, folium inter laurum & ilicem habet. Flores baccis myrti, verum longioribus, similes, vno pediculo, racematim dependentes, non foliati, sed concaui ceu oui vertice pertuso. Cum verò deflorescunt, perforantur, & quod defloruerit, in pediculum relabendo, verticelli instar circa fustum, tenue apparet. Pomum enim fragorum fructui persimile, sine nucleis, prunorum magnitudine. Per maturitatem autem flauescit, & rubescit. Vnde Ouidius:

- Pomoq; onerata rubenti Arbutus.-

Metam. lib. 10.

Anno maturefcit, grato per hyemem spectaculo. Tunc enim volentibus (cæteris arboribus suo honore priuatis) sua poma offert, etiamq; colore blanda. Quum enim manditur, linguæ & dentibus, veluti palearum acus se repræsentat. Arbos, & fructus ipse, acerbæ qualitatæ est. Fructus verò difficilis concoctionis, stomacho etiã aduersatur, capitis dolores faciens. Quidam numerum septem addiderunt. Adstringendi vi pollet, & arbor & fructus. Sunt è recentioribus medicis, qui aquam ex folijs extractam, osse in cerui corde comperto admisto, maximam aduersus pestem opem præstare existiment, quam vbi statim morbus inuasit, ægrotantibus exhibent. Arbor quidem hædis fronde expetita, teste Vergilio:

Dulce satis humor, depulsis arbutus hædis.

Ecloga 3.

Fructu etiam delectantur turdi, & merulæ, vt hyeme, vbi fructus maturuerint, eiusmodi generis aues visco & decipulis facilè capiantur.

De mespilo.

CAP. XV.



ALORVM, pyrorumq; generi iure annumerari mespila Plinius ait. Polluci arbos & dicitur, & hoc nomen apud Platonem inueniri. Græcorum tamen alij, hoc ad sorbum referunt.

Aa 3 Græcè

Græcè etiam *μέσπιλον, ἢ μεσπίλη*. Arbor autem satis parua, mali folijs similibus, verum minoribus & longioribus, flore albo. Pomum fert à pediculo in latitudinem rotundum, à parte verò superiori concavum, quod ambiunt per margines folliculi recti mucronati, vt regum coronas referant. Edendo enim est, verum vbi sub paleis mite factum fuerit, & emollierit, aut si in arbore ad multam hyemem remanserit.

De epimelide & azarolo, mespili generibus.

CAP. XVI.



V P R A capite de malis à Macrobio, epimelidem inter malorum genera annumerari ostendi, & hoc præcedenti, mespila ex Plinio malorum generi. Theophrastus autem, & post eum Plinius, mespilorum genera tria posuit, Idæos secutus, vt ipse ait, videlicet, anthedonem, & setanium, ac tertium quod degeneret, tamen si anthedoni similis gallicū hoc vocant. Dioscorides verò tantum duo, & setanium secundum siue epimelidem vocari. Hippocrates *γυναικίων ἀμαμαλίδας* vocat, vt etiā Galen. testatur. Asclepiades etiam sic vocauit. Ille autem, & eius simia Ægineta, in Italia nasci, & Italis rusticis vocari vnedo, & sylvestris mali genus esse, cuius arbor in Calabria copiosa. Hippolides autem Palladio è Martiale, poma sunt sorbo similia, quibus dulcedo cum acuto sapore commista est. Epimelidis verò arboris ex Dioscoride folia malis similia, verum minora. Pomum fert rotundum, cæteris maius, & candidius: acini, molliore ligno, vt ait Plinius, & reliquis minis pomum: sed odore præstantius, quod diutius seruetur. Dioscorides autem primi generis aroniam vocari scribit, & spinosam esse, folio acutæ spinæ, vel, vt alij volūt, buxæ spinæ. Hanc enim Arabicè vocari zazum recentiores autumāt, & fructum azarolum. Nonnulli adhuc aronium, id est, azarolam albam vocant. Cæpit autem hæc arbor, paulò ante nos in Gallia & apud Lugdunenses peregrinari, nedum adhuc omnibus nota, è Neapoli, vbi frequēs, profecta. Hoc autem genus Theophrastus suis monumentis manifestius demonstrat. Cui folium magna ex parte incisum, apij folio simillimum, sed breuius, atq; oblongius. Fructus verò longiori pediculo dependet, qui ante, quàm decidat, rubeat, suavis, atq; exiguus. Hæc autem descriptio azarolo apprimè conuenit. Vno intus osse. Dioscorides tamen tria intus ossicula esse dicit, à quibus trioccus, quasi triganius, aut triosus. Flos omnibus, vt Theophrastus voluit, generibus, vt amygdalo, sed herbaceo, candidius tamen nostratibus visitur. Ex descriptione autem horum omnium generum, tam Dioscoridis, quàm Theophrasti, vel Plinij, nullum nostrati suprâ descriptæ conuenit, maximè verò cū Plinius ex amplissimis arborem dicat: quod superiori, neq; harum alij communiter conuenit. Fructus autem primi generis stomacho gratus, vehementius adstringit, ideò fluenti aluo accommodatur. Setanij verò acerbissimus, ac stomacho ingratus. Immaturus enim non nihil caliditatis habet, maturus verò frigidus. Capitis dolores mouet. Admixta siquidē ei aliena qualitas. Seminis verò puluis, lapillos vehementius è renibus eijcere, & è vesica minuere perhibent. Vrinam cit. Folia impensè acerba. Horum autem dilutum sitim sedat.

De

De aronia syluestri.

CAP. XVII.



RONIAM syluestrem nostri albam spinam vulgò vocant, & qui de ea meminerunt, album spinum, vt Ruellius, vt illi nondum nomen conueniens redditum sit, quod illi ex aronia, id est, azarolo reddere placet. Nam illi adeò similis est, vt ab ea nil, præterquam ex fructus & foliorum magnitudine discrepet, & quantum vrbana & insita à syluestri. Neq; enim etiam ex stiptis amplitudine ab alia separate ausim, si per se infererentur, & diligentius colerentur: vsque adeò enim huiusmodi magnas in hortis meis Curtianis habui, quibus & florum iucunditate & suauitate, & fructus colore & frondis pulcherrima ac rotunda coma, oblectatus sum, & quòd frequens apud nos sit parum æstimata: quibus tantum ad sepimenta seruit, ad quæ nulla alia sua firmitate, & diurnitate, & spinarum asperitate vnam habetur. Ad multa etiam ad insiti genera, maximè verò quadam affinitate mespilorum, præsertim azaroli. Et vt ad arborem ipsam deueniamus, recto caudice est, spinis horridior, minus tamen in caudice, idq; læuius dum senescit. Folijs apij, verum minoribus, albo flore, à quo vulgariter nomen accepit, odorato quidem. Fructu autem in longitudinem rotundo, osse intus secundum amplitudinem satis magno, vt parum carne abundet. Per maturitatem rubenti, parum intus croceo. Præda quidem per hyemem merularum & turdorum, aliarumq; nonnullarum auium.

De sorbo.

CAP. XVIII.



PRIMA ratione sorbus mespilum sequitur, vt præterea nescierim an sorbus mespilum præcedere debuerit: præsertim verò cum ea, quæ de mespilo antiqui disseruerunt, potius sorbo attribuenda fuerint: maximè si arboris magnitudinem attendamus: nec alia inter eos differentia, quam quòd in sorborum genere nullum in fructu os includitur. Arborem Græci *σύν & εἰς*, fructum verò *οἶον & ὄνα*. Præstat hæc arbor magnitudine rotunditateq;. Nam concinna coma ouatur, quippe magna ex parte, nucis pineæ figuram, nisi quòd impediatur vertice suo caput. Cortex læuis, ad flauum albicans, annosæ tamen nigro scabroq; vestiuntur. Folia lauri figurâ imitantur, sed ambitu serrata, breuioraq; sunt, nec in extremum mucronata, verum rotundius orbiculata, prolixo, neruosoq; pediculo pendet, singulaq; in versum condita, alæ modo tanquam ex omnibus vnum sit, ad neruum vsq; lancinata exeunt. In fine verò pediculi folium impar prouenit, vt etiam cuncta dispari numero absoluat. Pauciora, breuioraq; in paruis, vetustioribusq;. Flos candidus, paruus, racematim è pediculo pendens. Fructus enim malorum antequam maturuerit, refert colorem. Huic autem quadruplex differentia, vt Theophrastus autor est, alio rotunditas vt malis, alio pyro turbinatio, cæteris species ceu malorum aliquibus ouata. Succis etiâ differunt. Ouata sæpenumero acida, minusq; odorata. Rotunda enim odore, ac suauitate præcellunt, cæteris vini sapore.

Genero

Generosissima autem, quibus circa pediculos tenuiora folia. Quartū verò genus torminale appellant, remedio probabili. Nam contra tormina valet: à qua vi nomen accepit. Arbor hæc, ex altioribus, folio penè platani, verum breuiori, pomum minimum, sed prouentu assiduū, ac racematim pendens, per maturitatem rufum. Sorbis autem immaturis gustu nihil asperius. Aluum sistunt, dissecta atq; sole siccata: quare Martialis,

Lib. Epigr. 13.

Sorba sumus, molles nimium durantia ventres:

Aptius hæc puero, quàm tibi, poma dabis.

Nam vt ad interpretationem horum carminum deueniamus: puerorum ventres ferè molles sunt. Mola eadem teruntur, & in eundem vsus, illorū farina, si polentæ loco sumatur, est. Idem eorum decoctum potu præstat. Recentia stomacho idonea. Adstringunt enim sorba, magisq; ea, quæ torminalia vocantur, verum imbecillius, quàm mespilus, ideo citæ aluo profunt. Esui iucunda. Fit è maturis & vinum, & acetum.

De corno, & Gordiano nodo.

C A P. X I X.



C O R N V S arbor, & cornum pomum, vt Seruio placuit, à Theophrasto verò cranias arbor dicitur, speciosa, ac dura, caudice recto, cortice neruoso, & tenui, nodos perinde vt amerina per interualla geminos, & in vicem respondentes habet. Radices validas, & nulli pernicipi obnoxias. Folium amygdalæ, verum pinguius & crassius. Flore oliuæ, dulci, & odore grato, singulari pediculo dependente. Baccas fert, quæ vefcendo sint, oliuæ modo oblongas: quæ primū virent, deinde per maturitatem rubescunt, vel ceræ colorem repræsentant. Nucleum intus vnum tantū habent, durū, ac ferè lapideum. Quare Vergilius lapidosa corna dixit, vt foris carnis parum, intus verò ossis plurimum. Mirū autem vnum, in hac arbore, & cæteris contrarium, vt syluestris corni baccæ suauiores sint, quàm vrbane, vt nihil hominum ingenium proffit, quinimo noceat. Omnem quidem industriam & artificium aspernatur. Fructus admodum acerbus, quare minimè mirum, si ventrē vehementer adstringat: propterea alui profluuium, atq; dysenteria, siue in cibis, siue in edulio, vtiliter exhibetur. Folia quoq; ac germina etiam acerba sunt, potenterq; desiccant, stringunt, & attrahunt: vt propterea Serenus dicat, ex ramulis capiti impositam coronam, sanare eius dolores, qui ex calidis vaporibus & humoribus cōtracti fuerint. Folia etiam magna vulnera glutinare possunt, potissimū verò durorum corporum: mollium enim vulneribus magis contraria, nempe ea contrahunt, ac plus satis exsiccant. Qui autem ex incensis folijs exudat humor, impetigini vtiliter inungitur. Plinius aliter, vt virgarum sudor candente ferrea lamina excipiat, minimè contingente ligno. Illita inde ferrugo, incipientes lichenas sanat. Fuit autem Gordij nodus, ab Alexandro Magno solutus, Arriano & Plutarcho prodentibus, è corni arboris libro. Est & in India arbor, fructus cornis similes ferens: quæ ideo cornus Indica vocari potest.

Præfat

Præfatio libri vigesimi quinti.



NVCES cum olea, quod ex his etiam oleum effundatur, dixisse par fuisset: ni libri magnitudo alios longè superasset. In unum tamen librum eas congregasse cum alijs etiam ex quarum nonnullis oleum liquaretur, contulisse lectori satisfactum iri spero. Cum his verò & nostrates prunos coniunxi. Est præterea non minima inter hos fructus qui ligno conteguntur atq; hos qui callo quodam obducuntur differentia. Nam nuces in longius tempus conservantur: recentium verò non ita frequens esus. Horum verò qui corio conteguntur, multi statim quòd fugaces sint, edi volunt, nonnulli tamen custodiuntur, omnes tamen vel siccantur vel condiuntur & asservantur. Plurimum etiam in unoquoq; genere discrepant maximè in malorum & pyrorum generibus. Nam & alia præcocia, quæ cruda etiam mandi desiderant: alia etsi non præcocia, temporis tamen adseruatione cruda eduntur. Alia non nisi coctu, etià cum longa adseruatione. Fugaces fructus assatim desumere noxium est, ut qui copia non tantum obsint, sed & inflationes & biliosos humores procreent, aliosq; cibos corrumpunt: minus tamen si præsumantur. Dulces magis alium citam faciunt, stomacho tamen inimiciores, contra magis acerbæ stomachum solantur, minusq; ventrem emolliunt. Odorati urinam mouent, quod concoctu ex vi insita faciliora sint, ut brevi spatio extenuentur. Odor præterea nihil corpulentum habet. Hæc pauca de fructuum generalive natura, suis locis de propria cuiusq; fructus dictum est, & infra de sequentibus dicetur.

✱



HORTORVM LIBER VIGESIMVSQVINTVS.



De pruno, & eius generibus.

CAPVT I.



PRVNVS arbor Græcis κοκκύμηλος dicta, fructus verò κοκκύμηλον. Arbor est caudice recto, in senectute scabro, ramis multis, folio longo, cum rotunditate quadam per ambitum leniter serrato, flore albo foliato. Fructus verò cute & carne constat, intus lignum durum, quod semen includit. Prunorū, sicut & malorum, & pyrorum ingens turba, quæ ex iisdem nonnullis causis appellationes sumplere, quæ ut plurimum, forma, colore, magnitudine saporeq; differunt. Nam & nigra, candidaq;, & purpurea, atq; cerina, herbacea, lutea reperiuntur. Cerina laudatiora, quæ Vergilius cerea appellat,

Ecloga 2.

Addam cerea pruna: & honos erit huic quoq; pomo.

De his etiam Ouidium intellexisse in sua Metamorphosi ferunt:

Metam. 13.

Prunæq; non solum nigro lucentia succo,

Verum etiam generosa, nouasq; imitantia ceras.

Multi ὄχρα Græcè vocari arbitrantur. Onychina autem ab vnguis colore vocantur. ὄνυξ enim vnguis est. Sunt & versicoloria, & inter has differentias quedam præcocia, alia serotina, quedam item lignum statim dimittunt, & hæc inter pretiosiora habentur, & huius dotis in multis generibus inuenire est. Cæteris verò carni lignum adheret. Loca etiam nomina dedere, veluti Damascenis, Damascus Syriæ nobilissima ciuitas. Horum multi antiqui meminerunt, ut autor Athenæus, multumq; differre ab his bonitate, quæ alibi nascuntur. Plinius verò hæc grandiore ligno describit, & carne exiliore, nec vnquam in rugas siccata, quoniam sui soles defunt. Huius verò generis, quedam albo, alia purpureo, cætera nigro colore: omnia tamen parua. Hæc enim reliquis præstantiora, intus parum crocea, minimum succo abundantia, ut edentes ad sitim prouocent: quibusdam Parisina dicuntur. Hæc autem genera Plinij tempestate non fuerunt, aut postea hoc nomine vocitari cœperunt. Armeniaca, quæ vulgus Armesina vocat, minima sunt, purpurea, grato odore. De his Columella in suo carmine, & nonnullis alijs supradictis,

Colum. lib. 10.

Armeniysq;, & cereolis, prunisq; Damasci.

Hispanica liuent, ingrato aspectu, sed miro dulcore prædita, oblonga,
ligno

ligno intus exili, ac longo. Nonnulli à regione citerioris Hispaniæ Catalonica malunt appellare. Iuliana verò, quæ apud Turonenses in Gallia nascuntur, dulcissima, colore nigro. Desiccata verò per totam Galliam venales deferuntur, ægris etiam expetita cocta. A dactylorum verò forma, dactylica dicta: prægrandia hæc, albi, purpurei quæ; coloris reperiuntur: in honore sunt, ouata in longitudinem figura. Quædam verò hordeacea antiquitus sicut pyra, vt supra diximus, à comitatu eius frugis dicta, candida, & eius coloris alia seriora, maiora quæ; & propter vilitatem asinina dicta. In pretio verò nunc sunt, quæ perdiconæ dicuntur, alij Iberica dicunt, quòd primùm ex Hispania venere. Sic enim vocari Symphorianus Champerius medicus, suæ quæ; tempestatis inter doctos doctissimus, ac cæterarum scientiarum scientissimus, vir plurimæ lectionis, & probus. Quod sciunt omnes, qui eius plurima monimenta legerunt, & eum nouerunt. Quem ego vltra laudarem, ni mihi alta consanguinitate, atque vnus oppidi origine me attingeret. A perdice scilicet aue, dictæ sunt, vt quemadmodum ea inter aues cibi suauitate cæteras excellat, sic hæc inter prunorum genera. Serotina hæc, purpureo colore, formæ non grandioris, dulcissimi saporis. Cæpere nunc & desiccari, vt Iulianis non cedant. A bonitate enim regia sunt dicta, amplitudine autem post dactylica. Sunt etiam parua, nigra, ouali figura, plurimo succo, si quod aliud genus, abundantia, quare mictiua vulgus vocat, ac si succum meiere videantur. Alia quædam vsque adeo parua sunt, vt magnitudine pruni syluestris fructum parum excedant, nigra, rotunda, & seriora. Sunt & acidula, nigro colore, succo etiam abundantia, verùm non identidem. In extremum Autumnum durant, vt hyemem attingant. Clearchus Rhodius & Siculus, Theocritum Syracusanum brabyla pruna appellasse scribunt, quæ & madrya & badrya Athenæo dicuntur. Seleucus etiam in linguis coccymela madrya, velut mali fructus, & ala, quasi mala eadem esse voluit. Fructus quidem his minor, gustus verò idem, ni aliquantò esset asperior. Hæc sunt, quæ de prunorum generibus ex antiquis inueni, nostri etiam temporis plura genera retuli, non quidem omnia. Hoc autem tam facile foret, quàm pyrorum & malorum per omnes regiones & genera & nomina referre.

De prunorum vi, & natura.

CAP. II.



RVNIS omnibus vis quædam refrigerandi, quam ad primum ordinem quidam præscribere, quod ad secundum cæteri in Damascenis extenderunt, atque eodem humectare. Stomacho nocere Dioscorides arbitratur: cuius sententiæ contrarius Plinius, vt huic vtilissima esse dicat, sed breui momento. Illius verò auctoritatem alij in nigris Damascenis comprobant & id minùs siccata, verùm inappetentiam & capitis dolorem facere, pituitosis præsertim, & non nutrire. Damascena alba difficulter concoquuntur. Cereæ & luteæ crassum humorem gignunt, & difficiliùs quàm cætera decoquuntur. Oportet enim prandium à prunis inchoare. Alium

B b 2 molliunt,

molliunt, exceptis austeris, & acerbis, ac immaturis. Recentia verò magis, minùs arida. Miratur autem Galenus, cur Dioscorides Damascena sicca ventrem cohibere scripserit, cum palàm subducant, minùs tamen quàm Iberica, quòd dulciora. Cum mulso verò decocta etiam aluum subducunt. De prunis enim sic Martialis:

Epigr. lib. 13.

Pruna peregrina carie rugosa senecta

Sume: solent duri soluere ventris onus.

Galeno autem genus Damascenorum optimum videtur, quòd mediocriter adstringat. Iuuant enim ventriculum calidum & aridum habentes. Prunorum autem decocto, faucium & gutturis inflammationes vtiliter colluuntur, priuatim verò Damascenorum, vt alij voluerunt: febriù acutarum inflammationes sumptum leuat, & gingiuarum exanthemata, & vlcuscula, si ore contineantur, sanat. Caterùm in folijs, aut ramis, adstrictio quadã manifesta inesse apparet: vnde ex his cum vino decoctis collutio fit, ad gutturis & tonsillarum inflammationes. Gummi autem prunorum alijs præponitur. Etenim incidendi, atq; extenuandi vim habet. Illitum verò siccatur, adstringit, & agglutinat. Ex aceto autem infantium impetigines persanat: cum vino verò potum calculos frangit, ac tussi veteri prodest. Colorem autem gratiorem, & ciborum appetentiam facere creditur. Aduersus cerussam sumptam valet, pulmonem etiam & pectus iuuat, lienem tamen lædit. Præstantius enim est, quod ex vetusta arbore distillat.

De pruno syluestri.

CAP. III.



SYLVESTRIS prunus magis inter frutices connumeranda foret, quippe quæ ad sepes tantum seruit, & ad illarum tuitionem spinas fert, rectas quidem: verum Dioscoridem, & ceteros secutus sum, qui omnes statim de ea post fati-
uam meminerunt. Vergilius genere masculino, in quarto Georgicorum spinum vocat: - *Et spinos pruna ferentes.*

Colum. lib. 3.

Galenus autem in Asia *πριμνα*, alibi *αργιοκοκκύνηλα* vocari ait. Radice nigra est, sæpe in tuberos, media etiam radice sese laxat, raphani modo, qui apion Græcè dicitur. Vbi autem nitidi, prolixi, sæcundi, non retorridi, vel scabri, nati fuerint, terra fore surcularis intelligitur, vt ait Columella. Baccæ verò euidenter adstringunt, ventremq; reprimunt. Decocta enim, vel ex radice cortex, in vino austero, ita vt triens ex hemina superfit, aluum & tormina sistunt. Satis est singulis cyathum sumere. Post maturitatem verò desiccatur, & in sapa decocta stomacho vtiliores. Est in his, atq; satius limus arborum, quem Græci lichena appellant, rhagadibus & condylomatis mirè vtilis.

De nuce inglande.

CAP. IIIL.



ONIVS Marcellus, iuglandes, nuces agrestes interpretatur: sed hoc quidem minùs rectè, si vocis etymon consideretur. M. autem Varroni dicitur quòd hæc antequam purgetur, glandi similis sit:

lis sit: ideò nux dicta, quòd eius succus corpus atrum faciat, veluti nox est. Macrobio autem, à iuuando & glande dicta existimatur. C. enim Bassus (vt hic scribit) in libro, qui de verborum significatione inscriptus, sequentia refert: iuglans arbor dicta, id est, perinde ac Iouis glans. Nam id arboris genus nuces habet, quæ sint suauiore sapore, quam glans. Hunc enim fructum antiqui illi, qui egregium glandi quæ similem, ipsam quæ arbo- rem Deo dignam, existimabant, ideò honori nomen interpretantes. Iouis glandes appellarunt, quæ nunc literis interclusis, iuglans nominatur. Græcè verò autore C. Iouatio Verrio in libro à Græcis tractorum διδὸς βάλανος, vt etiam Theophrastus ait. Græcorum enim nonnulli imitatione, κάρυον ἀπὸ τῆς κάρυς, id est, capitis grauedine, propter odoris grauitatem appellant, κάρυα enim caput significat. Etenim arborum ipsarum, foliorum quæ vires, in cerebrum penetrant. Hoc enim fit, minore momento, quòd & in cibis faciunt nuclei. Plutarchus in Symposiacis, quòd spiritu graui, & capiti nociuo sit, quem exhalat, ac saporem sub ea arbore recumbentibus conciliet. Alij autem addunt huic βασιλικὸν, κάρυον βασιλικὸν vocantes. Ab hac enim voce caryatides (de quibus Vitruuius in I.) dictæ. Luctatius, vel, vt alijs placet, Lactantius apud Statium in Thebaide à nuce arbore nominatas scribit, quòd virginum chorus has arbores, propter hostium metum, conscendisset. Philostratus in Iconibus iuglades, castaneas his verbis appellasse videtur. ἀς τρέφει χέντα τὸν φυτὸν ἐνὸς τῷ ἐλίττω. Pontica nux etiam & Heracleotica dicitur. Plinius verò earum optimum genus basilicum & persicum esse dicit. Hoc autem vltimum mollusca nux dicitur, quòd cæteris generibus mollior sit, vt voluit Macrobius, cuius putamen facilè rumpatur, de qua Plautus in Calceolo: *Molluscam nucem super eius dixit impendere regulas.* Hanc verò ille errore, vt Nicolao Perotto episcopo Sypontino placet, putat dici ex Sueui autoritate, quæ malum persicum est. Sic enim hic in Edulio quod Moretum inscribitur:

*Admisce tu Acca basilicus hæc, nux partim
Partim persica, quod nomen sic deniq. fertur,
Propterea quòd qui quondam cum Rege Ponti
Nomine Alexandro Magna fera praelia bello,
In Persas retulere suo, inde reuentum
Hoc genus arboris, in praelatis finibus Craijs
Differuere, nouos fructus mortalibus dantes,
Mollusca hæc nux est, ne quis fortè inscius erret.*

Non enim his, vt hic arbitratur, de persico teneriori pomò agit, sed de nuce persica. In Moreto enim poma tenera poni non solebant, sed persicæ nuces. Hæc fuit Nicolai Perotti sententia, qui Macrobius grauem autorem graui errore reprehendere voluerit. In quam manibus pedibus quæ irem, si cuiusdam classici auctoris monimentis me doceret, in Moreto non poma tenera, sed persicæ solùm nuces, id est, iuglandes, poni solere, quòd ex Vergiliano Moreto non probatur. Est aliud nucis iuglandis genus, quod Tarentinum dicitur, quòd ita molle est, vt vix attracta-

tum frangatur : à Tarento, quod est Sabinorum lingua molle. Ad quod alludit Horatius: - *Et molle Tarentum.*

De qua in libro Fauorini, autore Macrobio, sic reperitur. Itemq; quidam Tarentinas oues, vel nuces dicunt, quæ sunt tarentinæ. Tarentinarum tamen Plinius duo genera posuit, vnum fragili putamine, aliud duro, quod amplissimum est, & minimè rotundum. Galbarū meminit M. Cato. Apud Prænestum plurima minutaq; nux nascitur, quare, autore Festo, Prænestinos nucas vocabant. Has verò maximè Cato laudauit. Iuglandibus verò præcipuus honos peculiaris naturæ, gemino protectis operimento puluinati primùm calycis, mox lignei putaminis. Ausonius:

Et duplici defensa putamine quinq; genus nux.

Solum hoc pomum natura, compactili operimento clausit. Porro bifida sunt putaminum carinæ, nucleorumq; illis quadripartita distinctio, lignea incurstante membranula, cæteris verò quicquid est, solidum est. Quamuis enim pineis vniuersitate minores sint, nuclei tamen portione ampliores. Sola autem generum differentia, in putamine duro, fragilive, & à tenui crasso, lacunoso, & simplici. Culeola, Festo, cortices nucum viridium sunt, à similitudine culeorum, quibus vinum siue oleum continetur, cuius diminutiuum videtur culiocæ. Eidem verò auctori iuglandium nucum summa & viridantia putamina sunt. Nace Festo, vel nauci Pompeio, nucis putamen est, aut oliuæ nucleus, vel medium nucum dissepimentum, id est, membranula illa, quæ in medio nucis interstita visitur: deniq; cuiusvis putamen, quod Græci *περίφυλλα*, nauci vocatum existimant. Quidam enim à voce Græca *νάκη*, quod pellem caprinam declarat. Solipatro enim fabæ granum est, cùm se aperit. Nauci enim facere, & nauci esse deriuantur, quod est nihil esse, & nihil facere. Plautus etiã protulit, vitam tuam vitiosa nuce non emam. Quod proverbialiter dicitur, ne minimo quidem. Apud Aristophanem vnica nuce emere dicitur. Arbor autem satis apud omnes regiones nota. Nam nullū aërem aspernatur, altitudine recta, & spatiosa latitudine, lato folio, longo pediculo pendenti, per longum rotundo, in summitate tamen parùm acuminato, idq; molliter, insigniori per medium extenso neruo. Pomum etiam rotundum & oblongum, alteri vt plurimū in arbore ipsa iuncto, vt semper bina sint, sæpe trina. Maturitatis enim indiciū est, cùm cortex hiauerit.

De iuglandis natura, & Mithridatis Regis Ponti antidoto.

CAP. V.



NUNC de eius per partes singulas vi, vt tamen primò de eius fructu, sicuti in reliquis, dicamus. Recentes verò siue virides iuglandis nuces, primo ordine excalfaciunt, stomacho iucundiores, innocentioresve. Minus enim nutriunt. Innocentes autem adhuc sunt, vt neque acerbum neq; oleaginum saporem præ se ferant: propterea ad alui ductionem faciunt, ideo quidam cum musto decocto vel garo comedunt. Concoquunt melius, quàm amygdala. Cum alijs quidem comestæ acrimoniam eximu

eximunt, & ad delendos in corpore liuores vtiliter illinuntur. Aridæ autem secundo gradu excalfaciunt, tenuiumq; partium sunt, & exsiccantium. Oleosum quid præ se ferunt, & modicam acerbitem, quæ tempore euanescit. Viridibus omnino noxiores stomacho alienæ. In frigidis ventriculis facilius coquuntur: in calidis verò bilem augent. Capitis dolores inferunt, tussientibus inimicæ, & gutturi, vomituris in cibo, maxime si ad saturitatem edantur aptæ. Phlegmonas, & vlcera in ore efficiunt, tenasmo soli idoneæ, pituitam enim trahunt. Stomacho si cum carycis vorentur, magis conferunt. Præsumptæ autem venena hebetant: quod testatur Serenus:

Ante cibos igitur iuglandis fœtus edatur.

Anginæ cum ruta & oleo medentur. Quo enim plures quis ederit, hoc facilius tineas pellit. Perueteribus nucibus illitis, gangranis, carbunculis, ægylopiis medentur. Cum ruta autem & mellis exiguo, mammarum inflammationibus, abscessibus, & luxatis illinuntur. Aurium inflammationibus imponuntur. Cum cepa autem sale & melle, canis, hominisq; morsui proficiunt. Tormina cum calyce suo perustæ, & hominis umbilico admotæ mitigant. Vlti nuclei menses, manducati etiam ab homine ieiuno, contra rabiosæ canis morsum faciunt. Si in aqua commaduerint, & membrana interius adimatur, consimilem viridi potestatem obtinent. Dioscorides autem, Galenus, & Aëtius nuces, cum ruta & ficis præsumptas venenis resistere scribunt. Scribit item Plinius in sanctuarijs Mithridatis maximi Regis Gn. Pompeium in peculiari commentario reperisse, manu ipsius antidoti compositionem, è duabus scilicet nucibus siccis, item fici totidem, & rutæ folijs viginti, simul tritis, addito salis grano, ut qui hoc ieiunus sumat, nullum venenum ei nociturum illa die. De hac autem sic Serenus Sammonicus:

*Antidotus verò multis Mithridatica fertur
Consociata modis, sed Magnus scrinia Regis
Cum caperet victor, vilem deprehendit in illis
Synthesin ut vulgata satis medicamina risit.
Bis denas rutæ frondes, salis & breue granum,
Iuglandisq; duas totidem cum corpore ficus.
Hæc oriente die, paruo conspersa lyæo
Sumebat metiens, dederat quæ pocula matri.*

Nucis autem putamen exterius, siue siccum, siue aridum sit, copiosam, euidentemq; adstrictionem habet. Eo vtuntur fulones. Eius verò succo mororum ruborumq; ritu, expresso atq; cum melle decocto, medicamentum stomaticum, id est, ad oris vlcera conficitur. Ad omnia etiam vtile, ad quæ reliqui adstringentes succi. Eo enim dens cauus inurit. Crematum enim ex oleo aut vino, capite infantium peruncto, capillum nutrit, & alopecias explet. Interius autem putamen carinatum, extenuandi sine erosione aliqua, vim habet. Flauescences etiam nucis membranæ, cutis vitia abstergunt. Arboris verò cortex sichenum vitijs ac dysentericis prodest. In folijs enim, & germinibus, quædam adstrictio est. Folia autem
in aceto

in aceto trita, aurium dolori imponuntur. Quærit Aristoteles, cur nuces tostæ, refrigeratæ, deteriores reddantur, rursus calefactæ, meliores. Quòd in refrigeratis succus accrescat, & constet, tepesfactus verò dilabitur. Et enim suauitas non nisi per succum percipi potest. Iuglandes virides mense Iunio antequam illarum putamina obdurescant, cum melle & saccharo condiuntur, ori non ingratæ, asseruatæ verò stomacho viles.

De nucis iuglandis oleo.

CAP. VI.



Nuce iuglande, veluti ex amygdalo, oleum exprimitur, confusis nucibus, & expressis, aut post contusionem feruesfactis, quod caryinum vocatur. Eisdem cum amygdalino habere vires Dioscorides asserit. Discutit hoc, ut nonnulli, gangrenas, carbunculos & ægylopos sanant: & ad neruorum vlcera vtantur. Vim habet etiam tumores extenuandi, ac putredines, quas sepedonas dicunt. Infusum verò, aurium tarditati prodest, & idem vtile, capitis doloribus illitum. Cæterum iners, & graue corpori, sapore. Enimuero si quid in nucleo putredinis fuerit, totus modus deperit. Recens verò non nihil adstringentis qualitatis habet.

De amygdalo.

CAP. VII.



ICTÆ autem sunt amygdalæ, ut Herodiano Alexandrino placuit, τῇ μετὰ τὸ χλωρὸν ὥσπερ εἰ ἀμυχὰς ἔχειν πολλὰς, quòd in osse multas habeat scissuras. Amerias verò amygdalum mycerū vocari tradit. Macrobius enim Cloatij in ordinatorum Græcorum libro quarto, vsus testimonio, amygdalam, nucem etiam Græcam vocari dicit, cum ait: Nux Græca, amygdala. Acca autem in supplicatione Nucem Græcam ait, fauumq; adde quantum libet. Sunt tamen qui nucem Græcam iuglandem existiment. Columella autem libro sexto tria facit iuglandis genera, secundum & tertium Græcæ & amygdalæ. Cui adstipulari videtur Secundus. Nam cum de viribus harum nucum differit, Græcam à duobus superioribus seungit. Nux thasia etiam appellatur, à Thaso Thraciæ insula, quam M. Varro præstantissimam, & cæteris omnibus præferendam ait. Has etiam, & Albenfes celebrari Plinius scribit. Epicharmus calidas nuces, ob excellentiam nominabat, aiente Athenæo. Amygdala autem Græca appellatione nostris non nisi quam nux longa sonat. Arbor satis magna, rugoso stipite, salicis folijs, prælongis, rubentibus, flore candido ac foliato, nuces gemino protectæ operimento, puluinati primùm calicis, mox lignei putaminis, cui solidus subest nucleus, acriore etiam collo nunc obductus. Sunt etenim oblongæ & ad extremum inflexæ. Magnitudine verò & figura differunt. Quædam enim longiores, cætera rotundiores. Quædam etiam molli putamine reperiuntur, ut facilè ab auibus rostro frangantur, & deuorentur, ut præda illarum sint: & ut à prouincijs aliquod discrimen etiam cum supradictis faciamus. In Naxo præcipuè nascuntur, & in Cypro insula à cæteris differentes. Italia laudat Appulas, duro

duro putamine sunt, quare Lacon quidam, cum duras amygdalas duplo vendi vidisset, percunctatus, An rari, inquit, lapides sunt? Et uti ad vim illarum deueniamus, Multo minus in remedijs sunt dulces, quam amaræ, hisq; omnino imbecilliores. Illæ verò leuiculam amaritudinē possident, quæ tamen superante dulcedine occultatur, cæterum id temporis spatio patescit. In prima autem classe calefaciunt, quod suapte videlicet natura oleosæ sint. Incidendi extenuandiq; vim habent, unde & viscera, & thoracem expurgant, efficacius tamen amaræ. Bene nutriunt, quia carnosæ, idq; maximè maturæ, verum inflant. Ventrem, autore Diole, alunt. Recentes autem aridis minus noxiæ, maceratæ item minus, quam quæ nulum expertæ humorem. Cum difficultate concoquuntur, vrinam ciunt. Recentes verò cum suo putamine sumptæ, stomachi humida vitia emendant. Prægustatam autem amygdalam ad potum maximè inducere Eupolis asserit. Nucibus Græcis cum absinthij semine, ex aceto sumptis, regius morbus sanari dicitur: item illitis per se vitia sedis, & priuatim condylomata, profunt etiam sanguinis reiectionibus & tussi. Melle verò intinctæ, ad ciendam vomitionem comeduntur. Illarum tunica, autore Hippocrate, sistunt. Et uti ab hominibus ad animalium remedia deueniamus: Si ouis ab sole ardenti labefactetur, & tussiat, amygdalas repurgatas in tribus vini cyathis diluunt, & per nares infundunt. Arborum autem gummi, dentibus vtile, sanguinem coagulat, ideò sanguinem reijicientibus prodest, item ambustis, & arteriæ vitijs: vrinam cit, amaritudines hebetat. Tota insuper arbor consimiles vires sortita. Siquidem huius radices decoctæ atque illitæ ephelis detergant. Amygdalinum autem oleum modicè ac temperatè calidum iecoris sepimenta discutit, & auertit, pectori etiam & pulmoni vtile.

De nucum antiquorum ludo, & nonnullis alijs ad amygdalarum historiam pertinentibus.

CAP. VIII.



DE nucum ludo ut in iuglandium historia differerem, congruum esse videbatur: verum quia de nucum genere nondum inter autores conuenit, hic referre malui. Fuerunt autem virgæ, principum tribuum, quas Dominus Mosi præcepit in testimonij tabernaculum reponi, ex amygdalo decerpæ, quarum verò, quæ Aaronis fuit, reffloruit, & fructum tulit. Nucibus antiquitus pueri ludebant, & nunc etiam ut vidi, & iuuenis lusi, an verò simili ludo ignoro, quod priscorum modus, quod sciam ut ad amussim dignosci possit, minimè descriptus sit, nisi quod is ludus nucum paris & imparis numeri. Quod iam ætate prouectis dedecorosum fuit. Ut inde si quis relictis nucibus, ad grauiora sese contulerit, nuces relinquere, prouerbialiter dicebatur, & nuces abijcere, & nuces intermittere quod ostendit Persius:

- Et nucibus facimus quæcumq; relictis

Cum sapimus patruos. - Et Catullus:

Da nuces pueris iners

C c

Concu

Concubine : satis diu

Lusisti nucibus : lubet

Iam seruire Thalasio.

Contra qui pueriliter semper viuere, vel quid agere volebant, à nucibus nunquam recedere, & nucibus indulgere, & redire ad nuces, & nuces repetere, atq; id genus alia, dicebantur. Fuerunt item huius nuces ocellatæ, quas nonnulli auellanas arbitrantur, alij amygdalinas, vt iuglandes sileam quòd decorticatæ, putamen illud duriusculū, pluribus foraminibus, ocellos repræsentet. Alij quidem, persimili ratione, persicorum malorum nucleos existimant. Is verò ludus in Saturnalibus permissus, quo Augustus princeps delectatus, relaxandi animi causa, & liberali facie cum pueris luserit. Meritorij etiam pueri, id est, catamiti, quibus licenter vsi sunt prisca, à turpi recedentes seruitio, nuces spargebant, vt significarent, se cuncta puerilia iam spernere, & ludum puerilem relinquere. Vergilius verò ad futuram frumenti copiam, prognosticū ex amygdalo desumit, his verbis:

Georg. 1.

Contemplator item, cum se nux plurima syluis

Induet in florem, & ramos curuabit olentes:

Si superant sætus, pariter frumenta sequentur,

Magnaq; cum magno veniet tritura calore.

At si luxuria foliorum exuberat vmbra,

Nequicquam pinguis palea teret area culmos.

De amygdala amara.

CAP. IX.



VPEREST vti de amaris amygdalis nucibus dicamus, quatum vis in medicina, quàm dulcium, maior est. Enimvero calidiores sunt, ac magis extenuant, scinduntq;, & aperiunt. Creditumq; est, autore in Symposiacis Plutarcho, illis inesse mordacem, carnisq; deterforiam virtutem, vsque adeo vt faciei maculas exterant. Vis enim illarum ex qualitate indicium est, quòd ephelidas abstergunt, viscosos etiam humores, qui altius inhaerent, & meatus recludunt, educunt. Quinimò excreationibus lentos ex pulmone ac pectore humores impendiò eijciunt: iecoris etiam, atq; hepatis crassos & viscosos humores in extremis vasis impactos obstruentes & obsepientes, abundè expurgant, & expediunt: tum etiam in cutem erumpentes. Quinetiam calculos, tum renum, tum vesicæ frangunt. Nuces ipsæ aluum emolliunt, vrinam cient, & menses, & auiditatem excitant. Somnum faciunt, & in eo dolores leuant, cibo præsumptæ. Cum aceto verò, vel rosaceo fronti aut temporibus illitæ, capitis dolori auxiliantur. Plinius autem hoc maximè esse in febris dicit, si ab ebrietate fuerit. Epinyctidas sanant, ex vino vetere. Item vlcera putrescentia, & quæ serpunt, & canum morsus cum melle. Contra autem sanguinis reiectiones, cum amylo & mentha sumuntur. Lethargicis, capite peruncto, & comitialibus prosunt. Renum vitijs, & pulmonum inflammationibus ex aqua potæ, aut eclegmate cum resina terebinthina dantur. Calculosis, difficilq; vrinæ in passo auxiliantur, & in eclegmate, nucis auellanæ magnitudine

gnitudine in melle & lacte iocinorosis, tussi, & coli inflammationibus auxilio sunt. Is autem, qui manicon solanum hauserint, profunt, tota vltæ alopecij commodè imponuntur. Ad purgandam enim cutem, in aqua mullâ trita, efficaces sunt, idem præstat radicum decoctum. Quinis, septenisve præsumptis, postea ebrietatem non sentire potiores aiunt. Plutarchus Chæroneus, apud Drusum Tiberij Cæsaris filium, medicum quendam fuisse, memoriæ prodidit, qui vini appetentissimus fuit, ut bibendo etiam quoscunq; omnes superauerit. Deprehensus enim est, ante potum amygdalas amaras quinq; aut sex præmandere solitus: quas verò prægustare prohibitus, ne modico quidem tempore ebrietati reluctabatur. Causam igitur amaritudinis vim fore, quæ humorem desiccatur, & absumit. Ferunt etiam vulpes, si cum quauis alia esca, has euorauerint, emori. Verum Plinius id contingere scribit, si eas è propinquo aquam lambere non contigerit. Postea etiam compertum est, feles hac ratione periclitari. Canum autem aures ne à muscis exulcerentur, tritis amaris nucibus liniende, ut prodit Columella. Huius arboris gummi vires excafactorias habet, spissandi, & adstringendi. Contra sanguinis excreationes bibitur. Summæ cutis impetigines cum aceto illitas tollit. Vetus tussis, cum vino diluto potum, & cum passo calculosis etiam bibitur.

De oleo ex amygdalis amaris, & Atyis fabula. CAP. X.



MYGDALINVM oleum ex amaris nucibus, veluti atq; è dulcibus fit: quod nonnulli metopium vocant. Aërius etiam halinon vocari tradit. Cuius ratio ex Dioscoride talis erit. Ex amaris nucibus repurgatis desiccatisq; semodiu sumito, dein in mortario, pistillo ligneo, leniter, donec offa fiat, tundito, aquæ dein feruentis sextarium inijcito, & vbi dimidia hora humorem combiberit, vehementius quàm antea contundito: mox tabellis prematur. Quod autem digitis inhaerit, concha eximitur. Pressis rursum nucibus, aquæ hemina infunditur, quam post idem denuò opus faciendum. Nucum autem semodius, olei heminam vnam reddit. Tenuitate enim, atq; caliditate vno gradu, quod è dulcibus fit, superat. Hoc autem purgat, & emollit corpora: cutem erugat, & maculas in facie cum lilij radice, & cera Cypria, aut cerato rosaceo tollit. Auditus grauitatem, sonos incertos, tinnitusq; discutit. Auribus verò cum rosaceo & melle, ac mali punici germine decoctum, vermiculosq; in his enecat. Oculorum etiam hebetudines emendat. Capitis dolores obiter sanat, & eius manantia vlcera, furfures cum vino abstergit. Furunculis, & à sole vltis cum cera medetur, condylomata verò cum meliloto. Per se item capiti illitum somnum allicit. Contra etiam vulnerum dolores, strangulationes, inuersiones, & eorundem locorum inflammationes efficac. Renum vitijs, calculosis, difficili vrinæ, lienosis, suspiriosisq; valet. Hoc autem caput fabula breui claudere libet, idq; ex Arnobio contra gentes. Atyis Midæ Regis filia fuit, mortuo ea sponso, exanimatum pectus lanis mitioribus velat, illacrymans cum Acdeste, qui mortis causam dederat,

sefe interfecit, cruor verò in violas purpureas vertitur. Corpus autem, à Deum matre sepelitur, vnde amygdalus amara nascitur, casus amaritudinis secum adferens.

De nuce auellana, & arbore eius corylo.

CAP. XI.



Vx auellana ex arbore corylo est. Seruius enim sic ab Auellano, Campaniæ oppido, vbi abundat, dictam putat. Græci λεωτοκάρυα, id est, minores nuces, & ponticam vocant, quòd in Euxino Ponti frequens sit. Theophrastus etiam Heracleoticam, ab Heraclea Ponti ciuitate. Dum (vt ait Macrobius) vnaquæque natio huic nomen indit ex loco, vbi copiosior nascatur: quare eadem Prænestina dicitur. Vnde, vt supradictum est, quidam Prænestinos nucas vocabant. Est autem gens iuxta agrum Prænestinum, quæ Cursitana vocatur ἀπὸ τῆς καρῶν. Cuius rei meminit M. Varro in Logistorio, qui inscribitur Marius de fortuna. Inde scilicet Prænestinae nucas. Est & illud apud Næuium in fabula Ariolo: Quis heri apud te? Prænestini & Lanuuii hospites, suo pte viros decuit acceptos cibo, alteris inanem bullam madidam dari, alteris nucas in procliui profundere. Corylus autem arbor ἀπὸ τῆς κορύλης autore Prisciano, virgis siue alis innodibus, verum breuioribus, crassissq; nonnullis. Folium circumferratum, alno simillimum, sed latius, neq; ita pingui. Corticem habet tenuem maculis subalbidis peculiariter variatum. Arbor fragilis; canente Ouidio: *Et coryli fragiles.*

Metam. 10.

Nucas, mollis primùm integit barba, & calyculus herbaceus, mox sequitur putamen lignosum, verum fragile, cui tenuis subest membranula, quibusdam rubicunda, inuoluens nucleum, quod intus solidum est, in cuius medio ventre intus vmbilicus. Nucum differentia, vt quædam rotunda, alia oblonga, sint. Torrentur ambæ. Terrestris & frigida naturæ sunt. Gustu enim & fructus & cortex, tota deniq; ipsa planta austeræ apparent, inquit Galeno, & sequacibus. Simon tamen Sethius calidas & humidæ dixit, & cæteris magis alere, in reliquis iuglandi æquales. Diocles autem amygdalis minùs nutrire autor est. Comestas verò caput tentare, atq; in cibis ventriculo supernatare. Difficilius concoquuntur, ideoq; stomacho infestæ: faciliùs, minusq; ventrem sistunt, si absq; interiore cortice sumantur. Inflationes faciunt, ita vt, veluti quidam aiunt, ieiunum intestinum lædant. Ante verò cibaria cum ruta sumptæ, tum venena, tum venenatorum ictus illa die, arcent, & ab eo qui sumpsit, fugere scorpiones nonnulli professi sunt. Scribit etiam Plutarchus, appensam in laquearibus nucem, scorpionem prohibere, ne in domicilia irrepat. Lectorum enim pedibus adalligatam scorpiones ne cubantes adorianur inhibere, nec ad equilia si præsepibus adfixa sit, irrepturum. Sumptæ verò cum carycis scorpionum ictum sanare, & nigrum eius virus quàm primùm è ventriculo pellere. Non etiam omittendum, quod simplex rusticus obseruat, serpentem coryli virga vel caudice ictum obtorpescere, & tandem emori. Capitis dolorem faciunt, corporis pinguidini conferunt plus,

plus, quàm sit verisimile. Tritæ verò, & in aqua mulsa potæ, veteri tussi medentur. Tostæ autem cum exiguo pipetis, & in vino desumptæ, destillationes decoquunt. Crematarum etiam cinis, cum axungia, vel vrsino adipe inunctus, alopecij capillum reddit. Aiunt quidam, vt Dioscorides autor est, illarum putamina in cinerem redacta, cæsiurum oculorum pupillas ex oleo perfunctis infantibus denigrare. Diocles autem innocentiores esse virides, quàm aridas, aiebat. Germani autem recentiores, inter quos Georgius Agricola & Munstherus, tantam arboris coryli cum metallis sympathiam fore asserunt, vt si illius recta virga per montes & loca, vbi metalla latent, deferatur, illico flectatur, vti indicium ibi absconforū metallorum sit. Cæteris enim locis recta semper stat.

De castanea, & eius generibus.

CAP. XII.



CASTANEAM à Castano Magnesiæ oppido, vel, vt Stephanus scribit, Apuliæ, non procul à Tarento. Græci, vt Phocion, Latiniq; appellauerunt. Alij autem à Græca voce deductam volunt. Nam illi κάστανον vocant. Primum Sardibus populis Lydiæ prouenit, propterea à Græcis Sardianus balanus, siue sardiana glans, vocatur. Diuus autem Tiberius, auctore Plinio, factis satum excellentioribus balani nomen imposuit. Nux etiã Heracleotica dicitur: vt ex Oppio viro doctissimo, in libro, quem fecit de syluestribus arboribus docuit Macrobius, his verbis: Heracleotica hæc nux, quam quidam castaneam vocant. Euboica etiam à regione. Nonnulli insuper ex Philostrato in Iconibus Iouis glandem dici arbitrantur: quod etiam aliquos facere ait Dioscorides. Lopima etiam, à cortice, quæ Græcè λέπος nominatur. Arbor è maximis est, recto & arduo caudice, cortice læui, folio iuglandis, verum non ita lato, & fimbriato. Fructum verò calyx echinatus includit: quare hirsutus Vergilius vocat:

Stant & iuniperi, & castanea hirsuta.

Ecloga 7.

Sic enim dicitur eo modo, quo echini marini aculeis armantur. Echinitum etiam dicimus, quod ad instar castanearum calycis hirtum est. Calyx verò vnus, duos, ternosve, aut plures partus edit, sed non absq; illorum pernicie, vti eo exiliores & imbecilliores sint, vt sæpe nonnulli abortiantur, sicut in animalium & plantarum partibus, quò frequentiores fuerint. Cortex lentus, quem sequitur prætenuis membranula, corpori adiacens: quidam hymen vocant. Calyx autem detrahi debet: alioquin veluti in nucibus, saporem infestat. Mirum est (prodente Plinio) ea vilissima esse, quæ tanta Naturæ cura occultauerit. Plura apud antiquos castanearum genera: Balanides, rotundiore figura: purgabiles, sua sponte profluentes: Tarentinæ, forma plana, faciles, nec cibo operoso: minus tractabiles. Salarianæ, puræ ac planæ. Corellianæ, laudatiores, & ex eis factæ meteranæ cortice rubenti, triangulæ, populares, nigre, quæ coctiua vocantur. Hæc autem antiquorum castanearum genera. Nullo enim nunc nominis discrimine separantur, tametsi figura, magnitudine, doteq; inuicem differant. Inter eas post vindemiam, quæstus causa, munerisq;

Cc 3 gratia,

gratia, maiores à minoribus feliguntur. Illas Gallia marronos vocat. In Italia verò laudatissimis patria Tarentum, & in Campania Neapolis, de quibus Martialis Epigr.lib.5.ad Toranium;

Et quas docta Neapolis creauit

Lento castanea vapore tosta,

Et Clauenna, alpibus Rhætici proxima. Cæteræ suum pabulo gignuntur, scrupulosi corticis: nucleo quoq; ruminatione. In Gallia verò laudatissimæ, quæ apud Allobroges proueniunt, quæ in totam regionem, ob præstantiam disperguntur. Apud Petragoras tamen maior prouentus: vt ingentes ibi eius arboris, si alterius cuiusq; syluæ cernantur: apud quos quadrupedum omnis generis, & cortis auium pabulum. Molitura etiam his panis imaginem præbent: quod ieiunio scæminarum, vt scribit Plinius, fecerunt. Est & castanea piscis litoris Aremorici nomen, vasis figura, desuper quid villosum habet, quod verò intus est, pulpa est.

De natura, & vi castanearum.

CAP. XIII.



TORRERE in cibis castneas gratius, quàm in aqua excoquere. Idq; dupliciter fit: aut in perforata patella, vel fictili vase etiam perforato, & ad hoc fabrefacto ad ignis flammæ, vel sub prunis. Hoc melius, si in mensas venturæ sint, & pipere aspersæ. Hac enim ratione, noxæ plurimum remittunt. Ignium verò vi, flatus, qui in his subest, consumitur. Prius enim, quàm flammis, vel cineribus subdantur, per transversum vulnerari debent, vt plagæ hiatus, spiritus, ignis calore actus, euadat: alioquin flagrantæ sæpenumero non absq; assidentium periculo, magno cum crepitu profiliunt. Corpus assatim enutriunt, & tardè transeunt, concoctu difficiles, crassumq; humorem, & capitis dolores faciunt, & inflationes pariunt. Ioannes autem Antonius Campanus, episcopus Iteraniensis, suo tempore vir doctus habitus, ab hac iniuria, illas vno disticho festiuè vindicauit. Castanea loquitur:

Ventosa me qui me censent, ventriq; timendam,

Falluntur: ventos pello ego, non facio.

In primo abscessu calefacit, & eodem desiccatur: vehementer adstringit. Stomachi fluxiones sistit, præsertim verò tunicula, quæ inter carnem & corticem est: venerem excitant, quod flatuosa sint. Hæc autem cum rubi vel myrti succo pota, his, qui ephemerum, id est, hermodactylum colchicum ebiberint, auxiliatur. Prodest etiam caro sanguinem excreantibus. Cum melle enim ac sale trita, rabioforum canum morsibus imponitur. Cum hordeaceo autem, polline, & aceto apposita, mammarum duritias discutit. His enim vino maceratis, & cum farina subactis, ad supprimendos menses, pessî vice vtuntur. Indi, vt Plinius ait, è castaneis vinum conficiunt.

De lentisco, & arbore, sub qua Susannam reperisse Danieli Iudeus respondit, & de adagio Græco σχωλῶντες.

CAP. XIII.

LENT



LENTISCVS arbor fuit, sub qua Iudæorum accusantium alter, se Susannam adulterantem inuenisse Danieli falsò testificatus est. A lenteo autem verbo, quod est, lentus fio, quidam lentiscum, propter eius virgultorum lentitudinem deduci voluerunt, à Græcis verò *σχῖνος* dicitur, cuius etiā fructum Hippocrates schinida vocat. Folio sorbi, alij pistacij, verum minore & per extremitatem rubenti: siliquæ corniculi modo intortæ, in summo sunt. Acini, siue, vt alij dicunt, baccae primùm rubent, instar syluestris punice acinorum, post nigrescunt, quæ in racemis, sambuci modo dependent. Chia lentiscus ab Itala ex his, quæ Plinius scribit differre videtur. Discernuntur & aliæ differentiæ. Lentiscus aquæ leniter calidæ & terrenæ non parum frigidæ facultatum est. Igitur in suis omnibus partibus desiccatur, idq; absolutè in secundo ordine, aut tertio incipiente: in caliditatis & frigiditatis differentia quodammodo est medius. Siquidem & folijs, & fructui, & cortici, ac radici & ramis, cognata quædam vis: at si succum è folijs viridioribus exprimas, eiusdem virtutis est. Moderatè adstringunt, & in vniuersum his, pro hypocistide & acacia vti licet. Lentiscus Celso rodit. Flos modicè calefacit, minùs adstringit, tenuem naturam sortitus, quocirca vrinam mouet: menses cit, obstructa referat adhibitus, aut in potione: aut in fomentatione, vel cataplasmatis exhibitus. Prodest & iecoris, & stomachi, ac ventris phlegmonibus. Flore autem radix magis adstringit, verum ille calidior, proinde medicinis, quæ hæmoptoicis commiscantur, & sanguinem excreantibus, exhibetur. Cortex verò, semen, & lacryma, vrinam ciunt, aluum sistunt. Dentiscalpia è virentibus furculis fiunt, quòd vis eius dentibus conferat. Quod Valerius Mart. non ignorauit.

Foditq; tonsis ora laxa lentiscis.

Et in Apophoretis, *Lentiscum melius: sed si tibi frondea cuspis*

Desuerit, dentes penna leuare potest.

Hinc quibus dentiscalpium semper in ore est, adagialiter dicitur, *σχινω-
τες*, id est, Lentisci arbores dicuntur. Quod in eos quadrat, qui nimio studio corpus curant. Folia etiam in dentium dolore atteruntur, Sereno etiam autore. Lentiscusq; emendat oris dolorem. Trita verò denigrant capillum. Tenera oculis inflammatis illinuntur. Horum enim decoctum per se bibitur, & cum alijs medicamentis, quæ dysenterias, & alui affectus sanant. Vuluæ fluxiones compescit, & sanguinis ex vtero eruptiones. Vrinam pellit. Vlceribus humidis, quæ serpūt, illinitur, & igni sacro virilia fouentur. Ossâ fracta ferruminat. Ex radice autem, cortice ac folijs succus exprimitur. Hæc enim omnia in aqua ad mellis crassitudinem coquitur. Vtiliter verò propter vim adstrictiuam aduersus sanguinis exuptiones, dysenterias, & alui profluvia & procidentes soles, vuluasq; bibitur: sicut de foliorum succo per se supra diximus.

De lentisci resina: qua mastix dicitur.

CAP. XV.



RESINAM autem lentiscus fert, Galenus verò duo eius genera posuit, nigram & candidam: hanc autem ex Chia lentisco, nigram verò

verò ex Ægyptia. Quæ item ex contrarijs facultatibus consent, tam varia est vnius arboris ex regionum differentia, vt infra ostendetur. In vniuersum enim præfertur mastix, quæ resplendeat, nitedulæ modo, adulta, odorata, friabilis, & stridorem edens, candore Thyrrheniæ ceræ. Viridis autem deterior. Adulteratur autem thure & resina. Proximum locum post terebinthinam obtinet. Candida autem calefacit, siccaturq; in secundo abscessu, nempe subtilium partium, nec minimè acris, cæterum compositæ facultatis est, emollientis videlicet, atq; adstringentis: proinde stomachi, ventrisq; intestinorum, ac iocineris inflammationibus rectè accommodatur. Nigra verò tum magis deficcat, & discutit, tum minùs adstringit, quamobrem ad ea, quæ validiorem digestionem per halitum exposcunt, aptior est. Hac etenim ratione furunculos dissipat. Porro oleû, vnguentumq; ex Chia conficitur, non admodum sanè ex Ægyptia. Cæterum similis est & ipsum masticis facultatis. Omnes ante cæteras resinas vrinam mouent, fractis quoq; vtilissima, & auribus purulentis, item in pruritu genitalium. Pota verò contra sanguinis excreationes, tussiq; veteri prodest. Palpebris commodissimè explicandis. Ad faciei illinitiones, & ad nitorem conciliandum facit. Stomacho vtilis, sed ructum mouet. Commanducata verò oris halitum commendat, gingiuarumq; tumores contrahit. Capitis dolori cum polenta illinitur, sedis vitij prodest, & cum quid excalfacere exsiccareq; volumus, & ad omnia deniq; ad quæ ammoniacum. Miscetur autem his, quæ ad exterendos dentes conficiuntur.

De oleo, & vino lentiscino.

C A P. XVI.



LEVM autem è lentisci semine, maturo, purgato & tuso fit, Laurini olei modo, antea spissatur. Palladius expressius sic: Grana matura quamplurima colligito, vt vna die nocteq; simul coaceruata esse patiaris. Deinde sportam granis eisdem plenam vnicuiq; vasculo superponis, & calida adiecta calcabis, & exprimes, tunc verò supernatantem oleum, vt de laurino dictum est, colligis. Oportet autem calidam, ne rigeat, sæpius superinfundere. Aetius aliter: Masticis drachmam vnâ, olei valde acerbi sextario adijcimus, & in vase diplomate decoquimus. Equè idem veluti rosaceum proficit, ni paulò durius intelligeretur. Calefacit, & adstringit: proinde membris, quæ firmari, condensari, & moderatè caleferi oportet, vtiliter illinitur. Oris distillationi, & gingiuis inflammatis congruit, si balneo & extrâ instilletur. Repellit enim & absq; asperitate corroborat: propterea ad stomachi quoque & iocineris fomenta vtiliter adhibetur. Contra nimios sudores, sudorumq; papulas, eo vtuntur. Acopis, pessulis, & his, quæ contra lepras conficiuntur, vtilissimum. Iumentorum canumq; scabiem efficacissimè sanat. Attritis verò partibus, admista cera, medetur. Faciei fordes curat, & clarificat, coloremq; perspicuum reddit. Cœliacam & dysenteriam inunctum aut iniectum vtilissimè restringit. E lentisco etiam vinum fit, quod schininum siue lentiscatum dicitur. Si verò masti-

chem

chem accipiat, mastichites. Hoc modo. Bacciferi enim rami defumuntur, tundunturq; decem minarum pondo, & in tribus musti congijs, donec duo supersint, feruescit. Adstringit hoc, stomacho accommodatum. Eo autem intestinorum, vesicæ, & stomachi distillationes sistuntur, ac etiam sanguinis eruptiones omnes. Vlcera omnia eo fouentur, atq; ad cicatricem perducuntur. Postremum sedis vuluæq; fluxiones cohibet. Democritum autem se scire, scribit Plinius, in valetudine Considiæ, M. Seruiliij viri consularis, filiæ, curationem omnem austeram recusantis, caprarum lacte, quas lentisco pascebat, diu efficaciter vsum.

Præfatio libri vigesimisexti.



ÆPE mecum anxie dubitatum, utrum post urbanas atq; has quæ magis hominum ingenio ac labore proueniunt, de arboribus sylvestribus scripturus forem nec ne. primum autem quod horum librorum inscriptioni, videlicet hortorum minimè conueniret, utpote quod in hortis arbores sylvestres minus idoneè inserantur. Nam urbanis tum propter magnitudinem illarum ac robur, tum ob quandam tyrannidem & dominium atque nonnullam inuicem dissidentem naturam & antipathiam non minimum officiant, non aliter quàm inter se sicures & fera bestia: alia insuper cum atq; & studium hortensium & sylvestrium illarum quidem multiplex, harum verò minima. Semel etenim sata, sed ut plurimum sua sponte nata, ad materiam, ad securim, ad dolabram, post longissimam ætatem reseruantur, sæpius etiam senio prolapsæ ad ignem. Videbam item eos qui hortorum curam suis monimentis habuerunt, de his nullam rationem habuisse, verum solum hos qui generalem naturæ historiam amplexi sunt. Sed & nonnullos ex antiquis fuisse scio qui sylvestrium tantum arborum descriptionem conati sunt, inter quos verò Oppius (referente Macrobio) quorum, vel istius si scripta starent, forsitan in causa essent, ut mei instituti ambigerem, & tanto labore me liberatum iri. Plura etiam hinc inde ob mentem obuersabant, voluminis magnitudo, etiam maior quàm cuiusq; autoris super hac re tã Graci quàm Latini. Quibus omnibus multum ac crebrius excogitatis, tandem vicit voluntas, ut de sylvestribus utique differerem, nequid in arborum materia superforet, &

D d desider

desideraretur. Persuasit insuper horū utilitas & necessitas. Nunquid & sylvarum ingens voluptas & deliciae, de quibus satis abunde supra, ut reor, ne quid idem pluries referamus. Illud etiam me monuit, ut quemadmodum in hortis prater aedificia constituuntur veluti picturae, aquae salientes, vinaria, & id similia, quae hortos decorare & in his spaciantes plurimum afficere possunt, nonnunquam etiam arbores sylvestres suo loco positas, ut antea quam de his scribamus consentaneum sit, ut quid sylua, quid saltus, & huiusmodi similia in quibus haec nascuntur differamus.



H O R T O R V M L I B E R V I G E S I M V S S E X T V S.



*Sylua quid, & de adagijs, Multam syluam gestas. & In
syluam ligna ferre.*

CAPVT I.



Y L V A dicitur quod solia sit: vel à silendo. Graecis verò ὕλη, id est, materia. Solent enim Latini, auctore Felto Pompeio, S, uti, ubi Graeci aspiratione, ut cum ij ὕλην dicunt, nos syluam dicimus, ut apud hos & Latinos ὕλη & sylua pro materia accipiat. Infinita enim arborum simul excrescentium multitudo est, unde tractum adagium, In syluam ligna ferre. In eum qui augere illis vult, quibus affatim abundat. Ab hac enim arborum multitudine indiscriminatim simul nata, syluam etiam pro aliarum rerum incondita congerie, & copia acceperunt. Quod Vergilius in vitibus expressit;

Georg. 2. *Sylvarumq; aliae pressos propaginis arcus*

Expectant. Idem lupinorum syluam expressit, & alibi ait;

Georg. 3. *Primum aspera sylua, Lappaq; tribuliq; abstint.*

Iuuenalis & Serenus pilorum copiam, syluam vocat. Ille;

Uultus grauis, horrida siccae

Sylua coma, nullus tota nitor in cute.

Et Terentius in Phormione, de milite hirsuto ait;

Multam syluam gestas.

Unde ortum adagium: Multam syluam gestas. ῥοχμὴ πολλὰ φορεῖς.

In stup

In stupidum & agrestem dicitur. Et Nicephorus in sua historia, Perniciosam nocentis herbæ syluam dicit. Poëtæ item, Seruio Honorato in-
 quiente, syluam, elementorum congeriem, vnde cuncta procreantur, vo-
 cant. Ad alias etiam res incorporales transfertur, vt cum negotiorum
 syluam dicimus. Alexander Aphrodisæus, ob febrium multitudinem, &
 illarum differentias, febrium syluam protulit. Sylua etiam aliquando ac-
 cipitur pro eo, quod ex tempore velocissimè scribitur. Estq; veluti prima
 materia. Quintilianus libro decimo: Diuersum est huic, eorum vitium,
 qui primo quasi decurrere per materiam stylo quàm velocissimo vo-
 lunt, & sequentes calorem atq; impetum ex tempore scribunt (hanc syl-
 uam vocant) repetunt deinde, & componunt, quæ effuderint. Cicero
 tertio de Oratore: Primùm sylua rerum ac sententiarum comparanda
 est, qua de parte dixit Antonius. Hoc est, maxima congeries, & vbertas.
 Idem de Inuentione primo: Non incommodum videtur, quandam syl-
 uam, atq; materiam vniuersam, antè permistam, & confusam exponere,
 omnium argumentationum. Pro copia etiam accepit in Oratore: Omnis
 vbertas & quasi sylua dicendi, ducta ab Academicis est. Philosophorum
 etiam libros, qui tot fuerunt, & qui nil intactum reliquerunt, Horatius
 salubres syluas vocat. Sic enim in epistolis canit:

*An tacitum syluas interpretare salubres,
 Curantem quicquid dignum sapiente, bonoq; est?*

Epist. lib. 1.

Sic enim interpretatur Acron. Poëtarum etiam ex antiquis nonnulli, ve-
 luti Statius Papinius, & ex neotericis multi, aliquot sua opera, Syluas in-
 scripserunt, in quibus variæ ac diuersæ res exararentur.

*Quid sylua cædua, quidve sylua consularis, & quòd Pan
 deus sylvarum sit.*

CAP. II.



B hoc enim generali syluæ vocabulo, sylua cædua separa-
 tur, quæ in eum vsum habetur, vti ex ea siue ignis causa,
 siue pedamentorum, perticarumq; & aliarum rerum, cæ-
 datur materies. Paulo Iuriconsulto ea est (vt quidam pu-
 tant) quæ in hoc habetur, vt cæderetur. Seruius autem Iu-
 risconsultus eam esse, quæ succisa, rursus ex stirpibus nascatur. Et vti ad
 syluas consulares descendamus, Vergilius Maro syluas consulibus dignas
 esse ait, his verbis:

Si canimus syluas, syluæ sint consule dignæ.

Eclog. 4.

Et vti illius sententiam autoritate comprobemus, Tranquillus in Cæsare
 scribit, Ipso & M. Bibulo consulibus ab optimatibus datam operam, vt
 consulibus futuris prouinciæ syluæ decernerentur, quòd minimi esset
 negocij. Aristoteles etiam in Politicis inter magistratus, qui extra urbem
 sunt, sylvarum custodes ponit. Nam & illarum necessariam curam esse
 dicit. Illorum autem cura erat, ne compingendis nauibus vnquam ma-
 teries deesset, nève quid ex his, præterquam ad opera publica succideret-
 ur. Hæ verò syluæ consulares dicebantur. His etiam qui syluam inci-
 dunt, quæve arborem cædunt ac torrent, grauiorum munerum vacatio,

autore Iurifconsulto Callistrato concedebatur. Vana antiquorum religio, sylvarum deum Pana Gorgonis filium existimauit, quem alij Syluanum vocant, cæteri Inuum. Hunc autem Arcades maximè venerabantur, vt propterea Vergilius, Pan deus Arcadiæ, dixit. Illi enim τῶν τῆς ὕλης κύριον nuncupant. Non sylvarum modò, sed vniuersæ naturæ dominum denotantes. De eo enim Aufonius:

Nec cultor nemorum reticere Menalide Pan.

Et vt à maioribus ad minima descendamus, à sylua syluula diminutiũ, autore Prisciano, Columella: Sunt enim, quibus cordi est, vel in syluulis tamaricum, aut syrporum frutetis immorari, nec ob hanc tamen causam totus locus syluulis occupatur.

Quid saltus: quidve sylua pascua, ac nemus, & de Nemestrino deo, de napeis & Jthia dea.

CAP. III.



A L T V M, vt à Iurifconsultis nostris incipiam, Gaius Ælius libro secundo significationum, quæ ad ius ciuile pertinent (referente F. Pompeio) ita diffinit: Saltus est, vbi syluæ & pastiones sunt, quarum causa, casæ quoq; , si qua particula in eo saltu pastorum, & custodum causa parantur. Ea res non perimit nomen saltus, non magis quàm fundi, qui est in agro culto, si qua particula eius causa habet ædificium. Hæc autem saltus diffinitio prægnans est, vt sunt omnes Iurifconsultorum, vt etiam syluam pascuam contineat: quæ est Paulo etiam Iurifconsulto, quæ pastu pecorum destinata est. M. autem Varro libro de lingua Latina primo, sic diffinit. Quos agros non colebant, propter syluas, aut id genus, vbi pecus pasci possit, & possidebant, ab vsu suo, saltus nominarunt. N. etiam Marcello dicitur, campi spatium. Vergilius:

Saltibus in vacuis pascant, vt plena secundum

Flumina.

Ab hac enim Vergilij sententia nonnulli saltus, campos pastorales dixerunt, vbi pecora alerentur, & venationi, ac aucupio idonei essent, ideò inuij. In his enim syluis, quæ plantis raræ sunt, & aliquot locis vacua, & loci natura aut aquarum abundantia herbidæ, solent armenta & pecudes depasci, ac æstiuare, ac sæpe hyemare, si aër patiat. Vnde & Iurifconsulto Vlpiano hyberni, sicut & æstiu, saltus dicuntur. In quibus loci opacitate, & amœnitate, pascentia animalia, lasciuiendo salire consueuerunt, à qua re, & loci vsu, saltus dictus. Saltuarius, saltus custos, vt Pomponius Iurifconsultus his verbis nos docuit: Dominus proprietatis, etiam inuito usufructuario, fundum, vel ædes per saltuarium, vel insularium custodire potest. νάπη saltus, & syluosus locus dicitur: vnde napeæ deæ syluestres. Festus Pompeius per nemora, syluas amœnas intellexit, vt etiam appellatione hac Horatius pro viridario dixerit, his verbis:

*Lib. Carmin. 3.
ode 11.*

Audis quo strepitum ianua, quo nemus

Inter pulchra situm tecta remugiat

Ventis.

Dicitur autem nemus ἀπὸ τοῦ νέμω, quod est pascere: ἀλος etiam nemus est. Nemestrinus, deus nemoribus præpositus, vt inquit

inquit Arnobius. Lithia sylvarum dea, iuxta thermarum nemora posita, quæ Alexander Imperator ad thermarum vsum deputavit. Aristoteles autem omnem saltum, ac syluosum locum, acherusion vocari scribit, & apud Latinos Plautus in Amphitryone vlmorum acherontem dicit.

Quibus locis, quibusve regionibus sylua magis proueniant.

CAP. III.



QUEM verò locum, quàmve terram vnaquæq; arbor magis desideret, supra visum est: nunc autem ubi arbores, maximè verò syluestres, quæ sponte, nulla adhibita cura, sylvarum consortio, facilius coeant, tractandum. Et illud primum inter omnes consensum est, uti in humidioribus locis frequentius ac vberius, suoq; ingenio nascantur. Quod Vergilius paucis atq; vno fluminis vocabulo ostendit, dum cecinit:

Sponte sua veniunt, camposq; & flumina late

Georg. 1.

Curua tenent.

De arboribus loquitur. Hac enim ratione circum flumina fontèsve, arbores copiosius adnascuntur. Hac item ratione quæ humidæ sunt regiones, quales maximè sunt, quæ ad Occidentem, quæve ad Septentrionem, quàm quæ ad Meridiem, & quàm quæ ad Orientem, plus magis arboribus, syluisq; ingentibus abundare cernuntur: ut ab initio totæ syluosæ, & ferè inuiæ nonnullæ fuerint, & parum habitabiles, & incultæ, ut olim Germaniæ maxima pars. In Gallia verò Neustria, Hyrcania, & Scythiæ prouincia Hybla, Colchos syluosæ, quod de Hyrcania testatur Lucanus:

- Vastuq; Hyrcania syluis. Et alibi:

Vidit ab Hyrcanis, Indoq; à litore, syluis.

De Hybla Valerius Flaccus:

Densior haud vsquam, nec celsior extulit vllos

Sylua trabes, fessæq; prius rediere sagittæ,

Arboris ad summum quàm peruenere cacumen,

Propterea Europa & Asia, Africa ipsa frondosiores, quòd illæ magis ad Septentrionem & Occidentem vergant, hæc autem omninò ad Meridiem. De qua Silius sic:

- Nam quicquid puluere sicco

Separat ardentem tepida Berenecida Lepti.

Ignara frondes solus nemus abstulit Hammon

Sylvarum fons causa loco, qui putria terra

Alligat, & domitas nuda conuertit arena.

Nam quæ ad solem orientem positæ sunt, rarò syluosæ, verùm minùs quæ ad Meridiem, ut aliquæ his omninò careant. Sunt etenim hæc aridiores, sole exhauriente humorem.

Montuosas regiones, ac montes ipsos, conuallibus & campis syluestriores fore.

CAP. V.

Dd 3 LOCA



O c a plana, ac conualles, non ita, supradicta ratione, syluosa, veluti montuosa regiones, ac montes ipsi, quod in Græcia, Gallia & Hispania regionibus solum expressisse liceat. Nam in illa Arcadia, in Gallia Aruernia, in hac Cantabria, Asturia, Galatia montes etiam hac vbique frequentius syluescunt, vt in multis prouincijs ij arboribus & syluis tegantur, reliqua parte parum syluestri, aut omnino caluescente. Etenim collibus planisq; locis frigidiores, habentq; alimenti copiam. Receptos autem imbres, ac niues, ob arborum vmbra diutius conseruant, quæ postea liquefacta locum humentiolem reddunt. Auerſi insuper Solis cursui, quo minus radij ad terram directi sint, prohibent, vt nec humores sugere possint. Longioribus etiam, ac diuturnioribus vmbis humiditatem longiusculè adseruant, vt propterea frigidiores, idcirco humidiores esse oporteat, quibus maximè ali arbores, vti supradictum est, constat: præfertim verò horum loca, quæ ad Septentrionem spectant. Hæc enim arboribus crebriora. Reliquum est, vti supradictorum fidem ex nonnullis poetarum testimonijs faciamus, & ab ipso Homero poetarum principe incipiemus. In Ithaca verò insula Neritum montem frondosum scribit:

Odysſ. lib. 9. *ναϊετάω δ' ἰθάκην ἐνδάλων, ἐν δ' ὄρος ἀντὶ
νῆριτον ἐνοσίφυλλον ἀριπλεπές.*

Hic etiam Phtiram montem vmbrosū dicit. Lycæus mons Arcadiæ, de quo Vergilius in Bucolicis:

Ipse nemus linquens patrium, saltusq; Lycæi. De quo etiam Ouidius:

- *Cultiq; arbutta Lycæi.* Et Statius:

- *Large qua non opulentior vmbra*

Argolicos inter saltus educta Lycæos. Et Columella lib. 10.

Quæ iuga Cylles & opaci rura Lycæi.

Menalus mons etiam Arcadiæ, de quo Vergilius:

Menalus argutumq; nemus, pinosq; loquentes,

Semper habet.

Oeta mons inter Theſſaliam & Macedoniam Herculis morte, rogoq; ac sepulcro famosus, de quo sic Seneca in Troade:

Quæ sub Oeta latebroſa ſyluis. Idem in Hercule Otæo:

- *Et Oetæum nemus* *Suſcipiat ignem.*

Lucanus in septimo:

Erige congeſtas Oetæo robore ſyluas. Ouidius Metam. 9.

Arboribus caſis, quas ardua geſſerat Oete,

Inq; pyram ſtructis. Et poſt:

Congeriem ſyluæ Nemeæo vellere ſummam *Sternis.*

Ida enim Creta & Troade. De hac enim Vergilius in ſecundo Æneidos:

- *Mons Idæus.* Et alibi:

- *Ut quondam caua concidit, aut pondere vaſto,*

Aut Ida in magna radicibus eruta pinus. De hac etiam Statius:

- *Pinifera multum ſælicior Ida.*

Pindus mons Theſſaliæ, de quo Lucanus:

- *Nemus extruæ Pindæ.*

Pelion mons etiam Thessaliæ, de quo sic Ovidius:

*Pelion Aemonia, mons est, obuersus in austros
Summo virent pinus, cætera quercus habet.*

De quo etiam sic Ennius:

*Utinam ne in nemore Pelio securibus
Cæsa cecidissent abiecta ad terram trabes.*

Olympus mons inter Thessaliam & Macedoniam, quem Vergilius frondosum dicit. Tenarus Laconia promontorium iuxta Spartam ciuitatem, circa finem montis Maleæ. De quo Statius:

- *Tenarijs contermina lucis.* Seneca in Hercule furente:

*Spartana tellus, nobile attollit iugum,
Densis vbi aquor Tanarius syluis premir.*

Pachynus Sicilia promontorium Peloponnesum spectans, syluis vmbrosus, vt ait Nemesianus: - *Syluis vmbrosa Pachyne.*

Hi autem montes sunt, qui poëtarum autoritate nemorosi referuntur. Alios autem, qui Geographorum, & Historicorum scriptis recensentur, commemorare, opus fatis operosum, & minimè conueniens, nec necessarium, præsertim verò cum & nonnulli è neotericis fuerint, qui hoc attemptarunt, & suis monumentis publica fecerunt. Hæc de syluosis in vniuersum locis, & speciatim de nonnullis. Omnia autem connumerare, supra ingenium humanum foret. Nunc verò syluas aliquot, autorum vigilijs claras persequemur.

De syluis Græciæ & Thessaliæ.

CAP. VI.



LIQVOT Græciæ syluas descripturus, vt ab Nemea sylua incipiamus, consentaneum erit. Non enim tam Argiuorum ludis, qui Nemea vocarentur, quàm Herculis gestis, ibi interfecto leone memorabilis fuit. Peloponnesi sylua est, inter Cleonas & Phliuntem, Thebis vicina. Molorchus etiam in ea paut armenta, & Herculem hospitio suscepit. De hac Statius amplius:

*Syluarum Nemea longè regina virentum
Lecta iouis sedes, quàm, nunc, non Herculis actis
Dura magis: rabidi cùm colla minantia monstri
Angeret, & tumidos animam angustaret in artus.*

Et Nemees lucum. Vergilius: - *Tu Cressia mactas*

Prodigia, & vastum Nemea sub rupe leonem.

Idem in Georgicis: - *Lucosq; Molorchii.*

Carnion nemus Arcadiæ Apollini sacrum, non procul à Pharis. In quo fons celeberrimus. In ea etiam regione Saron sylua trans Ladonem fluiuium: Stympthalus etiam sylua Arcadiæ. Ovidius in quinto Metamorphoseon:

Lassa reuertebat, memini, Stympthalide sylua,

Cytheron apud Thebas, saltus, & Calydonia sylua, cui nomen Calydon oppidum Ætolia huic propinquum dedit, memorabilis apro ab Hercule capto.

Thebaid. lib. 4.

le capto. Apud Ortygiam insulam Ægæi maris sylua fuit, omnis generis materiei pulcherrima, cupressorum maximè. Per eam enim Cenchrius amnis fluit, in quo dicunt Latonam post partum lotam fuisse. Dodona Epiri ciuitas, iuxta quam nemus querneum, ideò glandibus abundans, vnde ab eius excellentia Vergilius in primo Georgicorum ait:

Prima Ceres ferro mortales vertere terram

Instituit: cum iam glandes, atq; arbuta sacra

Deficerent sylua, & victum Dodona negaret.

Tempe Æmonia nemus inter Ossa & Olympon montes situm, passuum quinq; millibus in longitudinem sese extendens, per medium cuius Peneus fluuius iucundissimè discurret, gramine vestitis & viridantibus marginibus, & arboribus in cælum erectis, placidissimam umbram præbentibus, auium etiam concentu, & lapillorum aquarum sonitu peramœnus, vt Seruius abusiue cuiusvis loci amœnitates, apud Vergilium Georgicorum tertio dixerit.

Spelunca, viniq; lacus: at frigida Tempe,

Æugitusq; boum, mollesq; sub arbore somni. Et in quarto:

Pastor Aristæus fugiens Peneia Tempe.

Ouidius in primo Metamorphoseos:

Est nemus Æmonia, prærupta quod vndiq; claudit

Sylua, vocant Tempe, per quæ Peneus ab imo

Effusus Pindo spumosis voluitur vndis. Lucanus:

Lucan. lib. 8.

- Nemorosaq; Tempe. Statius:

Lib. 6. Theb.

His labor abscessam Nemeen, umbrosaq; Tempe.

Pieris, nemus Macedonia, à quo Pieria regio dicta.

De syluis vrbis Romæ, ac Italiae.

CAP. VII.



INTRA vrbis muros inclusa sylua, si qua in aliqua ciuitate plures fuerunt. Auentinus mons sylua fuit, ab Anco Rege vrbi additus. In eadem vrbe Querculanus etiam, vt scribit Tacitus, quod quercu sylua secunda propè esset. In campo Martio nemus populeum dictum. Cicero contra Rullum Syluæ Romani populi meminit, forsitan illa erat. Nauia porta Romæ à propinquo Nauio Nemore dicta. Sic enim nemus illud dictum, quod Nauij fuerit, vt voluit Festus Pompeius. Italica verò Arsa sylua memoratur, iuxta quam cum Valerius Publicola cum Tarquinio Superbo & Hetruscis & Veientibus præliaretur, ex ea ingens vox proximè notis silentio exaudita his verbis, Vno plus Hetrusci cadent: Romanus exercitus victor abibit. Qua voce tantus error subito Hetruscis & Tarquinio, etiam in cornu dextro prælio superioribus incessit, vt non solum ipsi victores profugerent, verum etiam Veientes sui timoris participes secum traherent. Hæc enim vox Syluani dei credita est. Nam huic genio Romani adscribunt, qui fuit panicos. Albunea fons & nemus iuxta Anienem, siue ab aquæ colore, sulphureæ, siue quod Albunea Latine sit, quæ Græcè ἀσυνθεα dicitur. Vergilius in Æneidos septimo:

- Lucosq;

-Lucosq; sub alta

Consulit Albunea: nemorum quæ maxima sacro

Fonte sonat. Prope Cumas sylua Gallinaria fuit, quæ, autore Strabone, multis porrecta stadiis, aquarum indiga, cæterum fabulosa, de qua sic Iuuenalis:

Et Pontina palus, & Gallinaria pinus.

Satyræ 3.

Erat & sylua, quæ ad Gallinas duceretur, quæ in villa Cæsarum, iuxta Tyberim, ad nonum lapidem, in loco celebri fuit. Mœsia sylua à Mœsio Thuscæ oppido, sic dicta Portio Catoni in libris Originum, Veientibus, regnante M. Anco adempta. Mœsiæ & Arsiæ sylvarum meminit Nazarius in tertio Panegyrico Constantino dicto prope Capenates, quæ nunc Canapina, fortè nunc, ut Raph. Volaterrano placuit, quæ Bachana vocatur: eò enim usq; Imperium prorogabant. Apud Mamertum verò Brutiorum oppidum, procerarum arborum sylua, aquis etiam plurimis referta ad longitudinis stadia D C C. ex cuius arboribus pix liquaretur, quæ Brutia diceretur, Sylva etiam sic dicta quasi *σῦλα*, id est, tracta, hoc est, latronibus frequentata. Sallustius de fugitiuis. In sylua, inquit, Sylva fuerunt. De qua Vergilius libro 12. meminit:

At velut ingenti Sylva, summo' ve Taberno

Cum duo conuersis inimica in prælia tauri

Frontibus incurrunt, pauidi cessere magistri.

Seruius tamen mons sylvæ Lucaniæ est. Ciminia Ethruriæ sylua, cuius meminerunt Strabo, Plinius, Vergilius, Silius. Inter Viterbium enim & Rosselanam coloniam monstratur. Vicus latus nunc dicitur. Inter Romanum & Sabinum agrum locus, quem antiqui syluam dixere, autore Stephano. Lucaniæ Anguitia sylua. Vibio Sequestre inquit & in Campania Maryca, ubi Maryca nymphea sepulta.

De Gallia, & nonnullarum aliquot regionum sylvis.

CAP. VIII.



GALLIA Germaniæ proxima, ex locorum vicinitate, & quadam cæli soliç propinquiore natura, ut hæc sylvis fecunda, non tamen usqueadeo, ut hæc scaturiens. Illa enim longè calidior & ad multa, quibus hæc ob. aëris asperitatem caret, fertilior. Totius verò Galliæ illa maior fuit, quæ Arduenna dicitur. De qua Iulius Cæsar in Commentariis: Arduenna sylua totius Galliæ maxima, atq; à ripis Rheni, finibusq; Treuitorum ad Nervios pertinet, millibus amplius quingentis in longitudinem patet. Et ut manifestius eam ostendam, Germanis contermina. Ab Adula monte incipit, & ad Metenses, Menapios, Laodunenses, Condrusios, Aduaticos pertinet. Ab Hercynia verò, nulla alia maior describitur. Proceribus arboribus eam horrere Strabo meminit, & spinosis dumorum ramis belli impetus arcere. Cæteræ autem per Galliam sylvæ, autorum appellationibus minimè memorabiles, & si ingentes pluresq; in ea fuerint. Amœna enim est, inquit Mela, lucis immanibus: ut plurimū apud

E c Neust

Neustrios, Carnotenses, Aruernos, quorum montes pinaestri, & huius resinam ferentibus, cooperti. Habent tamen apud suam gentem propria nomina, quæ referre longum esset, atq; parum vtile. Alegriam tamen præterire non censui, sic dictam ab aræ, quæ ibi propè est, quod totius illius regionis latitudine, ac longitudine, & arborum proceritate ac crassitudine admirabilior & famosior sit. Sunt etenim illius arbores omnes abietes, piceæ, sapini, & id genus, quarum natura est ut recto caudice & enodi assurgant, viridanti semper coma, quod illis folia non decidant, quare amœnior, qua nonnunquam visu & peregrinatu plurimum delectatus. Vaccei etiam saltibus abundantes, de quibus Ausonius Paulino:

Quid tu mihi vastos

Vasconia saltus obycis.

In his enim se delectatum fuisse Franciscus Petrarcha fassus. Sunt etenim ij, multarum auium aucupio perutiles, & iucundi, necnon prouentus maximi.

De Hispania & Britannia syluis.

CAP. IX.



N Albione, quæ post Britannia dicta, & in eius parte, quæ nunc Scotia dicta, ingens sylua, plurimorum autorum monumentis percelebris, quæ Calydonia dicta est, & ab ea Britanni Calydonij dicti sunt. Martialis:

Nuda Calidonio sic pectora præbuit vrsæ. Idem:

Quinte Calydonios Ouidi visure Britannos, Silius:

Inq; Calydonios primus trahet agmina lucos.

Claudianus enim, pro arcto frigore pruinas calydonias posuit,

Ille Calydonijs posuit qui castra pruinis.

Initium autem huius fuit, ut scribunt Scotiæ historiographi, iuxta oppidum, quod incolæ Sterlingum vocant, cui olim Monti Doloroso nomen fuit: argumento enim sunt fluuij per eam versus Atholiam septentrionalem regionem longo tractu excurrentes, qui ab ea nomen acceperunt, & adhuc vulgo Callendar, Caldar vocati. Gignit ea sylua, ut accolæ & illi prodiderunt, boues candidissimos, veluti leones iubatos, cæterum reliqua facie nostris mansuetis persimiles, usque adeo. feroces & indomitos, ut omnino humanum consortium refugiant, ut si quas fortè herbas, frutices, arborésve pedibus, manibusve homines tetigerint, & hæc olfactu perleserint, per multos dies aufugiant. Capti autem, paulò post emoriuntur. Olim ea sylua tota frequens & abundans his fuit, sed nunc modò pars, quæ ab incolis Cammernald dicitur. Tormentis enim ignarijs à longe, sine periculo interficiuntur. Horum enim carnes humano vsui iucundissimæ, & illius regionis nobilibus gratæ, ac expetitæ. Habet Hispania syluas plures, quarum antiqui non meminerunt. Non remanserunt tamen apud incolas absq; nominibus, ut est apud omnes nationes. Botrodi nemoris meminit Martialis ad Lucianum:

Et delicati dulce Botrodi nemus,

Pomona quod sælix amat,

De Hercynia & ceteris Germania syluis.

CAP. X.



GERMANIA regio, vt plurimum ad Septentrionem exposita, propter quod & loci natura, ac sua latitudine longitudineq; plures, atq; item vastiores in ea syluæ, si quæ in alia regione vnquam agnatæ fuerint: vt propterea syluarum parens meritò dici possit: quam etiam Pomponius Mela syluis inuiam scripsit. Verùm loci aërisq; beneficio vna, omnes alias prouincias, tum amplitudine, tum arborum magnitudine ac crassitudine superauit, hæc fuit Hercynia sylua. Sic enim de ea Iulius Cæsar suorum Commentariorum libro sexto inquit: Hercyniam syluam Tectofages occuparunt, atq; ibi confederunt. Quæ gens ad hoc tempus his sedibus se continet, summamq; habet iustitiæ & bellicæ laudis opinionem. Cuius latitudo nouem dierum itinere expedito pater. Non enim aliter finiri potest, neq; mensuras itinerum nouerunt. Oritur ab Heluetiorum, & Nemetum, & Rauracorum finibus, rectaq; fluminis Danubij regione pertinet ad fines Dacorum, & Anartium. Hinc se flectit sinistrorsus, diuersis à flumine regionibus, multorumq; gentium fines propter magnitudinem attingit. Neq; quisquam est huius Germaniæ, qui se aut audiuisse, aut adisse ad initium huius syluæ dicat, cùm dierum iter sexaginta processerit, aut quo ex loco oriatur acceperit. Hæc ille. Iulianus princeps, autore Suida, hanc syluam perlustrauit: qui apud eundem rem insigniter admirandam se vidisse testatur, nec aliud maius nemus, neq; tale in orbe Romano stare, nec in Thessalia Tempe ipsa, nec syluas apud Thermopylas, nec ingentem, & vastissimum Taurum huic comparari posse, si ad difficultatem aspirandum sit, & si illa plurimū incommoditatis habeant. De huius verò miraculo Plinius hæc: In eadem Septentrionali plaga Hercyniæ syluæ, roborum vastitas intacta & congenita mundo, propè immortali forte miracula excedit. Vt alia omittantur fide caritura, constat attolli colles occurfantium inter se radicum percussu. At vbi secuta tellus non sit, arcus ad ramos vsq; & ipsos inter se rixantes, curuati portarum patentium modo, vt in turmas equitum transmittant. De ea sic Claudianus in Panegyri Stiliconis:

Plin. lib. 16.
cap. 2.

*Ut procul Hercynia per vasta silentia syluæ
Venari tuto liceat, lucosq; vetusta
Religione truces, & robora numinis instar
Barbarici, nostræ feriant impune bipennes.*

In eius medio ora, scribente Strabone ad habitandum idonea. Erato-
stheni, & quibusdam Græcis alijs nota, à quibus Orcinia dicta, vt ait Cæ-
sar. Hæc sunt, quæ antiqui scriptores de Hercynia prodidere. Qui verò
de ea recentiores scripserunt, maximè Germani, ad quos præcipue, tan-
quam accolæ, illius cognitio spectare debet. Pauci enim sunt, qui eam
vel intus, vel in finibus non inhabitent. A Rheno autem ripis per Germa-
nos, Sarmatasq; adusq; Ripheos montes, & Mæotim, & Asiæ confinia,
cursum habere dicunt. Per Moscouiam verò inter Solis ortū & Boream

E c 2 ad Scy

ad Scythicum Oceanum excurrere, & per Poloniam, Lituaniā, & Pannoniam, in quibus sua nomina Transsylvanæ & Daciæ, ut omnia ibi nemora, sylvæ Hercyniæ nomine, comprehendantur, ut spes hominū eius limites studiosè inuestigantium, ingenti sua magnitudine semper eluserit. Hanc intra extraq; habitant Sueui. Vnde Seneca in Medea:

Lucis nobis Sueui Hercynæis.

Sua autem amplitudine, certis locis plura nomina sortitur, ut Taurus mons, & sylvæ illius. A pinorum etenim abundantia nunc vulgo sylva nigra dicitur, verum pars superior, quam alij ad dextram Rheni ripam specialius designarunt, cuius vocis Ammianus meminit. Alij Martianum nemus. Pars autem, quæ Gallis proxima est, Simonis nemus dicitur. Alia pars Vuoda, aut Goda, à Mercurio, quem Longobardi, autore Paulo Diacono, Godam appellabant. Alij hunc tractum Odonis sylvam vocarunt. Paterculus Bohemicum nemus, & Hartonem vocitat. Nunc verò passim ubiq; positis ædificijs, & structis oppidis, ac vicis colitur. Quibus nomina dedit, quod referre longum esset: ut iamq; longo hominum labore rara facta sit, & in dies rarior, ut nec iam densis arboribus horrida ac inuia minimè sit, sed amœnissima, ut multis locis, vix sylvæ faciem retineat. In ea verò parte, quæ ad Prussiam vergit, Vri ingentes, ac ferocissimi, tauro-rum specie reperiuntur, quos bisontes vocant. Item & alces, cum corneo proboscide, altis cruribus, nullo flexus suffragio. Iozzi à Moscouitis, à Germanis verò helenes vocantur: quæ Caio Cæsari nota fuisse legimus. Præterea vrsi inusitate magnitudinis, & lupi prægrandes, atro colore formidabiles. Hæc autem animalia memorare libuit, cum alicubi non videntur, ut quid mirandum huic sylvæ, præter supradicta adderem, & si ultra rem, & opinionem. Et uti à nominis appellatione finiam, quidam à Græca voce dictam arbitrantur. *ἑρκος* enim septum significat: quod hæc Germaniam sua magnitudine sepiat. E recentioribus verò nonnulli ab Hercule nomen accepisse, quod minùs verum existimo. Nam Herculem nihil præclarum in ea gessisse, memoratur, nec ibi bisontem, aut alcen, vrsum, aut lupum, sicut in Nemea leonem, & in Calydone aprum interfecisse, nec unquam Germaniam adiisse. Cæteri à barbaro quodam. Sunt & Germaniæ aliæ sylvæ, verum perpaucæ, quia illa sua amplitudine, multis locum ademerit. Bacenis, de quo Cæsar etiam hæc in literas mandavit. Apud Sueuos sylva infinitæ magnitudinis, quæ appellatur Bacenis, ac longè introrsus pertinere, & pro natiuo murum obiectum Cheruscos à Sueuis, Sueuosq; à Cheruscis iniurijs incurfantibus prohibere. Ad eius initium Sueui aduentum Cæsaris expectarunt. Bohemica sylva à nonnullis memoratur, multi etiam Hercyniæ portionem existimant: quod æquè credendum, cum suprà ostensum è Senecæ autoritate, illam coluerint. Pars Gabreta dicitur, & alia Luna, autore Strabone, versus meridiem vsq; ad Danubiū pertingens. Meminit & huius Ptolemæus. Cæsia etiam commemoratur, de qua Tacitus: Saltus Theutoburgiēsis, in veteri Germania trans Rhenum non procul à Lappia amne, in quo, eodem autore, Quintius Varus, à Germanis, duce Arminio victus, & interfectus. Baduhenna lucus in Frisijs ab eodem celebratus,

De quercu, & de funebri Prienensi quercu.

CAP. XI.



VERCVM Plutarchus Chæroneus inter arbores sylvestres fructu bellissimam atq; fertilissimam ait. Eo enim & feræ atque alites pascuntur. Nempe etiam & M. Cato inter ea, quæ ad bonum optimumq; agrum spectant, syluam glandariam annumeravit. Inter autem mitigatas validissima. Magnum etiam venatoribus instrumentum, huius viscus extat. Omnium prima nata dicitur. Vnde Arcadum cum hac, cognatio quædam, quod omnium primi ex terra homines fuisse perhibeantur. Socrates autem in Deorum contumeliam, qui sua tempestate colerentur, per quercum, ut ait Tertullianus, deierabat, hac ratione, ut ipse arbitror, quod Deum unum, qui mundum cælumq; regeret, esse existimaret, qui antè foret, quàm quercus crearetur, & nasceretur. At qui Athenis & in Græcia colerentur, longè post quercum, & ferè à sua memoria natos, nec dignos ut pro deo colerentur, quare ob violatas illorum ceremonias, ultimo supplicio à suis condemnatus. Hesiodus autem Deos dicebat, iustis hoc concedere, uti in illorum quercuum ramis altioribus, glandes nascerentur, in medio verò apes habitarent. Quercus verò Græcè δρῦς dicitur Festo, tum quod id genus arboris graue, ac durum sit, tum etiam quod in ingentem euadat altitudinem: & querceram febrem quidam grauem & magnam putant dici, ac cum tremore frigidam. Lucilius:

lacta me ut febris quercera. Alibi:

Querquera consequitur febris, capitūq; dolores. Plautus:

Is mihi erat bilis querqueratus.

A. Gellius: An tu fortè morbum appellari hîc putas, ægrotationem grauem cum febris rapida, & quercera. Quercum quidam in duo genera diuisere, in sylvestrem, quæ sit robur, & in vrbānam, quæ sit quercus, quæ hemeris, quæ mydion, quæ nonnullis placida. Plinius tamen, verum id parum diligenter, ut multis placuit, quercum ab hemeri seiungit, ut hanc breuiorem, atq; in orbem comosam, alijsq; ramorum crebro cauatam, & quæ glandem ferat maximam: quercum verò caudice crassiorē, proceriorem, ramosiorem, & lignum habere incorruptius. Arcades autem, auctore Theophrasto, arborem, quæ glandem dulcē producat, etymodrym dicunt, ac si veri quercum intelligere velint, quæ dos eo maximè latifolia ex argumento dictæ. Pausanias in Arcadicis tria genera posuit. Primum à foliorum latitudine πλατυφύλλης, id est, latifolia, aliud fagum. Tertium verò adeò gracilem corticem præbet, ut in mari signa ex eo anchoris faciant, & retibus approprient. Hunc autem corticem Hermesianax poëta, φέλλων vocat, idem suberem. Vitruuius libro septimio de farno meminit, quod inter quercus genera ponitur: & nunc quoq; Itali fernum querci genus vocant. Glans Græcè βάλανος, quæ multarum arborum fructus est, verum nunc de quercina solum tractandum, quæ omnium dulcissima (reliquas in suis arboribus prosequemur.) Continetur hispidio per genera plus minùs calyce amplectente, quem per maturitatem in

Ee 3 arbore

Gellius lib. 20.
cap. 1.

arbore pediculo adhærentem relinquit, ipsa in terram decidente. Multa eius genera. Differunt autem situ, sæpe fructu, ac sapore, magnitudine etiam, itidem & figura. Nam alijs rotunda sed acutior, alijs ouata. Cutis etiam tenuitate. Alijs autem tunica rubigine scabra subest. Alijs corpus candidum. Colore etiam candidiore, nigriorëve. Præfertur candidior, Quin & pediculi breuitas, & proceritas discrimen facit. Probatur maxime ea, cuius in balanovtrinque ex longitudine extrema durities lapidescit, & in cuius extremitatibus amaritudo, in medio verò dulcedo inest. Marcus autem Varro, referente Aulo Gellio, in satyra, quæ *περὶ ἀδισμάτων* inscribitur, inter exquisitos multarum regionum fructus glandem Ibericam posuit. Glans primus hominum cibus, ut suprà dictum est: nunc verò animalium tantum esca, præsertim suum. Hoc enim pecus diffusum & grauissimum facit, ut Varro scribit. Nam ea multæ in Gallia, & alibi, gentes, magnos ac innumeros porcorum greges per sylvas glandarias saginant. Marcus item Cato post sementem legi conuenire præcipit, & in aquam conjici, ut inde semodius & in vere modius, bobus singulis detur. Iuxta Priensem Ioniæ urbem quercus fuit, apud quam Samij & Prienses bellum gerentes, mutuis se damnis afflixere, magnoque prælio in eos commisso, Samios mille Prienses occiderunt. At septimo post anno ibi cum Milesijs congressi, optimos quosque urbis ciues, ac primores vno prælio amiserunt, ut post eam calamitatem mos Priensibus mulieribus fuerit, uti cum de maximis rebus ageretur, cum miserabili precatione iureiurando testarentur, Apud quercum funebrem. Quod eo in loco & patres, & viros, ac filios amisissent. Hæc Plutarchus in Problematis. Absalon Dauidi patri rebellis, & insidians, cuius milites cum mulo insidens aufugeret, & sub quercu densa pertransiret, obuolutis ramis illius crinibus, pependit, & à Ioabo tribus lanceis transfixus. Adagium, *τὸ περὶ δρῶν σκοτός*, id est, per tenebras quæ apud quercum. De ingenti, ac fatali calamitate dicitur. In rubro mari quercus cubitali altitudine concharum ramis adhærent. Ibi & aliæ arbores glandem ferentes.

De quercus natura, ac vi, & de dryino bestiola, et Lynceo.

C A P. XII.



QUERCUS partes omnes adstringendi vi pollent, verum plus minusve vna, quàm alia. Omnibus verò magis membranula illa, quæ trunci cortici subest, & quæ sub glandis ipsius calyculo est, carnem conuestiens, propterea ad muliebrem profluuium, & sanguinis excreationes, ad dysenterias, diuturnaque ventris profluvia, mirum in modum confert: potissimum verò eorum decocto vtuntur. Esitæ verò glandes venenatorum ictibus resistunt, vrinam ciunt. Illinuntur & dysenterijs, crudæ intritæ, inflammationes sedant. Illitu verò ad durities, quas cacoëthes vocitant, & vlcera malefica, cum salsa axungia. Harum autem decoctum & quercus, his, qui ephemerum hauserint, datur. Folia, vulnera agglutinant, usque adeo ut Galenus fateatur se vulnere securi inflicto, his solis medicatum fuisse,

fuisse, cum non aliud ad manum medicamentum haberet. Terebat enim folia læui petra, & vulnus, omneq; vicinum locum contextit. Democritus verò apud Apſyrum, serpentes emori, iniecta fronde querna dicebat. Radix enim minutatim contrita, contra hydri morsum prodest, cuius decoctum, cum vaccino lacte potum, contra toxica valet, ac serpentis plagæ illinitur. Carbunculum autem (quo morbo olim Romæ vno anno duo viri consulares obierunt, scribente Plinio, & Iulius Rufus, & Q. Lecanius Bassus) perierunt, querneus tritus carbo, cum melle sanat. Adeò in rebus quoq; damnatis (vt pulchrè ait Plinius) ac iam nullis, vt in hoc carbone, aliqua sunt remedia. Hæc quoad vim medicam, reliquum prosequamur. Glandibus abstinendum Pythagoras, autore Æliano, præcipiebat. In cibo autem sumptæ, frumento haud minus alunt. Concocti difficiles sunt, & tardè transmittuntur, crassiq; succi sunt, & capitis inflammationes faciunt. Quercus gallam si per tempus in arbore permanserit, putrescere Albertus Magnus ait, atq; in ea vermem procreari: qui si in gallæ medio situs sit, futuram hyemem asperiores prænuntiat, leuem verò, si circa margines. Eiusdem rei in eadem arbore aliud præfagium desumunt, vt si in altioribus ramis eruca telas contexerit, leuiorem, si in inferioribus, rigidior. Si autem querno cinere, vt quidam è Græcis prodiderunt, murium domesticorum aditus obturentur, ij scabie conficiuntur, ac deinde pereunt. In Ciliciæ quercubus, coccus nascitur, cochleis exiguis similis, quem illius regionis mulieres, ore euulsum, vt scribit Dioscorides legunt. Polypodium herba circa quercus nascens, omnium optimū creditur. In radicibus autem quercus nascitur dryinus, multi chelydrium, alij, vt Nicander in Theriacis, hydrium vocant, quòd eius figuræ & magnitudinis sit. Bestiola candido tergo est, graui toto corpore fœtore. Hæc tam malefica, & ad pernicies adeò potens, & ad nocendum parata, vt calcata solùm, pedum cutis excidat, crura tota insigniter tumescant. Id verò etiamnum admirabilius, vt si quis mederi velit, manus eius cute nudari, non solùm qui ea demorsi fuerunt. Quòd si quispiam eam interfecerit, tantum fœtet, vt suo illo pessimo odore, omnium aliorum sensuum vim perimat, & auferat, vt nihil aliud odorari possit. Verùm etenim sicut illi quercus origo, atq; domicilium fuit, vt ab ea nomen acceperit, ita illi remedium: vt inde auxilium profectum sit, vnde & venenum emanarit. Quippe non solùm eius fructus cuiusque generis sumptus, aduersus illius ictus auxiliatur, sed & radicis tusæ illitus. Lynceus, vt Pindarus ait, adeò acutè intuebatur, vt per truncum querneū cerneret, & ab Apollonio, intra terram spectasse dicitur: vnde deductum adagium, λυγκέως ὁξυπότεστον βλέπει: quo vtimur in eos, qui visu sunt acutissimo.

De robore & eius multiplici fructu.

CAP. XIII



OBVR Theophrasto, quercus sylvestris. Antiqui autores, scribente Festo Pompeio, robosenum pro robore dicebant. Dicitur etiam, illo autore, quòd plures rufi coloris venas habeat. Nam

ruber

ruber color, quasi rufus est, cuius coloris est bōs. Ramos habet inconditos, corticem crassum, & scabrum, maximè verò in senectute. Folia toto ambitu sinuosa, glandem parvam fert. Nulla alia arbor plures parurit fructus. Nam præter glandem, eius communem fructum, pilulas fert multas, atq; inter se differentes, quarum nonnullæ nucibus non absimiles flosculos intus habentes, molles, lucernarum luminibus aptos, nempe sine oleo, veluti nigra galla flagrant. Gignit & aliam pilulam cum capillo inutilem, succi melligeni, sed id tantum verno tempore, aliam ramorum alæ, producant, non pediculo, sed corpore adhaerentem, vmbilicis candicantem, cætera parte nigrifici varietate aspera, media verò pars croci colorem habet. Apertis enim, amara inanitas inest. Fert & aliam folijs conuolutam. Fert & gallæ vtrunque genus, quod deterius est, cum cauernæ translucent. Nonnunquam etiam pumices rubentes, & in folio nucleos aquosos, candicantes, & quamdiu fuerint, translucidos, in quibus culices innascuntur. Indurescunt autem in gallæ modum. Gignunt enim quædam veluti mora, ni distaret arida durities plerumq; tauri caput imitantia, quibus fructus inest: oliuæ nucleis similis, verum hoc admodum raro. Prætereo viscum, quod in alijs quoque arboribus proueniat. Taceo etiam è radicibus boletos & iuxta erumpentes, sed cum cæteris communes arboribus. Nec quoddam in his miraculum prætereundum est, quod ex his mel destillet, vt Hesiodus ait. Neque enim melleus ille, è cælo cadens humor, aliæ magis arbori incidit, ad quod alludit Vergilius in Pollione:

Et dura quercus sudabunt roscida mella.

Quod autem ad medicam roboris materiam attinet, pauca ab autoribus prodita sunt, ac si iam in quercu se descripsisse existimauerint. Reliquum est, vt ea proferamus, quæ extra quercus vim arbitrati fuerint. In cæteris verò an eadē quercus & roboris virtus fuerit, his relinquemus, qui quercum à robore separare sciuerint, & qui ambarum vires experti sint. Quæ tamen à nonnullis separatim dicta sunt, æquum referre erit. Eius verò pilulæ, ex adipe vsq; capillorum alopecias replent. Folijs nonnulli medici (vt ait Paulus Ægineta) ad incipientes phlegmonas vtuntur. Nam cum iam vehementes sunt, adstringentia respuunt. Ligni cinis nitrosus est. Suis autem caro ex roboris glande fungosa fit. Illud insuper non prætereundum, quod dignum ab inuentore est, vt quo eiusdem dignitatis homines vti debeant. Fuit autem illud Alexandri Macedonis in seruanda in scrobibus niue, iniectis è robore ramis. Robur autē in carcere locus, vnde fontes & malefici præcipitarentur, ex eo dictum, quod robusteis lignis sepiretur. V. Maximus. Quinetiam familiares eorum, ne quis Romani populi inimicis amicus esse vellet, de robore præcipitati sunt. Apuleius in oratione, qua crimen à se alienum esse defendit: ô mirum commentum, ô subtilitas digna carcere & robore! Plautus forsitan ad hoc robur alluisse videtur, cum in Curcilionem ait:

At ego vos ambo in robusto carcere,

Ut pereatis. Erat etiam supplicij genus, quod in Pœnulo codicem robustum vocat.

De haliphleo.

CAP. XIII.



ALIPHLEOS quibusdam falsicortex dicitur, nonnulli è Græcis eutyleon dicunt, vt recticortex Latinis dici possit. Altitudine non excellit. Cortex huic crassissimus, & cæuus, fungosusq; est: nec alia è genere glandiferarum putrescit, quin etiam cùm viuit. Raro quoq; eidem glans, quam cùm tulerit amara est, vt nullum aliud animal, præter sues, attingat, ac ne quidem eæ si aliud pabulum habeant, & non nisi fame virgente.

De æsculo.

CAP. XV.



T æsculus per æ diphthongum scriberetur, vsus obtinuit, licet ab esu, autore Seruio, dicatur, Græcè *πλατύφυλλος*. Latifoliam Plinius interpretatur, quòd inter glandiferas folij magnitudine recta, nec excelsa arbor, rigida, vt in Odis Horatius scribit:

Nec rigida mollior æsculo.

Acero proxima. Huic glans post quercum gratissima. Theophrastus tamen Macedones vocare æsculū ait, hanc arborem, quæ glandem amarā ferat, quæ conuenit haliphleo, vt supradictum est. Nihil ex his duobus vltimis apud autores inueni, quod ad rem medicam pertineret.

De cerro & splachno.

CAP. XVI.



ERRVS Græcè *ἀργύρεος* dicitur, quercus species, Arbor rectissima excelsissimaq; est, incultis amica, perraro enim alibi nascitur. Eius glans tristis, horridaq; est, ceu castaneæ echinato calyce. Glandi ilignæ proximam cerream Nigidius tradit, nec in alia solidiorem, verum duram carnem fieri. Glans, folia, cortexq; suppurationes, collectionesq; siccant, fluxiones sistunt, torpentes membrorum partes corroborant. Glandis verò decoctum fotu, cui insidere expedit, siccandis adstringendisq; partibus. Radix scorpionibus aduersatur. Phascon, siue splachnon alij bryon vocant, Galli hedrum, siue herrum, Syri vuam dæmonum, alij pannum. Sola è glandiferis cerus, vt voluit Theophrastus, producit. Plinius tamen quercum gignere. Nascitur non in cortice tantum, verum etiam in ramis, non verò ex his vnde glans & gemma: è latere, & nodorum supernis cubitali magnitudine, & brachiorum similitudine dependens, muscoso villo canus, & arens, linteï modo prolixas. Quod autem in quercu prouenit, odore præstat. Laus prima candidissimis atque altissimis, secunda rutilis, nulla nigris. Probatur in Africa Æthiopie subiecta, maximè enim in Cyrenaica prouincia. Secundum locum obtinet Cyprius, tertium Phœnicius. Nasci & in Ægypto fertur. In Gallia verò Plinius non addubitauit. Qui autem in insulis, petrisq; adnascitur, improbat, omnesq; quibus palmarum, atq; non suus odor sit. Insidentium vuluis vtiles. Item genibus, & scœminum tumoribus, nasturtio mistus, ex aqua salsa tritus.

Ff Succus

Succus verò cum vino aut resina potus, vrinam celerrimè pellit : hydro-
picos cum vino & iunipero tritus ac potus iuuabit.

De ilice & cocco, & quid hyphear,

CAP. XVII.



LEX Græcè *πῆλιος*, & à corticis fallugine *ἀλφλός*. No-
dosa arbor, vt ait Lucanus in tertio:

- *Nodosaq; impellitur ilex.*

Altè tamen roboris instar assurgit, modò locum adipisca-
tur idoneum. Folio roboris, sed minori, & per latera si-
nuato, & aculeato, cortice etiam læuiori. Luctuosa enim arbor, quod
multorum testimonijs comprobatur. Vergilius in Sileno:

Ælogia 6.

Illice sub nigra pallentes ruminat herbas.

Horatius in Odis:

Carm. lib. 4.

Duris vt ilex tonsa bipennibus

Ode 4.

Nigræ feraci frondis in Alcido.

Seneca in Thieste;

Nullaq; latos solet

Præbere ramos arbor, aut ferro coli,

Sed taxo, & cupressu, & nigra ilice,

Obscura nutat sylua.

Fulmine frequentius icitur: quod Persius satyra secūda innuit his verbis:

- *At sese non clamet Iuppiter ipse?*

Ignouisse putas: quia, cū tonat, ocyus ilex

Sulfure discutitur sacro.

In eos enim hæc protulit, qui cū turpiter viuerent, sibiipsis ignotum
putant, cū Iupiter in ilicem, non in eos fulmen iaculatus fuerit. Ilcis
duo genera, alterum Arcades, autore Theophrasto milacem vocant. Fo-
lio non aculeato, & molliori, profundo. Hoc non multum ab oleis dif-
fert, iniquiente Plinio. In prouincijs aquifolium dicitur. Aliud tamen à
nostrate aquifolio, quod multi non existimauerunt. Ilcis vtriusq; generis
glans breuior, graciliorq;, quam Homerus acylon appellat, eoq; nomine
à glande distinguit. Suem autem angustam, nitidam, strigosam & pon-
derosam facit. Nouissima omnium hæc decidit. Roboris dotes omnes
ilicem prouocare, excepto cocco, Plinius autor est. Suprà coccum quer-
cum ferre in Cilicia ex Dioscoride ostendi. Et vt ad historiam eius de-
ueniamus, Coccus Græcè *κόκκος βαφικῆς*, Arabicis karmes, vnde ho-
die color ille carmesinus vel cramesinus dicitur. Coccum autem feren-
tem, fruticem perexiguum antiqui scriptores dixerunt, ramis etiam quo-
que exilibus, ilcis folio, quisquiliū antiqui vocauere, & in Galatia, Afri-
ca, Pisidia, Cilicia, pessimum in Sardinia nasci: hunc autem quercum Ci-
liciensem Dioscoridis existimaui. Est autem coccus pilula, siue gra-
num pumiceum, ex cuius coloris rubri, & aspectu gratissimi succo pre-
tioso, quem vulgus scarlatam vocat, lanæ inficiuntur. Is autem colos Im-
peratorum paludamentis, antiquitus dicatus fuit. Ni autem tempestiue
legatur, celerrimè in vermiculum commutatur, ideò scolecion vocatum,
vti eius honos statim euanescat: ac si velit huiusce seculi honores ex ve-
stigiū & cæteris rebus citò perituros denotare. Legitur nunc coccus & in

Gallia

Gallia Narbonensi, in simili frutice, per veris initium, non annuatim, sed cum anni temperies tulerit. Nam si ver pluuium fuerit, omnino deperit. Ad hanc enim messem, ingens hominum turba vndiq; tam ex locis vicinis quam remotioribus concurrat. Ordinatum omnes procedunt, vt nemini ordinem aut praeuerrere, aut anteuertere liceat, magistratibus etiam prohibentibus, ad quam item legulei in campo decubant, a quibus tunc mercatores fructum ipsum emunt. Et vt ad ilicem reuertamur, fert etiam scribente Theophrasto, hyphear, & viscum, vt saepe fructus quaternos habere hanc arborem continget, duos natura ingenitos, ac peculiare, alteros item aduentitios, viscum scilicet & hyphear, hoc a meridie, illud a Septentrione. Leo conculcatis ilicis folijs obstupescit. Superest res medica. Folia tusa tumoribus prosunt, & imbecilles membrorum partes confirmant. Radix vero tusa, & ictui dryini imposita plurimum prodest. Eiusdem cortex priuatim in aqua decoctus, dum flavescat, capillos prius cimolia terra confricos, tota nocte illitos, denigrat. Coccus vulneribus ex aceto recentibus imponitur, & epiphoris ex aqua, & oculis sanguine suffusis instillatur.

De subere, & adagijs ab ea, & phellodry. CAP. XVIII.



SUBER Græcè φέλλος dicitur. Theophrasto arbor admodum procera, alto caudice, parum ramigera, folio fraxini, sed oblongiori, præcrasso cortice, qui disrumpi, vt in picea, soleat, verum fragmentis prægrandioribus. Sunt autem qui in vniuersum diuidendum censent, alioquin arborem fieri deteriore. Detractus enim cortex intra triennium in denos pedes etiam vndiq; explanatus renascitur. Tantum cortex in fructu est. Glans rara, atq; item pessima, quæ suum carnem fungosam faciat. Lignum cauernosum, quod in aqua equidem non fidit, vnde retibus & natantibus alligatur, ne possint submergi, vnde tractum adagium, Subere leuior. In homines inconstantes dicitur. aliud, Tanquam suber. De his qui dissimulare aut mergi aduersis fortunæ procellis nesciunt. Apud Pindarum φέλλος dicitur, quod solum non ipsum mergitur, verum etiam alijs alligatum fidere non sinat. Suberis autem cortex tritus, & ex aqua potus, sanguinem fluentem ex vtraque parte sistit, quod etiam testatur Serenus;

Sed quacumq; fluit, vis immoderata cruoris,

Suberens cortex, calidis potatur in vndis.

Antè minutatim studio vincente terendus.

Cinis enim ex vino calido potus, sanguinem excreantibus magnopere prodest. Paulus Aegineta ait, cinerem ex subere, quæ in vinorum cadis inferuerit, in siccandis vehementissimum fore, & ad intestinorum tormina, in medicinis misceri. Arcades autore Theophrasto, phellodryn arborem vocant, quæ mediæ inter ilicem ac robur naturæ sit. Folio ambabus persimili, maiori quam ilicis, minori quam quercui, fructu minimo. Lignum, quam ilicis, candidius, quam robori fuluius. Ligneæ materies du-

rior, sed solutior, speciosiorq; eius medulla. Plinius hæc omnia suberi attribuit. *φέλλος* enim, ut supra dixi, suberem denotat & fructus *φέλλος* dicitur, quæ si ex etymi significatione interpretari velimus, phello-dryn arborem, inter suberem & quercum dicemus, verum ex magna harum arborum affinitate maximè ilicis foliorum cum subere, & harum fructus cum quercu aut robore hæc euenire arbitror.

De fago.

CAP. XIX.



FAGUS Græcè *φῆγος*, ut M. Varro libro primo de gente Romana existimauit, citante Sosipatro. Seruius autè *ἀπὸ τῆς φαγεῖν*, quod est comedere, dici voluit. Loco enim literæ *φ*, prisca Latini *F*, libenter ponebant. Ex qua consuetudine, hodie quoq; in aliquot vocibus, quas à Græcis mutuati sumus, loco *φ*, *F*, subiungimus, ut in fuga, fama, fagus. Dioscorides autem quercus generi assignauit. Crasso caudice est, in orbem comosa, tenue ei folium, ac leuissimum, celerrimè flauescens, populi simile, supernè plerunq; media parte paruam, ac viridem baccam, cacumine aculeatam gignens. Duo eius genera quidam posuerunt, de altero infra. Fagi glans nucleis non absimilis, figura trigonali, cute includitur, & calyculo echinato, non, ut in castanea, hispido, blanda quidem. Dulcissima est, ac muribus gratissima, ideò eius animalis vna prouentus. Glires quoque faginat. Turdis item expetitur. Suem hilarem facit, atq; eius carnem coctilem, leuemq; & stomacho vtilem. Reperitur tamen in quodam fagi genere, attestante Theophrasto amara. Faginæ glandis cinis calculis illinitur, item contra alopecias cum melle. Folia in gingiuarum, labiorumq; vitijs manducantur. Tusa verò & trita tumoribus profunt, & corporis infirmas partes corroborant. Vipera fagi ramulo tacta confestim obstupescit, ut Plutarchus in primo Symposiorum ait.

De scissima.

CAP. XX.



FAGI genus alterum, quod Græcis *ὄχνα* dicitur. Lydi myson vocant, nostri scissimam, quod in laminas sectilis sit. Theophrastus autem inter pinorum genera posuit, & abieti æquiparari. Erecta enim est, enodis, leuis, crassitudine procera, glabro cortice, folio crasso, quàm pyri longiore, bifido, atq; in extremitatibus aculeato. Glandifera minimè est. Nam Macedones eam nunquam florere arbitrantur. Ligno colorato, robusto, ac neruoso, radice non multa, nec altius agente. Nonnullos huic vires, quas alij quercui, assignasse legi.

De Galla, & eius generibus.

CAP. XXI.



SUPRA de arboribus glandiferis, quas gallam ferre diximus: reliquum est, ut de ipsa disseramus. Græcè *κηκίς*. Fructus notissimus, inæquali superficie salebrosus. Alternis tantum nascitur annis, sole de Geminis exeunte. Theophrastus verò & albam & nigram in Mar

in Martij exitu. Noctu semper vniuersa erumpit, crescitq; vno die candidior: quod si ab æstu excipiat, protinus arefcit, vt vltra ad iustam magnitudinem grandescere valeat minimè, atq; intra fabæ magnitudinem subsistit. Gallæ pauciora genera Plinius facit, albam, scilicet, & nigram, maiorem ac minorem, solidam & perforatam, vt omnia hæc, duo genera compræhendant. Dioscorides verò & Galenus duo item genera posuerunt, quorum alterum *ὀμφακίτης* dicitur, non vtiq; vt per hanc vocem immaturam significare voluerint, quod multi apud eundem interpretati sunt. Exigua hæc, nodosa, ac solida, nulloq; foramine peruia. Alia enim glabra, leuis, ac perforata. Hanc Galenus rusticos *ὀνυκιδαν* vocare scribit, quasi asininam magnam, fungosam, & minùs efficacem. Forsitan Plinio est, quæ nigra dicitur: diutius enim viret, crescitq; ad mali amplitudinem. Hemeris optimam fert, corijs perficiendis vtilem. Æsculi siue latifolij huic similis, nisi quod leuior sit, & minùs probata.

De gallarum virtute.

CAP. XXII.



GALLARVM vim medici per genera distinxere. In plurimis tamen æquales fortiuntur vires. præferunt omphacitim, maximè Commagenam. In tertio autem abscessu desiccatur, in secundo verò refrigerat. Alterum verò genus desiccatur etiam, verùm non vsque adeò efficacius, atq; eò minùs, quò minùs acerbæ qualitatis particeps est. Illa enim plurimum terrenæ substantiæ habet. Fluxiones repellit, cogitq;, & imbecillas partes contrahit, atq; omnibus fluidis morbis strenuè resistit. Hæc autem còcta, postea contusa, & apposita, inter cataplasmata, quæ ad sedis phlegmonas, & procidentia, fieri solent, annumeratur. At si mediocri adstrictione opus sit, in aqua tunc decoquenda: vbi autem vehementiori, in vino. Quod si adstrictionem augere oportuerit, vino austeriusculo vtendum erit. Carbonibus enim cremata, vsq; dum igne flagret, & candeat, & vino postea, aut aceto, vel etiam muria arida, restincta, sanguinem sistit. Ab vitione enim, caliditatem & acrimoniam acquirunt, & tenuioris tunc substantiæ sunt, propterea maiore exsiccandi vi pollere oportet. Galla, vt Celsus ait, corpus exedit. Tritæ ambæ carniū excrecentias tollunt, prosuntq; gingiuarum distillationibus & vix ac oris exulcerationi. Capillos denigrat aqua, aceto vè macerata. Illita autem paronychij ex melle & vnguibus scabris, pterygijs, vlceribus manantibus, condylomatis, vlnis, quæ phagedæna vocantur. In vino autem decoctæ, auribus instillantur. Aduersus eruptiones & panos, cum aceto. Immaturæ verò cum aceto lienem consumunt. Decoctum autem contra procidentes vulvas, & menses fotu efficax, & his, quibus insidere expedit. Nucleus vtriusque gallæ medius, commanducatus, vt voluit Plinius, dentium cauis inditus, dolores eorum sedat, vt Dioscoridi placuit. Item ambusta & intertrigines. Obsonijs vtilis. Nam ad hanc rem, vel mista, vel integra, in aqua percoqui debent, in qua nihil excoquendum quod in ipsis conferat. Luci-

lius, vt Festus Pompeius attestatur, cū gallam fore bibendam pronuntiabat, aut ventris rugas conducendas præmonebat, vtendum parsimonia fore, & ventrem coarctandum, nec gulæ indulgendum.

De visco.

CAP. XXII.



INTER frutices de visco differere par erat, nisi quod solum eius ingenita natura, atq; eius indiuidua societate, solius arboris comes sit, in qua perpetuum constituerit domicilium. Satum verò omnino non nascitur, nec nisi per auium alium redditur, maximè autem palumborum & turdorum. Athenæus autem vnum auium genus esse scribit, cuius fimo generetur, cænadem appellat, quam nonnulli apud Aristotelem vinaginem interpretantur. Ipse autem turdum existimauerim. Nam hæc auis vinearum maximè accola est. Propterea Plautus propter glutinum, quod ex eo fit, mortem sibi creare dicit, his verbis:

Ipsa sibi auis mortem creat.

Adagialiter autem in eos dicitur, qui sibiipsis extremi exitij causam præbent. In quercu autem, robore, ilice, pruno syluestri, amygdalo, terebintho, necnō alijs arboribus adnasci pleriq; autore Plinio, arbitrantur. Dioscorides enim addit & in malis, pyrisq;. In mespilo autem natum conspexi, & in cotoneo, & aronio. In Gallia enim in omnibus ferè arboribus nascitur. Altitudo eius non excedit cubitum. Fruticosi generis est, semper virens, buxi folio, verum crassiori. In visco autem discrimen adiiciunt, vt Theophrastus, in his, quæ folia admittunt, & quæ decidunt: contra quibus adhærent, & externa sunt fronde. Copiosissimum in quercu, quod dryos hyphear vocant. Visci tria genera regiones animaduertunt. Nam in abiete ac larice, stelim Eubœa, hyphear Arcadia, non viscum nominat. In omni autem arbore, ilice excepta & quercu differentiam facit, odor & virus, foliumq; non iucundi odoris. In vtroq; verò visco amarum & lentum. Optimum recens, quodq; leuissimum est, extra fuluum, intus porraceum, in quo nil asperum aut fursurosus occurrit. E robore autem præcipuum. Quidam commanducantes acinos, corticem expuunt, alij acinos contundunt, post lauant, dein in aqua decoquunt. Græci ἵχου vocant. à recentioribus enim, lignum sanctæ crucis. Sunt autem, qui aureum illum ramum, quem Æneas apud Maronem, ex Sibyllæ præcepto ex ilice decerpserit, & ad inferos detulit, viscum fuisse existiment, & omnia ex Druidum sacris desumpta fuisse. Sed iam Vergilium audiamus,

Æn. 6.

*Accipe qua peragenda prius : Latet arbore opaca
Aureus & folijs, & lenta vimine ramus,
Iunoni inferna dictus sacer : hunc tegit omnis
Lucus, & obscuris claudunt conualibus vmbra,
Sed non antè datur telluris operta subire,
Auricomos quàm quis decerpserit arbore sætus.
Discolor. vnde auri per ramos aura resulsit,*

Et post:

Quale

*Quale solet syluis brumali frigore viscum
Fronde virere noua, quod non sua seminat arbor:
Et croceo sætu teretes circumdare truncos
Talīs erat species auri frondentis opaca Illice.*

De visci natura, & vi, & qualiter fiat glutinum, capiundis auibus aptum, quod etiam viscum dicitur.

CAP. XXIII.



Is cūm aëriæ & aquosæ substantiæ est, exiguum terrenæ habet, multum acrimoniæ: siquidem ex alto, valenter humores, non tam tenues quàm crassiores extrahit, diffundit, digerit: Ex eo medicamentorum genere est, quod admodū non protinus excalfaciat: Nam & tempus requirit. Tubercula, panos, cæteraq; collectiones, ad maturitatem perducit. Cum cera verò & resina pari pondere, epinyctidas, in splenio impositum. Quidam galbanum adiiciunt, eorum singulorum pondere, eoq; modo ad vlcera vtuntur. Ait Dioscorides cum thure, vetera vlcera, suppurationesq; quas cacoëthas vocāt, emollire. Cum calce verò gagalëve aut asio lapide decoctum, ac mox impositum, lienem absomit. Vnguium scabritias expellit, cum trito auripigmento, vel sandaracha illitum: vel, vt Plinius voluit, si septenis diebus soluantur, nitroq; colluantur. Mistum enim cum calce & vini sæce, vires acquirit, ac auget. Vlcers commanducatu, imposituq; efficacissimè sanari, quidam arbitrantur. Aduersus epilepsiam, apoplexiam, & paralytim mederi, si amuletum ex hoc in collo nusquam non circumferant, & sceminarum conceptum adiuuare, si omnia secum habeant. Scio & ad hoc orbiculos ex ligno multos detulisse. Quidam ad religionem referentes efficacius fieri putant, si prima luna, sine ferro, & si terram non attigerit, ex arbore collectum sit. Alij puluerisunt, & è vino pocillant. Ex eo enim, quod in aronio nascitur, ad arquatos mederi, quosdam prosperius sciui. Glutinum ex acinis, ligandis auium pennis, idoneum fit: magnum quidem, venatoribus instrumentum ex Plinio hoc modo: Colliguntur acini, melsium tempore immaturi. Nam si accessere imbres, amplitudine quidem ipsa augentur, visco verò marcescunt, deinde siccantur, & aridi tunduntur, & aqua conditi putrescunt, duodenis ferè diebus, vnumque hoc rerum, putrescendo gratiam inuenit. Inde in profluente rursus malleo tusi, amissis corticibus, interius lentescunt, quo postea cūm vti voluerint, iuglādīs oleo subigunt, & prætenues virgulas, secundum auium, quas capere desiderauerint, robur, illinunt.

Fit alio modo, vt in aquifolio dicitur, vt cuiquam plantæ, naturæ dos propria relinquitur.

Prefat



Præfatio libri vigesimiseptimi.



LANDIFERAS arbores post sylvas & nemora descripsimus, quod illæ potissimum sylvarum incolæ sint, nec alibi latius nascuntur, ut sola per se ingentes occupent sylvas, nec latiores ex alia sola arbore inuenta sunt. Vix enim sua firmitate, sua magnitudine, suo item longæuo senio cæterarum consortium admittunt, propter quod etiam alijs citius emorientibus, non eadem facies, non idem denique honor, visitur & permanet, neque idem, dissentientibus ex diuersis generibus natura, similis amor & societas esse potest. Post has verò meritò pinifera sequi debent, utpote quæ aui propinquitate & generis & societate post glandiferas ampla loca vestiant. Rarò enim cum alijs siue domesticis siue syluestribus coeunt. Nec inter illarum genera quæ multa sunt maior refertur affinitas. Usque adeò arcta, ut aliud genus ab altero vix facie dissimiles cernantur, tam simillimo caudice, fronde, flore ac fructu sunt, nec nisi ab his qui eas magno studio, & frequenti conuersatione coluerint. Sed de illarum autem differentia supra nonnulla dixi. Inferius verò prolixius in suo quoque genere dicemus.



HORTORVM LIBER

VIGESIMVSSEPTIMVS.



De terebintho, et prouerbio, Terebintho stultior.

CAPVT I.



TEREBINTHVS Græcè *τέρινθος*, circa Idam Troadis, necnon in Macedonia brevis, atq; contorta arbor est. At in Syria Damasco magna, spatiosaq; visitur. Talis autem ex Theophrasto huius imago est: Folia ex vno pediculo densa habet, eo, vti in sorbo modo digesta, vnicum in summo exit, parem numerum conturbans: angulosa & minora quàm in sorbo. Laurinis per ambitum similiora, lentore abundantia, & vt fructus oleosa. Flos racemosus, oliuæ modo, sed colore rubens. Fructus verò faba non grandior, tactu resinofus, cum vite maturescens. A similitudine eius terebinthas dicitur, pustula rotunda, siue cutis excrefcentia, ex nigro virescens. Oribasius phymatis speciem esse asserit. Quod subiacet, desquamato simili apparet. Pus enim, vbi scalpello diuideris, deprehenditur. Fœminarum altera fructum quàm primùm rufum edit, lentis magnitudine, qui non maturescit. Altera primò herbaceum, demùm rubentem, postremò cum vua maturefcentem, ac nigrescentem, fabæ magnitudine, interim maiorem, resinofum, odore iucundiozem. Quandiu verò immaturus est, in aqua ferè supernatat, niger autem sedit. Fert lentorem resinofum, qui è cortice erumpit, non tamen hinc resina colligitur, sed ex materie. Producit etiam folliculos, nucibus persimiles, inanes, vt vlmis. In quibus bestiolarum culicibus non dissimiles innascuntur. Fructus, folia, & cortex quamuis adstringant, in secundo tamen ordine calefaciunt, priuatim verò fructus. Vbi autem inaruerit, ad tertium accedit, vnde vrinam mouet, & lieni confert. Est enim adeò calidus, vt mandentibus, eius caliditas protinus percipiatur. Reliqua verò etiam nū humida in primo, accita in secundo excalfacientium. Ad eadem omnia, ad quæ lentiscus conueniunt. Folia item, & radix, collectionibus imponuntur. Decoctum eorum stomachum iuuat. Semen autem in capitis dolore, ex vino bibitur, & contra vrinæ difficultatem Ventrem leniter emollit, & venerem excitat. Fructus vsui est, verùm stomacho aduersatur. Contra phalangiorum ictus, vtiliter in vino sumitur. Oleum autem è terebintho fieri Plinius scribit. Commune prouerbum est, Terebintho

G g stultior,

stultior, quòd hæc arbor latè ramos porrigat. In stupidum, sibiq; placentem dicitur. Qui verò malunt terebinthum fatuam dici, vt recentium nonnulli, quòd fœminarum alterum genus masculam superet, aut quòd & si radices validas habeat, materiam tamen lentam, parùm probè sentiunt, quum & huiusmodi plures arbores fatuæ censerentur, & omnes quarum fœmineum genus ferax, sterili masculino est: plures item radices habent, quarum tamen materies levis est.

De cupressu, & cyparissijs.

CAP. II.



VPRESSVS, Græcè κυπάρισσος, ἀπὸ τοῦ κλειν παρίσσει τὸς ἀκρέμοντας. Id est, à partu parilium ramorum, inquit Didymus, quæ vox etiam apud Latinos recepta est. Verg.

Aëria quercus, aut conifera cyparissi.

Martialis:

Daphnons, platanos, ac aërias cyparissos.

*Sen. 3.
Lib. Epigr. 12.*

Cyparissia etiam Festo Pompeio, ignes prodigiosi sunt, acies quædam igneæ, quæ noctu apparere solent, à cupressorum similitudine. A poetis verò Græcis κοινίδεις etiam dicuntur, quoniam hæ arbores in acumen tollantur. Didymus cupressos duplici nomine vocari solitas memoriæ prodidit, cyparissos videlicet & charites. Hoc vltimum propter Charites Eteoclis filias, quæ dum tripudio ad Dearum æmulationem subsiliunt, extra choream euolutæ, in puteum delapsæ. Quod dolens Dea Tellus in virides plantas conuertit, ipsarum iucunditatem mortalibus inducens. Arbor verò longo & recto caudice attollitur, fructu superuacua. Quare Athenienensis Phocion dicere solitus fuerat, Leosthenis sermones, cupressis fore similes: quæ etsi pulchræ, sublimesq; sint, nullum tamen fructum ferant. Folio pini, carnosio, & amaro, odore violenta, ac ne vmbra quidem grata. Baccis torua. Semen ei exiguum, quod in galbulis continetur (pilæ sunt cupressorum) pilulæ etiam & coni vocantur, tam Græcis, quàm Latinis: vnde Vergilio conifera, & nuces quoq; dicuntur. Cùm verò maturescunt, dehiscunt, tunc semina efflantur, & euolant, magis quàm decidant, ideoq; collectu difficilia. De hac enim arbore verbosius, quàm de omnibus alijs M. Cato disseruit. Cupressus refrigerat, & adstringit. Ea verò discutit, Celso autore, quæ in corporis aliqua parte coierint, rasura etiam eius serpentes fugat: potus cum aqua somnum conciliat. Galbuli & turiones (inquirente Paulo Ægineta) siccandi viribus polent, calore nullo conspicuo, quamobrem in duris corporibus, magna vulnera conglutinant. In flaccidis ac putridis vlceribus, fixas in alto humiditates, citra noxam depascuntur, intestinorumq; ramicibus opitulantur. Quare compertam vim exsiccandi, absq; insigni acrimonia aut caliditate habere, veluti & gustus indicat. Apparet enim in ea laus quædam acrimoniæ, verùm plurima amaritudo, multum etiam plus acerbitalis, quæ ex plantæ acrimonia & caliditate, tanta, quanta opus est. Eam in altum deducere, vt mordacitate, & caliditate corpora afficiat. Pilulæ eius ex vino tulsæ, contra dysenteriam, alui fluxionem, tussim orthopnœam, & sanguinis excreationes, bibuntur. Earum verò decoctum, idem potest.

test. Tufæ etiam cum fîco, duritias molliunt, nariumq; polypis medentur. In aceto enim decoctæ, & cum lupinis tritæ, scabros eijciunt vngues, herniasq; intestinorum prolapsu erumpentes compescunt. Aduersus serpentium ictus sumuntur. Cum semine verò tufis succus exprimitur, qui admisto oleo, caliginem oculorum aufert: tumores discutit, & cum fermento strumas. Eadem præstant & folia, quæ serpentium ictibus imponi Plinius scribit, ac capiti cum polenta, si à sole doleat. Eadem enim cum duabus panis mollis partibus concisa, & vino Amineo subacta, pedum & neruorum sudores sedant. Trita verò, & imposita, vulnera conglutinant, sanguinem sistunt. Ex aceto enim concisa, capillum denigrant. Quod etiam testatur Serenus his versibus:

*Quos pudet ætatis longæ, quos sancta senectus
Offendit, cupiunt proprios abscondere & equos,
Et nigrum crinem succo simulare dolo:
His prodest acri contrita cupressus aceto.*

Illinitur etiam per se, aut cum polenta sacris ignibus, carbunculis, & vulneribus, quæ serpunt, atq; oculorum inflammationibus, tanquam citra excafactionem, humiditatem, quæ eos morbos faciat. Cum cerato enim mista, & imposita, stomachum corroborat. Pilulæ autem cum suæ arboris coma incensæ, culices abigere creduntur. Radix enim cum folijs tusa, potaq; menses cit, & scorpionum moribus aduersatur. Cupressus resinam liquidam effundit, quæ in eclegmate & per se etiam tussi veteri, auxilio magnoperè est. Fit ex ea oleum, quod effectus eisdem habet, quos myrteum. Vinum etiam fit, myrtitæ viribus æquale. Vbi verò vlgo, aliæ pestis segete enecat, cupressi folia spargi & inarari, autore Columella, conuenit. Aduersus ouium mentiliginem, quam pastores ostiginem vocât, cupressi trita folia, & aquæ mista, si his os & palatum perluatur. Pilulis in aqua decoctis, equorum pedes, contra illorum molliem fouentur.

*De cupressis iuxta Alcmaonis sepulcrum, et Cyparissi
fabula, et adagio, Cupressum simulas.*

CAP. III.



ALCMAON vel, vt alijs placet, Alcmaeus, Amphiarai filius fuit. Is autem à Temeno & Axione Phlegei filijs interemptus, in Arcadia apud Psophidem sepultus, circa cuius tumulum pulcherrimæ ac tantæ proceritatis cupressi agnatæ sunt, vt propinquum montem adumbrarent. Indigenæ Alcmaoni sacras existimant: quæ ab his *ταφειναι* dictæ, proptereâ eas non excidebant. Cyparissus puer speciosus, vt ait Placidus, Telephi filius, dum venaretur, in amorem sui Apollinem compulsi, à quo mirum in modum adamatus. In Chio insula, vt scribit Probus, ceruum habuit pulcherrimum, ac mansuetissimum, quo ab Apolline donatus, quem enixè dilexit. Alij dicunt Nymphis sacrum. Per syluas verò errans, & lassus, sub arbore, & in herba obdormiuit: strepitu autem à somno excitatus, longe ceruum vidit: & syluestrem credens, iaculo imprudens traiecit. Quod ubi agnouit, tanto affectus est dolore, vt nec Phœbi consolatione, nec

medicinæ viribus ab huiusmodi luctu ac planctu retrahi potuerit, vt cibo etiam & potu abstinerit. Sed illud tandem supremum munus à Deo petijt, vt omni tempore ei semper flere liceret. Itaq; Apollo eius misertus, in arborem sui nominis conuertit, ex qua lacryma deflueret. Sic enim apud Ouidium in decimo Metamorphoseos Apollo ait:

- *Tristisq; Deus, Lugebere nobis,*

Lugebisq; alios, adersq; dolentibus, inquit.

Aliter Seruius in primo Georgicorum: Ab Syluano Deo amatus, cuius ceruam inscius occidit, vt præ dolore puer postea contabuerit: verum ab amatore Deo, in arborem sui nominis conuersus: quam hic pro solatio portare dicitur: Vergilius:

Et teneram ab radice ferens Syluane cupressum.

Adagium est, Cupressum simulas: vel, Cupressum scis simulare. In eum enim quadrat, qui relicta ad rem materia, in aliam importunè transgreditur. A malo scilicet pictore ortum, scribente Porphyryone, qui nil aliud, quam cupressum, adfabre sciret depingere. Ab eo autem naufragus quidam petijt, fatum suum in tabella exprimi. Ille autem interrogauit num vellet aliquid ex cupresso adpingi: ad quod alludit Horatius in Arte:

- *Et fortasse cupressum*

Scis simulare. quid hoc? si fractis enatat expes

Nambus, are dato, qui pingitur.

De pino, strobilo, & pinastro, & Sinide latrone.

C A P. IIII.



GRÆCI pineam nucem κωνον vocant, à cuius forma, terræ umbra mathematicis conum dicitur, quidam cocalon. Ab his quandoque σρόβιλος dicitur: vnde illud ξανθοῖ μυελοὶ ἐκ σρόβιλων. Plinius tamen strobilum ponit, per Italiam oram nascens, pinastro persimile, quod à natalium cognatione, sic vocatum ait. Succinctius hoc, graciliusq; & sine resina. Galenus præterea strobilinam resinam à pinea distinxit. Nux pinea etiam κωνάρια à Simeone Sethio dicitur. Alij conon nucleum tantum vocat, & ipsos conos ostracidas, vt inquit Athenæus. Cæteras nuces omnes magnitudine superat, fructus quidem lignosus, frequenti nucamento, in turbinatam effigiem compactus, altissimè suspensus. Intus exiles nucleos lacunis includit, singulis toris vestitos, alia ferruginis tunica, mira Nature cura, vt molliter semina sua, & genitum fœtus collocet, & enutriet. Hos autem alij πυρηνὰς & πινιδὰς vocant. Nunc arborem, & eius reliquas partes prosequamur. Arbor procera, vete enim sollicitata, cubitis octo longiorem fieri Theophrastus ait: qua verò ratione id fiat, neque ab eo, neq; ab alio didici, nisi hoc instrumento radicibus via aperiatur. Vnico caudice, atq; recto consurgit. Folio denso, plurimo, longo, mucronato, pinato, vt ab ipso arbor ipsa nomen acceperit. Albertus foliorum acumen antiquitus pinum vocari scribit, capillamento etiam prætenui & pingui. Duplex pinorum genus, vnum vrbani, alterum sylvestre, quod pinaster

pinaster dicitur, mira altitudine, & à medio ramosum, sicuti in vertice pinus. Pinastrum item duo genera Theophrastus posuit: quæ solum ipse distinxit, ex his, qui in Troade, & in ipsa Ida nascerentur, ut vnum à monte Idæum, & montanum vocauerit, aliud maritimum. Idæa verò pinus folio tenuiore, & imbecilli, ramosior hæc, rectiorq; ac celsior, & crassior, cui etiam nux oblongior, viridiorq; atq; etiam minor, tanquam sylvestrior, & dehiscens. Maritima autem cortice læuiori, nuce rotundiore, breuiorq; & minùs dehiscens. Lignum ei validius. Macedones quoddam pini genus sterile dicunt. Pinus excisa, nullam sobolem postea remittit, quod prorsus emoriatur. Sunt etenim eius naturæ. Quare Cræsus Lydus, attestante Herodoto, Lampfacenis præcepit, ut Miltiadem, quem illi, dispositis insidijs, viuum exceperant, missum facerent, alioqui se illos in pini morem extriturum. Quod intelligentes Lampfaceni, Miltiadem remiserunt. Vnde adagium natum ut exteri dicantur pini modo. Nucum pinearum Plinius quatuor genera posuit: durum, quod est vulgare: alterum, tenerum digitis fragili putamine, ideoq; auium furto in arbore expositum, Tarentinum vocant, quod Sabini hac voce molle denotabant. Tertium è picea satiuæ nucleorum cute, verius quàm putamine, adeò molli, ut simul mandatur. Plinius sapineum vocat. Quartum pityidas vocant. Pinus autem prodesse omnibus his creditur, quæ sub ea feruntur. Locus verò in Isthmi initio pinis consitus fuit, in quo Sinis Latro, quos pugna superasset, vicinarum pinorum cimis in terram deorsum flexis adalligabat, quas postea subito in ærem sursum efferri permittebat, ut vnaquæq; arbor sibi annexum membrum secum traheret, ideo pityocampita dictus, quomodo & ipse à Theseo, ut sua arte periret, discerptus est. Hæc in Corinthiacis Pausanias, quo autore, ibi pinorum nemus in ordinem consitus fuit.

De pinorum vi.

CAP. V.



M pini arboris enucleantes, ab eius fructu incipiemus, quum in eo præcipua ampliorq; quàm in cæteris eius partibus insit. Viridis enim amaritudinem quampiam, & acrimoniam, cum aquosa humiditate habet: proinde ad supurationes & pectoris ac pulmonis faciles excreatus, quando hoc illud expedit, accommodatus. Esculentis verò exquisitus, aqua prius, ut acrimoniam exuat, maceratur. Temperatior enim tunc redditur, rosionis expers. Concoctu difficilis, vngvine suo, opplens & obstruens: crassioris etiam succi est: asperitates tamen lenit. Quidam enim in secundo calidum dicunt, siccum autem in primo. Caput grauat, bonum sanguinem gignit. Vim ad semen genitale addit. Acredini, quæ in ventriculo, aut in renibus fit, & his, qui ad tremorem procliues sunt, prodest. Stomacho idoneum Celsus scribit. Cum passo autem, vel semine cucumeris poti, vrinam cient. Item ad vesicæ & renum vlcera. Tussi verò & pectori cum melle sumptus, utilis. Integer ab arbore decerptus, & ut Plinius expressit, ut resinam habeat, leniter contusus, & in passo deco-

ctus, vetustis tussibus, & tabi, quam phthisim vocant, ac sanguinis excreationi, ita si quotidie ex eo decocto trini cyathi sumantur. Purgati nuclei sumpti sitim sedant. Cum portulacæ verò succo, desumpti, stomachi vehementiores rosiones leniunt, corruptosq; humores obtundunt. Ex aqua poti, aut vino, vel passo, vel balanorum decocto, bilem pellunt. His autem, qui salamandram hauserint, cum trisaginis decocto, auxilio sunt. Fauces exasperare videntur, & tussim. Nonnulli (inquit Columella) antequam pecus mamillis inducant, virides pineas nuces in mulctram demittunt, & mox super eas mulgent: nec separant, nisi cum transfuserint in formas coactam materiam. Ipsos quidem virides conterunt nucleos, & lacti permiscunt, atq; ita congelant. Folia acriora sunt, trita & illita inflammationes liniunt, vulneraq; ipsa ab inflammatione vindicant. Hepathicis drachmæ pondere, cum aqua mulsâ, vtiliter bibuntur. Ex pinu verò rudicula, acoporum passerumq; compositionibus idonea fit. Pini cortex adstringit. Tritus verò & illitus intertriginibus, & vlceribus summam cutem occupantibus, & ambustis, cum thuris manna & argenti spuma. Cum sutorio verò atramento tritus, quæ serpunt, cohibet. Vlcerâ in teneris corporibus, cum cerato & myrcheo oleo ad cicatricem perducunt. Decoctus enim contra tormina datur. Suffitu partum & secundas eijcit. Potus autem aluum sistit, & vrinam cit. Materies minutatim concisa, & in aceto decocta, vt hoc decocta dentes colluantur, ad sedandum dolorem valet. Ex materie verò cremata ad librarij atramenti confectionem, fuligo excipitur, quæ honestandis palpebris efficacissimè imponitur. Græci καλλιβλέφαρα appellant, vt colorem mentiantur. Erosi etiam oculorum angulis, & collacrymantibus prodest, & callosis glabrisq; genis. In melle decoctos nucleos Taurini, aquicellas vocant. Fit è pineis nucibus vinum, quod Græci strobiliten vocitant, nucibus recentibus fractis & in musto maceratis, & postea expressis. Eadem cum resinato vino vires habet. Quod si quispiam nuces pineas in musto decoxerit, id potum egregiè ijs, qui tabitudine conficiuntur, prodest.

De picea, & Pitys fabula.

CAP. VI.



PI C E A, Græcè πεύκη. Poëtæ etiam βλωθρὴν appellant. Folia breui seta, ac crassiore, dura ceu cupressis, insecta pettinum modo, & pungentia. Rami statim à radice modici velut brachia lateribus inhaerent. Nucleos habet minimos, nigrosq;, & totis panniculis minoribus, gracilioribusq;: quare Græci phthirophon, quasi pediculiferâ & tineosam vocant. Theophrastus autem piceam à pinu hoc modo differre memoriæ mandauit. In qua differentia Plinium scire oportet, larici tribuisse, quæ ille pinui. Est autem picea pino breuior, minusq; recta, folio rariore, sicciore, ac tenuiore, & algentiore, ni totum horridior appareat. Conum præterea magis algentem, minoremq;, nucleos resina perfusos. Pinus autem vstis radicibus minimè repullulat: contrâ picea, quod contingit in Lesbo insula,

fula, montis Pyrrhæi incenso nemore, qui piceis scatebat. Arbor quidem feralis, & funebri indicio ad fores exposita, & rogis virens. Arcades enim piceam sterilem dicunt, apud quos tamen rara, verum frequens circa Elin, ut ait Theophrastus. Nuces, sicut in pino, pityides dicuntur. Dioscorides piceæ vim cum pino confundit. Alij tamen separatim de ea pertractant, & si communes quasdam cum pinu vires habeat. De quibus speciatim dicendum arbitror. Fructus autem mistam vim obtinent, adstringentem, & acrimoniam cum amaritate possidentem, quamobrem thoracis, pulmonisq; abscessibus conferunt. Folia humidiora sunt, quibus vis quædam vulnerum glutinandorum inest. Et quamuis in fructu similis facultas sit, validior tamen tum in folijs, tum in cortice, adeo ut decoctum nil probè efficere possit: verum molestiam quandam ad mordacitatem habent. Cortex eximiam adstringendi vim possidet, qua intertrigines bellissimè sanat, & ambusta illitus persanat, & ad cicatricem perducit. Fuligo autem ad pilos superciliorum fluentes accommodata: ad oculorum erosos angulos, lippientesq; , ac lacrymantes oculos. Pytis, ut Græci fabulantur, puella perquam formosa fuit, quam perditè Pan Deus adamauit: hanc quoq; Boreas: utriq; enim adducta Pani adhæsit, quare zelotypia stimulatus, & concitatus Boreas, Pytim in saxa impellens, neci dedit. Cuius vicem Tellus Dea condolens, in sui nominis arborem commutauit: mutatoq; vitæ genere, apud eos permanfit. Pana enim ramo virenti coronat, lugetq; immeritum facinus, collacrymans arbor, quod Boreas maligno spiritu impulerit.

De abiete.

CAP. VII.



PLINIUS libro duodecimo cuiusdam generis abietis meminit, quod elate vocatur. Alijs palma dicitur, alijs spathe. Pingui lacryma, quæ ad vnguenta addatur. Vbi verò abietem cum palma confudisse videtur. Dicta est autem abies, quod in cælum abeat: ut hac ratione Græcè etiam elate dicta, ab ἐλάω quod est impello, prolongo. Nam in fastigium assurgit, ut omnium resinam ferentium amplissima sit. Crescit primùm quoad liberiore sole fruatur, neq; interim crassescit, neq; fructificat. Tunc enim nec ramus vllus, neq; laterū germinatio, neq; crassities, quæ tunc omnia fathiscunt. At vbi in iustam magnitudinem excreuerit, in profundum latumq; dilatatur. Itaq; totis arboris partibus excrecit. Enodem Ovidius dicit. Forma decora. Nam sola ramorum progerminatu, ordinem feruat. Quippe ramorum exortus germinationes sequuntur: totaq; facies concamerationem imitatur, similisq; Bæothorum cyathis, ut inquit Theophrastus, conspicitur. Statim verò à radice rami modici, velut brachia, lateribus inhaerent, subrectaq; diuisura, in cælum non proni tendunt, quare intuitu hilarior. Folio pinnato, pectinum modo infecta ac pungenti. Caudice rotundo. Arbor tota instar cepæ: multiplici enim cortice tunicatur, vsque adeo densa, ut nec niues, nec imbres transmittat, cuius etiam umbra subditis fruticibus, tanquam nouerca sit. Nam quæ-

cunq;

cunq; attigerit, non dubiè id venenum est. Rigore enim naturali contenta est. Non citò ab onere flectitur, verùm sursum renititur. A pino autem differt, quòd huic rami plures, abieti verò duriores, ac flauescen-tes. Plures aliæ differentiæ, quæ etiam aspectu depræhenduntur. Semen pulcherrimum, circa Arcturi emersum, emergit: quo tempore Romæ mensis Septembris est. Termitem, à quo vitiatur, alit. Calefacit, siccâtq; quo populus nigra. Pilulam profert, quæ nucleum continet. Hæc hyeme crescit, Vere aperitur, tota cadit, cùm folia crescere cœperint. Iuxta vitem abietem fulmine percussam, domini interitum prædicere, ex aruspicum libris quidam aiunt.

De sapino.

CAP. VIII.



PLVRES vnam & eandem arborem sapinum & abietem existimauere. Plinius verò aliter, qui sapinum nil aliud esse, quàm piceam feritate paulùm mitigatam, cuius imas partes tedas vocet. Seruius autem Honoratus sapinum abietis speciem dicit. Vitruuius libro primo vno in loco, sapinum statim ab abiete seiunxit. Alij inferiorem abietis enodem partem sapineam vocauere. Sic enim abies à terra excrescit: fluuiata decorticatur. Superior pars durior & nodosa, fusterna vocatur. Arbor recto caudice, vt abies. Ramis abieti in ordinem exeuntibus, qui altum nituntur: folio etiam abietis leniter mucronato, non tamen per ordines, vt in abiete exeunt. Conis longioribus, cæteris numerosior, caudicis cortex liuet.

De tæda.

CAP. IX.



SEXTVM genus arborum resinam ferentium tædam Plinius posuit, & alibi montes amare dicit. A Græcis δὰς & δαδίων dicitur. Alijs verò τῶν τῶν. Tædas etiam alia ligna vocamus, quæ picis oleivæ illitu, faculæ modo, flammæ emittunt. Habet autè quiddam acre, & vim concoquendi, & abstergendi: vnde aceto decocta, dentium dolori medetur, si ex eo os colluat. Quòd si semel addideris, conferre quoq; collutio ad pituitam per os educendam. Eclegmatis quoq; ad screatus è pectore eliciendos miscetur. Folia recentia vulnera glutinant. Piceæ insuper viribus responderet, verùm moderatior. Sed vt de tæda finiamus, nonnulli Plinium hallucinatum dicunt, quòd vnum genus resinam ferentium posuerit, & tædam liquorem solum arborum resinam ferentium arbitretur.

De larice.

CAP. X.



LARIX, vel larex, vt nonnullis placuit, nota est arbor municipibus, qui circa Padi ripam, & maris Adriatici litora sunt, vt Vitruuius ait. Nunc verò circa ea loca arbor tantùm conspicitur, quæ cupressi folio est, quam tamariscum incolæ vocitant. Dioscorides autem in Gallia, quæ Alpibus contermina est, gigni scribit. Huic autem eadem, quæ piceæ, facies. Folio pini,

pinii, pungenti. Theophrastum enim sub piceæ nomine hanc comprehendisse, nonnulli existimant, nec à picea quouismodo separasse, propter eius cum ea cognationem. Aliqui à sapino aut magis propriè ab abiete discernunt, quòd illarum nonnullæ altæ vt abietes, atq; inter ipsas crescunt. Humiliores aliæ, quæ tamen longiùs ramos suos protendant. E genere maioris ramusculi, tumores paruos in pupillæ formam extuberant. Hi folijs iuniperi, humilioribus tamen, ac mollioribus vestiuntur, quæ per hyemem decidunt. Pomum fert pinus simile, sed breuius. E ramis eius, panicularum modo, nucamenta veluti piceæ dependent. Sed uni populi in Allobrogum Alpibus siti sunt: apud eos larix multa nascitur, vt nulla frequentior: propterea apud eos plurimo vsu est maximè medendi. Recentiores eius ramusculos, per Maium effringunt, & stolones effodiunt, quibus in balneis vtuntur, vt hac ratione plurimis sibi morbis opitulari credant, præsertim verò lepræ, à qua se tutos existimant, si ex eius materiei cubiculis inhabitent, & lectis cubent. Corticis cinis ambustis & intertrigini medetur. Epotus enim aluum sistit, vrinam ciet, vulvas suffitu corrigit. Laricis fumum serpentibus grauem. Lucanus hoc carmine ostendit:

Et laricem fumoq; grauem serpentibus vrunt.

De taxo.

CAP. XI.



TA X U M à Græcis smilacem vocari, Sestius, Galenus & sequaces, autores sunt: castus etiam à Galeno. Ab aliquibus thymion. Nonnullis milos. Italorum vulgus, litera vna mutata naxum vocat. Galli issum nuncupant. Arbor abieti persimilis. Quare Nicander ἐλατήριον vocat. Eam etiam Galenus approbare videtur, quæ sit abietis genere, aut ilicis, deinde quæ in Oëta Æthiopix monte nascitur. Nam etiam eodem aspectu, eodemq; folio, sed pinguiori. Ligno minùs viret. Dira, tristisq; auctu insignis, proceræ, sed non adeò vt abies, gracilisq; alis magis sinuata. Quæ verò in Arcadia nascitur, inquit Theophrasto, ligno nigro aut puniceo est. Quæ autem in Ida, flauo, cedroq; persimilis, vnde vendentium fraus, pro cedro venundantium. Baccifera est, nullo succo, fructu rotundo, faba paulò maiore, rufo colore, tactu molli. Mas fructu noxius. Venenosa arbor, vt eam Dioscorides inter venena, quæ ipse δηλητήρια, id est, lethalia, appellat. Vnde illud θανάσιο πολυδακρύτῃ δότεραν, id est, est lacrymosæ mortis datricem dicunt, vnde Latini taxica quasi toxica dicta. Stadius in Thebaidos sexto:

- Metuendaq; succo Taxus.-

Quare poëtæ eam apud inferorum opaca nasci finxerunt. Seneca in Hercule furente:

Horrent opaca, fronde nigrantis comæ

Taxo imminente.-

Fingunt etiam infernales furias, ex hoc ligno faces gerere, vt autor Placidus. Vnde Stadius libro octauo Thebaidos:

Hh *Necdum*

Necdum illum aut trunca lustrauerat obuia taxo

Eumenis. - Sunt etenim in Arcadia lethales, in qua, vt ait Dioscorides, & Hispaniæ Carbonia; tam præsentis veneni, vt qui sub ea subsideant, dormiantve, aut cibum capiant, emoriantur. Quod Plutarchus in Symposij commentarijs asseruit, præsertim verò, cum nouis floribus turgens sit. Vniuerso autem corpori frigiditatē facit, strangulationes etiam, celerem deniq; interitum adfert. Theophrastus etiam veterinaria, si ex ea folia manderint, mori. Attamen ruminantia nihil huiusmodi pati. Dioscorides etiam aues, quæ ex Italica taxo esitarint, nigrescere prodidit: quas item si ederint, alui profluuium corripit. In Corsica plurima nascitur, Diosdoro autore, vt ex his mel collectum, amarum sit, Verg. etiam prodente:

Eclog. 9.

Sic tua Cyrenæas fugiant examina taxos.

Taxi succo aliquot gentes sagittas tingunt. Plin. scribit baccis aluum resolui. Fumus eius mures enecat. Vasa etiam viatoria ex ea Gallia, vinis fuisse mortifera compertum est. Theophrastus tamen eius fructum ab aliquibus mandi memoriæ mandauit, & illis suauem, innoxiumq; esse. Alij cohortales gallinas illo saginari tradunt. Aduersus taxum remedia eadem sunt, quæ & ad cicutam. Claudius etiam Cæsar, Tranquillo scribente, vno edicto proposuit, nihil æquè ad viperæ morsum facere, quàm taxi succum. Rara hæc in Ida, sed in Macedonia atque Arcadia frequens, vbi abundè fructum fert. Innoxia fit, inquit Plinius, si in ea clauus æneus adigatur.

De resinis.

CAP. XII.



RESINAS omnium arborum illas fundentium vno in loco dixisse lectori non vsquequaq; molestum esse debet, vt posteaquam ferè omnes eius naturæ in vno libro descripsimus, vt sequatur illarum liquor, cum nonnulla etiam sint, quæ tum natura, tum arte omnibus communia sint. Quæ in qualibet arbore repetisse, satis fastidiosum fuisset. Locis insuper natura, & vnius ad aliam comparatione, & differentijs, vis ac illarum potestas dignoscitur, & separatur. Et vti ab etymo incipiamus, ab Hebræis nomen accepisse videtur, apud quos rez dicitur. Græci *ῥητινον* vocant. Galenò enim *ἄντροππος*, à spontaneo fluxu dicitur. Paulus vocat. Resinarum autem duo genera, vna liquida, altera sicca, vel, si maius dicere, spissa. Fluit autem liquida è terebintho, lentisco, larice, & cupressò: maximè in Asia & Gallia, quæ Alpibus contermina est, & Syria. In hac autem etiam è palma & cedro flui Theophrastus in literas mandauit, verùm id perrarò. E pinu verò, ac picea etiam gigni, Dioscorides autor: sed non vbiq; , sed in Gallia & Thyrrhenia (antiquitus Colophon) vnde & Colophonix sibi nomen vendicauit. Sicca autem è pinu & picea fit. Quædam autem harum arborum, alibi liquidam, alibi siccam ferunt. Locus enim naturas mutauit, sicuti & colores etiam. Præter cæteras Colophonia fulua est, quæ, si teratur, alba fit. Alba enim est, quæ ex Arabia asportatur. Iudæica callosior, colore verò mellis Attici est. Larigna verò alia oleoso colore, alia albo est. Resina autem sic excipitur. Nonnulli enim

enim à Solis parte, binis aut ternis non minimum vno à terra cubitis, arborem cortice exuere contenti sunt, vt plurimum bipedali hiato: tunc enim humor è tota in vlcus confluit. Cæteri verò nec corpori parcant, cum hastula in fructu sit. Simili modo ex alia parte aperitur, ac deinde ex alia. Fructum autem ab incisura, aliæ primo, aliæ secundo, aliæ tertio anno largiuntur. Pinus autem in hac frugalis, vt & primo, & secundo, ac tertio præbeat. Expletur enim plaga, tot annis, totidemq; colligitur, ligno non explente vulnus, quod natura illi denegatum: cæteris enim eiusdem naturæ concessit, vt ligni cicatricem coitione obducatur: quare pinus sic tot vulneribus debilitata, faciliè ventorum vi prosternitur. Tunc vritur, & humor excipitur. In terebintho enim non solum vtranq; caudicis partem sauciant, sed & ramos: verum copiosior atq; præstantior, quæ è caudice, quàm quæ è ramis defluit. In hac etiam è radice detrahunt, tametsi ex his partibus damnetur. In Macedonia autem pinum masculam vrunt, fœminæ tantum radices. Aliæ autem Solis contactu desudant, vt picea, & abies, quæ modicum resinæ exsudat, plurimum picea. Huiusmodi autem arbores esse, post germinationem, affirmant. Tunc enim liquoris confluuium, vberius manat. Porro sciendum est, aliud esse resinam vri, aliud coqui. Vritur autem ad fuliginem, coquitur ad medicinæ vsum. Crudæ enim nullus in medicina vsus. Coquitur autem omnis liquida resina in vase, quod quadruplicem infundendæ resinæ mensuram capiat. Oportet enim resinæ congiū vnum, in aquæ pluuiæ congijs duobus, subiectis leuioribus prunis assidue agitando, donec odorem omnem amiserit, concoquere, & donec friabilis, stridulaq; reddatur. Cæterum vbi refrigerata fuerit, in fictili nouo vase picato adseruatur. Quæ verò sic decocta erit, candidissima est. Prius tamen bene eliquatam percolare, quo succulenta, fordesq; fecernantur. Vritur & sine aqua, primum igne lento, deinde carbonum maior strues supponitur, & triduo cum suis noctibus, absq; intermissione, vsq; dum odoris suum virus exuerit, decoquitur. Dein, vt dictum est, reponitur. In siccis verò, vnius diei spatio decoxisse, sat erit. Hoc enim modo decocta, stillatitia vocatur. Talis verò odoratis malagmatis, & vnguentis colorandis summopere utilis. Alia ad crapulam temperies. Nam resinæ crudus flos, cum plurima hastula auulsus, tenui, & breui ad cribrum minuta, conciditur: deinde feruenti aqua, donec coquatur, perfunditur. Hoc enim expressum pingue, præcipuaq; resina fit, quæ rara, & non nisi in paucis locis, maximè subalpina Italia conueniens. Vritur etiam resina, vt supra dictum est, atq; ex ea perinde, atque è thure fuligo excipitur. Idonea quidem ad circumlitiones, quibus palpebras dehonestamus, & colorem natium mentimur. Ad quod alluisse Iuuenalem credimus, dum canit:

- *Quid enim resinata inuenitur.*

Vtribus liquida portatur, dein spontè quo nunc cernitur modo, spissatur. Resina omnis oleo dissoluitur.

De resinarum differentijs. CAP. XIII.

Hh 2 RESIN



ESINARVM differentias, tum arboris genus, tum locus ipse, ac regio faciunt. In arborum autem genere, post mastichen, de qua suo loco diximus, principatum obtinet terebinthina. Sunt tamen nonnulli, qui hanc illi præferant. Tenuissima enim est, & spissitudine præstans, odore gratissimo: Larigna verò gracilis, liquore lentiore, qui dure scat. Multi post terebinthinam locant: qui enim eam sumpserint, quicquid meierint, suauè olet. Statim post, & ferè eodem gradu, abietinam & piceam. Illa enim ob eius odorem celebrata, hæc verò plurimam resinam fundit, pinguem, ponderosam, & thuris modo succosam. Candida enim est, interveniente gemma, thuri tam similis, vt mista, visu discerni non queat, vnde seplasia fraus. Eam priuatim Aëtius *ταυρίνον φύσσημα* dicit, & siccam aridissimam inter omnes prædicauit. Cedri crassior, Cupressi acerrima. Quæ autem è tæda (sequentes eorum opinionem, qui tædam arborem existimauerunt) pinu, & strobilo, cupressuq; emanant, non magnoperè in vsu sunt, minùs enim efficaciores, ignauioresq; sunt. Nihil enim viribus ad superiores attinent. Veruntamen vt illæ, earundem gratia desumi consueuerunt. Piceæ autem tædæ, acrior, pini ponderosissima. In Hispania è pinastris resina fit, minimè laudata. Est enim harum, amara, arida, & graui odore. Oribasius & Aegineta resinæ genus, in Italia tantum nascentis esse scribunt, quæ xylodis dicitur. Illam autem intelligere voluerunt, quam Dioscorides Tyrrhenicam siue Gallicam vocat. Colophoniam odore grauior, ex arbore decorticata, vt ait Columella. Ob id non vtuntur ea vnguentarij. Arabica, acri odore, concoctuq; difficilis. Terebinthina laudatissima nationum, Cypria & Syriaca: vtraq; enim mellis Attici colore, sed Cypria carnosior, sicciorq;. Piceæ verò & abietis præstantiores, quæ è Pytiusa insula, quæ secundum Hispaniam sita est. In Asia autem, quæ è picea fit, admodum candida, spagas vocatur. Apud Aëtium phylsema memoratur, quæ omnium aridissima sit. Et, vt de omnibus secundum loca differamus, Resina omnis optima, quam loca admodum aprica & aquilonia præbent, contrà verò quæ opacis, horridior, limum referens. Quare montana campestri præstantior. In omnibus quippe eligenda odoratissima, & translucens, non rufa, nec humida, sed ceræ quandam faciem repræsentans, & quæ friabilis sit. In sicco autem genere, quæ sit candida, quæ ve pura, & perlucida quærunr.

De resinarum vi.

CAP. XIII.



ATVRA omnibus calfacere & desiccare. Nam corpori nostro admotæ, celerrimè & manifestè calefaciunt, verum plus aliæ, minùs reliquæ. Porro vbi acriores sunt, ita & eo calidiores. Expurgant etiam, ac discutiunt. Omnes enim ixiæ venenis aduersantur. Panos, & similia tubercula, cum seuo taurino, & melle sanant. Tabidis, & tussientibus per se, aut in eclegmate, ex melle conueniunt, vrinam potenter mouent, cruda concoquunt, vuluæ onera extrahunt. Suffitu etiam ventrem emolliunt. Purulentis cum arugine,

ærugine, ac futorio atramento, illinuntur. Auribus saniem fundentibus, & contra genitalium pruriges, viles. Malagmatis, emplastris, acopis quoq; miscentur. Laterum doloribus illitu, & per se posita auxilio sunt. Renibus inhærentes calculos deturbant, & remorantes arenulas exugunt. Boum scabiem, resina & pice humida simul mistis inungunt. Liquida verò in eclegmate, & per se, contra diutinas tusses, mirum in modum efficax. Hæc autem in vniuersum, de vi, ac potestate resinarum dictum sit. At quoniam aliqua, quibus præter cæteras speciatim inest virtus, reperiuntur. Igitur de his separatim descripsisse oportuit. Quòd inter omnes, primas, vt iam dictum est, obtinet terebinthina. Præter cæteras omnes adstrictione habet, non tamen tantam, quantam mastiche, amaritudinem tamen maiorem. Molliendo verò omnes alias superat. In euocando enim ea, quæ altius in aliqua corporis parte coierint, nulla alia ei comparanda. Psoras, & vulnera aperit, membrorum doloribus calida illinitur, spasticisq; in sole, totisq; corporibus, mangonum maximè cura. Ad gracilitatem verò emendandam, spatijs ita laxantium cutem per singula membra, capacioraq; ciborum facientia corpora. Vbi verò bos operando lassus fuerit, & cibum fastidit, resinam terebinthinam simul cum oleo, ex æquo coquebant, radicem vsq; cornua deungebant. Larigna, autore Virruio, phthificis medetur, qua etiam medici propter tussim vtuntur, & viscerum vlcera. Pineæ, autore Celso, carnem nutrit, & vlcus implet, vlnibus optimè medetur. Picea & hac magis strobilina, acrior terebinthina, verum minùs ea digerunt, ignauiusq; euocant. Inter has autem picea & abietina medium tenent. Illa autem offertur his, quibus salamandra data sit. Resinam Ægyptiam, ex melle vorare, aduersus ramices prodest, Plauto autore. Nam apud eundem Acanthio, Charicio ait:

Tua causa rupi ramices, iam dudum sputo sanguinem. Cui hic:

Resinam ex melle Ægyptiam vorato, saluum feceris.

Liquida medici perrarò vtuntur, sed in ouo ferè. Pudet confiteri (quod ad vltimum de ea dictum sit) vt inquit Plinius, maximum iam honorem eius esse in euellendis virorum corpori pilis. Resinarum fuligo erosis oculorum angulis prodest, collacrymantibus etiam, tumentibus, & saniem distillantibus. Fit ex ea atramentum futorium.

De Zopissa.

CAP. XV.



OPISSAM aliqui vocant etiam marinis nauibus resinam, cum cera marino sale maceratam. Alij pineam resinam esse volunt, plerisq; hypochyma dicitur. Optima autem hæc à tyrocinio nauium. Efficacior enim omni resina, omni pice, traditur. Prodest autem ad omnia, quibus ille, abiecto salis marini callo. Discutiendi vires habet, quòd marino sale macerata sit. Additur in malagmata, ad discutiendas collectiones.

De pice.

CAP. XVI.

Hh 3 PICIS



ICIS materiam Theophrastus, & alij qui de ea scripserunt, cum resinæ historia, illarum cognatione & affinitate coniunxerunt. Nam pix nil aliud est, quàm deustæ resinæ fluxus. Coquitur enim pix liquida in Europa & alibi è tæda ad multos præter vim medicam vsus, maximè muniendis naualibus. Lignum eius concisum in furnis vndiq; igni extrà circumdato, ne flamma erumpat, feruet: quod si contrà contingat, pix tunc deperit. Quamobrem locum terra sepiunt, lutoq; obstruunt, ne quæ emineat. Primus enim sudor aquæ modo in canali fluit. Hoc in Syria cedrium vocatur. Sequens verò liquor, crassior iam picem fundit. Hæc rursus in cortinas areas coniecta aceto spissatur, & coagulata brussæ cognomen accipit, à Brutijs ad Mamertium oppidum, feraci nemore, vbi nascitur, vt inquit Strabø. Hæc autem dolijs, vasisq; cæteris utilis: lentore ab alia differens, item colore rutilante, & quòd pinguior, ac resinosis sit. E tæda omnia illa fiunt. Picis enim fertilitas, vt ait Theophrastus, tum in copia, tum in bonitate consistit. Nigram picem Palladius coracinam à corui colore vocat. In pice autem liquida, quod oleosum supernè fluitat, Galenus *πικραυθον*, hoc est, picis florem vocat. Picis verò genera duo, alterum spissum, alterum liquidum, quod alij conon vocant. Pix optima ex Aquilonijs, & aprico situ, plus quàm ex opacis, atq; hybernis. Serenitate verò steriliores fiunt. Quæ autem in planis, tenuiorem præbent, montes etiam tædasiores. Imbribus abundantiores. Sunt autem qui hoc adijciant, vti ex mascula arbore probior fundatur. Quod Plinius posse intelligi, non arbitratur. Theophrastus verò ex Ida tum colore, tum odore, ac dulcedine præstantiorem emanare dicit: quod in omnibus montosis generaliter existimandum. Maritima autem flauiozem, crassiozemq; picem effundunt. Minus enim feri habet, quæ ex montanis legitur. Laudatur in primis pinguis, leuis, pura, odorata, & splendens, ac quæ linguæ dulcedinem respiciat. Item maximè commendatur, quæ inter coquendum, neque bullas, neq; profilientem strepitum elidat. Probæ autem experimentum est, si feruens in frigidam mersa, non odore solùm, verùm gustu quoque placeat. Crudæ etiam cocta præfertur, & arida liquida. Vitia autem picis hæc sunt, odor fumidus, & adustio, acorq; , cuius periculum est, vt fragmenta subluceant, & sub dente acore iueundo lentescant. Regiones etiã præstantiam addiderunt. Laudatur quæ in Narycia maris Ionij insula fluit, quam Vergilius condiendis vinis optimam asseruit. Sic de ea Columella in suo carmine:

Lib. 10.

- *Sobolem dabit illa capacem* - *Narycia picis.*

Hic etiam Nemeturicam, quæ in Liguria conficitur, & Allobrogicam, quæ corticata dicitur. Vetustate verò hæc siccata in puluerem resoluitur cribraturq;. Idem meminit cuiusdam generis crudæ, quod tasim vocat, traditq; in defrutum Neapolitanum addi solitum. Quidam Rharicam commendant. Asia Indicam, Græcia & Macedonia Piericam. Didymus post Piericam Idææ palmam tribuit. Alij Rhodiam anteponunt.

Picis

Picis natura, & de eius fuligine, & de fossili apud Apolloniatas pice.

CAP. XVII.



PICIS natura est, explere, & excalfacere: quod utiq; experimento comprobatur. Siquidem verò celerrimè calida fit, & protinus inflammatur. Insuper corporibus nostris admota notoriè calfacit. Sed arida in secundo abscessu desiccatur, minùs tamen calfacit: at contrà liquida plus calefacit quàm desiccet, habetq; quid calidum cum humiditate admistum: habet etiam attenuandi vires, ideoq; suspiriosis, quos asthmaticos vocant, & pectoris suppurationibus, in eclegmate, cum melle cyathi vnus mensura illita confert. Ad hæc autem, omnia, quæ potest arida, præterquam in glutinandis vulneribus. Insunt verò ambabus abstergendi, maturandi, discutiendi vires: habentq; in gustu leuè acrimoniam, vt ob eam causam scabros vngues eximunt, mistæ cum cera. Lichenas, siue impetigines detergunt, crudos & induratos tumores maturant, cataplasmatis indita. Omnibus venenis aduersatur, priuatim verò cerastæ moribus cum polenta. Cum sale enim trito serpentium inungitur moribus. Pthificis etiam cyathi mensura quidam dederunt, & contra veterem tussim. Cum melle pariter tonsillis inungitur. Anginæ vtiliter perunguntur, purulentisq; auribus cum rosaceo infunditur. Vuluæ tubercula, & sedis duritias discutit. Item cum farina hordeacea, & pueri impubis lotio decocta, strumas ad suppurationem perducit, vlcera cum melle explet, & purgat, cum vua passa, & melle, vel, vt Plinius voluit, cum axungia. Carbunculos & putrescentia vlcera emarginat, serpentina verò cum pineo cortice, aut sulphure, efficaciter inungitur, ea coercens. Hoc modo etiam furfuribus. Vuluæ conuersiones odore cedunt. Item lethargicos excitat, aluum soluit. Quinetiam cum thuris mamma & cerato, profunda vlcera conglutinat. Rimis etiam sedis, & pedum, & digitorum, quas rhagadas vocant, maximo auxilio liquida illinitur. Ad mulierum autem mammas, Brutia ex vino feruefacta, cum polline ferraceo, quàm calidissimis impositis. Vulnera, vt ait Galenus, ouibus, tondendi occasione à forfice facta, pice liquida sanantur. Theophrastus etiam, referente Plinio, in Apolloniatarum agro fossilem picem Macedonica deteriore scribit, præcipuum ad pecorum scabiem remedium, aut si foetus mammas læserit. Id optimum & naturale, quod cum feruet, innatat. E liquida fit fuligo, hoc modo: In lucerna noua, quæ ellychnium habeat, picis nonnihil incendito, lucernamq; fictili vase, furno simili operito, quod in superiore sui parte in orbem circumcinatum angustatumq; sit. In inferiore enim sui parte, vt furnum, perforato. Sinito deinde ardere, consumptaq; pice, aliâ superinfundito, quoad volueris fuliginem colligere. Vis ei est adstringendi, acrimoniamq; habet. Palpebris honestandis, circumlitionibusq; utilis, & vbi genis glabris pilos restitui oportet, non inutilis insuper ad infirmos, lacrymososq;, & vlcera oculos.

De

De palimpissa, pissasphalto, maltha, & oleo picino.

CAP. XVIII.



PALIMPISSE nil aliud est, quàm resina bis decocta. Prima enim coctione, pix liquida fit. Quæ si iterum decoquatur, bis pix est, id est, *παλιμπισσα*, quæ in picem coit. Est autem in hoc genere quædam, quæ visci modo lentescit, boscas cognominata: altera verò sicca est. Probatur, quæ pura, pinguisq; sit, resinosa, odorata, & subrutila. Vis illi calefacere, mollire, & ad suppurationem perducere. Tubercula, panosq; discutit, & vlcera explet. Vulnerarijs emplastris miscetur. Pissasphaltos, hoc est, bitumini mista pix, ac si picibitumen dicas, compositum ex pice & bitumine nominibus vocabulo. Naturaliter nascitur, Galeno & Plinio prodentibus, in Apolloniatarum circa Epidamnium agro, & montibus Ceraunijs, impetu fluminis rapitur, æstuq; in litus expuitur, glebarumq; modo cogitur. Alterum factitium. Quidam ipsi picem miscent, præcipuum pecorum ad scabiem remedium, aut si fœtus mammas læserit. Maltha, Festo Pompeio, pix cum cera mista dicitur. Græcè *μάλθη*. E liquida verò pice oleum fit, quod pisselæon vocant. Omnis autem liquor aquosus, qui supernat, separatur, qui illi est, vt lacti serum. In cortinis concoquitur, velleribus supra halitum expansis. Quæ accepto halitu, & madentia, in vas aliquod exprimuntur: idq; tam diu faciendum, vsq; dum pix coquitur. Probatur maximè è Brutia, & quæ recentissima ac pinguisima sit. Color oleo fuluus. Quod autem è pice nigra fit, calidius est. Quod verò è liquida, illi simile, verum naturæ tenuioris. Hoc enim ad omnia, ad quæ pix liquida, facit. Alopecias cum farina hordeacea, illitu replet. lumentorum scabies & vlcera, vt iliter inunguntur.

De succino, & eius varijs appellationibus.

CAP. XIX.



SUCCINUM arboris lacryma & succus, vnde & nomen sortitum est. Cuius ratio infra ostendetur. Græci *ήλεκτρον*, quod digitorum attritu accepta caloris vi, ad se paleas, & arida folia, vestium quoq; fimbrias attrahat, & lenta omnia, præter ocymum, vt inquit Plutarchus, & quæcunq; oleo fuerint imbuta, quæ respuit, aut sponte abigit. Hac etiam ratione, à rapiendo, *ἀρπαγα* vocauerunt: & ob eandem causam Mauri, persico vocabulo caraben vocant. Multi enim ambra. Colorum etiam varietas, nomina immutauit. Anelleum & Falernum quidam vocauere, vtrunq; verò de similitudine aut vini Falerni, aut utiq; mellis. Chrysoletrum Callistratus appellauit, nouam differentiam adferens. Dioscorides chrysophoron, quasi coloris aurei, & præstantissimi manè aspectus. Sualternicum, quod fuluum sit Scythæ vocant, Ægyptij sacal. Prussis verò gentarus. Lyncurion Demostratus vocat, & fieri ex vrina lyncum bestiarum, è marium fuluum & igneum: è fœminarum languidijs atq; candidum. Alij langurium dixerunt, & esse in Italia bestias langurias. Zenothemis langas vocat easdem, & circa Padum ijs vitam adfirmat.

Poetar



UPER succini origine, Græci Latiniq; poëtæ multa fixerunt, præsertim verò super Phaëthonte ac eius sororibus. Fuit autem ille Solis & Clymenes filius. Cùm autē illi obiectum ab Epapho Ægypti Rege esset, illum non de Sole, sed ex adulterio procreatum, acerbè accipiens ad patrem venit, à quo tandem petijt, vt in huiusce rei fidem petenda concederet, quod se facturum pater liberè promisit, etiam cum iureiurando per Stygem paludem. Ille autem vnus diei, sui currus regimen postulauit. Quod pater propter iurifurandi religionem negare veritus, tametsi ægrè, propter periculum, illi concessit. Itaq; consenso curru, & eo ab equis propter ætatem & leuitatem spreto, cœpit solitam viam aberrare. Incensā etenim via, quæ postea in cœlo Galatia dicta est. Cœpit etiam maxima orbis pars incendio deuastari, vnde adhuc nigri Æthiopes. Quod videns Iupiter, veluti sibi ipsi pertimescens, ac totius orbis incendium & ruinam, Phaëthontem fulmine icit. Qui in Eridanum lapsus est. Quem cùm sorores Heliades, Phaëtusa scilicet & Lampethusa amarè flerent, Deorum commiseratione, in arbores populos, vel, vt Verg. ait, in alnos mutatae:

Tum Phaëthontiadæ musco circumdat amara

Corticis, atq; solo proceras erigit alnos.

Ecloga 6.

Hic tamen alibi in populos versas dicit:

Populeas inter frondes, vmbra q; sororum

Dum canit, & mœstum Musa solatur amorem.

Idem in culice:

At quibus insigni curru proiectus equorum

Ambustos Phaëthon luctu mutauerat artus,

Heliades teneris amplexæ brachia truncis

Candida fundebant tentis velamina ramis.

Seruius autem Eridanum Solis filium fuisse ait, & vti supradictum, currum patris agitalle, & à Ioue fulminatum, ceciditq; in Italiæ flumen, cui nomen dedit. Ab ardoris autem luce Phaëthon dictus. Singulis verò annis, eodemq; tempore lacrymas effundunt, ex quibus electrum fiat. Sic verò dictū, quoniam sol ἡλεκτωρ per epitheton dicitur, quòd homines à sono excitet, & homines sine lecto esse faciat. De his sic Ouidius:

Inde fluunt lacrymæ, stillataq; sole rigescunt

De ramis electra nouis, quæ lucidus amnis

Excipit, & nurius mittit gestanda Latinis.

Et alibi:

- Et ab arbore lapsas Heliadum lacrymas.-

Metam. lib. 2.

De his etiam Apollonius Rhodius in quarto Argonauticorum, & Lucanus etiam sic:

Eridanus, fractasq; euoluit in aquora sylvas,

Hesperiamq; exhaurit aquis. Hinc fabula primum

Populea fluuium ripas vmbraffe corona:

Cumq; diem pronus transuerso limite ducens,

Succendit Phaëthon flagrantibus athera loris.

Lucan. lib. 2.

*Gurgitibus raptis penitus tellure perusta,
Hunc habuisse pares Phœbeis ignibus vndas.*

Primi fuere, qui hæc scripserunt, vt arbitratur Secundus, Æschylus, Philopœnus, Nicander, Euripides & Satyrus. Lacum iuxta Eridanum Italæ amnem fuisse, veteres Græci historici prodidere, cuius aqua à nullo animalium genere ob graueolentiam degustaretur. In hunc autem Phaëthontem fulmine ictum decidisse, antiquitas credula fabula existimauit, & ob eam rem dirum illum, ac tetrum odorem contraxisse, & mortiferam insuper vim habuisse, qua ex illo bibentes citissimam consequantur mortem. In illius verò margine excelsas fuisse populos, fama est, vnde turgentibus ramis, nitida sudarent electra. Lacum hunc nonnulli Aornum appellauerunt. Sunt tamen qui Aornum lacum iuxta Cumas fuisse commemorent, sic dictum, quòd supra illum nulla superuolaret auis. Figura enim rotundus fuit, aqua illius cæruleo colore subnigrante. Sophocles poëta tragicus, electrum vltra Indiam fieri dixit, è Meleagridum auium lacrymis, Meleagrum desentium. Quod demiratur in eo Plinius, propter cothurni grauitatem, & vitæ famam, aliàs principe loco genitus Athenis, rebus gestis exercitu ducto clarus, vt ille ea crederet, vel alijs persuaderi posse existimaret, quæ nec puer tam imperitus reperiri possit, qui ea crederet, scilicet vt annuos auium ploratus, lacrymæve credat: vel tam grandes aues, vt è Græcia, vbi Meleager periit, apud Indiam ploratum iri. Sed Apollonij interpretes electrum esse Apollinis lacrymas scribit, ab eo autem effusas, cum filii Æsculapij cædem deploraret, & ob Iouis increpationem ad Hyperboreos profectus. Cæteri autem illum tunc illacrymasse, cum Admeto regi, ob Cycloperum interitum, inferuire iussus sit. Theomenes iuxta Syrtim magnam Hesperidum hortum esse ait, ex quo electrum in stagno Cablat ab Hesperidum virginibus colligi est. Quid ergo? vt ait Plinius, non multa fabulosa produnt poëtæ. Et vt ad Phaëthontem redeamus, qui è fabula veram historiam multis tradidisse videtur, vti è populis iuxta Padum flueret succinum. Alij ad rem naturalem conuertunt, & terram à Phaëthonte concrematam. Quòd arbores succinum ferentes sub Iunio & Iulio, atque sub æstu valido fissis corticibus, liquorem illum fundant. Lucianus huius rei scrutandi gratia ad Padum se contulit, serioq; non (vti solet) ludicro scriptis fatetur, neq; populos ibi esse, neq; succinum ibi defluere, nec deniq; reperiri. Sed in fabula etiam variatum. Multi Phaëthontem in Æthiopia Ammonis perijisse, & ibi delubrū esse, atq; oraculum & electrū ibi gigni.

*Succinum vbi colligatur, & de varia super hoc autorum
sententia.*

CAP. XXI.



VAM discrepantes, quamq; varij fuerint autores tum maxime Græci in succini ortu, Plinius vno in loco aperuit. Quæ omnia, item & alia à me recensita iri, non indignum fuerit, ne item legentes, modò æquè perpetiantur, aliorum scriptis onerem, perquirereq; alibi ea, quæ ad arborum historiam faciant, coacti sint.

Græcorum

Græcorum diligentiores insulas electridas in mari Adriatico esse dixerunt, ad quas Padus dilaberetur. Qua certè appellatione nullas vnquam ibi fuisse certum adfirmavit Secundus, nec ibi vllas esse appositas, in quas quicquam cursu Padi deuehi possit. Æschylus enim in Iberia, hoc est, Hispania Eridanum esse dixit, eundemq; Rhodanum appellari. Euripides rursus, & Apollonius Rhodanum & Padum in litore Adriatico confluere arbitrati: quorum in tanta orbis ignorantia, faciliorem veniam facit succini ignorati. Modestiores autem, sed æquè falsum, prodidere, in extremis Adriatici sinus rupibus inuijs, arbores stare, quæ Canis ortu, hoc gummi effundant. Sudines verò arbores in Liguria esse, quæ illud gignât. In qua sententia & Metrodorus fuit. Sotanus autem in Britannia ex arboribus, quas electridas vocat, effluere scribit. Ctesias Indis flumen esse, Hypobarum, quo vocabulo significetur, omnia vasa ferre bona, & fluere à Septentrione in exortium Oceanum, iuxta montem syluestrem, arboribus electrum ferentibus refertum. Hæ autem arbores aphytaoræ vocantur, qua appellatione, dulcis suauitas significatur. Asarubas, qui Plinij tempestate viuebat, iuxta mare Atlanticum, Cephisida lacum esse vocatum tradidit, quem Mauri electrum vocarent, quod sole excalsactum, è limo, fluitans electrum daret. Mnesias in Africa Sicyonem locum appellauit, & Cratin amnem in Oceanum è lacu effluentem, & ibi aues, quas meagritidas, & penelopas vocat, viuere. Ibi enim nasci eadem ratione, qua suprà, dictum electrum. Theophrastus in Liguria effodi dixit. Philemon in Scythia etiam fossile dixit: idq; erui duobus locis, candidum atq; cerei coloris, quod electrum vocaretur. In altero loco fuluum. Diodorus Siculus insulam nomine Basileam, in Scythia supra Galatiam sitam scribit, & Oceano oppositam, in quam tempestas electrum quamplurimum eijcit, nec in alia orbis parte inueniri. Theophrastus autem, exæstuante Oceano id ad Pyrenæi promontorium eijci, quod Xenocrates credidit, qui de ijs nuperrimè scripsit. Sed nunc ad hos, qui propius ad rem accesserunt. Gutrones Germaniæ populi, Mentonomon (vt autor est Pyteas) Oceani æstuarium accolunt, spatio stadiorum sex millium. Ab hoc autem vnus diei nauigatione abest insula, quam Abulum hic vocat. Timæus Bannomannam illo vere fluctibus aduehi & concreti maris purgamentum esse. Incolas verò pro ligno ad ignem vti, proximisq; Teutonibus vendere. Nicias Solis radiorum succum intelligi voluit: & hos circa occasum vehementiores in terram actos, pinguem illum sudorem, in ea Oceani parte relinquere. Deinde in Germanorum litora eijci, & in Ægypto nasci, simili modo. Mithridates autem in Germaniæ litoribus insulam esse scribit, ac Ostericam vocari, cedri genere syluosam, inde in petras diffuere. Hæc sunt quæ de succini ortu Græci autores prodidere. Quorum mendacium ea res, vt Plinius ait, quæ quotidie inuehitur, & quæ abundat, coarguit, manifestoq; ostendit, quàm mendax, quàmq; audax sit in historia Græcia. Verùm hominum summa contentio est, & intoleranda mendaciorum impunitas. Verùm vt ad ipsius rei veram historiam deueniamus: certum est, Germanicum Cæsarem primùm nobis

id demonſtraſſe. Nam eo ibi rem claſſibus gerente, & Germaniæ oras ſcrutante, reperit hoc in inſulis Septentrionalis Oceani gigni, & vnam Gleſſariam de nomine gentilitio à noſtris appellari, à Barbaris verò Auſtrauiam. Miſthridates inſulam, in qua naſcitur, Oſtericam nominauit. Vidit enim eques Romanus miſſus ad id comparandum à Iuliano curante gladiatorium munus Neronis principis, qui hæc commercia & litora peragrauit. Cornelius Tacitus ſcribit Æſtyios in ſuo litore legere. Ij ſunt & Sudini, olim Auſtraſij, à ſubere verò Subarij dicti, & etiam Gleſſarij. Hi autem regionem Samelandiam incolunt, quæ pars Baruſſiæ eſt, verè Pomeſiana. Proximi ſunt Eſſlui. Sudini autem optimi vrinatores, qui ibi ſuccum, in maris fundo, & litore legunt. Ibi enim frequentes abietes, piniq; , ac reliquæ arbores refinam ferentes. Sunt qui dicant in Cadamo, vel Baltheo maribus tantum legi, cum intumeſcens æſtus rapuit. Ex inſulis certè in litora expellitur, ita volubile, vt pendere videatur, atq; in vado conſidere. Rigore enim vel tepore autumnali condenſatur. Primum vile & abiectum, nulliusq; pretij & vſus inter cætera maris eiectamenta iacebat: poſteà verò luxuria noſtra illi nomen dedit. Taxatio in delicijs tanta, vt hominis, quamuis parua effigies, viuorum hominum vigentiumq; pretia ſuperet: prorsus vt caſtigatio vna ſit ſatis. In Corinthijs æs placet, auro argentoq; miſtum: in cælatiſ ars & ingenia: vniones, quod capite circunferuntur: Gemmæ, digitis. In ſuccinis verò deliciarum tantum conſcientia. A Germanis autem in Pannoniam prouinciam afertur. Inde Veneti primum, quos Græci Henetos vocant, proximi Pannoniæ rei famam fecere, circa mare Adriaticum id accipientes: quod ibi primum Itali viderunt, vt inde prius illic natum putauerunt, vt Eridani & Phaëthontis fabulæ annexa cauſa videretur. D. c. ferè millia paſſuum à Pannoniæ Carnuto, litus Germaniæ, ex quo aduehitur, abeſt. Heſtor Boëtius in Scotiæ annalibus refert, vltra Scethlandicas inſulas eſſe alias, quæ Orchardum diœceſeos ſint, in quibus naſcatur ad ſcopulos ſuccinum. Mare autem, aſſiduo pulſu, ſcopulis illiſum, ſpumam candidam, verum viſcoſam, in eos euomit, perpetuoq; motu, incrementa ſuppeditat, donec tandem, aut fluctu quopiam impetuoſius ingruente, aut ipſa natura in mare decidens influat. Aiunt autem ij, quibus id crebrò cernere contingit, dum cautibus adhuc illud adhæret, aut nondum maris fluctibus iactatum eſt, bulloſum eſſe, nec vlliſ eſſe vigoris. Quod cum ad vicinas prouincias deuenerit, maris fluctibus, in omnes partes voluentibus, diutinoq; maris commercio maturatur, ac vires proprias induit. Dum enim natans eſt, molle vt quod obuium fuerit, facile compræhendat, vnde alga illi plerunq; inuoluta cernatur. Ablataq; ab hinc duobus annis, vt ille ſcribit, vti ad ſuam hiftoriam tempus referamus, in Buthquhamiam regionem electri maſſa, quantitate equum ſuperans. Quam aſpicientes paſtores, gregem propè paſcentes, ignari quid eſſet, in igne conijciunt, & cum ſuauem odorem ſenſiſſent, ad paræcum ſuum læti accurrunt, quid egregium inueniſſe arbitrantur: qui imperitus, & quid eſſet inſciens, thuris loco tantum ad ſacra vſus, accepitq; quod ſibi ſatis exiſti-

ma-
ret,

maret, reliquum pastoribus reliquit. Qui candelarum & incensorum officio vsi, ludicri lasciuiâ prius pessundarunt, & dissiparunt, quàm ad peritorum aures perueniret. Et vti ad Germanici historiam & Romanorum ex Plinio luxuriam deueniamus, tanta copia ab equite illo Romano inuecta fuit, vt retia arcendis feris, podium protegentia, succinis nodarentur, arma verò & libitina, totusq; vnus diei apparatus esset è succino. Maximum pondus is glebæ attulit quatuordecim librarum. Nasci item in India certum est. Archelaus qui regnavit in Cappadocia, illinc cortice adhærente, tradit auehi rude, poliriq; suis lactentis adipe incoctum, eumq; videmus nitorem.

Succini natura, & vis.

CAP. XXII.



SUCCINVM lacryma est pinus arboris, etsi Aëtius, populi albæ dixerit, magis Phaëthontis secutus fabulam. Porro pineæ esse indicium est, odor pineus, si vsseris, vel attrueris, & quòd accensum, tædæ modo, ac nidore flagret, mox in picem resinamve lentescit. Humoris autem abundantia erumpit, & defluente medulla, nasciturq; vt gummi in cerasis, & resina in pineis. Funduntq; illud arbores pineæ in insulis Occidentis: quomodo aliquot arborum genera Orientis thus & balsamum. Liquidum primò distillare, argumento sunt quædam intus translucencia, vti formicæ, aut culices, lacertæq;, quas adhæsisse musteo, non est dubium, & durefcenti inclusas. Quod Martialis quoque de formica electro inclusa expressit:

*Dum Phaëthontæa formica vagatur in vmbra,
Implicuit tenuem succina gutta feram.
Sic, modò quæ fuerat vita contempta manente,
Funeribus facta est nunc pretiosa suis.*

Epigr. lib. 6.

Genera plura, Candida, odoris præstâtissimi, verùm neq; his, neq; cereis, pretium. Fulvis verò autoritas maior. Ex his etiam translucetibus amplior, præterquam si nimio ardore flagrent, imaginemq; igneam inesse, non ignem placet. Falerno summa laus, molli fulgore perspicuis. Sunt & in quibus decocti mellis lenitas placeat. Verùm hoc quoq; notum fieri oportet, quocunq; tingi libeat hædorum seuo & anchusæ radice: quippe etiam conchylio inficiuntur. Succina etiam gemmis, quæ sunt translucida, adulterandis, magnum habent locû: maximè amethystis, cum omni, vt diximus, colore tingantur. Domitius Nero in cæteris vitæ suæ portentis, capillos quoque coniugis suæ Poppeæ in hoc nomen adoptauerat, quodam etiam suo carmine succinos appellando, ipsiusq; omnis apparatus absq; succino inornatus fuit. Et quoniam nullis vitij defunt pretiosa nomina, hic colos à matronis expeti cœpit. Succini ramenta, oleo addito, dilucidius flagrant, quàm lini medulla. Philemon tamen negauit, electro flammam reddi. Ramenta etiam pro thure in suffitus assumuntur, quo nil gratius Indis, vt fœtidum & pestilentem aërem corrigant. Africani in rogos defunctorum iniiciunt. Succinorum verò in medicina vsus

li 3 aliquis

aliquis inuenitur. verum ob hoc à sceminis expetitur. Infantibus autem alligari, amuleti ratione prodest. Callistratus & euicunq; ætati contra lymphationes tradit. Transpadanorum etiam agrestes sceminæ, non tam monilium viæ, ac decoris gratia, quàm medicinæ causa succina gestant: quoniam tonsillis resistere creditur, & faucium vitij. Varia enim aquarum genera iuxta illos, eorum guttura & vicinas carnes infestare solent, quod hodie Turcarum equestres copię in suis equis obseruant. Calidum in primo ordine, siccum in secundo. Tritum verò ac potum, prodente Dioscoride, ventris, stomachi, fluxiones sistit, & vrinæ difficultatibus prodest, vel etiam adalligatum. Stomachi etiam vitij vel per se farina eius sumpta, vel cum mastiche ex aqua pota, corporis pallorem emendat. Cum melle verò ac rosaceo tritum, aurium vitij: & si cum melle Attico conteratur, oculorum quoq; obscuritatibus. Alia recentiores inuenerunt. Gestatum etiam contra incantationes prodesse, & febrem curare, & coli doloribus mederi, & cardiacis, & corde trementibus, auxilio esse. Nauseam & vomitum sedat, & prauos in ventriculo gigni humores prohibet. Ad citandos partus candidum prodest: quod notissimum Germanis mulieribus dixerunt. Vesicæ quoq; caleulos ac renum elidi, & euocari, eo potu multi testantur, & vulneratis prodesse, & ob id etiam malagmatis assumi. Insersum autem rhagadibus, dolorem & pruritum præsentis auxilio, mitigare creditur. Multi emollire ceræ instar tentauerunt: sed ea res non successit. Scio nonnullos, equidem non paucos è Germanorum neotericis, qui limum existiment, qui è montibus, sole excalescente fluat, & in herbido algidove, quod his montibus subest, solo indurari & ab Oceano illic æstuante, inde ad proxima litora rapi, expelliq;. Indiciū autem desumunt, quod in solo cerea mollitie eruitur, & illud mari demergunt, vt cuius rigore lapidescat. Hanc igitur opinionem neq; ipse ego talia non expertus omnino adstruere, neq; refellere in animo est. De hoc autem meminisse me oportuit, quod ad arborum historiam faceret.

De agarico.

CAP. XXIII.



A G A R I C V M, vel agaricus (vtrunq; enim apud autores inuenitur) dictum quidam autumant, ab Agaro oppido, & fluuio Sarmatiæ, à quo illud nomen accommodauit. Appianus autem Alexandrinus, Agaros refert gentem Scythicam illud contra serpentum morsus adhibere solitam, à qua agaricum nuncupatum, & Mithridatem agaricum: quod venenorum antidotum esset, semper apud se habuisse. Dioscoridi verò, atq; post eum Galeno radix est plantæ laserpitio non absimili, quæ sit in superficie minimè densa, Paulo Aeginetæ radix etiam arborum truncis adnascens, fungoso corpore, quæ ex aëria, terrestriq; substantia coaluerit à caliditate extenuata. Agaricus fungus, quadam putredine in summis arborum caudicibus proueniens, odoratus, colore candido, noctibus lucens, ideoq; tenebris abstrahitur. Nasci in ilice, larice, Galenus autor est. Alijs etiam in syluestribus & incultis Sarmatiæ locis. Plinius circa Bosphorum, & in Asiæ Galatia & Cilicia cedris, sed hoc friabile, & infirmum. Galliarum quoque gland

glandiferae arbores agaricum etiam ferunt. Duo eius genera, mas & foemina, de quibus supra. Hoc autem rectis venarum pectinum modo discursibus constat, quod praestantius Aëtius existimat, friabiliusque est, ac leuius, rarius, mollius, splendidiusque, atque breuius. Primum verò rotundum, vndique conuolutum, ac concretum, atque amarius. In fracturis autem foliosum, neruorum modo, durius, & nigrius. Vtrunque enim gustu ab initio dulce, mox cum diffundi per os coeperit, amarum. Eligendum esse albidissimum Aëtius consulit, & quod facillime frangatur, nec sit valde lignosum, vel perforatum. Itaque Dioscorides agaricum nigrum inter venena connumeravit. Hoc autem illud, strangulatus excitat, ut in eo, sicuti in fungis, deprehendatur: aut magis, quam opus sit, purgat. Neutrum adulationem recipit.

De viribus agarici.

CAP. XXIIII.



T autem ad agarici vim medicam deveniamus, calefaciendi vim habet, quod ad primam classem, multi praescribere, & incidendi, & adstringendi. Vis autem eius bilis, pituitaque; purgatrix est: sed lentum ad functionem obeundam, quare stomacho aduersatur, quod sua morositate emergens enatet. Sunt tamen qui ad concoctionem faciendam, post cibos in aqua calida potandum praebent. Hoc modo etiam & crapulam discutere, crassosque humores digerere, & incidere aiunt. Vnde etiam viscerum maximè obstructionibus purgando medetur: & pares cum curcubita sylvestri vires habere. Regio morbo ob hepatis obstructionem laborantes iuvat. Ad tormina, rupta, cruditates, praecipitationes facit. Suspiriosis autem iocinoris, renumque vitij laborantibus, ite urinae angustij, & contra vulvae strangulatus. Pallidis, ac decoloratis drachma una dari solet. Ab his enim, qui cibum in stomacho non continent, deuoratur, nullo addito liquore. Simili modo acidè ructantibus datur. Sanguinis verò excreationes, trium obolorum pondere, cum aqua sumptum sistit. Menses cit. Foeminis verò contra vulvae inflationes auxiliatur. Datum verò febrium rigores, ante accessiones soluit. Antidotis efficax, quod venenis aduersatur, drachmae pondere, cum diluta vini potione desumptum. Alij epoto veneno postquam euomuerint, denarii pondus ex aquae mulsae cyathis tribus praebet. Si verò serpentes morsus subfrixerint, vel ictum vibrarint, trium obolorum pondere, cum vino potum mire auxiliatur. Contra scorpiones quatuor obolorum adiungunt, cum vini totidem cyathis. Aëtius generalius: Morsui & puncturae ferarum lethali frigiditate laedentium, siue extra, loco affecto applicetur, siue intra sumatur, auxiliatur: verum id drachmae vnius pondere in vino bibitum. Propria eius facultas est, caput, cerebrum, & purgare, & membranarum eius morbos sanare, propterea epilepticis, apoplecticis, & maniacis, & vertiginosis medetur: & cum ad omnes corporis partes accommodetur, Democritus familiarem medicinam vocauit. Et uti in vniuersum dicam, omnibus interioribus vitij accommodatum, ut tamen ex viribus & aetate propinetur. Alij autem ex aqua, alij ex vino, ceteris ex aceto, multis ex aqua mulsae, ut prudenti medico, secundum ea visum fuerit.

Præfat



Præfatio libri vigesimioctau.



YLVARVM autem arbores *suprà* meminimus, quæ ut plurimum glandifera & pinnifera sunt, quæ etiam sui generis consortium indissolubili naturæ vinculo amant. Imitata quidem quorundam animalium naturam, quorum aliquot generum natura est, ut gregatim simul ambulent, progrediantur, volitent, & unà pascantur. Et horum quidem generum, alia in montibus, syluis & asperis locis, alia in planis, alia in aquosis. Illæ verò suo robore & loci asperitate. Hæ autem propter naturalem societatem, & quod inuicem hoc munere indigeant. Nam & radicibus infirmæ admodum sunt, quas tantum in terræ superficie agunt, ut propterea sine turba minimè consistere possint. Et hæc duo genera ut plurimum in montibus & asperis atq; frigidis locis proueniunt, quæ autem loca syluestribus, nequidem omnibus idonea. At nunc de his dicendum, quæ in vallibus ac conuallibus & aquosis locis magis sua natura & sponte, sæpè item & cultura proueniunt, ut populus, salix, alnus & sic de cæteris de quibus *infra*. Sunt etenim valles ut sæpius aquis scaturientes. Hæ etenim eius natura sunt, ut eiusmodi loca desiderent, ne hæ item stagnorum, lacuum, fluminum margines ament, ut in ipsis sæpè medijs aquis oblectentur.





HORTORVM LIBER

VIGESIMVS OCTAVVS.



De populo alba & alpina.

CAPVT I.



OPVLVM Plautus farfarum vocauit, nonnulli autem à foliorum multitudine dictam volunt. Huius verò Theophrastus & Plinius tria genera posuere, albam videlicet, nigram, & alpinam. Verùm hic tantùm de alba & alpina dicendum. Alba à Græcis λευκη dicitur. Folio bicolor est, supernè candicans, inferiori parte viridi. In iuuenta, circinata & rotunditatis: cùm autem vetustiora sunt, in angulos exeunt. Semper autem tremula, & crepitantia, ob quam rem nonnulli tremulum vocant, & vulgò sic apud aliquos vocitatur. Omnibus gratissima lanugo, quæ candidè vti iulus euolat. Græci χυβον vocant. Caudice enim recto est, ac procero, cortice læui ac carnosio. Alpina autem, quam Plinius vocat, albæ tum magnitudine, tum etiam ramorum candore, ferè similis. Plinius tamen nigerrimam scribit, & folio, vt nigræ, minimo, Theophrastus hederæ persimili esse, parte verò altera hebeti, altera anguloso, nigro virore, pendetq; tenui pediculo, prolixo, & inflexo. Cortex asperior, veluti pyrosyluestri, scaber. E nascentibus verò fungis laudatissima. In primo ordine calfacit, nec ad tertium gradum id potest, cum neq; odor multus, neque sapor eximius. Degustata enim modicè adstringit, & postea subobscuram amaritudinem inuehit, & olfacienti quid non insuaue, & horum omnium exiguum repræsentat. Galenus, & sequaces, hanc mistæ ex aquea, tepida, & terrestri substantia, temperantiæ esse dixerunt, propterea absterloriæ facultatis. Pilulæ autem, quæ primo foliorum partu exiliunt (prima enim quædam germina sunt, quæ in orbem, pilularum modo, conuoluuntur) concisæ, & ex melle inunctæ, oculorum hebetudini medentur. Fert etiam vnam, quæ bryon dicitur, optima circa Gnidum & Cariam, in sitiensibus & siccis locis. Cortex autem albæ, vnius denarii pondere potus, ischiadicis, & stranguriæ prodest, quod testatur Serenus:

Sapius occultus victa coxendice morbus

Persurit, & gressus diro languore moratur:

Populus alba dabit medicos de cortice potus.

Albertus mulierem fieri sterilem, si foliorum succum ebiberit. Alij abortiuum fieri credunt, si cum muli renibus cortex bibatur. Folia quoque,

K k cum

cum vino statim à purgatione pota, idem maleficium præstare feruntur. Horum autem succus calidus aurium dolori instillatur. Virgam manibus tenentes, intertrigines non metuunt. Si verò nigra, ac albæ cortex, in exigua fragmenta sectus sit, mox in stercoreatis sulcis inspersus fuerit, ediles ac innocuos, toto anni tempore fungos fert, vt aiunt.

De populo nigra.

CAP. II.



POPULVS nigra Græcis *ἀργεῖρος*, memorabilis Homeri celebratione & loco, quod inter arbores hortorum Alcinoui commemoretur. Folio numerosiore quàm albæ, ligno simili, hæc tamen crassior, proceriorq;. Cortex scabrior, & in totum strigosior. Ferunt & populi in folijs guttam, ex qua apes propolim faciunt. Verùm hæc ad multa remedia efficax. Fundunt & resinam, sed exiguam: ad malagmata expetitur. Populus nigra efficacissima in insula Creta nascitur. Calida verò est in primo recessu, modicè exsiccatur, tenuiorisq; substantiæ est. At resina cæteris partibus calidior. Semen autem ex aceto potum comitialibus vtile. Folia in aceto decocta podagris imponuntur. Humor, qui è populi nigrae ramis effluit, verrucas, papulasq; corporis attritu tollit. Nonnulli autem ferunt, vermes hominis, animalisve vulnere decidere, si horum vel pili, vel lana in apertum corticem, ante Solis ortum recondantur. Hoc autem betulæ quidam adscribunt. Populneum vnguentum, quod à Græcis *αἰρινον* dicitur, à recentioribus verò *σεπλάσιον* populeum, conficitur è populi vva, verno præcipuè tempore, cum plurimum grauis prægnansq; resina est. Oleum è nigra fit hoc modo. Alij enim olei vncias septuaginta sex recipiunt: vini verò libras quatuor, arboris vere gemmarum libras tres, quas diutissimè terunt: post in oleo ac vino infundunt. Septem verò sequentibus diebus quotidie eas exagitare oportet. Octauo enim leuibus pruinis subiiciunt, incoquantq; ad vini consumptionem. Post fortiter comprimunt, & in vase ad vsus reponunt. Alia ex Aëtio ratio: Sumuntur granorum, quo tempore, semen resinaq; abundat, vnciarum quatuor, conteruntur, & in olei dulcis sextario Italico infunduntur, quadragintaq; diebus insolantur, deinde reponitur. Iucundi odoris est. Attenuandi, calefaciendiq;, ac molliendi facultates habet. Cutis densitatem sanat, autore Paulo. Ad capitis dolorem valet, & illitum membris dolentibus, podagris, arteticis, & nephriticis.

De salice.

CAP. III.



ALICTO tertium locum, in ruris æstimatione M. Cato attribuit, priorem verò, quàm vel oliueto, quàmq; etiam frumento, vel pratis, quod nullus tutior reditus sit: vt potè qui minoris impendij sit, atq; contra tempestates securior. Varijs etiam animalium generibus victum præbet. Quæ si hominibus amara sit, teste etiam Vergilio,

- Salices carpetis amaras.

Animalibus tamen dulcis. Cito etiam prouenit.

uenit. Propterea Festus & Maurus Seruius, eam dictam esse volunt, quòd ea celeritate crescat, vt salire videatur. Græci *ιρίαν* vocant. Arbor breui & recto caudice est, ramis flexilibus & lentis. Quare Vergilius ait,

Lenta salix. Ouidius utiq; in quarto Metamorphoseos:

Lentior & salicis virgis. E trunci enim summo, veluti à capite exeunt (hoc enim rustici caput vocant.) Ramus enim salignus Græcis *σιλφ*, aut vimen flexile *καρὰ τὸ ῥέπω*, quod ob lentitudinem flectatur. Folijs mucronatis est, supernè subalbidis, & penè ceruleis, nitentibusq;, quare à poëtis glauca dicitur, sicut & oliua. Vergilius:

- Et glauca canentia fronde salicta.

Georg. 2.

A quo colore glauci quoque oculi dicuntur. Duro, & aspero per senectam cortice. Per iuventam autem leni & nitenti. Theophrastus, Plinius, & Columella in tria genera diuiserunt. Non id tamen eadem ratione, neq; iisdem appellationibus. Ille enim in nigrum, à cortice nigro, vel puniceo, viminibus vtilius hoc. Secundum, candidum à colore etiam denominatum. Tertium genus candidæ & nigræ mistum esse dixit, coactæ breuitatis. Hoc & spontaneæ naturæ incremento in excelsum orbat, vt cedro & palmæ: quod in cæteris arboribus idem intelligi potest. Extremum hoc Arcades non salicem, sed *ἐλάην* vocant. Candidum verò vimina spissiora & nigra, pulchriora & ad nexus fert. Hæc autem genera in Asia obseruari Plinius scribit, qui etiam apud nos totidem genera connumerat. Primum vimineæ, quæ purpurea. Alterum vitellinæ, à luteo colore, quæ sit priore tenuior. Tertium Gallicæ, quæ sit tenuissima. Alibi tamen & amerinæ, & nigræ, & candidæ meminit. Alibi etiam Græcæ. Alia eius secundum diuersas materias distinctio. Columellæ autem hæc sunt genera, Græca, Gallica, Sabina. Hanc enim plures amerinam vocant. Græca flauī coloris est, Gallica obsoleti, purpurei, atq; tenuissimi viminis. Amerina verò gracilem virgam & rutilam progenerat.

Salicis vis medica.

CAP. IIII.



SALICIS partes omnes, vt puta folia, flos, fructus, cortex quoque, ad glutinanda sanguinolenta vlcera vim habent: sed medici propè omnes, vt scribit Galenus, & eius simia, desiccandis emplastris florem maximè commiscunt. Est etenim eorum omnium vis quædam desiccatoria. Nam sine erosione arefaciunt. Habent quoque nonnullam adstrictionem, verum eo magis cortex. Porro siccioris temperaturæ est, veluti cæteri cortices omnes. Semen ante maturitatem in araneam abit. Quod si prius colligatur, sanguinem expuentibus prodest. Amerinæ, nigræq; semen cum argenti spuma, pari pondere à balneo illitum, psilothrum est. Salicis autem esum semen infœcunditatem mulieribus gignere dicitur. Salicis fructum Porphyrius (referente Stobæo) antequam absoluitur, decidi arbitrat. Proditum tamen est, salicis fructum cum vino epotum sterilitatem inferre, & genituram omnino extinguere, & libidinis impetum, & marcore afficere. Flos autem cum folijs tritus, in facie furfures purgat.

Kk 2 De

De fronde verò Serenus hoc carmine expressit:

Frons salicis cum flore suo contrita medetur.

Folia enim cum ramis in cubiculis strata, aërem infrigidant, & infirmantium ardores mitigant. Hæc verò ex aqua decocta donec colorem immutauerint Trallianus in anginis ad gargarizandum dabat. Hoc enim crassa auellit, iuuatq;. Trita verò, & cum aqua sumpta, libidinis impetum coërcent, & sæpius desumpta in totum vsum auferunt. Eorum decocto podagras foueri vtilissimum. Plinius addit, vt trita cum cera decoquantur. His etiam cum cortice & in vino decoctis, neruos foueri efficax. Trita etiam cum piperis exiguo, dein ex vino pota lienosis vtiliter subueniunt. Horum autem, atq; corticis succus cum rosaceo, in calyce mali punici calefactus, auribus infunditur. Salicis verò amerinæ folia, vt scribit Hippocrates, cum nigro vino pota, ad vuluæ purgamenta faciunt. Salix autem, scribente Ægineta, probè trita, & in aceto cocta, non solum incipientes ægylopos, sed etiam in vomitam mutatas, per sanat: rumpitq;, & vsq; ad os penetrat. Hoc autem vfu non solum ægylopos, verum etiam anchilopos curabis. Corticis enim cinis valenter desiccatur. Nam clauos, quos callos vocant, Græci πύλλοι, sanat. Plinius aquam miscet. Nonnulli dum floret; corticem incidunt, & succum colligunt. Plinius triplicem posuit, prædictum scilicet, alterum verò, qui gummi modo ab arbore ipsa defluat. Tertium autem, qui in ramorum detruncatione statim à falce distillat. Primus enim apprimè exsiccatur, mordacitatis quidem expers, & absterforiæ ac tenuitatis facultatis. Quo vtuntur ad ea, quæ pupillas obfuscant, & ad ciendam vrinam, & ad omnes intus extrahendas collectiones, multa deniq; ad alia.

De alno.

CAP. V.



ALNUS dicta, quod ab amne alatur. Arbor nota, alto & recto caudice, virgis gracilioribus, folio crassissimo, tactu pingui, pyri, verum neruosiore, amplioreq;, & quadantenus orbiculato. Cortice scabro, intus rufo. Iulos fert. Folia toris sternuntur, ad remouendos pulices. Alberto auctore, ex feruenti aqua tumori sunt remedio: suppurationes discutunt. Ea quoque nuper inuentum est, siue viridia, siue arida sint, vetustis vulneribus sæpius imposita, hæc ad sanitatem perducere.

De sambuco.

CAP. VI.



SINTER arbores aquaticas sambucum dixisse par est. Nam inter has Plinius posuit, quod iuxta aquas, & in opacis potissimum nascatur. A sambuca musico instrumento, quod alij pectida, vel magadin vocant, dicta. Quare nonnulli sabucum non sambucum pronuntiant. Quod etiam Quintus Serenus hoc carmine contendit:

Conueniet teneræ radix decocta sabuci. Et alibi:

Ungitur, & succis dederit quos parua sabucus.

Sic

Sic enim carminis ratio deposcit. Alij ab autore denominatam, cui nomen Sambyx, Græcis ἀκτὴ, Fungosi generis arbor est, aliter tamen quàm ferula. Quippe plus ligni ac succi sambucus habet. Caudice galeæ crassitudine. Nodos paucos habet, vt inter enodes annumeretur. Virgis minimè fruticosa, quæ anniculæ in longitudinem rectè distenduntur, in sena sæpe cubita. Post autem id tempus, in crassitudinem crescunt. Est & in nouellis ramis, quædam internodiorum species, sed quasi rudis inarticulataq;. Cortex autem lenis & tenuis: quidam canopon vocant. Alij verò ad eius florem transferunt. Folium, quod particulatim exit, molle, oblongum, vt latifolia laurus. verùm maius, latiusq;, subtus, & in medio situ rotundius. In medio autem serratum, exacutumq; est. Quod verò maius est & quasi ex illis minoribus coalescit, vno nervoso ac crasso pediculo pendet, ceu ramulis. Folijs vtrinq; geniculatim ex ordine iugatis, vno singulari in verticibus relicto. Vniuersa de singulis petiolis defluunt, vt totum vnum folium esse putaueris. Flos autem candidus, ex minimis flosculis etiam candidis, faui specie, in vmbella congestus, è pediculi fissura dependens. Odore grauis, vt lilij: Fructus in acinis, vno pediculo racematim dependentibus, paulò quàm eruum maioribus. Immaturis verò vix acide color. Cùm autem ad maturitatem peruenerint, nigrescunt: humore lento, manus capillumq; inficiunt. Aqua enim decocti manduntur: sesamea intus grana, turdis, sturnisq; non ingrata. Acinum Græci ἀκτὴν vocant. Ego iuuenis, & venationis studiosus, cuius causa syluas perambulau plurimas, & alia inuia loca maximè verò Cotarssianam prope Symphorianopolim agri Lugdunensis ditionis, & Curtiorum, quod ad venationem attinet, iuris. Illic arborem generis fruticosi folio sed leuiori, flore verò sambuco nostræ vulgari ferè simili. Fructu tamen dissimili quod racematim producat, colore per maturitatem rubeo, non vt in nostra, nigro. Cuius stipitem vnum in hortos meos transtuli, atq; in ordinem cæterarum decussatarum arborum redege: verùm diu non perdurauit, quòd loca opaca amet, & manus aspernetur. Videant lectores an sambuci aliud genus sit. In sambuco autem excauata, aureum munus Apollini Delphico Brutus obtulit, quo munere, Romani Imperij gubernationem promeruit.

De sambuci viribus.

CAP. VII.



DESICCANDI, atq; glutinandi sambucus vim habet, & modicè discutiendi, refrigerare etiam inflammationes, maximè recentis ambusti Actuarius dicit. Acini poti, acetabuli mensura, vrinam mouent. Coxendicibus, mulierum vuluæ morbis, vel earum locellis, & coxendicibus plurimum, vt ait Hippocrates, medentur, etiam semen eius. Manducati verò, ac poti, aquas per aluum educunt. folia idem præstant. Olerum modo igni decocta, ad pituitam eduntur, & ad bilem detrahendam. Quidam ex oleo & sale comedunt. Horum etiam vel radice, vel semine, in vino veteri decoctum, & ad binos cyathos potum, stomacho vtile, & aluo

detrahit aquas. Eorum mollissima cum polenta illita, canis morsum sanant. Si horum etiam decocto aspergatur domus, muscæ abiguntur. Succus verò cerebri collectiones, priuatim membranulæ, quæ circa cerebrum est, infusus lenit. Radicis decoctum hydropicis confert. Eius verò succus cum vino, instar vnciarum duarum potus, aquas deducit. Acini tingunt capillum. Cauliculi ijdem cum aqua macerati, ea sparsa, pulices necantur. Equales cum ebulo, quem chamæactem vocant, vires habet. Huius autem plures, inter quos Plinius vnus, alterum sambuci genus faciunt. Ego verò inter frutices, quòd herba sit, ne quidem annumerabo. Addit Albertus sambuci ab imo sursum corticem rasum ventrem supernè soluere, contra infernè.

De oppulo.

CAP. VIII.



De oppulo solus, quod legerim, M. Varro, in suis de agricultura libris, & L. Columella meminerunt. Hæc autem ad vitium traduces, apud Mediolanenses, vt ille ait, plantatur. Corno similis, vlni proceritate, recto caudice & enodi, ramis rarioribus, brachiatis, frondibus vitigeneis, baccis racematim dependentibus, prima pubertate viridibus, & à maturitate pumiceis. Medicas autem facultates, à quoquam descriptas nondum inueni.

De fraxino.

CAP. IX.



FRAXINVM sic dictam, quòd in fragosis locis libenter agnascatur, nonnulli arbitrantur. Græci *μελίαν* & *μυλίαν* vocant, & *πρίον*, id est, trinodem cognominant, quòd ramos prægrandes, ordinatos & numero pares habeat. Proceræ hæc arbor est, tereti caudice, cortice læui, tenuiq; , rubro colore, radicibus crebris, sublimibus, ac subalbidis. Folijs singulis lauri, oblongis, & angustioribus, per ambitum verò leniter serratis, colore porraceo, pennata & ipsa folijs suis. Nam pinnatis singulis ramulis, folia singula, vno pediculo, ordine continuo, cuncta prorumpunt, atq; per ampla laterum interualla, tanquam per genicula quædam, perinde atque sorbo pendent. Quæ hoc modo disposita, pennas auium imitantur, vt singulos ramulos, folia dixeris. Adeò enim ordinatè exeunt, vt vno folio, ea cuncta constare credas. Fructum in siliquis fert minutum, mucosum, nucis amygdalinæ modo, gustu subamarum. Flore, fructuq; eam in Ida Troadis carere, autore Theophrasto. Producit, & muscum lauri modo, & alia gustu adstrictiora, singula per se circinata, & in orbiculos, vt platani pilulæ. Horum alia cum fructu emergunt, alia multo post nascuntur. Duo eius genera Theophrastus fecit. Alteram proceram, excelsum, enodem, ligno candido, neruoso, molliore, & suberispo. Alteram breuem, duriozem, fusciorem, ac scabriorem. Folijs latifoliae laurus, sed leniter ambitu serratis, & per marginum fibras in molles spinas coalitis. Primam Macedones bunichiam, quasi polymeliam, id est, ingentem fraxinū *Æolia*

Æolia pronuntiatione vocitant. Amplissima enim, vt dictum est, raro corpore, sed id minùs crispa. Cæteri autem situ discreuere, campestrem alteram vocantes, raram corpore, lætam, scabrioremq; alteram verò montanam, coloratiorem, spissam, læuem, lentam & robustam. Alteri breuiora internodia, coniugationes plures. Secundæ verò latiora internodia, pluresq; etiam coniugationes, & folia longiuscula, & magis angusta.

De fraxini vi medica, & natura.

CAP. X.



F RAXINI vis est, vt ne matutinas quidem, occidentesve eius umbras, etsi longissimas, serpens minimè attingat. Adeò enim ab ea serpentes longè propellit. (Experta prodimus, ait Plinius) si fronde ea gyro claudatur ignis, vt serpens, in ignes potius, quàm in fraxinum fugere. Mira naturæ eius arboris erga genus humanum, ob serpentum cum eo inimicitiam benignitas, vt primùm fraxinus, quàm eæ prodeant, floreat, nec antea folium dimittit quàm hæ se terra condiderint. Si autem vipera momorderit, præsens remedium est, fraxini cacumina, vel, vt alij volunt, folia terere, & expressum succum ex mero sorbendum præbere, si febre vacauerit: ea verò correptis, ex dilutissimo vino. Eiusdem etiam arboris tritas frondes, læsæ parti superponere est. Ait etiam Columella, vbi bos à vipera icta fuerit, tenera cacumina quinque librarum terere, & cum totidem vini & duobus olei sextarijs expressum succum, faucibus infundere proderit, & eiusdem cacumen cum sale tritum, ictui imponere. Semina autem, numero decem trita, & cum vino pota, vrinam ducunt, & vuluarum doloribus auxilio sunt, inquit Hippocrates. Hoc etiam, cùm tussis fauces exasperantur, integrum devoratum prodest, & dentibus commissum, vt ait Serenus, quo autore hydropicis potum valet. Folia autem iocineris & lateris doloribus in vino medentur, aquam quæ subit cutem, extrahunt. Obesa verò corpora, onere sensim leuant, & ad maciem reducunt, iisdem folijs cum vino tritis, bibitis. At hoc iuxta virium potestatem faciundum, ita vt puero quinque folia, cum tribus vini cyathis, robustioribus verò septem folia, cum quinque cyathis. Aurium autem doloribus infusus succus, cùm torretur fraxinus exceptus, prodest, vt testatur Seren.

Quum seuis teneras dolor altè sauciat aures,

Fraxinea in flammis fundit quem talea succum

Instilles.

Cortex crematus, & ex aqua illitus, lepras eximit, scribente Ægineta. Non omittendum quòd hic & alij prædixere, Ramenta & eius scobem cauenda, pota enim perniciem afferunt.

De orno.

CAP. XI.



R N O S L. Columella fraxinos syluestres esse dicit: multi vnum fraxini è Theophrasto genus. De hac Iuuenalis satyra prima:

- Quantas iaculetur Monychus ornos.

Arbor procera, caudice tereti, cortice leni, spissoq; , pinnatis utrinq; ramulis. Folio fraxini, verùm latiore, per ambitum serrato, verùm paulò

paulò profundioribus crenis. Flore pyri. Quod voluit Vergilius:

Georg. 2. - *Ornusq; incanuit albo Flore pyri.*

Baccis racematim coactis, in adolescentia rubescentibus, secundum verò maturitatem nigrescentibus, mespilaceo ferè concretu, sed multo graciliore. Eadem vis, quæ & fraxino, rei medicæ prodentibus autoribus.

De acere.

CAP. XII.



CER, vel aceris, vt Solinus in suis memorabilibus dicit. Sic enim quibusdam dicta, quòd artificum acria ingenia, propter eius materiei præstantiam exerceat. Tiliæ ferè amplitudinis est, autore Plinio, sed cortice paulò illa scabriore vestitur, scribente Theophrasto, subluvido, crasso, & flecti contumace. Radicibus paucis, crispis, sublimibus. Rara (vt Idæi voluerunt) inuentu. Apud nos tamen plurima. Flos coloris herbacei, ex quo fructus nascitur oblongus, & paliuro similis, verum oblongior. Imperem Ouidius dicit: - *Acerq; coloribus impar.*

In generum verò numero autores dissenserunt. Nam alij bina, ceteri terrena statuerunt. Vnum album dixerunt, præcipui candoris. Hoc Gallicum etiam vocant. Nascitur hoc trans Alpes, in Italia transpadana. Alterum carpinum vocant. Tertium hoc Plinio genus Zygia etiam dictum, quòd ex illius materie iuga bobus & iumentis comparent. Secundum Plinio genus, contortius crispo macularum discursu. A similitudine pauonum caudæ nomen accipit. Excellentius hoc. Tertium Theophrasto lectitoria, vt Stagiritæ distinguere solent, crassiuenum vocatur, ex viliori genere est. At alij à situ genera discreuere, vnum campestre vocantes. Græci γλαίων appellat. Alterum montanum. Hoc durius crispusq; est. Quantum ad rem medicam spectat, Aceris radix, Plinio prodente, contusa, iocinoris doloribus vtilissimè inponitur. Quod testatur suis carminibus Serenus:

*Si latus immeritum, morbo tentatur acuto,
Accensum tinges lapidem, stridentibus vndis.
Hinc bibis, aut aceris radicem tundis & vnà
Cum vino capis, hoc præsens medicamen habetur.*
Alias eius vires non legi.

De carpino.

CAP. XIII.



V P R A carpinum inter aceris genera ex Theophrasto ac Plinio commemorauimus. Differre tamen ab acere Stagirite, illo autore, volunt. Quam differentiam tantum à materie desumunt. Carpino enim flaua, gracilior etiam, & macilentior, longior ac mollior, venis in longitudinem fluitantibus, vndosa. Aceris autem candida, intercurrentibus plurimis venis. Olympi autem accolæ, carpinum tantum montanam esse voluerunt, acerem verò etiam in planis nasci. Est autem carpinus frequens apud nos, quam vulgus carpinum vocat. Arbor tiliæ non absimilis, cortice quali

quali in acere descriptus. Paucis radicibus, sublimibus, magna parte crispis. Ex qua rustici maximè iuga bouum conficiunt. Præterea Vitruuiolibro secundo, *Συλα*, quasi coniugalis, dicta est, quòd Græci iuga *Συλα* vocant. Hæc autem nihil nec folio, nec reliqua arboris tota imagine, commune cum acere habet. Est enim acer apud nos: si quidem hæc sit, quam nos arablum vocamus. Folio platani, verum longè minori, quæ nec in amplitudinem minimè nascitur, ex cuius tantum materie arcus fabricentur.

De staphylodendro & colycea.

CAP. XIII.



EST trans Alpes (inquit Plinius) arbor aceri simillima, materie alba, quæ vocetur staphylodendros. Fert autem hæc siliquas, & in his nucleos nucis auellane sapore. Hanc verò quidam esse contendunt, quæ colycea à Theophrasto dicitur. Ramosa, comosaq; in totum ampla, salicis folio, semen latum, modicè durum, in siliquis latioribus, minimè angustis. Fructu pro magnitudine non satis abundat. Alia sub eodem nomine, & ab eodem describitur, quæ circum Troadis Idam nascatur, quæ item rara inuentu sit. Fruticosi generis est, ramosa, & alis multis concava. Folio latifoliae laurus, sed rotundiore, & ampliore, ut ad vlmecum propius accedat, supernè viridi, infernè verò subalbido ac neruoso, tum ibidem nervulis prætenuibus, fibrisque; de medio callo in costarum speciem deductis. Cortice leni, & quasi vitiligineo. Radicibus per summa gracilibus, ac solutis, cæterum fibratis, ac mirum in modum flauis. Flore autem, fructuq; vidua. Surculos tamen, & nonnullas gemmas, circa folia admodum læues, ac pingues, candidasq; , amentacea facie, fundit. Succisa enim, aut ignibus ambusta, ab imo sursum rediuiua assurgit. Materie solida, duraq; est. Harum verò medicam materiam, nullus adhuc descripsit. Quod mirum quidem minimè est, si rara, ut ille prodit, inuentu sit, & solum apud Idam Troadis nascatur.

De vlmō.

CAP. XV.



LMVS Græcis *ῥιλέα* dicitur. Amplitudine & altitudine hæc arbor præstat. Folio, quod illi indiuiduū est, quam pyro, oblongiore, & per oram leniter ferrato, virgis tenuioribus, & flexilibus per latera in ordinem folia ferentibus, quare aspectu pulcherrima, præsertim in iuuenta. Lenia etiā hæc sunt, ut eius vmbra lætior sit, & magis desideretur: & ob id in cōpitis & locis publicis feratur. Theophrastus tantum duo genera posuit. Alterū *ῥιπέριον* vocat, quod nonnulli montium interpretantur: Secundum campestem. Hoc fruticosius, illud verò auctius. L. Columella etiamnum totidem genera putauit. Gallicum, & vernaculum. Illud attinia, hoc nostrū dicitur. Attiniam verò vlmū Tremellius Scrofa, non ferre samaram, falsò est opinatus, quum ferat, sed rariore, idcirco plerisque sterilis videtur, seminibus inter frondem, quam prima germinatione edit, latentibus. Est au-

LI tem

tem longè procerior, longèq; latior. Folijs quàm nostras mollioribus. Frondemq; bobus iucundiorē præbet. At Plinius longè plura. Nam quatuor genera annumerat. Attiniam, excelsissimam vocat, & ex his siccanas præfert, quæ non sint riguæ, Alterum Gallicas, Tertium nostrates, Folio ex eodem pediculo numerosiore atque densiore. Quartum verò syluestre. Vlmus autem vnam fert & gummi, lacrymæ modo, in petiolis, in Coryntho Siciliæ monte, ad nihil vtile.

Vlmi medica materia, & de tumulo Protefilai.

C A P. XVI.



ULMI autem folia, rami & cortex, spissandi, desiccandi, abstergendi, ac vulnera recentia glutinandi vim habent. Folia enim ex aceto trita, ad lepras efficaciter illinuntur: vulnera recentia etiam contrahunt. Hoc autem Galenus, & sequaces, cortici attribuunt. Foliorum enim cauliculi, cum tenerescunt, holerum modo, ad esum obsonantur. Primi vino decocti tumores sanant, extrahuntq; per fistulas. Cortex amplius subamarior, etiamq; magis absterforius. Porro etiamnum recens & viridis, pro vinculo, & fascia, vulnere circumuolutus, illud efficaciter contrahit. Nam lori modo in vincula flecti potest. Crassior autem eiusdem arboris cortex, vnciæ pondere, in aqua aut vino, ambobus utique frigidis, potus, aluum purgat, pituitasq; & aquas priuatim extrahit. Radices eandem vim habent. Nam harum decocto quidam fracta ossa fouent, quæ callum, siue tophaciam cicatricem, quam poron dicunt, desyderant. Hac enim ratione, ocyus ossa solidescent. Lignum etiam vlcera purgat, & pura iam facta, carne replet. Gummi autem collectionibus imponitur. Huius enim decocto, ambusta, & vulnera fouere, prodest. Humor autem, qui è folliculis, prima germinatione, effunditur, cuti illitus nitorem inducit, faciemq; gratiorem præstat. Prodest etiam his, qui cerussam sumpserint, cum aqua tepida sumptus, & eo modo humor è folijs expressus, quibus tamen euocandus vomitus. In Cherronesso atq; in loco editissimo, Protefilai tumulus fuit. (Hæc sunt Græcorum monimenta) in cuius gratiam Nymphæ vlmos plantarunt, ea quidem lege, vt qui tumulum spectarent, & contemplarentur, illarum vnius partis rami protinus florerent, & statim foliorum profluuium paterentur, altera parte virescente, vt Protefilai immaturum casum indicarent. Cum enim Græcorum primus in Troianum litus desiliisset, à viro Dardanio interfectus est, vt in secundo Iliados describit Homerus.

De orneglossò.

C A P. XVII.



RNEGLOSSOS, arbor vlmi specie, folijs amygdalinis. Siliquas fert in circulatorum cacumine, oleagina magnitudine, in quibus medulla quædam, auius linguæ simillima inest, unde nomen accepit, intus ex candore in luteum vergens, exterius rubra, acri sapore, & linguam cum amaritudine nonnulla vellitante.

cante. Abscessu secundo, vt tradunt, calfacit: venerem stimulat, atque genituram auget. Laterum dolores sedat, vrinam ciet. Officinæ eam Auis linguam vocant.

De tilia & Oceani filia.

CAP. XVIII.



TILIA Græcis *φίλυρα* dicitur, quæ dictio Latinis quoque vsurpatur, sed & tenues eius tuniculas, quas plures inter lignum & corticem gignit, philyras vocant, è quibus facta vincula, etiam tilia vocantur. Saturnum autem Philyram Oceani filiam adamasse Seruius scribit, quam nonnulli in florem commutatam aiunt. Alij autem in arborem, cuius liber philyrinus vocetur, ex quo verò coronæ colligantur. Arbor quidem parua, si Dioscoridi & Plinio credimus. Folium hederæ simile, verum prolixius, atque in acutiorem angulum sese rotundans. E medio enim sui in acumen prodit, crispum, & per orbem molliter ferratum. Qua verò parte pediculo innectitur, incuruum. Flos quisque pediculo annexus, qui primum è ramo vnicus exit, postea è medio, in binas ternasve partes sese diuidit. Qui flos tantisper dum calyculo continetur, viridis est. Qui quum emerferit, leniter flauus. Fructus autem in orbem fabæ magnitudine oblongus, acino hederæ similis, sed maiusculus, angulis quinis, veluti neruis quibusdam eminentibus, in acutum depressis, & se extuberantibus. Minusculus autem, indigesta partitione, & omnino confusiore, constat: maior autem si secabitur. Paruula quædam, & prætenuia semina effundit, vt videri possint atriplicis. Mirum in hac arbore, fructum à nullo animalium attingi. Foliorum autem, corticis quoque succus dulcis est. At Dioscoridi *φίλλυρα*, arbor magnitudine qua cypros. Oleæ folijs, verum minoribus, ac latioribus. Fructum verò lentisco similem fert, nigrum, subdulcem, & racematim coherentem. Asperis nascitur locis. Hæc autem descriptio alia est ab ea, quam è Theophrasto supra descripsimus. Cui arbor, quæ modò sub tilia nomine visitur, adamussim respondet, vt nihil de ea amplius ambigendum sit: vt etiam nulla alia frequentius in locis publicis, maximè verò ante sacras ædes feri, propter eius amplitudinem, foliorumq; leuem vmbram, & iucundam opacitatem, tum odoris florumq; gratiam consuerit. Meminit etiam Theophrastus, arboris philyræ, in Olympo nascentis, celestri modo candidæ, perpetuæ comæ, fructum circa Vergiliarum occasum edentis. Est autem tilia materiæ, si qua alia arbor, mollis. Quare Ouidius mollem in decimo Metamorphoseon dicit:

- Nec tilia molles.

Medullam enim exiguam continet, neq; duriolem, reliqua materie.

Tilia vires, & de Cinesia poeta.

CAP. XIX.



POLIA adstringunt, quibus commanducatis, oris vlcera iuantur, & eorum decocto colluuntur. Ad eadem verò vitia, ad quæ oleaster, cum adstrictione opus est. Pota autem vrinam

Ll 2 & men

& menses ciunt. Hæc Dioscorides in sui ipsius philyræ descriptione, & Ægineta etiam prædictæ descriptioni attribuit. Quod lectorem mone-
re volui, ne vires tiliæ Dioscoridis, cum illa Theophrasti confundat.
Nunc autem tiliæ Theophrasti vires ex Plinio prosequamur. Trita enim
folia, & aqua aspersa, pedum tumori vtilia. Cortex in vino decoctus,
tumores sanat, extrahitq; per fistulas. Multi corticem commanduca-
tum, vulneribus vtilissimum putant. Cachrys in Tilia gignitur. Non-
nulli è medicorum recentioribus, exhalantem è floribus in meta (vul-
gus alambicum vocat) aquam, mirum in modum pueris epilepticis,
quoquomodo administretur, conducere, cui multi viscum quernum
adiungunt. Nigricant autem tiliæ folia. Cinesias poëta Græcus flagitio-
sissimus olim fuit, in quem Lysæ oratoris celebratissimi conuiciorum
& stomachi plena legitur oratio. Vnus autem eorum, qui è decem per-
fectis oratoribus vna tempestate Athenis fuerunt, extitit. Tam enim gra-
cilis ille fuisse perhibetur, vt tiliaceis asseribus corpori circumdatis im-
becillitatem suam fulciret, quare Aristophanes illum poëtam philyreum
vocitabat. Vfus etiam his Antoninus Pius, vt testatur Capitolinus. Quum
(inquit) & longus esset, incuruareturq; , tiliaceis tabulis in pectore fa-
sciabatur.

De betulla.

CAP. XX.



BETULLA, Græcis semys, mirabili candore atque vir-
gultorum eximia tenuitate. Folio sagino, sed paulò angu-
stiori, recto trunco, enodi, candicanti. Cortice multipli-
ci, & versicolore, ramis mira flexibilitate, propterea deor-
sum sese curuantibus. Iulos ad instar coryli fert, verum
nigriores. Terribilis (inquit Plinius) magistratuum virgis. Nam ex ea
olim Romæ magistratuum fasces constabant. Et hodie quoque pueros
pædagogorum manus, virgis terret. Gallica hæc arbor (inquit ille.) Nam
plurima apud hos, vt ex ea sola ingentes syluæ, etiam cæduæ consent.
Bitumen ex ea Gallia excoquit, cuius in medicina nullus, quod lege-
rim, apud antiquos vsus, nisi quòd recentiores quidam eo pastores ari-
das fauces iungere dicant. Addunt & illi succum dulcem in Vere exce-
ptum aduersus calculum & ictericiam vtiliter bibi. Vere enim inter pri-
mas succo turgēt, quare vulnerata succum dulcem effundit,
qui oris putredines, & cutis papulas sanat, idem &
foliorum recentium aqua stillatitia (inuen-
tum recentium) in coagulum lactis
inditus succus, caseos à ver-
mibus innoxios
seruat,
idq; magis è corticis ci-
nere factum li-
xiuium.



Præfatio libri vigesiminoni.



ANDEM ad librum ultimū arborum deuenimus (post-
ea verò frutices tractabimus) in quibus multa erunt
qua magis inter domesticas, suo usu, suaq; frequentia,
quàm inter syluestres annumerari meritò debeant, ta-
met si minime inferantur. Sape enim usus & utilitas, domesticas
facit, saepe etiam raritas, aut pulchritudo, aut alia quæuis dos. Vti eas
in hortis nostris vel loco domestico & magis familiari ac vicino se-
ramus, ac ita sedulo colamus & amemus, atq; si ex eis grandem fru-
ctum recepturi sumus & nobis relinquant. Est enim in arboribus ali-
quid, quo, præter prouentum & ingentem utilitatem non parum de-
lectemur. Hoc enim auari & rustici tantum hominis foret. Sunt et-
enim nonnulla quadam, præter victus necessitatem, quibus homines
ex ipsa delectatione nutriantur & alantur, & bonam valetudinem
tueantur, ut pictura, incrustationes, statua, ædificia tum priuata tum
publica, & alia huiusmodi, quibus visus mirum afficitur, ut inde
subsequatur non minimum animi gaudium, dein corporis firmi-
tas, quod plurimum in præclaris viris, studiosis & inge-
niosius euenire solet, ut ex frequenti usu natura
solertiam & arboris in flores fru-
ctumq; producendo de-
miremur.



HORTORVM LIBER

VIGESIMVSNONVS.



De buxo.

CAPVT I.



B X V S, Capro autore, arbor, buxum verò materies erit. Bussus etiam scribitur. Græcè *ῥύκος* affinitate x, cum v, vt in plurimis alijs, & B, in p, vt ait Festus & Priscianus. Nam Græci, illo autore, phalanam & pyrrhon, vbi nos balanam & byrrhum, pronuntiant. Arbor est proceritate non excellens, & frondium pallore commendabilis. Myrti folio, sed minori, ac concauo. Flore herbaceo, semine seu grano, quod carthegon vocant, rotundiore, colore rufo, cunctis animalibus inuiso. A Septentrione autem viscum, à meridie hyphear producit, quinetiam plura, mox interdum quaternas habet. Hæc similia de ilice Theophrastus scribit. Ennius autem libro septimo, buxum amaro corpore dicit, his verbis:

- Longeq, cupressi

Stant rectis folijs, & amaro corpore buxum.

Tria eius genera Plinius connumeravit. Gallicum, quod in metas emititur, altitudine procerius. Oleastrum, in omni vsu damnatum: fert grauem odorem. Tertium nostrate vocant, syluestre, vt ille credit, satum mitigatum. In Olympo autem Macedoniæ, gracilior, sed breuis, prouenit. Crassissima verò in Corsica, flore non spernendo, quæ causa amaritudinis mellis. Folia autem cum scobe materiei, & lixiuio capillum rufant. Scobs verò eius ex aqua decocta,alui profluuium sanat, vt recentiores perhibent. Ferunt insuper vulneratas serpentes ad sanitatem peruenire, degustata eius radice. Somnum autem sub ea capere perniciosum, quod eius odor cerebro aduersetur.

De aquisfolio, & visco, ligandis animum pennis apto.

CAP. II.



A QVIFOLIUM quidam, propter foliorum similitudinem, alternum, ilicis vnum genus putauerunt. Quod non facile quis recipiet, propter tot eius differentias. Cum nil cum ilice, præter foliorum figuram commune habeat, sed quæ aquisfolio ampliora sint, quæ item aculeis pungentibus per ambitum armata sunt, Crassiora etiam, atq; viridiora. In senectute tamē,

vno

vno tantum aut duobus tribusve. Theophrastus ariam, siue agriam appellat, & adhuc nonnulli, vt Lugdunenses agriolum vocant. Flore albo est & odoro, bacca verò punicea, racematim coaceruata, in arbore diutius permanens. Cortice læui & herbaceo. Quòd soli vbertatem & coeli ex eiusdem natura, amicitiam non nacta sit, vt plurimum non fructifera est. Sata autem in domo, villave, veneficia arcet. Item baculum ex ea factum, in quoduis animal emissum, etiam si citrà defectum mittentis ceciderit, ipsum per se recubitu propius adlabi: tam præcipuam inesse arbori (vt Plinius ait) naturam. Flore eius aquam glaciari Pythagoras tradit. Fit ex ea viscus ligandis auium pennis. Corticem verò detrahunt, frondibus arborum inuoluentes, & ibi putrescere patiuntur, quod fieri solet duodecim ferè diebus. Tunc marcidum eruunt, & tantisper pila contundunt, donec in viscum lentescat. Demum in profluente, vt adhaerentes corticum reliquæ sordesq; fluitent, proluuntq;, & adiecto iuglandis oleo, momento fictilibus recondunt.

De iunipero, & eius viribus.

CAP. III.



VNIPERVUM quidam dici volunt, quòd iuniores ac novos fructus pariat, antiquis maturescentibus. Græcè ἀρκευθος. Arbor cedro similis, vt folijs tantum distare credatur. Frequentibus alis caua. Pro folio spina est, herbacea quidem. Cortice cupressi, membraneo, qui spontè rumpatur, decidatq;, sed scabriori. Bacca autem, quæ arceuthidis nomen, id est, iuniperi retinuit, rotunda est, per maturitatem verò cærulea & nigra. Reliquo enim tempore viridis. Gustu autem subamara, adstringens, & commanducando odorata. Harum nonnullæ nucis auellanae, aliæ fabæ magnitudine conspiciuntur. Duo autem iuniperi genera fecerunt. Alteram maiorem, quæ à Catone capida dicitur. Aliqui sylvestrem cupressum dicunt. Sunt qui mnesitheum, alij acataram vocitent. Alteram verò minorem, quam Græci arceuthida, forma diminutiva, quasi iuniperulum vocant. Ægyptij libium Aphri zicorinsiper. Galli iupicellum, nunc verò geneurum. Nonnulli mnesitheum sicut maiorem vocant. Alij acatalidem. Iuniperus somnum adferre dicitur, idèd à Valerio Flacco lethæa dicitur, propter obliuionem, quæ è somno fit. Sic enim octauo Argon.

Contraq; lethæi quassare silentia rami.

Scribit enim Medeam draconem ad sonum incantantem. Sic enim Apollonius libro quarto:

ἦδ' ὄφιν ἀρκεύθοις νέον τετμηκότι θαλλῷ

βαπτέειν ἐκ κίκεωνος ἀκήρατα

φάρμακ' αἰδαῖς ἐσεκάλεα κατ' ὀφθαλμῶν.

Sensus est, vt Medea iuniperi nuper scisso ramo serpente potione Cycone tingeret incorruptibilia, pharmaca, catibus inuocabat circa oculos. Iuniperi grauis umbra præsertim cantantibus. Quod Verg. in Gallo testatur. Vtraq; enim acris, & exalfacit, desiccatur in tertio ordine, extenuatq; cedro assimilis. Accensa autem serpentes fugat, ad quarum ictus efficacissime bibuntur

bibuntur baccæ. Hæ autem acriter calefaciunt: primo tamen tantum ab-
cessu deficcant. Reperiuntur etiam, qui serpentum metu, totum corpus
illis inungunt. Folia autem acrimoniam habent: ideoq; tam ipsa quam
illorum succum, contra viperarum morsus, ex vino bibere, ac illinire pro-
dest. Et ut ad baccas reuertamur, adstringunt, yrinam mouent, stoma-
cho vtilis, & lateris doloribus. Inflationes, languoresq; discutiunt. Ad
tussim & tormina bibuntur. Illitæ verò tumores sistunt. Ruptis, conuul-
sisq;, & vuluæ strangulationi subueniunt. Plinius aluum, & ventris tu-
mores sisti ait. Baccis ex vino nigro potis, aut in vino decoctis viginti.
Illinuntur & oculis in epiphoris. Corticis verò cinis, ex aqua inunctus,
lepras pellit. Cauenda eius materiei ramenta: deuorata enim interficiunt.
Sed hoc falsum quidam arbitrantur, & Dioscoridis libro addititium. Li-
gnum autem virens, aduersus pestilentia crassantia contagia comburi-
tur. Iucundum etenim fumum expuit, qui odoris suauitate, seuientem
perniciem eluit, ac propulsat. Serpens, autore Plinio, ybi eius squammæ
obtorpuere, spinis iuniperi se scabit.

De iuniperi gummi, quod vernix vocatur, & vino eius.

C A P. IIII.



Iunipero autem humor, qui lacrymæ modo concrefcit, ut
gummi sit, vernix dicitur, quasi Veris ros, quod Vere potif-
simum gignatur, & ætate perficiatur. Hoc enim tuso char-
tas linimus, ne bibulæ sint. Mauritani sandaracham appel-
lant, verum aliud est à sandaracha, iuniperi gummi. Nam
illa exitialis, hoc autem res salubris. Quum verò primum metitur, albo
colore splendescit: quum verò senescit, luteum contrahit: in nimia verò
senecta rufescit. Mauritani autem medici arborem apud Christianos na-
sci meminerunt, quæ vernicis tantum nomine percelebris sit. Faciem
verò arboris non expresserunt. Hoc enim Dioscoridis & Galeni tem-
pestatibus nondum in vsum venerat, nisi sub succini nomine, cui & na-
turæ dotibus & viribus par est, verum paulò efficacioribus. Quòd si illud
desit, duplo pondere inuicem substituitur. Crematum hoc nidorem,
thuri odore non cedentem exhalat. Quòd autem concreta sit iuniperi
lacryma, indicium est, quòd odor eius in suffitu attrituq; iuniperum re-
doleat, atq; statim deflagret. Quòd si naturam eius, admo to igni tentare
placeat, succenditur, alitq; flammam, odore iuniperum redolentem, quæ
postmodum in gummi rursus lentescat. Excalfacit, exsiccatq; secundo
recessu. Defluentem naribus sanguinem sistit, si ex candido oui liquore
tritum, fronti temporibusq; illinatur. Ex thuris verò polline & oui albo
exceptum vomitionem suppressit. Cum eisdem enim perlitum, pro-
fluentem aluum firmat. Deuorata verò in forbili ouo eius polenta, in bi-
liosus vsus profusum stomachum compescit, cruentamq; alui proluuiem
retinet. Suffiti autem nidor distillationes suspendit, arceatq; ne præcípites
ad ima decumbant. Pituitam, quæ in stomacho, aut in intestinis coit, di-
gerit. Humorem etiam, qui velox è cerebro deuoluitur, coërcet. Tineas
cætera

cætera ventris animalia enecat. Suffitu grauedini auxilio est. Viginofos fistularum sinus inditum reficcat: menstrosos cursus retinet: pedum, manuumq; rimis succurrit. Fit è iunipero vinum, cuius ratio ex Dioscoride talis: oportet enim cæfos receper ramos, ac diuifos, cum fructum edunt, in sole aut balneo, igneue, sic exponere, vt defudent, exsudatiq; humoris vnciam vnã in vini congio permiscere est, & post duos menses in alia vasa transfundere, & antequam recondantur, in solare, & vt semel dictum fit, factitiorum vinorum vasa impleri oportet. Acescunt enim, quæ penitus expleta non erunt. Fit etiam è iuniperi baccis vinum, vt cedrites, ad eadem valens: cuius ratio ac vis supra in cedro demonstrata est, propterea hîc iterum referre nolui, ne quid bis idem repetatur, quod magnopere in toto hoc opere cauendum censeui. Iuniperi vinum vtile esse Plinius scribit, ob armorum equitatusve lassitudines. Illud prætereà de iuniperi gummi non prætereundum, quod sub vernicis nomine liquidum quid fiat, cum lini seminis oleo, quo picturæ, aliaq; multa, vt postes, imagines, ferramenta, oblinuntur, vt illustriores fiant, sic enim à rubigine, à situ immunes sunt.

De tamarice.

CAP. V.



TAMARIX, arbor syluestris, cui non decidunt folia, vt supra diximus. Omnibus enim, maxime apud Plinium, Lenæo, & antè Dioscoridi, hanc esse in confesso est, quæ amerinis scopis persimilis sit. In Achaia verò brya syluestris vocatur. Insignis quidem in ea, quod ibi tantum satiuã ferat fructum, videlicet gallæ similem. Corinthus, & quæ circa eam regio est, bryoniam vocat, quod ei fructus *βρυόνης*, id est, muscosus sit. In Syria enim & hæc copiosa. Nunc & arbor circa Padum visitur, cupresso folia simillima habens, ex qua vasa fiant, hydropicis, phthisicis, & intestinis apprimè medicabilia. Nunc quoque apud nos visitur, magna ex Rhodo opera & cura equitum diui Iohannis Hierosolymitani translata, sed adhuc rara, & pretiosa. Magna quidem est, atq; auctu perfacilis, salicis, imò potius oliuæ folijs, sed læuioribus, ac subalbicantibus. Flore herbaceo, in croceum vergente. Quæ quum floret, quod post vrbanas contingit, fragrantî & persuaui odore est, vt nulla alia apud nos odoratior sit, vt longè etiam sentiatur. Fructum tamen nullum apud nos fert, in flore, sicut in salice, euanesceus. Si verò tamarix arbor sit, quæ myrica etiam dicatur, eam quidem humilem esse oportet, si Vergilio credendum sit, cum ait:

Non omnes arbusta iuuant, humilesq; myricæ.

Est & apud nos perexiguus frutex, qui vulgò tamarix nuncupatur, semper virens coma. Folijs cupresso similibus, verum exilioribus, atq; acutioribus, scopis tantum nascens. Duo tamaricis genera fecerunt, vnã syluestrem planè sterilem, alteram verò mitiorem, quæ in Ægypto arbores procerissimas æquet, ramis ex herbaceo fuluoq; variegatis. Quæ cum adoleuerit, promala à Poëtis dicitur. Ibi autem atq; in Syria fructum li-

M m gnosum

In Bucolicis.

gnosum abundanter producit, galla maiorem, gustu asperum, quo medici in compositionibus, quas antheras vocant, vice gallæ vtuntur. Theophrastus in Tylo insula, tamaricis lignum, non, vt apud nos, imbecillum esse affirmat, verum validum veluti iligneum.

Tamaricis vis medica.

CAP. VI.



TAMARIX, quæ & Galeno, & sequacibus etiam myrice dicitur, abstergentis, & incidentis facultatis est, sed vt non perspicue, & manifestè desiccet, habetq; etiam nonnullam adstrictionem. Cinis vehementius exsiccet, & abstergit, parum adstringit. Folia decocta, adiecto melle, gangrænis illinuntur, & ad ea, quæ serpunt, cum polenta imponuntur. Decocta autem in aceto vinové, aut etiam radix lieni indurato profunt. Alij absumere dicunt. Adeo, inquit Plinius, mirabilem antipathiam contra solum hoc viscerum faciunt, vt adfirmet, si ex ea alueis factis bibant sues, sine liene inueniri. Ait etiam L. Columella, si ex tamaricibus canales fabricentur & rusco, & repleantur aqua, & sitientibus suis apponantur, sues à splenis doloribus tueri. Quippe ligni succus epotus intestinum tumorem comescit. Ad alia etiam veterina hoc faciunt. Æstate enim splenis incremento laborare vt plurimum solent. Hoc autem malum magnis siccitatibus maximè euenire solet. Nam eo tempore pomis passim sub arbore stratis, inexplebilem pabuli dulcedinem & ingluuiem sectantur, & ideo homini splenetico cibum potumq; in vasis dant, ex ea factis. Democritus physicus, etiam hominibus lienis vitio laborantibus, vinum bibere, carbonibus ligni tamaricis flagrantibus exustum præcipit. Idem faciendum in aqua in suis. Foliorum decocto dentes in dolore colluuntur. Ad aurium etiam dolores salutare. Phthiriasi, lendibusq; inspersum prodest, potum verò vel impositum, cum rosaceo & cera epinyctidas sanat: abundantiam mulierum sistit. Semen autem cruentis sputis datur, potu verò cœliacis quoq; & contra sceminarum profluvia, ac morbum regium, & aduersus phalangiorum, & araneorum morsus, drachmæ pondere. Efficax & ad serpentium ictus, præterquam aspidum. Suffitu etiam fugare serpentes, Lucanus in nono autor est:

Ultima castrorum medicatus circuit ignis:

Hic ebulum stridet, peregrinâq; galbana sudant,

Et tamarix non lata comis.

Mures etiam viridis tamaricis suffitu fugari, quidam è Græcis suis monumentis scriptis mandauit. Cùm altitium pingui furunculis imponitur. Cortex verò tusus, impositusq;, collectiones omnes illitus inhibet. Cinis autem ad eadem omnia prodest. Qui si castrati bouis vrinæ misceatur, & in cibo potuue detur, venerem finiri. Carbo quoque ex eo genere eadem vrina restinctus, in vmbra conditur, idemq; si libeat accendere, resoluitur. Magi & id ex spadonis fieri vrina tradiderunt. Sanari autem carcinomata, in vino decocta tamarice, tritaq;, & melle illita, Lenæus dicebat grauis in medicina autor, vt Plinius adfirmat, virgam ex ea factam, vt neq;

neq; terram, neque ferrum attingeret, sedare ventris dolores asseueravit, impositam, ita vt tunica cinctusq; corpori apprimeretur. Cuius etiam sententiæ fuit Q. Serenus. An autem is fuerit, quem Plinius intelligit, nescio. Eius verba sunt:

*Necnon iungenda vtero noua virga myrica,
Illesæ hæc ferro, terraq; intacta geratur.*

De ligustro, & cypro.

CAP. VII.



IGVSTRVM arborem nonnulli à lego deduci volunt. Plinio in oriente cypros dicitur. Hæc tamen aliquibus non ligustrum, sed peregrina arbor. Proceritate qua tilia, coriandri semine. Alia verò oliuæ folijs, quæ circum ramos, profert, latiora, mollioraq; sunt, ac virentiora. Plinius tamen in Ægypto cyprum esse folijs ziziphi, vel, vt alij volunt, & oliuæ, semine verò coriandri. Arbor parua, flos ligustro minimus, candidus: quod indicauit Vergilius, cum cecinit:

Alba ligustra cadunt, vaccinia nigra leguntur.

In Bucolicis.

Muscosus, & odoratus est, fructu sambuci, sed potius lentisci per maturitatem nigro, vnde in hortis Columella: - *Et nigro permista ligustro.*

Qui racematim cohæret. Nasctur optimū in Iudææ Ascalone, & Ægypti Canopo, in ripis Nili. Tertium in Cypro insula, suauis odoris. Suos in Europa vsus habere, Plinius autor est. Huius autem folia & summa germina, flores quoque, in vsum veniunt. Mistas habent qualitates. Porro modicè calida sunt, cum aquea substantia. Habent etiam quid adstrictorium, ex terrena substantia. Frigida discutiunt: & sine molestia ac morfu desiccant. Oris vlcibus, quæ aphthæ dicuntur, medentur, ad hoc enim manduntur. Illita verò inflammationibus & carbunculis illinuntur. Decocto enim eorum ambusta fouent. Cum mica autem salis folia veteri vlceri & oris exulcerationibus profunt. Capillum rufant, adiecto struthi mali succo, vt Plinius, alij ex Dioscoride succo struthij malunt, id est, radiculæ herbæ, siue herbæ lanariæ. Madentia & inuncta discutiunt (vt ait Celsus) ea, quæ in aliqua corporis parte inhæret. Medicinis leni dicatis miscentur. Flos enim concisus, & ex aceto fronti illitus, sedat capitis dolores: succus verò neruis, & articulis prodest. Acini contra phthiriasim, item contra intertrigines, foliæve profunt. Gallinaceorum pituitas ijdem sanant. Fit ex eo oleum, quod cyprinum dicitur. Flos coquitur, premitturq; postea in oleo. Pretium ei, Plinij tempestate, in libras quinque. Excalfacit hoc, neruos emollit, quod mistum & quod feruenti natura prædita sunt, assumat. Vnguentum è ligustro Alexandro Magno misit Abdelonymus Sicyonius, vt scribit Pollux. Plutarchus putat florem coronis intexendum fore, ob eam causam, quod suauem placidumq; somnum potioribus conciliat: vt potè qui leuem ac mitem auram expiret. Qua verò temulentotum salebrose asperitudines sensim læuigentur, & demum accersita tranquillitate hebes crapulæ retundatur, atque caloris officio percoquantur.

De Cratægo.

CAP. VIII.



CRATÆGV M, quem alij crategonem vocauere, Theophrastus, Plinio autore, eam arborem intelligi voluit, quam Itali aquifolium appellant. Ex cuius tamen descriptione & Athenæi, alia est ab ea, quam superius sub aquifolij nomine descripsi. Arbor non equidem admodum magna, neq; crassa. Ligno robusto, versicolore. Cortex illi læuis. Radix singularis, in profundum acta. Folio mespili, cæterum promissiore, longiori q; , ac latiori, nec ad eundem modum serrato. Fructu vt plurimum rotundo, &, vt Athenæus ait, quali oleastro, qui cum maturefcit, flauus & subliuidus, gustu & succo mespili, quapropter Theoph. mespilus syluestris putatur.

De herba sabina.

CAP. IX.



HERBA sabina Græcis *βάρβυξ* dicitur. Sunt qui *βάρβυρον* καὶ *βάρβαρον* vocitent. Sabina dicta, quod in Sabina regione plurima adnascetur. Coactæ breuitatis arbor est, sese magis in latitudinem fundens, quam obrem à Romanis herba dicta. Duo eius genera Dioscorides, & post eum Plinius posuerunt. Alterum folijs cupressi, minùs aculeatis, & magis asperis, ac frequentioribus. Quare quidam cupressum Creticam dixerunt. Horridior spinis, acris, feruens ac graui odore est: altera tamaricis folio similis. Huius folijs nonnulli ad suffitus & odorem, vt ait Plinius prothure vtuntur: quod in Culice testatur Vergilius:

Herbæq; thuris opes prisca imitata Sabinis.

Calefacit, exsiccatq; in tertia classe, estq; ex eorum numero, quæ vel maximè tenuium partium sunt, habetq; vim extenuandi & digerendi pota. Putredinibus accommodatur, præsertim verò vbi rebelliores fuerint, & diuturniores sunt. Nam hæc vltimæ vim medicamenti citra noxam maximè ferunt. Vlcera inquinata & sordida cum melle exterit. Menses, si quid magis aliud, propter tenuitatis vim, educit, & sanguinem per vrinas epota elicit. Vtriusq; enim folia nomas compescunt. Collectiones illitu minuit. Cum melle verò nigrities, sordesq; cutis, repurgat. Carbunculorum crustas, cum vino imposita rumpit, & igni sacro illinitur. Cum melle enim & vino pota, regio morbo medetur. Partus emortuos tam appositu, quàm suffitu extrahit, & viuos interficit. In medicamentis autem duplicato pondere, eisdem effectus, quos cinnamomum habere traditur. Gallinacei generis pituitas eius fumo sanari tradunt. Alij præcipiunt in fimo, qui ex ea fiat, cubent. Vnguentis enim, quæ calefaciendo sunt, priuatim musteo, quod gleucinum vocant, miscetur. Quidam (vt Columella memoriæ mandauit) contra boum satietatem herbam sabinam cum mero diluunt, idq; potandum præbent. Ait Ægineta suauem corporis odorem facere, si manè parum degustauerit. Fit autem ex ea oleum. Desumunt autem sabinæ tenerrima cacumina, quæ diebus tribus contusa oleo infunduntur. Quarto verò die ad medias decoquitur. Post colatum

tum vsui referuatur. Vis eius est ad capitis diuturnos dolores etiam hemiraneos inunctum.

De alaterno, laburno, celsastro, & aria.

CAP. X.



ALTERNVS folia inter ilicem & oleam habet, nec fructum fert vllum. Laburnum, alpina arbor, nec vulgo nota. Dura ac candida materie. Nil autem aliud habui, quod de his depromerem, & hæc quidem solum ex Plinio. Celsastrus, sylvestris arbor, cacuminibus montium gelidissimis nascens. Fructum verò eius serò perficit, atq; statim hyemis superuentu perdit, vt multi existimauere. Huius Theophrastus, & aria, arboris sylvestris, in hyemis initio, fructificantis meminit.

De Iouis barba.

CAP. XI.



LOVIS barba, eam nonnulli arborem esse, quam Theophrastus diosporon, hoc est, Iouis sementem arbitrantur. Alij diospyron, id est, Iouis flammam vocitant. Cæteri Iouis triticum interpretari malunt. Arbor est in rotunditate spissa, folio argenteo, fructu ceraso persimili, nucleo intus duro, opere topiario tonsilis. Hæc pauca de ea prodita sunt.

De adrachne.

CAP. XII.



ADRACHNE, quam omnes Græci, inquit Plinio, sub portulacæ nomine interpretatur, cum illa sit herba, & adrachne vnus literæ diuersitate vocetur. Cæterum adrachne est arbor sylvestris, neq; in planis nascens, magnitudine minimè præcipua, folio, fructu vnedoni similibus, minori tamē folio. Cortice squamoso, nec scabro, sed qui circum gelatus videri possit: tam tristi aspectu est. Sic enim Plinius apud Theophrastum περιπληγνόμενον legit, alij verò περιπληγνόμενον hoc est, rumpentem se per ambitum. Illud autem cum subere peculiare habet, vt detracto in orbem cortice, non moriatur. In Helicone autem hanc frequentem esse Pausanias tradit.

De coggyria, & apharca.

CAP. XIII.



COGGYRIA apud Theophrastum, nelix nomen habet. Arbor vnedoni persimilis, tantum folio magnitudineq; minor, fructu tamen differens. Lanugine enim, vt pappus, constat, quod nulli alij arbori euenit, vt propterea hunc amittat. Similis ferè huic, quæ apharca dicitur. De qua nil aliud habeo, quàm quod de ea alibi à me dictum est.

De colutea.

CAP. XIII.



COLVTEA arbor, cuius meminit tantum ex antiquioribus Græcis autoribus, quod deprehenderim, Theophrastus. Lipare enim,

M m 3 quæ

quæ vna ex Æolijs insula est, à Liparo Rege, cui successit Æolus, sic dicta, peculiaris. Nec alibi Alexandri Magni temporibus nascebatur. Iam in Gallia plurima prouenit. Primum enim vno caudice assurgit, utpote quæ lateribus minimè frutificet. Ideoq; decurtata emoritur. Quadrima verò in ramos spargitur, prorsusq; arborefcit. Folium scæno-græco non ablimile. Folliculum, siue siliquam mauis appellare, perlucens fert, ac præ-tumidam, & turgentem, ac si spiritu quodam distenderetur. Quæ si digitis prematur, cum crepitu dissoluitur. Habet enim intus semen lentis magnitudine, durum, atrum. A Barbaris vocari sene, Actuarius autor est. Hoc mirum in modum oues saginat: quare opiliones pertinacius inhærentes, perticis decutiunt. Vento sæpe deturbatur: quod ij legunt. Sed contraria ouibus hominum natura est, quòd illo macrescant. Eiusdem arboris genera duo faciunt, vnum hortense, alterum quod sua natura, spontè nascatur. Surculorum autem, foliorum, & seminis tantum apud recentiores medicos frequens vsus, ut nullum sit ferè repurgans medicamentum, quod eius misturam non recipiat, propterea ab aliquibus sesandros dicitur, quòd scilicet hominem sospitet. Recentiores autem medici, calidum supra primum ordinem arbitrantur. Semen, ut Actuario placet, denarij pondere potum, bilem & pituitam deijcit, reliquosq; humores modestissimè purgat, retorridamq; atram bilem, earumq; suffusiones ex iure gallinaceo expellit. Comitialibus, scabiei, impetigini, vetusto capitis dolori succurrit. Ventriculum autem offendere dicitur, propter vim flatuosam, sed gingiberis modicum ad hanc euitandam noxam additur. Quod autem apud Occidentales nascitur, orientali infirmius. Quare illi maiore paulò vtuntur, ut magnitudine inæquales, è regionibus vires æquent, ne sua expectatione qui sumunt, & qui instituunt, frustrentur. Purgant efficacius siliquæ, quàm *φύλλαρια*, id est, folia. Arabes eius cum chamæmelo decocto, lotione cerebri neruos firman: sumpta enim quouis modo & visum, & auditum iuuare tradunt.

De arboribus anonymis.

CAP. XV.



V P R A hoc toto opere de arboribus quibus certa communis appellatio indita sit, dictum est, paucis exceptis, de quibus nonnullis in arboribus Indicis. Nunc verò ceteras prosequamur, quibus nulla adhuc nomenclatio imposita sit, neq; ab incolis regionum, in quibus agnascantur. Quod illis accidere potest, quòd raræ apud eos sint, vel etiam nullius frugis, & quasi abiectæ, & quarum item nullus in medicina vsus, estisve hominum. Quæ plures esse possunt. Sed eas tantum, quæ autorum monumentis nobis notæ sunt, referemus. Scribit Philostratus in vita Apollonij arborem in India esse, quæ byssum ferat. Altitudine populum æquare, & folio salicis esse. Byssus autem nobiles vestiri ait, quo in sacris plerique vtuntur: & in Ægyptum aduehi. Idem in ripis Hyphasidis (flumen Indiæ est) adnasci arbores ijs similes, quæ penes Istrum nascuntur, ex quibus vnguentum defluit, quo Indi in suis nuptijs perungantur, ut illorum nuptiæ

ptiæ incelebres, si illo inundati non fuerint, & Veneri ingratae. Addit quoque Veneri has dicatas esse. Eiusdem verò generis nemus ingens in ripis illius fluuij esse. Ibidem alia arbor lauro simillima, quæ siliquam ferat mali punici magnitudine. Hæc autem pomum continet colore cæruleum, ceu hyacinthi, gustu verò omnium suauissimum. Idem autor arbores tantum duas apud Gades esse, quæ Geryonæ dicantur, à Geryonis sepulcro, iuxta quod posita sunt: cuius figuræ nusquam alibi reperiuntur. Speciem pini cum picea mistam habent. Sanguinem distillare perhibentur, veluti Iliaca populus aurum. Et ut ad Indiam reuertamur, ut tantum eas, quæ antiquitus notæ fuerint dicamus. Peculiares enim multas præter cæteras provincias habet, apud quas similis figuræ non est videre. Strabone enim autore admirabiles producit arbores, ex quarum rami ad terram proni sunt. Folia eius clypei sunt. Alterius etiam speciei sunt, quæ pumiles sunt. Siliquas fabæ instar, duorum digitorum longitudine, ferunt, mellis plenas: quas qui ederint, non facile euadant. Apud Gedrosios (Asiæ populi sunt) arbor lauro persimilis, ex qua cum iumenta degustauerint, emoriuntur, spumam in morem comitialium euomentia. Hoc autem depræhensum est, cum Alexander ex India rediens, per hæc loca iter faceret. In maris autem rubri ora, arbores in profundo nascuntur, lauri & oliuæ imagine. In maris autem refluxu in totum visuntur, nec fluxu omnino teguntur. His autem vltior terra caret: nec alibi quàm in profundo nascuntur, quod demirandum est. Idem etiam autor è Possidonio apud Gades arborem nasci scribit, cuius rami usque humum decuruntur. Folia enim mucronis specie visuntur, quorum longitudo est cubiti vnius. Latitudo verò duorum digitorum. Circa Carthaginem arbor provenit, ex cuius cortice tela admodum pulchra conficiantur. Diodorus Siculus in Ægypto arborem se vidisse scribit, curuatura Gaditanæ similem, sed fronde dissimilem, atque infertilem, cum illa fructifera sit. Cui si ramus defringatur, lac effluit. Radice enim scissa minium emanat. Idem etiam atque è Possidonio in Gallia arborem fico persimilem, fructu corni: eam si incidas, succum lethalem effundere, ex quo ad veneficia sagittas inungunt. Ex ea autem pharetra fabricantur. Hæc autem habui, quæ de anonymis plantis dicerem, atque de his, quæ apud diuersos scriptores legerim. Neque ipse omnes meminisse scio, sicut nec illi. Quis enim ille erit, qui tot orbis regiones, tot plagas, tot anfractus, tot maris insulas scrutari potuerit, & lustrauerit, & omnia, quæ in eis proueniunt, contemplari. Hoc autem supra humanum robur. Hoc mortalium vitam prægreditur. Illud hominum ingenium & memoriam excedit. Hæc igitur hominis ignorantia. Neque enim omnes, quæ apud autores sunt, ego memorasse sat scio. Satis etenim mihi fuit, has omnes non præterisse, ne nimis erga rem arborariam, quam toto nixu amplexus sum, negligens fuisse merito coarguar.



M V S C V S, teste Diomede, & ante eum Fl. Sospatro Charisio, à quo ad verbum transcriptum, herba est, quæ in parietibus, vel in arborum corticibus inhæret. Bryon dicitur, à nonnullis verò splachnos. & hypnos, vt Aëtio. Alibi tamen hygni meminit, quæ canalicula est parua, ex arbore damascena, & rhodacinea exorta. Qui verò in populo alba, quercu, & picea inuenitur, vel maximè expetitur. Hoc etiam nomine sunt & cani arborum villi, quales in quercu præcipuè conspiciuntur, non è cortice modò, verum etiam è ramis dependentes, cubitali longitudine, odore præstantes. Primas bonitatis partes, qui è cedro legitur, secundas ex alba populo. In quorum generibus laudatur, qui odoratior, aut candidior sit, & qui altius colligitur. Contrà verò nigrescens improbat, dein rutilus. Est & regionum propria dos. Probatum enim Cyrenaicæ prouinciæ, post Cypri. Tertio loco Phoeniciæ. Fertur & in Ægypto nasci. In Gallia verò Plinius non addubitauit. Vim autem adstringentem habet, verum inualidam. Nam plurimæ frigiditatis minimè particeps, vt propè temperatæ sit naturæ: vnde etiam discutiendi & emolliendi facultatem habeat, potissimum verò qui in cedro reperitur. Decoctum autem eius insidentium vuluis vtile. Miscetur balanino vnguento, oleis quoque, ob vim eius, quam spissandi habet. Acoporum, thymiamatumq; compositionibus conueniens est. Sistere sanguinem neoterici arbitrantur: & id ab vrsis didicisse, qui cum primum vulnerati fuerint, eo sanguinem sistunt.

De arborum carie.

CAP. XVII.



A R B O R V M cariem Græci *Γενέοντα* vocant. Lignis enim veteribus, & arborum caudicibus, farinæ modo colligitur. Græci poëtæ embion etiam vocant. Quæ verò modicè & adstringit, & abstergit, qualis vlmi est. Insuper, vlcera humida expurgat, & efficacissimè implet. Compescit item & serpentina, si cum pari aniso & vino subacta fuerit, & linteis imposita illinatur.

Præfatio libri trigesimi.

POST arbores, superest uti de fruticibus dicamus, quæ res satis difficilis propter materia incertitudinem atque propter scriptorum variam historiam & dissentientes eorum inuicem opiniones. Qui sæpenumero herbas inter frutices, frutices inter arbores connumerant, ut sæpè alij fruticem, alij herbam, & arborem cateri, sub vna eademq; voce descriperint, ut si omnes plantas, quæ sub fruticum appellatione apud autores memorantur, recensere velim, quin maximam & ampliorem herbarum partem comprehensurus fuerim, minimè ambigendum. Hoc autem à regionum lociq; varia natura atq; plantarum contingit. Regionum (inquit Plinius) ubertas aliquos frutices fecit, quæ alibi herbae sint, ut quæ soli fertilitate, vel sterilitate, vel solis vi & aëris clementia aut asperitate quadam alibi herbae, multis locis frutices, ut propterea plantas omnes, quæ ab omnibus sub fruticum nomine denotantur, descripturus sim minimè: verum tantum quos fide oculata atq; cognitione verè frutices sciuerim, atq; etiam hos de quibus nulla apud autores discrepantia. Etenim non sum nescius Pedacium Dioscoridem maximam herbarum partem, sub fruticum nomenclatura posuisse, forsitan quod hæc apud Ægyptum, ubi sua exarauit, loci benignitate frutices sint. Vixit enim cum Cleopatra Antonij tempore, & sua opera Ario summo Alexandria philosopho dedicauit. Malui enim cum his tutius agere, quàm incerta autorum assertione & falsa aut vana depromere, & nonnullorum autoritati temerè inhærere.



H O R T O R V M L I B E R

T R I G E S I M V S.



De fruticum quadam generali appellatione, & de virgulto, & viburno, & nonnullis alijs. CAPVT I.



VNT tam apud Græcos, quàm Latinos, quædam vocabula, quæ generali illorum appellatione frutices denotent. Vt autem primum fruticetum commemorem, est locus fruticibus repletus, quo etiam vocabulo Horatius in Odis vsus est: - Et

(Eler alto latitantem fruticeto excipere aprum.

Lib. 3. Ode 12.

Virgultum enim Græcis *ῥωπες* & *ῥωπον* etiam Fasciculum seu sarcinam è diuersis colligatam dicunt, ac si frutices multos colligatos dicere velint. Vnde adagium, *ῥωπικὸν ὄριον*. id est, Summaria indicatura. De rebus vilibus maximo emptis dicitur. Virgultum à viridi deriuatum M. Varro vult, vel à vi quadam humoris, quæ si exaruit, moritur. Alij virgultum multitudinem virgarum pullulantium vocauere. Eadem verò significatione apud Græcos *thamnos* est. Qua voce L. Columella in suo horto vsus est:

Lubrica iam lapathos, iam thamni spontè virescunt.

Superius autem de hortorum minutulis egit. Nunc verò de omnibus in altitudinem excrecentibus. In priapeis etiam, quisquis eorū fuerit autor:

Frondenti thamno vix potuisset regi.

Homerus autem arbustum vtrunque foliatum, sub quo nudus delituit Vlysses, & sub quo à Nausicaa Alcinoi filia repertus, ita vocat. Viburnum Seruius Maurus virgultum breuissimum esse dicit. Alij verò fruticis genus esse voluerunt. De quo in Bucolicis sic Vergilius:

In Bucolicis.

Quantum lenta solent inter viburna cupressi.

Festo autem Pompeio Vespices, fruteta densa dicta sunt, à vestis similitudine, & farsenum virgulti genus. Tesqua Acroni loca deserta Sabi norum lingua sentibus repleta.

De cinnamomo.

CAP. II.



E fruticibus autem, qui peregrinari minimè voluerint, quemadmodum in arboribus fecimus, par est, vt prius dicamus, & à cinnamomo incipiemus, quod etiam & cinnamum dicitur. Gignitur verò in planis, & in situ atque inter vepres, & rubos densissi

densissimos. Ideò collectu difficilis. Siccitate enim delectatur, imbre verò sterilefcit. Frutex statim à terra sex digitis furculosus. Ramis humilibus, & reperiussis, aridoq; similibus. Folio origani. Duorum verò cubitorum altitudine amplissimus est, palmiq; minimus. Quatuor enim digitorum crassitudinis, Theophrastus verò magnitudine amerinæ scribit. Cùm autem viret, inodoratum est. Qui verò ad Indos profecti sunt, arborem dicunt lauro simillimam, acinis tantum minoribus, & albicantibus. Arboris libro tantum vtuntur, quem è ramis, illaso caudice in triennium delibrant. Non statim, sed post mensem ab incisione. Alij autem in Molucis insulis & in Zeila apud Indos nasci aiunt, furculosa arbore, aliquando sterili, huic quæ apud nos malum punicum fert, persimili. Huius autem cortex ad Solis ardores dehiscens, auellitur, & paulatim ad solem torretur. Dioscorides autè plura eius genera posuit. Aëtius septem annumerauit, quæ à locis, in quibus gignantur, cognomina sumpserunt. Optimum verò Mosylicum, à Mosylo oppido sic dictum, quod casia nonnullam referat effigiem. Est etiamnum montanum, crassum quidem, pumile, admodum syluescens. Tertium Mosylico simile, nigrum, fruticosum, paucis intercidentibus geniculis, perquam suauiter olens. Quartum candidum, fungosum, aspectu tuberosum, vile, ac friabile, radicem habens magnam, quæ planè casiam repræsentet. Numeratur & quintum genus, densa radice firmum, gustu amarum, naresq; odore tentans. Quod vitandum est, minus ramosum, cortice casia. Est & aliud genus, cui pseudocinnami cognomen indidere. Galenus, & eius simia cinnamonidem vocant. Xylocinnamum hoc antiqui appellarunt: quod si ad vocis etymum referamus, nil aliud erit, quàm cinnami lignum. Fert hoc sarmenta oblonga, & robusta, odore cæteris longè inferiora, nullius honoris atq; pretij. Siquidem ignauo odore, ac virtute inefficaci est. zingiber etiam vocant. Xylocinnamomum à cinnamo differre, sunt qui dicant, quòd eius natura aliud quid diuersum sit. Plinius verò duo cinnami genera posuit, candidum videlicet, & nigricans, quod nunc laudatur. Quondam enim candidum præferebatur, atque etiam varium candido præferunt. Philostratus in vita Apollonij, in hac parte Caucasi montis, quæ in mare rubrum porrigitur, nasci cinnamomum scribit, quod nouis sarmentis assimilatur. Cuius bonitatis experimentum è capra suscipiunt. Si quis enim cinnamum porrexerit, tanquam catulus admurmurat, hominemq; relicto ouili sequitur. Quod si propius ad nares admoueris, non secus adclamat, quàm si pabulo vi abstraxeris. Messum eius in quinas partes (inquiente Theophrasto) discernunt. Quod autem germinibus proximum, palmi vel paulò suprà longitudine concidunt. Alterum verò, quod sequitur, & deinde tertium, quartum, quintumve eodem ordine notatur, vt dein vilius sit, quod radicibus magis propinquum est, atque quod in crassitudinem non extuberatur, quoniam in cortice summa gratia est. Quamobrem præferuntur & cacumina, quod corticis plurimum habeant. Quod autem gracilius prouenit, eximium magis est. Præcipua bonitas virgultorum tenuissimis partibus, ad palmi longitudinem.

Cinnami autem iudicium, ex odoris sui sola proprietate fit. Eligi enim debet rugosum, scabrum, leue, lignosum. Probatur itidem, quod acre, mordensq; sit, & cum calfactione quadamtenus falsum, quodq; in attritu tardè friatur, & fractum puluerulentum est. Si certior fieri voles, ab radice surculum vellito. Facilis nanq; est huiusmodi probatio. Fragmenta quædam adiectitia sunt. Inuenitur in probatissimo, quod seorsum nascitur, rutæ odor, & cardamomo simile. In Mosyli verò genere, deligito nigrum, ex viroso recens, in cinerem vergens, tenuibus cum leuore virgultis, ac nodis frequentibus cinctum, perquam iucundè olens. In cunctis autem his, quæ casia, amomi, thurisve odorem spirat, minus suauitatis est. In primis enim damnatur molle, aut cui albet cortex. Quod verò potentius spirat, nares suo halitu cum consulentur, olfactu opplens, deterioris dignotionem impedit. Quo autem diutius duret, in vino teritur, & excipitur, exceptum in umbra siccatur, & reconditur. Radicem autem vt inutilem reijcito. Lignum ipsum in fastidio est, propter origani acrimoniam. Pretia autem quondam, scribente Plinio, fuere in libras denariorum mille: auctum postea, id est parte dimidia, incensis, vt ferunt, Barbarorum ira syluis. Id accideritne ob præpotentium iniquitatem, an forte, non satis constat: Austros enim ibi tam ardentè flare, vt æstati-bus syluas accendant, apud autores inuenimus. Xylocinnamomi pretium in libras viginti.

De vi, ac natura cinnamomi.

CAP. III.



CINNAMOMVM tertio exalfacit, simulq; exsiccat, ordine. Vis eius summè tenuis est, non tamen ita calida. Nihil enim est, quod æquè desiccet, ex pari calefaciendi facultate: At quod minùs præstans est, secundum tantum attingit. Stomachum purgat. Crassos enim ac lentos humores dissecat, & abstergit, discutitq; ea, quæ in aliqua corporis parte inhæserint, vt prodit Celsus, & vim aperiendi habet. Cibos concoquit, pituitam extenuat, & ad tussis humiditate conceptas facit. Vrinam ciet, purgat etiam quæ oculorum claritati officiunt. Contra verò bestias, quæ vel ictu, vel morsu, venenum iaculantur, succurrit. Renes refrigerat: propterea qui humida & frigida sunt temperatura, hoc cibis domesticis miscent: vesicam tamen offendit. Aquis autem subeuntibus efficax. Vulnere aperit, tanquam os in corpore, vt Celsus ait, vitilignes tollit, si cum melle perungantur. In summa magni ad omnia vsus. Ex eo vinum, autore Plinio, fit, & vnguentum, quod cinnamominum dicitur, quàm odoratissimum quamq; pretiosissimum. Quod facilè ex his, quæ cum eo spissantur, intelligere est: vt eius etiam olim prodigiosa pretia fuerint à denarijs xxxv. ad cccx. Huius autem ex Dioscoride confectio talis est: E balanino oleo xylobalsami, iunci odorati spissamentis, cinnamomi & balsami seminibus, quadruplaq; myrrhæ ad cinnamomum portione constat. Additur mel ad hæc cogenda omnia. Probatur autem acre, molle, odore planè myrrham redolens, odoratum, crassum, gustuq; peramarum. Quod autem

autem huiusmodi erit, ex myrrha corpus & crassitudinē habebit. Quod verò ex resina fit; non erit amarum, nec ullam odoris gratiam habebit. Vim acerrimam habet, excalfacientem. Itaq; venarum ora aperit, discutit, eijcit. Humores & spiritus extrahit. Efficacissimum contra fistulas, & putrescentia vulnera. Aduersus serpentium morsus illinitur. Caput tamen aggrauat.

De casia.

CAP. IIII.



CASIAM iuxta odoriferam Arabiam gigni Dioscorides autor est. Herodotus verò circa paludes legi propugnante vnguibus diro vespertilionum genere, aligerisq; serpentibus. Plinius autem in Æthiopia circa cinnami campos, sed in montibus. Serebatur olim, vt hic ait, & in nostro orbe, in extremo etiam Imperij margine, qua Rhenus alluebat, viuebatq; in apum aluearijs sata. Verum color ille sole torridus aberat. Fruticis autem amplitudo trium cubitorum. Theophrasto verò amerinæ similis, crassiore sarmento, tenui cute, verius quàm cortice, quem contra atq; in cinnamomo labore & exinaniri pretium est. Radix atē descendit, grandis quidem, & furculosa, & ab ipsa tellure protinus, paulò furculo lento. Color triplex, qui pro arbusculæ incremento euariat. Cum enim primum emicat, candidus, pedali mensura. Deinde rubescit, addito semipede, vltro nigricans. Hæc autem pars maximè laudatur: dein, proxima; Candida verò damnatur. Solus cortex commendatur, cuius solum gratia furculos conserunt, longitudine binum cubitorum. Mox præsuunt recentibus quadrupedum corijs, ob id interemptarum, vt putrescentibus ijs, subnascentes vermiculi lignum erodant, & corticem excauent: qui nullo modo decorticari possit, tutum quidem amaritudine, & odoris acrimonia. Rubescit autem casia, corallio lapidi persimilis. Perangusta, longa, ac crassa, fistulis plena, vt ait Theophrastus, vel, vt Dioscorides, foramine perangusto, in gustu mordens, & pungens etiam, aliquanto feruore adstringens est, aromatum modo odorata vini odorem referens, & rosam spirans. Probatur quæ eiusmodi fuerit, & quæ odoris molliissimi, quæ item gustu etiam feruens, quam lento tempore leniter mordens. Theophrastus duo genera posuit. Totidem Galenus & Plinius, diuersis tamen appellationibus discreuerunt. Ille in candidum & nigrum. Candido enim folium oblongum, oleæ persimile. Nigro carnosius, piperi magis, quàm tamarici, simile: cute enim scabrum, & tenui fistula, hircinum virus redolens. Candidum etiam humi sese magis spargit odoratiusq; est, cum nigrum odore careat. Galeno verò primum zigeros dicitur, alterum metodes. Plinius autem primum lectam barbaro nomine vocari ait. Breui tunicarum fistula non fragili. Aliud balsamodes, à simili odore dicitur: sed amarum, ideoq; vtilius medicis, sicuti vnguentis nigrum. Sunt autem qui dicant primum à Dioscoride dahnitis vocari, quod Galeno zigeros est, Dioscoridi zigit. Aëtio ozem. Plinius autem his mangones aliud addidisse scribit, quod dahnoidem vocitent ifocin-

namon cognominatam. Sunt apud alios alia genera, vt Mosylicus rubus à promontorio & emporio Æthiopiæ Mosylo, vnde affertur. Reliqua, de quibus Dioscorides, vilia sunt, vt quod aphysemon vocatur. Nigrum hoc, & ingrato sapore, cortice tenui ac rimoso, quale est, quod citton & dacar barbaris nominibus dicuntur. Est & pseudocasia, cum reliquis similior quàm explicari possit, aphaos dicta. Gustu enim acri nec odore depræhenditur. Inhærentem enim medullæ corticem habet. Inuenitur etiam lata quædam fistula, leuis, mollis pinguior, ab alia distans, & eam bonitate superans. In omnibus, autem recens probatur, maximè quæ sit odoris mollissimi, gustu quàm maximè feruens. Pretia optimæ in libras XL. Cæteris XV. Daphnoidis verò pretium faciunt CCC. vt inquit Plinius. Adulteratur styrace, & propter similitudinem corticum lauri tenuissimis furculis.

Casia vires.

CAP. V.



UT vt postremum ad eius vim & naturam deueniamus, calescit, & exsiccatur, tertio quodammodo ordine: sed & tenuium admodum partium est: gustu verò plurimum acrimoniæ habet, & nonnihil adstringentis. Quamobrem omnia incidit, simul atq; discutit, quæ in aliqua corporis parte inhæserint. Incrementa robur subinde instrumentis addit. Vrinam cit, & mensibus ob copiam & crassitiem excrementorum retardatis auxilio est. Oculorum medicamentis, ad visus claritatem accommodata. Lentigines cum melle illita tollit. Viperarum verò morsibus pota auxiliatur. Aduersus enim omnes intestinas inflationes, & renum vitia vtiliter bibitur. Decocto eius fouentur, & suffiuntur insidentes ad dilatationem vuluæ. In summa eosdem ferè effectus, quos cinnamomum, habet, vt duplex eius pondus in medicamentis huius vicem suppleat. Si quis mane paululum casia degustauerit, suauem facit odorem. Si casiam ex oleo infuderis, & teipsum inunxeris, minimè à muscis infestaberis.

De casia syringe.

CAP. VI.



ASIA syrinx, vel syringodes, id est, fistularis, & cathartica dicta, & Ægyptia siliqua, à nonnullis calamus, hoc est, arundo, vel potius Indica canna, priscis Græcis incognita. Multi tamen eam arbitrantur, quæ antiquis medicis lignea casia diceretur. Arabibus autem per maximè familiaris. Nascitur partim in India, partim verò in Ægypto, vt in Alexandriae hortis nasci negotiatores asseuerent. Iam & Asiæ communis facta. Seritur etiam nunc & in orbe nostro, verum incassum, nec prosperè. Minimè enim ad frugem peruenit, frigoribus celeriter opprimentibus. Arborem prægrandem referunt, iuglandis folio, siliquas, vel, si mauis dicere, fistulas, ferentem, prælongas, lignosas, ac teretes, vtrinque fastigiatas, colore rubro, & quasi ex sole igneue torridas, ferè cubitales. Intra quas lignosi per interualla orbiculi, & inter orbiculos cōcreta semina, carne nigra inuoluta, gustu

gustu prædulci, non planè medicato. Seligere oportet collucentem, ponderosam, perplenam: quam si concusseris, inclusa intus grana non obstrepant. Atram verò illam medullam filiquis detrahunt, & membranulas, à loculamentis eruant, & in offas seu bolos coquunt, qua alui deiectionem moliantur. Ad quam rem tam multus tamq; quotidianus eius usus, uti sine ea vix possit nostrorum recentium medicorum vlla medicina consistere. Tam benignum & innoxium est hoc medicamentum, ut omni etiam ætati, pueris, ac prægnantibus propinari, quibus potentius aliud medicamen desumi abnegatum, necessitate quadam virgente: uti etiam nullius temporis ratio habita sit, quin ab epularum initio, aut paulò post deuorari possit. Primo autem abcessu & calida & humida est. Pituitam per aluum extrahit, & flauam bilem, quæ in atram degeneret. Thoracis, & pulmonis, & asperæ arteriæ phlegmonas resoluit. Laterum doloribus auxilio est. Sitim sedat, sanguinem puriorem reddit, & eius acrimoniam frangit. His enim prodest, qui per naturam pallore decolorantur. Incandescentem verò, torridamq; bilem, aluo citra molestiam exigere, sufficienti modo datam Actuarius scribit. Recentiores verò medici maiorem semini, quàm pulpæ internæ, vim assignarunt. Arborem casæ syringis, non fruticem, itaque etiam nostræ iuglandis magnitudine ex illorum monumentis, qui eam viderunt & deliniarunt scio, verum ambas casias simul iungere me oportuit.

De amomo.

CAP. VII.



AMOMUM pluribus nasci locis, apud autores est: uti in Armenia, ut in literas mandauit Dioscorides, quod ipse comprobauit, colore ad aurum inclinante, & ligno odoratissimo. At Plinius in illius parte nasci scribit, quæ vocetur Otene. Prouenit & in Media, in campestribus & aquosis, quare infirmius, licet procerius, pallescens, molli tactu. In Ponto etiam, sed illud paruum, fragile, rugosum, racemosum, fructu turgens, & odore nares tentans. Paulus verò Orosius inter Hircanos & Bactrianos, in monte Memarmalo dicto gigni scribit. In Assyria verò Vergilius & Lucanus. Ille in Bucolicis:

- *Assyrium vulgo nascetur amomum.*

Hic in decimo:

Auctumq; recens vicina mercis amomum.

Vt in Assyria intelligeret, quæ non procul ab Ægypto, ut per Mediam, Assyriam demonstraret, loci vicinitate. Frutex verò exiguus, myrtuosus, palmi altitudine, ex ligno in vux modum sese conuoluens: uti Galeno, & Actuario amomi vua id dicatur, quod racematim veluti in vua cohæreat. Flos eius ceu candidæ violæ, origani odore. Plinius laudat, quod mali punici folijs est, minimè rugosis, & colore rufo. Secunda bonitas pallido, peius herbaceum, pessimum verò candidum, quod & vetustate euenit. Quidam è vite Indica, quæ sit labrusca, nasci, folio vitis albæ, quam bryoniam vocant. Recentium plures sunt, qui amomum rosam esse, quam nos hierichontidem, siue hierosolymitanam vocamus, arbitrentur,

trentur, quam peregrini è Hierosolymis adferunt. Multi rosam sanctæ Mariæ appellant. De qua multa superstitiosè creduntur, vti in natali Christiano aqua aspersa, aperiatur. Eorum tamen opinioni medici plures refragantur. Deligitur autem Dioscoridis sententia, quod candidum; quodq; recens sit, subrufum, ponderosum, acre, gustu mordicans, odoratum, modò cariem non contraxerit. Colore simplici, non variante, semine plenum, parvis vuis simile. Herba autem, quæ amomo similis, ideo amomis dicta, adulteratur. Quæ etiam in Armenia nascitur. Flore origani, sine fructu, sine odore, & etiam, vt Plinius ait, punicis folijs, & vt gummi liquido cohereat, conuoluatq; se in vix modum. Pretium vix Plinio in libras x. lxx. friato verò XLVIII. Cum radice verò carpitur, & manipulatim leniter componitur, protinus fragile.

De amomi viribus.

CAP. VIII.



TERTIO ordine calefacit, validè exsiccatur, adstringentis verò non nihil habet, tenuiumq; partium est, etiam vt induratas affectiones persanare possit. Acero viribus respondet, vt prodit Aërius, verum illud siccius, hoc expeditius maturat. Fronti illitum somnum allicit, & eo dolores leuat. Ex ocymo contra serpentium ictus, vtiliter illinitur. Podagris confert, leniens dolores oculorum & viscerum inflammationes, ex vix passa lenit. Vlcera autem, quæ Græci meliceridas vocant, discutit, & inflammationes. Ad vuluarum verò vitia, in pefsis, aut in fessioibus, perutile. Eius enim decoctum iocinerosis, renibus, podagris, bibitur. Antidotis, & pretiosissimis vnguentis miscetur. Hoc autem vnum postremò prænotandum erit, amomum, quod nunc seplasiarum officinæ ostentant, nec odoris argumento, nec alia ratione, illud esse, quod hîc scribitur.

De ferula.

CAP. IX.



FERULA antiquitus Imperij nota fuit, & pædagogorū insigne, quod illa manus puerorum percuterentur. Ad quod alludit Iuuenalis, cum scribit:

Et nos ergo manum ferula subduximus. Et Martialis ait,
Ferula minaces, sceptrâ pædagogorum.

Columella etiam ferulas minaces dicit. Et Hippocrates eam plestiga vocauit: vt ea dici videatur, non tam à feruendo, quàm feriendo. Leuis enim eius ex arboris natura ictus est, magisq; ex seueritate, quàm habere hi debent, qui cæteris præsumunt, & eorum dignitate, quàm fustium atrocitate & verborum asperitate formidabiles. Nedum illi ad ingenij cultum, & ad bonos deniq; mores dantur, ad iniuriam præbeantur. Ad regum enim instar, quibus sceptrâ conceduntur, non legibus asperiores, sed pœna mitiores sint. Trans maria nasci ferulam Plinius scribit, atq; in Ægypto. In Africa quoq; vt Solinus ait, & apud Norion vnam ex insulis fortunatis. Græcè *νέρβηξ* dicitur. Vno caule assurgit. In Ægypto verò cubitorum sæpe ternum altitudine. In cacumine verò finditur, & in stipites

pites quosdam dispergitur. A nonnullis scemina existimatur. His enim flos, semenq; inhaeret. Laterales tamen caules nec flore, nec fructu, carent. Radice singulari ac profunda. Genicularis haec est, & scapis nodata. Folium sceniculi, grande & asperius. Quod autem terrae proximum, molle, maiusculumq; est, & subinde ad proximas partes, secundum interualla angustius, multifidum, vt capillamenti modo inspicitur, caulem vt arundines amplectens, sed magis magnitudinis & mollitiei ratione deflexum, E geniculis, & calyculi quidam, non vt ex eadem geniculorum parte, sed alternatim erumpat. Flos luteus, semen obscurum, anetho simile, sed paulo maius, & eiusdem naturae. Duo eius genera Plinius posuit. Primum, quod in altitudinem prouehitur. Graeci narthecam appellant. Alterum autem semper humile, narthecium per diminutionem vocant. Nonnullis ferulago dicitur. In Macedonia aliud ferulae genus nascitur quinque cubitorum altitudine, folijs primo quaternis, mox senis, & in terram iacentibus, & apta magnitudine rotundis, in cacumine vero oleaginis. Semine in muscarijs, vt ferulae, dependente. Plinius vnum genus ferulae thasiam esse describit, decipi q; eos, qui ferulae semen thasiam vocent. Dioscorides tamen thasiam a ferula seiungit, nec inter ferularum genera annumerat. Nulli fruticum maior leuitas, & cum ligni leuitate durities, & rigor firmior. Et id gestata senectuti, & a longa valetudine se recolligentibus, facilius baculorum vsum praebet. Lignum omne corticis loco forinsecus. Loco vero ligni, fungosam intus, vt sambucus medullam habet. Quare Clearchus inter luforias quaestiones, quas scirpos vocamus, Graeci gryphos & aenigmata, Ferulam lignum esse, & non lignum, dicebat. Iratam hyemem ferulae negligunt.

Ferula natura, & vis medica.

CAP. X.



FERULAM, eius usus commendauit. Caules enim decocti eduntur, faciunt tamen capitis dolores. Condita etiam in obsonijs, & in fine mensae deuoratur. Ferularum natura murænis infestissima. Siquidem ea contactæ moriuntur. Salpa, vt autor est Plinius, ab aliquibus obscænus piscis dicitur, quod percoqui, nisi ferula verberatus fuerit, nequeat. Huius enim succus, per messes, inciso caule, & in Autumno radice, excipitur. Laudatur candidior, etiam potui accommodatus. Dein pallidior, quem ex candidis ferulis Solinus extrahi dixit. E nigris vero amarissimum, atq; improbatum. Pretium optimi, Plinij tempestas, in libras bini asses. Semen calefacit, & extenuat. Id vero quod intus est, medullam vocant, adstrictio- nis particeps. Ideo sanguinem, excreantibus, & celiacis commanducata conuenit. Ad sanguinem etiam sistendum decem feminis grana vino trita. Dioscorides vero naribus inditam ferulam, liniamenti modo ab his erumpentem sanguinem sistere dixit. Medullam autem bibere contra deuoratum ephemerum prodest. Aduersus viperarum morsum in vino datur. Plinius enim & pondus & mensuram adiicit, vt denarij pondere, in vini cyathis duobus desumatur. Eadem forma de radice ad tormina

OO expressit.

expressit. Succus enim fabæ magnitudine deuoratus aluum sistit. Ad omnia utilis, ad quæ medulla. Sunt qui comitialibus dandum luna quarta, sexta, septimave, ligulæ mensura putent. Castor radicis succum claritati oculorum plurimum conferre affirmavit.

Promethei fabula.

CAP. XI.



GNEM ferula adseruari certum est, etiam si poetarum fabulis fides adhibenda sit. Fingunt enim illi, Prometheum in cœlos à Minerua sublatum, & ferulam rotis Phœbi ad-mouisse, & accensam in terram deportasse: Iuuenalis:

Hinc gaudere libet, quòd non violauerit ignem,

Quem summa cœli raptum de parte Prometheus

Donauit terris.

Aliter alij, vt Higinus. Quum enim antiqui in magna ceremonia dijs immortalibus sacrificarent, & in carniū idolo-thytarum distributione, quam Græci *κρεογονία* appellare soliti sunt, totas hostias igne consumere solebant, Prometheus tamen à Ioue im-pe-trauit, vt hostiæ partem in ignem sibi conijcere liceret, reliquam verò partem ad vsum consuetum seruauit. Ille duos tauros immolat, quorum iecinora aræ imposuit: reliquum verò carnis in locum vnum componit, & bubulo corio tegit: ossa autem omnia pelle contexta, in medio acer-uo. Ioui q; potestatem facit, vt quam velit, sibi ipsi selgat. Iupiter verò vtrunq; acervum taurinis carnibus constare existimans, fortè ossium tu-mulum sibi elegit, vnde prouerbium, Promethei portio. Quod cùm re-scisset Iupiter, iratus, mortalibus ignem eripuit, vt carniū vsu carerent, cùm coqui minimè absq; igne possent. Prometheus solus ad Iouis ignem venit, & eius aliquam partem in ferulam coniecit. Quare Iupiter pro-pter imposturam, tum etiam quòd homines ille luto finxerit, & subfura-tum ignem, Prometheum in Caucaſo monte catena ferrea vinxit, vbi eius hepar ab aquila corroditur, & quod diu exeditur, noctu iterum re-nascitur, vt perpetua pœna crucietur. Veritatis autem fides hæc est, vt Prometheus primùm ignem ex silice prouocarit, & in ferula adseruari docuerit, scribente Plinio.

De lycio.

CAP. XII.



YCII meminerunt apud antiquos Dioscorides, & Pli-nius, & multi post eos. Sic dictum, quòd ex Lycia adue-heretur. Et si in Cappadocia etiam, atq; India, & plerisque alijs locis nascatur. Aliqui pyxantham, id est, buxeam spinam vocant, & in Græcia pyxanthum chironium. Succus verò ex eo expressus eandem appellationem sortitur. Dioscoridi arbor spinosa, virgis tricubitalibus, & aliquanto maioribus. Folijs modo buxi, densis, à quibus pyxanthos. Fructum fert, colore nigrum, piperis figura, amarum, & laeuore densum. Cortex pallidus, lycio madefacto non dissimilis. Radix numerosa, oblonga, lignosa. Aspera loca amat. Colligi-tur ex ea succus, tusis cum radicibus ramis, ante per aliquot dies mace-ratis,

ratis, ligno exempto. Qui superest liquor, denuò ad mellis crassitudinem decoquitur. Ex femine etiam simili modo exprimitur, & insolatur. Optimum, quod igne accenditur, & quod restinctum rubentes spumas ostendit. Glebis extrinsecus nigris, & cum frangitur, intus rufis, ingustabile, & cum amaritudine adstringens. Colore crocino, quale Indicum, cæteris præstantius. Adulteratur amurca, vel thure, decoctioni adiectis, vel absinthij succo, vel asphodeli radice, aut felle bubulo, item spina in Pelio monte nata. Indi camelorum, aut rhinocerotum, vtribus condunt.

Lycij vires.

CAP. XIII.



ABET autem lycium exsiccandi vires, ex diuersi generis substantijs compositas, quas Græci ἐτερογενείς vocant. Altera quidem tenuium partium est, ad discutiendum parata, & calida in secundo abscessu. Altera ex terrestri est, atq; frigida, quare moderatam adstrictionem obtinet. Idoneum ad varias ægritudines medicamentum. Adstringit, quare cœliacis, dysentericis, & potum, inditumve, & mulierum profluuium appositum prodest. In aqua verò sanguinem expuentibus & tussientibus datur. Abstergit, propterea tenebrosas oculorum caligines discutit. Eo ad sugillata vtuntur. Ad inflammationes, oris, sedisq; vlcera, ad serpignes, ad putrida & malefica vlcera, ac purulentas aures. Intertriginibus enim ac paronychij illitum vtile. Palpebrarum autem scabiem, pruriginis, & veteres fluxiones sanat. Ad tonsillas verò, labiorum fissuras, & exulceratas gingiuas, facit. Contra rabidi canis morsum prodest: fabæ magnitudine, aut ex melle potum, aut deuoratum, catapotij vice. Innatus verò spuma, inter coquendum exempta, oculorum medicinæ adseruatur. Flauescit inunctus eo capillus. Eius gummi ad cuncta efficacius,

De aspalatho.

CAP. XIII.



SPALATHVM alij eryisceptron, à iugulando verò phaganon, quod Græci σφαγῆλον dicunt, vel splaganon, quæ vox gladium significat, quod frutex hic, suis aculeis, & gladio iugulet. Propterea Theocriti pastor admonebat, ne discalceatus per montem deambulare, qui rhamnis, & aspalatho frondesceret. Syri diaxylon, quod non secus atq; arbores, medulla intus solidiore materia sit. Plinio etiam sceptrum, adiphatheon, siue diphacon. Nascitur ad Istrum Crætæ ciuitatem. In Nyfico ex Cycladibus vna insula. In Syria, Ægypto, Rhodo, Cypro, tractuq; eiusdem, & alijs quamplurimis locis, verum non ita odoratus. Frutex ibi magnitudine parvæ arboris. Plinius autem in Oriente amplitudine iustæ arboris esse scribit. Candidus, flore rosæ, spinis multis aculeatis, quibus horret. Probatur grauis, & qui detracto cortice rubescat. Colore ad purpuram nigricante, qui odoratus itidem sit, atq; densus. Ideo aquis demersus statim lidit, nec vnquam emergit. Qui idem gustu amarus sit. Est autem alterum genus candidum, lignosum, ac sine odore, quod deterius habetur. Spissandis vnguentis vtuntur vnguentarij.



X varijs facultatibus, scilicet acribus & acerbis constat. Illis verò cum adstrictione calefacit, his refrigerat: cum am-
 babus verò simul exsiccat. Ideò ad putredines & fluxio-
 nes utilis. Et decocto eius ex vino putrescentes gingivæ
 congruè colluuntur. Ad nomas etiam genitalium, & vlce-
 ra sordida infunditur, & narium ozenas. Iniectum pessulis, partum ex-
 trahit. Eius autem decoctum, potum aluum, & sanguinis excreationes
 sistit. Vrinæ etiam inflationes & difficultates soluit. Radix vnguentis ex-
 petitur. Strangurias enim discutit. Ex aspalatho vinum aromatites fit, of-
 fis in mustum, aut vinum dulce deiectis. Et oleum etiam. Galenus autem,
 & eius simia Paulus, pro aspalatho viticis semen accipiendum censent. In
 quocunq; enim frutice arcus cœlestis innixus fuerit, eandem odoris sua-
 uitatem, quæ aspalatho sit, adferre tradunt. Quæ si fortè ipsi aspalatho
 euenierit, inenarrabilem tradunt. Aspalathi item radicem in domo loca-
 tam, inuidiam omnem, & insidias omnes expellere, perhibent. Quod si
 verum sit, vt cæteris omnibus plantis hanc solam præferam, nemo infi-
 cias ibit, vt quæ aduersus has duas mortalium lues, ac molestias infestissi-
 mas remedium adferat. Idq; efficiat, quòd nec philosophorum præce-
 ptiones, nec sapientiæ documenta, quandoque præstare minimè valeant.
 Quidam verò è recentioribus aspalathum, sandali genus alterum arbi-
 trantur. Verius tamen constat, lignum rhodium esse, quod ad nos aspor-
 tatur, ex quo ad marinas deprecationes orbiculi fiunt, quibus ex diuitijs
 orbiculi aurei interferuntur: qui sæpe ex hominum luxu tenuiores in
 brachijs & collo inuoluuntur, quod nonnulli inficiantur, tanta est inui-
 dentia inter medicos labes.

De chamæmyrsine.

CAP. XVI.



FFINITAS, quam cum myrto chamæmyrsine habet,
 notior & magis percelebris fuit, vt illi comparanda, vnum
 myrti scilicet syluestris genus Græcis atq; Latinis autori-
 bus effecerit. Plures etiam ab ea nomenclaturas accommo-
 datas, veluti hieromyrtos, id est, sacra myrtus. Alijs agonos,
 scincos, minthe, catangelos. Multi ocneron, cniten, lichenen, chamæpy-
 tim, acoëron vocant. Plinius à similitudine acoron, Bæothij gyreniada,
 Magi Herculis genituram, Castor. ruscum. Aliud tamen ruscum, apud
 Festum ex Verrio, & Seruium est. Alijs myrtacantha, quod ea rustici per-
 nas & caseorum fiscellas, ab murum iniuria tueantur. Folijs myrti, latio-
 ribus tamen, & in lanceæ formam mucronatis, rigidioribus, vt vulne-
 rent potius, quàm pungant. Quare Vergilio horridior dicta, & in se-
 cundo Georgicorum aspera.

Georg. 2.

- Necnon etiam aspera rusci . . . Uimina per syluam.

Ob id etiam oxymyrsine dicta. Hærent autem in folij medio baccæ ro-
 tundæ, per maturitatem rubescentes, osseo intus nucleo. Recentes foetent,
 Ramuli

Ramuli à radice exeunt, vitilium modo, lenti, cubitales, folijs pleni, & fructu contumaces. Radicem gramini per similem habet, acerbam, ac subamaram. Ruri ex ea scopæ fiunt. Vis ei ad calfaciendum, extenuandumq; efficax. Cauliculi recentes, asparagorum vicem in cibo præbent, amari tamen sunt, sed vrinam cient. Folia & bacce id faciunt. Ad expellendos enim menses, frangendosq; in vesica calculos, in vino bibuntur. Serenus verò addit & oleum & acetum:

Præterea myrti semen sylvestris iaccho,

Atq; oleo mistum bibitur, nec desit acetum.

Profunt eadem fellis suffusionibus, capitis doloribus, & vrinæ stillicidio. Radix eius etiam in honore est. Nempe decocta, atque in vino pota, eisdem effectus habet. Loca aspera, & prærupta amat. Officinæ bruscum vocant.

De anagryi, & prouerbio Anagrym ne tangito.

CAP. XVII.



ἀνὰ γρύς Græcis, & Latinis dicitur, & anagyros: vtrunque enim inuenitur. Ab excitando enim aliqui acopon & agnacopon vocitant. Frutex arboris instar. Agni folijs, virgisq; quod alij amerinæ interpretantur. Brassicæ flore. Semen autem in corniculis minimè breuib; gignit. Firmum, subrotundum, facie versicolori, renibus simile, quod per menses durefcit. Vua maturescence, acri & fædo odore est. Vnde adagium, Anagrym ne tangito. Quod dicitur in eos, qui sibi nocitura prouocent. Alij autem existimant, Anagrym aliquem fuisse, qui propter violatum eius facellum, vicinos omnes funditus deleuerit. Reperiuntur autem, qui hanc esse arbitrantur, quæ à Plauto in Asinaria nautea vocitetur: sed auctoritate carent. Nauteam tamen herbam grauem Festus scribit, qua coriarij vtantur. A naui enim dictam, quasi nauseam. Calidæ ac discussoriæ virtutis est. Semen verò subtilium partium, Galeno, & eius sequaci Paulo, prodentibus. Folia enim collectionibus imponuntur. Tenera verò trita, tumores illitu reprimunt, difficulterq; parientibus adalligantur, ita vt à partu statim auferantur. Quod si emortuus hæreat, & secundæ, mensesq; morentur, drachmæ pondere in passo bibuntur. Sic & suspiriosis dantur, & contra capitis dolores, in vino, & ad phalangiorum morsus, in vino vetere. Radicis verò cortex, vel, vt alij volunt, succus, discutiendis, concoquendisq; adhibetur. Semen autem commanducatum, vomitiones vehementer ciēt. Ex recentioribus nonnulli, anagyris duo genera posuerunt, satis ex illorum effigiatione differentia, etsi vnus tantum meminertint antiqui, verum alterū ab antiquo arbore aliam existimauerim.

De dulci radice.

CAP. XVIII.



ῥαδὶς radix Græcè *γλυκύριζον*. Paulus *γλυκύριζον*, Galenus *γλυκεία*, Palladius Glycyridia. Alij glyceraton, glycyphyton. Quidam symphyton, teontiam. Plures lybiestalon, omæne-

Oo 3 mæon,

mæon, pentaomæon. Theophrastus Scythicam radicem, quod in Scythia circa Mæotim paludem plurimam agnascatur. Multa in Ponto & Capadocia. Præstantissima in Cilicia. Loca autem frigida amat. Ramis binorum cubitorum altitudine assurgit. Lentisci folijs, densis, ac pinguibus, & tactu gummosis. Flore hyacinthi, fructu asperiore, qui Platani pilularum siliquis lentium modo continetur, rufis atque tenuibus. Radix oblonga, vt gentiana. Buxei verò coloris, quàm nigra, melior est: & quæ lentescit, magis quàm quæ densatur, in succum lycij exemplo. Is autem succus leniter adstringit, arteriæ scabritie efficax habetur, sed vt linguæ subditus eliquefcat. Stomacho verò æstuanti, iocinori, ac thoraci conuenit. Vesicæ scabiem, & renum dolores, cum passo potus sanat. Eliquatus enim famem, sitimq; sedat. Theophrastus autem tum ea, tum Hippocrate Scythas decem duodecimq; dies degere, atq; vitam prolongare auctor est. Ob eam rem nonnulli hydropicis, ne sitiant, præbent. Et ob id nonnullis *ἀδυσος* dicitur. Illitus verò vulneribus accommodatur. Radix commanducata stomatice est, & oris vlcera, inspersa sanat. In subditis verò ad tertias decocta, cætero ad mellis crassitudinem, aliquando & tussæ, quo genere & vulneribus imponitur, & faucium vitij omnibus. Item voci utilissimo succo, sic vt spissatus est, linguæ subdito. Item thoraci & iecinori. Condylomata etiam & genitalium vlcera, sanat. In quartanis verò quidam etiam drachmarum pondere duarum & pipere, hemina aquæ potui dedere. Commanducata autem sanguinem ex vulnere sistit. Sunt item qui calculos ea pelli tradant. Recentis verò radice decoctum, ad eadem omnia conuenit. Eiusdē etiam farina pterygijs utiliter inspergitur.

De daphnoide.

CAP. XIX.



DAPHNOIDES autem in nominum ambitu, inquit Plinius, est. A nonnullis enim propter eius foliorum speciosam pulchritudinem eupetalos dicitur. Aliqui chamædaphnen, ceteri peplion, pelargon. Multi cephalon. Alexandri Stephanon, quod eo Alexander Magnus coronari solitus sit. Frutex cubitali altitudine, plures atq; flexibiles ramos habet, sursum versus foliosos. Ramorum autem cortex egregij lentoris. Folia lauro simillima, verum molliora, & graciliora, ac fractu contumaciora. Quorum gustatu os & guttur incenditur. Flores candidi, bacca sub folijs inserta, coaceruataq; lauri baccae persimilis. Cùm maturuerit, nigra. Radix magna, inutilisq;. Nascitur, inquit Theophrastus, in Arcadia multus. In montosis, & frigidis locis, atq; opacis. Pituitam extrahit recens, vel aridum in potu solum: quinetiam manducatum oris pituitas purgat, sternutamenta cit. Baccae autem sedecim portæ aluum resoluunt: quod Plinius idem in folijs siue aridis, siue recentibus, cum sale & hydromelle drachmis commanducatis, esse ait.

De vitice.

CAP. XX.



VITEX à Græcis *λύκος*, quasi vimen, propter inuictam flexilitatē, quam habent in vinciendo eius rami, vnde Diana *λυγόμενος* dicta,

eta, quòd inter hæc virgulta inuenta fuerit. Dicitur etiam ἀγνος, id est, castus, & purus, ab à priuatiua, & γεννάω genero, propter eius naturam, quam habet in inhibendo rei veneræ impetum. Nam, inquit Gale-
no, castitatem seruat, quando substernitur, aut estur, vel bibitur. Paulus quoque libro primo, vbi de nimia seminis abundantia scribit: His verò, qui in somno aut vigilia copiosiore fluxu abundant, vnà cum refrige-
rantibus herbis, viticis ramos substernendos præcipit. Semen quoque eius genituram exoluit. Quare Atheniensium matronæ castitatem cu-
stodientes, autore Dioscoride, in thesmophorijs, hoc est, Cereris sacris, folijs eius sibi cubitus sternebant. Statio Papinio arbor etiam casta dici-
tur. Sic enim apud eundem libro secundo Thebaidos Tydeus templum Palladi vouens ait:

Centum ibi virgineis vota Calidonides aris

Alteas tibi ritè faces. - Et pôst: - Et ab arbore casta

Nestent purpureas nuceo discrimine vitas.

Rudes adhuc medici agnum castum vocant, ignorantes castum exposi-
tionem esse præcedentis vocaminis. Agnus enim animal, sic dicitur (Fe-
sto inquit) quod hostia pura sit, & immolationi apta. Et CHRISTVS
saluator noster & ipsamet castitas, & pro nobis hostia, Agnus Dei à præ-
curfore eius Iohanne Baptista dictus, & indice ostensus. Ab hoc enim
plures alias appellationes sortitur. Agnos enim dicitur, ab à, priuatiua, &
γόνος semen. Ad hoc etiam pertinet amictemium, quòd ad venerem,
marem cum scemina misceri prohibeat. Magis insuper, ob illam ean-
demq; castitatis rationem semnos, id est, venerandus dicitur. Dioscoridi
verò aliæ nomenclationes sunt. Hemadeos id est, ibis sanguis, à rubore
virgarum. Piper etiam agreste. Ligusticum etiam, à similitudine in semi-
ne saporis. Ægyptijs sum, Romanis salix marina. Reperiuntur & aliæ
apud alios appellationes, vt mosys, cefyæ, cefi, cefocarpi, vt Polluci & Pho-
cioni placet, vnde gerra cefyma, id est, quadrata quædam tuguriola, quæ
ex eius viminibus contexuntur. Quæ ligella à Plauto in Aulularia vocan-
tur. Forsitan à lygo, id est, à vitice. Superest eius descriptio: frutex est, ar-
borefcens, non plurimum à salice, vitilium vsu distans, foliorum quoque
aspectu, si non odore gravior esset. Nam hæc oliuæ sunt, sed tenuiora,
quare Theophrasto, composito nomine ἐλαίαγνον vocauit. Ramulos
habet prælongos, suo lentore vitilium modo fractu peruicaces. Duo eius
genera sunt. Maius in arborem salicis instar assurgit. Flore cum purpura
candido, vt inde candida quoque dicatur. Minus verò ramosum, can-
didioribus folijs, ac lanuginosis, flore purpureo, semine piperis, nigra
nuncupatur.

De vi & natura viticis.

CAP. XXI.



ITICIS autem folia, flores, semen quoque in tertio excessuum
ordine calefaciunt, exsiccantq;. Tenuis substantiæ est. Caput
enim tentat, & saporem adfert, non tam ab eius caliditate, quam
ob partium subtilitatem, quod eius naturæ indicium est. Nam
omnium

omnium minimū flatusum. Qua ratione Veneris impetum sedat. Gustu aeris. Semen autem, ac germina, modicam adstrictionem habent. Semen vini saporem habet, tostum tamen, & comestum, minū id peragit. Ideo Galeno autore, cum bellarijs, & tragematis, mandi solet. Serpētibz enim inimica vitex, vt scribit *Ælianus*. Nam foliorum suffitu serpētes propelluntur. Illita etiam, illorum morfibz auxiliantur, eoq; maximē phalangijs aduersantur. Quorum morfu, genitale excitat. Incisa verò & strata, venena propulsat, inquit in *Theriacis Nicander*. Capitis dolores ex ebrietate, cum rosaceo sedat. Semen verò cum pulegio, & melle potum aluum purgat, etiam potu, & appositu. Lichenas & lentigines cum aphronitro & aceto & oris vlcera & eruptiones cum melle sanat. Testium enim duritias, cum butyro & vitium folijs emollit, & sedis rhagadas, cum aqua illitū, & cum folijs medetur luxatis, vulneribzq;. *Plinius* addit, cum sale, & nitro, & cera. Instillatur cum aceto & oleo capiti, in lethargia & phrenesi. Additur in malagmata neruorum, & ad podagras. Dicitur febres soluere, & cum oleo admistum, si vngatur, sudorem facere, sic & lassitudines dissoluere. Lac euocat, vrinam cit, & menses in vino drachmæ pondere potum. Aluum sistit: lienosis auxiliatur. Ictibus venenatis, maximē quæ frigus inferunt, perquam vtile. Alterum genus efficacius. Ad serpētes enim bibitur eius seminis drachma, in vino, vel posca, aut foliorum tenerrimorum, drachmæ dux. Vtrinq; enim aduersus araneorū morsus, semen bibitur, vel tantū inungitur. Illorum enim ictus, acerrimos dolores, circa media præcordia excitat. Torum virgis substernere, aduersus culices prodest. Corui viticem, contra vespertilionum molestias nidis collocant. Seminis verò decoctum, vesicæ calculos confringit, & illitum vehementiorem capitis dolorem dissoluit. Frondis verò suffitu, vel appositu, vuluam purgat, & inflammationes ad inferiora pellit. Vomicas, panosq; difficile concoquentes cum farina hordeacea, emollit. Refert *Athenæus* cygnos parituros, in nidos suos lygon inferre. Apud autores tamen non conuenit, an vitex intelligi debeat, cum & lygos & lygea, & arbos, & herba interdum vocitetur. Viticis virgam, qui in itinere aut manu gestauerit, aut cinctam habuerit, negatur intertriginem sentire. Iunonem autem in Samo insula, sub vitice genitam fuisse, nonnulli tradunt. Quæ postea ibi in suo templo, tempore longo, visa sit. Hæc poëtarum fabulæ.

De rosa, & adagijs ab ea.

CAP. XXII.



RISCIS, sicut & recentibus, rosam in honore maximo fuisse, satis antiquorum monumentis compertū est. Quod etiam adagio Græco comprobatur *ῥόδον ἀνεμόνῃ συγ- κρίνεις*. Id est, Rosam cum anemone confers. Vbi quis imparia inter se componit. Est autem anemone, papaueris genus, cuius flos, specie rosam imitatur, cæterū nulla odoris gratia. Est & aliud, Rosas loqui, id est, verba gratissima. Et *Perfius* ait:

- *Quicquid calcauerit his, rosa fiat.*

Quod

Quod adhuc vulgus in homines gloriosos profert. Rosam Græci ῥόδον vocant ἀπὸ τῆς ῥοῆς ὀδωδῆς, quod odoris fluxū emittat, autore in Symposijs Plutarcho. Quæ causa est, vt ocyssimè marcescat, & refrigerandi vim obtineat. Poëtæ etiam ῥόδον, plantam verò rhodoniam. Timarchides rosam in Arcadia, euomphaton, ab odoris præstantia vocari scribit. Nascitur spina, verius quàm frutice, rubo quoque proueniens de qua in rhododaphne. Illic etiam iucundi odoris. Omnis verò primùm cortice granoso inclusa germinat, quo mox intumescente, in alabastris virides, fastigiato, paulatim rubescens, dehiscit, ac sese pandit, in calycis sui medio, luteos apices complexa.

De rosarum coloribus, & poetarum fabulis, super illarum mutatione.

CAP. XXIII.



N rosas autem color triplex inuenitur: aut enim albus, aut rubeus, aut ex his duobus constans, quod genus vulgò incarnatum vocant. Color tamen his potius roseus dici debuit. Rosam priùs candidam fuisse scribunt poëtæ, sed Veneris sanguine, in colorem rubrum mutatam. Nam illa iuuenem Adonin perditè deperit, illam autè Deus Mars, Deus Deam sequitur, Hominem verò Dea. Ambobus enim idem ardor, etsi genus dispar. Mars autem Adonidis morte, Veneris in eum amores soluturum se sperans, Riualet de medio tollit. Quod cum Dea gestum facinus rescivit, & subsidium illi adferre maturans, Rosæ frutices, festinabunda offendit, & in pedis planta nullo sandalio munita, transfigitur. Cuius cruore, rosæ color transmutatur. Quare Claudianus:

- Sic facta cruoris carpit signa sui.

*De raptu Prof.
lib. 2.*

Alij aliter: Ferunt enim Cupidinem in Deorū conuiuio saltationibus lasciuientem, alæ concussu, pateram nectare plenam euertisse, cuius infusu, rosæ flos, humi adrubuit.

De rosæ partibus.

CAP. XXIII.



Rosæ autem partes octo medici neoterici adinuenerunt, nomine, item & viribus differentes, etsi in his inter recentes variatum sit. Quarum etiam singularum vsus maximus, quod propterea ob medicam materiam nouisse proderit. Plinio verò rosæ vsus in folia, flores, & capita diuiditur. Foliorum autem partes, quæ candidæ, vngues vocantur. In flore autem aliud est semen, aliud capillus. In capite autem aliud cortex, aliud calyx. Verùm hæc dilucidius & ampliùs explicandum. Prima igitur pars, erit cortex, qui calycem ambit, & aperta rosa, in quinque pinnulas seu lacinias diuiditur, & finditur. Altera est caput, globulus in ima rosæ parte, solidum illud, quod si aperueris lanugine quadam refertum reperies, folijs & floribus substratum, ceu basis totam rosam sustinet. Capitis pars calyx. Rosæ autem globus, nondum totis folijs apertus. Tertia pars flos, medium illud croceum, quod capillamentis insidet. Sequens, capilla-

P p mentum,

mentum, quod subtile est, veluti filum, florum fulcrum seu sustentaculum. Alia & lana in capite contenta erit. Folium sequitur, cuius ima pars candida est, quæ à pharmacopolis, rhodomet & rhodofaccharum præparaturis præcidi solet, vnguis dicitur. Vltima autem ipsa planta est. Anthera recentioribus rosæ flos est, deductum ab eo, quod est *ανθος ρόδου*, id est, flos rosæ. Lutei illi sunt apices, vt suprâ dixi, quasi capillamenta, & fila quædam. Antheras etiam medici compositiones quasdam vocant, oris ægritudini accommodatas, quibus rosæ miscentur. Semina rosarum, inquit Palladius, non putemus medios flosculos esse, aurei coloris, quos rosæ ferunt. Sed baccas pyri breuissimi similitudine, seminibus plenas, post vindemiam maturas, vt tamen harum maturitas tum ex colore rufescente, tum ex mollitie existimanda erit.

De rosarum generibus.

CAP. XXV.



ROSARVM genera permulta. Etenim odore, colore, foliorum numero, asperitate & læuore differunt. Regiones etiâ nomina imposuere. Paucissima, quina folia, quibusdam duodena, vicenaq;. Alijs longè plura, cum sit vnum genus, quod centifolium vocitent, quod in Italiæ Campania, & in Græcia circa Philippos nascitur. Sed ibi non sine terræ prouentu plurima exit. Eam accolæ, è Pangæo vicino monte transferentes conferunt, ipsaq; transplantatione proficiunt. In his verò locis multæ eiusmodi sunt, quarum interna folia, minima. Nam ita oriuntur, vt alia intus, alia extrâ emineant, & si non amplæ magnitudinis, neq; iucundi odoris. Cepio Tiberij Cæsaris principatu centifoliam in coronas addi negauit, præterquam extremos velut ad cardines, vt potè nec odore, nec specie probabilem. Odoratissimæ non sunt, quibus folium maximum & latissimum. Odoratiores, quò rubicundiores. Indicium autem odoris, corticis scabritia. Quærit in Problematis Aristoteles, Cur suauius rosæ oleant, quibus asper, quàm læuis vmbilicus sit. Quòd magis secundum suam naturam constitutæ sint. Natura enim sua, rosâ spinosa est. Refert enim & cœli temperies, & solum ipsum. Annis enim quibusdam minùs odorata prouenit. Genera eius fecere postea, inquit Plinius, celeberrima, Prænestinam & Campanam. Addidere & alij Milesiam, cuius ardentissimus, colos rubeus, duodena folia non excedentem, proximam & Trachiniam minùs rubentem, mox Alabandicam, viliores, albicantibus folijs, vtilissimam verò pluribus, sed minutissimis spineolam. Est quæ Græca à nostris appellatur, ab illis verò lignis, non nisi in humidis locis proueniens, nec vsquam excedens quinque folia, violæ magnitudine, nulloq; odore. Est & alia Græcula vocitata, conuolutis foliorum panniculis, nec dehiscens, nisi manu coacta, superq; nascenti similis, latissimis folijs. Alia è maluaceo caule funditur, oleacea habens folia, mosceuton vocant, & inter has medias magnitudine, Autumnalis. Omnes enim tres posteriores, sine odore sunt. Vnum genus inferitur, spinosæ, longissimis virgis, quinque folia, quæ è Græcis altera est. Pæstana rosâ, à Pæsto Calabria oppido, passim apud

autores

autores commendabilis. Quotannis bis germinat. An autem ea sit, quæ nunc apud nos Damascena dicitur, ignoraro? Parua enim hæc, candidi & rubei coloris, egregij odoris. Plures autem ab vno geniculo exeunt. Vltima autem hæc germinatu est, verum continuè & vt diutius floreat hyeme etiam tepidioribus locis. Est & Prouincialis in Gallia ab oppido sic cognominata, colore inter album & rubrum, quem incarnatum vulgus vocat. Ethruria has Anconitanas vocat. Siccandæ enim rosæ loco meridiano, ac sublimi, ne sol tamen eas tangat. Gallienus Imperator Veris tempore cubicula de rosis fecit.

De rosarum vi, & natura.

CAP. XXVI.



ROSA ex aquea & calida substantia constat. Mista verò alijs duabus qualitatibus, videlicet adstringenti & amaræ. Sicca tamen magis adstringit. Autore enim Celso, ea, quæ in aliqua corporis parte coierint, discutit. Earum autem flos magis adstringit, & desiccatur. Radix verò, earum præfertim, quæ in Macedonia nascuntur (vt inquit Galenus) tenuium partium est, & digerentis facultatis. In calefaciendo verò, secundi ordinis aut tertij incipientis. Odorata enim calidis capitibus prodest, & humidis obest. Nempe ea destillationi obnoxia facit: sumpta verò febres, quæ ex flaua bile contractæ sunt, sanat. Siccarum autem decoctarum succus expressus facit ad capitis dolores, auriumq; , ac oculorum, gingiuarumq; etiam, & oris vlcera, sedisq; , tonsillas gargarizatus, recti intestini, vuluæ, sic, vt aut penna inungatur, aut clystere infundatur. Per se verò vel cum aceto, ad somnos & nauseas. Oculorum autem vlcera rosæ fordescunt, præterquam epiphoræ initijs, ita vt arida cum pane imponatur. Tusa autem sine expressione, mox illita, præcordiorum inflammationibus, humidis stomachi vitijs, sacris ignibus medetur. Siccis ac tritis femina asperguntur. Vulnerarijs antidotis atq; compositionibus, quas antheras vocant, misceri solent. Ros verò ille, vt ait Didymus, in rosis insidens, purè penna lectus, & specillo genarum palpebris instillatus, oculorum lippitudini medetur. Zoroastres etiam negat, eius toto anno oculos dolorem sentire, qui calyces, antequam in flores explicentur, leui tactu lustret, tribusq; earum alabastrulis oculos confricat, relictis in planta rosis. Ad cibum quoque condiuntur lapathi modo. Cauendus enim in his situs, celeriter insidens. Folia verò vruntur in calliblepharam. Succus è recentibus folijs exprimitur, deiectis prius forfice vnguibus: reliquum verò in mortario premi & teri in vmbra, donec succus densetur. Qui ad oculorum circunlitiones, adseruatur. Siccantur etiamnum folia, continua volutatione, ne contracto situ, muscescant. Vngues epiphoris salubres sunt. Flos autem, qui luteus in medijs rosis inuenitur, desiccatus, gingiuarum fluxionibus vtiliter inspergitur. Flos somnum facit: inhibet mulierum fluxiones, maximè albas, in posca potus, & sanguinis excreationes, stomachi quoque dolores, quantum in vini cyathis tribus, vt ait Plinius. Semen his optimum crocinum, nec anniculo vetustius, & in

ymbrā siccatur, nigrum enim nec inutile. Dentium verò dolori illinitur: vrinam ciet. Stomacho imponitur, item igni sacro, non veteri. Naribus autem subductum caput purgat. Capita autem pota ventrem & sanguinis excreationes sistunt. Syluestris verò cum adipe vrsino, alopecias mirificè emendat. Scarabei rosa necantur, inquit Theophrastus. Tarantius apud Apfyrtum ictos à serpente seruari contendit, qui rosæ radicem amuleti vice gestauerint. Democritus etiam apud eundem, rosæ radicem, torquis modo, seu quouis alio modo portatam, veneficij scorpionis esse amuletum.

De oleo rosaceo.

CAP. XXVII.



LEO autem rosaceo homines olim inungebantur, idq; iam à Troianis temporibus, teste Homero:

- ροδοέντι δ' ἔχρισεν ἑλαιο.

Cuius ratio talis est quibusdam. In olei enim crudi libris tribus rosarum exungularum, bene tritarum libram vnam condunt, & ad solem dies octo ponunt. Die verò nono colatis prioribus, totidem reponunt, & vbi ter hoc modo fecerint, vas bene obturatum Soli per triginta dies exhibent, & postea ad vsum reseruant. Aliter Aërius: Sumito rosarum rubearum exectis vnguibus, & quæ per diem ac noctem contabuerint, vncias tres, olei omphacini sextarium Italicum. Hæc autem simul in dolium conijcito, cuius os interius tomento, exterius verò membranula, ad reprimendos imbres obstipabis. Deinde autem vbi per dies quadraginta insolaueris, in tabulato ædium temperatarum reponitur. Sic Palladius, atq; id minori opera ac cura. In olei libris singulis singulas rosæ purgatæ vncias inijcito, & septem diebus in sole lunaq; stare finito. Galenus optimum ex oleo omphacino fieri dicit. In vnguenta transit, & per se medicas vires præbet. Emplastris atq; collyrijs imponitur, mordaci subtilitate, mensarum etiam delicijs in vngendis minimè noxia. Capiti calefacto & arefacto, vel à Solis, aut febris, vel alia quacunq; causa ardore prodest. Humectat enim, ac mitigat, somnumq; conciliat.

De vino, & aceto ex rosis.

CAP. XXVIII.



IN VM etiam ex rosis tuis fit, vt illarum mina in linteo colligata, in multi sextarijs octo demergatur, vt fidat, nec ante tres menses vas aperiatur. Pòst verò exprimatur, & seruetur. Palladius sic: quinque libras rosarum pridie purgatarum in vini veteris sextarios decem mergis: pòst triginta verò dies decem despumati mellis inijcito, & eo vtere. Vtile quidem & ijs, qui febre carent, & ad stomachi concoctiones, contra etiam lubricam aluum, & dysenterias. Fit etiam è rosis acetum, quod Græci oxyrhodinum vocant.

De aqua rosarum, rhodomelle, & pastillis.

CAP. XXIX.



S TILLATITIVM rosarum multi rhodostagma vocant. Frigidum est. Ex ea enim quam ex rosa adstringendi vi, ventriculum roborat, sitim sedat. Et qui eo in febre pro vino vtuntur, maximam sentiunt utilitatem, vt e Simone Sethio est. Fit quoque e succo rosarum, quod rhodomel vocant. Cuius confectio e Palladio talis est: in succi rosarum sextarijs singulis singulas mellis libras misces, & diebus quadraginta insolabis. Arteriarum scabritijs conuenit. Rosarum pastilli, qui rhodides vocantur, sic fiunt: Rosas virides sumito, nullo alieno humore madentes: cum autem languere iam & arescere ceperint, drachmas triginta, Indicæ nardi drachmas decem, myrrhæ drachmas sex. Concisa dein simul omnia, in pastillos trium obolorum pondere, conformentur. Siccati etenim umbra, in fictili minimè picato, vndiq; bene obturato, ne respiret, adseruentur. Alij verò, costi drachmas duas, iridis tantundem adijciunt, & cum melle vinum Chium miscent. Mulieribus verò monilium loco vsui sunt, ad minuendum sudoris ingratum odorem. Tritis etiam vtuntur ad diaspamata, quæ fiunt ad sudores arcendos, ita vt à balneis corpori inarescant, dein frigida lauentur aqua.

De Cynosbato.

CAP. XXX.



CYNOSBATO S. Græcè, sic & Latine. Columellæ verò canis sentis, vel canirubus. Galeno autem & sequacibus, absolutè batos, Spina est. Sophocles enim in Phœnic. cinarū vocat his verbis, κίναρος ἀκανθα πάντα τὰ ληθὺς γύνῃ, quæ locum Didymus grammaticus interpretatur, vt cinarus spina sit, quæ κυνόςβατος dicitur. Quod aspera spinosaq; sit. Pithia eam ἐυλιννύ δρυν, id est, ligneam plantam vocauit. Vnde Locrus, cum ab oraculo habuisset, vt illic urbem conderet, vbi à canirubo morsum accepisset: in eo loco urbem exædificauit, quo à canirubo tibiam perstrictus fuisset. Alij cornum syluestrem putauere. Est autem, Theophrasto autore, inter fruticem & arborem medius, punicæ similis, folio viticis. Fructum fert rubentem, cytino punicæ non absimilem. Dioscoridi verò rubo longè maior, folioq; multo maiore, quàm myrthi, spinis circa ramos firmis. Flore candido, oblongo fructu, oliuæ nucleo persimili, & per maturitatem rubente, intra quem lanis similia insunt. Cynospaston & neurospaston, vocari Plinius scribit, aliterq; quàm illi, depingit, vt folium hominis vestigio simile habeat, vnamq; nigram ferat, in cuius acino neruus sit, quare neurospastos, id est, neruus passus dictus, aliaq; est à cappari, quam medici Cynosbato appellat. Prior verò descriptio cynosrhodo magis conuenit, vt etiam quondam cynosbatos, cynorhodos dicta sit. Plures enim vnam & eandem plantam cynosbato cynorhodon esse, ex Theophrasti & Dioscoridis autoritatibus contendunt. Plinius etiam baton, id est, rubum, qua appellatione plures suprâ ostendimus vocauere. Pilulam casta-

neæ similem ferre scribit. Alij verò cynosbaton & cynorhodon tantum pilula illa, castaneæ simili, quæ in cynorhodo inuenitur, & quæ rufa est, & echinis, non asperis vestita, & virgis, distinxere. Nunc ad medicam historiam. Fructus non segniter adstringit. Exempta enim interiori lana, quæ maximè cauenda est, nam arteriæ inimica. Arefactus, & in vino decoctus, & potus aluum sistit. Mensium profluvia cohibet. Flatu aduerso legendum præcipiunt, alioquin periclitari oculos. Rosa verò cum axungia alopecias emendat. Folia mediocriter adstringunt, suppurationes discutunt.

De cynorhodo.

CAP. XXXI.



VPERIORI capite, nonnullos cynosbaton & cynorhodon, vnam atque eandem plantam existimasse dixi, ut hæc tantum rosæ nomine ab ea differat. Hanc etiam nonnulli syluestrem rosam appellant. Nihil præterea de eius speciatim figura, atque illius descriptione, apud vllum autorem, quod meminerim, inueni, atq; si ij de ea in cynosbato descripsisse lectorem suspicatum esse intelligerent. Tantum verò apud Plinium de eius vi medica vnum, maximum aduersus canis rabidi morsum, remedium inueni, oraculo etiam demonstratū. Miles enim in prætorio militabat. In Lacetania proxima parte Hispaniæ res gerebatur. Hic verò à canis morsu iam aquas expauescebat. Mater verò eius pridie in somnis, in fruteto fruticem cynorhodon sibi aspectu eblandiri videt, monitaq; oraculo est, ut radicem bibendam mitteret. Huius autem epistola ad filium superuenit, orantis ut pareret religioni. Itaque ex insperato seruatus est, & postea quisquis auxiliū simile tentauit. Vitruuius etiam de re veterinaria (si illius liber est) aduersus canis rabidi morsum plurimum prodesse cynorhodi radicem ait. Lota enim prius, atq; contusa, plagæ apponi debet, vel contrita in veteri vino quotidie propinari debet. Ab hac enim egregia virtute, nonnulli rosam canis appellatam existimauere, postea inuentum, ut canum cibis mista, eos à rabie excitari prohibeat. Alia apud autores cynorhodi medicina vna est. Spongiolæ enim in medijs eius spinis nascuntur. Hæ autem cum cinere, cumq; melle capitis alopecias explent. Ad malefica etiam capitis vlcera vtuntur, & calculosis præcipuo remedio esse Hypocisthidem, rosæ caninæ succum Scribonius scribit.

De rhododaphne.

CAP. XXXII.



HODODAPHNÆ & rhododendro Latinum nomen, inquit Plinius, non est inuentū. Apuleius tamen rosas vulgus vocare scribit. His autem appellationes fecerunt, rosæ flos, & rosæ arbor. Nec enim refert, quòd Dioscorides illi folia amygdalis oblongiora tribuerit. Nempe horum dispar figura. Alij nerion, nonnulli spongion, ceteri hæmostarim, Lucani ichmanem, Ægyptij scympham, Phocion rhodoniam, & à quibusdam vocari agnon scribit, propter similem vim, quam ad coercendam venen-

rem

rem habet. Folij quibus suprà rosarum. Flore, fructuq; , nuci amygdalæ, corniculato, qui cùm dehiscit, lanis plenus acanthi similibus. Radix illi acuta, longa, lignosa, gustu salsa. Lucius autem Apuleius in sua Metamorphosi, hoc modo depingit: hæc autem arbores, in lauri faciem prolixæ, foliatæq;. Pariunt in modum floris inodori porrectos calyculos, modicè pumicantes. Hæc ille. Nascitur in amœnis maritimis locis, & circa amnes. Folia verò & flores, iumenta & quadrupedes enecant. Quod etiam voluit Apuleius. Lucianus tamen, ex quo ille fabulam, verum multò longiori filo contexuit, rosas è sylvestri lauro esse dicit, quæ non essent veræ rosæ, quarum arborem laurum vocarent, cuius cibus asinis omnibus, equis omnibus, pestiferus esset. Et hoc maius addit Dioscorides, uti & pecus omne, capræ omnes, emoriantur, si aquam, in qua eius folia maduerint, sumperint. Pereunt autè atq; si morbo comitali correpta fuerint. Quod Alexandro Magno res in India gerente, contigit.

Vires.

CAP. XXXIII.



FOLIA homini aduersus serpentium morsus præsidio sunt ut scribit Dioscorides, præsertim addita ruta, & ex vino pota. Galenus tamen, & eius ad verbum sequaces, extrinsecus illitum, vim digerendi obtinere, scribunt. Contrà verò intus sumptum perniciosum & exitiale, non hominibus solum, sed & pecoribus plerisq;. Tertij incipientis ordinis excalfacientium est, & primi desiccantium. Si autem domi in scrobiculum eius furculos ustos conieceris, in eum pulicum & muscarum examina conuolabunt, ut autor est Apfyrtus & Anatolius. Produnt etiam si eius folijs, murium meatus occludantur, eos perire, si dum exire conentur, ea dentibus contrectauerint. Sunt ex Hebræorum Rabinis, qui dicant Mosem hoc ligno tactas aquas amaras sanasse, & dulces reddidisse.

De rhamno.

CAP. XXXIIII.



RHAMNVS Græcis & Latinis sic appellatur. Inter ruborū genera Plin. annumerauit. Sunt qui persephonion à Proserpina, quæ Græcè Persephone dicitur, quod pueris, alijsq; superstitiosè nocere credebatur. Nanq; aduersus eam remedium est. Alij leucocantham, id est, spinam albam, aut cerualem, vel ceruinam, à ceruino colore, quem, si cum cæteris ruborum generibus conferatur, habet. Aphri atadim. Theocritus autem fruticem esse ostendit. Nam apud eundem pastor comitem monet, ne syluam nudis pedibus ingrediatur, in qua *ῥαμνοὶ τε καὶ ἀσπάλθοι κομῶντι*. Quæ si arbor foret, pedibus offendiculo minimè esse posset. Circa sepes nascitur, rectos fert ramos, spinis rectis, & non aduncis aculeis, instar spinæ, quam oxyacantham vocant. Folia habet oblonga, parua, tenera, subpinguia. Alterum verò genus candidius est. Tertium nigrioribus, atq; latioribus folijs est, & quadantenus rubentibus. Ramos autem cubitorum ferè quinq; longitudine profert, infirmioribus spinis, & ferè innocentioribus,

nec

nec penitus integris. Fructum candidum, latum, tenuem, veluti folliculū hastulæ regiæ similem habet. Ex hac enim descriptione, aliud est à spina illa, quam vulgus groselerium vocat, ramulis vietis, spinis recto mucrone horridis. Flore ex herbido candidante. Folio albescente, paruo, apij forma dissecto. Fructu rotundo, primū herbido, sed per maturitatem, è candido rufescente, granis pleno, per iuuentam condimentis pluribus expetitur. Alius verò frutex, sub hac appellatione in hortis feritur, virgis longioribus, ac rectoribus, spinis carentibus, folijs superiori similibus, verū latioribus, atq; viridioribus. Fructus fert racematim congestos, per maturitatem rubeos, cæteris minores, & cū maturuerint, dulcissimos, & edendo suaues. Plures id esse contendunt, quod à Mauritanis ribes dicitur, vt nonnulli etiam recentium medici, sub hac appellatione, illo in medicina vtantur. Sunt etiam nonnulli qui hoc vltimum esse existiment poterium, de quo apud Dioscoridem, Plinium, & Galenum.

De rhamni viribus.

CAP. XXXV.



DESICCAT autem, autore Gal. & suis sequacibus, & discutit secūdo abscessu. Primo verò, aut incipiente secundo, refrigerat: proinde herpetibus & erysipelatis, & igni sacro, admodum medetur. Nam hæc folijs illinuntur: sed teneris vtendum. In vino verò austero pota ventrem equorum profluuijs confirmat. Huius verò radice in aqua decocta, fit medicamentum quod lycium vocatur. Semen eius secundas trahit. Quod etiam collectionibus & vlceribus accommodatur. Fama est, eius ramos, valuis, fenestrisve appositos, omnium veneficiorum arcere maleficia. Quod Ouidius Naso in Fastis, Carnam deam cardinis, quæ prius Crane dicta fuerat, ab Iano adamatam atq; compressam, quæ in stupri compensationem hoc ab eo habuit. Ille enim ait:

Ius pro concubitu nostro tibi cardinis esto:

Hoc pretium posita virginitatis habe.

Sic satius, spinam, qua tristes pellere posses

A foribus noxas (hæc erat alba) dedit.

Virgaq; lanalis de spina sumitur alba,

Qua lumen thalamus parua fenestra dabat.

Post Carna sic loquitur:

Nicander etiam in Theriacis, & eius antiquissimus interpretæ aiunt, ἀλεξιλάρην φάρμακον, Qui ait ieiunis datam, interitum à venenatis repellere.

De oxyacantha.

CAP. XXXVI.



OXACANTHA, id est, spina acuta. Alij pyxacanthon, pyrinem, pityanthen vocant. Mauritanii berberim, Rura verò acrem spinam, & corrupto vocabulo crispinam & spiniuinetam. Arbor Galeno, & suis, pyro sylvestri specie, & viribus persimili. Apud nos tamen frutex, etiā exiguus, vt cum pyro sylvestri nec magnitudine, nec folijs, aut flore, fructiue, nil cōmune habeat, num verò viribus, expertis relinquo. Folijs minimis est, per

per ambitum ferratis, Florem fert muscosum. Fructus verò ipsius, myrti baccis respondet, racematim congestus, rubens, Septembri, aut Octobri maturefcens, Gustu austero, & acido, nucleos intus duos habet. Radice multifida est, atq; altius descendente, vllius loci minimè exolus. Quippe & ficcis & aquosis prouenit. Syluas etiam, fruteta, sepesq; non alpernat. In Olympo plurimus.

Vires.

CAP. XXXVII.



ENVIVM partium est, & paulum quiddam incisuiū habet. Baccæ autem nō solū esu, verum etiam potu, omnes fluxionum affectus cohibent, vt non alui tantū, aut fœminarum fluxiones reprimant, sed dysentericis quoque, cholericis, & cœliacis prodest. Radix verò concisa & illita, aculeos & spicula extrahit. Abortum fieri tradunt, si ter radice, prægnantis venter, leniter feriat, aut ea perungatur. Vtilissima & luxatis. Acini autem saccharo & melle, ad refrigerandam sitim, depellendamq; febricitantium malaciam, condiuntur. Elanguescente enim horum appetentia, huius grato acore recreantur. Ex acinis etiam fit vinum, quod crispinum vocant, ad eum vsum valens, ad quem vinum è malo punico.

De silere.

CAP. XXXVIII.



ILER nonnulli, salicem arborem arbitrantur: ego verò fruticem, Vergilij autoritate fretus, qui sic in secundo Georgicorum:

*Nanq; alie, nullis hominum cogentibus, ipsæ
Sponte sua veniunt, camposq; & flumina late*

Curua tenent: vt molle siler, lentaq; genista.

Neq; enim existimandum est, Vergilium paruum fruticem, cum ingenti arbore sociasse, ac coniunxisse, sed tantū ex loci natura. Nam ambæ plantæ aquas desyderant. At aliqui tantū herbam existimant. Siler autem dicitur quasi pumila salix. De eius verò vi hoc proditur, quod eius folia fronti illita, capitis dolores sedāt. Semen eius cum oleo tritū, phthirias mitigat. Serpentes autem hunc fruticem refugiant, vt contra eorum insidias rustici ex eo bacillos ferant.

De genista.

CAP. XXXIX.



ERGILIUS Maro vno carmine siler cum genista coniunxit, vt superiori proximo capite à me demonstratum. Sic ego faciendū censeo, vt posteaquam de silere egimus, de genista differamus. Notus vnicuiq; frutex, semper virēs. Quidam eam dici putant, quod genu modo flexilis sit, aut quod genibus medeatur, ramis gracilibus & flexilibus, folio circum ramos minutulo, luteo flore. Semen, quod Græci eodem nomine appellant, per maturitatem rufum nigrumq; lenticulis non absumile, quod phascolorum modo, siliquis per æstatē nigris, in vasis dehiscens etiam cum

Qq crepitu,

crepitu; vt spontè decidad, continetur. Dubirabat enim Plinius, an hæc sit, quam Græci autores sparton appellauere: & nunquid eam designauerit Homerus cùm cecinit:

καὶ δὴ δῶρα σέσηπε νεῶν, καὶ σφάρτα λέλυσται.

In vsu autem Africanum aut Hispanum, minimè fuisse certum est, vt ille scribit. Vt cùm fierent subtiles naues, lino, non sparto, suebant. Gellius tamen ex illo Homerico carmine contra asserit. Sed nunc in confesso est, aliud esse spartum, aliud esse genistam. Cùm illud virgis, absq; folijs, & flore violæ albæ constet. Sunt tamen qui hanc controuersiam dirimere satagentes, duo sparti genera assignent. Vnum, quod genista sit: alterū, quod in Hispania & Africa nascatur, quale suprâ descriptum est. Asia, inquit Plin. è genista decem diebus madefacta, lina facit, ad retia piscatu durantia contexenda. Ait etiam Aëtius vites apud suos neçti genista solere.

Genista vires.

CAP. XL.



NUNC ad medicam historiam. Calfacit enim & desiccatur secundo gradu, cum axungia verò tusa, dolentia genua sanat. Purgat ellebori vice, drachma dimidia in aquæ mulsæ cyathis quatuor ieiunis. Ramis autem cum folijs, pluribus diebus in aceto maceratis & tuis, succus elicatur. Potus enim vnus cyathi mensura, ischiadicis utilis: quod etiam testatur Serenus:

- Necnon & teneræ gracili fronde genistæ

Arreptos caules, acidoq; liquore madentes

Sumere conueniet.-

Quidam marina aqua macerare malunt, & clystere infundere, eodem succo, addito oleo perungunt. Succus etiam, tum seminis, tum virgarum, viribus attrahendi plurimū pollet. Semine quidam ad stranguriam vtuntur. E genista quidam vnguentum faciunt ad ouium scabiem utile.

De hedera.

CAP. XLI.



HEDERAM autem Festus, & longè post eum Apuleius dici vult, quòd hæreat, vnde Persius sequaces appellauit.

Quorum imagines lambunt hederae sequaces.

Et Vergilius errantes describit. Hic etiam in Culice:

- Hederaq; ligantis. Brachia: fraternos plangat ne populus icetus:

Ipseq; excedunt ad summa cacumina lentæ:

Pinguntq; aureolos viridi pallore corymbos.

Alij ab edendo dictam asseuerant, quòd vetustos parietes, dum ambit, corrumpat, & exedat. Et absq; aspiratione & diphthongo scribi, breuiariq; primam. Vergilium in testimonium adducentes,

Pastores edera crescentem ornate poetam.

Alij verò dictam arbitrantur, quòd edita loca petat, & altè diuagetur, altiores parietes conscendens. Vsque adeo enim inhæret, vt sepulcra rumpat. Græcorum verò nonnullis *κίστος*, alijs, vt Dioscoridi, citharon, multis cissaron, cæteris à corymbis, corymbia, nonnullis asplenos. Persis cemos. Gallis suibites, vel, vt Apuleius voluit, bolufellos. Qui & alias nomenclaturas

turas addit, vt Dacos scribat abortiam vocare. Est autem in vniuersum hedera, radice numerosa. Tot enim radicum initia habet, quot & folia. Vnde antiqui poetæ Lyrici, flexipedem cognominarunt, Densa, crassa, non nimis altè descendens, præsertim nigra. Folio in iuuenta anguloso: Dum verò prouecta fuerit, rotunda gerit. Frondes parte superna læues. Corymbus vna hederæ dicitur. Sic enim Seruius in illo Verg. carmine,

Diffusos hedera vestit pallente corymbos.
interpretatur. De flore inferius dicetur.

Elogia 3.

De hedera generibus.

CAP. XLII.



EDERÆ multa genera, si quæ in alio frutice. De quorum verò numero, & differentia, varia & discrepantia, autores in lucem protulerunt, vti ex illorum monumentis incerta nobis historia remanserit. Quicquid tamen illi de his dis- seruerint, in medium adferam, vti nonnulla veritatis super- ficies diligenti lectori saltem remaneat. Plinius autem cùm de eius vi dis- ferit, viginti se genera demonstrasse asserit: cuius historiam è Theophra- sto, atq; ex eius pluribus & diuersis locis accepit. Corymbis enim, foliæve vel colore, humilitate quoque, vt quæ chamæcissos dicta est, multifariam quidam inter se differunt. Nec quidem ego hos ignorarim, quædam ge- nera posuisse, quæ magis herbæ, quàm frutici annumerari debeant. Alti- tudine etiam quædam discrepant. Nam quædam in excelsum attolluntur, qualis est, quæ Columellæ orthocissos dicitur, Alijs dædrocissos. Est & ri- gens hedera, quæ sine adminiculo stat, omnium sola generum ob id Græcè κίανος, id est hederula vocitata. Dioscorides autem multa genera scribit, sed generalius tria, quæ in plura diuidit, vbi prius in duo genera, videlicet in masculum & fœminam secauerit. Quarum vtriusq; flos rosæ syluestri similis sit, vt tamen in mare magis ad purpuram inclinetur, vt intelligere voluerit, fœminæ florem magis albescere. Quæ verò florum discrimina, ab omnibus in cystho describuntur. Neque enim in hedera omnibus generibus florem foliatum ad rosam accedentem videre est, verùm quandam lanuginem, qualis aut in mori, aut vitis flore conspici- tur. Sed qui dulcidiùs hederarum omnium differentiam habere vo- luerunt, in tria genera discreuere. Duo autem à fructus candidi vel nigri colore separantes, & candidam vel nigram vocantes. Prima Græcè κίανος λευκός ἢ λευκόκαρπος. altera κίανος μέλας. Tertia helix, nullum parit fructum. Seruius autem albam hederam discerni dicit, non à folijs albis, sed à ligno albo, dum illud Vergilianum interpretatur,

Candidior cygnis, hedera formosior alba.

Sed candidarum plura sunt genera. Quorum vnum asperrimum, & ini- micissimum, crassitudine tanta, vt arbor fiat: maiore tamen ex parte super aliud vitâ degere solet. Ita enim pro sua natura, è germinibus radículas in- ter sua folia, assiduè mittit, quibus muris, arboribusq; obrepit: ob id quasi de industria à Natura exhibitis. Et quamquam hederarum omnium cui- libet generi brachia radicata insint, huic autem maximè ramosa, ac ro-

Qq 2 busta

busta insunt. Signa eius, maxima folia atq; latissima, mammas, hoc est, germina gerentis, quæ sunt cæteris inflexæ. Hæc est in muris, tametsi ambire non possit. Hæc autem inferius succisa, nihilominus viuit, duratq;. Harum etiam alia genera, quippe vnum fructu & folio candidis est. Rursus fructum candidum ferentium, alijs densus, densiorq; acinus, racemis in orbem circumactis. Athenienses acharnicam riguam eam appellant. Nigris verò nonnullis folium minùs nigricans, semen crocatum, nonnulli bacchicam, alij dionysiam & nysiam vocitant, eadem ratione, quòd & Bacchus & Dionysius & Nysius dicatur. Maximis verò inter nigras corymbis est. De hac Vergilius,

Atq; edera pandunt vestigia nigra.

Græcorum quidam huius duo genera faciunt. Alterum enim à rubro acinorum colore, erythranû dictum: alterum ab aureis corymbis, Chrysocarpum, vel chrysometon. Ab eodem colore, & vino, quòd Bacchus vini repertor fuerit, nisi Meron legere malueris, vt nomen habeat ab Mero Indiæ monte, in quo nasceretur. Alba & nigra fructu etiam non mediocriter differunt, quoniam alij dulces acini, alij tanta amaritudo, vt ne aues quidem attingant. Selenitio generi, acinus minor, sparsior racemus. Simili modo & in nigra. Superest tertium genus, quod helix dicitur, quasi clauicula, & pampinus. A cæteris fertilitate differt, quòd nullum fructû ferat. Quidam verò, vt Theophrastus, ac Plinius, hoc ætatis non generis esse arbitrantur, helicen existimâtes, quæ vetustate hederescat. Verùm horum error depræhenditur: quum helicis quamlibet annosæ folium & germen ab hedera plurimum distet, tum exiguitate, tum etiam quòd angulosum, concinniusq; sit. Internodiorum etiam longitudine differt. Sed huius, sicut albarum & nigrarum, plura genera, verùm quæ insigniori, conspectiori q; nota discernantur, tria sunt. Vna enim herbacea, virensq; est. Frequens hæc, auctu perfacilis, folio maiori, latiori q; germinibus protinus erecta, longitudine & gracilitate inflexa. Sed & huius item genera duo. Quorum alterum à superiori, tenuiori, oblongiori q; folio est, densiori atq; in ordinem digesto. Secus in primo, nam diuersa omnia. Alterum genus candido est folio, vt in vno genere alia candidior sit: vt etiam duo genera sint. Tertium genus Thraciæ est, folio versicolori, in quo etiam alia genera. Nam aliud amplioribus folijs est, aliud tenuioribus, ac similiter ordinatis, densioribusq;.

De hederarum vi, ac natura.

CAP. XLIII.



VID autem Plutarchus de hedera potestate in Symposiacis quæstionibus disseruerit, primùm dicendum. Ignea ac feruida facultate dotata. Nam & fructus eius vino mistus inebriat, corpusq; ignea vi ferit, palmitemq; in igne crispari & torqueri prædicant, non inflecti more cæterorum lignorum. Triphon tamen, apud eundem, inter frigidas plantas posuit. Sed nunc ad ea, quæ verius medici de ea protulerunt. Contrarijs certè viribus constat. Adstringit enim, & refrigerat, vt ostendatur, eam è terrena, & frigida

gida constare substantijs. Item acris est, quod gustus indicat. Ideò calida. Nec deest aquea facultas, qua tepida est. Verùm id cùm viridis est. Nam cùm arefcit, vt aqueam vim exhalet, neceffe est, remanentibus cæteris facultatibus. Folijs verò in vino decoctis, grandia vlcera, etiam si cacoethæ sint, illinuntur. Nam ea glutinant. Alia etiam ab ignis adustione ad cicatricem perducunt. In aceto enim decocta, aut cum pane trita, pota, vel illita, lienes sanant. Foliorum pediculus melle irrigatus, ac vuluæ inditus, & menstrua, & partus extrahit. In vino autem decoquuntur, & teruntur, contra febrium horrores, & pituitæ eruptiones. Eorum autem decocto perungitur caput, & fouetur os. Foliorum corymborumq; succus irino vnguento, melle vel nitro additis, ad capitis dolores. Illud enim cum aceto & rosaceo perfundi vtile. Flores autem quodammodo valentiores. Horum etenim succus cuiusq; generis trium digitorum carptu, in vino bis in die potus, dysentericos, & citam aluum emendat, & ambustis cum cera vtiliter illinitur. Ad pituitam naribus infunditur. Item diurnis aurium defluxionibus succurrit. Ad capitis dolores facit. Ad vetera vlcera, tam aurium quàm narium prodest. Quæ si acriora appareant, cum rosaceo, aut dulci oleo miscetur. Radicis enim succus in aceto potus, contra phalangia vtile. Quod de hederæ succo generalius Dioscorides prodidit. Nunc de eius fructu, qui in acinis est. Triti enim, & appositi, menses mouent. Iisdem enim drachmæ pondere, post scæminarum purgationem poti, sterilitatem facere creduntur. Nigræ etiam hederæ candidos acinos potos, viros etiam steriles reddere Secundus scripsit. Numero etiam nouem, aut septem, triti, & ex aqua poti, calculos in vesica, mirificè frangere proditum est. Illiti capillum denigrant. Hos autem quidam terunt, mox comburunt, & ita ambusta illinunt, prius perfusa aqua calida. Triphon medicus hederam ad temulentiam conferre dicit caloris ratione, qua cutis spiracula laxat, & merum concoquit. Mammæ autem propendulas, & iustò maiores, ferto hederæ redimitas compescunt. Quod testatur Serenus:

Si castigatas studium est, prostrare mamillas,

Ex hederæ fertis ambas redimire memento,

Protinus & raptas furnis mandare coronas.

Reperiuntur autem, qui hederam incidant, succi gratia, eoq; ad erosos dentes vtuntur, frangi q; tradunt, proximis antea, ne ledantur munitis. Eandem vim hederam cum aceto habere arbitrantur, & nervis intus nocere: Iisdem contrà foris adhibitam prodesse. Eiusdem autem gummi, psilothrum est, lendes illitu ac pediculos enecat. Dentibus ex aceto vtilissimum. Pilis enudat, vsque adeò calidæ potestatis est, vt obscure adurat. Hederæ ligni vase splenicis bibentes sanari, Plinius se inuenisse tradit. Quod comprobatur Quintus Serenus:

Quando lien tumido circumligat ilia vinelo,

Et plenum splenis demonstrant membra rigorem,

Ac collibus ex hederâ tornantur pocula lignis,

Hinc trahit affuetos æger quoscunq; liquores.

Hedera secundū aliquot genera vires, et de nonnullis eiusdem erga animalium molestias auxilijs, & quibus remedijs eadem sibi medeatur: & de adagio, Vino vendibili non est opus hedera.

CAP. XLIII.



EDERÆ autem vires nonnulli secundum genera mensi sunt. Tanta fuit antiquorum in perscrutandis Naturæ facultatibus diligentia. Differunt enim etiam in virtute hæc ex generibus. Nigræ autem succus, vel epoti acini, corpus infirmant, & largius sumpti mentem turbant. Huius etiam acinos tres, in linteolo puro ligatos, & amuleti vice gestatos, intra triduū lienosos sanare, Damegeron memoriæ posteris reliquit. Ex alba autem acini terni in aceto mulso sumpti tineas pellunt: in cuius etiam curatione, ventri quoque imposuisse vtile erit. Chrysocarpi verò generis acini viginti in vini sextario triti, ita ut terni cyathi potentur, aquam, quæ cutem subierit per vrinam educunt. Eiusdem etiam quinque, in oleo rosaceo in malicorio calfactos. Erasistratus, autore Plinio, aduersus dentium dolores, in contrariam aurem instillabat. Hæc ille à Dioscoride habuit. Qui enim croci succum potu sumplerint, à crapula tutos aiunt perstare. Sanguinem etiam excreantibus, aut torminibus laborantibus profunt. Phalangium non minùs ceruis quàm hominibus exitiale est, quo celeriter hæc pereant. At ceruis medicina est, ut ait Ælianus hedera adesa. Harpæ aues ut noxias à nidulis suis bestiolas abigant, hederam ingerunt. Si quis mansæ hederæ succum in mulorum oculos inspirauerit, horum albuginem discutiet. Apri sibi in morbis hedera medentur. Agni morbo non laborabunt, si septem dierum curriculo, hedera pasti fuerint. Vespertiliones hederæ suffitu necantur. Hederæ folijs oleo dilutis, lecti aduersus cimices inunguntur. Vitis autem stipitem prope terram aduersus cantharidas, hedera coronant. Hedera signum est cauponarum, & vini vendibilis, vnde deductum adagium, Vino vendibili non est opus hedera suspensa. Id est, Vera virtus non indiget præconijs.

De arundine.

CAP. XLV.



RVND O, canna est, inquit Agrætijs, ab arunditate dicta. Columellæ tamen cannam graciliorem, & degenerē arundinem significat. Græcis κάλαμος dicitur. Phœnicibus verò gingtros, ob Adonim, quem lugent, & quem gingrem vocant. Arundo omnis ex stirpe vna crassa numerosa; provenit: ob id adusta, vel recisa, mori perucax. Radix autem ipsa multis geniculata articulis: tereti caule est, tenuante in leue fastigium cacumine. Folia verò omnibus oblonga, quæ à nodo gradu alterno orla, tenues per ambitum complexu inducunt tunicas, atq; à medio internodio, ut plurimum vestire calamum desinunt: huic verò ab alarum cauo sinu languidæ, promissioris comæ, & paniculæ, pondusculo procumbunt. Indicis verò tantum folia brevia. Arundinum magnas & apparentes differentias folia

folia faciunt, non multitudine solùm, aut raritate. Alia enim foliosior, tenuiorq; alia contrà paucis folijs. Positu quoq; aut nexu differunt. Quædam enim ab ima parte statim plurima ferunt. Alia item contrà, vt neq; frequentia, neq; continuò ab inferioribus partibus. Latera verò arundini in rotunditatem, super nodos, alterno semper inguine bina, alterum à dextra, alterum superiore geniculo, à læua per vices, inde nonnunquam exeunt rami, qui calami sunt prætenues. Paniculæ enim florem Græci ἀνθήλην vocant.

Arundinum genera.

CAP. XLVI.



ARVNDINVM plura genera, vt Plinius vnderiginta se demonstrasse dicat. Neq; enim vno modo omnes proueniunt, vt iam de folijs ostendimus. Alia item differentia ex rerum multiplici & naturæ vsu. Singulæ enim ad singula viles, vt nec vna, quod alia, idem præstare possit. Colore etiam distant. Locus etiam has discrepare facit. Fecerunt deniq; nomina regiones. Alia verò tam carne, quàm geniculis, & breuioribus internodijs spissior. Alia rarior atq; maioribus geniculis. Quædam crassiore, verum tenuiore foramine sunt, quas fungosa medulla replet. Cæteræ autem totæ concavæ nil neq; carnis, neq; ligni habentes. Alia quidem procera excelsaq; est, & crassa. Genus vnum sese spargens, suauissimum hoc animalibus, propter teneritudinem. Quibusdam verò elegia vocatur, nonnullis verò zeugita. Quædam non frutificat. Folio minimè longo, sed salici persimili, magnitudine atq; robore præstantes, vt hastarum vicem præbeant. Huiusmodi verò circa Acesinen amnem nascuntur. Nastos Dioscoridi vnum genus dicitur, id est sarcta. Toto enim internodio concreta. Item thelys, quæ etiam scœmina intelligitur. Hanc quoq; Creticam vocari Theophrastus perhibet. Longissimis internodijs est, flecti quò libeat obsequens, calcfacta. Locus etiam, vbi nascuntur, differentiam facit, vt inter se aquaticæ, lacustres, & quæ in fluminibus, & in loco sicco nascuntur. Quæ verò donax dicitur, non nisi in aquaticis locis prouenit. Alij Cypriam vocat. Fruticosissima est; crassa concavaq;. Donax serui apud Terentium nomen est, ab arundine id sortitum, vt ait Donatus, ac si inanem & fragilem, vt arundinem, velit intelligere. Nascitur plurima inter Cæphisum amnem & Melanam. Hic locus Pelecania vocatur. Cuius partes quædam Clytei appellantur. Lacus enim altitudines sunt, in quibus laudatissimam arundinē prouenire affirmant, vt etiam probatia nuncupata adferatur. Fluius ille ex Labadea fluit. Sed omnium optima apud Oxeam Campem nasci dicitur. Insula est, in Termitanis Siciliæ locis. In lacu Agrigentino eiusdem insulæ arundo multa. Oleum supernatat, hoc pingue arundinum comis hæret. In lacubus agri Reatini arundines abundant. De Orchomenij lacus arundinetis, accuratius ex Theophrasto cogit dici. Eius enim inundatione, in ripis, spatiantibus vndis, arundo crassior firmiorq; nascitur. Hac autem ratione grandescens, à nonnullis bombycina dicitur. Plona

seu plocimos in insulis fluitantibus, quas Græci Ploadas vocant, nexilis hæc. *πλοκή* enim Græcè nexis, subtilior hæc atq; imbecilliori corpore. Laconicis folium colore varium, & ab vna parte densius, tunicis longioribus. Ab vsu syringias vocatur, quasi fistularis. Concaua est, & continuo foramine peruius calamus. Alterum genus auleticon, id est, tibiale vocitant. Nam Græci *αὐλῆς* tibias vocant. Nascitur in Orchomeno, non nisi anno nono, vt nonnulli voluerunt. Nam & lacus incrementa hoc temporis curriculo obseruarunt. Quod falsum Theophrastus existimauit. Euentum fortuitum, pro certo ordine capientes, cum semel id euenisset. In totum enim nascitur, aucto lacu, gigniturq; copiosior, ac melior, cum post frequentes imbres, biennio, non minori tempore, aqua permanserit. Remanente etenim hac lacus inundatione, alimenti vbertate crassatur. Est & suum genus sagittariæ, siue, vt Theophrastus voluit, toxicæ, quod utilis sit ad sagittas. Nam & generali vocabulo, arundo etiam pro sagitta accipitur. Vergilius: *Perq; ilia venit arundo.*

Vallatoriæ, siue vallaris, vel sepicularis etiam aliud genus dicitur, quod vallis sepibusq; idonea sit. Dioscoridi aliud genus, quod phramites, & vulgo etiam Græca. Vitruuio cerdone & characia Græca. *χαράκειν* apud Græcos sepire est. Gracilis & candicans est. Ab artificio etiam nomina accipere. Aucupatoria è Panhormo laudatissima. Piscatoria Abaritana, Armentaria ex Africa. Reliquis enim omnibus naturalis alimenti præstantia differt. Quippe quæ & plenior, & carnosior est. Folium etiam & amplius & candidius, minusq; lanuginosa est, vt hastarum vicem præbeat. Plurimum etiam in vnoquoq; genere, firmitate, crassitie, exilitate, & tenuitate inuicem distant. Quod plerunq; ex loci natura & ortu euenit, vt iam superius dictum est. Aquaticæ autem, vsu multiplici, principatum obtinent. In India verò, prodente Solino, ex arundinum radicibus humor ad meleam suauitatem exprimitur. Nam & ibi arundinum dulces esse radices scribit Diodorus. Qui verò nunc Indiam perlustrauere, arundines dolij crassitudine ibi nasci prodidere.

Arundinis natura, & vis medica.

CAP. XLVII.



ERPENTEM arundinis ictu vno percussam obtorpescere Ælianus, & apud Apfyrtum Apuleius scribunt: altero verò ac tertio sese recolligit, & confirmat. Perdix etiam vt è nidulis suis noxias bestiolas abigat, arundinem ingerit. Rana Nilum ingressæ, arundinis frustum demordent, idq; obliquum fortiter gerunt. Sic enim harri piscis vim euitat. Non enim amplitudine habet, vt extensum frustum deuorare possit. Autor Ælianus. Canis, vt è Frontone est, non fugiet, si humida arundine à capite vsq; ad caudam eum dimensus fueris. Efficacissima autè in omni arundine, quæ radici proxima sunt, & genicula. Folia virentia moderatè refrigerant. Tusa verò & sacris ignibus, & alijs inflammationibus apposita, medentur. Luxata autem & lumborum dolores cum aceto illita leniunt. Radix enim cum suis bulbis tusa, atq; illita, spicula, surculos, spinas, & eiusmodi similia, subito

subito è corpore educit. Alij mel miscent, & omnia in linteolum compo-
nunt, & imponunt. Inest enim ei vis abstergerendi. Exutus cortex & ambu-
stus, ad discutiendum, attenuandumq; cum quadam leni abstersione, po-
tentissimus, vt tertio quodammodo ordine exsiccat & calefaciat: plus ta-
men desiccet, quàm excalfaciat. Nunc ad peculiare generum vires. Cy-
pria corticis cinere, alopecia cum aceto peruncta sanantur. Alexander
Trallianus de omni arundine scribit, & idem de radice. Item putrescentia
vlcera. Phramites non mediocriter adstringit. Recens verò tusa, aut etiam
eius radix trita, & in vino pota, venerem concitat. Arundinum verò sum-
moperè vitandus flos. Nam si aures intrauerit, adeò tenaciter inhæret, vt
auelli minimè possit, vt dein aures ipsas exsurdet. Magi apud Persas pro
baculo, arundine, vt ait Laërtius, utebantur: quo etiam autore, Euclides in
Alpheo flumine natans, arundinis acumine punctus interiit.

Syringis & Panos fabula, & de Agesilao, & Socrate.

CAP. XLVIII.



AGESILAVS, autore Aliano, arundini insidens cum filio
adhuc infante equitauit. Quod cum quidam vidisset, risit.
Agesilaus: Nunc, inquit, tace: quum enim ipse pater factus
fueris, tunc etiam patres imitaberis. Tantus enim parentū
erga filios amor, vt cum ipsis sæpenumero puerilia pera-
gant: vt non inconcinne medicus Allobrox & Valentinus, mihi aliquan-
do protulerit, filiorum hoc primum munus parentibus adferre, vt eos
dementes faciant. Quod his contingit, qui nimia in liberos indulgentia,
cum in his sæpe infatuantur. Socrates etiam nescio an cum liberis, cum
pueris tamen arundine longa equitauit, vt autor est apud Latinos Iuue-
nalis. Syrinx (vt fabulantur poëtæ) vna Arcadiæ Nympha fuit, atq; alia ex
his, quæ Dianam sequerentur. Hanc verò Pan adamauit. Illa amatorē sper-
nit. Fugientem verò Pan sequitur. Ladon fluuii remoratur. Sorores in
auxilium vocat, deniq; deorum miseratione in arundinem commutata
est: quam cum Pan excinderet, è septem disparibus calamis cera simul
compactis, & iunctis, fistulam sibi primus in amoris solatium confecit, vt
quam viuam habere non posset, saltem demortuam haberet. Vergilius:

Pan primus calamos cera coniungere plures Instituit.

Albertus Magnus eos, qui simulato amico fiderent, baculo arundineo
inniti dicebat. Nam ob leuitatem pro baculo, arundine utimur, qui pro-
pter leuitatem sæpius frangitur, sic amici ficti faciliè ab amico deficiunt.

De eryce.

CAP. XLIX.



RYCEM Athenienses, vt Plin. scribit, tetralicem vocabant.
Eubœa sisaron. M. Varro sisaram. Theoph. etiam tetralicem.
Columella erycem pro amaricine intelligit. Frutex est non
multum à myrice differens, verum multò minor. Folio &
flore in cãdido purpureus penè rorismarini, ideò Theoph.
roremarino similè dicit. Bis in anno floret. Ex cuius flore apes mel repro-
bum & sylvestre, arenoso simile, conficiunt, quod nonnulli è recentiori-
bus improbarunt. Discutiendi per halitū vim sine erosione obtinet, Gal.

&

& sequacibus prodente. Flore tamen & folijs eius potissimum vtendum. Flores & cacumina serpentium ictui illitu medentur. Gal. eius fructū inter adstringentia oculorum pharmaca recenset. Recentiores verò è floribus balnea sudantia & fomenta conficiunt, eaq; ratione podagris ac paralyticis se mederi existimant, quòd viscosos humores solui hoc modo arbitrentur. Stillatius liquor, vt illi perhibent, colico dolori laborantibus prodest, maximè verò si sitis atq; calor adsint. Florum decoctum, lumborum ac ventris dolores discutit. Erycem arborē in Ægypto Isidi quondā gratam Plutarchus memoriæ reliquit, quòd tempestate deiectum Osiridem, excepisset, & subitaneo incremento intra se clausum operuisset.

De agallocho.

CAP. L.



A G A L L O C H V M lignū, Aëtius xylaloen, ob amaritudinem vocat, quasi lignum aloes. Censetur enim esse hoc, & quod passim rhodinū vocatur. Thia ligno simile est, quod Plin. tarū vocasse videtur. Ex casia (inquit) & cinnami confinio cancanum & tarum inuehitur per Nabathæos Troglodytasq; ijs vicinos. Lignū Thia simile, maculosum, punctis distinctis, odoratum, gustu quadam amaritudine adstringens, cortice imò verius cute, versicolore. Arabica autē familiae medici agallochū baccas subrubentes quas harmonias vocant, ferre scribunt, piperis minuti similitudine, propterea piperellam vocant. Ex pluribus autem regionibus asportatur, non tam ad rem medicam, quàm ad plurimos luxus, ex India scilicet, Arabia & Ægypto. Fastigia eius, siue genera, nonnulli quatuor, alij plura ponūt. Indicum & ex Sappho Indiae vrbe sapphicū. Speon aliud genus est, verūm non omninò esse agallochum nonnulli arbitrantur. Hygrium vnū aliud genus est, id est, humidū, quod in quatuor alia differentia genera secarūt. Lignum autem hoc quandiu incorruptum, inodorum est, nec alias futurum odoratum, quàm vbi antea teredinibus computruerit. Siquidē verò suauiore marcere odorem asciscit. Quare solitū sub terra condi, quapropter locorum incolæ, in frustra dissectū sub terram componunt, multoq; aggere obruunt. Postea verò tēporis spatio, quo illis satis emarcuisse videatur, educunt, & mercatoribus vendunt Ægyptij, & alij delibrant, & corticem adiiciunt, & in hanc speciem redigunt. Recentiores autem pro eo alia eiusdē coloris ligna vendi, vt sylvestris olea dicunt. Sed hoc cōnubium depræhenditur, si prunis suppositū, absq; odore sit. Agallochum lignum Aloes existimant, quod de aspalatho Ruellius arbitrat. Radix

Agallochi vis medica.

CAP. LI.



A E T I O omnia agallochi genera excalfaciunt, desiccantq;, hygrium maximè, ac Indicū. Cætera verò longè minus. Halitus verò gratia ab his, quibus anima fætet, cōmanducatur. Thuris vice, ad odorē & suffimenta, incenditur. Ventrē sistit, & stomacho accōmodum. Particulas interiores corroborat, & duritias ventriculi liquefacit. Siccū tritumq; omnibus corporis partibus ad arcendos sudores inspergitur. Ex aqua enim bibitū, iocineris, laterisq; doloribus, dysenteria, & intestinorū torminibus succurrit.

Radix

Radix autem denarii pondere epota, languidū ex humore Ventriculū, resolutūq; confirmat, & eius ardores mulcet. Omnia verò eius genera, præter Indicum, si crebrò suffiantur, ob dulcedinem pediculos generant. Hoc enim solum propter suam acrimoniam nasci prohibet.

De rosmarino.

CAP. LII.

Rosmarinū inter frutices posuisse par est, verius enim quàm herba est. Quare Græci δένδρο λιβανόν, quasi herborascentē libanū vocāt. Testis etiā Gallia Narbonensis, cuius colles & tractus plures, eo perpetuò virent, vt multi haud temerè nō aliud lignū comburant: & ipse huius ligno aduersus pestis contagia, ad ignē vsus sum, cum ibi studiorū causa diuersarer. Græcæ λιβανώτης τεφανωμάσκη, à thuris odore, sic nomē mutuatus. Nam thus λιβανός dicitur, vt pro thure antiqui ad deorum sacrificia vsi sunt. Ramos mittit prætenues, circa quos folia minuta, densa, oblōga, pinnata, carnosā, intus concaua, & striata, & candicātia, supernè verò herbacea. Flore cum candido cæruleo, tactu resinaceo. Pluries in anno floret. Semine exili est, & atro. Radice nigra, multis fibris capillata. Frutex graui odore est. Cuius tria genera, de quibus apud Dioscoridis scholiastas.

Vires.

CAP. LIII.

Excalfactoriā vim habet, desiccātq; secūdo ordine. Omnia enim libanotidis genera, quorū hoc tertiū est, eadē vires possident, emolliendi scilicet, extergendi, & incidendi. Regiū sanat morbum, si in aqua decoctum ante gestationes, inambulationesq; sumptum, & post in balnea descendat, & merū bibat. Suffitu enim sitim, & distillationes sedat, & quod in primis egregiū est, incensus, nidore eius omnem aëris in pestilentia perniciem à domo propellit. Miscetur aco-
pis, & oleo, quod gleucinum, id est, musteum vocari solet.

PERORATIO.

Ec habui, venerāde domine Camerarie, quæ de hortorū historia scribēda existimauerim, in quo quidē opere mihi abundē ac amplē satisfactū iri arbitror. si vnus inter tot lectores mihi ariseris: scio etenim te rei arboraria cupidū et doctissimū vt hoc fauore nec mei laboris nec impensi pœnituerit, vtpotē cuius tuis beneficijs ac fauore has tantas sarcinas susceperim, vti si non æquas gratias habere possim, saltē pro his conatus nostros ex tua in omnes humanitate bono animo accipias. Nihil enim habui quod pro mea erga te amicitia maius offerre potuerim, propter ingēs opus et tot longas illius vigilias, vt nihil maius à me pro tua beneficētia expectare valeas. Quod si tale op^o sit quod à viris doctis laudetur, et in plurimos annos legatur, pluri mū tibi obtulisse existimabo nō ex meritorū cōpensatione, verū ex famæ gloria, quæ plus ex tui nominis memoria quā ex conatu meo cōtinget.

F I N I S.

SPECIAL 86-B
FOLIO 18518

2